



KIROHERI
DE ARTE
MAGNETICA












9339NN

poex

3633







ATHANASII
KIRCHERI

FVLDENSIS BVCHONII, E SOC. IESV.

MAGNES

siue De

ARTE MAGNETICA
OPVS TRIPARTITVM

Quo

PRÆTERQVAM QVOD VNIVERSA MAGNETIS

Natura, eiusque in omnibus Artibus & Scientijs vsus noua,

methodo explicetur, è viribus quoque & prodigiosis effe-

ctibus Magneticarum, aliarumque abditarum Naturæ

motionum in Elementis, Lapidibus, Plantis

& Animalibus elucescentium, multa huc-

usque incognita Naturæ arcana per

Phyfica, Medica, Chymica, &

Mathematica omnis ge-

neris experimenta,

recluduntur.



Sumptibus Hermanni Scheus sub signo Reginae.

ROMAE, Ex Typographia Ludouici Grignani. MDCXLI.
SUPERIORVM PERMISSV.

In Borea & Austri Acum.

*Terrarum Pelagique vias, Telluris abyssi
Occultos gyros, abdita iura Poli.
Nobile Naturæ ludentis in Orbe Theatrum,
Nexibus arcanis una recludit Acus.*



Αν θέλῃ ἀστροκόμοιο μαθεῖν ἄρρητα πόλιο
Τμήματα πῶν ἀνεμῶ. Τμήματα πάντα χθονὸς.
Πάντα τὰ μαγνήτις πολυμήχανος ἔξι διδάξων,
Θαύματα τὲ κόσμου, θαύματα πάντα φύσεως.

מה יקר ספר זה : בעין כל חכמים
סגולות ער אין סוף : הלא נמצא בו

לכן אהבוהו : אתם השלמים
כי הוא פהספר : אשר שמו כלבו

بهذه الامرة تخطيط في ملكوت الى ملكوت
طريق الى مخزن كل الدنيا

هذه باب الطبقات ومفتاح الثغور
مخفية فيه خزائن وكل عنا



FERDINANDO

III

AVSTRIACO

Sacratissimo Sapientissimoq;

ROMANORVM

IMPERATORI

GERM. HVNG. BOHEM. REGI

ΤΡΕΙΣΜΕΓΙΣΤΩ.

PIO, IVSTO, VICTORI.



MAGNETEM fero, CÆSAR TER
AVGVSTE. *Aquilarum nido inedi-* Plin.
ficatur Aetites lapis ; ego Magnetem
a 3 addo,

addo . Decebat Augustissimam Tuorum
Austriacorum Domum hic lapis : pretio-
sis enim tantum lapidibus construuntur
muri omnes Magnæ illius Domus . Do Ma-
gnetem , vt reddam , quæ sunt CÆSARIS
CÆSARI . Tuus est quod eum libera-
litate , & patrocínio traxisti . Tuus est ,
quia meus est ; Me enim Tuum fecit Ger-
mania Mater , & Nutrix SOCIETAS
IESV , Tua vtraque . Tuus est , quia
HERCVLEVS est . Habes Tu vnus , quod
vterque olim Hercules . Nam ita clauum
tenes , vt Imperatorio radio Hæreticis do-
mandis te Herculem Augustum Orbis
pondus sustententem gaudeamus , quan-
do antiquas Tuas legimus , nouas verò in
dies audimus , Tuo partas consilio au-
spicijsque victorias . Tu ferrum rexisti ,
MAGNES AVGVSTE , quando Mar-
tius proximus à Marte Tuo stetit . Sed
Hercules orbem humeris , Tu capite su-
stines , id est , illà quæ IMPERATORES , qui
Te præcesserunt vel æquas , vel eorum ,
quàm plurimos etiam superas scientià fa-
pien-

pienciaque .Trahis verò etiam omnes tot
catenis aureis ex ore Tuo fluētibus, quot
loqueris Gentium linguis. Magnes ferrum
ita scit repellere, vt sciat & trahere, prout
polus dictat . Tu quoties ferrum stringis,
pro cœlo pugnas , & Reipub. Catholicæ
bono, vt bello pacem, securitatem peri-
culis, ferro aurum emas IMPERIO . An-
nue Imperator, & Magnetem hunc Tuum
ad Augustos Maiestatis Tuæ pedes depo-
ni patere: trahet hic Magnes, iussu Tuo,
post se maiora . Summi olim orbis viri &
Cæsares, alij Philosophi, alij Iuris lin-
guarumque doctissimi, Mathematici alij,
Oratores & Mecænates alij audiebant,
gaudebantque appellari . Vnum horum
nomen Tibi non sufficit; ita omnia hæc no-
mina vnus, adeoque res ipsas complexus
es . Ita & inermis & armatus Magnes de-
betur vni TIBI. Viuunt in TE maxima
quæque in TVIS olim admiranda maiori-
bus; & iam thema dictas futuris seculis
quid de TE scribi debeat . Vale, & vince,

vt triumphet in FERDINANDO dominus
Exercituum DEVS. Romæ 4. Nonas
Maij . Anno MDCXLI.

S. C. M. Tuæ

Humillimus seruus

Athanasius Kircher. S. I.

MVTIVS VITELLESQVS,
SOCIETATIS IESV
PRAEPOSITVS GENERALIS.

CVM Opus de ARTE MAGNETICA P. Athanasij Kircheri nostræ Societatis, tres eiusdem Societatis, quibus id commisimus, recognouerint, ac in lucem edi posse probauerint; facultatem concedimus, vt Typis mandetur, si ita Illustris. & Reuerendiss. D. Vicesgerenti, & Reuerendissimo P. Magistro Sacri Palatii videbitur. In quorum fidem has literas, manu nostra subscriptas, & sigillo munitas dedimus Romæ 30. Nouembris 1639.

Mutius Vitellescus

Imprimatur, si videbitur Reuerendiss. P. Mag. Sacri Palatii
Apostolici.

Io. Bapt. Alterius Episc. Cam. Vicesg.

R Patris Athanasij Kircheri Soc. IESV, quod de ARTIBUS
MAGNETICA opus inscribitur, iussu Reuerendissimi
Sac. Palatii Magistri, legi, perlegi, diligenter examinaui Io.
Baptista Rinalducus I. V. D. Pisaurensis; nihilque in eo Diui-
narum, humanarumue legum praescriptis, aut Orthodoxae Fidei
documentis, contrarium reperi: Quin imò librum multa Doctrina,
variaque, ac recondita Eruditione (quod omnia eiusdem Patris
opera sapiunt) refertum; rerum adhuc mirabilium, atque expe-
rimentorum hucusque nouorum (quorum ego ferè omnium testis
oculatus fui) multiplicitate curiosum; non iucundum modò ijs,
qui prodigiosa Natura, in orbe terrarum ludentis, miracula
cupiunt aspicere; verum & perutilem omnibus fore existimo,
qui saepe fabulosis, atque anilibus quorundam de Celeberrimo
Magnetico lapide narrationibus confusi; Vera à falsis; à super-
stitiosis sacra; ab illicitis laudabilia, solidis confutationibus, ac
subtilibus, ex ipsamet Philosophia medullitus haustis rationibus,
segregata, & expurgata gustabunt in denudato Magnete:
Quapropter Librum in publicum, & necessarium usum, atque
Emolumentum Typis commendandum censeo. Roma 5. Eidus
Ianuarias M D C X L.

Idem Io. Bapt. Rinalducus.

Imprimatur,
Fr. Innocentius de Florentiola Lector, Reuerendiss. P.
Sac. Apost. Pal. Magist. Soc.

PRO-

P R O O E M I V M

A D L E C T O R E M.



*LLATVM non ita pridem ad me, Curiose Lector, ex India-
 nez num ex alio quouis ignoto mundi penu depromptum καυή-
 λιον, quo titulo id appellem, nescio, nouum, sane & exo-
 ticum prorsus naturæ portentum; certū tamen est, quod assero, exper-
 tissimorumque virorum καὶ ἀξιωματικῶν ἀποφύλα luculenter, imò multo-
 ties comprobatum. Res est in terrestri indumento indolem prorsus cæle-
 stem mentiens: in corpusculo suo totius mundi singulari sagacis naturæ
 industria insculptum exprimit ἀρχέτυπον; prima fronte res quidem ap-
 aret vilis admodum & despicibilis; qua tamen in totius naturæ maie-
 state admiratione nihil dignius productum esse, is solus, qui interiora
 eius penitus expenderit, comperiet: tanti pretij est, ut auro, argento, gem-
 mis comparari nulla ratione possit, utpotè ad totius mundi thesauros
 via, dux & clavis unica; ac quamuis omnis motus, uti & animæ expers
 sit, nihil tamen etiam immotà mobilius; nihil vita priuata viuacius.
 Brachijs quibusdam constat ita tenuibus, ut nullus visus adeò lynceus
 esse possit, qui ad ea pertingat, ijs tamen ita potentibus, ut extensione
 eorum non cælum duntaxat, sed & omnia mundi climata complecti vi-
 deatur; nec vlla gens sit adeo barbara, remotaquè, quam ipsa domitam
 non subiugat. Subtilitate præterea tanta prædita est, ut nullum clau-
 strum ita munitum, nullus carcer ita oclusus, quem ipsa non in mo-
 mento penetret, nullo, qui vim eius eludere possit, existente. Vnam &
 eandem rem simul & amat, & odit ita pertinaciter, ut nullis artibus
 ab amato separari, aut eidem etiam naturæ quadam contrarietate &
 repugnantia copulari posse videatur; omnia naturæ reconditoris sacra-
 menta aperit & explanat; artium & scientiarum omnium vera Simia;
 nunc eam Geometram agere, modo Geographum, iam Mechanicum &
 Nautam, sepe Magum & Astronomum, subinde Philosophum, Medi-
 cum, imò Theologum: verbo in mille formas Prothei more inuisibili qua-
 dam & imperscrutabili virtute transformare se maxima cum admira-
 tione videas. Verùm ne in primo præfationis meæ Vestibulo auidum
 Lectoris animum, hac enigmatica mea prolusione diutius suspendam;
 quid ea velim, paucis aperio.*

Qua-

P R O O E M I V M.

Quadriennium iam agitur, quo oculorum rationisq; arbitrio reconditioris literatura Prodromum Cophtum tibi stiti; nunc & arcanioris scientiae veluti successuarum horarum Prodromum Magneticum, magnetem inquam, singulare illud naturae monstrum, veram calorū simiā, totius Ideam vniuersi, nouorum mundorum reclusorem, diuinam quandam ad inexhaustas orbis terrarum diuitias virgulam & clauem, totius denique naturae compendium tibi exhibitum sisto; ut cuius inestimabiles dotes non nisi κατὰ τὴν ἀλλήγορίαν paulò ante descriptas admiratus es, eas tibi hac noua tripartiti operis expeditione, omni remoto velo pandens, clarè ob oculos ponerem. Eo autem fine ab Oedipo nostro is tibi sistitur; ut quorum animos monstrōsa illa Niloticorum exhibitione characterum, nouae inquam, insolentis, atque abstruse eruditionis pertractatione pertæsus prior forsā offenderat; eorum hic posterior varijs, nouis, curiosisque qua naturae, qua artis spectaculis instauratos ad sequuturi Oedipi mysteria arcanaq; primaue vetustatis sacramenta penitus introspectienda aptiores redderet habilioresque. Cum enim menti nostra ita comparatum sit, ut ex rerum altissimarum difficiliumque contemplatione, ceu ex attritu quodam hebescent, suo pondere in amoenissimarum iucundissimarumque rerum spectacula & quasdam, ut cum Thucydide loquar, εἰς τῶν πόνων ἀναπαύλας, quibus animus perpetui laboris intensione debilitatus, tantisper laxetur, feratur; certe Hercules in Aegyptiaca illa palestra huc usque ex antlatis laboribus, nullis ea alijs, nisi Herculei lapidis miris spectaculis in pristini vigoris gradū melius cōuenientiusq; reuocari posse videbatur, qui quidem vnicus huius tripartiti operis nostri, quod Magneticam Artem indigitamus, finis & scopus est; cuius prima elementa ante decennium circiter Herbipoli iacta, cum haud exiguo plausu à plerisque excepta, imò magnam experimentorum in ea contentorum partem Thaumaturgo Mathematico non ita pridem Coloniae edito (nulla tamen facta mei mentione, quod ideo hoc loco adiungo, ne quis falcem in alienam messē, dum hic quadam ex meis repeto, me misisse sibi persuaderet) insertam aduertissem; certè gratiam me apud eos, qui prodigiosis huiusmodi ludentis naturae operibus delectantur, initurum credebam, si memorata illa elementa multorum laudabili opportunitate ad incudem reuocata, in vberiore admirabilium rerum segetem deducerem; & arijs adhuc diuersisque rerum in exteris regionibus longo usu, & multa cum eximijs artificibus conuersatione acquisitarum experimentis, auctiorem longè locupletiolemque, uti metho-

P R O O E M I V M.

*methodo noua & vniuersali, ita cuius professioni maximè accommo-
data, veluti quoddam grauiorum studiorum condimentum, seu interlu-
dium exhiberem.*

*Porro etsi non ignorem, alios quoque non sine gloria palma in hoc
Herculeo puluere desudasse, quos inter Gilbertus Anglus, vel tanto reli-
quis eminentior censei debet, quanto de Magnetis, natura primus, ve-
rius, subtiliusque philosophatus est; tùm Leonardus Garzonius, quorum
vestigijs insisterens, singularis ingenij atque industria Vir Nicolaus Ca-
beus è Societate nostra Sacerdos, de suo penu selectas quasdam raro-
resque obseruationes producens, rationesque experimentis probatissimis
coniungens, quæ in Gilberto alijsque circa Magnetis naturam falla-
cia errorisque occasione præbere poterant detexit; mutila & manca
perfecit; ignota prius & incerta subtili argumentorum demonstratio-
numque indagine, opere integro quod Philosophiam Magneticam inscripsit,
probè sanè eruit. Hos ego tandem sequutus, quid in hac palæstra
egerim, quid spartam meam ornarim, æquo Lectoris iudicio relinquo;
hoc addo, methodum hic seruata à citatorum Authorum methodo,
vti ex ordine, dispositione contextuque operis sat liquet, prorsus diuer-
sam: Illi Philosophiam Magneticam sola causarum inquisitione conten-
ti, tradunt; ego Artem trado Magneticam, eamque ita quidem pertra-
cto, vt in ea tamen nec praxin Theoria, nec Theoriam praxis unquã
destituat; imo quod subtili indagine speculatio inuenit, hoc ars, seu pra-
xis προβληματικῶς in opus externum deducere, & sui que humano appli-
care mox conetur; quod vt vniuersalius faciam, ita Physica Mathema-
ticipis, mathematica medicis, medica chymicis, singula denique per me-
chanicas regulas & variam experimentorum adductionem ordine reso-
lutorio, Physicis & moralibus ita adapto, vt nullam professionem futu-
ram putem, quæ ex hac Arte nostra non apta, grataque ingenio suo pa-
bula sit receptura. Si enim vlli eorum qui φυσικός ποιοῖ καὶ πολυμήχανος
cum in vniuersa natura disquirenda, tum in Magnetis potissimum,
abstrusiori natura indaganda videri volunt, eum me planè possum pro-
fiteri; hinc quo perpetuò molientis ingenij inquietudini quouis modo
satisfacerem, ad veritatis venationem nihil non tentatum reliqui, hinc
nullum non lapidem moui, vt si quid abstrusum, inuisum & vt cum
Homero loquar ὡς αἶόν τε πελώριον ἔργον non in Latinorum dum-
taxat, sed & Græcorum, Hebræorum, Arabum, aliorumque Orien-
talium monumentis comperirem, decerpere; viros varia scientia ac
longa*

P R O O E M I V M.

longa variarum rerum experientia instructos, quorum in Germania, Belgio, Gallia, Italia, Sicilia, alijsque partibus consuetudine quondam usus fueram, ut si quid novi curiosique nacti essent, aut uspiam prodisse intellexissent, de ijs me certiore redderent, frequentibus sollicitavi epistolis; Hinc factum est, ut præter ea, quæ legeram aut didiceram, continua illa empeirici studij exercitatione, multa quoque & ego ipse quotidie reperirem, haud inter vulgares inuentiones reponenda, cuiusmodi inter multa alia alijs tractatibus, quos molior, reseruata, hæc quoque Magneticae artis experimenta sunt, quæ dum publici iuris facio, nihil in hoc quantulocunque opere, quod quantum per me licuit proprijs experimentis non comprobatum stabilitumque sit, producere constitui, quorum omnium conscius & testis duronius is esse poterit, cui huius censura operis, non immerito commissæ fuit, D. Io. Bapt. Rinaldus I. V. D. uti genere, ita multarum rerum scientiarumque notitia illustris; imò proprijs periculis uniusque aut alterius oculis non contentus, alijs atque alijs cum Eminētissimis, tum Excellētissimis viris ad hosce iucundissimos naturæ lusus spectandos inuitatis, opus posteritati commendandum, vel ijsdem spectatoribus veluti exhibita veritatis testibus, ne pro veris falsa, aduata pro paradoxis, pro expertis in experta obtrudere velle viderer, germano candore publica apodixi stabilire constitui. Quæ proinde spectacula à me haud infrequenter exhibita, cum non exiguam in animis multorum admirationem peperissent, fuere qui curiositate quadam incitati nullum non mouerint lapidem, ut Lapidem nostrum eiusque mirabilium in naturæ rerum operationum ad humanos usus applicationem quouis modo, assertis etiam Exteris, ijsque maximis in sollicitatores viris, extorquerent. Quin ipsa Sacra Imperatoria Maiestas aliorum relatione hæcce nugæ meas, ut Plautino more loquar, aliquid esse apud se passa, literis ultrò ad me licet indignum datis, cum ad hoc, tum ad cetera Aegyptiacæ eruditionis opera omni studio persequenda cum gratia Cæsarea operam suam una clementer offerendo, excitare non est dedignata, qua quidem dignatione adeo me deuinctum sentio, ut, cum omne maximum veluti nihilum ad tam excelsæ Maiestatis dignitatem quilibet prudens reputare debeat, ea dignum quid moliar, scribamur, non reperiam; hoc unum opto voueoque, ut si quid imposterum luce publica haud indignum Resp. lit. à mea tenui opera prodire intellexerit, id non mihi, sed ei, qui alis me Cæsareis ad volandum excitauit, adscribat. Porro banc alij quoque maxime dignitatis viri sequuti, qua consilijs, qua auxilijs

pro-

P R O O E M I V M.

Promouentes opus instanter sollicitarunt: Quorum officiosa, ut ita loquar, importunitate, atque armatis quasi precibus deuictus, eorum laudabili desiderio quouis modo satisfieri debere existimaui, etsi infirmitatis meae mihi conscius verear, ne hoc ludibunda naturae opus viro- rum grauissimorum expectationi non usquequaq; respondeat; memor tamen illius κατάληψις τῶν Αρχόντων ἄλλως τὴν ἀνάπαυσιν ἀναζητῆ, omni metu discusso, laxatisque ingenio habenis, quaecumque rara, inuisa & bucusque in natura rerum incognita, quo opus splendidius uberiusque prodiret, sine omni tamen fucō & fallacia, ut ij qui omnia lustrarunt, videruntq; testari poterunt, producenda duxi; Vt autem εὐμεθόδως maiorique cum perspicuitate in hac arte nostra procederem, Primo statim Libro Magneticae naturae disquisitionem ab imis penetralibus inchoare visum est: ut cognitis tam admirandarum virium causis, in- admirandorum quoque incredibiliumq; effectuum officinam Lector audi- dius introduceretur. Quam quidem officinam Secundus Liber, qui Magnes Applicatus inscribitur, varia & multiplici applicatione pandit; in quo quidem, si nonnulla prorsus trita, & vulgaria repererit Lector eruditior, id sciat eo à me consilio factum, ne quicquam earum rerum, quae magnetica vi peragi possunt, nos omisisse obijci posset; Eandem ob causam per totum hoc opus stylo minimè affectato, aut Rhetorum more calamistrato; sed pro reconditioris materiae re- rumque abstrusissimarum condititione, simplici, plano, ac didactico, ut plurimum usus sum, satius esse ratus, in arduarum ac difficilium re- rum expositione methodum claritatemque sectari; quam rerum seridè tractandarum dignitatem & splendorem, nescio quibus fucosis verborum lenocinijs imprudenter obfuscare. Porro cum totius naturae ambitum per vniuersi circulos longè sublimiori carpento, quàm quo vectum Promethea, vel Triptoleum ferunt, agitatus, singularumq; rerum pugnas & similitudines, consensuum quoque leges atque dissensuum longe firmissi- mas paulò attentius considerans, easdem simul & unitate sentirem, & multitudine regi, agentium rerum ac passibilium sympathia pro- gnatas causarum antipathia dissolui celeriter, interitusque vicissitudi- nem experiri; naturamque adeo in omnibus magneticae artis leges af- fectare compererim; hinc Tertium Librum Magneticam Catenam in- scripsimus, qua rerum omnium in hoc vniuerso elucescentium nexum unionemque, rerumque adeo diuersarum dissimiliumque in unum ta- men conspirantium actiones non nisi Magnetica quadam facultate.

iuxta

P R O O E M I V M.

*iu xta certā analogiā , multiplici variorū καὶ τῶν ἀπορρήτων τεχνασμά-
 των specimine perfici complerique demonstrare conamur. Quæ quidem si
 curiosus, sagax, industrius, καὶ πολυμηχανος Lector proprio experimen-
 to in opus deduxerit; eum non iam amplius infamia illa πολυματέας
 studia, ac fallaces, suspectas, Leoque ac hominibus exosas artes, vel
 potius imposturas, ad quas pruriente illo mira sciendi, præstandique
 omnibus innato desiderio plerique ad famam aliquam nominis compa-
 randam inclinati sunt, curaturum existimo; sed huic arti nostræ
 Magnetica totius naturæ ambitum amplectenti, certæ, securæ ac nulla
 Satanicæ fraudis suspicione sedata, fulcitum, ea se, quæ & supra om-
 nes magorum præstigias atque incantamenta ἀμσα καὶ ἀδύνατα vi-
 deantur sola vi naturæ se nouerit præstiturum. Dixi sagax & indu-
 strius Lector, ne si quis forsan in huiusmodi experimentorum exhibi-
 tione, non ea, quam requirunt cura & industria, peracta, sperato suc-
 cessu destituatur, idèd meæ in rebus complurium testimonio iam sat com-
 probatis fidei sinceritatique deroget; dici enim vix potest, quàm hoc
 experimentalis philosophiæ studium insignem industriam, quam va-
 riam diuersarū rerum notitiā, quam minutā singularum circumstantia-
 rum expensionem, quam denique infractam patientiam, ut optatum suc-
 cessum sortiatur, requirat; quas difficultates non Hippocrates tantum,
 sed & Aristoteles, Plinius, quotquot denique abdita naturæ scrutinio
 unquam operam tuā impenderunt, una mecū experti sunt; ut proindè
 non unusquisque, sed is solus, quem DEV S & Natura ad id destinaue-
 rit, huic studio aptus idoneusq; existimari debeat. Quicumq; verò memo-
 ratis naturæ talentis instructus huius Philosophiæ adyta intrauerit: is
 præter dulcissimos laborū fructus, ex hisce Philosophiæ Magneticæ præli-
 bationibus quantumvis exiguis perceptos, innumerā etiam inuentionum
 aliarum segetem se nouerit collecturum. Quod cum fiet, nihil restā-
 bit, nisi ut idem DEV M Opt. Max. qui magna & mirabilia,
 quorum non est numerus, solas efficit, in Natura, hoc
 est, Arte sua cognoscat, cognitum sine mensura
 diligat, uti rerum omnium, ita unicuique
 mentis nostræ scopum, centrum
 M A G N E T E M.
 Vale.*

SYNOPSIS
TOTIVS TRIPARTITI
OPERIS MAGNETICI.
LIBER PRIMVS
ARTIS MAGNETICAE.

De Natura & facultatibus Magnetis

PARS PRIMA.

Περί γενεῶν.

De Magnete in genere.

- | | |
|---|----|
| 1. De Etymo & difficili magnetis scrutinio. | I |
| 2. De generatione Magnetis. | 4 |
| 3. De Ferro eiusque generatione. | II |
| 4. Vtrum magnetes diuersi, specie differentes inueniantur. | 16 |
| 5. Vtrum magnes priscis Aegyptijs, Chaldaeis, Græcis fuerit cognitus. | 20 |
| 6. De inuentione Pyxidis Nauticae. | 28 |

PARS SECVNDA.

Θεωρηματικὴ.

De omnibus & singulis Magnetis facultatibus.

- | | |
|--|-----------|
| Definitiones, Axiomata, Postulata. | 36. 37 |
| Prop. 3. <i>Magnetismus terræ.</i> | 41 |
| Theor. 1. Terrenus globus insita sibi à natura facultate ad polos mundi se disponit. | |
| Propos. 2. <i>Verticitas polaris magnetica.</i> | 55 |
| Theor. 2. Magnes quiuis duos oppositos polos habet, quibus se ad terreni globi polos disponit. | |
| Prop. 3. <i>Vis attractiua.</i> | 62 |
| Theor. 3. Magnes magnetem aliaq; sibi cognata corpora attrahit. | |
| Prop. 4. <i>Communicatiua vis magnetis.</i> | |
| b | Theor. 4. |

S Y N O P S I S

<i>Theor.</i> 4. Magnes vim suam ferro communicat.	
Propos. 5. <i>Armatura Magnetis.</i>	70
<i>Theor.</i> 5. Magnes ferro vestitus virtute plurimum augetur.	
Propos. 6. <i>Attractiua & repulsiua vis magnetis.</i>	74
<i>Theor.</i> 6. Magnes ferrum nunc attrahere, nunc repellere videtur.	
<i>Theor.</i> 7. <i>Vis penetratiua magnetis.</i>	78
<i>Theor.</i> 7. Vis magnetis, quarumvis rerum penetratiua est.	
Propos. 8. <i>Actus magnetis Sphaericus.</i>	81
<i>Theor.</i> 8. Actus Magnetis sphaericè diffunditur.	
Prop. 9. <i>Directio radiorum magneticorum.</i>	84
<i>Theor.</i> 9. Tota virtus magnetis per puncta polaria in circumferentiâ propagatur, & certa ratione dirigitur.	
Propos. 10. <i>Magnetis ad terram similitudo.</i>	91
<i>Theor.</i> 10. Magnes imitatur naturâ Telluris.	
Propos. 11. <i>Variatio magnetis.</i>	94
<i>Theor.</i> 11. Acus in diuersis mundi partibus diuersimodè variat.	
Propos. 12. <i>Inclinatio magnetis.</i>	96
<i>Theor.</i> 12. Magnetica acus, certa ratione librata pro ratione latitudinis loci alicuius eleuatur aut deprimitur.	
Propos. 12. <i>Motus magnetis circularis.</i>	100
<i>Theor.</i> 13. Magnes ad motum magnetis iuxta positi, circulares affectat motus.	
Propos. 14. <i>Conseruatio & corroboratio magnetis.</i>	112
<i>Theor.</i> 14. De morbis magnetis eorumq; cura.	
Propos. 15. <i>Scobis ferrea & Magnetica vis.</i>	123
<i>Theor.</i> 15. Scobs ferrea, & magnetica vi tractiua pollet, etsi diuersimodè.	
Propos. 16. <i>Linea magnetismi.</i>	125
<i>Theor.</i> 16. Magnetica vis rectis lineis propagatur.	
Propos. 17. <i>Sphæra magnetismi.</i>	172
<i>Theor.</i> 17. In Sphæra modum diffunditur.	
Prop. 18. <i>Motus magnetismi.</i>	130
<i>Theor.</i> 18. In temporis momento totam Sphæram complet.	
Propos. 19. <i>Vniiformis, difformis motus magnetismi.</i>	131
<i>Theor.</i> 19. Longius profecta paulatim languescit magnetis actio.	
Propos. 20. <i>Proportionalis propagatio magnetismi.</i>	132
<i>Theor.</i> 20. Aequalibus spacijs inæqualibus deficit decrementis.	
Pro-	

T O T I V S O P E R I S .

Propos. 21. *Celeritas, figura, moles magnetis.* 135

Theor. 21. Celeritas & efficacia motus magnetici, ex mole, figura, medio, distantia magnetis desumenda.

Propos. 22. *Proportio virtutis in corporibus homogeneis.* 137

Theor. 22. In homogeneis magnetibus, ut magnes ad magnetem, ita virtus ad virtutem.

Propos. 23. *Proportio virtutis in magnetibus heterogeneis.* 138

Theor. 23. In magnetibus heterogeneis dici non potest, ut moles ad molem, ita vis huius ad vim alterius.

Propos. 24. *Termini magnetici in directione.* 140

Theor. 24. De varia partium à toto separatione.

P A R A D O X A .

Theor. 25. Paradoxum 1. In magneticis similia gaudent dissimilibus; & contra. 144

Theor. 26. Paradox. 2. Possunt duo versoria ita constituti, ut inimica eorum puncta fiant amica. 147

Theor. 27. Paradox. 3. Debile superat forte, paruum magnum. 149

Theor. 28. Paradox. 4. Dari potest versorium magnete quantumvis efficacissimo affectum, quod nullum tamen magneticæ directionis, seu verticitatis vestigium ostendat. 151

Theor. 29. Paradox. 5. Datur in magnere punctum, ad quod versorium diuerso tempore affricum, nunc in Austrum, modo in Boream se disponendo vim acquirit. 153

Theor. 30. Paradox. 6. Versorium magneti affricum subinde vnam tantum actu faciem acquirit. 156

Theor. 31. Paradox. 7. Magnes ferrum ignitum æquè ac frigidum trahit. 157

Theor. 32. Paradox. 8. Ferrum eadem sui extremitate & trahit & repellit. 158

Theor. 33. Paradox. 9. A maiori magnete minor rescissus subinde robustior toto est. 159

Analyses quarundam propositionum. 160

ARTIS MAGNETICAE
LIBER SECVNDVS.

siue
MAGNES APPLICATIVS.

Quo varius huius lapidis vsus declaratur.

PARS I. Περί του μαγνητός.

PROGYMNASMA I.

Statica Magnetica.

- Theorem. 5.* De libratione grauium & leuium in aquis. 168. & seq.
Pragmat. 1. Motiones magneticas ἀίετος ἀπὸ μαγνητός explorare. 172
Pragmat. 2. Magneticas motiones ὑποστασιαστικὰς explorare. 173
Pragmat. 3. Eisdem ἀντιβάρυνσας ἀπὸ μαγνητός disquirere. ibid.
Pragmat. 4. 5. 6. De libratione globi in centro aquæ. 175. & seq.
Propos. 6. Probl. 2. Vīm magnetis libra expendere. 178
Propos. 7. Probl. 3. Quantum plus trahat polus magnetis Boreus
quam Austrinus staticè explorare. 179
Propos. 8. Probl. 4. Magnes armatus quantum plus trahat inermi
explorare. 180
Propos. 9. Probl. 5. Tractiua vī magnetis bonitatē ferri explorare. 181

PROGYMNASMA II.

Centrobaryca Magnetica.

PROG

- Probl. 1.* Dato corpore magnetico sphaerico, homogenearum
partium, centrum virtutis eius reperire. 183
Probl. 2. Cubi magnetici, Prismatis, Parallelopipedi, Cylindri,
aliorumq; corporum ordinatorum centrum vī virtutis
reperire. 184
Probl. 3. In magnete conico vel pyramidali idem inuenire. 185
Probl. 4. In parabolico idem reperire. ibid.
Probl. 5. In magnete hemisphaerico id reperire. ibid.
Probl. 6.

T O T I V S O P E R I S.

- Probl. 6.* In magnete heterogeneo id reperire. 186
Probl. 7. Quantum spuriae materiae in quolibet magnete dato sit reperire. 161

P R O G Y M N A S M A III.

De variorum Magneticorum confectione & animatione. 187

- Pragmateia 1.* Versorij fabrica. 188
Pragmateia 2. Versorij animatio. 190
Pragmateia 3. Chartacei versorij constructio. 191
Pragmateia 4. Declinatio versorij. ibid.

P R O G Y M N A S M A IV.

Tabularum pro Astrolabio Magnetico conficiendo, supputandarum per Sinus & Logarithmos methodum & rationem exhibens. 193

S E C T I O I. *Prærequisita.*

Prærequisita ad Tabulas altitudinum Solis sine Almucantararum. 194

- Lemma 1.* Altitudinem Solis meridianam quouis tempore reperire. 199
 2. Data qualibet hora distantiam eius à meridie assignare. ibid.
 3. Solis in Circulo horæ sextæ Astronomicæ constituti altitudinem inuenire. 200
 4. Sinum altitudinis Solis in verticali primario constituti indagare. 202
 5. Declinationem Solis inuenire quouis tempore. 203
 6. Amplitudinem ortiuam & occiduam cuiuslibet signi supputare. 203
Problem. 1. Sole æquatorem subeunte eleuationes Solis in horis Astronomicis indagare. 204
 2. Dato quouis parallelo Boreali, Solis in eo altitudinem quouis hora, cuius distantia quadrante minor est, supputare. 200

S Y N O P S I S

- | | | |
|----|--|-----|
| 3. | Altitudines ☉ a meridie ultra 90 gradus distantis. | 208 |
| 4. | In Australibus signis easdem & | 209 |
| 5. | Pro horis ab ortu & occasu, vti | 211 |
| 6. | & pro horis in æqualibus supputare. | 213 |

S E C T I O II.

De Calculo Azimutalium.

- | | | |
|------------------|--|-----|
| <i>Lemma.</i> | Complimenta arcuum hætemeriorū ad horas Astronomicas computare. | 216 |
| <i>Probl. 1.</i> | Azimutha Solis in ☉ constituti, singulis horis Astronomicis computare. | 217 |
| <i>Probl. 2.</i> | Azimutha horarum inæqualium supputare. | 218 |

P R O G Y M N A S M A V.

- | | | |
|------------------|--|-------|
| | De Mechanica tabularum computandarum methodo, vti per Analemmata & Astrolabia. | 219 |
| <i>Probl. 1.</i> | Tabulas altitudinum Solis, ope Analemmatis indagare. | ibid. |
| <i>Probl. 2.</i> | Azimutha Solis, datis quibuslibet horis indagare. | 222 |
| <i>Probl. 3.</i> | Ex Astrolabijs eadem eruere. | 223 |

L I B E R S E C V N D V S.

A R T I S M A G N E T I C A E.

P A R S S E C V N D A.

G E O M E T R I A M A G N E T I C A.

C A P V T I.

In qua multiplex magnetis vsus per Problemata declaratur, ac de primo Magnetico instrumento eiusque fabrica & vsu in Altitudinibus, Latitudinibus, Profunditatibus dimetiendis.

226

Caput

TOTIVS OPERIS.

Caput I I.

Pantographice Magnetica.

239

Siue de alio instrumento magnetico, eiusq; in perspectiua, atque omni rerum delineandarum genere, vsu atque vtilitate, & demum de instrumento magnetico mirabili iter locum, & distantias absque gestantis ope notante, eiusque constructione.

239. & seq.

Caput I I I.

Instrumentum Παντομέτρον.

De instrumeto nouo Pantometro Ichnographico-magnetico, eiusq; mirabili in Geometria vniuersa & Astronomia vsu duodecim Problematibus explicato.

251

P A R S I I I.

ASTRONOMIA MAGNETICA.

Variae hypotheses Magneticæ.

277

Caput I.

Sphæra Magnetica.

280

- Probl. 1.* Planisphærium, siue Astrolabium magneticum construere; declaraturq; vsus eius decem propositionib. ibid.
2. Calendarium Magneticum conficere, duabusq; propositionibus declaratur.

285

Caput I I.

Vranographia Sciotherico-magnetica.

In qua totius primi mobilis doctrina, versorio magnetico ad umbram ☼ declaratur.

288

- Probl. 1.* Zodiacum magneticum construere.
2. Azimutha, seu verticales, præparato Zodiaco magneticè inscribere.

289

299

b 4

9. Ho-

S Y N O P S I S

3. Horizontem pro data qualibet latitudine inscribere. 293
- 4.7
5. > Horarum Astronomicarum ab ortu & occasu, vti & inæ-
6. J qualiū Horologium magneticum construere. 294. & seq.
9. Duodecim domus cœlestes horologio Magnetico inscribere. 301
8. Azimutha & Almucantaras, siue circulos altitud. & horizont. Magneticè delineare. 330
9. Lineas Signorum tam ascendentium, quàm descendentium Magneticè describere. 305

Caput III.

Horologiographia Magnetica. 309

Qua omnis generis horologia Magnetica, non sciatherica, vti & alia Astronomica ita conficiuntur, vt se ipsis symmetricè motis quæcunq; volueris monstrant. 309

- Probl.* 1. Parascheuasticon motorum & mobilium rationem ostendens. ibid.
2. Horologium Magneticum construere, horas Babylon. Ital. Planetarias, noctu denique Magneticæ demonstrans. 311
 3. Chronoscopium regiminis planetarum magneticum construere. 313
 4. Astrolabium, siue planisphærium magneticum totius primi mobilis doctrinam exhibens. 314
 5. Horoscopium magneticum vniuersale per totum orbem construere.

P A R S IV.

MAGIA NATURALIS MAGNETICA. 324

Caput I.

Mechanica Magnetica. 325

- Praef.* 1. An motus perennis virtute magnetis effici possit. 326
- Prae-*

T O T I V S O P E R I S .

- Prælus. 2.* Sphæra Archimedis quænam fuerit & quomodo confecta. 335
- Probl. 1.* Globum in centro vitreæ Sphæræ ea ratione librare, vt vintiquatuor horarum spatio cursum sympathico motu conficiat. 342
- Probl. 2.* Alia ratione hunc globum constituere. 345
3. Motum Solis & Lunæ Stellarumq; fixarum in vitrea Sphæra repræsentare. 346
4. Motus epicycli & excentrici Planetæ alicuius magnetico motu exhibere. 347
5. Omnes hucusque declaratas machinas Magneticas ita animare, vt nullum motionis suæ finem habeant, siue quod idem est, motum perpetuum iisdem inducere. 349
Sphæra Archimedæa Magnetica. 351
6. Qua ratione Serapidis quadriga, Arsinoës Statua & Bellerophôntis equus in aëte suspēdi vi magnetis possint. 356
7. Architæ columbam volantem in aëre Magnetico artificio exhibere. 353
8. Historiæ Ionæ à Pisce absorpti repræsentatio Magnetica, cui varia magnetis ludrica subiiciuntur. 360
Horologium Anaclasticum Magneticum.
- Siue per refractionem, quo Statua Magnetica motum cœli mira quadam ratione sub aqua ostendit. 361
- Catoptrica Magnetica*, qua certa speculorum dispositione imagines reflexæ & multiplicatæ, motu magnetico varia iucundaque rerum exhibent spectacula. 363
10. Dædali Statuas repræsentare. ibid.
11. Alueare, siue apiarium Magneticum exhibere. 365
12. Anemoscopium Magneticum, idest, machinam construere motu sympathico ventos demonstrantem. 365
Cui Auctarium Ludicrorum magnetis adiungitur. 368
& seq.

Caput I I.

Hydromantia Magnetica.

- Probl. 1.* Fabrica cistæ hydromanticæ cum rotulis & funibus. ibid.
2. Ma-

SYNOPSIS

2. Machinam construere in qua ad quæstionem factam de quavis materia à Statuis responsio datur. 372
3. Alio artificio dicta repræsentare. 376
4. Onomatomania Magnetica, qua quod nomen, verbum, aut literam quispiam animo conceperit ex ijs, quæ limbo vasis inscripta sunt Statua Magnetica manifestat. 377

Caput III:

Steganologia Magnetica. 380

- Probl.* 1. Occultos animi sui conceptus absenti vi Magnetis manifestare. 387
2. Instrumentum magneticum facere, quo per signa ad vnâ atque alteram leucam vltro citroq; colloquium institui possit. 389
3. Alia methodus vi Magnetis conceptus suos alteri manifestandi. 392

PARS V.

GEOGRAPHIA MAGNETICA.

- Prælud.* De necessitate emendandæ Geographiæ. ibid.
- Sectio* 1. De inclinatione Magnetica. 399
- Propos.* 1. Vtrum latitudo regionum ope magnetis inueniri possit. 399
- Propos.* 2. Theor, Magnes pro ratione latitudinum locorum depri-mitur aut eleuatur duo lemmata. 406
- Propos.* 3. *Probl.* 1. Gradum verum inclinationis Magneticæ infra Horizontem reperire. 407
- Propos.* 4. *Probl.* 2. Inclinationum tabulam per Sinus & Logarithmos construere. 415
- Propos.* 5. *Probl.* 3. Inclinatorium Magneticum construere, eleuationes poli in toto terrarum orbe indicans. 420

TOTIVS OPERIS.

SECTIO III.

De variatione Magnetica.

<i>Caput 1.</i> De varia obseruatione declinationis Magnetis à linea meridiana, & vtrum regionum longitudo per eam inueniri possit.	425
<i>Caput 2.</i> De obseruationibus Oceanicis.	431
<i>Caput 3.</i> De obseruationibus factis in mari Mediterraneo.	435
<i>Caput 4.</i> De obseruationibus factis per totam Europam.	437
<i>Tabula 1.</i> Generalls omnium obseruationum Maritimarum.	439
<i>Tabula 2.</i> Ioannis Telieri Indicarum obseruationum.	446
<i>Tabula 3.</i> Declinationum Terrestrium.	453
<i>Caput 5.</i> Disquisitio causæ harum declinationum.	456
<i>Quæst. 1.</i> Vtrum declinatio sit ex debilitate acus, an ex alijs causis.	456
<i>Quæst. 2.</i> Vtrum proueniat ex incongrua ad Magnetem affric-tione.	459
<i>Quæst. 3.</i> Vtrum ab eminentijs terrestribus: & veræ causæ assignatio.	466
<i>Caput 6.</i> De variatione variationis Magneticæ.	472
<i>Quæstio.</i> Vtrum Magnetis declinatio loco perennis sit. si non: disquisitio causæ veræ variationis variationum.	479

PARS VI.

NAUTICA MAGNETICA.

CAPVT I.

De Nautica pyxide in genere.

<i>Probl. 1.</i> De Nauticæ pyxidis compositione.	48
<i>Tabula ventorum.</i>	489
2. Alia pyxidis confectio.	494
3. Variationem Magneticam in mari reperire.	495
4. Lineæ meridianæ inuentio per vnam obseruationem & consequenter Καλυβέκλιαιες.	497
5. Ea-	

SYNOPSIS

5. Eadem inuenire per instrumentum nouum. 500
 6. Vtrum & quomodo longitudo terrestris inuestigari possit.
 ibid. 506
 7. Distantias καλυβολιστος in mari reperire. 506
 Noui mecometri instrumenti descriptio. 508
 Aliud instrumentum μηρόμετρον pro differentijs horarum
 inter duo loca longitudine diuersa inueniendis, con-
 struere. 512

CAPVT II.

De pyxididis nauticæ varia directione. 514

- Probl. 8.* Distantiã duorum locorum sub iisdem Rhomborum lineis
 inuenire. 518
 Tabulã indicans milliaria in mari sub quouis rhombo con-
 fecta. 520
 Vfus Tabulæ cum canonibus tabularum computandarum. 521

LIBER TERTIVS. ARTIS MAGNETICÆ.

MVNDVS SIVE CATENA MAGNETICA.

P R O O E M I V M.

- Prelus. 1.* De occultis naturæ operationibus, earumq; causis. 527
 2. De consensu & dissensu rerum in particulari. 532

PARS PRIMÆ.

Ουρανομαγνητισμός.

siue

De terræ, planetarum, astrorumq; Magnetismo.

Caput 1. De consensu Coeli & Terræ.

527

Quæ-

T O T I V S O P E R I S .

<i>Quaest.</i> 1. Vtrum terra, Sol, astraq; reliqua Magnetica sint.	538
<i>Sectio</i> 1. Confutatio sententiæ de terræ motu Gilberti.	540
§. 1. Tellus non est magnus magnes.	542
§. 2. Ex motu magnetis circulari, terræ motum nequaquam colligi posse.	546
<i>Sectio</i> 2. Confutatio argumentorum Keppleri.	551
§. <i>Απόδειξις</i> magneticorum corporum ex proportionib.	556
<i>Quaest.</i> 2. Vtrum memoratæ motuum hypotheses magnetica arte effici possint.	567
<i>Theor.</i> 1. Sol eandem longitudinem iuxta Eclipticam motu terræ, quam statione eiusdem habet.	568
<i>Theor.</i> 2. Luna eandem habet in Ecliptica longitudinem, siue terra stet, siue moueatur.	571
<i>Probl.</i> 1. Hypothesin terræ magnetico artificio exhibere.	572

P A R S I I.

Ετοιωµα γυντισµός. siue

De Magnetica Elementorum facultate.

<i>Cap.</i> 1. De Elementis in genere eorumq; Magnetismo.	579
<i>Cap.</i> 2. Magnetica Elementorum vis experimentis ostēditur.	583

De Thermoscopijs eorumq; vsu.

<i>Quaest.</i> 1. Vtrum attractio & repulsio elementorum vere magnetica sit.	588
--	-----

Ετοιωµα γυντισµός applicatus.

<i>Exper.</i> 1. Machinam construere vi repulsiua aquas spargentē.	595
<i>Exper.</i> 2. Machinas construere vi attractiua aquas spargentes.	597
<i>Exper.</i> 3. Machinam hydracliam attractiua & expulsiua vi omnis generis iocos exhibentem construere.	600
<i>Exper.</i> 4. Machinam construere, quæ repulsiua vi, liquorem in altū proiectum in aërem aut ignem conuertat.	604
<i>Exper.</i> 5. Mundum elementarem ea arte construere, vt in chaos redactis & confusis elementis vnūquodq; propriam sibi Sphæram impermixtim repetat.	

<i>Caput</i> 3. <i>Μετωροµα γυντισµός. siue</i>	
---	--

De

S Y N O P S I S

De Magnetismo elementorum in productione Meteororum.

<i>Exper.</i>	Productio pluuiarum naturalis.	613
<i>Exper. 1.</i>	Pluuiæ artificialis.	
2.	Productio ventorum artificialis & naturalis.	615
3.	Fulgurum, tonitruorum productio artificialis.	619
<i>Cap. IV.</i>	De mixtorum corporum magnetismo & resolutione eorum in sua elementa.	624

P A R S I I I.

Γεωμαγνητισμός siue

De Magnetica vi totius terræ & singulis eius heterogeneis partibus indita.

<i>Cap. 1.</i>	De Cyclica attractione rerum.	832
<i>Cap. 2.</i>	Ορυκτομαγνητισμός. siue <i>De Magnetica facultate fossilium.</i>	636
<i>Cap. 3.</i>	Ηλεκτρομαγνητισμός. siue <i>De attractionibus electricis.</i>	640
<i>Cap. 4.</i>	Μεταλλομαγνητισμός. siue <i>De hydrargyri cæterorumq; metallorum magnetismis.</i>	650

<i>Quæst.</i>	Vtrum auro & argento vis magnetica insit, qua & trahât.	654
<i>Exper. 1.</i>	De congelatione hydrargyri.	659
<i>Exper. 2.</i>	De arboribus metallicis.	660
<i>Exper. 3.</i>	De aluminis natura mira.	ibid.
<i>Quæst. 2.</i>	De lapide Phosphoro, siue luminari eiusq; magnetismo.	661

P A R S I V.

Υδρομαγνητισμός siue

De magnetismo Solis & Lunæ in maria.

<i>Cap. 1.</i>	De mira vi luminarium in inferiora.	ibid.
<i>Cap. 2.</i>	De fluxu & refluxu maris alijsq; eiusdem motibus.	668
<i>Quæst.</i>	Vtrum Luna mare magneticè moueat.	674

Fabrica

T O T I V S O P E R I S.

Fabrica & vsus instrumenti Hallorrhæometri ad æstus &
currentes metiendos.

684

Cap. 3. De motu maris mediterranei. 691

Cap. 4. Aestus Freti Siculi. 695

P A R S V.

Φυτομαγνητισμός siue

De Magnetica vi Plantarum. 699

Caput 1. Motus vegetatiuus Plantarum. ibid.

Exper. 1. De fibris arborum magnetinis parallelis. 700

Exper. 2. De propagatione earundem. ibid.

Φυτομαγνητισμός applicatus, seu

De insitionis Magneticis miraculis. 706

Canon. 1. De insitione arborum rite peragenda. 707

Canon. 2. De medicinalibus viribus arboribus artificialiter inden-
dis. 708

Varia consecraria. 710

Cap. 2. Motus radiationis plantarum. 712

Cap. 3. De motu, seu inclinatione magnetica Plantarum. 717

Exper. De terræ πανσπερμία. ibid.

Quæst. Vtrū animalia, & plantæ nutrimēta Magneticè trahāt. 721

De Magnetismo virgula aurifera, seu diuinatoria.

Cap. 4. Ανθομαγνητισμός siue

De plantis heliotropijs eorumq; magnetismo. 731

Probl. Horoscopium Bontanicum, sympathicum construere. 726

Cap. 5. De Selenotropijs eorumq; Magnetismis.

P A R S VI.

Ζωομαγνητισμός siue

De Magnetismo animalium. 781

Exempla aliquot Sympathiæ & Antipathiæ. 753

Cap. 1. De varijs animalibus Magneticis. 6. S.

P A R S VII.

Ιατρομαγνητισμός, idest

De Magnetismo rerum Medicinalium. 774

Cap.

SYNOPSIS TOTIVS OPERIS.

Caput 1.	De Magnetis & ferri in medicina vsu.	ibid.
Caput 2.	De magnete microcosmico, seu hoplocrismate.	777
Quæst.	De Scobe ferrea & magnetica eiusq; in emplastris magneticis vsu.	785
Caput 3.	De attrahentibus medicamentis.	789
Caput 4.	De venenorum & Antidotorum Magnetismo.	797
	De spelunca Serpentum eiusq; mirabilibus.	802
	Magnetismus Elixeris vitæ.	808
Caput 5.	De Magnetismo potentiarum ad sua obiecta, vti & singulorum membrorum ad sua nutrimenta.	816
Caput 6.	ιατρομαγνητισμός applicatus, siue de applicatione Magnetismi medicinalium.	820
Caput 7.	φαντασιωμαγνητισμός, siue <i>De vi attractiua potentiae imaginatiuæ.</i>	830

P A R S VIII.

Μεσικομαγνητισμός siue

De Magnetismo Musicae. 840

Caput 1.	De vi & potestate Musicae in animos mortaliū, eiusq; causis.
Caput 2.	De Tarantismo siue de mirabilibus Tarantulæ effectibus, eiusq; in homine Magnetismo.
Quæst. 1.	Vtrum Tarantismus à Tarantulæ vita dependeat.
Quæst. 2.	Cur ταραντίζοντες non nisi Musica sanari possint.
Quæst. 3.	Cur coloribus certis tantopere delectentur.
Quæst. 4.	Cur tam diuersos mores assumant.

P A R S IX.

Ερωτομαγνητισμός siue

De Magnetismo Amoris. 842

Caput 1.	De mirabili vi & energia amoris.	ibid.
Caput 2.	De Fascino.	998
Quæst.	Vtrum sanguis occisi ad præsentiam occisoris fluat Fascino quodam an aliquo Magnetismo.	904

P A R S X.

M V N D I M A G N E T I C I.

M A G N E S E P I L O G V S, idest,
Deus rerum omnium centralis magnes.

F I N I S.

MAGNETICAE ARTIS


LIBER PRIMVS.

DE NATVRA ET FACVLTATIBVS MAGNETIS

PARS PRIMA.

ΠΡΟΛΕΓΟΜΕΝΗ

De Magnete in genere.



CAPVT I.

De Etyrno, & natura mirabili Magnetis, eiusque difficili scrutinio.



*VISQVIS sollicita mundum ratione secutus,
Semina rimatur rerum, quo Luna laborat
Defectu, quæ causa iubet pallescere Solem,
Vnde rubescentes ferali crine cometae,
Vnde fluant venti, trepida quis viscera terræ
Commoueat motus, quæ fulgura ducat origo;
Vnde tonent nubes, quo lumine floreat arcus.*

Claudianus de
Magnete.

Is haud dubiè in laudabili scrutinio & inquisitione dignissi-
ma operam suam collocare censerì debet, verum.

*Hoc mihi quærenti, si quid deprendere verum
Mens valet, expediat; lapis est cognomine magnes.*

Magnes, inquam, magnum illud naturæ miraculum, inge-
niorum cos, philosophorum labyrinthus & abyssus impenetra-
bilis, quem alij à tractiua ferri virtute οὐδ' ἔστιν; Quidam lapi-
dem Herculeum à viribus forsam Herculis, eò quòd ferrum
rerum omnium domitricem materiam subigat, desumpta si-
militudine; Nonnulli à virtutum suarum magnitudine, aut à
Magnesia Regione circa quam, Lucretio teste, eruitur, siue de-
nique à Magnete quodam, Authore Plinio, Idèi montis Pastore

Etymon Ma-
gnetus.

A

Ar-

Armentario eiusdem inuentore, quem reperisse fertur clauis crepidarum, ac baculorum ferramentis, magneticis faxis adhærescentibus.

*Nam ex ferro vitam meret hic ferrique vigore
Vescitur; has dulces epulas, hæc pabula nouit,
Hinc proprias renouat vires, hinc fusa per artus
Aspera decretum seruant alimenta vigorem,
Hoc absente perit; tristi morientia torpent
Membra fame, venasque sitis consumit apertas.*

Abdita vis.

In huius inquam prodigiosa natura enodanda tota, merito laudabiliter philosophantis desudet industria; cuius ἀππντος ἰδιότης καὶ δύναμις aliæque facultates & arcana latentis virtutis Sacramenta ad miraculum vsque παραδοξότατα, vti nullum non philosophorum in summam semper admirationem rapuerunt, ita talia semper visa sunt, vt inter cætera mineralis mundi prodigia, solus Magnes eminentissimo illo virtutis suæ vigore, animos omnium, ingeniaque ad se conuerterit, solus singulari quadam prærogatiua, & vita ad se mouendum, manibusque ad trahendum, apprehendendumq. à ludibunda natura instructus.

*Decolor, obscurus, vilis, non ille repexam
Cæsariem Regum, nec candida virginis ornat
Colla, nec insigni splendet per cingula morsu;
Sed noua si nigri videas miracula saxi,
Tunc superat pulchros cultus & quicquid Eois
Indus littoribus rubra scrutatur in alga.*

Quis enim non miretur, vt cætera taceam, admirabile illud ferrum inter & Magnetem initum sub Paranymphea natura, coniugium;

*Quis (rogo) calor infundit geminis alterna metallis
Fœdera? quæ duras iungit discordia mentes?
Flagrat anhelæ filex, & amicam faucia sentit
Materiam, placidosque chalybs cognoscit amores.*

An non mirum ipsos lapides suos pari ardores, ferrumque teneri illecebris, rigido regnare in marmore flammæ? Vides, quanto ad ferri præsentiam amoris cestro percellatur, quam varios motus, lationesque, donec bono tantopere concupito perfruatur, affectet? quæ nunc in directum, in obliquum mo-
dò

DE MAGNETE IN GENERE.

3

dò feratur? nunc sursum, modò deorsum, pro varia sponsæ occurrence declinet? iam lætus & hilaris summo impetu in eius amplexus irruat? modo indignabundus ab eius se aspectu anxius & sollicitus subducatur? gemitus, suspiria querelas, cæterasque se amantium vices zelotypico quodam agitatum affectu eum versare diceres. Quid memorem eiusdem eximium veluti quendam liberalitatis sensum, dum è virtutis suæ diuitijs rei amatæ quantum capere potest, & vult, tam amplè & magnificè elargitur, cuius vi dotatum ferrum totius mundi se veluti directorem constituit; Intuere quam vtrumque omnes boni Còsmographi partes egregiè expleat; quam omnium & singularum partium mundanarum symmetriam in se accuratè exprimat, motus cælorum affectet; aliaque ita mirifica, hæc mundi finia præstet, vt non telluris tantum, sed & cælestia iura inuasisse videatur. Has igitur prodigiosas rei naturæ facultates, maximi quiuis naturæ exploratores admirantur quidem; sed dum effectuum adeo insolentium causas & rationes inquirunt, acutissimis suis in hunc lapidem illisis luminibus *νοκποράκων* instar cæcutientes, facilius, quid ad hæc occulta naturæ miracula obijciant, quam quid respondere debeant, inueniunt. Alij quidem summa rei difficultate perterriti, adeo gloriosum abditarum rerum scrutinium subterfugientes, materiamque veluti humano ingenio imperuiam abijcientes, intactam reliquerunt. Quidam mirificas huius lapidis facultates aut non intelligentes, aut relatione aliorum decepti somnijs anilibus, & superstitiosis deliramentis, fabulosisque narrationibus, ita omnes scholas referferunt, vt apud imperitos & plebæos totius superstitionis veluti seminarium factus sit magnes; Nonnulli vero eminentioris animi Philosophi, cum ob naturalem illam *φιλομάθειαν* summumque mortalibus à natura insitum sciendi, veritatisque adipiscendæ amorem & desiderium, tum ob incredibilem huius in omni humanæ vitæ consuetudine vsum, atque emolumenta inæstimabilia excitati, derelictam penè ad incudem reuocantes, multiplici observatione egregiè illustrarunt. Horum ego vestigijs insistens ex insita mihi in huiusmodi abdita studia, à naturà pronitate, simile quiddam attentans, adeo nobile & dignum omnium.

Passiones Magnetis.

Rector mundi
Magnes.

penè Scriptorum encomijs celebratum obiectum, mea quoque tenui opera cohonestare ausus sum; Quod quidem, vt quam optimè faciam, optimam in hoc opere methodum seruandam duxi; Ab ouo igitur rem aggredior.

CAPVT II.

De Generatione Magnetis.

Analogia tel-
luris cum ho-
mine.

Seneca.

vt mirabilem illam microcosmi, humani dico corpo-
ris structuram cum ordinatissima illa Magnæ matris
œconomia paulò profundius expendere, nihil in ea
esse reperiet, cuius proprietas non etiam in homine cum mira
quadam proportione, & analogia eluceat; Quod enim ossa,
quibus totius corporis structura fulcitur, sūt in microcosmo, id
faxosarum partium, quibus telluris corpus sustinetur, magne-
tica quædam compaginatio à polo ad polum, à prouida natura
constituta, in telluris sunt corpore; quid aliud glutinosus ille
telluris limus, flumina, mare salsum, vapores & exhalatio-
nes subterraneæ, varij denique liquores, quid inquam aliud
referunt, nisi humani corporis carnem, venas, vesicam, spiri-
tus & vapores sanguineos per totius corporis meatus diffusos;
quæ omnia suo calculo cōprobat Seneca lib. 3. nat. quæst. c. 15.
Placet, inquit, *natura regi terram, & quidem ad corporum no-
strorum instar, in quibus & venæ sunt, & arteriæ illæ sanguinis,
hæ spiritus receptacula; In terra quoque sunt alia itinera, per quæ
aqua, & alia per quæ spiritus currit, adedque illam ad humano-
rum corporum similitudinem natura formauit, sicut enim in nobis
non tantum sanguis est, sed multi præterea humores, alij necessarij,
alij corrupti, alij pinguiore, in capite cerebrum, in ossibus medulla,
musculi saliuæque & lacrymæ, & quiddam additum articulis per
quod citius flectantur, ex lubrico; sic in terra quoque sunt humoris
genera complura; Quædam quæ matura durentur, hinc est omnis
metallorum humus, ex quibus aurum, argentumque petit auari-
tia; Quædam quæ in lapidem ex liquore vertuntur, in quibusdam
verò locis terra humorq. liquefcit, sicut bitumen, & cætera huius si-
milis.*

milia. Hucusque Seneca. Qui igitur causam *λιθογενείας* in microcosmo intellexerit, in megacosmo eiusdem causas ignorare non poterit; Verum ut hæc penitiùs discutiamus. Nota communem ferè Philosophorum opinionem esse omnia mixta è 4. elementis, seu materialibus causis constare, quas causas si remotas sumant, ijs facile assentior; Chimici causas lapidum materiales solum, sulphur & Mercurium esse volunt, eo quod mixtorum ignis opera ac Spagyrica arte separatis partibus, sal apertè, Mercurius aquei vaporis instar, ac deinde sulphuri quiddam simile, & quod ignis nostri vulgaris sit pabulum, & alimentum, appareat. Hæc opinio etsi ob analysin omnium, ferè mixtorum in dicta elementa verissima videatur, in auro tamen & adamante dicta principia deficiunt; etsi non ignorem multos esse qui se ab auro quoque dicta principia separasse iactitent; Verum qui Chimicorum ingenium nouit, facile verbis eorum fidem non habendam videbit, cum sal, sulphur, & Mercurius potius ab adiunctis auro materijs, quam ab ipso auro prouenire iudicandum sit. sed nos relictis hisce nimium remotis lapidum causis omnibus & singulis mixtis competentibus, proximiorē causam materialem lapidum, gemmarumque statuimus, illorum quidem, lutum siue argillam lentam & crassam; harum vero tenuem & subtilem, ut aquæ immixta diaphaneitatem ipsius non impediat, quorum utrique sal aliquis terræ visceribus inclusus sit immixtus, vnicum coagulationis fixationisque instrumentum; materiæ proximæ, aqua plerunque, seu causa quædam adiuuans, inseruit; dum enim terram humectat, lutum facit; dum vero maiori copia diluitur, lutum aqueum falsuginosum iam proxima materia lapidis ut plurimum constituitur, at propter aquæ copiam non lutum amplius, sed succus lapidescens, si facultas lapidifica ipsi insit, dici potest. Quod si non insit accedente efficiente causa, id est spiritu lapidifico, aut exhalatione eundem spiritum deferente, materia in lapidem, exclusa aqua, omnique humido superfluo, quod coagulationem impedit, conuertitur. Causa porro for-

Generatio lapidum.

Chimicorum elementa.

Causa materialis.

Causa formalis

Seminaria re-
rum.

Calor & frigus
quoque cause
efficientes.

* proprie

succus ille falsuginosus materiam terrestrem, lentam, lutosam seu argillaceam vi sibi innata coagulans, & fixans, qui si materiæ defuerit, alia ex parte efficientis causæ vis, qua disposita materia coaguletur, assignanda est, quam nihil aliud nos esse dicimus, quam exhalationem quandam ex intimis naturæ penuarijs subterraneorum ignium vi eleuatam, coagulatiua, quadam, fixatiua, seu lapidifica virtute imbutam. Hæc enim à Deo Opt. Max. vt aliarum rerum seminaria, ordinata, constituta, ac creata est, nec vt Aristoteles, Galenus alijque Ethnici opinati sunt, è 4. elementorum combinatione, illorumque temperie, cooperantibus primis aut secundis qualitatibus, nisi admodum remotè, oritur aut producitur. Nam ex illorum, quantumuis varia mixtione absentibus rerum seminarijs nullum mixtum propria, nouaque forma produci potest, manent quippe confusa, sibique inuicem opposita, ac proprias & singulares suas formas, vt ante mixtionem retinent. Quod si absque rerum seminarijs forma è materia ex elementis composita gigni potuisset, frustra Deus rerum semina terræ indidisse videretur. sed hæc in tertio libro fusiùs persequemur. Præterea notandum calorem quoque & frigus subinde in generatione lapidum tanquam causas effectiuas concurrere, harumque duarum causarum modò vnā, modò alterā agere, pro diuersitate & dispositione materiæ, dum excitata in visceribus terræ fuligo lapidifica concoquitur & alteratur, concocta, & alterata vertitur in substantiam, quæ nec molliori nec liquefieri potest, quam lapidem appellamus, & sic calor validus si agat in illam fuliginem, & absumat omnem humiditatem solo lentore, ne substantia in puluerem redigatur, relicto, fit lapis opacus, & quidem propter humidi totius redundantis consumptionem illiquefactibilis. Lapidēs vero pretiosi crescunt, dum calor agens in succum, absumat humidum superfluum, mox, succus ille concreuit à frigiditate loci concurrente ad hoc lapidifica illa vi in succo illo lucido, & claro falsuginosoque latente. Per consumptionem autem illius humidi intelligo conuersionem illius succi humidi in aliud corpus; Nam cum summo frigore coniuncta est siccitas, & ita frigus intensum absumat humidum, ita vt ipsum in aliud corpus

nimi-

nimirum in terram, seruata sua diaphaneitate transmutet, atque hoc ita esse argumento nobis est crySTALLUS, quæ quamuis tota terrestris sit, tamen lucida est, quia humidum totum redundans est transmutatum in terreum; cuius rei veritatem hæc nos docuit experientia, si enim crySTALLUS comburatur, nihil humidi resudare videbis, tantūq. cineris, quāta prius erat crySTALLI quātitas, generari comperies; transmutatio autem huiusmodi nec frigore solo, nec solo calore, sed vtroque, concurrente vi lapidifica, fit. Dum enim materia succum lapidificum ducens, terræ partes intrat, atque aqua è massa iterum exstillat, vel ab exhalatione calida expellitur atque absumitur; massa illa paulatim expulso humido indurefcit, donec in lapidem formam massæ seruantem abeat. Hinc pro diuersitate succi terrestris, massæ, aut etiam matricis, in qua formantur constitutione, variæ quoque lapidum species nascuntur, si enim locis lapidifica vi imbutis, quales sunt rimæ aut fissuræ altissimorum alpestrum montium, multo sale refertæ, si inquam liquor ille crySTALLINUS, ex liquefactis niuib. deriuatus inibi multo tempore fuerit inclusus, in lapideam substantiam tandem vi loci coagulatiua seu fixatiua is versus, crySTALLUM producet; si vero terram seu massam arenosam succus permearit lapidificus, eam in communes lapides arenarios friabiles, pro colore arenæ coagulabit; si vero in massam, argillam, seu maltam solidam, lentam, viscidam, & æquabiliter vbi- que minutimque veluti subactam, diuersi coloris succi variè sese & irregulari fluxu insinuarint, ea vi lapidifica in marmor variegatum tantò purius, & politius, quanto materia purior & politior fuerit, euadet. Solo quoque succo lapidifico omnia in saxa conuerti testantur infinitæ res, quas in diuersis Europæ partibus mihi videre contigit in saxa conuersas, vt hominum animaliumque cadauera, panes, ligna, fructus, arbores, plantas similiaque. Est hic Romæ in celeberrimo Musæo Perillustri D. Francisci Gualdi Ariminensis Equitis S. Stephani inter innumera, huiusmodi canalis pars, qua aqua Claudia ducebatur, cuius aqua ibi siue obstructa, siue alijs de causis impedita subsistens, naturale in saxum conuersa est; sed de huiusmodi naturæ metamorphosi fusè dicetur, si Deo pla-

CrySTALLUS quo
modo genere-
tus.

Lapidum ge-
neratio.

Marmor.

Succo lapidifi-
co omnia in
saxa conuertū-
tur.

Magnetis ge-
n. ratio.

Compaginatio
telluri.

Vbiq. locorū
inueniuntur Ma-
gnetica corpo-
ra.

cuerit, in nostro mundo subterraneo . Ita denique, vt ad insti-
tutum reuertamur, si in terrestri materia, vera, genuina, & ho-
mogenea telluris portione, seu matrice Magnetica, fuligo di-
cta Magnetica recepta inibi varia decoctione, ab omni humido
superfluo fuerit vindicata, ea vi lapidifica ibidem latente in la-
pidem formam virtutesque massæ, matricisque seruantem,
videlicet Magnetem, conuertetur, cuiusmodi Magneticis sa-
xorum fibris totius telluris compagem certo ordine à polo
ad polum, non secus, ac quandam veluti mūdani dorfi spinam,
qua partes partibus firmitus solidiusque connecterentur, mira-
bili fanè sagacissimæ naturæ consilio cōstitutam esse in sequen-
tibus fusiùs declarabitur. Hac enim materia, seu Magnetica,
confibulatione naturæ Author propriè ad immensum hoc tel-
luris corpus compaginandum vsus, eamque præterea hac mi-
ra virtute, qua sese iuxta mundani axis situm, dispositionem-
que, & non ad aliam, innato & occulto quodam appetitu de-
ferret, ob causas in sequentibus aperiendas imbuisse videtur.
Maiorem itaque terreni orbis portionem huiusmodi lapidum
fibris intertextā nemo negabit; & vel inde patet, quod vix lo-
cus sit, aut regio, vbi hic lapis (vt ego rectè cum Gilberto hoc
loco sentio) nō reperiatur, nam in omnibus climatibus in omni
prouincia, in omni solo, aut inueniuntur Magnetica corpora,
aut propter profundiores sedes, & impeditos recessus latent
incognita, aut propter vires imbecilliores, & obscuras à nobis
dum ea videmus, & tractamus non agnoscuntur. Inuenitur
igitur Magnes passim in omnibus Germaniæ ferri fodinis; In
Anglia teste Gilberto nuperrimè ingens eius vis reperta, no-
uis detectis Magneticis venis. In Hispania, vt olim, sic nunc
plurimis quoque ferri fodinis, ita vt vbi ferrum cuius vena
est, ibi Magnes deesse nequeat; In Francia quoque per totam
passim Aruerniam. Italia ita eo abundat, vt totus Apenninus ex
Austro in Boream concatenatis montibus porrectus, non im-
meritò eius continuata vena dici possit. Ilua quoque, Sardinia,
& Corsica eo abundāt, quin & omnes maris Mediterranei In-
sulæ. In India Orientali, in China, Bengala, iuxta fluuium In-
dum frequens & maritimis quibusdam cautibus, vt ex ijs qui
ea loca peragrarunt, accepimus; reperitur in multis Aethiopiæ
venis,

venis ; in Natolia, Macedonia, Bæotia, in Hybernia, Noruegia, Dania, Suecia, Lappia, Liuonia, Russia, Prussia, Polonia, Hungaria, Tartaria, alijsque innumeris locis, vt Albertus, Gilbertus, Agricola, Clusius, Boetius & plerique metallicarum rerum Scriptores testantur, magna prouenit copia, & vti per vniuersum mundum est celeberrimus, ita & vbique omnis illum terra profert, & quasi omnium terrarum indigena est: etsi pro varia terrarum regionumque natura & proprietate, variam quoque indolem monstret. Sunt Magnetes grauissimi, sunt & leues veluti pumex, sunt potentes, sunt & imbecilles, sunt alij porosi, & solidi, alij integri, & vniformes, quidam varij & exesi; Nonnulli saxa referunt, alij venas metallicas; Ita inter se varij, & dissimiles omnes, tum alij plus, alij minus egregia virtute dotati, qui tamen omnes hoc habent, vt etsi virtute tractiua, ob debilitatem non ita vigeant, dispositiua tamen vi aliqua ad polos plerumque imbuti sint, atque ita vel ob hanc vnicam vim locum inter Magnetica corpora obtineant; Nullam enim terrestrem substantiam esse, cui non aliquid Magneticum insit, illi, qui hydrostaticis librationibus, eius periculum fecerit clarè innotescet, vt mihi innotuit; De quibus & in sequentibus fufius suo loco tractabitur. Nam, licet terrenus orbis varijs humoribus, & glebarum naturis perpetua generationis & corruptionis vicissitudine ortis, per totum eius ambitum temporis diuturnitate altius in superficie efflorescit, & tanquam tegumento, & inuolucro vario & caduco cingitur, tamen ex eius gremio in plurimis sese attollit locis à perfectiori corpore propinquior soboles, & sese mittit in luminis auras; inualidi vero Magnetes, & minùs robusti humorum labe debilitati, in omni regione in omni pago manifestè apparèt. Ex quibus satis colligitur tantò Magnetem esse efficaciorē, quantò è profundiori vena fuerit erutus, tantò è contrà infirmiorē quantò aeri, aut superficiei extrinsecæ fuerit vicinior, ibi enim veluti in loco naturæ suæ consentaneo magis gaudet, viget, nutritur & roboratur; hic vero aeris, Solis, humorumque iniurijs expositus viribus eneruatus veluti tabe quadam conficitur. Hinc mirum non est Magnetes Iluæ pauci roboris esse, cum pleriq. ex cautibus, rupibusque marinis Magneticis rescantur. Quod

Varietas Magnetis.

Vnde debilitas Magnetis.

Magnes in vena profundiore efficacior quam extra.

Ille Magnetes cur debiles?

Scopuli Magneti-
ci naues attra-
hentes.

Schiltehaggi-
borim.

Geographia
Arabica.

si interiora venarum adirētur, eos ibi Magnetes reperiri posse qui nulli alteri robore & efficacia cedunt, existimo. Vtrum autem alicubi terrarum scopuli illi Magnetici tantæ virtutis existant, ut naues ferreis clavis cōpactas ad se trahant, dubium est. Certè sunt Authores nō apud Latinos tantum, sed & Græcos, Hebræos, & Arabes, qui id tanquam certum & indubium asseuerent. Strabo inter alios ἐν τῇ, inquit, Θαλάσσει, ἀνατολικῇ αἱ ναὺς πολλάκις κινδυνεύουσι διὰ τῆς δυνάμεως ἀρπαξέως τῶν πετρῶν μαγνητικῶν: *In Orientali enim mari haud infrequenter naues ipsæ vi raptrice Magneticarum petrarum periclitantur.* Cui consentit id quod in Hebraico opere שְׂטוֹת הַגְּבִיִּים (Scuta Fortiū) intitulo reperi, ubi Author de Magnete differēs ita ait. וְשֵׁשׁ מִמֶּנּוּ הָרַבָּה בְּיָם הַהוּא קִדְמַת הַיָּם וְהַסְפִּינֹת הַשְּׂוֹטוֹת בְּיָם הַהוּא בִּמְקוֹם מַסְסוּרִים שֶׁל בְּרוֹץ יֵשׁ לָהֶם מַסְסוּרִים שֶׁ עַל כֵּן הֵנָּה בִּמַסְסוּרִים שֶׁל בְּרוֹץ יִפְּצוּ בִּמְכִינָה הָאֲנָשִׁים שֶׁהֵם בִּמְכִינָה כֵּן יִצְאוּ מִהַסְפִּינָה הַמַּסְסוּרִים שֶׁל בְּרוֹץ בַּעֲבֹר שְׂוֹכֵת הָאֵבָן דַּחְשֵׁבֶר הַסְפִּינָה. *Reperiuntur autem ut plurimum huiusmodi lapidis scopuli abeuntibus in Indiam Orientalem, unde naues eo in mari loco ferreorum clauorum ligneis clavis compactæ sunt. si enim relinquerent clauos ferreos, maximum periculum esset ne vi lapidis tractæ naues, illisæ, aut extractis clavis solutæ, raptæq; lamentabile naufragium censerentur.* Huic siue fabulæ, siue historiæ astipulatur quoque Geographus Nubianus clim. 7. At ego multum rei veritatem indagans, rem omninò fabulosam deprehendi. Cum enim iter in Indiam Orientalem hodie tritissimum sit, mirum est, nullum fuisse huc vsque, qui vel istiusmodi periculum incurrerit, aut simile quippiam ijs in partibus notarit. Neque video quo modo vis ista Magnetica quantumvis intensa naues medio cursu velisque expansis volitantes sistere possit, & quod amplius ἀμείων rei augeat, quomodo ipsos clauos nauibus eximere possit, & non anchoras aut reliqua instrumenta Nautica, cum id difficilius factu sit, aut quomodo immensæ molis nauim Magnetici scopuli attrahere possint; cum in Ilua acū quantumvis vicinam vix moueant; vnde omnes huiusmodi narrationes infructuosas reliquis fabulis annumerantes, ad alia nos conferimus, ne tempus ijs refutandis perdamus.

CAPV T III.

De ferro eiusque generatione.

ICVTI corpora Magnetica, siue venæ Magneticæ nullo non loco reperiri in præcedentibus diximus; ita & ferrum: si quidem inter omnia fossilia nulla

Maxima ubiq.
ferri copia.

tam ampla materia, nulla tã copiosa, atque ita vbiuis locorũ obuia, vt vix sit regio, quæ non ferri aliquam venã, aut terrestrem materiem ferrugine aliqua imbutã aut leuius tinctã proferat, spectetur; quasi natura ipsa metallũ huiusmodi maximè omnium necessariũ, & infinitis hominũ vsibus destinatum vbiq; vti præstò esse, ita nullibi locorum deesse voluerit. Quædum assero, nemo me terram propterea cum Gilberto Magnetem magnum asserere existimet, dum enim venarum Magneticarum mentionem facio, non eas ita accipi volo, quasi ex perfectò & formato Magnete omnes constent; sed quod pleræque inchoatæ quædam ad Magnetica corpora venæ sint, quæ etsi ob externo malo fædatis partes, & heterogenearum materialium variam misturam in perfectum Magnetem, vtpotè verioribus & magis genuinis terræ partibus nimium dispersis, & disunitis non excrescant, ignis tamen vi è dispersis partibus homogeneis, fortique excoctione liquefactis, veluti è venulis quibusdam ferrum excoquitur; quod igitur in huiusmodi massis nullum vigoris Magnetici vestigium percipiat, non ideò omni vi Magnetica ea destituta iudicandum; sed ideò non notari, quod magneticæ partes nimium dispersæ in corpore heterogeneis materijs vitiato vim suam exercere non possint; verum vt hæc melius intelligantur; Nota de huius metalli generatione varia philosophorum placita esse; Alij eius materiam liquorem in terreno limo condensatum; quidam sulphur & argentum viuum, vtrumque terrestri & impura mistura concretum; nonnulli calcem & cinerem opinati sunt. Nos relictis omnibus aliorum sententijs, causam ferri, halitum illum metallicum ex communi illo naturæ penuario vi subterranei ignis eleuatum statuimus, qui per Magneticas terrarum ve-

Tellus non est
magnus ma-
gnus.

Ex Magnetè
ferrum exco-
quitur.

Cur Magneti-
ca corpora ra-
tione dignoscan-
tur.

nas propagatus, continuatusque, tandem inibi cum succo metallico sibi appropriato, qualem sulphur impurum & terrestre dicimus, cum aliqua salis, aluminis, atque hydrargyri itidem, terrestris & impuri portiuncula, intimis cautium fibris sinibusque latente; satis multum ad hæc constitutione, aut natura loci cooperante, fixatum, in ferrum tandem, naturam, & proprietatem succi matricisque in qua coaluit, seruans metallum abit. *Arborum fibræ* vbi nota, quod sicut arbores certis quibusdam circularibus fibris seu venis constant, quibus alimētum per radices haustum, attractumque in totius arboris substantiam, non secus, ac per corporis venas diffundunt; ita totam tellurem, non purè Magneticis, sed spuriarum quarundam materiarum miscella, coagmentatam, certis constare commissuris, à natura ea de causa constitutis, vt dicti subterranei halitus eas subeuntes, ibidem in quodpiam metallum pro qualitate, & terreni corporis natura, quod igne duratur, concrecant; Cum igitur *Qua ratione generetur ferrum.* materia illa condensata in temperatioribus alueis remanserit, in ijs non secus ac in matrice semen, aut embryo concrecit, quique ideò terris immixti superfluis excoctione indigent. Si vero halitus cum materia sola idonea in se veluti reflexione quadam ob venæ impenetrabilem duritiem coierit, purum, quod nulla excoctione aut depuratione indigeat, metallum generabitur; vnde sicut in generatione animalis remotior causa sanguis est, & proxima semen, ita halitus materia remota metallorū, proxima vero liquor seu succus ex halituū analysi, seu resolutione causatus iudicandus est. Hisce igitur præmissis, si halitus dicti in telluris veriore & magis homogineam, qualem Magneticam diximus substantiam, per dictas fibras sese insinuauerint, ibique cum materijs sibi appropriatis coaluerint, vena ferri causabitur, fiet etiam magnes, quem nihil aliud esse dicimus, quam venam ferri præcellentem. Quod si *Generatio metallorum.* halitus illi in degeneres, à vera telluris Magnetica substantia, varièque deformatas efflorescentias inciderint, pro varia terrarum, montiumque natura, varia quoque diuersaque metalla causabuntur, quemadmodum fusè in catena nostra Magnetica docebitur. Vnde terrena illa substantia, quæ mediante halitu succoque in ferrum coaluit, sola est vera, genuina & homoginea

nea telluris pars siue massa Magnetica, cuius humido, partim naturali, partim extrinsecus adueniente per halitum succo, in se tanquam matrice genuina, forma, & specifica eo in loco operante natura ferrum producitur; In reliquis vero metallis materia terrestris quia coaluerunt; nequaquam vera & genuina, terrestris globi portio dicenda est. Sed vel sales fixi, vel sulphuriarum concretionum portiones, aliæque spuria, ut dictum est, & degeneres terrenæ mistionis substantiæ, in quorum matricibus genuinis metalla dicto modo nascuntur. Ferrum igitur metallum notum, frigidum & siccum est omnium metallorum, maximè terreum, adeò ut multi id velint esse tertiam quandam terræ speciem, ita quidem, ut prima terræ species lapis sit, altera, terra, ipsa tertia vero sit ferrum, atque hoc ita esse satis superque rubigo cui obnoxium ferrum est, testatur; hæc enim ferrum ipsum in id quod erat, scilicet in terram resolvere videtur, loco humido multo tempore relictum. Porro venæ è quibus ferrum excoquitur, omninò variæ sunt, in venis Magneticis perfectis, perfectum ferrum & purum, quod chalybem vocant, plerumque reperitur. Sæpè ex Rubrica, pyrite, ochra, sandaraca, nonnunquam ex argilla, arena, limoque ferrei coloris molli, & pingui excoquitur. Multi quoque lapides terræ, aliæque misturæ, atque innumeræ rerum formæ, ferreas quasdam substantias siue rudimenta, aut semina quædam ferri, quæ spuria concretionis indumento ignium vi exutæ in sobolem ferream transmutantur. Ex varietate autem materiæ, ex qua educitur, varia quoque ferri qualitas & temperies resultat; Hinc aliud ferrum forte, ductile, leue, tenax; aliud debile, intractabile, asperum, fragile reperitur; hoc rubigini obnoxium foedatæ conficitur, illud fulgidum & politum, rubiginis venenum non faciliè admittit. Multum quoque ad optimam ferri temperiem confert carbonum, quibus excoquitur, ratio; cur enim enses rumpantur, fistulæ martiales diffindantur, cultri exterantur, lorice traijciantur faciliè; nulla alia ratio est, nisi quod ferrum rimas quasdam vix perceptibiles, quæ diuersis in partibus hiscant, habeat; vnde partibus non benè coagmentatis, solidatisque, ad quamuis violentiâ, facilem cōtinui dissolutionem patitur. Oriuntur autem huiusmodi rimæ, quando supra fer-

Ferrum ex genuina materia terræ generatur

Metalla vitia alijs mistionibus.

Qualitas ferri.

Ferrum tertia species terræ.

Venæ ferri.

Varia qualitas ferri.

Carbonum ratio quibus excoquitur.

Ferrum fragile cur?

rum.

rum excoquendum carbonum accumulatur quisquiliæ, hæ enim cum plerumque lapillos, arenam, cretam, varias sordes, laterum fragmenta, aliaque assulatim congesta in se commista contineant; fit ut dum liquefunt, in superficie bullosas quasdam congeries, vel intus inanitas, & fissuras quasdam non secus, ac in vitrea materia fieri videmus, oriantur; ut proinde ex hoc capite partes cum partibus minus coagmentari possint, vel etiam ideò, quod cum in materia ferri, dum excoquitur, partes ab igne resolubiles euaporantes evanescant, alijs terrestrioribus, & magis consistentibus induratis, rimæ & vacuitates compareant necessarium est, ut igitur huiusmodi incommoda euitetur, carbones ex quercu, Illice, alijsq. materijs duris & solidis, Lythâtraces quoque ad ferri excoctionem, seclusis omnibus quisquilijs adhibendi sunt. Præterea ferrum optimum, siue chalybs duplici ratione producitur, vel natura, vel arte; Natura producitur ex venis perfectè Magneticis, quantò enim vena fuerit perfectior, tantò perfectius inde ferrum excoquitur; cum chalybs nihil aliud sit, quam ferrum maximè depuratum, & perfectum. Arte quoque ex quavis ferri vena chalybs varijs modis conficitur; primò ferro multa coctione depurato, varias alias species operi congruas, ut marmoris, aliorumque lapidum pulveres adiungunt, quibus ariditas ferruginea veluti saturatur, impinguatur, ferrumque commune nitidum & tractabile redditur; Quidam ferrum durissimum reddunt, & in perfectum chalybem redigunt hac ratione; ungulis bouinis, aut hircinis cornibus in pulverem, seu cinerem redactis addunt salem communem, & vitri confracti fuliginisque mixturam, huius compositionis pulvere ferrum indurandum igni fortissimo per horam plus minùs imponunt, consumptoque pulvere exemptum forfice in frigidissimam aquam mergunt, habentque ferrum chalybeum desideratum; hac ratione limas, cultros, loricas, similiaque quàm optimè indurant periti Artifices. Alij ut ferras, hamos piscatorios, cultros, scalpra, tum ad metalla tum lapides inscindendos singula conuenienti sibi temperamento indurant, ea qua sequitur industria: Ferra quævis candefacta in liquore ex aqua, alumine & vrina admisto pulvere ex borace nigra, corticibus cochlearum, & osse sapiæ facto, extinguunt, atten-

Chalybs qui
fiat ?

Experientia
varia.

Chalybis fa-
ciendi ratio.

Temperamentum
ferri varium.

attendendo diligenter colores ferri, qui si violaceus fuerit, ferrum ferræ temperamentum; si cineritius, hami; si fuluus scalpri temperiem habebis. Nonnulli ferrum in aceto distillato, aut vrina, aut in aqua ex salnitro, ex sale armoniaco educta, vel in liquore calcis viuæ, vel denique in frigidissimarum herbarum succis extinguentes ferra durissima reddunt; certè in specie quadam aconiti mirabilem huius rei experientiam alibi me vidisse memini. Sicut autem omne ferrum in frigida aqua extinctum, nunc maiorem, nunc minorem pro varia aquæ natura & proprietate duritiem acquirit; ita in oleo extinctum in molliem vertitur; atque adeo morbidum redditur, vt manibus contorqueri & frangi possit, molle quoque, præterquamquod oleo, cera quoque, & asa foetida, item ex malua, corticumque fabarum expressis calidis succis redditur; ita vt ferrum ad contrarias sibi species durum & contumax, ad amicas vero molle & tractabile euadere videatur; dixi pro varia aquarum natura & proprietate ferrum duritiem acquirere. Si enim aqua per ferri feraces meatus defluerit, plurimum ad ferrum in chalybem transmutandum conducet. Si verò per meatus, Arsenico, ochra, sandaraca, similibusq. scatentes fossilibus decurrerit, rubiginem facile contrahet rosionibus obnoxium. Tantum possunt in hoc negotio pauce quedam circûstantiæ. Multa hoc loco de ingenti ferri vtilitate, dicenda forent, ferri enim opes, scindimus, filamus, consuimus, fabricamur, compingimus, bellamus; hoc securè viuimus, sustentamur, vestimur, ornatur, defendimur, recreamur; instrumentum omnium aliorum instrumentorum, sine quo opificium nullum, nulla ars, nulla denique humanæ vitæ consuetudo, & vsus subsistere potest, sed quandoquidem ea notiora sunt, quam dici debeant, superuacaneum esse ratus sum ijs recensendis tempus perdere: Hoc loco solum dico huiusmodi metallum quod infinitis maximisque humanis necessitatibus inseruit, vt omnia alia metalla vtilitate, frequentia, abundantiaque superat, & nullibi non reperitur; ita mineras, seu venas ex quibus eruitur per totius telluris corpus, certo, & immutabili situ diffusas maximè habere vniuersales; quæ cum Magneticæ sint; tellurem totam Magnetica qualitate imbutam nemo est, qui negare possis. Magne-

Succus aconiti
fixans, & indu-
rans.

Ferrum vt mol-
le reddatur?

Vtilitas ferri.

Veni ferri Ma-
gnetis.

gneticis enim venis ferrum produci paulò ante diximus; quod effossum aut excoctum, paululum quidem à genuina illa, & homogenea telluris materia ob metallicū humorem imbibitum diuersum videtur; non tamen ita alienum, vt matrem genuinam non agnoscat, quin potius materiæ repurgatæ ratione, se materni paternique influxus, virtutisque capacem maximè, idoneumq. reddit. Sed de his in sequentibus fusiùs; Nunc ad Magnetem reuertamur.

CAPVT IV.

Vtrum Magnetes diuersi assignentur, & specie differentes.

Triplex Ma-
gnetis genus.



VM Magnes propriè sit ferri attractiuus, non inutiliter hoc loco quæri posset; vtrum alij quoque lapides existant, aliarum particularium rerum attractiui; præsertim, cum non desint qui Magnetem carneum, aureum, argenteū dari scribant; id est, alium Magnetem dari, qui carnem, alium qui aurum, alium denique qui argentum trahat. Ita enim inuenio apud Cardanum, aliosque eius Sectatores; ita tradit R. Abraham Ben Hannasè in opere intitulo (Scutum Fortiū.)

קראתי בספר החכמים שלהם שיש סמני הקאלאמטא שמושכים חוץ מהבית דברים אחרים כאשר כתבתו כאן לא ראיתי ולא בדבר וביתנו ול שהקאלאמטא תמשוך

החביוש מן אחד שומשוך הוין והשמן ומן אחד שומשוך הבשר והוא לבנה ומשחמשתן

מסכה המכאפוס הרשעים בכשר פיהם. Et legi in libri Sapientū; Quod præter Magnetē attractiūū ferri, aliæ sūt species quoque alias res attrahētes, ita alius est Magnes, qui aurum trahit, & alius trahit vinū, & oleū, alius carnē, qui & candidus, quorū vsus est in incantationibus.

Verūm vt qui sint huiusmodi lapides, & quomodo trahant, & vtrum Magnetes dici possint ac debeant; iam tempus est, vt declaremus, à Magnete carneo initium facturi. Magnes itaque albus, Italis *la Calamita bianca*, lapis est albus, ac lineis nigris inscriptus, qui linguæ admotus illi firmiter adhæret. Hic igitur à pluribus inter Magnetis genera recensetur, illum Cardanus carnem non secus ad se trahere, ac Magnes ferrum asserit, imò vanissima coniectura istius eum facultatis esse autumat, vt

Magnes albus
carnis attracti-
uus.

si styli ferrei mucro eo fricetur, ac in muscoli carnem agatur extracto ferro subito vulnus coire, quasi nullum inflictum fuisset; Ego certè ex Insula Ilua ubi copiosus est eius prouentus, non exiguam quantitatem comparavi; verum miracula illa Cardanica factis experimentis æquè falsa, ac portentosa comperire licuit; imò nec carnem quidem omnem, sed teneriores tantum carniū partes, qualia sunt lingua & labra, eaque non nisi madefacta prius trahit; quod & creta, Gypsus, calx adusta, spodium, cerussa similiaque immunera præstant; Non est igitur huiusmodi tractiua vis, ut in Magnete, ab intrinseco lapidis principio; sed adhæsiō dum labris, aut linguæ admo- uetur, ideò fit, quod humor linguæ aut labrorū se immittit intra poros lapidis, ac mollior lapidis, siue cretæ pars intra poros linguæ, ex quo deniq. ut dixi, adhæsiō sequitur. Nulla igitur ratione Magnes hæc materia dici debet, cū nec tractiua propriè, nec alia ab intrinseca forma sua promanante proprietate; sed glutinosa illa, dum madefit, malta, dictā operationem perficiat, unde ego eum ad osteocollas, aut porosos lapides, & ea quæ terras inter, & lapides medium quiddam sunt, iure merito referendum iudico. Nota tamen hoc loco huiusmodi cretam, subinde nigris veluti strijs intus imbui, quæ nihil aliud quam venulæ quædam Magneticæ sunt, earumque ratione virtutem tractiuam obtinere creta censebitur, quibus à creta separatis omnis quoque tractiua vis cessabit. Alterum vero Magnetis genus à pluribus celebratum Authoribus, Pantarbe dicitur, aurumque non secus, ac ferrum Magnes, trahere scribitur; Quamuis ex Scriptoribus nemo sit qui se huiusmodi lapidem aut vidisse, aut ab alijs visum esse testetur. Si is in rerum natura existeret, certè ad abditas auri venas, thesaurosque inueniendos, nihil eo utilius videri posset. Miror ego hunc lapidem subtile Cardani ingenium latuisse, quem, si vel fama percepisset, proculdubio subito mundus nouam quandam virgulam diuinariam ad ingentes thesauros acquirendos, ex hoc lapide concinnatam, subtilitatis Cardanicæ beneficio agnouisset. Quidam tamen hunc Pantarbem cum Chrysocolla confundunt. Ita Plinius *Amphitane*, inquit, *alio nomine appellatur Chrysocolla, in Indiæ parte, ubi formica eruunt aurum; in qua inuenitur*

Figmentum
Cardani.

Gypsea omnia
carnem trahere
videntur.

Quomodo Gy-
plus trahat la-
bra?

Pantarbe Ma-
gnes aurum
trahens.

Chrysocolla.

Fabula.

Quomodo aurum à Magnete trahi possit?

Argenteus Magnetes.

Argentum viuum quomodo trahat aurum. Imposturæ Chimistarum.

auro similis quadrata figura; affirmaturque natura eius eadem, quæ Magnetis, nisi quod trahere quoque aurum traditur. Sed is hoc ipso quo nulla cum alia regio, præterquam India, vbi inter aurum formicarum custodia traditū reperiri fingitur, producit, vanus certè, commentitius, ac fabulosus conuincitur; est enim ita quibusdam philosophastris à natura comparatum, vt omnia ea rara, mira, inaudita, quæ vel ad vanam iactantiam, aut imposturā texendam ab ijs conficta sint, ne pudendi mendacij argui possint, ex India vel verius Vtopia quadam adferre soleant; quemadmodum & de præsentē hoc pantarbe tum nomine, tum regione incognito cōminiscuntur. Non implicat tamen dari posse lapidem, qui aurum trahat, hac videlicet ratione; si enim massa aurea venæ ferri portionem in substantia sua abditam, lapis vero mixtionem habuerit Magnetica, trahetur vnum ab altero; sed hoc casu vis tractiua non à lapide, sed à Magnetica vi latente, in ferrum auri visceribus inclusum agente, promanare iudicanda esset; quin si subtile, verforium ex auro confectum exactè libraueris, trahetur illud & à succino, non tamen Magnetica, sed electrica qualitate, de qua fusè in Catena Magnetica, capite de attractionibus electricis tractamus. Vnde potuit forsā fieri, vt aliquando huiusmodi rebus aurum sit attractum, indeque ab astanti ignara plebe, ceu prodigium propagatum, tandem de pantarbe seu aureo Magnete, fabulæ, vt plerumque in similibus occasionibus fieri solet, occasionem dederit; Tertium Magnetis genus ab argenti attractione, argentei Magnetis nomen meruit; quis tamen propriè hic Magnes sit, cuius formæ & coloris ex Scriptoribus nec est, qui indicet, nec qui se eum vidisse meminerit; Si tamen vnquam istiusmodi lapis argentum trahere visus sit; id vel à Magnete propter ferrum, quod in eo continebatur, ea ferè ratione, qua in præcedentibus de pantarbe diximus; vel electrica aliqua qualitate factum esse existimem; Aut forsitan argentum viuum Authores indicare voluerunt, quod aurum, & argentū ad se quasi trahere Spagyricis & Pyrothechnis notum est. Vnde impostores quidam Chimici huius abditæ rei notitia insignes fraudes non sine questu exercere solent; ita autem operantur. Cinnabrij partes cum laminis argenteis vtre,


re, vel ut chemicè loquar, cémentare solent; quo factò argentum viuum, quod copiosum in cinnabrio latet, ad se aliquam argenti portionem allicere videtur; qua, absoluto opere, red-dita mōstrataque, aliquam de cinnabrio partem futili sanè opi-nione transmūtasse iactitant. Pari prorsus impostura, fucoque Mercurium in aurum se transmūtare hac praxi fingunt. Mer-curium præcipitatum aureæ patenæ imponunt, illumque spi-ritu vini perfundunt; quo accenso præcipitatus Mercurius nonnihil calefactus aliquam auri portiunculam, nulla tamen in patina nota, aut macula relicta, fugere, & veluti aurum at-trahere videtur. Verum de attractiua vi argenti viui & quo-modo illud reliqua metalla trahat, vide in tertio libro pecu-liari capite fusè tractatum. Sunt nonnulli, qui ossa accipitris

Argentum viuum
aurum trahit.

aurum trahere tradunt, ve-rum cum huius rei nullum adhuc periculum fecerim, de eo nihil temerè asseren-dum arbitror; Quod si ta-men quispiam ea tractiua virtute imbuta vnquam compererit; non ea Magne-ticis; sed electricis attra-ctionibus annumeranda iu-dico; Porro Cornu quoque Rhinocerotis tractiua vi fer-ri pollere, non ita pridem Lusitani quidam infallibili experimento se comperisse autumant; experientiam eo quo sequitur modò ostē-dere solent; gladium ex vtraque manubrij parte su-pra extremitates vnguium Indicis vtriusque manus li-brant ad perpendicularum; quo factò vnus assistentium arreptum ex dicto Rhino-

Ossa accipitris
aurum trahit.

Cornu Rhino-
cerotis trahit
ferrum.



cerotis cornu elaboratum vasculum, circa gladium paulatim circumagit, & ecce gladius quasi raptus, attractusque à cornu, ad vasis motum similiter quoque circumagi spectatur; Ego certè qui huic experimento aliquoties interfui, effectum quidem motus vidi, sed vtrum is à tractiva vi cornu, num à motu aëris, aut vitio librationis factæ proveniret, mihi cognoscere nō licuit; & vt verū fatear; ego libratione multò exactiore rem sæpe sæpius priuatim tentavi; sed nullum prorsus, nec Magnetici, nec Electrici motus vestigium vnquam deprehendere potui; vnde saluo iudicio aliorum fallaci librationi potius, quam qualitati alicui diffusæ huiusmodi gladij motum ascribendū iudicaui, adiungēda tamen hæc duxi, vt si quis ea experiri exactius cuperet, quomodo id facere debeat, haberet. Non desunt denique, qui vel adeo hominem ipsum Magnetica qualitate vigere putant, vt si homo nauculae impositus in aquis arte hydrastatica exactè libretur, futurum, vt facie ad polum Boreum semper; tergore vero ad oppositum polum se disponat naturaliter; sed has tanquam aniles fabulas relinquamus. Ex his igitur omnibus concludo solis Magneticis corporibus in præcedenti Capite enarratis attractiuam vim, ferri competere, & nullis alijs. Sed de his alibi in hoc opere fusius.

CAPVT V.

Vtrum Magnes veteribus Hebræis, Ægyptijs, Chaldæis, Persis fuerit cognitus?



VARIA de hoc dubio apud Authores, quæ sacros, quæ profanos, lis est, & concertatio. alij quidem notum fuisse affirmant; negant alij; quidam sub distinctione rem asserunt; Ego ne tempus eorum rationibus hoc loco allegandis perdam; quid ego de eo conijciam, mox aperio. Ferrum omnium metallorum antiquissimum, & à primis mundi incunabulis, notum fuisse sacrae Paginae docent lib. 4. Genesis, vbi viuentē ad huc Adamo Proto-plasto Tubalkain Malleator, & faber in cuncta opera æris, & ferri

Metallorum
omnium anti-
quissimum fer-
rum.

ferri fuisse dicitur; vel vt R. Sal. Iarchi explicat. מִתְחַזֵּק כָּל כֵּל. אֲדֹמָנוֹת נִחְשָׁה וְבוֹרָה. Idest expoliens & adornans omnis generis instrumenta ærea & ferrea; vel vt clariùs Thargum Onchelos.

חֹרֵב כֵּן הָיָה דְּבָרוֹן דָּלָי. וְדָעוּ עֲבוֹדַת נִחְשָׁה דְּבוֹרָה. *Thubalkain ipse fuit Magister primus omnium scientium opus æris & ferri.* Quod

Magnes à primis mundi incunabilis notus.

si ita est, vti est certissimum, & quod nemo nisi à theos negare possit, ergo consequenter tunc temporis vena ferri, quam nos in præcedentibus Magneticam diximus, exstabat; ergo fieri non poterat, quin se aliquæ Magnetis verioris partes inter fodendum, quemadmodum ij, qui in ferri fodinis laborant, experiuntur, in instrumentis ferreis sese subindè exerent. Verisimile igitur est hanc Magnetis vim ferri attractiuam cognitam fuisse, etsi in tanta admirandarum virium quas primi isti homines diuini Numinis assistentia edocti, in rebus naturalibus cognoscebant, copia & varietate, præ alijs vtilioribus non tanti adhuc fieret. Post diluuiū verò dicta ferrariæ artis scientia à Noemo, filijs, posterisque suis tradita, propagataque, magnos vbique gentium progressus fecit. Dum igitur assiduò, tum necessitate, tum curiositate incitati viscera terræ ad ferrum cæteraque metalla educenda scrutarentur, fieri certè non potuit, quin in tam frequentibus, quæ vbique passim reperiebantur ferri fodinis, non subinde mirus Magnetis effectus elucesceret; certè eum ab Hebræis in deserto cognitum, atque non in tabernaculi foederis structura duntaxat, sed & in Rationali fuisse adhibitum, non desunt Rabbini qui id asserant, atque inter cæteros Rabi Isaac Abarbanel Tractatu Thorah. titulo Tizueh fol. 169. columna 2. hæc inter alia habet de chofen, seu rationali loquens.

Magnes Hebræis fuit notus.

וְהַטּוֹר הַשְּׁלִישִׁי לְשֵׁם שֶׁבֶר וְאַחֲלָמָה כְּנָגֵד גֵּד אֲשֶׁר וּשְׁכֵר. כְּנָגֵד מֵאֲזֵימָה עֶקֶב קֶשֶׁת הַמִּשְׁרָתִים בְּתִשְׁבִּי מִרְחֹשֶׁן כֶּסֶן דָּלָשִׁם הוּא הָאֲמִטְסָרָה דְּשֶׁבֶר אֲמָרוּ שֶׁהוּא אֶבֶן הַמַּגְנֵטָה שֶׁאֵבֶת הַבוֹרָה דֵּכֵן נִאֲמַר בְּשִׁבְטוֹ בְּרוּךְ וְנִחְשָׁה מִנְעֻלָּךְ וְאַחֲלָמָה אֲמָרוּ שֶׁהוּא אֶבֶן שֶׁשֶׁלָּה סִגְרָלָה שְׁמוֹ שֶׁמִּבֹּאֵה בִּידֵי יְחִיָּה חִלּוּמוֹת וְדִמְיוֹנוֹת. *Et tertius ordo Lesem, Schabo, & Achlamah tres videlicet lapides pretiosi è regione Tribuum Gad, Aser, & Issachar; quibus ex signis Zodiaci respondent Libra, Scorpius, Arcitenens; & ex mēsis Thifre, Marchesuan, & casleu. Et Lapis quidem Lesem nihil aliud est, quam Amethystus. Et Schabo dicunt nihil aliud esse quam Magnetem; cuius ista virtus est, quod alliciat ferrum. Et achlamah dicunt*

Aegyptijs vete-
ribus notus ma-
gnus.

Lapidem esse, cuius vis manu eum portantes mira somniare faciat. Aegyptiorum vero primævis Sapientibus notum fuisse Plutarchus manifestis verbis ostendit ex Manethone antiquissimo rerum Aegyptiarum Scriptore, qui inter cætera Aegyptiorū symbola ossa Hori Magnete, ossa vero Typhonis ferro symbolicè indigitata fuisse refert; verba Plutarchi sunt. Lib. de Osiri, & Isid. Αἰγυπτῖοι τὴν σιδηρίτην λίθον ὅσων Ωρεῖ, Τυφῶνος δὲ τὸν σιδηρον, ὥς ἴσμεν μέγανθος, καλεῖσι. Ad hæc sideritum, seu Magnetem Lapidem ossa Hori, Typhonis autem ferrum vocant, ut Manethon scriptum reliquit; sicuti enim ferrum subinde trahitur, nunc in aduersum replosum retroabit; sic & bonus, & salutaris mundi excursus conuertitur; obuiusque occurrens molliorem facit persuasionem, magis quam vi duritiem illam planè Typhoniam, sed rursus cohibitus, & retroactus in seipsum facultate sua deficitur; Ex quibus verbis non Magnetis attractiuam solummodò, sed & repulsiuā quoque vim cognitam fuisse manifestò colligitur; certè Magnetem quoque ad παράπτω, siue amuleta prophylactica. Aegyptios veteres adhibuisse Hieroglyphicus ille Heliocantharus, seu Scarabæus, quem non ita pridem Ioannes Grauius Anglus, vt multarum rerum notitia clarus, ita antiquariæ rei studiosissimus ex Aegypto secum attulit, ex viuacissimo Magnete effigiatus satis superq. testatur. Accedit quod ex artificijs, quibus statuas Serapidis, & Solis, in aëre suspendi dicuntur, Magnetis notissimi argumenta fumantur; Vide Rufinum Aquileiensem lib. vi. Histor. c. 22. S. Prosperum lib. de prædicatione 3. c. 38. Georgium Cedrenum c. 267. Suidam, voce μεγάνης, & ἀροφῆς Σίβυλλα; Clementem Alex. in Protreptico pag. 15. apud quem Sybilla ita canit.

Hieroglyphica
Magnetis inscul-
pta.

Sybilla.

Καὶ σὺ σέραπι Δίθως ἀρούς ἐπικέρδρε πόλλως

Κῆσαι πῶμα μέγιστον ἐν Αἰγύπτῳ τετραλῶν.

Glycas lib. 4.

Et tu Serapi, Lapidēs rudes interiācens multos, cades ruina maxima in Aegypto miserrima. Hos (Lapides rudes multos) disertissimè Glycas exponit Magnetes. Plurimos, inquit, Lapidēs Magnetes in templo Serapidis ferreæ Solis figuræ ita fuisse oppositos, ut à quatuor partibus pari vi attractam in medio suspenderent. Simile quid Bizantinos machinatos in æde Solis, & Lunæ refert Cedrenus p. 266. & Ramban, siue Rabbi Moyse filius

23

אכן ששואבת הכוזה ומשבתו אצלה שם לנגדר של עגל יורעם ושאב את עגל זהסודי

traxit Vitulum eumque superstitit in aëre. Quidam volunt cele-

breui manu perchartum candelactum Lapidem *pyropor*, quo nomine Solem vocant, nihil aliud nisi Magnetem fuisse: aut So-

tem Magneticum mo indigitatum, quam hæselm philoso-
phicam Keplerus suis in Martis Stellam commentariis non

ita pridem ab interis denuo lulcitauit; led de Mydro, feu Mi-
thra vide Quediun noſtrum hieroclybicum, ubi

ex professo & fusè tractantur, & de Sole Magnete libro tertio

tamus . Porro & Apollinis in templo Deæ Syriæ Hieropoli-

de Dea Syria testatur; Nec aliter olim Mercurius Treviris in

acere nupemius in, quod e Gaiba Oratore recenlet Abrahamus Ortelius, & Vinjanus in Itinerar. Galliar. Præterea La-

pidem illum fatidicum, quo Helenus vates sua solebat vaticinia peragere, nil nisi Magnetem fuisse Orpheus testatur. Re-

tylus quoque Lapis non alia de causa ἐμψυχος, siue animatus
 à prius dicitur nisi quod Magnes fuerit in eo.

habere crederetur; de eo ita Eusebius in Euangel. præparat.

Inuenit, inquam Deus Cælus Bætyliæ lapides animatos fabricans.

fufpenderint veteres, in fecundo libro examinabitur fufius.

Quicquid sit, Magnetem non primis tantum hominibus, ut dictum est: sed posteris hominibus philosophisque cognitum

hunc eorum posteris relictā monumenta docent. Homerum
quoque Platonem Aristotelem Pythagoram ceterosque

ros eius cognitionem habuisse ipsorū scripta ita abundè osten-

Mythras Persarum quid?

Mercurius Tre-
uiris olim in
aëre suspensus.

Helena's vates.

Betylus Lapis.

Magnes nullo
non tempore
motus,

nunt, vt proindè ea hoc loco allegare superuacaneum ducam : Ab Hercule quoque inuentore eum Herculeum dictum, Photius in sua Bibliotheca sat ostendit his verbis. *Οτι τὸν λίθον μὲν φησι ἔχει μαγνήτην, ἀλλ' ἡρακλεῖαν καλεῖσθαι τὴν λίθον, ἣπερ ἔλκει τὰ σιδήρια, πολλοὶ καὶ ἄλλοι τὴν αὐτὴν καλεῖσθαι καὶ μαγνήτην καὶ ἡρακλεῖαν λέγουσιν, ἀποδίδοντες καὶ τὰς αἰτίας τῆς διαφορᾶς ὀνομασίας.* Hoc est. *Dicit Lapidem, qui ferrum trahit non μαγνήτην, sed ἡρακλεῖαν λίθον, Heraclium (ab Hercule eius inuentore) vocari. Alij quoque aliter illum vocare, varias reddentes appellationis causas.* Atque hæc ideo fusiùs deduxi; vt Magnetem eiusque vim ferri attractiuam nullo non tempore cognitam fuisse ostenderem. Verumtamen vtum eius verticitas atque dispositiua vis ad axem mundi, cæteræque eius virtutes nouiter adinuētæ primis ijs sæculis, vt Hebræis, Aegyptijs, Græcis fuerint cognitæ, meritò quispiam dubitare posset. Hæc dum scriberem in librū non ita pridem incideram, cuius titulus erat *Admiranda Ethnica Theologia mysteria propalata*, vbi Author Lapidem Magnetem antiquissimis passim Nationibus pro Deo cultum, & artem, qua nauigationes Magnetis ope per vniuersum Orbem instituerentur, à veterum Sacerdotibus Aegyptijs sub inuolucris Deorum, Dearumque, & aliarum, perindè fabularum cortice, summo studio occultatam esse omnibus viribus demonstrare conatur; Ac primò quidem per Hieroglyphicam illā toto Orbe celeberrimam Bembinam Tabulam nihil aliud Aegyptios veteres, nisi nauigationem per vniuersum terrarum Orbem, ope Magneticæ pyxidis, & nauticæ, seu hydrographicæ tabulæ subsidio peractam, indigitasse; adeò, vt characteris illius tabulæ Hieroglyphicæ nihil aliud, nisi plagas mundi, ventosque significare voluerint; hoc autem vt probet, mirum est quam in tota antiquitatis historia ad suum institutum detorquenda se fatiget, quam tortè & coactè quæuis, velint, nolint ad materiam suam applicare laboret, vt vehementer mirer, virum cæteroquin Sapientem, atque antiquitatis peritissimum, variæque omninò lectionis, vel animo quidem hæc concipere potuisse. Hinc Zoroastris *ἑρῆας* ventorum putat esse Rhombos, vtī & *αιῶνας* istos celebres *ἀπὸ τῆς τετρακτύος* à Pythagoræis deductos, quatuor principales mūdi pla-

Vtrum verticitas Magnetis antiquis nota fuerit?

Tabula Hieroglyphica.

Emblemata vana.

plagas. Porro Magneticę navigationis myſteria per Orimaſium, & Arimarium Zoroaſtræa Numina ſymbolicâs, vti per Anſatam Serapidis crucem, imò & per ſalutiferum illud Tau indicata; hæc iterum Orpheï ritibus, & Myſterijs Iſidis, & Oſiridis, Mythræque ſacrificijs, Lapide Mnizuri Zoroaſtræo, Europæ oſſibus Elliotiæ incluſis, Currû Iouis, & Neptuni, Tauris Erynnios ac Aetæ, Cerua Herculis, Aquila Iouis, Draconibus Medææ, & Triptolemi, Specubus antriſque Nympharum, labyrinthis pyramidibusque Aegyptiorum, verbo nullâ non fabulâ, hanc Magneticam navigationem præſignatam eſſe opinatur. Ego certè cum primum hanc Tabulæ Bembinæ novam interpretationem examinaſſem, non parum obſtupui, & cum meæ profeſſionis proprium ſit, in abſtruſa illa veterum Aegyptiorum hieroglyphica diſciplina ex Orientalium libris inſtauranda totis viribus, pro ingenij mei modulo verſari, alioſquè proindè Aegyptiorum in iſtiusmodi ſymbolis condendis fines, quam Magneticam Artem ἀποδείξινως cognoſcerem; hanc adèò à vero aberrantem Bembinæ tabulæ interpretationem non potui non improbare; & quamvis eam ſuis locis refutandam ſtatuerim, vt tamen & hoc loco ea paucis refutaretur, occaſio ipſa atque materia quodam veluti iure ſuo poſtulare videbatur. Veteribus igitur Aegyptijs ceteriſq. Orientalibus Magnetis in Nautico negotio uſum nunquam cognitum fuiſſe quatuor rationibus oſtendo. Primò, Si nautica pyxis Aegyptijs fuiſſet cognita, haud dubiè eius inter hieroglyphica ſymbola quædam veſtigia reperirètur; ſed in toto hieroglyphicorû ambitu, vti Oedipum meum examinâti patebit, nulla prorſus navis præter ſolam Barin (quod ſacrum quoddam nauigij genus, quo Iſidem Nilum traieciſſe memorant, atque quod ea de cauſa ſolùm inter ſacra ſymbola locû inuenit) neque aliud ſymbolum, quod nauticæ pyxidis ſiue ventorum Rhombos referre poſſet, comparere certius eſt, quam dici debeat, quæ tamen, ſi cognita ipſis fuiſſent, procul dubio inter ſacra ſua ſymbola, vti multa alia minoris momenti poſuiſſent. Secundò, Aegyptios ne quidem nauigationi magnoperè intentos fuiſſe, hinc ſuadetur, quod Terra abundantiffima contenti, Deorumque patriorum cultu aſſueti, cæteras extra

Aegyptum

Magnes veterū
fabulis non fuit
indigitatus.

Tabula Bembi-
na Nauticam
non ſignificat.

Prima ratio.

Baris Cymba
ſacra Iſidi.

Secunda ratio.

*Aegyptij mare
oderunt.*

*Lachryma Sa-
turni.*

*Homines Natu-
tici Typhonis
filij.*

*Piscis odij hie-
roglyphicum.*

Tertia ratio.

*Qualis tum ef-
fet scientia hie-
roglyphica.*

Aegyptum regiones ferè, ceu rudes & illiteratas, & sapientiæ suæ indigas despicerent, vnde & legem, teste Plutarcho, qua omnis extra Aegyptum peregrinatio interdicebatur, condebant; cuius legis latæ causas, & rationes alibi explicamus; accedit quod Aegyptij à mari religione quadam ducti abhorrent, vt pulchrè Plutarchus lib. de Iside & Osiride docet. Hinc Pythagoras ab Aegyptijs doctus mare lachrymam Saturni vocat; putant enim, teste Xenophonte, Aegyptij, ea qua Sol oritur parte mundi faciem esse; qua spirat Boreas dextram, qua Notus sinistram, vnde non malè dicunt Aegyptij de Nilo eum ortum à læua, in sinistra perire; Nilus enim ab austro profluens læua mundi parte, in boreali se mari miscens absorbetur, atque ideo Sacerdotes mare auersantur, quod & Typhonis spumam appellant, vti & salem eius sobolem, quem & eandem ob causam mensæ non solent apponere. Imò eadem de causa homines Nauticos & maritimos veluti ex mari, & capis (quas vtpotè Lunæ seu Isidi suæ contrarias abominabantur) vitam sustinentes, tanquam inhumanos, crudeles, feros & Typhonis filios auersantur; piscem quoque ideo tantum oderunt, vt teste Clem. Alexandrino lib. 5. stromatum ab ijs in ipsius odij hieroglyphicum sit assumptus; Satis igitur vel ex dictis patet, Aegyptios Nauigationi, vel religione quadam prohibitos non tantoperè, vt supracitatus Author putat, addictos fuisse. Tertiò, Cum Aegyptij primi essent qui in mûdo sapientiæ laude florerent, aliasque omnes gentes ea ad se inuitarent, imò soli reconditæ Sapientiæ Sacramenta de Deo, Angelis, Dæmonibus, Genijs, Heroibus, eorumque attractu, de natura rerum & mundo, de Medicina, Astrologia, sacrificijs, alijsque similibus, sub abstrusis huiusmodi hieroglyphicis Characterismis non alijs nisi Regni Primoribus Sapientia, & ætate conspicuis, cognita abderent, quorû arcanorû, totiusq. adeo hieroglyphicæ literaturæ Bébina tabula, quoddâ veluti syntagma est; Quis ergo non videt Magnetica nauticæ artis mysteria sub huiusmodi symbolis abscondita, non tantum ingenio Aegyptiorum, sed & historicis eorum monumentis repugnare, imò tantum abest vt hoc asserendum, vt potius contrarium eius tenendum sit; vel enim nautica ars tunc temporis publica erat, vel

vel priuata; si hoc, ergo falsum est, eius ope vniuersi Orbis peragrationē peractam esse, cum huiusmodi nauigationem nisi publicis, iisque ingentibus sumptibus fieri non potuisse modernæ nauigationes satis superque doceant; si ergo publica, quæ necessitas Aegyptios cogebat, artem ita publicam quæque inter Mathematicas tunc tempore, Clemente teste, in Aegypto penè vulgares infima erat, & penes homines viles, & infimæ sortis cuiusmodi Nautæ sunt, imò & ipsis, vt paulò ante dictum est, abominabilis esset, quid, inquam, necesse erat artem ita communem, & solis vtilitatibus publicis seruientem tot symbolis abstrusis, & tanto ingenio excogitatis, obuelare; Alia igitur sub huiusmodi symbolis, quam nautica latebant; ad altiora Aegyptiorum, quam ad nauticam, ferebatur ingenium, dum ista conderent, sed de ijs consule Oedipum nostrum. Quarto, Quod si ita solemnis erat Aegyptiorum nauigatio; si pyxis nautica tanto in honore habebatur; cur curiosissimum Mathematicum Pythagoram, qui omnia Aegyptiorum arcana tanto studio inquirebat, hæc sola adeo mira pyxis fugit; cur nullam eius in scriptis suis mentionem facit; Cur Plato, Aristoteles, atque innumeri alij Philosophi, qui expeditionem in Aegyptum discendi gratia susceperant, eius in suis apud posteros relictis monumentis mentionem non fecerunt? Nequaquam igitur pyxidis dictæ vsus antiquis fuit cognitus. Quod vero quidam hoc loco expeditionem classis à Salomone in Ophir missæ, Magneticæ pyxidis ope peractam esse velint, meræ coniecturæ sunt; cum de eo nullum omninò apud Authores vestigium reperiatur. Ego certè Commentatores in hunc locum Latinos, Græcos, Hebræos, Arabes, quotquot indagare potui cum impressos, tum manuscriptos, singulos summa diligentia peruolui, vt de hoc aliquid inuenirem; Sed præterea quæ vulgaris textus recitat, de aliquo particulari nauigandi artificio reperire nihil vnquā valui. Vtrū autē Salomoni diuina quadam reuelatione, aut infusà scientiā eiusmodi pyxidis construendæ ratio, vt aliqui volunt, fuerit demonstrata, huius loci non est examinare, cum de eo ex veterum Authorum monumentis nihil prorsus nobis constet; Præterea Plinius rerum naturalium indagator sagacissimus, etsi de Magnete

Pythagoras alijque Philosophi. Pyxidem nauticam nō cognouerunt.

Vtrum Salomon in Ophir expeditionem suscepit ope pyxidis?

Plinius nesciuit veritatem.

S. Augustinus.

Quæ fuerit veterum nauigandi ratio?

varia sit commentatus, tamen ne verbo maximam, & nobilissimam illius vim naturamque attigit, quod scilicet ferro illita, affrictaque, illud versus Boream assiduò spectare faciat; nec alius, vt dictum est, ex præcedentibus sæculis Philosophorum Historicorūque eius meminit; S. Augustinus etsi libro de Ciuitate Dei multa de insensatæ naturæ vi raptrice egregiè differat, ista tamen si cum hoc secreto naturæ miraculo conferantur leuia & vulgaria videbuntur; Huic & illud accedit, quod dum Plinius Authores rerum Nauticarum, & ad has requisita maximopere depredicat, de Magnete totus fileat, & phanicebus pro explorato siderum motu situque meritas gratias habendas saltem esse moneat. Vt verò summatim quod res est comprehendam; notandum, omnem veterū nauigandi Oceanum solertiam in notitia stellarum, promonteriorum, terrarum, littorumque diuersitate fuisse positam. Qui si in alto mari vbi præter aërem, vndamque nihil pateret, aliquando siue fortuitò, siue tempestatis sæuitia dispulsi corriperentur, nauis dirigendæ gubernandæque disciplinam, nullam tenuerunt aliam, quam quæ astrorum, Solis nimirum & Lunæ, & ratione ipsis commonstrabatur; Quod si cælo nubiloso, & obscuriore existente, astrorum institutione vti non possent, tunc aut ventorum naturam, impetumque sequi, aut itineris antea eo transitu confecti, aut imaginariam eius loci ad quem tendebant conceptionem ducem quærere cogebantur; Quo ingenio vel ipsi Indi hodie immensa maris spatia percurrere norūt; vel denique volucrum ductu vti Taprabanæ populi, teste Plinio, ad scopum itineris perueniebant. His igitur prænotatis, quis tandem tam diuini inuenti author fuerit iam tempus est, vt explicemus.

CAPVT VI.

De Inuentione Pyxidis nauticæ.

MIRVM sanè quam multi, de tempore inuentionis Magneticæ acus assignando se torqueant, & quam ad id, quod probare conantur, quidlibet non detorqueant; Alij quidem vt antiquis Nauticum Magnetis

tis vsum cognitum fuisse probent; nescio quid obscuri indicij ex Bibliotheca Photij afferunt; vbi Author dum de Bætylo sacro Lapide eiusque fatidica vi sermocinatur, Eusebiū quendam, inquit, cum media nocte lapidem Bætylum nactus esset eadem adhuc nocte iter confecisse decem omninò & ducentorum stadiorum; quibus verbis sibi omninò persuadent aliud intelligi non posse, nisi naus dirigendæ compendium, quo recta via ope Magnetis vela faciens, obscurissima etiam nocte, perinde, vt Sole lucente, maxima conficiat itinera; quibus ea quæ sequuntur Photij verba maximè sibi suffragari persuadēt.

Bætulus Lapis
fatidicus.

Nec vero, inquit, Eusebius qui traclabat Lapidem illum, Dominus erat motuum illius Bætyli, vti alij Domini aliorum Lapidum; sed Eusebius petebat, & orabat, Lapis vero Bætulus locum dabat oraculis.

Photius.

Verū qui contextum totius historiæ à Photio de Eusebio relatæ penitiùs examinarit; Lapidem Bætylum (demus etiam Magnetem eum fuisse) in huius tamen Eusebij nauigatione acceleranda nullius omninò vsus fuisse, clarè videbit; quomodo enim lapis rudis in naui ita librari possit, vt in tanta naus agitatione lineam polarem constanter semper, & immobiliter teneret, & quod caput est, sine ventorum radiofa figura ei subiecta directionis cursū obseruare potuerit, certè nō videò; sed demus etiam Lapidem hunc libratum, quantum fieri poterat, polum ostendisse, sed quid tum Lapis iste ad naus motum accelerandum conferre potuerit, neutiquam dispicere valeo, cum velocis huiusmodi nauigationis solum secundorum ventorum vehementem flatum, non acum Magneticam, causam dicendam esse, nemo ita obtusi ingenij sit, qui non videat. Lapis igitur nauigationi, aut dirigendæ aut accelerandæ non seruiabat; sed Eusebium, dum ope fatidici huius

Explicatur
Locus Photij.

Lapidis, certis quibusdam adhibitis cerimonijs, hymnisque, de nauigatione peragenda oraculum consuleret; tandem de prospera & secunda nauigatione futura, Lapidis veluti oraculi interpretis motu edoctum, portu mox soluisse, ac ipsa nocte adhuc in locum desideratum peruenisse; atque hoc ita sese habere ipsa verba Photij luce meridiana clariùs explicant. Qui vero ex nomine Bellona & Belo τὴν ναυπηγὴν βελάνην καὶ βέλον, Antiquitatem Magneticæ Artis καὶ τὴν θαλασσοκρατίαν demon-

demonstrare conantur, tantò errant turpius, quantò à vera horum nominum etymologia longiùs aberrant; Sunt denique nonnulli, vt Levinus Lemnius, Calcagninus, & Ioannes Baptista Pius, qui ex Lambino & Stephano persuasi nauticam pyxidem tempore Plauti cognitam fuisse, hisce Plautinis versibus, in Mercatore ostendere conantur.

Hic secundus ventus nunc est, cape modo versoriam

Hic Fauonius serenus est, hic auſter Imbricus.

Verùm cum per pyxidem Magneticā Nauis non propriè verti, sed versa intelligatur, ego certè per Plautinam hanc versoriam nihil aliud, nisi aut temonem, aut velum, quorum ope Nauis in omnem partem versa compellitur, aut etiam meliori, ni fallor, iudicio intellexerim hac vocula ipsam Nauis conuersionem, idemque esse, capere versoriam, ac Italicè *pi-gliar la volta*; Imò id manifestum fit ex alio loco Plauti, in Epidico; *utcumque in alto ventus est Epidice ex imò velum ver-*

Alber. Magnus
l. 2. tract. 3. c. 6.

tatur. Porro Albertus Magnus non exiguam in opere suo de mineralibus, Authoribus perplexitatis causam dedit, dum ex nescio quo Apocrypho Aristotelis libro, de Lapidibus, hanc vim Magnetis ad polos conuersiuam asseruit hisce verbis *Aristoteles*, inquit, *in libro de Lapidibus dicit; Angulus Magnetis cuiusdam est, cuius virtus apprehendendi ferrum, & ad Zoron, hoc est Septentrionem, & hoc vtuntur nautæ; Angulus vero alius Magnetis illi oppositus, trahit ad Ason, id est polum Meridionalem, & si approximes ferrum versus Angulum Zoron, conuertit se ferrum ad Zoron, & si ad oppositum Angulum approximes, conuertit se directè ad Ason*. Hæc sunt verba ex Aristotelico codice ab Alberto deprompta, quæ etiam Vincentius Bellouacensis

Vincētius Bel-
louacensis.
Anno 1245.

Quod Ason, &
Zoron?

Alberto *συχρονος* citat; Verùm cum huiusmodi liber à nullo alio authore, siue veteri, siue recentiore, quorum tamen multi opera eius omnia summa diligentia perquisita euulgarunt, allegetur, ipseque liber prima fronte nescio quid supposititij oleat, vti plurima alia, quæ Aristotelis nomine circumferuntur volumina; imò imposturam, fucumque factum ipsa portentosa nomina Zoron & Ason, quæ nec Arabica, minùs Hebraea aut Chaldea, nulla ratione Græca, nisi admodum violenta, torta ac coacta deriuatione esse possunt, satis declarent;

eum

eum Aristotelis esse, vt credā induci non possum; Ex hac igitur Alberti allegatione hoc solum colligi potest, huius qualēcunque supposititij partus Authorem, vel propria notitia, vel aliorum relatione de huius Lapidis vi conuersiua in polum aliquid circa annum 1200. quo sæculo hæc Magnetica vis maximè innotuisse constat, primū inaudisse, opusque Aristoteli, vt quæ omnium opinione *ἀπὸ τοῦ μαγνήτου* viderentur, ea fide digni & maximi Philsophi autoritate fulcirentur, inscripsisse. Præterea non desunt qui velint, ex China per Paulum Marcum Venetum verticitatem Magnetis anno 1260. Europæ primū innotuisse; at quamuis ego singulari diligentia rem exquisiuerim, ex ijs tamen qui in China fuerunt, quique Annales Chinesium optimè norunt, nihil de rei veritate certi cognoscere licuit. In Geographia tamen Arabica Vaticana, vti & Nabiana, quæ satis antiquæ sūt, Magnetis in nauigatione vsitati haud obscura indicia, vti & apud R. Salomonem Cretensem in Horis monstrandis ferreā vsurpatam lanceolam reperio, imò historia Indiæ Orientalis memorat, Vascum Gamā in deteptione Promontorij bonæ spei in Naues quasdam Barbarorum incidisse, quibus acus vsus esset, vnde colligunt eius Magneticæ vsum iamdudum Barbaris fuisse cognitum; Quidquid sit, cum attractiua vis Magnetis nullo non tempore animos mortalium in sui admirationem traxerit, dubium nullum esse debet, quin multi ex Philosophis, curiosisque naturæ scrutatoribus frequenti experimēto huius Lapidis tam mirabilem facultatem omnibus viribus, idque varijs modis indagare sint conati; ac fieri potuit, vt dum ferra longiuscula ad exactiorem facilioremq. motum librarent, ferri extrema non ad omnia Lapidis puncta promiscuè, sed ad certa, & determinata confluere notarint, præterea ablato Magnete; cum ferrum ad certum sese situm semper, & constanter accommodare viderent, paulatim frequenti experimento certiores facti, tandem in verticitatis Magneticæ cognitionem peruenerint. Quam postmodum, paulatim diuulgatam, varijs, variarum inuentionū occasionem, vt in rebus nouis, & raris fieri solet, præbuisse, nullum dubium est. Hinc factum, vt huius adeò diuini inuenti gloriam, quælibet sibi Natio præscribere ambiret; Nam Belgæ eam sibi

In Europā pyxis
dis inuentionē
primū ex Chi
na promanasse
aliqui volunt.

R. Salomon
Cretensis.

Barbaris fuisse
Accolis Promō
torij boni spei
notum fuisse
Magnetis vsū.

præ

Ioannes Goia
Amalphitanus
eius inuentor.

Anno 1302.

Horologii So-
laris siue Ma-
gnetici inuen-
tor Syluester
Secundus Pa-
pa.

Dithmarus.

Ammonius.

præ ceteris adscribunt; Angli ad se primū deinde ad Belgas de-
riuatam afferunt; Non desunt qui Lusitanis, & Hispanis impu-
tent; Quidquid sit, grauiores Authores Italo cuidam Amalphi-
tano Ioanni Goia, vel vt quidam volunt Giræ inuentionem
ascribunt, quibus & assentior ego. Nam huiusmodi Magnetica
facultas, cum primò ad Aures dicti Ioannis Goia Amalphita-
ni peruenisset, isque ingentium vtilitatum emolumentorumq;
segetem sub ea reconditam notaret; cum in Nautica arte, cui
deditus erat, primò rem expertum, tandem Magneticam py-
xidem toto Orbe celeberrimā, & qua humanis vsibus & com-
modis, vix aliquid excellentius excogitari obtigit, primum
confecisse, directionisque rationem docuisse, Flavius Blondus,
alijq. referunt, de quo ita Panormitanus. *Prima dedit nobis vsum
Magnetis Amalphis*, vide Ortel. tab. 6. Horologium vero Scia-
tericum portatile Magnetis ope tempus indicans, alij à Sidonio
Apollinare: alij à Syluestro II. Pontifice Max. eximio Philo-
sopho & Mathematico, primū mundo proditum arbitrantur;
persuasi ex verbis Dithmati cuiusdam historici, cuius verba
sunt. *Gerebertus (qui postea Pontificatum adeptus Syluester II.
dictus fuit) natus de Occiduis regionibus, à puero liberali arte nu-
tritus, & demū ad Rhemorum urbem regendam iussu pro-
motus, optimè callebat astrorum cursus discernere, & contemplato-
res suos varia artis notitia superare; hic tandem à finibus suis ex-
pulsus, Othonem III. Imperatorem petijt, & cum eo diu conuersa-
tus, in Magdeburgo Horologium fecit illud rectè constituens, con-
siderata per fistulam quandam stella nautarū Duce.* Ammonius
lib. 5. c. 46. Guillelmus Bibliothecarius, & Vetusissimus liber
Siciliæ, qui est in Bibliotheca Vaticana de eò sic loquuntur;
*vir fuit Syluester Doctissimus, Mathematicus, & Philosophus egre-
gius, Monachus è Floriacensi Canobio propter insignem doctrinam
primū Archiepiscopus Rhemorum; deinde ab Othone III. Impe-
ratore Archiepiscopus Rauennas, deinde Papa creatus, cui ob pro-
fundam rerum naturalium scientiam Magia crimen perperam
ab imperitis impingitur, nam cum admodum pauci essent tunc tē-
poris, qui in occidente Philosophia, & Mathematica operam da-
rent, si qui harum rerum notitia alicubi essent præcellentes, ab im-
perito vulgo statim Magi, ac Necromantici haberentur.* Sed de hoc
vide

vide Ciatonium in vita Syluestri II. His successit postea Petrus Peregrinus quidam natione Gallus, vel, vt alij veriùs putant Rocherius Bacon, qui in peculiari, quam de Magnetis viribus conscripsit, epistola, non ferri tantum Magnete attracti vim cōuerſuam; sed & ipsius Magnetis in aquis librati verticitatem primus obseruauit, & posteritati tradidit. Hos postmodum sequuti alij, ac tam insolenti inuento excitati, varijs quisque spartam suam inuentionibus ornare conati sunt. Hinc Sebastianus Cabottus, & Gonzalus Ouiedus ambo Nauarchi celeberrimi duarum præclarissimarum obseruationum auctores fuere, hic ἀκλισία Magnetica in Meridiano Azorico, ille ἐπεροκαλυβοκλίσεως, seu Magnetis, variæ à polari linea deuiationis; Post hosce vltcrius in Magneticarum diuitiarum abdita penetrans, mundo Magneticorum miraculorum maximum, declinationem, inquam, seu inclinationem, aut descensum Magnetis infra Horizontem, primò manifestauit Robertus Normannus Anglus; Quas omnes inuentiones alij postmodum egregijs voluminibus, de quibus in præfatione locuti sumus, excoluerunt, atque rationes singularum obseruatarum virium, causasque summa diligentia, & studio demonstrare contenderunt. Alij verò raritate virium Magneticarum rapti, dum nouas certasque experientias mūdo prodere non possent, incertis, & fallacibus coniecturis insistentes, pudendis & intolerabilibus mendacijs, ac portentosis figmentis omnes Scholas referferunt. Hinc Medicorum infame illud Magneticum vnguentum à Coclenio propalatum, aliaq. innumera in medicina figmenta prodierunt. Hinc Astrologi eum varijs sculpturis ad gratiam, amorem, & fauorē Principum acquirendum variè deformatum cum insigni impostura varijs obtruserunt; Quarum superstitionum magnam partem recitat supracitatus R. Hannasæ in suo libro de Lapidibus pretiosis his verbis.

וְהָאֵלֶּם לְאֵמוּנָא הַמּוֹשֶׁת הַבְּרוּךְ הוּא מְבֹא הָאָדָם לְיָדוֹ מִחֲשָׁבוֹת וְעוֹת דְּרָבָת וְחִפְּפָה חֵלֶי הַשְׁקוֹת הוּא הָאֵידֶרֶס פִּסְיוֹאָה וּמִנְסִים גַּם כֵּן הַנְּשִׁים בַּה כִּי מוֹ שְׁהוּא מְקִנָה לְאִשְׁתּוֹ וּזְרָא שְׂמָא חֲזֹנָה עָלָיו וְשִׁים הָאֵבֶן עָלָיו בְּעוֹדָה וְשִׁנָּה וְאֵם הוּא נְקִיָּה מֵעוֹן חֲקִיצָה מִחֲשׁוֹנָה וְחֻבְבָק אֵת מוֹשֶׁה בְּאֶהֱבָה וְאֵם טַמְצָה הוּא תַפֵּץ מִהַמְטָה וְחִבְרוֹת דְּאִמְרוּ גַם כֵּן שְׂאֵם וְכֵנִס חֲגִיפִים בְּבֵית דְּוִשְׁמוֹ הָאֵבֶן עַל הַגְּהֵלִים בְּאִרְבַּע פְּיוֹת הַבֵּית כֵּן אִשְׁוֹ הַבֵּית יִקְיִמוּ בְּלִילָה וְיִבְדְּלוּ מִן הַבֵּית וְיִתְּיֵךְ מְקוֹם לְאֵבֶן לְגִנְיָה.

Hoc est. *Calamita*,

Petrus Peregrinus.

Rocherius Bacon.

Sebastianus Cabottus, Gonzalus Ouiedus quid inuenerint?

Robertus Normannus.

Superstitiones Magneticæ.


seu Magnes trahens ferrum efficit in homine multas, & malas phantasias, medetur hydropisi, fugiūt quoque hunc Lapidem mulieres; si enim maritus quispiam Zelotypia ductus uxoris suae, timeat ne alter forsan ei cōmisceatur, tunc ponet Lapidem super eam cum dormierit, & si illa fuerit insons à scelere, excitata à somno virum suum peramanter amplexabitur: si verò rea fuerit alicuius sceleris, decidens è lecto fugiet. Dicitur etiam, quod fures domum spoliaturi, ponunt hunc Lapidem super Carbones in quatuor angulis domus, hoc enim factò, omnes in domo surgent attoniti & stupefacti relicta domo fugient, ita furibus locus ad prædandum, quantum voluerint, dabitur. Hæc adiungenda duxi, vt videret Lector, in quam insullas, & enormes superstitiones humana mens labatur, nisi Lydio illo veræ Philosophiæ Lapide fulciatur: aut si istiusmodi promiscuè ab Authoribus allatis, solida Philosophandi ratione neglecta, temerè fidem adhibeat; tempus sanè me deficeret, si innumera alia otiosorum hominum deliramenta hoc loco producenda forent, sed postquam Magnetica natura hoc opere penitus enodata fuerit; futurum spero, vt mox omnium errorum caliginumque fibris elisis, nouisque ac veris Magneticæ Philosophiæ fundamentis iactis, generosa ingenia, otiosis huiusmodi ac inanibus maleferiatorum hominum opinionibus imposterum non amplius decipiantur. Sed iam ordo postulare videtur, vt præmissis hisce προλεγόμεις rem Magneticam paulò altius ordiamur.



LIBRI PRIMI
MAGNETICÆ ARTIS
PARS SECUNDA.

ΘΕΩΡΗΜΑΤΙΚΗ.

De omnibus & singulis Magnetis effectibus,
& proprietatibus.



ΠΡΟΟΙΜΙΟΝ.

MATHEMATICI, ut faciliores & ad discendum commodiores artis suæ regulas, & præcepta Tyronibus præberent, singulari quadam methodo, ne confusa dicendarum rerum multitudine Remora discantibus obiceretur, ea perscribere consueuerunt; horum ego exemplo ductus doctusque hanc artem meam Magneticam; cum, ut rerum in ea explicandarum varietas, & præstantia; tum ut effectus in intimis Magnetice naturæ penetralibus latentes irrefragabili experimentorū demonstratione primò quidem κατὰ τὴν θεωρίαν; operi verò externo conducentia Magnetis arcana, per problemata quadam curiosi Lectoris animo, uti clariùs, ita faciliùs illaberentur, methodo haud absimili tractandam duxi, in omnibus eam ut plurimùm demonstrandi rationem, quæ vel ab intima naturæ proprietate, vel ab experientia, vel ex Logico aut Euclidæo promptuario desumitur, usurpaturus. Quod ut faciamus, novos primò & obscuriores terminos in hac materia occurrentes, ne ij cuiquam tenebras offundant, primò
Statim fronte explicare aggrediamur.

DEFINITIONES

I.

Magnes Lapis, est corpus minerale seu fossile, certis & à natura determinatis virtutum punctis constans; quibus & corpora sibi similia allicere, & ad situm naturæ suæ consentaneum videlicet polarem se disponere possit.

II.

Magnetica vis motiua, siue attractiua, propriè loquendo, nihil aliud est, quàm qualitas intrinseca à tota Magnetis forma promanans, totius globi in certo, & determinato situ, bifor-
mi sua actione constitutiua; qua per medium transmissa, amica, proportionata & consimilia corpora affecta, ex vi qualita-
tis iam receptæ ad principium, à quo qualitas ista dimanat, ob
similitudinem, & naturæ consensum, vt melius habeant, com-
modiusque existant, concurrentia, ad eundem cum Magneti-
co corpore situm se accommodant.

III.

Motus Magneticus propriè non est attractio, ita vt vnus
tantum sit *ἐλκτική δύναμις*, seu vis tractiua; sed vtriusque
συνδρομή; siue concursus, aut concordantia, singularumque
partium vtriusque in vnum conspiratio, quam coitio neces-
sario sequitur.

IV.

Magnetica motio latè sumpta nihil aliud est, quam quili-
bet occultus rerum naturalium motus, quo vnum ad alterum
abdito quodam naturæ consensu localiter mouetur; ab altero
verò eiusdem dissensu remouetur, & hac ratione omnem
sympathiam, & antipathiam pro Magnetica motione lato
modo & *κατὰ τὴν ἀναλογία* sumimus, quam ita quoque defi-
nimus.

V.

Sympathia est affectio, coordinatio, seu habitudo vnus ad
alterum, vel duarum aut plurium rerum ad inuicem; ita vt vna
hoc aut illud agente, vel patiente, altera quoque aliquid agat,
vel patiatur. Antipathia verò est inimica affectio vnus, dua-
rum, pluriumque rerum, &c.

VI.

Qualitas Magnetica *ἑμπερὸς*, siue biformis, est vnica & simplex qualitas, Magnetem in oppositas partes Austrinam videlicet, & Boream secundum longitudinem disponens.

VII.

Orbis virtutis est totum illud spacium, per quod quæuis Magnetis virtus extenditur. Orbis verò attractionis, siue coitionis, est totum illud spacium, intra quod Magneticum quoduis positum, à Magnete incitatum allici potest, distinguitur autem hic orbis à priori: quòd in orbis virtutis aliquo pūcto positum Magneticum corpus, non necessariò alliciatur, aut sensibilibiter moueatur. Secus de orbe attractionis iudicandum.

VIII.

Radius orbis virtutis, est recta linea, ab extremo orbis ad alterutrum polum via breuissima ducta.

IX.

Centrum virtutis in Magnete est mediū in axe Magnetico punctum, quod planum Aequatoris Magnetici secans, Magnetem in duas facies, Borealem scilicet & Australem diuidit.

X.

Magneticæ motionis, quæ de facto exercetur apud nos, termini sunt poli non cælestes; sed terrestres, ad quos intrinseco & innato appetitu, ceu ad bonum conseruatium Magnetica necessariò conuertuntur.

XI.

Magnes genuinus Terreni globi filius, in formam Sphericā adaptatus, omnes eiusdem proprietates situ, & Symmetria, partium exprimit. Vnde & Terrella noto iam vocabulo à nobis dicitur.

XII.

Poli Magnetici sunt puncta terminantia axem corporis Magnetici, per quæ veluti per ostia quædam virtutis totius corporis Magnetici vigor propagatur ad extra.

XIII.

Aequator Magneticus est circulus maximus in Sphæra Magnetica, quo centrum permeante, totus globus in æquales partes, & quantitate & virtute, quasi septo quodam transuerso, inter verticitates ytrinque pari vigore imbutas diuiditur.

XIV.

Paralleli Magnetici sunt circuli minores ab æquatore Magnetico vtrunque æquidistantes, quorum in circumferentijs æqua virtutis, seu Magneticæ verticitatis potestas est.

XV.

Meridiani Magnetici sunt circuli maximi per polos Magneticos transeuntes, in quibus Magnetica latitudo mensuratur.

XVI.

Verticitas in Magnete est vigor polaris, seu vis conuerſiua ad polos.

XVII.

Variatio est Magnetici corporis polos rectâ non respicientis; sed ab ijs diuerſimodè hinc inde in diuerſis Terreni Orbis partibus à Meridiano recedentis deuſiatio; eſtque duplex *Ευρέκλις*, ſiue *ἀνατολις* aut declinatio Orientalis, dum à Meridiano in Eurum, ſeu Orientem verſorium rapitur. *Ζεφυρέκλις*, ſeu *δυσις* verò, dum à Meridiano in Zephyrum, ſeu Occidentem declinat. *Ορθόκλις*, ſeu *ἄκλις* dicitur, cum videlicet acus polum rectâ ſine declinatione reſpicit.

XVIII.

Declinatio, ſeu meliùs Inclination, eſt Magnetici corporis conuertibili natura ſua ſecundum alteram ſui extremitatem infra Horizontem deſcenſio.

XIX.

Magnetica corpora illa propriè ac ſtriçtè dicuntur, quæ virtutis & alterationis Magneticæ capacia ſunt, & Magneticas leges in omnibus ſeruant; id eſt, quæ intra Sphæram actiuitatis Magneticæ conſtituta alterari, & vim diffuſam participare poſſunt, & iuxta illam moueri, vel ſiſti.

XX.

Electrica attractio, non eſt à natura ad corpuscula, quæ trahit in certo loco ſituue conſtituenda; ſed ad ea ſibi, ita naturæ neceſſitate poſtulante, vnienda, ordinata.

AXIO-

AXIOMATA SEV PRONVNCIATA.

De Natura, & Arte.

I.

Natura nunquam frustra agit, nec in necessarijs destituitur. Aristot.

II.

Natura Compendio studens per breuissimas lineas agit. Proclus.

III.

Natura semper facit optimum quod potest, siue Natura unum quodque ordinat sapientissime. Arist. Albert.

IV.

Natura in suis operationibus non facit saltum. Themistius.

V.

Natura non redundat in superfluis, quodque alibi demit, alibi restituit. Aristot.

VI.

Vnumquodque naturaliter affectat id, à quo perfici, refugit verò id à quo destrui potest: siue omne, conseruatium sui appetit, refugit verò destructiuum. Plato.
Aristot.

VII.

Ad omnem actionem Physicam, contactus vel suppositi, vel virtutis requiritur, seu quod idem est, non datur actio in distans. Aristot.

VIII.

Quicquid mouetur, illud ab alio moueri neceße est. Aristot.

IX.

Η φύσις τῆ φύσεως τέμνεται	Natura naturà deletatur.	Democritus. Abderita.
Η φύσις τὴν φύσιν νικᾷ	Natura naturam vincit.	
Η φύσις τὴν φύσιν κρατῇ	Natura natura dominatur.	

X.

Ars est ordinis & compositionis Magistra, Simia Natura. Plato.

XI.

Pythagoras. *Homo Naturæ Minister & Interpres tantum facit, quantum à naturæ ordine re vel mente obseruari.*

XII.

Synefius. *Natura non nisi parendo vincitur; vincitur autem cum*

XIII.

Antiphon. *Τέχνη κρατέμεν ἐν φύσιν νικώμεθα; id est cum arte superamus, quibus natura vincimur.*

XIV.

s. Thom. *Quod est ars in homine, hoc natura in Deo est; iuxta illud, Platonis, ἡ φύσις, τέχνη τῆ θεῶ Natura ars Dei, & iuxta Rambam, Natura opus artis Dei. טובה הוא מעשה המלאכה והוא.*

XV.

R. Moses Egypt. *Ad opera externa nihil aliud potest homo, quam ut corpora naturalia admoueat, & amoueat, natura intus transigente.*

XVI.

Geber. *Lis & amicitia in natura stimuli sunt motuum, & clauces operum, hinc corporum unio, & fuga.*

XVII.

Auerroes. *Qui formas rerum nouit, is unitatem in materijs dissimillimis complectitur.*

XVIII.

Auicenna. *Omnia quæ trahunt, si trahere non possint, à tractis trahuntur; siue ad tracta ultro currunt.*

XIX.

Algazel Arabs. *כל מי ידעף מלששלת מלתו, ילפס בה עלאם מלעף, מע מלתחתו הו יערף כל אשראד
 Qui sciuerit catenā connectentem superiora inferioribus, מלס בו עתה
 hic mysteriorum maximum penetrabit.*

PROPOSITIO PRIMA.

De Magnetismo Telluris.

THEOREMA I.

*Terrenus globus insita sibi à natura facultate
se ad polos mundi disponit.*

CONSENTANEVM fanè erat, vt primùm omnium rerum Natura Deum conditorem, quantum quæque suæ essentiae conditione potuit, repræsentaret; Nam cum Conditor sapiētissimus omnia studeret, quàm optima, ornatissima, præstantissimaque efficere, nihil seipso melius, ornatiusque, nihil præstantius reperit. Propterea, cum corporeum hunc mundum agigaret animo, formam ei destinavit sibi ipsi quam simillimam. Hinc ortum totum quantitatum genus, & in eo curui, rectique discrimina, præstantissimaque omnium figura Sphærica superficies; Nam in ea formâda lusit sapientissimus Conditor adoradæ suæ Triadis Imaginem. Hinc centri punctum est Sphærici quædâ quasi origo, superficies puncti intimi imago, & via ad inueniendum, quæque infinito puncti egressu, ex se ipso vsque ad quandam omnium egressuum æqualitatem gigni intelligitur, puncto se in suam amplitudinem communicante; Ita vt punctum & superficies, densitatis cum amplitudine commutata proportionē sint æqualia; Hinc est vndique punctum inter, & superficiem absolutissima æqualitas, arcūissima vnio, pulcherrima conspiratio, connexus, relatio, proportio, commensus. Cumque tria sint planè, centrum, superficies & interuallum, ita tamen vnum sunt, vt nullum ne cogitatu quidem abesse possit, quin totum destruat; Sed hæc in Geometria nostra hieroglyphica, Deo volente, fusiùs prosequemur.

Hæc igitur propria atque genuina, hæc amplissima corpori huius mundi est imago, quam vel simpliciter, vel respectu quodam suscipit, quicquid ad summam perfectionem inter

COR-

Mundus in
go Dei.

Punctus omnia

Omnia circulo affectant.

Fabrica mundi.

Terra hominū sedes.

Terra simia, cæli.

Duplex qualitas Terræ infusa.

corporeas creaturas aspirat ; Propterea corpora ipsa cum suarum superficierum finibus continerentur , nec sese ipsa multiplicare possent in orbem , varijs fuerunt prædita virtutibus , quæ nidulantes quidem in corporibus , se ipsis verò paulò liberiores , & materia carentes corporea ; sed sua quadam constantes materia , quæ dimensiones suscipit geometricas , egrederentur per lineas , orbemque affectarent ; quod cum in luce , alijsque simili qualitate imbutis , tum in Magneticis potissimum corporibus apparet , inter quæ cum tellus primum locum non immeritò obtineat , de ea veluti fundamento totius paulò altius ordiri visum est . Quemadmodum igitur Naturæ Author ineffabili sua prouidentia , ea cælum arte fabricari voluit , vt super duo puncta opposita , quos polos vocamus , cōstanter , ac lege inuiolabili , totius molis motus , totiusq. compagis perageretur conuersio , ne incertis confusisque motibus , & nullo ordine , aut discrimine peractis periodis , ordinatissima illa cælorum machina in incertum fluctuans , interitum veriùs , quam vitam inferioribus largiretur ; haud secus inquam , vt omnia mundi corpora toti assimilata , certa quadam analogia , ac portione sibi responderent ; Terram hominum , quorum causa mundus creatus erat , sedem & habitaculum , inexplicabili fanè opificio in mundi centro , ac circumflui aëris inani spacio , nullo subnixam fundamento , sed suamet stabilitam mole , cælo ita includi voluit , vt poli terrestres , polis obuersi cælestibus , vtriusque fluctuationem machine , veluti vnus axis frenaret insitio , Tellusque iam ceu soboles quædam cælestis , & situ & partium symmetria , totum vbique affectaret , hac solum cælum inter , & terram intercedente differentia , quod illud motu perenni , principij agentis , hæc patientis quiete sua conditiones , iure quodam debito exprimeret .

Sicut igitur singulis rebus eæ à prouida natura qualitates sunt indite , quæ & res ipsas in suo esse conseruent , operationibusq. earū maximè sint cōsentaneæ ; ita naturæ munere duplex quoque terreno huic globo obtigit qualitas fini eius apprimè congrua ; Grauitas videlicet , qua in mundi centro æqualibus librata momētis certo loco , ne hinc inde per sublunaris mūdi inane fluctuando , maximam causaretur in natura rerum confusio-

fusionem, persisteret. Altera vis Magnetica, qua sese supra axem mundi cōstanter, & immobiliter polos suos, polis mūdi irremissibili situ obuertendo libreret; vt hac sibi insita æquiperata facultate, Solis, & Lunæ, cæterorumq. ambientium astrorum influxum, ac diffusa semina ad sublunarium rerum generationem destinata, matrice sua cōmodius, & minori cum impedimento susciperet quod tamen minimè, si hac destituta virtute tellus, polis suis hinc inde in incertum fluctuans oberaret, fieri iudicandum esset. Est autem huiusmodi Telluris ad polos mundi constituta, positio ei ita à naturæ requisita necessitate insita, vt si totum globum diuina dispensatione à proprio suo, & naturali situ vi superioris alicuius Agentis dimoueri contingeret; is arbitrio suo relictus, ad derelictum locum ingenta sibi vi quadam Magnetica mox sit rediturus, cum extra hunc locum non nisi violenter maneret, imò in hunc situm coactus nulla ratione sine maxima sublunaris mundi confusione consistere posset.

Gravitas, & vis
Magnetica.

Cum enim Deus singula mundi climata, atque plagas dotibus suis ac prærogatiuis ad Lapidum, plantarum, animaliumq. variam productionem instruere voluerit, certè vt tellus communis rerum omnium mater, & matrix hac virtute sua Magnetica ad polarem situm immobilis, cælorum influxui ita aptius subderetur, prorsus erat necessarium; Quod si mutatis iuribus suppolares terrestris mundi plagas instabili quadam fluctuatione Aequatoris; has cōtra Boreæ contingeret subiugari imperio; Quid aliud ex hac insolenti Telluris metamorphosi, nisi totius sublunaris mundi interitus exspectandus esset? cum ex huiusmodi adeò violento situ, eas plantas, & animalia, quæ natura sua frigido gaudebant cælo, niuis beneficio fovebantur, insolito mox torridi Solis æstu interire necesse sit; vt i & plantis animantibusque calidioribus assuefactis locis, si polo subderentur, contingeret; accedit quod in huiusmodi confusa volubilitate nulla temporum, horarum dierumque, ac noctium ratio, nullus anni partium ad generationem rerum destinatarum ordo, & distributio haberi posset; Ne igitur natura tam inconuenientes, ac perniciosas mutationes, e dicta Telluris fluctuatione pateretur, Tellus instrumentum, seu ro-
bur

Cur Terra in
polos disposita
sit.

Quid sit Ma-
gnetismus
terrae.

Terra Magne-
tica.

Quae corpora
Magnetica?


bur quoddam, quo veluti basi ac fundamento suam stabiliret mobilitatem, iure quodam postulare videbatur; quod quidem nos nihil aliud dicimus, quam vim quandam Magneticam, ab intrinseca Telluris forma promanantem; hac enim vnica se ad polos mundi non secus, ac Magnetica corpora ad Telluris polos conformat; vtrum autem in polis mundi vis quaedam similiter Magnetica sit, qua terreni poli afficiantur, nolim hoc loco disputare, quod si quis diceret, nihil absurdi assereret, cum ea ratione se ad caelum Tellus, qua ratione Magnes ad Tellurem habere non absimile videatur; sed de hoc alibi fusius, sufficiat Terram in polos mundi insita sibi vi; ceu in bonum totius, abdito à nobis naturæ consilio dirigi. Terram autem hac Magnetica vi imbutam variæ experientiae monstrant; ferrum enim igne candefactum, praesertim si secundum suam longitudinem collocetur in Meridiano, simul ac frigori sibi naturali fuerit redditum, ingenito appetitu mox se ad polos conuertit; sed hoc nulla ratione fieret, nisi continuo illo ac perenni Telluris Magnetico effluuiis, quo omnia sibi consimilia corpora simili vi alterantur; quoue imprægnata Tellus, non ad caelestem; sed terrenum polum inclinat. Porro hoc solo lateres ferruginei, instrumenta igniaria, clathra ferrea, sine vlla ad Magnetem præuia affricione vigorem concipiunt Magneticum, de quibus fusius insequentibus. Quod si igitur Terra dictis corporibus sibi proportionatis vim ad polos conuersuam tribuere possit, negare eandem in se continere Tellurem, certè temerarium iudicandum esset; cum nemo, quod non habet, dare posset, è scholis notum sit. sed hæc ita se habere, sit experimentum primum.

Experimentum I.

Terræ solo va-
riatio siue ea-
dem extremo
trahit, & repel-
lit.

SIt ferrum quodpiam oblongum A B, quod nullo prius Magnete sit excitum, ne quidem eius odore imbutum; versorium C D libratum supra obelum O, cuius pars C sit Borea; D, Austrina. dico ferrum hoc eadem sua extremitate, variato solo ferri situ, bifor-
miformi qualitate imbutū iri. Si enim A
extre-

extremitas ferri, protensa ferri A B longitudine deorsum, ap-



plicetur verso-
rij parti C, ra-
pietur Borea
pars acus; si au-
tem ferrū lon-
gitudine sua
A B sursum
vergens extre-
mitate sua A
ad Australem
versorij partē
D fuerit ap-
plicatum, ea-
dē ferri extre-
mitas A, quæ
prius ferro in-
fra posito tra-
hebat Borealē
acus partē, iam
Australem tra-
het, cuius qui-
dem nulla alia
ratio est, quam

continuum illud è Tellure Magneticum effluuium, partes ferri pro diuerso situ alterans, quod ita ostendo. Sit globus Terræ M N O P; polus eius Boreus V, Austrinus*; horizon astronomicus M N, Physicus Y Z, supra quem recto obelo libretur verforium; ferrum autem sit A B. Hoc igitur nullo prius Magnete excitum supponatur parte sua A, cuspi di C Boreali; & quoniam pars ferri B vicinior polo mundi V, id à radio Magnetico V B. à polo Terræ Boreo diffuso affectum, in momento iuxta Magneticorum processum biformem qualitatem acquireret, & B quidem vim se disponendi versus Boream, A verò opposita pars ferri vim se disponēdi in Austrum; Trahet igitur Boream partem acus, Austrina pars A, ferri A B utpotè similis dissimilem, iuxta communes Magneticorum, ut in

Ratio, & causa
huius paradoxo.

sequentibus fusè declarabitur, leges. Quod si ferrum statuas supra acum normaliter, ita vt eadem extremitas A applicetur parti D Austrinae versorij D C; eadem, quæ prius traxerat partem acus Boream, iam trahet Austrinam; Nam cum A pars ferri sit vicinior polo V, radius V B A Borealis, A parti Boreæ, vim in Boream se disponendi tribuet: π B. verò in Austrum; Cum verò in Magneticis duo similes partes non se trahant, sed dissimiles, necessariò sequitur, A Boream partem ferri, Austrinam partem versorij tracturam, sicuti eadem in priori situ Austrina traxerat Boream, ergo eadem ferri extremitas A solo variato ferri situ nunc Boream, nunc Austrinam partem acus trahit, quod erat demonstrandum.

Magnes terræ
situm innato
appetitu affe-
ctat.

Quod si cuiquam necdum esset euidentis huius rei experimentum, is in Magnete eodem situ globi Terræ situato rei periculum facere poterit, & eundem omninò effectum reperiet; Dixi ferrum nullo debere esse Magnetis odore imbutum; quia cum hac ratione, nullum habeat radicatam virtutem, ex sola conuersione ferri, à terreno facile eoque instantaneæ actionis effluuium, alterabitur; secus fieret si Magnete animatum esset; sed de his infra fusiùs, ex quo sequitur primò, ferrum quodlibet oblongum toties in extremis suis punctis diuersam verticitem acquirere, quoties in circulum conuersum fuerit, quod meritò inter paradoxa reponimus.

Paradoxa.

Colligitur secundò, Quod si experimentum præcedens instituat in Hemisphærio Australi apud Antichtonas, futurum, vt illa pars infra positi ferri A Austrina, quæ hic trahit partem Borealem acus C, in Australi Hemisphærio fiat Borea, & consequenter trahat partem Austrinam eiusdem acus; supra positi verò pars eadem trahat Borealem acus partem, quæ omnia luculenter patebunt ei, qui radiationem Magneticam è polis Terræ diffusam rectè conceperit.

Ratio cur in-
strumenta ignia-
ria superiorem
partem semper
in austrum, in-
feriorem libra-
ta in Boream
conuertant.

Colligitur tertio, Cur batillus, forceps, bidens, & similia igniaria instrumenta, aut etiam later ferrugineus, qui diù in pavimento aliquo permansit, superiori parte, qua Zenith respicit, trahat cuspidem, siue partem Borealem acus, inferiori verò, qua Nadir, trahat crucem, partem scilicet Australem; librata verò inferiorem partem perpetuò in Boream, superiorem

in Austrum conuertunt; experimentum, quo nihil in hoc genere tritius; cuius tamen effectus mirabilis causa à solo Magnetico Telluris effluuiò, vt ostendimus petenda est, quantum autem sit Sphæra effluuij Magnetici Telluris, & quousque porrigi possit, in tertio libro dicetur.

Experimentum II.

Porrò non desunt, qui ex ipsa Telluris à polo ad polum sagacis naturæ consilio cōstituta compaginatione Magneticā Terræ vim asserant; cuiusmodi experimēti, si per observationes in toto orbe factas certitudinem haberemus, certè nihil Telluris Magnetismum luculentiùs demonstrare posset; Hoc certè naturæ mysterium cum ante decennium circiter primò mihi aliorum relatione innotuisset, ingens me subitò veritatis rei explorandæ desiderium inuasit; Cum igitur ab eo tempore varijs occasionibus, varias regiones terra, marique peragrandi sese obtulisset occasio, verum tandem, quod dicebatur, proprio experimento, cognoui; videlicet in præruptis montium lateribus, ac præcipitibus littorum crepidinibus, saxosæ compagis venas, fibrasque subinde quadam ex parte in ordine ad polos directas, quod idem postea Cabeum nostrū insignis diligentia Virum in sua Philosophia Magnetica obseruasse comperi; Hæc igitur fibrarum, siue venarum extensionem polarem, non in Germaniæ solùm, & Alpium; sed & Franciæ, Burgundiæ & Italiæ plerisque montanis locis summa admiratione conspexi; maximè verò in Ligustici, & Thyrræni maris littoribus, vti & diuersis maris Mediterranei Insulis, quas vel studio, vel vi tempestatis impulsus appuli, vt in promontorio Corsicæ, quod vulgo *Capo di Corso* dicitur, in Cosmopolitana plaga Iluæ, in Orientali plaga montis Vulcani in Liparis, seu Aeolijs Insulis; in Aethna alijsque Siciliæ, ac Calabriæ littoribus notaui; Iterum Sublaci ad Speluncam S. Benedicti ingens Præcipitium in subiectam vallem porrigi (dum illic deuotionis causa agerem) notaui; cuius lateris Orientales fibræ saxosæ à catadupa Anienis vicina incipientes, ita rectà in polum feruntur, vt cum Horizontali linea, & ea Meridiana angulum eleuationis poli dicti loci

Compaginatio
Telluris a polo
ad polum.

Observationes
variæ in diuersis
regionibus
factæ

Spelunca S. Benedicti
Sublaci

Spelunca S. Mariae Magdalene.
In prouincia.

Mons Peregrinus in Sicilia.
Mons Vesuuij.

Melita Insula
ex limo arenoso maris nata.

loci 42. graduum eas cōstituisse examine factō non semel compererim, simile quippiam in altissimis montibus Prouinciæ Gallia, præsertim iuxta speluncā S. Mariae Magdalene vulgo *la Sainte Beaume*: & Panormi è montis Peregrini, antro S. Rosaliae celebris, latere, quod mare respicit, cum ibidem existens dicta loca deuotionis causa obirem, me vidisse, & summo studio annotasse memini; maximè autem hanc architectonicam naturæ industriam in amplissimo illo montis Vesuuij Cratere vltimo incendio causato, à me Anno 1638. septimo Aprilis non sine ingenti vitæ periculo mensurato, & ichnographicè descripto videre licuit. Verum de mirabilibus huius Montis vide suo tempore mundum nostrum subterraneum. Cui, hanc descriptionem reseruauimus.

Non ignoro in humilioribus maris littoribus, vti & in cliuis quibusdam, & collibus huiusmodi fibras non polares, sed Horizonti parallelos spectari; verum cum dicta loca plerumque ex varijs maris reiectamentis, vt arena, alga, gramine conchilijs, ostreis, folijs, similibusque, tum alluuione, tum motu maris coaceruata successu temporum alijs & alijs materijs assulati congectis, partim in terram duram; partim succo Lapidifico in saxum concrecant; illud sicut non Telluris, sed maris aut alluuionis structura est; Ita quoque Telluris ordinem in fibris non seruare, nemo mirari debet; vnde cum in Insula Melitēsi huiusmodi fibras prorsus irregulares, varijsq. ostreorū, conchiliorū, limacum, similibumq. rerum in Lapidē conuersarum quisquilijs refertas nō ita pridem cōpererim, eam ex limo arenoso successu temporū prognatā facillè colligere potui, quod & in mundo nostro subterraneo, si Deus voluerit fusiùs demonstrabimus. Quicumque igitur veros terræ fibrarum ductus obseruare voluerit, illum altissimas rupes, & quas verisimile est ex aggestione non esse causatas adire oportet, neque quamlibet, sed vel Orientalem, aut Occidentalem rupis partem, seu planum Meridianum obseruandum sibi esse nouerit. Ego certè vt de hoc experimento certior essem mihi rupes varias inspexisse, atque examinasse non sufficebat; Sed & fodinas, aliasque profundiores Terræ partes pro data commoditate adij, vt venarum situm exactius obseruarem, quin & in

Hun-

Hungaria, Saxonia, Tirol peritissimos quosuis rerum metallicarum Magistros, per Amicos meos de situ venarum consuli curavi, qui aliam se præter dictam in fodinis fibrarum saxofarum venas ferri continentium positionem non inuenisse sanctè affirmarunt, de quo & fusiùs in tertio libro differetur. Imò hoc experimentum ipsa montium ex Austro in Boream in exteriori Telluris superficie concatenatorum series, dictæ compaginationis veluti quoddam rudimentum satis superque indicare videtur. Apenninum certè, Pyrenæos, & Alpes in Europa; In Asia Taurum, Caucasum videmus cum Parapaniso ab vltima Insula Zeilano, per mediam Indiam, Asiam & Scythiam, alijs montium ramis, veluti costis quibusdam ossaturæ, in vtrumque latus vergentibus, rectà in Boream tendere; Africanos quoque, seu Lunæ Montes ab Aequinoctiali in Australe vsque bonæ spei promotoriū, & hinc in Boreū Atlantem continua seriè excurrentes nouimus; Americam deniquè vniuersam, veluti septo quodam montium è Borea in Austrum rectà tendentium in Orientalem, & Occidentalem diuidi notius est, quàm dici debeat; idque haud absque singulari naturæ consilio. Cum enim Sol & Luna inter duos Tropicos ex ortu in occasum perpetuò ferantur, magnosque maris motus causentur, consultiùs erat terræ corpus ex Austro in Boream, siue *Βορρο-νοτιος* ad firmiorem totius consistentiam, partiumque singularum connexionem, quam *Ευρο-ζεφύριος* compaginari; Quod si fibris ex ortu in occasum excurrentibus id fuisset conditum, timendum erat, ne nimio Solis ei incumbentis calore, & siccitate torrefactum, successu temporum fissum, diuisionem continui Zona Torrida, frigida verò è nimia humiditate, & frigore eiusdem dissolutionem pateretur; aut etiam ex vehementi Oceani motu, partes aquarum illusione, paulatim consumptæ, totius interitum causarentur. Sapienter igitur diuina prouidentia hac ferrea ligatura, seu Magnetico vinculo ad Telluris corpus contra ferros maris fluctus, & Solis Lunæque iniurias armare voluit. Porro vt hæc mirifica Telluris compaginatio magis magisque sibi cōstaret, ac veritas tanti prodigij tandem luculentiùs innotesceret omnibus; ego non ita pridem Patribus nostris ha-

Montes concatenati, vt plurimum ex Austro in Boream.

Europa.
Asia.

Africa.

America.

Ratio.

Observationes. rum rerum peritis, in Aethiopiam, Chinam, & Americam proficiscentibus, praesertim ijs, qui sub Zona Torrida, & in Australi Hemisphaerio veluti in Paraquauia, vicinisque Magellanico freto regionibus habitaturi erant, huius rei observationi, ut quam diligentissimè incumberent, ardentèr commendauimus; quod & recepto ea de re memoriali, se facturos receperunt. Si itaque eorum obseruatione huiusmodi montium fibras sub Aequatore Horizonti parallelas, & in Australi Hemisphaerio in polum Antarcticum vergere reperiamus; certè non videò quomodo de rei veritate ullus ampliùs dubitandi locus relinqui possit; intelligitur autem hic à nobis hæc compaginatio non *σφαγεῖν* in modum cæparum; sed *κυνιδροειδής*: ita ut in terræ sectione Aequatori parallela, fibræ terrenæ, circulos; in sectione parallela Meridiano, lineas rectas; in obliqua denique ad axem mundi sectione, ellipses referant: de quibus in tertio libro fusiùs; sed hæc ampliùs forsan quàm par erat prosecuti sumus. Quare ijs relictis ad aliam difficultatem, quæ hoc in negotio occurrit, dissoluendam nos accingamus; Ac primò quidem Tellurem Magnetica vi, ad anathismos, & dyfismos, quos ex inconstanti illa Telluris, atque irregulari fluctuatione incurrere forsan posset, impediendos disponi, dispositamque ita stabiliri, rectè quidem hucusque probatum esse existimo; hoc tamen vnicum non parum multorum totquet ingenia, cum non videant, quomodo hac Magnetica vi Telluris fluctuatio Euro-zephyræ, seu quæ ex ortu in occasum, aut contra est, mutatio supra Magneticum axem facta impediri possit, quod tamen nisi demonstretur, meritò in fixatiua Telluris vi assignanda saxum cum Syfipho voluere videri possemus; varius igitur ingeniorum ad hanc difficultatem dissoluendam, est conatus; Quidam putant huiusmodi mutationem ex ambientis aëris resistentia impediri. Verùm, dato non concesso, Tellurem, ut ipsi volunt, vehementioribus ventorum flatibus in altissimorum montium parietes *Ευρο-Ζεφύρος* illisis, è loco suo aliquantis per circumduci; qui tamen aër subtilis, rarus, & in tanto inani fugitiuus, non dicam flatibus ventorum, sed & totius terræ incumbentis moli resistere possit, non video. Nonnulli Tellurem propria, eaque sola gravitate stabilitam figi

Compaginatio dicta Telluris non est Sphaerica, sed in cylindri modum coagmentata.

Altera difficultas de Magnetismo terre proponitur.

Varia opinio.

DE EFFECTIBVS MAGNETIS. 51

volunt, at cum mentem suam hîc non explicent, meritò mentes perplexas relinquunt. Alij difficultate rei perterriti solam voluntatē Dei fixationis huius causam statuunt; sed hi magis piè quam philosophicè sentiunt, cū nihil nō hac via solui possit. Non desunt denique, qui ab immobili cælo Empyreo qualitatem deriuent Telluris fixatiuam; sed hi ignotum per ignotius indagantes procul à vero aberrant, cum de cælo Empyreo, nihil nobis naturaliter constare possit; Alia igitur ad hanc difficultatem soluendam via tenenda est, quæ vt ostendatur.

Suppono primò, Tellurem primariò in cælestes polos veluti quietis suæ terminos innato quodam, & intrinseco appetitu naturaliter ferri, iam verò cum nulla res insito appetitu feratur in aliud, nisi in eo, in quod fertur aliquid sit, quod eam benè afficiat, & cuius bono foueatur; certè tellus in polos mūdi neutiquam ferretur, nisi vis quædam fatrix, & benefactrix terræ, polis ipsis inesset, siue iam ista vis sit Magnetica, siue analogum quippiam virtuti Magneticæ: iuxta huius enim polarem diffusionem, terram polariter disponi necesse est; nisi enim hanc vim in polis ipsis statueremus, non esset ratio, cur poli terræ hanc partem cæli potius, quam aliam aspicerent; ergo necessariò in polis vis quædā extrinseca dari debet Telluris dispositiua.

*In polis mūdi
vis quædā be-
nefactrix terræ.*


Suppono secundò, Tellurem hac vi destitutam ex se indifferentem esse ad quemuis situm, ita vt poli terrestres quemuis ad cælum situm in medio obtinere possint; vt igitur Tellus ab huiusmodi indifferentia, omnique nutationis, seu fluctuationis inconstantia, quæ successu temporum ex varia terreni corporis immutatione, frequentibus diluuijs, inundationibus, terræ motibus, Insularum & regionum absorptionibus, similiūq. euentuū (quibus historiæ plene sūt) prodigijs causata euenire posset, vindicaretur, hanc Magneticam virtutem veluti iure quodam postulare videbatur; His igitur ita suppositis, dico terram duplici sua virtute, grauitate videlicet & Magnetismo, veluti duplici quodam fræno ab omni nutatione sensibili; illa quidem, ne ex ortu in occasum, hoc, ne polarem sitū deferendo ab axe nutet, inhiberi; & de Magnetismo quidem

*Tellus duplici
fræno cohibita
sistitur.*

Duplex nuta-
tio terræ.

Gravitas terræ
sistit terram im-
mobilem cōtra
omnē violentiam
extrinsecam.

fusè tractatum est in præcedentibus, de gravitate verò, nuta-
tionem circularem ex ortu in occasum, & contra inhibente,
iam tempus est, vt loquamur; Nota igitur duplicem nutatio-
nem, seu trepidationem hoc loco considerari posse, vnā per
lineam rectā, alterā per gyrum; illā quæ fit per lineam
rectā, siue impulsū præponderationis, Magnetica vi frænari
diximus, hæc verò quæ per gyrum fit, quā frænari possit, quæ-
ritur? Nos igitur Tellurem, etsi per Magnetismum suum nul-
lā haberet cum cælo, nisi secundū solum Magneticum axem,
connexionem, nihilominus hoc axe ita libratā ad omnem
nutationem trepidationemque, quæ ventorum vi, aut alijs ac-
cidentibus, vt dictum est, causari posset, impediendam, suffi-
cientem esse, ita probamus. Cum enim omnes & singulæ par-
tes totius se prementēs, per breuissimas lineas ad centrum
mundi actualiter inclinent; omnes quoque, & singulæ, gyra-
tionem impediēt; iterum, si per impulsū, seu lineam trans-
uersā, aut obliquā terra ad quietē se componeret, talis
gyratio fieret per duas lineas longiores, in modum duorum
laterum trianguli respectu tertij; sed dictum est, singulas par-
tes actualiter per breuissimas lineas in centrum tendere; ergo
impulsus transversus gyrationis fieri non potest; accedit quod
ille impulsus transversus, omnes consequentes partes pondere



deberet superare, quod fieri
quoque nulla ratione poss-
quis nō videt? Sed in exem-
plo sit globus Terræ N, ax-
astrictus Magnetico, mons
quispiam in eius superficie
ingens A, ventis impetitus.
dico nullam esse posse vëto-
rum vim tantā, quæ terram
secundum axem circumdu-
cere possit; moueatur enim
ex A in B, secundum lineam
transuersā A B, si possit; ac
tunc huiusmodi impulsus
præterquam quod non sit per breuissimas lineas, omnes lineas
dire-

directionis in centrum vergentes vnde quaque habebit resistentes; partes enim in triangulo CBN grauitantes, resistent partibus in Angulo BAN; & EDN; partibus CBN, & FEN denique, partibus EDN; & sic singulae partes posteriores cum omnes æqualibus momentis in centrum nitantur, resistēt partibus anterioribus per impulsū motis, ergo nulla ventorum vis adeo violenta assignari potest, quæ terram circa axem circumducere possit, cum semper vento incumbente vni parti vix ad totum sensibili, innumeræ aliæ totius partes pondere proprio ita sistāt impetum venti, vt haud inconueniēter inferre possimus, ita se habere ventorum vim ad totam Terram, vt flatum alicuius follis, ad integrum aliquem montem commouendum; accedit quod hanc propriam grauitatem plurimum adiunget virtus Magnetica, vt in præcedentibus demonstratur; Nemo igitur impoſterum terræ trepidationem timeat, cum duplici hoc fræno ita inhibeat, vt nullus amplius instabilitatis locus esse possit, *Domini enim Cardines sunt orbis terræ*, hanc enim Naturam Conditor sapiētissimus ei indidit, quippè *qui firmavit orbem terræ, qui non commouebitur, & aridam fundauerunt manus eius*, eo artificio, vt nulla vis eius constantiam labefactare possit.

Similitudo.

——— *Stat igitur vi Terra sua,
Ponderibus librata suis immobilis hæret.*

Confectarium. I.

Hinc sequitur difficilius terrā motu circulari, quàm recto sursum, aut deorsum commoueri; quia cum notabile ali- quod pondus terræ parti adijcitur, centrum eius grauitatis variatur, quo variato terra naturaliter mouebitur, quia centrum grauitatis nouum, ad mundi centrum nutat; quare terra naturaliter mouebitur, donec istud centrum eius grauitatis, centro mundi congruat, vt autem illud congruat cum pristino situ, & respectu ad polos, non id grauitatis effectus est; sed magneticæ virtutis eam iuxta axem mundanum frænantis, ne multiplicatis ex varijs accidentibus mutationibus, situs quoque Terræ, respectu cæli vnà cum centro mutatus

Terra diffi-
lius circulari,
quàm recto mo-
tu mouetur.

Nulla vis terrā
mouere potest
nisi ipsa terræ
præponderet.

magnam in natura rerum confusionem causetur; ergo cum facilius sit terram motu recto moueri, ideò Magnetismo ad eius nutationem frænandam indigebat. At verò ad motum circularē terra nullam habet aptitudinem, illiq; propterea repugnat, ac resistit, ac proinde vis venti eam in gyrum minimè circumuerrere posset, nisi tanta foret, quæ totum terræ pondus superaret; requireretur igitur vis totius terræ grauitate maior, qua eam in gyrū actura esset; imò si mons daretur tantæ altitudinis, quanta esset totius telluris diameter videlicet 1718. miliarium Astronomicorum, nihilominus ob partium totius in centrum inclinantium constantem præponderationem, nulla vis venti ad eam vertendam sufficeret: nisi ventus tantus esset, vt resistantiam totius superaret, cuiusmodi in hac infima mundi colonia nullum dari posse, nemo est qui non videat. Sed huius rei demonstrationem alio loco faciendam reseruauimus.

Confectarium II.

Motus alicuius
Rotæ in centro
terræ & extra,
circumductæ
diuersa ratio.

Colliges secundò diuersam esse rationem motus Sphæræ alicuius extra, & in centro vniuerso libratae, cur enim rota aliqua extra centrum hic in aëre supra polos subtilissimos & tenues æquilibrata, vel minimo flatu circumagatur, est, quia vna medietas rotæ istius semper appetitum habet ad cētrum, non autem descendit, eo quòd ab altera medietate rotæ impediatur, cum, quantò altera descendit, tantò hæc ascendere debeat, vnde vna alterius imperum sistente, ambæ medietates in æquilibrio se sistunt; at si extrinseca aliqua vi, vel minima, vt flatu descendens medietas adiuetur, fit vt pondus rotæ in hac medietate auctum, facile resistantiam alterius medietatis, vtpotè iam leuioris superet, & ita gyratio nullo pænè negotio perficiatur. Sed terræ in centro vniuersi (cum singulæ partes æqualiter distent, & perfecta sit vndique partium singularum ad totum libratio, atque æqualis vnanimisq; in idem centrum nisus) nulla pars magis appropinquat, aut elongatur: sed singulæ perfectè in centrum conspirant; vnde si vi aliqua extrinseca illa verteretur, omnes partes à breuissima sua linea remouerentur, quod fieri non posset, nisi vis mo-

mouens vi sua pondus terræ excederet, vt in præcedentibus dictum est, & sic rota aliqua in centro mundi librata ob dictas rationes se prorsus immobilem sisteret.

*Non igitur tibi natura admiranda videri
Pendentis terræ debet, cum pendeat ipse
Mundus, & in nullo ponat vestigia fundo.*

PROPOSITIO SECVNDA.

De verticitate Magnetis polari.

THEOREMA II.

*Magnes quiuus duos oppositos polos axem
Magneticum terminantes habet, quibus
intrinsecè sese ad terreni globi
polos, axemq; conformat.*




VEMADMODVM Astronomi in cælestis globi corpore duo puncta, mundani axis terminos, quos polos vocant, constituunt; ita in Magnetico corpore, quolibet duo poli, quorum vnus ad Arcticum, ad Antarcticum alter se polum conformat, motionum, effectuumq; Magneticorum primarij termini, actionum ad hæc, virtutumq; plurimarum limites & moderatores à natura constituti, obseruantur, cuius rei sequens accipe experimentum.

Experimentum I.

PRæparatæ ex subere nauiculae Magnetis frustū ea industria impones, vt poli Magnetici proræ, ac puppi exactè respondeant; Quo factō eam liberè, & sine impedimento super aquā pelui, aut alio vasculo exceptam fluctuare permittas;

ac subito non sine voluptate videbis nauiculam quodcumque vertatur, nullibi tandem, nisi in linea polari, obuersis Magneticis polis plagæ polari, Boreo quidem Australi, Austrino verò Boreali, requiescere posse; idem hoc experimentum successum fortietur, si Magnetem tenui suspensum filo æquiponderes, aut suberi inclusum infra aquam fluctuare permittas.

Experimentum II.



Qua verò ratione, & industria duo Magnetici poli, siue vera Lapidis longitudo in Lapide quouis reperitur, prius explicandum est. Sic igitur eam indagabis, primò accipe versorium CD ex chaly-

be, aut acum quamlibet, quam aut filo suspensam aut obelo subtus posito æquilibratam Magneti V A super impones; vertesque hinc inde tandiù Lapidem, vsque dum versorium CD, Horizonti V A steterit parallelum; & linea quam versorium monstauerit, veram in Lapide longitudinem, cuius extrema, duo poli sunt, monstrabit; aut obuerte Lapidem tandiù contra versorium A N obelo impositum, donec versorium Lapidi ad perpendicularum se inclinauerit, habebisque poli vnus punctum, quod nota; Iterum verso Lapide vide quod punctum versorij apex in Magnete verso normaliter inciderit, hoc enim oppositum priori, poli punctum erit, quod similiter nota, habebisque duos polos, sed quia hæc admodum trita sunt, plura dicere super sedemus; qui tamen plura de huiusmodi polorum inueniēda ratione scire desiderat, consulat Gilbertum & Cabeum.

Disquisitio causæ conuersionis Magneticæ ad polos terræ.

Cum experientia prima rerum magistra sola scientiam in hominibus, imperitia verò casum philosopho teste efficiat,

ciat, nihilq. consequenter in intellectu nostro esse possit, quod per sensus portam non prius intrauerit, verissimè Plinius experimentis credi voluit; est enim experientia scientiæ quiddam simile, ad plurimarum rerum exactam cognitionem apprime necessaria; qui enim Rempublicam gerunt, experientia potius, quàm mente id faciunt, & Medici non ex libris, sed ab experientia fiunt; vnde mirum quàm mihi quorundam Philosophorum displiceat de effectibus quibusdam naturæ ignotis, & fabulosis, de quibus vtrum in rerum natura vnquam fuerint, nescitur, otiosè & vanè disceptantium præpostera, quædam philosophandi ratio. Nos igitur veri Philosophi vestigia sectantes, primò effectus, de quo disceptatur, veritate, per experientiã demonstrata, deindè super eam veluti solidam basim causarum scrutinium fundabimus. Itaque quod gratius, & vtilius fore putauimus, hispidas illas demonstrationum formas, quæ litteris plerumquè constant, vti verbosas, & fusas explicationes consultò omittentes, ab ipsius potius naturæ intimo recessu, proprijsq. principijs, quàm ex alieno penu veritates eliciendas existimauius, vt vnà cum effectu etiam causa perspecta habeatur. Sed hisce præmissis rem ipsam aggrediamur. Cum itaque quædam in Magnete (quemadmodum experientia testatur) sit directiua, seu in polos dispositiua facultas, meritò à philosophis quæri potest, quid illa sit, in quo cõsistat, aut vnde virtutis suæ trahat originem? Quòd enim alij à stella polari, vt cum Cardano Fracastorius, virtutem quandam occultam in eum deriuari, qua immediatè trahatur, existiment, falsum esse sat ostendit Magnetis à stella polari in diuersis mundi partibus omninò varia & inconstans declinatio; quod tamen si ratio memorata vera esset, non fieret. Quod iterum nonnulli huius effectus causam assignent montes polo vicinos nescio quos Magneticos, vt cum Olao Magno Maurolycus, falsam coniecturam esse indè constat, quod non sub polis tantùm, sed & in alijs mundi partibus huiusmodi montes, vt in Ilua, in littore Guineæ, Cretæ alijsq; mediterranei maris Insulis, & littoribus reperiatur, nec tamen nauticæ pyxididis ad eos inclinatio aduertatur; accedit, quod credibilius est, tantò hosce phantasticos montes efficacius, quantò pyxis

nautica

Ante causæ
inquisitionem
de effectus cer-
titudine prius
constare debet.

Varie opinio-
nes de attracti-
ua virtute Ma-
gnetis.

Olaus Magnus.

Cardanus.

nautica vicinior ipsis fuerit, tracturos, nullus quoque Magnes in aquis librari posset, quin ab his montibus traheretur, quæ tamen omnia manifestæ repugnant experientiæ. Eorum verò sententiam, qui huius verticitatis causam sub Vrsæ cauda statuunt, cum magis ridicula, quam vera sit, prorsus repudiamus. Aliorum quoque de huius causa placita monstrosa, veluti inconuenientia & naturæ Magneticæ repugnantia minimè placent; vnde quænam huius verticitatis causa vera & genuina sit, iam tandem explicemus.

Duplex terræ
qualitas.Magnetica ter-
ræ vis quænam
sit.Terra hæc vim
requirit ex na-
tura sua.Quomodo ter-
ra se disponat
Austro Borea-
liter.

Duplici itaque terram qualitate conseruationi eius apprimè necessaria, à natura præditâ in præcedente ostensum est theoremate, grauitate videlicet, & verticitate Magnetica: istius officium est, terram in centro fixam, huius verò, eandem ad fluctuationem impediendam polariter directam tenere, quam nos verticitatem appellamus, & nihil aliud est, quam motrix quædam facultas, seu qualitas, qua peculiaris motus Magneticus efficitur, & quies: cum verò tellus secundum maiorem partem corpus sit homogeneous, & similium partium, simplicem quoque & per totum corpus æqualiter diffusam qualitatem habere eam necesse erat. Præterea cum tellus non confusa, sed certo & determinato situ ex Austro in Boream porrigi debeat, eam sanè qualitatem merebatur, quæ in duos eam disponderet terminos, ita vt qualitas cæteroquin simplex, in terminis tamen, imperio veluti partito, iuribus vteretur diuersis; quod sapientissimè à natura constitutum esse quis non videt? si enim vtrique terreno polo in vnum & eundem polum aqua esset vis, & eadem potestas, non esset ratio cur Austrinus v. g. Telluris polus, Arctico potius, quàm Antarctico, & conuersa ratione Boreus huic potius, quàm illi subderetur. Malè igitur Telluri prouisum esset, cum ea vi fluctuatio eius nulla ratione impediri posset, ac sæpè contingeret, vt altero polo telluris in polum conuerso, alter hinc inde temerè oberraret; quemadmodum ex dictis patet. Vt igitur maxima hæc inconuenientia vitaretur, eiusmodi ei qualitas debebatur, quæ & diuersis frueretur terminis, simulq. diuisa, in totum vteretur dominij potestate, qua quidem efficiebatur, vt certus polus, certum polum sibi conuenientem, & consen-

taneum

taneum incessabiliter, & necessariò appeteret, amaretque: aliū verò, vtpotè extra iurisdictionis suæ limites constitutum, remis velisque fugiens, tanquam naturæ suæ contrarium, inconuenientemq. pertinaciter declinaret: dum igitur quisque plagæ suæ iura defendere nititur, fit vt tota qualitate in contrarias partes nitente, totus globus in vtrumq. polum, polo vtroq. nitens indeclinabiliter medio fixus hæreat.

Hac igitur ratione Tellus in illa à polo ad polum constituta compaginatione sua possidet vim Magneticam, & verticitatem, qua se in polos disponat, & conseruet sic dispositam, & habet vim non in se solùm hanc verticitatem; sed & in omnibus alijs proportionatis & consimilibus corporibus, si intra orbem Magneticæ qualitatæ fuerint constituta, producendæ. Præterea notum est in homogeneis substantijs partes non toti tantùm assimilari; sed & eiusdem omninò cum toto essentiæ esse, & naturæ, ita vt singulæ proprietates, & accidentia toti conuenientia, & partibus necessariò conueniant. Cum igitur Magnes totius homogenei vera, & homogenea pars sit; quin & genuinus sit Telluris filius, è semine terræ vero, & naturali exortus, verbo, corpus ei consimile prorsus, & proportionatum, fit vt totius quoque affectiones participet; vnde is aëreo subuectus carpento, ac Magnetico illo terræ vires suas vndequa; disseminantis profluuiò congruenter affectus, ad totum se conformando, eam, quam terra parens, affectat situs motionisq. rationem, & ipsa affectet; conceptumq. à terra vigorem non in se solùm; sed in omnibus alijs capacibus proportionatisq. corporibus exerat; sicuti igitur Tellus ad polos mundi, ita & Magnes ad polos terræ quoque dirigitur; quia ita ad terram confluit & à forma totius globi ita disponitur, vt tota terræ substantia postulat, quia ergo totius terræ positio per ordinem ad polos situata est; ideò hæc etiam illius homogenea pars, cum toto consentit, ideò tam auidè omnes Matris virtutes, in se exprimere nititur. Cur autem metalla & reliqua corpora grauià, non ita disponantur, causa est; quòd primigeniæ, & genuinæ veræq. terræ partes non sint, sed mutatæ, & spurij quibusdam materijs vitiatæ. Iterum cum omne ens in bonum suum internum conseruationemq. naturaliter &

Magnes vera
& genuina terræ
portio.

Cum reliqua
metalla non
trahant.

juxta

Graua & le-
uia petunt lo-
cū naturæ suæ
consentaneū.

Quod sit Ma-
gneticæ virtu-
tis principium
immediatum.

iuxta pronunc. 6. necessariò feratur, Magnetis autem bonum sit conformatio sui ad situm, & positionem terræ, siue totius à quo perpetuò fouetur, & conseruatur; dirigitur ergo in polos propter internum bonum, & commodam conseruationem, vt videlicet accōmodando se ad situm & positionem terræ, ab ea adiuuetur & confortetur. Hac quoque ratione leuia sursum, deorsum graua tanquam in locum in quo commodè cum toto existant, intentum feruntur; hinc partes aquæ in guttas conglobantur, vt & vnitione partium se contra siccitatem, hostilem defendentes commodiùs existant: & toti elemento insita sibi vi circularem affectantes superficiem, plenius conformentur; Hac de causa omnia vegetabilia seu germinantia sursum feruntur, quia hic est situs eorum, quem in bonum, sui naturaliter appetunt; sed de his pluribus in tertio libro suo loco agetur; ergo & Magnes dictum situm ideò amat, quia ita fouetur & conseruatur, & non aliter. Quòd si is non eo in situ, quem terra habet, inueniretur, contra naturalem inclinationem maneret; ne igitur ab hac contrarietate violentiam natura pateretur, sese conuertendo ad situm Magnetis conformat, ita propter mundi concentum ac partium mundi perfectarum & homogenearum ad totum analogiam, viriumq. præcipuarum in illis conuenientiam mutuam ad continuationem, positionem, directionem, & vnitatem, ad terreni orbis polos Magnes vigore illo suo radicali, & formali efficientia, disponitur; ita vt remotum huius verticitalis principium ipsam formam, seu essentiam Magnetis, proximum autem & immediatum, istam *διμορφον*, seu biformem qualitatem, qua in oppositas partes nitens corpus in situm toti conuenientem, disponere contendit, statuamus; vnde & patet hanc verticitalitatem non ab extrinseco quopiam agente Magnetem immutante; sed per intrinsecum principium & propriam formam fieri, quod benè notandum.

Confectarium I.

EX dictis colliges primò omnia ea corpora primigenia terræ, qualia tellus ipsa, & magnes sunt, propriè sibi
hanc

hanc verticitatem vendicare, reliqua verò ijs confimilia, & quæ ex huiusmodi veris, & genuinis terræ partibus originem suam immediatè duxerunt, eandem per communicationem tantum, vt ferrum, & omnia illa, quæ ferri naturam redolent; ita vt Tellus totius Magnetici vigoris veluti fons quidam sit, qui immediatè in Magnetem deriuatur, quemque ab hoc deinde ferrum, & reliqua ferruginea participant. Cætera verò quæ nullam ad veras, & homogeneas partes terræ affinitatem habent; sed ab ea veluti degeneres spurij materijs coaluerunt, vti sunt omnia reliqua mineralia, quæ nulla ferri vena mixta sunt, nullum quoque verticitatis vestigium monstrant; Vnde perperam ij, qui in adamante ex purissimo liquore fixatiua facilis virtute, & frigore coalito, vt & in alijs quibusdam heterogeneis materijs Magneticum vigorem querunt, philosophantur.

Adamas non
est Magneticus

Confectarium II.

EX dictis quoque sequitur, quod sicut Telluris globus Magnetica vi pollens, per totam Magneticæ verticitatis Sphæram qualitatem illam *ὁμογενος*, seu biformem, aut bifrontem Magneti propriam diffundit; ita & eadem qualitate per medium diffusa, & ferrum & cætera ipsi cognata corpora quoque disponat. Hinc vena ferri excocta, excocti lateres, ferrum ex ignitione refrigeratum, æquilibrata verticitatem hanc exhibet; sed horum rationes singulas in Problematis & Paradoxis reddemus, quare ad alia progrediamur.

Confectarium III.

VNum Magnetem non posse habere nisi duos polos, quod ideo adiungo, siquidem non ita pridem ad me ex Hollandia perscriptum, ijs in partibus Magnetem visum esse, qui quatuor polis constiterit; Quod falsum & fabulosum esse, nemo non, qui præcedentia & subsequencia nostra Theoremata diligenter ponderarit, iudicabit: ne tamen testi fidelissimo aduersari videar; dico dupliciter huiusmodi Magnetem considerari posse, vel vt Magnetis purissimi frustum homogeneum; & sic

& sic eum plures quàm duos polos habere, dico implicare; & naturæ Magneticæ prorsus repugnare. Secundò hunc Magnetem considerari posse, non vt homogeneous, sed quasi vnā quandam massam terream, cui duo alij Magnetes puri & sinceri, distincti coaluerint; & huiusmodi Magnetem fuisse dico eum, quem paulò ante in iudiciũ adduximus, hac enim ratione, vnā massa includens in se plures Magnetis optimi particulas, pro multitudine particularum polos quoque multiplicare notum est, etsi hac ratione non vnus Magnes, sed duo in vnā massam heterogeneous coaliti, dici debeant.

PROPOSITIO TERTIA:

De Attractiua vi Magnetis.

THEOREMA III.

Magnes Magnetem, ferrum, aliaque sibi cognata corpora attrahit.



Magnetis mi-
ra vis.

ALTERA Magnetis virtus, est ferri aliorumque consimilium corporum, omnium propè veterum Philosophorum monumentis celebrata attractio. Notamus enim naturalem quandam ferrum inter, & Magnetem inito quasi fœdere concordiam, atque mirũ quendam naturæ consensum, quo incitatum vnum sine altero esse nequit, & mirum sanè est, quod illa rerum omnium domitrix materia ferrũ, ad inane quoddam ocyus occurrat, pareat imperio, assistat, tenaciq. complexu adhærescat, perinde ac manibus præualens, imò & auribus ei quasi intendens, & quod amplius, nunc rectis, nunc limis tortisque oculis pro vario Lapidis situ eum veluti deperiens, simulque narium sagacitate, olfactuque, etiam quantolibet, vel aneæ peluis, aut tabellæ spissamento, seu densitate interposita odoretur & sentiat, id à quo vitam meret.

Experimentum.

INfixo Suberi chalybeo obelo, cum super aquam pelui exceptam fluctuare liberè permittas, quo factò, admoto eminus Magnete, videbis illicò natàre, ac in eius sese occursum, insinuare ferrum, illumque in suum complexum adèò pertinaciter recipere, vt vix multis distractionibus hinc inde iactando se distrahi patiatur; nec minor est Magnetis ad ferrum concursus, amor mutuus, & conciliabulum, quo nullum eorum tactum recusat, sed lenior semper ad alterius occursum sese vtrò offert.

Disquisitio.

MAgnes igitur id admirabile habet, & quod nullo non tempore omnium penè phylosophorum torsit ingenia; quod ferrum, aut eius meliorem partem perpetuò appetat, illique vehementi quodam desiderio vniri velit, quemadmodum & ferrum vicissim ipsius complexum ita ardentè exoptat, vt sese mutuò deperire videantur; nam si Magnes exiguus sit ac liber, ferrum vero graue, aut alicui rei affixum, Magnes ad ferrum, vt illi coniungatur, se mouet; si verò Magnes robustis viribus fuerit, & ferrum liberum, id ad Magnetem properat; Ita vt non tam Magnes ferrum, quam ferrum Magnetem trahere videatur; huius itaque admirandi sanè effectus causam, omni studio disquiramus. Quid igitur hæc ferri vis attractiua in Magnete sit? in quo existat? aut quomodo producat? mirum est quàm variè explicent; Epicurus, quem recentiores quidam sequuntur, in atomorum quorundam à ferro, & Magnete profluentium, nescio quam circumpulsionem conijcit; quod si hoc! quomodo Magnes huiusmodi tenuissima atomorum corpuscula aqua facilitate, & transitu momentaneo, per durissima, & solidissima, quæuis corpora in ferrum traduct? vnde verisimile est hanc circumpulsionem non in Magnete, sed in Epicuri cerebro existentem, hanc absonam prorsus opinionem peperisse. Quod si

Magnes trahitur à ferro & contra.

Scrutinium huius effectus.

Vrfa

Magnes non
respicit Vrsam.

Vrsæ cælestis Magnetem, ferrumque hoc adeò exinio munere liberalitate sua cumulat, quemadmodum Marfilius, alijque eius sequaces opinantur; Cur Magnes, ac compar suum ferrum hâc Vrsæ insignis benefactricis liberalitatem non agnoscit? tantum enim abest, vt eam sequantur, vt potius eius aspectum remis velisque vitare contendant; vt & variationis & declinationis Magneticæ subtile inuentum luce Meridiana clariùs demonstrat; qui verò Electri paleas rapientis more Magnetem, ferra trahere autumant, impingunt; dum non vident, electricas actiones minimis quibusuis intermedijs obstaculis, nullis verò Magneticas, quo minus effectum consequantur, impediri posse. Verùm tempus perdo, dum nugis huiusmodi recensendis immoror. Nos relictis igitur aliorum sententijs, dicimus rectiùs nō atomos, aut tenuem puluisculum emissum, non attractionem electricam, quæ sit naturalibus tantum ab humore deductis effluuijs, non aliud quippiam simile; sed Magnetem efficientia sua formali, aut radicali vigore suo, siue denique qualitate illa sua biformi, vti verticitatem, atque in polos dispositionem, ita incitationes quoque hasce primariò efficere, quod vt intelligatur.

Qualitas bi-
formis, seu
διμορφος.

Qualitas con-
stitutiuua in loco

Supponendum primò. Quod sicut omnes ex qualitates, quæ corpora in certo loco constituunt, corporum quoque suorum motiuæ sunt, vt de grauitate & leuitate elementarium, in tertio libro ostendimus; ita etiam qualitas Magnetica (quàm locatiuam & constitutiuiam totius globi terreni in suo proprio situ, & positione supra probauimus) debuit posse mouere corpus suum, illudq. in loco eius naturæ consentaneo collocare, vel ita illud hinc inde versare, donec in situm toti sibi, proprium disponat; corpus autem suum nulla ratione situare potest, nisi vi quadam secundum longitudinem corporis Magnetici in contrarias partes nitente, quam nos qualitatē διμορφον, seu biformem, Cabeus duarum facierum appellat; cuius munus duplex est, primò vt subiectum suum in debito situ constituat, secundò, vt ad debitum situm in vniuerso obtinendum id dirigat.

Duplex munus
qualitatis biformis.

Supponendum secundò, Magneticam eam esse qualitatem, quæ in virtutis suæ diffusa Sphæram, corpora sibi similia & pro-

proportionata non solum alterare possit; sed & eandem prorsus in ijs permanenter producere. His igitur suppositis dico, attractionem magneticam nihil aliud esse, quàm coitionem, seu amicum ex similitudine naturæ causatum magneticorum corporum confluxum, in ordine ad situm conuenientem, inter se, & in vniuerso obtinendum, & ad hunc conseruandum à natura intentum; atque ea, qua sequitur, ratione fit.

Tellure Magneticos suos radios vndeque; in virtutis suæ orbes euibrante, Magneticum corpus quodcunq. grauitatis suæ compedibus solutum, mox vbi Sphæra Magnetica senserit actiuitatem, non alterabitur tantum; sed & alteratum, certo & determinato situ, qui est à polo ad polum; vt à simili qualitate in medium à tellure diffusa adiuetur, & foueatur se disponet, atque in hoc veluti proprio sibi; consentaneo situ quiescet. Quod si hac quiete fruente aliud Magneticum corpus viribus robustum, quodq. efficaciori, quam tellus facultate polleat, admoueris; ecce subito relicta terra, ad cuius situm se prius accommodarat, illi à quo maius bonum, maiusq. sperat emolumentum, iuxta qualitatis per medium à superueniente Magnete diffusionem, se accommodans, adhærebit; Cum igitur vtriq. Magnetico corpori eadem sit virtutis potestas, idem in radiorum diffusionem processus, eadem denique in bonum proprium fouendum, augendumq. inclinatio, dispositio, nisq. in bonum vtriusq. reciproca actio, & mutua ad vnitatem conspiratio; necessario in vnum confluent, eo situ, quo se mutuo maximè fouere, & sibi ipsis benefacere possint, atque sic tandem attractio perficitur; *φύσις γὰρ τῇ φύσει τρέπεται*, & similia similibus delectantur & conseruantur, quod non in magnete dumtaxat locum habet; sed aliquo modo in omnibus alijs rebus. Quæcunque enim simili potiuntur materia, facile in mutuos congregiuntur amplexus; dissimilia verò societatem mutuam declinare ex oleo patefit, quod cum aqua ob igneam quandam naturæ vim, vt misceatur, adigi nulla ratione potest, tincturam autem ex Mastiche mundato, cui exiguum frustū eboris in atrum pollinem exusti adiicitur, ob similitudinem, & amicum quandam naturæ complexum, Adamas verus & genuinus ita potenter trahit, sibi; ita applicat, &

Qua ratione
fiat attractio

Similia similia
trahunt.

Adamantis effectus.

E

vnit,

Gummi Cera-
forum.

Gummi Ma-
stychi.

Quid sit appe-
tens Magnetis
ad ferrum.

vnit, vt micantes nitentesque, ac viuidos suos radios ad in-
star carbunculi procul iaciat; Ob huiusmodi similitudinem
quoque aquea aquosis, oleaginea oleagineis, mercurialia mer-
curialibus, & sulphurea sulphuratis facilè miscentur; dissimi-
lia verò sibi aduersantur. Ita gummi cerasorum aquæ misceri,
ac in ea, quod aqueæ naturæ sit, dissolui potest; Gummi verò
mastychis, quod ignea vi polleat, aquæ misceri nescit; mirum
igitur non est, Magnetica ob perfectam in omnibus similitudi-
nem, simili modo ad se inuicem, vt paulò ante indicatum est
confluere; Cum enim, vt iam sæpè inculcatum est, Magnes
genuinus sit Telluris filius, Magneti autè prorsus cōgruat ve-
na ferri, & consequenter ferrum, sit vt ferrū, aut quodcunque
aliud corpus ferri odore imbutum, intra Sphæram Magneti-
cam conuenienti ratione, & debito situ constitutum, verticitatis
acquirendæ capax sit, & ea acquisita subitò sese ad Magne-
tem veluti ad bonum suum conseruatium cōformare studeat.
Et quoniam vt supra dictum est, vnumquodque à Deo Opt.
Max. naturæ Authore illis omnibus bonis, & adminiculis in-
structum est, quibus ad perfectionem sibi debitam, ne in ne-
cessarijs deficiat pertingere possit. Hinc fit vt Magnetica cor-
pora vbi fuerint in loco, in quo incipiant affici à qualitate
Magnetica bifor mi per medium diffusa, vim habeant se pro-
mouendi per illam eandem qualitatem ad locum, in quo qua-
litas illa intensior est, videlicet in Sphæra Magnetis efficacio-
ri facultate pollentis; vbi scilicet magis possunt perfici; locus
autem iste est propè illud corpus, à quo fluit talis qualitas: hinc
ad illud accedit, & cum illo coniungitur, videlicet per illum
appetitum innatum, qui nihil aliud est, quam quædam natu-
ralis propensio, & inclinatio, cuiuslibet rei tum in suum; tum
in totius, vt dixi, cuius pars est, bonum conseruatium, quæ
propensio in passiuis potentijs est naturalis capacitas & pro-
portio cum sua perfectione, siuè cum suo actu; in actiuis verò
ipsa naturalis agendi facultas, nec addit aliquid super naturam,
nisi quod connotet, & requirat condiciones certas cum præ-
uijs dispositionibus, quam singularem Gilbertus vocat, non
formalem Peripateticorum causam, & specificam in mixtis,
non generantium corporum propagatricem; sed primorum
& præ-

& præcipuorum globorum formam, partiumq. homogenea-
rum non corruptarum propriam entitatem, & existentiam, Primigenia
globorum for-
ma. quam & primariam, radicalem, & astræam appellat. Talem
enim in singulis globis Sole, Luna, Astris vnâ, non incon-
uenienter opinatur, sicut & in terra quæ est potentia Magne-
tica, quam vigorem primarium dicit, quæ propria est tellu-
ris, eiusq. verioribus partibus à natura insita; hæc enim non
à toto cælo deriuatur, nec omninò per sympathiam? aut occul-
tiores qualitates, aut peculiari aliquo Astro; sed per suum
proprium magneticum vigorem; putat enim quod sicut in So-
le & Luna sunt suæ formæ, frustulumq. Lunæ, lunaticè ad eius
terminos, & formam se componit, solareq. ad Solem, ita Ma-
gnes ad tellurem; & ad alterum Magnetem secundum naturâ
se inclinât, ferrumq. sibi familiare simul ad formatum vigo-
rem reuocet, & disponat, propter quem ad Magnetem ruit &
auidè se conformat mutuis viribus concorditer promouenti-
bus, sed horum iudicium ad 3. librum consultius referetur.

Confectarium I.

EX dictis sequitur primò, omnia corpora cuiuscunque
generis Magnetica virtute prædita, ad se inuicem con-
fluere, qualia sunt Magnes, chalybs, ferrum qualecunque, ferri
vena ditior, lateres ferruginei, arena quædam nigra; quæ ta-
men, nil aliud nisi ramenta quædam ferri ex mineris abrafa vi-
detur esse, aliaque hisce similia; sunt enim hæc subiecta pro-
portionata virtutis Magneticæ, & intra Sphæram actiuitatis
posita, inclinantur ad se inuicem, vt ab inuicem adiuuentur, &
in perfectione sua roborentur. Corpora Ma-
gnetica.

Confectarium II.

Hinc patet secundò, cur ferrum ad eam partem Magne-
tis quam semel tetigit perpetuò accurrat; Cum enim
ferrum accurrat ad Magnetem, vt qualitatem conceptam ro-
boret, vt ad eam partem, quam semel tetigit accedat, necesse
est; si enim ad oppositam partem accederet, qualitas conce-
ptæ Cur acus semel
per ad partem
Magnetis quâ
tetigit semel ac-
currat.

pta iam non roboraretur, sed destrueretur, vtpotè priori ob-
situm contraria.

Confectarium. III.

PAtet denique cur robustior Magnes fortius sibi coniungat
ferrum, & cur hoc robustiori Magneti firmitus adhæreat,
quia videlicet eò confluit efficacius, vbi qualitas intensior est;
est autem in maiori Magnete perfectio, & spurij alijs materijs
non vitiatio intensior, ergo.

PROPOSITIO QVARTA.

De vi communicatiua Magnetis.

THEOREMA IV.

Magnes vim suam ferro communicat.



LIA virtus non minùs cæteris stupenda in Magne-
te obseruatur; illa nimirum communicatiua virtu-
tis suæ in alia ferraamenta diffusio; cum enim fer-
rum apprehenderit, non pertinaci tantum id com-
plexu constringit; sed ipsum quodammodo impregnando vir-
tutum suarum effluuium in illud eructat, exspuitque, non in
extremitates tantum, sed & in intima quæuis atque adeò me-
ditullium ipsum; quod hac constat experientia.

Experimentum.

POsitis super mensam aciculis aliquot, applica ad vnâ ea-
rum Magnetem, quæ apprehensâ, & Magnetica virtute
medullitùs animata, aliam appositam mox apprehendet, ac
in eam concessam facultatem denuò transfundet, hæc ab illius
viribus, vigorem auidè concipiens, eadem vi accepta vnde-
cumque ex proximo, & longinquo alias, & alias rapiet, ita vt
reciproca quadam virtutis Magneticæ vibratione, ea quæ te-
netur

netur teneat alias, donec longa seriè in altum eleuatæ quasi concatenato nullo tamen, nisi sympathico vinculo pendere, videantur; miratus est id quondam D. Augustinus cum dixit. *Magnetem Lapidem nouimus mirabilem ferri raptorem, quod cum primum vidi, vebementer inborrui.*

Lib. 2. de Ciui
Dei c. 4.

Disquisitio.

CVM ferrum verticitatem, seu directionem ac conuenientiam quandam naturalem à præsentia Magnetis ex valida immutatione suscipiat; & tanquam vera pars Magnetis, ad Magnetis corpus aduolet, totique ex naturali sua inclinatione ad maiorem perfectionem acquirendam coniungi appetat, sit vt acus acum attrahat, vimque sibi inditam impertiatur alteri, & hæc subinde sequenti, sic nexu quodam quasi sibi inuicem adhærendo confæderentur; nihil enim habet Magnes, nec quicquam potest, quod ferrum Magnete animatum non possit imò ne tactum quidem; sed in vicinia tantum positum. Nam vt primum intra Orbem virium Magnetis fuerit, licet longius distet, tamen immutatur statim, formamque habet innouatam, in corpore quidem ex propria conditione capaci viuendam, & valentem. Ferrum igitur hoc virtutis conceptæ semina mox alteri connaturali corpori sibi adnexo proportionato, & intra Orbem verticitatis constituto communicat; & hoc sequenti: sic vna & eadem virtus à Magnete per medium vniformiter difformiter propagata, omnia sibi corpora consimilia, & homogenea, virtutis Magneticæ capacia concatenando copulat; cuius quidem rationem facilè capiet, qui præcedentiũ theorematum rationes benè perceperit, cum igitur singuli annuli animati, & vi Magnetis impregnati, & ipsi suas fundent Sphæras actiuitatis, sit vt vltimus annulus in Sphæra actiuitatis penultimi constitutus, illi connectatur, & hic penultimus in Sphæra actiuitatis antepenultimi constitutus, antepenultimo connexus hæreat, & sic consequenter vsque ad primum Magneticum mouens sibi inuicem, ob implexas Sphæras actiuitatum singuli singulis copulentur.

Catena Magnética.

PROPOSITIO QUINTA:

De Armatura Magnetis.

THEOREMA V.

*Magnes ferro vestitus, virtute plurimum
augetur.*

CASSIDE chalybea Magnetem indutum maius pondus attollere, nulli non philosophorum notum est, quia in Magnete ferro vestito vnitio fortior, hinc pondera grauiora attolluntur; coitio verò, quam alij tractionem vocant, non fortior est, sed plerumque imbecillior inuenitur, quia interposita charta, aut simili spissamento non plus trahit, quam inermis: cuius rei cape sequens experimentum.

Experimentum.

Concaua Lamella ex optimo chalybe rotundo longitudine digiti strictissime applicetur conuexæ Magnetis superficiei polari, & artificiosè connectatur. Tali instrumento Magnes, qui v.g. 8. tantum ferri vncias antea trahebat, multò plures nunc attollet; sed & maxima coeuntis, seu potius vnitæ naturæ vis conspicitur; cum duo Magnetes nasis ferreis in conueniētibus polis sic vniūtur, vt mutuò sese attrahant, attollantque, ita pondus vnciarum v.g. 40. attollitur cum inermis lapis octo tantum ferri vncias alliciat, vt apparet in Lapidibus A B C D. Siquidem Magneti armato fortius pertinaciusq. vnitur ferrum, quam Magneti; contigua enim Magnetis præsentia à ferruminētur inter se, cumque armatura vigorem Magneticum eius præsentia cō-

cepe-

ceperit alterumque ferramentum adiunctum simul à Magnete præfente vigorem induerit, ferrum adeò feruenti desiderio Magneti occurrere, eique adhærescere nititur, vt propriæ gauditis oblitū, in ipso libero aëre proprium sibi locum centrumque statuiffe videatur; quin imò si vel pondere suo impediat, erigit fastigium quasi manus, ad Lapidem nutans, & tremens, blandèque demulcens, impatiensque suum quodammodo grauari stabilimentum, nec sua se sorte contentum existimat, nisi vel proximè saltem coniunctum veluti refrecto desiderio conquiescat.

Magna vis Magnetis armati.


Disquisitio.

SVnt plerique, qui arbitrantur armatū Magnetem, seu chalybea casside indutū ideò ferri maiora pōdera trahere; quod ferrum ferro ob sympathiam quandam naturalem amicius copuletur. Sed hanc eorum opinionem futilem esse, vel ex eo comprobatur, quod non ferrum tantū sibi arctissimè connectat ferro Magnetis galeatum caput, sed & alium quemuis Magnetem, quem non suspendisset inerme; Alia igitur causa quærenda est, quæ vt intelligatur, sciendum est, ferrum ex se actu nullam habere Magneticam qualitatem, eius tamen per contactum virtutis, aut suppositi, Magnetis capax esse, eamque ita vniformiter excipere, vt in eo nil sit virtutis Magneticæ, quod omninò non se accommodet, & quasi obsecundet virtuti Magnetis; totumque omninò ad eius auxilium conspiret: quod in duobus Magnetibus non adæquatè contingit, cum singuli Magnetes suam habeant vim, ex sua natura; alter quidem independenter ab altero, vt omninò secundum totum impetum vterque sibi auxilio sit, & præcisè vires ad eundem omninò terminum dirigat: accedit quod Magnes, etsi sit omnis virtutis Magneticæ perennis scaturigo, plurimas tamen habeat admixtas sordes, seu particulas extraneas, heterogeneas, & virtute Magnetica destitutas, quæ cum hinc inde per totum corpus insertæ reperiantur, multum sanè tractiue virtutis efficaciam impedire, aut diminuere saltem possūt, quod de ferro non dicendum, cum ab omnibus incrementis per ignem

vnde quaque sit purgatissimum, & Magneti coniunctum vno temporis momento virtutē Magnetis imbibat: vnde & consequenter conceptum vigorem alteri sibi consimili, & homogeneo corpori perfectius cōmunicat; non tamen hinc sequitur, vt aliqui obijcere possent, ferrū acquirere in se qualitatem magis intensam, quā quæ sit in Magnete excitante; sed dicimus vim Magneticam receptam in ferro, ceu in subiecto proportionato puriore, & magis homogeneo, ob viriū vnionē plus roborari, quā in Magnete varia terrenarū sordium miscella vitiato.

Confectarium I.

EX dictis colligitur primò. Iuuari Magnetem ad suspendendum ferrum aduentu alterius Magnetis, aut ferri, non secus, ac quodlibet agens ex coniunctione cum altero agente similium virium iuuatur; quemadmodum enim duo valentius



trahunt pondus, quā vnus solus; ita fortius quoque duo Magnetes, aut Magnes cum ferro aliud ferrum sustinebunt, quam aut Magnes vnus, aut Magnes ferrea galea non corroboratus; Exempli gratia, Magnes AB, & CD simul potētius agunt in ferrum I, idque sibi firmitus conglutinant; siue id infra Lapidem positum fuerit, siue medium inter vtrumque, vt in loco I M, quā vnus solus. Quia cum illa additio conuenientibus polis fiat, axisq. longior maiorem vim

obtineat in magneticis actionibus, corpus magneticum per alterius magnetis appositionem, præterquam quod maius mole euadit, longiorem quoque axem acquirit, vnde vis quoque augeatur necesse est.

Confectarium II.

Colliges secundò. Si magnes ad alterum magnetem, aut ferrum ad magnetem armatum conuenienti ratione

ne non fuerit collocatum, Magnetem non ab attractione impediti tantum; sed & ferrum, quod ope alterius ferri, aut Magnetis amicè coniuncti tenebat, dimittere cogi, ita natura iuris sui tenax est; inconuenienter autem apponuntur sibi Magnetes, si similibus polis coniungantur, conuenienter si dissimilibus iuxta communes Magneticorum leges. Atque ex hoc Confectario quoque ratio patet, cur polus Magnetis Septentrionalis in nostro hemisphærio, maiorem ferri quantitatem, quam Australis suspendat; quia videlicet polus Septentrionalis Magnetis conuenienter positus est ad polum terreni globi, qui cum Magneticam vim, in corpora sibi proportionata semper exspiret, non parum consimilia sibi subiecta conuenienter posita roborat; quod si Australi polo in nostro hemisphærio ferrum appensum fuerit, is ex iniqua positione veluti indignabundus, id quod Septentrionalis paulò antè firmiter tenebat, dimittet.

Magnes in inconuenienti situ positus ad alterum Magnetem non operatur.

Confectarium. III.

Colliges tertio, quòd si axis Magneticus perforetur, & ei ferrum longum ex chalybe puro arcè indatur, aliud ferrum sibi cōuenienter applicatum, decuplo efficacius, quàm quæuis alia armatura, sit tracturus; quia hoc situ omnes partes ferri applicantur Magneti æqualiter, & cōsequenter æqualem virtutem in se deriuat, est enim ferrum hac ratione iuxta lineam propagationis totius Magneticæ virtutis positum. Vidi ego hic Romæ in celeberrimo Musæo Francisci Qualdi Ariminensis quem supra laudauimus, huiusmodi Magnetem plures ferri libras sustinuisse, cum vix ipse vnus libræ pondus obtineret. Audiui non ita pridem Principem quendam Anglum exiguum & vix vnus vnciæ Magnetis particulam annulo inclusam tantarum virium gestare; vt ferè librā ferri trahat. Si tamen vera sunt, quæ narrantur, hoc nudo Lapide sine vlla armaturæ ope fieri posse, vix arbitror, qua tamen adhibita, res maiorem fidem merebitur; sed de corroboratione Magnetis in 14. Theor. vberior dicendi materia dabitur, quare ad alia progrediamur.

Corroboratio Magnetis.

PROPOSITIO SEXTA.

De Attractiua & Repulsiua vi Magnetis ,


THEOREMA VI.

*Magnes Magnetem ; ferrum excitum , alterum
ferrum nunc trahere , nunc pellere videtur.*



Zelotypia Ma-
gnetica quæ ?

INTER cætera Magnetis mirabilia , non infimum fanè locum obtinet illa Magnetis ad Magnetem concordia discors , non malè dicta zelotypia Magnetica , qua partes amico iunctæ consortio , tanto amore conflagent , vt nisi altera alterius amplexibus perfruat-
tur , ac contingendi detur potestas , quiescere non possint . Repugnantes verò partes ita mutua naturarum odia exercent , cæcisq. flagrant discordijs , vt inimico punctorum concursu tactæ , veluti Aduersario præsentè indignabundæ à suis ces-
santes muneribus , viribus destituantur ; cuius rei cape sequens experimentum .

Experimentum .

Sint duo Lapides A C D ; & E B F in primo Lapide sit punctum A Boreum ; G Austrinum ; in Lapide E F B , Borea pars H ; Austrina B ; dico , quod si Australem partem G , Lapidis C A D ; Austrinæ parti B , Lapidis E F B admoueris , illicò eam à se repellet , fugabitque . Idem etiam veniet , si Boream A , Boreali H opposueris . Contra autem , si poli Boreū A , Austrino H ; vel Austrinū B , Boreo , A applicaueris , is quasi simili voluptate captus non inuitā ad se rapiet partē ; verbo , dissimilia puncta substantiarum similitudine , paribusq. desiderijs coeunt simul , & vniuntur ; similia verò dissimili contrarietate

ini-

inimicitias agunt, id est, Boreus Austrinum quærit, Austrinus Boreum, ita Austrinus & Boreus, Austrinum & Boreum respiciunt, quod & optimè in pyxide nautica experieris, si Magneticis polis, polos alterius Lapidis nunc amicos, nunc inimicos admoueris.

Disquisitio.

Variæ diuersorum de hoc mirabili Magnetis effectu philosophorum sunt sententiæ; Quidam putarunt Magnetem absolutè & diuersa actione ferrum nunc attrahere, nunc expellere, quemadmodum de Theamede Plinius imperitè narrat. Nonnulli verò senserunt hanc attractionem, seu expulsionem, non quidem diuersa Magnetis actione fieri; opinati tamen, hanc virtutem repulsiuam verè, & realiter inesse Magnetem, atque eadem actione, qua ferrum attrahi crediderunt, eadem id repelli; non secus ac vnus actus voluntatis fertur in bonum prosecutione; in malum verò fuga. Nos asserimus à Magnete aliud Magneticum nec attrahi propriè, nec propelli, quod alicui παράδοξον, forsan videri posset; sed hanc nostram assertionem veram esse tunc apparebit; vbi primum de attractione & expulsionem quædam præmiserimus.

Scias itaque primò attractionem multipliciter sumi posse, vel quatenus fit per attractionem corporis vnus, & adnexi sequelam, ita è puteo aqua fune attrahimus, & hæc est attractio propriè dicta; vel prout ex metu vacui aliquid attrahimus, vt fit in cucurbitulis sanguinem prouocantibus, vel similitudine naturæ, seu sympathia quadam, qua duo se corpora cognata insequuntur, atque ita Magnes trahit Magnetem, Sol quædam species heliotropias, atque de hac propriè, dum Magnetem ferrum trahere dicimus, loquimur. Secundò, hanc perpetuam esse Magneticorum legem, vt quam semel Magnetis partem tetigerit ferrum, ad eam semper sese prouocet, disponatque; oppositam verò partem perpetuò fugiat; Quo posito dicimus expulsionem non fieri, quod in Magnete reuera punctum quoddam reale sit, & expulsiuum ferri; sed potius fugam quandam consequenter ex prosecutione boni Magnetici exortam; quæ
ita

Varia attractio.

Magnetis po-
lorum vnus at-
trahēs alter re-
pellens.



ita sibi mutuò annexa sunt, vt vnum sine altero consistere
nulla ratione possit, non secus ac in actu voluntatis, quo cum

bonum aliquod prosequimur, necessa-
riò malum ei bono contrarium auer-
santes fugimus; sed rem in exemplo
declaremus; sit Magnes cuius polus
Australis sit A; Borealis B; tangat au-
tem punctum B ferrum I, S, extreni-
tate I, dico I, extremum ferri punctum
B, quod semel tetigit, perpetuò inse-
cuturum, A verò fugiturum, cuius qui-
dem alia ratio non est: nisi quod fer-
rum ex actu Magnetis omnem etiā
simul Magnetis vim dispositiuam, &

verticitatem, siue qualitatem illam biformem saepius inculca-
tam, imbibat: accurret igitur perpetuò amicus polus ad ami-
cum polum ad qualitatem conceptam magis magisque robo-
randam, oppositum verò polum, vtpotè in situ & positione
contrarium, ne ordine situs interturbato qualitas imbibita
corrumpatur, perpetuò fugiet; vnde patet hanc attractionem,
& expulsionem consequi infallibiliter appetitum naturalem,
quo ferrum sese ad Magnetis Tellurisque situm in bonum sui
conformare appetit, vt autem luculenter patefiat, nullum esse
Magnetis extremum, quod absolutè ferrum pellat; tangat I
extremum ferri punctum Magnetis A, & subito patebit, pun-
ctum A ante repulsiuum, seu fugitiuum, iam contraria lege
factum attractiuum; B verò repulsiuum, omni dissoluta ini-
micitarum discordia, quod quidem nequaquam fieret, si po-
lus repulsiuus verè, & realiter Magneti inesset; sed hæc plu-
ribus in 10. Theoremate explicantur.

Vtraque vis vtri-
que polo inesse
potest.

Confectarium I.

EX his patet, cur quælibet Magnetis extremitas simplici-
ter ferrum alliciat, quia videlicet Magnes corpus est
homogeneum, neque vnius extremitatis natura differt à na-
tura alterius extremi, & quemadmodum vna vis dispositiua
per

per totum Magnetem æqualiter diffusa ad polum vtrumque æquè se dirigit; sequitur necessariò, & ferrum ex se & sua natura ad vim Magnetis recipiendam indifferens, vtroq; extremo suo attractionis capax esse.


Confectarium II.

EX hoc quoque sequitur; quod si duo obeli ferrei Magnete exciti eiusdem magnitudinis intra eandem Sphæram actiuitatis ita ponantur, vt recedere non possint, futurum vt sese collocent in situ parallelo non tamen sine violentia aliqua, & virtutis detrimento; sint duo obeli ferrei A B C D. equales intra eandem sphæram actiuitatis constituti; dico eos in parallelo situ mansuros; nam B C apices obelorum ob com-


munem Magneticorum legem, Παράδοξον
magneticum. qua similes partes Magneticè cō-

iungi vetat; nec coniungi poterunt, nec separari quoque per fugam; fugiant autem, si possint, B quidem in X, & C in Y; sed tunc A, D partes similes coniungentur inuitæ, & contra naturalem inclinationem; ne igitur hanc violentiam patiantur A D; vt vtrique

æqualis victoria remaneat, in parallelo sese statu collocant, ergo, &c. quod erat ostendendum.



Confectarium III.





PAtet hinc quoquè, cur versorium C D supra Magnetē axi parallelum, & alterum versorium A N iuxta Magnetem, ita, vt axi in eadem linea respondeat, positum, ambo contrario situ ferantur, quoniam scilicet illud tota longitudine axis Ma-

gne-

gnetici hoc solo puncto amico detinetur, sed hoc figura hic addita mentem nostram melius explicabit.

Confectarium IV.

Infecto lapide
partes separatæ
non coeunt, vt
prius dum non
essent separatæ.



Patet cur Magnes si secundum longitudinē axis secetur, partes si suspendantur nō amplius accedant eadē positione, qua prius erant coniunctæ, sed contrarias affectent partes, quia videlicet separata pars non amplius seruat cum toto ad polos respectū, quod si pristinum seruaret respectū, sequeretur similes partes Magnetis coniungi posse, quod est contra leges Magneticas. Ne igitur communia iura infringantur, in oppositas sese partes pars separata disponit, ita partes B A & A B in Magnete scisso O, quæ in Magnete M secundum lineam A B prius vnitæ erant, in contrarias partes disponuntur.

PROPOSITIO SEPTIMA.

De Magnetis vi penetratiua.

THEOREMA VII.

Vis Magnetica quarumvis rerum penetratiua est.



INCITATIONES seu commotiones à Magnetico vigore fiunt non obstantibus crassis tabulis, non figulinis, aut vitreis, non marmoreis vasis, nec quidquam resistentibus aquis, vase, pyxide, aut etiam igne intermedio, quod sanè summum naturæ miraculum non immerito censeretur debet; interposita enim lamina, alijsque rebus,
vti

vti non tollunt eius virtutem, aut obstruunt, ita neque villo modo impediunt, & retardant, in ferrea tamen lamina plùs æquè diffusa virtus quadam ex parte diuertitur; quod nulla ratione in alijs tractiva vi pollentibus, vt electro seu succino contingere solet. Nam ea intermedio posito obstaculo nulla ratione paleas commouent, imò etiam admotas eas non nisi prius affricu animata trahunt.

Magneticæ virtuti nil obistere potest.

Electricæ attractiones obstacula habent.

Experimentum.

Ferrum subere suffultum in vasculo quopiam liberè fluctuare permittas, quod Magnete exterius applicato nullis obstantibus impedimentis in momento commotum, ac veluti amici præsentiam sentiens, sine mora relicto loco suo in eius sese amplexum insinuare cupiens, ad marginem vasculi conferet. Tu interim quocunque placuerit Magnete extra vas applicato, intus natitantem aciculam faciliè deduces; è quo plurima visu iucundissima spectacula, vti in mechanica magnetica videbitur, conficiuntur.

Disquisitio.

Circa hunc Magnetis effectum non minus variè, quam circa præcedentem, Philosophi opinati sunt; Alij in insensibiles quosdam radios poros permeantes causam coniungunt. Nonnulli solam *συμπάθεια* inuenere causam; sed compassio licet esset, non tamen compassio causa censenda, Scaliger. est, cum efficiens causa, passio nulla ratione rectè dici possit: Scaliger putat moueri ferrum ad Magnetem, tanquam ad matricem suam, cuius abditis principijs perficiatur; penetrationem autem fieri qualitate omnino spiritali. Non defuerunt qui dicerent, eadem ratione, qua sonus propagatur, magneticam virtutem propagari. Nos relictis omnibus citatis tanquam incongruis opinionibus, asserimus hanc penetratiuam magneticæ virtutis propagationem, nec per subtilissimos quosdam radios, nec spiritali omnino actione, quemadmodum anima; nec corpusculorum quorundam effluuio, nec per transmissionem quasi localem qualitatis, vti in rebus odoriferis

Comparatio lu-
cis cum Magne-
te.

ris fit, nec alijs dictis modis perfici; sed ideo propagatur, quia magneticum agens de potentia subiecti circumiacentis educit illam qualitatem magneticam, quæ ita de nouo educitur, vt perpetuò pendeat in esse, & conseruari à Magnete; hinc fit, vt æqualiter & omninò pari facilitate producat hęc qualitas in quolibet corpore, in quo non inuenitur qualitas, quæ illi vel directè, vel indirectè repugnet. Non secus ac corpus luminosum, quod qualitatem suam vniformiter difformiter vno momento ita propagat per medium, vt non frigus, non calor, non vitrea corpora, non aqua, non crySTALLUS durissima impedire possint, quo minus eo in medio vim suam exerat: sola opacitas inimica lucis ipsi qualitati circumfusæ fræna iniicit, cætera enarrata corpora, vtpotè cum lumine nullam contrarietatem habentia, tantum abest, vt id impediant, vt etiam augeant: Hac itaque ratione Magnes producit qualitatem suam in circumiectis corporibus, siue ea calida fuerint, siue frigida, siue densa, siue rara, siue opaca, siue translucida, siue etiã quamlibet aliam habeant è cōtrarijs qualitibus; & hoc, quia istæ qualitates nullam habent omninò contrarietatem nec directam, nec indirectam cum magnetica qualitate producenda, ergo actionem eius impedire quoque nulla ratione possunt: accedit quod illa qualitas omnis quantitatis corporeæ expers, ceu spirituale quippiam vim suam diffundat; sed de his fusius in Theorem. 18.

Confectarium I.

Differentia lu-
minis, & Ma-
gnetismi.

EX dictis patet qualitatem Magneticam latius in Sphæra sua quam qualitatem luminosam dominari; Nam luminosam vim, aliqua quæ repugnantiam cum ea habent, impedire possunt, quemadmodum omnia *ἀνίσταται*. Magnetis autem actio, nullo in sphæra sua obstaculo fisti potest, vti dictum est. Cum enim hæc sit totius globi vniuersalis qualitas, quæ solum in bonum vniuersi conspirat, vt globum telluris in conueniente positione ad celi influentias congruenter suscipiendas detineat, ideò quodcunque sit corpus, & quancunque habuerit qualitatem, æqualiter in illud, & per illud Magnes suam producit qualitatem.

Con-

Confectarium II.

Hinc patet, cur versoria magnetica certis in locis diuersam sortiantur à vera declinationis linea aberrationem, vti sæpe sæpius iuxta muros quosdam, & parietes, aut etiam in campis, syluisque mihi non sine admiratione varijs occasionibus contigisse memini; quia videlicet in murorum meditullio trabes ferrei, aut alia magnetica impedimenta latitantia, cum qualitate magneticam à tellure conceptam, nullis impedimentis obstantibus per medium transfundant, fit vt versoria earum actione diuertantur; Pari ratione sub terra ferri vena abscondita, Geographis sæpenumero non exiguorum errorum occasionem, dum magneticam aciculam à vera mundi linea diuersam cognouerunt, præbuit.

Cautelæ in vte
Magnetis.

PROPOSITIO OCTAVA.

De Magnetis actione sphærica.

THEOREMA VIII.

Actus Magnetis sphæricè diffunditur.


SPHÆRICÈ diffundi formalem actū Magneticum certissimis experiētijs nobis innotuit; ea namq. globorum Magneticorum facultas est, vt fusa sit & extra corpus ipsum in orbes extensa, forma vltra materiæ corporeæ limites erecta. Nam Magneticæ Terrellæ facultates eadem sunt etiam in orbe potestatis toto, & orbes in se in quauis distantia à corpore Terrellæ suos habent pro diametri ratione, & peripheriæ quantitate virtutum terminos, siue punctos in quibus conuertuntur Magnetica corpora, nec eandem Magnetici globi partem, siue punctum in quouis ab eodem interuallo (nisi in orbium & globi axe fuerint) respiciunt, sed semper in illa orbium suorum puncta tendunt, quæ similibus arcubus à communi earundem axe distant, vt in se-

Directio Ma-
gnetica eadem
in omnibus or-
bibus Magne-
ticis.

F

quenti

quenti diagrammate vides. A B axis globi Magnetici & orbiū;
C D Aequator in orbibus, vti & in globo: in Aequatore ver-
forium ad Horizontis planum componitur; in axe vbiq̃ue
perpendiculariter centrum respicit; in medijs interuallis E



respicit D; & G respicit H, non F; sed hoc respicit L verfo-
rium in superficie globi; qualis enim proportio L ad F; talis G
ad H in suo orbe, & E ad D in suo orbe; sed vt omnia clariùs
innotescant, dicta experimento comprobemus.

Experimentum.

A Ccipe tabellam stanneam vel æneam, in qua iuxta dia-
gramma orbes describantur Magnetici. Et in medio
pro magnitudine globi Magnetici fiat foramen, ita vt tabula in
medio eius ad Meridianum circulum supra lignum æqualiter
& horizontaliter iaceat, deinde obelum ferreum parvū in or-
be aliquo in tabella descripto libes, in quo cū ad varias in eo-
dem

dem circulo positiones mouetur, semper obseruabis illius dimensiones, non lapidis, vt in diagrammate patet.

Disquisitio.

Mirabile orbium Magneticorum secretum primus obseruauit Gilbertus, qui & eius causam adscribit formæ substantiali primariæ globorum; cur vero cuspidis intra orbis dictos constituta, semper determinatum punctum respiciat in eodem orbe constitutum, nos vigori Magnetico ascribimus; quia videlicet versorium ad Magneticam biformem, siue duarum facierum qualitatem per medium à polo terræ diffusam se accommodare contendit; diffunditur enim ita in gyrum, vt quasi in centro, seu polo sit vna facies, & circumquaq; similis quasi proijciatur quaqua versum illi opposita, quæ est in polo; ideò versorium accommodatur etiam quasi in gyrum circa polum; sicuti ergo, si erigas lapidem altero polorum sursum directo verticem versus, & circa polum in gyrum disponas versoria, illa omnia cuspidem committent ad punctum polare, & cruces polum coronabunt, quia in illo pūcto medio similis viget qualitas, & circumquaq; radiat opposita virtus: verum hæc omnia melius ex sequentibus intelligentur, vbi huius Magnetici vigoris processum singulari studio enucleabimus.

Confectarium I.

EX his patet, quod Magneticum ferrum supra globum Magneticum, aut orbis effusos motū, bis integrè conuertatur in vna circuituione centri sui, tanquam epicyclus aliquis in orbe suo; quod vt intelligas, Magnetem referat vltimus circulus diagrammatis E L qui immotus in centro suo maneat, ponatur autem in quouis extra delineato orbe acus Magnetica supra lineam axis; sit v. g. acus posita in puncto A, iam verò paulatim in eodem circulo dictam acum circa lapidem circumducas; vsque dum perueneris in D punctum; conformabit sese acus in illo casu, vt vides: dum enim acus mota

E 2 fuit

fuit circa lapidem per quadrantem AD, in opposito situ consistens totum semicirculum confecit, ergo alterum semicirculum complebit mota per quadrantem DB, consequenter integra circuitione ex A in B peracta; ergo per alium semicirculum B C A mota, aliam circuitionem perficiet, ergo duas circuitiones integras, semel tantum circa Magnetem mota complebit, quod erat ostendendum.

Confectarium II.

EX hoc etiam causa patet, cur subinde progredientibus nobis recto itinere semper in directum, acus se de repente conuertat ad oppositam partem, quod maximè in locis Magneticis corporibus abundantibus contingere potest.

PROPOSITIONONA.

De Directione Magneticorum radiorum.

THEOREMA IX.

Tota virtus Magnetis per puncta polaria in circumferentiam propagata certa ratione dirigitur.




Erst vis Magnetis per totum magnetis corpus æqualiter sit diffusa, per puncta tamen polaria veluti per portas quasdam vigor omnis deriuatur ad extra in circumferentiam. Quæ vt clarius percipiantur, visum fuit, hoc loco, de propagationis virtutis Magneticæ ratione paulò fusiùs tractare; consistit enim in ea omnium in Magnete latentium mysteriorum cognitio. Varij itaque variè de hoc philosophati sunt. Plerique Gilbertum sequuti autumant, duplicem esse in Magnetico corpore vigorem, vnum formalem: qui ex quouis puncto Lapidis interno, ad quamvis partem circumferentiæ Sphæræ Magneticæ extenditur, & hunc nul-

lum

lum extra circumferentiam vigorem habere, nec vim suam
 ultra circumferentiam propagare, cuius modi vigor est, qui ex
 punctis in Aequinoctiali C D constitutis in circumferentiæ
 puncta M L K I excurrit; nec ultra protenditur. Alterum vi-
 gorem vocant directiūm, qui videlicet ex quouis puncto

Duplex vigor
 Magnetis.



Aequatoris recta versus polum diffunditur, in quo omnes ra-
 dij Lapidis ex dictis parallelis veluti conij quidam, quorum
 vertex in ipso polo, basis super memoratos parallelos consti-
 tuatur, describuntur; V.G. singula puncta Aequatoris C D,
 qui versus polum A, aut B suum dirigunt vigorem, dicunt, con-
 stituere conos C A D, vel C D B. at inter puncta parallelorū P
 Q, aut O R in polum vim diffundentia constituere conos P Q
 A, aut O B R, ita in Magnetico globo infiniti conij considerari
 poterunt, quorum omnium communis vertex est polus A,
 aut B, in quibus cum omnes radij Magnetici vniantur, illi
 non immerito totius quasi virtutis sedes sunt. Quod autem
 vigor Magneticus non per alias partes circumferentiæ propa-

Natura Magne-
 tis mathemati-
 cam amat in a-
 gendo disposi-
 tionem ac figu-
 rationem.

Speculum para-
bolicum.


Cut obelus in
globo Magne-
tici polis nor-
maliter eriga-
tur.

getur ad extra, sic ostendere conantur; si enim radij Magneti-
ci MM, II. KK, LL, extra circumferentiā rectā propagarētur,
ergo obelus ferreus in punctis extrinsecis I K L M circumfe-
rentiæ A B C D positus, sese accommodaret ad lineas propa-
gationis, id est eodem situ cum dictis lineis excurreret; sed
hoc tantum abest ut fiat, ut potius contrarium situm in dictis
lineis Magnetici obeli, uti postea luculenter patebit, fortian-
tur; vigor itaque huiusmodi extra circumferentiam non pro-
pagatur, sed ex punctis intermedijs Aequinoctialis C N D v.g.
in M L K I excurrens, mox veluti obstaculo [posito in po-
lum reflectit per lineas MA, LA, KA, IA, non secus ac in Specu-
lo vstorio parabolico, in quo etsi omnes lucis Solaris radij re-
cipiuntur, visio tamen nullo in loco fit, nisi in vno puncto, quem
proinde focum Catoptrici appellant, in quem omnes inciden-
tes radij reflectuntur. Eadem prorsus ratione in Magnete vi-
goris propagatio contingit, in quo ex parallelis vis in circum-
ferentiam excurrens, inde non in directum, sed fracta in polum
A, aut B, (quod enim de vno Hemisphaerio Magnetico di-
citur, de altero quoque dictum sit) reflectitur. Atque hæc de
propagatione vigoris Magnetici multorum opinio est. Verum
hi omnes putant totam vim Lapidis à parte Australi, Australe-
lem tantum; à Boreali verò tantum Borealem esse, id quod
nos negamus, opinionemque hanc nulla ratione subsistere posse,
ita ostendimus; si solæ partes C A D in Septentrionem, &
C B D partes in Austrum se dirigendi vim haberent: sequeretur
inde, diuiso Lapide secundum Aequatorem C D, integrum
hemisphaerium C A D non habere vim, nisi in Septentriona-
lem, & C B D non nisi in Australem plagam se dirigendi; sed
hoc est contra manifestam experientiam; sectus enim Lapis
secundum Aequatorem C D, vtrumque hemisphaerium, bi-
formi qualitate imbutum, non secus ac integer adhuc Lapis
dirigit; Iterum sequeretur versorium A, polo Septentrionali
si affricum, hoc tactu solam vim in Septentrionalem pla-
gam se vertendi acquirere; quod tamen experientiæ reclamatur,
cum versorium polo Septentrionali v.g. A applicatum, du-
plicem faciem perfectè acquirat; uti etiam acquireret per con-
tactum ad polum B; non igitur concipienda hic est duplex
qua-

DE EFFECTIBVS MAGNETIS 87

qualitas; quarum vna conferat vim directiuam in Boream, altera in Austrum; sed vna simplex qualitas ita per totum lapidem excurrrens, vt totus Lapis sit Septentrionalis à B versus A, & contra ab A versus B totus sit Australis; Nunc quæritur, cum hæc vigoris propagatio fiat per polos, quomodo Lapis dicatur virtutem habere natura sua in orbem extensibilem? certum enim est Magnetem certam obtinere Sphæram actiuitatis virtutis suæ; in qua Magnetica corpora posita incitentur, extra eam verò nunquam: fatigauit hæc difficultas plurimum Gilbertum, cum non inueniret, qua ratione hæc propagatio per polos facta cum Sphæra actiuitatis consistere posset;


Si enim vt ipse loquitur virtus Magnetica vndequeque circa corpus in Magneticum Orbem diffunditur, cur determinata ratione versoria superficie corporis Magnetici imposita, & prorsus contraria ratione, quam Sphærica illa propagatio postulat, dirigit? Atinquit, hanc obliquam obelorum directionem non causari, nisi ex longitudine aut breuitate chordarum circulo subtenfarum, quò enim, inquit, obliquius diriguntur obeli, eò breuiores chordas faciunt, & consequenter minus roboris obtinent; sed vt à corpore in F maior procedit chorda, ita actus firmior, in G etiam longior, in A polo longissima, ob diametri, longissimam in circulo chordam; sed hoc ratiocinio causam adæquatam huius directionis non reddidit; cum longitudo, aut breuitas chordarum dictarum aliquid sit consequens ad directionem. Aliam igitur rationem huius obliquæ directionis obelorum à Garzonio primò detectam, à Cabelo enucleatam arripimus, quam quidem verissimam, & certissimam esse censemus; vti ex sequentibus patebit. Diximus itaque à principio vniuersas Lapidis partes internas, suas vires ita ad polos dirigere, vt à polis non in directum eas eijciant foras, sed



F 4 à polis

Falsa opinio
Gilberti.

Vera opinio di-
rectionis Ma-
gnetis.




telligentur, sit
v.g. Lapis C D
A B cuius po-
lus Septentrio-
nalis sit C: Au-
stralis D: ex pū-
cto itaq. C vi-
res Magneticæ
non secus, ac
radij ex lumi-
noso corpore
circūquaque, vt
supra diximus,
diffunduntur,
quorum quidē
radiatorum pro-
iectio talis est;
vt sagittula ver-
forij, seu facies
Borealis sēper
respiciat Sphe-
ræ actiuitatis
circūferentiā,
cruce verforij,

seu Australi parte ipsum polum respiciente, vt in figura
apparet. Radij verò è polo Australi D propagati contrariā via
procedunt; ita quidem, vt faciem Meridionalem, seu cruce-
lam verforij, sēper versus extimā circumferentiā proijciant,
sagittula seu facie Boreali sēper punctum polare respiciente.
Atque hi radij causa sunt obliquæ istius directionis obelorum
de quibus paulò ante loquuti sumus. Si sumatur itaque obelus
F, seu verforium, vt in hac sequenti figura apparet, & ponat-
ur v.g. in pūcto F: directus ex A polo radius obelum ita diri-
get,

Varia Magne-
tis radiatio.

get, vt pars respiciēs Lapidem sit Meridionalis; altera opposita Septentrionalis: similiter ex B polo alius radius deriuatur in F, videlicet radius B F, qui in contactu Lapidis faciem dat Septentrionalem, at in opposita parte Australem; si ergo obelus positus in F dirigeretur radio ex polo A deriuato, conformaretur is iuxta virtutem eius, scilicet secundum lineam A F.



Quod si etiam à polo B dirigeretur, is iuxta virtutem priori oppositam se disponderet scilicet iuxta lineam B F. Verumtamen quia obelus F punctum, quo Lapidem respicit, habet vicinius polo A, quàm polo B: ideò radius magis illi, vtpotè efficaciori, quam huic conformatur; quia tamen etiam radius B F suum exerit conatum, fit vt obelus non præcisè accommodetur ad radium A F, sed ab eo aliquantulum deturbetur; vti in præsentī figura patet, & obelus F dispositionem contrariam nonnihil refugiat; & quamuis obelus F fortiorem radium sequatur, nō tamen ita præcisè sequitur, vt dum ab alio diuertitur, non parum remoueatur, contendit enim quisque radius ius suum exerere in obelum, in quantum ei licitum est; si verò obelus ponatur in puncto D, tum quia radij ex vtroq. polo propagati æquæ virtutis sunt, ideò non est maior ratio, cur vni potius quam alteri famuletur obelus, & cur potius erigatur iuxta radium A D, quam iuxta radium B D: hinc obelus

* Nota, Lellor,
in figura præ-
fenti, radiorum
ex b polo ducto-
rum extrema,
cuspidibus erro-
re culpatoris ad-
ditis, carere de-
bere.

lus prosternitur, ut sit parallelus axi; quia tamen uterque ra-
dius in situ facierum conformi, afficit obelum, fit ut relicta
facie Septentrionali cuspidem obelus ad polum dirigat ver-
sus B, alteram verò partem versus A; idem iudicium fit de
radijs AE & BE; AG & BG; BH & AH, ut in figura apparet.

Confectarium I.

Cur obelus in
globi Magneti-
ci polis nor-
maliter diri-
gatur?

EX quibus clarè patet, cur obelus ferreus perpendiculari-
ter insistat globo Magnetico in A & B: oblique feratur in
reliquis: in D adiaceat illi? quia videlicet vis toto conspirante
lapide in polos A B deriuata, indeq; sphericè non ad anterio-
ra solum ipsius Magnetis; sed etiam ad interiora diffusa, obelos
dirigit nunc rectè, nunc oblique; prout punctum positionis
obeli, polis fuerit vicinior, aut remotior.

Confectarium II.

Cur in Aqua-
tore globi Ma-
gnetici obelus
parallelus axi?

Patet secundò directionē obeli à duabus lineis ex utroq;
polo deriuatis fieri, quarum utraque cum habeat vim
suam, fit ut obelus neutri in directione obsequatur; sed media
quadam via procedat, neque accommodando sese omnino ad
hanc, neque omnino ad alteram; etsi maximè eam lineam
sequatur, quæ plus efficaciam habet, uti in præcedentibus osten-
sum est, qua ratione autem excessus iste, quo radius vnus alte-
rum superat inueniri debeat, alibi docebitur.

Confectarium III.

Cur in reliquis
punctis extra
polos & aqua-
terem oblique
dirigatur obe-
lus?

Colliges hinc, quò puncta positionis obelorum fuerint
viciniora polis, eò obelos rectius, & perpendicularius di-
rigi in Magnete Sphærico; seu quod idem est, quò linea ex vno
polo ducta fuerit longior, & ex altero breuior, tãto obeli alicu-
ius directionem futurā, ut ita dicā, perpendiculariorē, hinc fit, ut
in ipsis polis radius situ perpendiculari obelum constituat; in
reliquo verò toto quadrante prout lineæ maiores, aut mino-
res, & consequenter maioris aut minoris efficaciam fuerint, etiā
iam

iam obliquiori situ obelos constituent: in Aequatore denique, cum vtraque linea è polis ducta equalis sit, fit vt ex aquo partitis iuribus ad æqualitatem quoque sese componat obelus.

Confectarium IV.

Hinc etiam sequitur Sphæram actiuitatis Magneticæ non circulos; sed ellipses in radiorum diffusionem causare; cuius rei ratio dependet ex duplici Sphæra actiuitatis, quam Sphæra actiuitatis Magnetis elliptica est. bini poli causantur: cum axis virtutis per vtrumq; polum diffusus multò sit longior, quam reliqui radij in circumferentiam ducti, vt ex figura patet: si verò vis Magnetica ex centro lapidis in circumferentiam diffunderetur, non secus ac lumen, perfectam Sphæram constitueret.

PROPOSITIO DECIMA.

De Magnetis ad Tellurem similitudine.

THEOREMA X.

Magnes imitatur naturam Telluris.



SPHÆRICAM in figuram Magnes adaptatus, formamq; arte orbicularem nactus, verè est genuina, eiusdemq; figuræ, telluris soboles, quam communi matri Telluri natura à primordijs concessit, estq; physicum corpusculum excellentissimis virtutibus imbutum, non malè cum Gilberto *μικρόν*, seu Terrella, vel parua terra, dici potest: nam præter polos mundi polis respondentes, Aequatorem, parallelas, meridianos, imò & horizontem proprium habet, quod manifestum fit sequenti experimento.

Μικρόν,
seu Terrella,
quid.

Experimentum I.

IN rotundam figuram adaptatū Magnetē, politumq; manibus excipe, positaq; acuq; aut obelo ferreo super lapidē, videbis,
statim

statim extremitates ferri tibi designantes lineam meridianā, seu polarem: quia ut è superioribus patet, quiescere quocumque modo obeli positi non possunt, nisi super lineam suam polarem; lapidem verò ubi tangitur extremis obeli punctis atramento signabis, promotoque obelo paulatim versus polum, aut Aequatorē in eadem linea, ut ante, operaberis; donec integrum meridianum descripseris; verum cum difficile sit puncta huiusmodi contactus versorij ita ordinare, ut omnia in lineam curuata meridianum constituent, sic certius operaberis; tracta linea quapiam in plano horizontali, super eam lapidem colloca; quem unā cum obelo gyra bis in tantum, donec obelus cum subiecta linea, iuxta visum perfecte coincidat, punctumque contactus nota; deinde promoto obelo in obseruata ut ante perfecta incidentia obeli cum subiecta linea, denuò punctum contactus nota: & sic de cæteris, donec totum meridianum compleueris; quod si oculus alicui rei fixus fuerit, certiore quoque effectum consequeris; cum enim Magneticum versorium semper petat polum, & lineæ hæ omnes sint ductæ iuxta situm versorij, seu obeli ferrei; poteris hac arte omnes meridianos in globo Magnetico describere, quibus diuisis per medium, Aequator sese offeret Magneticus, cui circuli æquidistantes ducti dabunt parallelos, sic totam Sphæram Magneticam non minus iucundo quam mirabili artificio conficies. His ritè peractis si obelum ferreum super æquinoctialem Magnetis lineam posueris, mira quadam naturæ conformatione is ad similitudinem polorum in Sphæra recta Horizonti incumbentium, iacebit rectus, atque axi Magnetis parallelus. At si iuxta aliam globi positionem Magnetem applicueris, vel in quauis ab Aequatore latitudine iuxta competentes quoque poli eleuationes eleuabitur; usque dum in polis ipsis perpendiculariter subsistat; quæ omnia clarè ex sequentibus figuris patebunt. Atque horum omnium rationes cum à præcedentibus pendeant, superuacaneum esse ratus sum eas hic repetere; qui enim præcedens Theorema benè perceperit; nullo negotio eorum, quæ modo proposita sunt, rationes percipiet.

Experimentum II.

Hanc Magneticam Terrellam alia ratione Petrus Peregrinus in quadam Epistola conficere docet; cſi erroribus & falſis perſuaſionibus non careat; ipſa eius verba adduco. Scire debes (inquit) quod hic Lapis in ſe gerit ſimilitudinem cæli; & idè cum in cælo ſint duo puncta notabiliora cæteris, eo quod Sphæra cæleſtis ſuper ea voluitur, tanquam ſuper polos, quorum unus Arcticus, alter Antarcticus eſt, ita & in ipſo Lapide; cuius puncta cælo reſpondentia ita reperiēs. Rotundetur Lapis artificio, quo cryſtallus, & alij Lapides ſolent rotundari; & poſtea ponatur acus, vel ferrum longum & gracile ſupra Lapidem, & ſecundum longitudinem ferri ſignetur linea Lapidem diuidens per medium, poſtea ponatur ferrum in aliquo ſitu ſuper Lapidem, & ſecundum illum ſitum eodem modo Lapidem ſigna cum linea, & hoc pluribus locis facere poteris, concurrentquè omnes lineæ, non ſecus ac Meridiani in polis ſeſe interſecantes; Hic globus ita præparatus, certaſque ratione, ut paulò poſt dicetur, libratus, mirabiles vires obtinet, & à partibus cæli ſingulis, ſingule Magnetis partes per influentiam recipient virtutem; ut iuxta cæli circuitum circumbeat & ipſe, & motum cæli perenni circuitu demonſtret. Putat igitur Peregrinus, Magnetem à cæli partibus ſingulis Magnetis partibus correfpondentibus animari. Verum cum hanc abſonam & peregrinam opinionem in hoc opere pluribus locis ſimus refutaturi, de ea pluribus dicere ſuperſedemus.

Conſectarium.

EX dictis ſequitur, eleuationes obeli in meridiano Magnetico aliquo modo eleuationes gnomonum horologiorū horizontalium affectare vnicuiq; regioni competentes, atque in polo quidem obelus perpendiculariter inſiſtens docet, obelum ea in Sphæra tali eleuatione erigendum. In reliquo quadrante ſtylus eleuatur pro gradibus eleuationis polaris, aut pro latitudinibus locorum, quas omnes affectat obelus aliquo modo in dictis gradibus meridiani poſitus; ſub æquatore ſtylus axi mundano parallelus eſt, quem ſitum & obelus affectat; ſicuti igitur obelus in hemiſphærio boreali caput boreale

Eleuationes
obeli in globo
Magnetici aliquo modo imi-
tatur eleuationes ſtylorum
in horologijs ſciaticis.

exe-

exerit, ita in australi australe, vt patet ex figura: hanc vnicā intercedente differentia; primò, quòd obelus à polo recedēs partem polarem homogeneam non versus polum sibi propriū; sed versus oppositum conuertat, cuius quidem rei ratio in præcedentibus declarata est. Nota secundò hanc quoque differentiam, quod non præcisè eleuationem poli in gradibus demonstret obelus; sed semper plūs & plūs, vt in secundo libro, parte secunda ostendemus.

PROPOSITIO VNDECIMA.

De variatione Magnetis.

THEOREMA XI.

Versoria Magnetica in diuersis mundi partibus diuersimodè variant.




OMPERTVM est Magnetem non vbiuis locorum, tam exactè lineam seruare polarem; vt non subindè variet, deuiet aut à meridiano suo deflectat. In medijs enim Terrarum & Continentium subindè nulla est variatio, vti & plerumq; in medijs mariū & oceanorum; in margine tamen terrarum illarum, & oceanorum littoribus variatio est ampla, sæpe, non ramen tanta ac longius aliquantulum in pelago, vt quidam obseruarunt. In Insulis Azoribus; sicut & in littore Peloponesiaco nullam patitur variationem, cuius meridianus transit per maximas & excelsas totius Europæ & Africæ regiones, per Achaiam, Macedoniam, Podoliam, Transylvaniam, Lituaniam, Coreliam, Lappiam, Boddiam, Biarmiam, & in Africa per Numidiam, Lybiam, Abassiam, & magnam Africæ meridionalis partem. Circa caput vero S. Augustini in littoribus Americæ variat. Sed 50. milliaribus in terra, versus Eurum plus variat, & 80. milliaribus adhuc magis, amplius autem adhuc in 100. milliarium interuallo. At à distantia 100. milliarium tardiores sunt diminutiones deuiationis versus continentem nauigantibus, quàm in distantia 80 milliarum, & in 80 mill. distantia, quàm in 50. In boreali quoque plaga, maiores sunt deuiationes, quàm circa æquatorē,

Variatio Magnetis in diuersis locis varia.

rem, nunquam tamen vltra 30 gradus, quantum quidem haftenus obseruatum legimus; Atque hæc quidem Gilbertus recitat; Nos tamen multa his opponimus in Geographia nostra Magnetica, quam consule, vbi hanc proprietatem ex professo, & radicitus disquirimus.

Experimentum.



TRahe in plano aliquo lineam Meridianam, vtrique polo exactè respondentem, quo facto si experiri desideres, quotnam in regione tua acus gradibus à vera linea polari, declinet; pone versorium tuum Magneticum supra lineam Meridianam benè libratum, & si præcisè su-

Obseruatio variationis Magneticæ.

pra dictam lineam Meridianam quieuerit: scies, nullum eo in loco gradum declinare acum. Si verò deuiauerit aliquantulum à linea polari; arcus inter versorium & lineam polarem interceptus, dabit gradus deuiationis, Vt si ab X in M declinarit, dices arcum X M arcum declinationis Magneticæ quæsitum esse.

Disquisitio.

MAurolycus in suis problematis huius deuiationis causam nescio in quam rupem suppolarem, aut Insulam Magneticam polo vicinam refert, quod si verum esset, sequeretur sub toto aliquo meridiano eandem esse acus deuiationem; quod contra manifestam experientiam est. Huic sententiæ fauere videtur multi alij relatione credo Olai Magni persuasi, qui in sua historia Septentrionali multa passim de huiusmodi terrarum natura maiori forsan admiratione, quam fide digna, recenset. Non desunt qui huiusmodi deuiationem ascribant debilitati virtutis Magneticæ; sed perperam, cum experientia doceat, acum tantò perfectius declinare, quanto robustiori

Varia de Magnética variatione opinionones.

Ma-

Propè Aequatorem directio validior quam circa polos.

Magnete fuerit affricta: Gilbertus sentit huius rei causam partim à Telluris natura, partim à versorij seu acus dispositione esse petendam; Tellus enim, vti in primo Theoremate demonstratum est, conuertit Magnetica, dirigitque versus polos, validè quidem in Aequatore: in polis nulla est directio, sed firma tantum per conuenientes terminos coitio. Cum igitur inualidior sit propè polos directio, versorium plurimum declinat nec validè dirigitur, terrarum verò atque eminentiarum vis est robustior à tota Tellure manante vigore: validior autè est in Aequatore quàm alibi vsquam, quia linea directionis perpendiculariter (vt ita loquar) in polum fertur, alijs lineis directionis pro latitudinis incremento minùs perpendiculariter in polū porrectis, ideò infirmior euadit directio, atque hæc sententia causam satis quidem propinquam, etsi non adæquatam adducit; ideò nos proximiorē causam sectantes dicimus totius huius deuiationis causam non ex Magneticis mōtibus, non ex debilitate virtutis Magneticæ, nequē omni ex parte ex debilitate aut efficacia virtutis directiuæ, sed ex positione terrarum, & summitatem globi terrestris corporis distincta natura, desumendam esse; sed modum, & rationem fusè explicamus in Geographia nostra Magnetica, quam consule.

PROPOSITIO DVODECIMA.

De Inclinatione Magnetis.

THEOREMA XII.


Magnetici poli exacta libratione pro ratione latitudinis loci alicuius eleuantur, aut deprimuntur.

NIHIL in Magnetica scientia inclinatione Magnetis mirabilius occurrit, quam nihil aliud esse dicimus nisi motionem quandam Magneticorum, conuertibili natura sua infra Horizontem pro ratione latitudinis cuiusque

que regionis descendendum; maximum sanè Naturæ miraculum. Nam certum est, atque perpetuum, quod exactè sub Aequatore inclinatio Magnetica nulla sit; sed quomodocunque ferrum affrictum fuerit, perfectè ad planum Horizontis, eique parallelum consistat; cum verò in latitudine aliqua ab Aequatore Magneticum fuerit, aut cum attollitur Telluris polus alter (intellige non supra Horizontem sensibilem, sed Mathematicum, seu Magneticæ Terrellæ dimetientem plano Horizontis sensibilis æquidistantem, quæ vera est eleuatio poli terrestris) tùm declinatio appareat, & inclinet versus corpus Telluris in Meridiano. Sit A B linea quædam contingens Sphæram in G Horizon sensibilis, seu Physicus; C D

Inclinatio magnetica prodigiosa.

Magnes exprimit in omnibus terram.



Mathematicus: I S Aequator; E F axis terræ, G locus regionis; qui quidem tantum ab I S Aequatore distet, quantum polus E, ab Horizontis puncto C: sicut igitur in E, ferrum perpendiculariter erigitur; & in I ad axem parallelum est; ita in G est cōuersio quædam incepta, pro latitudinis ratione, quæ à plano Horizontis declinante Magnetico, &

ad Angulos obliquos Horizontem intersecante, sub Horizonte declinationem indicabit.

Experimentum.

Rotundo Suberi, seu Sphæræ suberæ obelū ferreum 3 fermè digitorum ad æquilibrium infiges, suber æqui, libratum cum obelo, ea arte vitreo vasi aqua pleno impones: vt Suber filum, seu obelum sustentans, nec in superficie aquæ omninò hærens emineat; nec etiam fundum penitus petat; sed infra aquæ superficiem, vno aut altero digito subsidens inter fundum, & extimam aquæ superficiem medius hæreat: quod fiet, suber paulatim circumcirca descobinando, donec

Modus inclinationem magnetis inueniendi.

G

pro-

proportionem grauitatis inuenias; vide etiā quæ de hac libratione peragenda tradimus in progymnasmatibus sequentis libri.



His ita ritè factis preparati obeli alteram partem Boreo polo Magnetis affricabis, alterā Australi (hac cautione, ne suber vel tantillum à loco æquilibrij moueatur) & rursum in aquam imposito, moxq; cum admiratione notabis, filum circulari motu declinare supra centrū suum infra planū Horizontis pro latitudine loci: ne verò hanc descensionem ex inæquali libratione procedere putes, affrices punctum descendens ad oppositum polum Magnetis, videbisque id ascendere, alterum


verò descendere; quod manifestum signum erit à Magnetica virtute huiusmodi descensum procedere.

Disquisitio.

Varie opiniones
phylosophorum.

CUm totius Telluris globus Magnetica virtute sit imbutus, & vis ei insit omnes partes suas quibus integratur, in polos dirigendi; magnes autem sit naturalis terræ filius, corpus, inquam, ei consimile, & proportionatum, vt iam sæpè dictum est; sit vt sese in omni situ versus polos terrestres, qui sunt naturales totius globi termini, conformare studeat. Hinc sit, vt sub polari regione, vbi videlicet polus cælestis vicem Zenith obtinet, ferrum Magneticum dicta ratione in aqua æquilibratum, se ad axem terrestrem, mundanumque conformando perpendiculariter feratur sursum; sub Sphæra verò recta parallelum situm ob rationes & causas in præcedentibus Theorematibus adductas obtineat; in reliquis locis latitudinem aliquam ab Aequatore obtinentibus, pro ratione graduum dictæ latitudinis infra Horizontem sensibilem versus illum polum,

polum, in cuius hemispherio inuenitur, feratur. Demonstratur hoc melius globo Magnetico; Pendeat in aëre ferreus obelus æquiponderatus, Magnete excitus, cui si supposueris Lapidem rotundum ea industria; vt globus situm Sphæræ rectæ obtineat, videbis ferrum in æquilibrio manere perfecto, vt in hac prima figura patet; quod si Lapidē ita submoueas; vt obliquæ Sphæræ sitū teneat, obliquè infra Horizontē versus polum quoque feretur acus, vt in secunda figura apparet; si denique illum submoueas iuxta situm, Sphæræ obliquissimæ, ferrum se conformando ad eiusmodi situm perpendicularem positionem affectabit, vt in tertia figura hic apposita elucescit, cuius



quidem rationem cum in Theorem. 8. (vbi de propagatione Magnetica locuti sumus) patefecerimus, hic eam denuò cum nausea Lectoris repetere superuacaneum esse rati sumus.

Confectarium I.

PAtet igitur ex ijs, quò obliquior fuerit Sphæra loci, eò obelum libratum magis ad perpendicularem accedentem habiturum positionem, quò rectæ verò vicinior fuerit, eò magis ad parallelam positionem accedentem situm. Præterea nota partem illam ferri, quæ polum v.g. Boreum respicit, nunquā in inclinatione Magnetica eleuari; sed versus polum sibi consimilem infra Horizontem quasi descendere, alterum verò eleuari, ferro axem mundi decussatim respiciente.

Confectarium II.

A cælo inclina-
tio non causa-
tur.

EX quo iterum sequitur, eos qui punctum, ad quod Magnetica sese conuertunt, in cælo statuunt, perperam omninò sentire; cum tantùm absit, vt in cælorum punctum aliquod tendant; vt potius ab illo sese auertentia contrarium situm quærant, sicuti ex dictis experiētijs patet, vbi obeli pars Borea v.g. non Borealē cæli plagam, sed Borealē Lapidis partem omni conatu affectat; quo cum frui aliter non liceat, veluti pondere quodam pressum versoriū in eam sese inclinando amicè fertur. Verùm de hoc mirabili Theoremate ex professo in libro secundo Astronom. Magnetic. tractabimus: quare eò Lectorem remittimus.

PROPOSITIO DECIMATERTIA.

De Circulari motu Magnetis.

THEOREMA XIII.

*Magneticum ad motum Magnetis iuxta positi,
pro varia ipsius Lapidis collocacione, variè,
circulares affectans gyros, mouetur.*

Globus magneticus exactè libratuſ nō mouetur ad motū cæli.




DISCUSSO motu Magnetis lineari, qui fit per attractionem; nunc videamus, vtrum in Magnete vis quoque insit, qua sese in circulum vertat; certè Peregrinus existimauit, Magnetem exactè rotundum, ita à cælesti orbita dependere, vt singulari industria æquilibratus cælum perpetua circumuolutione sequatur; sed hâc sententiâ, vtpotè principijs Magneticis, legibusq; cōtrariâ meritò ab omni bona philosophia peregrinam censemus; Et quamuis non ita pridem ad me scripserit quidam, eius se experimētum in aqua fecisse, globumq; Magneticum paulatim motu cæli sympathico circumactum comperisse; ego tamen idem, si vllus alius maximo studio expertus, reperi quidem

dem globum in medio aquæ libratum verti aliquantulum; sed nego hanc circumuolutionem à cælo fieri. Mouetur igitur in gyrum (etsi valdè irregulariter & confusè, nec cōstantem situs sui ad cælum positionem seruando) motu quodam præponderationis partium globi; Poris enim globi suberis Magnete animati, aqua se sensim pro laxitate aut angustia pororum insinuans, globum ab vna parte plusquam ab altera præponderare facit, cuius manifestum signum est, globi, aqua tandem poros eius intrante prægrauati subsidentia. Hanc igitur præponderationem partium insensibilem globi sitū, lociq; mutationē consequi necessum est, qua post aliquod temporis intervallum, cognitā; ignari rei, globum cæloraptum iam aliās Peregrini placito sat peregrino fauentes, falsò sibi persuadent; Falsum igitur experimentum est, cui nullus temerè fidem adhibeat. Vel enim globus isorropica arte in medio aquæ libratuſ, ad polos cælestes se componeret; vel ad terrestres. Sed ostendimus in præcedente Theorem. Magnetem, seu verſorium Magneticum exactè libratum non ad polos mundi sese subrigere; sed ad polum terrenum obliquè infra horizontem descendere: accedit, quod & alibi probamus, nullam esse partem in Magnete, quæ (vt interim polos cælestes taceam) certis cælorum punctis Orientalibus aut Occidentalibus respondeat vt ex præcedentibus patet; sed totum sese ad Telluris polum conformare. Vnde globum huiusmodi secundum axem mundi volui ἀσφατον esse, facile vnusquisque, qui Magneticæ inclinationis, ac staticæ mysteria penitiùs cognouerit, perspiciet. Verum obijciat quispiam, in Sphæra suberea tantum irregularem huiusmodi motū ob dictas causas contingere, non verò in globis ex alia materia solidiori confectis; ad quod dico, me nō in subereo tantum globo, sed & in vitreo, plumbeo, cupreo, cereo & ligneo negotium explorasse: atque in subereo quidem, ligneo, & cereo globo aliquam ob dictas causas volubilitatem notasse, reliquos verò, libratione requisita peracta, constanter semper sine vlla volubilitate infra horizontem inclinantes globos perpetuum stabilimentum sortitos comperisse; quod omnes studiosos veritatis exploratores notare velim; vt manifestum fiat, quàm omnis philosophia naturalis sine ex-

periētia futilis & inanis sit ; quàmque experimentum ipsum, nisi cum summa quadam dexteritate, & industria peragatur, sæpenumero fallax sit & deceptorium . Iudicio igitur & industria in omnibus rebus rectè explorandis opus est, sine quibus omnis labor haud immeritò luditur . Nos itaque dicimus Magneti motum circularem inesse, non naturalē quidem, quasi innato appetitu motum huiusmodi affectet ; sed merè per accidens, ex motu videlicet alterius circulari resultantem : quod ut intelligas, duplici id experimento demonstrandum duximus, quorum primum erit per motionem Magnetis circularem, quam versorium pyxidi inclusum, ita se gyrando sequetur ; ut cum Magnetis integra periodo, & ipsum suam periodum præcisè absoluat ; Alterum experimentum ostendet, quod si circa immotum Magnetem pyxis cum versorio voluatur, ita ut eundem semper situm obtineat, futurum, ut versorium non vna circumuolutione, ut in priori experimento factum est, periodum suam absoluat, sed duas integras circumuolutiones circa Lapidem, vna pyxidis circa Lapidem gyratione perficiat .

Experimentum I.

Sint versoria CD, PH pyxidibus O T, & S X inclusa exactè librata, inter quæ ponatur magnes A M B N ea ratione ; ut meridianus Magneticus ; seu quod idem est, A B axis Magnetis Horizonti parallelus sit, ut in sequentibus figuris apparet.



Si itaque Magnetem A B M N supra suum centrum æquidistāter ad horizōtem moueris ; dico in pyxide versoriū CD ad

ad motum lapidis A M B N circulariter, vti & versorium P H motū iri, & quidem si Lapidis motus polo suo septentrionali A ex E in G. processerit, sequetur quidem D pars versorij austrina, sed contraria via versus sinistram in O. & versorium P H sequetur B punctum Lapidis; sed contraria via videlicet, versus dextram in X. ita quidem, vt cum A punctum Lapidis boreale peruenerit in G; D australis pars versorij C D in puncto O consistat; & alterius versorij pars borea in X puncto: moto igitur lapide ad spacium quadrantis E G reliqua versoria quoque à suis punctis per integros quadrantes recedent; Stabunt ergo axi Magnetici globi versoria vtrinque parallela, vt hæc figura A sequens ostendit.



Quod si lapidis punctum A, promoueatur ex G in K; promouebitur consequenter D versorij pars ex O in Z, & P versorij pars ex X, in H: habebunt itaque versoria ad Magnetem, qui in figura B sequitur situm.



Iterum si A Lapidis punctum ex K in L promoueris: habebunt versoria situm figurarum O O O.




Si denique A ex L in E redierit, redibunt, & versoria vtriusque ad situm, quem primò habebant, integra reuolutione peracta.

Confectarium I.

EX his sequitur primò hæc Magnetica motus rotarum dentatarum affectare, vt enim hæ contrarios motus causantur, ita & Magnetica ad inuicem mota; A enim in G motum, facit D contraria via procedere in O fursum; & P contraria via deorsum, non secus, ac si circuli C O D T & P S X H dentibus dentato Lapidi A M B H infitis instructi mouerentur.

Confectarium II.

Sequitur secundo, quòd quantum A punctum remouetur ab E; tantum versorij quoque pars D ab eodem E; & P alterius versorij pars ab E versus X, & consequenter




contrariae partes versoriorum C & H tantum quoque, versus T & S. remouentur, vt ex figura patet. Vnde & illud se-

sequitur quod versoria vtrunque posita, quomodocunque lapis moueatur (dummodo axis eius semper horizonti æquidistet) semper ad inuicem sint parallela; vt ex præcedēte schemate patet: cum enim, vti dictum est, D punctum ad motum A sursum eleuetur tantum, quantum P ad motum B deorsum, necessarium est, vt versoria vtrunque posita situm obtineant parallelum, excepto eo situ, quo vtrumque versorium cum axe Magnetis in rectam lineam coincidit.

Disquisitio.

Cum huiusmodi Magnetis effectus reconditi sint, & paucis noti; non mirum paucos esse aut vix aliquos, qui circa eos verè philosophati sint, quare, vt tā mirabiliū effectuum causa innotescat, nos omnem Lapidem mouebimus. Nota itaque Magnetes duos, aut versoria Magnete excita ad lapidem mota, se certa ratione disponere, & ita quidem sese disponere, vt extra æquatorem & axim constituta, ad se inuicem inclinantia semper sub æqualitate angulorum, & secundum radium principalem (quem voco illum, qui iuxta axim recta propagatur ad extra,) sese respiciant. Quod ita ostendo. sint duo versoria. CD , & $\alpha\beta$, inter quæ Magnes AB positus, puncta habeat A quidem boreale, australe B . stabunt igitur versoria vtrunque CD & AB cum axe Lapidis in eadem linea: cuius quidem ratio alia non est, nisi quod versoria vtrunque, sese ex naturali quadam inclinatione, ad principalem radium, qui est per axem polarem Magnetis, vt iam sæpè dictum est, conformare appetant. Quod si Lapidis punctum A promoueatur versus K : & versorium CD 15. v.g. gradibus remoueatur à D versus K ; dico necessarium esse vt versorium $\alpha\beta$ totidem gradibus remoueatur à puncto B : illud quidem K sursum versus, hoc verò V versus deorsum: cū enim ex præcedenti coroll. versoria sint quouis situ parallela, axis autem Magneticus linea sit inter duas parallelas incidēs, erunt per 29. lib. 1. Elem. Eucl. anguli alterni equales; ergo sub æqualitate angulorū versoria ad axim Magnetis se disponent; ergo spatio 15 graduum promotō polo Magnetis A , versoria totidem

dem promoueri necesse est. Quod si 15 gradibus non promoueantur, maneat ergo acus v. g. in CD linea, ergo amica pars D acus, amicam partem A fugiet quasi despectam; sed hoc in omni philosophia Magnetica absurdum est; ergo sub æqualitate anguli 15 graduum vtrique acus ad A & B puncta Lapidis amica, & connaturalia ex D in K, & ex B in V



remota se cōformabit, & punctum Lapidis Australe in opposita parte recedens, secū versorij partem α β totidem gradibus

bus trahet, cuius quidem nulla alia ratio est, nisi quod cum magnetica sese secundum radium principalem polarem dirigant, ita commodè sese dirigant, vt ab inuicem maximè adiuuentur, & foueantur, & omnem violentam positionem vitent; adiuuant autem sese maximè in situ, qui est sub æqualitate Angulorū $KIHGF$ (in his enim punctis lineæ FP vtriusque magnetici corporis vis polaris exerta concurrens vnitur) ergo in eo maximus effectus magneticus est; ergo ad hoc punctum concurrent, vt maximè sese foueant; quod si ad hoc punctum non se conformarent; ergò manente Lapidis axe super lineam K , acus dirigatur in I ; sed ibi præterquam, quod violenter sit, & contranaturalem inclinationem, à radio magnetis polari affici non potest; ergo iuxta secundū axioma, in nullo alio, præterquam in K puncto, acus se sistere poterit: ergo moto Lapidis puncto 15 gradibus in K , necessariò pars acus D totidem gradibus ab A versus K procedet; quod erat ostendendum. Iterum moueatur Lapidis punctum A ex K versus I alios 15 gradus; dico versorij D partem totidem gradibus versus I promotum iri: & vti oppositum punctum Lapidis consequenter versus V ; ita punctum Lapidis A directū in HG , versorij D partem ad eadem quoque puncta trahet, quia sub illa æqualitate angulorū, seu sub breuissimis lineis magnetica maximè sese ad cōseruationē sui, cōformare studēt.

Confectarium I.

S Equitur hinc, quod, sicut punctum Magnetis A secundum lineas AK, AI, AH, AG, AF , motum versus Ω , trahit versorium CD semper secum in eadem puncta directum; ita oppositum Magnetis punctum B , in puncta $VTSRQ$ directum, in eadem coniequenter puncta versorium a trahet, vsque dum Lapidis punctum A fuerit super lineam $\Omega \Pi$; tunc vtrūque versorium axi Magnetis stabit parallelum; est igitur hoc loco status æqualitatis, à quo si amica Magneticorum puncta A D recesserint, ecce amica puncta B C in oppositis partibus sibi appropinquantia, secundum lineas in puncta $PONML$ directas sese allicient.

Con-


Confectarium II.

EX hoc sequitur quoque, duo versoria vtrunque posita, CD , $\alpha\beta$ præter situm quem iuxta axem Magnetis habet, aliàs semper moueri *παράλληλως*; cuius quidē rei nulla alia ratio est, nisi quod dicta versoria à linea BA Magnetis fixa, in oppositas partes æquali spacio remoueantur; sed hæc ex præcedēti figura melius elucescent, quam qui benè vnà cum rationibus allatis intellexerit; ille procul dubio, quicquid in Magnetica arte difficilè est, penetrans, omnium directionum Magneticarum rationes facilè reddet.

Experimentum. II.

IN primo Experimento demonstratum est, quomodo Lapide Magnetico super cētrum suum circulariter moto, reliqua magnetica ei vicina corpora æquilibrata moueantur, & quomodo Lapidis integra reuolutione super centrum suum facta, & ipsa integras quoque suas reuolutiones, etsi in oppositas partes eodem tempore perficiant: nunc in hoc secundo experimento videbimus, quod pyxide $ABCD$ v. g. circa Lapidem immotum circulariter circumducta, aut quod idem est, Lapide circa immotam pyxidem circumducto, acus AB magnetica, aut quoduis magneticum ibi æquilibratum, non iam vna circumuolutione contentū; sed ipsum pro vna pyxididis, aut Lapidis circumductione, duas describat, quemadmodum ostensum quoque fuit in Consect. I. Theor. 8. cuius rei rationem, vt reddamus. Notandum magnetis vim totam, ex quolibet puncto intrinseco versus polos directam, ibiq; effusam denuò circumquaque sphaericè diffundi; quemadmodum, in 8. Theor. fusè explicatum est, si itaque vnum magneticum supra centrum suum in circulum moueatur, necessarium est, vt hoc alterum quoque magneticum iuxta primarij radij propagationem sub angulorum æqualitate sequatur; cum itaque magneticum corpus supra centrum suum motum, tot gradibus alterum magneticum à primo termino rapiat, quot

quot gradibus ipsum processit; necessarium est, vt circulo integro magnetis peracto, reliquum similiter magneticum suspensum ad æquilibrium, circulum suum perficiat, atque hoc ostendit clarè primum experimentum. At in secundo experimento contrarium est. Immoto enim Lapide, si pyxis vnà cū acu circumducatur circa Lapidem, Lapis autem è duobus polaribus punctis omnem vim suam directiuam circulariter diffundat; fit vt pyxide circa semicirculum Lapidis gyratà, interim acus circulariter à radijs polaribus sphæricè diffusis directà, circulum integrum absoluat; ergo circa alterum semicirculum Lapidis gyrata pyxide, acus à contrarij poli Australem plagā respicientis radijs circulariter diffusis, circulari-



ter directà, alterum circulum describet; ergò mota pyxide, semel circa immotum Lapidem, acus interim duas reuolutiones

Pyxidiz seu
circa Magnetē
motu acus py-
xedij interim
duos circulos
confecit.

nes perficiet, quod erat ostendendum. Verum ut hæc oculari demonstratione percipiantur. Sit Magnes N, circa quem in circulo a c b d rotetur pyxis a b c d, dico acum duas circulationes peracturam, dum pyxis vnam circa Lapidem N mota peragit: quod sic ostendo, moueatur pyxis ex A versus C per quadrantem A C, stabit ergo acus in eo situ parallela axi magnetico iuxta præcedentium doctrinam, punctumque A verso-rij, quod ante Boream ostendebat, iam Austrum b monstrabit; ergo oppositum situm habebit, omnis autem oppositio est diametralis, omnia etiam quæ diametro distant, semicirculo distant; ergo mota pyxide per quadrantem A C, acus semicirculum confecit; ergo mota pyxide per alium quadrantem C B; acus alium semicirculum conficiet, stabit enim eodem in situ, quo stabat in A; ergo per semicirculum A C B integrum periodum confecit; ergo mota pyxide per alium semicirculum B D A, acus alium circulum describet, ergo mota pyxide vna vice circa Lapidem, acus duas periodos conficiet; quod erat ostendendum; cuius quidem physica rei ratio alia non est, nisi quod pyxide ex D per A in C mota, scilicet per semicirculum, radij per O polum, totumque hemisphærium Lapidis boreale circulariter diffusi, acum ex diuerso situ, quem ex motione pyxidiz acquirit, circulariter quoque disponant, ita ut ubi acus parallela fuerit axi magnetis, incipiat à radijs poli Australis circulariter quoque diffusis ad motum pyxidiz, per semicirculum C B D, donec in pristinum situm restituatur, disponi & dirigi; patet igitur cur in primo experimento moto supra centrum suum Lapide, acus, seu quodlibet aliud magneticum corpus libratum ad motum Lapidis sese cōformando, vnà cum Lapide periodum æquali tempore cōficiat; quia directio fit secundum radium principalem ex utroque polo emissum, ad quem se æqualiter radius alterius magnetici corporis primarius conformare studet. In secundo autem Experimento aliter sese res habet; In hoc enim non à principali radio tantum, sed & ab alijs sphaericè in orbem ex polo fuis acus dirigitur; uti dictum est.

Confectarium I.

EX dictis sequitur, Magneticum corpus dupliciter librari posse, vt circuitiōnem suam cum moto super centrum Magnete æquali tempore perficiat. primò si Magnetica mouenda ita ponantur, quemadmodum in primo experimento versoria in pyxidibus posita vides, videlicet per iuxta positionem; secundo si magneticum magnete trahendum in circulum, ita supra aut iuxta Lapidem filo subtili vel obelo libretur, vt axis axi semper sit parallelus: his enim positionibus tanto spacio trahentur magnetica, quanto mouebitur magnes: atque hæc quidem intelligenda sunt de magnete ita supra centrum moto, vt axis eius perpetuo horizonti æquidistet. at de his alibi fusiùs,

Confectarium II.

SI magnes supra centrum ita circumducatur, vt axis magnetis horizonti insistat *ὀρθογώνως*; iuxta positum magneticum in eodem situ semper manebit immobile; quia cum acus ad axem magnetis se conformare studeat; axis autem hoc situ motus maneat veluti immobilis; & ipsum iuxta positum magneticum immobile manebit: si verò magnes circa acum circumducatur, cum hoc motu axis magnetis circulum describat, & ipsa acus quoque eius motum sequens circulum describet. Nota tamen quod si acus ita librata fuerit, vt in omnem partem sursum deorsumque liberè sese motitare possit, futurum, vt ad situm axis magnetis se & acus conformare studeat; videlicet ad situm axi parallelum.



PROPOSITIO DECIMAQVARTA.
De Conseruatione, & corroboratione Magneticorum
corporum.

THEOREMA XIV.

De Morbis Magnetis, eorumque cura.

Magnes suos
morbos patitur

NIL constans, & stabile, aut diuturnum in hoc inferiori mundo esse, cum res singulae mortalitati ac corruptioni obnoxia, tum magnetica quoque corpora, etiam si ferrea quadam natura constent, satis frequentibus illis suis, quibus infestantur morbis, declarant. Experientia enim frequenti constat, magnetem non semper, & omni tempore æqua tractiua virtutis efficacia pollere, sed pro temporis aerisque diuersa constitutione, diuersimodè nunc maiorem, nunc minorem vim obtinere. Præterea magnes patrio solo, id est, vena sua gaudens vti maximo pollere vigore cõperitur; ita patria sua extorris nisi admodum cautè, & delicatè tractetur, facilè vigore perduto, mærore contabescit; cuius quidem nulla alia ratio est, nisi quod loci aerisq. ambientis perniciofa humiditas Magneticos obsidens radios, eos aliquantisper obtundat; quod inde etiam constat, sæuo enim aut pinguedine illitus, scabritie adhæc & asperitate impeditus, non adeo efficaciter trahit, quam tersus, politus, omnibusq. ambientium sordium quisquilijs exutus; Quonam igitur modo Magnes contra dictas ignis, aeris, rubiginis, humiditatis, cæterorumq. hostium iniurias defensus, perpetuò virentem iuuentutem conseruare possit, iam dicendum restat.

Regula I. Ratio situs habenda.

AC primò quidem ad Magnetem conseruandum certa situs ratio apprimè necessaria est. Quemadmodum enim omnia alia, si à naturali situ suo dimota, multo tempore in statu detineantur violento, diù conseruari non possunt; ita & Magnes, qui cum innato sibi desiderio in polos terrenos, ceu in bonum

bonum conseruatiuum sui feratur, fieri non potest quin si ab huiusmodi polari linea eum semouéas; is bono suo priuatus, violentoque huiusmodi statu detentus, non magnum virium suarum patiatur detrimentum, ac sensim temporum collabatur decursu, quod satis superq; docent non Magnetes tantum; sed acus cæteraq; ferramenta Magnetica, quæ nisi ritè supra obelos suos librentur, vigore suo facilè priuantur; librata verò satis diu præsertim congruis locis, & opportunis sita, conseruantur. Si igitur Magnetē in situm quē naturaliter appetit, idest polariter, constitueris; eius vigorem non parum excitabis; maximè verò, si eum cum quadam ad polum terrenum inclinatione suspenderis; qui situs maximè ipsi naturalis est. Hoc enim situ Magneticos telluris radios commodissimè accipiet, isque veluti gratissimo quodam pabulo, si ita dicere liceat, cibatus nutrietur, ac impinguabitur.

Regula II. Loci ratio habenda.

CUm vis Magnetica à subiecti corporis dependeat forma, destructa substantia accidentia quoque destrui necesse est; iterum cum proprium sit sublunaris mundi, res alterare & ad interitum impellere, hanc quoque sortem Magnes, vt experiatur necesse est, Ignem igitur primò ita Magneti perniciosum esse, vt veluti mortiferū quoddam virus, viribus eum penitus exutum omninò destruat, alibi declaratum est: cauebis itaque, ne soli feruido, aut igni multum exponas Magnetem, aut etiam crebrò ad candentia ferra rapienda eum adhibeas; Alter hostis est locus humidus, quo dici vix potest quantam virium suarum iacturā faciat Magnes; Humido enim aëre, ac fæculento vis eius mirum in modum hebescit, præsertim, si madefactus mox feruentibus Solis radijs exponatur, quæ res spiritus eius Magneticos penitus auolare facit; ego in particula id expertus sum, quæ cum commodè primò conseruata, subulam attractam firmiter teneret, soli feruido exposita, ac identidem madefacta, ita paulatim vires suas imminuit, vt acum vix amplius moueret; aëre circumfuso temperamentum eius, siue radicalem vigorem cōsumente. aërem

Ignis destruit
Magnetem.

Humidus aër
plurimum nocet
Magneti.

H

enim

Vtrū Magnes
sub aquis cor-
rumpatur?

enim principalem corruptionis rerum causam esse in 3. libro comprobabitur. Vtrum autem Magnes plus patiatur diuturnis tumulatus aquis, vtrum extra aquam in loco humido, non sine causa meritò hoc loco quari potest. Nō nescio plerosque Authores putare Magnetem sub aquis multo tempore constitutum penitus destrui; ego verò experimento doctus totum contrarium sentio; Ab anno enim & amplius Magnetes sub aquis in Sphæris vitreis tumulatos, ad horas ostendendas ordinatos iam detineo, qui tantum abest, vt virtutis suæ detrimentum aliquod fecerint; vt eam potius auxerint; testes habeo tū Collegas meos; tū alios, qui experimenta mea viderunt; & tunc demum extractos defecisse, cum madefacti & mucilaginosi, aëri aut soli exponerentur; vnde aërem, vt aliarum rerum, ita & huius corruptionis causam vnicam existimo, in medijs autem aquis cum aër accedere non possit, Magnes veluti vena quadam propria gaudebit; quod & hoc experimento constat.

Ferrifodinae
profundæ aquis
scatent.

Cum notum sit Magnetem quo è profundiori fodina fuerit extractus, tanto meliorem esse; quo autem profundior vena fuerit, tanto humore & aquis esse abundantior, vt ego in Germaniæ ferrifodinis non tantum obseruavi, sed ex Sardinia & Illua ferrifodinas profundiores, multis aquis scatere, accepi. Quemadmodum igitur magnes in propria vena, etiam si humidissima sit, nullam virium suarum patitur detrimentum, quin potius ea tanquam loco naturali gaudeat, eaque roboratur; ita & aquis tumulatus, si constanter ibi permaneat, nihil esse quod eius vim labefactare possit clarè patebit; siquidem in Oceano orientali præsertim circa Maldiuas, & Insulam Romeros multi Scopuli Magnetici obseruantur à Nautis, ex quibus optimi Magnetes rescantur, quemadmodum ex literis nostrorum Indicis patet; qui tamen infra aquas marinas, & salvas, aquam inquam rosuam perpetuè morantur. Imò audiui ego à fossoribus Illuæ Insulæ, dum illic in portu quem vulgò (*Porto Longone* appellant) anno 1633. tempestate maris detentus commotarer. Magnetes ex cautibus Magnetici infra aquam abscissos, multò potentiores esse ijs, qui ex cautibus marinis, Solis, cæterisque iniurijs aëris expositi exscin-
di

di solent; imò has plerunque ita debiles esse, vt vix acum moueant. Vnde ego infero Magnetem infra aquam non tot, ac tantis malis obnoxium esse, vt quidam, qui huius rei nullum sumpserunt experimentum, arbitrantur.

Vnde Aëris Solisque iniurias Magnetici vigoris corruptionis veras & vnicas causas esse, ex dictis patet; & in prima parte libri primi c. de Generat. ferri & Magnetis ostensum, secundo libro verò cap. 2. vbi, de declinatione Magnetica tractamus fusiùs declarabitur; dici enim vix potest, quantum pluuiæ & radij Solis, sicut & pruina, quibus vt plurimum Magnetici scopuli continuò expositi sunt, & Magnetis vigorem debilitent, & quam faciliè temperamentum eius soluant, & destruant attracto humido illo magnetici spiritus vehiculo: quas iniurias faciliè vitabit sub aquis veluti naturali quadam vena sepultus. Quæ tamen omnia de magnete homogenea terræ portione, & nullis terrestribus sordibus vitiatò intelligi velim. Sunt enim quidam magnetes satis porosi, & impuri, multa ferri ramenta magneticis partibus admixta, habentes, huiusmodi expertus sum cum tempore rubiginis sub aquis infestari, quibus in Scobem terream abeuntibus, vim magneticam ferrea huiusmodi miscella nutritam, ac roboratam imminui quoque, & deficere necessarium est, & de his non loquimur, sed de puro & syncero magnete, qui rubiginem non contrahit, & consequenter sub aquis ab extrinsecis malis pati nequit. Atque hæc est nostra sententia, quam assero experimento ipso annuo conuictus; vtrum verò magnes purus multis annis tandem sub aquis deficiat aut proficiat, de eo cum experientiam nec dum sumpserim, nihil assero; in tantum hoc sufficiat, Magnetes sinceros sub aquis tumulatos annuo spacio nullū prorsus virtutis suæ decrementum fecisse, experimento certissimo & minimè fallaci comperisse. Scripsit non ita pridem ad me Doctissimus Pater Marinus Mersennus, Magnetem intra aquā, quæ lapidibus ferra secandis adhiberi solet, aliquantulum detentum, munus trahendi ita suspendisse, vt in eo tota vis Magnetis prorsus extincta videretur, quā tamen moderato calore adhibito recuperauerit; cuius tamen stupefactionis causam

Sub aquis detenti Magnetes nō deficiūt.

Magnes in aqua quæ saxis scindendis adhiberi solet deficit.

non assigno; donec rei euētum ipsemet proprio experimento certiū explorem. Porro fabula de magnetis vi, alio perdita aut adamantis præsētia surrepta, quam hircino sanguine, maceratus magnes recuperet, passim constat, eamq. ad nauseam describit insignis ille nugator Marbodæus, & Rhennius Dionysij interpres, quam & hodie omnes scholas ita paulatim peruasisse comperimus; Vt vix sit Cathedra, quæ non huius fabulæ magnetico-adamantinae patronum agat; cum tamen, omnia hæc ad Lydium experimentorum Lapidem examinata falsissima sint comperta; vt vel hinc appareat quantum Reip. Lit. detrimentum inferant, qui huiusmodi anilia somnia ad imposturam contexendam conficta, comminiscuntur. Si quidem posteriores, eorum innixi fundamētis, eaq. ceu vera recipientes, dum ijs vel noua addunt, vel ex ijs alia deducunt veluti experimentorum Confectaria, de ijs dici posse videtur. Ἀνὴρ πολλὸς τὸν πολλὸν ὁδηγῇ ἀμφοτέρω εἰς βόθυνον ἐμπίπτουσι. Ego certè solo veritatis amore instigatus, per Gemmarios professionis suæ peritissimos, horum omnium experimentum iam dudum fieri curauī; sed tantum abest, vt inde memoratus effectus secutus sit, idest, vt vel adamas magnetis vim stiterit, aut hircinus sanguis adamantis frangens duritiem, pristinas magnetis vires ab adamantis præsētia, aut alij factore surreptas, restituerit; vt nihil inde potius magis veritati contrarium enituerit.

Qui magnes
conseruari de-
beat, & robo-
rari.

Morbis igitur magneticis examinatis iam restat, vt qui magnetes, tum extra, tum intra aquam ab omni iniuria, & persecutione hostili defendi possint, videamus; sciendum igitur quatuor potissimum modis magnetem optimè conseruari posse; primus modus est, si eum congruo situ, de quo in præcedentibus dictū est, collocaueris. Secundo si eum in scobe chalybea sepeliueris; qui modus omnium maximè vulgaris est; optimus chalybs lima in pollinem, seu puluerem minutissimū redigatur; atque in hoc magnetem situ congruo, & naturali sepelias; quo dici vix potest quantopere magnes corroboretur, non quidem vt nonnulli voluere, quod viuentis magnetis nutrimentum quoddam sit ferrum; sed quod huiusmodi ramenta magnetis vigore animata, per conceptarum vi-

rium

rium reflexionem quandam in ipsum magnetem factam, unitis congestisque veluti viribus vim magnetis corroborent, ferrea enim huiusmodi soboles eiusdem virtutis auida radiorum, magnetis effluuium elabi non permittit, sed in se illud tanquam in proprium subiectum deriuat, iuxta illud Alexandri Aphrodisæi in 1. part. probl. *Λίθος ἡ μαγνήτης ἔλκει μόνον τὴν αἰδέον ὑποτὶ τῆς τέτης ῥινημάτων ζωοποιᾶται ὁ λίθος*. Lapis magnes solum ferrum trahit, ramentis autem eius viuificatur lapis. Vnde hoc reflexo vigore vis ipsa magnetica constanter, & vegetior redditur. Quæ omnia clarissimè ex superioribus Theorematis patent: Cur autem ramentis ferri melius conseruetur, quam lamina, causa est, quod ramenta melius ei applicentur, quam lamina, quod si tamen magnes rotundus, quadratus, aut alterius regularis figuræ, perfectè politus, chlamyde chalybea indueretur, quæ perfectè se vndique ei applicaret, robustiorem quoque magnetem futurum, nemo dubitare debet, vt in armaturis magneticis videre est. Per-
scripsit non ita pridem nonnemo ex amicis ad me vires magnetis in immensum multiplicandi modum, vt ipse arbitrabatur, omnino mirabilem, & hucusque inauditum, ac proinde nonnisi Sigalionis digito à Profanorum notitia suppressendum, & certè prima fronte, nescio, quid veritatis præse ferebat; verùm cum eum ad magneticam trutinam reuocatum omni studio examinassem; id nonnisi falsæ persuasionis opus inueni; vnde ex latebris falsitatis, in veritatis lucem eum deducendum existimaui. Res ita se habet. Accipiatur magnes vnus, duorum, vel 3 etiam, si haberi potest, pedum; contundatur is in tenuissimum puluerem, puluis mittatur in vitreum vas, cuius orificio ex filo ferreo suspensa magnetis particula quadrata, vel oblonga immittatur; ita vt gutturis infimam partem attingat pendula magnetis particula, postea claudatur guttur more chimico, ita vt nullus euaporare possit spiritus; denique arena communis clibano imponatur, & vitrum arenæ, eo vsque, quo pulueres vitro inclusi circumfusa tegantur arena; tùm ignis substruatur, atque mox omnes qualitates omnisque virtus suis è pulueribus expulsa, cum non reperiatur subiectum sibi magis proportionatum, quam ex filo

Cur ramentis
ferri magnes
conseruetur?

Ratio mirabilis
magnetem for-
tificandi.

Modus fortifi-
candi magnetē

ferreo suspensam magnetis particulam, in illam commigrabit omnis contusi pulueris virtus; trahetq. tantam ferri massam exiguum illud ita fortificatum frustum; quantam magna etiam moles non potuisset retinere, vel attrahere; ecce hæc noua illa metempsychosis magnetica è Chemicorum fucosa officina profecta; ridicula sanè, & quæ nullam nisi chemicarum fidem mereatur; si enim vis magnetica qualitas sit spiritualis, & spiritus quæuis penetratiuus, quomodo eū Chemicus vitro includere possunt; vt per ipsa latera in omnem circumferentiam fusus non euolet? aut quò in tanta halituum conglomeratione partes inconfusæ, & certam illam positionem, aut directionem seruare possint, non video. Repugnat igitur hæc praxis principijs magneticis; Spiritus enim nullis claustris constringi, aut coarctari potest; ac proinde siue extra, siue intra vas magnetem applices, eundem super effectum consequi necesse est; accedit, quod cum calor virtuti magneticæ prorsus sit perniciosus, non tam magnetem aucturus, quam eundem destructurus esset. Huius farinæ corroboraciones sunt, de quibus Agrytæ & Circumforanei sese iactitare solent, e Paracelsi superstitione officina profectæ, qui magnetem ignitum in croco Martis extinctum, aut in Echeneidis sale conseruatum, ita inualescere imperitæ plebi persuadent, vt clauum etiam ex muro, & in profundissimum puteum (ne quicquam impudentiæ mendacio desit) lapsum, extrahere vi sua possit; sed nos hisce repudiatis veluti philosopho homine indignis, institutum nostrum prosequamur.

Superstitiones
Magneticæ.

Regula III.

Conseruatur
magnes in panno
purpureo, &
cur?

Modus tertius. Experientia iamdudum innotuit magnetem panno purpureo indutum non conseruari tantum, sed & paulatim meliorem reddi, efficaciorēque. Res nota est, & manifesta passim; Rei nemo adhuc rationē dedit: Iocus quorūdam non displicet; videlicet Lapidū Regem, regiam in purpura maiestatem maximè conseruare; displicet ratio, quæ additur physica, lapidem videlicet in purpura conseruari, quod ratione lanæ melius ab omni extrinseca magneti perniciofa

ciosa humiditate hac industria defendatur, muniaturque; sed enim si hoc, cur idem non præstat gossypium? cur panno nigri, albi, viridis, similiumque colorum repudiato, solius purpuræ splendore afficitur? solius purpuræ ambit consortium? solius purpuræ affectat amplexus? mysterium haud dubiè latet, quod tum pendetur, vbi prius huic aliud quoddam naturæ mysterium, à quo solutio eius dependet, adnexuerimus.

Experimentum nouum.

Sicuti igitur sedulis naturalium rerum Inquisitoribus quotidie antehac incognita innotescunt, ita & mihi diu multumque in magneticis experimentis versato, per variam illam rerum naturalium, qualitatumque diuersarum in ijs elucescentium combinationem ad inuicem sagaciter factam; plurima sanè eaque admiranda & vix audita innotuère, de quibus in huius operis nostri magnetici seriè passim inuenies. Inter alia vera scias Lector, plantas quasdam esse, quæ magnetem, non tantum conseruent; sed & eundem non secus, ac ferrea quadam armatura mirum in modum roborent; Quod in experto meritò, & omnibus magneticæ Philosophiæ Magistris Παράδοξον videbitur. Accipio folia Laccæ, siue Chermes nostratis, aut etiam certæ Isatis syluaticæ, aut Erythrodani, quibus hermeticè exsiccatis magnetem vestio, dici vix potest quam vegetus inter huiusmodi pascua moretur magnes, quantum ex hoc adeò sibi grato, sibi que maximè congruo edulio robur accipiat; nouum naturæ prodigium & à nemine, quod sciam hucusque notatum; certum tamen est, & omnis fallaciæ expers; vndenam autem huiusmodi herbis vis ista magnetis conseruatiua; vnde amici istiusmodi naturæ luxuriantis congressus; etsi admodum difficilè sit inquisitu, nihilominus magneticis nostris confisi principijs, causam huius adeò insolenti prodigij, ex abdito illo naturæ sinu, in apertum ducere, quantum humani obtusitas ingenij permittet conabimur, vt sic cognita causa, effectus cesset admiratio; Nihil veriùs esse quam illud Theophrast. ἐκ τῆς ποιότητος τῆς χυλῆς τῆς φυτῆς ποιότητος καὶ ἰδιότητος ἀποβῆναι, è qualitatibus Soli, & Terrarum, plan-

Herbz quædā
Magneticæ.

rarū qualitates oriri, cui cōsentit Vitruuius, qui iuxta soli proprietates, plantis docet immitti qualitates, cui consonat Virgilius. *Diuerſe arboribus patriæ, ſola India nigrum*

Fert ebum, ſolis eſt Thurea virga Sabæis,

Quid tibi odorato referam ſudantia ligno

Balsamaque, & baccas ſemper florentis Acanthi.

Si enim radices arborum aut vitium, aut reliquorum ſeminum, non ex terræ proprietatibus ſuccum capiendo ederent fructus, vno genere eſſent omnibus in locis fructus, idem omnibus ſapor; quod experientiæ tamen reclamatur; alia enim qualitate vinum v.g. *οἶνος* Lesbæ; aliā in Mæonia *καταιναια* *μυρτες*; aliā in Lydia *μύλιτον*; aliā Mamertinum in Sicilia, Falernum in Campania; in Tarracina Cæcubum facultate, imbutum experimur; quod aliter fieri non poteſt; niſi quod terrenus humor ſuis proprietatibus ſaporum in radicibus inſuſus, enutrit materiam, perquam egrediens ad cacumen profundat proprium loci, & generis ſui fructus ſaporem; Quod igitur Creta Cypreſſum; Arabia Thus, Cynamomum Ceilanum, Cocinum Piper; aliā denique alia ſibi propria ferant; non alteri niſi loci, aut naturali terræ conſtitutioni aſcribendum eſt. Has enim varietates, humoresque in dictis regionibus & locis, inclinatio mundi, Solis impetus proprius, aut naturalis cuiusque terræ qualitas, & conditio cauſatur. Ad quos humores cum innatum quendam appetitum habeant certa, quædam rerum ſemina, veluti bonum conſeruatium ſui, vt ijs nutriantur, & alantur attrahunt. Hinc Nenuphar, ſeu Nymphaea aquas paluſtres, quorum ſuctu attrahitque viuunt, nunquam deſerit; hinc Aconitum, & Napellus omnem venenolum ſuccum per terræ vicinæ partes diſcuſum attrahens, in ſuccum ſuæ naturæ conſentaneum videlicet veneniferum conuertit; ita fungus ſi vel putrido panno, aut marcori, vel etiam iuxta Serpentis cauernam, vel denique arbori noxiæ increuerit, omnem illico in venenū ſuccum ſuum decoquit. Cum vero magna pars terrarum ex mineralibus ſuccis qualitatibusque metallicis ſcateat; ſit vt plantæ qualitates quoque participant illius metalli, ſuper cuius venā creuerint; ita experimur, vinū ſulphureis in locis creſcens, ſulphureo vapore caput replere, super

Varietas vini
in diuerſis
regionibus.

Nymphaea.

Napellus.

Metalligenis
inſertæ plantæ.

super mineras salis, in salem resolui; super terram verò Lapidifico succo scatentem potatum, calculum generare; ita plantæ mineris seu venis auriferis insitæ, ex auri sublimati vigore aureo colore tinguntur, quemadmodum ad Danubium multis in locis, & in Hungaria frequentes huiusmodi vites reperiri, à fide dignis testibus accepi. Pari ratione locis hydrargyro scatentibus ex folijs plantarum eo loco prouenientium, argentum viuum sat copiosum vidi elici; cuius quidem rei ratio alia non est, nisi quod Solis virtute sublimatum argentum viuum radices ipsas plantarum penetrans extimas plantarum partes petat, quod vbi frigore nocturno condensatum naturæ suæ mox restituitur, in receptacula datâ operâ posita concidens colligitur, sed hæc omnia fusiùs varijs experimētis comprobata in tertio libro prosequemur. Ita denique, si plantæ supra mineram ferream creuerint, qualitatem ferri assument, atque tantò quidem perfectiùs, quantò herba illa maiorem, alias habuerit ad ferrum inclinationem, auidiùsque eius qualitates attraxerit. Hinc mirum non est, si ferrea dotè ditatæ plantæ, ac virtute quadam magnetica imbutæ, noua cum magneticis corporibus pacis pangant fœdera. Notauì autem, maximè hoc ferreo solo inter cæteras plantas gaudere Isatidè quandam Syluestrem, Erythrodanum, & quam alij Laccam, alij Coccum nostratem appellant, easdemque magneti conseruando, roborandoque mirificè conducere, cuius rei causam hanc do, cum enim ex minera, cui inseruntur, subtiles quasdam, & insensibiles penè ferri particulas per exhalationem, illam metallicam eleuatas in se deriuent; illæ ignis vi vnitæ subiectum capax reddant magneticæ facultatis; quod hoc experimento verum esse comperi; si enim memoratæ plantæ in cineres redigantur, & inde cum sale, ex lixiuio producto, vitriariæ fornaci indantur, relinquent illi in vitream materiam, resoluti sedimentum quoddam prorsus ferrugineû attractione, & verticitate corpus magneticum perfectè referens. ignis enim vi vniuntur partes ferreæ dispersæ, non secus ac in lateribus coctis, effectum monstrant magneticum. Hinc in vitro conficiendo insignis vsus est; vt enī liquorem vitri ab omni terrestreitate perfectè purgent vitriarij, ei magnetis frustum adij-

Aurifera vitis.

Hydrargyro
reserti loci.Herba supra
mineram ferri
crescentes.Planta magne-
tica.Nova observa-
tio.

Quis magnetis
vires in vitro
conficiendo?

adiiungunt; quod statim omnem illam materiam terrestrem ferrugineam in liquore ex combustionem unitam ad se attrahit, attractum autem purgat, & ita vitrum ex viridi & luteo candidum facit, & crystallinum; magnes verò ab igne postea consumitur; sed de hoc in catena nostra magnetica pluribus differemus. Cur igitur, ut ad institutum nostrum reuertamur, purpureus pannus tantoperè magneti conseruando conducat? illius causam esse statuimus vim eadem in pannum deriuatam. Cum enim pleriq. panni, ut plurimam ope memoratarum plantarum, ferruginea illa qualitate turgentium in colorem rubrum tingantur: mirum non est, si hanc eandem vnà cum colore in lanam aut sericum permanenter deriuent; imbibunt enim panni multa subactione in dictis liquoribus facta, vim in herba latentem, quem postea lapidi communicent; huiusmodi enim qualitates lanæ communicari certum est, quod & inde patet: lanæ scabiosis pecoribus, citæ quantumvis trita, & subacta, atque in liquoribus varijs alterata fuerit, nihilominus eum, qui vestibus ex ea confectis utitur, scabiè infici experientia docet, imò & alicuias alias lasciuiorum animalium pelles, eas portantes ad lasciuiam incitare notius est, quam dici debeat, sed hoc alibi. Sufficiat interim nos causam hoc loco indicasse, cur ruber pannus vi magnetem conseruandi polleat, & cur plantæ quædam magnetica vi sint imbutæ.

Confectarium.

EX dictis patet, non herbas tantum & arbores; sed & animalia quoque, verbo, omnia ea quæ venas ferri, naturali quodam instinctu, atque inclinatione quærunt, earumque succo delectantur, hac virtute conseruatiua pollere, haud inuerisimile videri, cuius rei veritas ut penitus innotescat, nihil aliud, nisi experientia deest. Exemplo mentem meam pandendo, inter omnia animalia nullum esse, quod ferro tantoperè delectetur, ac Strathiocamelus, passim constat; nec ego Historicis vnquam credidissem, nisi in Melitensi Insula, in quâ frequentes ex vicina Africa deferuntur, rei veritatem proprio experimento comperissem. Nam tantopere hoc animal fer-

ferro afficitur, vt clauo, cultro vel claue ferrea ostēsa id quocunque velis, non secus ac canem panis ostēso frusto, deducas: ferrū autem apprehensum, ita auidē subinde deglutit, ac si delicatissimus illi bolus obtigisset, quod & successu temporis, vt ab ijs, qui anatomiam eius fecerunt, audiui, concoquit; hæc proprio, vt dixi experimento comperi. Cum itaque Struthius naturali quodam appetitu feratur in ferrum; quis scit, vtrum non forsan pars aliqua corporis dicti animalis consequenter Magneticum quid oleat? Nam vt herbæ certis metallis, ita & animalia afficiuntur, ita non homines tātum, sed & Gallos Gallinaceos maximè auro, & argento affici, non ita pridem compertum est, nummosq; ipsis oblatos auidē audio deuorare eosque concoquere. Sed hæc solummodo adduco, vt philosophiæ studiosos ad diligentem rerum naturalium inquisitionem, studiumque experimentale incitarem; cum enim quotidie plura ac plura veteribus incognita dicto studio innotescant; non est dubium quin id cultum cum tempore magnum philosophiæ incrementum sit allaturum.

PROPOSITIO DECIMAQVINTA.

De Scobe ferrea, & Magnetica.

THEOREMA XV.

Puluis vterque vi tractiua pollet, et si diuersimodè.

MAGNAM reperio inter Authores de Magnetici pulueris vi tractiua controuersiam, sunt qui eum non secus ac integrum Magnetem & trahere, & dirigere affirmant, sunt qui negant; ille rectius sentiet, qui Magistrum rerum omnium experientiam prius consultam sequutus fuerit. Editus non ita pridem à Beckero Medico libellus de Rustico quodam Prussiaco cultriuro in quo plus æquo anxius & sollicitus de vi pulueris Magnetici tractiua, discurret dicti libelli Author. Certè tot verbis opus non erat, cum sola experientia totius rei difficultatem tollere potuerit. De tractiua igitur dicti pulueris vi, nullum est dubium, de di-
rectiua

rectiua vi dubium esse potest, quod vt enodetur. Nota dupliciter puluerem Magneticum accipi posse; vel pro scobe ferri, vel pro scobe Magnetis in tenuissimum puluerem redacti; vtramque scobem experientia doctus, ad Magnetem & ferrum accurrere inueni, scobem ferri quoque calamo inditam, libratamque, nō secus ac longū aliquod ferrum dirigi deprehendi. Scobs Magnetis verò constricta condensataque, nullum directionis vestigium demonstrat, res mira & meritò paradoxa; quod vt ipse experientia discas, ita operare.

Experimentum.

SCobem ferream, vti & Magneticam duobus separatim calamis scriptorijs inditam, ita constipes; vt vnum quodque integrū & ferrū, & magnes in vtroque calamo appareat, atque obturatos ita calamos suberi aquæ innatanti superimpones; apparebitque ferreum puluerem calamo suo inclusum, non tantum ductum magnetis sequi; sed & cum tempore se polariter disponere, quod non faciebat dissolutus, dissipatusque; scobem verò Magneticam quasi nullo modo trahi, nec polariter se disponere, quamdiū ita condensata manet; trahi tamen mox, vbi aliquantulum fuerit commota & dissoluta, non tamen dirigi: experimentum clarum est. Restat vt causam huius heteroclitici effectus aperiamus.

Disquisitio.

NOta igitur aliter puluerem ferri, aliter Magnetis puluerē agere; puluis ferri dissolutus statim accurrit ad alium Magnetem in barbam hispidam transformatus, deinde calamo arcetè inclusus, & trahitur à Magnete, & polariter disponitur, quorum vltimum confusus non faciebat: cuius rei causam hanc damus, quòd cum ferrum ex se & sua natura nullos determinatos polos virtutis actu habeat, atque indifferenter ab omni parte virtutis Magneticæ à tellure, vel alio præsentente Magnete diffusæ capax sit, omnes & singulæ quantumuis minutissimæ particulæ se ad situm Magnetis perfectum,

con-

conformarent, tanquam ad bonum, vnde & coitio siue attractio necessariò sequitur, dissipatus tamen puluis etiam si trahatur, non tamen dirigitur ob partium confusionem, & quia ad dirigendum se, aptam figuram non habet. Quod si eum intra oblongos calamos constrictū libratumq; aque imposueris, videbis eū non secus, ac quodlibet aliud oblongium ferrum se perfectè disponere; quia cum sic se habeat per modum totius ferri, ex se & sua natura ad virtutē Magnetis recipiendam indifferentis; statim à Telluris effluuiio Magnetico, aut alio quolibet præsente Magnete imbutus disponetur. Secus se res habet in scobe, siue puluere Magnetico; etsi enim is solutus & confusus auidè ad alterum Magnetem currens ipsi tenacissimè adhæreat, in angustias tamen calamorum coniectus, veluti indignatione quadam motus, ab omni actionis sibi consueta munere cessat; nec enim trahitur, nec dirigitur, præsertim cum arctè fuerit constipatus; cuius rei rationem hanc damus; quod cum Magnetis partes homogeneæ totis sint vndiq; persimiles; nec vlla sit Magnetis particula adeò parua, quæ non tractiua vi polleat, polosq; suos, naturales virtutis sedes, eosque certos & determinatos, atque immutabiles actu possideat, fiat, vt in Magnetico puluere dissipato singulæ particulæ ad eum lapidis præsentis polum, ipsis amicitia quadam correspondentem liberam accedendi potestatem habeant; vnde tracta accurrunt, vt bono concupito per applicationem conuenientem perfruantur. Verùm, si puluis calamo inclusus compedes induerit, id est, confusis partibus, quarum singulæ certà dimensione Magnetica quoad polos axesq; virtutum constant, fuerit constipatus intra calamos, cum ob confusionem partium singularum perditā libertate facilem ad magnetis amicas partes accedendi potestatem non habeant, sed & amici inimicis, vt amici amicis polis temerè & confusè sine vlllo ordine, & dispositione legitima coniungantur, nec attractionem quasi, nec directionem sequi necesse est; si verò puluis ab hoc ergastulo liberatus paulò laxius spaciū inuenerit, statim vel per calamū ipsū consortiū Magnetis appetit, partibus quibusdam liberè sese ad amicū mouentibus. Dixi nulla ex incluso magnetico puluere sequi quasi directionem; cū maior fru-

Cur puluis magneticus arctatus intra calamum non videatur trahere dirigere.

stulo-

stulorum portio suis & partibus, & polis confusa sit, dixi quoque (nullam quasi attractionem) ne attractionem omnimodè negarem; sunt enim in tanta confusarum partium multitudine plurimæ partes, quæ polos suos rectè polis magnetis conformatos habent, & hæ particulae ex se & sua natura verè & actualiter trahunt. Sed ob summam cum debilitatem, tum aliarum partium inconuenientem dispositionem nullum attractionis effectum post se relinquunt. traherent autem particulae, si conuenientem situm haberent. Hinc posset contingere, vt maior pars particularum conuenientem situm haberet, tunc haud dubio traherent, vt rotum. Nisi igitur singularum particularum axes situm ad se inuicem habuerint secundum amicos polos parallelum; nulla vnquam in puluere magnetico sequetur directio. In ferro tamen sequetur, cum polos certos & determinatos, quemadmodum magnes actu non habeat. Sed eos aliunde ab extrinseco indifferenter acquirat. Vtrum autè emplastrum è puluere magnetico effectum in extrahendis ex corpore humano ferris habere possit, dicemus in medicina nostra Magnetica.

PROPOSITIO DECIMASEXTA.

De Lineis Magnetismi.

THEOREMA XVI.

Magnetismus rectis lineis propagatur.



VALITATEM Magneticam Magnetismum appellare placuit, ne toties circumscriptione illa vtì cogermur, de quo breuiter quæritur, vtum rectis lineis propagetur? Respondeo affirmatiuè. Cum enim agentia naturalia, necessitate quadam naturæ in proprias actiones ferantur & sublati impedimenti non possint non agere in omne illud spacium, quod eis natura concessit; hinc in omnem partem mediij circumfusi, quousque tandem positis à natura terminis finiatur, necessariò agent; hac ratione vtì lumen,

men, species, cæteræq; qualitates; ita potissimum magnetismus per medium agit, quæ cum firma non sit qualitas; nec de illarum genere, quæ semel productæ suapte vi consistunt; sed sit potius perennis quædam actio à magnetico corpore effusa, necesse est eam à continuo causæ influxu ita pendere, ut eo obsepto, vel sublata de medio causa ipsa confestim intereat: verum omnis actus secundum naturæ leges, brevissimis semper lineis intenditur, ut eo sit efficacior, quo brevior, longius enim effusa languescit. Rectis igitur lineis quæ brevissimæ sunt, non secus ac lumen, ac colorum species porrigitur; At dicet quispiam magnetem interposito densissimo quouis corpore nihil de actione sua remittere; imò per obliquum sinum, vim suam ad ferrum post interseptum transmittere; At qui Theor. 7. benè perceperit, facile videbit magnetismum non per obliquum sinum ac ferrum post interpositum corpus perreptare; sed rectà per densitatem corporis obiecti, transfundi; cum nihil sit, quod Magnetismum, quo minus effectum suum sortiatur, impedire possit, accedit quod axes magnetici totius vigoris sedes, cæteræq; directionis lineæ, eam rectis lineis propagari satis superque, ut ex præcedentibus passim colligere licet, demonstrent.

PROPOSITIO DECIMASEPTIMA.

De Sphæra Magnetismi.

THEOREMA XVII.


Magnetismus circumquaque in Sphæræ modum diffunditur.



TSI Magnetismus in Sphæræ modum diffundatur, illa tamen diffusio aliter fit, ac in luminoso corpore lux. Hæc enim ex centro per omnia & singula luminosi corporis & aliquo modo diaphani puncta radios suos diffundit, non item Magnetismus. Hic enim uti per duo solum sibi opposita puncta, per nulla alia

vir-

virtutis suæ radios diffundit', ita ex his in orbem deinde diffusis radijs, duplicem Sphæram in quouis magnetico corpore causat. Ex quibus Sphæris veluti à primo principio, totius magneticæ dispositionis ratio dependet. Atque ex hac duplici magnetismi Austro-borea Sphæra, diuersi quoque radij cau-



santur, quorum, aliqui paralleli, alij sese intersecant, alij in diuersa distracti longius semper ab inuicem diuaricantur.

Vt in hac appositâ figura patet, ynde consequenter sphæra radiosa causatur non propriè circularis, sed ellipticæ figuræ, quemadmodum supra quoque in theor. 9. ostensum est. magnetismū autē verè in diffusionē suā dictas sphæras affectare; ipse

formalis actus magneticus, quem in præcedentibus sphæricè effusum ostendimus, sat manifestat, est enim hæc propria magneticorum corporū facultas, vt fusa sit & extra corpus ipsum in orbem extensa, forma ultra materiæ corporeæ limites elata, qui quidem orbis in se in quauis distantia à corpore magnetico suos habent pro diametri ratione, & peripheriæ quantitate virtutum terminos siue punctos, in quibus conuertuntur ma-

gnetica

gnetica corpora, nec eandem magnetis partem in quouis ab eodem interuallo (si axem excipias) respiciunt; sed semper in illa orbium suorum puncta tendunt, quæ similibus arcibus à communi eorundem axe distant; vti fusè in Theorem. 8. demonstraui. Vbicunque enim magneticum corpus circa aliud corpus Magneticum collocaris, statim illud animatum magnetismo, conuertet sese non confusè, & in incertum; sed determinata quadam ratione, vt in præsentis hoc schemate videre est. Agentia enim naturalia necessitate quadam naturæ in proprias actiones feruntur, nec sublati impedimentis possunt non agere in omne illud spacium, quod eis natura concessit, vt dictum est; aget ergo vnaquæque pars lapidis, & quidem in omnem partem medij circumfusi, quousque tandem positis à natura finibus terminetur. Et sanè nisi in omnem partem medij, quæcunque pars Lapidis radiosa vi sua ageret, sed vel aliquæ partes in aliquam medij, vel aliquæ partes in omnem partem medij; consequens esset, vt non ex quauis parte medij magnetica incitarentur; sed ex aliqua tantum parte medij, quod manifesta euertit experientia; ergo in omnem partem medij actio magnetica diffusa, non secus ac ex omni parte corporis aspectabilis in omnem medij circumfusi partem radiatione sua species, propagatur. Neque enim ratio est, cur radijs suis in hanc partem potius, quam in alteram tendat; ergo in omnem partem, ergo in sphaeram. Hinc sequitur radios è polo v.g. C in orbem fusos, omnes præter vnum polarem, seu axem, in ipso polo fractos inde in orbem, etià per ipsius substantiam Lapidis penetrando, sine confusione aut permissione deferri; sed de his alibi pluribus.

*

PROPOSITIO DECIMAOCTAVA.

De Motu Magnetismi.

THEOREMA XVIII.

*Magnetismus temporis momento totam virtutis
Sphæram complet.*



ut abstrusa magnetis vis penitus elucescat, à lumine lumen petimus. Sæpè enim à nobis dictum est, magnam esse specierum luminis, ac magnetismi cognationem. Quemadmodum enim ut rectè Lucretius lib. 4. naturalis hist. dicit

Dum quasi multa breui spacio submittere debet

Lumina Sol, ut perpetuò sint omnia plena.

Sic à rebus item simili ratione necesse est;

Temporis in puncto rerum simulachra ferantur.

Sicut igitur species & lumen vniuersam actiuitatis Sphæram instanti temporis peruadunt, ita & magnetismus; præterea uti in ijs nihil est contrarium, quod illorum productionem remoretur; ita nec magnetismi; rursus, cum præter lumen, nihil adeò ad spiritualium naturam accedat, quam notionalis color, seu visibilis species, ita & magnetismus, qui cum minorem luce in corporibus reperiatur resistantiam, & spiritus actionem magis affectet, luculentissimum signum est, eum momentaneum esse, ac nulla mora per totum etià amplissimū spacium diffundi; certè nulla alia de causa D. August. sensuum species spirituales vocat, nisi quod in instanti medium traijciant. Cur igitur actio magnetis sit instantanea, istius genuinam causam, hanc assignamus, quod videlicet sit qualitas immateriata, & quasi spiritualis, nihilque omninò sit, quod eius productionem propagationemq. remorari possit: cū secus de reliquis qualitatibus materialibus, ut calore, frigore, similibusq. iudicandum sit.

Si enim in tempore magnetica actio fieret, ad ea quæ remotiora sunt incitanda plus temporis exigeretur, quam ad ea quæ pro-

propius sunt constituta: Nam pro ratione spacij seu distantiae, ocyus tardiusque rerum materialium incitationes fieri solent, Ex: Gr. posito magnetico corpore in A, si tempore opus esset, quamuis exiguo, ad alterius corporis magnetici in B constituti incitationem; utique A B C D E F ad corporis dicti in C constituti, duplo intervallo distantis incitationem, duplum omnino tempus postularetur; ad punctum vero D triplum; ad E quadruplum, atque ita deinceps; sed hoc experientiae reclamatur; positis enim quotquot volueris aciculis intra Sphaeram actiuitatis magneticæ libratis, comperies moto lapide omnes eodem omnino instanti moueri; siue ex propinquam, siue remotam à lapide habuerint stationem; in quo quidem naturam visionis perfectè imitatur, quæ cum in instanti fiat, stellas etiam remotissimas æquè citò, atque res oculo prope modum adhærentes assequitur, ergo magnetica actio non successiua, sed instantanea est, &c. quod erat probandum.

PROPOSITIO DECIMANONA.

De Vniiformi difformi motu Magnetismi.

THEOREMA XXI.

*Magnetis actio longius profecta sensim
languescit.*



MAGNETEM intra Magnetis Sphaeram libratum, quò polis, qui sunt cētra diffusionis, vicinior fuerit, eò vehementius incitari: quò remotior, eò debilius, quotidiana docet experientia: vnde colligitur magnetismum vniiformi difformitate decrescere: cuius rei causam aliqui assignāt illam, quod is sicut lumen in sphaeræ modum diffundatur; vti enim à centro siue corpore lucido, si rectos vndique radios ad circumferentiam protensos animo concipias, aduerteres eos, quò longius à medio progrediuntur, eo semper intervallo ampliori ab inuicem diuicari, è conuerso

autem eò semper arctius constringi, quò ad centrum propius accesserint, quoad in vnũ tandem omnes cõueniant, seq. mutuò cõplectantur; at coniunctum lumen efficacius excellentiusq. est disperſo, per ſecũdũ axioma huius; ergo iuxta Sphæræ cẽtrum intensiſſimum est lumen, inde verò quò longius prouehitur, eò ſẽper rarius ſegniusq. euadit: nõ ſecus fieri dicũt in magnete. at hæc ratio etſi ex neceſſarijs cõcludere videatur, nobis tamẽ non omninò ſatisfacit; potior igitur cauſa hæc assignanda eſt, quod ſicut luminis actio, ita & magnetis nõ infinittẽ procedat; ſed definito ſpacio abſoluatur. Vniuerſis ſiquidem agentibus, quorum actio extra effunditur, commune eſſe conſtat, quod ipſorum effectus longius producti, ſenſim decreſcant, cuius rei cauſam eſſe dicimus, quod illorum vis certo termino definia- tur, hinc namque conſequens eſt, vt in proximo ſpacio tenuior qualitas excitetur, quam in ipſa ſit effectiua cauſa; ſi enim E. G. magnetiſmus proriſus æqualem ſibi vim in proximo medio excitaret, & hæc aliam, iſtaque iterum, atque identidem, aliam ſemper procrearet, cumque eius progreſſionis nunquam futurus ſit ſtatus finisque, in immenſum ea actio progredietur, quod abſurdum eſt; ſiquidem omnia creata agentia præſcriptum habent actiuitatis terminum, diſparem tamen, prout ſingulorum virtus & efficacia breui compendio eſt definita. Quare in quouis ſpacio intra actionis magneticæ orbitam aſſumpto, obſcurior ſemper vis, quam in proximẽ antecedente viget: quòd erat probandum.

PROPOSITIO VIGESIMA.

De dicti motus, ſeu proportionali propagatione
Magnetismi.


THEOREMA XX.

*Aequalibus ſpacijs, inæqualia ſunt in propaga-
tione Magnetismi decrementa.*



1 eam ob cauſam Magnetismus longius prouectus ſenſim languereſceret, quod radij à corpore Magneto per amplitudinem Sphæræ actiuitatis proie- ti, quò longius à medio recedunt, eò magis ma-
gisq;

gisq; ab inuicem distrahantur; manifestè sequeretur æqualibus spacijs Magnetismum, æquis portionibus decrescere, quod ita demonstro. Sit corpus Magneticum AB , radijque ab A polo Magnetis profusi AC , & AD à quibus æquales partes abscindantur per arcus DC FE HG IK ex eodem centro A descriptos; his verò arcubus rectæ subtendantur chordæ, quas dico parallelas esse, cum enim angulus A ad verticem



communis sit omnibus triangulis, quorum subtensæ chordæ DC EF GH IK sunt bases: sublato à singulis triangulis communi angulo A , relinquentur ad basim DC duo simul sumpti, duobus simul sumptis angulis ad reliquas bases iuxta 31. 1. Eucl. æquales.

At cum per circuli definitionem æqualia sint latera AD , & AC erunt anguli ADC , & ACD , utpotè ad basim æquicruri æquales per Prop. 5. 1. 1. Eucl. Eodemq; modo æquales inter se ostendentur, qui iuxta singulas sunt bases EF GH IK . Igitur, & æquales inter se erunt anguli ACD AEF AGH , & AIK siquidem æqualiū dimidia sunt inter se æqualia per cōmunem notionem; ut igitur AC ad AE ; ita CD ad EF ; & ut AE ad AG , ita EF ad GH , & sic de reliquis eodē modo; sed AC , AE , AG , & AI se mutuo æqualibus portionibus superant; igitur ipsæ quoque DC EF GH IK æqualibus se partibus excedunt, ergo tantò Magnetismus remissior erit in loco DC , quantò DC maior est ipsa EF , aut quanto EF ipsa DC est minor: sequitur igitur si ob eam

causam Magnetismus protensus languescit, quod radij à corpore Magnetico euibrati magis, ac magis diuaricantur; æqualibus spacijs, æqualia decrementa Magnetismum pati. Verùm cum hanc rationem in præcedenti propositione non omnino sufficientem putauerimus, necessariò cogimur dicere Magnetismum æqualibus spacijs, inæqualibus, seu proportionalibus decrementis languescere, cū iuxta cōmune illud philosophorū omnis effectus causæ suæ proportionatus esse debeat; quod fanè in illis agentibus, quæ vim suam foras exerunt, verissimum esse comperitur, cum æqualis prorsus virtuti esse, nunquam possit; sed tantò semper minor, quantò causa cum ex sese, tum ex longinquitate spacijs, quo actionem producit, redditur imbecillior. Quare si per æqualia spacia actio diuidatur, effectus decrementum ex sola agentis imbecillitate originem ducet. Quantò igitur hoc infirmius, tantò ille remissior; non secundum æqualitatem; sed pro rata agentis potestate; Ex: causa, si Magnes cuius potestas 12, per datum spacium diffundit virtutis suæ dimidium 6, dico per æquale spacium alium Magnetem vt 6, per æquale spacium proferre 3 suæ idem dimidium virtutis; sicuti enim agens 6 ad agens 12: ita effectus 3 ad 6, si enim Magnes 6 per datum spacium vim maiorem, quam 3 produceret; alius quoque Magnes ipsi æqualis plus virtutis ederet per idem spacium 3, quare simul iuncta effectum producerent dimidio vtriusque maiorem. Essent ergo hi duo Magnetes iunctis viribus potentiores, quàm Magnes 12 per se solitariè agens, siquidem maioris illud est potestatis, quod aut æqualem effectum ad maius spacium profundit, aut quod effectum maiorem per idem spacium potens est excitare; sed hoc dici non potest. Quare vti Magnes 12 edit vim vt 6, ad idem spacium Magnes 6 edit, 3. Ex quibus perspicuè colligitur Magnetem, vti & lumen æqualibus spacijs, proportionalibus minui decrementis; quod erat ostendendum.



Proportio magnetis ad magnetem.

PROPOSITIO VIGESIMA PRIMA.

De Motus celeritate, mole & figura Magnetis.

THEOREMA XXI.

*Celeritas & efficacia motus Magnetici,
ex mole, figura, medio, distantia Ma-
gnetis desumenda.*


 OBVR Magnetici corporis multipliciter conside-
rari potest: aut enim magnes est robustior, celerior,
seu efficacior, ratione virium, aut molis, aut figuræ,
aut distantie in orbe Magnetico; Ad primum quod
attinet, efficacior lapidem plus virium debili, & infirmo
habere, nemo ignorat. Certum quoque est è duobus Magne-
tibus bonitate paribus, illum plus, vti virium, ita celeritatis
in coitione habere, qui alterum magnitudine superarit; dixi
è magnetibus bonitate paribus, si enim essent inæquales bo-
nitate, cessaret difficultas: cum in præcedentibus, magnetem
dari posse minorem multò maiori efficacior, ostenderi-
mus, quod de magnetibus bonitate imparibus intelligi velim.
Porrò ratio figuræ in magneticis corporibus magni momenti
est, & principaliter attendenda, quātò enim longiores fuerint la-
pides, dummodo in extremitate longitudinis suæ polos ha-
beant; tantò ferrum cum ijs firmitus quoque coibit. Hinc
sphaericus cubico, ovalis sphaerico, ovali denique sphaeroi-
dis longioris magnes, posita pari bonitate, robustior, & cele-
ritate coitionis eminentior est. Hinc quoque causa constat,
cur si magnes in longitudinem axis polaris elaboraretur, is
omnium maximè robustus sit futurus; minimè verò, si in axem
Aequatoris, id est, si in corpus quoddam oblongum, cuius lon-
gitudinis linea, Aequatoris esset diameter, adaptaretur. Verum
ratione medij actio magnetis quoque perfici potest; hinc in
aëre celerius mouentur corpora, quam in aqua, & aëre sereno,
quam crasso & vapido, vt in Theorem. præcedente dictum.

Figura Lapidis
maximè consi-
deranda est.

est; Ratione denique distantiae celeritas, seu efficacia magneticae virtutis maximè consideranda est, siquidem in propinquo, quam in remoto spacio vehementiorem esse, in præcedente Theoremate demonstratum est, & ex sphaeris actiuitatum aliarum qualitatum vulgò constat.

Cur ferrum magneti adiunctum, remotius trahatur versorium, quam solus magnes.

Cur autem magnes in extrema orbis virtutis suae parte, vno pede remotus vix moueat versorium; adiuncto tamen ei ferro oblongo, vel pluribus pedibus distans efficaciter id moueat? istius causa meritò quæri posset. Dico igitur hoc fieri, quod absque appositione ferri, vis Magnetis vndiq; diffusa dissipataq; non perfectè versorio se communicare possit. In longiori tamen ferro appposito, vis magnetica recepta vnitur & roboratur, & consequenter in omnibus ferri partibus constantior assurgit vigor; ac preinde versorium mouet multò remotiori distantia; cum ita se habeat remotius ferri extremum ad versorium quod mouet; sicuti magnes ad versorium tantò à magnete spacio distans, quantò versorium distat à ferro; vt si v. g. magnes quispiam sit, qui moueat versorium in distantia vnius palmi, dico id motum iri in distantia 2 palmorum; si ferrum vnius palmi longum magneti apposueris: & si magnes in distantia 2 palmorum moueat versorium, mouebitur id in distantia 3 pedum; si ferrum 2 palmorum longum applicaueris: & sic in infinitum, quæ omnia frequenti experimento tandem nobis innotuerunt. Nota tamen magnetem, cui ferrum apponitur, ad ferrum quoque suam proportionem habere debere; posset enim ferrum adeò esse longum, vt sphaeram actiuitatis magnetis excederet, & sic nihil fieret; ferrum igitur sit figurae idoneae & conuenientis crassitudinis, quæ omnia benè notanda, antequam rei experimentum sumatur. Hinc resultat aliud insigne circa proportionem virtutis magneticæ experimentum. Si enim pondus quodpiam, quod in vicina distantia ad magnetem fertur, in quotlibet aequales partes diuidatur, & in totidem partes diuidatur radius orbis magneticæ attractionis; erunt partes ponderis ad partes orbis intermedias sibi synonymas, vt vis tractiua magnetis, in partibus orbis virtutis, ad partes ferri synonymas; sed de hoc alibi.

PROPOSITIO VIGESIMASECVNDA.

De Proportione virtutis in corporibus homogeneis.

THEOREMA XXII.

In homogeneis Magnetibus, vt Magnes ad Magnetem, ita virtus ad virtutem.

Si dentur duo Magnetes figura similes, & bonitate pares; in ijs vt moles ad molem, ita vis ad vim, adeò vt si Magnes ad Magnetem in dupla, tripla, quadrupla proportionem sit, in eadem quoque proportionem se habeat vis vnius, ad vim alterius: hoc modo Magnetes bonitate pares, in quadrupla proportionem duo ferraeiusdem bonitatis, iuxta datam proportionem trahent, vt si maior traxerit, vt 4: minor vt 1 sit tracturus. Hinc si de Magnete vnius libræ, pars aliqua v. g. vncialis fuerit detracta, certum est de potestate quoque, vncialem partem decemfuram. Nam ablata parte detrahitur de virtute unita cum toto; quæ si iterum iuste apposita fuerit, mox restituitur; ita pro additarum partium ad totum proportionem, magnes incrementum, pro subtractarum verò partium à toto proportionem, magnes virtutis suæ suscipiet decrementum; Cur verò ex asperioribus & angularibus Magnetibus detracta virtus non minuat, minuto lapide, sed vegetior reddatur, haud parum quorundam torfit ingenium; dico igitur hoc fieri propter angularem lapidis figuram, in cuius angulis, cum vigor plus æquè diuertatur, mirum non est, si resectis diuerticulis veluti impedimentis quibusdam magnes viribus unitis inualefcatur, atque ex aspera ac inæquali in planâ & æquâ politus figurâ, etsi priori minorem, nihilominus robustior euadat; ita in stellarem figuram adaptatus magnes, multò in agendo minorem efficaciam habet sphærico, etiamsi hic altero multò minor fuerit: pari ratione Icosaëdrus Magnes nō tantū trahit, quantum Terrella, cuius circulus maximus, circulo, ico-

Cur stellari, & Icosaëdro magneti sphærico magneti, etsi minor, robustior nihilominus sit.

inscriptibili æqualis est; etiamsi hic illo multò minor sit, & bonitate ambo sint pares; vis enim, vti dictum est, vni debita, cum in inconuenientibus angulis dispersa, alias polorum querat colonias, mirum non est, infirmum remanere reliquo principali corpori præsidium. Idem de Magnete tetraëdro, dodecaëdro, hecatontaëdro: & quouis alio polygono Magnete iudicium esto.

Confectarium.

Ut magnes ad
Magnetem, ita
vis ad vim, &
Sphæra actiui-
tatis vnius ad
Sphæram acti-
uitatis alterius.

EX duobus præcedentibus Theorematis sequitur, si eiusdem species, & bonitatis lapis daretur vnius vnciæ, seu vncialis, qui vnam vnciam ferri attrahere posset; quod alius eiusdem speciei & bonitatis lapis libralis, libram similiter ferri sit tracturus, & lapis centenarius centenarium ferri, idest 100 librarum pondus. Vnde & consequenter sequitur, si daretur ex dictæ bonitatis lapide aliquis mons 2000000000 librarum; hunc ferrum quoque, idest ferreum aliquem montem totidem librarum (si tamen in Oceano vterque libratus esset) tracturum spacio, ad spacium intrà quod vncialis magnes vnciam ferri trahit, proportionali: vt si vncialis lapis alliciat ferrum æquilibratum vno pede distans; Magneticus mons ferreum montem alleciturus sit 1000 pedum spacio distantem, sed de his vide plura & curiosa, in 3. libro.

PROPOSITIO VIGESIMATERTIA.

De proportionem virtutis in Magneticis heterogeneis.

THEOREMA XXIII.

In Magneticis heterogeneis dici non potest, ut moles ad molem, ita vis huius, ad vim alterius.



INTER paradoxa non immeritò & illud ponimus, quod minus ferrum, cui appenditur alterius cuiusque materiæ pondus, maiori ferro æquale, non trahatur à ma-

à magnete; cum maius tamen ferrum trahatur, minori vnà cum adiuncta parte, pondere æquale.

Experimentum.

Accipiatur ferrum longum ponderis videlicet 12 vnciarum; & aliud 6 vnciarum; cui ex alia materia quauis puta plumbo, stanno, ligno, argilla frustum 6 vnciarum apponatur, ita vt heterogeneous hoc frustum, homogeneous 12 vnciarum ferrum pondere adæquet; quo peracto luculenter comperies, hoc à magnete robusto facile quidem attrahi; minimè vero alterū heterogeneous; habet hic effectus prima frôte nescio quid difficultatis; sed causa peritis in propatulo est. Cum enim frustum heterogeneous non totum cum magnete coëat, sed illa pars tantum, quæ magnetici vigoris capax est; ferrum scilicet 6 vnciarum; certum est hoc ferrum, cum mole sibi appensa impeditum, tum exiguitate roboris, non adeò firmiter coniungi posse magneti, vt 12 vnciarum ferrum; cum ferrum hoc libræ, minus ferrum & robore & virium capacitate longè superet; ergo consequenter adhæsiō sequetur firmitior; habent enim se hi duo magnetes ad inuicem, vt massa corrupta 12 vnciarum, ad massam incorruptam 12 vnciarum. Sed supra demonstratum est, incorruptum magnetem, corruptum, etsi mole æqualem, virtutis tamen superare efficacia, quod materia alienigena commista, aut appensa magneticis, vires nulla ratione concipere possit; patet ergo cur ferrum minus, cui pondus appensum, non trahatur à magnete, trahatur autem

Ferrum minus cui adiungitur aliud corpus ponderosū, non trahitur à magnete etiam si ferrum toti aggregato priori pondere æquale facillimè trahatur à dicto magnete.

ferrum pondere, ferro minori cum adiuncta materia,

æquale; si tamen magnes ad ferrum trahendum se

habeat in sesquialtera proportionē, id est, vt

18 ad 12, dico magnetē quoque tractu-

rum massam illam ex ferro 6 vn-

ciarum, & ex alia materia

6 vnciarum,

ei adiun-

cta.

PRO-

PROPOSITIO VIGESIMAQVARTA.

De Terminis Magneticis in directionibus.

THEOREMA XXIV.

De varia partium separatarum à toto directione.

tandem eorum, quæ hucusq; dicta sunt, & cur partes à toto separatæ cōtrariū situm ament, ratio detur, & tantæ dissimilitudinis genuina causa assignetur; Notandum est in magneticis non propriè contrarietatem esse; sed ipsam contrarietatem ex maxima concordantia, & corporum magneticorum in natura rerum vera & genuina conseruatione, & tendentia seu conspiratione in vnitatem oriri; quod vt intelligas, ita ostendendum duximus.

Bor.




Austr.

Sit igitur magneticum corpus oblongum A B; A in Boreum Telluris polum; D in Austrinum tendat; diuidaturque moles in C B bifariam, videlicet in Aequatore, tendetque B separatæ partis facies in Austrum; C verò in Boream, seruabuntq. separatarum partium facies eundem situm, quem extremæ totius partes ad plagas mundi seruant: vides igitur, quod sicut in integro, ita & in diuiso natura petit has partes conuenienter vniri. Nam B facies cum C, vtpotè Australis, cum Boreali partis facie coniungi appetit; B verò $\pi\delta$ D, vti & C $\pi\delta$ A nunquam consociari potest; cum enim tam facies D, quam facies B sint Australes, vt eæ in amicitiam coniungerentur, deberet B facies Australis conuerti, & conuersa vniri D parti similiter Australi; sed hic situs præterquam quod incongruus sit, ei quoque prorsus contra naturam foret; neque enim seruaret situm, quem in toto habuit; sed prorsus ei contrarium situm seruare deberet; idest Australis pars conuersa, Borealis fieri deberet, quod nulla ratione fieri potest; Etenim cum in toto A D, tum in sectione vtrumque extremum B D;

vel

vel actu vel potentia siue virtute Australe. Idem de C, & A terminis inconuenientibus, & infociabilibus iudicium esto; vides igitur, qua ratione in omni parallela sectione corporis




magnetici oblongi duo termini sibi contrarij, vnus in Boream, alter in Austrum respiciens, necessariò resulent; & quomodo similes facies obfusus in toto repugnantiam irreconciliabiles sint. Quæ repugnãtia tùm in alijs rebus naturalibus, tùm in insitione arborum maxime elucescit; sũcculus enim nisi trunco cõuenienter fuerit insertus, nunquam coalescet; sed de his vide, quæ l. 3. Tract. de Magnetismo plantarum tradidimus. Porro si longi-

tudinem aliquam secundum axem diuiseris, eandem prorsus in partibus similibus repugnantiam reperiẽs; sit lapis FG; F polus Boreus, G Austrinus: hic, si iuxta axem in duas partes, quæ sint IL, & FG secetur; dico partem IL separatam, filoque libratam, in contrarium situm situi, quem toti coniuncta habebat, se disposituram: v. g. extremum faciei L toti coniungebatur in F, & I in G; separata verò L fugit F, & I fugit G, pars videlicet Borea Boream, & Austrina Austrinam, vel, quod idem est, similis similem, aut synonyma synonymam. Cum enim L pars naturaliter in Boream; & I naturaliter tendat in Austrum, sectione facta totius, necessariò extrema IL mutabunt situm, idest, L fugiet F; & I fugiet G, vtroque situm suæ naturæ consentaneum quærente. Synonymas autem partes coniungi non posse ita probo. Cum axis virtutis recta ex Austro in Boream, & contra tendat, ad sectionem autem totius factam noui, situque à priori diuersi axes resultent; necessarium est, vt IL axis productus eodem tenore porrigatur, ac axis FG; sed axis IL eodem tenore dirigi non potest, quamdiu extremum L respexerit F; aut I, ~~vsq~~ G applicatum manserit: essent enim sic positi inconuenienter, & contra naturalem inclinationem, quod ita ostendo; Ponantur enim sic duo axes in continuum, videlicet in lineam rectam, vt I

con-

continuètur cum F, non tamen tangat, vt hic apparet; coibit igitur I cum F, non cum G, quia I cum G eandem secum faciem habente coniungi impossibile est. Vt ergo dispositio fiat polaris, vna facies debet respicere Boreā, altera Austrū; ergò ne natura in necessarijs deficiat, I Australis pars coit cū F Boreali; partem verò G dispositiuæ virtutis secum incapacē omni-



ta axem virtutis continuatis, de situ quoque I L, & F G parallelo axi, & quouis alio obliquo situ intelligi debet; fugit enim L punctum F, quia radius è polo fusus cum nouo axe se continuare cupit, non autem se continuare posset, si Boreā pars L, Boream partem F respiceret; vt ergo continuatio fieri possit, & conueniens dispositio, L fugiens, loco cedit I parti Australi, vt I amicæ parti F; & L amicæ parti G sese iungere possit, & ita tandem à natura intenta sequatur legitima dispositio; Si tamen partes L I, & F G in pristinas suas sedes remeent, idest, in vnum, vt ante, cum toto componantur, atque adeò ex duobus axibus vnus iterum fiat, pars L prius inimica cōbinationem acquirit pristinā cū F, & totius pars rursus vnita cum toto conspirabit, & libenter in pristina positione cohærebit: vides igitur, quomodo tota istiusmodi contrarietas oriatur ex solius sectionis natura, quæ cum sine oppositorum terminorum resultantia fieri non possit, fit vt partes situm, quem in toto secundum terminos virtute distinctos habuerunt, eundem & in sectione actuali non relinquunt.

Confectarium I.

HInc patet, cur magnes è minera sua erutus & extra Sphæram actiuitatis minere magneticæ libratus, ad eundem situm se disponat, ad quem se disponebat in minera: intra verò Sphæram actiuitatis dictæ minere magneticæ sese in contrarium situm venæ disponat; Respōdeo ad primum, quia magnes extra sphæram actiuitatis minere magneticæ à cōmuni Tel-

Telluris effluuio disponitur, non secus ac omnia alia ferramenta in aëre librata, à quo cum & minera à toto separata, à qua erutus est magnes, disponatur; fit vt eadē facie, & vena, & magnes à vena separatus polum Terræ eundem respiciant. Si vero intra Sphæram actiuitatis dictæ mineræ, sicuti & cuiuslibet alterius magnetici corporis abscissa pars libretur, tunc relicto polo Telluris, contrarium situm venæ affectabit; id est Borealis facies mineræ alliciet partis Australem faciem, vt sic commodè consistant, quemadmodum dictum est.

Confectarium II.

Hinc patet etiam, cur versorium cuspide sua Borealem lapidis partem tangens vertatur in Boream Telluris; altera parte in Austrum versa; & cur cuspide sua tangens Australem lapidis partem, in Austrum Telluris vertatur. Quia videlicet cuspis Boreali lapidis parte animata, hoc tactu oppositam faciem lapidis acquirit videlicet Australem; vnde & arbitrio suo relictum versorium in partem sibi conuenientem, hoc est Austrinam sui partem, in Boream Telluris disponit: cuius rationes copiosè in præcedentibus explicauimus.

Confectarium III.

Hinc sequitur iterum, versorij cuspidem ea parte qua polo Boreo magnetis adhæret, non esse Meridionalem, quia hoc statu per modum integri, & vnius cum magnete est; sed simul ac fuerit separatum versorium, cuspidem Meridionalem acquirere faciem, & cruculam, Borealem: Quia ferri finis à vera Boreali parte lapidis tactus, fit Meridionalis, & tendit in Boream lapidis partem, si propior fuerit; si verò remotior, in Boream Telluris partem respiciet, sed de his in sequentibus plura.

PROPOSITIONES


De Paradoxis Magneticis.

PARADOXVM PRIMVM.

THEOREMA XXV.

*In Magneticis similia gaudent dissimilibus,
dissimilia verò similibus.*

QVM iuxta commune philosophorum pronunciatum, simile gaudeat simili, magnetica corpora sanè cōmunes rerum naturalium leges planè excedere, dum cōtraria & dissimilia prorsus affectant, videntur. Sit magnes CD versorium AB; magnetis Boreus polus C; Austrinus D; in versorio verò pars Borea sit B; Austrina A; dico similes partes versorij, dissimiles lapidis naturaliter appetere, ita vt ex natura quadam necessitate, Boreæ Austrinas, hæ Boreas affectent partes; obuertatur enim magnes DC, polus, inquam, C Boreus, versorio AB & mox aduertes B partem Boream dicti versorij, vel ad primum inimici conspectum fugæ se accingere; A verò



vltrò & veluti innato quodam, ardentique desiderio in expectatissimi amici amplexus currere, quod ἄριστον certè καὶ παρὰ φύσιν meritò, nisi experientia ipsa rem penè vulgarem fecisset, videri posset. In huius igitur concordis discordiæ causa assignanda varij varia commenti sunt. Ego id nulla alia ratione fieri dico, nisi ob ipsammet similitudinem, quam magnetica corpora ad inuicem habent; volunt enim se inuicem disponere, ita vt qualitas, quam habent in se, sit in conuenienti situ ad qualitatem biformem in medium diffusam; Cùm verò

vir-

virtus ex parte Borea diffusa, dum acceditur ad ipsum polum, à quo effunditur, Austrum respiciat, recedendo ab illo respiciat Boream; hinc illa dissimilium ad similes partes quam tantoperè miramur dispositio; necessariò emanat. Verum de hoc effectù affatim in Theor. 22. locuti sumus, quod consule.

Confectarium I.

Hinc patet cur secto secundum longitudinè magnetis, partes distinctæ libertati suæ donatæ, eadè ratione, quæ prius coniunctæ erant non amplius coeant; sed contrariù prorsus situm pertinaciter ambiant: facies enim L. quæ prius coniungebatur π F; iam ei missò repudio, amicitiam G ambit, & I deuitans π G, asylum suum constituit in F; cuius quidem rei ratio est, quod in coniunctis partibus vnus tantùm sit axis virtutis, seu linea polaris, secundum quam tota vis lapidis propagatur ad extra; & proindè partes in vnum conspirantes se mutuò fouere mirum non

est: scisso autem lapide, cum singula frusta suos peculiare sibi vendicent virtutis axes, sit vt statim partes in discordias exardescunt contrarios situs appetant; si enim frustum v. g. IL eo situ, quo coniunctum erat toti FG remaneret, iam LF,

& IG similia coniungerentur, quod est contra leges magneticas, ergo dissimilia appetunt, quod erat probandum. Idem dicendum de obelo, qui ad partem quam semel tetigit perpetuò currit, sic vt obelus AN, extremitate sua A tangens punctum A magnetis ad idem perpetuò curret, quoniam

videlicet per partem quam tetigit, oppositam prorsus faciem acquiri; oppositæ autem partes, & dissimiles se amant;


K

hinc

hinc fit, vt & hic obelus partem quam semel tetigit perpetuò seruet; si enim affrictu similem partem acquisiisset, iam cum ea existere non posset; ergo consistit, quia dissimili cum eo coniungitur parte.

Confectarium II.

EX dictis patet quoque cur duo obeli quorum vnus v.g. supra magnetem parallelus axi, alter è latere collocetur,



contrarios teneant situs; quia disponentes se ad qualitatem per medium diffusam, quisque conuenientem naturæ suæ situm appetit, sit A polus Boreus, appositus verò polus V Austrinus; in versorij verò partes D A sint Austrinæ; C N verò Boreæ, ergo ex dictis D A Austrinæ ad Boreum polum: Boreæ ad Austrinū necessariò confluent, quiescat enim versorij punctum N Boreum, si fieri potest in puncto Boreo A, sed tunc similes partes similibus coniungentur, quod est contra suppositionem, & leges magneticas: ergo, &c.

Confectarium III.




Hinc patet cur si cultrum à manubrio ad cuspidem supra polum magnetis ductādo frices, virtus cultro communicetur, contrario autem ductu quasi destruat; quia cum per attactum contraria facies in ferro acquiratur; attactus autem huiusmodi sint in extremis punctis ferri, sit vt virtus per attactum acquisita, per attactum in D destruat, & contra.

PARADOXVM SECVNDVM.

THEOREMA XXVI.

Possunt duo versoria ita disponi, vt inimica eorum puncta fiant amica.

Si duo versoria intra Sphæram actiuitatis situm obtinuerint, cum ad se; tam ad Horizontem parallelum, partes inimicæ amicitiam simulabunt, nec se fugient; si verò situm obtinuerint sub meridiano circulo parallelum, exuta omni simulatione, consueto se bello infestabunt, quod mirum omninò, & prodigij instar quibusdam



videtur. Sint versoria BA CD, & ad se & Horizontem parallela, sint autem BC, & AD partes similes, seu inimicæ, dico illas in hoc situ parallelo mansuras, nec se inuicem fugituras: fugiat enim B, inimicum sibi vicinum C, si fieri possit, per X sibi viam sternendo; sed dum fugiet B, A opposita pars necessariò incidet in inimicam partem D, incidit igitur in Scyllam, quæ vult vitare charybdim; pari ratione C fugiente B per Y, D recedens ab Y iam amicè coniungetur inimicæ parti A, quod est impossibile; ne igitur natura hanc violentiam patiatur, & ne se mutuò hac contrarietate conficiant, vtrumque versorium sua sorte contentum, quantum poterit sua iura hac situs paralleli necessitate tuebitur. Quod si duo alia versoria MN, & OP sub pleno Meridiano situm habuerint parallelum, NO, & MP partes inimicæ non amplius, vt in priori situ

coniungentur; sed quamprimùm liberam auram naſcẽ fuerint, fuga ſaluti ſuæ conſulentes in oppoſitas partes ſe contorquebunt: cuius quidem rei ratio illa eſt, quod ſub hac poſitione partes inimicæ ſimul ſtare non neceſſitentur, vt in priori; ſed libera recedendi poteſtate data, ambo in eum ſe ſitum diſponant, quem naturæ ſuæ maximè conſentaneum reperiunt.

Conſectarium I.

HInc ſequitur, cur ſi intra duo hemiſphæria magnetica iuxta Aequatorem ſecta, verſoria quotquot volueris, libes, ea omnia in ſtatu ad axim parallelo ſeſe ſiſtant; & cur ſublato alterutro hemiſphærio, omnia relicto ſtatu parallelo capitibus inclinatis in vnum punctum plani iſtius hemiſphærij conſpirnet? Ratio prioris eſt, quia cum ab vtriuſque hemiſphærij polis æquali vi diſpoſita ob finitimarum partium ſimilitudinem coniungi, lege vetante, non poſſint, in indifferen-tem ſeſe ſitum, qualis parallelus eſt, conſtituentia, communem neceſſitatem, vt poſſunt, ſuſtinere coguntur; ſublato verò hemiſphærio alterutro, ea mox neglecto quoque priori ſtatu in vnionem conſpirantia amicis capitibus coniunguntur, quia, non ampliùs à duobus hemiſphærijs æquali vi diſponũtur, ſed ab vno, ad cuius amicum polum amicæ verſoriorum partes conflunt, inimicis & oppoſitis partibus, oppoſitum polum aſſectantibus.


Conſectarium II.



HInc apparret, cur ſi polo magnetico duo fila ferrea obuertas, duæ inferiores partes quibus magnetem tangunt, coniungantur; reliquæ verò partes oppoſitæ ſe inimico aſpectu vitare cõtendāt? Quia videlicet lapidis, aut quorumlibet magneticorũ partes Meridionales, ſeu Auſtrine horrorẽ habet ab Auſtrinis; A Boreis verò Boreæ. Cũ itaq. duo fila ferrea ex attritu vnus poli ſimilem virtutem imbibant; ſit vt illæ punctis connexæ per modum vnus ſe habeant, hæ verò diſiunctæ,

iunctæ, ob similes quoque partes ab vno diuisæ sese fugiant; vt enim magnetica actio finem suum sortiatur, necesse est, vt similis facies cum dissimili coniungatur.

Confectarium III.



Hinc cōcludens dico versoria in crucem adaptata ABCD, nec parte sua B, nec parte sua C recta se dispositura in polum magnetis, sed æquali spacio à polo recessura. Cum enim in vtroque brachio æqua sit virtutis potestas, neutra alteram solam bono suo in polari linea residente frui permittet; sed partito ex æquo amico pabulo, ita sese consti-

tuët, vt vtraque æqualiter id participet, quod fit, si à radio, seu polari linea æqualiter distent; ergo neutra pars rectà in polum verget, sed æquo spacio ab eo se remouebit, ergo, quod erat, &c.

PARADOXVM TERTIVM.


THEOREMA XXVII.

Paruum & debile ferrum, aliud ferrum è tenaci Magnetis & maioris, & efficacioris complexu surripit.




FORTE à debili, vti & à paruo magnum superari mirum cuiuspiam videri posset, nisi magnetica id fieri posse, suis actionibus monstrarent; si enim ferrum ferro alteri magneti adhærenti admoueris, ferrum tactum mox relicto magnete, ferro se tangenti adhærebit, etiam si magnes, & quantitate & qualitate ferrum superet, cuius rei ratio illa est, quod sphæra actiuitatis maioris magne-

is vniformiter difformiter propagata, vti maior quam mino-



ris ferri T actiuitatis sphæra est; ita maiorem quoque vim veluti per reflexionem quandam in V causatur, quam ferrum T in *; ergo fortius ferrum T in V, ferro V adhærebit, quam in *; cum in V veluti reflexionis focus, vt cū Catopricis loquar, collocetur; sed explicemus *περὰ δὲ τοῦ*. sit magnes AF, cuius sphæra actiuitatis AFE, obelus magneti adhærens CG, ferrum surripiens DFT, cuius sphæra actiuitatis DFTB. dico ferrum TDE surrepturum obelum CG à magnete AF;



cum enim ferrum situ conuenienti, & secundum totam longitudinem suam intra sphæram actiuitatis AEF maioris ma-

gnetis constitutum sit; sit vt totam vim magnetis AF perfectè imbibat, quam & quasi reflexè viciniore obeli amico puncto, G communicat; iterum, cum sphæra actiuitatis virtutis conceptæ ferri DFTB sit minima, nec radius reflexione sua vllum aut admodum exiguum robur magneti AF addat, & consequenter in parte obeli C non in tantum vniantur actiue virtutis radij, ac in G. Hinc pars C tanquam maiori & abundantiori bono fruitura, magnete AF relicto, ferro TD in G se coniungat, ferrum enim duplici radiorum fætura impregnatum plus potest acquisitis viribus, quam magnes AF: ergo potentius in ferrum vicinum agit; ferrum ergo paruum & debile, robustum magnetem non nisi communicati roboris vnitione ferrum surripiendo superat; idem de magnete paruo obelum à maiori surripiente, iudicium esto.

Con-

Confectarium.

Hinc colliges, cur longiorem obelum minor magnes (posito tamen, quòd vnumquodque intra Sphæram actiuitatis maioris Magnetis constitutum sit) facilius surripiat? quia videlicet Sphæra actiuitatis minoris Magnetis, ad Magnetem A non pertingente, nullum quoque robòris augmentum illi aduenire poterit, ac tota proindè vis attractiua in Magnete paruo roborata, maiori vi viciniorem sibi obeli partem coniunget, eam scilicet partem, quæ Magnetem còtinget; ergo longiorem obelum facilius, quam breuiorem aliquantulum, surripiet minor Magnes; si enim obelus aliquantulum minor fuerit; tunc augmentato Magnete maiore viribus, vtpotè de Sphæra minoris Magnetis aliquantulum participante, difficilius quoque surripietur obelus. si tamen obelus longitudine Sphæram actiuitatis maioris Magnetis excesserit; ferrum aliud admotum, vtpotè extra mutuae communicationis metas constitutum, nullam quoque potestatem in obelum habebit. Quod si iterum vtriusque Magnetici corporis Sphærae virtutis fuerint æquales, æqualem quoque vim in obelum intermedium possidebunt, neutrum itaque præualebit.

Cur obelum
longiorem mi-
nor magnes
maiori surri-
piat?

PARADOXVM QVARTVM.

THEOREMA XXVIII.

*Dari potest versorium Magnete quantumvis
robustissimo affrictum, quod nullum ta-
men Magneticæ directionis, seu
verticitalis vestigium
ostendat.*



Dico pyxidem nauticam primò sub polo præcisè constitutam, hunc effectum præbituram, cuius rei ratio est; quod, cum Magneticū Telluris effluuium per polos diffundatur, illud autem sub polo fiat in

sub polo
nullo certa le-
ge disponitur

In Aequatoris
Magnetici li-
nea acus affri-
cta, nullā ver-
ticitatem cer-
tam acquirit.

orbem Aequatori parallelum; nō sit ratio cur potius, ad hunc quam ad alium radium se conformet: quocunque igitur situ constituta fuerit acus, eum situm semper tenebit; accedit, quod cum sub polo nulla sit quadripartiti mundi differentia; nullum quoque ibi situm certum versorium tenere possit. quā experientiam manifestam versorium supra polum Magnetis robustioris libratum faciet: sicuti enim sub polis, ita hic nullam quoque certam situs rationem habebit. Dico secūdō versorium ad lineam æquatoris in Terrella præcisè affrictum, hunc quoque prodere effectum. Cum enim vigor Magneticus in Aequatore adeò exiguus sit; vt ferè nullus dici possit, ibique vigoris in utrāque partem incipiat diuaricatio, versorium ibidē affrictum nullū quoque verticitatis monstrabit vestigium; cum non sit ratio cur ad hunc polum potius, quam ad alterum se disponat. Si enim se disponderet, vel se disponderet ad polum Boreum, vel ad Austrinum, neutrum; cum neuter quicquam ipsi virium prædominanter tribuerit; constituit autem se, vt supradictum est, versorium perpetuò ad id hemisphærium, seu polum, ex quo vires concepit; sed in Aequatoris linea, cum ibi initium sit biformis qualitatis, & initium diuisionis facierum Magnetis, versorium quoque à neutro hemisphærio afficietur, vnde indifferentem, & indeterminatum situm acquirat, & consequenter in nullam certam partem se disponet; ergo dari potest versorium

Magnete quantumuis robustissimo affrictum,
quod nullum tamen Magneticæ di-
rectionis, seu verticitatis ve-
stigium ostendat, quod
erat demonst-
randum.


PARADOXVM QVINTVM.

THEOREMA XXIX.


*Datur in Magnete punctum, ad quod versorium
diuerso tempore affrictum, nunc in Austrum,
modò in Septentrionem se disponendi
vim acquirit.*



VPONO primò magnetem duplicem sectionem
admittere, vel enim spectatur iuxta longitudinem
axis, ita vt sectiones sint parallelæ axi: vel iuxta
decursum Aequatoris, ita vt sectiones sint paralle-
læ Aequatori: in priori axes virtutis iuxta partes sectas multi-
plicantur; & iuxta lapidis secti singulas partes in longitudinē
deducitur polarē: in hac sectione quoque mutatur facies, ita vt



C



M

puncta quæ prius erant Borealia, fiant
Australia & contra; quod ita ostendo.
Sit magnes A B M C: cuius Boreum
hemisphærium sit, A C B; Austrinum
A M C: dico punctum in A C B Boreo;
vel A M B Austrino hemisphærio da-
ri, quod versorio attacto vim nunc in
Boream; nunc in Austrum se conuer-
tendi tribuat; sit igitur illud punctum
C Boreum, quod versorio attactum
iuxta superius dicta acquireret vim Au-
stralem; scisso vero lapide iuxta lineam
axis si versorium dictum eidem pun-
cto C affrices, illud Borealē vim acqui-
ret; cum enim ab Aequatore magne-
tico versus polos diuersa fiat magneti-
cæ iurisdictionis distributio, omnesq.
partes, & puncta hemisphærij Borei

versorio vim non secus, ac polus ipse, etsi debilius, Australe

lem vim tribuant, vti & Australis hemisphærij puncta Borealem, fit vt in integro lapide versorio, punctum C hemisphærij Borei, vim conferat Australem. Quod si magnes iuxta lineam axis findatur, ex hac sectione alia duo hemisphæria resultabunt; punctum igitur C, quod in integro lapide Boreum erat, modo in secto Austrinum euadet; ergo ad idem punctum C versorium affricum non Austrum amplius; sed Boream petet, ergo ad vnum & idem punctum diuersè affricum versorium nunc in Austrum, nunc in Boream se conuertet; quod erat probandum; idem in parallela sectione lapidis eueniet.

Confectarium I.

Hinc colliges; quod, sicut in sectione magnetis parallela axi pro partium ex sectione resultantium multitudine, axes siue lineæ polares; ita in sectione parallela Aequatori magnetis, pro partium multitudine Aequatores multiplicentur, adeò quidem vt quot partes sunt, tam illius, quam huius, tot axes quoque & Aequatores noui resultent, quod sanè maximum naturæ prodigium censeretur debet. Atque in priori quidem sectione quotlibet alternarum partium puncta polaria erunt similia, eundemque polum respicient. In immediatis autem partibus dissimilia habebunt puncta, situmque consequenter. V.g. diuidatur magnes quispiam in 4. æquales partes; in prima igitur sectione, poli resultantes statum suum mutabunt, ita vt polus, qui prius erat Boreus, in secta parte librata fiat Austrinus, & contra vt dictum est, si igitur relicta prima particula, secundam iterum diuidas, secta pars polos acquireret contrarios polis secundæ particulæ iterum bisectæ, ita vt polus, qui in secunda particula erat Austrinus, in tertia particula fiat Boreus, polo prioris particulæ respondens; Quod si tertiam hanc particulam iterum biseces, quarta particula polos acquireret similes secundæ particulæ, & dissimiles tertiæ, & sic in infinitum procedendo, semper alternæ partes polos habebunt similes, immediata dissimiles; sed de his, vide staticam nostram magneticam.

Sectio magnetis quomodo eundem mutatur puncta, & lineæ magnetica.

Confectarium II.

EX dictis quoque patet quod sicut in Tellure, præter polos non dantur alia puncta Orientalia v. g. aut Occidentalia fixa, & determinata: ita nec in magnete, qui Telluris indolem in omnibus affectat. Vnde falluntur ij, qui versorium Orientali, aut Occidentali magnetis parti affricum, ad eam se partem conuersurum opinantur; vanum & erroneum; quacunque enim parte acus magnetem extra Aequatorem tetigerit, semper biformem illam qualitatem, seu conuersuam, in oppositos polos facultatem, non secus, ac si polis ipsis affricum fuisset, acquireret.

Magnes ubi-
que in magne-
te extra Aequa-
torem affricus
fuerit acquireret
directionem
polarem.

Confectarium III.

EX quibus sequitur hanc vim magnetis aliquo modo spiri-
tualem Naturam affectare, ita vt sicut omnis spiritualis
substantia definitiue in loco existens, est tota in toto, & tota
in qualibet parte, ita & magnetica qualitas, pari ratione tota
in toto, & tota in qualibet parte lapidis est; loquimur autem
de ipsa magneticae qualitatis essentia, non de actione ad extra;
quemadmodum enim totus magnes suo virtutis axe, polis,
Aequatore, parallelis constat, ita & quaelibet eius pars à toto
resecta, etiam minutissimum pulueris granum vix sensibile,
suos habet, vt totum, parallelum, Aequatorem polos, axem;
etsi tantò in ijs vis remissior sit, quantò partes sunt toto mi-
nores, vt sæpè dictum est.

Confectarium IV.

Vnde si versorium in quacunque sui parte, excepto tamen
Aequatore, vt declaratum est in paradoxo 4, Magnete af-
fricaueris, vno tactu vtramque, in Boreo quidem hemisphærio
Austrinam, in Austrino verò Boream facultatem acquireret;

vt

vt paulò ante insinuatum est, quantò tamen polis punctum assumptum fuerit vicinius, tantò id ferro maius, quãtò Aequatori vicinius, tanto minus robur conferet.

P A R A D O X V M S E X T V M.

THEOREMA XXX.

Versorium Magneti affricturn vnã tantum faciem actu subindẽ acquirit.



POTEST versorium quodpiam Magnetem ita tangere, vt nullam prorsus verticitatem, sed vnus tantum faciei qualitãtẽ in extremis acquirat, quod fiet si in versorio mediã longitudinis punctum polo Magnetis alterutro attigeris: acquirit enim hoc contactu versorium in vtroque extremo eandem faciem: quod si suspendio liberiori aurã id commiseris, ad nullam certam & determinatam mundi partem se disponet; sed quocunque posueris se firmabit: quod si in alijs partibus præterquam polaribus attigeris, acquirit illa aliquam verticitatem ob lineas directrices, hanc partem respicientes; Rationem horum dedimus in paradoxo 4. & præcedente Theoremate vigesimiseptimo.

Confectarium I.

HInc sequitur, si ferreus annulus ex vna parte Magneti affricetur, polum vnum fore in loco contactus, alterum in aduerso puncto: potestatemq; Magneticam diuidere annulum in duas partes distinctione naturali, & licet non figura, potestate tamen, & effectu Aequinoctiali. Quod si stylus rectus in annulum reducatur, absque finium tamen vnitione, seu coniunctione, & in medio tangatur Magnete, fines ambo eiusdẽ erunt verticitatis; quorum ratio ex præcedentibus patet. Porro si magnes in annulum elaboraretur, ita vt poli Magnetis essent diametraliter oppositi, centrum virtutis magnetis, annuli centrum futurum esset, ipse Magnes verò magnarũ viriũ.

Si

Si verò elaboraretur annulus iuxta situm Aequinoctialem, nec vires obtineret, nec vlla ratione sese ob rationes in parado-
xo 4 dictas, disponderet.

Confectarium.

PAtet etiam inde, duos annulos magneticos iuxta Aequa-
toris longitudinem elaboratos nulla ratione sibi adhære-
re posse; potentissimè verò, si iuxta magnetis axem elabora-
rentur, sibi adherere. Quod idem experieris, si Aequatori
Magneticæ Sphæræ duo fila ferrea applices, videbis enim
omnem ea coherentiam respuere; illam verò, vbi iuxta axis
decursum posita fuerint, perfectissimè admittere; cum enim
situs Aequinoctialis ipsis non sit naturalis, neque eo in situ
confluunt, confluunt autem mox, vbi situm naturalem, qui
secundum axem est, adepta fuerint.

PARADOXVM SEPTIMVM.

THEOREMA XXXI.

*Magnes ferrum ignitum æquè, ac frigidum
trahit.*



INTER paradoxa quoque non immeritò & illud
computari possèt; quod nos contra omnium panè
opinionem propria docuit experientia; videlicet
ferrum candens non secus ac rigidum trahere
Magnetem. hoc experimentum non semel cum admiratione
spectantium exhibui. Ferrum enim candefactum quod à car-
bone accenso vix distinguebatur, Magnete applicato ita faci-
lè attraxi, ac si frigidum fuisset; vnde colligo; contra om-
nium opinionem qui verticitatem in ferro igne destrui existi-
mât, ferrum candefactum vti à Magnete attrahitur; ita ab eo-
dem præsertim, si exactè libratum fuerit, quoque disponi
posse; cum dispositio Magnetica aliquid sit ad attractionem,
consequens. Ratio autem cur magnes ferrum candens, non
nem

item Magnētem trahat, hoc est, quod ferrum ab igne non tantum non destruitur; sed & purius reddatur, semperq; maneat subiectum capax, ad recipiendum Magnetici vigoris ē tellure diffusi, quo continuo imbuitur, effluuium: Magnes verò cum ab igne penitus, resoluta Magnetico vigore, corruptus in calcem abeat; destructa substantia, proprietates quoque destrui, mirum non est: at ferrum igne tantum abest, vt destruat; vt potius magis magisque, vt dictum est perficiatur, ac proinde ad Magnetem se disponendi appetitum nullo ignis violentia perdere potest.


PARADOXVM OCTAVVM.

THEOREMA XXXII.

*Ferrum eadem sui extremitate & trahit,
& repellit.*



ferri oblongi AN eadem extremitas AN perpendiculariter infra cuspidem acus CD posita, trahit Borealem eius partem, eadem supraposita trahet Australem, cuius rei rationem in experimento Theorem. I. dedimus. Hoc tamen mirum cuiquam videri posset, cur idem ferrum horizonti parallelum, & in eodem plano cum acu, siue supra, siue infra ponatur, semper tamen eandem partem acus trahat; mox tamen ac perpendiculararem situm obtinuerit, aut quantumlibet inclinatum fuerit, contrarias leges seruet; certè huius eadem ratio est, quæ prioris, cum ferrum ita inclinatum, aut perpendicularare aptiorem situm acquirat, vt dictum est, ad recipiendum, radium Magneticum à Tellure diffusum.



PARADOXVM NONVM.

THEOREMA XXIII.

A maiori Magnete minor rescissus, subindè robustior toto est.

CONTINGIT sæpè, minores Magnetes, maiorum vim magno interuallo superare, eiusdemq; Magnetis fracti partes, plus ferri, quam Magnetem integrum attrahere, quin & vnicam partem aliquando toti præualere quidam aiunt, quam rem mirantur multi, cum causam rei nesciāt. Dico igitur, quandocūque magnes purus, perfectus, & nullo spurix mistionis vitio notatus sese offert: huius lapidis partes semper tanto minorem in trahendo efficaciam habituras, quā-
tò toto minores sunt; eorumq; pro partium diminutione vim proportionaliter quoque decrescere; Quod si itaque dentur Magnetes minores, maioribus efficaciores, id perfectioni Magnetis ascribendum, nunquam tamen credo, partem à toto homogeneo rescissam, toto ipso efficaciorē fuisse. Cum vis in toto homogeneo æqualiter effusa sit; nec ratio, cur potius in hac parte, quam in altera intensior sit, dari possit.

[Cur subindè
pars toto effica-
cior sit?

Contingere tamen subindè potest; vt massæ alicui Magneticæ impuræ, & vitiatæ sincerior & purior pars Magnetis, etsi minima sit admista; quæ à toto separata particulam relinquat massæ commistam minorem se virtute, tunc maiorem efficaciam, vt in trahendo quàm totum ostendat necessarium erit;

cum totum maiori ex parte alijs heterogeneis partibus sit

vitiatum, & exiguam Magnetis portionem admi-

stam habeat; quæ parti separatæ vi æquiparari

nequeat; & si quandoque pars totum

virtute superasse compertum est. id

non aliter ac iam diximus,

factum esse, intelli-

gi debet.

Sequuntur.

*Sequuntur**Quarundam Propositionum Paradoxarum**Analyses.*

I.

Cur attractio
negotior sit re-
pulsione.

Cur in Magneticis paribus attractio, siue coitio fir-
mior, & celerior, quam fuga & diuortium; ignauius
enim repelluntur Magnetica corpora, quam alliciun-
tur, vt experientia docet. Respondeo, quia fuga fit sola
præexistente qualitate in lapide ex disponenti; coitio verò ex
præexistente, & nouiter inducta qualitate ab alliciente: acce-
dit quod coitio cum fiat ex tactu amicarum partium, maiori
vigore imbibito operetur; fuga verò cum fiat ex resultantia
quadam ad coitionem, & plus à partibus amicis remouean-
tur dissidentes, quam partes cocuntes, minus firmam quoque
esse in propatulo est. Sed hæc ex præcedentibus Theorem.
nemo non soluere poterit.

II.

Constat ferramenta illa longiora, quibus fenestræ sepiun-
tur, & trabes illas ferras, quibus parietes constringun-
tur, in longum, aut etiam iuxta lineam meridianam extensas,
successu temporum Magneticam qualitatem sine vlllo atti-
ctu Magnetis contrahere; ita vt exempta dicta ferramenta, &
Magneticè librata, perfectè sese ad polos disponant, & qui-
dem pars illa clathrorum ferreorum, quæ terræ obuertitur,
semper, & infallibiliter Septentrionem petit; opposita autem
Austrum? Quod non solum de ferramentis dictis quamcun-
que plagam cæli respexerint, verificatur; sed & de omnibus
instrumentis ferreis, quibus ignem tractamus, verum esse,
non mihi tantum, sed Gilberto & Cabeo alijsq. innotuit. Hæc
enim librata semper inferiori parte sua in Boream, manubrio
verò siue superiori parte, in Austrum certò & infallibiliter,
nisi vitiata fuerint, se disponent; quod & de lateribus quibus-
dam ferrugineis certò quoque fieri mihi constat. Cuius cau-
sam si quispiam quærat.

Re-

Respondeo, quia cum omnia dicta corpora Magnetica sint, & quouis tempore apta sint subiecta, & proportionata ad Magneticam qualitatem in se deriuandam; magnus autem telluris globus totus Magneticus sit, qui & vim Sphæricè vndique diffundat, sit; vt vbiunque corpora capacia istius virtutis subiecta inuenerit, eam in ipsa transfundat, & tantò quidem perfectiùs, quantò diutius in aliquo loco steterint immota. Cur verò ferorum quorundam, quæ longo tempore perpendicularem situm tenuerunt, inferiori parte boream, superiori verò austrum petant, cur quoque pars illa Borea inferior, versorij partem Australem, altera verò Boream trahat, huius rei ratio est, quod similes facies non se amant, sed fugiant: at hæc omnia ex superioribus patent.

III.

Cur ferrum ad attactum Magnetis semper vtramq; faciem simul acquirat. Respondeo, cum virtus dispositiua siue situatiua subiecti sit vnica & simplex qualitas, vtpotè cuius officium sit, ita subiectū situare, vt vna facies Boream, altera Septentrionalem respiciat, certè ad contactum Magnetis, vel vtramque faciem acquireret, vel nullam. Si enim vnam tantum acquireret, iam qualitas non esset dispositiua, idest non situaret subiectum Magneticum determinatè, quod est contra hypothesin. ergo ferrum quacunque parte Magnetis attactum subitò vtramque faciem simul acquirit vel actu, vel virtute.

Cur vtraque
facies vno con-
tactu in ferre
acquiratur?

IV.

Vtrum obelus ferreus medio longitudinis suæ puncto ad polum Magnetis affrictus, vnam tantum faciem dici possit, non biformem qualitatem acquirere? Respondeo cum vtrumque extremum radijs à polo diffusis homogeneis affectum, necessariò acquirat eandem faciem, ita vt actu in ordine ad disponendum non sit in toto obelo nisi vna facies; potentia tamen est in eo qualitas biformis ad disponendum, videlicet in puncto contactus, secundum hunc enim si obelum secueris, pars quæ lapidem tetigit, semper in Austrum, altera verò in Septentrionem se conuertet, quod autem actu in eo

Versorij quo-
modo in duo-
bus extremis
vnam tantum
faciem acquirere
possit.

non

non fit nisi vna facies ad disponendum, inde patet, si duas facies haberet, iam se ad certum situm & determinatum conformaret; sed hoc non fieri supra ostensum est; ergo actu nisi vnam faciem habere non potest, modo dicto; demus tamē in pūcto contractus alias facies extremis esse oppositas: ergo due facies similes vbi iam coniungerentur in vnum, sed hoc est cōtra leges Magneticas; ergo fieri nō potest, &c. Est quidē facies vnica in medio extremis opposita, sed illa in tali statu non est ad situandum; sed agnoscitur, dum allicit aliam faciem, vel fugat similem.

V.

C Vr versoria petunt lamellæ ferreæ centrum, dum illa medio suo tangit polum Magnetis, remoto verò Magnete à centro lamellæ fugiant? Respondeo, quia dum tangunt, accurrunt, non propter lamellam; sed propter polum, quia eandem verticitatem appetunt, quam acquisiuit centrum lamellæ; at verò dum procul sunt, fugiunt cuspides à centro, eo quod similes partes perpetuò diffidentes coire nunquam valeant: sunt autem ij cuspides simili virtute imbuti, qui eundem polum tetigere.

VI.

Pulvis Magneticus, & scobs quomodo trahant.

C Vr ferreus pulvis virtutem Magneticam, seu verticitatem, quam ex vnitione contactu Magnetis contraxerat, dissolutione verò, aut commissione partium eam iterum amittat? Respondeo, quia pulvis iste vnitus se per modum totius ferrei alicuius corporis habet; ideò verticitatem contrahit: At verò si partibus suis mistus pulvis dissoluatur, partes ordinatim prius positæ iuxta leges Magneticas ex cōfusione iam sibi contrariari incipiunt; dumque singulæ partes ductum naturalem sequuntur, fit vt totum corpus dissolutum, non priorem tantum verticitatem amittat; sed ob partium omnium confusionem nulla certa lege dirigi possit.

VII.

Verum ferrum candēs trahat.

C Vr obelus ferreus exactè libratus, aut quodlibet aliud ferrum; dum igne candescit, non ità dispositiua vi polleat, vt infrigidatum? Respondeo hoc fieri ex negligentia, cum eorum, qui metu ignis huius nullū adhuc experimentum sum-

sumpserunt; quo facto, ego ferrum candefactum non secus ac rigidum cum multorum admiratione à Magnete trahi compari; cum igitur attractio Magnetica nihil aliud sit, quam coitio duorum Magneticorum in situm conuenientem vtrique, videlicet polarem, quam necessariò sequitur dispositio polaris. ergo ferrum candefactum, vt attrahi potest à Magnete, ita quoque disponi; sed hæc fusius declarauimus in paradoxo septimo: multa similia, experientia prius proba, & cum summa assiduitate peracta, naturalium rerum studiosum, placitis & assertionibus cum veterum tum recentiorum prorsus cōtraria docebūt.

VIII.

Vtrum ferrum certos polos habeat? Respondeo, ferrum non habere actu polos certos & determinatos, sed ex attractu Magnetis eos primū acquirere; hos autem polos ferro indifferenter inesse, siue enim verforium aliquod ex ferrea lamina in longitudinem, siue latitudinem excisum formaueris; dico semper id, dummodo Magnetis virtute animatum fuerit, verticitatem solitam acquirere: secus de Magnete sentiendum est; habet enim magnes quiuis duos polos certos, & actu determinatos non indifferentes; sed quos secundum longitudinem lapidis dispositos retineat; libratūsque non vt ferrum indifferēter; sed axe suo in toto immutabili polos respiciat. ita vt si Magnitudinem hanc Magneticam in longum extensam in aliquot partes secueris, in singulis partibus noui axes magnetici omnes ad se inuicem paralleli resultent. hinc patet, cur ferrum iuxta situm meridiani forbitum, perfectè se versus polos disponat; quia ferrum longum hoc situ ad vim magneticā è terra profluentem perfectè recipiēdam aptius est, quàm aliò quouis situ.

Vtrum certos
polos ferrum
habeat?

IX.

Vtrum magnetis alteruter polus ferrum absolutè pellat? Respondeo quod non; cum enim repulsus fiat ex disponenti, & consequatur amicum confluxum, absolutè pellere dici non potest. accedit quod si pelleret, absolutè semper pelleret; sed hoc experientiæ repugnāt, si enim pars ferri repulsa affricetur polo attractiuo, is eam ferri partem, quam repulerat, iam attrahet; ergo non est hic propriè dicta repulsio.

Magnes altèro
polorum non
absolute repel-
lit.

Cur

X.

*Ferrum longum
lateri firmius
cohaeret, quam
polus, & cur.*

C Vr ferrum longum lateri magnetis firmius adhæret, quam si ex polo pendeat? Respondeo; quia ferrum à latere adhærens magneti coniungitur toto virtutis axe agente in totum ferrum; in polis verò vis magnetica in minorem ferri partem agit, & consequenter non tantum id stringere potest. hinc acus parte sua crassiori melius connectitur polo, quàm tenuiori: quia ferrum in tali situ à genuino polo recipit geminatum radium virtutis, qua imbuitur, appensum verò ad vnum polum, vnicum.

XI.

C Vr ferra longiora melius & efficacius animentur, quàm quadrata, lata, & similis alterius figuræ? Respondeo quia cum tota vis lapidis secundum longitudinem seu axem propagetur, in oblongo lapide vis melius vnitur, & melius propagatur, quam in alijs, vbi diffunditur, & dissipatur.

XII.

V Trum maior vis sit in partibus polaribus magnetis, quàm in æquinoctialibus? Repondeo, partes in toto polares, æquinoctialibus maiorem vim habere in agendo, vtpote virtute ibidem circa polum magis vnita; non tamen ideò separatas à toto habere vim efficaciorē; experientia enim docet, ex puro & homogeneo magnete partes, polarem videlicet & æquinoctialem, à toto resectas pondere æquales, æqualem in agendo vim obtinere, etsi toti adiunctæ vim obtineant inæqualem: polare plus agente, quam æquinoctialis pars agat; atque hæc de effectibus Magnetis sufficiant.

**

FINIS LIBRI PRIMII.

ATHANASII KIRCHERI
FVLDENSIS BVCHONII

E SOCIETATE IESV.


MAGNETICAE ARTIS
LIBER SECVNDVS,

SIVE

MAGNES APPLICATVS,

Quo

Variis atque immensus huius lapidis vsus, & applicatio variè demonstratur,



PROOEMIUM.

Propria si rerum mortalia pectora nossent
Imperium, & fasces non nisi bulla forent.



TA sanè est. Ea enim æternus, isque sapientissimus Opifex Deus Opt. Max. Naturam rerum vestiuit maiestatis decore; ijs dotibus ac facultatibus instruxit, atque adeò eminenti diuinitatis suæ charactere insigniuit; ut qui pleno eam comprehenderint animo, iam in indolem cælestem transmutati, caducis omnibus misso nuncio, nullam in hoc mundo præterea felicitatem aliam sperare merito posse videantur; expertus est inter alios animi huiusmodi reconditoris naturæ contemplatione imbuti purissima gaudia S. Basilius; unde optimo iure eam voluptatis cælestis vocat vestibulum, perennem mentis iubilum, tranquillitatis animi portam, superiorum cum inferis concilia-

liabulum, humane denique in hoc mundo felicitatis fastigiū, quod attingens anima è graui veluti suscitata veterno, lucisque regionem ingressa, sui que oblita non tam caelestis hominis, quàm terrestris Numinis personam agere videtur.

Felices animæ quibus hæc cognoscere primum
Cura fuit.

Atque huiusmodi natura eminentissimæ dotes, uti in cæteris rebus omnibus, ita in Herculei lapidis substantia maximè se conspiciendas præbent; quas quoties animo penitiùs voluo, toties admiratione quadam attonitus id Homericum ingeminare compellor.

Θαῦμα μὲν γὰρ τὸ δ' οὐρανόθεν ὄρεται.

Sive enim in admiranda illa calorum theatra, siue in abditos sublunaris naturæ recessus oculos conuertam; ubique hunc lapidem veluti quendam superos inter inferosque conciliatorem reperio, ac μούσῳ, utriusque naturæ beatum consortio, eaque prærogatiua fruentem, ut solus terrestris ad instar Numinis omnia moueat, motusque calorum disponat ipse immotus, nulla re, quæ eius virtutem quo minus eam exerat, impedire possit, existente, ita quidem, ut non in ferrum tantum, chalybem, cæteraque Magnetica virtutis subiecta vim suam exeruisse, sed in utriusque mundi confinia ius suum extendisse videatur. Hic veluti terrena quadam Cynosura, vias orbis terræ ceu diuino quodam digito demonstrat, incognita marium atque Oceani spacia pandit, mundos novos recludit; hic instar virgulæ diuinatiuæ ad inaccessas latentium thesaurorum abyssos metallicas indolis suæ sagacitate pertingit; hic in demetiendis calorum motibus se præbet astrolabium; in terreni orbis descriptione πλοῦτες, in opticiis radium, stylum in Sciatericis, in Nauticis gubernaculum, in philosophia denique reconditori ad inusitata naturæ perpetranda miracula vnicum compendium, Huius itaque mirifici lapidis vires atque proprietates, quas superiori libro non nisi κατά τὴν θεωρίαν enucleauimus; modo κατά τὴν ἐμπειρίαν applicandas duximus; ut quantum is rebus humanis præstet utilitatis, & commodi, quantum in omnium artium ac scientiarum, atque adeo, totius ἐγκυκλοπαιδείας ambitu eius sit usus,

Lectori curioso liberaliter, & sincerè
manifestaremus.

P A R S P R I M A.

ΠΡΟΓΥΜΝΑΣΜΑΤΙΚΗ.

De Statica Magnetica.

PROGYMNASMA I.

CORPVS magneticum, dum loco suo naturali consistit omnis motionis inimicum, sentum, iners, squalidum, ac proprio gravitatis innatæ pondere pressum, præstā-
tissimarum virium suarum specimen ægrè præbere potest; Ve-
rum ubi liberiores auras nactum, carpētoque vectum æquo-
reo à ponderis sui compedibus, omni torpore discusso viri-
bus suis fuerit relictum; ecce mox innatæ nobilitatis suæ me-
mor, nullum non lapidem sibi consimilem mouet, quo indo-
lis suæ generosissimæ specimen aliquod monstrare possit; imò
zeletypico quodam veluti incitatum affectu, amicum sibi con-
simile corpus inusitato quodam appetitu prosequitur, dissimi-
lis verò corporis inimicam sentiens præsentiam, veluti naturæ
suæ contrarium hostem, remis velisque deuitare contendit;
Quod non in magneticis duntaxat motionibus propriè dictis;
sed in quibuscunque alijs rebus occultis contrarijsque odij, &
inimicitæ legibus dissidentibus, aliquo modo apparet. Cum
verò iuxta diuersas corporearum rerum classes non pauca
singularibus huiusmodi viribus pollere reperiantur. Sed len-
ta torpida; vt quæ extrinseci agentis, ea è potentia in actum
educantis opera indigeant; idèò operæ precium me facturum
existimaui, si hæc Progymnasmata præmitterem, quibus breui
& facili methodo, qua ratione arte & ingenio dicta rerum na-
turalium occultæ motiones per staticam examinari, atque
explorari possint, demonstrarem.


Notandum igitur in omni magnetica motionem duo consi-
derari, mouens & mobile, quorum vtrumq; vt faciliè & liberè
moueat, & moueatur, duplicem id librationis situm habere
necesse est; vel enim in eodem medio suas exercent opera-
tiones, vel in diuerso; si prius, per hydrostaticam, seu aëro-
staticam, idest, vt quam vtriusque vis in aqua, & aëre ad se

Exacta libratio
ne quæ rerum mo-
tus exploratur

Duplex libra-
tionis modus.

Variæ librationis
ratio.

inuicem habeat proportionem, videatur, vtrumque disponendum est. Si posterius, duplicem denuò librationem vtrumque admittere poterit. Mobile quidem, vt vel in superficie aquæ, vel in centro aquæ, seu quod idem est infra aquam libretur; Mouens verò tunc in aëre extra aquam situm obtinebit, vel *ὑπερθεσίας*, aut *ὑποθεσίας*, vel *περιθεσίας*. Sitū *ὑπερθεσίας*, seu *ὑποθεσίας* illum dicimus, cum magneticum siue mouens principale mobili magnetico, certo medio librato ea ratione supra, vel infra ponitur; vt vtriusque magnetici axis ad alterum intra eandem actiuitatis sphaeram sub eodem plano verticali, seu azimuthali, sitū obtineat parallelum horizonti. *Περιθεσίας* verò vel quod idem est circumposicionis situm vocamus, cum mo-



uens extra vas (in quo mobile libratum ponitur) in eadem horizontis superficie, & intra actiuitatis magneticæ sphaeram, ita constituitur, vt planum vtriusque sit in eodem plano Horizonti parallelo. In figura hic annexa CD ad axem magneticum parallelū *ὑπερθεσίας*; AN verò *περιθεσίας* situm refert.


His igitur ita constitutis, nunc vt maiori methodo in hac arte nostra procedamus. Quomodo vim rerum, in diuersis medijs ingeniosè explorare debeamus, iam tempus est vt doceamus.

PROPOSITIO I. THEOREMA 1.

Si solidae Magnitudines molè æquales, & gravitate humidum adæquantes, in humidum demittantur, mergentur quidem, ita, vt cum solido in eadem sit humidum superficie, ita tamenmersæ non ferentur deorsum, sed quemuis intra aquam datum locum seruabunt.

S It solida magnitudo A, quæ materiam hebeat æqualem gravitati D in aqua D C; dico corpus solidum magneticum

ticum A vbicunque in aqua statuatür, subsistere quod ita demonstro; Esto vas superficiarium D, ipsi A æquale & simile.



Quoniam igitur A grauitate, & corporis mole æquatur D, solida magnitudo D, ipsi A pondere quoque æquabitur. Iam verò vasi superficiali D loco aquæ substituatür A, quod cum ex thesi ipsi D, & quantitate, & pondere per omnia sit congruum; neque vas superficiale D, à magnitudine A magis, aut minus deprime-

tur, quam aqua D; sed data aqua D per ea, quæ ab Archimede demonstratür in libro de ijs, quæ vehuntur in aqua, datum intra aquam locum seruat; ergo & corpus A datæ aquæ D æquale, quemuis intra aquam locum seruabit. Si igitur solidæ magnitudines moles, & grauitate aqua scilicet, & quodlibet aliud corpus humido immittantur, merisa datum intra aquam locum seruabunt, quod erat demonstrandum.

PROPOSITIO II. THEOREMA 2.


Si vna solidarum magnitudinum altera fuerit leuior, illa in humidum dimissa, tota non mergetur; sed aliqua pars illius extra humidi superficiem extabit.



1 solidum corpus, seu magnitudo A materià leuior aqua, dico A aquæ impositum nō vniuersè mergi, sed aliqua parte sui eminere; quod ita demonstro sit vas superficiale EF, cuius pars GF demersa, & plena aquæ æqualis & similis ipsi A. Quoniam enim A ex hypothese leuius est aqua GF, & hæc datæ magnitudini A quantitate sit æqualis, erit igitur necessariò GF grauius A, & consequenter præponderabit: A igitur in locum GF substitutum, cum leuius sit humido GF, humidum vero, etsi capacitate ipsi æquale, pondere tamen grauius sit corpus A, non premet GF, sed premetur à pondere GF prædominante, vnde non con-

L 3 stabit,


stabit, sed mouebitur & turbabitur, vsque dum humidum adæquet partem solidi pondere secum æqualem, qua æquata, cum maior compressio non fiat, non mergetur etiam amplius magnitudo, cum pondus & moles humidi tanta sit, quanta est pondus totius magnitudinis dimissæ natitantis in aqua; hoc est, aqueam illam molem, quam demersi corporis pars determinat, & corpus solidum leuioris materiæ æquiponderantia esse; si ergo solidarū magnitudinum altera fuerit leuior, &c. quod erat demonstrandum.



PROPOSITIO III. THEOREMA 3.

Solida magnitudo humido grauior, humido immersa fundum petet.

SIt corpus A solidum grauius humido B C H: dico id aquæ B C impositum ad fundum E C vsque descendere, quod ita demonstro. Sit vas superficiale F G aqua plenum ipsi A simile & æquale, cuius superficies summa FH; quoniam igitur A grauius est humido ex hypothesi, erit & grauius humido FG; ergo A substitutum in locum FG, præponderans id premet deorsum; ponamus enim




A ponderare vt 14; humidum verò, vt 6. quoniam igitur dicta magnitudo in humido premit, vt 14; & FG humidum eiusdem molis cum A resistet vt 6, ergo A euincet in depressione vt 8; ergo minuitur pondere resistentis corporis nempe 6, & ponderat tantum grauitate excessus; quantum ipsa superat paris molis; ergo in fundum descendet. Hæreat autem, si fieri possit in medio, & non descendat, sed tunc iuxta Theor. 1. æquiponderabit humido, quod est contra hypothesin; grauius ergo humido vsque in fundum impactum descendet, si ergo solida magnitudo, &c. quod erat demonstrandum.

PRO-

PROPOSITIO IV. THEOREMA 4.

In aquis grauitatis heterogeneæ, erit vt grauitas materiæ aquæ grauioris, ad grauitatem materiæ leuioris; sic pars corporis solidi in aquam materiæ leuioris immersa ad partem solidi eiusdem in aqua grauiore demersam.

SIt aqua B C materiæ grauioris, quam B D D C: corpus solidum E F G, & D D materia vtralibet ipsarum leuiore; corpus in aquam B C immissum parte E æqua infideat, idemque immissum in aquam B D C mergatur totum, dico materiæ grauitatem aquæ B C ad grauitatem materiæ aquæ BDC esse, vt E extans pars ad totum submersum D, quod ita demonstro. Moles aquæ GF iuxta præcedens, æquat grauitate totum EF; & D totum D; ergo & moles GF molem aquæ D æquabit; At positis duabus aquis grauitatis æqualis, erit inter magnitudinem & grauitatem proportio reciproca, erit igitur vt ratio grauitatis BC ad rationem grauitatis BDC, ita magnitudo D ad magnitudinem GF ergo in aquis grauitatis, &c. quod erat.



tem proportio reciproca, erit igitur vt ratio grauitatis BC ad rationem grauitatis BDC, ita magnitudo D ad magnitudinem GF ergo in aquis grauitatis, &c. quod erat.

PROPOSITIO V. PROBLEMA I.


Si corpus quodpiam solidum aquam (cuius grauitas nota sit in certa mensura) sui parte notæ magnitudinis immergatur, totius corporis solidi pondus inuenire.

SIt magnitudo solida cuiuscunque formæ A B C D; aqua cui innatat G H, cuius pes cubicus sex palmorum ponderet 70 libras; corporis solidi immersa pars sit

L 4

CFCD,

CECD, cuius magnitudo sit 10 pedum cubitorum dico pondus totius inuentum esse; si enim per 70 multiplices 10 prodibunt 700 lib. totius corporis solidi ABCD pondus quæsitum, quod ita demōstro, quoniam enim ABCD per Theorem. 2. æquiponderat aquæ moli EFCD, hæc autem aquæ moles 700 libras ponderat; ergo totidem corpus totum ABCD ponderare necesse est; si corpus igitur quodpiam solidum, &c. quod erat faciendum.



Confectarium I.

Humidum qui
ponderetur.

EX his constat pondera omnia natia sua grauitate impellere, trudere, attrahere, & denique pro inclinatione in quam natura ipsa ferri comparata sunt, mouere. Humidum igitur pondus habet, si vi expellatur, aut in altum efferatur, aut loco natiuo dimoueatur, cessante vi, illud protrudit & attollit, donec consistat æqualiter pressum, & premens, & æquamentum sibi congenue inuenerit. Hinc vis est, qua ligna in aquam protrusa resiliunt, & denique corpora leuiora ex medijs resultant aquis; vbi itaque pondus est, ibi trutina, ibi scapus, ibi libramentum, quo singula ponderosa quiescunt, aut proprias inclinationes, inclinationumq; celera, vel tarda momenta exercent; omnes enim motus qui in corporibus simpliciter naturalibus aduertuntur, à pondere & leuitate sunt, & hinc quidem ordo mundanus, vt in 3. libro fusius dicemus.

PRAGMATIA I.

Magneticas Motiones in aëre seu in ætheris explorare.

Corpus quod Magneticis viribus pollere nosti, accipe, illudq; supra obelum acutissimum accommodes, vel tenuissimo filo suspensum, ita liberè pendere fines, vt duo extrema corporis in longitudinem extensi sint æquiponderatâ, situsq;

fususq; eius ad horizontem sit parallelus, quo facto, si consimile ei natura corpus dicta ratione suspensum libratumque applices, aut dissimile; ilicò ex motus qualitate, abditus consensus unius ad alteram, dissensusq; manifestabitur; verum quandoquidem huiusmodi libratio vix, nisi summa cum industria fiat, successum aliquem habeat; librationis exactioris modum docebo.

Rerum sympathiæ qui libratione expendantur.

PRAGMATIA II.

Eisdem ὑποστατικαῖς explorare.

AD rationes Magneticas ritè in aqua explorandas, fiat vas vitreum, globiforme: hoc facto & dictæ motiones melius percipientur, & ab aëris circumstantis motu minus impiedientur, in huius vasis vitrei fundo inserto stylo æneo quantitatem semidiametri vasis longitudine adæquante, subterreum orbem in centro suo, foramine ad hoc studio facto, ita applices, vt orbi impositum magneticum æquilibratum, libere & sine impedimento circa memoratum stylum veluti circa axem ἰσορροπικῶς, vel æquiponderanter fluctuet; hoc facto, si consimilis aut dissimilis qualitatis partes æquiponderatas ei applices, ilicò eadè vel amica similitudine incitata conflueret, aut inimica dissimilitudine diffluere non sine mentis delectatione videbis.

ἰσορροπικῶς.

PRAGMATIA III.

Dictas motiones ναυτοβαραντικῶς explorare.

Magnetica corpora cum nullo loco & medio aptius ad certam situationem capiendam moueantur, quam vel infra aquam, vel in aquæ circumfusæ centro librata, qua ratione huiusmodi libratio perficienda sit, videamus. Præter triplicem itaque triplici Theoremate demonstratâ hydrostaticæ, siue corporum in aqua librandorum rationem, nullam aliam methodum superesse ex dictis notum est: vel enim solidummersum leuius est humidò, & sic nūquā mergetur, sed semper

ναυτοβαραντικῶς.

secun-

Difficile hoc
librationis ge-
nus.

Triplex libra-
tionis centro-
batica modus.

secundum aliquam sui partem extabit; vel corpus mersum, humido æquiponderans est, & sic mergetur quidem totum, sed locum in qualibet parte humidi datum tenebit, vel denique grauius erit humido, & sic fundum petet, in medio contineri nescium. Vnde mirum in modum hallucinantur ij, qui se in medio aquæ homogeneæ, seu centro Sphæræ vitreæ aqua refertæ globum aut aliud quodlibet solidum ita librare posse, vt sine fulcimento perpetuo, & sine vlla mutatione consistat, arbitrantur; Ego certè quam indefesso studio, & labore pertinaci in huiusmodi librandi ratione inuenienda incubuerim, ij norunt, qui hydrostatica mea experimenta viderunt. Sed frustra; in homogeneo enim medio huiusmodi libratio, nisi ad exiguum admodum tempus, nullum vnquam successum habuit; etsi enim corpus quodpiam humidum, grauitate adæquet, ac ideò quemuis infra aquam locum obtinere possit, vt in superioribus demonstratum est. Nullam tamen ea libratione difficiliorem inueni, cum in indiuisibili prorsus cōsistat, & vel minimus aquæ mucus corpori librato accidens id præponderare ac descendere faciat, vel etiam quælibet aquæ mutatio ad aëris ambientis calore aut frigore alterati variationem, corpus vel sursum trumat alleviatum, aut deorsum attenuatum. Alia igitur via in hoc Magneticæ machinationis negotio, alia inquam, qua ad desideratum finem pertingerem, methodus fuit adinuenienda; quam, quia triplex est, totidem eam hic praxibus proponendam duxi, vel igitur corpus Magneticum grauius, iuxta 3. Theor. in centro aquæ filo tenuissimo ne descendens fundum petat sistitur; vel corpus leuius aqua iuxta Theor. 2. filo fundo vasis affixo in centro aquæ ne sursum ascendat, detinetur, vel denique totum corpus iuxta 1. Theor. sine vlllo fulcimento, in medio circumfusæ aquæ centro singulari ingenij artisque industria libratur, atque hic omnium vti difficilior, ita & nobilior & perfectior cæteris censeretur debet. Primus igitur modus Magneticum corpus infra aquam librandi ita se habet.

P R A G M A T I A I.

SVbereæ seu vitreæ, aut ex alia quavis materia confectæ Sphærulæ corpus Magneticum includatur, quod si leuius fuerit humido & proindè mergi nesciat, in tantum descobinabis, aut pondus augmentabis, donec totum humido ferè æquiponderare inueneris, hoc facto subtilissimo è serico filo, vel etiam è folijs Aloës extracto filamentum (cuiusmodi cum tenacissimum sit atque adeò subtile, vt visum etiam fugiat, nihil eo ad hoc negotium ritè instituendum aptius inueni) suspensum humori immittas & cum sit humido æquiponderans iuxta prima Theor. ita mergetur, vt tamen fundum non petat; sed quouis loco intra aquam hæreat, vti dictum est; quod si minimum illi pondus postea ex accidenti additum grauius illud humido acciderit, ne penitus descendens fundum petat, filum, cui alligatum est, impediet. In medio itaque consistet, tantoque erit mobilius, leuius, & ad quamuis Magneticam impulsione aptius, quanto excessus, quo id humidum grauitate superat, fuerit exilior. Qua ratione verò præcise pondus Magneticum ad grauitatem aquæ explorari possit, infra dicetur.

Primus modus
centrobaricæ.

P R A G M A T I A II.

Secundus modus præcedenti oppositus est, & ita perficitur, affixo tenuissimo filo, in medio fundi vasis vitrei; corpus Magneticum vitreæ, aut plumbeæ, vel etiam ex alia, quavis materia confectæ Sphærulæ intus cauæ includas, aut etiam è cera, ligno, vitro effigiatis imagunculis pro artificis libitu alligabis. Quod si Sphæram vsurpare libuerit, eam cera hispanica aut simili aliqua mistura ita obturabis, vt aqua ingredi nullibi possit, sit autem huiusmodi pondus humidum, leuitate excedens, ne æquiponderans ex mutatione minima prægrauatum fundum petat. Hoc itaque si filo dicto alligatum, humido tantum immergas, vt corpus medio seu centro æquæ exactè respondeat, sphærula cum humido aliquantulum sit leuior, nunquam descendet, sed ob aërem inclusum cum alleuiantem appetitu naturali regionem suam petet, verum filo ne ascendat impediante, in medio aquæ centro subsistet, tan-


Secundus mo-
dus centroba-
ricæ.

to ad motum aptior & expeditior, nifuque tanto in altum feretur minore, quantò excessus, quo pondus hoc humidum leuitate superat, minor fuerit & exilior; Atque hanc librandi rationem ad Magnetismos rerum ritè explorandos aprissimam inueni; quare eo tutè & secura vti quicunq; voluerint poterunt.

P R A G M A T I A III.

Tertius modus
centrobarica.

Gilbertus lib. de Magnete ad directionem Magneticam inueniendam versorium subereo obelo infixum infra aquam librare docet, huiusmodi experimentum quasi ratum tutumque studiosis vendens; sed qui nostra hydrostaticæ experimenta probè intellexerit, ille maiorem forsitan difficultatem, quam aliquis credere possit circa hoc librandi genus experietur; dici enim vix potest, quam huiusmodi libratio amet indiuisibile; cum suber simul ac minimum aquæ imberit, fundum petat; pro exiguo igitur tempore veluti ad inclinationis magnetici experimentum sumendum aliquem



usum habere potest; pro alijs rebus nullū prorsus. Qui vero aceto insperso aquam leuiorem se reddere putant, faciunt quidem, vt pondus aliquo vsque infra aquam descendat, sed nec ita in situ, quem obtinuit, durabit; aceto enim euanescente, pondus vtpotè humido semper grauius fundum petet; neque sale insperso, vt multi faciunt, aqua ita preparatur, vt libratio in ea commodè fieri possit, sale enim in fundum cum tempore descendente, corpus

Experimentum
quam difficile,
& fallax.

quod aqua sale aliquantulum condensata, ne subsideret, tenebatur, in fundum quoque descendet; vt vel ex hoc appareat, quantum industriæ in experimentis capiendis, antequam absolutè pronuncietur, ea sic se habere, sit adhibendum, dici enim vix potest, quam multa

con-

contingant, è quibus effectus diuersus appareat, atque re ipsa est. Ego itaque omnem lapidem mouens, vt ad tam nobilem librandi rationem per certam, & facilem methodum pertingerem, nullis laboribus peperci; sed dum oleum & operam in huiusmodi librandi ratione me perdere agnoscerem, ad alias atque alias rationes inquirendas, me conuerti, & dum in humidis heterogeneis rem tento, incredibili tandem mentis oblectatione optatissimi effectus successum, eo quo sequitur modo deprehendi, quem & tibi Lector curiose libens volens communico.

Aqua fontana, aut alio liquore à face turbida, quàm semper admittā habet per longam decoctionem repurgata, sphæram vitreā ad medietatem impleto; huic aliū quēpiam heterogeneum humorem, è vino, terebintho, baccis Been, vel simili materia alijs incommistibili, dummodo eiusdem cum substrato humore coloris sit, arte chimica extractum, affunde (ego spiritum tartari, spiritui vini, cui misceri nescit, coniungere soleo) vasi itaque huiusmodi humoribus repleto, sphæram Magnetē factam immittes; dico sphæram prius ad humores libratam vsque ad medium sphære descensuram, ibique constitutam. Cum enim sphæra humore superiore sit grauior & leuior inferiori, ergo infra illum iuxta 3. Theor. descendet; in huius verò vtpotè grauioris superficie ipsa leuior iuxta Theor. 2. perstitura. ergo globus consistet in medio, humido inferiore grauiore, ne descendat leuius, impediēte, & grauitate sphære, ne per leuius se medium eleuet, retardante.

Sphæra sic Stabit medijs immobilis undis

Non secus, ac medio Tellus immobilis orbe

Quod spectaculum cum primum exhibuissem, dici vix potest, quantum admirationis etiam ijs, qui philosophi haberi volunt, id pepererit, dum non caperent, quā tā stabiliter sphæra in centro suo librari posset, cum enim diuersitatem humorum ex identitate coloris dignoscere non possent, hærebant, nec nisi manifestato mysterio rem concipere poterant. præsertim cum à suo centro amotam sphæram, idem semper adeò constanter repetere viderent, vt nulla arte & industria eius ad medium nifus eludi posset: quam quidem stabilita-

Centrostatica
libratio in
humoribus he-
terogeneis.

bilitatem ea, qua sequitur ratione ei induces : Magnetē fundo, vel orificio vasis ita adaptabis, vt poli Magnetis horizōti equipidissent, hoc peracto trahetur sphærula à Magnete iā memorato in medium vasis centrum, vt se poli Magnetici corporis sphærulæ inclusi, suprapositi Magnetis polis conforment, nec vnquam hunc situm quantumuis violenter è centro dimoueat, relinquet; sed de his fusius & plenius in Mechanica magnetica dicemus. Qua ratione verò huiusmodi liquores preparari debeant, & ex quibus rebus extrahendi sint, vt coniuncti nunquam miscântur, cum eximium id in philosophia naturali, & chimia sit Arcanum paucis notum, de eo alio forsan in opere, vbi hæc grata fuisse intellexero, fusius & particularius tractabo.

P R A G M A T I A VI.

Quanta aquæ
portio dato
corpori solido
respondeat.

SI nosse cupis, quanta aquæ portio, solidæ magnitudini, seu Magneticis receptaculis aquæ immersis respondeat, sic age, corpus librandum, vni lanci imposita, alteri vas aliud impones vacuū, quo facto humore in tantū id replebis donec cū altero vase in æquipondio consistat. Iterum hoc vas depletum aqua, denuò exactè pondera, & pondus inuentum à priori pondere, dum aqua plenum esset, subducito, remanebitque pondus solius aquæ in vase contentæ; cui ad corpus solidum Magneticum grauitate adæquandum tantum aquæ affundes, quantū vas vacuū ponderabit: habebisq; quæsitū res facilis est.

PROPOSITIO VI. PROBLEMA II.

Vim attractricem Magnetis libra expendere.

Libra vim tra-
ctiuam expen-
dere.

CUm ab hoc experimento multæ præclaræ inuentiones dependeant, breui hoc loco, qua industria in virtutis attractricis Magneticæ cognitionem, peruenire possimus, quantumque virtutis tractiuæ, in quolibet Magnete sit innotescat, ostendam. Sic igitur procedes, Magnetem in lancem alicuius libræ ex ære confectæ ita disponas, vt polus Borealis Magnetis foramini in medio lancis relicto exactè re-
spon-

spondeat; Deindè ponatur in alteram lancem tantundem ponderis alterius rei, ita ut utraque lanx stet in æquilibrio perfectè. Quo factò, accipe obelum chalybeum, quam vna extremitate filo alligabis alicui infra lancem tabulæ; & altero extremo obelum appones polo Magnetis, ita ut se mutuò tangent, & in hoc tactu nullam vim à filo cui ferrum alligatum est, patiatur, neque filum etiam laxum sit, sed extensum sine vlla violentia; quæ omnia te ipsa docebit experientia; si enim plus æquo tensum esset, iam multum ea extensione attractioni decederet, si verò nimis laxum, iam quoque maius verò incrementum susciperet vis tractiua, ita igitur ferro alligatum sit filum, ut nec tensum, nec laxum sit, sed medium teneat; his igitur ita constitutis, in alteram lancem paulatim tantum arenæ iniicies, donec ea præponderando, ferrum Magneti adimat, quo factò arēnam iniectam pondera, & pondus arenæ vim attractiuam Magnetis quæsitam manifestabit.

PROPOSITIO VII. PROBLEMA III.

Quantum plus trahat polus Magnetis Borealis, quam Australis Staticè explorare.

POli Borealis tractiua vi, quemadmodum in præcedenti Problemate docuimus, explorata, verso magnete polus Australis foramini lancis impositus præcise respondeat; obelusque parte opposita priori, videlicet amico Australis poli puncto, cum ea cautela, qua fieri debere paulò ante diximus applicetur iniectoque paulatim in alteram lancem tantum arenæ, donec lanx proponderando, ferreum obelum dimittat, quo factò, arenam in priori libratione sepositam, cum ea in posteriori libratione seposita compara, sicuti enim sese arena ad arenam, ita se habebit tractiua vis poli Australis ad Borealem; Qui hoc Problema probè intellexerit, is ianuam apertam ad infinitas inuentiones magneticæ inclinationis arcana concernentes reperiet; certa enim experientia duobus in locis Romæ & Melitæ, quæ loca septem ferè graduum spacio ex Borea in Austrum à se inuicem distant, facta innotuit, tantò poli Borealis magnetici vim tractiuam esse
vege-

vegetiorem, quantò inclinatio magnetica maior. E quo experimento concludo, sub Aequatore vim attractiuam vtriusque poli magnetis alicuius, esse omninò æqualem, in Australi verò Hemisphærio, Australem magnetis polum tantò in attrahendo esse robustiorè, quantò Sphæra Austrina, sub qua experimentum fit, fuerit obliquior; Quantum autem sub latitudine Boreali, plus ponderet Boreus polus magnetis, Austriño, id facillimè quoque methodo iam tradita inuestigari poterit.

Confectarium.

Quantum magnes vitiatu sit staticè expendere.

EX hoc sequitur, qua ratione in duobus magnetibus æquiponderantibus, è tractiuæ virtutis ponderatione, quantum heterogeneæ alteruter materiæ admistum habeat, cognoscere possimus; si enim sint æquiponderantes & mole, & virtute magnetes, æqualiter homogeneos eos esse necesse est; si vero æquiponderantes mole sola, non item virtute, certum est, alterutrum non purum, sed plus spurix materiæ admistum habere; sicut igitur se habet vis tractiua huius, ad vim tractiuam alterius, sic se habet purum magneticum in hoc quoque, ad purum magneticum in altero.

PROPOSITIO VIII. PROBLEMA IV.

Magnes armatus quanto plus trahat inermi, explorare.

Magnetis inermis vim tractiuā iuxta traditā in Problemate secundo methodū prius explora, deinde eiusdem armati vim quoque tractiuam simili industria inuestigato; sicut enim sese habet arena in lancem in priori operatione, ad arenam in lancem eandem in secunda operatione coniectam, ita tractiua vis magnetis inermis, ad tractiuam vim magnetis armati.

Libra Magnetica nō ex ferro sed ex alio quouis metallo cōfici debet.


Nota hoc loco I librā, qua ponderationes huiusmodi magneticæ perficiendæ sunt, æneam esse debere, in ferrea enim huiusmodi libratio nullum successum haberet, tūm quia virtutem magneticorum corporum se attrahentium, diuerteret,

tum

tum quia nulla libra ex ferro exacta esse potest, ob continuum quod Tellus dimittit effluuium magneticum, ad quod lanx ferrea cum se disponere appetit, necessariò relicto æquipondio aliquantulum infra descendit; Plura hoc loco de huiusmodi libratione magnetica in diuersis medijs peragenda dicenda, occurrebant; sed quia ea in sequentibus passim attingemus, de ijs hîc fusius dicere superuacaneum esse rati sumus.


PROPOSITIO IX. PROBLEMA V.

Tractiua vi Magnetis bonitatem ferri explorare.

 M magnes plus trahat perfecti ferri, quam imperfecti, sicut perfectius trahit ferrum mundum, & politum quam impurum, & rubiginosum; si igitur duo frusta ferri politi æqualis ponderis iuxta præcedentia Problemata, libraueris, comperies id ferrum altero esse purius, & præstantius, quod magneti tenaciùs adhæserit; sicuti enim se habet arena lanci imposita ad arenam: ita tractiua vis magnetis, quæ vnum ferrum trahit, ad vim magnetis, qua alterum trahit.

PROGYMNASMA II.

De Centro baryca Magnetica, seu de centro, aut medio virtutis Magneticorum corporum eiusque in quouis, & cuiusvis figuræ corpore inuentione.


 V P L E X virtutis centrum in magnetico corpore considerari potest, prius est centrum diffusionis virtutis magneticæ, quod iterum duplex est, vnum in polo Boreali, in Austrino alterum, sedem suam constituens; Posterius centrum virtutis nihil aliud est, nisi corporis magnetici punctum quoddam medium in axe magnetico, siue in communi intersectionis axis, & Aequatoris magnetici puncto sedem suam figens, quod planum dicti

M

Aequa-

Aequatoris secans, magnetem in duas facies Borealem videlicet, & Australem diuidit. Atque in homogenco quidem corpore magnetico, hoc punctum cum centro grauitatis corporis prorsus idem est; in heterogeneis verò materijs deprauato diuersum; cum itaque notitia eius in mechanica magnetica magni momenti sit, de eius inuentione per aliquot Problemata, ne arte nostræ quicquam deesse videretur, tractandum duxi.

Quemadmodum igitur Telluris exterior superficies à Geographis iuxta parallelos suas & Meridianos, ita & Terrella magnetica diuiditur. Parallelos magneticos vocamus orbes



istos axem magnetis *ἡπὸς τὰς ἐφθὰς* intersecantes, cuiusmodi in presenti figura sunt PQ OR, quæ magneticum axem normaliter secant. Meridianos vocamus lineas MM LL KK II non quod propriè Meridiani sint (siquidem non transeunt per polos AB) sed quod axi magnetico æquidistantes in eandem

cum axe plagam ferentur. Atque iuxta huiusmodi lineas Meridianas, & parallelas sectio totius lapidis peracta, alios atque, alios effectus demonstrat; si enim magnes ABCD parallela, ratione iuxta lineas OR, & PQ perficiatur; tunc in punctis polaribus, vel altero ipsorum, sed non in axe cuius videlicet pars cum eadem axis denominatione, & virtute remanet, variatio fit. Quod si verò sectio magnetis iuxta lineas MM LL KK II fiat; tunc non tantum in utroque polo; sed & in ipso axe fit variatio; ita vt pro multitudine partium sectarum, axes seu Meridiani, in sectione Meridiana; & pro multitudine partium sectarum in sectione parallela noui paralleli, seu Aequatores resultent; vt in Paradoxis dictum est. Quemadmodum enim in corporibus solidis sectis noua grauitatis centra, sic in magneticis noua centra, nouos axes punctaq. polaria, aut nouos Aequatores pro sectionis conditione, in qualibet particula resultare necessum est. Hoc itaque supposito; Quæritur, qua ratione centrum virtutis in quolibet cuiuslibet figuræ magnete inueniri possit? fit igitur.

P R O B L E M A I.


Dato corpore Magnetico sphaerico homogenearum partium, centrum virtutis eius inuenire.

Sicut centrum grauitatis in quouis corpore nihil aliud est, quam illud punctum, ex quo vel sola cogitatione suspensum corpus, quamcunque situm dederis, eum retinet, ita centrum in magnetico corpore est medium in axe magnetico punctum, quod secans Aequator corpus magneticum in duas facies Borealem, & Australem diuidit, vbi enim Aequator magneticus axem diuidit in quocunque corpore, & cuiuscunque figuræ, ibi medium, seu centrum virtutis magneticæ esse iudicabitur.

Centrum grauitatis quid sit?

Sit igitur datus magnes sphaericus ABCD. inueniantur eiusdem poli iuxta experimenta Theorem. 2. superioris libri; sintque AB poli quæsi: dico medium punctum inter AB axis extrema interiacens medium, siue centrum virtutis esse. Et si

M 2 enim



enim vis magnetica tota sit in toto, & tota in qualibet parte magnetici corporis; in vna tamen parte quā in altera perfectior efficaciorque est; ergo omnium perfectissimè in centro, seu medio ipsius corporis, omnibus, & singulis partibus in id conspirantibus elucescet. Sed hoc medium seu centrum est in omni corpore magnetico, punctum commune intersectionis axis & Aequatoris; quod cū medium inter extrema axis sit; ergo hoc erit centrum seu medium virtutis quæsitum à quo omnis virtutis potestas in vtramq; partem deriuatur.

Confectarium.

Hinc sequitur, corpora homogenea magnetica absolute regularia, & omnia ea quæ vtcunque sphaerae inscribi possunt, cum ex prædictis, centrum virtutis, cum centro grauitatis habeant commune; quod, qui inuenerit centrum grauitatis corporis dati, is centrum quoque virtutis reperisse iudicandus sit.

Centrum grauitatis magneticorum corporum sphaerae vtcunque inscriptibilem cætrum virtutis est.

PROBLEMA II.

Cubi Magnetici, prismatis, parallelopipedo, cylindri, aliorumque corporum ordinatorum centra virtutis reperire.

Inueniantur præxi superioris libri Theorem. 2. tradita, datorum corporum poli, qui cum sint axis extrema, erit medium axis punctum centrum virtutis quæsitum. Ratio, iuxta regulas ab Archimede traditas, in omni cubo, parallelopipedo, prismate, cylindro, aut alia simili figura regulari axis medium punctum, demonstratur esse centrum grauitatis; sed centrum seu medium virtutis in corpore homogenearū parium, à centro grauitatis ex præcedentibus non differt; ergo inuen-

inuento centro grauitatis, centrum virtutis latere non potest; centrum ergo virtutis assignauimus, quod erat faciendum.

P R O B L E M A I I I.

Dato corpore Magnetico pyramidali, seu Conico centrum virtutis Magneticum assignare.

CUm iuxta demonstrationes Archimedis, Commandini Valerij, aliorumque centrum grauitatis pyramidis, aut coni ita axem secet, vt segmentum vertici vicinius, reliqui sit triplum: inuētis polis in dato corpore magnetico pyramidali, aut conico, diuidatur totus axis in 4 æquales partes, eritque terminus primæ partis in axe notatæ à base incipiendo mediū grauitatis, & consequenter virtutis magneticæ quæsitum; ergo quod, &c.

P R O B L E M A I V.

Magnetis in conoide parabolicam adaptati centrum virtutis reperire.

CUm in conoide parabolica centrum grauitatis, ex inuentione Archimedis, ita secet axem; vt segmentum vertici vicinius, sit duplum reliqui: dati corporis magnetici conoidalis axis in tres partes diuisus, duas versus verticem, & vnā versus basin relinquat; huius enim diuisionis punctum dabit centrum virtutis quæsitum.

P R O B L E M A V.

Centrum virtutis in Hemisphærio Magnetico reperire.

CUm bisecto magnete ABCD per axem, aliud necessariò, vt centrum grauitatis, ita virtutis magneticæ emergat; inuentis, arte tradita, polis, dabit tibi punctum medium in

M 3 axe

axe existent, punctum seu centrum virtutis quæsitum. Si verò sectio facta fuerit iuxta planum Aequatoris; diuidatur axis in 8 æquales partes, tres à base incipiendo tibi dabunt medium virtutis quæsitum, cuius demonstrationē apud dictos Authores vide.

PROBLEMA VI.

In Magnetico corpore heterogeneo centrum virtutis reperire.

Diximus supra in magnetico corpore homogeneo centrum virtutis, & centrum grauitatis idem esse: in heterogeneo verò diuersum; quod vt intelligatur, breuiter explicandum duco; si igitur globus aliquis daretur, cuius hemisphærium vnū cupreum, v. g. alterum magneticū foret, certum est, in hoc casu centrum grauitatis sphæræ, à centro virtutis magnetis manifestò fore diuersum, & si quidem cuprea materia, magnetica æquiponderaret; centrum grauitatis, centrum foret sphæræ, centrum verò virtutis magnetis, (cum iuxta præcedens Problema axis hemisphærij alicuius magnetici mediū sit) tantum à centro grauitatis distabit; quantum axis magneticus à centro sphæræ distat. Hinc patet, in magnete heterogeneis materijs vitiato centrum virtutis semper ferè diuersum esse à centro grauitatis. Præterea si aliud quodlibet corpus agglutinetur cuius magnetis frusto puro: certum est, centrum virtutis, quod in Magnetis frusto puro primū cum centro grauitatis coincidebat, modò adiūcto ei corpore quolibet heterogeneo, variaturum. Qua vero ratione per centri virtutis aut grauitatis cognitionem, in puritatis magnetis notitiam peruenire possimus, sit.

PROBLEMA VII.

Quantum materiae spuriae in quolibet Magnete dato sit centrobarica arte reperire.

Suspendatur corpus Magneticum forma v. g. parallelopedi liberè, & à suspensionis puncto perpendiculi filum
ita

ita descendat, vt latus lapidis radat: noteturque linea, quam in lapide filum designat. Iterum ex alia parte idem corpus liberè suspendatur, atque iterū à loco suspensionis aliam è latere lapidis lineam in lapide expressam nota, vbi enim hæc linea



alteram secat, ibi necessario centrum grauitatis esse iudicabis; in exemplo clarius res innotescet, sit corpus Magneticum, forma v. g. parallelopipedi

ABCD, cuius centrum grauitatis sic inuenies. primò id ex H liberè suspendatur, filūq; normaliter illi adherens faciat perpendicularē HIE. Secundò pendeat idq; ex G, sit linea perpendicularis GIE. quæ priorē lineam secet in I; erit ergo I punctū indicans centrum grauitatis, quod quidem aliquando esse potest, non in ipso I; sed tamen è regione illius semper erit intra aut extra corporis soliditatem: cum enim vtraque linea per centrum grauitatis, aut iuxta illud transeat, necessario I, per quod vtraque transit, erit grauitatis centrum quæsitum. Hoc igitur in aliquo Magnetico corpore explorato, si scire cupias, vtrum Magnes purus sit, vtrum spuria materia inquinatus; inuestigentur prius poli Magnetici praxi sæpius dicta, filumque perpendicularē à latere polis Magneticis respondeat: si igitur filum hoc punctum sectionis I transierit, Magnes purus & sincerus erit; quod si non transierit, spurius habendus est, & tantò corruptior, quantò à centro grauitatis erit remotior. hæc industria dicto citius Magneticorum corporum sinceritatem explorabis: qui ergò hanc praxim nostram penitiùs cognorit; infinitam sibi in centrobarica scientia segetem paratam inueniet. Sed hæc de statica Magnetica sufficiant.

PROGYMNASMA III.

De Versoriorum Magneticorum constructione & animatione.



VERSORIVM siue Acus Magnetica nihil aliud est, quam ferrum oblongum in sagittæ formam adaptatum, quod supra obeliscum, siue stylum æneum, subtilem, & acutum libratum, polariter se disponit,

Quid versoria
Magneticum.

nit, horum igitur verseriorum cum ingens in hac arte nostra futurus sit usus, operæ precium me facturum existimaui, si hoc progymnasmate de ijs fabricandis animandisque veluti loco proprio tractarem; & quamuis multi varias eorum fabricandorum rationes dederint, nos tamen ex ijs selectiores quasuis & rariores tantum hic afferemus. Sit ergo.

P R A G M A T I A I.

De Verseriorum fabrica & constructione.


Fabrica verseriorum.

IN versorijs ritè conficiendis tria consideranda sunt, Materia, figura, & modus ea animandi, de quibus omnibus ordine breuiter aliquid dicendum est. Accipe chalybeam lamellam ob omni scoria prius perpurgatam; (quanto enim chalybs siue ferrum nitidius fuerit, purius & purgatius, tantò ad Magneticam vim recipiendam erit aptius) in lamina igitur præparata versorij figuram cuiuscunque magnitudinis prius delineabis. excisamq; iuxta factam deliniationem acum in tantum polies, usque dum in perfectam sagittulæ formam redigatur, sit autem in medio aliquantulum lata, vt pileolus ipsi commodius imponi possit; pileolum ea qua sequitur ratione facies; Ex ære, cupro argento similique metallo frustum, in coniformam adaptatum, chalybeæ sagittulæ

siue versorij medio loco, vbi foramen relictum est, argento & borace ferrum minabis. hunc deindè pileolum chalybi ferrumminatum tericulo in tantum excavabis, vt coni concaui figuram obtineat, eritque versorium præparatum. Vt hic à latere apparet.

Figura verseriorum multiplex esse potest, vel enim in formam oblongam ad instar sagittæ efformatur. Vt paulò ante dictum est.

vel



Varia verseriorum genera.

vel ferreum filum in formā folij liliorū vt A, vel in soleæ modū vt in C adaptatur, aut etiā in bina segmenta circuli, vt in B recuruatur, vt à Itacre apparet, & hoc modo pyxidi nauticæ plurimū confert. Ferrum enim dicta ratione incuruatum, chartaceum Rhomborum, seu ventorum orbem. ceu fulcrum, quoddam sustinet, & fultum vna secum verticitate sua circumducit.

Alij alijs figuris vtuntur; sed memoratæ apud Magneticæ artis peritos tantum in vsu sunt, reliquæ veluti ad institutum ineptæ repudiantur; neque enim versorium in crucis formam assignatum, aut in similes figuras efformatum, idoneum esse potest, vt supra in paradoxis Magneticis indicauimus.

Nota tamen ad Magneticam verticitatem multum facere moderatam longitudinem versorij, Breuius enim, cum minoris verticitate sua circumferentiæ horizontalis portionem resecet, minùs quoque tutè & exactè quatuor mūdi cardines demonstrare poterit, at quantò fuerit longiùs, tanto tutiùs & exactiùs, vtpotè quæ maiorem circuli partem resecet, quæuis desiderata horizontis puncta denotabit. Dixi moderatam longitudinem, quia si ferrum adeò longum fuerit, vt semidiametrum Sphæræ actiuitatis Magneticæ, cui affricatur, excedat, nullam id verticitatem concipiet in altero extremo, vel saltem adeò debilem, quæ ad disponendum versorium prorsus sit insufficiens. Vnde, antequam versorium aliquod affricetur, diligenter Sphæra actiuitatis istius Magnetis ad quem affricatio fit, exploranda est. sine hac enim cautela operam luderes. Vigor quoque Magnetis cum primis attendendus, hic enim quantò fuerit robustior, tantò maiorem quoque actiuitatis Sphæram fundabit, & consequenter tanto potentiùs versoria animabit; E contra verò magnes debilis & imbecillis, imperfectam & inconstantem sua affricatione versorio verticitatem inducit. Nota hoc loco quoque prægrandem magnetem non obstante debiliore, qua in trahendo pollet virtute, maiorem tamen actiuitatis suæ Sphæram, Magnete fortiore, sed minore illo, fundare. Est enim mihi magnes ingens, qui cum sibi coniunctam vix trahat aciculam, ad pedem tamen geometricum distantia commoueat,

Latitudo versorij moderata esse debet.

Quæ in versoriorum affricatione observanda?

moueat versoria; sunt & alij minores quidem mole; sed in trahendo & retinendo efficacissimi, etsi grandiori in actiuitatis sphaera cedant. Cuius rei rationem in primo libro explicauimus. Explicata itaque materia & forma versoriorum, nunc qua ratione, vt solitam verticitatem adipiscantur, animanda sint, videamus.

P R A G M A T I A II.

De Versoriorum Animatione.

Modus affri-
ctionis.

Primò suppono, quod si ex ipso Magnete acus ita formari posset, vt ipsa acus Magnetis axem repræsenteret, hanc æquilibratam perfectè se sine vlla alia requisita affricione in Boream disposituram; verum cum huiusmodi acus, si non impossibilis, saltem admodum difficilis factu sit, loco eius ferro ductili in sagittæ formam adaptato vtuntur, quod & virtute Magnetica, eo quo sequitur modo, ad verticitatem acquirendam animatur. Accipe aciculam seu versoriū, modo paulò ante in pragmatia prima memorato fabricatum, quod vt maiorem vim ad vtrumque polum conuersuam obtineat, ad Australem lapidis polum, ad Borealem verò, alteram acus partem cuspidi oppositam affricabis. Incipies autem à medio ducendo versorium ad eius finem; In fine continuetur applicatio leuissimo circa finem affricu; Nec iterandus est modus à medio ad finem, ita enim peruerteretur, vt in paradoxo dictum est, verticitas: mora tamen aliqua desideratur, etiam enim in instanti vigor infundatur, ferrumque Magnete incitatum animetur, in vicina tamen Magnetis distantia & mora conueniente constantior assurgit, & firmius in ferro perdurat verticitas. Animatū igitur dicta ratione versorium in sua reponatur capsula, nec alijs tangatur Magneticis, nec in propinquo eorum quidem maneat, ne aduersis viribus potentibus, aut ignavis incertum euadat & hebes; Nota denique ad situationes in aquis instituendas, ferrum requirere validiorem affricionem quam in aëre, tum ob rubiginem, qua uis debilitatur, & demum penitus perditur, tum ob mucorem

rem quem in aquis ferrum contahit, quæ omnia vigorem Magneticum si non omnino destruant, saltem ita infirmum reddunt, vt nullius vsus esse possit; Quare non suaserim in operibus multo tempore duraturis, vt in horologijs Magneticis intra aquam concinnandis, ferri vsum, sed Magnetis; cui etsi multo tēpore hucusq; putarint quidā, aquam plurimum nocere, ego tamen ab integro anno, quo Magnetem intra aquam abscondo, tantum abest vt quidquam de priori vigore perdidisse, vt potius notabile in aquis augmentum eum acquisisse repererim.

Magnes intra
aquam non per-
tinet.

P R A G M A T I A I I I.

Chartaceum versorium construere.

Fiat è papyro solidiori chartaceus orbis, ita tamen levis; vt ad humidum & calidum non se contrahat; huic è ferro purgatissimo Rhombum 5. aut 6. digitorum longum curatione subdes, vt chartacei orbis pileolus, è subtilissima æris lamina confectus, foramini seu centro Rhombi vndiquaque exactè, vtroque versorij extremo in æquipondio persistente, respondeat. In superiori verò chartacei orbis parte lineam, lineæ acus seu Rhombi congruentem, quæ declinationis magneticæ lineam referet, describes: quo peracto ipsū pyxidi inclusum super obelum, seu stylum æneum acutissimum libere fluctuare permittas, & rem habebis confectam: cuiusmodi versorium infinitos propè in omni mathematico negotio vsus habere, in sequentibus luculenter apparebit.

P R A G M A T I A I V.


*Declinationem siue Variationem Magnetis
vbiuis locorum reperire.*

Variatio Magnetis nihil aliud est, quam Magnetis varijs varijs in locis à linea Meridiana deuiatio, ex qua cognita vt i ingentia commoda nascuntur, ita ex non cognita pudenti passim errores in Geometria, Geographia, Gnomonica, simili-

Quid sit varia-
tio Magnetis.

Inuentio eius.

similibusque, in quibus frequens huius acus vsus est, obrepere solent, quare vt hosce scopulos euitemus, hic inueniendæ Magneticæ declinationis methodū perfacilē præscribemus. Sic igitur operare. In plano quopiam immobili, leui, terfoque loco ab omni ferri suspitione libero, aliquot cōcentricis circulis pro libitu, vt in figura vides descriptis, in eorum centro



stylū acutissimum æneum normaliter eriges, qui & postea versorio sustentando seruiet: hoc facto per vmbrae ante & post meridiē equidistantibus à meridianō horis factam obseruationem, modo mathematicis vsitatissimo, lineam meridianam primò reperies, hac reperta exterioris

circuli quadrantes X A. X B vtrunque in 90 partes partieris, initium numerationis à puncto meridianæ inuentæ X V facturus: deinde versorium stylo affixum liberè se disponere permittes; Nam vbi quieuerit, ibi declinationem suam mox in alterutro quadrante X A vel X B monstrabit, quantus enim arcus fuerit inter X meridianam, & M quiescentis versorij punctum. Tanta eius censenda est declinatio. Si verò cum linea meridianā concordet: & prorsus congruat versorium, nullo eo in loco declinationē esse inferes. Si ex X versus A declinauerit, eius declinationē dices orientālē, si ex X versus B. occidentalē asseres. Sed de his in Geographia Magnetica fusius.

Quæ in inueniēda variatione obseruanda?

Dixi obseruationē fieri debere in loco ab omni ferri suspitione libero; quia sæpè contingere solet, vt obseruatio in loco vbi ferrei clauī, aut lateres similiaq; Magnetem auertentia ferrugina corpora sunt, fiat, quibus omnibùs vti etiā à fibulis ferreis Manicæ & Thoraci insutis versorium variè à suo situ auertitur. quam inconstantem in eodem loco variationem multi non intelligentes, opinati sunt, hanc ex affrictione versorij ad diuersa puncta Magnetis prouenire: verum cum versorium quocunque Magnetis puncto extra æquatorem as-

sum-

sumpto, tactum, perfectam verticitatem acquirere in priori libro docuerimus, non est quod hic opinionem nullo fundamento nixam vltius refellamus, cum huius deuiationis nulla alia causa sit, quā latens alicubi Magneticū, aut inæqualis versorij libratio, similiumque, de quibus in sequētibus copiosius.

Porro habita explorataq; dicta methodo declinatione Magnetica; ita eius opera lineam meridianam veram inuenies; si enim è punctis extremis versorij quiescentis videlicet ab M versus X, & ab N versus V iam inuentos declinantis versorij gradus numeres in pyxidis alicuius circulo, & puncta terminantia recta linea X V coniunxeris, erit ista vera linea meridianam quam quærimus.

Inuentio lineæ
meridianæ per
variationem
Magnetis.

PROGYMNASMA IV.

Tabularum pro Horologijs & Astrolabijs Magneticis conficiendis supputandarum methodum & rationem exhibens.

QUAM in sequentibus pro omnis generis circulis cælestibus Magnetico instrumento inscribendis, maximus & frequentissimus tabularum futurus sit vsus, operæ precium me facturum existimaui, si in hisce præexercitamentis Magneticis supputandarum huiusmodi tabularum methodum quendam facilem atque multiplicem docerem, quæ vnusquisque tabulas sibi proprias ad regionis suæ latitudinem accommodatas pro libitu supputare possit; nos verò hoc onere liberi, loco tabularum vniuersalium, quæ vt Lectori quoque modo satisfaceret, necessariò hic apponendæ erant, alia vtiliora, & maioris momenti, quæ temporis, quæ sumptibus parcentes substitueremus; Triplici autem methodo huiusmodi tabulas supputare docebimus. Prima proponetur per sinus; Secunda per Logarithmos, quæ scientia quidem nihil aliud est, quam Algebra quædam tabulata, qua nullo pænè negotio totius trigonometriæ nodi mira quadam ratione solui possunt: ita quidem, vt quod cæteroquin sinuum doctrina per multiplicationes, partitiones, extractions radicum laboriosè peragitur,

Quid sint Logarithmi?

agit; hæc Logarithmorum scientia per solam additionem, subtractionem, bipartitionem, tripartitionem, quadripartitionem, & summa facilitate ac certitudine peragat, quo quidem nihil in hac materia præstantius excogitatum est, cuius mirabilem usum, & prorsus diuinum, alibi forsan, si Deus vitam largitus fuerit, fusius & noua quadam ratione ostendam. Tertia methodus pro ijs instituetur, qui ab arithmetiis abhorrentes, Geometricis atque mechanicis operationibus delectantur, eritque duplex. Prima *ἀναλημματικὴς*, altera *μηχανικὴς*, per instrumenta, vti astrolabia, tabularum computandarum methodum docebit; quam quidem operam Lectori gratiorem, quam si tabulas vniuersales posuisssem, futuram spero; cum ex hac sibi ipsi tabulas pro quouis parallelo, & latitudine exactas adminuta vsq; prout libuerit varia methodo supputare possit.

Cum vero totum negotium Magnetico-astronomicum tabulis Azimutalibus conficiatur: illæ verò tabulas latitudinum Solis præsupponant: primò tabulas Almucantararum siue altitudinum Solis, postea Azimuthorum, siue verticaliū quoque circulos supputare docebimus.

SECTIO PRIMA.

Prærequisita.

Ad Tabulas Altitudinum Solis, siue Almucantararum.

VT hoc negotium maiori cum fructu & methodo fiat hic quædam præsupponenda duximus, vt ijs veluti requisitis, præparamenti calculi facilius peragatur; quæ & totidem Lemmatis expeditimus.

LEMMA I.

Altitudinem Solis Meridianam quouis tempore reperire.

CUm in sequentibus maximus vsus sit meridianæ Solis altitudinis, eam quouis tempore ita indagabis. Sole in Borea-

Borealibus signis constituto, adde Solis pro assumpto tempore declinantis gradus, complemento eleuationis polus; siue quod idem est altitudini Aequatoris, & resultabit altitudo Solis meridiana dato tempore quæsitæ. Vt quoniam hic Romæ Sol in primo gradu ϖ constitutus declinat 23 grad. & 30 min. si hosce ad 48 addideris, prodibit 71 grad. & 30 min. quæsitæ Solis in ϖ constituti altitudo meridiana. Sole vero in Australibus signis constituto dictos declinationis gradus, vt altitudo Solis meridiana habeatur, ab eleuationis poli complemento, demendi sunt; vt quoniam hic Romæ Sol in 1 grad. \wp constitutus 23 grad. & 30 min. declinat; demito hosce à 48, & remanebunt 24 grad. 30 min. quæsitæ Solis in \wp constituti latitudo meridiana; non secus in cæteris procedes.

L E M M A II.

Data qualibet hora, distantiam eius à meridie assignare.

CUm distantia Solis à Meridie ita in Tabulis altitudinum computandis sit necessaria, vt illa non prius exactè cognita, nihil rectè peragi possit: distantias horarias à meridiano proprio ea qua sequitur arte inquires; & primò ab horis Astronomicis incipiendo, ita operabere.

. §. I.

DUc datam horam Astronomicam, siue quod idem est à merid. & med. noct. in 15; tot enim gradus vni horæ equinoctiali respondent, & productū dabit distantiam Solis à meridie: complementum verò eius, distantiam à circulo horæ 6. Ita 1 & 11 horæ Astronomice quoniā vtraq; vna hora à merid. distat, in 15 ductæ. 15 grad. producunt, distantiam horarum dictarum à meridiano proprio; complementa verò earum videlicet 75 grad. distantiam à circulo horæ 6 assignabant: ita pari ratione horæ 2 & 10 astronomicæ cum vtraque à meridie per 2 horas distet, in 15 ductæ producunt 30 distantiam earū à meri-

à meridiè, quarum complementum est 60 distantia earundem ab hora 6 & sic de cæteris; vt in Tabula sequenti videre est; vbi in prima columna sunt horæ duplices ante & post meridiem expositæ, quibus in secunda columna respondent distantia earum à meridiè, vnà cum complementis earum, siue distantijs ab hora 6; vbi nota distantias horarum sextam excedentium, distantias esse horarum à meridiano subterraneo, vti citra lineâ horæ sextæ horarū sequentiū distantia sunt à meridiano diurno, quod benè notandum: sunt enim horariæ distantia vel à circulo horæ sextæ vtrinque, vel à meridiano diurno & nocturno æqualiter distantes semper æquales; vt apparet.

Cum verò huiusmodi horarum astronomicarum distantia sint vniuersales, & cuius horis accommodentur: ideò sinus earum hic quoque vnà cum Logarithmis apponendos duxi, vt labore quaerendi Lectorem subleuarem.

Tabella I. distantia horarum Astronomicarum à Meridiano.

Horæ ante merid.	Horæ post merid.	Distant. ☉ à merid.	Côplemēta distant.	Sinus recti distant.	Logarithmi finium.			
Horæ	Horæ	G.	M.	G.	M.	Partes.	Partes.	
12		0	0	90	0	0	0	Infinitem.
11	1	15	0	75	0	25882		9,412996
10	2	30	0	60	0	50000		9,698970
9	3	45	0	45	0	70711		9,849485
8	4	60	0	30	0	86603		9,937531
7	5	75	0	15	0	96592		9,984944
6	6	90	0	0	0	100000		infinitem.
5	7	75	0	15	0	96592		9,984944
4	8	60	0	30	0	86603		9,937531
A. M.	P. M.	distantia ☉ merid.		côplemēta distantia		Sin. distant. ☉ à merid.	Logar. fin.	

IN hac tabella sinus & logarithmi respondent distantijs horarijs à meridie : non complementis earum : harum igitur complementum si habere volueris , vide quis sinus aut logarithmus respondeat complemento distantiae à meridie in columna 2; sinus enim aut logarithmus huic respōdens erit quā quæris , vt si sinum complementi distantiae Solis à meridie 15 gr. desideres, quære complementū huius in col. 2 sc. 75 gr. sinus enim qui huic numero in 5 columna responderit , erit sinus complementi distantiae 75 grad; cui consequenter in eadem serie logarithmus quoque respondet .

§. 2.

*Distantiarum inquisitio pro horis ab Ortū
& Occasu.*

Distantias horarum ab ortu, & occasu ita inquires . Cum arcus semidiurnus in gradibus indicet distātiā 24 horar. à meridie; sit vt ex eo demptis 15 gradibus necessario relinquatur distantia à meridie horę 13 ab occasu, & ab ortu; ab hac si iterum 15 abijciamus remanebit distantia Solis à meridie pro hora 22 ab occasu; & secunda pro ortu; atque ita deinceps donec subtractio amplius fieri non possit; huius enim vltima distantia inuenta, ex gradibus 15 dempta distantiam sequentis horę relinquet, videlicet ex altera meridiani circuli parte, cui si addantur 15 gradus, habebitur distantia alterius horę sequentis, & sic de cæteris vsque ad horizontem, vti tabula ostendit . Ex quo patet primo in horis antemeridianis ab occasu, & pomeridianis ab ortu 15 addi debere; in horis vero antemeridianis ab ortu, & pomeridianis ab occasu eosdem abijci debere, quæ bene, notanda.

Patet secundo. Tabellā hanc distātiarum à meridie in horis ab ortu & occasu non esse necessariā, vt priorem, cuius rei ratio est, quod arcus semidiurni parallelorum pro alia atque alia horizontis constitutione nūc maiores, nunc minores sint ac consequenter, distantiae Solis à meridie, vti dictum est,

N ean-

eandem mutationem subeant. Vt igitur distantiae habeantur, pro singulis eleuationibus poli, & parallelis, propriae tabellae, dicta paulò antè methodo conficiendae sunt; qualem hìc nos exempli gratia pro Semidiurnorum parallelorum maximo construximus. Vt sequitur.

Tabella II. distantiae horarum ab ortu & occasu à Meridiano proprio, Sole in ☉ constituto; ac Semidiurnum arcum 113. graduum 3. minut: describente. ad eleuationem Romanam.

Horæ ab ortu	12	1	2	3	4	5	6	7	Horæ Babyl.
Horæ ab occ.	24	23	22	21	20	19	18	17	Horæ Ital.
	G. M.	G. M.	G. M.	G. M.	G. M.	G. M.	G. M.	G. M.	
dist. Sol à mer.	113 3	98 3	83 3	68 3	53 3	38 3	23 3	8 3	dist. à merid.
complem. dist.	0	0	15	0	30	0	45	0	60
Sol. à mer.	0	0	15	0	30	0	45	0	60

Horæ ab ortu	8	9	10	11	12	13	14	15	Horæ Babyl.
Horæ ab occ.	16	15	14	13	12	11	10	9	Horæ Ital.
	G. M.	G. M.	G. M.	G. M.	G. M.	G. M.	G. M.	G. M.	
dist. Sol à mer.	6 57	21 57	36 57	51 57	66 57	81 57	96 57	111 57	dist. à merid.
complem. dist.	106	6	91	6	76	6	61	6	46
Sol. à mer.	106	6	91	6	76	6	61	6	46

Quoniam igitur singulae horæ binæ, quarum numeri 24 conficiunt & vna ab ortu, altera ab occasu numeratur, habent eandem distantiam à meridiano in diuersas partes; ideoque & eandem altitudinem, vti ex calculo constat; ideo inuentis altitudinibus (praxi paulò post dicenda) horarum ab occasu in parallelo quocunque; cognita quoque erunt altitudines horarum ab ortu in parallelo opposito, ita hora 14 ab occasu in ☉, & hora 10 ab ortu in ☿ habent eandem altitudinem. Non aliter ex altitudinibus horarum ab ortu vnus paralleli, eruuntur altitudines horarum ab ortu in parallelo opposito; Ita hora 14 ab occasu in ☉; & hora 14 ab ortu in ☿, nec non hora 10 ab occasu in ☉ eandem habere altitudinem comperies.

§. 3.

Distantiæ horarum Inæqualium à Meridiano.

SI denique horarum antiquarum, siue Inæqualiū distantias à meridie scire lubeat, ita operaberis. Arcum diurnum, paralleli, quem Sol pro dato tempore describit, diuide per 12, vel arcum Semidiurnū per 6, & quotus vnus Inæqualis horæ quantitatem dabit; quam si duples, quantitatem duarum horarum inæqualium; trium, si triples habebis; & sic de cæteris vsque ad horam 6 meridianam; habita autem quantitate alicuius horæ, distantia eius à meridie latere non potest. Sed exemplo melius omnia declarabuntur.

Sole in $\sigma\sigma$ constituto cupio scire distantias horarum Inæqualium à meridie. Arcus meridianus est 113 grad. 3 min. hunc in 6 partes diuidas; vel arcum integrum 226 grad. & 6 min. in 12 partes distribuas, & inuenies vnā duodecimam partem istius arcus, siue horam integram Inæqualem, constare 18 grad. & 53 min. quæ quantitas est horæ Inæqualis quæsitā: hanc si duples, sese offerent 37 grad. 46 min. distantia videlicet horæ secundæ & decimæ Inæqualis à merid: cuius complementū est 75 gr. 17 min. Item si 18 gr. & 53 min. quantitatem horæ Inæqualis inuentā triples; prodibunt 56 gr. & 30 min. pro horæ tertiæ à meridiano distantia, & sic de cæteris. Vt in Tabella videtur.

Tabella III. distantie horarum Inæqualium à Meridie.

	12	11	10	9	8	7	6	post merid. ante merid.	H.
	G. M.	G. M.	G. M.	G. M.	G. M.	G. M.	G. M.	compl. dist	
pro ζ	66 57	55 48	44 39	33 30	22 21	11 12	0 0	Sol à mer.	ζ
	0 0	11 9	22 18	33 27	44 33	55 45	66 57	distantiæ Sol: à merid	
pro $\sigma\sigma$	113 3	94 10	75 17	56 24	37 31	18 38	0 0	cōpl. dist. sol à mer. in h. cā.	$\sigma\sigma$
	0 0	18 53	37 46	56 39	75 32	94 25	113 3	dist. Sol à mer. in arcu semidiur.	

N 2

Atque

Atque ex hisce luculenter patet, qua ratione cuiusvis generis horarum distantia à meridie inuestigari possint & in tabulis redigi.

L E M M A I V.

Solis in circulo horæ sextæ astronomicæ constituti, altitudinem indagare.

Quid sit aggregatum bissinuū.

Sole 90 gradibus, siue quadrante à meridie distante, siue quod idem est Sole in circulo horæ sextæ constituto, ita altitudinem eius inquires, medietatem istius lineæ, quæ composita est ex sinu altitudinis Solis meridianæ, & ex sinu meridianæ depressionis eiusdem, in dato parallelo (quam nos imposterum aggregatum bissinuū appellare libet) subtrahes à sinu altitudinis Solis meridianæ, reliqua enim dabit sinum altitudinis Solis, in circulo horæ sextæ existentis, siue 90 gradibus ab hora meridianæ distantis, quam nos imposterum sinum Almucantaræ horæ sextæ appellabimus. Πραγματῆα hæc est; desiderat quispiam scire altitudinē Solis, dum is 90 gradibus à meridie abest in principio ☉ constitutus. Adde sinum altitudinis meridianæ Solis graduum 71 & 30 min. ad sinum depressionis eiusdem meridianæ infra horizontem 24 grad. & 30 min. & habebis aggregatum, cuius medietas à sinu altitudinis meridianæ subtracta relinquit sinum, cuius arcus in tabula dabit altitudinem Solis, dum 90 gradibus à meridie præcisè abest.

Ἀναλογισμός τῆς πραγματῆας.

Sinus 71 grad. 30 min. videlicet altitudinis meridianæ Solis	94832
Sinus 24 gr. & 30. min. eiusd. depressionis meridianæ infra horizontem.	41469
Qui coniuncti dant aggregatum bissinuū.	136301
Cuius medietas est	68150½
medietatem aggregati huius subtrahes à sinu altitudinis merid.	94832
& relinquetur sinus Almucantaræ horæ sextæ	26682
Sinus altitudinis videlicet Solis in circulo horæ sextæ constituti quæsitus.	

PRAGMATIA II.

*Almucantaram horæ sextæ alia methodo**supputare.*

Cum huiusmodi sinus semper ex sinu altitudinis poli & sinu declinationis paralleli dati emanet, fiat ut sinus totus ad sinum elevationis poli, ita sinus declinationis dati paralleli ad aliud: factaq; operatione prodibit sinus almucantaræ horæ sextæ quæsitus.

PRAGMATIA; Sole in ☉ existente, cupiat quispiam scire almucantaram horæ sextæ, idest altitudinem Solis in circulo horæ sextæ constituti; duces sinum elevationis poli in sinum declinationis dati paralleli, & proueniet numerus, qui diuisus per sinum totum, relinquet sinum Almucantaræ quæsitum,

Sinus elevationis poli est 66913

Sinus declinat. ☉ 23 gr. 30 mi. 39874

Hosce duc in se inuicē, prodibūt 2668088962

88962

Quæ diuisa per sinum totum 100000 ——— 26680100000

relinquunt 26680. sinū almucantaræ q̄sit.

Aliter per Logarithmos.

Cum proportionalium numerorum logarithmi æquidifferentes sint, ex eorum definitione; si loco sinuū tangentiū & secantium fiantur eorum logarithmi, & ex summa secundi & tertij auferatur logarithmus primus, reliquus enim erit logarithmus quarti proportionalis quæsitus.

Termini rationum	G.	M.	Logarithmi
Radius	90	0	10,000000
Sinus latitud. Rom.	42	0	9,825511
Sinus declinat.	23	30	9,600700
Sinus Almucantaræ	15	29	9,426322

Possunt autem hi numeri peti ex Tabulis Henrici Briggij viri in hac arte singularis, quas reperiēs in Trigonometria Britannica, vel in Arithmetica Logarithmica ad calcem operis (suntq; Logarithmi ab ipso inuenti, Neperianis longè commodiores.)

L E M M A V.

Sinum altitudinis Solis in verticali primario constituti indagare, quam nos Almucantaram verticalem appellamus.

Cum ad tabulas sequentes necessaria sit cognitio altitudinis Solis, dum in verticali primario constituitur; Almucantaram Verticalem, idest illum circulum altitudinis, qui per communem intersectionem verticalis primarij & dicti paralleli transit, ea qua sequitur ratione, erues.

P R A G M A T I A II.

Vin scire Almucantaram Verticalem Sole primum ☉ punctum subeunte?

Fiat vt sinus altitudinis poli, ad sinum declinationis dati paralleli: ita sinus totus ad aliud, prodibit facta operatione sinus Almucantaræ verticalis quæsitus.

Per Logarithmos aliter.

Adde Logarithmum declinationis datæ ad Logarithmum sinus totius, quo facto Logarithmum altitudinis poli subtrahe ex summa; reliquum enim ostendet logarithmum almucantaræ quæsitum.

Ἀναλογισμὸς τῆς πραγματέας.

Termini rationum			Sinus	Logarithmi.
	G.	M.	partes	partes
Sinus altit. poli	42	00	66913	9825511
Sinus declin. Solis	23	30	39874	9600700
Sinus totus	90	00	100000	10,000000
Sinus almucantaræ	36	35	59591	9,775189
				L E M-

L E M M A VI.

Declinationem Solis inuenire quouis tempore.

Cum in sequentibus semper mentio fiat declinationis parallelorum, qua ratione hæc inuestigetur, sic habeto. dic ut sinus totus ad sinum maximę declinationis, ita distantia Solis eccliptica à primo puncto γ aut Δ : facta operatione, prodibit sinus quęsitus. Vt Sole in primo puncto γ constituto, si declinationem eius scire desideres, duc 39874 sinum declinationis maximę, in 50000 sinum 30 grad. distantie puncti γ ab γ , & summam partire per 100000 sinum totum, & quoties dabit 19937 sinum declinationis primi puncti γ 11 grad. & 30 min. vel

Aliter per Logarithmos.

Aude Logarithmum 9600700 maximę declinationis Solis, ad 9698970 Logarithmum distantie primi puncti γ ab γ , videlicet 30 graduum, & à summa producta subtrahere 10000000 logarithmũ sinus totius; & summa dabit 9299670 logarithmum declinationis quęsitę sc. 11. gr. 30. min.

Αναλογισμὸς τῆς πραγματείας.

Termini rationum	G.	M.	Sinus	Logarithmi
Sinus totus	90	00	100000	10,000,000
Sinus maximę declinat.	23	30	39874	9600700
sinus. distantie γ à puncto γ	30	00	50000	9698970
Sinus declinat. quęsitę,	11	30	19937	9299670

L E M M A VII.

Amplitudinem ortiuam & occiduam cuiuslibet signi supputare.

Latitudo, siue Amplitudo ortiua vel occidua nihil aliud est, quam arcus horizontis à vero puncto ortiuo vel occiduo

ciduo Aequatoris vsq; ad cuiuslibet dati paralleli ortiuū vel occiduū punctum numeratus; cuius, cum in horizonte Magnetico describendo maximus futurus sit vsus, quantitatem ita inuestigabis. Vin scire v.g. Sole in 1 grad. ☉ aut ☿ constituto vtriusq; signi amplitudinem ortiuam? dic, 743 14. sinus complementi altitudinis poli sc. 48 graduum dat sinum totum. 100000, quid dabit 39874 sinus declinationis datorum signorum gr. 23. min. 30. Ducto itaque sinu toto in sinum declinationis datā, & summam partire per sinum complementi eleuationis poli, & sinus emergens manifestabit 32 gr. 30 min. amplitudinem ortiuam datorum signorum.

Per Logarithmos.

Abde 10000000 Logarithmum sinus totius, ad 9600700 Logarithmon declinationis datorū signorum, & à summa subtrahere 9870073 remanebit 9729627, Logarithmus amplitudinis quæsitæ.

Ἀναλογισμὸς τῆς παρατηρίας.

Termini rationum

	G.	M.	Sinus	Logarithmi
Sinus complem. altit. poli	48	00	174314	48710731
Sinus declinat. e. g.	23	30	39874	3600700
Sinus totus	90	00	100000	10000000
Sinus amplit. quæsitus.	32	27	53656	9729627

His igitur lemmatis veluti ad alia conficienda assumptis & suppositis hisce præparamentis, nunc qua ratione, altitudines quavis hora, & quouis parallelo indagari possint, videamus.

PROBLEMA I.

Sole aequatorem subeunte eleuationes Solis in horis astronomicis indagare.

Cum arcus semidiurnus, Sole in Aequatore constituto, præcisè quadrantē adæquet, meridiana vero Solis altitudo Aequinoctialis eiusdē adæquet supra horizontē altitudinē, fiat ut sinus totus ad sinum complementi distantię Solis à meridie, ita sinus complementi eleuationis poli ad aliud. Nam facta

cubio

iuxta

iuxta regulam auream operatione, prodibit sinus altitudinis Solis in aequatore existentis, quæsitus.

Αναλογισμός της παρατηρίας.

Sinus compl. dist. à merid.	Gr. cōp. dist.	Horarum Astronom.
100000	90	12
96593	75	1 11
86602	60	2 10
70710	45	3 9
50000	30	4 8
25881	15	5 7

Sicut se
habet sinus to-
tus 100000 ad

ita se habet
sinus altitud.
Aequatoris ad
aliud c: 74314

Deinde itaque sinu altitudinis Aequatoris, in singulos sinus complementi distantie Solis à Meridie, diuisisque singulis productis per sinum totum, acquirantur sinus altitudinum Solis pro correspondentibus horis quæsitis.

Aliter per Logarithmos.

Antilogarith- mi distantie Sol. à merid.	Gr. cōp. dist.	Horarum Astronomi- corum.	
10000000	90	12	
9984943	95	1 11	Antiloga rithmus eleuatio- ni pol.
9937531	60	2 10	
9849485	45	3 9	
9698970	30	4 8	
9412996	15	5 7	
0000000	0	6	

Abde itaque singulos antilogarithmos complementi distan-
tie Solis à Meridie, ad antilogarithmum eleuationis poli, & à
summa subtracta 10000000, remanent logarithmi altitudi-
num Solis, quæsitis.

Exem-

Exemplum pro 1. hora Pomeridiana.

<i>Termini rationum</i>	G.	M.	<i>Sinus</i>	<i>Logarithmi</i>
Sinus totus	90	00	100000	10,000000
Sinus cōpl.dist. & à mer.e.g.	75	00	96592	9,984943
Sinus compl.elevationis poli	48	00	74314	9,871073
Sinus altitudinis	45	53	71792	† 9,856016

P R O B L E M A II.

Dato quouis parallelo Boreali Solis, in eo quavis hora, cuius distantia quadrante minor est, altitudines supputare.

QUare primò signum altitudinis Meridianæ in dato parallelo iuxta Lemma 1. vnà cum sinu depressionis Meridianæ eiusdem, deinde fac aggregatum dictorum sinuum, quod nos bisfinium appellamus, cuius medietatem serua.

Secundò. Accipe distantias Solis à Meridie in eodem parallelo quadrante minores, vt in Tabella prima peractū vides, quo facto fiat, vt sinus totus ad sinum complementi distantiae datæ horæ, cuius altitudinem inquiris, ita aggregati bisfinui medietas paulò ante seruata, ad aliud; facta operatione producetursinus, qui sinui Almucantaræ horæ sextæ (quem supra Lemm. 3. inuenire docuimus) additus, producet sinum altitudinis quæsitum.

Ἀναλογισμὸς τῆς παραγωγῆς.

Sole in principio ☉ constituto, desiderat quispiam scire pro singulis horis, quarum distantia à Meridie quadrante minor est, altitudines solares, ita operare.

	<i>Sinus compl. distan. Solis à cōpl. meridiæ.</i>	<i>Gr. dist.</i>	<i>Horæ.</i>	
	100000	90	12	
Fiat vt sinus totus	96592	75	1	11
100000 ad sinus	86902	60	2	10
	70710	45	3	9
	50000	30	4	8
	25881	15	5	7

ita medietas aggregati bisfinui
68150 $\frac{1}{2}$ ad aliud

Ducta

Ductaa itaque medietate aggregati bisfinui, in singulos sinus complementorum distantiae horarū correspondentium à meridiano, & summas singulas partire per sinum totum, prodibuntque sinus, ad quos singulos si sinum almucantaræ horæ sextæ (quem supra Lemm. 3 eruere docuimus) addideris: exhibunt sinus altitudinum solarium pro dictis horis quæsit; ita pro horæ 1 & 11 altitudine * inuenienda

* Sole in Cancer
constituto.

Sinus complementi dist. Solis à merid. est 96592

Medietas aggregati bisfinui, est 68150

Ductis in se inuicem hisce duobus, pro-

ducentur ————— 6582744800

Quæ diuisa per sinum totum ————— 100000, dant quotū

Huic quoto si iunxeris almucant. h. 6. 26682 { 65827

prodibit ————— 92509

Sinus pro altitudine ꝑ hora 1 & 11 Gr. M.

quæsitus ————— 67 41

Aliter per sinus versus.

Fiat ut sinus totus ad sinum versus distantie Solis à meridie ita medietas aggregati bisfinui ad aliud; producetursinus, qui ex sinu altitudinis meridianæ subtractus, relinquit sinum altitudinis Solis quæsitum.

Αναλογισμὸς τῆς πραγματίας.

Pro altitudine Solis in ꝑ hora 1 & 11 inuenienda, subtrahe sinum complementi distantie Solis à meridie dictis horis, quæ paulò ante 96592 partiū inuenimus, à sinu toto 100000, producetursinus versus complementi distantie Solis à meridie 3408, hunc duco, in medietatem bisfinui, & prodibūt 232255200. quæ diuisa per 100000 sinum totum, quorum sinum relinquent 2322 ⁵⁵²⁰⁰/₁₀₀₀₀₀ qui subtractus ex 94832 sinu altitudinis meridianæ, relinquit 92510, cui in Tabula respondet 67 grad. 5 min. quæsitæ altitudo Solis in ꝑ pro hora 1 & 11.

Sinus distantiae à merid. 96592

hunc subtrahe a sinu toto 10000

erit reliquum 3408 sinus versus quaesitus.

Huc duc in mediū biffinui 68150

producentur 232255200

Quæ diuisa per sinu totum 100000

relinquunt 2222

Hic subtrahe à sinu alt. me. 94832

relinquit 92510 sinum altitud. quaesitum.

Veri huius problematis *Ἐπισημν* breuius hac ratione expedies. Dato sinu toto, sinu cotangente seu tangente complementi latitudinis, & cotangente sine sinu complementi distantiae Solis à merid. dabitur tangens quarti arcus, qui conferatur cum distantia Solis à polo arctico, vt habeatur eorum forma & differentia. Dein si distantia Solis à merid. sit quadrante minor, prima analogia; sin maior, secunda quaesitum exhibebit.

Cosinus & cotangēs idē est, ac complementum sinu aut tangentis recepto compendij causa à Mathematicis vocabulo.

Παρασημα.

Cosinus quarti arcus Cosinus quarti arcus

Cosinus differentiae Cosinus Summae

Sinus latitudinis Sinus latitudinis

Sinus Almucantaræ Sinus Almucantaræ

Atque ex his omnibus luculenter patet: qua ratione in cæteris Borealibus parallelis procedendū sit, vt singularum horarum altitudines in singulis parallelis habeas, siquidem distantiae horarum quadrante fuerint minores; Nunc verò qua ratione eadem altitudines ijs in horis, quarū distantia à meridiano quadrantem excedit, venandæ sint, videamus.

PROBLEMA III.

Altitudines Solis, Sole à meridie plus quadrante distante, supputare.

Cum Sole in borealibus signis constituto, horarum post circulum horæ sextæ immediatè sequentium partes à meri-

meridiano circulo quadrante sint remotiores, earum altitudines ita indagabis.

Sinum, quem ex multiplicatione sinuum complement. in medietatem aggregati bisfinui, & huius producti partitione, iuxta regulam problematis secundæ præcedentis acquisisti, à sinu almucantaræ horæ sextæ demes, & remanebit sinus elevationis Solis (dum distantia eius à meridie quadratē superat) supra horizontem quæsitus. Cum enim hic Romæ hora 8 à merid. & 4 à med. noct. infra horizontē cadant, ac proindē earum nullæ sint supra horizontem altitudines, septimæ à meridie, & quintæ post mediam noctem altitudo indaganda est, nisi forsan quartarum altitudines indagare volueris, tunc tamen semper eadem operationis regula seruanda est; vt diximus: sicut igitur per regulas Probl. 2. acquisitus ex prima operatione sinus, sinui Almucantaræ addendus est, vt sinus verè Solis altitudinis habeatur in horis, quarum distantia quadrante minor est: ita hic in horis, quarum distantia à meridie quadrante maior est, sinus dictæ Almucantaræ ab eodem sinu horæ à circulo horæ sextæ tantum distantis: quantum hora, ultra circulum horæ sextæ ab eadem, demendus est.

Ex quo patet, quod sinu altitudinis horæ 5 post meridiē inuento, sinus quoque altitudinis Solis hora 7 post meridiē, vtpotē vtrinque ab hora 6 vtrique æquidistante, pateat; illum quidem inuenies, si sinū ex prima operatione Probl. 2 reperi- tum, ad sinum Almucantaræ horæ sextæ adiunxeris; hunc verò si ab eadem Almucantara eum subduxeris. Eritq; Almucantara horæ, 5 gr. 11 min.

PROBLEMA IV.

*Solis in Australibus parallelis constituti
altitudines supputare.*

Sicuti altitudines Solis in parallelis Borealibus, sinu per primam operationem reperto sola additione Almucantaræ horæ sextæ constituuntur, ita altitudines Solis in parallelis
Austra-

Australibus, sinu per primam operationem præscriptam reperto, eiusdem Almucantaræ dictæ abiectione emanant; data itaque hora & parallelo, fiat vt sinus totus ad sinum complementi distantiae Solis à meridie, ita medietas aggregati bisfinui ad aliud, facta operatione, prodibit sinus, ex quo sinus Almucantaræ horæ sextæ demptus, relinquit sinum altitudinis Solis quæsitum. Sed hæc omnia vno intuitu ob oculos ponere visum est.

Ἀναλογισμὸς τῆς πραγμάτων.

Sicut se habet sinus to- tus 10000 ad sequentes sinus	Sin cōpl. dist. Sol à merid.	Gr. cōp. dist.	Horæ	ita medietas aggregati bis- finui sc. 68150 ad aliud.
	100000	90	12	
	96592	75	1 11	
	86602	60	2 10	
	70710	45	3 9	
	50000	30	4 8	
	25881	15	5 7	
	0	0	0	

Solis itaque in puncti ꝑ existentis altitudines quispiam scire desiderat, is iuxta horas hic positas in Tabella; ducet sinus singulos compl. distantiarum horariorum; in medietatem aggregati bisfinui, vt tabella ostendit, & productis singulis per sinū totum distributis, emergent sinus, à quibus singulis, si sinum almucantaræ horæ sextæ dempseris, reliqui sinus altitudines Solis per singulas horas assignabunt; ita si 70710 v. g. sinum complementi distantiae Solis à mer. 45 grad. pro hora, 3 & 9, in 68150 aggregati bisfinui medietatem duxeris, productumquē 4818886500 per sinum totum 100000 diuiseris, emerget 98188 sinus, à quo 26682 sinus Almucantaræ horæ sextæ demptus, relinquit 21507 sinum altitudinis Solis pro dato tempore quæsitum 12 grad. & 25 min.

Aliter per sinus versus.

Fiat ut sinus totus, ad sinum versum distantiae Solis à meridie, ita medietas aggregati bisfinui ad aliud. Tolle itaque sinum complementi distantiae Solis à meridie, 45 grad. à sinu toto, habebisq; sinum versum, secundum terminum regulæ, hunc duc in bisfinui medietatem, & productum partire per sinum totum & relinquetur sinus, qui detractus ex sinu altitud. meridianæ, dabit sinum altitud. quæsitæ 12 grad. & 25 min. desideratum.

Παράδειγμα.

Sinus compl. dist. Solis à merid. 70710; 45 grad. demptus à sinu toto 100000, relinquit sinum versum 29290.

Duc sinum versum inuentum 29290

In medietatem bisfinui 68150

Productum partire per 100000 relinquetur sinus, qui detractus ex sinu Altitudinis meridianæ, dabit sinum altitudinis quæsitum.

Atque ex his omnibus patet, quam iucundè & utiliter altitudines solis data quavis hora astronomica, & parallelo, ab Arithmeticæ non imperito erui possint; Nihil igitur restat nisi ut breuiter quoque doceamus, qua ratione eadem ad horas ab ortu & occasu, ut & ad Inæquales supputari debeant.

PROBLEMA V.

Altitudines Solis pro horis ab Ortus, & Occasus data quavis hora, & parallelo supputare.

DE altitudinibus Solis pro horis à meridie, & med. noct. reperiendis in præcedentibus actum est; nunc quæ ratione eadem in horis ab ortu & occasu reperiantur, videamus; ac primò quidem Sole in Borealibus signis existente, & minus quadrante distante, ita eas inquire,

Desi.

Regula 1.
Si distantie ho-
rarum à meri-
diano quadra-
te minores.

Regula 2.
Si distantie ho-
rarum quadra-
te maiores.

Desidero v. g. scire altitudines Solis principium ☉ sub-
euntis pro singulis horis ab ortu & occasu; quarum distantia
à meridie quadrante minor est. Primò distantijs horarijs à me-
ridie vnà cum complementis earum, & sinibus in Tabellam
iuxta Lemmatis 2. præcepta redactis; Secundo loco iuxta
Lemma 1. aggregati bisfinui medietatem vnà cum sinu almucantare
horæ sextæ iuxta Lem. 3. inquire: quibus præparatis,
fiat, vt sinus totus, ad sinum complementi distantie Solis à
meridie, ita medietas aggregati bisfinui ad aliud, produce-
turque (non secus ac in horis Astronomicis) sinus, qui sinui
almucantare horæ sextæ adiunctus, det sinum altitudinis que-
situm. Quod si distantie horæ ab ortu vel occasu quadrante
fuerit maior; duc sinu complementi distantie Solis à meridie in
medietate bisfinui, & productum per sinum totum diuisum, dabit
sinum, quem si ex sinu almucantare horæ sextæ auferas, ema-
net sinus altitudinis Solis pro data hora quæsitus; Comple-
mentum verò distantie Solis à meridie in horis, quæ plus quadra-
te distent, ita reperiens, aufer à distantia gradus 90, & reliquum
dabit quæsitum. Sole verò Aequatorem subeunte cum arcus
diurnus 12 horarum sit, & horæ ab ortu & occasu cum horis
à meridie & media nocte concurrant, Altitudines Solis eadem
prorsus ratione, qua in Problemate primò huius fecimus, in-
dagabis, ducendo sinum complementi distantie Solis à meri-
die in sinum complementi eleuationis poli, productum ete-
nim per sinum totum diuisum, dabit sinum eleuationis Solis
data hora quæsitum.

Porro Sole Australia signa percurrente, in altitudinibus
Solis pro horis ab Ortus & Occasu eadem omnino, quæ in Pro-
blemate 4. computandis, regula seruanda est; ducendo videli-
cet sinum complementi distantie Solis à meridie in medietate
bisfinui; Nam productum diuisum per sinum totum, sinum
prodet, à quo almucantare horæ sextæ ablata, reliquet sinum
altitudinis quæsitum; quamuis in horis ab ortu & occasu non
sit necessarium Altitudines Solis in signis Australibus compu-
tare, cum repertis altitudinibus in signis Borealibus, & reper-
ta censeantur altitudines Australes. Quoniam enim singulæ
binæ horæ quarum numeri conficiunt 24, & vna ab ortu, al-
tera

tera ab occasu numeratur, habeant eandem distantiam à meridiano in diuersas partes, ideoq; & eandem altitudinem; ergò inuentis altitudinibus horarum ab occasu in parallelo quocunque: cognitæ quoque erunt altitudines horarum ab ortu, in parallelo opposito, quemadmodum fusiùs supra in §. 2. Lemmat. 2. ostendimus. Sufficit igitur pro horis ab ortu & occasu in magnetico instrumento inscribendis, Altitudines Solis in horis Aequinoctialis, & Tropici \odot vel ϕ computare; sed hæc omnia praxis faciliora reddet.

PROBLEMA VI.

*Altitudines Solis pro horis Inæqualibus
supputare.*

HOrarum Inæqualium, quas alij Planetarias, quidam temporales, nonnulli Iudaicas, plerique Antiquas vocant, altitudines ita supputabis; Habitis distantijs horarijs Solis à meridiano iuxta Tabulã 3. Lemmat. 2. datuq; sit v.g. parallelus \odot cuius altitudines horarias computare iubearis, ita ages. Duc sinum complementi distantie Solis à meridie, in medietatem aggregati bisfinui, & productum partire per sinum totum; hoc factò prodibit sinus, qui almucantarae horæ sextæ in distantijs horarijs quadrante minoribus additus, præbet sinum altitudinis Solis quæsitum: in distantijs verò horarijs, quadrante maioribus eundem præbet; ab almucantara horæ sextæ abstractus; sed operationem totius vnico paradigma-
te tibi ob oculos
pono.

* *

*

Αναλογισμὸς τῆς πραγματίας.

Vin. sci- re altit Sol. pro horis In- æqualib?	Quarum complem. dist. Solis à meridie hæc sunt.	Sinus verò horū cōpl. dist. Solis à merid. duc sequentes	Producetur numeri qui per fin: tot diuisi pdu- cēt hos fin:	Prodeūtin: alt. sol. pro horis corre- spondenti- bus quæ sit.	Quibus re- spondent gradus.
Horæ	G. M.	G. M.	G. M.	G. M.	G. M.
12	0 0	0 0	0 0	0 0	0 0
1 11	4 13	7352	20672	23421	13 33
2 10	14 40	25319	17254	43936	25 41
3 9	33 30	55193	37612	64294	40 1
4 8	52 20	79157	53945	80627	53 43
5 7	71 10	94646	64501	91183	65 46

Pari ratione in Altitudinibus inueniendis Sole in ☿ cōstituto procedes; est enim nulla differentia inter operandi modum, nisi quod sinus almucantaræ horæ sextæ, qui productis sinibus in columna quinta contentis additus fuit, in parallelo Australi, demi debeat, vt supra quoque docuimus; Sole verò Aequatorem subeunte, cum horæ Inæquales Astronomicis vt & alijs æquātur, horarum Aequinoctialium, Astronomicarum, Babylonicarum, Italicarum, Inæqualium eadem omninò altitudines erunt, quare de ijs nullum particularem subeas laborem.

Nota ex hac tabella, horas Inæquales cum horis Astronomicis partim conuenire, partim cum Italicis; cum horis Astronomicis conueniunt in hoc, quod horarum Inæqualium ante & post prandium eadem sint Solis altitudines, vnde altitudines Solis in vno Semidiurno arcu computasse sufficiet; In hoc verò cum horis ab ortu & occasu conueniunt, quod distantia vtrarumque horarum ab horizonte ad meridianum, vsquæ æstimandæ sint, & in arcu Semidiurno indagandæ iuxta Lemmatis 2. præcepta.

Atque ex dictis sequitur, qua ratione dicta methodo omnes altitudines Solis in aliquo parallelo existentis, per singulos

los gradus, aut per quinos & quinos gradus supputari possint (quæ res egregium vsum habet in tota Astronomia;) ducendo videlicet singulos sinus graduum complementorum distantie Solis à meridie in medietatē aggregati bisfinui, dicti paralleli, & producti per sinum totū diuisum, addendo vel subtrahēdo (prout parallelus Borealis fuerit aut meridionalis) almucantaræ horæ sextæ dicti paralleli supra vel infra horizontem, quæ omnia ex dictis liquent. Patet etiam qua ratione dictæ altitudinis per sinus versos & Logarithmos iuxta percepta tradita inuestigari possint varijs operationibus, vt vnusquisque eam methodum, quæ inclinationi suæ magis congruat, exigere possit: nunc ad Tabulas Azimuthales supputandus studium nostrum conuertamus.

S E C T I O S E C V N D A.

De Calculo Tabularum Azimuthalium.

Prærequisita.

CUm totius penè Magnetici Astrolabij constructio è Tabulis Azimuthalibus dependeat; visum fuit hoc loco earundem Tabularum supputandarum facilem quoque & compendiosam methodum tradere, ne quicquam ad institutū nostrum pertinens obmisisse videamur. Scias igitur potissimum ad hoc negotium ritè peragendum necessaria esse & veluti præsupponi; primo Altitudinem Solis supra horizontē, cuius modum inueniendi in præcedentibus variè tradidimus; Alterum est arcus Hectimorius, quem nos ita vocandum censuimus, quod eius circulus nihil aliud sit, quam quidam circulus horæ sextæ mobilis, per communes intersectiones horizontis & Aequatoris per centrum corporis Solaris ductus, arcus verò Hectimorius dicatur is, qui ab Horizontis punctis Aequinoctialibus in dicto circulo vsque ad centrum corporis Solaris numeratur. Hic igitur qua ratione indagandus sit, iam videamus.

Quid sit circulus & arcus hectimorius.

L E M M A.

Complementum arcuum Hectimoriorum, ad horas à mer. & ad med. noct. supputatur.

Fiat, vt sinus totus ad sinum complementi declinationis Solis, ita sinus distantiae Solis, ad aliud, facta operatione, prodibit sinus complementi arcus hectimorij quæsitus. Verum vt omnia exemplis declaremus. Sole in primo puncto constituto cupiat quispiam singularum horarum hectimorios arcus cognoscere? hic primo declinationem dati paralleli iuxta Lemma 6 prioris sect. sc. 23 grad. & 30 min. inquireret quæ & à 90 dempta declinationis datæ complementum dabit, videlicet 96 grad. & 3 min. cuius sinus 91706 secundum in Regula proportionum locum obtinebit. Secundò distantiam Solis à meridie iuxta singulas horas è tabula lem. 2. S. I. decerptas vna cum sinibus ijs correspondentibus in sequentem ordinem rediges.

Vt sinus totus 100000 ad 91706 sinum complementi declinat: Solis 66.gr.30.min.

Ita sinus distantiae Solis à mer: in gradibus & horis.	Sinus						Gr. dist. Sol à mer.	ad aliud. Horæ
	25882	50000	70710	86603	96592	100000		
	Hor. 15	30	45	60	75	90		
Grad.	1	2	1	4	5	6		
	11	10	9	5	7			

Duc itaque 91706 complementum siue, sinum cõplementi declinat. Solis in singulos suprascriptos sinus distantiae Solis à merid. productisq; singulis per 100000 sinum totum diuisis, habebis cõsinus arcuum hectimoriorum quæsitos.

Sinus complementorũ arcuum hectimoriorum.

23734	45853	64846	79419	88580	100000
-------	-------	-------	-------	-------	--------

qui prodierunt ex multiplicatione secundum tertium & diuisi per primum.

Habitis itaque per computum cõsinibus arcuum hectimoriorum, Azimutha Solis, ea qua sequitur ratione indagabis.

P R O-

PROBLEMA I.

Azimutha Solis in \odot constituti per singulas horas: à mer. & med. nocte supputare.

Azimutha cum Arabibus voco eos circulos, qui ex puncto verticis & pedum veluti ex polis describuntur, horizontem ad angulos rectos in 360 partes equales secantes; in quoniam igitur Azimuthorum seu dictorum circularum Sol qualibet hora, dum \odot subit, moretur, iam supputandum est, præsupposita tamen prius, & altitudine Solis pro qualibet hora dicti paralleli, vti & circulis hectimorijs cognitis, quorum vtrumque in præcedentibus patefecimus.

Fiat igitur vt sinus totus, ad secantem altitudinis Solis in datis horis, ita cosinus arcuum hectimoriorum in iisdem horis (quos in præcedenti Lemmate notos fecimus) ad aliud.

Ἀναλογισμὸς τῆς πραγματείας.

Pro horis itaque sequentibus	12	1	11	10	9	8	7	6	Hor. Afr.
Duc secantes altit. Solis	0	263348	194066	150916	111546	103790	Sec. al. So		
In cosinus arc. hectimor.	0	832964	45853	64846	79412	88586	100000	Sin. hect.	

Et producentur sinus, qui diuisi per 100000 sinū totum, relinquunt quotos sinus Azimuthorum, à Meridiano incipiendo, quos Sol datis horis subit.

Sole verò Aequatorem subeunte, facillimè Azimutha singularum horarum erues, si fiat, *vt sinus totus, ad sinum altitudinis poli, ita tangens, complementi distantia Solis à merid. ad aliud*, facta enim operatione prodibunt tangentes Azimuthorum horariorum, à verticali primario incipiendo, quæsi.

Porrò in Australibus signis constituto Sole, prorsus eadem est operandi ratio; ac eo in borealibus existente, cum in omnibus sinus Azimuthorum ex secantibus altit. ☉ in sinus hectimorios multiplicatione eruantur.

In horis quoque ab ortu & occasu Azimuthales arcus pari

O 3 ratio-

ratione, vti & in horis Inæqualibus, indagabis: supputatis primo pro singulis horis arcubus hectimorijs, quos si in secantes, computatarū Solis altitudinū duxeris, & productum per sinū totū diuideris, prodibūt sinus Azimuthorū quæsi. Quomodo autem cognoscere possis, quem quadrantem orbis quodlibet Azimuthum occupet pro quolibet tempore, habeas hanc Regulam vniuersalem; quandocunq; Azimuthum quodpiam minus fuerit almucantara verticali, siue altitudine Solis in verticali constituti, (cuius inuestigandæ rationem suprain Lem. 4. docuimus) tunc certò pronuntiabis Azimuthum huiusmodi borealem partem tenere, quod fit Sole in borealibus signis constituto; si verò Azimuthum quodpiam Almucantara verticali, fuerit maius, certum est, illud Australem partem obtinere; Ex quo patet, omnia Azimutha sub Romana latitudine, quæ Sol in signis Australibus subit, esse Australia, in signis verò Borealibus, ea esse Australia, quæ Almucantara verticali maiora sunt, quæ verò ea minora, borealia vti dictum est.

PROBLEMA II.

Azimutha horarum Inæqualium supputare.

EX tabula altitudinum Solis pro horis Inæqualibus supputatarum Problem. 6. primæ sect. proposita, quære tangentes inuentarum altitudinum pro dictis horis. Iterum iuxta præcepta Lemmatis huius secundæ sect. quære sinus arcuum hectimiorum, ad horas Inæquales dicta methodo supputatorum, & operare iuxta regulam ibi traditam, prouenientque sinus Azimuthorum pro horis Inæqualibus quæsi.

Alia Azimuthorum inuestigatio faciliior expeditiorque.

SInum Hectimorium arcus supra primo Lemmate inuentum, propone cum sinu compl. altitud. Solis data hora; horum minorem sinum, duc in sinum totum, & summam diui-

diuide per sinuum paulò ante tibi propositorum maiorem, quotus enim sinum dabit Azimuthi quæsit, Meridionale quidem, si numerus graduû inde emergens almucantara verticali maior fuerit, Boreale verò, si minor.

Aliter per Logarithmos, facillima operatione.

Compara logarithmum arcus hectimorij supra inuenti, cum antilogarithmo altitud. Solis data hora, & horum minorem aufer à maiori, & logarithmus reliquus exhibebit arcum circumferentiæ horizontalis, siue Azimuthi quæsit, exemplum, ob nimiam facilitatem, operationis non addo.

Nota tamen hoc loco inuentum Azimuthum semper ex 90 gradibus in horis vespertinis demendum, at vt veram Azimuthi à verticali primario distantiam habeas, in horis matutinis addendum; in reliquis horis si fuerint ante meridiem, detrahatur ipsa distantia à toto circulo, in horis post merid. verò nec additur, nec minuitur.

Confectarium.

Hinc sequitur, qua ratione Azimutha domorum cælestium, ascendentium & descendentium signorum Zodiaci quoque inuestigari possunt: sed cum de ijs suis locis in decursu huius operis tractemus, hic diutius subsistere superuacaneum esse rati sumus.

PROGYMNASMA V.

De Mechanica tabularum construendarum methodo.

PROBLEMA I.

Tabulas altitudinum Solis subsidio analemmatis indagare.



Eiat circulus ABCD. lineis AC. BD, (quarum hæc horizontem, illa verticalē referet) in quatuor quadrantes diuisus; Quo facto à D versus A numerata altitudinem poli regionis, ad cuius latitudi-

nem tabulas cōstruere desideras, à B vero versus A eleuationem æquatoris, tractisq; per centrum E, gradusq; altitud. poli, & æquatoris lineis, HI, & FG, referet illa tibi lineam equinoctialem, hæc vero polarem. Iterum ex punctis H.I.vtrinq; maxima Solis declinatio numerata, lineis KL. S.M.(quarum illa Tropicum ☉. hæc ☿ representat) terminabitur; pari ratione reliquos signorum parallelos describes; si quidē singulorum horarias Solis altitudines inquirere placuerit; nobis ad Magneticū astrolabium cōficiendum altitudines horarias, Solis in ☿, ☿ & Y constituti indagare sufficit. Tropicis itaque descriptis ex punctis P & V circuli describantur, quorum diametri sint ipsi paralleli ☉ & ☿ signati literis KL. & SM, (quamuis vnum circulum duxisse sufficiat, vti nos hīc fecimus.) Circulum hunc K O L N in duas portiones inæquales, vel mauis arcum diurnum N K O, & nocturnum O L N diuides, quod fiet per lineam O M N, quam per M punctum commune intersectionis horizontis B D, & paralleli L K ad axim mundi G F parallelum duces.

Altitudinum
horarū à meri:
& med: noct:
inuenio:

His itaque positis, si Altitudines Solis in Tropico ☉ existentis pro singulis horis à meridie & media nocte cognoscere desideras, hac ratione desiderio potiere: diuiso toto circulo K L O N in 24 æquales partes à puncto L vel K alterutro incipiendo, singulæ quoque horæ vtrinque ab hora duodecima æqualiter distantes occultis coniungantur lineis, & vbi illæ parallelum K L secuerint, imprimes puncta, quibus singulis horas congruas appones; per hæc enim puncta, si lineas occultas ad horizontem B D parallelas duxeris, indicabunt illæ tibi, in alterutro quadrante B A vel D A, altitudines Solis pro singulis horis quæsitæ. Quod si altitudines Solis horarias pro horis ab ortu & occasu, siue Italicis desideres, ita operabere: dictum circulum L O K N in 24 æquales partes diuides, ab horizontali linea O N incipiendo, ita vt in ipso puncto N terminetur hora 24 ab occasu: proxima verò hora versus L hora prima sit, & sic de reliquis consequenter, vt in schemate sequenti patefit; Horas vero ab ortu siue Babylo-nicas in dicti circuli in 24 æquas partes diuisi puncto eodem Orientali N numerare incipies, ita vt punctum N horam vigesi-

* vide figuram
secundam.

gesimam quartam referat: sequens verò punctum versus K horā primam ab ortu referat; & sic consequenter vt in horis ab occasu factum, est procedes. Quamuis satius sit altitudines Solis in horis ab occasu indagare solummodo, cum horarum ab ortu altitudines semper in opposito parallelo, quemadmodum fuisse in Lem. 2. superioris sect. diximus, sint æquales. Descriptis itaque horis in circulo L N O K, altitudines eius ita inquires, ducantur ad parallelum L K lineæ occultæ ex punctis horarum perpendiculares, vt vides: per puncta enim sectionis horarum in parallelo K L facta, si, vt ante, lineas alias occultas ad horizontem parallelas duxeris, ressecabunt illæ tibi in quadrante alterutro B A vel D A altitudines Solis pro horis ab ortu & occasu quæsitæ.

Altitudinum
Solis pro sin-
gulis Horis
Ital. & Baby-
lon: inuen-
tio.

Porro altitudines Solis in Topico ꝑ existentis, non alia ratione indagabis, ex punctis enim horarum in arcu semidiurno ꝑ, si ad complementum diurni arcus K L, videlicet ad lineam M L perpendiculares occultas, & per puncta intersectionum horarum parallelas horizonti B D duxeris, ressecabunt illæ tibi in quadrantibus A B & D A quæsitæ Solis per dato tempore altitudines.

Altitudinum
Solis pro Ho-
ris inæquali-
bus inquisi-
tio.

Pro horis vero Inæqualibus altitudines Solis ita reperiēs; Totum arcum diurnum K O N in 12 equas partes, arcum vero O L N in totidem ab horizonte incipiendo diuides; ita vt linea O N cum hora 12 Inæquali planetaria incidat; hora vero sexta siue meridiana cum parallelo L K. Quo facto, ex singulis punctis horarum, (vt in reliquis horis paulò ante dictum est) ad lineam K L occultæ perpendiculares ducantur; per puncta enim sectionis horarum in parallelo K L factæ, si ad horizontem B D parallelas duxeris, ostendent illæ tibi in quadratibus B A vel D A Altitudines Solis pro horis Inæqualibus quæsitæ, tam in arcu diurno, quàm nocturno; qui quidem semper equiualeat arcui diurno ꝑ. Non secus reliquorum parallelorum horarias altitudines inquires.

* vide figuram
tertiam.

Altitudines vero Solis pro principiis domorum celestium ita in dictis 3 parallelis inquire. Cum 12 domuum celestium circuli transeant per communes sectiones horizontis & meridiani, iuxta Ioannem Regiomontanum, secantes

Altitudinem
Domorum ca-
lestium inuen-
tio.

Aequa-

Aequatorem in 12 partes æquales, diuiso semicirculo GHF in sex partes æquales siue in $\frac{1}{2}$ cōiungātur vtrinquē ab H æquidistantia puncta rectis lineis, occultis; & diligenter nota vbi hæc Aequinoctialem HI interfecuerint, per hæc enim puncta, & per puncta horizontis B & D si arcus duxeris, habebis descriptos tres arcus domuum cælestium *ὑπεργίους* antemeridianos; qui quidem equantur pomeridianis. Quod si quispiam scire desiderat, quantum Sol in principio cuiusuis domus in \odot constitutus eleuetur supra horizontem, ille per puncta communia intersectionis Trop. \odot & domuum cælestium ad lineam horizontalem parallelas ducat: illæ enim in quadrante dicto BA vel DA altitudines quæsitae ostendent. Sed hæc clarissimè ex præcedentibus innotescunt.

P R O B L E M A II.

Azimutha Solis, datis quibuslibet horis indagare.

SI Azimutha Solis pro dictis horis à merid. & media, noct. Babylonicis, Italicis, Inæqualibus in Tropico \odot Sole existente desideras: ita facies; per puncta horarum in linea KL inuentarum ad lineam horizontalem BD ducantur perpendiculares, vt in schemate apparet; quo factō trāsferro singularum horarum sinus distantiae à meridie, siue quod idem est, spacia quæ sunt inter puncta horaria in circumferentia circuli KLN O inuenta; & puncta earundem horarum in diametro KL inuenta, verbi gratia, XI. QR & ST, in lineas XK. XQ. YS. paulò ante ex dictis punctis ad horizontem perpendiculariter ductas: per puncta enim terminantia; si ex centro E lineas rectas duxeris, refecabunt illæ tibi in quadrantibus AB vel AD Solis Azimutha quæsitae, quorum quidem illa, quæ in quadrante AB inueniuntur omnia erunt Borealia, cetera in quadrante AB Australia; Exemplum: cupiat quispiam scire, quotum Azimuthum, Sol in \odot constitutus hora 3 vel 9 astronomica attingat, siue quod idem est, quantus sit arcus horizontalis inter centrum Solis & verticalem primarium; Ex puncto igitur horæ tertiæ, vel nonæ in dia-

diametro KL reperto, ad lineam horizontalem BD perpendicularem duces occultam v. g. YS; in hanc ex puncto Y transferas spacium ST; & per finem quem punctum *a* refert ducta linea ex centro E, in arcum AB, monstrat Azimuthum quæsitum à verticali primario AC numerandum; & sic de cæteris in Tropico & Azimutha numerabis à puncto C verticalis primarij versus D.

Azimutha vero, habitis punctis horarijs in diametro KL, pro Babylonicis, Italicis, Planetarijs horis, siue Inæqualibus eadem prorsus ratione indagabis; ducendo videlicet, per dicta paralleli dati puncta horaria ad horizontalem BD, lineas perpendiculares, has enim si sinibus distantiae horarum à meridie terminaueris, lineæ ex centro E per eorum terminos ductæ in quadrantibus AB & AD Azimutha quæsitæ demonstrabunt. Sed hæc omnia in præsentibus figuris contemplare.

Confectarium.

ATque ex dictis patet, qua ratione dato quouis parallelo Solis, circa quem circulus descriptus, quolibet horarum genere fuerit dicta methodo diuisus, altitudines & Azimutha Solis in quauis hora dicti paralleli existentis, geometricè inuestigari queant.

PROBLEMA III.

Ex Astrolabio Magnetico uniuersali, eadem nullo pænè negotio inuenire.

Altitudines Solis data eleuatione poli, pro singulis horis singulorum parallelorū ex Magnetico Astrolabio cuius typum in Problem. 3. part. 3. Astron. Magnet. dedimus; ita inquires, posito horizonte Retis Magnetici supra grad. eleuationis poli datum, quo facto, vide quam Almucantaram seu lineam aut parallelam horizontalem, singulæ horariæ lineæ in Tropico &c interfecent: numerus enim, qui dictis parallelis horizontis adscriptus fuerit, assignabit altitudinem Solis illa,
hora

hora; ita videbis horam I & II Astronomicam in Tropico
 ☉ secare in reti Almucantaram grad. 67 & 41 min. quæ di-
 cta hora altitudo Solis est sub Romana latitudine; pari ratione
 videbis, horam tertiam & nonam astronomicam in Tropico
 ☿ secare Almucantaram 12 grad. & 25. min. quæ est Solis al-
 titudo quæsitæ pro dictis horis. Non secus procedes de altitu-
 dinibus Solis in reliquis signorum parallelis indagandis.

Quod si verò Azimutha Solis pro dictis horis desideras.
 vide quæ Azimutha in eodem Tropico v. g. ☉ interfecent
 horæ in parallelo ☿: numerus enim his ascriptus in linea ho-
 rizontali retis Magnetici Azimutha pro dictis horis quæsitæ
 mox manifestat. Sed hæc omnia fusiùs in sequentibus trade-
 mus, quare eo Lectorem remittimus.

Quod si verò Astrolabio Magnetico careas, per quodli-
 bet aliud astrolabium dictas Almuncantaras & Azimutha
 sequenti methodo inuestigabis. Posita regula fiduciæ
 supra horam datam in limbo astrolabij descriptam, & gra-

dum Solis, in quo tunc Sol moratur, sub regula fiduciæ

rectà submoueas; Almucantara enim & Azimuthum

quod gradus Solis sub hoc situ tangit: Almu-

cantara est, & Azimuthum pro hora data

quæsitum. His igitur ita præmissis,

nunc plenè velis spaciosos

Magnetiæ campos

adeamus.



LIBRI SECVNDI PARS SECVNDA

GEOMETRIA MAGNETICA

In qua multiplex Magnetis vsus in Geometricis declaratur.

Continetque Geodasiam, Pantographicen,
& Ichnographiam Magneticam.

ΠΡΟΟΙΜΙΟΝ.



GEOMETRIAM Magneticam hoc loco nihil aliud dicimus, quam rationem, & methodum siue quarumlibet rerum ope Magnetis mensurandarum artem. Et quamuis non ignoremus, varia à varijs Artificibus huius generis instrumenta iamdudum adinuenta, in quorum vsu præcipuum sibi locum vendicet acus Magnetica, uti sunt orbes, & quadrantes Ichnographici, instrumentaque, quas Bussolas vulgò vocant. Verum nos ijs veluti passim notis, relictis, alia ex nostrarum inuentionum penu, ut sic ars nostra Magnetica & varietate, & nouitate rerum auctior prodeat, hoc loco exhibenda putauimus.

Porro ut maiori cum securitate, & certitudine in huiusmodi instrumentorum tractatione procedatur; duo cum primis beneuolum Lectorem notare velim. Primò, Vt Magnetica acus pixidi instrumenti inserenda & sagitta, & malleolo, seu crucula careat, dein ad Magnetem robustum, & iuxta regulas in præcedentibus traditas legitime affricetur, liberrimumque supra obelum suum librata motum habeat; quod si neglexeris, oleum, & operam haud immerito in hoc geometrico negotio perdes; nec enim constantem situs sui tenorem tenebit acus, nec votis tuis perfecte obsecundabit; sed hinc inde situ vacillabit; maximorum errorum causa.

Alterum est, ut caueas à locis in quibus ferrum latens Magnetem à linea sua diuertere posset: incredibile enim est, quam facile acus perfecte librata, etiam minimo odore ferri, ut cultris & fibulis vestium ferreis, lateribus coctis, similibusque à situ suo naturali dimoueat. Quibus quidem notatis, nunc ad rem veniamus.

Qualis debeat esse acus magnetica pro instrumentis magneticis.


A quibus cauendum?

CAPVT I.


PROBLEMA I.

Instrumentum Magneticum construere :

x ære, cupro, ligno, aliaue materia duriuscula pare-
tur Regula AB, cuiuscunque magnitudinis, eo
ferè artificio, quo Alhidadam, siue lineam fiduciæ
Astronomi describere solent, hanc dioptris suis
ON instructam lineam ex centro iuxta longitudinem Regulæ
deductam, diuides in 100 vel 200, quotuis æquales partes, vel
per decades earum vt in figura apparet presenti.



Secundò paretur pyxis magnetica VSTX, è cuius centro
circulum in 360 partes diuisum describes, vel si angustia spa-
cij id non permiserit, in decades diuisus sufficiet, positoque
intus supra aculeum magnetico verforio, diligenter vitro, ne
aër aut ventus vehementior accedere possit, eam munies.
In inferiori autem fundo, vbi inniti debet plano horizontali,
in punctis XVTS, vti & in centro pyxididis æneos aculeos lon-
gitudine æquales, tum vt ijs plano infixis pyxis firmitus confi-
stat, tum alios ob vsus inferius declarandos, infiges.






Tertiò. Ex centro Regulæ fiducialis A circulus tantę capacitatis, vt circumferentiam conuexę pyxidis VXS T exactè excipere possit, describatur; in eo enim iam excauato, & exciso pyxis magnetica ea industria imponetur, vt circa eam veluti circa axem centraliter regula moueri possit; in puncto verò S Regulæ trochleam ad eam si opus fuerit firmamdam insinuabis; sed hæc melius innotescant in figura paulò antè proposita.

Quartò paretur asserculus quadratus cuius latus vnius pedis quantitatem habeat, è quauis materia solida, confectus, qui in inferiori fundo extantem pedem, vt baculo seu sustentaculo instrumenti inter mensurandū infigi possit, firmarique; his ita ritè peractis instrumentum magneticum paratum habebis.

P R A G M A T I A I.

Dato quouis angulo æqualem ope instrumenti assignare.



S It datus Angulus $A B C$, cui æqualem dare oporteat; applicetur pyxidis centrum aculeo centrali puncto B , & gyretur pyxis, vsque dum versorium concordet cum linea $A B$: hoc facto regula instrumenti supra crus anguli $B C$ applicata, causabitur cum versorio angulum dato æqualem; quod ita ostendo, eæ figuræ iuxta Euclidem censentur esse æquales, quarum anguli angulis, & latera lateribus applicata ea vndeque adæquant, sed hoc mandatur fieri hac Pragmatia, ergo angulus ex applicatione causatus, æqualis est angulo dato, quod erat faciendum.

P R A G M A T I A II.


Dato cuius & quotlibet graduum angulo æqualem assignare.

S It angulus $A B C$, v.g. 50 graduum, cui æqualem dare oporteat, ponatur pyxidis versorium supra lineam A , & regula per 50 gradus ducta dabit quæsitum, ratio per se patet. Hinc patet angulum quemuis in quotlibet gradus imperatos secandi ratio, & methodus.

P R A G-

Triangulum Æquilaterum construere.

Cum omnis trianguli æquilateri crura sint per primam.
1. Euclid: semidimetientes circuli, hæ autem 60 gradus




in circulo subtendant; facile apparet qua ratione ope instrumenti nostri magnetici id facile expediri possit; si enim per 60 gradus à verso-rio numeratos Regulam duxeris, cruraque protensa æquataque, tertio crure terminaueris, quæsitum resultare necesse est; rationem huius

paulò ante dedimus. Colliges hinc primò, si infra vel supra 60 gradus regulam statueris, cruraque protensa æquataque tertio maiori, vel minori crure clauderis, Isoscelem resultare necesse esse. Colliges 2. si crura inæquata reliqueris, eorumque terminos tertia linea clauderis, scalenum necessario remanare, quæ benè notanda.

Quadratum ope instrumenti describere.

Per 90.^m gradus à verso-rio numeratos directâ regula instrumenti, æquatisque cruribus A B, A C, si ex C & B occultos arcus intervallo A B duxeris, atque ad intersectionis punctum lineas duxeris, habebis quæsitum.



Confectarium.


Hinc patet data quavis figura polygona, æqualem describere; sit verbi gratia polygonum ABCDE describendum, numera à verso-rio 144 (tantus enim est angulus pentagoni) & iuxta hos directâ regula, protensisque cruribus habebis angulum pentagoni, ad cuius crura æqua-

ta intercapedine eadem DC aut DE ducantur lineæ, habebisq; quæsitum; non secus operaberis in alijs multangulis inueniendis, quæ omnia ex vnico exemplo innotescunt.

P R O B L E M A.

*Quarumuis longitudinum, aut latitudinum
datarum expedire dimensiones.*

SIt primo inuestiganda latitudo fluminis T V. selige ad fluminis ripam S T. duas stationes 50 vel 100 pedibus distitas, quod spacium prius diligenter per chordam centupedalem, aut catenam vel similem hisce aliam quampiam mensuriam virgam explorabis; hoc facto pone instrumentum Magneticum in prima statione S. directaque regula cum dioptris versus stationē T; intercipe circino ex regula 100 pedes per chordam antea inter duas stationes inuentos, hos transfer in asserem iuxta regulæ situm, rubrica vel atramento ducendo lineam S T. quæ stationum referet lineam; His ita dispositis pyxidem siue cistam Magneticam prius iuxta 4 mundi cardines directā, firmatis aculeis ita eā imprimendo plano, vt loco moueri non possit, deinde diriges regulam, quæ pyxidem, veluti axem ambit, cum dioptris siue pinnacidijis suis versus signum V trans flumen positum, tractaque linea iuxta directæ iam regulæ situm, Firmataque regula siue linea fidu-



ciæ iuxta regulam, siue lineam S. V: deinde procede ad secundam stationē T. positoq; instrumento super punctum stationis T. eoq; denuò iuxta 4 mundi plagas, vt priorem si tū obtineat directo,

At, dirige regulam cum dioptris in V signum transflumen, positum, ductaq; linea iuxta situm Regulæ TV. priorem lineam SV interfecante, dico hanc lineam TV esse latitudinē fluminis quæsitam, & in partibus scalæ pedum in regula notā, quoniam enim triangulus CDT in asserculo formatus æquiangulus est triangulo SVT, ob parallelas CD & SV, erunt omnia quoque latera proportionalia, ergo vno noto, habentur reliqua, cum autem ST iam nota sit in partibus centum, quales scala continet 100, ego & TV in iisdem partibus per circinum interceptis nota erit, ergo, &c. quod erat demonstrandum.

Altitudinem rerum non absimili ratione metieris hoc tantum observando, ut asserculum, qui ante parallelus erat hori- zonti, eum iam vertici constituas parallelum stipiti affixum.

PROBLEMA III.

Ope huius dicti instrumenti, integram aliquam regionem χωρεστικῶς delineare.

Hoc itaque instrumento præfixum aliquem regionis terminum descripturus sic age, eliges tibi primo duos



montes, aut ca-
stella, aut similia
loca, ex quibus
Regionis alicu-
ius prospectus
pateat, sint autē
loca S. T. Instru-
mēto. itaque fir-
mato in loco S
situatoque, in
asserculo lineam
duces ex S in T
directam, lineā
stationū referē-

P 2 tem;

tem; quo facto, dirige regulam cum dioptris suis in omnia visui
 eminus occurrentia loca A B V C, tractisque lineis; ac studio-
 sè singulis in quæ directæ sunt, nominibus locorum adnotatis;
 procede ad alteram stationem T. regulatoque instrumento
 non secus ac in priore statione operabere: intersectionis enim
 punctum quarumlibet duarum linearum in vnum locum ten-
 dentium, situm seu positionem illius loci; in quem porri-
 guntur, demonstrant: scalam ita facies: in plano alioquo duo-
 rum quorumlibet locorum intercapedinem metiare: sit autem
 duorum locorum v.g. A B intervallum 1000 passuum, hoc
 itaque in lineam X M translatum, multiplicatumque scalam,
 passuum dabit quorum mille in scala milliarium Italicum af-
 signabunt. Regionem itaque descripsimus, quod erat facien-
 dum.

Colliges primò, qua ratione hoc eodem instrumento decli-
 nationes singulorum locorū à quattuor mundi cardinibus & à
 linea meridiana deviantium inuestigari possint. Item qua me-
 thodo quolibet tempore tam in maritimis, quàm terrestribus
 locis, verum situm & constitutionem omnium *φαινομένων* re-
 spectu mūdi partium extemplò deprehendamus. Index enim
 seu versorium pyxidis Magneticæ *ισοτεγνίας* gerens infallibi-
 liter lineam monstrabit meridianam. Regula verò fiducialis
 in loca per sua pianacidia directæ in limbo pyxidis gradum
 declinationis, mox aperiet; quæ omnia fusè à nobis deducen-
 da forent, nisi his veluti communibus & obuijs passim dereli-
 ctis, præstantiora reconditioraque restarent describenda.

P R O B L E M A IV.

*Altitudines rerum per sinus tangentes in dicto
 instrumento contentos explorare.*

POsito versorio supra lineam A B meridianam, pyxis ita
 eleuetur, vt linea A B situm obtineat parallelum hori-
 zonti



B. F. ad F I. qui quartus proportionalis dabit quæsitam altitudinem rei.

Aliter sine Arithmetica per sinus tangentes.


Cum dimidium versorij semper sinum totum referat; si linea B V in quotlibet partes tales, quales sinus totus habet 100, fuerit diuisa, consequens est, vt, si pro nota mensura inter te & rem mensurandam semper 100 pedes statuas, regulam quoque in fastigium rei mensurandæ eleuatam in linea B V altitudinem rei assignaturam; videlicet tangentem 50 graduum. sicut enim sese habet sinus totus 100 partium ad tangentem 50 gradum videlicet 119, ita 100 pedes nota distantia inter te & mensurabile, ad ipsum mensurabile; sed sinus totus est 100 partium & tangens 50 grad. 119 partium; ergo cum nota mensura æquetur sinui toti 100 partium, etiam tangens 50 graduum ei æquabitur: ergo altitudo rei, quæ per tangentem significatur, est 119 pedum, ergo altitudinem rei inuenimus quod erat faciendum.

zonti, hoc facto regula in rei mensurandæ fastigiū visu directā, vide, quot gradus in limbo pyxidis abscindantur: hoc facto fiat, vt sinus totus ad tangentem 50. gr. ita 20 nota scilicet distantia

P R O B L E M A IV.

*Syluam vel campum datum ιχνογραφικῶς hoc
instrumento describere.*

SIt sylua quæpiā ABCDEFG ichnographicè describenda, ita operaberis: pone instrumentum tuū in puncto A primo syluæ limite, firmatoque versorio, respice per regulam in limitem G, ductaque in asserculo iuxta regulam linea A G. super quam ex scalæ regula tot partes, quot pedes inter A G per certam mensuram inuenisti transferes v. g. 30 pedes. hoc facto procedes ad limitem G. situatoque vt prius instrumento regulam diriges in limitem F. ductaque linea iuxta situm regulæ in eam transferes ex scala tot partes, quot inter G & F per mensuram notam pedes inuenisti, v. g. 20. Deinde si-



tuato instru-
mento in
F dirige re-
gulam in li-
mitem E, &
vt prius o-
perare; ita
sēper abvno
limite ad al-
terum pro-
cedēdo, pri-
mò situabis
instrumen-
tum, secun-
dò regula,
in vicinū di-


rectā limitem, lineam duces, in quam pedes inuentos è scala regulæ transferes; donec totius syluæ periodum cōpleueris; Quod si verò locus huiusmodi in aperto campo talem situm obtineret, vt ex duabus v. g. stationibus A. G. omnes limites videri possent, ea ratione, qua in præcedenti tradidimus proble-

blemate, vt opus absoluas, procedendum erit. Qui hoc vnicum exemplum benè perceperit, facillimo negotio quaslibet hoc instrumento, sylvarum, hortorum, vrbium, domuum cæterorumq; locorum ichnographicas descriptiones expediet.

PROBLEMA V.

Delineationem Ichnographicam in maiorem aut minorem proportionem reducere.

Sit in Charta quinquangula, siue asserculo nostro, delineatum planum rectilineum $IEFGH$. In camporum autem planitie detur recta à dicto puncto G ad H . Velit quispiam simile in agro planum delineare, vt GH homologum sit, ac simul situ respondeat gh . ita operabitur, Angulus quinquanguli statuatur super G , terminum rectæ gh . in campo propositæ, deinde auxilio regulæ & dioptrarum aptatur latus GH . Vt congruat lineæ in agro datæ gh . tum eadē regula circumducatur circa fixum punctum G , donec sit in directum ipsius E , hinc in optico radio à G per E transeuntis erigatur signum quodcunque K , & in recta GF collocetur signum L . & in recta GI signa P . deinde eadem figura transferatur ad stationem secundam in puncto H , & angulus quinquanguli $IEFGH$ collocetur in H , & subsidio dictæ regulæ latus



HG figura in charta delineatæ, ita constituatur, vt rectæ hg in planitie datæ congruat, tum circumducta regula ad F , in optico radio per HF immisso, vti libebit signum M erigito; deinde punctum N inuenies, vt signum ibi excitatum in eadē recta sit cum HM ; & in vna eademque recta

cum M G, sublati deinde signis L M. ne errori occasionem præbeant, punctum N simile situ erit puncto F; eadem via deprehendetur punctum K simili situ respondens ipsi E, & punctum P puncto I. Quinquangulum igitur H P K N G à signo ad signum fulcatis lineis, aut animo conceptis comprehensum erit quæsitæ figura.

Non secus ex maiori in minorem formam dictum quinquangulum contrahes.

P R O B L E M A VI.

Ope Magnetici instrumenti quoduis punctum in extrema terræ superficie assignatum ad perpendiculum ei correspondens, in intimis terræ visceribus reperire.

S Equitur deinceps, ut modum doceamus, quo manifestè constet, si subterraneos meatus, vel ad cuniculos sub quouis apparente intra urbis mœnia loco fodiendos, siue ad metallorum venas scrutandas, aut ambulacra occulta condenda, & ab vno ad alium locum deducenda ingrediamur, sub quibus terræ locis vbique consistamus, aut ex accurata superioris terræ plani descriptione constituamus, qua ratione in profundioribus cavitatibus illa loca deprehendantur, quæ ad perpendiculum exterioribus terræ partibus subijciuntur, id quod expeditissimè hoc nostro Magnetico instrumento præstabitur. Verum cum hæc oculis intuentium exposita facilius deprehendantur, quam multiplici verborum contextu, ad ipsam structuram ἀποδείξωσ progrediemur.

Sit ergo meatus ad perpendiculum in terram descendens A M. cuius superior pars M. tanquam centrum constituitur, ut eius intuitu tota capacitas, seu peripheria exterioris superficie terræ explorata, ac descripta, inferiori subterraneæ iuxta lineas perpendiculares eidem exquisitè substitutę respondeat atque accommodetur.


Posito itaque instrumento nostro in puncto A. centro fossionis

nis, situatoque eo iuxta quatuor mundi cardines, dirige regulam Magneticam in omnia ea loca, quæ in subterraneis terræ meandris vis respondere ad perpendicularum exterioribus terræ partibus, ea summa cum diligentia dimetiendo iuxta præcepta superius declarata; situm adhæc declinationemq; in diuersas mundi plagas, non minus diligenter super asserem adnotando, sint autē v.g. loca H L C G I. His ita rite constitutis in inferioriorem terræ meatum ad perpendicularum per lineam A M descendatur, situatoque vt prius feceras, instrumēto; dico mox regulam fiducialē super lineas locorum in asserē descriptorum positam, lineam iuxta quam fodere debeas, vt ad desideratum locum peruenias, ostensuram; rem ita demonstro; quoniam enim situato instrumento inferius, inferiora loca eundem inter se situm custodiunt, quem superiora; eundem quoque situm obtinebunt extensiones linearum ad diuersa loca directarum, cum æqualibus ad superiora interual-
lis; cum ergo superficies inferior, superiori parallela sit: situato instrumento & lineæ & puncta locorum erunt parallelæ, & lineæ, lineis æquales, ergo iuxta communem animi notionem, si duarum quantitatum, seu integrorum partes inter se per omnia sint æquales, ergo, & tota inter se quoque æqualia erunt, ergo & hæ duæ superficies per omnia sibi correspondentes æquales erunt, quod erat demonstrandum.

Exemplum.

Placet in obsidione vr̄bis alicuius cuniculos fodere ad turrim v. g. G pyrio supposito puluere subruendam, sic operare. Obserua diligenter lineam declinationis loci exterioris cū distantia illius à centro fossionis, quæ sit 200 pedū; his cognitis & diligenter adnotatis pone regulam supra eundem declinationis gradum inuariabiliter cōtinuò lineam meridianam possidente Magnete, incipies iuxta regulæ situm fodere vsque dum peruenieris, iuxta lineam rectam fodiendo ad spacium 200 pedibus à loco inferioris fossionis distitum; hunc si accesseris certum tibi sit, locum inferiorem G, superiori G respondentem te attigisse, & ex paulò ante memorata
de-


demonstratione clarissimè patet. Atque hæc quidem simplicissima consilij instituendi ratio; sed nunc in itinere occurrentibus obstaculis quomodo per diuerticula deflectendum; vt nihilominus hinc in viam rectam redeamus scire forsan desiderabis? Hoc nõ difficulter fiet per lineas parallelas & æquales, quæ ex obseruationibus angulorum constituemus, interim diligenter, ne magnes filum suum mutet, attendentes; sed hæc omnia manifestè in hac apposita figura apparent, ergo subsi-



dio Instrumenti, &c. quod erat. Atque hæc sunt quæ de vsu instrumenti nostri Magnetici in Geometricis dicenda putauimus. Qui paucula hæc exempla bene comprehenderit, eum nihil non in Geometricis ope huius expediturum existimo.



Tertiò, Ex charta vel pergameno, aut alia quapiam materià duæ regulæ MS: OT in quotlibet partes æquales in centum puta vel ducentas partes diuisæ, & cuiusvis magnitudinis conficiantur.



Nota tamen hic, quod si figuram assumptam in eadē cum prototypo magnitudine delineare volueris, regularum requiri æqualitatem; si verò in maiorem proportionem prototypon reducere volueris, regulam vnā altera maiorem, vel si in minorem proportionem, minorem quoque esse oportere. Vndē operæ precium facies, si varias regulas ex papyro in quauis proportionē multipla aut submultupla data conficias, ita fiet vt ad figuras in quauis data proportionē ampliandas, aut diminuēdas regulas paratas habeas, has ita confectas regulas obeliscis ST ea ratione indes, vt circa eos veluti circa axem centraliter, hinc inde pro libitu moueri possint.

Quartò, fiant duo versoria magnetica eiusdem magnitudinis, quæ quantò longiora fuerint, tantò melius rei benè expediendæ conuenient; quibus suis paulò ante in assere firmatis aculeis, vt liberè fluctuent impositis, instrumentum habebis præparatum, vt in figura apparet.



Quintò, Huiusmodi bina instrumenta in assere ea ratione collocabis, vt vnum versorium extra magneticæ actiuitatis alterius sit constitutum, quod subito ex æquidistantia versoriorum patebit, si enim versoria in assere collocata situ parallelo non se respiciant, versoria in se mutuò agere certò scias; secus putabis, si quocunque circumducto assere situm semper obtinuerint parallelum. His itaque instrumentis ita ritè præparatis figuram quamlibet datam, ita delineabis.

PROBLEMA II.

Polygonum datum in quavis proportionē delineare.

SIt Polygonum datum BCDE, cui æquale dare oporteat, ita facies. Instrumentis Magneticis, vt dictum est super asserem firmatis, Polygonum datum puncto suo S, ita submoue puncto S, laminæ AB, vt cœtrum centro exactè respondeat, quemadmodum te sequens figura docebit.

Quo facto promo-
ue regulam M S su-
per angulum B figuræ
Polygonæ datæ, & af-
ferem L X, vnâ cum
duobus instrumentis
hinc inde in tantum
gyra, donec versoriū P
rectâ supra regulam in
B fixam quiescat; ad
quod alterum versori-
um G semper eundē
necessariò respectū ha-
bebit; obseruata itaque
parte regulæ MS in
pūcto B Polygoni ab-
scissâ: regulam OT al-
terius instrumenti su-
birò ita versorio suo G
submouebis, vt in ea-
dem linea consistent;
hoc peracto vide quot-
nam partes Regulæ M
S prioris instrumen-
ti in puncto B sint ab-
scissæ, sint autem v. g.
20, totidem igitur in
punctum; quod qua-
reba-



Regula OT numerabis, & in fine facies punctum; quod quaereba-

rebatur, atque ita primam operationem perfecisti.

Iterum promoue Regulam MS sub puncto Polygoni dati C , gyrabisque asserem LX , vnà cum versorij in tantum donec versorium regulæ exactè quadrauerit, notataque parte regulæ in C abscissà, regulā OP similiter sub suo versorio statuas, in qua si iuxta partes in priori regula abscissas punctum notaueris, emerget secundum punctum respondens.

Porro promota regula MS sub D puncto Polygoni dati, in tantum asserem circum duces donec versorium P , regulæ puncto D applicatæ exactè respondeat, si itaque partes regulæ MS in puncto D abscissas, in regula quoque OT sub versorio suo promota notaris, prodibit tertium Polygoni punctum quæsitum.

Denique si regula MS sub puncto E Polygoni dati constitutur, versoriumque P , asserere gyrato regulæ MS , vti & regulam OT versorio G coniunxeris, habebis in partibus abscissis regulæ MS in puncto F quartum punctum Polygoni, quæ puncta si rectis coniunxeris, habebis totum Polygonum OG Polygonio $BCDE$ æquale; ergo Polygono dato æquale descripsimus, quod erat faciendum.

Confectarium. I.

Colliges ex hoc Problemate primo, qua ratione vnico quoque instrumento nulla habita ratione versorij magnetici datum Polygonum $BCDE$ describi possit: si nimirum lineas BS CS DS ES ad oppositam versorij partem in puncto HIK protractas iuxta partes in regula abscissas determinaris; quod & circino dicto citius perficies, transferendo spacia BS . CS . DS . ES . ex S supra oppositas lineas in $QKIH$ iuxta huiusmodi enim terminos si rectas coniunxeris, habebis quæsitum. Colliges secundo. Qua ratione datam figuram in proportionem maiorem, aut minorem traducere possis; si videlicet regulam in data proportionem affixeris laminæ vel CD , vel AB , partes enim vel maiores aut minores in regula, figuras maiores vel minores causabunt. Sed hæc omnia praxis ipsa clariùs docebit.


Conr.

singulis punctis regula CS abscindat diligenter notato, partesque abscissas in altera regula OT sub suo versorio CD ritè collocato pari ratione quæres, habebisque omnia puncta, quæ si rectis coniunxeris, resultabit figura munitionis datæ, quam delineare oportebat.

PROBLEMA IV.


Chorographicas descriptiones facillimo negotio expedire.

Sit districtus datus ABCD delineandus, ita operaberis. Posito prototypo ABC, vnà cum lamina AB supra LX



asserẽ, vel telã quæ loco asseris inseruiat, eo quo vides loco; laminam vero CD in proportionata distãtia, à lamina AB iuxta Pragmatiam 5. præcedentis remoueat, vt hic apparet: sit autem v. g. districtus regionis ABC in dupla proportionem ampliandus, assume regulam OT, quæ se iuxta Pragmatiam 3. præcedentis Problem: ad regulam AB in data proportionem habeat. Laminis itaque vnà cum versorijs & regulis ritè dispositis, gyra asserem LX, vsque dum versorium PT per regulam suam MT plura loca simul in prototypo ABC districtus delineandi comprehensa sibi subdat, vt in exemplo apparet

paret, notando diligenter, quam quisque locus in regula partem abscindat; & hæc easdem partes in regula O T versorio suo subdita iuxta situm eius in charta signabis; referent enim hæc puncta genuinas locorum positiones, prout easdem prototypon demonstrat, atque simili ratione in alijs procedes donec totam chartam confeceris. Verum ea, quæ in tribus hisce problematis modò declarata sunt, aliter sese habere nõ posse ita demonstro. Sit planum aliquod AB, in quo versoria



magnetica OP super fixos aculeos librentur, dico versoria circumactò plano ad id sèper eundem respectum habere,

easdemque semper circulorum, quos in plano describunt partes refecare: insistat vtrumque versorium 90. gradui circulorum ABCD, & FGHI; moto itaque plano eo vsque dum versorium O recta tangat gradum circuli sui trigesimum, ergo necessario versorium P eundem 30.ºm gradum sui circuli obtinebit, cum & asser seu planum eodem tempore, & simili ratione circa immota, & eandem semper vi sua in polos conuersua, lineam obtinentia versoria circumagatur. Itaque si fieri possit, eundem trigesimum gradum versorium P non tangat. Ergo eodem tempore, & simili ratione circumactò plano versoria Inæquales arcus describent; sed hoc est impossibile, quod ita ab analogia probo; sicut se habent styli in aliquo plano fixi ad Solem motum, ita sese habent versoria ad suum planum motum, sed circumductò plano, styli ad Solem, semper easdem, umbras, eosdemque arcus circulorum refecabunt, non secus, ac immoto plano easdem horas; ergò & simili ratione versoria quomodocunque circumductò plano, semper sibi correspondentia æquales circuli quos delineant, arcus describent; ergo versorijs nonagesimo gradui insistentibus, moto plano, & versoria à nonagesimo gradu, æquali passu recedent: ergo moto plano donec vnum versorium incurrat gradus 30,

Q

alte-

alterum eundem gradum trigesimum incurrere necesse est; siue enim asser, aut planum moueatur ad versoria immota, siue versoria ad immotum asserem æqualiter, & eodem tempore circumducantur, semper æquales arcus vtrumque refecare necesse est, quod & in plano quopiam, cui Horologia inscripta sunt, apparet vt dictum est, siue enim planum ad Solem moueatur, si fieri possit, siue Sol ad planū immotum, semper stylos easdem horas, & partes circuli tangere liquebit. Ergo versorijs quomodocunq. circūducto plano, sibi correspondentibus eundemque situm obtinentibus, videlicet parallelum, anguli quoque æquales iuxta Propos. 29. Theor. 20. p. 1. Euclid. causabuntur; sed & regulæ quæ ad angulorum latera describenda aptatæ sunt, proportionaliter diuisæ sunt, ergo vel æquales, vel similes, aut proportionales figuras vbique describent; ergo versoria &c. quod erat demonstrandum.

Confectarium.

Colliges ex hisce Problematibus primò, qua ratione datam quamuis imaginem, aut opticam proiectionem hoc instrumento nostro facillimo negotio in maiorem, aut minorem proportionem deducere liceat, item quò solidorum corporum siue regularium, siue irregularium sciographia expediri: item omnis generis Horologia delineari facillè possint, quæ omnia hic fusius explicarem, singulorumque paradigma quoddam apponerem, nisi Pragmatias facilitas in superioribus 3. Problematis satis declarata à superuacaneo labore me coërceret, qui enim operandi in superioribus declaratam methodū benè perceperit, haud difficulter illam omnibus alijs descriptionibus eum applicare posse confidimus; Quare ad alia procedamus.




PROBLEMA V.

*Instrumentum Magneticum rotatile, iter locum
& distantias absque gestantis ope notans,
& determinans.*


Hoc loco præterire nequeo instrumentum illud Magneticum, quod Imperatori Rodolpho II. oblatum fuisse refert Anselmus Boetius de Boodt in sua de gemmarum & lapidum historia. Eo enim vel iter faciens Geographus, vel Ciuitatem, aut locum circumiens, instrumentum apud se habebat, quod iter locū & distātiās in chartā absque operatione gestantis notabat, idq. duplicis generis fuisse perhibetur. Primum ita describit. Fiebat notatio, siue designatio rerum ab acu Magnetica, quæ supra caput, quod insidet cuspidi, tridentem habebat, cuius tres dentes lineæ Meridianæ respondebāt, id est longitudini acus: dens Septentrionalis plus distat à medio dente, quam Australis, id ideo, ut cum cuspis acum excipiens sursum pellitur in chartam (ferè tridentem attingentem) sciatur, quæ pars borealis sit, quæ Austrina: charta digiti ferè est longitudine, ut dixi, ac tridentem magneti affixum, ferè attingit. Deindè post singulos tactus supra rotulam charta in tantum voluitur, ut sequentem tactum integra sui parte excipere possit. Nam & chartula ipsa supra rotulam conuoluta est, à qua deuoluitur, ut acus ictus, & notas excipiat. Ferit tridens non antequam 100. passus fecerit homo; Instrumentum Zonæ alligatur, ac coclearis maioris formam cum manubrio imitatur, nisi quod non concuum, sed planum sit. Circa manubrium quod inferior illius pars, prominet lamina cum annulo, cui funis vna pars alligatur. Nam altera sub genu hominis vincitur, ut dum it, & passum progressus est, trahatur lamina & rota quadam, quæ centum habet dētes moueatur, qua circumacta sursum trahitur acus, & chartā ferit tridens, eamq. tribus foraminibus perforat; Acus Magnetica tridentata in superiori parte instrumenti, & quæ à manubrio longissimè distat, consistit. Rota quæ absolutis centum passibus circumuol-

uitur, circumspici per foramen satis amplum exterius potest; illa consistit in manubrio instrumenti clauum habentis in plana sua superficie, & pennam quæ dentibus opponitur, ne dum mota est rota, iterum retrocedat. Clauus affigitur rotæ, vt dum rota circumuoluta est, eleuet lamellam quandam æream, habentem in superiori extremitate filum æreum, quod pellit magneticam acum in chartam. Cuspis autem, cui magnetica acus incumbit æreo semicirculo innititur. Instrumentum quod supra manubrium est 3. rotas in se habet, minor 48 habet dentes, alia 30, & tertia etiam 30, quæ absoluitur passibus 3000. hoc est leuca. Secunda rota absolutis 3 leucis, & prima, seu minima absolutis 12 leucis semel circumuoluitur. Nec vltius amplius quicquam notare potest, nisi noua aptetur chartula, &



dine mappæ futuræ; deinde chartula mappæ (in qua partem Boream prius signasti, ita accomodatur) vt foramina 3. in lineam Meridionalem incidant, hoc est altera pars, & latior Boream, altera Austrum ostendat; hoc facto protrahe lineam, quæ à foramine ad limbum chartulæ ducitur, extra limbum supra chartam ad mensuram 100. passuum; deinde ad finem horum passuum sequentia 3. foramina iterum supra lineam Meridionalem ita constitue, vt linea quæ ad limbum ducitur finem lineæ antè descriptæ in mappa attingat, tum lineam limbi protrahe ad 100. passuum mensuram. Id opus continuabis donec omnia puncta chartulæ in mappam transfuleris. Translata anfractus omnes itineris ostendent, vt sequitur.

Explicatio Instrumenti.



A Cus Magnetica o b, tridens c: charta circūplicata ST. Rota D 100. passuum circūuolut. X Y V Rotæ milliarium. H funis femori alligandus: Clauus E: lamina F filum premēs acum tridentatam G: manubrium I K.

Hoc Instrumentum vti ingeniosum, ita admodum difficilè factu est, cuius vsum hic libenter in gratiam curiosi Lectoris ex integro declarasse, verum cum

is praxeos fusissimam requirat descriptionem, eum in aliam

forſan occaſionem reſeruauimus. Vidi ego ſimile quid apud Ioannem Suicardum S. R. Imperij Electorem, atque Archiepiſcopum Maguntinum; vt & apud Leuinũ Hulſium in Theatro Inſtrumentorum; ſed ad hoc Inſtrumentum non accedũt. clarius interim hæc deſcribi non poſſunt, induſtrius artiſex meam mentem ex hac Ichnographia facilè intelliget. Meminit & ſupra citatus Author alterius Inſtrumẽti elegantioris, & commodioris ab Imperatore Rodulpho II. inuenti; quod nulla translatione indiget, quia mappam ipſam in plano chartaceo aſpiciente eo qui iter facit, deſcribit. In ſuperiori enim ſui parte vitrum eſt, ſub quo tota mappa ſuis punctis notatur, quæ non ab acu Magnetica perforatur. Sed ab orbiculo ſub charta latitante, quam cum alio illi adiuncto agit in hanc vel illam partem magnes; ſubtile ſanè inuentum; cuius uſum ſi ex integro deſcribere vellem, vererer, ne alio libro augmentaretur hoc opus. Cum itaque hæc inſtrumenta difficultatem maximam in accurata conſtructione ſua habeant, magniſq. erroribus plerumque obnoxia ſint, nec vniuſcuſque ſit illa perficere; eorum loco aliud Inſtrumentum Magneticũ Ichnographicum in gratiam curioſi Lectoris ſufficiam; cuius in omni geometrico negotio præſtantia, vtilitas inſignis, cum mirabili compendio, nullis verbis ſatis deſcribi poteſt. Occaſionem autem inuentionis huius inſtrumenti mihi primus dedit Ioannes Reinardus Ziglerus Societatis noſtræ vir cũ omni eruditionis genere, raraque rerum experientia, tũ varijs Legationibus ad Chriſtiani orbis Principes cõprimis celebris; quod ego poſtmodum varijs occaſionibus ad perfectionem deduxi, cuius & deſcriptionem ſæpè à diuerſis iam dudum publici iuris tot præſertim inſtantium importunis precibus ſollicitatus feciſſem, niſi ſtudioſum ſeueriorum tractatio ab huiusmodi operis executione me impediret: Nunc verò cum de Geometria Magnetica tractemus, idque magnetis uſu omnes ferè operationes ſuas perficiat; eius fabricam uſumq.

Catholicum 12. Problematis quantum fieri poterit,
breuiter, ne in immenſum creſcat
opus, deſcribendum
duxi.


CAPVT III.

De Instrumento, Pantometro, Ichnographico
Magnetico.

PROBLEMA I.


Instrumenti Fabrica, & partes.

DICIMVS Instrumentum παντόμετρον, eò quod omnia metiatur, Ichnographicum, quia eius vsus in Ichnographijs maximè elucet: Magneticum, quia in eius vsu magnes, seu versorium Magneticum principalem locū obtinet, ita autem construitur. Fiat ex ligno solidissimo, vt Buxo, Ebena, Pruno, aut optimè ex Aurichalco vestitum quadratum ABCD, cuius latus vnus pedis Geometrici, crassitie sit medij digiti, duobus alijs FG, HI veluti brachijs quibusdam decussatim in centro coeuntibus, quibus tota instrumenti moles sustentetur compaginatū; quorum centro foramen sit; vt eo orbis superimponendi axis veluti polo circumagi possit; habebisque primam instrumenti partem peractam. Secundo fiat orbis eiusdem cum quadrato crassitie, KLMN; qui aliquo vsquè excavatus sit ad circulū OPQR, vt cavitati charta pro delineationibus rerum imponi possit; fiat iterum alius orbis OPQR eius crassitie, vt impositus cavitati orbiculari OPQR superficiem reliqui instrumenti, præcisè adæquet; in quo quadratum OPQR excindatur, cuius vsus in delineationibus re-




rum

rum maximus est, vt postea patebit, porro in orbis limbo lar-



giori loco N excauetur
spacium, quantū acui Ma-
gneticæ imponendæ suffi-
ciet; habebisque alteram
instrumenti partem perfe-
ctam; seruietque charta
cauitati orbiculari OPQR
imposita, potissimū astro-
nomicis rebus, resolutio-
nibus triangulorum sphæ-
ricorum, transmutationi-
bus figurarum, vt postea
in praxi fusè cognoscetur;


Ichnographijs vero seruiet orbis ROPQ; vnà cum suo per-
forato quadrato, in quo chartam quadro adaptatam impones.
Hic igitur orbis in centro suo à tergore axem habeat extan-
tem, quam foramini E centro quadrati ABCD procedentis,
ita inferes, vt quadratum ABCD circa eum pro Geometræ
arbitrio circumuolui possit; fiat autem orbis KLMN eius
magnitudinis, quæ diametro suo latera quadrati ABCD intrin-
seca præcisè adæquet (consistit enim in hoc totius instrumēti



perfectio) atq; hoc situ
ita firmetur, vt super-
ficiē KLMN amplius
excedere non possit.
Tertio in latere DB
quadrati ABCD excau-
uetur canalis RS, vt in
Veo regula siue cursor
TV, cum brachio suo
XY pro vsurpantis ar-
bitrio huc illucque
moueri possit, qui qui-
dem cursor adeo exa-
ctè dicto canali inseri
debet, vt cum lateri-
bus

bus quadrati AB, & CD, semper sit paralellus, siue quod idem, vt lateribus AC, BD semper normaliter, siue ὀρθογώνως insi-
stat: in hoc enim, vti & in præcedente, si peccatum esset; in-
strumentum fallax omninò redderetur, & exiguæ perfectio-
nis. Cursorem TV ex ære, aut ebena similiuè materia dura,
solida & subtili facies, cui alium cursorem XY, quem nos bra-
chium cursoris appellamus, indes, vt qua perfectione cursor
TV in suo canali, hic intra TV, moueatur, ei præcisè πρὸς

τὴν ὀρθὴν insistent. Cursorem TV
in 2000. aut 200. partes, quo mi-
nutiore diuisione, tanto meliore,
portionis brachiū XY (cuius lon-
gitudō mediam cursoris longitu-
dinē equat) siue in 1000. aut 100.
partes, partibus cursoris æquales
quoquē diuides; habebisq. & cur-
sorem perfectum: lateri AB de-
nique loco Y regulam cum dio-
ptris, atq; semicirculo adaptabis,
quā trochlea ita firmabis, vt eam



eleuando, aut deprimendo pro
libitu firmare possis; habebisque
instrumentum totum perfectum
cuius figuram hic annectimus.


Pedem instrumenti ita fabricaberis; ex ligno solido, fiat
forceps AB, quæ fissuram habeat, vt trochleis SA, à latere
de-

deduci, aut cōstringi possint, AD vero in C vnitis brachijs in prisma triplēurū desinat; cuius vnicuiq. lateri pedē trochleis ita accommodabis, vt instrumentum in quamlibet, pro pedum diuicatorum situ, positionem constitui possit. Forficis autem cavitati globum ligneum indes, qui & superius foramen habeat capax axis siue capuli è centro instrumenti prominentis; globus autem cum instrumento in eo firmato, in omnem partem motus, trochleis SA è latere appositis firmari poterit. Sed fabrica pedis, vti & instrumenti meliùs in supra posita figura comparebunt.

PROBLEMA II.

Latitudinem rerum metiri.


SIt fossa XY cuius latitudo sit inquirenda, ita hoc instrumento Pantometro operaberis; in plano OP chorda aliqua in centum pedes diuisa, vel catenula centumpedali, aliaq; mensura inter primam stationem O, & secundam P 100. v.g.



pedes intercipientes. Situatoq; instrumento magneticè Gyra-
dioptra quadrati AB ex loco O in locum P, alteram videli-
cet stationem; ita vt orbis cū quadrato suo semper sit immo-
bilis

bilis loco iuxta acum magneticam directus, vnde eum diligenter firmabis. Quo facto transfer ex scala pedum cursoris, 100. proportionatos pedes in lineam, quam iuxta situm dioptri, opè cursoris (qui dioptrorum lateri semper parallelus est) in quadrata charta duxisti, sitq; v.g. linea *d.e.* referetque linea *d* primam, *e*. secundam stationem. Quo facto immoto circulo gyra quadrum cum dioptris versus signum X, cursoreque supra punctum *d* primæ stationis in charta quadrata notatum admoto, ex hoc puncto linea trahatur infinita, quæ necessariò per X transibit. Hac tracta, conferes te cum instrumento in secundam stationem P, eoque denuò magneticè situato, idest, vt instrumenti orbis eundem prorsus situm, quem priori in statione habuerat, habeat; quo facto, gyrate quadrato cum dioptris in signum X applicatoque cursore supra punctum *e*, secundæ stationis in charta quadrata descriptum, ex puncto *e* iuxta cursoris situm aliam trahes lineam infinitam, quæ interfecans priorem lineam *dc*, triangulum *dce*, triangulo maiori OXP prorsus simile, æquiangulum, & proportionatum in charta causabitur, cuius basis cum iam per certam mensuram nota fuerit, verbi gratia, centum pedum omnia reliqua latera nota erunt; si itaque distantias *dc*, aut *ec*, aut *ed* circino interceptas scalæ cursoris applicueris, exhibebunt tibi numeri scalæ circino intercepti distantias longitudinis dictarum linearum quæsitæ, potissimum autem latitudinis lineam *dc*, quam quærere proposueramus: ergo fossæ latitudinē inuenimus ope instrumenti pantometri, quod erat faciendum; demonstrationem huius rei cum facillima sit, vel ipsis tyronibus Geometriæ trita, non addo; sufficit, subsidio cursoris, cui dioptrorum regula semper parallela est, in charta quadrata, semper effigiare triângulum quoddam prorsus cõsimile & proportionatum maiori triângulo, quod radij visuales in rem mensurandam directi in aëre efformant imaginarium; vnde notolaterè vno, ex alterutro triangulo, reliqua latera cum proportionata sint, ignota esse nequeunt. Nota præterea. Ex motu quadrati circa immotum orbem magneticè semper situatum, omnem figurarum proportionem emanare. Cum enim regula dioptralis cursori, qui latus oppositum quadrati quasi mobile

bile refert, semper sit parallela, necessario fit; vt motum vtriusque æqualitas consequatur angulorum, iuxta 29. lib. 1. Euclid. à qua propositione totius instrumenti huius ratio dependet; moueatur enim v.g. regula dioptralis iuxta lineam AB directam ex A versus C; ergo cursoris linea DE lineæ AB parallela in



priori situ, modo iuxta lineam GF directam parallelum similiter situm habebit ad AC. Sed & linea AC, cum à linea AB remota sit ad 30. gradus; remouebitur, & GF, à DE similiter xxx. gradus; ergo iuxta citat. Euclid. proposit. angulus CAB, & FDE erunt

æquales, sed & angulus in quadrata charta orbis iuxta cursoris situm causatus, angulis AD erit æqualis, ergo omnes trianguli proportionaliter delineati anguli erunt æquales angulis triangulorum CAB, & GEF: vno igitur eorum latere noto, omnia reliqua nota erunt. Atque hæc fusius ideò hoc loco declarare volui, vt Lector curiosus rationem instrumenti nostri prima statim operatione cognosceret, hac enim cognita, nulla eū amplius difficultas in Geodætica operatione remorari poterit. Diligenter igitur prius sese in hac prima operatione exerceat, antequam ad sequentia mensuranda se accingat; dici enim vix potest, quam variam rerum, cum incredibili mentis oblectatione, inuentionem hoc instrumentum suppeditet; sed & hæc ex sequentibus notiora fient.

PROBLEMA III.

Altitudines rerum inuestigare.

CUm in latitudinibus metiēdis magnes tātū subseruiat iā videamus, quomodo altitudines, & profunditates rerū absq. magnetis ope Instrumēto nostro explorare valeamus. In FH Turris altitudine inquirenda instrumenti planum, quod in priori Probl. ad planum Horizontale accōmodaras: modò ad verticalis circuli planum accommodetur. Dioptris igitur

in radicem rei mēsurandæ directis, nota mensura spaciū AH exploretur, quod 50. pedum inuentum, ex scala cursoris in lineā chartæ quadratę iuxta situm cursoris factam transferatur, quo factō gyra quadratū cum dioptris

versus rei mēsurandæ fastigium, & iuxta cursoris situm ex primo puncto lineæ stationis lineam trahē infinitam, ad quam ex altero extremo scilicet H puncto perpendicularis ducta, in partibus scalę cursoris dabit altitudinem quęsitam. Est enim triangulum in charta quadrata cursoris ope delineatū visuali triangulo maiori, HAF ob parallelarum incidentiam, prorsus simile & proportionatum, cognita igitur base per notā mēsuram, cathetus & hypthenusā mox in scalę partibus innotescēt; ergo altitudinem turris GF mēsi sumus, cui tamen staturam tuam AK, vel AE addere non obmittes.

Confectarium I.

QUod si spaciū KG domibus, aut arboribus fuerit impeditum, duplici statione in K & E facta, non secus ac in priori Problemate latitudinē inuenisti hīc altitudinem GF inuenies. Triangulum enim in charta quadrata, quod ē duabus stationibus K & E formatum fuit, prorsus simile erit triangulo

tis, lineam duxeris perpendicularem: indicabit illa tibi in partibus scalæ profunditatem putei.

A



C D B

Ex hoc Problemate vti & ex Consecratio I. Probl. 2. sequitur, qua ratione montis alicuius quantitatem inuestigare possis dicti instrumenti ope, vel vna, vel duplici statione: sit mons ABC conicus inuestigetur certa mensura latus decliue AB, quod & iuxta lineam visuale, in charta quadrata instrumenti delineetur; quo facto si ad lineam


Horizontalem BC ductam ex A perpendicularem duxeris, dabit tibi AD in partibus scalæ altitudinem siue conici montis axim, BD vero semidiametrum basis in iisdem partibus scalæ notam; & consequenter iuxta ea quæ Archimedis lib. de Cono, & Cylindro demonstravit, totius soliditatis montanæ mensuram. Multa alia industrius Geodæta ex huiusmodi colligere poterit; quæ breuitatis causa silentio præterimus, per duplicem autem stationem dicta explorabis eam rationem, qua in Consecratio I. Probl. 2. dictum est.

PROBLEMA V.

Chorographicas descriptiones Instrumenti Magnetica situatione perficere.

Si Regionis situs, vt in schemate apparet, delineandus ita, vt omnia loca suam proportionatam distantiam habeant; seliges tibi duas stationes ex quibus totius regionis circuitus conspici possit, sintque stationes ST duo montes, aut Turres, aut similia loca editiora. Magneticè itaque situato Instrumento, gyrataq. dioptrali regula versus T alteram stationem, iuxta cursoris situm lineam duc in charta quadrata, sitque linea determinata duobus extremis punctis ST. His peractis gyra regulam per singula loca ABCV, & totidem iuxta situm cursoris ex puncto S veluti primæ stationis puncto, lineas infinitas protrahe, quas lineas hic lineæ SA SB SV SC referunt. Hisce peractis, translatus instrumentum ad alteram stationem T iuxta

iuxta prioris stationis situm magneticè constitues. Deinde gy-



ra regulam dio-
ptralem per sin-
gula memorata
loca ABVC, &
totidem iuxta
sitū cursoris ex
T secundæ sta-
tionis puncto, li-
neas in quadra-
ta charta duces;
sintq; lineæ TA
TB TV TC; cō-
cursus enim sin-
gularum duarū

linearum in eundem locū tendentium dabūt veram, & genui-
nam loci positionem, quemadmodū supra quoque in magne-
tici instrumenti praxi ostendimus. Scalam autem miliarium,
aut stadiorum ita perficies, iuxta Probl. I. quorumlibet duo-
rum locorum distantiam in pedibus, aut passibus prius explo-
ratam habeas; sit autem v.g. distantia ST inuenta 1000. pas-
sum; ergo spacium ST milliare, in scala seorsim multiplicar-
tum, scalā milliariū datæ Regionis dabit, quod erat faciendū.

Confectarium I.

HOc artificio agrorum quorumlibet, aut lacuū, similiumq.
planitierum (ad quarum angulos visus penetrare possit)
figuras, cum omni angulorum laterumq; proportionē, deli-
neabis, quarum superficierū in triangularectangula resolutarū
mensuram postmodum in passus quadratos, perticas, iugera,
stadia, miliaria, arithmetico artificio redactam, facili nego-
cio consequeris. Ego certè, qui anno integro in vastissimarū
Germaniæ prouinciarū Ichnographica dimensione Principis
Io: Suicardi bon: mem: S. R. I. Electoris, ac Archiepiscopi Mo-
guntini iussu peracta, hoc instrumento olim vsus sum; nul-
lum vnquam aliud Geometricum instrumentum, siuè certitu-
di-

Confectarium II.

PROBLEM XVI.

Instrumē
tum no-
strū Ichno-
graphicū ap-
pelare visū
est, eo quod
in hoc dimē-
sionis gene-
re vsus eius
maxime mi-
rabilis, incū-
dus, certus,
& promptus
elucescat.
Sit igitur syl-
ua quępiam
cuius

cuius limites singuli literis suis notati sint, delineāda; primò in promptu habeas oportet multas chartas quadratas in separata quadam capsula; vt vni lineis refertæ aliam substitutam, cavitati quadrate circuli OPRN inferas; sint autem huiusmodi chartæ ita sectæ, vt quadratum cōcauum præcisè expleant.



Secundò has omnes quadratas chartulas signabis in aliquo latere hoc signo Φ , quod 4 plagarum mundi ostendit situm; cui subiunges numerum folij (hoc modo n. 1. 2. 3. 4. & sic in omnibus alijs folijs) figurā signati folij hic apponimus. Has chartas instrumenti concauo quadrato ita inferes, vt latus, cui acus magnetica inscripta est, semper in Septentrionalem plagam, quam magnes limbo orbis inclusus ostendit, vergat. His igitur ita ritè constitutis.


Primò. Applicato instrumento ad A primum syluæ limitem, orbeque cum charta quadrata magneticè ad Boream versa, signataq. numero primo, respice per dioptralem regulam ex A in angulos P & B, atque secundū longitudines AB & AO (quarum vtramque prius certa mensura, volo dicere, chorda quadam in centum pedes diuisa exploratam habere, prout numeros singulis lineis adscriptos referre vides) in charta quadrata iuxta cursoris situm, trahe lineas, quarum prima AB 50 partiū lōga sit, altera 46: habebisq. primam operationem peractā.

Secundò Instrumentū firmatū translātūq. in limitē B iuxta prioris stationis positionē magneticè situa, ita vt cursor in eodē plano cum linea AB sit; quo facto, si punctum C, atque vtriusque lineæ BC & CD quantitatem sine accessu habere velis, diriges dioptra in limitem D, atque illud spacium BD certa mēsurā notum videlicet 60 pedum ex scala cursoris trāsferes ex puncto extremo lineæ AB in charta quadrata ductæ, in lineam BD iuxta situm cursoris in eadem charta ductam, transferes, deinde directo dioptro in C duc lineam indeterminatā, & firmato trās latoq. instrumento in D, situatoq. vt prius magneticè, per dioptra respice in C limitem, & ducta in charta linea vbi priorem lineā BC secuerit, ibi limitis secūdi locus esse iudicabitur; deinde gyrato dioptro respice in E, mēsuratūq. spacium

tium 59 pedum; è scala cursoris in lineam chartæ iuxta cursoris situm tractam transfer, eritque terminus huius lineæ E, limes. Porro translato atque magneticè situato instrumento in E, dirige vltcrius dioptra ex E in G; si duas lineas per compendium explorare velis, operare vt in limitibus BCD inueniendis operatus es, prouenientq: cum lateribus EF, & FG limitū quoque FG loca; Quod si è stationibus FG limites KIH, & alia loca cōspici possint, operaberis eadem prorsus ratione, qua in præcedenti Problemate, in situ locorū regionis explorando, operati sumus, ducēdo videlicet lineas ex vtroque stationis puncto FG ad singula loca limitum K I H; concursus enim linearum ad singulos limites ductarum exhibebit situm limitum genuinum, sed hæc omnia clarissimè in schemate proponuntur. Quod si verò nullus limes cōspiciatur, singuli seorsim delineandi sunt. Iterum hoc compendio ex K, & I limitibus notis reliquos LM quoq. inuenies, ex LM, verò PONM consequentes limites, donec totum ambitum syluæ compleueris, describes. Ambitu igitur completo, videbis in chartulis totius syluæ situm, cum angulis, limitibus, cæterisque anfractibus ea prorsus ratione, qua hic exhibemus.

N O T A E.

Primò nota hoc loco xi chartis quadratis totam Ichno-



graphiam præsentem peractam, in primo folio videlicet n. 1. linea, pedū 44. solū designata spectatur, reliquū ad 50, videlicet sex pedibus inuariato cursore, & immobili in sequens folium iuxta lineam traductis, quod folium secundum toto tracto CD constat; linea D, E partim folio secundo, partim tertio inscripto. Quotiescunque igitur integra linea folium quodpiam non ingreditur, vt v.g. in folio num. 1. linea

AC 50 pedum: tunc circino intercepta BA parte lineæ AC

in scala cursoris, inuentæ v. g. 44. pedes lineæ AB, quæ tot partium esse, censetur, ascribes; sex verò reliquum ad 50. numerum, exempto folio primo, folio 2. inscribes, v. g. BC; & sic consequenter in reliquis operaberis, ita completa Ichnographia expones omnes chartulas suis lineis inscriptas in mensa aliqua, iuxta numerorum ordinem, ita vt folium signatum num. 1. primum locum, obtineat, cui folium nu. 2. ita adnectes, vt linea AB, & BC in vnam rectam coincidant; folium autem tertium, secundo ita adaptetur, vt DE lineam rectam, cum DI faciat, & sic folia folijs, secundum numerorum ordinem & lineas lineis adnectendo opereris, donec totum ambitum compleueris, quo facto hæc præsens figura in folijs dispositis præcedenti per omnia similis, & proportionata spectabitur; hoc semper obseruando, vt foliorum latus signatum acu magnetica Φ , semper in omnibus eandem plagam respiciat, videlicet plagam Septentrionalem, vt in exemplo patet. Quam & acicula in supposita postmodum, & preparata in hunc finem mappa secundum omnes angulos, & anfractus delineabis, quæ omnia vsus, & exercitatio melius docebunt.

PROBLEMA VII.

Ichnographiam Vrbis alicuius Magnetica Instrumenti situatione perficere.



SIt vrbs Ichnographicè cum omnibus, & singulis suis plateis, & viculis, delineanda. Ad primam portam A magneticè situato instrumento respice per dioptra totam vrbs longitudinem

AHFK totumque hoc spatium certa aliqua mensura notum, ea arte, & industria iuxta situm cursoris in chartam quadratam in-

inferes, vt primò spacium AH, vbi alterius plateæ caput est notum, ex suppositione (debet enim mensor totam longitudinem ita metiri, vt singularum linearum AH, AN, NP, PO, OD, &c. plateas discriminantium quantitatem, seorsim diligenter annotet) è scala cursoris proportionaliter in dictam chartam transferatur. Deindè latitudo plateæ AN, iam vt dictum est notificata, postmodum HP similiter explorata, inscribenda assumatur; & sic de reliquis lineis inter varia platearum discrimina comprehensis chartæ inscribendis operabere. Deindè translato instrumento ad singula platearum capita eoque situato eadem prorsus ratione operaberis, qua in angulis & lateribus sylux inueniendis operatus es; (etsi in hoc plus difficultatis Ichnographia vrbium habeat, quod præter vnum vix alij termini conspici possint, vnde singula platearum latera primo certa mensura cognita sint oportet, secundo singula platearum capita instrumento adeunda, vt anguli lineæq; earum chartæ ritè inserantur.) Hac ratione ex N puncto intellet tota platea NPO; ex K platea KFHA delineabitur. Urbem igitur Ichnographicè descripsimus.

PROBLEMA VIII.

*Ichnographiam subterraneorum locorum
perficere.*



IN cuniculis subterraneis tempore obfidionis dimetiēdis, vt & in alijs locis veluti Cemeterijs Romanis egregium omninò, hoc instrumentum vsum habet, atq; praxis quidē, & operatio à præcedentibus non differt;

Applicatio tantum instrumenti parum diuersa est. In Ichnographia campestri expedienda instrumentum suo imponitur

sustentaculo: in locis angustis sustentaculo non indiget; præterea in Ichnographia regionum ceterorumque locorum expedienda, quadratum instrumenti, immoto medio orbe, cum dioptrali linea in terminos explorandos circumgyratur; In subterraneis contra, immoto quadrato ablataque alhidada siue linea fiduciæ, orbis cum imposita sibi quadrata charta ad delineationem perficiendam gyratur, ea qua sequitur ratione: sint subterranei cuniculi IB, AB, IH, *ἡχογραφήσις* delineandi; primo singulorum laterum IH, HC, CF, AB, BI, mensuram cognitam habeas oportet. Ingressus igitur os cuniculi I muro, seu parieti IH, ita applicabis instrumentum, ut cursor & latus lineæ fiduciæ sint ad dictum parietem in situ parallelo, quod si murus asper & Inæqualis esset, supra amissim muro applicatam instrumentum applicandum foret; hoc igitur præmissis, atque instrumento inter te, & murum dicto situ sustentato, gyrabis intermedium orbem, eo usque, donec acus magnetica rectà Boream respiciat, quo facto iuxta cursoris situm facies lineam lineæ IH certa iam mensura exploratæ in charta quadrata proportionalem; Deinde applica instrumentum supra murum HC interioris cuniculi eo prorsus quadrati situ (qui nunquam mutari debet) quo in prima operatione fuit; gyra orbem donec acus denuò perfectè Boream, ut prius respiciat; quo peracto lineæ IH annexes lineam HC certà mensura notam. Iterum applicato instrumento dicto situ parieti cuniculi FC, & magneticè situato orbe, connecte lineæ HC lineam FC prævia dimensioe notam; & sic in omnibus cuniculorum lateribus explorandis describendisque procedes, donec totum opus mandatum expedieris; Nota tamen hoc loco totā Ichnographiam pluribus chartis esse perficiendam, & eadem prorsus methodo, quam in Problemate 5. docuimus, procedendum esse; quod & de præcedentis Problematis Ichnographica urbis descriptione, intelligas velim, qui enim vnum ex datis Problematis perfectè intellexerit, reliqua ignorare non poterit.

P R O B L E M A IX.

Ichnographiam omnium partium interiorum domus alicuius, aut Ecclesiæ perficere.

Modus operandi atque applicatio instrumenti, prorsus eadem erit, quæ in præcedenti Problemate, unde qui præcedentem operationem benè intellexerit, nullam quoque in hac Ichnographia difficultatem experietur. Primo enim applicabis instrumentū inter te, & murum ad eum sitū, ut cursor, & regulæ dioptralis (quam in hac Ichnographia auferes) latus, semper situm obtineant parallelum. Secundo orbem Magneticè vnà cum charta quadrata situabis. Tertiò iuxta cursoris situm lineam duces, quæ lineæ certà mensura exploratæ in scala cursoris respondeat; hoc peracto, aliud latus muri petes, atque instrumentum dicto situ ei applicabis, situatoque magneticè, ut prius orbe, lineam iuxta cursoris situm duces lineæ parietis, cuius mensura constat, proportionatam. Cætera pari ratione perficies. Quartò peracta Ichnographia singulas chartas eximes, & supra tabulam aut mappā siue chartam huic Ichnographiæ deputatam eo ordine quo in Problemate 5. fieri debere docuimus, dispones; atque iuxta ambitus, linearum, angulorumque in dispositis chartis notatorum ordinem, & situm, acicula inferiore suppositam chartam punctuabis; punctaque lineis rectis terminabis; donec totum opus cōpleueris. Ichnographiā igitur fecimus quod erat, &c.

P R O B L E M A X.

De munitionum siue fortalitiarum Ichnographica delineatione.

Inter ceteros ingentes, vsus quos hoc instrumentum habet, non infimus sanè censeretur is, quem in munitionibus siue Ichnographica fortalitiarum delineatione obtinet, quo & magni quidam Capitanei hisce belli temporibus vsi


adeò commodum reppererunt, vt id satis laudare non possint. ne verò rationem huius instrumēti imperfectè tradā, subiiciam hic primò Tabulam munitionum regularium, à quadrato ad dodecagonum vsque, angulorum, & laterū amplitudines continentem, cuius ope primò quamlibet munitionem datam in charta delineabis, vt deindè subsidio munitionis in charta delineatæ, ac instrumenti cavitati impositæ, aliam in campo dato delineare possis. Ita autem operaberis.

Tabella munitionum regularium à quadrato ad dodecagonum vsque laterum amplitudines continens.

Latera figurarum	IV	V	VI	VII	VIII	IX	X	XI	XII
Radius circuli AB	353	459	648	746	846	947	1048	1151	1400
Latus polygoni IB	500	540	648	648	648	648	648	648	720
Lineæ colli IK	100	120	144	144	144	144	144	144	160
Linea cortinæ KH	300	300	360	360	360	360	360	360	400
Linea alæ FK	80	90	108	108	108	108	108	108	120
Linea capitalis IG	207	209	234	225	219	224	224	231	259
Facies propugna: GF	256	255	279	260	247	244	242	239	261
Linea defensionis GH	566	546	594	555	529	499	479	463	501

Diuisa linea quadam in 100. aut mille æquales partes, quæ instar scalæ seruiat; Ex Tabula laterum columna secunda pentagonali (si quidem pentagonum fortalitium extruere desideres) ex scala circino intercipe 459. partes pro radio siue semidiametro circuli: atque hoc interuallo describes in charta quadrata circulum. Secundò in eadem scala pro latere pentagoni, ex dicta columna circino interceptas 540. partes transferes in circumferentiam ducti circuli, habebisque pentagonū formatum. Tertiò ex columna Tabulæ pentagonali pro linea colli, 120. partes circino in scala interceptas ex I in lineas IB, IS, latera polygoni vtrinque transferes, habebisque lineas colli IK, & IN, propugnaculi, Italis, *recinto*, dictas. Quartò alas siue

siue lineas alarum fortalitij habebis, si ex Tabulæ columna pentagonali 90. partes interceptas, in lineas ex punctis K & N terminis linearum colli perpendiculariter erectas transfuleris.



Quintò capitalem lineam habebis, si 209. partes ex scala in lineam radij pentagoni producti ex I puncto transfuleris versus G. si terminos FL alarum LN, & FK cum hoc puncto G re-
ctis coniunxeris, habebis duas facies propugnaculi FG, & GL
quæ productæ vtrique in H, & M dabunt lineas defensionis;
quarum singularum quantitates tibi Tabula suppeditabit, ha-
bebisque vnum propugnaculum constructum iuxta leges, &
proportiones in poliorceticis obseruari solitas; Non secus ex
reliquis pentagoni angulis reliqua propugnacula delineabis,
vno enim delineato nullo negotio reliqua delineabuntur, cū vna
& eadem sit omnium proportio, eadem mensura, & quantitas;
Porro pro hexagonis delineandis seruiet tibi columna I I I. pro
heptagono 4. & sic ceteræ columnæ ijs munitionibus confe-
rent, cuius polygonismum in fronte portauerint. Quid autem
sit radius circuli, latus polygoni, linea colli, Ala, Cortina, in-
figura

figura adiuncta literæ singulis lineis ascriptæ te docebunt; quas & nominibus Tabulæ polygonorum adnexuimus, singula enim hic definire, cum penè vulgaria sint, superuacaneum videbatur.

Ichnographia itaque fortalitij dicta ratione delineata, ac charta quadrata instrumenti nostri cavitati imposita, accede locum, seu campum, in quo fortalitium pentagonum extrui dabitur, positoque instrumento in puncto I Angulo videlicet pentagoni, ac magneticè eo situato, promoue cursorem supra IB lineam pentagoni in charta descripti, & iuxta hunc situm per dioptra respice in B positis baculis, seu arundinibus in eandem lineam per totum intervallum dispositis, vt dimensio fiat exactior, totumque spacium IB, latus pentagoni iuxta lineam visualement certa mensura metire, quod iuxta Tabulam debet esse 540. pedum, in fine signo posito. Hoc peracto instrumento manente immobili promoue cursorem parallelum supralatus IN in charta descriptum, per dioptra respice per N in SI iuxta quam lineam visualement metieris totam lineam IS 540. pedum, in fine relicto signo; Hoc etiam transacto transferes instrumentum ex I in B eoque magneticè, vt in prima statione, situato, ac posito cursore supra lineam BO, ex B per dioptra respice in O, & mensurato iuxta hanc lineam spatio 540. pedum; deindè translato instrumento ex B in O, ac magneticè eo situato, cursoreque posito supra lineam OP pentagoni in charta descripti, respice per dioptra ex O in P, iuxta hanc lineam visualement spacium 540. pedum metire, habebisque pentagonum fortalitij futuri delineatum. Propugnacula ita delineabis: Reseca ex singulis lateribus pentagoni vtrinque per mensuram aliquam notam spatium 120. pedum, habebisque colla propugnaculi, NI, & IK, HB, & BV, &c. hoc peracto, posito instrumento in I, eoque magneticè situato, promouebis cursorem supra capitalem lineam IG in charta descriptam, & iuxta eum situm per dioptra determinatam lineam IG mensurabis in pedibus 209. in fine signo posito, deindè translato instrumento ex I in G promoue cursorem supra lineas seu facies propugnaculi FG, GL, & iuxta hunc situm per dioptra determinatas lineas FG, & GL mensurabis in pedibus 255. habebisque facies


facies propugnaculū determinatas. Terminum verò harum facierum FL, & terminos collī NK si recta coniunxeris, habebis alas fortalitij KF, & LN, quæsitās. Non secus alias ceterorum propugnaculorum partes in campo dato instrumenti nostri ope delineabis; ergo fortalitium pentagonum delineauimus, quod erat faciendum: sic ope instrumenti huius quoduis fortalitium siue ordinatum, siue inordinatum, & cuiuscunque figuræ facillimo negotio describes. Posita itaque Ichnographia non erit difficilè latitudines singularum partium munitionis determinare, vt sunt Vallum, Thorax, Scabellum, Lorica; In quadrato & pentagono vallum 14. pedum altitudine surgit, 16. in hexagono, & heptagono. Reclinatio verò (quam scarpam vulgò vocant, aut contrascarpam) à latitudine basis dependet, interior quandoque altitudinem duplo excedit, exterior ad altitudinem se habente in proportionē sesquialtera, verticalis altitudo valli plerumq; & ad minimū 30. pedum sit, 60 non excedat, quibus & basis thoracis comprehendetur, cui thorax superstruitur, altitudine interiori 6: exteriori 4 pedum; latitudine ad verticem 5, 9, vel 12. pedū reclinabit, introrsum pedem 1, extrorsum 3. Basis itaque latitudo 8. 12. aut 15 pedū constituetur; cui scabellū altū 1, pedem, latū 12 pedes adijcitur: verum, cū hac de re Tabulæ computatę singularum partium quantitates cōtinentes, vti, & de parmularū & operum cornicularium constructione in omnibus passim libris reperiantur; de ijs hīc fusiū tractare superuacaneum esse ratus sum. Interim vsum huius instrumenti nostri in fortalitiiorum Ichnographia delineanda demonstrasse sufficiat, qui vnicus noster scopus erat.

PROBLEMA XI.

Diminutio, & augmentatio figurarum.

Etsi in hoc, vti, & in sequentibus nullus futurus magnetis sit vsus, vt nihil tamen eorum, quæ ope huius instrumētī indagari possunt, omittatur, hæc ceu parerga quædā hic adiungēda duxi. Datam igitur Ichnographiam in data proportionē
sic

fic augmētabis, aut minues: sit data Ichnographia, quā quadruplo maiorem, aut minorem quispiam desideret; ita rem ope instrumenti nostri pantometri expedies. Primò præparabis chartam quadratam cavitati imponendam, eo situ quo præscripsimus. Secundò scalam præparabis, scalā cursoris, quadruplo maiorem, siquidem datam Ichnographiam augmentare velis, quadruplo verò minorem, si eam minuere. Tertio Instrumentum sustentaculo firmatum, mensulæ loco seruiat. Quartò orbis cum cavitata quadrata semper sit immobilis, & fixus, quadratum verò cum cursore liberum, & in omnem partem versatile. Hisce obseruatis. Datam Ichnographiam, cavitati impones, applicatoq. cursore supra lineam 9. partium, trahe lineam iuxta situm cursoris, quam nouem partibus ex scala cursoris quadruplo acceptis terminabis; Deindè applicato cursore supra lineam 9; item partium, immoto quadrato situque parallelo appliesc cursorem supra prioris lineæ auctæ terminum, atque hinc aliam lineam quadruplo maiorem lineæ BC, iuxta situm cursoris duces, quam & 9. partibus ex scala seorsum posita acceptis terminabis: Iterum applicato cursore supra lineam CD Ichnographiæ datæ, immoto quadrato retrahes cursorē vsque dum supra I quiescat, & iuxta hunc situm lineam lineæ CD quadruplam duces; & sic reliqua consequentia latera cursoris ope quadruplicabis.



Verum vt hæc omnia melius percipiantur, hic figuram totius Ichnographiæ in maiorem proportionem ductæ demonstrandam duxi. sint huius præsentis pentagoni latera duplâ proportionem amplianda, appliesc cursorem lateri AB eumque retrahas in b. h. quam duplo maiorem a. b. ex scala proportionis acceptam terminabis. Deindè moto cursore supra lineam b. c. immoto quadrato retrahas cursorem supra H pūctum, traheque lineam H. I. duplo maiorem lineæ b. c. eique prorsus parallelum. Porro moto cursore

fore

ore supra lineam CD dati polygoni, retrahas cursorum supra punctum I lineæ h. i. & lineam trahito duplo lineæ CD maiorem, sitq. lineæ IK. Iterum moto cursore supra lineam ED, retrahe cursorum in K, ductaque lineæ duplo maiore lineæ ED, videlicet lineæ KL: promoue cursorum cum quadrato in lineam EA, & retracto cursore supra punctum L trahe lineam LB, duplo maiorem lineæ EA. Atq. ita totâ terminabis figuram habebisq. quinquangulum HIKLB cuius latera in dupla sunt proportionem ad latera pentagoni ABCDE, ut supra demonstratum est: ergo figuram in data proportionem auximus, quod erat.

Confectarium I.

N Vllam assignari posse figuram rectilineam, quæ non hoc artificio sane mirabili in data proportionem minui possit, & augmentari. Vnde & consequenter maximus eius in perspectiva usus est: dum Schenographiæ, Orthographiæ, atq. Ichnographiæ, corporum quorumvis siue regularium, siue irregularium, siue quarumvis aliarum rerum projecturæ summa facilitate delineari possunt, quæ omnia hic fusè declararem, nisi consultò brevis esse studerem; qui tamen exhibitæ Problemata benè intellexerit, eaque continua exercitatione in praxim deduxerit, nullo negotio ad innumeras alias huius instrumenti reconditas Pragmatias pertinet.

Confectarium II.


EX dictis patet quoque qua ratione datæ quævis Ichnographiæ in triangula sua rectangula resolui possint. Ut ex eorum calculo totius tandem areæ quantitas, qui totius agri mensuriæ finis est, innotescat: quod si quadrati lateribus proportionem stereometricas inscripseris; ecce illæ tibi cum ad virgas mensorias vasorum, omnis generis conficiendas; tum ad corporum ex heterogenea materia conflatorum proportionem inveniendas mirum in modum seruiunt.

PROBLEMA XII.

Sinuum rectorum inuentio.

Vide figurā
fol. 292.

SI in sinuum doctrina te huius instrumēti ope exercere desideres, exempto circulo OPQK, cū quadrato cauo chartas orbi OPQK rotundas inferes, ceraque ita agglutinabis, vt d. loco dimoueri nequeant, representabit itaque limbus orbis OPQK in 4 quadrantes diuisus circulum sinibus aptum: cursor verò cum brachio, referet nunc chordas nunc radium, modo sinum rectum, modò versum, brachium verò cursoris nunc sinus complemēti, nunc recti partes aget. Vnde cursor ita diuisus est, vt à medio puncto quod centro circuli respondet, incipiens in oppositas partes currat partitio, vt in schemate instrumēti patet; brachiū autem incipit partitionem suā eo in puncto, quo cursorem tangit; vt ex schemate patet. Quod si itaque nosse cupias sinum rectum 30. graduum, applica cursorem supra semidiametrum circuli, & promoto brachio sub gr. 30. in circulo descripto, & dabit tibi pars cursoris inter centrum circuli, & brachium in partibus cursoris, complementi sinum: brachium verò in partibus suis sinum rectum dicti gradus assignabunt.



Sit quadrans circuli O B cursor C D brachiū cursoris FG, applicato cursore supra diametrum C D, & incidet in cētrum circuli partitionis principium. Si itaque FG brachiū promotū sub 80. gradibus statuatur in G puncto; erit F B sinus rectus 80. gr. F I verò sinus cōplemēti:

FC deniq. sinus versus; singuli in partibus suis noti. Qui tres sinus, ad quemcunque gradum brachium promotum fuerit, semper patefient.

Con-

Confectarium I.

EX dictis patet qua ratione datorum quorumcūque angularū alicuius triāguli sinus, & latera d. citius inuestigari possint, quæ omnia curioso Lectori expendenda relinquo.

Confectarium II. Geographicum.

Sequitur secundò, qua ratione hoc instrumento facilè map-
pam siue vniuersalem, siue particularem Geographus
conficere possit; referet enim in eo negotio hic cursor nihil
aliud quam meridianum mobilem, & brachium parallelum
mobilem. Vnde si vtrique gradus latitudinis, & longitudinis
essent inscripti, facilè positionem locorum alicuius, quorum
longitudo, & latitudo nota fuerit, in concursu cursorum inue-
nirentur. Exemplum non addo, periti me facilè capient.

Confectarium III. Gnomonicum.

Omnis generis Horologia conficies hoc instrumento, si
regulam sciaticam, quam Clavius libro 16. nouæ de-
scriptionis Horologiorum docet, cursori inscripseris; & iuxta
artis regulas operatus fueris; arcus quoque signorum, alijque
circuli astronomici eius ope delineari possunt, quæ omnia
longum esset enarrare.

Confectarium IV. Astronomicum.

Si cursor tibi lineam Aequinoctialem, eiusque parallelos,
brachium verò lineam polarem, siue meridianū mobilem
referat; facilè huius instrumenti ope Astrolabium illud ana-
lemmaticum Ptolomæi & Roas delineabis; imò si delineatū
huiusmodi Astrolabium circulo OPQK inserueris; inuenies
cursoris, & brachij auxilio horas, quantitatem dierum, &
noctium, Occasum Solis, & Ortum, crepuscula, ascensiones
signorum, altitudines Solis, circumferentias horizontales, &
he-

hectimorias, quicquid demum mysteriorum recondita habet
 sphærica scientia, siue astronomica. Atque hæc sunt quæ de
 hoc nobilissimo nostro Instrumēto Magnetico Lectori curioso
 communicanda duximus; cuius quidē vsum si obscurius quā
 par erat, interpretati simus, is id breuitati, cui studuimus, acce-
 ptum ferat; Quamuis nihil in eo ita difficile, atque obscurum
 esse arbitror, quod industrio artifice, omnia dicta in praxim
 reducenti non facile futurum sit, & perspicuum. Quod
 si vel primum Problema benè perceperit, futurum

ut omnia reliqua proprio Marte inueniat,

sanctè polliceor.



LIBRI SECVNDI ARTIS MAGNETICAE

PARS TERTIA.

ASTRONOMIA MAGNETICA.

Planisphærij Magnetici fabricam, *οκιοπεικογεαφία*,
 & omnis generis *ωεσοκόμια αὐτοκίνητο-μαγνητικά*
 continens.

Π Ρ Ο Ο Ι Μ Α Τ Ι Ο Ν.

POSTQVAM omnia, quæ magnetis ope miranda in
 Geometria fieri possunt, tradidimus; ordo iam tempusq.
 postulare videtur, ut quanta in Astronomico negotio
 miracula patret & magnes, modo ostendamus, quod
 dum facimus, apud eos, qui curiosi, inuisisq. naturæ spectaculis
 delectantur, aliquam gratiam nos inituros confidimus; Exhibet
 enim hæc pars multa noua, rara, & à nemine hucusq. tractata, quæ
 omnia triplici methodo, vel in centro aquæ, vel in eiusdem superfi-
 cie, vel denique extra aquam isorropica arte exhibebuntur.

Hypothesis I.

SI magnetica corpora in medio quopiam librata, situm
 obtinuerint sphæræ suppolari, siue obliquissimæ similem,
 idest, si poli dictorum corporum, polis horizontis, & axes axi
 responderint; non se mouebunt inuicem, nec in certam pla-
 gam disponent. Sed fixa & immota, etsi in orbita virtutis fue-
 rint constituta, manebunt; cuius rei ratio suprà in paradoxis
 magneticis declarata est.

Hypothesis II.

SI corpora magnetica in medio quopiam librata, situm ob-
 tinuerint horizonti parallelum, siue sphæræ rectæ similem,
 idest, si poli vtriusque corporis magnetici, eorumque axes in
 eodem horizontis plano situm habuerint; optimè se inuicem

S

mo-

dico acum in G suspensam à polo magnetis C tractam in plano aliquo normaliter interiecto circulum descripturam; cum enim situm habeat suppolarem, non secus ac Solis lumen sub polo circa gnomonem circulos describit, & ipsa circulum motu suo affectabit, cum ex omni parte à polo æquè distet. Iterum affigatur acus alicubi intra 66. gradum, & 90, dico acum à polo magnetis C circumactò tractā, in plano aliquo interiecto, ellipsin descripturam; cum enim conus GCT quem acus describit, obliquè interfecatur à plano CT, ellipsin indè nasci necessario sequitur. Acus verò præcisè in 66. gradu & 30. min. suspensa, in plano CT à polo circumacta, parabolā describet. Talis enim est sectio coni basin habentis parallelum ϕ , & plani horizontalis ad latitudinem 66. grad. & 30. min. Denique si intra spacium HI alicubi acus suspendatur, illa à polo circumacta, in plano quopiam interiecto necessario hyperbolā describet. Tales enim sunt sectiones conorum, quorum bases sunt paralleli 69. & ϕ : ac proinde omnium aliorum inter hos, & plani horizontalis ad latitudinem minorem, quam 66. grad. & 30. min. vt ab Apollonio, Eutocio, Clauio in Gnomonicis demonstratur; vnde omnia quæ de lucis natura supra in libro 5. dicimus, de lucis simia magnete quoque intelligenda sunt, cum vtriusque radiationes ferè sint similes. Atque ex his patet, quod corpus magneticum ab alio tractum eo situ quo parabolam, hyperbolam, aut etiam ellipsin acutiorem describeret, circulum nullum complere possit, polo magnetis C in T nimium elongato; ex qua elongatione corpus mobile infirmum redditur, & debile, ita vt ad mouentis corporis motum, se conformare non possit, contingit autem hoc, si corpora magnetica, parallelum situm quoad axes suos non habuerint. Vt igitur huiusmodi incommoda euites,

iuxta hypothesin secundam, & tertiam corpora
libranda sunt. His igitur ita ritè sup-
positis, nunc opus ipsum
aggrediamur.

* *

230 LIB. II. ART. MAGNET. PARS III.
CAPVT I.

Sphæra Magnetica.

PROBLEMA I.

*Magneticum Astrolabium, siue Planisphæ-
rium construere.*



I c, Lector, habebis aliqua, quæ de se esse vsui pos-
sunt etiam independenter à magneticis motioni-
bus, boni tamen æquique consules, quod & ma-
gneticam tibi apparentiam exhibeo, hoc enim fa-
ctum est, non vt à me ditior fias; sed ne extra Rhombum à me
diuitias esse accersitas crimineris. Fiat circulus in materia
aliqua solida cuiuscûque magnitudinis ABCD in 4. quadran-
tes ea qua vides ratione diuisus; referetq. linea AB axē mundi
DC Aequatorem; circulus autem ABCD meridianum; cui pa-
rallelos Solis siue signorum ea, qua sequitur ratione, inscribes.
Numerata ex punctis DC vtrunque tam versus A quam B ma-
ximam declinationem Solis videlicet 23. grad. & 30. min. &
per finem, horum gradum duc lineas rectas parallelas Aequa-
tori, quarum IS, 69. lineam, PN verò ꝑ referet Tropicum; cæ-
terorum verò signorum parallelas è tabula declinationis
punctorum eclipticæ, siue signorum describes, gradum de-
clinationis vniuscuiusque signi à punctis C, & D versus A,
& B numerando: ductis enim per gradus declinationis vni-
cuique signo competentes lineis parallelis, habebis quæsi-
tum, vt in quarta figura apparet. Lineas verò horarias ita in-
scribes. In semicirculis ACB, & ADB posita Regula primò
supra polū A, & singulos denos, aut quindenos grad. æqualiter
à puncto C versus B, aut à puncto D versus B æquali, & horario
spacio distantes, vide vbi lineam CD Aequinoctialem tangat
regula, & ibi fac puncta; inuentis igitur integrarum hora-
rum dicta ratione punctis; non aliter mediarū horarum puncta,
& quadrantum inuenies. Per hæc enim puncta si è duobus
polis A, & B, inuento prius centro, arcus duxeris, habebis li-
neas horarias quæsitas; quibus numeros horarum eo ordine,
quo

Signorum in-
scriptio.

Horarū inferi-
ptio.

quo in figura factum esse vides, appones. Parallelos verò stellarum fixarum ad altitudines earum supra horizontem, vti ortus & occasus rimandos hac industria inscribes. In semicirculis CAD, & CBD singulos quinos, & quinos gradus æqualiter à pūctis C, & D in vtrāq. partē remotis, lineis rectis coniunges, habebisque stellarum fixarū quæsitos parallelos. Quo quidem planisphærio ita ritè delineato; magneticum rete ei super imponendum hac arte conficies. In materia aliqua diaphana, seu pellucida qualis præ cæteris esse potest folium tenuissimum, fideritis, quod alij glaciem vocant Marianam, Itali Talcum; in hoc folio tenui, & leui circulum LMNO describes æqualem circulo meridiano ABCD planisphærij paulò ante delineato; quem similiter in 4. quadrantes partieris, ita tamen, vt à puncto L versus N, & ab N versus M, & hinc versus O numerorū series progrediatur contraria priori, vt in figura v. factum esse vides. Intra semicirculum verticales quos Azimuth, & horizontales, quos Almucantaras vocamus, ita inscribes: singulos quinos, & quinos gradus à pūctis LM æqualiter vtrinq. distantes, sc: opposita pūcta lineis rectis coniunges, & habebis lineas horizontales quæsitas, vt verò verticales circulos habeas; singulos quinos & quinos grad. in semicirculis NLO, & NMO vtrīq. ab M æqualiter remotos rectis occultis coniungens, vide vbi linea LM intersecetur: per has enim intersectiones, & vtrūque polum NO, si ex punctis LM arcus duxeris, habebis quæsitum. Inter cæteras autem horizontales lineas illa erit Crepusculina, quæ 18. gradum infra LM coniunxerit, quam nos ideò maiusculam expressimus. Reti itaque sic præparato, versorium magneticum longitudine diametri circuli LMNO super lineā LM ita accommodabis, vt folium glaciale æquilibratū ad motum versorij se disponat, non secus ac Rosa Nautica; Quo facto referet versorium hoc horizontem mobilem, ad quem ex vtroque polo verticales ducti ei normaliter insistent; horizontalibus verò circulis semper ad eundem parallelis; Hoc itaq. rete magneticum aculeo in centro planisphærij infixio ita impones, vt liberè hinc inde fluctuare possit; eritque planisphærium magneticum omnibus numeris absolutum, cuius vsum aliquot propositionibus restat, vt declarem.

Almucantararum, & Azimuthorum inscriptio.

Rete Magnetici.

Inscriptio lineæ Crepusculinae.

Vfus Instrumenti.

P R O P O S I T I O I.

Gradum Solis in Zodiaco reperire.

INferantur limbo ABCD duo alij circuli, quorum vnus Zodiacum, alter menses contineat, ea ratione qua in Astrolabijs, & in horizonte sphæaræ armillaris fieri solet: deindè gyra Planisphærium, vsque dum alteruter magnetici verforij apex, tangat in limbo diem mensis in circulo mensium repertum, gradus qui in circulo signorum huic responderit, erit quæsitus gradus Solis, quem & verforij apex præcisè indicat.

P R O P O S I T I O II.

Ortum & Occasum Solis, & Stellarum reperire.

GYra Planisphærium, vsque dum verforij apex M gradui eleuationis Poli tuæ regionis respondeat, referetq; tunc totum verforium I. M hoc situ horizontem loci datæ latitudinis; vide igitur vbi parallelus quem dato tempore Sol, aut Stella quæpiam describit, horizontem secet, horaria enim linea quæ in idem intersectionis punctum incidit, monstrat horam Ortus, aut Occasus; quod si horaria linea præcisè non tangeret punctum Ortus, tunc vide quæ ex lineis quartarum idem punctum tangat, illo igitur Stella quæpiam orietur.

P R O P O S I T I O III.

Quantitatem dierum, & noctium inuenire.

QViescente, vt antea verforio cum reti, cui affixum est, super datum latitudinis gradum: vide vbi parallelus dato tempore à Sole descriptus horizontem siue verforium tangat, & ab hoc puncto numera horaria spacia vsque ad meridianum, habebisque arcum semidiurnum in horis,

ris, quem si duples, habebis quantitatem diei; reliquum verò paralleli infra verforium, seu horizontem in meridianum subterraneum tendens, duplatum dabit quantitatem noctis.

PROPOSITIO IV.

Declinationem Solis, & Stellarum quouis tempore reperire.

Posito verforio LM supra Aequinoctialem, vide quem gradum in quadrantibus CA CB, vel DA DB parallelus, quem Sol, aut Stella quæpiam dato tempore describit, interfecet, ille enim erit quæsitus declinationis gradus.

PROPOSITIO V.

Altitudinem Solis Meridianam quouis tempore reperire.

GYra planisphærium, vsque dum magneticus horizon LM super datam elevationem Poli quiescat; deinde observa quem gradum in quadrante retis LN parallelus Solis, quem eo tempore Sol aut quævis alia Stella describit, interfecet, hæc enim erit altitudo Solis, aut Stellæ quæsitæ.

PROPOSITIO VI.

Altitudinem Solis aut Stellarum quavis hora deprehendere.

QViescente vt ante, reti magnetico, vide vbi pro dato tempore parallelus Solis, aut Stellæ, lineam datæ horæ in planisphærio interfecet: linea enim horizonti parallela in reti diaphano, quæ idem punctum tetigerit, dabit Solis aut Stellæ pro eo tempore altitudinem supra horizontem quæsitam.

PROPOSITIO VII.

*In quo Verticali circulo Sol, aut quævis Stella
moretur, reperire.*

Reti in eodem situ permanente, vide quæ linea Azimuthalis in reti diaphano punctum illud, in quod pro dato tempore parallelus sideris alicuius, & linea horaria cum parallelo horizontali incidunt; hæc enim erit Azimuthū, quod Sol dato tempore, aut quævis alia Stella occupat; quodque numerus ei ascriptus indicat.

PROPOSITIO VIII.

Data altitudine Solis, quota hora sit, inuenire.

Vide parallelum, quem tunc datæ altitudinis circulus siue linea in reti horizonti parallela fecit; horaria enim linea, quæ idem punctum tanget, est hora quæsitā; ad quod punctū si in eodem parallelo ab horizonte incipiendo spacia horaria numeres, habebis horam Babylonicam, siue ab Ortu; si verò ad idem usque punctum ab occiduo horizontis puncto in contrariam paralleli partem spacia horaria numeres, habebis horam Italicam, siue ab Occasu tunc fluentem.

PROPOSITIO IX.

*Quantitatem Crepusculi per totum mundum
determinare.*

Quiescente horizonte magnetico in gradu datæ elevationis Poli, nota paralleli quem Sol eo tempore describit, portionem, à versorio & linea Crepusculina interceptam; hæc enim in horis, & partibus horarijs quæsitam Crepusculi quantitatem assignabit.

PROPOSITIO X.

*Situm Sphærae sub data qualibet latitudine
reperire.*

SI horizon magneticus, quieverit supra lineam polarem, AB planisphærij, representabit tibi planisphærium situm sphærae perfectæ; omnibus circulis & lineis quæ planisphærij, quæ retis ad horizontem insistentibus normaliter, si Zodiacum exceperis. Iterum si gytrato planisphærio horizon retis, quieverit super Aequinoctialem, referet tibi dictū planisphærium sphærae parallelæ siue suppolaris cōstitutionem, omnibus circulis, & lineis qua planisphærij, qua retis in vnum cōiuntibus. Quod si verò super alium inter Aequatorem, & polum quemlibet interiectum latitudinis gradum horizontem magneticum posueris, pro varia latitudinis ratione, varias quoque horizontium cōstitutiones reperiēs. Est igitur hoc planisphærium vniuersale, ex quo tibi pro quavis latitudine Regionum Tabulas Ortus Solis, & Occasus, declinationum, altitudinum Solis, quantitatis dierum, & noctium, Crepusculorum, circumferentiarum horizontalium aliarumq. rerum ad primi mobilis doctrinam spectantium absque vllō penē negotio conficere poteris. Multa alia quæ per hoc excellentissimum Instrumentum inuestigari possent, hic proponenda forent. Sed quandoquidem breuitati studemus, omnia ea Lectori studioso perscrutanda relinquimus. Qua ratione autem hoc magneticum Astrolabium, prædictarum rerum doctrinam sub quavis data latitudine seipso sola sympathica qualitate agitato, demonstrare possit, in Mechanica Magnetica dicetur.

Sphæra recta.

Sphæra suppetans.

Vsus huius
Astrolabij in
Mechanica,
Magnetica.

PROBLEMA II.

*Kalendarium Magneticum perpetuum
construere.*

ESt hoc Kalēdarium Magneticū *αὐτοδαικνόν* idq. dupliciter construi potest, vel in aquæ centro, seu super aquam
in

in Sphæra vitrea, vel in pyxide extra aquam, de cuius adaptatione in sequenti Mechanica Magnetica plura dicentur, ea autem qua sequitur ratione construitur. Fiant in aliqua materia solida tres circuli cōcentrici cuiuscunq. magnitudinis, seu pro magnitudine versorij, quos in 181. partes æquales diuides, quorum primus continet Cyclum Epactarum, secundus literas Dominicales; Tertius Menses sex, qui sunt Ianuarius, Februarius, Martius, Aprilis, Maius, Iunius, quorum vnusquisque in dies suos sit distributus, qui Epactis singulis, & Literis Dominicalibus in primo circulo, & in secūdo respōdeant. Vt in exemplo apparet. Versorium autem Chartaceum Magneticum ita fabricabis. Interuallo semidiametri vltimi triū circulorum in charta solida seorsim describes circulum, quem in totidem partes, in quot priores diuisti, partieris, quod quidem factu facillimum erit, si centrum huius circuli, cētro priorum coniunxeris & per diuisiones ē centro rectas duxeris, vt in exemplo patet. Et postea Festa Mobilia eo ordine quo hic sequuntur, in versorio chartaceo, inscripseris. Versorium autem chartaceo Festorum Mobiliū orbi ea ratione subdes, qua in Progymnasmate V. præcepimus. Hoc enim si supra aculeū, in centro circuli mensium erectum libraueris, habebis instrumentum præparatum. Cuius vsus est iste, qui sequitur.

PROPOSITIO I.

Festorum Mobilium tempus quouis anno dicto citius reperire.

Applica Indicem Paschatis in Chartaceo orbe Versorij, supra diem, in quem Pascha eo anno incidit, quo facto reliquæ Dominicæ & Festa Mobilia Chartaceo orbi inscripta indicabunt finibus suis in circulo mensium dies in quos dicta Mobilia Festa incidunt. Verum quandoquidem hic præsupponitur dies Paschatis inuentus, qua ratione Pascha quouis anno reperire liceat hic visum est annēctere, ne in operatione hæreas. In Angulis figuræ quatuor rotas descripsimus, continentes Cyclorum quatuor principalium numeros, quorum pri-

primus continet Cyclum decennouenalem, seu aurei numeri; alter Cyclum Epactarum, Cyclo decennouenali respondentem, Tertius circulus continet Cyclum Literarum Dominicalium; vltimus denique Cyclum indictionis. Vt in figura VI. apparet. In medio autem videntur hi numeri 1634. 1653. 1672. 1691. quæ sunt radices dictorum Cyclorum: anno enim 34. Cyclus decennouenalis, & Epactarum, reuolutione peracta iterum incipiunt ab vnitatem; vti & annis 53. 72. 91. Litera autem Dominicalis incipit ab A. Si igitur v.g. anno 1640. currentem aureum numerum, & Epactam scire desideres, numera ab anno 34. ab vnitatem Cycli vsque ad annum 40, numerus enim, qui hanc sextam cellulam occupat, est Aureus numerus septimus, in prima quidem rota: in secunda autem 7. Epacta currentis anni est. Litera autem quæ à 1634. ad quadragesimum computata in sexta cellula Cycli Literarum Dominicalium (quem tibi exhibet vnà cum radicibus Indicis orbis) occurrit, Litera Dominicalis istius anni est, quæ AG quoniam duplex est, priori vteris vsque ad festum Sancti Matthiæ, altera totius anni Dominicis indicandis reservata.

PROPOSITIO II.

Pascha quouis anno reperire.

Inuentam ex Cyclo dicto decennouenali currentis anni Epactam quære in circulo mensium ab octauo die Martij, in Cyclo Epactarum, & ab inuenta Epacta, numera 14.^m Lunam, & hinc vide cui diei mensis Litera Dominicalis dato anno currens respondeat, hic enim est dies Paschatis. Vt si anno 1640. scire velis quem in diem Pascha incidat; quære 7. Epactam istius anni, ab 8. Martij in Cyclo Epactarum mensium, circulo superposito, & inuenies 7. Epactam respondere 24. diei Martij, ab hac itaque numera 14. dies, quæ incident in 6. diem Aprilis, ab hoc demum die obserua in circulo Literarum Dominicalium, cui diei Litera Dominicalis isto anno currens respondeat & inuenis G isto anno currentem respondere 8. diei Aprilis, qui est dies Paschatis anni 1640 quæsitus: ad hunc itaque si apicem Paschalem in Chartaceo Versorio applies;

è ve-

è vestigio reliquorum omnium Mobilium Fectorum apices, dies in circulo mensium in quos incident, monstrabunt; sed de his satis dictum sit.

CAPUT II.

Vranographia Sciaterico-Magnetica.

In qua

Totius primi Mobilis doctrina Versorio Magnetico ad umbram Solis exhibetur.



VM superiori anno è quodam Familiarium meorum, de nescio quo recens in Germania detecto Horologio Magnetico, quod Soli expositum, satis constanter & accuratè horas umbra sua ostenderet, inaudissem: continuo ingens rei examinandę explorandęque veritatis ardor, & desiderium animum subiit; alijs itaque atque alijs experimentis in hunc finem assumptis, cum nihil proficerem, tandem ita ratiocinatus sum. Quid si stylus, in alijs Horologijs ceteroquin fixus, quiescente Versorio, vnà cum linea Meridiana, ad quam rectus est, ad Azimuthum Solis applicaretur, An non hac ratione æquiualentem obtinebit situm? an non sicut in ordinarijs Horologijs linea Meridiana ad Azimuthū Solis quod umbra dato tempore attingit, se habet; ita sese in Horologio umbra styli siue Meridiana super datum Azimuthum applicata habet ad Versorium quiescens, Meridianę absentis Vices gerens? ita sanè est; totum enim nihil aliud, nisi inuersum, quoddam Horologium esse fingebam: fictum factum! Nam experimenti veritas fictionem haud inanem fuisse satis superq. demonstrauit; horas enim in Azimuthis Solaribus industria paulò post dicenda collocatas exactissimè singulari animi mei gaudio, indicauit Versorium; Ego hac inuentione animatus, non hic sistendum esse ratus sum, sed ad altiora molientis ingenij inquietudine cōpulsus, ea quęrebam, quę & rara essent, noua, & à nemine tētata; Vnde huic negotio sagaciter incumbens

bens rationes tandem demonstratiuas inueni, quibus omnium eorum, quæ in primo mobili considerari possunt, doctrinam Sciaterico-Magneticè expediri posse comperi. Simile quid se reperisse ad me scribit è Gallia Clariss. Vir Anton: Franc: Pagen I.V.D. meus olim Auenione in Mathematicis discipulus; qui cum sagacissimi ingenij sit, de rei veritate non dubito. Triplici itaque Astronomiæ, quam eodem tempore expedieram videlicet, directæ, refractæ, & reflexæ, adijcio Magneticam; vt ea, quibus Lector sagax, & solers recreetur, & ad similia, inuestiganda incitetur, exhibeam.

PROBLEMA I.

Zodiacum Magneticum construere.

Circulus pro Versorij magnitudinè, in ære, stanno, ligno, aut alia quapiam huic negotio conueniente materia, in 4. quadrantes ritè diuisus describatur; sitq. circulus ABCD, quo factò in centro N fixo Circini pede vno, altero secundum pro libitu circulum qualis est EHFG describas; iterum ex puncto I bipartitæ lineæ EA circulum tertium; referentq. circuli priores Tropicos, hic verò Aequatorem. Reliquos signorum parallelos hac arte inscribes; Interuallo rectæ AE ex puncto I circulus describatur, quem in quadrantes gradusque suos, vti hic in figura v. i. factum esse vides, accuratè distingues, quo peractò, duo quælibet puncta principij signorum, graduumque à puncto A vtrunque æqualiter distantium recta coniunges, & per puncta quibus lineæ AE huiusmodi rectis interfecatur, è centro N circulos describes, qui referent parallelos signorum Zodiaci, quorum quidem demonstratio, cum passim nota sit & vulgaris; ne superuacaneis tempus ludam, libens omitto.

Versorij Magnetici præparatio.

Magneticum Versorium, cælestes circulos demonstrans varium esse potest, vel enim simplex acus, aut orbis
dia-

Notanda circa
constructionem
Zodiaci.

diaphanus ex glacie Mariana confectus, cuiusmodi supra in Astrolabio Magnetico proposuimus, vel denique formæ regulæ fiduciæ, eisdem cum linea AE Meridiana Zodiaci diuisiones obtinens, assumi potest. Verum antequam ulterius progrediamur, sequentia notanda sunt. Primò Tropicos huius Zodiaci, seu signorum seriem pro libitu permutari posse, ita quidem, ut siue extrinsecum circulum ABCD, Tropicum ☊, aut ☋; siue intrinsecum EGHF statueris, perinde feceris; Secundò Magneticum hunc Zodiacum, peracta cælestium circulorum inscriptione in pyxidis adhuc præparatæ fundo inferi debere, vitroque aut lapidis Arabici, seu Selenitis Diaphani folio, ne ab ambientis aëris motu Versorium inconstans reddatur, & tremulum, operiri. Terriò Gnomonem Sciatericum, quem ad Azimutha Solis quouis tempore indicanda assumpsimus, in huiusmodi Horologijs multipliciter poni posse, vel enim pileolo Versorii Magnetici, vel in superficie tegumenti vitrei pyxidis, vel denique plano cuiuspiam intra vel extra pyxidem in hunc finem reseruato, insertus assumi potest, vltimum nos modum præ reliquis probamus; hæc interim semper obseruando, ut dictus Gnomon, supra lineam Meridianam Zodiaci, vel eidem parallelam, aut iuxta eandem rectam per styli centrum continuatam firmetur; his igitur ita prænotatis, nunc ad inscriptiones rerum expediendas calamum conuertamus.

PROPOSITIO II.

Azimutha siue Verticales circulos præparato Zodiaco inscribere.

Azimutha, sub recepto ab omnibus Astronomis termino, eos maiores Sphæræ circulos intelligo, qui ex puncto verticis tam nostri, quam Antipodum, veluti è duobus Polis ad Horizontem recti describuntur, quos ita Zodiaco inscribes. E centro N Zodiaci in figura VII. ad circumferentiam circuli ABCD per singulos gradus, aut ad confusionem vitandam per singulos quinos gradus radij ducantur; dico hos radios

radios esse Azimutha quæsitæ; quod sic ostendo; Intelligatur Horizon circulus ABCD: primarius Verticalis DHGC: Meridianus AEFB, sitq. Gnomon in centro N erectus; Quoniam igitur tam planum Verticalis propriè dicti, quam planum Horizontis ad Meridianum rectum est; erit & communis eorum sectio, videlicet Gnomon in centro fixus ad Meridianum rectus, ac proinde per definit. 3. lib. 11. Euclid. in puncto N perpendicularis; sed & linea Meridiana AEFB, & Verticalis primarius DHGC in eodem plano Meridiani, & Verticalis cælestis sunt, ergo & hi ad suos circulos recti sunt, & plana planis similia; Cum itaq. Verticales circuli Horizontem quemlibet in 360. partes æquales secant, ergo & planum hoc Sciatericum ei parallelum, in segmenta similia per Proposit. 1. lib. 1. Sphæricor: Theodosij secabitur, cum omnes lineæ Azimuthales ex N, veluti Horizontis cetro, seu non secus ac ex Polo Horizontis, aut Verticis puncto Verticales describuntur, ergo planum plano, polus polo, Gnomon axi Horizontis, Azimutha Azimuthis exactè respōdebūt; ergo omnia Azimutha descripsimus, quod erat faciendum; Iam verò ponatur supra obelum quempiam in centro N fixum Versorium Magneticū, & supra pileolum ipsius alius obelus cuiuscunque magnitudinis, qui locum Gnomonis suppleat, gyreturq. Soli exposita pyxis vique dum Gnomonis umbra in lineam Meridianam incidisse videris, dico Versorium immotū tunc Azimuthum videlicet 60. exempli gratia, quod Sol eodem temporis momento subit, ostensurum, Mota enim Meridiana ex A versus D donec umbra lineam Meridianam perfectè attigerit, necessariò Versorium vi sua Magnética fixum, & tāquam Vicarium lineæ Meridianæ absentis agens, supra Azimuthum 60. in quadrante AC quiescet, cum tantum à linea Meridiana vera, linea Meridiana AE fictitia recesserit, quantum Azimuthum Solis 60. à linea Meridiana eodem tempore distabat, arcusq. AS quem linea Meridiana ex 90. in 60. mota confecit, tantus sit, quantus arcus AM, quem Versorium possidet, videlicet complementum 60. graduū, qui sunt gradus 30. Quemadmodum igitur linea Meridiana AE in suo vero situ constituta, umbra Gnomonis in quadrante AD rectà incidit in Azimuthum

Demonstratio

thum 60, ita inuerſa ratione promotā lineā AE 90. graduum, applicatāq. ad vmbra Solis in planum proiectā, Verſorij index Meridianæ Vicarius idem 60. Azimuthum in quadrante AC monſtrabit, quæ omnia ad oculum patent, & clariora rem ipſam experientia indaganti ſient.

Ratio ponendi
Gnomonem.

Nota tamen hoc loco nonageſimum Azimuthum non in lineā Meridianā, ſed in lineā declinationis magneticæ (niſi declinatio magnetis in dato loco forſan nulla eſſet) terminari; declinatione enim magnetica, quā ſupra per Progymnaſmatis V. præcepta inueſtigare docuimus, cognita, totidem, quot declinabit gradus à lineā Meridianā vera in Ortum, vel Occaſum, pro declinantis Verſorij conditione numerandi ſunt, & per ſinem lineā è centro N ducēda, quæ nonageſimū Azimuthum, qui ſemper cum Meridiano incidit, referet. Verticalem autem primarium ea lineā, quæ hanc in centro ad angulos rectos interſecabit, qualis eſt DHGC referet, relicta ſemper lineā Meridianā vera, vti & lineā veri Ortus, & Occaſus; quæ omnia, niſi benè obſeruata fuerint, opus haud carebit erroribus. Si verò Gnomonis vmbra Meridianā in plano quopiam extra, aut intra pyxidē continuatam inciderit, Verſorium non ſecus ac prius, Azimuthum Solis pro dato tempore demonſtrabit; Res eūdem ſucceſſum haberet, ſi in cooperculo vitreo Gnomonē quempiam ita firmareſ; vt obelus vitro rectus inſiſtens centro plani Sciaterici, vti & lineā Meridianā lineæ Meridianæ ſibi ſubiectæ exactè quadraret, & poſtmodum, vt ante, operationem tuam inſtitueres, vel etiam ſi in ipſa vitrei cooperculi ſuperficie tenue filum è ſerico extenderes Meridianæ infra poſitæ Azimuthaliter parallelum; huius enim vmbra in infrapoſitam incidens Meridianam ſecundū totam ſui longitudinem eam obumbrat, quem optimum, facillimum, & præ reliquis compendioſum modum adhibere ſuademus; Atque hæc fuſius forſan, quam par erat pertractanda aſſumpſimus quare ſimilia Lectoris induſtriæ relinquentes ad alia tranſeamus.

PROBLEMA III.

Horizontem pro data qualibet latitudine Zodiaco inscribere.

Solis in principio ☊, aut ☋ constituti amplitudinem maximam, ortuam occiduamque (quæ hic Romæ 32. grad. & 27. min. est) in Tropico ☊ Zodiaci Magnetici, à punctis C, & D versus Borealem partem B vsque in M, & L, & à punctis G, & H in Tropico ☋ versus punctum E Australe vsque in S, & X computabis, per duo enim hæc inuenta puncta, & per tertium eo in loco, ubi linea DH, GC verticalis primarij Aequatorem intersecat, si arcum a Tropico ad Tropicum per regulam de centro circuli per 3. puncta inueniendo, duxeris, Horizontem habebis quæsitum, pro data latitudine Zodiaco Magnetico, ac Azimuthico inscriptum; quamuis verò amplitudinum computandarum methodū supra in Progymnasmate V. docuerimus; quoniam tamen plerisq. ita comparatum est, ut vel ad nomen calculi horreant, præsertim si per sinus & Algoritmos, ut nos facimus, instituendus sit, ne ansam aliquam minus expertis pusillanimitatis præberemus, uti hic, ita in omnibus sequentibus tabulas, quibus tanto labore subleuantur, singulis operationibus perficiendis adnectere visum est.

Tabella Amplitudinum ortiuarum ad lat. Rom.

Eleu. Poli.	35	36	37	38	39	40	41
Pro signis ☊ ☋	G. M. 29 8	G. M. 29 32	G. M. 29 57	G. M. 30 24	G. M. 30 52	G. M. 31 22	G. M. 31 54
Eleu. Poli.	42	43	44	45	46	47	48
Pro signis ☊ ☋	G. M. 23 27	G. M. 33 2	G. M. 33 40	G. M. 34 20	G. M. 35 2	G. M. 35 47	G. M. 36 35
Eleu. Poli.	49	50	51	52	53	54	55
Pro signis ☊ ☋	G. M. 37 26	G. M. 30 20	G. M. 39 19	G. M. 40 22	G. M. 41 30	G. M. 42 43	G. M. 44 3

P R O B L E M A IV.

*Horologium Astronomicum Magneticum
describere.*

INscripto iuxta præcedentis præcepta Problematis Horizonte, reliquas horas Astronomicas hac arte Zodiaco inscribes initium facturus ab hora 1. & 11. In sequenti Tabula vide qui gradus respondeant dictis horis in columna propria Sole in ☊ Y, & ☋ constituto; reperiesque Solis in ☊ constituti arcum Horizontalem dicta hora esse 51. gr. 19. min. in Y, & 68. grad. 52. min. in ☋ denique 75. grad. & 3. minutorum esse. Ac primo quidem 51. gr. cū 19. min. in circulo ☊ ex C computa versus A, & puncto facto in circulo Aequinoctiali ab R versus lineam Meridianam computa grad. 68. & 52. min. positaq. regula supra centrum, & dictum gradū in limbo quadrantis AC nota punctum intersectionis in Aequinoctiali, deinde in circulo ☋ numera gr. 75. cum 3. min. ex G in E, vel ex C in A, positaq. regula supra dictos gradus in quadrante AC, & supra centrum N punctum intersectionis in circulo ☋ GXE nota: per fines enim graduum numeratorum si arcum, iuxta regulam de centro per 3. puncta inueniendo descripseris, referet hic arcus horā primā, quæ puncta si transferas ē linea Meridiana in quadrantem Orientalem resultabūt puncta pro hora 11. hoc interim obseruando, ne arcum ultra lineam Horizontalem producas. Peracta prima operatione vide qui numeri sequenti horæ 2. & 10. in columnis ☊ Y, & ☋ respondeant, hos enim si ex dictis punctis CRG, vel DVH in arcibus vt ante, proprijs computes, & per numeratorum graduum finem lineam curuam duxeris, habebitur linea horæ 10. ante & 2. post Meridiem. Non secus ceteras horas sequentes inscribes; sed horum typum in figura hic apposita contemplare.

Tabula Azimuthalis computata ad Horizontem Romanum.

	12	$\frac{1}{2}$ 2	I 11	$\frac{1}{2}$ 2	2 10	$\frac{1}{2}$ 2	3 9	$\frac{1}{2}$ 2
	G. M.	G. M.	G. M.	G. M.	G. M.	G. M.	G. M.	G. M.
☉	90 0	69 1	51 19	37 34	27 9	18 51	11 57	6 0
♌ II	90 0	71 30	55 14	42 0	31 26	22 54	15 47	9 35
♍ ♂	90 0	75 42	62 24	50 40	40 34	31 57	24 29	17 54
♎ ♀	90 0	78 52	68 52	58 14	49 13	41 5	33 47	27 11
♏ ♀	90 0	80 55	72 1	63 33	55 37	48 15	41 26	35 9
♐ ♀	90 0	82 4	74 17	60 46	59 37	52 53	46 33	40 38
♑ ♂	90 0	82 28	75 3	67 53	61 1	54 31	48 24	42 38

	4 8	$\frac{1}{2}$ 2	5 7	$\frac{1}{2}$ 2	6 6	$\frac{1}{2}$ 2	7 5	$\frac{1}{2}$ 2
	G. M.	G. M.	G. M.	G. M.	G. M.	G. M.	G. M.	G. M.
☉	0 34	4 6	8 51	13 24	17 54	22 29	27 12	32 5
♌ II	4 3	1 3	5 56	10 39	15 17	20 0	34 49	29 49
♍ ♂	11 58	6 29	1 12	3 43	8 26	13 32	18 24	23 47
♎ ♀	27 7	15 31	10 10	5 2	0 0	5 2	10 10	15 31
♏ ♀	29 17	23 47	18 34	13 32	8 36	3 47	1 12	6 29
♐ ♀	35 4	29 40	24 49	20 0	15 17	10 39	5 56	1 3
♑ ♂	37 13	32 5	27 12	22 29	17 54	13 24	8 51	4 6

Porro qua ratione huiusmodi Tabulæ computentur, vide in Progymnasmate 7. vbi 3. diuersos modos earum computandarum tradimus.

Vſus Zodiaci Horologij.

P R O P O S I T I O I.

*Gradum, declinationem, Ortum, & Occasum
Solis, quantitatem dierum, & noctium,
item Crepuscula in Instrumento
Zodiaci Magnetici
reperire.*

GYra Instrumentum vſque dum verſorium ſcalæ mēſium inſiſtat, & ſignum menſi correfpondens erit ſignum quęſitum; cui in ſcala declinationis intra eundem circulū reſpondet gradus declinantis ☼, & in ſcala Ortus, & Occaſus tempus Solis Orientis, & Occidentis, vnā cum dierum, noctium, & Crepuſculorum quantitate in ſcalis ſibi proprijs dicto citiùs pateſient. Si verò dictæ ſcalæ ipſi verſorio fuerint inſcriptæ, gyrare Instrumentum opus non erit, cum ipſum verſorium, quocunquē promotum fuerit res dictas inter parallelas ſibi correfpondentes prodat.

P R O P O S I T I O II.

*In quo Azimutho Sol quouis tempore ſit,
dicto citiùs reperire.*

GYretur Instrumentum, vſque dum lineæ Meridianæ Borealis pars, ymbræ à Gnomone ſciaterico proiectæ ſubdatur, quo factò verſorium in limbo circuli monſtrabit Azimuthum Solis quęſitum.

P R O P O S I T I O III.

*Horam diurnam à Meridie, vel media nocte
cognoſcere.*

MANente Instrumento in eodem ſitu, quo in præcedente Propositione id reliquimus obſerua commune interſectio-

tionis punctum versorij, & paralleli, quem Sol dato tempore describit, hoc enim punctum versorij, vel in ipsas lineas horarias, vel intra easdem incidens, horam aut eius quæsitam partes demonstrabit. Nota hic primò Instrumenti situm, itum esse debere, vt limbus horarum semper Solem siue plagam Australem respiciat, contrariò videlicet, alijs Horologijs Horizontalibus. Nota secundò. Non necessarium esse, vt versorium longitudine sua semper circuli exterioris semidiametrum adæquet, quemadmodum nos hîc fecisse vides; sed quodlibet versoriû huic negotio satisfacere posse, dummodo versorio quiescete pûctum cômune intersectionis Azimuthi, super quod versorium quiescit, & paralleli quem Sol eodem tempore occupat, diligenter notes, hoc enim horam quæsitam dabit. Nota tertio. Si omnia Azimutha gradatim descripseris, in Zodiaco Magnetico, minimum Versorium centro Instrumenti affixum idem quod maximum præstiturum, incidet enim necessariò in aliquod ex Azimuthis, cuius commune intersectionis, & paralleli pûctum dicto citius horâ assignabit.

Cuiusvis longitudinis acus sufficit.

PROBLEMA V.

Horologium Magnetico-Sciatericon horas ab Ortu, & Occasu demonstrans describere.

DEscripto vt ante Zodiaco, vnâ cum Horizonte, horas ab Ortu, & Occasu, siue Babylonias & Italicas, per sequentem Azimuthalem Tabulam ad eleuationē Poli Romanam supputatam eo quo sequitur modo inscribes. Vide qui gradus primæ horæ Ortus videlicet 9. in columna 69. respondeant; & hosce gradus ex C communis puncto intersectionis verticalis primarij, & Tropici ϖ in eundem Tropicum versus B partem videlicet Borealem transferes, punctoq. notato, vide qui gradus dictæ horæ 9. respondeant in columna Y, & ϖ quos ex puncto S, aut V Horizontis in Aequatorem versus Borealem partem transferes, factoq. puncto, vide qui gradus denuò horæ 9. in columna \wp respondeant, & hosce excerptos ex puncto G, aut H in lineam Tropici \wp transferes; Nam per

Praxis.

hæc 3. puncta inuenta, si lineam curuam duxeris, referet illa tibi lineam horæ 9. quæsitam. Reliquas consequenter horas non alia quam qua modo fecimus methodo describes, vt verò certior sis, versus quamnam partem ex punctis CSG dicti gradus trāsferendi sint; ipsis gradibus literas AS apposui-
 mus. Quarum prima A significat Australem plagam, quale est hæmisphærium Zodiaci DAC. Altera verò B significat plagam Septentrionalem, quale est hæmisphærium CBD; diligenter notando horariæ lineæ partem, quæ Horizontem transilit superuacaneam esse, ac proinde vltius non continuandam, nisi forsan horas tã diurnas, quàm nocturnas describere volueris.
 Horas autem Babylonias siue ab Ortū, eidem inscribes dupliciter, vel per Tabulam hic adiunctam, primam horam ab Ortū computando in columnis $\overline{\omega}$, γ , & β , ex pūctis NVO per gradus Azimuthales in dictis columnis inuentos; per singula enim 3. puncta datæ horæ competentia, si lineam curuam duxeris dabit illa tibi horam primam ab Ortū, & sic de reliquis consequenter horis inscribendis operabere. Vel quod facilius erit hac arte dictas horas inscribes; Spacia horaria Italica iam descripta transferes ex punctis Horizontis Orientalis NVO in Tropicos & Aequatorē, ab Horizōte aut VO siue horā 24. Italica incipiendo; per singula enim 3. puncta in Tropici, & Aequatore reperta si lineā curuam duxeris, habebis horas ab Ortū quæsitas; quæ quidem nil aliud sunt, quam Italicæ inuersæ; sed figura præcedens praxim melius docebit: ergo horas ab Ortū, & Occasu descripsimus, quod erat faciendum; Sequitur paulò post Tabula Azimuthalis.

Horarū Baby-
 lonicarū siue ab
 Ortū duplex in-
 scriptio.

Vsus Horologij.

Modus verò obseruandi horas huiusmodi in Sole, non differt ab eo quem in præcedente Problem. docuimus; vmbra enim occupante lineam Meridianam, communis intersectio versorij & paralleli Solis dabit horam quæsitam.

Tabula

*Tabula Azimuthalis pro horis ab Ortū, & Occasu describendis ad Grad. 42.
supputata.*

Hora Italica

	p		γ vel α		ω		
	G.	M.	G.	M.	G.	M.	
9	38 B	31	33 B	47	31 B	43	15
10	19 B	24	21 B	7	22 B	9	14
11	6 B	27	10 B	10	13 B	3	13
12	3 A	48	0	0	3 B	48	12
13	13 A	3	10 A	10	6 A	27	11
14	22 A	9	21 A	7	19 A	24	10
15	13 A	43	33 A	47	38 A	31	9
16	42 A	14	49 A	13	70 A	28	8
17	54 A	4	68 A	11	67 M	35	7
18	67 A	22	90 M	0	36 P	47	6
19	81 A	55	68 P	11	18 P	17	5
20	83 M	0	49 P	13	5 P	40	4
21	68 P	23	33 P	47	4 P	30	3
22	54 P	59	21 P	7	13 P	41	2
23	43 P	1	10 P	10	22 P	50	1
24	32 P	27	0 P	0	32 P	27	24

Hora Babylonica

Litera B significat numeros ex verticali primario versus Borealem partem transferendos, A significat Australem plagam, vel ante Meridiem, P post Meridiem, M Meridiem.

P R O B L E M A VI.

Horas Planetarias siue Inæquales, aut Temporales eidem Zodiaco inscribere.

Hora Inæqualis quid?

EXpeditis horarum Aequalium texturis, nūc ne quicquā obmisisse videamur, temporalium quoque quas vulgò Inæquales vocant, delineandarum rationem doceamus. Sed imprimis sciendum est, quod hora temporalis est duodecima pars diei artificialis, similiter & noctis; sumunt autem initium à Solis exortu, noctis verò ab eiusdem occasu. Hinc patet, quod linea Meridiana semper est hora sexta Inæqualis. Et quādiū Sol est in Aequinoctiali, quod bis in anno contingit, horæ Inæquales æqualibus æquantur vniunturque, & ob id in Horologijs quibuscunque sese semper in linea Aequinoctiali interfecant. His igitur præsuppositis horas Inæquales per Tabellam sequentem in Magnetico Zodiaco hac industria inscribes.

Tabella Azimuthorum pro horis Inæqualibus ad lat. 42. Grad.

pro } $\overline{\sigma\sigma}$ Y 6	12	11	10	9	8	7	6
	G. M.	G. M.	G. M.	G. M.	G. M.	G. M.	G. M.
	32 30 B	40 32 B	48 45 B	3 38 A	19 0 A	43 30 A	90 0 A
	0 0	10 10 A	21 7 A	33 47 A	49 13 A	68 52 A	90 0 A
	32 30 A	39 51 A	48 17 A	57 42 A	65 55 A	78 30 A	90 0 A

Horarum Inæqualium inscriptio.

NOta in hac Tabula occurrentes literas A & B, significare numerum cui adiunctæ sunt, vel in Boreali, quam B denotat; vel Australi, quam A signat, numerari debere; his obseruatis, Horologium Magnetico-Sciatericum horarum Inæqualium ita describes: pro hora 12. quæ cum Horizonte incidit, inscribenda, computa in Tropico $\overline{\sigma\sigma}$ Zodiaci 32. grad. & 30. min. (iuxta Tabulam) in quadrante Boreali ex puncto C aut D, & facto puncto, in Aequatore computa 0. 0. & in Tropico

Tropico ꝑ 32.grad. & 30.min. in quadrante Australi ex G, aut H numera; per huiusmodi enim 3. puncta, si arcum duxeris, habebis Horizontem siue horam 12. inæqualem, quam cum Horizonte semper incidere diximus ex parte Orientali, hunc arcum si in oppositum quadrantem transferas, habebis Horizontem Occidentalem. Iterum pro hora 1, numera a C versus B in Tropico 20.grad. & 32.min., & ab S versus Austrum in Aequatore 10.grad. & 10.min. & a G versus E in Tropico ꝑ 39.grad. 51.min. & ducto per huiusmodi 3. puncta arcu, habebis arcum horæ primæ Inæqualis, quem si in oppositum quadrantem transferas, habebis horā 11; inæqualem post Meridiem. Non secus ceteras consequentium horarum lineas duces; Tabularum verò huiusmodi supputandarū methodum tradidimus in Progymnasmat. 7. Quod si horas hasce ad Solem explorare libeat, gyra Instrumentum vsque dum Gnomonis umbra lineā Meridianam verberet; hoc enim situ acus Magnetica in parallelo Solis ostendet horam quæsitam; figura 1x. sequitur.

PROBLEMA VII.

Domus Cælestes Horologio Magnetico inscribere.

Circuli domuum Cælestium nihil aliud sunt, iuxta rationale methodū Ioannis Regiomontani, quam circuli per communes intersectiones Horizontis, & Meridiani ducti, Aequatorem in 12. æquales partes diidentes, quas 12. partes Domus Cælestes Astrologi appellant; iuxta mentem verò Campani Domus Cælestes per cōmunes intersectiones Horizontis, & Meridiani ductæ, verticalem primarium in 12. æquales partes diuidunt. In vtraque methodo 6. Domus perpetuò sunt supra Horizontē, cuiusmodi sunt 7. 8. 9. 10. 11. 12. 6. perpetuo infra latēt quales sunt 1. 2. 3. 4. 5. 6. Prima Domus dicitur horoscopus quem Græci alio nomine ἀνατολήν vocāt, estque pars illa Zodiaci, quæ in finitore qua parte Sol oritur primum emergit; dicitur ὠροσκοπος, eò quod per eam partem
horas

Quid horoscopus, aut ascendens?

horas quilibet Astrologi speculentur. Dicitur etiam ascendens, angulus, seu cardo Orientis & prima domus, eò quod sit basis & fundamentum totius figuræ cælestis construendæ, indeq. ducatur initium cuiuslibet operis; & in genituris humanis notat vitam hominum, corpus, spiritû, iuxta illud Pontani.

Vita tibi motusque animi querendus ab ortu.

Vnde etiam toto lux ipsa effunditur orbe.

Reliquarum domuû proprietates, vide apud Astrologos, & in Astronomia nostra reflexa siue Gnomonica Catoptrica Aenone impressa, vbi fusè de huiusmodi domuum effigiatione differuimus; Qua verò ratione eadem lineæ Horologio nostro Magnetico inscribi possint, breuiter quoque hoc loco tradendum duximus; idque per Tabellam sequentem.

*Tabella Azimuthorum in principijs singularum
Domuum Cælestium.*

Domus Cælestes ὀρεγείας, siue supra terram.

☉	32	27	52	18	71	28	90	0
Υ	0	0	21	7	49	13	90	0
♋	32	27	11	46	15	13	90	0

EX hac Tabella Domus ὀρεγείας, quæ umbra Solis monstrari queant, non secus ac horas sequenti methodo inscribes; descripto Horizonte Magnetico, qui cum 1. & 7. domo concurrat, principium 8. domus ita describes; numeros Azimuthorum respondentes domui 8. & 12. in Tropico ☉ ex puncto C in alterutram partem pro ratione literæ ascriptæ; & ex S in Aequatorē, ex G denique in Tropicum ♋ transferes. Nam si per 3. puncta in dictis circulis inuenta arcum duxeris, erit illa domus 8. linea, quam si in oppositum quadrantem transferas; habebis domus 12. lineam; non secus cæteras consequenter domus inscribes; qua ratione verò ad quamuis latitudinem huiusmodi Tabulæ computare possint, diximus in Progymnasmat. 7. vbi qua ratione Tabulæ pro singulis

gulis gradibus Domuum Cælestium supputari possint, ostendimus:quare Lectorem illuc remittimus.Figura descriptionis peractæ sequitur.

Vsus .

VMbra styli lineam Meridianam occupante communis intersectio versorij, & paralleli, domum Solis ostendet quæsitam.

PROBLEMA VIII.

Azimutha & Almucantaras siue circulos Horizontis, aut altitudinum Solis Magneticè delineare.

Quid per Azimutha, & Almucantaras intelligamus iam sæpè declaratum est; has itaque hac arte Zodiaco inscribemus, & quamuis supra Azimuthorū inscribendorum methodum docuerimus, hic tamen eam repetere, ut omnia clariùs elucescant, visum est. Diuiso itaq. limbo Zodiaci Magnetici, qui Tropicum ☊ refert, in 4. quadrantes, quorum diuisionem à punctis C, & D inchoes, vsque ad punctum AB procedendo, si inquam ex centro per singulos gradus quadrantum lineas rectas duxeris, referent eæ tibi 360. Azimutha quæsitæ; nos ad confusionem vitandam, solas Azimuthorum decades hic descripsimus. His igitur ita descriptis Azimuthis, singulas Almucantaras per quinos, & quinos gradus hac industria è sequenti Tabella describes.

Tabella coincidentie Almucantararū, & Azimuthorū ad 42.Gr.

	0	5	10	15	20	25	30	35	40	45	50	55	60	65	70	75
Azi- mut.	G. 32	27	22	18	15	10	5	0	3	8	13	20	30	42	62	
	b	b	b	b	b	b	b	b	a	a	a	a	a	a	a	☊
Azi- mut.	M. 30	3	28	6	0	8	30	30	29	21	50	0	2	52	0	
	G. 0	4	9	13	19	25	31	39	25	15	21	29	40	pro 10	pro 20	
Azi- mut.		a	a	a	a	a	a	a	☊	☊	☊	☊	☊	☊	☊	☊
	M. 0	31	39	56	58	0	2	8	0	0	31	0	0	503	900	
Azi- mut.	G. 32	38	45	53	64	90	57	72	49	32	42	57	99	pro 20	G.	
	a	a	a	a	a	a	m	m	☊	☊	☊	☊	☊	☊	☊	☊
Azi- mut.	M. 30	17	6	54	27	0	6	23	47	29	43	2	0	800	M.	☊

Ex

EX hac itaque Tabula Almucantaras Azimuthis ita inscribes; Horizonte vt in præcedentibus factum est, descripto, pro quinta Almucantara inscribenda, quæres in Tropico ☉ Zodiaci, in quadrante Boreali 27. grad. 3. min. quæ nota, & in Aequatore ex puncto S versus Austrum 4. gr. 31. min. & in Tropico ☿ ex G versus Austrum 38. grad. 17. min. & per hæc 3. puncta graduum in dictis circulis reperta arcum duc, habebisque Almucantaram 5. quæsitam; pro 10. vera Almucantara, quære in Tropico ☉ gr. 22. min. 28. versus Boream; in Aequatore verò 9. gr. & 39. min. versus Austrum, in Tropico ☿ denique 45. 6. versus Austrum numera, & per notatos fines ductus arcus Almucantaram 10. significabit, quam quærebās; non secus de cæteris Almucantaris inscribendis ages. Nota tamen hoc loco cū pro 30. Almucantara in Tropico ☿ punctus haberi non possit, punctum in parallelo m, vel X quærendum esse, vt 3. puncta arcum determinantia habeas; quod & in 35. Almucantara describenda seruandum est. Pari ratione cum in 50. Almucantara, in Aequinoctiali pro Y, & in ☿ puncta haberi non possit, puncta in parallelo d & II, & parallelo 8 & 11 quærenda esse, vt 3. puncta arcum determinantia habeas; quæ omnia diligenter obseruanda sunt. Vnde loco punctorum quæ cæteroquin in Aequinoctiali, & Tropico ☿ sumenda erunt, puncta parallellorum m & X, 8 & 11, d & II, substituimus, vt ex Tabella patet, quam quidem computauimus iuxta regulas in Progymnasmate 7. traditas; Almucantaras igitur Azimuthis inscripsimus, quod erat faciendum.

Vsus Horologij.

VSus horum erit, vt si quispiam scire desiderat, quantum Sol qualibet hora supra Horizontem sit eleuatus, & quantum à Meridie, aut media nocte distet; Instrumentum Soli ita obuertes, vt umbra Gnomonis præcisè in horam 12. incidat, quo facto monstrabit acus Azimuthum distantiæ Solis à Meridie, vel media nocte, & in quo quadrante moretur; In sectione verò communi paralleli, in quo Sol dato tempore versatur, & Azimuthi, simul Almucantaram, siue circulum

alti-

altitudinis Solis monstrabit, quæ res est plena & vtilitatis, & iucunditatis; sed vt omnia melius percipiantur, figuram hanc adiunximus.

PROBLEMA XI.

Lineas Signorum ascendentium eidem Zodiaco inscribere.

Lineas Zodiaco Magnetico nunc inscribemus, per quas quouis momento quouis Horoscopum signorum, siue signum supra Horizontem ascendens, & consequenter totius cæli cōstitutionem cognoscere possit, quæ quidem res vti noua, & à nemine adhuc quod sciam, in magneticis tentata, ita quoque digna visa est, quæ hic inserta, publici iuris fieret. Itaq. totius rei negotiū expeditur sequentiū Tabularū subsidio quam ad lat. 42. Grad. computauimus hac quæ sequitur industria; Inscripturus lineam ascendentis Υ per totum annū; præparato in Zodiaco Magnetico, vnà cum Horizōte, & Azimuthis, vt in præcedentibus factum est, obserua vbi parallelum χ interfecet Azimuthum 27.grad.& 43.min.(quod signū vnà cum gradibus, & minutis primum columnæ ascendentis Υ loculamentum exhibet) & ibi fac punctum; Iterum obserua vbi parallelum \approx interfecet Azimuthum 57.grad.& 36.min. & in parallelo dicto \approx fac pūctum: vide denique vbi Tropicum \wp secet Azimuthum grad.90.& min.0. & impresso puncto, sic cōsequenter in singulis parallelis Azimuthorū puncta iuxta numeros in columna repertos, signabis. Per huiusmodi enim puncta si lineam curuam descripseris, habebis lineam Horoscopantis Υ per totum annum Zodiaco Magnetico inscriptam. Non secus operaberis, si lineam ascendentis \wp inscribere velis. Si enim iuxta columnam ascendentis \wp , in parallelo Υ 11.gr.& 49.min. In χ parallelo 42.gr. cum 39.min. in parallelo \approx 74.gr.26.min. in parallelo \wp 72.gr.46.min. in \ddagger 42.gr.50.min. in \mathfrak{m} denique 15.grad. numeraueris, habebis puncta, quæ si linea curua coniunxeris, exhibebit illa tibi lineam ascendentis \wp . In reliquis ascendentium signorum lineis eadem prorsus ratione operaberis; Lineas igitur signorum

rum ascendentium Zodiaco Magnetico inscripsimus, quod erat faciendum.

Vfus.

EXposito instrumento Soli, & Gnomonis vmbra lineam Meridianam feriente, vide cuius ascendentis linea incidat in communem intersectionem versorij, & paralleli Solis; illa enim, quod signum illo momento ascendat, monstrabit; quo habito totius quoque cæli constitutionem habebis, & 12. domuum cælestium cuspides non erūt ignoti; Si igitur ascendens pro dato tempore fuerit inuentus ☊, ergo tutò inferri potest principium oppositi signi ☋ tunc temporis in septima domo constituti occumbere; Signi verò ♀ principium culminare, seu in medio cæli, aut 10. domo constitui, & principium ☍ in imo cæli, seu 4. domo existere. Reliqua verò signa intermedia, intermedijs quadrantum spacijs respondere; quæ omnia ex adiunctis infra schema figuris patent; Ex quo sequitur, habitis quatuor signorum Cardinibus dicto citius quodlibet signum, qua in domo, qua in plaga constitutum sit; item loca stellarū fixarum, quarum longitudo non fuerit ignota, propè verum patefieri, quæ res præter utilitatem maximam, plurimum sanè iucunditatis afferre solet.

Tabula Azimuthorum pro Ascendentibus Signorum inueniendis ad lat. 42. Gr.

Primus quadrans	Ascend. γ		Ascend. ♂		Ascend. ♀		Ascenden- tis Zodiaci
	Sig.	Azim.	Sig.	Azim.	Sig.	Azim.	
	G. M.		G. M.		G. M.		
	♈	27 43	♈	11 49	♈	1 40	
	♊	57 36	♈	41 39	♈	28 00	
	♊	90 0	♊	74 26	♈	62 19	
	♊	57 36	♊	72 47	♊	83 22	
	♊	27 43	♊	42 57	♊	53 42	
	♊	0 0	♊	15 34	♊	27 41	

Secundus
quadrans

Ascend. ☊	Ascend. ♈	Ascend. ♊
Sig. Azim.	Sig. Azim.	Sig. Azim.
G. M.	G. M.	G. M.
♈ 9 36	☊ 10 7	♊ 3 10
♉ 19 12	♈ 15 49	☊ 17 51
♊ 57 33	♉ 62 19	♈ 74 26
♋ 84 6	♊ 81 11	♉ 48 59
♌ 55 18	♋ 45 15	♊ 27 58
♍ 32 27	♌ 27 41	♋ 15 34

Ascenden-
tis Zodiaci

Tertius
quadrans

Ascend. ♎	Ascend. ♋	Ascend. ♉
Sig. Azim.	Sig. Azim.	Sig. Azim.
G. M.	G. M.	G. M.
♋ 10 22	♎ 27 58	♋ 45 15
♌ 28 48	♈ 48 59	♎ 81 11
☊ 90 0	♊ 74 26	♈ 62 19
♈ 28 48	☊ 17 51	♌ 15 49
♉ 10 22	♈ 3 10	☊ 10 17
♊ 0 0	♉ 15 38	♈ 27 41

Ascenden-
tis Zodiaci

Quartus
quadrans

Ascend. ♏	Ascend. ♍	Ascend. ♌
Sig. Azim.	Sig. Azim.	Sig. Azim.
G. M.	G. M.	G. M.
♌ 55 18	♏ 53 42	♍ 42 57
♍ 84 6	♈ 83 22	♏ 72 47
♎ 57 53	♊ 62 19	♈ 74 26
♈ 19 12	♎ 28 00	♊ 41 39
♊ 9 36	♈ 1 10	♎ 11 49
☊ 32 27	♊ 27 41	♈ 15 34

Ascenden-
tis Zodiaci

Sed

Computatio
huius Tabulæ

Sed desideras fortassis, quamam methodo huiusmodi Tabulæ computari queant? illam itaque, hoc loco breuibus accipe. Sic igitur operare. Dato signo quolibet ascendente, omnium aliorum signorum consequentium, quæ supra Horizontem existunt, distantia à Meridiano iuxta Progymnasmm. 7. Lemmatis 2. præcepta inuestigentur; his igitur habitis fiat, vt sinus totus ad sinus complementi distantia dictorum signorū à Meridie; ita medietas bis sinui vniuscuiusque signi, ex vtraque altitudine Meridiana singulorum signorum infra, & supra Horizontem existentium conflati ad aliud: producenturq. sinus, quos, si Almucantaræ horæ 6. addas, vel ab eadem subtrahas (prout signum Boreale fuerit, vel Australe) ij relinquant sinus Altitudinum dictorum signorum supra Horizontem. Inuentis igitur altitudinibus singulorum signorum, dato ascendente, supra Horizontem existentium; fiat vt sinus totus ad sinum complementi declinationem signorum supra inuenti ad aliud, producenturq. complementa hectimorij arcus signorū; hos tibi propone cum sinibus complementi altitudinis signorum, horumq. minores duc in sinum totum, & summas diuide per sinuum paulò ante propositorum maiores, quoti enim dabunt sinus Azimuthorum pro dictis signis quæditorum, vel per Logarithmos modo supra Progymnasmatæ 8. tradito. Qui verò mechanica methodo plus delectantur, ope Astrolabij signorum dictorum Azimutha dicto citius reperient; Posito enim primo gradu ascendente signi supra Horizontem. Astrolabij, monstrabunt principia reliquorum signorum supra Horizontem existentium intra circulos Azimuthales, Azimutha quæsitæ; exempla non addo, cum hæc penè trita sint, & vel à mediocriter exercitato colligi facillè possint.

Atque hæc sunt, quæ de Astrolabio Scia-
terico-Magnetico concinnando
publicanda duxi-
mus.

Nunc ad alia
proceda-
mus.

CAPVT III.

Horologiographia Magnetica.

*In qua omnis generis Horologia Magnetica,
non Sciaterica construuntur.*

QUA ratione Horoscopia Sciaterica confici possint, in
precedenti Sectione fusè doctum est, nunc qua ratione
eadem ἀντιμετρήματα absque Sole horas, aliaque ad primi
mobilis doctrinam pertinentia monstrare Magnetica arte possint,
iam locus tempusque postulat, ut aperiamus.

PROBLEMA I.

παρασκευαστέον.

*Constructio Instrumenti, seu primi Motoris
Magneticarum motionum.*

Quisquis Artificū ad immutabile naturę exemplar, actio-
nes suas adaptauerit, is veram innumerorū in natu-
ræ sinu delitescantium arcanorum clauem se repe-
risse nouerit. Cum itaque omnis motus, à primo aliquo eoq.
immobile dependeat Motore, vt Aristot. lib. 4. physic. docet
omnis quoque motus corporum, quem Artifex naturæ simia
singulari industria causatur, primum aliquem κατὰ τὴν ἀναλογίαν
Motorem, vt præsupponat æquum est, quo moto reliqua con-
sequentur corpora moueantur, cuiusmodi nos arenæ, aquæ
aut alterius liquoris fluxu, ea qua sequitur arte conficimus.
Fiat vas amplum è stanno, plumbo, cupro, aut alia quauis
materia dura & solida, forma quadrata, cuius latitudo vnus
sit pedis Geometrici, longitudo verò duorum, in medio lon-
gitudinis ceu diaphragmate quodam, quo totum in duo rece-
ptacula diuidatur, discriminatum; huic diaphragmati forin-
secus inferatur epistomiū, ita vt aqua seu arena superioris va-

Ars imitatur
Naturam.

Fabrica Mo-
toris primi.

Clepsydra
Aquatica.

sis receptaculo infusa per inserti epistomij aperturam, in inferius vasis receptaculum pro machinatoris arbitrio sese paulatim insinuans, exonerare possit; quod vt sine impedimento fiat, & spiraculo, ne fluxus à constricto intus aëre sistatur, & in fundo epistomio quoque, vt aqua per id commodè eximi possit, instructum sit necesse est. Huic ita præparato vasi (quod nos Clepsydram impostero appellabimus) Incubum aquaticum, (quod Instrumentum ita appellare visum est, quod aquæ fluenti semper incumbat;) ita adaptabis; fiat ex eadem vasis materia quadratum solidum duos ferè digitos crassum, cuius latus vno medio digito, latere clepsydræ, sit minor; intus cauum & vacuum, ita vt aquæ impositum submergi nunquam possit, vnde ita ferruminandum est, vt nec aquæ, nec aëri sit peruium; sit autem in medio anulo quodam instructum, vt filo alligari possit. Atque huius officiū est, vt in superioris vasis receptaculi aqua impositus labentem aquam semper sequatur, & dum fugientem aquam ita sequitur, pondere proprio cylindrum, de quo paulò post, sibi chorda alligatum paulatim circumagat. Cylindrus circumagendus fiat ex charta crassa; vel subtili ligno, habeat autem draphragma, in medio, vel vbi volueris, cum vt in eo magnes circumagendus collocari possit, tum vt super axem eius centro inditum totus cylindrus, vnà cum imposito sibi magnete innixus facilè per incubum aquaticū paulatim subidentem chorda cylindro circumplicata gyrari possit; pondus verò alteri chordæ extremo appensum seruit, ne chorda circa cylindrum laxetur, sed vt pondere vtriusque extremi cylindrus chorda veluti brachio quodam strictus faciliùs circumducatur. Sed hæc omnia meliùs ex sequenti schemate patent.

N O T A E.

NOta primò. Cum aqua successu temporum exhalatione consumatur, atque adeò vasa aut rodat, aut phlegmate suo canalem obstruat, ita vt æqualis constans & vniformis fluxus, qui vt negotium ad votum succedat, hic vnice desideratur, seruari non possit; ego minutissimum puluerem, quem clepsam-

clepsammidijs siue horometris arenarijs vbique passim vsita-
tis imponere solemus, vasi prædicto inditum cylindro vnifor-
miter circumagendo aptiorem iudico, cum non ita facilè à
circumstante aëre variè affecto, quemadmodum aqua, mute-
tur; sed hæc sibi quisque assumet, quæ huic negotio expe-
diundo commodiora certioraque esse iudicauerit. Nota se-
cundo hoc machinamentum ita tegi, & occultari debere,
vt præter Magneticam statuum vitro inclusam nil compareat.

PROBLEMA II.

*Horologium Magneticum construere horas Ba-
bylonicas, Italicas, Astronomicas, Planeta-
rias, noctu, diuq. ope versorij Ma-
gnetici perpetuò ostendens.*

PRo horis Astronomicis circulus quolibet interuallo, & in
24. æquas partes diuisus describatur, qualis est circulus
ABCD, pro horis ab Ortus, & Occasu Zodiacus ea prorsus
ratione qua Zodiacum Magneticum supra descripsisti, delinea-
bis; quo præparato Zodiaco, horas ita inscribes. Ab Horizon-
te incipiendo iuxta regulas in præcedentibus præscriptas, sin-
gulos tres circulos videlicet Tropicum æq, Tropicum p, cum
Aequatore in 24. æquales partes, ita vt ipse Horizon, lineam
horæ 24. referat, partieris: prima hora ab Occasu, aliaq. con-
sequentes versus mediæ noctis punctum; prima autem ab or-
tu, vti & reliquæ consequentes versus oppositum mediæ no-
ctis punctum, videlicet, versus Meridiem numerentur, vt in
exemplo factum esse vides; hoc peracto, si per singula, singu-
larum horarum, in tribus circulis, videlicet Tropicis, & Aequa-
tore inuenta puncta circulos duxeris, habebis horoscopium
quæsitum. Horas inæquales hæc industria inscribes. Cum
Horizon totum Zodiacum in duos arcus inæquales secet, quo-
rum vnus arcum diurnum, alter nocturnum, referat, si trium
memoratorum circulorum singulos arcus tam diurnos, quàm
nocturnos in 12. æquales partes ab Horizonte incipièdo par-

titus fueris, & per singula singularū horarum in tribus circularibus inuenta pūcta arcus duxeris, habebis horas inæquales quarum Horizon semper refert 12. linea verò Meridiana sēper 6. Horologium itaque ritè delineatum, pyxidi ad hoc præparatæ, vnà cū versorio magnetico, & cooperculo vitreo, ne a circumstante aëre agitetur, includatur; pyxidem deinde supra cylindrum mobilem Magnete suo instructum, ita collocabis, vt arcus seu versorium magneticum, semper in eodem plano magnetici axis sit (voco autem planum axis magnetici, quod concipitur transire per verticem capitis, & communes intersectionis vtriusque poli magnetici, & horizontis.) Quo facto aperto epistomio clepsydræ, interuallo, horis mēsurandis per fluxum aquæ mēsurandis proportionato, incubus fugientem aquam insequens alligatum sibi cylindrum, vnà cum magnete circumaget, quo proportionaliter iuxta distantias horarias circumacto, necessario quoque æqualiter, & vniformiter suprapositam sibi aciculam, seu versoriū iuxta Theorema 14. prioris libri, circumducet; cum ergo cylindrus vnà cum magnete ex hypothesi spacio 24. horarum semel circumeat, versorium quoque circulum suum horarium semel quoque circumibit; ergo horas à meridie, & media nocte, ab Ortū, & Occasu, vti & inæquales eo in puncto, vbi parallelus Solis currens a versorio intersecatur perfectè demonstrabit, qua ratione verò dicta perpetuò mōstrare possit, vide quæ dicemus Problemate 10. sequentis partis; ergo Horologium Catholicum Magneticum confecimus, quod erat faciendum.

Vsus.

Vide vbi versorium secet parallelum diei currentis, vel signum id enim punctum monstrabit horam Astronomicā, Babyloniam, Italicam, Planetariam; posito tamen clepsydram suo officio probè fungi. Sed hæc ex figura melius comparebunt.

PROBLEMA III.

Horoscopium Regiminis Planetarum Magneticum describere.

Inæqualium, Temporalium siue Planetariarum horarum inuectores Babylonios fuisse plerique opinantur Authores; hi enim pro negotijs suis peragendis Dominum Planetarum per horas cognitum continuò obseruabant, atque illud veluti magnum quoddam arcanum paucis, quod pleriq. Astrologi postea secuti sunt, ostendebant. Horoscopium igitur regiminis ea ratione, qua hic factum esse vides delineabis. Fiat circulus ABCD, qui Tropicum ☊ referat, & alius quantalibet distàtia EFGH, qui ☊ referat; & medium denique Aequatorem ab utroque circulo æqualiter distantem; inter hosce circulos reliquos parallellos Solis inscribes, ea ratione, qua in Zodiaci Magnetici descriptione figuræ VII. docuimus. Hisce verò parallelis horas inæquales inscribes ea methodo, quam in præcedente Problemate docuimus. Intra cauum, verò huius Zodiaci describantur Regimina Planetarum, per singulas horas diei, & noctis, ea ratione qua in figura factum esse vides. In Indice verò Magnetico interuallo circulorum 7. Planetarum Regimina continentium describantur 7. dies hebdomadis; habebisque instrumentum confectum. Hanc itaq. figuram pyxidi inclusam cylindro, vt supra factum est, superimpones, ita vt alhidada magnetica, cui ferias inscribes, horæ 12. incumbat. Et ipsa cylindro circumacta toto die primò horas inæquales, seu planetarum demonstrabit. Si igitur scire v.g. horam Planetarum quolibet tempore desideres. Vide primo quem parallelum Solis secet Alhidada; linea enim horaria cōmunem intersectionem coincidens horam monstrabit quæsitam; Regimen autem planetæ habebis, si scalam feriarum in Alhidada descriptarum supra horam iam inuentam, atque in interiori limbo horario descriptam applies, planeta enim, qui diei siue feriæ responderit erit planeta eadem hora gubernans. Vbi Nota diē feriæ semper denominari à planeta primi illius diei hora domināte; ita diei Dñicæ, seu Solis h. i. debetur Soli; hora 1. feriæ 2. Lunæ & sic de ceteris iuxta versus sequentes.

Horarum inæqualium inuectores Babylonij.

*Totius hebdomada septem hoc sunt ordine luces ,
Qualibet ut certo fuit assignata Planeta,
Prima datur Soli, Luna altera, tertia Marti ,
Mercurij verò quartam de nomine dicunt ,
Quinta dicata Ioui est, sextam Venus occupat, atque
Ultima mox sequitur, Saturni nomen habebit .*

Habito itaq. die in acu descripto seu feria, vide quem planetam acus tangat, ille enim est planeta data hora gubernans. Sed hæc facilia sunt, quam describi mereantur.

PROBLEMA IV.

*Astrolabium siue Planisphærium Magneticum
totius primi Mobilis doctrinam perpetuo
motu exhibens .*

Describatur circulus ABCD in suos quadrantes diuisus, ut in prima figura patet; ex A versus D maxima declinatione Solis numerata trahatur linea EI, ex pūcto I ducatur occulta linea terminans in puncto B, & vbi hæc linea secat lineam AC, videlicet in K, ex centro E describatur circulus, qui referet Aequatorem. Iterum ex puncto F lineæ declinationis ducatur linea occulta in L punctum commune intersectionis Aequatoris, & diametri DB, & vbi hæc linea secat lineam AC videlicet in S ducatur ex centro E circulus, qui referet Tropicum ☊, habes igitur 3 circulos primarios Astrolabij, extremum, videlicet ABCD, qui ☊, medium, qui Aequatorem, intimum, qui ☊ referat; qui totius planisphærij basis sunt, & fundamentū. His itaque reliquos circulos hac arte inscribes.

Almucantararum inscriptio.

Almucātaras hac arte inscribes; numerata eleuatione poli Regionis tuæ ex B versus A ut in 11. Figura patet. duc lineam per finē numerationis, & centrū E, diligēterq. notabis, vbi linea Aequinoctialis à ducta polari linea interfecetur, quæ puncta contactus hic notauimus literis O & P, quo facto diuide semicirculum PKO in 180. partes siue duos quadrantes, si qui-

si quidem singulas Almucantararum, quæ 90. sunt, inscribere desideres, vel in 18. partes si decades tantum earum delineare lubeat; Vt nos hic fecimus. Deinde applicata regula supra L punctum cōmune intersectionis Aequatoris, & diametri DB, & punctum O, vide vbi linea AC interfecetur, & ibi fac punctum Q; iterum quiescentem super L regulam applica quoque super punctum P, & vide vbi eadem linea AC protracta secetur, & ibi fac punctum R, medietas enim lineæ inter extrema puncta Q & R interceptæ dabit centrum circuli NQL, qui Horizontem, omnium Almucantararum, vti primam ita maximam refert. Quod si 10. Almucantaram inscribere desideras, numera à punctis P, & O versus K, 10. & applicata regula, vt ante factum est super L punctum & puncta 10, & 10. diligenter nota vbi linea AC interfecetur, spaciij enim inter hæc duo puncta medietas dabit centrum Almucantaræ 10. Eadem prorsus ratione reliquas consequenter Almucantararum inscribes.

Azimuthorum inscriptio.

Complemento altitudinis poli in Aequatore ab N versus M numerato, ibi imprime punctum S, vt in tertia figura patet. Deinde applicata regula supra N, & punctum S iam inuentum, vide vbi linea AC protracta secetur, medium enim inter hoc punctum intersectionis T, & punctum verticis Z paulò antè inuentum dabit centrum Verticalis primarij per puncta LN Horizontis infallibiliter transeuntis; centrū huius circuli notauimus litera V per hoc diametrum YX duces diametro ZT ad angulos rectos insistentem, in infinitū protractā; quo facto diuidatur semicirculus ZXT in partes 90. si eidē 360 Azimutha inscribere desideres, aut in 9. partes si decades tantum Azimuthorum describere lubeat; vt nos hic fecimus; Deinde posita regula supra Z punctum verticis, & intersectiones semicirculi ZXT, paulò antè diuisi, diligenter observa vbi dicta regula diametrum XY protractam interfecet, hæc enim erunt puncta, seu centra ex quibus si per Z punctum verticis arcus, vt in figura vides, descripseris, habebis circulos Azimuthales, ex vna parte, quod si hæc pūcta ex V in op-

positam partem diametri XY transferas, habebis centra Azimuthorum pro altero semicirculo inscribendorum. Porro quæ ratione huic Astrolabio horæ omnis generis inscribi possint, in Probl. 2. docuimus, cuius methodus, ab hac in nullo differt.

Duodecim Domuum Cælestium inscriptio.

Duodecim Domus Cælestes iuxta rationale Iōis Regiontani methodum, nullo penè negotio huic planisphærio inscribes, vt sequitur in figura 1 v. diuiso Aequatore ab N incipiendo versus M in 12. partes æquales, referetq. initiū 1, & 7. domus Horizon obliquus siue linea NZL. reliquas domus consequenter ita inscribes, per puncta domus 2, & 8. in Aequatore inuenta, & per Z punctum Zenith ducatur arcus, qui referet dictarum domuum initium; iterum per puncta 3, & 9. domus in æquatore, & per punctum verticis ducatur alius arcus, qui 3, & 9. domus lineam; domus 4, & 10. initium refert linea Meridiana; ita per punctum 5, & 11. in Aequatore, & commune punctum Verticis arcus ductus dabit domuum 5, & 11. lineam; & sic in cæteris consequenter inscribendis procedes.

Retis Fabrica.

Retis huius planisphærij delineatio fiet supra folium diaphanum, quale nos supra Glaciem Marianam, quam Talcum vulgò appellant, alias optimo successu perfecimus; super folium igitur materiæ alicuius diaphanæ delineentur 3. circuli paulò antè pro base in planisphærio descripti; Tropicus videlicet ☊. Aequator, & Tropicus ☋, eodem interuallo seu distantia; quo facto ex puncto medio lineæ AG, quæ sunt puncta terminantia Tropicorum, describatur circulus, interuallo punctorum AG; eritq. descriptus circulus referens Zodiacū, quæ in gradus suos duplici methodo primò Geometrica, altera ope Tabulæ ascensionum rectorum, quam ubiuis obuiā passim reperies, hac arte dispesces. Prima methodus ita se habet. Aequatore ab N versus M progrediendo in 360 partes diuiso (si principium ☊ v.g. inscribere desideres) vide ex Tabula

Diuisio-
nis Zo-
diaci à metho-
dus.

bula ascensionum rectarum, ascensionem huic γ principio respondentem, quam inuenies v.g. 27.gr. & 54.min. hanc supputa à puncto N Aequatoris versus M, & posita regula supra centrum E, & gradus numeratos obserua, vbi Ecliptica interfecetur, & ibi fac punctum, quod referet principium dodecamorij γ ; pro Geminis accipies ex Tabula ascensionem rectam 57.gr.48.min.atque super eam ab N versus M in Aequatore numeratā posita regula ex E protensa, vide vbi Ecliptica fecetur, hoc enim intersectionis punctum dabit principium dodecamorij Geminorum. Non secus aliorum cōsequentium signorum principia ex Tabula ascensionum rectarum inscribes; Quod si singulos gradus signorum inscribere volueris, ascensiones rectas singulorum graduum dictis signorum gradibus correspondētes ab N versus M te numerare oportebit, vt per praxim ante doctā voti compos fias. Tabulæ huiusmodi, apud Clauii, Orontium, Stofferinum, Regiomontanum, Reinoldum aliosq. astronomos passim occurrunt; quare eas huc apponere superuacaneum esse ratus sum. Qui verò huiusmodi Tabulis, aut libris caruerint, faciliiori methodo Zodiacum inscribent ea qua sequitur ratione; diuiso Aequatore in 360. partes æquales polum Zodiaci arcticum, ita inuenies; numera ab N versus K in Aequinoctiali maximam Solis declinationē 23.grad. 30.min. & posita Regula supra inuentam declinationem Solis, & punctum L, vide vbi linea Meridiana EA fecetur vt in X, id enim erit punctū polare Zodiaci quæsitum, ex quo lineæ occultæ per singulos Aequinoctialis gradus ductæ, Eclipticam in gradus quoque suos proportionaliter, & optice fecabunt. Stellarum autem fixarum inscriptio in reti perficitur varijs modis, quorum vsitatissimus iste est, qui fit per Tabulas mediationum declinationum, longitudinum & latitudinum Stellarum fixarū, quas tibi Tabulas exhibet in Sphæra sua Clavius, & plerique alij, qui de Sphæra tractarunt; quæ praxis cum admodum facilis sit, & ex præcedentibus pateat, à me consultò, omittitur. At verò nequicquam huic operi desit, facilem hic, & compendiosam Stellarum reti inscribendarum rationem dabimus; qua Magneticæ artis Tyro in Astrolabijs delineandis ope sequentis Tabulæ vti poterit.

Secunda methodus.

Tabula

<i>Tabula Stellarum fixarum magis illustrium.</i>		Longitudo sclm ascen- sionē redā.	Declina- tio.	Pars Mūdi.	Magni- tudo.
Nomina Stellarum.		G. M.	G. M.		
1 Venter Ceti	Y	26 9	16 7	M.	3
2 Cingulus Andromedæ	Y	12 40	33 58	S.	3
3 Cauda Ceti	Y	5 52	19 53	M.	3
4 Andromedæ scapulum	Y	4 58	28 50	S.	3
5 Stella polaris	Y	5 30	88 24	S.	3
6 Caput Medusæ	♂	12 57	39 55	S.	2
7 Pleiadum Borealiior	♂	21 55	23 5	S.	3
8 Persei Dextrum latus	♂	15 38	48 4	S.	2
9 Oculi Tauri. Pallilicium	Π	4 29	15 49	S.	1
10 Orionis sinister pes	Π	11 56	9 12	M.	2
11 Hircus	Π	13 0	45 5	S.	1
12 Orionis dexter humerus	Π	23 50	6 20	S.	1
13 Canis maior. Sirios	♄	6 26	15 55	M.	1
14 Canis minor. Procion	♄	17 58	6 7	S.	1
15 Caput II præcedens	♄	15 28	32 18	S.	2
16 Hydræ Lucida	♄	15 56	4 58	M.	2
17 Cor Leonis, Regulus	♄	23 34	13 51	S.	1
18 Cauda Leonis	♄	20 39	16 36	M.	1
19 Vrsæ maioris caudæ vltima.	♄	23 56	51 12	S.	2
20 Vrsæ maioris Caud. prima	♄	8 35	57 35	S.	2
21 Spica virginis	♄	17 12	8 48	M.	1
22 Arcturus	♄	1 10	22 0	S.	1
23 Bootis sinister humerus	♄	4 52	40 6	S.	3
24 Palma serpentarij sinistra	♄	29 34	8 18	M.	3
25 Coronæ Gnosia lucida	♄	21 45	28 31	S.	2
26 Cor scorpion	♄	2 53	24 50	M.	2
27 Caput Herculis	♄	13 57	15 19	S.	3
28 Caput serpentarij	♄	19 14	13 7	S.	3
29 Caput Draconis	♄	26 22	52 10	S.	3
30 Lyre lucida. Fidicula.	♄	4 35	38 41	S.	1
31 Aquila. Vultur volans	♄	20 4	7 34	S.	2
32 Cigni cauda, aut Gallinæ	♄	4 46	44 3	S.	2
33 Capricorni caudæ præced.	♄	16 32	18 10	M.	3
34 Romboidis Delphinis Austr.	♄	1 14	13 1	S.	3
35 Pectus Cassiopeæ	Y	4 30	58 56	S.	3

Inscriptio Stellarum fixarum in reti.

A Equatore itaq. & Zodiaco, vti paulò antè docuimus delineato sit v. g. oculus Tauri reti inscribendus, ita operaberis; vide dictæ. Stellæ, declinationem & longitudinem, quam tibi præsens Tabula suppeditabit, videlicet 4. II gr. 29. min. longitudinem; declinationē 15. g. 49. m. postea numera inuentam longitudinem in gradibus signi II, & posita regula supra 4. gradus Geminorum & centrū retis E, trahe lineam occultā, deinde vide vtrum declinatio Borea sit, num austrina, si Borea, numera eius declinationem, videlicet 15. gr. 49. min. à puncto K, versus punctum N, & posita regula supra L punctum commune intersectionis Eclipticæ ac Aequatoris, & supra declinationē Stellæ, obseruando vbi regula Meridianam EA secet; posito itaq. circini pede, vno in centro retis altero ex puncto intersectionis Meridianæ arcum describe, vbi enim hic secuerit lineam occultam longitudinis Stellæ prius ex E ductam, ibi erit genuinus Stellæ locus. Cui nomen, naturam, magnitudinē dictæ Stellæ ascribes; Quod si declinatio foret Australis à puncto K versus L declinatio Stellæ in Tabula inuēta numeranda foret, & posita regula supra punctum L, & gradum declinationis inuentę notetur intersectio Meridianæ: per hanc enim ex centro arcus descriptus, vbi occultam lineam longitudinis Stellæ secuerit, erit locus eius genuinus. Non secus alias Stellas ex Tabula proposita describes. Huic reti ita ritè præparato subdes Veriorium Magneticum ea ferè ratione, quā in nautica pyxide fieri solet subtile, & tenue, in centro verò huius retis mobile filum æneum affiges; quod Alhidade loco seruiet.

Vsus.

A Strolabium pyxidi, vnà cum Reti inclusum vitroque coopertum, ea prorsus ratione, qua paulò antè, supra Cylindrū Magneticum rectà superimpones; Tempore igitur, & die quo tibi motum Solis exhiberi vis, extēdes filum æneum siue regulam supra gradum Solis in Zodiaco retis, ac deinde filum, vnà cum reti supra horam præsentem in limbo extrinseco planisphærij inuentam, admoueas; Astrolabio itaque sic

re-

rectificato, clepsydræ fluere fines, & circumactus Cylindro impositus magnes, suprapositum sibi rete, Versorio Magnetico suffultum simul quoque circumaget; filum igitur ferreum in limbo monstrabit horas, gradus autem Solis intus Azimutha, & Almucantaras omni momento monstrabit. Hinc in momento quoque mediationes, ascensiones, descensiones, longitudines, latitudinesque tum Solis, tum Signorum cæterarumque Stellarum fixarum, cum incredibili intuentium voluptate, & admiratione comparebunt: nota tamen, filum æneum singulis diebus gradum unum in Zodiaco promouendum esse; & deinde vitreum cooperculum ita adaptandum esse pyxidi, ut facile eximi possit, & reponi. Motum perpetuum habebis huius machinæ, si ea, quæ in 10. Problem. sequentis partis recte seruariis.

Confectarium.

Varie machinis cylindrus circumagi potest.

EX hac iam tradita doctrina sequitur, qua ratione machinæ quædam construere possint, quæ omnia memorata in planisphærio, non magnetica solum arte; Sed & vi rotarum, aut fluxu arenæ, vel aquæ, aut ponderum ope, cuiusmodi in nostro Musæo constructas ostendere solemus, exacte demonstrent; quæ adiungere volui propter eos, qui mechanicis huiusmodi inuentis delectantur.

PROBLEMA V.

Horoscopium Magneticum vniuersale per totum orbem construere.

VT per Horologium Magneticum cognoscere possis, quæ ubiuis locorum per vniuersum terrarum orbem hora sit. Fiat pyxis ad modum nauticæ, cuius exterior limbus in 24. æquales partes siue hora, diuidatur; quarum pomeridianas nigro, antemeridianas rubro depinges colore; hoc peractæ Chartaceum orbem Versorio Magnetico, ut in pyxide nautica fieri solet suffultum similiter in 24. æquales partes totidem ex centro protractis lineis, qui 24. meridianos referent interstinctas partieris, singulisque meridianis Regionem sibi

sibi conuenientem, eo quohic sub Romana longitudine factum esse vides, modo, inscribes.

Vsus.

POsito pyxide cum incluso sibi libratoq. Horoscopio, super Cylindrum, vt in præcedentibus fieri præcepimus; magnes circumactus, orbem Chartaceum Versorio Magnetico suffultum secum vnà gyrahit; Monstrante itaque v.g. apice meridiani Romani horam 12. monstrabit apex meridiani Coloniae horam primam, apex verò Meridiani Hispaniæ horā 11; & sic consequenter reliquarum Regionum apices singuli suas in limbo horario, horas monstrabunt. Ex quo colliges quota hora sit vbiuis Terrarum, & Catholicæ Religionis functiones Ecclesiasticas, ita sibi continuatò succedere, vt nullo plane tempore siue noctu, siue interdiu interrumpantur. Iterum, Regi Catholico Solem nunquam occidere; intelligetur quoq. ex his alicubi in Terris Regionem loco propinquissimas esse, quæ tamen reipsa integro die naturali inter se distent, ita vt dum in vna illarum est principium v. g. Dominicæ, in altera iam dies Lunæ incipiat.


Ecclesiæ Catholicæ officij Sol nunquam occumbit.

*Hanc Machinam aliter construere
in Vitrea Sphæra.*

HOc idem Horologium in superficie aquæ exhiberi potest, ea ratione qua sequitur. In Vitrea Sphæra supra obelum fundo infixum suber exactè libretur, ita tamen, vt suber obelo non immittatur. Sed solummodo circa eum veluti axem, liberè tamen & non strictim circumuolui possit. Quo facto supra orbē subereū in cavitare quadam Magnetem ponas, & supra Magnetem paulò antè descriptum chartaceum Regionum orbem, ita vt vbiq. æquiponderet. Quo facto in superficie exteriori sphære circulum describes horizonti parallelū, & in 24. æquales horas diuisum, ea prorsus ratione, qua limbum horariū chartacei orbis præcedentis, delineauimus.

In-

Instrumentum hac ratione præparatum supra Cylindrum Magneticum, vt in præcedentibus factum est, rectà accommodabis, & reliqua facies, vt præcepimus, gyrabiturque Chartaceus orbis in Sphæra Vitrea, & singuli apices Regionum, horas sibi conuenientes in horario sphæræ circulo notabunt.



Quod si huic Sphæræ vitreæ in 24. Meridianos diuisæ partes orbis terræ, cū singulis Regionibus, proportionaliter, & Geographica arte, vt in globis fieri solet, inscripseris, nō opus erit, Regiones Chartaceo orbi inscribere, sed horas quas ante in superficie vitri, descripseras, modo in apicibus Meridianorum in Chartaceo Sphæræ Vitreæ incluso orbe descriptorum delineabis. Hac ratione, gyrato orbe apices horis suis instructi in superficie sphæræ vnāquamque sibi propriam Regionē demonstrabunt. Quæ res si singulari cum industria peragatur, non exiguam intuentibus admirationem pariet.

Con-

Confectarium.

EX his sequitur, quâ ratione industrius artifex globum quoque vitreum cælestē adornare possit in quo singulorum Stellarū fixarum ortus, occasus, mediationes, *motus & quævis* similiaque indicari Magnetica arte possint; Innumera alia hic tradi possent cuiusmodi sunt motus planetarum, Ellipses, singulis annis futuræ, Rotæ diuinatoriæ, similiaque, verum vt alijs quoque inuentionum occasionem demus, hic consultò ea silentio supprimenda censuimus.



LIBRI SECVNDI ARTIS MAGNETICAE

PARS QVARTA.

Magia Naturalis Magnetica.

Continens Mechanicam, ἀρκετρονίαν, Hydromanticam,
Steganographiam Magneticam.

ΠΡΟΟΙΜΑΤΙΟΝ.



MAGIA M naturalem hoc loco eam voco, quæ excluso
omni cū humani generis hoste cōmercio, quā implicito,
quā explicito, ex solis naturalibus causis per varia ap-
plicationis cōbinationem inuisos & prodigiosos effectus producit, cu-
iusmodi sūt machinæ illæ quæ & idē θαυματουργικαὶ vocantur, dum
aëre, & aqua Syphonibus subtili arte inclusis prodigiosos præstant in
imagine motus, dum certa dispositione organorum immisso spiritu
statuas in voces erumpere cogunt, similiaq. præstant, quæ causarum
ignaris miraculorum ad instar esse possunt. Suntque duplicis ge-
neris, vel Mathematicæ, vel Physicæ; Mathematicæ sunt, vel
πνευματικὰ quam Nero; vel ὑδροφορικὰ quam Possidonius; vel
ὑδραυλικὰ quā Vitruuius; vel deniq. ἰσορροπικὰ, aut κεντροβαρικὰ
quam Archimedes, vel κατοπτρικὰ, quam Alhazen, & Vitellio
egregiè coluerunt. Tales Dædali quondam statuas fuisse suaptè
spontè quemuis subeuntes motum historie narrant; tales fuerunt
Architæ columbæ, quæ vento ingeniosa industria concepto agitata
quaquaversum ferebantur. Tale Alberti caput, Talis imperialis
illa Regiomontani Aquila, staticis libramentis spirituq. animante
eo fulta ingenio, ut Cæsari Noricorum Augustam ingredienti, è
sublimi obuiam facta nullum non in summam admirationem ra-
puerit; Hanc Aegyptij inter ceteros maximè coluerunt de quibus
nos eorumq. fabrica fusè in Oedipo nostro Aegyptiaco volente Deo
tractabimus; Physicæ ad illam Philosophiæ naturalis partem reuo-
cantur quæ applicando actiua passiuis ex varia diuersarum rerū

Magia θαυμα-
τουργικῇ.

Architæ colum-
bæ.

Regiomontani
Aquila.

com-

commixtione, & ἐννεγάα ignis virtute extemporanea quadam μεταμορφώσει, ea producit, quæ vix humana industria fieri posse videantur, vt dum exiguo temporis spacio planta chemicè educitur, dum Scorpius, aut Rana, vel etiam Serpentes quidam ad naturæ exemplar ex varijs rebus ad dictorum productionem disponentibus, arte educuntur, cuiusmodi à Chymico excellentissimo alibi produci me vidisse memini; quorum omnium methodum alibi declarabimus; Multa hoc loco de machinis Mercurialibus virtute hydrargiri animatis dici possent, alijsque exoticis mineralium herbarumque quarundam proprietatibus quibus omnibus ex singulari industria combinatis solers Philosophi ingenium ea superat arte, quibus vincimur à natura iuxta illud Antiphontis τέχνη γὰρ κατὰ μὲν ὧν φύσει νικώμεθα. Verùm cum hæc omnia, exira instituti nostri limites proposita sint, ijs relictis ad eam solum Magnetica artis partem, quæ & incredibilia exhibet, & ignaros causa in incredibiles rapiat admirationes, operam studiumq. nostrum conuertamus.

CAPVT I.

Mechanica Magnetica.

IN tantam admirationem ingeniosa Archimedis industria quondam Hironem rapuisse fertur, vt in hanc sententiam proruperit ἀπὸ ταύτης ἐφη τὴς ἡμέρας περὶ πάντος Αρχμήδης λέγοντι πεινέον; vanâ enim ne dicam ridicula & stolidi eiufmodi verba meritò alicui videri possint, cum audacter Hironi ad quædam proponenti respondit, ὁὐ μοι πᾶς ὥς καὶ κινῆσαι τὴν γῆν, & τὴν δεξιῇ σου δυνάμει, το βάλεις κινῆσαι, incredibilia; inquam, ea meritò videri possent, nisi ea iamdudum ab omni suspitione secum irrefragabilis vindicasset Geometricæ demonstrationis certitudo & euidencia; Magnam itaque vim Mechanicis artibus inesse, quis ex quotidianis inuentionibus, quæ diuino penè ingenio à sagacibus ingenijs eruuntur, non videt? Cum itaque teste Vitruuio, Mechanicorum sit proprium, machinas omnis generis artificiosas, tum ad vsum vtilitatemq. Regum, ac Principum; tum ad voluptatem delectationemq. eorum-

Sententia Hironis.

Hoc est data potentia datum pondus mouere.

Mechanica delectationi, & vtilitati Principum seruit.

dem regia magnificentia conficere, & ego hoc loco Mechanicam Magneticam, à nemine adhuc, quod sciam, tractatam, perdocendam existimaui, vt & Principes quo delectentur, & ignari rerum, quod mirètur inueniant; Antequam autem rem ipsam aggrediamur, quædam de motu perenni, vt clariùs in opere procedatur, perstringenda duximus.

P R A E L V S I O I.

Utrum Magnetica vi motus perennis dari possit.

Solemni nullo non tempore apud Philosophos de motu perenni fuit disputatio, nec decisa lis est; pertinax quoque & indefessus extitit Mechanicorum omnium in eo reperiendo conatus; sed qui hucusque in negotio adeò plausibili quicquam laude dignum præstiterit, inuentus est nemo. Nonnulli helicis siue trochleæ perpetuæ aut etiam Ctesibiæ machinæ ope; Quidam varia rotarum certis ponderibus agitatarum implicatione; Alij syphonum & follium subsidio, rem tentantes, tandem spe sua frustrati sunt; adeò natura indomabilis iuris sui tenax est. Non defuerunt, qui argento viuo, aquæ, & aëris, rarefactionis item ac condensationis, alioque occulto elementorum motu agitati ministerio, eum effici posse sibi persuaferint. Plurimi rei difficultate inaccessiq. artificij scrutinio perterriti, eum non secus ac *τεταγνισμὸν* circuli *ἀδύνατον* existimarunt. Quidquid sit eundem, si non prorsus impossibilem, saltem admodum difficilem inuentu, præsertim eum, quem artificialem vocamus, quemque staticæ artis subsidio plerique Artifices inuestigant, esse puto. Cum enim motus perpetui perfectio in motu consistat circulari, omnis autem motus circularis artificialis sit violentus, vtpotè ab extrinseci agentis impulsu causatus, quatuor conditiones ad eum constituendum cum primis forent necessariae, quibus non datis meritò in motu perenni omnis labor luditur. Harum prima est, vt pondus minus recuperet maius, seu vt minus præponderet maiori, aut quod idem est, minor potentia superet maiorem, quæ omnia naturæ repugnant. Altera est, vt duo æquiponde-

Motus perennis
admodum diffi-
cilis inuentu.

Quatuor condi-
tiones ad motum
perpetuum ne-
cessariae.

ran-

rantia se recuperent, siue vt vnum alteri præponderet, quod implicat in terminis, ponuntur enim esse æquiponderantia, ergo quouis situ, vt quiescât necesse est. Tertia est vt fiat sine pondere motus, quod arti quam contrarietur, nemo non videt. Quarta denique vt motus hic instituatur pondere quodam sine pondere, idest vt pondus aliquod ita deprimat rotam aliquam seu machinam, vt in opposita parte ascendens nullam patiatur resistantiam; & huius vltimi motus rationem quisquis inuestigarit is motum se perennem inuenisse meritò gloriari poterit; at hic Rhodus hic saltus. Si igitur disputatio sit de motu perenni artificiali omnem eum humani ingenij limites excedere, ingenuè malo fateri, quam multis ijsque fucosis & fallacibus demōstrationibus eius vel inuentionis umbrā (vt multi nescio quo gloriæ pruritu incitati faciunt) mihi temerè arrogare. De motu verò perenni naturali, aut mixto, aliter sentiendum est, voco autem motum perennem naturalem, non quem machinis artificialibus, aut certis libramentis & æquipondijs peragi posse multi autumant; sed rebus certis ad superiora corpora æternum mobilia occultum motionis suæ principium habentibus; quod hac similitudine manifestum facio. Si Sol magnes esset, daretur motus perpetuus in omnibus versorijs in pyxidibus suis æquilibratis à Sole trahente necessariò circumgyratis; Hoc igitur dato, si aliquid aliud, quod ea ratione se ad Solē haberet, vt ferrū ad Magnetem, dari posset, sanè eam rem certis libramentis suspensam, perpetuò (nisi motus ab alio accidente impediretur) quamdiū principium mouens durat, moueri necesse esset. Vtrum autem huiusmodi res dari possint, non est huius loci discutere; certè huiusmodi species acta dari, in sequentibus libris declarabimus, quando Epistolam Cornelij Drebellij de huiusmodi perenni mobili inscriptam, & ad Britannia Regem transmissam minutim examinabimus. Mixtum autem voco, qui partim artificialis, partim naturalis est, cuiusmodi motum, in sequentibus fieri posse reipsa monstramus; hoc loco solū quæri posset. Vtrum vi Magnetica aliquo modo motus perennis perfici possit? certè non defuerunt, qui eum magnetis ope inuenisse siue crediderint siue iactarint, quemadmo-

Motus perennis artificialis credibile est impossibile factis esse secus de motu naturali perpetuò sentiendum est.

Datur motus
naturalis perpe-
tuus & mixtus.

dum Petrus Peregrinus, qui Magnetem in globum perfectè adaptatum eam vim ad cælorum puncta obtinere putat, vt in polis exactè libratus, circumuolutusque Aequatoris motum imitando spacio 24. horarum perfectè compleat, verba eius sunt. *Ex his ergo manifestum est, quod à partibus cæli magnes recipit virtutem; Ceteras autem lapidis partes meritò estimari per influentiam à reliquis partibus retinere, vt non solum polos lapidis à polis mundi, sed totum lapidem à toto cælo recipere influentiam & virtutem, estimes; quod tibi consulo tali modo experiri. Rotundetur lapis, & inueniantur poli in eo, postea dispo- ne super duos stylos acutos lapidem, ità vt cuilibet polo insi- flat stylus leuiter affixus in suo puncto in lapide, vt lapis sine dis- ficultate super eos possit moueri, quo factò experieris, si partes la- pidis equaliter ponderent, voluendo ipsum leuiter super dictos po- los, & hoc pluries, & in pluribus horis diei facias sagaci industria, quo factò lapidem in orbe Meridiano super suos stylos leuiter im- pelle, vt moueatur ad modum armillarum. Itaque polorum eleua- tio & depressio fit secundum eleuationem, & depressionem polorum cæli, in regione in qua fueris; Quod si tunc lapis moueatur se- cundum cæli motum, gaudeas te esse asecutum secretum mirabile, si verò non imperitiæ tuæ potius, quàm naturæ defectui imputeur, hoc autem instrumento excusaberis ab omni Horologio; Nam per ipsum scire poteris ascendens in quacunque hora volueris, & om- nes alias cæli dispositiones, quas quarunt Astrologi. Hucusq. Pe- regrinus; Hic motus nonnullorum adeò traxit animos, vt multi eius sibi inuentionem secreti, vel per violentiam ascriberent; Nam à Rogerio Bachone, aut vt alij volant Raymundo Lullo, emedicatū primò Petrus Peregrinus proferēs se eius inuētorē substituit, ab hoc ambitiosè surreptum Ioannes Theisnerus sui iuris fecit, ne quidem vnica eorum à quibus tulerat men- tione facta, vnde miror viros hosce Philosophos tam crassos & intolerabiles errores non præuidisse, certè apparet illos in Magnetica arte parum vel nihil fuisse exercitatos; cum huius- modi motus, & experientiæ, & rationi, & principijs staticis repugnare nemo non videat, ac primò quidem magnetē nul- lum polis suis ad cæli polos respectū dicere Theoremate 14. fusè tractatum est; Dato autem non concessio, eum hanc sibi*

vim

vim habere inditam, vt ad motum primi mobilis circumgyretur; impossibile tamen foret, eum hac, qua ipsi præscribunt, libratione gyrari posse, vtpotè extra centrū mundi sub dicta libratione in violento statu perpetuò permanens; & consequenter perpetuus esse non possit, certè ex omnibus allegatis verbis clarè constat, eum hunc motum nullo vnquam tempore aliquo certo experimento comprobasse; Nec sufficit infelicem experimenti successum, negligentiae aut imperitiae Artificis imputare, hoc enim proprium est omnibus impostoribus proprios errores alienis tegere. Porro in eadem Peregrini Epistola, alia producit perennis motus conficiendi, methodus, priori nihilo melior, quam veluti rem omninò singularem Thaisnerus plagario crimine conuictus proprii iuris fecit, rem ita describit.

Secunda motus perennis Magneticis ratio.

Fiat rotula leuis concava subtilissimè elaborata, in interiori Tabulae superficie clauiculi fiant, & denticuli ferrei, omnes limbo aut margini affigendi, decliues propinqui, ita vt non amplius à se distent quàm vnus fabae aut ciceris spissitudine; Sit etiam dicta Rota per omnes suas partes aequalis ponderis tam iusti, quàm ab ingeniosissimo Artifice fieri possit. Deinde axem affiges per medium super quem voluetur rotula, axe omninò immobili remanente, cui & fulcrum leuissimum imponatur benè firmatum, in cuius summitate magnes collocetur; Quibus peractis collocetur lapis super fulcrum, prius tamen in oualem redactus figuram tali arte, vt polus Boreus versus denticulos sit parum inclinatus, ne scilicet virtus ipsius è directo, sed cum quadam inclinatione agat, aut influat in ferreos denticulos. Veniet itaq. quilibet denticulus ad polum Septentrionalem à Magnete attractus, cumque ex impetu labentis Rotae illum violenter transgressus fuerit, ad Meridionalem lapidis partem perueniet, quae eadem via illum repellens fugabit, quem rursus polus arcticus ab altera parte attrahet: & quò citius rotula suum præstet officium, intra denticulos exiguum includes calculum, rotundum, aeneum, vel argenteum tantæ quantitatis, vt commodè inter duos quosque denticulos recipi possit. Cum


Aliud figmentum motus perpetui Ioannis Theisneri.

ergo rota eleuabitur, cadet, & calculus in partem oppositam, cumque motus Rotæ in imam partem sit perpetuus, & casus calculi in oppositam partem inter quoslibet duos dentes receptus etiam perpetuus erit, qui quidem suo pondere appetet centrum terræ in umq. locum. Hæc est perpetui motus machina, quam ex Epistola Peregrini desumptam pro vera & infallibili proponit Thaisnerus; sed valde vereor ne rotula hæc vnà cum calculo illo post vnā atque alteram rotationem violentam omiſſis gyris ad suum ingenium rediens, loco perpetuæ motionis, perpetuum fortiatur stabilimentum. Qui igitur motum perpetuum vi Magnetis abstractiua dicto modo efficere se posse putāt, valde decipiuntur, non rectè de Magneticis Philosophiæ principijs ratiocinantes. Cum enim duo Magnetica corpora amicis suis punctis se appetentia quietem potius, quàm motum intendant, quis non videt, motum eis esse quàm maximè contrarium; habeat enim magnes tantum virium vt ferrum procul positum & consequenter in extrema virtutis spherà ad se prouocare possit, & efficere vt motum incipiat, certè cum iam ad locum proximiorē, in quo virtus robustior est & efficacior deduxerit, non dimittet, & vel per subiectam foueam ad se rapiet. Si enim, inquam, tantum habuit virium, vt ferrum procul positum cōmoueret, certè in proximo robustius tenebit, nec recedere permittet, vnionem omnibus modis affectans. Aliam itaque viam ab eo etiam indicatam forsan tenendam aliqui existimabunt, meo iudicio non meliorem. priori, est autem ea quæ sequitur.

Tertia motus perennis Magnetici ratio.

SIt magnes A validus, cuius poli sint **, ponatur canalis decliuus DE, & in C puncto globus ferreus, seu chalybeus, concavus, & quantum fieri potest leuis præuia affricione ad Magnetem A, iuxta regulas in Progymnasim. dictas præparatus: in parte canalis B fiat foramen, & sub foramine alius canalis F ducatur, qui desinat in C. Hoc igitur ita præparato instrumēto, globulus chalybeus in C positus tractusq. à Magnete A perueniet ad B foramē, & quoniā magnes ob clauos

uos obstantes impredientesq. transitum, chalybeum sibi globum coniungere non potest, nec etiam is in aëre ob pondus sibi insitum virtuti Magneticæ præponderans hæere possit, per foramen B in canalem F illapsus globus descendens violento motu iterum pristinum locum C repetet; ex quo iterum



à Magnete iuxta amicum polum attractus, easdem semper vires aget; hæc igitur alia methodus est, qua motus perpetuus in effectum deduci quispiam posset opinari. Dato igitur Magnete adeò valido, vt in data distantia globulum C attrahere possit; dato quoque, quod in foramine B non detineatur, sed canali F illapsus in locum C reuertatur, non vident cur dicta methodo motus perpetuus assignari non possit, cum hic nihil aliud requiratur, nisi vt globus C attractus in B, vbi cum consistere non possit per canalem F redeat in C; In hoc itaque solo industriam quandam singularem adhibendam esse putant, vt globus C in canali F non hæreat, sed violento modo redeat in C, quod quidem induitrio Artifici factu difficile non putant, cum tantò facilius globulus in locum C redeat, per ca-

Paralogismi in
demonstratione
motus per-
petui.

nalem F quantò canalis DE maiorem angulum cum linea horizontali constituerit, tantò verò difficilius, quantò minorem vt ex staticis patet. Possèt etiam fieri vt canalis F non immediatè infra canalem DE, sed à latere deduceretur in C, & sic nullum violentum motum in perueniendo ad punctum C globulus pateretur. Atque huius motus rationem, cum quibusdam non ita pridem proponerem, ijs adeò verisimilis visus fuit, vt motum perennem iam inuentum proclamarint; sed boni viri, vtpotè rerum Magneticarum expertes paralogismos sub eo latentes non notabant; ne igitur quispiam in posterum huiusmodi decipiatur, fallaciam hoc ratiocinio manifesto. Vel enim globus Magneticus A trahet ferreum globum C, vel non trahet; si hoc, iam omnis consequenter de motu cessat quæstio. Si illud, trahat igitur ipsum globum vsque in B, iam iterum vel tenebit cum, vel dimittet per canalem F in pristinum locum C: si teneat, non est quod de motu amplius loquamur, cum centrum quietis suæ iam sit consecutus globulus. Si verò dimiserit eum iam de motu perpetuò aliquo modo spem habeas; vtrum autem ipsum dimissurus sit magnes iterum dubium est, nec est qui hoc dubium, nisi magistra rerum experientia soluere possit; qua consulta vt breuiter me expediam, dico quod magnes A ferreum globulum nulla ratione tracturus sit; aut si tracturus eum quoque retenturus sit. Cum enim magnes ferrum non nisi in ordine ad quietem trahat, certè non traheret, nisi id quod traxit, tenere possit, esset enim aliàs actio sine termino, quod in omni Philosophia absurdum est. Ex quocunque igitur spatio tractus fuerit ferreus globus, dico eum semper vel immediatè, vel mediantibus repagulis magneti adhæsurum. Committitur igitur manifestus paralogismus, dum falsa suppositione innitentes credunt, quod scilicet illa vis magnetis, quæ globum contra naturalem grauitatis inclinationem eleuare potest, illa eadem, eundem vsque ad B foramen attractum ibi amplius sustinere non possit; sed globulum pondere proprio pressum per canalem necessariò rediturum in C, falsum; Tenebit enim attractum globulum magnes, vel in ipso aëre pendulum, si aliter non possit, vt in sequentibus experimentis ostendemus.


Et

Et quem per tantum spatium ipso canale cursum eius retardante attraxerat magnes, in fine cursus quoque non deseret; cum vis trahitua tantò sit fortior, quantò ferrū Magnetis amico polo fuerit viciniùs. Quod si verò globulum dimiserit, neque vnquam amplius eum attractum iri scias.

Quicumque igitur hac ratione motus perennitatem inuestigare voluerit, non priùs quàm ad Kal. Græcas, eum se consecuturum nouerit.

Quarta motus perennis Magnetici ratio.

Per virtutem autem Magnetis repulsiuam alia ratione motum perpetuū effici posse quidam opinantur hac qua



sequitur industria. Fiat igitur chartaceus orbis in quotlibet
æquales

Motus Magneti
tis perpetuus vi
repulsiva insti-
tuendus.

æquales partes diuisus, in hoc chartaceo orbe ea proportio-
ne & situ, quo hic vides chalybeos obelos Magnete animatos
infiges. His factis sumantur 4. lapides Magnetici in oblon-
gam, & turbinatam in duo vtrunque extrema puncta termina-
tam superficiem desinentes, vt hic factum esse vides, in lapi-
dibus POSV: hoc etiam peractio affricentur singuli dictorum
obelorum ad polos lapidum eo modo, quo in Progymnasma-
te 7. docuimus. Quo facto obelos ea industria in orbe char-
taceo dispones, vt I extremitas obelorum inimica, semper T
inimica puncta lapidum respiciat; Hoc itaque orbe chartaceo
ea industria, qua in Progymnasmatibus tradidimus super aquam
æquiponderantia exactissimè librato, cum I puncta obelorum
inimica puncta T lapidum PVSQ in limbo extrinseco collo-
catorum naturaliter abhorreant, sit vt ibi consistere nequa-
quam possint, obelus igitur D in I puncto a polo lapidis P
inimico repulsus fugiet versus lapidem V, vbi inimici præsen-
tiam aduertens absque mota versus S viam suam prosequetur;
sed cum nec hic requiem sperare possit, fortunâ suam versus
O & P tentabit. Verum cum hoc loco in antiquum inimicum
incidere contingat, desperata quiete super faciem aquæ per-
petuò profugus agitabitur. Haud dissimilem fortunam succe-
dentes sibi commilitones experientur. Posuimus autem &
obelos & lapides longioris figuræ, quod eo a nobis consilio
factum est, ne amica obelorum, & lapidum breuiorum puncta
fugitiuis partibus Remoram inijcerent, quod fieret si obeli &
lapides æquo breuiore essent; nunc verò cum tantò remotius
extra actiuitatis sphæram sympathica puncta ferantur, quantò
plus & obeli, & lapides prolongantur, sit, vt sola propulsiva,
vis in obelos ius suum dominiumque exerceat; sed vnum tan-
tum est, quod totam hanc commertitiam fabricam disijcit, dum
ea vis, quæ ponitur repellendo in vltiora mouere, eadem
necessariò sistat impediendo accessum ad se. Cum non videam
cur videlicet, lapidis intra obelos C, & N constituti vis pro-
pulsiva sphæricè diffusa, obelum v.g. C in anteriorem partem
potius propellere, quàm obelum N in posteriorem repellere
possit, aut debeat; vnde ex his infero, quod quicumque effi-
cere poterit, vt Magnete ex vna tantum parte, videlicet, ver-


Paralogismus.

sus

fus anteriorem partem PVSO vim propulsiuam exercent eadem ex altera parte tantisper suppressa, siue id fiat certa inclinationis obelorum ad lapides proportionem, siue alicuius rei inter obelum, & obelum interpositione, quæ vim repulsiuam ex altera parte impediat, quod hic certo & infallibiliter motum perpetuum assequetur; sed quis hic?

Quinta ratio motus perpetui Magnetici.

Hicce dum curiosius insisto, incidi in insignem Mechanicum D. Hieronymum Finugium, qui ab adolescentia sua motus perennis inquisitioni non sine sumptibus insudarat; hic inter alias suas inuentiones depictam in folio Machinam



mihi exhibuit, qua vi Magnetis motū perpetuum effici posse ita firmiter credebat; vt nemo esset, qui contra quicquam dicere auderet. Ego verò, ita natura comparatum habeo vt nisi

ex-

Fabrica Ma-
ching.

experientia ipsa & *αὐτοψία*, de rei certitudine me securiorem reddiderit, similibus ad nescio quam vanam ostentationem fictis specimimbus, fidem facile adhibere non soleam; Machinam tamen propositam in sua principia resolutam summa diligentia examinaui; quam tandem iisdem erroribus, & paralogismis quibus cætera omnia huius farinae machinamenta, ac *πυράσματα* obnoxiam reperi, quos paulò post, vbi prius Machinae fabricam descripsero manifestos faciam; ita autem paratur. Fiat scapus AB cui affigantur duo transuersa ligna RS, & QT quorum vnumquoque clauo tereti ex oppositis scapi partibus CD ita firmetur, vt tamen ad instar libræ, aut bilancis facile moueri sursum, aut deorsum possit; habeantq. perpetuò sitū adinuicem parallelum. In extremitate ligni QT in Q ponatur ferrum in extremitate verò RS in R, Magnes; quamuis meliorem machina effectum habitura sit, si in vtraq. extremitate ligni Q & R Magnes paruus alligetur; Quorum Q ad R se habeat vt 12. ad 4. sitq. axis Magnetis vnus alterius axi, intra sphæram tamen actiuitatis suæ parallelus situ. Hoc peracto in altero extremo S affigatur receptaculum S globulo metallico X, qui ponderet 4, capax; In T quoque simile priori receptaculum alligetur ligno QT, quod se habeat ad receptaculum S, vt 11. ad 12. Instrumento itaque hac arte præparato hoc modo Artifex secum ratiocinabatur. Imposito globulo in receptaculo T bilancis QT, cum globulus, vnà cum receptaculo T (quorū illud vt 4. hoc vt 11. pōderet) plus ponderet, quam altera pars libræ in Q ponderantis vt 12. brachia enim QD, & DT æquiponderare supponimus, differentia ponderum in extremitate Q lapidis, & receptaculi T existente. Cum itaque receptaculum T, vnà cum globo Magneti Q præponderet, vtpotè potens, vt 15. cum alterum tantum, possit, vt 12. deorsum verget receptaculum T, sed mox vbi lineam æquiponderantiæ transierit, globus amplius contineri nescius, propriæ grauitatis suæ pondere pressus effundetur in receptaculum S. Verū cum receptaculum S globulo recepto præponderet quidem alteri extremitati R bilancis RS (globulus enim vnà cum receptaculo 6 tantum ponderet, R verò 4.) nihilominus, cū magnes Q vt 12 trahat alium Magnetem vt 4

12. autem, & 4. ineuitabili naturæ necessitate coniuncti Magnetes, plus ponderent quàm receptaculum T bilancis SQ, sursum eleuabitur receptaculum S, vnà cum recepto globo à duobus magnetibus Q & R, tùm quantitate molis, tùm qualitatis tractiuae efficacia præponderantibus. Verùm eleuato receptaculo supra lineam æquiponderantiæ globus centrum petens deuoluetur in receptaculum T, quod adueniente globi mole auctum, aggrauatumque alteri iam extremo Q præponderabit; ac sic globus perpetuò ex vno in alterum receptaculum fundetur ac refundetur; ergo motus perpetuus necessariò dabitur. Hoc est dicti Artificis ratiocinium; peccat enim siue ignoratia siue falsa imaginatione delusus, dum globum cum receptaculo suo S, ex imo in altum sola virtute tractiua magnetis eleuari debere putat, globuloq. recepto in S, cum receptaculum T vacuum minus ponderet, quam magnes Q ponderans, vt 12. ergo magnes præponderans descendensq. secum magnetem, vt 4. trahet, ergo & consequenter receptaculum S, vnà cum globo. Ego autem ostendo hunc paralogismum & receptaculum S recepto globo nunquam releuari posse; Cum enim, vtraq. bilanx per modum totius sit, certum est receptaculum C & E, vnà cum globo præponderare duobus magnetibus 12. & 4. cum ex suppositione receptaculum T, vt 11. S verò cum globo 6. ponderare constituamus, quæ iuncta faciunt 17. 4. vero & 12. iuncta tantum 16. constituent. Vt autem præponderans pars TS, vt 17. eleuaretur, deberent magnetes vt 16. superare pondus vt 17. quod omni staticæ repugnat; impossibilis igitur est eleuatio partium ST. Sed obijcit Artifex receptaculum T minus magnete Q ponderare: ergo T necessariò deorsum verget, ergo & consequenter trahet secum magnetem vt 4. hic autem tractus sequi non potest, nisi & sequatur receptaculum S cum globo, ergo globo recepto eleuabitur receptaculum S. Respondeo verum esse receptaculo T præponderare magnetem Q, sed inde non sequi, illum ideò deorsum ferri. Cum enim vtriusque bilancis brachia per modum vnius sint, nec ab inuicem ex hypothesi separari possint, dico magnetem T in hoc casu secuturum Magnetem R, eiq. adhæsurum, veletiam penitus deserturum Q, ne minorem potentiâ

maiolem superare cogamur asserere, quod fieret si dicamus
magnetis F motum sequi magnetem R.

P R A E L V S I O II.

*Sphaera Archimedæa rationem, & methodum
proponens.*

Possidonius,

Vitreæ Sphaera,

Cum celeberrima hæc sphaera nullum non Philosophorū
in maximam rapuerit admirationem, non abs re me fa-
cturum existimaui, si hoc loco ita oportuno de ea verba face-
rem, ut qua ratione & arte illa constructa fuerit, Lectori cu-
rioso patefieret. Equidem artificium operis requireret iustum
volumen, adeo vis ingenij in eo primum inueniendo, tum
disponendo, & suis partibus partiumq. rationibus concinnan-
dis, elucescit; Hoc Archimedes ediderat libro proprio, quem
inscripsit *περί τῆς σφαίρας*, sed periit, nec quisquam
deinde alius damnum refarciit, licet Possidonius eundem labo-
rem insumpserit, cuius etiam operū monumenta perdidimus.
Queritur itaque primò ex qua materia hæc sphaera toti poste-
ritati memorabilis fuerit composita; Certè vitream fuisse ple-
rique Authores arbitrantur, inter alios tamen clarius illam
hisce versibus describit Claudianus.

*Iuppiter in paruo cum cerneret aethera vitro
Risit & ad superos talia verba dedit.
Huicque mortalis progressa potentia curæ?
Iam meus in fragili luditur orbe labor.
Iura poli rerumque fidem, legemque virorum.
Ecce Syracusius translulit arte senex.
Inclusus varijs famulatur spiritus astris,
Et viuum certis motibus urget opus.
Percurrit proprium mentitur signifer annum,
Et simulata nouo Cynthia mense redit.
Iamque suum voluens audax industria mundum
Gaudet & humana sydera mente regit.
Quid falso infantem tonitru Sulmonea miror?
Aemula naturæ parua reperta manus.*

Hi sunt versus Archimedææ sphæræ constitutionem aliquo modo proponentes, verum cum Poetarum proprium sit, non tam veridicè, quàm acutè & eleganter scribere nullam præter poeticam fidem huiusmodi descriptio mereri videtur: Quidquid sit totum cælum, mundum vniuersum, mundi. partes Archimedes mensum esse; Item itinera cælestia, interualla, modos, rationes, & proportiones, deinde molem integram didicisse, ac cæteros docuisse, ex Carpo recenset Pappus proœmio lib. 8. quinimò, ut totius cælestis compaginis speciem, & imaginem hominibus sui sæculi exhiberet, qua à sensibus ad intellectum facilius supremi corporis notitia trāsiret, sphæram composuit & sphæræ, ut paulò antè dictum est, componendæ librum; quo quidem instrumento omnes motus cælestes & quicquid est in suprema mole adeò affabrè imitatum, esse verisimile est, ut tota nedum Græcia, sed penè orbe artis miraculo exceptum fuerit, ita ut Cicero ad comprimendum Epicureorum de prouidentia diuina turpissimum errorem, ea his verbis sit usus. *Hi, inquit, dubitant de mundo ex quo & oriuntur & fiunt omnia, casu ne ipse sit effectus, aut necessitate aliqua, an ratione, an mente diuina? & Archimedes plus valuisse arbitrantur in imitandis sphæræ conuersionibus, quàm naturam in efficiendis, præsertim, cum multis partibus sint illa perfecta, quàm hæc simulata solertiùs.* Meminit huius quoque lib. 1. Tuscul. quæst. his verbis. *Nam cum Archimedes Lunæ, Solis, quinque errantium motus in sphæram illigauit, effecit idem quod ille, qui in Timeo mundum ædificauit, Platonis Deus, ut tarditate & celeritate dissimillimos motus una regeret conuersio. Quod si in hoc mundo fieri sine Deo non potest, nec in sphæra quidem eosdem motus Archimedes, sine diuino ingenio potuisset imitari.* Ex hisce igitur Ciceronis verbis, in hac sphæra totius cæli motum fuisse representatum, clarè patet, sed rationes particulares subticentur; Nihil igitur restat, nisi ut in tanta obscuritate, veritatem rei aliquo modo coniecturis adipsamur; Quod ut fiat. Nota primò. Triplici via memoratam sphæram ab Archimede construì potuisse; vel per Mechanicam ponderatricem, vel pneumaticam, aut denique Magneticam, Priori via eam construere potuit, certa rotarum sese

Cic. lib. 2. de
Nat. Deor.

Sphæra Archi-
medis Cælum
referebat mo-
bile.

Triples metho-
dus constituen-
dæ Sphæræ Ar-
chimedææ.

sefe mordētium ponderibus circumactarum varia dispositione & ordine, cuiusmodi hoc sæculo, nihil penè vulgariùs; & certè sphæram hac via constructam, præterquamquod Cicero innuat, ipsum Archimedis ingenium, quod in Cyclicorum admirandaq. Staticorum natura indaganda continuò occupabatur, testatur. Cum enim cæli syderumque, quo eum Liuius nomine compellat, spectator assiduus, circuli rotarumq. miracula comperiret, eaque admirandarum prorsus motionum in Mechanicis principia esse subtili indagine comperiret, verisimile est, eum ad circuituum cælestium corporum exemplar rotas quoque, rotarumque circuitus Artificiales singulari industria, adinuenisse, illisque sphæram in circulos cælestes diuisam animasse; hoc itaque *αὐτόματον*, cum eo tempore, quo Archimedes solus in orbe clareret, vti nouum & inuisum, nullum non in summam admirationem raperet, fama eius toto orbe diffusa, mirum non est si tot laudibus, totque exquisitis Historicorum verbis commendata, etiam hoc sæculo in admiratione sit; Quod autem pleriq. contendant vitream fuisse sphæram equidem non ita intelligendam putem, quod totius sphæræ soliditas vitrea fuerit; sed quod externa solum, superficies pellucida & diaphana materia, quò tota interior cælestium corporum in suos circulos diuisorū anatomia melius distingui posset, constiterit, cuiusmodi duas vnam è Siculis, alteram è Germanicis spolijs ereptam Parisijs se vidisse asserit Petrus Ramus. Quod si ita est certò iam ausim dicere sphæram Archimedeam dicta arte constructam vix cum modernorum Artificum industria comparari, si superstes foret, posse: Cum ea sit Mechanicorum huius temporis subtilitas, vt vix quaquam imaginari possis, quod ipsi non in opus deducant, & quod non semel in Germania, Belgio, Francia varijs in locis summa animi mei oblectatione videre contigit, non primi mobilis tantum, sed & secundorum mobilium, Planetarum dico, singulos motus, stationes, retrogradationes directiones, declinationes, latitudines, quin & octauæ sphæræ varios motus vsque ad ipsas eclipsum demonstrationes, vnà cum alijs *αὐτομάτοις* mira arte constructis, in sphæris ad naturæ exemplar fabricatis ita clare, distinctè minutim & ad viuum

Artificum modernorū industria mirabilis.

uum representant, vt nihil maius in rebus humanis fieri posse videatur, iamq. non immeritò Iuppiter de suis iuribus ab hominibus sibi vsurpatis conqueri possit; huiusmodi igitur sphæram si confecit Archimedes non parum fecisse censendus est, præsertim sæculo satis rudi, & inexperto, quo quæ modò vsu quotidiano viluere, tum miracula & prodigia videri poterant; Quod si in sphærae suæ confectiōe aliam viam, vti non pauci volunt, Archimedes iniit: ergo vel per artem Pneumaticam, & Hydraulicam cuius peritū fuisse testatur Tertullianus. dum Hydraulicum à se constructum organum his verbis eleganter describit. *Specula, inquit, potentissimam Archimedis munificentiam, organum hydraulicum dico, tot membra, tot partes, tot compages, tot itinera vocum, tot compendia sonorum, tot commercia modorum, tot acies tiliarum, & una moles erant omnia.* Vel per motum aliquam sympathicum, qualem nos paulò post docebimus, opus suum animasse necessarium est; sed cum omnia pneumatica artificia rarefactione vel condensatione, aut compressione corporum absoluantur, nulla ratione video, quà dictis qualitatibus tam constantes ordinatasque cælorum leges imitari potuerit, cum aër, aut aqua, vel Mercurius ijs inclusus, vel ex minimis extrinsecis accidentibus, maximas subeat alterationes; accedit quod omnia pneumatica non nisi exigui temporis effectum præstent; vnde hac via confectum instrumentum, admodum mancum fuisset & imperfectū; quod absit de Archimedis operibus dicatur. Nec verisimile est illum Magnetica arte sphæram confecisse, cum ne minimum quidem vestigium, cum hanc artem calluisse reperiatur; quam tamen si calluisset, consultòq. admiranda magnetis lapidis mysteria subticuisset, dicerem profectò, nullam aliam vitream illam Archimedis sphæram sympathico quodam motu agitatam, quam eam, quam infra trademus, fuisse. Intellego autem hoc loco per Magneticam motionem, omnem sympathicum motum corporum, odij amicitiaq. dissidijs laborantium; Certè innuit id haud inobscure Claudiani versibus supra citatis motus Cornelius Drebellius in quadam Epistola ad Regem Angliæ data, qua inauditi artificij sphæram à se inuentam, Regi proponit; verba eius ex multis pauca hæc sunt. *Ergo ut*

Hydraulica.
Archimedis.
Tertull. lib. de
Anima.

Pneumatica.
Instrumenta
non perpetua.

Sphæra Archi-
medis non fuit
Magnetica.

Cornelius Dre-
bellius.

Mira ratio mo-
tus.

Nō omnis spe-
culatio praxi
congruit.

*certum faciam me cognitam habere primi mobilis naturā & cau-
sam, possum construere globum perpetuo secundum cursum æthe-
ris singulis 24. horis semel circumrotabilem, aut toties amplius,
quoties mihi visum fuerit; Ita ut vel mille annis ne semel fallat,
ostendentem nobis annos, menses, dies, horas, cursum Solis, Lunæ,
omniumque Planetarum, & Stellarum, quarum motus homini-
bus notus; & paulò post; neque enim testimonia habemus priscos
homines hanc scientiam consecutos fuisse, licet multi eam quæsie-
rint; Archimedem scribunt globum construxisse, qui perpetuò se-
cundum cursum ætheris sese moueret, sed eundē unā cum Authore
vno die detestabili bello absumptū legimus, unde & veritatis iudi-
cium perditum. Hucusque Drebellius. Magna, & admiranda,
sunt fateor, quæ in hac Epistola Author promittit, & sphaeram
quidem siue globulum Solis, & Lunæ, Stellarumque motus
ostendentem, ac sympathico motu spacio 24. horarum cir-
cumagi posse, non implicare paulò post ipsa praxi ostendē-
mus; sed hunc motum perpetuò, sine vllō artificiali agente,
solo ætheris raptu æquali motu circumagi, ut credam, diffici-
lè in animum inducere possum, præsertim, cum ut in Libro
tertio trademus, ipsis principijs repugnet; Vnde valde vereor,
ne forsan eiusdem farinae cum globo Petri Peregrini supra re-
futato, quo magnetem sphaericum polis æquilibratum, raptu
primi mobilis, & spacio 24. horarum circumagi putabat, hic
Drebellij globus sit, nulli vnquam, nisi in phantasia sola dicto
modo circumactus; Suspicioni meæ fidem faciunt, & Epistola
sine dato loco & difficultas siue sumptus grandes, qui in eo
apparando faciendi sunt; quæ quid de opere iudicandum sit,
subitò declarant. Sed de his plura in sequentibus.*

P R O B L E M A I.

*Globum in centro vitrea sphaera ea ratione librare, ut
24. horarum spatio cursum sympathico eoq.
perpetuo motu peragat.*

Flat igitur sphaera vitrea benè solida, & quantum fieri po-
terit rotunda, cuius orificiū eius sit amplitudinis, ut globus
in

in centro eius librandus, commodè per id ingeri possit, hic autem globulus ex quouis metallo, si ferrum excipias, fieri debet concavus, ità vt duo hemisphæria trochleis aperiri faciliè possint, & ita strictim denuò coniungi, ne aër vlla ratione penetrare possit; Huic globulo validam magnetis partem ea ratione, vt planum axis magnetici, plano horizontali sit parallelum, ne loco amplius dimoueri possit, pice aut cera, firmatam impones, quo clauso in extrinseca globuli superficie Geographica arte oleaceo colore terræ faciem in parallelos, & meridianos distinctam depinges; æquatorem dico in 24. meridianos, seu lineas horarias, quæ omnes in vtroq. polo coëant, & habebis globum perfectum. Porro in vitreæ sphæræ superficie extrinseca Vranographica arte Zodiacum, vnà cum 48. constellationibus quantum pes, & os sphæræ permittent depinges. Indicem verò statues intra sphæram vitream è regione globuli interni, ea arte libratum, vt inter vtramque sphæram in medio humoris immobilis hæreat, quod qua ratione fieri possit in Progym. dictū est. Forma autē huius Indicis figure piscis, aut volucris, aut alterius pro arbitrio Artificis esse poterit. Hoc factō totam sphæram supra cylindrū valido magnete factum ea industria, quā in Problemate parasceustico sequentibusque Problematis docuimus, collocabis; pes autem vitreæ sphæræ ea ratione adaptari debet, vt & vitrea sphæra circumacta singulis diebus vno in Zodiaco gradu progrediatur, quod quā fieri possit in præcedentibus inuimus, quod si huiusmodi laborem satis arduum horreas, sufficiat tibi sphæram ita collocare, vt singulis diebus vno gradu eam promouere possis. His igitur ita ritè peractis globum terrenum in centro humoris, vnà cum indice ea ratione, qua in Progymnasmatibus docuimus, librabis, habebisque totam machinam præparatam.

Motus proprius
Solis quomodo
globo inducen-
dus.

Vsus.

INdice in formam pisciculi, aut alterius rei formā adaptato, dictoq. spacio immobiliter librato, diriges horam currentem ad os pisciculi, gradumq. Solis in vitrea sphæra ad extremitatem caudæ piscis, deinde Clepsydram fluere fines,

Qua ratione li-
brāus globus
in humoribus.

Quomodo hu-
mores prępa-
rari debeant.

globusq. in centro aquę gyrabitur æqualiter, pisce immobili ostendente horas in Aequatore globi, cauda verò signum gradumque Zodiaci, perfectè, non sine intuentium admiratione monstrabit. Quod si scire cupias quanta hora sit in toto orbe terrarum, vide & considera, quas cęterę lineę horarię tangāt Regionēs, ea enim hora erit in tactis Regionibus; Stellę autem fixę in sphęra vitrea, ostendent quibus locis & Regionibus dictę Stellę immineant & similia innumera per hęc sphęram scire poteris; Figuram sphęrę hic apponendā duxi. Humores in quibus globus magneticus librari debet, debent esse heterogenei impermixtibilis eiusdē coloris, cuiusmodi in Progymnasmat. esse diximus oleum tartari & spiritum vini, quorum hoc semper superiorem sphęrę partem occupat, illud inferiorem. Atque spiritus quidem vini nullibi non reperitur, oleum autem tartari fit, vel per deliquium ponendo tartarum ad albedinem calcinatum, in cella, vel alio loco humido, donec in oleum resoluatur, quod postea filtrandum: parari etiam potest; si tartarum post calcinationem in aqua cōmuni dissoluatur, & in loco humido donec resoluatur, collocetur; vñtior verò modus is est, qui sequitur. Recipe Tartari albi puri libras quinque, pone in retortam vitream, eique in ignem cinerum collocatę recipientem satis capacē adapta. Dato igne per gradus primò spiritus egredietur, quem si eiusdem cum spiritu vini coloris deprehenderis, eo loco olei vti poteris; si non, oleum, quod spiritum immediatè sequitur, excipies, quod tādīū rectificari debet addito sale tartari, vsque dum oleū eiusdem cum vino coloris deprehenderis, quod in vñum tuum reseruabis; sunt verò multę alię oleorum, & aquarum species, quę huic negotio seruire possint, de quibus volente Deo in Libro tertio dicetur; Quod si quispiam huiusmodi liquoribus destitueretur, globū magneticum ea ratione in aqua simplici, vel aceto distillato, librare poterit, quam in Progymnasmat. 4. Pragmat. 1. & 2. docuimus, eundemq. res successum sortietur. Atque hęc de aptatione sphęrę *κατὰ τὴν ὑποδοσίαν* sufficiant. Nunc qua ratione globus dictus *κατὰ τὴν μετρίαν* statui debeat, videamus.

P R O B L E M A II.

Alia ratione globum hunc constituere.

DVplicem positionis rationem in 1. Progymnasmate, qua globus magneticè gyrandus statui debeat, declarauimus; Primam vocauimus *ὑποθεσία* siue *ὑπαρθεσία*, cum globus immediatè supra cylindrum magneticum collocatur, vel infra, quemadmodum in præcedentibus factum est. Alteram vocauimus *μεθεσία*, quasi diceres circumpositionē, cum videlicet cylindrus magneticus ad latus sphaeræ magneticæ ponitur, vt in hic apposita figura apparet, distinguitur autem *μεθεσία* ab *ὑποθεσία*, quod illa maiorem rerum copiam demonstrare possit: in medio enim cylindrus magneticus positus 3. 4. 5. 6. & quot volueris sphaeras plenas diuersis descriptionibus refertas animabit, cum *ὑποθεσία* vnicam tantummodò sphaeram animare possit. Sed hæc cum per æqualia spacia æquali tempore, & æquali motu procedat, perfectiùs omnia demonstrat, illa autem totum contrarium habet. Nam & inæqualiter procedit, & cōsequēter totus globus in inæquales partes diuidendus erit, vt res successum habeat, ac proindè imperfectiùs quàm prima res demonstrat. Duplici autem ratione globus hac ratione collocādus, in inæquales partes diuidi potest, vel per Tabulam Magneticam inclinationum, cuius modum in Geographia Magnetica Probl. 1. Sect. 1. docemus. Alter modus est mechanicus; sitq. hac ratione: Cylindrus Magneticus certa extantia, quæ regulæ loco seruiat statuatur supra singulas horas in circulo horario æqualiter diuiso, & postmodum obseruetur in sphaera vitrea, quod pisciculus punctū in sphaera terrellæ tangat, hoc enim erit punctum horæ quæsitum. Iterum ponatur eadem Cylindri Magnetici regula supra aliam horam in circulo æqualiter diuiso videlicet sequentem; & obserua quod punctum in globo quiescente pisciculus demonstret; hoc enim erit secundæ horæ punctum. Non secus de alijs horis inscribendis statues, vsque dum omnes horas inscripseris. Sed modus per Tabulam certior est, & minùs laboriosus.

PROBLEMA III.

*Motum Solis, & Lunæ, Stellarumq. fixarum
in sphaera vitrea representare.*

Magnes in figuram rotundam adaptatus cuius diameter vnus digiti sit, includatur sphaeræ vitreæ, ita vt in medio eius veluti centro hæreat, referetque hæc sphaera vitrea orbem Lunæ, in qua & corpus Lunæ, vnà cum circulis depinges, hoc systema alij vitreæ sphaeræ includes, quæ orbem Solis repræsentet, habeat autem hæc vitrea sphaera in fundo optimi magnetis partem. Huic verò Solis sphaeræ memoratos liquores, vt systema orbium Lunæ, & terræ in ijs quemadmodum in præcedente Problemate factum est, in centro libretur, impones. Hoc itaque compositum alteri sphaeræ vitreæ, quæ firmamentum referat, suis constellationibus insignitæ impositum, vt ante in infusis humoribus librato. Quo facto magnes globi Lunaris per cylindrum magneticum κατὰ τὴν ὑποθεσίαν attractus, motum Lunarem referet; Magnes verò fundo solaris globi impositus à clepsydra, & cylindro magnetico κατὰ τὴν ὑποθεσίαν attractus, Solarem motum referet; Hoc artificium ita plenum admirationis, & voluptatis est, vt vel hoc ipso experimento cognoscerem, nullum gaudium, nec vllam veram felicitatem in hoc mundo, nisi quam ex contemplatione veri percipimus esse posse. Sed quæres qua ratione, & via huiusmodi sphaeræ sibi inuicem includi possint? Rem ita conficies: sphaeras vitreas conflatas singulas in duo hæmisphaeria secabis; & postmodum certa quadam mistura ex cera, puluere marmoris, & pice græca, aut etiam calce viua in albugine oui confecta vnum hæmisphaerium cum altero conglutinabis, relicto paruo tantummodè foramine liquoribus infundendis apto: vitri autem sectionem per ages camphura, cū certa aqua subacta & incensa lineæ findendæ illita; sunt varij alij modi scindendi vitrum, qui quoniam vulgares sunt de illis fileo. Figuram sphaeræ hic propositam contemplare.

Mirabilis sphaeræ
conficiendæ
ratio.

Beatitudo hu-
mana consistit
in cognitione
veri.

Si quis sphaera
vacua.

Ratio secandi
vitrum.

Con-

Confectarium I.

IN hoc primo videbis quouis tempore aspectus Solis, & Lunæ, in quo gradu signoue ambo luminaria versentur, ratio quoque eclypsium manifestè patebit; sub quibus Stellis fixis quolibet tēpore ☿, & ♃ moueantur, quando & quomodo nouilunium, & plenilunium contingant, aliaq. omnia quæ ad motum ☿, & ♃ pertinent, cum incredibili mentis voluptate, ipsis cælis superior factus spectabis: non artificiali quadam machina, aut rotarum multiplicatione, sed pura puta actione sympathica; quæ certò restantò præstantior censerì debet, quantò prototypo mundiali similior; sagax hæcior mentem meam hic paucis explicatam facilè intelliget; Certè si cognitam sciremus Archimedi magnetis naturam: dicerem profectò sphæram illam vitream nullo alio artificio fuisse confectam.

Sphæra totius
Cæli motum
ostendens.

Confectarium II.

EX hac machina colligitur, qua ratione omnes Planetarū orbes dicto modo sibi includi possint, & omnes iuxta motus singulis conuenientes Magnetica Arte animari; quo quidem nihil mirabilius videri posset, vera sphæra Archimedeæ, de qua non immeritò illud Iouis apud Claudianum audiri posset.

*Huccine mortalis progressa potentia curæ est
Iam meus in fragili luditur orbe labor.*

P R O B L E M A IV.

*Motus epicycli, & eccentrici Planetæ alicuius
Magnetico motu exhibere.*

Pro fundamento huius fiat Rota A cuius diameter vitreæ sphære diametro, cui supponetur, paulò sit minor; ea forma qua Acupictores in filando argēto & auro vti solent; Huic Rotæ alia Rotula B, quæ epicyclum in deferente A referat, ea

Y 4 indu-

industria imponatur, vt & ipsa reuolutionem suam facere possit; ad huius Rotulæ marginem cylindrum impones magnete valido instructum; vt in apposita hic Figura patet; Hanc igitur machinam ita preparatam vitreæ sphaeræ, in qua corpus planetæ magnete fectum dicta methodo libratum sit, supponatur, duabusque clepsydris quarum vna motum deferentis A proprium suum motum in proprio orbe B peragat, à clepsydris circumductus, sequetur corpus planetæ in sphaerarum humore libratum, motum magnetis, & consequenter nunc ex Oriente in Occidentē, & contra, iam retrocedendo, paulò post stando, nunc remotior, nunc vicinior terræ factus Planetæ, omnes in medio liquidi natans passiones sibi conuenientes ad naturæ exemplar exprimet. Figura sequitur.

Confectarium.

Qui præcedentem methodum benè perceperit, certus sit, nullum motum dari posse, qui non hac ratione, siue intra, siue extra aquam Magnetica arte exhiberi possit. Vnde consequenter machina quædam hac arte fieri posset, adeò mirabilis vt omnem humani ingenij capacitatem transcenderet; Atque hoc dico, vt ingeni osis artificibus occasionem plura, & plura inueniendi præberem, neque dicat quispiam hæc in Theoria tantum certitudinem suam habere, non item in praxi; hoc enim falsum esse, ipsa Artificem experientia docebit, neque enim ego quicquam de hisce dicere proposuissem, nisi veritas & certitudo rei proprio experimento mihi iamdudum innotuisset, & nisi complures experimentorum huius generis à me Romæ exhibitorum testes oculatos haberem.

P R O B L E M A V.

Omnes hucusque declaratas machinas Magneticas ita animare, ut nullum motionis suæ finem habeant, siue quod idem est motum perpetuum ipsæ inducere.


E T si sphaera Archimedæa perpetui motus rationem, omnium Authorum opinione habuerit, quis tamen motus is fuerit, & qua ratione sphaeræ inductus, neminem qui ex antiquis tradat, me legisse memini, unde ut curioso Lectori aliquod saltem huius perennis motus specimen præberem, atque hoc eo ad ulterius speculandum viam aperirem, seriò eiusdè inquisitioni incubui, quem tandè eo quo sequitur modo cõfici posse inueni; hoc enim industriũ Artificẽ Archimedææ sphaeræ perfectionem si non superare, saltem proximè attingere posse omninò mihi persuadeo. Sed antequam rem apertè demonstramus, porisnatis seu lemmatis loco sequens experimentum præmittendum totius operis veluti basim quãdam, & fundamentum existimaui; cuius principia ex opere Salamonis Caus de machinis spiritalibus inscripto desumpsimus.

Experimentum.

Vi rarefactionis aëris perennem aquæ motum producere.

Fiat ex materia dura, & solida vas GC cuius è fũdo canalis ducatur BC, in B fiat assarium insertum syphoni CA, qui & in A in sphaerulâ protuberet canalibus 4. aut pluribus instructam. Iterum in fundo vasis G aliud fiat assarium E cũ canali suo, qui fundum penetrans aquæ subiectę FE immittatur. Habeat præterea vas G loco N epistomium, cum ad id aquã replendum deplendumq. ordinatũ, habebisq. machinã, quam dico Soli expositam perpetuã alterationũ vicissitudinem subituram.

turam. Mox enim ac eam, aqua prius ad medietatem reple-
tam; atque exactissimè obturatam, Soli exposueris, aër G
rarefactus maiori loco indigens aquam C per canalè CB ex-
pellet in B, & hinc per assarium in sphæram A, vbi per ca-
nales quatuor relabetur in fossam subiectam FE; durabitq. flu-
xus ille aquæ quamdiù aër dicta sphæra rarefactus manserit.
Sole verò recedente, aër condensatus cum minori loco indi-
geat, nec inueniat vase vndique obturato, aquæ contra irre-
conciliabilem inimicum, vacuum inquam, opemimplorabit;



Quæ & mox per assarij canalem E violenter attracta sese in-
deficientis aëris locum substituere properabit, tantum locum
repletura, quantum extrusione reliquerat: Sole verò reuertente
aër denuò rarefactus, pristinam actionem repetet, quæ &
perpetuò durabit. Huius igitur experimenti subsidio, machi-
nas nostras magneticas perpetuò animare tentabimus.

Sphæra

Sphæra Magnetica Archimedæa.

*Ratio Sphære Magneticæ perpetuò circumueuntis
cæliq. cursum perenni motu monstrantis, idest,
Sphæram Magneticam conficere, quæ in cen-
tro aquæ, seu in medio liquorum librata perpe-
tuò circumueat, horas, ac circulos cælestes, totius
denique Astrolabij mysteria denotet perpetuò.*

Hisce dum sollicitiùs vacarem, ingens me desiderium inuasit explorandi, num magnes perpetui alicuius motus capax sit, occurrit tandem modus præcedens, quo sphæra quæpiam magnete fæta in aquæ centro librata, ita perpetuò circumduci possit, vt horas perpetuò demonstret, idque præcedentis pneumatici artificij ope expediendum duxi; etsi hoc artificium vix ad eam perfectionem deduci possit; vt horas perpetuò ac perfectè regulari motu demonstret; cum ob elementarium corporum temporumque perpetuam instabilitatem ac vicissitudinem: tum ob aquæ cum tempore euaporantis consumptionem; quia tamen motus eius aliquo modo regulariter perpetuus ipsa experientia demonstratur, parumque à perfectè regulari motu aberret, hoc ipso curiosis Artificibus, ac Industrijs Mechanicis occasionem dare volumus ad maiorem itentidem eum perfectionem deducendi. Ita autem sese res habet. Vitrea Sphæra Magneticis fæta corporibus, vnà cum assistente sibi Syrene horas aliosque circulos monstrante; Cylindrus quoque magnete instructus, vt in præcedentibus docuimus, præparentur. Quibus paratis fiat vas quoddam æneum, plumbeum, aut è quauis alia materia, metallica operi exhibendo proportionatum, sitq. OPQRS TVX. Diuidatur deinde vas diaphragmate quodam TA fiatq. separatum receptaculū TP AR, quod medietate aqua repletū ita claudatur, vt aëri sit imperuium; Huic sphæra vitrea aut plum-

Hic motus aliquot impedi-
mēta habet, quo
minus perennis
proprie dici
possit.

plumbea X imposita intus concava, inverso orificio K dictum receptaculum intret, atque ita superiori vasis fundo ferruminetur, ita arctè, vt nihil aëris intrare, nihil exire possit. Iterum in fundo dicti receptaculi fiant duo assaria ab cd, quorum illud introrsum hoc extrorsum aperiatur; Assarium cd instructum sit syphone AT, qui deriuetur in vas STVX, vt figura demonstrat. In vase quoque STXV (quod aquarum horis mensurandis destinatarum receptaculum est) deducatur syphon, seu diabetes YZ supra rotam H, quæ vasculis quibusdam, seu haustis sit instructa, quorum singula foramen paruulum, in fundo habeant, ad aquam ex vno vasculo, seu haustro insequens cum tempore deriuandam; Huius Rotæ axi alia rota G indatur, implexa dentibus basi cylindri circumcirca ideò insitis, vt mota rota H dentibus suis implexa rotæ cylindri F, circumducatur cylindrum vnà cum lapide magnetico. Porro in receptaculis KR fundo assarium extrorsum aperibile syphone B instructum sit, qui deriuetur in cistam VX aqua plenam. Demum in paruulo receptaculo aquarum STXV alius syphon in superiori parte apertus, in inferius aquarum receptaculum deducatur; machinamque habebis perfectam.

Vsus, & applicatio Machinæ.

Situetur machina in loco quodam meridionalem respiciente plagam, ita firmiter, vt loco dimoueri amplius non possit. Quo facto aër sphaeræ XK inclusus, ascendens Solis feruore rarefactus, dum maiorem locum quærens, eum non inuenit, per K violenter egressus aquam in receptaculo KR contentam per assarij syphonem AT summa vi pellet in vasculum superius STVX. Hoc autem receptaculum eo fine positum est, vt aquam 24. horis siue diei naturali mensurando sufficientem tenere possit, posset quoque vas fieri, quod triduo, quatrinduo, octiduo mensurando sufficeret, sed hæc omnia Artificis industria relinquimus. Repleto itaque dicto vasculo STVX superiori machinæ parti adiuncto, aqua per syphonem ZY totum sese exonerabit in Rotam H; ita tamen syphon constructus sit, vt totam aquam 24. horarum spacio per foramen Z æquali, & perpetuo fluxu


fluxu supra rotam exoneret in haustra 24. foraminosa, ad quorum vnumquodque replendum, deplendumque hora circiter insumatur. Cum igitur aqua in receptaculo STVX tanta sit, quanta 24. haustris Rotæ H affixis, 24. horarum spacio vertendis sufficiat: vertetur rota H, secumq. alteram rotā G pari celeritate circumducet, quæ cum dentibus cylindri numero æqualibus sit implicita, cylindrum quoque æquali tempore circumaget, hic verò consequenter magnetem eodem spacio, & magnes demum sphaeram magneticam aquis libratam, hæc Aquilam magnete grauidam, ita singula æquali tempore circumacta horas, aliasq. res monstrabunt, aqua interim receptaculi KR caloris diurni vehementia expulsa, cum nocturno frigore condensatus aër in sphaera XK corpus, quod substituat non habeat, ne natura violentiam patiatur, aquam vasis XV per syphonem B assariumq. attractam in locum deficientis aëris substituet, & tantam quidem, quantam prius rarefactus aër expulerat. Quæ aduenientis Solis rarefactione denuò in receptaculum STVX, expulsa, nouam motus diurni materiam præbebit, & sic perpetuò. Nota tamen syphonem X receptaculi STVX eo fine positum, vt aqua superflua ita per eum in inferius vas VX sese exonerare possit. Atque hæc est machina nostra, cuius ope perpetuum magnetici globi motum, conficere attentamus.

Alia ratio motus perpetuandi per ventum.

VERùm cum multa huius præcedentis machinæ effectus impedire possint, neque enim semper eadem temperies, nec tanta sæper aquæ copia suppeditari potest, vt vasi ~~in quibus~~ 24. horis metiendis sufficiat, præterea hybernis diebus vis rarefactiua ob caloris exiguitatem vix notari possit, quemadmodum in Germania sæpè experientia docto innotuit, dum in Thermoscopio exposito, vix integro mense sensibilem aquæ motum ob aëris rigorem notare contigit. Sub Zona igitur torrida, aliisque calidioribus locis successum insignem eam habiturū non dubito, quem & in Borealibus quoque locis, ac Zonæ temperatæ subiectis, at nonnisi à principio Aprilis vsque ad

No.

Nouembrem, hoc enim anni spacium maximè ad machinam hanc perpetuò animandam ob perpetuas caloris, & frigoris vicissitudines accommodatum inuenio. Hos igitur defectus cum notarem, de alio medio quopiam, quo hæc machina ad



perfectionem motus sui perpētui tandem pertingere posset seriò cogitare cæpi; & ecce huic inquisitioni intento modus quidam se obtulit, non certus tantum, ac facilè parabilis; sed & vniuersalis vbiuis locorum semper obuius; quo tātum aquæ singulis horis vasi *in quibus*, quantum non dicam vno die, sed octo metiendis sufficeret, suppeditari poterit; fit autem opera
venti

venti ea qua sequitur ratione. Fiat primò ventilabrum AB extra tectum eminens ea ratione, qua in anemoscopio nostro magnetico factum vides, vt flante vento circumagi possit; hasta autē ventilabri tympano dentato instructa vertat rotam EHF, Manubrium autem GH alligatū sit ferro cuidā QF per I. huic ferro verò in F embolus alligatus in K disponatur, vbi anthlea præparetur aquis per syphonem LM in vas ἐφύμαρον MO fundendis apta. eritq. instrumentum peractum; Flante igitur vento, ventilabrum AB circumactum tympano suo dentato rotam alteram E dentatam, cui innectitur, circumaget, hac circumacta manubrium tortum, ferreā regulam cui alligatum est, nunc deprimet, nunc attollet; ferrea verò regula depressione, & eleuatione sua embolum, seu trussillum HEPK sibi alligatum similiter nunc deprimet, nunc attollet, fietq. vt embolus eleuatus aquam in anthleam attrahat, depressus verò attractam per assarium, & syphonem LM denuò violenter in vas MO expellat. Cum igitur vix vlla dies aut nox sit, qua non ventus aliquis vbiuis locorum, vt experientia docet, spiraret, ventilabrum vel modico vento circumactum tantum aque in vas MO per anthleam deriuabit, quæ multis diebus sufficere posset; vt autem vas à superflua aqua exoneretur syphonem X ordinauimus, per quem vas MO plenum, se exonerare possit. Cum itaque vas MO semper aqua sit plenum, syphonem autem O stillatione ἐφύμαρον vertat rotam spacio 24. horarum regulariter, hæc verò Cylindrū Magneticū, vt in Horoscopio nostro Magnetico-Phyfico Mechanico videtur, & globus magneticus quoq. in vitrea sphaera perpetuò, & regulariter circumactus horas & alia regulariter demonstrabit; Atq. hæc ratio mea opinione omnium ad motus perennitatem efficiendam aptissima est, cum nunquam & nullibi ventus flabro, nec vasi MO aqua deesse possint, quod solum ad motus continuationem requiri videbatur. Nemo autem putet me hic loqui de motu illo perpetuo à Mathematicis hucusque intento; hunc enim necdum inuentum esse supra ostendimus, sed de motu perpetuo naturali, siue qui dependet à causis naturalibus perpetuū mobilibus cuiusmodi sunt, Sol, Luna, sidera, & inferiora horū cursum sequētia, vt sunt, quædam vegetabilia cursus fluminū,

per-

Huius motus
perennis per re-
tū ratio recta &
vniuersalis est.

Protestatio
Authoris.

perpetua meteororum agitatio, Molendinum impetu fluminis agitatum; similiaque quæ ab his dependent. Certè qui dicta ingeniosè adaptare nouerit, multos hucusque inuisos, ac prodigiosos motus se effecturum sciat. Sed hæc industriæ exactorum Artificum relinquenda sunt. Accipe interim Lector benignè secretum liberaliter tibi communicatum, meisque laboribus fauere ne cesses, sic enim fiet, ut in dies ad plura, ac plura inuenienda animum incites.

PROBLEMA VI.

Qua ratione Serapidis quadriga, Arsinoes Statua & Bellerephontis equus in aëre suspendi possint vi Magnetis.

Memorant Historiographi Alexandria in Templo Serapidis quadrigam ferream, nulla basi suffultam, nullis vncis infixis parietibus colligatam, in aëre suspensam cunctis stuporem, ac veluti diuinum prodigium, oculis mortalium obuersantem attulisse, quod cum quidam Dei seruus intellexisset, Magnetem statim à fornice subtrahi curasse, ac protinus omne id ostentum cadens, confRACTUM, comminutumque ostendisse diuinum non esse, quod mortalis homo firmauerat. Ita Ruff. lib. 2. hist. Eccles. c. 23. Isidorus lib. orig. 16. c. 24. Plinius lib. 34. refert, ex solido Magnete Dinocratem Architectum Alexandria Arsinoes Templum concamerare inchoasse, ut in eo simulachrum eius è ferro in aëre pèdulum videretur. Ieroboamum quoque vitulos aureos Magnete in aëre ad deceptionem hominum suspendisse Thalmud Hebræorum tract. Sanedrin. c. hegel. docet; cuius in primo libro mentionem fecimus: refert Venerab. Beda tom. 3. de natura rerum lib. de 7. mundi miraculis. Inter cætera dicta miracula Equum Bellerephontis ferreum inter duos Magnetes eo artificio fuisse libratum, ut in medio aëre sine fulcro pèdulus expansisque alis, quasi volitans videretur. Verùm huiusmodi historias falsas esse, & mera hominum figmenta, nec vllum simile opus unquam in mundo fuisse, nec possibile esse ex sequentibus patebit.

Varia Historie
de statu vi magnetis
in aëre
suspensis.

Notandum itaque primò est, omne corpus verè Magneticum, duo motus sui habere principia, vnum qua grauitate naturaliter sibi indita deorsum vergens centrum petit, alterum qua naturali appetitu ad alterum corpus sibi consimile fertur, quæ v. g. in ferro, & Magnete concurrunt. Notandum secundò, vt ferrum inter duos Magnetes in aëre suspendatur, duo considerari posse, vel enim vis tractiua in vno lapide est efficacior, quam in altera, & sic qui ferrū ad se trahet, veluti potētior victoriam reportabit ab eo, qui debilior est, & sic ob inæqualitatem motus suspensio ferri in aëre non succedet; vel vtriusque lapidis tractiua vis est æqualis, & vnus lapis tantum trahit sursum, quantum deorsum alter, & sic *διωξὶς* loquendo, & per *ἰσοδυναμίαν* ferri in aëre sequeretur suspensio, non enim ratio esset cur ferrū vni potius quam alteri adhæreret; sed iam quaeritur vtrum minutissima huiusmodi libratio ipsa praxi in opus deduci possit? Respondeo cum huiusmodi libratio consistat in indiuisibili omnem humanam industriam meritò in eo librando deficere; accedit quod implicare videatur, adeò præcisè medium determinare, vt vis tractiua ex vtraque parte præcisè sit æquata. Dato tamen non concesso librationem hanc *ἰσορροπικὴν* peractam esse, sequitur tamen eam vix momento in hoc æquilibrationis statu consistere posse, cum vel minima commotio aëris ferrum è statu æqualitatis disturbatum vel sursum, vel deorsum migrare cogat; falsa itaque sunt omnia ista figmenta de Quadriga, Arsinoes statua, & Bellerephontis equo in aëre inter duos magnetes suspensis; vti & de nefarij impostoris Mahumetis sepulchro multi fabulantur. Item de vitulis aureis Magnetica arte à Ieroboamq̃ suspensis, si enim aurei, quomodo trahentur à Magnete? Sed has Rabinicas fabulas relinquamus. Quod tamen quidam aciculam inter duos Magnetes æquè libratam, etsi exiguo temporis spacio in aëre suspendisse asserat, equidem religiose eiusdem fidei repugnare nolim; hoc vnicum dico, nihil non me circa hoc negotium tentasse, at semper in vanum, sine vllò successu, nulla denique perficiendi operis spe relicta laborasse. Quod verò Fracastorius existimet, ferrum in aëre suspendi, si supra magnes poneretur, qui tantum trahat sursum ferrum, quan-

Libratio ferri
inter duos ma-
gnetes positi
ferri nō potest.

Alia ratio suspē-
dendi ferrum
inter vi aëre.

tum ipsum deorsum inclinat, æquali potentia *διαεκκῶς*, siue Metaphysicè loquendo suam certitudinem habere posset, si medium illud indiuisibile in materia concretis rebus assignari posset; sed minutissimas huiusmodi differentias nostra actione assequi, *ἀδύνατον* existimo; cum (excluso omni medio) illud principium munus mouendi corpus exerceat, quod virtute præualet, siue id fuerit vis attractiua sursum, siue grauitatis innatæ descensiuæ deorsum; neque enim humana industria illud medium (quo ex æquo partito imperio, & dicta vis attractiua sursum, & appetitiua centri, æquo conatu sibi ferrum appetant) centro grauitatis ferri præcisè respondens inueniri posse autumem. Ne tamen nihil in hac materia proficisse videamur, modum alium ostendam, quo ferrum in aëre quì suspendi possit, & consequenter quæcunque Historiographi de Columba Architæ, Aquila Regiomontani, Statua Arsinoes, Equo Bellerophontis, tradiderunt Magnetica arte exhiberi possint, docebo, idq. ex principio satis communi, & certissimo, etsi res admiratione non careat. Ita autem res sese habet. Defigatur ferrum inferius filo quantum fieri potest tenui, & dum manu libratum superiori lapidi hære anhelat, nec tamen eum impediēte filo accedere possit in aëre suspensum perpetuo motu, ac trepidatione nutans, & tremens, tamdiù quamdiù Magnetis præsentiam sentiet videbitur. Hac igitur arte Statua Arsinoes, Serapidis quadriga, & Bellerophontis Equus siue Pegasus, præsertim si ex leuissima materia conficiantur in aëre suspendi possunt. In vase verò vitreo aqua pleno dictæ statuæ librari possunt ea arte, qua globos supra librauimus; ergo dictas statuas in aëre, aut aqua suspendimus, quod erat faciendum.

PROBLEMA VII.

Architæ Columbam volantem in aëre, ac horas diei monstrantem Magnetico eoque perpetuo artificio exhibere.

PRæmissis notioribus iam restat, ut qua ratione suspensis in aëre rebus motū progressuum ipsæ dare possimus, ostend-

ostendamus, ac primò quidem huius rei periculum in Archite Columba volante, quam Authores tantoperè deprecant, faciemus: hac itaque industria artificium ordieris. Fiat primò receptaculum totius artificij, ea forma qua hic vides ABCD, quod lamina subtilissima ex ære, vel cupro teges, supra laminæ centrum rotulam E Magnete F (quem in margine rotulæ inferes) instructam ea industria axi indes, vt funiculo plumbeis ponderibus librato rotula E, cum Magnete F pro vtentis arbitrio nunc sisti, nunc circumduci tecto, & occulto modo, quemadmodum machina ostendit, possit. Porro fiat in fundo receptaculi mons G factitiùs in cuius vertice statua H (quæ Architā referat ex materia leuissima, qualis esse potest charta, & scapus cannabis arefactus, confecta, supra obelum acutissimū ita libretur, vt vel minimo flatu circumagi possit; Hoc peracto Columbam facies ex dicta leuis materia, per cuius corporis longitudinem obelum chalybeum prius polis magnetici animatum, traduces, filo cannabino, vel sericeo, Aloetico, lineo, vel alia quauis materia, dummodo ita tenuis sit, vt etiam visum decipiat, alligato vtroque extremo, & vripygio Columbæ, & manui Architæ, Columbamq. in tantum eleuabis vsque dum senseris eam à Magnete attractam in aëre suspendi, modo paulò antè dicto. Quo facto, si volantis Columbæ iucundum, spectaculum exhibere desideres; Rota E vnà cum Magnete, circumacta Columbam tremulam, & veluti desiderio capiendæ alicuius rei sollicitam circumtrahet, hæc autem tracta filo vnà secum supra obelum libratam statuam Architæ circumducet. Ita in gyros Columba volabit, Archita veluti volatum Columbæ in omnem partem obseruante, quod spectaculum ignaris causæ ita rarū, & prodigiosum videtur, vt multi attoniti, cum huiusmodi exhiberem, magica id arte fieri ita tenaciter crediderint, vt nullis ferè persuasionibus in contrarium moueri potuerint. Nota tamen Magnetem ad huius generis artificia exhibenda præpotentem requiri: cuiusmodi ego vidi vnum, qui obelum 4. ferè digitis à Magnete remotum in aëre suspendebat. Nota secundò, vt Columba horas in circulo tholi superficie inscriptas spacio 24. horarum demonstret, Columbam ita librari debere, vt motum circularem Magnetis

Quomodo Columba horas monstrare possit?

sequendo semper æqualiter à laminæ distet superficie, quod vt facilius peragas, cogitabis manum Architæ, & os Columnæ circumuolutione sua, filoq. intermedio, vel cylindrum, vel conum decurtatum describere: iuxta hanc enim considerationem eam facilè in circulo mouendam librabis. Cylindrus autem Magnete instructus tholo suprapositus diurno spacio circumagetur, & quidè perpetuò, arte supra Probl. 5. inculcata.

Confectarium.

EX hac Machina sequitur primò, qua ratione quiduis aliud hac arte, vt motū progressuum subeat, librari possit. Hac arte Ascensio CHRISTI Domini Nostri in Cælum, Missio Spiritus sancti, aliæq. tam sacrae, quàm prophanae Historiæ, non minùs mirè, quàm iucundè exhiberi possunt.

PROBLEMA VIII.

Historiæ Ionæ à pisce absorpti representatio Magnetica.

HOc experimentum primùm Herbipoli anno 1631. exhibitum in opusculo quodam intitulato Ars Magnetica publici iuris feci, quod postea Gasparus ab Ens in sua Thaumaturgo Mathematico, vti & multa alia ex meis, insertum, denuò edidit. De quo prius Lectorem monere volui, ne me hoc experimentum ab alijs emendicasse crederet; ita autem res habet. Tantæ primò vas capacitatis præparetur, quantum historiæ exhibendæ representatio postulat, cuiusmodi esse posset peluis ampla; secundò ex charta seu cannabeis thirsis optimè exsiccatis imagines conficiantur Ionæ & piscis; Piscis quidem seu Balenæ ore immani hiantè, subereis pinnis atque branchijs ita librata, vt facilè, & sine impedimento aquis fluctuare possit: Ionæ verò statua ad hominis in mari fluctuantis, & aliquousq. submersi similitudinè conficiatur, cuius manus vel caput, optimo chalybe instructum sit. In ventre verò piscis medio, magnes è filo æneo (quod superius eminebit)

vt

vt eo magnes pro arbitrio circumduci possit. Positis itaque statuīs libratīsque, vt dictum est in aquæ superficie, si amicos iucundo spectaculo recreare desideres, obuerteres polum magnetis amicum, versus partem statuæ Ionæ, & cum admiratione videbis statuam Ionæ magnetis præsentiam sentientem per vandas ferri, & summo impetu ventrem Cæti introeuntem; si verò desideres eum à pisce denuò euomi, obuerte polum aduersum statuam, atque hæc se inimico coniunctam consortio sentiens illicò relicto ventre fugiet extra, vi magnetis repulsiua eiecta. Cui si amicum punctum opposueris, denuò vorabitur, atque hoc spectaculum tamdiù durabit, quamdiù prædicto modo operari volueris; hac ratione historiam quoque CHRISTI supra aquam ambulantis, & Petro submergenti suppetias ferentis non minùs piè quam iucundè alibi exhibuimus. Infinita hoc loco dici possent, sed hæc omnia Artificis sagacis industriæ relinquimus; Datis enim principijs facilè est innumera alia excogitare.

Historia Christi
si Magneticè
representata.

P R O B L E M A I X.

*Vranoscopium Anaclasticum Magneticum, siue
per refractionem, quo statua Magnetica &
circulos cælestes, horariosq. mira qua-
dam ratione sub aqua ostendit.*

Fiat vas AB Conchæ figuram habens, in cuius concava superficie horæ ἀνακλαστικῶς hoc est per mediū refractum delineentur, quod duplici methodo fieri poterit, vel per Tabulas, vel per obseruationem. Modum priorem Geometricè, & per Tabulas describendi Vranoscopium, in particulari tractatu, quem Astronomiam Anaclasticam indigitauimus, docemus; posteriori per obseruationem methodo, vtpotè faciliori, horas ea qua sequitur ratione inscribes. Exponatur Concha super asserem quempiam Soli, & ex centro Conchæ stylus erigatur tantæ altitudinis, vt extremitatem oræ Conchæ propè adæquet, ità vt in Concha aqua repleta styli extremitas nō emineat extra aquam; sed ei immediatè subdatur; Quo facto

eidem asseri aliud quoddam Horologium Sciatericum exactè impositum ita firmetur, vt loco, quemadmodum & Concha, dimoueri non possint. Deindè obserua quopiam die, quando stylus lineam horæ sextæ antemeridianæ tangat in Horologio tuo; Hoc factò nota quoq. in quem punctū extremitas vmbra apicis styli in Concha incidat infra aquam, quem acuminato ferro diligenter annotabis, adscripta ei hora sexta. Iterùm circumducto asserere vnà cum Concha, & Horologio donec vmbra styli Horologij horam sequentem videlicet septimam tangat, hancq. eandem in Concha sub aqua notabis. Et sic promota vmbra Horologij ex circumgyratione asseris ad 8. 9. 10. 12. & cæteras diei horas; promouebitur, & eadem proportionè extremitas vmbra styli sub aquis in Concha ad horarum, quas Horologium monstrat, puncta: Notatis igitur omnibus prædictæ obseruationis punctis horarijs in Concha. Post 1. 2. aut 3. aut quot demùm volueris hebdomadas, secundam obseruationem adorieris, in qua non secus ac in prima operatione puncta horaria sub aqua, in Concha extremitate vmbra styli indicata, subsidio Horologij alterius notabis; quo peractò, si per 2. quælibet earundem horarum puncta lineas cyclicas duxeris, habebis Horologium Anaclasticū, quod fieri oportebat. Hac industria quosuis circulos cælestes, quorum in lineas rectas sit proiectio, vt sunt lineæ horarum ab ortu, & occasu, vti & inæqualium; lineæ item domorum cælestium, ascendētium signorum, & similes, proposito primò Sciaterico prototypo, isto, cuius lineas radio refracto describere volueris, ἀνακλαστικῶς, delineare poteris. Quod si factum, Horologium Anaclasticum iam habueris, aliud eius ope tantò facilius ad id construere dicto modo poteris. Delineato itaque Horologio refracto, statuam B magnete animatam subere nauiculæ impositam supra magnetem V sub aqua loco I firmatum ea ratione librabis, qua in Progymnasmat. præceptum est: habeat autem statua hamū in manu quasi captura pisces: Hamus autem, nodulo aliquo grauiusculo v. g. D ita sit instructus, vt extremitas eius D in eodem puncto, quo extremitas apicis styli sub aqua, vt horas mōstret, quiescat. Dempto enim stylo, extremitas hami, seu nodulus horis monstrandis infer-

inferuiet. Hæc itaq. vasa ita expoñantur Soli, vt A Austrum, B Boream, seu Solem respiciat; vtrumque lineæ meridianæ, exactè respondeat, quod fiet si magnes, seu ferrum nauiculæ subereę, siue statux impositū rectā vnā, cum hamo ad eius filum accommodato, lineæ asseris MN exactè respondeat; lineæ autem meridiana, siue media Conchæ eundem situm habeat. His igitur ritè dispositis, exposita vasa Soli, gyra asserem, donec situm meridianum vas habeat; quo posito, statua nauiculæ suæ imposita, vnā cum hamo, hic inde, ceu pisces captura, tandiū agitabitur, donec extremitas fili in dicto puncto requiescat, quod dum contingit, ecce ea vmbra sua in lineis infra aquam Conchæ æneę incisis horam perfectè monstrabit, quam aliàs in Concha aquis vacua nulla ratione monstraret, quæ res magnam intuentibus parit admirationem; dum capere non possunt, quomodo statua semper ad Solem cōuersa, quomodocunque ponatur, hamo suo in idem semper punctū feratur, horasq. monstret, necnon quomodo extremitas hami eas horas monstrare possit sub aqua, quam extra aquam non monstraret. Potest totum hoc spectaculum sub ipsis quoque aquis in aliqua piscina ad hoc præparata exhiberi, sed hæc omnia curiosi Artificis industriæ relinquimus. Vranoscopium igitur Anaclasticum fecimus, quod erat, &c.

Catoptrica Magnetica.

Qua certa speculorum dispositione imagines reflexæ;
& multiplicatæ motu Magnetico varia iu-
cundaq. rerum exhibent spectacula.

PROBLEMA X.

*Dædali Statuas suaptè spontè ambulantes, vel
vna statua Magneticè ambulante, innume-
ras alias Magnetico, & Catoptrico
artificio exhibere.*

Primò. Fiat circulus seu lamina subtilis, tenuis, & ænea super cuius latera ab bc cd specula parallelogramma.

περὶ τὰς ὁρμὰς disponantur varijs alijs quadratis; pro varia imaginum multiplicatione diuisa, vt in figura hic apposita patet. Quo facto statuam ambulante hac arte conficies. E charta contusa vel serico, aut thirso cannabino exsiccato, aut ligno leuissimo statua pro laminæ capacitae magna fiet, vel parua; hæc statua chalibæ laminæ agglutinata ei recta insistet; Deinde posita statua in orbis ænei cetro A ea mox innumeras sui species in speculorum fragmentis circumstitis, ex varia reflexione reciproca causatas referet. Quod si clam alijs, aut artificio iam sæpè per cylindros instituendo infra orbem æneum suppositum excellentis vigoris magnetem circumduxeris, chalybea illa lamella, cui statua insidet magnetis sentiens præsentiam, motum magnetis quocunque volueris sequetur, ita hac vnica statua ambulante innumeræ aliæ hinc inde contrarijs quasi motibus se agitantes, iucundissimum spectaculum intuentibus præbebunt. Et quamuis huiusmodi negotium facile omninò sit, dici tamen vix potest, quantam ignaris causam stuporis hæc res iniiciat, dum statuam nullo filo aut pondere, seu alio quouis artificio in automatis vfitato, sed motu naturali planitiem fundi radere conspiciunt, nullo post se relicto vestigio,

Confectarium.

EX dictis patet, nihil non dicta industria magneticè exhiberi posse, quæ tamen omnia Artificis industriæ relinquimus, qui perspectis hisce nostris primis inuentis, innumera alia excogitare nullo negotio poterit. Patet quoque collocatis speculis sibi inuicem parallelis non vnâ reflexionem, sed innumeras hinc inde multiplicatas, ingentem multitudinem in varia distantia se mouentium exhibere; eo spectaculo magis admirando, quo motus statuæ fuerit latentior. Præterea si loco planorum speculorum cylindraceum, aut conicum posueris, & iuxta leges Catoptricas figuram ambulante irregulariter, aut litteras seu sententias in plano A descripseris. Hoc artificio speculum prodigiosum confici poterit, in quo magnetico motu in speculo, quæcunque volueris repræsentantur

tantur, cùm extra speculum nihil omninò, quod suspicionem moueat appareat, quæ omnia libenter hic monstraremus, nisi ea Magiæ nostræ Catoptricæ reseruassemus.

P R O B L E M A X I.

Alueare siue Apiarium Magnetico artificio exhibere.

SI examen Apum magnetico artificio exhibere volueris, specula supra memorata æneo orbi, ita insistant, vt ἱκανώ-
τως exurgentia in tholum seu hemisphæricum laqueare desin-
nant; Quo factò Apim viuam ita torrebis, vt integris mem-
bris omnibus, humor tantùm viscerum siccetur, hoc peractò
Apim ita præparatam aciculæ secūdum longitudinem corpo-
ris ita infiges, vt nihil acus in eadem appareat. Hanc orbi
æneo impositā suppositoq. cylindro magnetico animatā hinc
inde agitabis, & ecce innumeras Apes per speculorum planas,
erectas, supinas & transuersas superficies sese motitare maxi-
ma oblectatione conspicias. Ego Cantharide dicta ratione tor-
refacta in huiusmodi spectaculis exhibendis vti soleo.

Confectarium.

MUltà hoc loco de saltibus & choreis, de præliorum,
chorearum, aliorumq. spectaculorum Magnetico-Cato-
ptrica exhibitione producere possem, verùm qui hæc duo
paulò ante proposita Problemata benè perceperit,
nullo negotio innumera alia proprio Marte
excogitare poterit.



PROBLEMA XII.

Machinam Magneticam construere, in qua statua motu sympathico ventum, qui quouis tempore spirat, una cum qualitatibus, & effectibus flantis venti, certò & infallibiliter demonstret.

Legimus apud Vitruvium Andronicum Cireſten Athenis Turrim marmoream octogonam, in cuius singulis octo faciebus v̄eti figura ex culpta videbatur, cōstruxiſſe, Aeolumq. ſupra mobilem, qui tridente pro venti flantis conditione motus, ventum ſibi ſubiectum demonſtraret; quod artificium etſi exigui ingenij fuerit, tunc temporis tamen apud imperitos haud parū admirationis habuiſſe hitorix tradunt. Qua ratione igitur nos vi magnetis aliquid recōditiūſ machinari poſſimus, iam ordo poſtulat, vt oſtendamus, ne quicquam curioſarum rerū in hac arte noſtra Magnetica obmiſſiſſe videamur. In loco igitur commodo alicuius domus v.g. in ſolario aliquo præparetur haſta longa ferrea CFG cuius extremitas G extra teſtum emineat, Aquila mobili loco A pluſtris conſpicua; Inferior verò pars in acumen deſinens matrici chalybeæ ita inferatur, vt tota haſta pro ventorum ratione circumacta in gyros facilè, & leuiter moueri poſſit. Hoc peractò ſiant tres rotæ magnitudine, & numero dentium pares, quarum prior D verticalis implicetur dentibus rotæ C ſitu horizontalis, & hæc dentibus rotæ B cylindro A coagmentatæ. Iterum rota D axi ſuo tranſeat centrum orbis ventorum XY, vbi & indicem S annexum habeat ventis monſtrandis accommodatum, cylindrus verò A aculeo libratus magnete ſit inſtructus, poſitusq. iuxta regulas in præcedentibus traditas. Supra quem immediatè ſphæra vitrea ponatur, in cuius circuitu 32. venti cum eorundem nominibus, qualitatibus effectibusq. depingantur. In ſphære porrò liquoribus prius repletæ medio Aeoli ſtatua cum ſceptro *καὶ τοῦ βασιλέως* praxi ſæpiūſ dicta libretur, eritque in-

instrumentum peractum, in quo omnes rotas, cæteraq. machinamenta ita abscōdes, vt præter nudam sphæram H; orbemq. ventorum extrinsecum XY, nihil prorsus compareat, hac enim industria spectaculum exhibebis magis admirandum. Porro sphæram H & orbem XY hac arte prius situabis; Aquilam G subsidio pyxidis magneticæ ita diriges, vt perfectè lineam meridianam possideat. Pari ratione sphæram vitream situabis, vt ventus Auster & Boreas oppositi lineam similiter meridianam possideāt, cui in orbe extrinsecò XY verticaliter respondebunt venti X & Y hic Auster illic Boreas; hoc quoque peracto statua magnetica Aeoli ita disponatur, vt Austrum scepro demonstret, quem & in orbe monstret regula S, habebisq. machinam perpetuò situatam, quamque ita hoc situ firmabis, vt loco amplius dimoueri non possit.

Vfus .

F Lante v.g. Austro Aquila se vertet cōtra Septentrionem, versaq. secum vnà hastam F rotamq. C ei affixam circumaget. Hæc vtrinq. rotam B, & D æquali motu gyrahit, atq. rota quidem D gyrata regula S in orbe ventorum, flantem extrinsecus ventum Austrum in Y monstrabit. Cylindrus verò circumactus vnà cum magnete magneticam statuam raptam, super eundem ventū firmabit. Non secus alius quiuis ventus, cū intus in sphæra, tū extra in orbe quouis tempore perfectè demonstrabitur. Cum enim Aquila G vnà cum rotis CB eodem tempore circuitum suum conficiat, regulam quoque & Aeolum spacia proportionalia ad totum confici necesse est, ergo si Aquila 30. gradibus dimoueatur loco, Aeoliam statuam totidem gradibus dimoueri necesse est, & sic de cæteris. Si vero desideres, vt orbis XY magneticè quoque vêtos significet, ita operare, regula ostensoria ex altera parte axi firmetur, in cuius extremo frustum magnetis applicetur, quod laminam orbis radat, si enim extrinsecus eodem loco Muscam fictitiā, Apim, Lacertulam, aut simile quippiam applicaueris, ostendet tibi fictitium animal ferro prius animatum, vêtum desideratum, ea ratione qua in Steganographia Magnetica, quam consule, docebimus.

Con-

Confectarium.

DIsces ex hac machina primò plagas mundi perpetuò; ventorū Rhombos, & diuisiones, plagasq. quibus dominantur. Vrbes & Regiones per quas venti transeunt; qualitates, & affectiones singulorum, cæteraq. omnia hanc materiam concernentia; & quod amplius, intra cubiculum, aut conclaue, per statuam vitro inclusam, solo motu sympathico, quæ res à me alibi quibusdam monstrata, ita attonitos reddidit spectatores, vt quidam etiam cauillari ausi sint, hoc nisi dæmonis ope vitro inclusi nulla ratione fieri posse, & quamuis ego clarè assererem magnetis id ope fieri, quia tamen nullam magnetis cum ventis connexionem videbant, induci non poterant, vt id quod assereram, verum esse crederent; vbi tamen occultum machinamentum in apertum deduxi; singuli errorem suum detestati; in similibus imposterum captiuare intellectum suum didicerunt.

A V C T A R I V M.

Aliorum quorundam Ludicrorum Magnetis.

I.

Qua ratione ferrea scobs cumulo arenæ permista breui separetur.

IN Vase aliquo, aut mortario contusus magnes cumulo arenæ misceatur. Nam admoto magnete vel nudo, vel alio velo quopiam tecto, illicò ferrea scobs veluti fædere coniuncta In capillos conferta curret, lapidique tenaciter adhærebit, quam decutiendo seorsim pones, ac denuò applicato lapide ad cumulum relictum, reliquam partem magnete captam sepositæ appones, donec totam scobem separaueris; hac arte Metallarij ferreas sordes ab argento, cupro, reliquisq. metallis separare consueuerunt.

Exer-

2.

Exercitum arenae praeli antem repræsentare.

IN puluerem contusus magnes scobi ferreæ inferatur, qui supra Tabulam æream ponatur, & subtus magnes admoveatur, & iuxta motum magnetis videbis nunc progredi, nunc recedere, nunc erigi, nunc deprimi inhorrescentes ad præsentiam magnetis arenulas, ac nunc fuga, nunc insecutione; quoddam veluti praelij simulachrum referre, prout polis magnetis applicueris.

Aliter.

Fiant paruulæ statuæ magnitudine acus, quarum superior pars è subere, inferior ex alia quavis grauiori materia: ita fiet, vt aquæ impositæ dictæ statuæ fundum petentes rectâ incedere videantur, subere vergere sursum, alia materia deorsum; hoc facto obelis chalybeis siue acubus animatæ pelui aqua refertæ imponantur, quæ fundum petentes rectâ insistent. Si igitur imaginum conflictum videre desideres magnetem infra positum contra alium magnetem promoueas, videbisque humunciones motum magnetis sequentes quasi confligere; quod si velis, vt facitij homuculi circulariter moueantur, magnes circulariter mouendus erit, si verò pronos in terram prostratos veluti mortuos repræsentare velis, magnetem tenebis eo situ, vt planum axis magnetici plano horizontali peluis sit parallelum, & omnes veluti mortuos in terram cadentes non sine animi oblectatione spectabis.

3.

Qua ratione ferrum super Tabulam incedere possit.

MEdiam acum ponas super Tabulam affricta tamē prius basi acus alterutri parti magnetis; quo facto magnetem

tem sub Tabula ad locum basi acus correspondentem applicabis, & mox acus erecta, ad ductum magnetis supra Tabulam æneam hinc inde mouebitur; cui si contrariam partem obuerteris, non iam basi; sed coni apice incedentem videbis. Atque ex hoc patet, quo artificio Dædali statux, vt supra Tabulam æneam quemuis motum subeant, confici possint.

4.

Ut Arietes cornibus se impetent.

EX scapo cannabino, aliaue leuissima materia 2 fiant Arietes, quos subereis raticulis libratos aquæ impones, liberè fluctuantes, dein suberi vtrique, quibus partes magnetis indes, magnetem infra applicabis, ita vt si velis Arietes concurrere, amicum polum, si eos ab inuicem separari, inimicum obuertas: ita Arietes cornibus sese impetentes, & ab inuicem recedentes, prout punctum amicum, aut inimicum Tabulæ applicueris, cum voluptate intueberis; Eadem ratione duo pugiles inter se digladiantes, similiaq. innumera, quæ Magistra omnium experientia Artificem docebit, representari poterunt.

5.

Ericium ad viuum Magnetica arte effingere.

EFFingatur ex quauis materia Ericius, absque vllis tamen aculeis glaber, quæ scobe ferrea, vel magnetica limatura totum cooperies excepta facie; si igitur velis, vt Ericius infinitis aculeis horridus, & hispidus compareat, magnetem infra clam applicabis, & è vestigio Ericius toto rigeat corpore setis, quas pro vt applicaueris magnetem, nunc contrahet, nunc eriget, nunc eas in omne latus vibrans, viuum Ericium omnium astantium iudicio exprimet.

CAPVT II.

Hydromantia Magnetica.



HYDROMANTIA Magnetica hoc loco nihil aliud est, quam apparens quædam diuinitio, qua per artificiosum magnetis motum, Magneticæ statux in aquis libratae, atque huc illucq. motitatae; rem

ipsam de qua quæstionem diuinator instituit, in limbo vasis, virgula, quam in manu gestant mira quadam industria demonstrant; distinguiturq. ab Hydromantia illa suspecta; quod hæc solius Magnetis ope sine vlla superstitionis suspitione, aut deprauata circumstantia peragatur. Illa verò veluti superstitiosa, & ob exercendas adiurationes spirituum, satanici commercij particeps, ab Ecclesia Dei iamdudum proscripta, & condemnata sit. Nos igitur hanc veluti diuinis legibus quam maxime contrariam remis velisq. fugientes ad alterius perscrutanda arcana mysteria omne studium conuertamus.

Hydromantia
quid ?


PROBLEMA I.

Capsulam & Rotam Magneticam præparare.

Primus Modus.

Fiat capsula rotunda cuiuscunque amplitudinis, in cuius centro axi indes orbem ABCD. In rota verò canalem facies CD, in hoc canali orbiculum Balium accommodabis. Qui super tripodem collocetur, cuius pedes habeant singuli globulum, vt rotula B intra canalem CD sine impedimento vtrò citròq. facile promoueri possit, rotula verò B instructa sit optimo magnete, qui in centro eius collocetur, & rotula hæc ita axi tripodis circumdetur, vt funiculis facile pro Machinatoris arbitrio circumagi possit. Porro rota maior ABCD similiter funiculis ad circumuolutionē aptetur. Machina sequitur.

Ali-



Aliter.

IN centro capsulæ supra obelum erigatur cylindrus magnetæ instructus, qui funiculis circumplicatus, pro libitu circumuolui possit: tegaturq. cylindrus, ne eius motus ab astantibus videri possit; vt in sequentis Problemæt. figura appareat. Hoc facto cooperiatur capsula ne intrinsecus artificiū pateat; habebisq. fundamentalem fabricam perfectam, nunc superest; vt Vasa Magnetica describamus!

P R O B L E M A II.

Machinam construere, in qua ad quæstionem factam, de quauis materia à Statuis responsio datur.

Accipiantur 4, 5, 6, aut quotquot volueris vitrea vasa, vt in præsentī figura apparet. In quarum singulis ex artes de quibus quæstio instituitur, describantur; v.g. in vasis A superficie in 12. partes discriminatà, Zodiacum cum signis, & mensibus quantitate dierum, & noctium, ortu Solis, & occasu, crepusculis similibusq. quæ in sphaera docentur, inscribes. In sphaera B horas Planetarum cum Regimine eorundem. In vase C Kalendarium cum Cyclis Aurei numeri, Epactarum, Literarum Dominicalium, Indictionis; in vase D ventorum nomina

mina officia, cum 12. domibus cælestibus, eorumq. proprietatibus, in vltimo denique vase Ephases Lunæ siue incrementa & decrementa eius, vnà cum 28. mansionibus, eorumque significatis & promissoribus, similiaq. quæ iucunda, & curiosa, esse iudicaueris, inscribes, eaque omnia eo ordine, quo hic vides in circulum circa Cylindrū ita dispones, vt loco dimoueri non facile possint. Huic vnique suum Oedipum cum virgula diuinatoria; siue statuam ex cera, subere, aliaq. materia, quæ aquæ innatare possit, ea arte qua in Pragmatia 1. & 2. Progym. docuimus, cum incluso magnetis frusto magneticè situato libratam impones. His ita ritè peractis directorium diuinationis hac ratione conficies. Ad latus systematis Hydromantici apponatur Tabula benè complanata QR, in qua tractis lineis pro multitudine vasorum, eas nomine scalarum indigitabis; vt hic apparet. Seruient enim hæ scalæ, sistendis imaginibus super quocunque volueris in superficie vasorum descriptum signum; Vasorum autem spacia in scala ita determinabis. Gyra Cylindrum (quæ turricula superposita, ne motus eius pateat, tegi debet) cum magnete S per extremitatem T chordæ interiori Cylindri basi circūplicata, vsq. dum Oedipus in vase A. Ex: Gr. signum, siue *Ανδροειον* γ in superficie vasis præcisè demonstrat, deinde extremitate chordæ T applicata supra scalam A ibi fac punctum γ: quoriscūque enim super hoc punctū extremitatē chordæ T applicaueris, semper infallibiliter statua in vase A gyrata, se virgula sua sistet supra signū γ. Iterum gyra Cylindrum, vsque dum statua firmetur supra dodecamorion 8, & applicata T supra scalam A ibi fac punctum 8, non secus de cæteris punctis, seu dodecamorij vasis A in scala sua determinandis procedes, donec omnia compleueris; Scalam vasis B eadem prorsus ratione conficies, gyrando videlicet Cylindrū vsque dum Oedipus vasis B super singula Planetarum spacia se sistat, & singulis operationibus applicata T supra scalam sibi convenientem fiant puncta, Characteribus singulorum planetarum ascriptis. Cyclos quoque in vase C simili industria in scalam C sibi propriā transferes, & sic consequenter in cæteris vasorum inscriptionibus in scalas suas transferendis procedes, donec scalas compleueris.

Directorium
Hydromanticū

Praxis Instrumenti.

Desiderat igitur quispiam scire gradum Solis in Zodiaco, signumque vnà cum alijs certo alicui dodicamorio ascriptis, idque sibi per statuam Hydromanticam monstrari vult, is circumducto Cylindro chordæ extremitatem T supra scalam vasis A supra punctum signi in quo eodem tempore Solem morari norit, statuatur, & mox statua in vase A veluti quæstioni propositæ satisfactura, sollicitè querendo hinc inde agitabitur, nec quiescet, nisi in dodecamorio signi in quo tunc Sol moratur, vbi & mensem, quantitatemq. diei & noctis, vnà cum crepusculis, & quicquid ad sphaeræ scientiam pertinet, è vestigio monstrabit. Si verò quispiam sibi monstrari volet, literam Dominicalem, Aureum numerum, Epactam, Indictionis numerum certo anno currentem, gyrato Cylindro applica ansam T supra scalam vasis C, supra punctum, inquit, anni quo dicta scire desiderat, & mox statua in vase C veluti iniuncti sibi muneris partes expletura hinc inde gyrabitur, donec supra spaciū in quo dati anni Aureus numerus, Epacta, Litera Dominicalis, & reliqua collocata sunt quiescet. Iterum desiderat quispiam scire futurum aëris statum, ille gyrato Cylindro ansam T applicabit supra scalam ventorum, & aëris, supra punctum, quo præuides insignem aliquam aëris mutationem, siue id fictè fiat, siue verè & certò: & subito statua hinc inde mota tandè quiescēs, vel pluuiā, vel niues, vel serenitatē, aut aliquid similè pro temporis conditione in margine vitri demonstrabit. Atque hoc loco præterire non possum id, quod ijs diebus, cū vti multa alia, ita & Hydromantia hæc Magnetica in Eminentiissimi atque Excellentissimi cuiusdā Principis gratiam adornata in Musæo meo publicè exponeretur, accidit. Cum enim quotidie variorum nugas meas videre desiderantiū concursus fieret. Inter alios simplicior quidam siue curiositate incitatus, siue stupore attonitus, vt statua de futura aëris mutatione (erat enim tempus admodum serenum) aliquid nunciaret, vnicè desiderare videbatur; arbitrabatur enim, vt equidem reor, statuas futura proprio instinctu indicare posse;

Appa-

Apparaueram ego eodem tēpore in Musæo meo Machinam quandam Hydraulicam, quæ præter iucundissima quæuis spectacula, pluuiam quoque quando volebam largiebatur satis copiosam; Simplex igitur, dum statuam de futura tempestate sollicitius adiurat, statua consueto artificio directâ, tādē quiescens, in limbo vasis magnos mox imbres adfuturos annunciat; res omnium risu excipitur; dum itaque Cachinnationibus strenuè indulgetur, ego laxatis epistomijs Hydraulicam Machinam suo arbitrio relinquens, in tutum me locum recipio, quæ & ex improviso tantas vndiquaque diffusas aquas euomuit, vt nullus amplius locus à pluuiâ superesset immunis; ita quotquot præsentēs egregiè medefacti, suo malo didicerunt, contemnendum non esse, quod statua nunciarat; atque hoc dolo tandem Hydromanticus iste iocus cum incredibili omnium plausu, & oblectatione finijt. Sed hæc animi gratia.

Iocus Hydromanticus.

Confectarium I.

EX his patet, quod hac occulta industria quarumvis scientiarum artiumq. institutæ quæstiones à statuis Hydromantis solui videri possint, & in limbo vasis monstrari; milleque loci institui, aliaq. quæ vix humana arte fieri posse videantur. Præterea huc pertinet Planisphærium, & Kalendarium Magneticum, quorum vtrumque supra in Parte tertia Astronomiæ Magneticæ Cap. 1. Probl. 1. & 2. confici docuimus; hæc enim si iuxta dictam methodum directorijs suis disponantur; tibi quicquid circa doctrinam primi mobilis, quicquid circa computum Ecclesiasticū propositum fuerit scitu dignum, directoriorum ope in chartaceis orbibus demonstrabunt.

Astrolabium, & Kalendarium Magneticum.

Confectarium II.

EX his quoque colliges tantò huiusmodi operationes futuras mirabiliores, quantò directorium fuerit occultius; posset igitur ad mysteria magis, magisq. occultanda, directorium huiusmodi in alio quodam loco, siue vicina Camera constitui, funisq. cylindrum mouens per occultos meatus vsque

in dictum locum traductus supra scalas applicari; & propositas quæstiones ita per imagines patefieri; quo facto cum nullum prorsus indicium alicuius humanæ industriæ in hoc opere appareat; meritò astantes in præstigiæ suspicionem deducere istiusmodi operationes possent.

PROBLEMA III.

Alio artificio dicta repræsentare.

DIximus in præcedentibus, quæ ratione Hydromantia Magnetica Cylindro κατὰ τὴν πρὸς διὰ situato exerceri possit; restat nunc, ut quæ ratione rota siue machina ABCD prioris figuræ κατὰ τὴν ὑποδοίαν situata eadem exhibere possit, videamus. Differunt autem hi duo modi in hoc, quod ille Cylindrus Magneticus CB in posteriori figuræ circa proprium axem circumuolutus loco non moueatur; sed lapis Cylindro inclusus, quousque iurisdictionis suæ sphaera, seu domini terminum sese extenderint, in omnia, & singula vasa sub dictis iurisdictionis suæ terminis comprehensa simul animet, ut in præcedente figura apparet. Rota autem cum magnete in præcedenti figura nullo loco certo firmatur; sed ita construitur, ut per canalem DC nunc in centrū, nunc in circumferentiā agitata, vasis sibi suprapositis, quolibet puncto ὑπαλλήλως circa proprium axem motitata, subgeri possit. Vnde duplex effectus emanat, videlicet, quod Cylindro perithetico posterioris figuræ moto, omnes in singulis vitris inclusæ imagines vnā moueantur. In hypothetico verò solæ eæ imagines quibus submotus fuerit, animentur, quæ benè aduertat velim, est & hoc notandum hypotheticum Cylindrum perithetico perfectius & æqualius imagines in gyros suos agere.

Praxis huius Cylindri Hypothetici.

Positis vasis vitreis supra cooperculum capsulæ; in qua rota volubilis vnā cum Cylindro inclusa absconduntur, cum eo apparatus artium, quo in præcedente figura apparet; singulis vasis singula directoria, cum scala dicta methodo confecta


fecta à latere appones, gyrataq. rota maiori, vsque dum rotula F cum suo magnete precise, vasi, cuius res hydromanticè tibi monstrari vis, subsit; tum ansa dicti vasis ad scalam directorij applicata, imago in limbo vasis rem desideratam ostendet. Sed cum hæc ex præcedenti Problemate clara sint, diutius ijs non immorabimur.

PROBLEMA IV.

Onomatomanthia Magnetica, qua quod nomen, verbum, aut literam quispiam animo ex ijs, quæ titulo vasis inscripta sunt conceperit, statua Magnetica manifestat.

O *Νομαμανθία* hoc loco nihil aliud est, quàm ars diuinandi per characteres literas, voces, certo ordine dispositas, qua vocem quam quisq. animo concepit, secretò cognoscimus. Primò scribantur nomina quælibet, in circumferentia vitri, aut margine peluis, aut alterius cuiusvis vasis; qualia exempli gratia esse possent sequentia.

Tabula nominum concipiendorum.
Mons, Petra, Crux, Musa, Lux, Vox, Luna, Nox, Vita, Pons.



Quo facto habeatur seorsim Tabula sequens, quam eo artificio nos disposuimus, vt nomen quodcumque in circumferentia vasorum conceptum, quod conceptum sit ex Tabula patefiat, vt postea dicetur.

Tabula Onomatantica.

1	2	3	4	5	6	7	8	9	10
Vita	Ver	Mus	Panis	Mons	Petra	Musa	Dux	Lux	Pons
Lux	Pes	Dux	Dux	Vox	Vir	Crux	Vir	Vita	Leo
Mors	Mas	Vita	Vita	Vita	Vita	Mons	Nox	Luna	Vita
Mare	Leo	Sus	Luna	Laus	Pes	Luna	Lex	Nux	Salus
Pes	Musa	Panis	Cælum	Vir	Vox	Vir	Trabs	Leo	Sol
Leo	Mars	Luna	Mas	Lux	Far	Leo	Pes	Sol	Lux
Musa	Hora	Cor	Mula	Fex	Mane	Capra	Mūdus	Mane	Panis
Sol	Lux	Crux	Sol	Mus	Sol	Orbis	Homo	Miser	Mare
Nemus	Petra	Vox	Dolor	Dux	Luna	Nox	Dens	Mare	Lanx
Mons	Lana	Mare	Homo	Leo	Stella	Nix	Dux	Manus	Orbis
Vifu	Salus	Dens	Numen	Hora	Fax	Lex	Nix	Orcus	Ober

Qui huius Tabulæ dispositionem benè intellexerit eam in infinitum continuare poterit, loco nominum imagines, & varias figuras ponendo. Vfus autem Tabula sic se habet. Si velis, vt, quod nomen seu vocem in circumferentia vasis descriptam quispiam animo cōceperit, statua siue Syren Hydromantica patefaciat; sic operare. Primò iubeas quempiam cōcipere animo vnam ex vocibus in limbo vasis descriptam, & diligenter obseruare, quotum concepta vox locum à prima voce (Mons) obtineat, hoc facto ostendet tibi conceptor eam columnam in Tabula Onomatantica, quæ tātum à prima columna distet, quantum distat cōcepta vox à prima voce in limbo vasis posita; numerum enim distantiae siue ordinis columnæ si ab 11 subtrahas, dabit residuum in data columna vocis conceptæ locum. Ex: gratia. Conceperit quispiam animo vocem (Musa) in limbo vasis, aut Tabula nominum concipiendorum, quæ cum quartum locum à prima obtineat, quarta columna Tabulæ Onomanticæ ostendenda est, quo facto; si 4. à 11. subducas remanebunt 7. ergo vox quæ 7. locum in 4. columna occupat, est vox mēte concepta. Iterum sit mente concepta vox (Luna) quæ cum septimum locum in limbo obtineat; in 7. columna conceptam vocem necessariò inuenies; & quidem in 4. loco, cum 7. à 11. subducta 4. relinquant, locum conceptæ vocis; non secus de cæteris statuas. Cognita itaque per hoc artificium, concepta voce, funiculi

Cy-

Cylindro Magnetico circumplecti anam supra vocem in scala directorij, in qua omnia dicta nomina correspondenter iuxta regulas de scalis præparandis superius traditas, posita sunt, & syren siue in pelui innatans, siue vase vitreo, mox in limbo mente conceptam vocem monstrabit. Nota hoc loco pelui rotam, seu machinam prioris figuræ Probl. I. propositam funibus suis ita subdi debere, vt magnes rota sua volubili immediate sub voce in limbo crateris, aut peluis descripta ponatur, quo facto syren magnetica è centro natitans, ibi attracta, quiescet, vbi magnetem inuenerit, cum ergo magnes immediate sub sit voci conceptæ iam notæ; ergo & syren eandem bacillo, aut alio quouis Instrumento monstrabit.

Confectarium I.

EX dictis infinitus sese diuersissimarum inuentionum campus aperit, ita vt nihil propè sit, adeò abstrusum, quod in Tabulas huiusmodi redactum, animoque conceptum alius quispiam diuinari, & consequenter per Hydromanticas statuas demonstrare non possit; sed hæc omnia curioso Lectori plenius inuestiganda relinquimus; nobis viam ad huiusmodi aperuisse sufficiat.

Confectarium II.

EX his sequitur, qua ratione machina hæc adornari possit, vt furtum aliquod, furem, eiusq. nomen, Statua Magnetica prodat, aliaq. ludicra, quæ etsi ex se satis sint facilia factu, apud ignaros tamen causarum, non parum admirationis habent; etsi enim isti similia per magnetem fieri nouerint, vix tamen multi induci potuerunt, vt crederent, hæc à solo magnete fieri; imo semper pleriq. altiùs quidpiam sub huiusmodi mysterium latere quam re ipsa fuerit, imaginati sunt; tantum possunt, in animis hominum rerum nouarum, & insolitarum spectacula.

CAPUT III.

Steganographia Magnetica.

στανογραφία
φία quid?



RT EM illam *στανολογίαν*, vel *στανογραφίαν*, quā duo nimirum vel plures federe inito conspirantes, occultos animi sui conceptus, atque arcana consilia manifestare solent, remotissimis etiam locorum interuallis diffiti, primus tradidit Trithemius Abbas, yti ex eius *Steganographia* patet; quem secuti sunt Porta & Blasius Vigenerius, etsi Trithemij mentem ne à longo quidem perceperint; Alij tot Bubonibus Philophotis Misophotisque spiritibus, à Trithemio prolatis decepti, scopoq. artis perperā intellecto ad detestabiles superstitiones delapsi suspectam mirum in modum reddiderunt. Cum sympatheticis nescio quibus radijs ex anima emissis, diffitumq. amicū, afficientibus id fieri posse putarint, aut sigillis sub certa constellatione, vel ascendente signo constitutis, aut reciproca sanguinis carnisq. insitione cum adiuratione non minus superstiosè, quam ridiculè fieri posse asseuerarint. Quemadmodū Anonymus quidam liber Germanicè superioribus annis editus Magneticis rationibus probare conatur; & vt nugas suas stabiliat historiam sanè ridiculam (quam ego in *Vtopia* veriùs, quam vt ipse ait in *Italia* contigisse, nisi fortè *Tropenses* in *Calabria* innuat) fingit; atque vt Lector videat, quot nugis se humanum ingenium occupet, historiam adiūgo. Erat quidam, inquit, in *Italia* Nobilis, qui cum nescio quo casu, amisso naso magnam præferret turpitudinem, omnibus modis de naso fictitio arte reficiēdo laborabat. Consultus itaq. quidam, nasorum reficiēdorum peritia iamdudum celebris Chirurgus, vel vt melius dicam Rhinurgus, conuentione facta, noui productionem nasi promittit; res in opus impigrè deducitur, ea qua sequitur ratione. Erat dicto Nobili viro mancipium forte, & robustum, cuius carnosior lacerti pars nasi effingendi deligitur materia, mox incisam brachij pulpam Rhinurgus nasi Ichnographiæ admouet, ligatamq. suis in tantum medica-

men-

mentis fouet, vsque dum brachium nasi loco accreuissē notat. Quo factō arreptis forficibus designatā brachij pulpā, quātum naso efformādo sat erat, excisam nunc superfluum sectione, iam asperiorum partium eliminationē, modo leuigatione tandem in opus nasi restaurat; ita denique Nobili viro nasus succisus restituitur. Accidit autem, vt quotiescunque mancipiū morbo quodam sibi familiari corripiebatur; toties nasus iste patris sui mala sentiens, ingentes quoque subibat alterationes, mortuo tādē mācipio, & nasus ille, qui tāto artificio condebatur, putrefactus in tabem quoque abiit, ne totū reliquam tantū corpus gangrēna inficeret, denuō resectus. Ex hac ridicula Fabula, plebei illi philosophastri inferunt, quod si caro duorum amicorum conspirantium carni reciprocē inseratur futurum; vt vel ad multa millia milliariorum distantes occultos animi conceptus sibi aperire possint. Si enim alteruter comunicatæ sibiq. insertæ carnis partem pupugerit, alter in momento, de aliqua re se moneri sentiens; correspondente punctura amicum, vt loquatur certiore reddet; ita puncturis iuxta numerum literarum in alphabeto dispositarum sibi inflctis, & reciprocē perceptis, sibi de qualibet re in quauis distantia loqui poterunt. Sed apage cum huiusmodi anilibus deliramentis; & stolidis maleficatorum hominum nugamentis; quorum proprium est, ex incertis, fallacibus artibus gloriam, quam vera scientia destituti adipisci non possunt, diabolicarum artium ope acquirere. Quid opus est ad damnatas, & fallacissimas artes confugere; cum nihil in natura rerum sit, cuius subsidio dissito non possint occulti animi conceptus manifestari; omnia enim possunt esse interioris animi signa; ita per vmbbras reflexiones Catoptricas, colores, sonos, odores, sapores, per membrorum gestus, per nutus, per certarum partium habitus, putò oculorum superciliorum, frontis, genarum, narium, labiorum, per arbores, flores, montes, flumina, ignem, fumum, naturalium rerum virtutes alicui abundē patefieri arcana cōsilia possunt; Verum cum de huiusmodi tractare, non sit modò nostri instituti, fortē in alio opere ea de re vberius differemus. Quare hoc loco tantū examinandum est; vtrum magnetis beneficio saltem hoc Steganologicum commercium

Communicatio
mutua carnis
per insertionē
accrescētis vtrū
sympathiā ali-
quā inter duos
fundet.

Omnibus rebus
loqui possumus.

in quavis distantia institui possit. Certè negotium adeò plausibile, atque artificium ita admirabile adeò multorum animos occupauit, atque adeò speciosis verbis à quibusdam fuit propositum, vt non defuerint quoque ex altioris ordinis Philosophis, qui nugamentis huiusmodi fallacissimis fidem haberēt. Pyxides Steganologicas, modumq. operandi eleganter sanè more suo describit Famianus Strada lib. 2. Prolus. 6. poetica ita canens.

Pyxis Crypto-
logica,

*Magnesi genus est lapidis mirabile, cui si
Corpora ferri plura Stylosq. admoueris, inde
Non modo vim, missumq. trahent quo semper ad vrsam
Que lucet vicina polo, se vertere tentent,
Verum etiam mira inter se ratione modoq.
Quotquot eum lapidem tetigere Styli, simul omnes
Conspirare, situm motumq. videbis in vnum
Vt si fortè ex his aliquis Roma moueatur
Alter ad hunc motum quamuis sit diffusus vltro
Arcano se naturæ federe vertat
Ergo age, si quid scire velis, qui distat amicum
Ad quem nulla accedere possit epistola, sume
Planum orbem patulumq. notas, elementaq. prima
Ordine quo discunt pueri, describe per oras
Extremas orbis; medioq. reponere iacentem
Qui tetigit Magneta Stylum, vt versatilis inde
Literulam quamcunque velis contingere possit.
Huius ad exemplum simili fabricaueris orbem
Margine descriptum, munitumq. indice ferri
Ferri quod motum magnete accepit ab illo,
Hunc orbem discessurus sibi portet amicus
Conueniatq. prius, quo tempore, queisue diebus
Exploret Stylus an trepidet, quidue indice signe:
His ita compositis, si clam cupis alloqui amicum
Orbi adiunge manum, ferrum versatile tracta
Literulasque modò hanc, modò & illam cuspide tango
Dum ferrum per eas iterum iterumq. rotando
Compones singillatim sensa omnia mentis
Mira fides. Longè qui distat cernit amicus*

Nul-

*Nullius impulsu trepidare volubile ferrum
Nunc hūc , nunc illūc discurrere ; conscius haret .
Observatq. styli ductum , sequiturq. legendo
Hinc atque hinc elementa , quibus in verba coactis
Quid sit opus sentit , ferroq. interprete discit .*

Atque hæc est ratio, qua duos Amicos arcana mentis reuelare quauis distantia sibi posse, impostores quidam credunt; ne verò facilitas huiusmodi experimenti, falsitatis eos arguat; multa ad id requiri, quæ nisi religiosè obseruentur totum negotium irritum reddi asserunt; Atque Astrologi quidem ferrū hora Martis Magnete affricari debere sub certo ascendente, videlicet Marte, Saturnum Trigona respiciente radiatione, vt affectu sortiatur requirunt: sed hæc tam indigna sunt homine Philosopho, vt me vel ea nominare pudeat. Miseri quidam Fumiuentuli, vt & Chymici, vel potius Simici gesticulatores hoc Steganographicū negotiū putāt successū nūquā habiturū, nisi Quinta essentia Magnetis, & Chalybis res tota peragatur; sine Alembico igitur nihil apud hosce speres. O quam melius foret, vt Magnetis loco crassa huiusmodi Blateronum cerebra, à tam fatuis opinionibus Alembico quodam purgarentur, quod de Magnetis natura sanius subtiliusq. discurrere discerēt, quid enim Magneti cū distillatione? Quid Magnetis naturæ adeo contrarium, quam ignis, quo dissolutum ipsi corroborare in infinitum, contendunt? Nonnulli nasutiores, cum eos huius puderet insanix, in aliam labuntur multo grauiorem, dum asserunt, huiusmodi capsulas ita construi debere, vt versorium sit ex Quinta essentia ferri, literæ autem ex viuo Magnete effigiata, sic enim futurum asserunt, vt vnum alterum, quantalibet distantia ad datam literam trahat. Proh Deum quantum mysterium nobis hi noui Mystæ reuelant! Valdè miror, quod non hic herbam quoque in Hyperboreis montibus nascentem, qua instrumenta illa phanatica meliorem successum fortiantur, præscribant; Quidam asserunt Magnetem in Echeneidis sale conseruatum malleo quodam ferreo in tantum minui debere, donec axis magneticus inueniatur; quem tantæ virtutis esse perhibent, vt aurum etiam in altissimos puteos delapsum extrahere possit; & vel ad centum,

*Chymistarum
insulsa figmēta.*

aut

aut 200. leucas aliud ferrum sibi attractum moueat; atque hac ratione aiunt pyxides Steganographicas, vt vsui esse possint perficiendas esse; imò vt pudenda sua mendacia, & imposturas melius tegant, ea assumât, de quibus vtrum in rerû natura inueniantur, qualis est Echeneis, meritò à Philosophis dubitatur. Alij vt fidem nugamentis suis adstruant, quadruplex Magnetis genus ad chadid illud suû (ita enim vocant chalybem, seu ferrum Magnete affricandum ab Arabica voce chadad, quod ipsi tamen nesciunt, ferrum significante) animandum adhibent. Primum vocant Almagritum cuius tactû aiunt tribuere vim se vertendi in Austrum; Secundum, Theomedem, cui in Boream se vertendi vim tribuunt, mendacio Plinij, Theamedem repulsiua vi ferri pollere asserentis, sibi patrocinantes. Tertium genus Magnetis vocant Almas largont, quod vocabulum ego è culina Diaboli veriùs prodijisse existimo, quam ex Orientalium linguarum, vt illi nugantur, tribu, apud quos nullâ huius nec radicẽ, nec stirpem inuenio. Atque huic Almas largont vim in Orientem se vertendi tribuunt. Quartum Calamitrum vocant, non Calamitam, timebant enim, ne noto nimis vocabulo fraus innotesceret, addito igitur R, masculini generis faciunt vocabulum, quo alterius speciei lapidem, quam nulla vnquam Gemmariorum Schola vidit aut nouit, licentiosius iactare possent, atque huic vim se vertendi in occidentem tribuunt. Hisce phantasticas istas pyxides suas animari, vt vsui esse possint, deprædicant. Nihil ego inter cætera, hoc insulso machinamento stultius, & ineptius me legisse memini, in quo quot voces, tot mendacia, & imposturæ, cum rerum magneticarum ignorantia prorsus crassa, reperiò; volebant illi eudere mirabile quiddam, & à sæculo inauditû, quod dum nescirent, à verbis barbaris, & prodigiis prorsusq. dæmone profligando aptis scientiæ reconditiis famam aucupantes, secretum ita occultare studuerunt, vt nec ipsi quid dicerent, intelligerent. Lector autem ex hac veluti Chymici ingenij nota pudendam cognosceret imposturam: legerant ij, apud Peregrinum, Magnetem duobus punctis contrarijs in Boream & Austrum, alijsque in ortum & occasum ita vergere, vt magnes suis polaribus punctis perfectè libratus per-

Quadruplex Magnetis genus à Chymistis fictû.

perpetuum gyrationis motum ad motum cæli fortiatum; Hoc igitur portentoso lapidis motu incitati aliquid amplius id est mendacium mendacio addere, videlicet, pyxides cryptologicas; quarum opè duo ad quoduis spacium inter se de quouis negotio tractare possent; eo quo sequitur modo conficere attemptarūt. Conficiantur duæ pyxides eiusdē formæ & magnitudinis, Luna decrescēte, intus obelus ferreus, hora Martis concinnetur, qui & indicis vices sustineat, fiatq. in hora & efficacissimo magnete affricus, vt fieri solet, imponaturq. pyxidi, quæ vitro cooperiatur, & circa limbū Alphaberū scribatur, In indice ex auro, argēto, Venere, aut Marte, Ioue, Saturno, singulis media lib. hora ☿, & ♄ simul mistis confesto liquefient, qui & quadruplici magnete paulo ante memorato prius iuxta regulas præscriptas affricetur; habebisq. instrumentū perfectum. Talibus sese nugamētis, anilibusq. fabulis delectāt maleferiati philosophastri, talibus sacram, & illibatam Philosophiam sordibus inficiunt sordidi, & stolidi Alembicatores, dum è Cocis & Cauponibus per Chymiam repentē in Philosophos euadūt. Quis enim ferat hanc indignam, stolidam, rebus proisus incongruam, imò in ipsis terminis contradicentē philosophandi rationem? Si enim vt ipsi aiunt, quadruplici genere magnetis affricari debet chadid, singuliq. lapides sibi appropriatas plagas respiciant, implicat cēte, eas à situ suo alio quopiam magnetico corpore in quauis distantia dimoueri posse, nec vidēdū cur nō potius Almagnetum quam Theamedes, aut Almas largōt, quā Calamitrū chadid illud sequi debeat; quid verò ad hanc actionē sympathicā conferat hora Martis, aut Mercurij, aut varia metalla simul in indicem formandum liquefacta, nulla ratione dispicere possum? Certē benè apparet, operi falsario auctoritatem, nisi ab astrologicis nugis illud fulciretur, conciliari non potuisse; quod eorū qui nugamentis huiusmodi incubūt propriū est. Nos relictis hisce mōstris dicimus, nulla ratione Pyxides Magneticas, quæ se quantalibet distantia incitare possint, cōfici posse quod ita probamus. Vel enim hęc actio, quæ se versoria dirigunt, est physica, vel actio sympathica istius generis, quam nihil producendo in medio, effectum suum in extremo corpore sympathico habere multi opinantur. Si illud ergo

Pyxidis mirabilis constructio.

Actio in distans
non datur.

ergo determinatam aëtiuitatis suæ sphaeram eam habere
necessè est, ergo nonnisi in determinata distantia vnum
versorium alterum mouebit; hoc enim omnis actionis Phy-
sicæ, vt in Scholis docetur proprium est. Si hoc, ergo actio
quædam terminum habere poterit sine medio, ergo ager in-
distans; sed hoc omni bonæ Philosophiæ repugnat; ergo po-
sterior assertio falsa est: ergo magneticum corpus, cum quali-
tatem suam vniformiter difformiter diffundat, alterum trahe-
re, aut incitare non poterit, nisi intra aëtiuitatis suæ spacium
fuerit collocatum; nec est quod nobis eam sympathiam natu-
ræ obtrudant; quam nec ipsi quidem intelligunt, multo minus
in quo consistat, concipiunt; nec vllis eam, nisi friuolis qui-
busdam, & incertis exemplis comprobare valent; hoc vnicum
dico, qui defendit id quod nescit, & se iactat capere, quod non
capit Bufonia assimilatur Aesopico, qui cum se inflando Camelo
adæquare contenderet, medius crepuit; sed cùm de hac actio-
ne in distans fusè, & ex professo egerimus in tertio Libro
parte de Magnetismo plantarum, hic paucius eam tangere vi-
sum est. Quæritur igitur vtrum nulla alia ratio, qua distan-
tes magnetis beneficio sibi mutuò loqui possint, reperiatur?
Ego certò iamdudum omni virium contentione in huiusmodi
inquisitionem veritatis incumbens, nihil non egi, quo non so-
lum in huius magneticæ, sed & Trithemianæ Steganographiæ
mysteria quouis modo penetrarem, cumque eam ob causam
Herbipoli, & Spanheimij Monasteria (quibus dictus Trithe-
mius Abbas olim præfuerat) vbi huius artis fragmenta quæ-
dam superesse inaudieram, lustrarim multa sanè reperi tùm
traditione Monachorū, tùm è fragmentorū reliquijs quibusdā
queis omnibus summa diligentia examinatis, tantum abest,
vt eam artē suspectis sultam principijs Magico-Goëtica, putē
quemadmodum multi Misophotis Philophotisque spiritibus
à Trithemio symbolicè prolatis, ab alijs perperam intellectis
opinati sunt; vt potius hanc artem, omniaq. quæ in ea mira
traduntur (si tamen mira dici debēt) purè naturalibus ijsq. ad-
modum exiguis principijs insistentem repererim: non nescio
multas sub nomine Trithemij Steganographias circumferri,
à Plebæis hominibus Francofurti impressas, plenas fucis, su-
per-

Triganographia
Steithemij vera.

perstitutionibus, alijsque nugamentis, à quibus sibi cauere Lectorem velim. Sed de his omnibus si Deo placuerit, in arte nostra Combinatoria suo tempore dabitur plenior discurrendi materia; Nunc ad nostrum institutum reuertamur. Tres igitur modos, siue rationes, quibus non in quantalibet; Sed determinata distantia Steganographicum negotium Magnetica arte inter duos, aut plures institui possit docebimus; quos totidem hic Problematibus proponemus.

P R O B L E M A I.

Occultos animi sui conceptus absenti vi Magnetis manifestare.

Modus hic ad colloquendum vsui esse poterit duobus, qui diuersis in conclauibus cōmorantur, estq. is qui sequitur. Fiat Tabula ænea, cuprea, aut è simili alia quapiam materia benè polita, & in summam tenuitatem deducta. In hac Tabula vtrinque inscribes Alphabetū literis, ordine, vel promiscuè positis, aut etiam confusè, perinde est; aliquantulum tamen ad confusionem vitandam à se inuicem distantibus, hac cautela, vt literæ similes sibi ex vtraque parte laminæ respondeant; In centro autem vtrinque sustentaculum indici tenendo destinatum pones. Porro hanc Tabulam intermedio alicui parieti duo conclauia distinguenti ita inferes, vt alterutra Tabulæ facies, vnà cum suo Alphabeto, in alterutro conclauis videri possit, ab amico verò amicus nequaquam. Hoc peracto ex Chalybe parua in modum oboli fiat lamella; aut simile quippiam è ferro confectum, quod sustentaculo suo ea industria, vt laminæ Alphabetariæ innitatur, impones. Si igitur Amico in altero conclauis degenti, quidpiam desideres manifestare. Accipe validum Magnetem, quem si applicueris Tabulæ, & loco laminæ ab altera parte in sustentaculo consistentis; sine mora lamella præsentiam magnetis sentiens, ei pertinacissimè adhærebit, & quemcunque magnetis ductum, à ceteriori Tabulæ latere factum continuò sequetur. Ex: gratia referam ipsi verbum illud CAVE, ducam itaque magnetem.

radendo planum Tabulæ æneæ vsq. ad literam C (eo situ, vt axis magnetici planum, planum Tabulæ semper radat *παρὰ λήλως*) primam dictionis literam, quam index lamella à ceteriori parte mox sequetur, donec in eodem puncto C requiescat; seorsim litera, quam index notat, scripta; hoc peracto,



Musca, & Lacerta index secreti.

σημανόλης magnetem dicto situ, & applicatione promouebit in ceteriori laminae parte supra literam A; & index consequenter ab vltiori parte magnetem sequetur in A; notam itaque litera seorsim scribe iuxta primam inuentam literam C, & sic in ceteris literis, & vocibus manifestandis procedes, vsque dum totum sensum tuum alteri indicaueris. Est autem huiusmodi spectaculum, non iucundum tantum; sed & summam aspicientibus admirationem pariens; cum vident chalybeum illum indicem, quasi animatum nullo sustentante sese supra erectæ Tabulæ superficiem ad parietem hinc inde pronutu astantium motitare; hoc artificium Musca, & Lacertula obelo ferreo per medium traiecto, aliquando me exhibuisse memini, quibus dum motum in Tabula ænea dicta arte da-

rem


rem à veris prima quidem fronte non videbantur differri; At dum spectatores nutu Artificis, ad quoduis signum, aut literã sese motitare, atque adeò præterea mansueta, vt ne quidem tacta manibus auolarent, comperirent; ita hæserunt attoniti, vt ea non arte, sed alicuius mali Genij instinctu fieri credere viderentur.

P R O B L E M A II.

Instrumentum Magneticum facere, quo per signa ad vnã atque alteram leucam utrò citròq. colloquium institui possit.

H Vius experimenti olim Herbipoli datum specimen, Lector in Experimētis meis Magneticis ibidē impressis, & à Thaumaturgo Mathematico relatis reperiet, verum cū ille libellus vix amplius inueniatur hoc loco id repetēdū duxi. Vt ergò curiositati Lectoris quouis modo satisfiat is, inquā modus iā aperiendus est, quo vi magneticę acus dissito, vel ad vnā atq. alteram Leucam, signis tamen quibusdam præsuppositis, loqui possis; eo quo sequitur modo. Seliges tibi in arce aliqua, aut ad Mēnia ciuitatis 8 fenestras, aut in mœnibus foramina 3, aut pluribus passibus ab inuicem dissita, deinde conspiratione facta cum alijs Amicis, foris quoque in monte, aut campo aliquo non impedito, solitario tamen, vt meliùs & securiùs, præsertim obsidionis futuræ tempore, agere possis. in loco igitur ad *εργαστολογία* perficiendam 8 Limites pones septempedali spacio ab inuicem dissitos eo ordine, & loco, vt obuersi arci, aut mœnibus ex ijs sine impedimento conspici possint, in limitibus autem istis Alphabetū eo, quo sequitur ordine pones.

Constitutio loci, & limitum.




Bb

Alter

Fabrica instru-
menti Crypto-
logi.

Alter autem qui arcem, aut menia occupat (quem nos imposterum *στανολόγος* Domesticum sicut alium, qui foris est Campestrum appellabimus) 8 suas fenestras consimili characterum schemate signabit. His ita ritè constitutis, parentur duo circuli solidi, seu orbes ex quavis materia, vnus pro Domestico, alter pro Campestri Steganologo; in quibus lineas Steganographicas in limites fenestrasque dirigendas, eo quo sequitur modo inscribes. Interior Cryptologus, instrumentum siue orbem solidum, qui magnetico versorio prius instructus, sit oportet, in fenestra prima, diligenter, vt loco dimoueri non possit firmabit; eoque hac ratione iuxta magnetem situato respiciet per dioptra regulæ centro affixæ in primum limitem (vel si spacium adeò dissitum foret, vt visum fugeret, à Campestri Steganologo ibi pannus ruber, aut vexillum, vel sub noctem fax ponatur) & iuxta hanc lineam visualem, lineam trahes in orbe ligneo, quæ repræsentabit lineam Steganographicam ABC, quas literas limbo circuli, seu orbis statim appones. Vt hic apparet. Hac signata linea, respice secundum limitem, & iuxta lineam visualem in instrumento trahes lineam DEF: non secus alias lineas Steganographicas inscribes. Vt in figura apparet. Campestri verò simili prorsus modo suum orbem loco quolibet determinato positum, iuxta situm fenestrarum arcis delineabit. Constituto itaque tēpore & loco, si Campestris *στανολόγος* domestico amico secretum quodpiam manifestare desideret; v.g. (Adest hostis) aut simile quippiam compendiosis verbis conceptum: Constituta ex pacto hora adsit tribus instructus facibus, si noctu alloqui libeat; si interdiu verò linteis albis, aut vexillis (vbi notandum, quod si in aliqua statione, aut trunco appareat vna face instructus primam istius literam; si duabus secundam, si tribus denique tertiam repræsentari) his igitur diligenter obseruatis, *στανολόγος* accepta face accedet limitem prima litera A signatum, quæ cum primum obtineat locum vnica comparebit face; interior verò deminus videns facem, regulam centro orbis affixam in ipsam facem diriget, & statim apparebit in linea Steganographica litera prima A illa quā significare vult externus; iterū externus, seu Steganologus Cāpestris literā D, se-

secundam videlicet, in voce (Adest) indicaturus, accedet limitem in quo continetur hæc litera, quæ cum primum locum occupet, vna face prodibit, quam domesticus directâ in facem, regula subito cognoscet; Ad tertiam verò literam E indican-



dam cum medium locū obtineat in limite, accedat στεγανολόγος duabus facibus, quæ & domestico directâ in eas regula instrumenti, subito innotescet; Atque hac ratione procedet, donec Campestris κρυπτόλογος totum animi sui conceptum Steganographica methodo domestico insinuarit. Quod si internus extremo respondere desideret, faciet is idem cum facibus in fenestris, quod externus ante fecerat cū facibus in statione truncorū seu limitū, & hic cum instrumento suo orbiculari, in suo determinato loco magneticè situato, quod prius externus cū

orbe suo, seu instrumento in prima fenestra situato; ergo factis faciendis occultos animi cōceptus, &c. quod erat; hic modus etsi aliquo modo operosus videatur, certissimus tamē est, & in praxim facilē diduci potest, imò hisce bellicis tēporibus successu haud penitēdo in opus diductū esse, à fide dignis accepi, quare eum hic, cum totū negotium directione magnetici verforij perficiatur, inter magnetica secreta annumerāda putavi.

P R O B L E M A III.

*Alia methodus vi Magnetis conceptus
suos alteri manifestandi.*

MOdum iam aperiā non minus iucundū, quam admirabile, quo alteri diffito animū tuum aperire possis, estq. is qui sequitur. Accipe duo vasa cuiusmodi supra in Hydromantia vñ sumus, vnā cum imaginibus, & statuis Magneticis in ijs libratis, in horum circuitum Alphabetum dicto modo describes; Hæc vasa in diuersis cōclauibus ponuntur, intermedijs verò spacijs alia similia vasa sint, in quibus subereo globo, aut etiā statuis Magnetis partes inclusæ atq. æquilibratæ fluctuent; eo à se inuicem spacio diffita, vt vnus magnes intra sphæram actiuitatis alterius constitutus, se consequenter commodè mouere possint; Quo factō, dico, moto primo magnete A per X cylindrum sibi suppositū, omnes reliquos magnetes in reliquis consequenter vasis inclusos libratosque, ad vltimū vsque motum iri, ita magnes A per Cylindrum X motus, mouebit magnetem in vase B, & hic magnetem in vase C, atque hic iterum alium in vase D, & sic in infinitum progrediendo vsque ad inclusum in vase E; cum igitur omnes lapides (vt hoc loco supponitur) æqualis sint virtutis, & in æquali distantia dispositi, etiam vnus alterum æqualiter mouebit, ergo moto primo magnete super literam quamlibet, demonstrabit & eandem literam magnes in vase vltimo E, modo eundem quo primum vas situm habuerit; ergo cōsequenter communicata sibi virtute per media vasa diffusa, quæcumque in primo vase voluerit *σημανόζος* in vltimo consequenter indicabuntur; figura sequitur. Tria tamen hoc loco notanda sunt, primo,

mo, vt lapides sint eiusdem virtutis, & eiusdem distantie. Secundo, vt primum & vltimū vasa sibi subiectos habeant cylindros, vt ijs motis ad literas magnetica statua dirigi possit. Quorum alteruter alterutro operante στεγανολόγια, tolli debet, ne Magneticæ statuæ motum impediat, aut cohibeat. Tertiò, vt omnia intermedia impedimenta, magneticas motiones sistentia tollantur; his obseruatis, videbis spectaculum omninò iucundum, & plenum admirationis. Verum cum non omnes tanta magnetum copia abundant, vt huiusmodi artificium cōficere possint; hic aliā methodū docebimus, qua duobus vasis dicta στεγανολόγια quibuscumque duobus locis assumptis exerceri possit. Mancant igitur vasa A & E primum videlicet & vltimum, in conclauibus quibuscumque diuersis, ea ratione, qua in præcedentibus docuimus, instructa; horum verò cylindri ea arte constituantur, vt vterque vna & eadem chorda circumagatur; Vt si cylindrus S, vnà cum magnete circumducatur: circumducatur & eodem tempore cylindrus X cum magnete suo; & è contra; Chorda verò per occultos parietum meatus deducta ne mysterium patefiat, ad vtrumque cylindrum deueniat; Quod si itaque quispiam cōstitutus in Camera A loqui vellet amico constituto in Camera B; circumactus cylindrus extremitate chordæ O, circumaget & secum statuam Magneticam in vase A inclusam vsque dum requieuerit supra literam primam vocis amico indicandæ. Chorda itaque OP circumagens cylindrum A, per varios meatus secretò ducta, eodem tēpore circumaget & cylindrū B, vasis B; ergo & statua Magnetica vasi B inclusa supra eandem literam quiescet supra quam quiescebat statua in vase A. Quod si per cylindrū A, statua A supra secundam literam vocis mittendæ deducatur, deducetur & eadem tractione statua B per cylindrū suum super eandem literam, & sic continuare poteris operationem Steganologicam, donec totum te absenti manifestaueris. Quod si alter respondere tibi voluerit, semoto cylindro, ne supra positā sibi statuam liget magnes, motum statuæ à mouente in S circumductis cylindris A, & B impressum operies, diligenter notando quas literas in limbo vasis statua indicauerit. Sed hæc omnia ex figura hic apposita clariùs elucescent.

Alia ratio Cryptologica.

Confectarium.

EX his sequitur, qua ratione duo consimili artificio, in quibusvis locis ad quos per rotulas chorda dicta diduci poterit, colloqui valeant; vt veluti per duos cylindros, quorum vnus in suprema contignatione domus, alter in infima constituitur, dicta chorda circumactos; denique quæ chorda per fenestram in alteram quamlibet domum ducta, idem expediatur; fusiùs hæc diducere possem, sed vt & sagaci Artifici materiam inueniendi relinquam, hic calamum sisto; Atque hæc sunt, quæ de Magia Naturali Magnetica tradenda duximus, multò plura circa hanc materiam dici poterant; sed consultò ea obmisimus, vt & Mechanici hisce principijs positis, quo industriam suam monstrarent, haberent: multa quoque breuiùs demonstrari poterant, & veluti Confectarijs quibusdã comprehendere; sed data opera in exemplis varijs Magneticæ machinationis applicationem exhibere volui, cùm vt vberior inuentionum latentium campus Mechanicis aperiretur; cùm vt singula huiusmodi Machinamentorum Magneticorum systemata, ea fide & ordine in hoc libro luci publicæ exponerentur, qua ego illa in Musæo meo exposita curiosis spectanda exhibui; ne denique quidquam, quod vel ad doctorum inquisitionem, vel rudium atq. Idiotarum admirationem, vel deniq. Principum & Magnatum relaxationem facere posset, in hac arte Magnetica obmisissè videremur; in hoc Heronem Alexandrinum imitati, qui Pneumaticam suam artem nonnisi paucis principijs veluti in rarefactione, & condensatione mutuoq. elementorum impulsu fundatam, vnaq. atque altera machina demonstrabilem, innumeris tamen machinis veluti Confectarijs ad maiorem rerum varietatem diducere voluit. Gratiã igitur, vel hoc ipso facto nõ apud Mechanicos tantum; sed & abstractionis ingenij viros me initurum confido; si verò nimius quibusdam fuisse videbor; ij omnẽ excessum molientis ingenij petulantia atque inquietudini acceptũ ferant, memores istius *μηδὲν γὰρ ἄλλωθεν ἢ παρὰ ἐσθίας.*

Epilogus Magiæ
Magneticæ.

PARS QVINTA.

GEOGRAPHIA MAGNETICA.

ΠΡΟΟΙΜΙΟΝ.

HTA semper mortalibus vsu venit, ut domestica sordescant, peregrina & remota chara sint & desiderata; ita dum ignota calorū spacia adimus, notiora terræ non acquirimus, atque adeò cum Aesopico illo Cane, vtrunque perdimus. Mirantur multi, cur multa disciplina adeò sint vitiosa & imperfecta; cur Tabula motuum caelestium Prutenica, Alphonsina, Tychonica, aliaq. similes tot erroribus, etiam post adeò exquisita instrumentorum supellectile factas obseruationes, obnoxiae sint, & sibi neuiquam constantes; Alijs quidem errorum causam fallaciae instrumentorum, nonnullis Artificum industriae, quibusdā parallaëticis deceptionibus, alijs alias causas adscribētibus; Ego certerè ad Lydium lapidem memorata reuocans, nullam dictorum errorum causam aliam inuenio, nisi inemendatā, & vitiosissimā terreni globi, qui ceterorū omnium veluti basis est, & fundamentū, hucusq. à diuersis peractā descriptionē; quomodo enim fundamento vacillante suprastructa ei caelestia constare sibi poterunt? notauit hoc & Clauius, qui errorum dictorum causam aliam non dat, nisi quod caelestium motuum calculus incerto fundamento innitens longitudini locorum verae non vndequaquē respondeat; Ipse quoque Tycho asserit, frustra caelestes motus quempiam, nō rectè explorato certo Meridiano, ad cuius longitudinem præcisam illos accommodet, inuestigare; Testantur hoc, quotquot Tabulis Astronomicis condendis dant operam; Quæ cum ita sint, nunc ut Geographia necessitas magis magisque innotesceret, non ita pridem Colonia Agrippina quidam Societatis nostræ vir Geographicae disciplinae peritissimus, ad me Romam misit Tabellam discrepantiae Geographorum in vnius Romæ, & Coloniae celeberrimarum licet urbium longitudine, & latitudine assignanda propalatam, in qua 15. Authores allegat, ad vnum omnes, non longitudine tantum, sed & latitudine harum urbium assignanda discrepantes. E quibus tam diuersis de loco ita vicino Auctorū sententijs, existimo patere, quid Tabulis Geographicis

Quænam causa
sit errorum in
Astronomia oc-
currentium.

Clauius.

Tycho.

Errores in Geo-
graphia Ptole-
mæi.

Multi insignes
Viri in emenda-
tione Geogra-
phiæ laborant.

desit, & quid sit, quod in ijs constituendis requiratur. Nam si error non inesset, omnes inter se consentirent, aut saltem semel cœptum cum alijs sententijs dissidium consentiente sibi met discordia continuarent, quod quam non fiat, huiusmodi Authores examinanti patebit. Nolui autem è remotioribus Regionibus petita exempla adducere, eo quod illa non possint pari breuitate, qua hic utendum est, proponi. Verumtamen, si quis voluerit Tabulas Ptolemaicas cum modernis leuiter conferre, in sola Indiæ Orientalis ora, comperiet is modernas à Ptolemaicis discrepare modo 30. modo 40. aut quod dicere pudet, 50. gradibus, qui ad Aequinoctialem circum-
lum efficiunt milliaria Germanica communia 450. Quandoquidè in modernis Tabulis gradus 180.^{mus} ponitur ultra eū locū; ubi Ptolomæus 180.^m Meridianū posuit gradibus omnino 30. & pluribus; Ut iam merito de vera locorum istorum longitudine dubitare debeamus. Sed dicet quispiam, Neotericos Geographos in primo Meridiano collocando à Ptolomæo dissidentes necessariò in hanc incidisse dissensionem. Terrarum verò longitudinem in utrisque iustam constare; Nam Ptolomæus primum Meridianum per ultimam Canariam Insulam statuit esse ducendum; Recentiores verò remotius ad Occidentem eundè primum Meridianum constituunt, scilicet in Asoribus Insulis. Ego verò & quilibet mediocriter in Geographia versatus, huic facile satisfaciemus ex hoc ipso, quod obijci-
tur capite, nouo semper argumento; Nam si Asores non plus 15. gradibus sint Canarijs Occidentiores, ut constat, quò fieri potest, ut Recentiores cõplectantur gradibus 180. hoc, quod Ptolomæus 225. vel 235. est complexus? Nam ad Occidentem 15. gradus amplius assumpserunt Neoterici, & ad Orientem 30, vel secundum quosdam 40. amplius quam Ptolomæus, si ergo ex diuersa primi Meridiani fixatione oriretur discrimen, oporteret Neoteriorum Meridianos & gradus continuè Ptolomaicis gradibus, & Meridianis esse citeriores, iuxta modum primi Meridiani citerius fixi. Hos igitur grauissimos errores, cum aliquot ab hinc annis in Gallia, Germania, Belgio viri doctrina, & autoritate præstantes notarent, superioris sæculi Astronomos imitati, qui cum ex motibus Solis, & Lunæ plus æquo discrepantibus futurum deprehendissent, ut eo in-
emendato, Paschalis Christianorum Solemnitas contra aperta Con-
siliij Nicæni decreta successu temporum toto calo aberrans, prorsus
in

inconuenientem anni faciem monstraret, ut talibus tempestiue occurrent incommodis, Deique Ecclesiam, ab huiusmodi exorbitatione vindicarent, unanimi consensu eius correctionem aggressi sunt, quam & summo tandem totius Reip. Christianae emolumento, Gregorio XIII. Pontifice Sapientissimo imperante, & auctoritate sua eandem confirmante, perfecerunt. Horum itaque exemplo inuitati supra memorati viri, ne Mathematicarum omnium Reip. Christianae & utilissima, & maximè necessaria Geographia, adeò post tot saecula, potissimum hoc æuo tot eximijs, atque omni eruditionis genere præpollentibus viris florente, mutila maneret, & imperfecta, pro cura singulari, & affectu penè incredibili, quo boni communis promotione tanguntur, animum ad huiusmodi nobilissimae disciplina instauracionem, serò constanter, & inexplebili quodam exequendi operis desiderio adiecerunt; Verùm cum tanta molis opus haudquaquam vnius, aut alterius opera; sed unanimi Mathematicorum conspiratione peragendum esse cernerent; diuersorum Ordinum Religiosos, ut in hoc opere ita glorioso operam suam conferrent, præsertim Societatem nostram, quam & per vniuersum orbem diffusam, & præter Mathematicæ quos ubiuis peritos habet, unanimi mentium conspiratione vigentem norant, ad hoc adeò gloriosum institutum omnibus viribus promouendum, sollicitarunt. Me itaque primùm frequentibus è diuersis partibus, literis ad negotium urgendum; deinde Adm. R. P. N. Generalem ad id exequendum incitantes, tantum laudabili sua importunitate potuerunt, ut ego Consiliū Geographicum cōscribere iuberer, tractatū, videlicet, quo totius Geographiæ restauranda rationes, & modos exhiberem, ut qua via, quibus instrumentis, quibus in locis statis temporibus obseruationes cum fructu instituendæ essent, & quod hoc negocium Religiosorum Ordinum opera haud difficile esset futurū, breuiter, & dilucidè conarer demonstrare. Præterea, num modus sit, & quis quo per mare glaciale breui in Chinam, Cathaiam, & Americam, atque adeò totus terrenus orbis facile circumiri posset? multa. q. alia quæ circa fluxum & refluxum maris, terrarum, & promontiorum constitutionem, item ventorum, aquarum, fluminum, animalium, plantarum, mineralium naturas & proprietates, circa hominum denique mores, instituta, linguas, cultum religionis obseruari debèant, docerè. Verum cū tantæ molis opus ad umbilicū

sine

Gregorius XIII.
Pontifex restaurator Kalēdarij.

Votum vnicum
Authoris.

Christiani Prin-
cipes ad emen-
dationem Geo-
graphiæ procu-
randam sollici-
tandi sunt.

Novarum Re-
gionū inuentio.

sine altioris auctoritatis fulcimento nos perducere posse speraremus, meritò negotium adeò gloriosum cum dolore omnium literarum amantium iniquam Remoram passum est. O utinam nouus aliquis Atlas cum Hercule exoriretur, cuius industria & sumptibus Geographicum hoc opus restaurari possit? Utinam noui Alexandri, Ptolomæi, Gregorij, Rodulphi, Alphonsi prodirent, qui sicut Aristotelicos Hyparchicos Lilianos, Tychonicos conatus cum æterni nominis gloria, & totius posteritatis emolumento perpetuo, qua sumptibus, qua præmiorum incitamentis magnificè promouerunt, ita & terreni mundi emendationē aggredientes dictis medijs promouerēt, quam ingens breui Christianæ Reipublicæ emolumentum accessisse videremus, quantam non sibi apud posteritatem nominis gloriam parere possent: certò mundum emendasse, nouosq. reperisse non minoris faciendum esse puto, quam eos debellasse. Instanter igitur cum is, pænes quem suprema in terris potestas residet, cum alterum Christiani orbis lumen Augustissima Imperatoria Maiestas, tum ceteri Reipublicæ Christianæ Principes, ut hoc opus inceptum auctoritate sua fulciant, sumptibusq. ad finem, tota Republica Mathematica conspirante perducāt, instanter sollicitandi sunt, hoc enim præstito futurum spero, ut æquitate rei perspecta coniunctis viribus opus tot sæculis exoptatum felicissimum tandem exitum sortiatur, præsertim hoc tempore quo vbiuis locorum diuini Numinis ductu nœui terrarum hucusque incogniti tractus deteguntur, multique proprijs sumptibus expensiq. eĩsmodi terrarum nouarum inuentiones moliantur, quorum & industria factum est, ut non ita pridem in Brasilia vastissimus fluuius Origliana innumera vtrinq. hominum multitudine habitatus, quique totam latitudinem Americæ in Quitum vsque subtendit, non sine ingenti Hispanorum emolumento sit detectus, pari Zelo quendam Casaraugustanum Freti Californiæ vicinarumque Regionum explorationem proprijs sumptibus Heroico sanè ausu non ita pridem aggredi cœpisse audio, qua quidem breui iter nobis hucusque desideratum im- Oceanum Septentrionalem detecturum speramus, ita non dubitò quin Deus breui virum excitabit fortitudine & sciētia præditum, qui nobis hucusque incognitum, atque omnium vastissimam Australis terra portionem ad nominis sui gloriam atque innumerarum animarum salutem sit aperturus.

S E C T I O I.

De Inclinatione Magnetica.

PROPOSITIO I.

*Vtrum Latitudo Regionum opera Magnetis
inueniri possit.*

Geographiæ initia ita cum Astronomiæ principijs connexa sunt, vt nec hæc sine illis, nec illa sine his commodè percipi possint, quare, etsi in præcedentibus sparsim quædam de Geographia inseruerimus, vt nihil ferè amplius desiderari videatur, attamen eadē paucis repetere, nonnullaq. planius tradere visum est. Geographia est orbis terrarū secundum longitudinem, & latitudinē descriptio, totius igitur rei cardo versatur, in cognitione lōgitudinis & latitudinis, è quibus nascitur distantia, siue interualli, quod est à loco in quemlibet locum, notitia. Longitudo est arcus Aequatoris terrestris, inter primū meridianum alicuius loci in terra, ab occasu in ortū extensus; Latitudo verò est arcus Meridiani terrestris interceptus inter Aequatorem, & parallelum alicuius loci; vel planius sic. Longitudo innuit distantiam Meridianorum siue quantū Meridianus cuiuslibet loci distet à Meridiano primo versus ortum. Latitudo verò docet quantum quisque locus ab Aequatore recesserit, versus polum Boreum, vel ab Aequatore versus polum Austrinum; de illa dicemus in Capite sequente, de hac imposterum dicendum erit. Latitudinis itaque siue quod idem est eleuationis poli inueniendæ methodū, cum in Consilio nostro Geographico variè exposuerimus, non est, quod modo repetamus, solum hoc loco restat, vt declaremus, num Magnetis opera dictæ Regionum latitudines, siue eleuationes poli inueniri possint? Quod vt fiat, notandum primò quosdam hoc attentare voluisse variationis magneticæ proportionato decremento; Alios, vmbra Magnetis certa ratione suspensi. Non defuerunt, qui globo magnetico exactissimo æquilibrio in aëre suspensio, sic vltro ad polos currente id fieri posse asseuerauerint; quemadmodum supra de Petro

Quid Geographia?

Longitudo.

Latitudo.

Pere-

Peregrino, Thaisnero, alijsque meminimus; Ex Neotericis tandem prodijt Gilbertus, qui modum quo id fieri possit, docuit, quem utpotè rudem adhuc, & impolitum eliminavit Cabeus, ego ad perfectionem omnibus modis eum reducere iam modò conabor. Instituitur itaque negotium vi inclinationis magneticæ. Verum ut omnes huius inclinationis causæ, rationes, & affectiones melius ab vnoquoque percipiantur; & nihil circa hunc prodigiosum magnetis effectum relinquatur indiscussum, ab ouo rem ordientes, primo, quid sit hæc magnetica inclinatio, & ex quo, quibusque ex causis huiusmodi effectus emanet, per lemmata quædam, deinde, Tabulæ Magneticæ inclinationis construendæ methodum, vsumque Instrumenti nautici ex ijs confecti per Problemata, ea qua poterimus claritate & breuitate declarabimus.

PROPOSITIO II. THEOREMA I.

Magnes pro ratione latitudinum locorum, iuxta eleuationem poli deprimitur, aut eleuatur.

M Agnes Simia Mundi non plagas orbis tantum vi sua in polos dispositiua in horizontali circulo, ut in præcedentibus dictum est, demonstrat, sed & eadem virtute circularē motū affectās pro ratione latitudinis loci vi sibi insita depressus aut eleuatus, gradus latitudinis cuius loco proprios certo modo, quod quidē naturalium rerū prodigiosissimum meritò cēseri debet, designat; Hoc tamen nō ita intelligi velim, nec ut quispiam existimet, versorium apice suo Boreali eleuatū axi mundi situ respondere, & præcisè tot gradus, quot dicti loci polus super horizontem eminet, eleuatione sua determinare; sed res aliter se habet; Obelus enim quispiam, seu versorium paulò post dicēda methodo, quam fieri potest exactissimè æquiponderatum, parte sua Borea super horizontem versus polum Boreum non eleuatur; sed eundem veluti auersans infra horizontem reprimatur, altera parte Austrina opposita super horizontem eleuato. Et ita quidem, ut ad axem mundi versorium decussatim non parallelè disponatur; neque præcisè tot gradibus, quot

Inclinans acus
nō cælestes, sed
terrestres polos
aspicit.

quot polus Boreus super horizontem attollitur, verforium deprimitur, pro ratione latitudinis loci nunc pluribus, & pluribus nulla æqualitatis seruata ratione, quæ res, mirū est, quam plurium Philosophorum hucusque torserit ingenia. Ego certissimis experimentis hic Romæ arcum æquilibratum inueni infra horizontem descēdere 65.gr. & 50.min. Noster Cabæus in Philosophia Magnetica, sub latitudine 45.gr. arcum huiusmodi inclinationis Magneticæ deprehendit 62.gr. Gilbertus verò sub latitudine 50.gr. eundem arcum inuenit g. 71. m. 40. P. Iacobus Grandamicus eandem Turonibus inuenisse scribit 70.grad. Ego iterum Melitæ, quæ sub 35. latitudinis gradu constituta est, huius obseruationis periculum faciens deprehendi inclinationem 59.gr. 15.m. cui fermè respondet, quam Panormi, Messanæ, & Neapoli obseruauī, inclinatio; Verum cū ijs locis eam non vndeque ob varia impedimenta obseruare licuerit, nil quoque de ea certò asserere volumus. Ex quibus concludo eandem esse in toto hoc hemisphærio Boreali pro varia latitudinis ratione, inclinationis magneticæ dispositionem, quod & ingeniosissimum magneticarum inclinationū instrumentum, cui obseruationes factæ propè verum quadrāt, manifestò docet; Vtrum verò trans Aequatorem eadem sit inclinationum memoratorum ratio, hucusque quod sciam incognitum est, cum nemo qui id obseruare tentauerit, mihi innotuerit, Vnde cū Mathematicis quibusdam nostris, qui hoc anno Roma in Aethiopiam, Chinam, & Iaponiam profecti sunt, vti de alijs circa magnetis variationem, ita & inclinationem quoque sedulò contuli, obseruationis faciendæ methodum docui; obnixè postulans, vt tanti momenti experimentum terra, mariq. summa, qua possent diligentia & studio, ne Resp. philosophica tanto bono priuaretur, obseruarent, quod quidem fideliter se præstituros sponserunt. Huius itaque inclinationis rationem & causas, etsi in Theoremate 17. superioris libri declarauerimus, vt tamē eam exactiùs enucleemus, hic locus veluti iure quodam sibi vendicat, ne verò ἀμείδιος rem aggrediamur, sequentia Lemmata, quæ sunt dictarum inclinationum quædam veluti seminaria, præmittēda duximus.

Quantitas inclinationis Magneticæ varijs in locis obseruata.

L E M M A I.


Directio vigoris Magnetici fit ex omnibus punctis corporis Magnetici in polos, & ex polis deinde sphaericè in circumferentiam diffunditur.

VIs itaque Magnetica, non ut quidam perperam opinati sunt, ex centro corporis magnetici fit in circumferentiam; sed ex quolibet puncto interiori corporis propagatur in polos, & ex polis deinde sphaericè in circumferentiâ diffunditur, ita quidem, ut poli Borealis radij diffusi, Borealem partem semper versus sphaeræ actiuitatis circumferentiam habeant directam, Australes verò radij poli Australis, Australi parte versus circumferentiam sphaeræ suæ vergant; quæ etsi fitisè in Theoremate superioris libri demonstrata sint, hic tamè obiter figuræ explicationem repetere libet. Sit globus Magneticus ABCD cuius axis CD, Aequator AB: dico vigorem magneticum ex omnibus partibus interioribus collectum ex polis sphaericè diffundi, atque hac diffusionem obliquas illas in magnetico quadrante obelorum directiones causari; si enim ex centro lapidis, ut plerique volunt, vis in circumferentiam diffunderetur, sequeretur obelos cuius puncto Terrellæ alicuius perpendiculariter institutos, quod experientiæ manifestò repugnat: ergo directio Magnetica ex centro lapidis versus circumferentiam desumi nulla ratione potest; neque ex quouis puncto sphaericè extra circumferentiam propagatur; hoc enim si fieret, ergo magnetica confusè & nulla certa lege dirigerentur, cum nulla ratio sit cur non potius ab hoc, quam illo puncto dirigantur; sed hæc præterquamquod cōtra Philosophiæ Magneticæ principia sint, experientiæ quoque reclamant; certa itaque lege diriguntur, quæ est ex polis CD in circumferentiâ, ut ex figura apparet; non secus ac parabolica, seu elliptica speculi cōcavitas exceptos Solis radios ex omni puncto in punctum, qui focus dicitur, ubi & vltio fit, & ignei vigoris verum cen-

Ut radij in elliptica, & parabolica concavitate speculi in unum punctum reflectuntur. ita radij Magnetica

centrū reflectit, vt hinc propagati ignei radij vsibus humanis
deseruiant; Non secus, dico, Magneticum vigorem ex quouis
Magnetici corporis puncto, vel directè, vel reflexè in puncta
polaria propagari, & hinc veluti è centris sphaericè diffundi,
vbi vides partem Borealem acus SC semper circumferentiā

S




M

Borealis poli C respicere, Austrina acus parte ipsi polo insi-
stente; partem verò acus DM Australem, circumferentiā Au-
stralis poli respicere, Borea parte polo Australi D insistente,
cuius rei ratio est, quod in Magneticis, vt in Theorem. lib. I.
dictum est, similes partes naturaliter se fugiant, dissimiles verò
se appetant.

Con-

Confectarium.

VNde patet obelum in superficie globi Magnetici non ab vnus poli radio, sed à duobus semper radijs ex vtroque polo propagatis disponi & dirigi; qui quidem radij vel æquales sunt, vel inæquales; si æquales fuerint, vt in figura sequenti radij AD BD in Aequatoris extimo puncto cōcurrentes, tunc cum vterque radius veluti iuris sui tenax æquis viribus obelum impetat, tantumq. radius sibi vendicet Borealis DA, quantum Australis BD, fit vt inter vtrūque partito veluti



iure obelus ad axem Magneticū parallelo situ se accommodet, non ad hunc potius quam ad illum inclinans polum; Si verò vterque radius rectā in axem, seu in vnam polarem lineam conueniat, tunc veluti in regno constitutus, ac potentia viribusque elatus suum quisque normaliter erigit obelum; si denique radij inæquales fuerint veluti radij AF & BF, HB & AH BG & AG, tunc iuxta iustitiæ distributiæ leges is obelum magis dirigit, qui robustior dignior & potentior fuerit; altero tantum pro rata portione obelum dirigente, quantum debilitati eius conuenit; & quanto à potentiori fuerit remotior: potentior auem est radius AF, quam radius BF, eò quod regno suo, seu polo A vicinior sit, agatq. in obelum veluti in regni


ghi sui subditum potentius, & dominio quodam alto: altero radio BV, vtpotè à regno suo remotiore, impotentius, & non nisi dominio quodam basso in obelum agente; Hinc fit vt obelus in V ab vtroque radio DV & BV impetitus, neque secundum radium BV in O, neque secundum radium BV in M; sed media quadam ratione dirigatur, videlicet secundum radium VS, quod & de obelo in punctis SX cæterisq. à lineis, seu radijs inæqualibus BS & DS, BX & DX directo dicendum est.

L E M M A I I.

Si versorium circa immotum magnetem circumgyretur, versorium in pyxide quapiam æquilibratum, sub una pyxidis circumuolutione, duas peraget; id est una circumitione facta versorium interim duos circulos describet.

SIt globus magneticus N circa quæ pyxis ABCD gyretur, dico versorium AB in pyxide æquilibratum interim dum pyxis circa magnetem gyrata vnum describit circulum, duos descripturum circulos; Mota enim pyxide ex B versus D, ecce versorium pyxide in D quiescente, nō pari passu, vt pyxis, quadrantem, sed duplum quadrantis, id est semicirculum confecit; quod sic ostendo, versorium pyxide quiescente in B, sagittam directā habebat, in pyxide verò quiescente in D, versorium directā habet in B; ergo priori situi modo oppositum situm habet, ergo semicirculum confecisse necesse est, cum omnis oppositio à diametrali distantia propriè sumatur; ergo interim dum pyxis per quadrantem BD mota fuit, versorium per semicirculum a, d, B motum fuit, ergo mota pyxide ex D in A per aliū quadrantem, versorium quod in D sagitta respiciebat b, modò respiciet A, ergo iterum diametraliter priori oppositum situm tenebit, ergo iterum mota pyxide per quadrantem DA, ea semicirculum BDA interim confecit, ergo mota pyxide per semicirculum bdA, versorium circulum integrum descripsit, cum eundem hic situm receperit, quem in B obtinebat; ergo mota pyxide ex A in C, & hinc

in B per duos quadrantes, versorium iterum duos semicirculos, vsque in B describet; ergo in vna reuolutione pyxidis per 4. quadrantes circuli, versoriū totidem semicirculos, quæ duobus integris circulis æquivalent, describet; ergo si versorium



circa immotum lapidem, &c. quod erat ostendendum. Cuius quidem rei ratio, vt Theorem. 14. lib. 1. demonstratum est, alia non est, nisi duplex actiuitatis sphaera, quam vis magnetica ex vtroque polo diffusa causatur; vt in 14. Theorem. lib. 1. ostensum est, quod hoc experimento patefit; magnes inter duo versoria, eo situ vt poli magnetis siue axis magneticus parallelus sit ad horizontem, versoriaq. polos respicientia secundum rectam lineam sint disposita, vt in figura apparet, globus itaque hac ratione cum versorijs suis constitutus, si supra

pra centrū suum circumducatur, versoria quoquē ambo suam in oppositas partes circumuolutionem peragent; quæ omnia



clarè exposita sunt in Theorem. 13. superioris libri, ad quem Lectorem remittimus.


PROPOSITIO III. PROBLEMA I.

Gradum verum inclinationis Magneticæ infra Horizontem inuenire.

Primò describatur circulus ABCD in suos quadrantes diuisus, distinctoque quadrāte AED in 90. æquales partes, describatur ex E alius circulus SMN interuallo subtenſæ BA 90. grad. eiusdem quadrantis; quo facto posito pede in puncto D in gradu 90.^{mo} quadrantis; altero ex E centro arcum describe, qui finiatur in circulo SMN in puncto N; iterum posito vno pede circini in puncto A quadrantis EDA, & altero ex E centro arcum describe, qui finiatur similiter in circulo SMN in puncto S, quo facto per SN puncta ex centro E lineas duces ES, & EN quæ arcum 90. graduum comprehendent, quadrantem videlicet, quem dico duplum esse ad quadrantem A, E, D; quod sic demonstro; Quoniam angulus rectus est, erunt quadrata laterum AE ED per 47. lib. 1. elem. Eucl. æqualia quadrato ex subtenſa A, D descripto, at quæ est ratio quadrati ad quadratum, ea est per citatam paulò ante propositionem Euclidis, circuli, ad circulum, cum itaque semidiameter circuli SMN ex suppositione assumptus sit æqualis subtenſæ AD quadrantis A, E, D; ergo circulus SMN erit duplus ad circulum ABCD, sicut quadratum, cuius latus subtenſa AD, ei circumscriptum, duplum est quadrati circum-

scripti circuli ABCD, cuius latus est A, E; ergo cum eadem sit totius, & partium ratio, sequitur quadrantem SEN duplum esse quadrantis AED, quod erat demonstrandum. His factis posito pede vno circini super singulos gradus quadrantis AED, & totidem altero ex centro E arcus describes, qui omnes in circulo SMN finiantur, dico hos omnes & quadrantes esse, & æquales quadrantis AED, quod ita ostendo, cum enim quadrans SN ad intervallum AD subtensæ quadrantis AED descriptus sit, necessariò ex ijs quæ paulò antè demonstrauimus, sequitur quadrantem duplum esse quadrantis A, E, D; ergo omnes arcus ex gradibus quadrantis AED per E in arcum SN ducti omnes quadrantes erunt, quod ita probo; omnes radij ex centro E ad circumferentiam SN ducti inter se sunt æquales, cū omnes sint semidiametri; at hi nihil aliud sunt, quam subtensæ arcuum ex singulis gradibus quadrantis AED ab E in circumferentiam SN ductorum; sed & hi arcus, vnà cum subtensæ eorum ex suppositione, sunt æquales arcui & subtensæ AD quadrantis AED, cum intervallò huius subtensæ arcus SN descriptus sit, ergo arcus & subtensæ quadrantum, erunt æquales arcui, & subtensæ AD, ergo & latera quoque subtensas huiusmodi comprehendentia, erunt æqualia. Ergo omnes quadrantes erunt; quod autem omnes hi quadrantes æquales sint, iterum ita ostendo per commune illud Eucli: omnes radij à cētro ad circumferentiā ducti sunt æquales; sed hi radij, seu latera quadrantum ex E in quadrantem SN descriptorū sunt radij, seu semidiametri quadrantis AED, ergo sunt inter se æquales; sed & subtensæ horum quadrantum per ea, quæ paulò ante dicta sunt, æquales sunt subtensæ DA quadrantis AED, cum ad subtensæ AD intervallum SN arcus descriptus sit, ergo per commune illud, quæ sunt eadem vni tertio, &c. & latera, & subtensæ erunt eadem inter se, ergo & æqualia; ergo quadrantes omnes æquales erunt quadrantis AED, quod erat demonstrandum. Quæ omnia hoc Mechanico experimento melius patefient; si enim ex charta quadrantem CVP formes, æqualem quadrantis AED eiusque latus VC ea ratione applies lateri A E quadrantis AED, vt extremū V lateris VP in cētro E figatur manifestò cōperies, moto

centro C quadrantis CVP per singulos gradus quadrantis AED, latus CP extremitate sua P arcum SN descripturum.




Vndè consequens est omnes quadrantes ex singulis gradibus quadrantis AED descriptos inter E centrum, & arcum SN descriptos, & quadrantes esse, & æquales esse quadrantis AED, quod demonstrare oportebat. Ex quibus demonstratis ratio patet; cur quadrantē SN magneticarum inclinationum limitem ad quadrantes cæ-

teros duplum constituerit primus huius inuentionis Author. Certè in hoc ad magneticæ inclinationis exemplar respexisse videtur. Cum enim vti in Lemmate 2. huius dictum est, verforium in quadrante magnetici globi circumductum in duplum quadrantis quem ambiit, id est in semicirculum promouens se disponat, vel quod idē est, apice suo interim dum quadrantis spacio promotum est, perfectum semicirculum describat; ergo non sine ratione primus huius inuentionis Author quadrantem SN semicirculo DAB æqualē, vel quadrantis AED duplum assumpsit, hac enim vera & certa proportionē, omnes Magneticarum inclinationum quadrantes exactè determinari, ille solus nouerit, qui magistrā rerum experientiam de hoc consuluerit. His igitur ita ritè constitutis, nunc restat, vt ostendamus quā ratione vnique gradui latitudinis, Magneticæ inclinationis gradus ei correspondens, in dictis quadrantibus determinari possit. Posito itaque vno circini pede in puncto D quadrantis AED, & altero pede ex L arcū describe, quē eo in loco, vbi à diametro AC circuli ABCD protracta interfecatur, notabis litera P; hoc facto ex cētro E p pūctū P circulū describe signatū PXY quē dico Magneticarū inclinationū vnique loco propriarum terminum esse. Ad hunc itaq. posito circini pede in singulis gradibus quadrantis AED, ex L puncto altero pede totidem arcus describes, quorum singulos

Inuentio gradus inclinationis Magneticæ correspondētis gradui eleuationis poli dato.


los adhunc arcum PXY terminatos in 90. æquales partes distribues, diligenter obseruando, vt eundem latitudinis gradum ex quo arcum quempiam descripsisti, eidem eundem quoque numerum in fine arcus apponas, quemadmodum in figura factum esse vides. Hoc facto in vnoquoque horum arcuum, incipiendo ab arcu PXY, tot gradus, quot gradibus centrum



vnus cuiusque arcuum horum (quod semper erit in arcu Quadrantis AED) à puncto A distiterit; siue vt clariùs loquar, tot gradus numerabis, quot vertex capitis alicuius Regionis, aut quod idem est, polus super horizontem in aliqua Regione fuerit eleuatus; per finem enim numerationis factæ, si lineas rectas ad gradus synonimos, in arcu Quadrantis AED duxeris, refecabunt tibi lineæ ductæ in Quadrantibus ex synonimo numero descriptis, inclinationes magneticas, singulis latitudinibus correspondentes; sed hæc omnia in exemplo melius patefient.

P A R A D I G M A.

CVpiat v. g. quispiam scire, inclinationem magneticam hic Romæ sub latitudine 42; sic operabitur. Posito pedē circini in 42. gradu Quadrantis AED, altera ex E Quadrantē describe, cuius arcus terminatur in H arcus SN: hoc facto, posito iterum circino in dicto 42. gradu, altero ex B arcum duces, qui terminetur in arcu PY in puncto M, quem & synonimo numero ad numerum ex quo eum descripsisti signabis, videlicet, 42; ab hoc enim numero, siue à puncto M, si in arcu



ducto prius in 90. æquales partes diuiso, eleuationem poli 42. grad. numeraueris, & per finem numerationis lineam rectam IS in gradum synonimum, videlicet, in 42. gradum Quadrantis

tis AED duxeris, refecabit illa tibi in quadrante EIH in puncto S quæsitam inclinationem magneticam Romæ vigentem, videlicet, 65.gr.40.min. quæ omnia clarissimè ex subiecta figura patebunt. Hoc autem inuento sanè ingeniosissimo optimè magneticas inclinationes assignari ex priori figura ita ostendo; primo cum iuxta Lemma 1. & 2. huius versoria siue obelos inæqualiter disponi constet, & ita quidem inæqualiter, ut ad intervallum quadrantis magnetici AED moti ipsi perfectū semicirculum describant, optima sanè & subtili speculatione arcus SN duplus ad AD constituitur; ut inter hunc & centrum E ex gradibus arcus AD, quadrantes omnium inclinationum terminarentur; uti dictum est. Cum præterea videamus sub Aequatore versorium semper ad axem terrenum parallelum, quem situm per quadrantem AES ostendimus: suppolarem verò obeli stylum repræsentamus per quadrantem DEN, in quorum priori quadrante obelus sese ad axem terrenum parallela quadam ratione accommodans, nihil proinde inclinat: in posteriori non polo normaliter insistit, 90.gradus declinat, ad quorum normam rectè, & ingeniosè reliquos inclinationum quadrantes pro varia obeli dispositione ordinamus; Verum cum difficultas sit determinandi in his quadrantibus inclinationes singulis gradibus latitudinis correspondentes, à posteriori primū & per Mechanica experimenta rem indagamus, ea qua sequitur ratione; Cum enim inclinationes magneticæ admodum inæqualiter in quadrante AED, atque tantò quidem inæqualius, quantò à D puncto fuerint remotiores, & consequenter spacia à D versus A sæper maiora, & maiora sint, ut in præcedenti figura apparet; videndū est quātum magnes sub 45.gr. media latitudine (quod quidem ex terrella nosse poterimus) inclinet, quo facto ducimus lineā p hunc gradū inclinationis in infinitū, quæ erit linea ISX, ut in figura præsentī patet, & circino in gr. 45. posito, altero versus L extenso arcum describimus (quod ob correspondentiam, quam polus hic L tum ad 45.gradum, tum ad omnes alios habet, facimus; cum ex Lemmate 1. huius ex utroque polo obelus diffusis radijs disponatur, nec aliud arcuum centrum nisi L polum magnetis accipere possimus) cuius arcum LX duplicamus,

mus, vt totus arcus sit LXM; & hunc quadrantem esse ex proportionem cognoscimus sicut enim sese habet angulus EIX ad angulum AEI, ita quoque angulus AXI ad angulum IXM; sed angulus EIX duplus est anguli AEI, ergo & angulus AXI duplus erit anguli XIM, vel LIX, cum igitur angulus AEI sit 45. graduum ex suppositione; angulus quoque XIM, vel LIX similiter 45. graduum erit; ergo totus arcus LXM, constituit quadrantem; quem linea XN, linea videlicet mediæ latitudinis manifestat. Interuallo itaque EM circulū ducimus MY, quem dicimus esse verum illum arcum magneticarum conuersionum; siquidem posito circini pede in puncto D arcus AD, videlicet, in gradu 90. & altero ex B polo magnetis arcum describimus LP, qui refert arcum inclinationis magneticæ sub polo, vt in priori figura apparet; qui quidem minimus est arcuum dispositionum magneticarum; iterum ex A per L, alium arcum in Y describimus, qui referet quadrantem inclinationum sub Aequatore: estque omnium maximus, ita quidem, vt reliqui arcus ex gradibus quadrantis AED per L descriptis, vltra lineam, seu arcum LXM omnes maiores quadrante LXM, cis verò arcum, seu quadrantem LXM omnes arcus ex L ducti minores dicto quadrante LXM sint; ergo spacia arcuum in arcu YMP tantò erunt ampliora, quantò à P magis distiterint, & contra tantò minora, quantò P fuerint proximiores; Ex quibus apparet non sine subtili ratione hos arcus ad magneticæ inclinationis exemplar esse ordinatos, quod & sic ostendo, sicut enim obelus in quadrante magnetico motus à D versus I angulos directionis inclinationisque facit semper minores quadrante, ita & spacia proportionaliter ex P in M decrefcentia minora sunt, & minora, & arcus minores, & minores quadrante; & sicut obelus ex I in A promotus angulos directionum facit semper maiores quadrante, ita & arcus, qui ad huiusmodi inclinationes ordinati sunt, semper quadrante maiores erunt & maiores, vt ad oculum patet; ergo singuli isti arcus, singulis magneticis inclinationibus perfectè respondent, ergo limites huiusmodi conuersionum nequaquam arbitrariè, sed magna ratione ad exemplar naturæ constituti sunt; His enim ita prudenter constitutis clarè constat

Ad naturæ exemplar inuentum hoc Magnetice inclinationum dispositum.

stat eam esse horum arcuum cū Quadrantibus magneticarum inclinationum dispositionem, vt arcubus singulis in 90. gradus diuisis, lineisq. ex fine singularum latitudinum in singulis arcubus numeratarū ad gradus sibi consimiles in Quadrante AED ductis, inclinationes magneticas in Quadrantibus consimilis cum arcubus latitudinis, sub quauis data eleuatione poli perfectè monstrarent, vt dictum est. Atque hæc ideò fusiùs profectus sum, vt tam subtilis inuenti rationes, & causas, à nemine adhuc, quod sciam, assignatas, neque à primo eius Authore, qui id studio, ne tantum mysterium propalaret, subticuisse videtur, redderem. Præsertim cum non desint, qui id sine vlllo fundamento, atque ex meris congruentijs excogitatū esse asserant; Verū cum huiusmodi instrumentum adeò intricatum sit, & ita paucis eius vsus à Gilberto sit explicatus, vt vix sint, qui hætenus illud perceperint; nos vtilitati studiosorum consulentes illud ab omni confusione vindicantes in meliorem formā facilioremq. accommodauimus, vt sequitur.

Vsus Instrumenti.

CVpiat quispiam scire, inclinationem magneticam sub latitudine grad: 30, sic operabitur. Quadrantem mobilem centro E affixum, centro suo A statuat super gr. 30. m. 30. Quadrantis CDE, & linea seu semidiameter 30. gradui latitudinis synonyma in quadrantis mobilis limbo gradum refecabit inclinationis magneticæ quæsitum.

Aliud Exemplum.

VOlo scire gradum inclinationis magneticæ sub latitudine 80. grad: promoue mobilis Quadrantis centrum A super gradum 80. ^{num} Quadrantis CDE, & semidiameter magneticæ inclinationis, videlicet 80. ^{mus} in limbo Quadrantis mobilis refecabit quæsitum sub dicta latitudine inclinationis gradum. Atque ex hoc instrumento vnusquisque sibi Tabulas inclinationum magneticarum componere poterit, ad singulos latitudinum gradus. Qualem nos hic apponimus duplici tam

Arithme-

Arithmetica, quam Geometrica inuestigatione conditam; in qua aliquantum à Gilberto, & Cabæo discrepamus, eò quod nos per calculum minutum, exactiùs quam per præcedens instrumentum, è quo ipsoꝝ inclinationes gradatim per quinos, & quinos gradus depromptæ sunt, huiusmodi inclinationes eruerimus. Computauit & huiusmodi Tabulas Eduardus Vuricth cum quo (si pauca excipias) in omnibus conuenimus.


PROPOSITIO IV. PROBLEMA II.

Inclinationum Magneticarum Tabulam per sinus, & logarithmos computare.

Porrò tradita Tabula inclinationum Magneticarum Mechanica arte cõficiendaru methodo, nihil restat, nisi vt hoc loco modum doceamus, quo eam & quidem perfectiùs, & minutiùs per sinus, & logarithmos supputare possimus. Verum ne multum digrediamur, rem ita ordiemur. Sit itaque Meridianus circulus terræ ABC, in quo A polus: B Aequinoctialis, C verò latitudo 60. grad. sub qua magneticam inclinationem inquirere desideras. Sit BK ad DB perpendicularis in B; at æqualis subtensæ AB: quo facto coniunge lineas DB, & BK lineæ DK, positoque pede circini in D, altero ex K, arcum KLI describe, iterum ducta corda AC arcus ABC, ex puncto C veluti centro arcum AL describe interuallo chordæ CA, qui arcus secabit arcu KLI in L: erit itaque linea LC ducta æqualis lineæ AC, & linea DL ducta, lineæ DK; iam verò quia BC arcus ex hypothesi 60. graduum esse statuitur; ideò & arcus LE arcus LEA in 60. grad. linea CE secetur, dico angulum DCE complementum magneticæ inclinationis esse, quam per analysim triangulorum ADC, & CDL hac industria inuenio. Primò angulus ADC datur propter arcum ABC, qui cum ex Quadrante, & arcu 60. grad. constet, totus arcus erit 150. grad: & consequenter angulus C 15. gradum; cum subalterno angulo A sit æqualis, quorum vterque simul 30. grad. faciunt: sunt enim anguli siue arcus ABC 150. graduum, ad 180, complementum. Iterum in triangulo DCL omnia latera dantur;

tur; vt CL, sinus totus siue radius 10000000. partium, quæ cum æqualis sit chordæ AC subtendentis 150.gr. Nota quoque erit, videlicet, 15019318516. partium qualis sinus totus habet 10000000. Denique DL nota fiet ex linea DK ipsi æquali; cuius quantitatem ita inuestigabis, tangentem BK, æqualem subtensæ AB, videlicet, 14142136. part. quæ in Tabula sinuum tangentium inuenta, dabit angulum BDC 54.gr. 44.min.8.secundorum: cuius secans DK, id est DL in Tabula sinuum secantium quæsita dabit 17320508. Iam sicut se habet basis siue maius latus subtendens LC 19318516. par. ad summam, aliorum duorum laterum LD, & DC 27320508. par. ita differentia eorum LF 7320508. ad segmentum maioris lateris LG 10352762. part. Quo dempto ex tota linea LC restat GC 8965754. cuius medietas CH 4482877. part. est sinus anguli CDH 26.grad.38.min.2.secund. cuius complementum 63.gr.21.min.58.secund. est angulus DCH, qui iunctus angulo DCA 15.gr. facit totum angulum ACL 78.gr. 21.min.58.sec. quorum $\frac{2}{3}$ faciunt 52.gr. 14.min. 38.secund. quo dempto ex DCH 63.grad.21.min.28.sec. manet angulus ECD 11.grad.7.min.20.sec. cuius complementum est 78.gr. 52.min.40.sec. inclinatio quæsita. Atque ex his patet cum summa laterum DC, & DL sit semper eadem, videlicet, 720508, & 27320508. productum illorum semper quoque idem esse, videlicet, 19999997378064. diuidendum videlicet, per LC siue CA 19318516. par. & laborem computus satis minui, si loco producto medietatē eius semper accipias, videlicet, 9999998689032, & sic diuidas mediatū p mediatā subtensā AC, vel potius dicas hoc modo: sicut se habet media pars lineæ CL, id est sinus OP medij arcus ABC; ad medietatē summæ aliorum 2 laterum LD, & DC 13660254, ita medietas FL differentię eorū, videlicet, 3660254. ad medietatē LN, sequētis LG, quo dēpto ex medietatē basis CL, restat medietas sinus CH, anguli CDH, cuius complementum ad quadrantem est angulus quæsitus DCH, atque iuxta huiusmodi Diagramma Tabula quæ sequitur paulò post, computata fuit.

Diagramma Magneticæ inclinationis.



Per logarithmos ita procedes.

Dic sicut se habet logarithmus 75. graduum (in exemplo paulò ante supposito) ad medietatem logarithmorum, quæ è sinibus DC, & DL simul iunctorum producti sunt, ita medietas logarithmi sinus FL differentix aggregati ad aliud. Adde igitur secundum tertio, & productum deme à primo, habebisq. logarithmum sinus GL, quo dempto ex medietate logarithmi sinus LC, remanet logarithmus sinus CH anguli CDH, huius antilogarithmus ostendet in Tabula logarithmorum gradus anguli DCH inclinationi magneticæ quæritos.

Tabula inclinationum Magneticarum

Inclinatio Magnetica secundum nostrum calculum.			Inclinatio Magnetica secundum nostrum calculum.		
Grad. elev. poli.	Nostra cōformior & exactior.	Gilberti & Cabzi.	Grad. elev. poli.	Nostra cōformior & exactior.	Gilberti & Cabzi.
G. M. G. M.			G. M. G. M.		
1	2	7	23	43	0
2	4	10	24	44	9
3	6	6	25	45	43 44 55
4	8	52	26	46	50
5	10	51 11 10	27	48	3
6	12	4	28	49	50
7	14	19	29	51	19
8	16	50	30	52	31 51 8
9	18	52	31	53	8
10	20	49 20 35	32	54	51
11	21	58	33	56	8
12	24	10	34	57	14
13	26	18	35	58	39 57 20
14	28	6	36	59	30
15	29	55 30 25	37	60	53
16	32	4	38	62	9
17	14	16	39	63	17
18	35	57	40	64	10 62 45
19	37	0	41	65	11
20	38	12 37 35	42	66	18
21	39	49	43	67	21
22	41	26	44	68	14


ad omnes Eleuationes Poli computata.

Inclinatio Magnetica secundum nostrum calculum.			Inclinatio Magnetica secundum nostrum calculum.		
Grad. eleu. poli.	Nostra cõformior & exactior.	Gilberti & Cabzi.	Grad. eleu. poli.	Nostra cõformior & exactior.	Gilberti & Cabzi.
G. M. G. M.			G. M. G. M.		
45	69 6	67 20	67	83 19	
46	70 4		68	84 40	
47	70 50		69	84 3	
48	71 32		70	85 38	84 0
49	72 55		71	85 57	
50	73 28	71 40	72	86 8	
51	74 19		73	86 20	
52	75 19		74	86 48	
53	76 20		75	87 23	86 3
54	76 48		76	87 34	
55	77 17	76 9	77	87 45	
56	77 50		78	87 52	
57	78 13		79	87 59	
58	79 23		80	88 42	88 5
59	79 57		81	88 50	
60	80 34	78 30	82	88 3	
61	80 56		83	88 12	
62	81 12		84	88 26	
63	82 28		85	89 34	88 0
64	82 52		86	89 40	
65	83 20	81 30	87	89 47	
66	83 0		88	89 51	

PROPOSITIO V. PROBLEMA III.

Inclinatorium Magneticum construere eleuationes poli in toto terrarum orbe indicans.

A Pud Gilbertum inuenio huiusmodi instrumentum, sed vt principia rerum esse solent, admodum imperfectum, & varijs erroribus obnoxium, quod tamen postmodum in meliorem aliquantulum formā redegit Cabeus; Ego in sphæra vitrea instrumentum exhibeo ea qua sequitur ratione.



Fiat sphæra vitrea quantum fieri poterit rotunda, in Aequatorem, & Meridianos suos exactè diuisa; Quo peracto duas lamellas tenuissimas in vnū ferruminatas, ita extremitatibus suis coniunges, vt sphæroidis figuram exprimant, quam Zonam Magneticam appellare visum est, vt figura hic apposita ostendit: in Zona hac ex tenuissimo ære axiculum impones cuius poli erūt C, & D, in cuius medio E versoriū inclinatio-
num

num (quod longum, aut breue pro instrumenti capacitāte efficias, etsi maiora plerunque certius inclinationes designent) ita accommodabis, vt in medio E veluti centro perfectissimè sit æquilibratum, quod nisi singulari quadam industria, & labore pertinacissimo effeceris, frustra te in ceteris laboraturū certò scias, cum in hac æquiponderatione, totius huius instrumenti consistat artificium: præterea in pūctis a & b indantur duo fila tenuissima ex serico, vel è filamentis foliorum Aloe, quæ ego huic vsui omnium aptissima reperiō, filum autem B in fine plumbum appensum habeat, vt instrumentum in suo situ perfectè libretur; referent enim hæc duo fila, duo verticalis circuli puncta Zenith, & Nadir, C verò & D, diametrum siue axem horizontis polarem referent, vti versorium, axem mundi. Præparata itaque hac ratione Zona Magnetica cum suo versorio, Quadrantes in sphaera vitrea magneticarum inclinationum ita delineabis; Fiat separatim in aliqua charta,



quadrans intervallo semidiametri sphaeræ descriptus, ac in 90. partes æquales more solito diuisus; deindè accipe Tabulam præcedentem magneticarum inclinationum, & vide primo quis gradus inclinationis respondeat 10. grad. v.g. latitudinis, & inuenies 20. grad. & 49. min. quæ computabis in qua-

drante ABC à C incipiendo, & per hunc gradū lineam è centro A duces; iterum quære gradum inclinationis magneticæ gradui latitudinis 20. respondentem, & inuenies in Tabula 38. grad. 12. min. per hunc itaque lineam ex centro trahes, habebisq. magneticam inclinationem pro dicta latitudine determinatam, iuuentis itaque per decades quadrantis a, b, c, inclinationibus, per pentades simili ratione ijs correspondētes reperies inclinationes; & denique singulis gradibus, singulas in-


D d cli-

clinationes elicies, vt in quadrante hic adiuncto apparet; habebisq. quadrantem magneticarum inclinationum præparatum, ex quo quemlibet alium quadratē similiter nullo penē negotio conficies. Ad huius itaque quadrantis interualla, quadrantes oppositos in sphæra delineabis, ab horizonte siue ab N circulo sphæram bipartiente incipiendo, qui quidem quadrantes erunt portiones Meridiani Magnetici, in quo pro varia latitudinis ratione, versorium vna extremitate infra horizontem descendet, altero ascendente tot gradibus, quod illa descenderit. Vt in figura luce Meridiana clariùs patet. In hanc itaque sphæram præparatam Zonam Magneticam ea industria impones, vt centrum grauitatis Zonæ, seu quod idem axis magnetici, aut versorij, centro sphære exactè respondeat, quod fiet si fila Zonæ punctis Zenith, & Nadir exactè responderint; hoc facto necessariò acus, siquidem exactè fuerit æquilibrata, horizonti manens parallela, liberè hinc inde fluctuabit. Zona itaque exempta denuò vtrumque versorij extremum conuenientibus polis magnetis affricabis eo, quo in Progymnasmate 4. Pragm. 5. dictum est modo; Zonamq. versorio iam animato sphære iterum impones, vt & medium sphære obtineat, & liberè sine impedimento hinc inde fluctuare possit, quibus omnibus summa diligentia peractis, videbis versorium in momento infra horizontem vno extremo descendens in quadratē magnetico gradum latitudinis ostendere. In hoc instrumento tria notanda sunt, quibus non benè obseruatis, nihil meritò efficias. Primò, vt acus quam fieri poterit exactissimè sit æquiponderata. Secundò, ne inter æquilibrandum odorem magnetis sentiat; Nam magnete præsentē, acq. ad magnetem inclinante, æquiponderatio penitus impeditur; omni igitur remoto eo, quod acum incitare poterit, libratio perficienda erit. Terriò, vt acum æquilibratum iuxta artis regulas conuenientibus polis affrices, quibus omnibus ritè obseruatis, videbis versorium in sphæra vitrea duplici continuò se motu disponere, horizontali & verticali, horizontali quidem, vt lineam Meridianam inueniat; altera verò, vt ad polum telluris se disponat; quod, dici vix potest, quā mirabile, & iucundum intuentibus præbeat spectaculum; Est autem hæc sphæ-

Notanda circa
vsum huius.

Mira huius acus
proprietas,

sphæra vniuersalis, ita quidem, vt sub sphæra recta consisten-
tibus acus sese ad vtrunque polum horisonti, incumbentem,
accommodans, maneat parallela: sub polo existentibus videat-
ur iuxta mundanum axem erecta normaliter; ab Aequino-
ctiali verò versus Boream procedētibus, acus pro depressione,



aut eleuatione polorum terrenorum, nunc deprimatur, nunc
eleuetur; ea semper graduum portione, quæ inclinationibus
magneticis competat, seruata. In vitrea autem sphæra hoc in-
strumētum disposuimus, cū, quia ab omni motu aëris secura
acus & liberiùs & citiùs se disponit; Tūm quia clariùs & di-
stinctiùs, quem latitudinis numerum in quadrantibus vi-

treæ sphaeræ dispositum versorium demonstret, intueri possumus; Atque hoc artificium multo exactius in sphaera aqua plena, demonstrare prædictas inclinationes posset, nisi hanc exactissimam librationem ferreo versorio aqua inimica inuideret; qui tamen hoc experimentum non in instrumento permanente, & portatili, sed in certo & determinato loco periculi solum huius faciendi gratia probare voluerint, in vitrea sphaera aqua plena, melius, certius, & exactius experimentum comperient. Probarunt hoc instrumentum quidam dum in Indiam proficiscerentur, reppereruntque illud in toto Boreali hemisphaerio exactissimum; prout ex verbis epistolæ, quam huc Romam miserunt, de varijs obseruationibus à se terra marique habitis; patet ubi inter cætera ita de Magneticæ inclinationis instrumēto loquuntur. [Soluentibus nobis è portu Vlyssiponenfi, inclinationis Magneticæ infra horizontem obseruationem orditi sumus; quam cum Gilberti, & Brighij Tabulis inclinationum conferentes, ita certam & vniformem vbique reperimus, vt aliquoties Sole obscurato, instrumentum inclinatorium, non sine admiratione tam Naucleri hominis cæteroquin peritissimi, quàm omnium eorum qui in naui præsentibus erant, admiratione, altitudinem poli exactè exhibuerimus. Cum verò appropinquassemus Aequinoctiali, versorium perpetuo motu agitatum, quasi secum deliberando quam in plagâ respiceret, se sistere nolebat; Vbi nota, quod facie instrumenti gyrata versus Orientem, versorium eleuabatur ad vnā certā altitudinem, & eadem versa ad Occidentem, diuersa ratione eleuabatur, quod particulariter accidit vltra lineam Aequinoctialem, versus polum Australem, differentia verò erat quasi semper eadem, videlicet, 10. grad. & regulariter procedebat in eleuatione seruando dictam differentiam, quod nulla ratione faciebat in itinere ab Vlyssipone ad Aequinoctiale vsque peracto; Atque hoc exactè notauimus. Ab Aequinoctiali verò vsque ad 38. gradum poli Australis, quem plerunque ad tempestates circa promontorium Bonæ spei vitandas petunt, semper quidem versorium eleuabat se regulariter, sed diuersimodè, ac fecerat in parte Boreali. Reuertentibus nobis à 38. gr. ad Aequinoctialem, eandem regulā seruabat inclinationis siue depre-

Literæ Indicæ.

Obseruationes
varia.

sio-

tionis; quam hætenus seruauerat eleuationis; Vnde conclusi-
 mus, Regulas Gilberti in parte Australi seruari non posse, &
 consequenter instrumentum tantum seruire in parte Boreali.
 De obseruationibus ab Aequinoctiali Goam vsque factis nihil
 certi dicere possum; cum quia instrumentum amplius non vi-
 debatur seruire, tum etiam, quia tanto itinere peracto defessis
 feruor obseruationis intepuerat; Atque hætenus ille.] Quod
 autem instrumentum in parte Australi, aliam ac in Boreali
 eleuationis, & depressionis effectum ostenderit; credo potius
 ex extrinseco quodam defectu, quam ex tanto itinere in adeo
 varijs auræ constitutionibus contrahere poterat, quam intrin-
 seco, prouenisse; nihil tamen in contrarium statuo, vsque
 dum effectus ille alijs experimentis de nouo assumptis, certò
 manifestatus, quid statuendum sentiendumq. sit, perfectè do-
 cuerit. Atque hæc sunt quæ de prodigioso hoc magnetica-
 rum inclinationum experimēto dicenda putauimus: cuius cō-
 struendi peritiam, qui probè norit, is non iam amplius sollici-
 tus de latitudinibus locorum, per laboriosas altitudinum Sola-
 rium, Stellarumq. obseruationes inuestigandis laborabit, cum
 habeat, quo tempore quolibet, & quouis loco sine vlla alte-
 rius instrumenti opera noctu diuq. cælo etiam perpetuis nu-
 bibus obducto latitudines Regionum, terra, mariq. sine vllò
 impedimento obseruare possit.

S E C T I O . I I .

De Variatione, seu Declinatione Magnetis à linea
 Meridiana.

C A P V T . I .

De varia Obseruatione declinationis Magneticæ.

G VNC TAS res difficiles, nec esse qui sermone eas ex-
 plicare possit, artem adhæc longam, vitam breuem.,
 occasionem præcipitem, experimentum periculosum,
 iudicium difficile, tum sacræ, tum profanæ Sapientiæ oracula

attestantur, quæ sanè, si vnquam vera, in hoc admodum difficili incerto, intricatissimoquè Magneticæ variationis negotio vera cognoui; in quo tantam Authorum altercantium varietatem, tantam experimentorum incertitudinem, tantam denique, vt quod res est, ingenuè fatear, in meipso reperio perplexitatem, vt quid nesciam, melius, quam quid sentire debeam sciam; si enim experientiam consulam, illam infidelem, fallacem, ac minimè sibi constantè reperio. Si fidem hominū, lubricam & instabilem; si abditam prodigiosi effectus causam sollicitius inquirō, experientiā ipsam continuò variam, adeòq. laudabili Inquisitionis conatui veluti inuidam cōtrariamque, nec vbi in tanta lubricitate pedem figam, inuenio. Vt proinde nihil veriùs illo Ecclesiastici, *וְיָדָהּ חֶכְמָה דַּבְּרָה בְּעַם וְחִסְדִּיךָ דַּעַת וְיִסְדִּיךָ מִכְאֵב*, vbi multa scientia, ibi multam quoque esse indignationem, & qui addit scientiam, addere & laborem, reperiam. Iacienda tamen est in rebus adeò arduis alea, animo imperterritō toleranda, quam Deus Opt. Max. dedit filiis hominum, vt in ea occuparentur occupatio sanè pessima, nec quicquam reliquum videò, nisi vt si aliter non possimus, conatum in laude reponamus. Cum variatione itaque magnetis nobis negotium est. Nam tanquam certum, & constanti pronunciato ab omnibus admittitur, magnetica in polos dirigi, verum id difficilè est, & in Philosophia Magnetica arduū maximè, imò ἀπρητον penè καὶ ἀνεκφώνητον, quod nimirū non præcisè in polos colliment; sed nonnihil ab ijs in alterutram partem deflectant. Quæ quidem variatio adeò varias de hoc effectū opiniones peperit; vt nullus Euripus tot æstibus variet, quod apud Magnetistas de hoc effectū exorta variant placita. Ac primò quidem non defunt, qui omnem prorsus variationem, ceu falsum & deceptorium experimentum negent, totumque variationis effectum, aut debilitati, seu vacillationi versorij, aut alicubi in vicinia latitantis ferruginei corporis allectioni adscribant; sed hæc opinio præterquam quod Nautarum peritissimorum tot iam annorū spacio in memorabilibus illis circa totum terrarum orbem susceptis repugnet expeditionibus, etiam vnanimi præstantissimorum Mathematicorum huius temporis, qui summo studio atque industria in huiusmodi variatione exploranda versati sunt

sunt manifestis experimentis reclamatione, de quibus omnibus insignis quidam Mathematicus. *Non est*, inquit, *hæc declinatio cõmentum ad tegendos Nautarum errores*, ut Petrus de Medina voluit, neq. accidit quod vis longo usu detrita sit, ut sensit Nonius; neq. ordinata est deuiatio, ut experientia non crassa Nautarũ, sed doctiorum testatur. In Azoribus omninò non desceñit; sic vulgò in occiduis vix discedere ausim affirmare. Si Orientẽ ab his Insulis nauigaris, cuspis Boreã in ortũ vergit; si in occasum, ad occasũ. Antuerpiæ ad ortũ 9. Londini 11. g. In America sub latitud. 35. gr. 36. ad occasum. 11. propè promontorium Brasiliæ. C. de Frio in ortũ 12. excurrit; intra fauces Orientaliores freti Magellani 5, aut 6. Si à C. Frio ad ortum Africam versus nauigaueris, augetur deflexio ad 17. & 18. g. quod ut coniectura assequi possumus, contingit non procul à Meridiano, qui per Azores transit; inde minuitur ad 6. & 10. gr. quod accidit propè Insulam S. Helenæ; inde ferũt minui usque ad C. Bonæ spei, ubi volunt propè flumen, quod ab ea causa Lusitani C. de las Aguglias vocarũt, in Meridiano iacere, &c. Hanc alij præstantissimi Mathematici editis non ita pridem de ea libris, demonstrarunt, ut de eo amplius dubitare nemo possit, aut debeat. Exprimentum igitur variationis certum est, atque omnis dubij, & falsitatis expers: in sola declinationis quantitate, falsitas de qua loquimur, & incertitudo deprehenditur. Cardanus vbique magnetem tot gradibus variare putat; quot à polo mundi distat Stella polaris; sed hanc opinionem solæ experientiæ nostræ facillè euertunt. Ioannes Baptista Porta 7. Mag. Nat. c. 37. Magnetẽ vbique 9. gradibus declinare autumat; verba eis sunt. *Animaduersum*, inquit, à nostris est, ferream cuspidem Magneti affricatam, non semper super Meridianam lineam conuiescere; sed Orientem versus 9. gr. ab ea linea declinare, neque vbique locorum eundem situm seruare, sed varijs diuersisq. locis varias ostendere declinationes; sed is error hunc ordinem sequitur, quod quantò propinquior fueris Oriẽti, tantò versus Orientẽ ab ipsa Meridiana linea plus deuiabis, & quantò plus Occidentẽ versus perrexeris, tantò ad Occidentẽ ferrea cuspis magis accedet. Nam Meridianam lineam inueniendo, & in ea cuspidem erigendo, ut super umbilicũ ferreus obelus liberẽ versetur, in Italia à linea Meridionali per 9. gradus, Orientem

Cardanus.

Mecographia
Gallica.

Steuinus in
Limeneuretica.

versus declinat, ex ijs quibus quarta circuli 90. constat; ut in Sciatericis Horologijs, quæ ex Germania deferuntur, iam adnotatum est, & descriptum. Hucusque Porta. Non defuerunt qui duos Magneticos Meridiani polos statuerent à quibus omnis declinatio desumeretur; ita Mecographia illa Gallica innumeris plena erroribus; atque hi plerique fundamentis suis insistentes, longitudinem Regionū declinatione huiusmodi proportionaliter crescente, aut decrecente inuestigari posse crediderunt. Quod verò plerique, qui Oceanum peragrarunt, existiment, Meridianum per Azores Insulas transeuntem variationis terminos designare, ita ut in altera & aduersa Meridiani illius parte, proinde Magneticum polos verè respiciat, quod & Ioannes Baptista Benedictus, & multi alij de arte Nautica scribentes existimant; omnino falsum est, & supra in Libro primo refutatum. Steuinus in sua Limeneuretica per Meridianos variationem distinguit. Dum ait in Coruo Insula, Magneticum Indicem verum Septentrionem indicare, sed quo quis inde magis versus Orientem proficiscitur, eo magis videbit Chalybem ἀπατολίζεν; donec usque ad unum milliare versus Orientem à Plimmutho, ubi variatio ad summum perueniens est 13. g. 24. m. Ab hinc rursus incipit descescere ἀπατολίσμους usque ad Hemshudā (qui locus non procul à Nortcapo Finmarchiæ dissidet) ubi iterum Septentrio verè designatur. Longitudo à Coruo Helmsudā ad 60. gradum. In Plimmutho verò eius longitudo 30. graduum, maximam esse χαλυβόκλιον. Sed ista licet his in locis aliqua ex parte vera sit; nequaquam tamen in Corui Insula Meridiano; alijs in locis variatio est grad. 13. min. 24; nec in alijs Helmsudæ Meridiani partibus verū polum iudicat. Nam in Meridiano transeunte per Plimmuthum in latitud. 60. grad. variatio maior est Euroborea; in latitud. 40. gr. multò minor: In latitudine 20. grad. exigua admodum. In Corui Meridiano etiam si iuxta Insulam nulla sit variatio, in latitudine tamen 55. grad. variatio est in Zephyroboream circiter $\frac{1}{2}$ Rhombi. In latitudine 20. grad. versus Eurum versorium inclinat $\frac{1}{4}$ Rhombi. Ita igitur non convenienter, per circulos maiores, & Meridianos termini variationis cōstituuntur; multò minus sic proportionales incrementi, in quamvis cæli partem probe inuestigantur. Quare ἐλαττωμένους iste καὶ αὐξάνόμενους

μῆκος ἀνατολισμὸς καὶ δυσισμὸς, quo nōmine decreſcentem; aut
 creſcentem magnetis declinationem nunc in ortum, nunc in
 occaſum appellat, tali artificio inueniri minimè poſſunt. Cum
 nullam certam in declinando legem ſeruet magnes, ſed erraticè,
 nunc huc, nunc illud diuagatur, decreſcendo nunc in longi-
 tudinem, nunc in latitudinem, nunc multum, nunc parum, ,
 prout loci cōditio tulerit; Eſſi multi mordicus defendant, hāc
 proportionalem declinationem: velintque eſſe occultam quan-
 dam declinationum omnium correſpondentiam, quam ſi quis
 nouerit, facilè in longitudinum orbis notitiam eum peruenire
 poſſe autumant. Porro Adrianus Metius per obſervationes
 Nauclerorum comperit in circuitu terreſtris globi 8. diuerſas
 declinationes. Nam ſub Meridiano ait, qui tranſit Coruo Flo-
 res, à quo hodie longitudinū initium faciunt, magnes indicat
 Septentrionem; ab eodem verſus ortum etiam magis, & ma-
 gis in ortum declinat, donec perueniatur ad Pleimuten in
 Anglia portum, cuius loci longitudo eſt 30. grad. vbi magnes
 verſus ortum declinat 13. gr. 20. min. [Ab hoc loco declina-
 tio eius ruruſum diminuitur, atque deſceſcit pededentim in
 Septentrionem, donec longitudinem 60. grad. nanciſcatur, cir-
 citer promontorium Finmarchiæ, Septentrionem ruruſum
 oſtendit. Hinc declinare incipit, à Septentrione in occaſum,
 & augetur, donec veniatur ad longitudinem grad. 110. propè
 nouam Zemblam in Inſula Vuilhelmi, vbi declinatio eſt 33. gr.
 à Septentrione in occaſum; ſed inde ruruſum minor fit vſque
 ad longitudinem 260. grad. vbi Septentrionem indicat tertio,
 & hinc ruruſum maior fit verſus ortū 20. gr. longit. deindè di-
 minuitur vſque ad 260. gr. longit. vbi quarto Septentrionem
 reſpicit; Hinc declinatio creſcit occaſum verſus ad 310. lon-
 gitudinis gradus, atque decreſcit, donec ad Inſulas Coruo
 Flores, vnde initium erat factum, redēamus.] Ita Metius; ve-
 rum cum hæc potius vanæ coniecturæ, quam fundamento
 certitudinis innitantur, nihil certi probare videntur: experien-
 tia enim docet, nullum eſſe magneticæ declinationis regulare
 incrementum aut decremētum; quod & pinax noſtrarū decli-
 nationum luce Meridiana clariùs demonſtrat. Hoc quidem ob-
 ſeruatum eſt, quod in maximorum promonteriorum extremis
 oris,

Declinatio Ma-
 gnetica nulla,
 certa lege con-
 ſtat.

Oſto diuerſæ
 declinationes
 obſervatæ.

Causa obser-
uationum factarū.

oris, qualia sunt Bonæ spei, Commorinum, vt & in faucibus
Fretorum, declinationem nullam esse, cuius rei causam postea
assignabimus. Cæterum causas harum variationum adeò di-
uerfas assignant Authores, vt vix sit, qui cum altero cōueniat;
Quos quidem ingeniorum æstus, ac perplexitates, cum haud
infrequenter notarem, ac nullum aliud tot difficultatibus sol-
uendis medium esse posse, quam experientiam ipsam, vide-
rem: de modo & ratione qua tandem concepta molimina in
effectum deduci possent, seriò mecum pensitare cœpi: Com-
municato itaque cum Amicis consilio, vna omnium fuit sen-
tentia, vt literæ ad omnes Mathematicos saltem Europæos
mitterentur, quibus amicè ad hanc variationum, vti & aliorū,
de quibus in nostro Consilio Geographico propriè agitur, om-
ni studio peragendam obseruationem animarentur; Verū-
cum, si paucos excipias, nullam ferè singularem Mathema-
ticorum celebriorum notitiam haberem, visum fuit tandem
Societatis nostræ Mathematicis, ac per eos alijs in hac profes-
sione singularibus, ac conspicuis viris, harum obseruationum
expeditionem committere; Quod & successu sanè haud pœ-
nitendo factum est. Nam informatione prius de dictis Socie-
tatis nostræ Mathematicis per Prouinciarum Procuratores
eodem tempore Romæ congregatos facta, ad singulos literæ
datae sunt, quibus ad obseruationem variationis Magneticæ
singuli suis in partibus faciendam, quantum fieri posset effica-
citer sollicitarentur, atque hoc vnicum agitatum, vt maritimis
variationum obseruationibus per vniuersum Oceanum vnquā
factis, incredibili sanè labore à me collectis, Mediterranearum
Europæ, Asiæ, Africæ, obseruationes variationum hucusque
incognitarum coniunctæ, posteris aliquod saltem lumen ad
vltiorem magneticæ Philosophiæ disquisitionem opera mea
præberem; quantoque in Reip. Lit. promotionem animo fue-
rim, hoc quantulocunque ausu testificarer. Porro plerique
ad hos labores incitati, prout tempus & occasio tulit, iniun-
ctum variationis inuestigandæ munus, ea sanè cura & industria,
quam tanti momenti negotium meritò postulabat, non per se
solum; sed & aliorum auxiliatricibus manibus ascitis, egregiè
peractam, Romam cum omnibus obseruationis factæ circum-
stan-

stantijs & cautelis, transmiserunt; ostēderuntq. insigni sanè hac eorum promptitudine, quam in Reip. Lit. bonum sint propensi quamq. libenter operam suam in alijs maioris momenti observationibus imposterum sint collaturi; pro qua humanitate sanè singulari ingentes, & immortales gratias habemus; vt verò constet, quinam ad hoc opus operam suam contulerint, eorum nomina in Catalogum redacta, paulò post proponenda duximus.

CAPVT II.

De Observationibus Oceanicis.

QUAM hodierna die nihil ferè in orbe terrarum reliquum sit, à Lusitanis, Hispanis, Anglis, Batauis, celeberrimis sanè expeditionibus suis non lustratū; sedulò incubuimus, vt quæcunq. circa negotiū Magneticum vnquam à dictis Archinautis obseruata essent, comperiremus. Vnde partim è literis ab ijs, qui iter in Indias susceperant, vel oretenus ab ijs, qui indè peregrini Romā aduenerant; partim ex literarū Mathematicarum è diuersis orbis terræ partibus ad Clauium, Grimbergerum, aliosque Romanos Societatis IESV Mathematicos prædecessores meos datarum, quod penès me est, Archiuio; multas sanè, circa declinationes Magneticas haud spernendas obseruationes collegi; quas, ne tam vtilibus in Reip. Lit. bonū susceptis Obseruationum voluminibus posteritas priuaretur, hic inserendas duxi; & vt simul manifestum fieret, quos non labores præstantissimi isti viri in vinea Domini subeant; dum non honoris diuini duntaxat promotioni, salutisq. animorum, qui principalis, susceptarumq. adeò difficilium expeditionum vnicus scopus est, incumbere atque omni animi corporisque contentione inuigilare studeant; sed & data occasione egregijs suis Obseruationibus Remp. Lit. augmentare nunquam desistant, quorum insigni zelo atque ardore non dubitò quandoq. & forsan breui futurum, vt totius Cosmographiæ emendationem perfectam, ac tantoperè à tota Rep. Lit. nullo non tempore exoptatam, dummodò altiori quadam, atque suprema auctoritate ad tam insigne institutum

Societatis IESV
Mathematici.

Mathematici
in Regno Si-
narum.

P. Iulij Alenij;
ex India.

Insignes Obser-
nationes.

P. Ioannis Vre-
mani Literæ ex
Portu Macao
Sinenfi.

tutum instimulentur, tandem aliquando sumus habituri. Certè in Cosmographicis, Chronographicis, Astronomicis è Sinen-
sium libris in Latinum vertendis non minus impigrè, quam
in alijs diuersorum Phænomenorum Observationibus iam à
multis annis laboratur. Faxit diuina bonitas, vt tantò Thesau-
ro tandem potiamur. Inter cæteros verò, qui præter multa alia
magneticas quoq. declinationes obseruarunt; fuere P. Iacobus
Pantoia, Pantaleon Kobizerus, P. Ioannes Terrentius insignes;
in Regno Sinarum Mathematici; quorum vltimū non incògruè Pli-
nium Indicum appellem, ob insignē viri istius in omni scien-
tiarum genere, potissimum medicinæ, ac Chymix perfectam
notitiam, qua apud ipsas Sinas tātum potuit, vt instar cælestis
oraculi, ac ipsa Sinica, voce Chotam può, quasi dicas Genius
naturæ, diceretur: hos omnes constat *καλυβοκλίτας* Oceani-
cas summo studio obseruasse, sed nescio quo fato ex perierint;
P. Iulius Alenijus anno 1609. ita in literis suis ad Clauium
ex India datis, scribit. *Scias, inquit, Reu. Pater, quod dum ultra
Aequatorem ad promontorium Bonæ spei acceditur, minùs semper
Nauticam acum à polo ad Orientem vergere, donec tandem in pro-
montorio, quod vocant, de las Aguglias, profus cum linea Meridio-
nali conueniat, res passim nota est, quam & ego ipse obseruau;*
*dum verò cursus Orientem versus continuatur, paulatim incipit
acus iterum declinare; sed Occidentem versus, donec è Regione sinus
Arabici peruenitur, ubi 20. gr. declinatio conspicitur. Hinc verò
Goam versus incipit decrescere, ità vt Goæ 16. gr. declinet. Illud
etiam obseruatum est, quo magis in eodem Meridiano ab Aequa-
tore receditur, eo acum plus declinare. Sunt autem hæ obseruatio-
nes ab optimis quibusque Naucleris peractæ, inter quos fuit Vin-
centius Rodriquez Nauarchus noster, qui vigesies octies ex Lusitania in Indiam iisse dicitur & rediisse. Alias literas anno 1616.
20. Nouemb. ad P. Griembergerum Romam è Macao Sinarum
vrbe à P. Ioanne Vremano datas inueni, in quibus se huic de-
clinationis negotio haud segniter incubuisse ostendit; verba,
eius subiungo. *Per totum iter Vlyssipone Goam vsque omninò
varia varijs in locis est declinatio, de quibus cum alij ex nostris
Socijs vos Romam certiores fecerint, ego solummodò hic adiungo,
quas ipse obseruau. In freto syncapura declinare inueni acum 2.*
*fermè**

fermè graduum; Hic Macai gr. 1. min. 30. acus ferè unum palmū longa erat, sine sagitta, & sine malleo, recta eadem semper. Porro Goæ inuenimus eam declinare 16 grad. aliquanto minus; at in petra blāca aiunt, & impressum est, esse fixam, nec ulterius vergere, quod falsum est; imò Meridianus fixus adhuc Macao Orientalior est; unde difficilè est in Petra Blanca esse fixum versoriū, si propè Caput Bonæ spei est fixum, ut obseruatur: Macai altitudo poli 22. grad. 15. min. à me obseruata est semiquadrato, quo utor veluti quadrato: latus est 4. palmorum diuisum in 10. &c. semper idem inueni. Longitudo colligitur ex Ecclipsi à quodam hic obseruata anno 1612. Octob. 8. die: principiū h. 8. m. 30. finis h. 11. m. 45; Vnde si verus calculus Tychoenicus Davidis Origani, distat Macaū Frācosurto ad Oderam, horis 6. m. 48. Paquin 7. h. & m. 5. Nanchino 7. horis m. 11. Goæ Ecclipsis, quæ contigit 3. Martij, finem obseruauit, & inueni differentiam à Francosurto h. 4. m. 2. sed nimirum hæc fuit unica obseruatio mea, reliquæ aliorum; curabo certiora. Porro utrum acus variatio nobis in huiusmodi longitudinibus terminandis subsidio esse possit, dabo operam ut R. V. quamprimum sciat; ubi motum eius atque inclinationem Magnetis in hoc Oceano Orientali exactius explorauerimus. Hæc P. Vremanus. Præterea ex Portu Belo ad P. Christophorum Scheinerū ita scribit P. Gaspar Rues 28. Iun. anno 1617. Nauta, inquit, huius rei peritissimi mihi certo affirmarunt, in hoc nostro itinere, nullam omnind variationem Magnetis inueniri; intellexi tamen ex uno quantum in alijs partibus declinet, nimirum circa Insulas Azores ubi multum Magnetis; atque ita ex Hispania versus illam Insulam proficiscendo declinat magnes ad Occidentem 11. fortè gradus. Cartagine verò versus illam redeundo ad Orientem totidem gradus declinat. Ad me demum anno 1638. Romam de itinere Indico fufas literas dedit P. Martinus Martinius meus in Mathematicis priuatus hic Romæ discipulus, qui dum Vlyssipone Goam versus, & hinc in Chinam iterum solueret, ventis aduersantibus illo anno Aequinoctialem subire non poterat; sed propitium Aeolum propè Insulā Capitis Viridis expectātes, dum inexorabilem viderent, tandem resolutione facta per aliū Oceani tractum Vlyssiponem reuersi sunt. Vnde post multa alia, in hæc verba scribit. Sedata ingenti, qua biduo integro in

Literæ P. Gasparis Rues ex Portu Belo.

P. Martinus Martinius ex itinere Indico.

*in incertum iactabamur tempestate, ubi nam essemus locorum inter Naucleros certatum est; Ego pro mea sententia dixi palam, nos stare ad Orientalem plagam Insulae Tercerae, & quidem à conti-
nenti Lusitania non nisi 100. Leucis, & quod vel die Iouis 13. no-
elis, vel die Veneris summo mane essemus vento, quo utebamur
Lusitaniam visuri, quæ omnia ita ut dixi euenerunt. Hæc non
scribo, ut me laudem, sed ut R. V. videat, quid ab ea in Magne-
tica disciplina didicerim; Nam sic argumentabar; Si nos sumus, ad
Occidentalem partem Insulae Tercerae, ergo magnes tendet ad Oc-
cidentem, atque tendit ad ortum, ergo non sumus ad Occidentem.
Verum quæ circa variationem Magneticam obseruauerim in hoc
nostro itinere, promissis meis stans R. V. communico breuibus.*

	G.	M.	
In Portu Vlyssiponensi magnes declinat	7	39	
Vsq̃ue ad Maderam paulatim decre-			
scens vsq̃ue ad Occidentalem Insulae			
partem, ubi variat.	5	49	
In altitudine 28.grad.25.min.	6	3	
Ad Meridionalem partem Palmae 20.			
Leucis	7	20	
Et hoc modo vsq̃ue ad Caput Viride			
per totum iter.			
Ad Occidentē Capitis Viridis 46.Leucis	7	30	
In Guinea sub 7.grad. latitud.	8	0	
220.Leucis ad Occidentem Capitis Vi-			} ad ortum
ridis partem sub altitudine 18. grad.	5	0	
Figitur verò acus in eadem propē alti-	0	0	
tudine 340.Leucis à Capite Viridi.			
A gradu 15.altitud. vsq̃ue ad 18.fixa est	0	0	
acus sc. remota 150. leucis, & magis			
longè ab Insulis Capitis Viridis.	0	0	
A 28.vsq̃ue ad 30.gr.altit. declinat acus			
ad Occidentalem plagam Insulae Flo-			
rum, quæ vna ex Terceris est, ab ea			
versus Occidentē distatē 40.Leucas.	1	12	

Pergit porro. *Hæc Insula Flores ex parte Meridiei habet etiã par-
uam Insulam magnitudine vnus Leuca, vt nobis Nauclerus di-
xit, atq. 60. Leucis ab hac Insula versus Occidentem fixam esse
acum Magneticam, aded vt 60. Leucis ab Insula de Flores ma-
gnes declinet 0.0. at 80. Leucis à terra Lusitaniæ in altitudine
38 $\frac{1}{2}$ declinat 7.grad. 10.min. ad ortum. Atque hæc pauca R.V.
transmitto, quia sunt certiora circa distantias à terra, alias decli-
nationes non addo, sequenti anno ex India R.V. fauente Deo
plurima alia transmissurus. Hæc illæ. Porro Observationum
reliquarum à PP. Chrysostomo Gallo, & Christophoro Burro
in Indicis expeditionibus factarum in sequentibus copiosior
dabitur dicēdi materia; Hæc dum tractarem, ex Insulis Philip-
pinis Romam appulerunt duo Patres P. Didacus Bobadilla,
P. Simon Cotta, qui totum Oceanum Australem, vulgò del Zur
bis, dimensi, varia de declinatione Magnetis narrāt, aiunt enim
ad certum spacium declinationem continuò crescere, deindè
eo vsque decrescere, donec cum linea Meridiana acus figatur,
hancq. declinationem ita certam esse, vt Naucleris isto in-
noui certissima locorum vbi morentur, indicia demonstrent.*

Declinatio Ma-
gnetis in mari
del Zur.

CAPVT III.

De Observationibus factis in mari Mediterraneo.

VM varia mihi in Mediterraneo maris fese obtulerit
nauigandi occasio, datam occasionem negligendam
non duxi, quare operā dedi, vt declinationē Magnetis
vbique instrumento in hunc finem vsuq. data opera confe-
cto, vti & multa alia motum maris terrarumque constitutio-
nem concernentia, quam exactissimè fieri posset, obseruarem;
præsertim cum, qui de declinatione Magnetis in dicto pelago
quidquam tradiderit, non inuenerim, multa quoque à diuersis
dictiq. maris peritissimis Naucleris didici, quæ hoc loco opor-
tunè inferenda existimaui. Varia itaque est in mari Me-
diterraneo Magnetis declinatio, non secus ac in Oceano, ne-
que vllam certam deuiationis suæ rationem seruat; In non-
nullis locis multum; in quibusdam parum, in aliquibus nihil
de-

declinat. In Insulis Stegadibus, è Regione oppidi, quod Hæres appellant Galli, Salis bonitate, quod ibi conficitur, celebris, acum declinare inueni 5. grad. eandem ferè declinationem in Insula S. Honorati dicta Lerino seruat si 50. min. abstuleris; In Corsicæ promontorio, vulgò Capo di Corso 7. grad. 30. min. Genuæ 5, in Portu Veneris 4. in Ilua variat, vt & in Portu Longo 5. grad. in plaga Cosmopolitana 8. circiter gradus declinat; in Portu vulgò Ferriero 20. grad. quam tamen declinationem infiniti propemodum ferri acum diuertentis abundantia adscribo. In Aenaria 1. grad. in Liparis iuxta Vulcanum 2. g. 15. m. Messanæ propè Pharon ad Charybdim. 0. vti & Melitæ. In maris Mediterranei Orientali plaga dicunt Naucleri iuxta Peloponesum acum *ἀνδρῶν*, idest sine declinatione fixam, vti & circa Insulam Cretensem, hinc verò paulatim decrefcere versus Cyprum; ita scribit ad me in quadam Epistola sua Eboræ data P. Martinus Martinus. *Sciat itaque in littoribus Hispaniæ, vti & in Italia variam est declinationem; In faucibus Freti Herculei nullā; ab Anglo quoq. Nauclero peritissimo sanè Mathematico, in cuius Naui ego Hispanias petij, audiui in mari interiecto inter Cretam, & Cyprum, ex parte Orientali Cretæ acum declinare 15 grad. & durare per 40. Leucas; sed paulatim minui ita, vt ad finem 40. Leucarum non amplius deuiet, nimirum propè vnā, aut alteram ex dictis Insulis.* Ioannes Grauius Anglus vir iudicio, & experientia cōspiciuus Alexandriæ in Aegypto anno Domini 1638. mense Decemb. magna vt eius fert ingenium, adhibita diligentia acum reperit declinare 5. grad. 45. min. versus Occidentē. 100 verò Leucis circiter à Melitæ versus Cæciam totidem gradibus, quorum hanc Oretenus Romæ mihi retulit; illam scriptis etiam reliquit. Aiunt præterea Naucleri Melitenses, in Archipelago vbique variare acum; nec cōstantem situs rationem tenere; quantum autem vbiuis declinet, non annotarunt. Vndè peritiores in hac materia tū Equites, tū Naucleros obnixè rogauī; vt in annuis suis expeditionibus per hoc mare susceptis, earum obseruandarum curam singularem adhiberent, singulaq. exactè annotarent, quod pro singulari qua sunt humanitate se præstituros polliciti sunt; vti & Anglos quoque, & Batauos in hoc

Pater Martinus
Martinus.

Ioannes Grauius.

Naucleri Melitenses.

negotio dexterrimos, cæterosque qui hoc mare frequentare solent, facturos confido.

*Declinationes Magnetica in præcipuis locis
Maris Mediterranei.*

	G.	M.
In Stegadibus Insulis	5	0
Insula Lerinus, siue du Saint Honorè	4	10
Genuæ	5	0
In Capo di Corso in Corsica	7	30
In Portu Longo	5	0
In Ora Cosmopolitana	8	0
In Portu Ferriero	20	0
In Aenaria, seù Procytha	1	15
In Liparis propè Vulcanum	2	19
Messanæ propè Pharon ad Charybdim	0	10
Melitæ	0	0
Iuxta Peloponesum	0	0
Ex Cretæ Orientali Plaga	15	0
Alexandriæ in Aegypto	5	45
In Archipelago varia		
Constantinopoli	0	0

C A P V T IV.

*De Observatione per totam ferè Europam tam
Maritimis, quàm Mediterraneis locis facta.*

COLLECTA iam haud exigua Observationum Magneticarum in Oceano, alijsque locis peractarum summa, certè mutilum, & imperfectum opus videbatur, nisi Mediterraneæ Europæ Observationes accederent; Vndè nulum non moui lapidem, quo earum in præcipuis saltem Europæ locis obseruatarum particeps fierem. Vt igitur in Capite Orbis Roma initium obseruationis facerem, cōmunicato cum cæteris vrbis Mathematicis consilio, nullum ferè inueni, qui operam suam in huius negotij promotionē non libenter conferret. Inter cæteros verò Theodosius Rubeus, Benedictus Castellus Abbas, Mathematici celeberrimi ac Pontificij, alijque

E e con-

consilio auxilioq. institutum promouere contenderunt. Ego verò in Collegio Romano cum alijs duobus insignibus, ac doctissimis PP. Nicolao Zucchio, & Ioanne Baptista Giattino collegis meis, omni possibili diligentia aliquoties obseruationis periculū feci adscitis in adiutores P. Antonio Martino, & D. Francisco Persæo Anglo magnæ spei Adolescēte, & Mathematico eximio: quam obseruationem nostro exemplo ducti, & Mechanici quidam haud infeliciter tentarunt. Interim non minori diligentia ad meam instantiam Parisijs eandem *χαλυβόκλιον* obseruarunt doctissimi viri P. Marinus Merfennus Ordinis Minimorū: Petrus Bourdinus Societatis IESV: P. Ioannes Petitus, Mathematici insignes. Marsiliæ quoque, Aquissextijs & Auenione D. Petrus Gassendus, D. Vallesius, D. Franciscus Antonius Payen, & Prænobilis vir D. Petrus Tondutus à S. Eligio omnes viri, vt in alijs ita in hac scientia Magnetica singulares; eruditissimo viro ac boni communis flagrantissimo D. Gabriele Naudæo opus vrgente, ac instanter sollicitante. Horum exemplum secuti multi in Italia; Neapoli Camillus Gloriosus, Pater Ioannes Baptista Zupus; Genuæ Ioannes Baptista Balianus, & Hieronymus Bardius viri scriptis notissimi; Bononiæ verò Perillustris vir D. Ioannes Baptista Manzini Bononiensis, qui multorum mēsum spacio instrumentis exactissimis, cura singulari, diligentia incredibili adscitis in opus æcclesie Bonauentura Caualerio, ac Illustrissimo D. Comite Odoardo Pepoli viris siue nobilitatem, siue rerum variarum notitiam spectes, sanè conspicuis; sollicitante opus doctissimo P. Mario Bettino, obseruationem instituit præ reliquis accuratam. Horum exemplū alij in Lusitania, Germania, Belgio, Anglia, Polonia animati, tantò operam suam contulerunt libentiùs, quantò ex hac vnanimi mentium conspiratione maius bonum emanaturum sperabant, quorum omnium nomina sequenti Catalogo tibi exhibemus. Porro cum hæ Obseruationes à plerisq. eximijs Mathematicis sint factæ, non est, quod de arum fide dubitemus; supponitur enim singulos eacura, & diligētia suscepti muneris partes obijisse, quantam cum rei grauitas, atq. adeò ipsa posteritas, vniuscuiusq. demū in incōcussa veritatē amor atq. affectus meritò postulare videbatur.

Tabula

*Tabula I. Generalis Declinationum Magnetica-
rum Oceanicarum ex Observationibus Ma-
ritimis Lusitanorum, Anglorum, & Ba-
tauorum aliorumq. Societ. IESV
Mathematicorum decerpta.*

	Latitudo.		Variatio.	
			Borea.	
	G.	M.	G.	M.
<i>Ανατολισμός.</i>				
Apud Caput de Roca propè Vlyssiponem	6	5	39	10
50.leucis versus N.VV.	7	0	39	10
Alij	10	0	39	10
Ab Vlyssipone ad Insulas Hesperidum.	8	30	39	10
A Capite Sacro 3, aut 4. leucis versus VV.	5	38	39	10
Ab Insula Tercera dicta S.Maria 9.leucis O.S.	2	20	39	10
Apud Fayal, & exindè ad Terceram.	3	45	39	45
A Tercera versus Vlyssiponem.	{ 7	30	39	45
	8	30	39	10
Ab Insul. Flores dicta, versus Occid. 40.leu- cis, & à Capo Blanco 300.leucis.	4	0	39	10
Ab Insula Flores versus Oriët. 70. vel 80.leuc.	0	0	39	10
Ab eadem versus Occident. 30.leucis.	0	0	39	10
<i>Δυσισμός.</i>				
In Transitu Meridiani Insul. Flores, & Coruo.	1	0	39	10
Ab Insula Flores 100. aut 200.leuc. versus	2	0	39	10
Occidentem.	{ 1	0	39	10
Ad conspectum Inf. Flor. S.O.	5	37	39	10
Ab Inf. Flores VV. 230.leuc.	3	30	39	19
Iuxta Picum.	1	30	39	19
A Canarijs Insulis 20.leuc.	1	0	19	0
<i>Ανατολισμός.</i>				
Apud Canarias.	5	37	32	0
A Magna Canaria versus Boream.	4	37	32	0
Ab Insulis Seluages dicta.	5	37	31	0
Ad latus S.VV. magnæ Canariæ.	5	20	28	0
A Canarijs 230.leucis.	0	0	20	0

		Variatio.		Latitudo.	
				Borca.	
		G.	M.	G.	M.
Ανατολισμός.					
Nauigantes ante Canarias ab Indijs Occidēt.		0	0	33	0
Et paulò post.		5	37	27	20
A Palma nauigantes versus Capo dictū Blāco.		3	0	24	0
Propè Caput Blancum 2. ferè leucis.		2	40	21	0
VV.S.VV	20	2	40	20	25
VV	63	5	37	19	20
VV	90	5	0	18	35
VV	100	6	0	18	35
O	436	7	30	17	42
A Capite Blanco O	470	7	30	11	57
O	476	7	36	16	35
O	535	7	30	10	59
O	595	5	0	10	15
O	640	4	3	10	0
O	700	1	3	9	20
Apud Caput Viride.		4	0	14	54
Ab his Insulis 300.leucis versus VV.		5	38	14	0
Apud Insul. S.Iago, & S.Nicolas.		2	38	14	0
A C.Verde 100. vel 120.leucis.		3	45	14	0
Ab Insulis Braua, & Fogo versus VV.N. VV.		4	30	14	0
12. leucis.		5	8	14	20
A Maio 46.leucis versus O.S.		3	30	14	0
Alij obseruarunt.		3	30	14	0
A C. Verde in via versus Ind. Oriental.		4	0	6	0
transeuntes Aequinoct.		5	0	0	0
Apud Insulam Trinitatis.		0	0	9	46
Ab hac Insul.90.leuc.versus O.VV.		1	0	9	46
(alij		2	0	9	46
Δυσισμός.					
Apud Margaritam, & apud S. Crucem propè					
S.Ioannem de Portu Ricco.		0	0	23	0
A S.Ioanne de Portu Ricco N.N.VV.		8	0	14	20
In Meridiano Insularum dictarum Barbados					
15.leuc. à Martinico.		1	0	14	20

Apud

Δυσσμός.

Apud Insulas Quarde Lupo.
 Apud Curfands, & Insulas Ind. Occid.
 Ad Ostium Fluminis Hacha.
 Eregione Fluminis Mayo.
 Iuxta Caput Corientes in Inf. Cuba.
 Ad Caput S. Antonij in Cuba.
 Ad C. Cameron.
 Ad Caput Floridæ.
 Versus Nordt Capitis Floridæ.
 Propè latus Americæ.
 Ab Inf. Barmudas versus Occid. 140. leucis.
 A C. Rafo S.S.VV.

Variatio.		Latitudo.	
G.	M.	Borea.	
G.	M.	G.	M.
1	0	15	18
4	0	12	13
7	36	11	20
15	0	31	0
3	0	9	30
13	0	22	0
5	0	25	40
3	0	25	30
13	0	28	0
11	0	35	30
10	3	30	35
6	30	39	40

Ανατολισμός

A Monte Leonis, vulgò Sierra Liona VV. S.
 A Proomontorio Montis Leæænæ vsque ad
 220. leucas, ab vno gradu versus Occid.
 continuò crescit vsque ad
 Ad Cap. S. Augustini.
 A Cap. S. August. 100. leuc.
 Apud Inf. Fernando Laronho propè Brasiliã.
 Sub Meridiano Trinitatis propè Brasiliam.
 Inter Insulas Trinitatis, & Ascensionis.
 Apud Insul. Ascens.
 In Meridiano Trinitatis versus O.
 Inter Insul. Trinitatis, & Tristani de Cunha. {
 A Vadis Brasil. versus O. circiter 14. leuc.
 Ab Ora Brasiliæ 150. leuc.
 Ad Cap. S. Vincentij in Brasilia.
 Ab Ora Brasil. 100. & 120. leuc. {
 Ab Inf. Ascens. 20. & 30. leuc. Ort. versus, &
 apud Scopulos Penedo di S. Pietro.

6	0	7	0
6	45	Austral.	
7	0	7	16
11	6	8	30
3	45	2	20
11	10	8	0
12	10	20	30
10	0	20	0
14	53	27	0
18	0	36	20
19	0	36	20
12	30	19	30
10	0	18	0
12	0		
8	30	17	0
7	30	18	0
5	30		

E e

3

Inter

	Variatio.		Latitudo :	
	G.	M.	Austral.	
<i>Ανατολισμός.</i>				
Inter Insul. Ascens. & S. Helenam.	7	30	0	0
Apud Insulam S. Helenæ varia est declinatio 2.3.4.5.7.9. graduum.				
Apud Insul. Martini Vaz.	13	0	19	0
Ab his Insulis versus Boream 30. leuc.	18	30	35	25
Ultra Insulas Tristani de Cunha 70. leuc.	16	53	33	0
Ab Ins. Tristani de Cunha versus Occid.	17	52	34	35
Apud Insulam Tristani de Cunha.	19	0	0	0
In Transitu Ins. è regione C. de Bona Speranza.	14	0	23	25
Iuxta Cap. Frigidum, vulgò Cabo Frio.	13	0	23	30
Et iuxta alios.	12	0	23	30
A Capite Frigido versus Occid. è regione Africae.	17	0	17	19
	18	0	17	19
A C. Frigido 125. leuc. versus Occid.	11	8	18	20
Apud Portū desideratū, vulgò Porto Desire.	5	0	47	40
Apud Ostium Freti Magellanici.	5	30	53	15
In Freto ipso.	5	0	54	27
A Capite Bonæ Spei 900. leuc. versus VV. N.	15	52	26	50
Apud Baias Soldanias.	0	0	33	55
	1	30	33	20
Apud Promontorium Bonæ Spei.	0	15	36	15
	1	30	35	10
<i>Δυσισμός.</i>				
	2	0	35	0
A Cap. Bonæ Spei, S. VV. S. leucis 36.	4	10	35	25
Et leucis inde 28.	3	50	35	30
Ab eodem versus S.	3	45	35	16
Et versus VV. 40. aut 50. leuc.	3	0	35	40
Ad Caput dus Aguilhas propè Promontoriū Bonæ Spei.	0	0	35	19
Et hinc versus Ort. 80. leuc.	0	0	35	10
A Cap. las Aguilhas versus N. O. ad conspe- ctu Terræ Nouæ.	3	47	34	20
Apud Caput Corientes ultra Caput Bonæ Spei.	7	30	25	0
	11	0	25	40

Apud

Δυσισμός.

Apud Inf. Primeras è regione Mozambique.
In Insula Mozambiqueo.

Apud Insul. Zanzibar.

Apud Inf. Almirant. propè lineā Aequinoct.
Propè C. Guardafui.

Apud Portum Freti, siue Ostium Maris Rubri.

Apud Portum Igidid.

Apud Xuarit.

Ανατολισμός.

Apud Sidon in Sinu Freti.

Δυσισμός.

Goæ in India.

Ex obseruatione verò aliorum.

Apud Insulas Comoro.

In Insul. S. Laurent. propè Sinum S. August.

Apud Caput Romanum in Inf. S. Laurentij.

A Capite dicto VV. S. VV. 110. leuc.

In Sinu Antonij Gilij in Inf. S. Laurent.

Alij obseruarunt.

In Sinu Tassarini.

Ad latus Occident. Insul. Saya de Malha.

Apud Insul. Pagapez.

Apud Insul. Gratiae VV. S. VV. 36. leuc.

Apud Arenaria Indiae.

Apud Insulam Didaci Roiz.

Ab Insul. los Romeros S. VV. 68. leuc.

Ab iisdem 110. leuc.

Apud Arenaria Adu, & Candu.

Apud Insul. Didaci Gratioli.

Ab his Insul. versus VV. 20. leuc.

Apud Insul. Didaci Roderici.

Variatio.		Latitudo.	
G.	M.	Borea.	
G.	M.	G.	M.
15	0	18	0
12	0	14	45
7	46	8	10
10	0	7	30
13	0	0	0
8	15	13	15
5	15	12	15
0	40	22	0
0	15	0	0
2	35	33	30
17	0	15	20
16	40	15	20
13	0	Austral.	
15	0	12	31
8	30	15	20
14	14	26	0
25	0	46	34
20	0	17	0
5	30	0	0
15	0	0	0
23	11	11	30
24	11	10	0
8	30	9	20
21	20	30	0
24	15	20	0
21	20	31	0
19	30	30	40
24	0	6	0
22	0	9	0
20	0	7	30
		35	0

Ab

Ανατολισμός.

Ab hac Insula S. & S.O.

Ad Maldiuas Insul.

Ad Cocinum in India Orient.

A Cocino euntibus versus Maldiuas S. S. VV.

sub 8, & 10. grad. lat. Austral.

Ad Zeilanum.

Apud Insul. Pulobatum alij 4. grad. alij

Apud Achin in Sumatra.

In Occid. latere Sumatræ in Priaman.

Iuxta Bantam in Iaua.

Apud Maduram.

In Iaua Maiori.

In Inf. Philippinis varia reperitur declinatio.

Macaï in China.

In Ostio Fluminis Cantam.

In Iaponia.

In Insul. Salomon.

Ab Inf. Fernand. 200. leuc. In Mari del Zur.

In Freto Dauis à Batauis obseruata omnium
declinationum maxima.*Observationes factæ in partibus Septentrio-
nalibus ab Anglis & Batauis.*

Δυστοσμός.

In Portu Glaciato, vulgò Eilhauen apud No-
uam Zemblam.

Ad Latus Occidentale Nonæ Zemblæ.

A Noua Zembla versus Occidentē 20. leuc.

Apud Crossam Insul. propè Nouam Zemblā.

Apud Nouā Terrā Hollādorū, vulgò Nielādt

In Insula dicta Vaygatz.

Variatio.		Latitudo.	
G.	M.	Borca.	
G.	M.	G.	M.
25	0	36	0
24	0	36	0
25	0	36	0
17	0	0	0
13	0	9	40
		8	0
16	52	10	0
15	30	9	0
2	0	4	0
8	0	Austral.	
5	40	0	21
5	0		
4	30	7	0
2	30	6	36
0	0	7	30
		Borca.	
1	$\frac{1}{2}$	22	30
0	0	25	12
8	30	40	30
4	0		
0	0		
50	0	62	50

Apud

Δυσισμός.

Apud Insulam S. Jacobi, vulgò Iames.
 Ad Fretum vicinum Pechoræ
 Apud Nortcapum.
 A Frislandia media via à Labrador, dicta No-
 ua Terra.

Ανατολισμός.

Propè Angliā nauigātib⁹ à Yarmuth versus B.
 In via Londino versus Russiam nūc *δυσίζα*
 3.7.8.grad. nunc *ἀναπλίζα*.

Δυσισμός.

Antuerpiæ.
 Ambsterodami.
 Londini in Anglia.
 Apud Portlandiam.
 In S. Iuonis Coemiterio in Cornubia.
 Ad Yougallum in Hibernia.
 A Bella Insula versus Occid. 350. leuc.
 A Syllie VV. N. VV. 235. leuc.
 A Syllie VV. N. VV. 514. leuc.
 Hinc N. VV. N.
 Atque hinc N. VV.
 Ab hoc loco N. VV.
 Ab hoc VV. VV. 40. leuc.
 Apud Insulas Cumberlandiæ.
 Apud Caput Sanderson.
 Apud Caput Rasum in Noua Terra.
 A Capite Rasø S. VV.

Ανατολισμός.

Apud Caput Finisterræ.
 In Ora Virginie sub 36.grad.
 In Ins. Martinino vna ex Camertanis sub 21.g.

Variatio.		Latitudo.	
G.	M.	Borea.	
G.	M.	G.	M.
7	30	70	40
3	30	69	10
1	0	71	30
28	0	62	0
12	40	55	14
4	0	65	40
5	10	64	30
3	0	66	30
9	0	51	0
9	30	52	20
11	30	51	32
10	0	51	32
8	0	50	30
10	0	49	55
1	0	52	10
0	0	45	0
10	0	60	0
16	0	63	30
22	0	66	0
28	0	73	0
33	0	73	0
30	0	64	0
28	0	72	12
8	0	47	0
2	52	34	35
35	30	5	37
8	30	39	40
12	0	0	0
0	0	21	0

*Tabula II. Longitudinum, & Latitudinum diuersorum locorum,
cum Declinatione Magnetis, quorum pleraq. sunt obseruata
à Ioanne Teliero in sua nauigatione in Indiam Orient.*

Longitud.		Latitud.		Declin.Orient.		
G.	M.	G.	M.	G.	M.	
0	17	16	b	50	2	40
0	48	45	b	46	5	15
1	0	17	a	33	9	30
1	3	20	a	11	11	27
2	0	22	a	56	13	0
2	32	9	a	50	6	40
3	6	7	a	0	5	45
3	20	25	a	34	14	0
3	40	4	b	50	3	50
4	55	33	a	44	12	34
5	18	40	a	0	7	30
5	22	1	a	40	5	20
5	28	25	a	11	15	20
5	39	3	a	14	7	34
5	45	2	a	30	7	12
5	51	1	a	30	6	0
6	0	1	a	6	5	0
6	0	4	a	27	7	25
6	6	9	b	36	3	10
6	10	14	b	30	2	45
6	10	29	b	45	6	0
6	15	27	a	22	13	30
6	40	14	a	50	11	0
6	40	2	b	54	4	0
6	50	19	b	24	3	33
7	9	0	b	20	4	15
7	35	0	a	40	4	40
7	39	21	b	8	4	47

Longitud.		Latitud.		Declin.Orient.		
G.	M.	G.	M.	G.	M.	
7	55	33	a	44	13	20
8	0	23	a	30	13	0
8	12	52	b	8	11	0
8	15	2	b	26	4	10
8	30	38	b	55	10	0
9	2	29	a	2	13	15
9	40	6	b	16	2	15
9	40	7	b	19	2	30
9	50	29	b	46	6	39
10	10	4	a	10	5	30
10	10	7	b	39	2	35
10	13	31	b	42	6	16
10	35	3	b	19	3	30
10	56	35	b	40	7	10
11	10	8	b	15	2	40
11	30	46	b	50	8	0
11	50	30	a	42	12	30
12	15	7	a	0	6	0
12	32	49	b	9	8	50
13	52	8	a	4	6	15
15	10	50	b	10	9	0
16	15	31	a	20	11	25
16	18	31	a	0	12	0
17	0	55	b	0	12	40
18	6	51	b	24	11	30
20	18	33	a	31	10	15
20	26	15	a	0	6	0
21	55	16	a	0	5	30
22	42	16	a	24	5	20
23	0	50	b	10	6	30
23	45	17	a	20	5	15
25	15	18	a	20	5	10

Longitud.		Latitud.			Declin. Orient.	
G.	M.	G.		M.	G.	M.
27	18	34	a	16	8	30
27	50	20	a	0	5	0
31	14	34	a	2	5	0
33	40	34	a	2	3	0
35	0	34	a	9	2	20
36	16	34	a	3	1	40
36	20	26	a	15	2	0
39	30	28	a	26	0	45
39	46	34	a	27	0	25
41	10	34	a	13	0	5
347	25	27	b	36	4	0
348	55	36	b	0	4	0
349	51	35	b	20	3	40
350	0	35	b	0	3	50
351	0	8	a	30	3	10
352	20	37	b	0	3	20
353	7	22	b	25	3	30
356	17	37	b	40	3	45
356	22	14	b	20	3	0
356	30	19	b	20	3	15
356	42	32	b	36	3	50
356	56	37	b	25	3	30
357	25	39	b	30	4	0
357	35	18	b	16	3	0
357	48	12	b	48	3	15
357	27	11	b	15	3	0
359	40	9	b	25	3	15
359	40	44	b	0	4	10

a Significat latitudinem Australem, siue Meridionalē.
b Borealem, siue Septentrionalem.

Longitud.		Latitud.			Declin. Occid.	
G.	M.	G.		M.	G.	M.
42	7	34	a	0	1	40
43	16	34	a	16	0	16
43	53	32	a	0	0	30
44	32	34	a	4	0	46
44	44	32	a	45	1	40
45	37	33	a	42	1	15
46	16	34	a	0	1	45
46	36	34	a	0	1	45
46	40	35	a	0	2	0
47	19	36	a	16	3	20
47	30	71	a	10	2	0
48	54	35	b	20	4	30
49	45	35	a	50	4	15
50	50	36	a	15	5	45
51	12	37	a	35	6	30
51	49	35	a	6	6	30
52	15	37	a	0	7	0
53	2	36	a	0	8	20
53	15	33	b	30	8	0
53	28	34	a	0	8	5
54	15	35	a	21	9	0
57	27	35	a	5	11	0
58	42	33	a	45	13	0
60	10	36	a	0	13	0
61	40	33	a	15	15	0
61	40	36	a	48	14	30
64	13	37	a	0	16	0
64	18	27	a	42	15	0
65	20	32	a	20	16	30
65	24	25	a	44	15	10
65	37	17	a	44	12	30
66	6	24	a	50	15	20

Longitud.		Latitud.		Declin. Occid.		
G.	M.	G.	M.	G.	M.	
66	20	19	a	20	13	7
66	24	32	a	47	16	0
66	40	14	a	50	11	0
67	13	24	a	5	15	40
67	15	29	a	0	15	30
67	20	20	a	39	13	30
67	27	11	a	6	12	50
67	47	21	a	50	14	0
68	20	34	a	0	18	30
69	11	25	a	4	15	39
69	36	28	a	0	17	10
69	52	5	a	0	14	5
69	56	34	a	40	19	4
71	20	28	a	0	16	0
71	40	11	a	30	15	0
72	23	5	b	12	11	0
74	28	34	a	5	22	50
75	9	31	a	0	21	0
76	52	2	b	0	14	45
77	33	31	a	0	22	30
78	16	32	a	20	23	0
78	54	31	a	0	22	50
79	5	3	b	48	15	40
80	39	31	a	50	23	30
81	45	32	a	0	23	15
81	54	6	b	0	16	30
83	57	30	a	50	25	22
84	22	14	b	20	17	0
84	25	13	b	45	18	0
84	30	73	b	20	25	0
85	53	10	b	20	17	0
86	16	12	b	0	18	0

Longitud.		Latitud.		Declin. Occid.		
G.	M.	G.	M.	G.	M.	
86	25	13	b	45	18	30
86	36	30	b	10	24	50
87	0	69	b	30	24	30
87	2	30	a	0	24	0
88	32	13	b	18	19	40
91	32	12	b	45	20	38
92	1	26	a	24	24	20
92	30	26	a	53	22	0
93	18	12	b	45	20	30
93	35	26	a	20	21	48
93	48	25	a	15	23	30
94	10	75	b	35	33	0
94	15	25	a	42	21	50
94	57	13	b	6	20	10
95	0	19	a	20	22	0
95	15	24	a	37	21	0
95	50	23	a	43	20	40
96	39	13	b	22	19	0
96	40	23	a	32	23	0
98	14	13	b	42	18	0
98	44	22	a	50	22	0
98	50	19	a	27	17	40
110	33	14	b	10	16	30
101	5	16	a	18	16	20
101	50	20	a	56	19	30
102	35	15	a	25	15	20
102	38	15	a	0	14	35
103	12	14	b	10	16	0
104	20	19	a	56	17	30
105	0	15	a	30	15	10
106	9	13	b	0	15	30
106	20	19	b	56	16	36

Longitud.		Latitud.		Declin. Occid.		
G.	M.	G.	M.	G.	M.	
106	38	13	a	33	13	0
108	25	11	a	27	11	40
108	30	19	b	5	15	0
109	20	10	a	32	11	0
110	35	5	b	54	13	40
111	0	18	a	5	13	0
111	53	8	a	30	9	47
112	15	17	a	10	12	0
112	23	8	a	0	9	16
113	50	6	a	59	8	40
114	51	6	a	42	8	0
114	3	5	b	12	11	0
114	35	15	a	2	10	30
115	45	6	a	24	7	33
116	30	6	a	26	6	40
117	32	14	a	12	9	30
119	23	2	b	0	8	0
121	59	12	a	57	7	30
123	43	0	a	10	5	45
125	50	1	b	53	5	15
126	0	9	a	40	5	0
127	14	5	b	0	4	0
127	15	7	a	26	4	30
128	33	1	b	9	4	0
129	50	3	a	46	4	15
129	12	0	a	26	4	0
130	59	12	a	57	7	30
141	40	4	b	36	3	30
207	0	8	a	40	1	30
344	30	77	b	12	27	0
346	0	37	b	0	0	0

Tabula III. Declinationum Magneticarum à Mathematicis per Europam ad instantiam Authoris obseruatorum.

Nomina Obseruatorum	Locus Obseruat.	Declin.		Latit. loci	
		G.	M.	G.	M.
P.Chrysofotomus Gallus S.I.	Vlyssipone relatione				
P.Christophorus Burrus	aliorum	7	39	39	38
P.Martinus Martinus S.I.	(Eboræ in Lusitania	6	12	39	0
	(Conimbricæ in Lus.	6	3	40	39
P.Chrysofotomus Burrus S.I.	Madriti	5.	circit.	40	45
R.P.F.Marinus Mersenus, &	(Parisijs	31	0	48	40
P.Petrus Bourdinus S.I.	(
P.Iacobus Grandamicus S.I.	Turonibus in Frâcia	4	50	43	43
P.Vincentius Leotandus S.I.	Dolæ in Burgundia	5	14	46	48
Author	(Vefontione	5	0	47	15
	(Lugduni	4	30	45	10
P.Antonius Lalouure S.I.	Turnoni	3.51.	Or.	45	16
Clar.D.Ant.Franc.de Payen.	(3	10		
Prænob.D.Petrus de S.Eligio	Auenione	4	0	43	42
Author	(4	30		
P.Guglielmus Degner S.I.	In Monte Pessulano	3	30	43	30
Author	Arelati	3	30	43	38
	(Massiliæ	2	40	43	20
R.D.Petrus Gassendus	(Dinia	2	40	43	0
	(Aquis Sextijs	2	36	43	25
Author	Villæ Francæ propè	2.26	Oc	43	30
	Nissam				
P.Fr.Franciscus Niceron	Liburni, vel Ligurni	5	0	42	30
P.Martinus Martinus S.I.	(Genuæ	5	58	43	50
Clar.D.Hieronymus Bardius	(5	30	43	50
P.Carolus Moneta S.I.	Mediolani	2	30	45	6
D.Franciscus Iardinus	Mantua	0	30	45	12
Clar.D.Io.Baptista Manzinus	Bononiæ	3	0	44	16
P.Nicolaus Cabeus S.I.	Ferrariæ	5	50	44	10
P.Iosephus Blancanus S.I.	Parmæ	6	0	44	30

Nomina Obſervatorum	Locus Obſervat.	Declin.		Latit. loci		
		G.	M.	G.	M.	
Relatione quorundam	Venetijs	5	0	45	0	
P.Ioan. Baptiſta Giattinus S.I.	Romæ	3	ferè			
P.Io. Antonius Martinus S.I.	Romæ	2	50			
Clariff. D. Caſparus Berti	Romæ	3	circit.	41	56	
Author	Romæ	2	45			
R.P.Fr.Franciſcus Niceron	Romæ	2	40			
D.Franciſcus Perſeus .	Romæ	3	circit.			
P.Fr. Frãciſcus Niceron	Florentiæ	3	30	43	40	
Author	Loreti	4.0.	Oc.	44	10	
P.Fr. Niceron ex Ord. Min.	Ligurni	5	0	44	30	
P.Ioan. Baptiſta Zupus S.I.	Neapoli	0.30	Oc	41	0	
Author	In Palinuro	2	13	40	6	
	Paulæ	2.30	Oc	39	50	
	Tropeæ	2	40	38	32	
	Meffanę propè Cha- rybdim	0	0	38	50	
	Melitæ	0	0	35	26	
D.Franciſcus Iardinus		(5	0	37	0
Il. ^m D.Carolus di Vintimiglia	Panormi	(7	0	37	0
P.Fridericus Fontanerus		(
Ioannes Paulus Chiaráda S.I.	In Aetna propè 3					
Author	Caſtaneas	6	0	37	40	
	Syracufis	6	circit.	37	15	
Guglielmus Gilbertus	Londini	11	0	52	30	
Relatione aliorum	Antuerpiæ	8	30	51	48	
P.Io. Ciermans S.I.	Louanij	9	0	51	32	
P.Gregorius à S.Vincētio S.I.	Gandaui	1	40	51	30	
Iodocus Hondius	Amſterodami	9	30	51	38	
Relatione aliorum	Leydæ	9	30	51	30	
Relatione Merſenni	Dordraci	2	paulò plus	51	38	
P.Iodocus Kedd S.I.	Embricæ	5	52	50	49	
Author	Treuri	6	24	49	12	
P.Ioan. Grothaus S.I.	Coloniæ	5	0	50	36	
P.Laurētius Mattenkloth S.I.	Monasterij VVeſt- phal.	5	48	51	46	

P. Hu-

<i>Nomina Obseruatorum</i>	<i>Locus Obseruat.</i>	<i>Declin.</i>		<i>Latit. loci</i>	
		G.	M.	G.	M.
P. Hubertus Linz S.I.	Paderbornæ	5	circit.	51	29
P. Ioan. Reinardus Zieglerus	Aschaffenburgi	6	20	50	8
P. Henricus Marcellus S.I.	Moguntiaë	6	7	50	30
Author	Fuldæ	4	30	50	58
	Herbipoli	5	15	49	57
Georgius Hartmannus	Norimbergæ	8	varijs tiam dat	49	30
Author	Heydelbergæ	6	10	49	10
P. Io. Baptista Cyfatus S.I.	Oeniponti Tyrolis	2	0	46	55
P. Iacobus Viua S.I.	Ingolstadij	4	30	48	40
P. Gugliel. Gumpenperg. S.I.					
P. Michael Staudacher S.I.	Ebersbergæ in Baua.	4	26	48	37
P. Georgius Schenberger S.I.	Friburgi in Brisc.	4	30	48	46
P. Theodorus Moretus S.I.	Pragæ in Bohemia	5	30	50	20
P. Conradus Balthasar S.I.	Olomutij in Morauia	2	30	50	24
P. Christophorus Scheiner S.I.	Nissæ in Silesia	*			
P. Andreas Cobauus S.I.	Viennæ Austriae	0	0	48	20
P. Iacobus Durandus S.I.	Grecij in Stiria	2	0	48	10
P. Ofvvaldus Krugerus S.I.	Vilnæ in Lithuania	3	40	53	0
	Nisuisij in Lithuan.				
	Orsæ in Lithuania				
Relatione aliorum	Constantinopoli	0	0	43	5
P. Ioannes Amieu S.I.	Alepi in Soria	3	0	37	26
P. Amatus Chesaud S.I.					
Clar. D. Ioan. Grauius Anglus	Alexãdriæ in Aegyp.	5	45	30	0
P. Ioan. Vremanus S.I.	Goæ in India	17	Aliquãto minus	16	0
P. Petrus Rubinus S.I.	In Narfinga Indiae	12	0	18	30
P. Ioannes Vremanus S.I.	In Cantam Sinarum	0	0	33	0
P. Ioannes Vremanus S.I.	Macai Sinarum	1	30	22	0

Habes hic Lector omnium eorum, qui in Magneticæ Declinationis explorandæ negotio impigrè laborarunt Nomina: paucorum Obseruationes desunt, quibus vel literæ meæ non sunt traditæ, aut eorundem ad manus meas Martij hisce temporibus non peruenerunt. Hos tamen vti & omnes alios rogamus, vt si quæ negligentia, aut defectus in Obseruationibus factis commissus esset, eum hoc libro duce literata Obseruatione resarcire non grauentur, quo alia forsan editione Catalogus iste copiosior emendatiorq; prodire possit.

CAPVT V.

DISQVISITIO.

Causarum Declinationis Magneticæ.

x præcedentium Obseruationũ Catalogo, Magnetisq. diuersa, ac prorsus anomala deuiatione luculenter patet, hanc non desumendam esse cum Marfilio Ficino ab Vrfa minore, nec cū Bessardo Gallo à polis Zodiaci; multò minus cum Liuiio Sanuto à Meridiano quodam Magnetico, minimè cum Francisco Maurolyco à regione nescio qua Magnetica; nulla ratione cum Scaligero à cælo, & montibus; vel cum Roberto Nortmanno à loco respectiuo; cum omnes hæ opiniones prodierint ex Magneticæ declinationis in experta notitia; verum vt hæc fusiùs examinentur, de ijs per aliquot quæstiones tractare visum est.

QVÆSTIO I.

*Vtrum Declinatio Magnetis sit ex debilitate acus
resistentiam grauitatis non potentis superare;
vel vtrum ex Montibus Magneticis,
aut puncto quodam cælesti?*

Non defuerunt, ex viris haud imperitis, qui dum declinationis negotium capere non possent, omnem declinationem ideò fieri crederent, quod acus debiliori vi Magnetica, quam vt acum superare possit, sit imbuta; ijs, si cum certa limitatione hanc causam explicent, ego non faciliè contradixerim: potest enim subindè contingere, vt acus ex nimia virium debilitate, quam vel rubigine, humiditate, aut præpostero situ, aut alio aliquo inimicæ qualitatis occurso contraxit, ita in directione sua deficiat, vt nunquam in eundem se situm disponat; sed vacillando hinc indè oberret, nullum certũ fixationis punctum determinando: cuius rei causa soli debilitati acus resi-

resistentiam ponderis superare non valentis, adscribi debet; hac enim eadem de causa, quaecunque corpus Magneticum, nisi per exactam librationem, liberrimum motum adeptum fuerit, non se perfectè disponet, excedente mole magnetici corporis, virtutem propriam, qua in proprium, & naturalem situm se disponere nititur. Iterum, si versorium quodpiam, obelo institerit obtusiori, aut rubiginis tabe vi sua fuerit minutum, aut etiam vim magnetis non plenè imbiberit, eadem id inconstantiae signa præbiturum videbis. At non obstantibus hisce omnibus incommodis & impedimētis, dico nihilominus, acum, seu quodlibet magneticum liberum, nō semper, vt nonnulli opinātur, remotis impedimentis rectā Meridianā respecturum, sed ab ea pro loci conditione aliquantulum declinaturum; hoc est, etiam si perfectissimum acceperis magnetem, acumque ad eum affricā perfectissimè, & exactissimè libraueris, semper nihilominus ad certū semperq. idem spacium declinaturā acū, & tantò quidem perfectiūs, quātò perfectiori magneti fuerit affricā quē effectum per frequētem experientiam ita certum habemus; Vt de eo amplius dubitare, non nisi hominis insensati esse existimemus. In versorijs itaque Nauticis singulari omninò cura & industria exquisitissima, quæ & a Magistris peritissimis preparari animariq. solent, declinationis causa debilitati nulla ratione adscribi potest. Cum quacunque ratione agitata fuerint, nunquam tamen quiescant, nisi super vnam & eandem lineam, idemque punctum, vbicunque in sphaera declinationis istius posita fuerint, respiciant. Quod non fieret, si dicta debilitas causa foret; cum debile versorium non circa polos tantum, sed & in ipsis punctis Orientalibus, & Occidentalibus mole prægrauatum, verbo in quolibet situ, remoram patiatur; accedit, quod cum in toto orbe terrarum nulla hucusque declinatio inuenta sit, quæ 40. gradum excedat (excepta illa, quā Bataui inuenerūt in Freto Davis 50. gr.) certum sit, non a debilitate; sed aliundè quoque hunc declinationis effectum prouenire. Si itaque subindè confusè, & inconstanter eodem in loco, & tempore acus variet, non id verè causæ & radicali, sed ei de qua paulò ante differuimus, adscribendum est. Atque ex dictis facillè patet, quā variatio vera à

Vera Magnetis
declinatio non
est à debilitate
Magnetis.

Declinatio non
est à Montibus
Magneticis.

Rupes Suppo-
lari 33. leuca-
rum.

Neque à pñctis
caelestibus decli-
natio desumen-
da est.

falsa certò dignoscenda sit. Porrò nonnulli hunc variationis effectum nescio quibus Magneticis Montibus, aut cui in extremo Boreæ angulo sitæ regioni Magnete incrustatæ ascribunt; verum isti hoc vnico argumento falsitatis argui possunt. Si enim variatio ab istiusmodi Montibus procederet, sequeretur sub singulis Meridianis perpetuò vnā, & eādem esse declinationē, eandēq. proportionale incrementū decremētūq. perpetuò acquirere; quod quam experiētiæ repugnet, quis est, qui non videt? Sequeretur etiā sub vno solo Meridiano, eo videlicet, qui per ipsorum Montium dorsum excurrit perpetuam esse ἀκλίσιαν, alicubi etiam acum Orientis, aut Occidentis puncta respecturam, quæ omnia hucusque manifestæ experiētiæ reclamant: accedit, quod hucusque in toto terrarum orbe nihil ferè sit, frequentibus nauigationibus non lustratum, de Montibus tamen huiusmodi nihil vnquam sit, vel fama perceptum. Quod verò quidam proferant de rupe illa Magnetica suppolari 33. leucarum, de 4. Euripis, & Oceano, qui infra rupem voragine quadam immensa absorbeatur, per Monachū quendam Oxoniensem dæmonis ope illuc trāsportatum obseruata, delineataque, nescio quid fabulosum, & commentitium oleat; dato tamen non concessō, Magneticam huiusmodi rupem polo subesse, quī tamen effectum hunc in adeò remotis partibus, atque adeò orbe toto æquè producere possit, concipi nulla ratione potest; cum vis alicuius Montis Magnetici 33. leucarum in circuitu, ad calculum reuocata, iuxta ea quæ Theor. 22. prioris libri dicta sunt; vix ad duas leucas orbem virtutis suæ extendere possit, vt & fusiùs in tertio Libro demonstrabitur; imò id abundè in Magneticis Illuæ, Sardinia, Maris rubri, caspijs, similiumq. locorum Magnete refertorū cautibus demonstratur, quales etiam si vi tractiua pollent nullā tamen singularem violentiam verforijs nauticis inferre solent; A Montibus igitur Magneticis effectus declinationis prouenire non potest. Qui denique declinationis causam statueriat punctum in cælo, ijsdem præcedentibus argumentis conuinci possunt; vel enim punctum huiusmodi est, in polo ipso, vel circa polum; non prius; sequeretur enim perpetua illa in toto orbe ορθοβορεόκλισις, seu ἀκλίσια in præcedentibus repro-
bata:

bata: non posterius, quia vel istud punctum esset mobile, vel immobile, non hoc; quia præter punctum polare, nullum aliud in mobili cælo immobile concedi potest; (nisi id in cælo Em-pyreo statuas, de quo tamen nihil nobis naturaliter constat:) non illud, quia sequeretur in singulas horas necessariò nouas vbique variationes, ad istiusmodi puncti motum, motumque perpetuū resultare, quod hætenus inauditum est; à cælo igitur variatio nulla ratione desumi potest.

Q V A E S T I O I I.

Vtrum declinatio proueniat ex incongrua ad magnetem affriccione, & cur diuersa versoria, ad eundem magnetem affricta subindè variant?

A Plurimis Mathematicis hac obseruationis institutæ occasione, quemadmodum ex literis eorum patet, notatum est; diuersa versoria, diuersis magnetis punctis affricta, diuersimodè declinare, quæ res cum eos nō parum perplexos reddiderit, mirum non est, insolentiam effectus, insolentes in quorundam animis opiniones peperisse. Atque alij quidem existimant, quod sicut in magnete duo poli sunt, polis cælestibus respondētes; ita quoque reliqua sphæræ magneticæ puncta, certis punctis cælestibus respondere, adeò vt versorium ad 85. latitudinis magneticæ gradum affrictum versoriū 5. gr. deuiare faciat: ad 80. gradū, 10. gradus, & sic de cæteris vsque ad Aequinoctialem, vbi dicunt, acus respiciet punctum ortiuū & occiduum; insignis sanè in Philosophia Magnetica hæresis; quam in Paradoxis Libro primo refellimus. Nonnulli putant; quod versorium in diuersis punctis magnetis attactum, etsi variet diuersimodè, non tamen vltra 10. gradus, quod Experimentum falsum esse pinax declinationum satis superque demonstrat. Quidā in differētem bonitatē ferri coniiciunt causā; Verum quid nos de hoc sētiamus, iam tēpus est, vt aperiāmus. Suppono itaque primò, Magneticam Sphæram, siue Terrel-

Terrellâ Aequa-
tor diuidit in Bo-
ream, & Austri-
nam partem.

Experimentum.

lam homogeneam circulo suo Aequatore in duo hæmisphæ-
ria Australe nimirum, & Boreale ita distingui, vt versoria ad
omnia puncta hæmisphærij Australis in Austrum; Borea verò
in Boream iuxta Ther. 24. Consect. 2. vim siue qualitatem il-
lam *ἡμωφον*, quocunque lapidis parte affrictū fuerit, acquirāt.
Suppono secundò, Magnetes impuros, & corruptos non tam
perfectam & constantem verticitatē inducere versorijs, quàm
purus, & homogeneus magnes inducit; deindè ferramenta,
differentis bonitatis, ponderis, & figuræ differentis quoque
declinationis causas esse posse; quibus suppositis. Dico primò,
Si magnes fuerit homogeneæ bonitatis, & versoria qualitate,
& quantitate paria, nunquam ea in declinatione variatura, cum
enim per suppositionem primā, vbique biformem qualitatem
magneti affricta acquirant, eaque ponantur esse eiusdem bo-
nitatis, non est ratio, cur in hac parte potius, quam in altera
parte varient; ergo eandem declinationem (nisi aliundè aliquo
magnetico diuertente impediuntur) seruabunt. Ideò industrij
Artifices versoria ex differenti Chalybe nunquam, sed eodem
eidem lapidi affricta, vt constantius declinationem assignent,
conficiunt. Alij scribunt, plures acus eidem lapidis loco, vel
diuerso affrictas variasse singulas; cuius rei causam assignamus,
vel diuersam ferri bonitatem, aut pōderis figurarumq. diuersi-
tatem; minimè verò, diuersa magnetis extra polos puncta, vt
aliqui opinati sunt. Dico secundò, Si versoria fuerint ex ferro
differentis bonitatis, aut etiam diuersi ponderis, vel etiam ad
impuri magnetis puncta fuerint affricta, futurum, vt diuersam
vt plurimū variationem sortiantur; experimento rem com-
peries hac ratione; Accipiantur duę acus ex Chalybe optimo
vna; è ferro altera, quibus ad magneti polos affrictis, disposi-
tisque, Chalybeam multò ferreā perfectius, & constantius di-
rigi luculenter patebit; cum enim ferrum vim magnetis non
adeò perfectè ob impurarum partium miscellā imbibat, Cha-
lybe quoque consequenter tardius; & magis instabile in-
disponendo se præbebit; & maximè, si ferrum parti lapidis
debiliori, aut etiam impuriori affrictum fuerit. Vndè & ver-
soria bona, ex optimo Chalybe, eoque purgatissimo confecta,
& ad optimè notè magnetem affricta sint oportet, & quantum
feri

fieri potest in polo ipso; ita tamen, ut tantum punctotenus se tangant. Dico tertio, Multum ad inconstantem acuum variationem facere eminentias quasdam verseriorum, quales sunt alæ sagittæ, crucis brachia, & hypomochlij pilea quadrata, & angulosa figura; quod nunquam credidissem, nisi ipsa experientia me huiusmodi latentes fallacias docuisset; quam ut tu Lector quoque comperias, ita age; accipe duo versoria bonitate paria, quorum vnum in sagittæ formam adaptatum, alterum simplicis subulæ formam referat, idest Chalybeum filum, omnis eminentis protuberationis expers; affricentur hæc vni lapidis polo, videbisque ea notabiliter variare; & tantò quidem plus, quantò extantiæ longius eminuerint; cuius effectus causa dependet à Consectar. 3. Theor. 26. prioris libri. Si enim versoria duo in formam crucis adaptaueris neutrū rectà polum respiciet, sed pro virtutis proportionem & excessu alterutrū nunc magis, nunc minus declinabit, ita ut si virtute

Experimentum.



æqualia, à polo quoque æqualiter sint recessura; In Exemplo res melius elucescet. Sint versoria æqualia AC BD in crucem adaptata, capitibus suis BC eidem polo affricta, dico directæ versoria nec parte sua B, nec parte sua C recta se dispositura in polum magnetis; sed æquali spacio à polo recessura. Cum enim in utroque brachio æqua sit vir-

tutis potestas, non est ratio, cur vnum potius, quam alterum in polum se disponat: neutrū igitur præcisè se disponet; sed partito ex æquo amico pabulo, ita sese constituent, ut vtrunque æqualiter id participet, quod fit, si à radio, seu polari linea æqualiter distent; ergo neutra pars in polum verget, sed æquo spacio ab eo se remouebit. In æqualibus igitur extantijs, æqualiter à polo remouebitur versoriū, id est 45. grad. Si verò brachium v.g. AC aliquantulum breuius fuerit, declinatio longioris DB à polo se habebit ad declinationem AC breuiorem,

vt

vt extantia AC ad longitudinem DB; quantò igitur illa minor fuerit, tantò hæc minus quoque declinabit, & sic consequenter de alijs. Hac eadem de causa crux versorij, aut malleolus, aut angularis figura pileoli, cum in ijs extremitatibus veluti diueticulis quibusdam vis toti debita dispergatur, sæpè haud exiguae perturbationis causa esse potest, præsertim cum contactus ad magnetem affricu factus, non præcisè extremum, cuspidis; sed nonnihil lateraliter contigit, quod non ego solum, sed & alij mecum se experimento cõperisse scribunt. His igitur ita ritè consideratis, si magneti bono versoria ex optimo Chalybe affricta, nihilominus varient diuersa ratione, illius diuersionis nullam aliam causam esse scias, quam magneticum aliquod corpus, quod a situ ea diuertat. Atque hæc sunt causæ quæ per accidens ob vitia externa, & impedimenta magnetem declinare faciunt; quæ antequam experimentum veræ declinationis sumas omni studio vitanda sunt; nihil igitur restat, nisi vt ad inquisitionem veræ causæ nos accingamus.

Q V A E S T I O I I I.

Vtrum declinatio causetur ab eminentijs terrestribus, & quæ tandem vera sit variationis causa, deciditur.

Difficultatem habet hæc quæstio haud exigua, nec videmus quomodo illa sine experimentis præuijs solui possit, vt vel ob hanc solam, generalem obseruationem instituendam operæ precium duxerimus, & qua quidem successu haud penitendo peracta tandem didicimus, sententiam, Gilberti, & Cabæi non ita solidam esse, quam quis existimare forsan posset. Dum totum huius declinationis effectum conferunt in robustiores, & eminentiores Continentis magneticas partes; hoc enim manifestis experientijs repugnare ex sequentibus patebit. Verùm vt huiusmodi Gilbertina opinio solidius refutetur, eam hic proprijs eius verbis prius proponen-

nendā duximus: ita enim ait lib. 4. cap. 1. *Magnus magnes, siue terrestris globus, ferrum in Septentrionem, & Austrum dirigit, ferrumq. excitum versus illos terminos expeditè se componit. Cum verò globus Telluris in superficie sua manens, sit inæqualis & varia natura deformatus, summasq. habeat & conuexas partes, nec natura, nec corpore uniformes, sed contrarias & dissimiles; sit ut vis illa tota Telluris diuertat in eius peripheria magnetica corpora versus robustiores, & eminentiores Continentis magneticas partes. Quare in superna Telluris superficie, à verò Meridiano magnetica paulatim peruertuntur, & cum globi superficies distincta sit in terrestres, & aqueas eminentias, in magnas terræ Continentes, in Oceanum & maria vastissima, vis etiam omnium magneticorum motuum à terrestri sit natura constante & magnetica, quæ in maiori Continente magis præualeat, non in aquosa fluida & incerta. Atque hæc est sententia Gilberti ex qua veluti 6. quædā Coroll. diducit, quæ omnia falsa esse ostendemus. Primò, Continentes maiores, siue ingentia terrarum spacia huius magneticæ declinationis à suo Meridiano solam causam esse. Secundò, Quod inter duas æque magnas Continentes, versorium vtrinque tractum, medium situm obtineat, rectà in polos vergens; ut in Meridiano Azorico inter Europam, & Americam sito. Tertiò, Acum versus eam partem necessariò declinare, versus quam maior continentis terræ portio est. Quartò, Sub Aequatore minores esse deuiationes, sub Borealibus parallelis maximas. Quintò, In Mediterraneis nullas plerunque, vti & in medio maris inter duas terras interiecti, variationes esse. Sexto, Regiones incognitas hac ratione inueniri posse; cum fieri vix posse videatur; ut versus eam partem, versus quam inclinat versorium, eminens terræ portio non reperiatur. Verùm hæc omnia, ut diximus sibi neutiquam cōstare, & contra manifesta experimenta esse iam videbitur, & cōsequenter causam præcipuam huius χαλυβοκλίσιως eminentiores terræ partes dici nō posse. Ac primo quidem ostendo, eminentias illas Continentium terrestres non tantum virtutis habere, ut in tam remota spacia Oceani agere possint; vel ut melius dicam, & clariùs, terrestres eminentias nullum virtutis orbem tantum habere posse, etiamsi ex perfectissimo magnete forent, ut ad medium*


Oceani

Corollaria Gilbertina omnia falsa sunt.

Vis eminentiarū terrestrium in Oceani mediū agere non potest.

Oceani pertingat istius sphaerae radius; cū Magneticum Montem, etiam si 1000. leucarum foret ferrū viā ad 10. leucas mouere posse ex Theor. 22. pateat, imò idipsū fusiū in tertio Libro simus demonstraturi. Cum igitur terrestres istiusmodi eminentiae plerumque vitatae sint, ac proinde valdè exigua vi magnetica polleant; certè omninò incredibile videtur, eas in tam remota Oceani spacia agere; tūm ob tumore terreni globi radiorum huiusmodi ab eminentijs terrestribus diffusorum directionem diuertentis, tūm quod radius magneticus, dum medius inter acū, & terrestres partes magneticas transit, alijs vicinioribus obiectis rumpi solet; accedit vix mōtem in toto vniuerso tantum esse, vt eius cacumen ad 300. leucas ob nimium terrae, & aquae tumorem sphaericū comparere possit. Præterea eminentiae istae terrestres, vel in ferrū agunt per lineā tangentem, vel per secantem, non prius, cum ea nunquam ferè paulò altiū in Oceano prouectis compareant; nec posterius, cum magnetica linea eminentiorē secans Tellurem nunquam lateraliter, vt in Theor. 9. prioris libri ostensum est, ad extra feratur; sed toti per reflexionem quandam reddita, porum ostia, vt vim suam exerat repetat. Iterum si cōtinentium terrarum eminentiae huius declinationis causa, vt Gilbertus

Acus à Meridiano nō attractiue diuertitur.



vult, esset, ergo attractiue à suo Meridiano diuertitur verforium, ergo consequens, est nullum certum Anatolismi, seu Dyfismi magnetici, siue quod idem est magnetis in ortū, aut occasū crescentis, decrescensque terminum dari, cum non sit ratio cur verforium hac ratione diuersum 1. 5. 10. 20. 30. gradibus potius, quàm 40. 50. 60. aut 90. gradibus, aut quod amplius est, etiam 180. gradibus declinet; quod hoc experimento manifestum facio. Sit maior & eminentior terrae portio NMO; sit autem

tem ABCDE statio nauticæ pyxidis ex A in E Navis motu deuectæ; ergo in A, versoriū sese axi terreni magnetici NO conformando iuxta Gilbertum, parallelum situm affectabit, recta in polos versum. In B verò polo N vicinius à B deuiando, vt amicum polum N obtineat, deuiabit; In C verò iam quadrante integro à C deflectens se pūcto N accommodabit; in D variatio quadrantem superabit: in E denique situm primo prorsus contrarium acquireret. Sed hæc omnia manifestæ experientiae repugnant, siquidem ex omnibus quæ hucusque factæ fuerunt obseruationibus, nulla, quæ 50 gradus accesserit, aut eos excefferit, sit inuenta; accedit quod inde illud absurdum sequeretur, versorium circa ingentem aliquam Insulam, circumportatum iuxta 13. Theorema, prioris libri, integros duos circulos ad magneticam illā eminentiam, descripturum, quod inauditum est. Porro quod Gilbertus in secundo Consectario inferat, acum in Azoricis Insulis nullam variationem pati, eò quod à neutra ingentiū terrarū æquè trahētiū Europa, & America, inter quas interijcitur, qualibet sibi dominium in acum prætendente vincatur, erroneum quoque esse experientia docet, siquidem hinc necessariò sequeretur *δυσσμός καὶ αναπολισμός* iste *ἐλαττόμενος καὶ ἀυξανόμενος* Steuini, quem in suis libris tantoperè refutat. Nequaquam igitur huius in Azoribus *ἀκλισίας* causa est acus à terrenis æquidistàtia; cum ex Tabula hac præsentī luculenter appareat, in ijsdem circūfusalum Insularū spacijs, variam omninò nunc 1.2.3.4.5.8.gr. declinationē inueniri, vbi iuxta Gilbertū vniformis semper statui deberet, videlicet nullius grad. declinatio: in Insula verò Cuba, quæ Americæ adiacet, vbi maxima declinatio esse deberet, vix vnus gradus declinatio reperiatur. Vnde ex hoc erroneum quoque tertium illud Gilberti Consectarium esse luculenter patet. Nam versorium non semper versus eam partem declinat, versus quam maior continētis terræ portio est, quin imò multis in locis Orientem petit, vbi Occidentem petere deberet, & è contra, vt pinax declinationum varijs in locis luculenter ostendit. Romæ enim declinat versus Orientem, Neapoli verò versus Occidentem, cum tamen ex sententia Gilberti in Orientem vergere deberet. Plura huiusmodi ipsa

tibi

tibi Tabula suppeditabit. Neque sequitur, quod quartò Gilbertus infert sub Aequatore minimas, sub polis, seu Borealibus partibus maximas declinationes esse; hoc enim falsum esse ostendunt multa loca in Tabula, quæ sub Aequatore, aut ei vicinis locis maximam, vt in Madagascar, Maldiuis, Insula Romeros, alijsque circumiacentibus Insulis, videre est, declinationem patiuntur; at in sup polaribus regionibus, veluti ad Nortcapum Finmarchiæ, vbi acus vno solummodo gradu declinat, minimam esse; neque subsistit, quod 5. Consectario in Mediterraneis nullas plerūq; variationes esse dicat, eò quod ab extremis acus tunc æquidistat; cum contrarium omninò experientia ipsa suadeat; siquidem in Mediterraneis Italiæ, Germaniæ, Galliæ, Poloniæ, Hispaniæ nullam certam declinationem seruare versorium; in vnis enim Mediterraneis plus, in alijs minus, in quibusdā nihil declinare, vti & in Oceano hæc Tabula satis monstrat; Ex quibus denique 6. Consect. omninò collabascit, tantum enim abest, vt regiones nouæ hucusque absconditæ detegi huius Magneticæ declinationis ope possint, vt potius contrarium fiat. Nam etiam si nulla eminentia terrena esset, omnesq; montes terrenique globi superficies aqua tegeretur, aio nihilominus eandem semper iisdem in locis declinationem fore, vt paulò post ostendetur. Nequaquam igitur causa declinationis Magneticæ in Terrarum eminentium Magneticum vigorem coniicienda est.

Veræ Declinationis causæ inquisitio.

VT igitur vera, & genuina huius declinationis ratio tandem assignetur, suppono primò omnē magnetis, & ferri conuersionem motionemque, & constantiam ab ipsis Magneticis corporibus, & à communi Matre Tellure procedere, quæ harum virtutum omnium, & proprietatum fons est, propagatrix & origo; Verum quomodo & qua potestate, virtuteq; id præstet, iam restat inquirendum. Sciendum itaque dupliciter hanc Magneticam variationem accidere posse, vel ratione situs *magneticæ*, qua versoria Magnetica ad terrestres magnetico vigore imbutas partes diriguntur, est autem huiusmodi situs is, quando

quando vtriusque corporis magnetici axis in horizontali plano situm obtinet Parallelum, atque iuxta hunc situm Gilbertus, Magnetica versoria sēper à terrestribus, atque rubustioribus partibus magneticis perturbari falsò opinatur: vel ratione situs ὑπερθεσίας; est autem huiusmodi situs, cum corpora magnetica ita sibi supponuntur, vt vtriusque magnetici corporis axis, in plano verticali situm obtineat, parallelum: atque hac ratione, vtrū deuiatio magnetica fiat, iam restat vt videamus. Dico itaque primò, & suppono tanquam clarè in Primo libro demonstratum, Terram vniuersam Magneticam vim obtinere, totamq; polariter compactam coagmentatamq; per ordinem ad polos conformari, atque hac ratione dirigi ad axē mundi, hanc verò compaginationem considerare debes non in fornicis modum arcuatam, sed ad axem parallelam, ita vt omnes fibras in polos porrectas ad se innicē imagineris parallelas, totamq; consequenter struem *κυλινδρικοῦς* commissam, ita enim nobis ob immensam terreni orbis molem apparent; sed de his vide Theor. I. lib. I. Dico secundò, Terram ita coagmentatam infallibiliter vim suam magneticam in omnia sibi consimilia corpora virtutis capacia transmittere agendo in ea, & imprimendo virtutem suam ijs, vt situm sibi proprium obtineant. Dico tertio. Etsi Terra secundum partes suas in polos coagmentata sit, cum tamen in exteriori sua superficie admodum aspera sit, & inæqualis, præruptisq; scopulis in immensum infra mare protensis, ac veluti in ramos quosdam vndaquaque diffusos extendatur. Vim suam non ita rectà in polos ob interrupta spacia dirigere, quin in huiusmodi ramis aliquantulum à linea polari (præsertim cum axis magneticus latitudinem satis amplam occupet, vt proindè nemo putet me Mathematicum axim hoc loco latitudinis expertem intelligere) diuagetur. Hoc itaque posito tandem infero, hanc adeò diuersam magnetis declinationem, terra, marique aliundè non prouenire, nisi à varia terrestrium partium sub terra, aut aquis vigore magnetico imbutarum, fibrarumq; magneticarū positione & situ, quibus acus dum superponitur, mirum non est, si se ad infra positi sibi magnetici corporis axim accommodando, pro varia magneticarum partium varia positione, & ipsa

Terra compacta.


Terra polariter coagmentata.

Experimentum,

ipsa variam fortiatur variationem; causam igitur quam Gilbertus in partes terrestres supra aquā eminentes conijcit, ergo in fundum maris admodū inēqualem, & in immensum protensū asperioribus partibus veluti sulcis quibusdam variè diffusis acus situi *ὑποδοσίας* respondentibus conijcio. Atque hoc ita esse, neque aliam causam præter hanc assignari posse, sequenti Experimento ostendo. Ponantur in pelvis alicuius fundo, quotquot poteris frustra magnetis omnia in polos directā,, quo facto super aquam (in cuius fundo posita sunt frustra magnetis) versorium librabis, & videbis super singulos quidam lapides acum sese polariter disponere, sed supra vnum lapidem plus, sub altero minus pro ratione situs, roboris, & bonitatis lapidis, quæ ratio ita clarè demonstrat variationis Magneticæ causam, vt vel manibus tangi posse videatur; Accedit hoc aliud Experimentū, quod ad quæuis alia Magnetica corpora infra versorium aliquod posita hæc deuiatio sequatur. Hinc Magistri Magneticæ Artis aiunt, versoria ad parietem applicata minus diuertere, quam si supra collocentur; semper enim, quæcunque versorium trahunt, præsertim virtute à Tellure cōmunicata, maiorem habent efficaciam, si supra aut infra *κατὰ τὴν ὑποδοσίαν*, vel *ὑπερδοσίαν* versorium collocetur, quam si apponatur ad latus *κατὰ τὴν μεσδοσίαν*; & quæ nulla ratione versoriū loco dimouerent, si ad latus ponerentur, dimouebunt vehementer, si supra, aut infra ponantur: cuius rei ratio est, quod hoc situ secundum totam lapidis longitudinem dirigantur, illo verò secundum polos tantum. Cur ergò versorium in hoc aut illo loco nunc 1.4.6.9.12.&c. declinet, ratio est, quod subiectę sibi in fundo maris diffusę terrestres Magnetico vigore imbutæ partes siue fibræ Magneticæ, ita ferantur. Et consequenter superpositum versoriū iuxta eas in eodē prorsus situ disponatur; non enim omnes totius Telluris partes, ita præcisè, & Mathematicè in polos dirigi, quin non ab eo aliquantulum deflectant, superius dictum est: accedit, quod minima, & vix sensibilis Magneticæ molis infra aquam protensæ à polo deuiatio, maximam in versorio adeò exiguuo deflexionem causetur: accedit, quod hoc hypothetico situ efficacius diuertere possit versorium, quam perithetico; cum enim isto in-

tra

tra sphaeram actiuitatis medium consistat, minima vis requiritur ad id diuertendum; secus si secundum peritheticum situm consideretur; quæ omnia experimentis declararem, nisi luce meridiana ea clariora cognoscerē: nō nego tamen subinde acū peritheticōs quoq; præsertim vicino versorio diuerti posse.



Siquidem multæ multis in locis χαλυβαλίστης notatur, quæ tamen alteri adscribi causæ non possunt, nisi rupibus aut montiū *τατὰ τὴν περὶ Δουρίαν* sitorum lateribus plus æquo virtutis suæ efficaciacum diuertentibus, vt mihi cōtigisse memini in portu ferreo Iliæ, alijsq; in locis; & in freto Dauis acum 50. omninò gradus declinare non ita pridem scripsit Marinus Mersennus in quadam Epistola ad me data relatione Batauorū, qui certè effectus nisi vicinis rupibus è latere eminentibus adscribi nec potest, nec debet. Ita è regione montium, seu scopulorum, maritimorum acus vicina non secus diuertetur, ac in minoris,

Gg

seu

seu ferri fodinis, à magnete in parietibus latitâte diuerſi ſolet; dixi acus vicina, quia ſi remotiori eſſe acus, aut extra ſphæram actiuitatis dictorum ſcopulorum, hoc caſu declinatio non ſcopulis lateralibus, ſed fibris magneticis infra acum poſitis aſcribenda foret; quod in vaſtiſſimo Oceano plerumque contingit; vt in Oceano Auſtrali, & Orientali. Verùm vt hic omnia ad oculum pateant, præcedentem figuram apponendâ duxi, ex qua mentis meæ conceptus faciliùs perſpicere poteris. Sit igitur aſpera, & inæqualis molis terrenæ ad polos coagmētatæ exterior ſuperficies ABCDEF, cruſtæ autem quibus cōpacta eſt KIFGH, quæ omnes quidē in polos tēdent; non tamē adeò præciſè, quin aliquantulum diuertantur; cum itaque verſorium contingit incidere in A protenſam eminentiam robuſtiorē infra aquam, dirigetur id directè in poliũ, iuxta poſitionem eius directam, cum verò inciderit in BCDEF ſequentes fibras robuſtiores, eam declinationis rationem ſequetur, quam ipſa poſitio fibrarum verſus polum habet; Atque ſic de cæteris ratiocinandum erit.

Conſectarium I.

Hinc patet cur circa Inſulas, aut Promontoria, adeò inconstans ſit acus magneticæ variatio, cum enim Inſula nihil aliud ſit, quam ingens quædam terrenæ Molis protuberatio extra aquam facta, ſiue mons quidam varijs plicis, & fibris, diuerſas declinationes leges ſeruantibus reliquis Telluris partibus coagmentatus, mirũ non eſt ſi ſupra adeò variam huiusmodi fibrarum poſitionem & ſitum, varium quoque ſitum ſupra poſitum verſorium ſortiatur: atque hoc loco notandum, cum dico variam fibras huiusmodi magneticas poſitionem ſortiri, non intelligendum eſſe, quaſi variè à polo declinarent, inſitamq; ſibi à natura polarem directionem mutarent, eſt enim huiusmodi declinatio ad totum collata penè inſenſibilis. Sed totam variationem cum reſpectu ad verſorium intelligendum eſſe, cum vt paulò ante dictum eſt, minima rupis, ſeu molis magneticæ à polari linea deflexio, maximam in verſorio mutationem cauſetur, præſertim ſi rupes infra mare ſint

sint præruptæ non continuatæ: ita enim non axe tantum, sed & polis diuertere possunt magnetem.

Confectarium II.

ATque ex hoc præcedente Confectario clarè patet ratio, cur versus magna terrarum continentium spacia acus plerunque diuertatur; quæ omnia ex fibris terrarum magneticis longo spacio è terrestribus Molibus infra mare protensis, eorumque interruptione, ac positione varia manifesta fiunt; Quod si verò versus aliquas partes continuò, & regulariter crescere, aut decrescere videatur declinatio, id totum dependet; à fundo maris versorio, seu acui subiecto, fibris suis ita proportionaliter disposito. Vnde frustra, quis constātem legem declinationis inquirat, cum totius declinationis huius ratio à terreni corporis coagmentatione dependeat. Hinc ratio quoque patet, cur in Insula Flores acus non declinet, 100. autem leucis versus Boream, etsi sub eodem Meridiano, 8. gradibus declinet; hic enim fibram paululum declinantem, ibi rectà in polum protensam nacta est.

Confectarium III.

ATque ex his denique destruitur illa de prodigiosis istis magneticorū mōtium molibus, de virtute influxiua poli aut Vrsæ, de polis Magneticis; de eminentijs terrestribus *mediis* acum diuertentibus, de nouis regionibus denique huius declinationis ope inueniendis sentētia; cum hæc nostra ratio omnes omninò circa Magneticam deuiationem occurrentes difficultates perfectè soluat; Quod verò hoc loco aliqui dicere possint. Eminentias terrestres extra aquam robustiores esse, eminentijs terrestribus intra aquam, tantum abest, vt verum sit, vt potius totum contrarium reperiatur. Nam eminentias terrestres, eò quod perpetuò varijs accidentibus aëris, Solis radijs, pruina, pluuia expositæ sint, minimo vigore magnetico imbutas esse cōstat, cum tota virtus magnetica ijs infusa dictis incommodis, hebetetur, radijsque Solis veluti ex-

sugatur, siquidem nihil magnetico corpori, vt magneticæ periti norunt, adeò infensum est, quam intensus calor, aërisque circumfusi varia mutatio; vt in Theorem. 14. prioris libri diximus; terrestres verò eminentiæ sub aquis ab humore nullum omninò incommodum accipiunt, quin imò cum terra tota, coagmentata veluti in minera naturali melius conseruantur, atque ab ambientis aëris, Solisque iniurijs veluti defenduntur; communioneq; vigoris magnetici à tota Tellure factæ perpetuò, & incessanter roborantur. Atque hinc patet ratio, cur inter Insulas aut montes terreis, aut magneticis venis scatentes, acus in exteriori superficie vix à situ distrahatur, mox tamen vbi in fodinam descenderis interiorē, acus variè pro fibrarum situ, & positione distrahatur; quæ omnia ego proprio experimento, tum in ferrifodinis Germaniæ, tum Illux Insulæ, dum in eam tēpestate Maris 1634. coniectus essem, comperi. Est enim Minera proprius Magnetis locus, in quo veluti in Regno suo vires suas potissimum monstrat; In exterioribus verò partibus, diuitijs suis spoliatus, veluti egenam & inopem vitam degit; Qui hæc melius perpenderit, faciliè omnes obiectiones, quæ contra declinationem fieri possent, nullo penè negotio dissoluere poterit. Atque hæc sunt, quæ de magneticæ declinationis causa dicenda putantur. Nihil igitur modo restat, nisi vt vnā ad hūc difficultatem, quæ recens circa variationem magnetis introducta fuit à Mathematicis Anglis, examinemus; causasq; quantum fieri poterit singulorum reddamus.

C A P V T VI.

De Variatione Variationis Magneticæ.

Q V A E S T I O II.

*Virum Magnetis declinatio certo loco perennis sit,
an cum tempore mutetur, siue quod idem est,
an detur variatio variationis magneticæ?*



Nihil verius communi illo Græcorum *μᾶλλον ἀνιστάται* τῶν ὁ χρόνος καταλείπει; quod cum in alijs omnibus di-

disciplinis, tum potissimum in Magnetica obseruari videmus. Constanter enim & indubitatè hucusque ab omnibus creditū est; Magnetis declinationem cum loco perennem; sed contrarium non ita pridem Angli Mathematici deprehēdisse feruntur, & magnetem non semper eandem seruare declinandi rationem, sed cum tempore illam, & quidem cum aliquo eoque proportionali decremento mutare; Cuius rei causis inquirendis miram animorum perplexitatem esse intelligo. Ita mihi Ioannes Grauius Anglus significauit. Ita Marinus Mersennus in quadā Epistola vbi hisce verbis rem describit. *Gaudeo vehementer, mi Pater, te nondum postremam manū operi magnetico adhibuisse, cuius titulo plurimum me recreasti; enimuero iam ad te quadam admodum stupenda scripturus sum, quorum si vel probabiles rationes afferas, viros magneticos tibi solidè obstrinxeris. Non ignoras hætenus creditum, acus magneticas eandem penitus declinationem in eodem loco semper obseruare, quod tamen falsum demonstrarunt eruditissimi Geometrae, qui tres sibi in Anglia successere, nempe Burrusius, Gonterus, Gillebrandus, quorum primus anno 1580. Lymboussij propè Londinum deprehendit acus declinationem grad. 11. 15. min. Secundus anno 1622. variationem comperit 6. grad. 13. min. dumtaxat. Tertius anno 1634. eam reperit esse 4. gr. 6. min.; idque semper in eodem loco, qui organis, & machinis adeò exactis vsi sunt, ut nihil penitus suspicari possimus, quod vel unico minuto aberrarint, quadrante sexpedali vsi sunt, duæq; postremae obseruationes cum eadem acu factæ, sed & cum alijs diuersis, & ingenti etiam Regis Serenissimi Horologio compararunt lineam Meridianam alijs Machinis accuratissimè notatā. Huius eiusdem phænomeni mentionem facit in quadam alia Epistola Turonibus ad me data Philosophiæ Magneticæ peritissimus P. Iacobus Grandamicus his verbis. In communicatione Epistolæ R. V. cum Domino Perito insigni Mathematico huius Regni, comperi missas esse Parisijs ad R. V. obseruationes quasdam Domini Gillebrandi Professoris Mathematici in Anglia, quibus cōtendit ab Anno 1580. vsque ad annum 1634. imminutam esse declinationem acus Magneticæ gradibus 7. & 30. ferè minutis, quippè quæ esset anno illo priori propè Londinum grad. 11. & 30. m. posteriori verò grad. dumtaxat 4, & duorum minutorum cuius*

Noua Obseruationes circa declinationē Magneticus.

obseruationib⁹ iudiciū à R.V. exspecto. Has obseruationes verò ex litteris Io. Petiti ad D. Harts scriptis excerptas, P. Petrus Bourdinus Parisinus Soc. nostræ Mathematicus Romā mihi trāsmisit, quas hic adiungendas duxi: in D. Gillebrandi discursu particularia hæc de acu Magnetica experimenta potissimum notanda sunt; quod scilicet acus in vno, & eodem loco declinabit à verò puncto Septentrionali versus Orientem.

	G.	M.	S.	Anno	Mense
Lymhousij propè	11	16	0	1580	Octob. 16
Londinum in Anglia	5	56	30	1622	Iunij. 13
declin. acus Magnet.	4	3	30	1634	Iunij. 12

Atque hæc sunt experimenta Londini in Anglia primū facta, quæ certè vt in huiusmodi nouis rebus fieri solet magnū philosophandi campum multis aperuere; vnde posito experimentum verum esse, & omnis falsitatis expers, sic cum obseruatoribus ratiocinari possemus. Cum variatio nihil aliud sit, quam distantia horizontalis inter Meridianum verum, & Magneticum intercepta, certè distantia duorum terminorum mutari minimè potest, nisi remoto minimū vno ex terminis, qui sunt duo Meridiani Magneticus, & verus. Ergò cur eadem distantia non inaneat, alterutrum terminum mutari, siue alterutrum Meridianum moueri necesse est. Ac primò quidem distantia minui non potest, nisi per motum terminorū sibi appropinquantium, si videlicet vno termino quiescente alter moueatur, fitque hisce quinque modis.

1 Vel enim verò Meridiano quiescente Magneticus ad ipsum tendit versus occasum.

2 Vel verus Meridianus tendit ad quiescente Magneticum versus ortum.


3 Vel verus mouetur versus ortum, dum Magneticus mouetur versus occasum.

4 Vel vterque mouetur ad occasum, celerius tamen Meridianus Magneticus.

5 Vel vterque tendit ad ortum, celerius tamen Meridianus verus.

Quænam verò ex his quinque sit causa, hac arte explorabis,
Fiat

Fiat in plano aliquo amplo perpetuo immobili horizonti parallelo circulus ABXV, in quo post inuentam lineam Meridianam XV, inueniatur Meridianus Magneticus MN; linea verò



Euro-zephiræa sit AB, sit autē XV, arcus quo à Meridiano vero Magneticus distet p dato tēpore quæsitus. Si itaque post complures annos hoc in eodē circulo, plano prorsus immoto permanente, linea Meridiana vnā cū Magnetico Meridiano denuò inuestigetur, fiet vt si vterq;

Meridianus vtrique congruat, certò iudicandum sit, nullam prorsus mutationem in terminis factam esse. Si verò deprehenderis Meridianum verum XV, cum nouo incidere, Magneticum autem ad ipsum à linea Magnetica NM, aliquantulum deflexisse versus X, prima ex quinque causis indicabitur. Si verò Meridiano Magnetico immoto, verum aliquantulum loco cessisse deprehenderis, secunda causa patebit. Si item ambos Meridianos sibi occurrentes in aliquo spacio inueneris, tertia causa; si verò inæquali spacio isto tēpore versus ort. occasumue celerius motus, aut verus, aut Magneticus Meridianus fuerit 4. & 5. causa assignanda est. Hac igitur ratione inuenire poteris quānam dictæ mutationis sit causa. Vtrum autem immutatio fiat in ipso globo terreno, vtrum in cēlesti globo hucusque nos latet; quidam putant hanc declinationem fieri ex mobilitate terræ axem torquentis: Alij Copernicum secuti asserunt, quod sicut Aequinoctiorum cum tempore in antecedentia nifus, vti altitudinem poli, lineas Meridianas, & totius denique cæli situm mutat; ita & mutationem quoque in versorio causare Magnetico. Scaliger inter alias nullam aliam huius declinationis causam statuit, quā poli Aequinoctialis à polo mūdi cum tempore discessum, hocq; vt probet, reiectis communibus Astronomiæ legibus alias astruit non parum periculosas, ait enim Hipparchum primum omnium rem iocularem, & ridicu-

Modus & ratio
obseruandi hu-
iusmodi varia-
tionem.

Quānam varia-
tionis huius
causa.

Scaliger.

Sententia Scaligeri de motu octauæ Sphæræ.

lam excogitasse, motum, inquam, octauæ Sphæræ in Occidentem, & Stellas in Occidentem promoueri eodem situ, ordine, interuallis seruatis, ac persuasisse Ptolomeo. Ptolomeum ita id confirmasse, vt posteritati de eo dubitare religio fuerit; primum omnium alterum vindicem Nic. Copernicum Hipparchæ Epichirematis futilitatem odoratum, non octauam Sphæram in Occidentem, sed Aequinoctialia puncta εἰς τὰ προηγμένα procedere animaduertisse, idq; vocare προήγον ἰσημερινόν. Hæc præclaram animaduersionem publicatam nulla demonstratione eorum, quæ ex illa pendere necesse est, illustrasse; sed rem nudam tantum proposuisse. Posteriores verò animaduertisse, Stellas, vt voluerunt Hipparchus, & Ptolomeus εἰς τὰ ὑπόμυνα, & Stellam polarem, quam κυρόσθραν à temporibus Eudoxi eodem interuallo à polo mundi propius abfuisse, vt hodie, eiusq; rei varia exempla adducit. Basiliscū enim lucidissimam primæ magnitudinis in pectore Leonis, quam Hipparchus obseruauit distare à puncto Solstitiali partibus 29.30.min. eā hodie distare partibus 54.59.min. ergò ab obseruatione, & epocha Hipparchi punctum Solstitiale recessit in antecedentia partibus 24.47. interuallū verò ab obseruatione Hipparchi ad hunc annum CHRISTI 1599. quo de his scribebat Scaliger, est annorū 1765. annis nimirum 125. ante epocham CHRISTI vulgarem. Quo interuallo constat in 70. propemodum annis puncta Tropica, & Aequinoctialia promoueri in antecedentia gradu vno; quæ sunt quasi luxationes ab epocha prisca, quæ ab Hipparcho dicuntur μεταπτώσεως, & tamen negat, cum ait nō puncta Aequinoctialia à Stellis recedere in anteriora, sed Stellas à punctis Aequinoctialibus in sequentia, & quemadmodum puncta Aequinoctialia, & Tropica anteuertunt pristinas sedes in 70. annis gradu vno in Zodiaco, ita etiā in 132. plus minus Aequinoctia anteuertunt vnum diem in contextu dierum Iulianorū; v.g. Hipparchus obseruauit Aequinoctium Vernum cōfici post meridiem diei 23. Mart. stylo Iul. Alexandriæ. Hodie constat Aequinoctium Vernum committi post Meridiem diebus 10. tredecim ergo dierum præcessio Aequinoctiorum facta est annis 1765. in diebus Iulianis, & grad. 24.48.min. in longitudine eclipticæ. Atque ex his, & similibus discursibus deducunt primo

mò polum mundi alium esse à polo Aequinoctialis . Secundò circulos Arcticos hætenus nūquam parallelos fuisse Tropicis & Aequinoctiali . Tertiò non semper ab iisdem partibus horizontis Aequinoctia fieri, & declinationē Solis minui. Quartò differentiam Aequinoctialis, quò vetustior est, eò maiorem; itē eò maiorem esse, quò maior poli est observatio . Quintò lineas Meridianas in plano designatas progressu temporis situm mutare, & consequenter Horologia Solaria, item organa Sciatrica procedente tempore variare, eòq; magis, quò vetustiora; Quod ita ostendere conantur, si mouentur puncta, circulus autem Aequinoctialis ad illa puncta describitur; ergò circulus Aequinoctialis mobilis est, quod vero verius, si circulus Aequinoctialis mobilis, & polus quoque eius mobilis est; Itaque polus circuli Aequinoctialis erit alius à polo mūdi: polus enim mundi *ἀκίνητος* iste *κίνητος*; præterea omnes Meridiani trāseunt per polos Aequinoctialis, & in superficiebus lapidum linea Meridiana, quæ ad collocanda Horologia Solaria designatur, ea intelligitur per polos Aequinoctialis transire, quod & omnes fatentur, & verum est; sed quia poli Aequinoctialis circuli sunt mobiles, & lineæ quoque Meridianæ quæ per illos transeunt sunt mobiles; ac propterea necesse est, vt post aliquos annos linearum Meridianarum vsus nullus futurus sit ad designandas horas; & iterum capienda erit alia linea Meridiana, & reformandus situs Horologii, nō Horologium ipsum. Cum enim linea Meridiana, cui supposita sunt, incipiat trepidare, & ipsa quoque variare incipient, vmbra eorum lineis non conueniente; cū item lineæ Meridianæ mutantur, atque eò maior sit differentia Aequinoctialis quò vetustior, ergò & lineæ Meridianæ hodiernæ à prioribus Meridianis eò notabilius discrepabunt, quò priores lineæ vetustiores erunt. Certè prioris exemplum habemus apud Plinium de Obelisco Augusti; qui ad deprehendendas Solis vmbras dierumq; ac noctium magnitudines à Diuo Augusto Manlij Mathematici opera erectus, post 30. ferè annos non ampliùs cum Tropicis congruit, non vitij obelisci subsidētis, siquidem disertè narrat Plinius nullam labem, aut vacillationē cōtigisse eò, quod substratio fundamentorum ad obelisci ipsius altitudinem iacta fuisset; cuius quidam

Effectus variationis variationis Magneticæ.

Obeliscus in circo maximo post annos 30. Tropicos non recte monstrabat.

dam mutationis causam hanc dant, quod linea Meridiana ad quam moles directa fuerat, iam à prisca epocha descuerat; cū à medio tempore Imperij Augusti, ad id tēpus, quo hæc scribebat Plinius, fuerint anni plūs minūs 100. deductis 30. antiquos vmbra adhuc conueniebat lineis, 70 anni fuerint, intra quos hæc mutatio contigerit, vel potius à quibus 70 annis ea mutatio sēsu & oculis percipi potuerit: Nam in 70 annis anticipatio localis manifestò deprehenditur vnus gradus in ecliptica. Hinc quoque deducit iterum Scaliger cuspidem Gnomonicam, siue Versorium Magneticum nunquam polum mūdi spectare, nisi in vno tantum Meridi: no, cum enim polus mundi discrepet ab Aequinoctij polo ex infinitis Meridianis per polos Aequinoctialis trāseuntibus, vnus tantum per polos mundi transibit, hoc est Meridianus ille solus per vtrūque polum transit, cum quo polus Aequinoctialis culminat. Nam culminationes, siue *μυσερανής* sunt, quæ in circulo per polos mūdi transeunte fiunt. [Itaq; magnū inquit nature arcanū istud est; quod & in cuspe magnetis affricta experimur; quæ nunc in Orientem, nunc in Occidentem declinat plūs, aut minūs à polo mundi donec perueniat ad Meridianum, qui transit per Insulam Corui cognomine, qui est Fortunatarum Meridianus, omniū Meridianorū initiū. Sed de causis declinationis cuspidis nauticæ, & Horologiorū amplius deliberandū. Nam hæc ut à solis summis artificibus disquirendæ, ita ab illis solis inueniri possunt. Hoc vnum asseuerare possumus causas illas ab vnica hac doctrina pendere, quod scilicet polus mundi alius sit à polo Aequinoctiali, & Aequator alius ab Aequinoctiali.] In quo discursu Scaliger exiguam peritiam Magneticæ scientiæ demonstrat, dum supponit acum nauticā in sola Insula Corui cum Meridiano concordare, non alibi. Secundò Magnetem immediatè spectare polum mundi, aut viciniores partes, quæ omnia in præcedentibus falsa & experientiæ contraria repudiavimus. Atque ex hoc longo discursu quoque patet plerisque opinari Meridianos terrestres aliquā respectu polorū mundi habere mutationem, idq; ex variatione variationis in Anglia notata. Quidquid sit nolim ego modò tangere hoc vlcus Scaligero-Ptolomaicū, hanc difficilem sc: materiam de mutatione

Scaliger.

Observata.
variatio varia-
tionis non est à
mutatione po-
lorum mundi.

tionem polorum Aequinoctialium, quam contra Ptolomeum mouet Scaliger; sufficiat igitur ostendere hanc variationem variationis esse non posse à dicta mutatione, quam Scaliger intendit, sed ab alijs causis, si quidem experimentum sibi constet, prouenire.

DISQVISITIO

Causæ variationis variationis Magneticæ.

Suppono itaque, si mutatio aliqua fieret in polis cælestibus eandem mutationem toti terreno globo fore sensibilem, ita ut si polus mundi diuina quadam dispensatione recederet à polo terreno aliquot gradibus v. g. in ortum, aut occasum, omnia terrestres mundi climata stationem suam mutatura totidem gradibus, siue mutatio, seu remotio polorum fuerit irregularis, siue regularis, vel hanc, aut illam periodum conficiat, atque adeò omnia proportionaliter illi in terrenam mutationem responsura. Hoc supposito dico, si variatio Magnetis dependeat à motu polorum Aequinoctialium, ergò, vel motus ille planè erit regularis, & periodicus, vel non: si prius, ergo omnes omninò variationes Magneticæ in toto orbe terrarum ad polorum motum regularem se conformabunt, & ab eo tanquam à causa dependebunt: si verò fuerit irregularis omnes consequenter acus in toto orbe huius anomalix leges seruabunt. Verùm cum nihil vnquam auditum sit simile, nec observationes Londini, aut Auenione, siue alijs locis factæ vllâ, aut inter se, aut cum motu cæli connexionem habeant, ut eas inter se cõferèti patebit: certè ab huiusmodi mutatione cælesti huiusmodi variatio Magnetica nulla ratione, rectè sumi potest. Quod verò Scaliger, eò quod poli Aequinoctialis à polo mundi *eis τὰ πηγνύμενα* 70. annis recedât 1. gr. dictâ variationem inferre velit falsum omninò est, & contra omnium astronomorum sententiam, imò contra ipsam experientiam Magneticam, quam fusius hic refutare possem si tempus permitteret. Cum declinationem Londini obseruatâ spacio 54. annorum non vno gradu, sed 7. inregris gradibus defecisse compertum sit

quot

Mutatis polis
terrestribus,
poli terrestres
quoque mu-
tantur.

Variatio varia-
tionis Magne-
ticæ non est à
Cælo.

Variatio varia-
nis non est ab
axe Telluris
mobilis.

Copernicani
omnia noua ad
terre mobilita-
tem astruenda
assumere.

Vera causa va-
riationis varia-
tionis.

quot nimirum gradibus polus Aequinoctialis à polo mundi
ἐν τῇ περιγύμνα non 70. annis, sed 490. annorum spacio
recederet. Hoc idem argumentum, contra eos est, qui in axe
telluris mobilis hanc mutationem, & variationem deponunt.
Sequeretur enim eandem mutationem in cælo stabili nobis
comparere, quæ compareret in terra, si in cælestibus polis
mutatio fieret: sequeretur iterum ex hac volubilitate polorum
Aequinoctialium, futurum, vt aliquando acus declinet 90.
gradus imò actualiter alicubi declinet; quod nulla vnquam
experientia comprobatum est: secus iudicandum esset, si omnes
obseruationes in præcipuis orbis terræ partibus cum recessu
cæli, aut terræ consentirent, de quo nihil hætenus nobis in-
notuit. Quidam tamen hac opinione imbibita ita pertinaces
sunt, vt vix vllis rationibus ab ea se diuelli permittant. Sed
video benè quid istorum virorum ingenia torqueat; intolerabi-
lerabile ad astruendam cum Copernico terræ nobilitatem pru-
ritum ijs inesse noto, omnesque vias, & rationes, quibus eum
hominibus credulis persuadeant, indagare, quas dum non
reperiunt, mirum non est, eos vti quidlibet aliud, quod vel
aliquam saltem veri apparentiam habeat, ita, & variationem
Magneticam, experimentum cæteroquin satis lubricum, in-
certum, dubium, & vtcunque fallax ad suum institutum pro-
bandum assumptum detorsisse, & detorquere nō desistere. Vn-
dè igitur prodigiosus huius variationis effectus proueniat iam
restat inquirendum, quod antequam fiat primò videndum est,
vtrum experimentum illud Anglorum sibi certò constet, aut
si non forsan vitio deprauationis Magneticæ contigerit, quod
varijs modis contingere potuit; primò enim valdè verisimile
est hanc variationem variationis, vel ex vna causarum in se-
cunda, & tertia Quæstione indicatarum prouenisse, aut vitio
muri in quo obseruatio facta est. (Nam vt diximus lateres
quo diutiùs perstāt aliquo in loco, eò maiore magnetismū ac-
quirere;) Nam experientiā docet in muro novos lateres nō in-
citare Magnetē, sed ij, qui diutiùs aliquo modo perstiterūt, imò
calcem ipsam habere aliquid Magneticum sæpè me experien-
tia docuit, præsertim si lapides ex quibus illa fit, multū mate-
riæ ferruginæ habuerint admistum, vel etiam contingere po-
tuit

tuit error Horologij defectu, vel falsi meridiani inuentione, & similibusquē de quibus in præcedentibus passim tractauimus; Quæ omnia longa experientia doctus assuero. Nam in Romana declinatione non minus diuersam, quam in Londinensi variationem alijs, & alijs temporibus obseruatam reperio; Crescentius in sua Nautica 8. graduum declinationem se primò inuenisse asserit. P. Iosephus Blancanus aliàs 6. P. Horatius Crassus multò post 3. Quidam etiam nihil declinare se reperisse aiunt. Nos demùm quotquot modò hic Romæ obseruauimus, eam intra 2. & 3. gradum se sustentantem deprehendimus. Ita paulatim ab imperfectioribus ad perfectiores obseruationes fit processus. Pari ratione notauimus, Norimbergæ olim declinationem à Georgio Hartmanno deprehensam 16. grad. quæ modo non excedit 5. gradus. Similiter Auenione Frâciscus Antonius de Payen quem supra sæpè citauimus vnâ cum nobilissimo viro D. de S. Eligio in vna, & eadem obseruatione 4. diuersas declinationes se deprehendisse scribit, de hac inconstanti variatione quoque, Petrus Gassendus Mathematicus, & Philosophus præstantissimus Amicus meus singularis in quadam Epistola Aquis-Sextijs ad me data, scribit his verbis. *Valesius ille noster scripsit se tibi significasse eius libelli argumentum, quo fides est facta in Anglia, variationem hanc decreuisse. Conieci autem forè, ut lubens ex literis meis addisceres, si quid eius rei haberem in promptu. Cum primùm ergo admonitus obseruationis Anglicæ fui, reuocaui statim in mentem obseruatam mihi Parisijs variationem longè minorem, quàm Auctores eam præscripsissent. Memini quoq; illam Dinie, Massiliæ, & in hac ipsa Ciuitate nunquam posterioribus annis eò potuisse pertingere, quò prioribus peruenisse noram. Quare, & rem sum facillè persuasus, & parùm absuit, quin mei me pudoris suppuduerit, qui inuariatam variationem habens, meæ culpæ ad scripsissem totam obseruationum varietatem. Recommunicata cum eximio illo Iosepho Gualterio Valletæ Priore, quicum, mecùmque alias penès nostrum Peireskium, in margaritarum, es conuersatus, non est ille quidem perinde adensus, sed dignam tamen rem censuit, quæ à nobis exploraretur. Cum ipse verò vix iam à morbo diuturno conualesceret, incumbendum*
mibi

Varietas in obseruationibus diuerforum.

mibi præcipuè rei obseruanda fuit. Peregi autem tam intra
 ædeis quas ille iam inhabitat, & in quibus recens Meridiana linea
 ducta sunt, quàm intra alias, quas iunior incoluit, & in quibus
 linea ante triginta annos supra pavementum exarata adhuc con-
 spiciuntur. Ne longum verò faciam, Doreſſeus quidam tum Pro-
 fessor Philosophus, & Arclatensis postea Ecclesiastes variationem
 in hac vrbe ante annos propè 40. censuerat esse graduum nouem.
 Ipse Gualterius non longè post deprehendit Doreſſeum acu non satis
 prolixa vsum, nec lineam ipsi habitam ex intersectione eum um-
 bra perpendiculi Azimutuum referentis ad obseruatam intereà So-
 lis procùl à Meridie versantis altitudinem supra Horizontem;
 quæ est profectò methodus omnium optima semper visa. Quam-
 obrem cautiones, quas decuit, adhibuit, ac obseruauit variationem
 consistere infra gradum septimum, breuiquè peruidit ne attinge-
 re quidem sextum. Superueniens ego ab annis circiter duobus su-
 pra viginti, certus propè fui variationem non excedere quintum
 gradum. Re consequenter, & repetitis obseruationibus explorata,
 deprehendimus variationem paullo minorem gradibus quinque, de-
 finitamque gradibus quatuor, cum dodrante habuimus. Hac præ-
 occupatione ducti (neque enim fateri pudet) nihil deinceps hæsimus,
 quin variatio huiusmodi pro constanti habenda foret; unde, &
 oscitantius mentem deinceps aduertimus, & siquid incongruum
 adparuit mere negligentia attributum fuit. Sanè cum ante qua-
 tuor annos obseruarem Massilia proportionem umbræ Solstitialis
 ad Gnomonem, & Meridianis lineis ductis Pyxidem amplam,
 accuratèque elaboratam applicarem, memini sapiùs conquestum
 me, quòd variatione Magnetica tertium gradum non superante, nò
 duxissem lineas satis exquisitas. Nunc verò quid putas abs me,
 obseruatum? Nulla fuit profectò Meridiana linea, cui acus va-
 riè applicita peruenerit ad tertium gradum. Ac in aliquibus quidem
 conſtitit ad duos cum semisse; visa est etiam aliquando non perue-
 nire prorsus ad duos; verum applicita ad lineam, quam habuimus
 maximè tritam, quæque est adhuc maximè omnium ex antiquio-
 ribus conspicua, duos omninò gradus exhibuit. Adnixus est opti-
 mus senex id cognoscere etiam ipse, agrèq; demùm fidem adhibuit,
 cum tam procùl à quinto gradu resistere acum conspexit. A que
 hæc sunt tandem, quæ te scire volui, ne si cum fortè plures aliunde
 ob-

obseruationes habueris, tessera mea desideretur. De causa, nihil adhuc potui, quod satisfaciatur, comminisci; tametsi variè versauerim, & Copernicanam anticipationem, & Gilbertinam verticitatem, & Keplericos Nucleos, & Democriticos tramites, catenulasq; & alia id genus oppidò, quam multa. Expecto quid censueris ipse, qui præter insignem soleritiam perfecisti haud dubiè experientia longè plura. De quo Mathematici Panormitani quoque conqueruntur; aliq; in hac nostra obseruatione, quos omnes adducere infiniti laboris esset. Magna igitur cautela, & circumspectione, in experimentis capescendis opus est, antequam rem ita sese habere asseratur, dici enim vix potest, quam sæpè aliud quam quod intenditur, proueniat; Quòd cum in omnibus tum potissimum in Magneticis obseruationibus verum est, videmus enim excellentissimos, & longo diuturnoque usu exercitissimos. Artifices diuersitare obseruationum adeò perplexos reddi, vt sæpè quid dicant sentiantq; nesciant. Quod, & Keplerus de se ipso ingenuè fatetur, qui cum post septies obseruatam diametri solaris quantitatem, semper diuersam, nunquam eandem deprehendisset, impatientia motus de astronomiæ perfecta instauratione parum abfuerit, quin conclamatum scripserit: inest enim visuæ potètiæ, & humoribus opticis nunc ob compressionē dilatationemq; modo propter aliā, & aliā dispositionem organisiam ex infinita diuersitate mediorū in quibus aliter, & aliter species refringuntur, nescio quid deceptitium: vt proinde mirū non sit diuersas inde promanantes obseruationes ingentem errorem materiam Inducere, adeò, vt ausim affirmare, obseruationem, vt perfecta sit, & omnis erroris fallaciæque expertus, ab Angelo fieri debere; Quod dum assero nemo, me vtilissimo, & omninò necessariò obseruationum studio quiquam detractum velim, existimet; sed hoc solum me intendere demonstrare, quanta in obseruationibus faciendis cautela, circumspectione, industria quàm indefesso labore, vt ijs fidi debeat, opus sit; neque me paulò, ante propositas obseruationes à diuersis Europæ Mathematicis peractas tanquam infallibiles, & omnis erroris expertes exponere velle quisquam sibi persuadeat, sufficit enim post debitam adhibitam diligentiam qualis qualis certitudo, & perfectio, vt

ex

Quam experientia in omnibus rebus difficile.

Keplerus.

Obseruationes omnes magnis plerumq; vitij obnoxie.

ex ea, quantum humani ingenij limites permittunt, causas, & rationes rerum effectuumq; rimari possimus. Posito igitur experimentum Anglorum sibi constare, variationisq; obseruatæ diuersitatem omnis erroris falsitatisque expertem esse, iam quænam tã prodigiosi effectus causa esse possit, merito quæritur. Notandum itaque primò totum Telluris corpus, vt multis iam locis probatum est Magneticis suis fibris à polo ad polum coagmentatum, interno appetitu disponi. Secundò has fibras à toto sæpenumero separatas interruptasq; particularem dirigendi vim obtinere; id est non ita præcisè, & Mathematicè ad polarem lineam se disponere, quin non subinde secundum latitudinem aliquam ab ea declinent; quod maximè fit in fibris à toto separatis & interruptis; cuius hoc est experimentum; libretur magnes filo, aut alia ratione, vt liberè se disponat in polos. Hoc factò libra quoque versorium super magnetem, & videbis versoriũ separatim axi magnetis nulla ratione respondere, sed ab eo decussatim declinare; mox tamen vbi vtrumque lapidi coniunxeris, ad lapidis axem se conformare videbis, quod & in duobus versorijs vsu venit; ac præsertim in lapide angulari & varia natura misto; cuius rei ratio est, quod cum in eminentijs, scũ exstãtijs lapidis angularibus vis diuersa propriũ axem affectet polumq;, versorium aliquantulum diuertatur, vtpotè liberiori auræ commissum, mox tamen vbi toti coniunctum fuerit, principalis axis eius sibi subiectionem vendicet. Altera ratio dependet ab immutatione terrestriũ partium, estq; vel particularis, vel vniuersalis: potest enim contingere vt pars fibræ magneticæ, siue ingens terræ particularis portio, vt in terræ motibus vehementioribus fieri solet, à toto rescissa, situq; polari aliquantulum mutata, diuersam à priori in declinatione normam assumat. Potest iterum contingere, vt fibra magnetica, quæ prius magnetica corpora supraposita certa ratione dirigebat, humore quodam metallico, aut falsuginoso superueniente inuasa, corruptaq;, aut ignibus subterraneis destructa, omnem perdat vim magneticam; quo factò declinationem quoque variare necesse est, quam tamen, sensim recrescente vena in loco naturali, & paulatim magnes ei superpositus nouellam vim sentiẽs nouas affectet declinationes, atq;

hæc

Fibræ Magneticæ non secundum Mathematicas lineas diriguntur in polos, sed Physicas.

Experimentum.

hæc est variatio variationis magneticæ particularis; altera vniuersalis eo quo sequitur modo causari posset. Cum enim terrenus globus perpetuis vicissitudinibus ob perpetua in profundissimis terræ visceribus excitata incendia, & ex hisce consequentibus terræ motibus, aquarumq; alluuiionibus sit obnoxius; ac sæpè cōtingat, vt integræ regiones, Insulæ vastissimæ, montes, vt in historijs legimus, harum violentia alijs corporibus in eorum locum substitutis absorbeantur, fieri certè non potest, quin ex tam notabili mutatione, non mutabilis quoque variatio in directione magnetis contingat. Sicuti enim ad magnetis minimæ partis ablationem, aut additionē mutatio axis totius virtutis mutatur, ita dico in terreno corpore adeò notabilis pars terræ v. g. 300. leucarum in circuitu, cuiusmodi fuisse ferunt submersam in China Regionem, non potest non insignem aliquam variationem in axe totius globi causari, & ab huiusmodi mutatione probabile est, omnem variationem variationis, tam particularem, quam vniuersalem, vt plurimùm dependere. Certè ab insigni quodam Amico Neapolitano nō ità pridem sententiæ huic nostræ mirum in modum applaudenti accepi, declinationem Magnetis post incēdium Vesuij notabiliter ab illa, quæ erat ante incendium, diuersam, non alia de causa, nisi ob nimiam subterrestrium partium immutationem, se reperisse. Potuit igitur idem contingere in Anglia, alijsq; partibus si hæc rectè obseruarentur. Quis denique scit, vtrum forsā tam irregularis diuersitas circa altitudines poli, declinationem Solis, Aequinoctiorū anticipationem, motum accessus, & recessus octauæ Spheræ, reliquorumq; phænomenorum cælestium motus, inconstās variatio à Mathematicis diuersis temporibus obseruata, non ab immutatione aliqua, seu sensibili mutatione axis terreni globi, ob ingentes mutationes in ipsis visceribus globi factas, procedat. Idemque nobis contingat quod vertigine, & scotomia laborantibus, qui motus fumorum circulares, quos intra se habēt, falsa illusionē externis obiectis adscribunt. Certè exiguam terrestris axis mutationem, maximam in cælis mutationem causari solus ille nouit, qui optice probe nouit; nil vltra dico; docti intentionem meam facillè ex pauculis hisce cognoscent; si ergo ita res se

Mutabile experimentum.

habeat, videant iam Astronomi, qua ratione ipsi sua principia circa anomalos quosdā cēlorū motus in octaua Sphera notatos defendant: fusiū hanc materiam tractamus in nostro mundo subterraneo, vbi ē staticis principijs clarē docemus, quanta debeat esse mutatio terrestris globi, vt sensibilis fiat axis terreni globi immutatio; vbi, & hanc mutationem non tantū in hunc vsque diem fieri, sed & nullis non seculis factam esse, variē comprobamus. Atque hæc sunt, quæ de variatione variationis Magneticæ ad instantiam multorum dicenda duxi, ac sententiam quidam meam de causis eius opinionemq; hic obiter tantū ad exploranda Philosophorum iudicia proponere volui,

plura, & maiori inquisitione digna in citato paulō ante tractatu, si hæc beneuolē accepta intellexero, propositurū; Qui verō meliores rationes huius adeo rari affectus assignarit, illas easdem haud iniquo animo me acceptaturum sanctē polliceor.



LIBRI SECVNDI ARTIS MAGNETICAE

PARS SEXTA.

NAVTICA MAGNETICA.

ΠΡΟΟΙΜΙΟΝ.

QUANTE satis constat istos, qui primi maria tentare ausi fuerunt, ei se timidè commisisse, & tantum littora legere, neque è terrarum conspectu longius usquam discedere solitos, ut nocte ingruente in portum se reciperet, vel in ipso adeò littore quiescerent; quem morem etiamnum hodie maris Mediterranei accola usurpant, ut ingruente tempestate sese versus littora recipiant; cum longè satius sit tunc Navim alto mari committere ubi nulla fluctuum agitatio reciproca, quibus Naues quassantur, & dissoluuntur. Postquam verò etiam animis ad omne periculum obfirmatis, in alto mari in Navis foribus, & transitis pernoctari ceptum: tunc etiam tempora nauigationi opportuna notata, & legibus sunt definita, ut qua anni tempestate Naues subduci, & qua in mare deduci expediat, omnibus definitè constaret, & hi quidem interdiu solem secuti, Meridiei & Septentrionis plagas haud difficulter dispunxerunt; noctu autem toti à Cynosura pendebant, quòd ea proximè à polo abessent, Græci verò latiori spacio contenti Vrsam maiorem siue Helicen spectabant, iuxta id

Esse duos Arctos, quarum cynosura petatur

Sydonijs, Helicen Graia carina notet.

Quæ omnia graphicè sanè more suo descripsit ingeniosissimus Claudianus, quem vide. Verùm in ipso vastissimo Oceano, ubi sæpè aliquot mensium spacio nullæ usquam apparent terræ, cælum undiq; & undiq; pòtus, illæ veterū de cælo obseruationes nihil prosunt; cum vêtis sæuitibus mare ex imo fundo vertitur, coactog; in nubè aëre, nimbis diem ipsum inuoluentibus, & cæci in undis oberrant, fauorque undarum feruntur impetu; hic inquàm nihil prorsus proderit syderum conspectus; alio itaque ζευώγω opus est, alio ductore, qui notum nobis faciat, ubi locorum in mari moremur, quem aliè non dicimus nisi Magneticam, siue Nauticam pyxidem, huius

Hh 2 enim

enim ope, quam in plagam Nautis cursum molitur, & quò Nautis undarum vi, vel ventorum furentium fragore, & impetu concitata feratur, cognoscimus, & quamuis nullis non seculis vis trahiva ferri in Magnete cognita in admiratione fuerit, ut vel ipse Plato testatur in Dialogo cui Io nomen fectis, at vis eius ad polos conuersua ne quidem uerò in mentem cuiquam venit; quis tamen primus huius pyxidis Author, aut qua ratione construi debeat, usurparique, iam tempus est, ut aperiatur.

CAPUT I.

De Nautica pyxide, eiusque fabrica.

DE diuinæ huius pyxidis Nauticæ inuentione, ut in prima parte Primi Libri indicatum, magna inter Authores controuersia est, & quamuis nos certis rationibus persuasi, eius inuentionem ascripserimus cuidam Ioanni Goie, seu Giræ Amalphitano, non desunt tamen, qui eam antiquiorem existiment, ex quodam Poeta Gallico, quem citat Claudius Fauchetus libro cui titulus, *L'Origine de la Langue, & Poésie François* inducti: ubi inducit Poëtam quendam Gallum antiquissimum nomine Guiot de Prouines, qui primus Nauticæ pyxidis, quam Marinettam vocat, mentionem, circa annum 1200. quo hunc librum scripsit, facit. verba ipsius Claudij Faucheti proprio idiomate adducenda duxi. *Il est certain, que ce Poëte a vescu, & fait un liure depuis l'an MCLXXX. Puis qu'il parle d'une Court à Mayence quand l'Empereur Fric ses Deux enfans Cheualiers, que l'Abbè de Vesperg dit auoir esté tenue au dit an. Mais aussy ya il grande apparence qu'il l'a composé enuiron l'an 1200. l'ay appris de ce Guyot de Prouines le vray nom François de la pierre d'aimant, de laquelle vsent les Mariniers en la conduite de Nauires allans sur mer; Car apres auoir parlé du pole Arctique, il dit.*

*Icelle estoile ne se mue
Un art font, qui mentir ne puet
Par vertu de la Marinette
Vne pierre l'aide & noirette
Ou le fer volentiers se ioint.*

Apud

Apud Arabes quoque reperio anno sexcentesimo septuagesimo Hegyræ, Nautas Mecha per mare rubrum in Hendi, ita Indiam vocant, proficiscentes, Magnetico quodam instrumēto, quod Canopum semper ostendebat, se direxisse; quis tamen Author huius fuerit, aut vnde inuentionem hauserint altè scilicet. Quicquid sit multa cognita fuisse alijs gentibus antequam Europæis innotescerent, Typographia apud Sinas satis demonstrat. Certè fretum illud Magellanicæ terræ, quod vulgò fretum Iacobi de Maire, non ita pridem ab Hollandis detectum, Mexicanis cæterisq; Americanis notum fuisse oretenus à P. Didaco Babililla Procuratore Philippinarum Ins. intellexi, imò retulit se dum Mexicum transiret, ibidem mappam ante 60. annos in Belgio Typis mandatam vidisse, in qua dictum fretum de Maire perfectè delineatum spectabatur, sed sine nomine: vndè multi suspicantur dictum Iacobum de Maire aliquam, de hoc freto notitiam habuisse, atque ope huiusmodi chartæ dictum mare tandem detexisse. Sed cum de hisce sat in prima parte Primi Libri tractatum sit, nos ea arbitrio Lectoris relinquentes ad institutum nostrum prosequendum nos conuertamus; compositionem itaque & fabricam huius mirabilis instrumenti, pyxidis inquam Nauticæ, iam ordo postulat, vt auspicemur.

Arabibus cognita Pyxis.

PROBLEMA I.

De Nauticæ pyxidis compositione.

ORbem illum in quo 32. Ventorum termini, seu puncta ponuntur, Artifices in diuersis Regionibus, & Urbibus, pyxidi Nauticæ variè connectunt; cuius quidem variæ compositionis nulla alia causa est, nisi varia in diuersis mundi partibus varia Magnetis (de qua in præcedentibus fusè dictum est) deuiatio. In Europa vulgò 4. diuersæ cōpositiones reperiuntur, & formæ. Prima eorum est, qui in mari Mediterraneo, vtrò citroq; negotiantur, veluti Siculorum, Genuensium, Venetorum, & Insulanorum. In illis omnibus ferraamenta ita in characeo illo versorio, rosæ seu lilio subnectuntur. Vt vbi nulla est variatio, in vera Septentrionis & Austri puncta conuertantur.

Quadruplex
pyxidis cō-
stituta ra-
tio.

tur; Quare declinationis Magneticæ punctum exactè semper ostenditur lilio Septentrionis signo, cum in orbe mobili apex



ipse lilij vnâ cum subiunctis Magneticorum filorum finibus, in variationis puncto acquiescit. Altera verò Gedani atque in totius Balthici maris districtu, vti & in Belgicis Prouincijs, in qua ferramenta orbi suffixa à lilio in Orientem vergunt $\frac{1}{4}$ vnus Rhombi: pro Nauibus in Russiâ diuersitas est $\frac{1}{2}$. Pyxides verò quæ Hispalis, Vlyssipone, Rupellæ, Burdigalæ, Rhotomagi, & per totam Angliam conficiuntur, $\frac{1}{2}$ Rhombi habent internalium. Atque ita è varietate pyxidum varij quoque promanarunt errores. Qui enim v.g. in mari Mediterraneo Anglorum pyxide vsus fuerit, valde se abduci inueniet; ita qui Italica pyxide in Oceano vsus fuerit, in tantò maiores errores, quanto

Anglorum pyxis
in mari Medi-
testaneo euas.

Me-

Mediterraneo Oceanus maior est, incidet; Petrus Noxius, & Medina pyxidem Nauticam nulla habita variationis ratione, cum ingentium errorum periculo construunt; Pyxis autem vulgò ita constructur. In capsula lignea caua, rotunda, cuius superior pars tota vitæ clauditur, versorium super cuspidem longiorem in medio fixam imponitur; versorium ea ratione qua in Progymnasmatibus diximus, conficitur. Chartaceus orbis, cui ferramenta, seu versoria subdi debent, ex leui fit materia, superne in 32. spacia, (quæ puncta vocant) iuxta totidem ex horizontali circumferentia prouentium Ventorum Sectiones distribuitur. Pendet capsula ad planum Horizontis in æquilibrio, in annulo æreo, qui in altero etiam æquilibra-

Pyxidæ con-
structio.

tur transversim pendulus in pyxide satis ampla, appposito plumbeo pondere, unde ad planum horizontis sese accommodat, etiamsi

Navis à fluctibus variè iactata fue-

rit; Ventos autem 32, eorum-

que nomina varijs Gen-

tibus vsitata, in se-

quenti Tabu-

la contem-

plare.



*Tabula nominum Ventorum
denominatorum, & pro vi*

	<i>Grecorum</i>	<i>Latinorum</i>	<i>Isalorum</i>
<i>Oriens.</i>	1 <i>Απηνιώτης</i>	Subolanus	Leuante
	2	Ypennus	4. di Leuante Sirocco
	3 <i>Ευεγς</i>	Eurus	Leuante Si oeco
	4	Meseurus	4. di Leuante Sirocco
	5 <i>Φοινικίης</i>	Notapeliotes	Scirocco
	6	Vpophznix	4. di Scirocco Ostro
	7 <i>Νότος</i>	Phanix	Ostro Scirocco
	8 <i>Λυβόνοτος</i>	Mesophanix	4. di Ostro Scirocco
	9 <i>Λύψ</i>	Notus	Ostro
	10	Mesolibanothus	4. di Ostro Garbino
<i>Meridies.</i>	11 <i>Υφεσπεγς</i>	Libanothus	Ostro Garbino
	12	Vpolibanothus	4. di Garbino Ostro
	13 <i>Ζεφυεγς</i>	Norolybicus	Garbino, ò Libeccio
	14	Mesaficus	4. di Garbino Ponente
	15 <i>Αγρίης</i>	Africus	Ponente Garbino
	16	Hypafricus	4. di Ponēte Garbino
	17 <i>Ολύμπας</i>	Zephyrus	Ponente
	18	Mefocorus	4. di Ponente Maefiro
	19 <i>Θεσκίας</i>	Corus	Ponente Maefiro
	20	Hypocorus	4. di Maefiro Ponēte
<i>Occidens.</i>	21 <i>Απαρκίας</i>	Borolybicus	Maefiro
	22	Hypocircius	4. di Maefiro Tramont.
	23 <i>Βορς</i>	Circius	Tramōtana Maefiro
	24	Mefocircius	4. di Tramont. Maefiro
	25 <i>Βορτας</i>	Septentrio	Tramontana
	26	Hypaquilo	4. di Tramont. Greco
	27 <i>Μέσις</i>	Aquilo	Tramontana Greco
	28	Mesaquilo	4. di Greco Tramont.
	29 <i>Καικίας</i>	Borrapheliotes	Greco
	30	Hypocacias	4. di Greco Leuante
<i>Septentrio.</i>	31	Cacias	Leuante Greco
	32 <i>μεσσηκίας</i>	Mesocacias	4. di Leuante Greco

*iuxta varias Nationes
pyxidi inscribi debent.*

	<i>Germanorum</i>	<i>Hispanorum</i>	<i>Gallorum</i>
1	Ost	L'fte	Eft
2	Ost Zuid	L'fte 4. a Sueste	Eft 4. au Sudest
3	Ost Zuid Ost	Les Sueste	Eft Sud Est
4	Zuid Osten Ost	Sueste 4. Alleste	Sud Est 4. al Est
5	Zuid Ost	Sueste	Sud Est
6	Zuid Osten Zuid	Sueste 4. al Sur	Sud Est 4. au Sud
7	Zuid Zuid Ost	Surueste	Sud Sud Est
8	Zuiden Osten	Sur 4. a Sueste	Sud 4. au Sud Est
9	Zuid	Sur	Sud
10	Zuiden VVesten	Sur 4. al Sudueste	Sud 4. a au Sud Est
11	Zuid Zuid VVest	Su Su Sueste	Sud Sud Oest
12	Zuid VVesten Zuid	Sud Veste 4. al Sur	Sud o 4. a Sud
13	Zuid VVest	Sud Veste	Sud o Est
14	Zuid VVest VVest	Suduest 4. al Oeste	Sud o Est 4. Est
15	VVest Zuid VVest	Oes Sudueste	Oest Sud Est
16	VVesten Zuiden	Oes 4. al Sudueste	Oest 4. a Sud o Est
17	VVesten	Oeste	Oest
18	VVesten Norden	Oes 4. al Nord Oeste	Oest 4. au Norto Est
19	VVest Nordt VVest	Oes Nor Oeste	Oest Norto Est
20	Nord VVesten VVest	Nor Oeste 4. al Oeste	Nort Est 4. al Est
21	Nord VVest	Nor Oeste	Norto Est
22	Nord VVesten Nord	Nor Oest 4. a Nor	Norto Est 4. au Nort
23	Nord Nord VVest	Nor Noroeste	Nort Nort Oest
24	Norden VVesten	Nor 4. a Noroeste	Nort 4. au Nort Oest
25	Nord	Norte	Nort
26	Nord Oest	Nort 4. a Nord este	Nort 4. au Norten
27	Nord Nord Ost	Nor Nor d'este	Nort Nort Est
28	Nord Ost Nord	Nord 4. a Norte	Nort Est 4. au Nort
29	Nord Ost	Nord Este	Nort Est
30	Nord Ost Ost	Nord 4. Alleste	Nord Est 4. al Est
31	Nord Nord Osten	L'Es Nor d'Este	Est Nort Est
32	Osten Norden	L'Es 4. a Nordeste	Est 4. au Nort Est


*Oriens.**Meridies.**Occidens.**Septentrio.*

PRO-

PROBLEMA II.

*Alia Pyxidis præparatio.*Pyxis varia con-
struendi ratio.

SVperioribus sæculis Nauticam pyxidem in 8. tantum plagas diuiserant, quæ postquam in longissimas orbis partes expeditiones susceptæ sunt, ad tricenabinas excreuerunt. Steuinus pyxidem fuisse Principi Mauritio narrat, in 360. partes gradatim diuisam; qua accuratissime quouis iuxta gradus plagarum Nauim dirigere poterat; Fabrica eius ita fiebat. ABCD



pyxis esto, in qua inclusa orbicularis rigida, & recta papyrus in 360. gradus diuisa ponatur. Sub hac alia charta orbicularis subiiciatur, in qua acus Magnete illita fixa iaceat, ita vt distantia à Stella versatili tanta struatur, quantam istius loci vsitatus Magnetis deflexus exiget. Hæc pyxis ita in Naui LMNO collocabitur in loco XQ, vt linea AC, pyxidis, lineæ LM carinæ Nauis exactè respondeat. Quo facto Nauis cursus secundum gradus, aut alias minutiores partes dirigi poterit; v. g. sit nauigandum ab Occidēte in Meridiem 20. gradibus, ita elauus erit dirigendus, vt 20. isti gradus planè congruant rectæ, quæ

ab

ab N, deorsum tendit parallela contra CE; & statim apparebit quò cursus dirigendus sit; Atque hæc quidem praxis pulchra est, facilis, & certa, sed cum difficilè sit omnibus istis gradibus nomina ponere, quo Nautæ, vt se intelligere possint, vulgò vtuntur; minùs vsitatus esse potest, cum plerunque fiat, vt dum minutiæ nimis sollicitè quærentur, vt plurimum à Rhombo integro erretur. Aliam praxim docet Bartholomæus Crescentius in sua Nautica Mediterranea, in qua docere contendit modum ita pyxidem construendi, vt semper lineam polarem nunquam ab ea declinando ostendat; verùm cum ea praxis vitiosissimis, & falsissimis fundamētis innitatur (putat enim versorium Magneticum proportionaliter ab Asorico Meridiano ἀνατολίζεν καὶ δυσίζεν, quod supra fusè refutatum est) de ea filemus. Quare consultius erit cum modum pyxidis seruare, quo iam omnes pleriq; vtuntur, quemque in præcedente Problemate descripsimus. Porro cum totius pyxidis essentia consistat in Magnetica acu, eiusque variatione, antequam ad vsum eius accedamus, primò videamus, qua ratione huiusmodi variatio in mari reperiatur; sit itaque.

Crescentius in
sua Nautica.

PROBLEMA III.


*Variationem Magneticam in mari reperire, siue
data Meridiana linea χαλὸ βόκλιον reperire.*

Quanta diligentia hucusque præclarissimi quouis rerum indagatores inquisierint certam aliquam rationem, qua ij, quibus clauus commissus est, vbicunque tandem locorum essent, certò scirent eiusdem loci situm longitudinemque, atque ita ad destinata naualia peruenirent, neminem esse arbitror, qui ignoret. Sed nescio qua fatorum inuidia hætenus negatum sit, indubitatam eiusce rei scientiam adipisci. Nihilominus tamen interim continua indagatio occasionem dedit alteri rationi, qua ad optatum portum possit certò quodam modo cursus dirigi, quauè scire possis, vbinam locorum moreris. Est autem hac variatio magnetica, quam varij variè indagant, & plerique Mathematici in hac observationis institutæ occasione diuersimodè eam quoq; inueniunt.

Longitudinis
terre inuenien-
dæ modus nec
dum inuenitur.

gare, uti ex litteris eorum patet, conati sunt; Atque rationem quidem eam inueniendi in terra, & nos supra varijs in locis docuimus: hic autem qua ratione in mari, ubi nulla stabilitas, & quies ea inueniri possit, iam doceamus, & quoniam *καλυβόκλισις* sine Meridianæ inuentione nulla ratione constare potest, qua ratione primò eam quouis tēpore inuenire possimus, & deinde dictam *καλυβόκλισην*, tradere primò visum est. Fiat chartaceus orbis in 360. partes diuisus in pyxide sua dicta arte æquilibratus, sit circulus ABXV, in quo magnetica linea designetur per AB, quæ ipsi chartæ, vel infra in fundo, vel supra inscribatur, in centro E stylo normaliter erecto, ut in figura apparet. Quemadmodum igitur Nauarchus in quæ-

Meridianæ in-
uentio.



reda latitudine meridiem solet operiri, donec vide- licet, umbra perpendiculi cōueniat cum linea, quam pro Meridiana habet in suo instrumēto, ita omnia etiam hic procedunt, nisi quòd incipiat 3. aut 4. ho- ris ante Meridiem, animū aduertens in quem gradū, chartacei orbis, umbra sty-

li incidat; Ponamus itaq; inuenire te umbram in 90.^m gradum incidere, quem punctum V designat. Hoc facto inquires altitudinem Solis, quem & 90. gradibus adscribes, post prandium verò eandem altitudinem operies, qua inuenta, videbis quem gradum umbra styli in limbo chartaceo orbis denotet, hunc diligenter nota; si itaque duorum horum puncto- rum ante, & post Meridiem ab umbra styli notatorum inter- capedinem, quæ sit v. g. in exemplo VX, bipartitus fueris, occurreret vera linea Meridiana, in quam si versorium AB inci- derit, ut hic in A fit, certus sis eodem in loco nullam esse va- riationem; si verò contingat, lineam non coincidere, idest si umbra promeridiana, data eleuatione Solis æquali ei, quæ ante Meridiem fuit inuenta 90. gradum, limbum nō continge- ret: sed v. g. 70. tantum gradus vsq; in M monstraret; eo in ca- su

si arcus bifariam secandus esset, vt habeatur linea Meridiana. Nam hoc bissecto acus in A monstrat, quantum in ortum declinet, videlicet 20. gradibus, vt in exemplo patet. Iterum, si umbra styli v.g. post Meridiem ostendisset 30. gradus, in orbe chataceo, tunc arcus bipartitus dabit boreale punctum, siue lineæ Meridianæ punctum in vtramque partem 15. gradibus distans, versoriumque ostendet hoc situ 25. gradus, quæ est eius à lineæ Meridianæ puncto in ortum declinatio: verum huiusmodi inuentio locum non habet, nisi subsistente naue, aut sub eodem parallelo toto observationis tempore corrente; quare alius modus docendus est, quo vna operatione Meridianam habere possimus.


P R O B L E M A I V.

Observata altitudine Solis, seu Stellarum, & data declinatione earundem, atq; altitudine poli loci, datur per hanc unicam observationem linea Meridiana, & consequenter καλυβόκλις

It in ascripta figura ABCDL Meridianus, AL Horizon, BM Aequator, scribatur, vt prius circulus HA, & erigatur stylus GO è Sole autem ab horizōte per arcum FE eleuato, denotetur umbra styli ex E, sole in H, & eius aduersum punctum I, quæ linea excurrit ad horizontem cælestem in F, datis deinceps quadrantibus CF, & DN, ab vtroque polo, scilicet verticali, & mundi, qui ad locum Solis in E sese secēt, Trianguli sphaerici ECD omnia latera sunt data. Est enim CD, complementum eleuationis poli loci ad grad. 90. seu distantia polorum mundi, & verticalis, quæ AB, arcui eleuationis Aequatoris ab horizonte æqualis est. EC verò complementum altitudinis Solis FE, Denique ED, complementum declinationis Solis. Ergò non latebit angulus ECD, quem mensurat in horizonte FL, cuius complementum ad semicirculum est FA, qui arcus distantiam inter oppositum datum punctum, & Meridiem loci patefacit, recta igitur ab A, per centrum ducta, lineam meridianam ostendet quæsitam.

Inuentio per
triangula sphæ-
rica.

Hoc



Hoc idem in dicta tabula horizontali absque stylo efficitur, solo quadrante, in quo Sol, vel Stella observatur perpendiculariter supra centrum circuli sectionis applicato. Idem enim punctum oppositum, quod umbra styli inter observandum designat, hic quoque relinquitur.

Idem poterit etiam fieri data longitudine styli, & umbræ in tabula, nam prius in his altitudo Solis inquiritur, deinde horæ, & per consequens distantia à Meridiano.

Porro ex ortu, & occasu Solis, aut Stellæ in dicto circulo horizontali denotatis, quos linea Meridiei media interlabitur, vel ex altitudinæ utrinque à Meridiano æquali vnà cum gradibus Azimuthalibus in eodem circulo sectionis, idem cognoscitur.

Item ex observata digressionem circumpolarium Stellarum, maximè autem Stellæ polaris, ad latera utrinque maxima, in horis circulo item efficitur, quam viam Tycho tutissimam omnium ad accuratam lineæ Meridianæ in quadrato Azimuthali, investigationem habendam, iudicabat. Plura huius generis inueniet exercitatus Astronomus, quibus in cognitione demonstratarum rerum deueniat.


Verum hoc loco omittere non possum, quin indicem alias quoque rationes, & methodos, quibus Mathematici, in hac nostra observationis magneticæ institutione vsi sunt. Primò requiruntur ab ijs Stellæ duæ, quarum sit eadem ascensio recta, expectatur momentum, quo filum appenso plumbo utcumque visus bisecet, statimq; eis applicatur pyxis magnetica, si acus ad ipsas dirigatur, variatio loci nulla erit: si deflectat, dabitur variatio tot gradum, quod distabat acus in Meridiano per Stellas ducto; eritq; Orientalis, vel occidua, secundum hæmisphærium in quod descendit acus; Secundò Sole, vel Stellis Orientibus, aut Occidentibus, cognita prius loci latitudine atque declinatione Solis, aut Stellarum, & ex illa vera amplitudine ortiuæ, vel occidua, siue geometricè, siue ex calculo: si pyxis ad Solem, vel Stellam dirigatur, differentia arcuum, amplitudini ortiuæ, vel occidua Stellarum Solisque, & deflexionis acus à Sole, vel Stellis, erit variatio quæ sita. Tertiò eodem modo procedendum erit Sole, vel Stellis in verticali primariò existentibus. Si verò Solis, vel Stellarum altitudinem adhibere velis; primò inueniatur ad datam Solis, Stellarumve altitudinem Azimuthum verum, deinde supposito acui ad angulum rectum stylo, pyxideque ad Solem versa, styli umbra dat Azimuthum magneticum, si igitur acus Azimuthum Meridiano vero cõuenit, variatio nulla est, si discrepet, tanta erit variatio, quantus fuerit arcus inter Azimuthum magneticæ declinationis, & Meridianum verum. Iterum sumatur altitudo Solis ante Meridiem ad quemcunque gradum, eodemq; momento notetur Azimuthum magneticum, deinde ad eandem Solis altitudinem Meridianam obseruetur adhuc Azimuthum magneticum; si congruunt eodem in gradu variatio nulla ibidem erit, secus si discrepent Azimutha. Eandem fermè methodum reliqui Mathematici seruauerunt. Nonnulli posito versorio longo, magnete animato subere suffulto in aqua in catino, catinumq; supra lineam Meridionalem perfectè disponebant, atque adeò in ipso limbo catini lineam notabāt Meridianā; deinde gyrabant versorium cum subere aquæ innatante, donec arbitrio suo relictum requiesceret: si igitur quiescēs se sisteret supra Meridianam in limbo catini notatam,

ακλίσιας, si non, *ἰσημερινῶν* notabant, Innumeras alias praxes quibus passim observatores vsi sunt, hoc loco adduere possem, verum cum illæ in præcedentibus varijs locis sint insinuatæ, superuacaneum esse ratus sum ijs diutius insistere.

PROBLEMA V.

*Data eleuatione poli, & latitudine ortiua, vel occidua Meridianam, & consequenter χαλὺβ-
κλίσιν inuenire per Instrumentum nouum.*

INferatur pyxis ABCD, circulis suis eo modo quo in primò problemate dictum est, affixo pondere, vt in æquilibrio posita, quacunque inclinatione naui horizonti rectà insistas, vt in hac figura præsentī apparet; Diuidatur autem limbus fundi pyxidis in 360. partes, vel in 4. quadrantes, ita vt 90.^m gradus utroque polo respondeat, simili diuisione secetur lim-



bus maior, quem linea fiduciæ cum dioptris radit, ita vt gradus exteriores interioribus limbi gradibus exactè respondeant, habebisque instrumentum præparatum. Hoc itaque instrumento variationem Magnetis ita inuenies: situato instrumento iuxta lineam magneticam: per dioptra linea fiduciæ diligenter observa punctum descensus Solis infra horizontem, vel ascensus eiusdem supra eundem, nota punctum, siue gradum, quem linea fiduciæ in limbo tangit, qui erit punctus ortus, vel occasus apparens; Atque ab hoc puncto subtractus, vel additus latitudinis ortiue, vel occidue sub data latitudine, & dato tempore arcus, assignabit punctū ortus, & occasus Aequinoctialis; Hinc numera 90. gradus, & habebis lineam Meridianam, ab hac verò vsque ad versorium computati gradus dabunt.

variationem acus quæsitam. Quod si Sol obnubilatus hanc tibi operationem inuideat; Accipere poteris punctum ortus, occasus, alicuius Stellæ notioris auxilio, huius enim amplitudinem ortiuâ, vel occiduam si subtrahas ab hoc puncto, inuenietur verum ortus, & occasus punctum, à quo si numeres, vt ante 90. habebis lineam Meridianam, & gradus hinc vsque ad versorium computati, dabunt variationem quæsitam.

Modum verò latitudinis ortiuæ, & occiduæ, tum Solis, tum cæterarum Stellarum, supra in Progymnasmatibus tradidimus, & in Probl. 1. Astronomiæ Magneticæ eiusdem per astrolabiū inueniendæ methodū quoq; docuimus, quare eò Lectorē remittimus. Quò autem Stellæ ab Aequinoctiali minorem habuerint declinationem, tātò aptiores erunt ad hoc negotium cum fructu expediendum, quales esse possent, quæ sequuntur.

Nomina Stellarum.		Declin.	Nomina Stellarum.		Declin.
		G. M.			G. M.
Præcedens in cingulo Orionis.	1 16	A	Cor Leonis	13 47	B
Sinister humerus Orionis.	4 5	B	Oculus γ	15 53	B
Lucida Hydræ.	5 3	A	Canis maior.	15 55	A
Canis minor.	5 55	B	Cauda Leonis.	16 30	B
Sexter humerus Orionis.	6 19	B	Arcturus.	21 54	B
Cor Aquilæ.	7 35	B	Caput II Australe.	28 30	B
Spica η	8 34	A	Caput Boreale II	32 10	B

Harum itaque Stellarum amplitudines ortiuas, & occiduas, si sub quauis data latitudine in promptu habueris, quo vis nocturno tempore variationem magneticam nullo penè negotio paulò ante confecti instrumenti ope inuenies; Ego certò inter alios omnes modos quos apud diuersos Autores vidi, hoc meliorem, certiore, promptioremq; non reperi, quem ideò tantò libentiùs communico, quantò maioris emolumentum esse poterit omnibus ijs, qui eius in maritimis expeditionibus periculum facere volent. Probarunt hunc quidam è Societate nostra in itinere Indico, qui eius excellentem cum in dicta variatione, tum in linea polari inueniendâ vsum, literis suis huc Romam transmissis satis dignè commendare non possunt.

Præstantia
huius instru-
menti.

PROBLEMA VI.

Utrum longitudo terreſtris magnetis ope inueſtigari poſſit, & qua induſtria id fieri debeat?

Quid ſit longitudo terreſtris, & quæ eius inueſtigandæ ratio, ſupra diximus, & in Concilio noſtro Geographico fuſè declarauimus; Hoc loco ſolummodò dicendum reſtat, an ea magnetis ope, & qua induſtria inueſtigari poſſit. Cum primò innotuiſſet effectus ille deuiationis magneticæ in ortum nunc, nunc in occaſum, magnam ſpem huiusmodi ἀναπλιſμὸς καὶ δυſπιſμὸς Geographis præbuit, futurum, vt tandem aliquândo ab intricatiſſimo hoc Geographico labyrintho ſeſe expedirent: verùm inconfans illa, vaga, & incerta magneticæ deuiationis ratio Geographis omnem penè ſpem de longitudine eius ope inuenienda, eripuit; nihilque reſtat niſi vt egregios in ea inueſtiganda conatus in laudè repellant. Eſi non ignorem fuiſſe & adhuc eſſe, qui hanc ſcientiam ſe inueniſſe glorientur, verùm cum eam tanquã ex Eleuſinis Adytis prolatam omnibus modis celare conentur; valde timeo ne forte fucus ſubſit, meritòq; in eos illud cadat Ariſtophanis Θείαις τὰ ſμικρὰ μεγαλίζειν, ταῦτα καλύφον. Aſcribitur certa quædam inuentio Chriſtophoro Burro, qua opẽ magnetis longitudinum inueniendarum modum, & rationem docere fertur, quam & Regi Catholico demonſtraſſe aiunt, iſque varia itinera eius ope in India tentarat ſucceſſu haud pœnitendo; quam vt exactius probaret, in Indias data opera migravit quidam non ita dudum Petrus Maurus Luſitanus, reuerſuſq; in nonnullis quidem conuenire cum Burro dicitur, in plerisque diſcrepare; verùm de hoc inuento Burriano nuper quidam à me circa id cõſultus ſcripſit in hunc modũ. *Cum P. Chriſtophoro Burro olim quando ego Madriti, ille Vlyſſipone verſabatur, multum per literas egi, ſuper longitudinis, & magnetis negotio; & cum ille tandem putaret, ſe longitudinis, & nauiganã in longum certam rationem deprehendiſſe, auſus eſt eius rei præmium à Rege Hiſpaniarum propoſitum, ducatorum, ni fallor, quinquaginta mil-*


millium, postulare: cum verò ego illi periculum, & difficultatem huius navigationis, & longitudinis prolixè perscripsissem, ac rogasssem, id saltem in hac re mihi obiter indicaret, quænam modo exploranda, ac reperienda longitudinis vteretur, Magnete ne, an motu Lunæ, alteriusve sideris? an alio quopiam nobis hætenus ignoto? id nisi mihi insinuaret non posse me illi aditum ad aulam Regis quod petebat, facere, ad proponendam suam illam inventionem. Respondit Magnetem se adhibere. Tum ego illi: nunc verò mihi magis esse suspectam illam inventionem, nimis enim dubias lubricasq; esse Magnetis deviationes, motus, & inclinationes, nec posse certam securamve navigationem præstare. Illum, nihilominus suam illam inventionem proposuisse audio, sed reiectū esse. Quando de R. V. narratum fuit parare opus novum de Magnete, statim suspicari cœpi, & R. V. idem ipsum attentaturam. Nunc verò intelligo ex aliorum literis, etiam R. V. id negotium non satis probari; alioquin ipsi magnopere gratulabor, si vel illam, vel aliam longitudinum, & nauigandi secundum longitudes rationem demonstrauerit. Hæc ille. Quidquid sit modus quantum ab ijs, qui Borrum in Lusitania, & hic Romæ nouerunt, consistebat in hoc; obseruarat is in prima in Indiam navigatione singulari diligentia in singulis locis, & sub diuersis Meridianis variationes Magneticas, collegeratq; partim per se ipsum, partim per alios qui hoc iter tentarant, non spernendam declinationum multitudinem; deinde obseruatos declinationis gradus diligenter annotabat in Mappa Geographica hunc in finem confecta, & per singulos homonymos gradus trahebat lineas, quas ipse vocabat tractus chalybocliticos, atq; harum linearum in Mappa designatarum ope dicebat, scire se posse infallibiliter, vbi nam locorum, & quantum à quolibet loco habita declinatione distaret, hūc modū, saluo aliorū iudicio, subsistere nulla ratione posse, sola experientia monstrabit, si quis tamen hanc viam inire periculi causa voluerit, ex his nostrarum obseruationum à præstantissimis Geographis, Nautis, & Mathematicis toto orbe collectarum tabula multò exactiorem Mappam Magneticam conficiet, quam à quouis alio hucusq; effectum sit, quam quidē ego in gratiā Curiosæ Lectoris libèter hic adduxissem, si & sumptus & præpropere im-

Modus quo Burrus longitudinem locorum inuestigare conabatur.

Mappa Geographico-Magnetica.

Modus facien-
di Mappā Geo-
graphico- Ma-
gneticam.

pressio negotiaque varia id permisissent. Vt tamen alij materiam sese exercendi haberent, experimenti gratia ita eam conficere poterūt. Delineetur orbis terræ figura, quam aptiorē iudicauerint, plana vel sphaerica, & ex Tabulis nostris Magneticis singulis locis addantur declinationes propriæ, quibus peractis ducito per omnia ea loca, quæ homonymos declinationis gradus habēt, lineas; EG per omnia loca, in quibus nulla viget declinatio, lineam rectā curuam, aut interruptam trahes; deinde per singula loca quæ vnus gradus καλυβόκλισην habēt, postea per loca, quæ duorum graduum declinationem habent. Denique per loca 3. 4. 5. &c. vsque ad 30. grad. declinationis ducātur lineæ chalybocliticæ; Huiusmodi ergo lineas fateor, multum ad locorum notitiam conducere posse, si deflexiones Magneticæ vnā cum tractuum chalybocliticorum (quos Burrus quidem parallelos putat, ego id fieri nulla ratione posse iudico) distantijs notæ forent. Vndè hanc methodum non ita reprobādam putem, vt ab industrijs Nautis adhiberi non possit, aut debeat. Quia tamen hic



modus nihil prodest, nisi instrumentum, quo declinationes quouis loco & tempore indagare possimus, adsit. Quæ ratione igitur lineam Meridianam, & per ea chalyboclitin facile quouis tempore indagari possit, varij variè tradunt. Burri inuentio maximè constabat instrumento quodam, quo facile Meridianā in mari acciperet; cuiusmodi hic Romæ mihi videre contigit, nihilq; erat aliud, nisi quadrans Azimuthalis pendulus, Horizonti pendulo innixus, vt hic apparet, cuius vsus iste est qui sequitur, accipitur altitudo Solis ante & post Meridiem.

se-

secante quadrante Azimuthico in Horizonte gradus, in vtraque obseruatione notatos, medium enim inter hos gradus dabit lineam Meridianam veram: vel vna quoque operatione sic, punctū Orientis Solis instrumēto obserua, deinde eo ad Meridianam promotō opereris iuxta modū in modo 2, Probl. 3. traditū: aut iterū, habito quouis tēpore Azimutho, seu altitudine Solis aut Stellæ cuiuspiam: dabit arcus complementi in eodem horizonte per hoc instrumentum lineam Meridianam: vt si horæ 3. post Meridiem Azimuthum deprehensum sit 45. grad. erit finis cōplementi arcus horizontalis reliquorū 45. gr. in horizonte numeratorum linea Meridiana, & sic de cæteris. Hæc igitur fuit inuentio Burri; quæ tamen non respondit expectationi curiosorum. Nihilominus rebus diligenter consideratis, aio, data latitudine, & cuiusvis loci variatione Magnetica (quarum vtramque exactè haberi posse supra docuimus) exactè quoque, quo quis in loco versetur sciri posse, quod sic ostendo. Si sciuerit Nauclerus quispiam in Indiam iturus è superiori Tabula generali Declinationis, Caput Viride, vulgò Cabo Verde, latitudinem habere 14. grad. 54. min. apud idem quoque acum variare 7. grad. 0. min. in ortum; certò, quod quandocunque dictam variationem sub dicta latitudine attigerit, dictum Capitis Viridis locum se attigisse nouerit; Iterū cum ex Tabula memorata constet Goam sub latitudine 15. gr. variationem subire 16. grad. & $\frac{1}{2}$, certò sibi persuadeat, vbi in hanc latitudinem cum eadem variatione inciderit Goam sese appulisse; Et quod quidem de hisce duobus exemplis dictum est, de omnibus alijs locis intelligendum esse velim; sed obijciat quis, plures esse locos, qui cum Capite Viridi, & Goa, & eandem latitudinē & χαλυβόκλιον fortiantur. Quibus respondeo, esse quidem, sed longè inde disitos interuallo, quique per alias circumstantias facilè possint internosci. Et quamquam Nautæ alias etiam possint reperire per locos confines, coniecturas, vt profunditatem, harenas, aliaq; signa quamplurima, nulla interea chalybodixis habita ratione, placuit tamen cognita loca exemplo proponere, vt eo apertius eiusdem normę vniuersitas in navigationibus longinquis, in quibus nulla terræ apparent, innotescat. Vt v. g. si Nauclerus quispiam iturus in

Magnetica declinatione sciri potest vbi nam aliquis moretur in Oceano.

Indiam, in Insulis Tristanicis sciat, sub 34. grad. latitudinis Australis acum variare 19. grad. 0. min. in ortum; cum eo proficiscens ad eandem latitudinem variationemq; peruenerit, iam Insulas Tristnicas sese attigisse nouerit.

Confectarium I.

A Tque ex dictis sequitur, quod singulæ variationes cum suis longitudinibus sub Meridianis quibuslibet indagate, nos in cognitionem deducere possunt, sub quo Meridiano versemur, & quantum ab altero Meridiano, cuius similiter variationes, & latitudines notas habemus, distiti simus, quod est scire longitudinem Meridianorum à se inuicem distitorum.

Confectarium II.

A Tque ex hoc iterum colligitur, distantiam huiusmodi Meridianorum in certa aliqua mensura sciri non posse, sine alio artificio, & noua quadã industria, quam iam trademus.

PROPOSITIO V. PROBLEMA III.

Distantas Chalybocliticas in mari dimetiri.

Distantiam chalybocliticam voco interuallum duarum variationum Magneticarum certa mensura notum, quod vt assequaris, primò quidem sciendum est, quod quemadmodum ex data longitudinis differētia innotescit differentia temporis, ita vice versa non possumus venire in notitiam longitudinis huius, nisi ex obseruata temporis differentia. Vnde variae sunt rationes excogitatae ad istam temporis differentiam ritè per instrumenta obseruandam: Nonnulli id tentarunt per clepsydras, & horologia automata, quæ ratio vt facillima, ita etiam fallax est, quoniam nec puluis in clepsydris, nec horologia illa automata mouentur æquabiliter, mutatione aëris affecta. Ideò magno studio pleriq; Artifices in inuētionem incubunt alicuius automati, quod & perpetuò moueatur cum cælo

&

Temporis exacti difficilis inuentio sine Sole ac Stellis.

& æquabiliter, hoc est sine vlla intentione, aut remissione motus. Id si datur distantia chalyboclitica, vti & quorumlibet duorum locorum longitudo, hoc pacto restitui poterunt. Cum quis ex portu aliquo, siue ex certo loco certæ variationis ad alium portū, seu locum cuius variatio cum latitudine nota sit, soluturus est, accuratissimè obseruabit diei horam ex Sole, vel è Stellis, ad quam horam aptabit automaton; Deinde vbi nauigando in alium portum peruenerit, denuò obseruabit horam, horæq; momentum, hoc tempus cum tempore Horologij conferet automati; si consentiant tempora, tum statuendum est portus istos non differre longitudine, sed sitos esse sub eodem Meridiano. Sin verò differentia sit in tempore, ea erit conuertenda in gradus, tribuendo vni horæ grad. 15. & vni gradui 4. min. horæ. Exemp. grat. disceditur Vlyssipone vbi eoa chalyboclis 6. grad. & 30. min. versus Insulam Terceram, vbi chalyboclis nulla est, visq; scire, quanta sit inter hæc duo loca assumpta chalyboclitica distantia, adapta Horologium tuum ad horam præsentem in ipso puncto discessus, sit v.g. hora 12. diei; mox verò vbi appuleris Terceram, diligenter obserua punctum, quo horam 12. instrumentum ostenderit, qua monstrata, vide quæ hora secundum Solem sit in eadem Insula. Sit v.g. hora 11. diei, dices igitur & inferes certissimò, Meridianum Terceræ à Meridiano Vlyssiponenfi 1. hora, seu 15. gradibus distare; quibus in milliaria astronomica (quorum 1. gradus 15. continet, ductis) resultabūt 225. milliaria desiderata Meridianorum Vlyssiponenfis & Azoricæ Insulæ distantia. Porrò si Insulam aliquā incideris, vbi hora Solis, ab hora 12 Instrumenti, siue Horologij automati, 6. horis discrepet; ductis 6. in 15. & hæc in milliaria, emanabit desiderata Meridianorum Vlyssiponenfis & Insulæ quam tenes, intercapedo. Hac industria totus terrarū orbis, nullo penè negotio emendari posset; si huiusmodi automaton dari posset, de quo in sequenti Libro tractabimus. Si verò huiusmodi *αυτοματον* haberi non possit; clepsydra, aut arenali pro multis horis constructo, quemadmodum in Cosmographico nostro consilio docuimus, totius rei negotium, institui debet.


Novi Mecometri Instrumenti descriptio.

Horologium
vniuersale phy-
sicum.

Editus non ita pridem libellus idiomate Gallico, cuius titulus est, *L'Vſage du Quadrant, ou Horologe Physique Vniuersel*, &c. quo Author anonymus sine Solis aliorūq; ſyderū ope lōgitudinum tam terra, quā mari inueniendarum rationem ſolius ſili ope docet; quoniam autem fundamenta huius artis ex ingenioſo opusculo Amici noſtri Ioannis Baptiſtæ Bahiani Patritij Genuenſis de Motu Naturali grauium ſolidorum intitulo deſumpta ſunt: viſum fuit hic breuiter principia eius adducere, vt in quo ars tota conſiſtat Lectori facilius innotefcat.

Principium I.


Solidi penduli naturaliter moti vibrationes ſiue excuſus, & recurſus quantumuis ſemper minores, & minores, ſemper tamen æquidiuturnæ ſunt, quod ita probatur, ſit ſolidum S pendulum filo V debite appenſum, quod eleuatum ab altera parte, poſtea faciat hinc inde vibrationes ſemper minores, quales ſunt linea curuæ AB, & CD, dico haſce vibrationes eſſe æquidiuturnas, id eſt, tandiū durare motum ex A in B currentem, recurrentemquē in A, quā ex C in D, & hinc in C; ſit aliud filum XY pōdere ſolido ſuo inſtructū, æquale



priori VS, quod & incitatum æqualem arcum arcui CD deſcribat, qui ſit IN: quoniam igitur CD, & IN æquales ſunt ex ſuppoſitione, eò quod fila ſint æqualia, erunt eorum vibrationes CD, & IN æquidiuturnæ; ſed & CD, & AB ſunt pariter æquidiuturnæ, ergò IN, & AB æquidiuturnæ quoque erunt, quod erat probandum.

Principium 2.

Hinc alia propositio oritur videlicet pendula constitui posse, quorum diurnitates vibrationum sint in data ratione; v. g. sit data proportio diurnitatum in vibrationibus,




quam volumus esse inter A & B duplam, indaganda est longitudo filorum, quibus applicata dicta solida producant vibrationes quæsitæ. Sint CD numeri in proportione dupla, erunt eorum quadrati SV 144, & 36. Sint igitur, vt IA, ad KB, ita S ad V. Si igitur filum KB recurat duodecies, dum filum IA sexies, necessario KB filo competet 36. filo verò IA 144. pedes longitudinis, cum ita

se habeant quadrata ad quadrata, vt vibrationes siue duratio motus vnus ad durationem motus alterius.

Principium 3.

Hinc tertium resultat principium, videlicet, data altitudine, grauis descendens, in nota diurnitate, constituere diurnitatem qua descendat ab alia data altitudine, id est data



diurnitate vibrationum vnus fili ad aliud; alterius altitudinem indagare. Sit AB altitudo per quam descendat graue diurnitate G nota, & data sit altitudo alia CF oportet inuenire quanta sit diurnitas, qua idem graue descendat per F: fiat D quadratum diurnitatis G, & fiat vt AB ad CF, ita quadratum D ad quadratum E: cuius radix

est diurnitas quæsitæ, cum enim A, & C sint in duplicata ratione diurnitatum G & I, per constructionem, per ipsas graua descendunt in diurnitatibus G & I, vnde F est diurnitas ipsius I quæsitæ; Hinc oritur & illud, data diurnitate grauis descendens à data altitudine, constituere altitudinem,

à qua

à qua idem graue cadat in data alia diurnitate ; sit A diurnitas grauis B dum cadit in C, & data sit diurnitas quaecunque D: constituenda est alia

G	B	turnitas quaecunque D: constituenda est alia
H	C	
D	A	AD, & vt F ad E ita fiat altitudo GH ad altitudinem datam BC erit igitur altitudo quaesita GH. Sunt enim BC, & GH in duplicata
F	E	

habeat: sicut casus grauium B ad G.

Applicatio Pragmatica .

Mira quaedam
ratio mensurandi
altitudines,
& latitudinis re-
rum.

SIt ex. gr. chorda, cui lampas alligata per tholum deducatur in inferiorem tépli partē, & desideret quispiā scire altitudinem tholi à terra; sit autem mihi filum, cum plumbo vnus pedis; sic operor. Nota quot vibrationes chorda vnus pedis cursus & recursus faciat, dum chorda maior vnā vibrationem facit; & inuenio 8. vibrationes in pedali chorda, contingere, id est octies currere & recurrere chordam pedalē, dum chorda lāpadis semel currit & recurrit. Infero igitur tholum 64. pedum altitudinis esse; sunt enim DA lineę durationis motus; altitudines verò quadrata sunt: si igitur chordę pedalis vibrationes ad vnā vibrationē alterius cuiuslibet chordę numeratę in se ducātur, dabit quadratus numerus pedum, altitudinem tholi, vel cuiuslibet alterius rei, quę omnia ex dictis principijs patent; sic puteorum, fodinarum, aliarumque rerū omniū altitudines, & profunditates metiri sine instrumēto Geometrico poteris, latitudines quoq; rerū ex sono, quę omnia ne instituti nostri limites exire videamur, alibi forsan fusiūse prosequemur. Huius igitur subsidio fili, eiusq; vibrationum non secus, ac per quoduis aliud Horologium, tempora, mensurare se posse noua inuētiōe quidā credunt. Cum enim filiū 3. pedum cum medio longum sua vibratione 1. secundum minutum horę mensurare compertum sit, necessariō sequitur vibrationes 60. vnum minutum primum explere, & consequen-

quenter vna hora 1800. vibrationes conficere, mensuram scilicet vnius vigesimæ quartæ partis diei. Cum itaque pendula fila naturali motu agitata, sint in duplicata ratione suarum diurnitatū, facile adornari possūt sub quauis data pportione: Si qs igitur ex portu quopiā soluturus, ex ortu in occasū incipiat numerare vibrationes chordarū 3. pedum $\frac{1}{2}$, simulq; astrolabio notet horā currētis momēti, poterit is post aliquot horarū spaciū perfectè scire, quot gradib. longit. distet à portu, ex quo soluerat: EG cōtingat tēpus discessus h. 18. post occasū Solis, nota per instrumentum aliquod Sciatericum: postquam nauigatum est 24. horarū spacio pleno Oceano, Sciatericumq; notet 3.^m horæ partem, scilicet 20. minuta post Meridiem, certum est locum huius vltimæ obseruationis monstraturum progressum nauigij 5. graduum versus Orientem. Habetur autem 24. horarum spaciū per vibrationes chordarum, satis exactè, si pro singulis 24. horis numerentur vibrationes 76400. Hac igitur methodo multi longitudes inuestigare docent. Verū cum hæc satis quidem certa sint, & euidentia, theoricās loquendo, quia tamen negotium, in praxi salis lubricum, tædiosum, & infinitis erroribus obnoxium est, ego eum in negotio Astronomico nequaquam adhibendum existimem. Cum vix possibile sit huiusmodi vibrationes chordarum, præsertim tot ac tantas sine errore, aut perturbatione, oculis ad tantas minutias paulatim caligantibus, computare. Ego certè huius in vnius horæ spacio mensurando periculum aliquod feci, sed ad finem, cum tædio, tūm perturbatione numerationum, oculorumq; lachrymantū suffusione impeditus, ad finem perducere non potui; quia tamen huiusmodi mensurandi ratio è subtilissimis principijs dependet, & in alijs rebus vsus suos habere potest, hic data occasione inueniendarum longitudinum, tanquam *παράεργον* adiungendum duxi. Cæterum huius ope methodum in Regula sua Sphygmica ad pulsus sanguinis, eorumq; differentias dignoscendas subtiliter sanè & ingeniosè more suo Ioan. Marcus Marci Medicus, Philosophus, & Mathematicus in Boëmia celeberrimus, amicusq; sincerissimus adhibet, eoq; in opuscula multa curiosa circa hoc negotium tradit, quā vt legas tibi Lector consulo, sed nos hisce relictis ad instit. nostrū reuertamur.

Praxis.

Longitudinis locorum per instrumentū Chronodicum inuestigare.

PRO-


P R O B L E M A V I I I.

*Aliud instrumentum ^{Mηρόμετρος} pro differentijs
horarum, inter duo loca longitudine di-
uersa, inueniendis construere.*

Fabrica Instru-
menti.

HOc loco trademus fabricam, vsumq; alterius instrumēti, cuius ope duorum quorumlibet locorum, quocunque vento, quavis aëris constitutione, distantia exactè cognosci possit, vt eo, loco automati perpetui vti possimus. Fiat primò instrumēti strues costis sibi arcte prius commissis, cui indantur duo axes GO, & CO quorum vterque tabulatum transiens punctis OO leuiter insiltat, ita vt ad minimum motum vterque axis circumagi possit. Habeat autem axis C superiùs in A ventilabrum, quod ita præparatum sit, vt versus vnā tantummodò partem ventorum impetum sentiat, quod & axi G, trochlea quadam innectatur, vt pro libitu Naucleri eximi possit, & suo tempore alteri axi, vt postea dicetur, imponi: hoc peracto axi vtrique fila sericea duplicata circumplacentur, ea quā hic factum esse vides ratione & industria; instrumentumq; paratum habebis. Hoc itaque in superiori puppis loco temoni vicino ita accōmodabis, vt media instrumenti linea, carinæ naui exactè respondat. Quo facto, naui certum locum aliquem, cuius tibi distantia exactè nota sit v. g. 50. milliarium, petes: & velis vento commissis ventilabrum A vento excitatum circumaget axes CB, qui cum in contrarias partes ferantur, vnus necessariò C filum, quod alter laxat, glomeratum colliget, vbi igitur locum 50. milliarium spacio à te distantem appuleris, filum glomeratum in axe C rescabis, atque in 50. partes æquales (tot videlicet partes, quot inter terminum à quo, & ad quem milliaria esse constat) diuides; hæc enim imposterum tibi pro communi mensura 50. milliarium, inseruiet. Hoc filum si duplex, seruiet id tibi pro 100. milliariis; si triples pro 150; si decuples pro 500. si centuples denique pro 5000. milliariis dimetiendis inseruiet; Quando-
cunque igitur vela facies, positum in puppi instrumentum, per-

perfectè quouis tempore, quantum in aperto mari itineris confeceris, in diuisionibus filorum ostendet, qualiscunque nauis motus sit, qualiscunque venti, aërisq; constitutio, si enim




ventus vehemētius nauim impulerit, quàm celerrimè quoque fila sua laxabit instrumentū: si nauis tardiùs incefferit, ob ventorum inopiam, instrumentum quoque in filis laxandis pigrescet, si denique Nauis ob Malaciam penitùs substiterit; subsistet & instrumentum. Cum verò fila axi G conglomerata fuerint filumq; v.g. centum partium fuerit, certò concludes, 100. te milliaribus prouectum esse, si 500, totidem te milliaribus cōfecisse existimabis, & sic de cæteris. Conglobato itaq; filo toto, ventilabrum V (quod trochlea axi G inferi debere, paulò antè monui) eximet Nauarchus; atque alteri axi GO in loco G, indet, quod expedite fieri debet, vento præsertim vehemētiore, ne mora huiusmodi in milliaribus filo mensurandis errorem aliquem inducat; Quo facto ventilabrum V vento incitatum,

tum, axem **C** circumaget, qui circumactus filum in axe **C** conglobatum in axem suum recolliget; Quo denique recollecto, alia 100.^{na} milliaria aut 500.^{na} confecta esse inferes; atque sic eadem semper ratione operando procedes, usque dum destinatum terminum attigeris. Si itaque toto itineris spacio intermedio, filum v.g. centipartium quinquies cursum reuolutionis suæ circa axes perfecisse cognoueris, certò totius itineris longitudinem 500. milliariū esse, inferes. Hoc loco solummodo obijci posses, filorum etiam quantumuis magnum gluglum ad 100. milliaria mensuranda vix sufficere, & cōsequenter mutationem ventilabri sapius quam oporteret, non sine temporis iactura, & cōsequenter cum errorum periculo, instituendum; Ad huiusmodi difficultates tollendas; hoc negotium alia ratione institui posset, videlicet dentatarum multiplicatione rotarū, quemadmodum in horologijs & affatorijs fieri solet, quæ in hoc instrumento ad quoduis tempus dirigi possunt; hac arte paucis filis ingens etiam 8 dierum spacium, sine vlla mutatione ventilabri mensurari possunt, plura quoque huiusmodi *μικρομετρα* diuersæ mensuræ filiis instructa comparari possunt, quorum ope exactius negotium expēdiretur. Sed hæc omnia ingeniosi Artificis industriæ relinquamus; nobis interim instrumenti modum & rationem, hoc loco obiter tradidisse sufficiet.

Alia ratio conficiendi instrumenti.

C A P V T III.

De pyxidis Nauticæ siue Anemoscopij varia directione.



VM Nauticæ artis mysteria sanè admiranda penitus expendens, subtilem illam directionis rationem paucis notam cognoscerem, non equidem iam mirabar, tam varias esse de situ regionum, urbium, portuum, littorum easque diuersorum maximè discrepantes opiniones; cum omnes huiusmodi errores è mala Nautici negotij intelligentia veluti ex fonte quodam promanarint. Verum, quandoquidem de ijs fusè in Concilio nostro Geographico actum est, hoc loco solum obiter, detectis errorum scopulis,

pulis ; veram nauigandi rationem ; non tamen nisi obiter ostendemus, quod vt fiat . Notandum Primò, dupliciter verificationem aliquam institui posse, vel per cursum rectum, quam *ὀρθοδρομία*; vel per obliquum quem *λοξοδρομία*, appellamus, *ὀρθοδρομία* nihil aliud est, quàm breuissima terrestris globi inter duo puncta peripheria ; *λοξοδρομία* illa est cum nauis extra æquinoctialem & meridianum ita dirigitur, vt peripheria à carina in axemeducta, in carina eundem angulum perpetuò comprehendat; quæ vt melius intelligantur, Notandum Secundò, duplicem in hoc negotio Nautico horizon-tem considerari posse, Astronomicum & Nauticum, ille nihil est aliud, nisi circulus maximus superius ab inferiori separans hemisphærio, 180. circulis verticalibus ex polis horizontis,

ὀρθοδρομία
λοξοδρομία

Duplex Hor-
izon.



seu punctis verticis & pedum (quæ Zenith & Nadir Arabes

Verticalis &
meridiani præ-
cipuus in Nauti-
co negotio vsus.

vocant) in 360. partes æquales diuisus; in cuius centro Astro-
nomus consistens ortus & occasus syderum scrutatur; Hic
similiter circulus maximus est superius ab inferiori separans
hemisphærio, 16. circulis verticalibus in 32. æquas partes,
quibus Nautæ ventorum plagas rimantur, diuisus; Atque
huiusmodi Nauticum horizontem perfectè refert ἀνεμοκόμος,
siuè Rosa Nautica, in 32. ventorum Rhombos diuisa, qui qui-
dem Rhombi, nihil aliud sunt, quàm 16. circuli verticales in
planum proiecti, vel si mauis eorundem diametri; Ita vt vnus
cuiusq; ventû linea semidiametrum alicuius verticalis repræ-
sentet. Cum itaque meridianus & verticalis primarius om-
nium verticalium siuè Azimuthorum sint principes (quorum
hunc in pyxide Nautica linea Euro-zephyrea, illum Noto-
borea refert) in omni possibili horizonte semper & perpetuò
ad angulos rectos per ea, quæ l. 1. Sphæricorum Theodosij &
l. 11. Elementorum Euclidis docentur, sese interfecent, fit vt
in pyxide linea Eurozephyrea perpetuò ortum & occasum
æquinoctialem ostendat, vtpotè diameter verticalis primarij.
Quod si itaque aliquis nauim iuxta hanc Eurozephyream in
ortum & occasum æquinoctialem tendentem direxerit, eamq;
secutus continuò fuerit; sub hoc verticali primario, tandem
ipsum punctum ortuum æquinoctiale vertice suo eum tan-
gere necesse erit. Non tamen proinde hic diceretur ad Eu-
rum aut Zephyrum paralleli sui tetendisse; Nam cum aliquân-
tis per sub hoc verticali excurrerit, proràm nauis non in ortû,
sed in aliam mundi plagam notabiliter tetendisse non sine ad-
miratione comperiet. Verùm in exemplo melius omnia pa-
tescent; Desiderat quispiam Vlyssipone nauigare in Virginiam,
quæ loca sub eodem parallelo sita sunt; videlicet sub 39. gradu
ergò hic sibi itineris indicem eliget Rombum Eurozephyriû;
Hic ergo Nauarchus si hunc Rhombum continuò sub hoc ver-
ticali nulla habitatione Magnetis secutus fuerit, hic tandè,
qui in Virginiam tendere desiderabat, in Brasiliam se appulsi-
se inueniet; ergo tantum abest, vt rectam viam inueniat, vt po-
tius toto cælo ab ea aberret. Non secus de itineribus per
reliquos collaterales Rhombos instituendis senties; atque
velificationem sub huiusmodi verticalibus factam nos hoc
loco

loco $\delta\epsilon\delta\epsilon\sigma\phi\omicron\mu\iota\alpha\varsigma$ vocamus ; quæ quidem in obliquis horizon-
tibus erronea est , nec locum habet , nisi in horizonte recto ,
in quo linea æquinoctialis , circulus verticalis , & linea Euro-
zephyrea idem sunt . Per obliquum igitur cursum siuè Loxo-
dromiam velificatio instituenda erit , vt portus desideratus
obtrineatur. Quicumque igitur Vlyssipone soluens, Virginiâ pe-
titurus est, quæ duo loca sub eodem parallelo sita esse diximus,
is oculis in acum Nauticam defixis, ita iuxta eam cursum suū
instituet, vt naus prora eo tendat semper, quò linea Euroze-
phyrica : hac enim ratione omnis error vitabitur & desidera-
tus portus infallibiliter tenebitur, & transuersa carinæ linea
semper cum polo mundi, siuè meridiana linea eundem perpe-
tuò comprehendet angulum, vti in definitione Loxodromiæ
supra dictum est.

Quomodo
 $\lambda\omicron\chi\omicron\delta\phi\omicron\mu\iota\alpha\varsigma$
nauigan-
dum.

Confectarium I.

ATque ex dictis patet ratio eius, quod tantoperè apud
Noniū mirabatur Alphonſus à Sofa, cur videlicet inter
nauigandum, licet cursum ad Eurum vel Zephyrum, sub vno
atque eodem perpetuò versantes parallelo teneamus, ad æqui-
noctialem tamen circulum peruenire nunquam possimus, in-
quem tamen proram naus, hac ratione velificando perpetuò
intendimus; cur præterea orthodromica nauigatione in or-
tum facta, lineam Eurozephyream sequuti, æquinoctialem
lineam quidam teneamus, sed à loco desiderato, in quem
proram direxeramus, toto cælo erremus; quæ meritò causæ
ignaris paradoxa videri possent; cuius tamen rei causa alia nō
est, nisi quod in Loxodromia, cum verticalis primarius, me-
ridianus & parallelus in eodem se puncto tangant, atque adeò
centrum acus Nauticæ per motum perpetuò sub dicto paral-
lelo novos horizontes, verticales, atque meridianos acquirat,
naus ad eandem semper sectionem, eundem semper in ortum
respectum, quem in primo horizonte habuerat, in reliquis
omnibus horizontibus quos acquirit habeat, accedente præ-
fertim æqualitate anguli, quem acus Magnetica cum linea
Eurozephyrea, siue quod idem est, transuersum naus cum

$\pi\alpha\rho\alpha\delta\omicron\chi\alpha$
Nauticæ disci-
plinæ.

meridiano, perpetuò in omni horizonte sub dato parallelo rectum habet; in orthodromia verò totum contrarium est, siquidem naus sub vno tantummodò verticali primario mota, à parallelo paulatim recedens, tantò maiorem causatur inæqualitatem angulorum cum meridianis, quos acquirit, quantò à primo discessus puncto, facta fuerit remotior; vnde mirum non est eum à loco intento aberrare.

Corollarium II.

ῥοδὸς πο-
μυρὰ γερὰ
μαὶ non sunt
circuli,
sed lineæ spira-
les seu helices

EX dictis quoque sequitur solam Eurozephyream & Noroboream lineam in Nautica Rosa circulos esse: reliquas verò collateralium Rhomborum Loxodromicas lineas helices esse, quæ in infinitum progressæ nunquam tamen in polo concurrant; quarum in globis mappisque describendarum nouâ methodum & hucusque ignotâ, quod sciam, rationē alteri occasioni, si Deo placuerit, reseruauimus; hic enim omnia tractare, nec temporis, qua premimur angustia, nec operis incrementum permittunt. Patet secundò omnes mappas, quibus rectæ ventorum lineæ inscriptæ sunt, falsas esse, ac vitioso inniti fundamento; vnde mirum non est, tot errores hinc inde in nauigationibus occurrere; quos faciliè esset emendare, si Nauarchi rerum ad hanc Nauticæ partem necessariarum peritia & industria vterentur. Sed de his omnibus, vt dictum est, alibi fusiùs.

PROBLEMA.

Distantias locorum sub iisdem Rhomborum lineis inuenire.

VT Nauarchus scire possit, ybinam locorum sit, & quantum à puncto discessus remotus sit, commodissimè id quidem expediri poterit, per differentiam leucarum siuè milliarium, vni gradui istius Rhombi, per quem iter instituitur, applicatorum: Quam artem Nautæ Bataui hisce regulis breuiter comprehendunt.

Cum

1 Cum velificatio fit supra lineam Notoboream, sub eodem meridiano, 1. gradui respondēt 15. milliaria astronomica.

2 In primo Rhombo à Meridiano, 1. gradui respondent milliaria 15, & $\frac{1}{2}$. declinatio à Merid. 3. milliari.

3 In 2. Rhombo 1. gradui respondent milliaria 16. declinatio verò eius à Merid. 6. milliari.

4 In 3. Rhombo 1. gradui, 18. milliari. respondent, & declinat. à Merid. 10. milliari.

5 In 4. Rhombo eiusque opposito 1. grad. respondent milliaria 21.

6 In 5. Rhombo à Meridiano 1. grad. respondent 27. milliaria, & declinat. à Merid. 22. milliari.

7 In 6. Rhombo 1. grad. respondent 39, & $\frac{1}{2}$ milliari. declinat. eius à Meridiano 46. milliari.

8 In 7. Rhombo 1. grad. respondent 27, & $\frac{1}{2}$ milliari. declinat. eius à Merid. 75. milliari.

Si itaque iuxta hanc regulam Tabulam tibi ad singulos quadrantis gradus construxeris, nullo penè negotio, dato quouis Rhombo, & quouis latitudinum sub dato Rhombo gradibus, quot milliariū interstitium duarū latitudinum, aut longit. sit, obtinebis: Hunc eundem modū ab Hispanis quoque vsurpatum video, hac solū differentia, quod illi milliariis Germanicis, hi leucis vtantur, quarum 17, & $\frac{1}{2}$ vni gradui cælesti respondent. Verū quia huiusmodi crassa tantum, vt dicitur Minerua præscribuntur, vt Naucleri ex hisce vtilitatem maiorem haurirēt, hic Tabulam Loxodromicam paulò maiori diligentia computatam adiungendam duxi, ex qua dicto citiùs obliquorum cursuum, siue Loxodromicarum linearum inter duos parallelos, aut Meridianos quantitates in milliariis inueniuntur, vt quantum quis in latitudinem, quantum videlicet spaciij in longitudinem profecerit, è vestigio ex dicta Tabula constare possit; posuimus autem integrè tantū milliaria, omissis minutijs, nedum nimis in minutijs indagandis esse velimus, Rhombis integris aberrare contingat.

*Tabula Nautica indicans spacia, seu milliaria
in mari sub quouis Rhombo
confecta.*

Rhomb. Austrob.	Rhom- bus 1.	Rhom- bus 2.	Rhom- bus 3.	Rhom- bus 4.	Rhom- bus 5.	Rhom- bus 6.	Rhom- bus 7.									
Grad. Latitud.	Milliar. Linez.	Notoborez.	Millaria Loxo- dromica.	spac. mill. inter Rhō & mer.	Millaria Loxo- dromica.	spac. mill. inter Rhō & mer.	Millaria Loxo- dromica.	spac. mill. inter Rhō & mer.	Millaria Loxo- dromica.	spac. mill. inter Rhō & mer.	Millaria Loxo- dromica.	spac. mill. inter Rhō & mer.	Millaria Loxo- dromica.	spac. mill. inter Rhō & mer.	Millaria Loxo- dromica.	spac. mill. inter Rhō & mer.
0	0	0	0	0	0	0	0	0	0	0	0	0	0	0	0	0
1	15	0	15	2	16	6	18	10	21	15	26	22	39	36	76	75
2	30	0	30	5	32	12	36	20	42	30	58	44	75	72	153	150
3	45	0	45	8	48	18	54	30	63	45	80	67	117	108	230	226
4	60	0	61	11	64	24	72	40	84	60	107	89	156	144	307	301
5	75	0	76	14	81	31	90	50	106	75	134	112	195	181	384	377
6	90	0	91	17	97	37	108	60	127	90	161	134	235	217	461	452
7	105	0	107	20	113	43	126	70	148	105	188	157	247	253	538	527
8	120	0	122	23	129	49	144	80	169	120	215	179	313	289	685	603
9	135	0	137	26	146	55	162	90	190	135	242	202	352	325	653	678
10	150	0	152	29	162	62	180	100	212	150	269	224	391	362	770	754
20	300	0	305	59	324	124	360	200	424	300	539	448	783	724	1537	1508
30	450	0	458	89	487	186	541	300	636	450	809	677	1175	1086	2306	2262
40	600	0	611	119	649	248	721	400	848	600	1099	897	1567	1448	3075	3016
50	750	0	764	149	811	300	902	501	1060	750	1349	1122	1959	1810	3844	3770
60	900	0	917	179	974	372	1082	601	1272	900	1619	1346	2351	2172	4613	4524
70	1050	0	1070	208	113	434	1262	701	1484	1050	1889	1571	2743	2534	5382	5278
80	1200	0	1223	238	1298	497	1443	801	1697	1200	2159	1795	3135	2897	6150	6032
Grad. Latit.	Orthodrom.	Rh	om	bo	rū	di	stā	tia	ā	me	ri	di	a	no		
		G	M.	G.	M.	G.	M.	G.	M.	G.	M.	G.	M.	G.	M.	
		1	15	22	30	33	45	43	56	55	67	30	78	45		
Orthodro.	Loxod.	Loxod.	Loxod.	Loxod.	Loxod.	Loxod.	Loxod.	Loxod.	Loxod.	Loxod.	Loxod.	Loxod.	Loxod.	Loxod.	Loxod.	
	1.	2.	3.	4.	5.	6.	7.									

Vſus Tabulæ.

Habet tabula hæc octo columnas, quarum prima continet gradus latitudinis ab vno vsque ad 80. continuatos. Secunda continet milliaria Orthodromica, id est, quot milliaria Astronomica, seu Nautica, datis gradibus latitudinis, sub quibus nauigatio ex Austro in Boream, & contra sit, respondeant: Reliquæ septem columnæ continent milliaria dictis cursibus obliquis intra dictam nauigationis latitudinem, correspondentia, quos vulgò Rhombos vocant: numeri autè gr. cū minutis in infimo tabulæ spacio singulis Rhombis appositi, ostendunt, quot gradibus quilibet Rhombus à meridiano, vel à linea Orthodromica, siue Notoborea distet. Sunt præterea singulæ columnæ bipartitæ, in prima parte continentur milliaria Loxodromica, seu euariationis in latitudinem: in altera, milliaria euariationis in longitudinem, siue distantia aut elongationis Loxodromicæ à Meridiano. Si itaque scire desideres, quantum itineris sub Rhombo siue Loxodromia v. g. 4. sit confectum intra parallellos quinque gradibus distantes, & quantum cōfectum spacium distet à Meridiano. Quære in columna prima 5. grad. latitudinis parallelorum, & numeri in area communi columnæ Loxodromicæ quartæ concurrentes 106. 75. prior quidem 106. milliaria astronomica sub dicto Rhombo te confecisse vsque ad 5. parallelum; & posterior 75. miliaribus te à meridiano distare, siue in longitudinem processisse demonstrabunt. Non secus in cæteris euariationibus inueniendis procedes. Si verò vno nomine numerus differentia latitudinis non detur in columna graduum per partes, is erit ea, qua sequitur ratione indagandus. Cupis scire v. g. quantitatem Loxodromicæ & longitudinis euariationem inter parallellos 15. gr. distantes sub Rhombo quinto: tūc inductio fiet p̄r partes, hac ratione. Primò quæratur 10. gr. quibus in colūna Rhombi v. respōdēt 269. lat. & 224. lōg. vt sequitur

Explicatio partium tabulæ.

Applicatio Pragmatica.

Deinde quare 5. in columna graduum. G mill. mill.
quibus in columna Rhombi v. respon- lat. long.
dens 134 latit. 112. lōgit. hos prioribus 10 269 224
adde & summa dabit quæsitum.

	5	134	112
summa	403	336	
		His	

His in vnam summam collectis prodibunt 403 milliaria in latitudine 336. milliaria in longitudine quæfitæ, sed hæc vnico exemplo declarata sufficiunt.

*Canones computandarum Tabularum
Loxodromicarum.*

TRiginta duæ, vt supra dictū est, sunt cursuū lineæ, quibus Nautæ in pyxide sua vtuntur, quarū duę Orthodromicæ videlicet Austroborea, & Eurozephyrea, quarum ista recta, ex Austro in Boream, hæc ex ortu in occasum protenditur, cæteræ, omnes Loxodromicæ, quæ à Meridia no declinantes in Orientem, vel Occidentem à Borea, vel Austro è longantur, suntque eorum in vniuersum 32. quos Rhombos vocant verūm ad Tabulas supputandas vnus quadrans, siuē 7. cursus sufficient, cum hi in singulis alijs quadrantibus repetantur. Nā qui vnus quadrantis longitudinis, latitudinis, aut inclinationis quantitates supputarit, is omnium reliquorum quadrantium cursus supputasse censerī debet. Qua ratione verò tabulæ propositæ computari debeant, ita accipe. Im aginare duos circulos inæquales, quorum diametri sunt in ratione cognita, vtpotē dupla, vel tripla, iam quæ est ratio diametrorum, eadē prorsus est ratio peripheriarum circuli, cuius diameter est cognita, nempe axis sphaeræ, parallelus est peripheria circuli, cuius diameter est ignota, innotescet autem per canonem finuum hoc pacto, latitudinem subtrahe à quadrante circuli, cum residuo (quæ est distantia inter polum horizontis, & polum æquatoris) ingrediẽ Canonem, ac inde excerpe finum illi residuo respondentem. Iste sinus est semidiameter paralleli. Semidiameter verò æquatoris est sinus quadrantis, siue sinus totus, qui est dimidium axis sphaeræ, Ex: Gratia, proponatur parallelus 60. graduum, cuius ratio ad æquatorem queratur, subductis 60. ex 90. residui sinus erit 50000. Quæ itaque ratio erit 50000 ad 100000. eadem est ratio paralleli ad æquatorem, ergo parallelus ad æquatorem erit in proportionē sub dupla: ergò duo gradus longitudinis reducuntur ad gradum vnum sub isto parallelo; vel aliter idem breuius

Rhomborum
per sinus sup-
putatio.

uius exequeris, duc 360. in sinum declinationis dati paralleli & productum diuide per sinum totum, & quotiens dabit desideratam proportionem, sed totam praxim tabularum huiusmodi Nauticarum calculandarum breuibus hiscè canonibus accipe.

Canon. I. Quot milliaria vni gradui in singulis parallelis congruant, ita reperiens, fiat vt sinus totus, ad sinum complementi latitudinis paralleli dati, ita 15. milliaria (tot enim vni gradui cælesti respondere assumimus) ad aliud, & prodibit quæsitum. Quarta verò pars cossinus, siue sinus complementi dati paralleli per sinum totum diuisa, dabit quantitatem vnius scrupuli, & e conuerso datis scrupulis in parallelo dato, quot milliaria ijs respondeant inuenies. Fiat, vt sinus totus ad quadruplum secantis dati paralleli; ita milliaria data ad numerum minutorum ipsis in eo debitorum.

Canon. II. Data quantitate & angulo inclinationis Loxodromicæ, parallelorum distantiam inuenire. Fiat vt sinus totus ad sinum complementi inclinationis Loxodromicæ; ita milliaria iuxta Loxodromiam datam cōfecta, ad aliud; è conuerso data distantia parallelorum Loxodromiam inuenies in milliariis, si fiat, vt sinus totus ad secantem anguli inclinationis Loxodromicæ data, ita milliaria datae distantiae parallelorum ad aliud.

Canon. III. Dato angulo Loxodromicæ & latitudinis euariatione, eius euariationem longitudinis inuenire. Fiat vt sinus totus, ad tangentem inclinationis Loxodromicæ; ita milliaria in latitudinis euariatione ad aliud. Iterum data Loxodromicæ quantitate & angulo inclinationis, longitudinis euariationem inuenies, si fiat, vt radius ad sinum dati anguli; ita milliaria Loxodromica data ad aliud.


Canon. IV. Data latitudinis euariatione cum angulo inclinationis, cursus quantitas inter duos parallelos deprehendetur, si fiat vt radius ad quartam partem secantis anguli inclinationis; ita gradus aut singula euariatae latitudinis ad aliud, Longitudinis variationem verò inuenies, si fiat vt radius ad quartam partem tangentis datae Loxodromicæ; ita latitudinis euariatae grad. seu min. ad aliud.

Canon.

Canon. V. Si acus Magnética, cursus plagam in ortum vel in occasum dirigi ostendat, & observatio cum ea consentiat, nullus correctioni erit locus, si verò acus Magneticæ ductum secutus æstimatione tua sub eodem parallelo decurrissè, ex observatis autem te eum non tenuisse deprehendas; manente cursus æstimata quantitate tanquàm linea longitudinis, latitudinem secundum observata mutabis, vt indè longitudinis euariationem definias, fiatque vt sinus totus, ad quadruplum canonice parallelorum differentie latitudinis; ita milliarium pars quota ad aliud. Atque hæc de Nautica Magnética sufficiant.

Multa his de distantijs locorum per Loxodromias Nauticas, ope sinuum, Logarithmorum, vti & aliorum quorundam instrumentorum Mechanicorum inuestigandis dicenda forent; verùm cum de ijs ex professo & varia ratione in nostro Concilio Geographico, opere videlicet, quo Geographiæ emendandæ absolutam methodum describimus, tractetur, consultò ea hoc loco prætergressus sum, nè Magneticæ artis limites transisse videremur. Itaque per varias cæli plagas atque æquoris vndas feliciter tandem portui vnde digressi sumus, restituimur.


FINIS LIBRI SECUNDI.



ATHA-

INDEX RERVM

Primi & Secundi Libri.



A



ADITA vis Magnetis.
fol. 12

Aciarium melius Ma-
gneticam vim concipit.

Et melius trahitur à ferro. 71

Actio in distans non datur. 386. nec
in magnete, nec in alio. Sed fit per
medium. 386

Acus magnetica pro instrumentis
magneticis qualis esse debeat. 225
à quibus, ne erret cauendum. ibid.

Acus à meridiano non attractiue
diuertitur. 464

Adamas non est magneticus. 61.
eius effectus. ibid.

Aegyptijs veteribus notus magnes.
22

Aegyptij mare oderunt, 26

Aggregatum bisinuuum quid sit. 200

Altera difficultas de magnetismo ter-
ra proponitur. 50

Albertus Magnus de verticitate ma-
gnetis. 30

Almucantaram hora sexta alia me-
thodo supputare. 201

Ammonius Author. 32

Analogia telluris cum homine. 4

An verticitas magnetis antiquis no-
ta fuerit. 24

Ante cause inquisitionem de effectus
certitudine prius constare debet. 57

An Salomon in Opbir expeditionem
susceperit ope pyxidis. 27

Arborum fibrae. 12

Argenteus magnes. 18

Argentum viuum quomodo trahat
aurum. 18. 19

Arietes artificiales cornibus se impe-
tentes. 370

Ars imitatur naturam. 309

Astrorum partes si reuellerentur
ad suum totum confluerent suo
impetu. 67

Astrolabium magneticum totius pri-
mi mobilis doctrinam perpetuo
motu exhibens. 314

Astrolabium & Calendarium ma-
gneticum. 275. idem aliter præ-
stare, 376. huius praxis. ibid.

Almucantararum inscriptio in Astro-
labium magneticum. 314

Almucantaram verticalem Sole
primum ☉ punctum subeunte,
indagare. 202. idem per logarith-
mos. 202

Altitudines Solis, Sole à meridie plus
quadrante distante supputare. 208

Altitudines Solis in Australibus pa-
rallelis constituti supputare. 209

Altitudines Solis ab ortu & occasu
data quavis hora & parallelo sup-
putare. 211. cum duabus regulis.
212

Altitudine Solis pro horis inequali-
bus supputare. 213

* Alti-

INDEX R E R V M

Altitudinum horarum à meridie & media nocte inuentio. 220
Altitudinum Solis pro singulis horis Italicis & Babylonis inuentio. 221
Altitudinum Solis pro horis inaequalibus inquisitio. 221
Altitudinum domorum caelestium inuentio. 221
Altitudines Solis ex astrolabio vniuersali inuenire. 223
Altitudinis rerum per sinus tangentis explorare. 232. idem aliter sine Arithmetica per sinus tangentes. 233
Altitudines rerum inuestigare. 257
Altitudines & latitudines mira mensurandi ratio. 510
Alueare magnetico artificio exhibere. 365
Amplitudinem ortiuam & oeciduam cuiuslibet signi supputare. 203
Attractio varia. 57
Attractio magnetica inter quae corpora sit quomodo fiat. 65. & sit per facies dissimiles. 74. nec unquam est attractio sine fuga. 75
Archyte columba. 324. quomodo horas monstrare possit. 358
Artificum modernorum industria mirabilis. 340
Axis magnetis quid sit, quomodo varietur per diuisionem. 87
Axiomata & pronunciata de natura & arte. 39. 40
Azimutha Solis in Cancro constituti per singulas horas à meridie & media nocte supputare. 217
Azimutha horarum inaequalium supputare. 218. 219
Azimutha datis quibuslibet horis indagare. 222
Azimutha Solis ex astrolabio ma-

gnetico vniuersali nullo poene negotio inuenire. 223
Azimutha & Almucanturas, siue circulos Horizontis aut altitudinum Solis magnetice delineare. 303
Azimuthorum in astrolabo magnetico inscriptio. 315

B

B *Arbaris, siue Accolis Promontorij bonae spei notus fuit magnetis usus.* 31
Baris cymba sacra Isidi. 25
Beatitudo humana consistit in cognitione veri. 346
Betulus lapis. 23. fatidicus. 29
Bembina tabula nauticam non significat. 25

C

C *Alor & frigus sunt quoque causa efficientes lapidum.* 6
Calculus tabularum Azimuthalium 215
Capsulam & rotam magneticam preparare. 371. idem aliter praestare. 372
Carbonum ratio quibus excoquitur ferum. 13
Cardani figmentum. 17. huius opinio & declinatione magnetica. 427
Cancelli ferrei quibus muniuntur fenestrae vim habent magneticam & versorium trahunt cum diuersitate facierum. 46
Canones computandarum tabularum Loxodromicarum. 522
Catena magnetica. 69
Causa materialis lapidum. 5. Formalis. ibid.
Causa observationum factarum de declinatione magnetica. 430
 Cau-

PRIMI ET SECVNDI LIBRI.

- Causarum declinationis magneticae* *disquisitio.* 456
Causa declinationis vera inquisitio. 466. 167. 468
Centrum gravitatis quid sit & quomodo mutetur in toto terrestri globo. 181
Centrum gravitatis partium non est actu in toto. 184
Centrostatica libratio in humoribus heterogeneis. 177
Circulus & arcus beclimorius quid sit. 215
Chalybs qui fiat. 14
Chalybis faciendi ratio. *ibid.*
Chymistarum falsa figmenta. 383
Chymicorum elementa. 5
Chorographicas descriptiones facillimo negotio expedire. 244. *instrumento pantometro illas perficere.* 259
Chrysocollo. 147
Christiani Principes ad emendationem Geographiae procurandam sollicitandi sint. 298
Circularis motus magnetis circulariter rotat versorium, sed contraria ratione. 101. & *seq.* *sed ad unam magnetis circumlationem bis rotatur.* 109
Claudianus de magnete. 1
Clavius de erroribus Astronomiae. 395
Clepsydra aquatica. 395
Communicatio mutua carnis per infusionem accrescentis, utrum sympathiam aliquam inter duos fundet. 381
Caeli imaginem in magnete expressam putavit Peregrinus. 328
Compaginatio telluris. 8. à polo ad polum. 47. non est spherica, sed in cylindri modum coagmentata. 50
Comparatio eius cum magnete. 80
Complementum arcuum beclimoriorum ad horas à meridie, & media nocte supputare. 216
Conseruatur magnes in situ contenti custoditus. 112
Conceptus suos vi magnetis alteri manifestare. 387. 389. 392
Conuersionem magneticam ad polos, qui primi commemorent. 30
Copernicani omnia noua ad mobilitatem astruendam assumere. 480
Copia ferri ubique maxima. 8
Corroboratio magnetis. 73
Cornelij Drebellij epistola ad Regem Angliae. 341
Cornu Rinocerotis trahit ferrum. 19
Corpora magnetica virtute praedita. 67
Crepuscula in instrumento Zodiaci magnetici reperire. 296
CrySTALLUS quomodo generetur. 7
Cosinus & cotangens idem est ac complementum sinus aut tangentis, recepto compendij causa à Mathematicis vocabulo. 208
Cuius puncto in extrema terra superficie assignato, punctum ad perpendicularum ei correspondens in intimis terrae visceribus, reperire. 236
Cur magnetica corpora raro dignoscantur. 11
Cur terra in polos disposita sit. 43
Cur alia metalla non trahant ferrum. 59
Cur acus semper ad partem magnetis quam semel tetigit occurrat. 67
Cur ferrum magneti adiunctum remotius trahat versorium quam solus magnes. 136
Cur stellari & icosaedro magnete

INDEX R E R V M

*sphaericus magnes etsi minor robu-
stior nihilominus sit.* 127
*Cur obelum longiorem minor ma-
gnes à maiori surripit.* 151
*Cur subinde pars magnetis toto effi-
caciior sit.* 159
*Cur attractio vegetior sit repulsio-
nis.* 160

D

D Ato quouis parallelo Boreali
Solis, in eo quavis hora, altitu-
dinem, cuius distantia quadrante
minor est supputare. 206
Datur in magnete punctum, ad quod
versorium diuerso tempore affri-
ctum nunc in Austrum modo in
Septentrionem se disponendi vim
acquirat. 153
Debilitas magnetis unde. 9
Declinatio magnetica non potest nunc
in dubium reuocari. 426. non ta-
men certam seruat regulam. 429
Declinationis historia relata ex na-
uigantibus ad Indos. 427
Declinatio non oritur ex infirma vi
magnetica. 456
Declinationem Solis inuenire quouis
tempore. 203
Declinationes magneticae in præci-
pui locis mari Mediterranei. 437
Declinatio magnetis non est ex debi-
litate magnetis. 457 nec est à mon-
tibus magnetici s. 458. neque à
punctis caelestibus. ibid.
Declinatio magnetis in mari del Zur.
435
Declinatio non prouenit ex incon-
grua ad magnetem affrictione.
ibid.
Declinatio an ab eminentijs terrestri-
bus. 462

Declinationis causa. 466
Declinationis varia Corollaria. 470
Definitiones quadam, de magnetis.
36. 37. 38
*Descensus magneticorum infra Ho-
rizontem non est aequalis eleuatio-
ni poli in qualibet regione.* 400
Differentia luminis & magnetismi.
80
*Dimensio quarumvis longitudinum
& latitudinum per instrumen-
tum magneticum.* 230
*Diminutio & augmentatio figurarum
pro fortalijs.* 271. 272
*Directio vigoris magnetici sit in om-
nibus punctis corporis magnetici
in polos, & ex polos deinde in cir-
cumferentiam diffunditur.* 402
*Dadali statuas sponte ambulantes
magnetico & catoptrico artificio
exhibere.* 313
*Disquisitio causae conuersionis ma-
gneticae ad polos terrae.* 56
*Distantiarum inquisitio pro horis ab
ortu & occasu.* 197
*Distantiae horarum inaequalium à
meridiano.* 199
*Distantias chalybocliticas in mari
dimetiri.* 506
*Distantias locorum sub iisdem Rhom-
borum lineis inuenire.* 518
Dithmarus Author. 182
Diuisionis Zodiaci duo modi. 316. 317
*Domus caelestes horologio magnetico
inscribere.* 301
*Domum caelestium inscriptio in Astro-
labium magneticum.* 316
Duplex qualitas terrae insita. 42. 58
Duplex mutatio terrae. 52
*Duplex munus qualitatis bifermis
magnetis.* 24
Duplex librationis modus. 167
Duplex Horizon. 515

Ecce.

PRIMI ET SECVNDI LIBRI.

E

- E**cclesia Catholica officijs Sol nū-
quam occumbit. 321
Effectus variationis magnetica. 477
Emblemata varia. 24
Emplastrum ad extrahendum fer-
rum male habet admixtum ma-
gnetem. 123
Epilogus magiæ magnetice. 394
Etymon magnes. 1
Ericium ad vinum magnetica nate
effingere. 370
Errorum in Astronomia occurren-
tium, quæ nam sint causa 395
Errores in Geographia Ptolomæi.
396
Exacta liberatione qui rerum mo-
tus explorentur. 167
Exercitum arenæ plerantem repræ-
sentare. 369. aliter hoc præstare.
ibid.
Ex magnete coquitur ferrum. 11
Experimenta quam exercitatum ho-
minem requirant. 176. quam dif-
ficile sumantur ibid.
Experimenti philosophari non est
omnium. ibid.
Experientia varia chalybis. 14
Experimenta varia. 55-56. 63
Experimentum quam difficile & fal-
lax. 176. 483
Explicatur locus Photij. 29

F

- F**abrica motoris primi. 309
Fabrica mundi. 42
Facies eadem magnetis & opponun-
tur & coniunguntur diuerso mo-
do. 74. & seq.
Ferreus pulvis magnetē cōseruat. 117

Ferro vestitus magnes virtute plu-
rimum augetur. 70

- Ferrum solo variato situ, eadem
extrematrahit & repellit. 44
Ferrum cur magnetem sequatur. 65
Ferrum non habet magneticam
qualitatem ex se. 124. nec amit-
tit eā ex confusione partium. ibid.
nec habet vim actiuam illam pro-
ducendi sibi. ibid.
Ferrum quomodo ex omni terra
eruatur. 8. fortasse potest perco-
lari ex lateribus excoctis. 9
Ferrum quomodo mutetur cum æ-
quirit vim magneticam. 65. exci-
tatur etiam non tangendo magne-
tem. ibid. ex vno contactu utrāq;
faciem acquirit & cur. 161
Ferrum ex genuina materia terra
generatur. 13
Ferrum non acquirit maiorem vim
quam sit in magnete, etiamsi fer-
rum illi surripiat. 149
Ferrum ut molle reddatur. 15
Ferrum tertia species terræ. 13
Ferrum magis suspenditur in ma-
gnete à lateribus quam in polis.
168. extremum dirigit ad m. gne-
tis polum, medium sui ad æqua-
torem. ibid.
Ferrum diuerso modo trahitur Ho-
rizontaliter prostratum, & ere-
ctum verticaliter. 103
Ferrum non propriè trahitur. 175
Ferrum cui adiungitur aliud cor-
pus ponderosum non trahitur à
magnete, etiamsi ferrum toti ag-
gregato priori pondere æquale fa-
cillimè trahatur à dicto magnete.
139
Ferrum eadem sui extremitate &
trahit & repellit. 158
Ferrum qua ratione super tabulam
ince-

INDEX RERVM

- incedat. 369
Ferrum per oppositum contactum
magnetis acquireret opposito modo
qualitatem. 74. intrinsece altera-
tur dum excitatur. 65
Ferrum fragile cur. 13
Ferrum ad partem semel tactam
semper confluit. 67
Ferrum propè magnetem & procul
diuersam trahit versorij partem;
non tamen mutat verticitatem. 140
Ferrum non conuertit in Septentrio-
nem partem Septentrionalem, sed
Australem. 142
Ferrum non attrahitur è vulneri-
bus, magnetem in emplastro mi-
scendo. 141. & seq.
Ferreus puluis magnetem conseruat. 117
Ferrum erectum supra terram ver-
ticitatem concipit. 45. & procusum
in linea meridiana. ibid.
Ferrum magnetice excitatum non
habet aliquando ullam directio-
nem. 151
Fibra magnetica non diriguntur in
polum secundum lineas Mathe-
maticas, sed Physicas. 484
Figmentum de motu perpetuo Ioan-
nis Teisneri. 329
Figura lapidis maxime consideranda
est. 155
Frigus cuiusque cubiculi in æstate
quo instrumento possit quis meti-
ri. Vide Lib. III.
Fricatio ferri supra magnetem, ut
excitetur, cur fiat. 190
- G
- G** Allus cur cantu Leonem ter-
 reat. si fabula esset vera.
 Vide Lib. III.
- Generatio lapidum. 5*
Generatio marmoris. 7
Generatio metallorum. 12
Geographia Arabica. 10
Geographia quid. 399
Gilberti Corollaria omnia falsa
sunt. 463
Globum in centro vitrea Sphæra ea
ratione librare, ut viginti quatuor
horarū spatio cursum sympathico
& perpetuo motu peragat. 342.
alia constitutio huius globi. 345.
huius fabrica & vsus. 343
Globi librandi ratio in humoribus
344
Globus magneticus qui se perpetuo
circumuoluat raptu cæli fieri non
potest. 328
Globi totales mundum integrantes
singuli propriam habent totalem
formam disponentem. 67
Gradus inclinationis magnetica cor-
respondentis gradui eleuationis
poli dato inuentio. 409
Gradum verū inclinationis magneti-
cæ infra Horizontem, inuenire. 407
Grauium num sint grauiora, dum
sunt in loco deorsum, quam sursum,
quo pacto possit quis experiri.
Vide Lib. III.
Grauitas & vis magnetica. 43
Grauium, & leuium quomodo mouentur
à generante. Vide Lib. III. petunt
locum natura consentaneum. 60
Grauitatis centrum cur sit in medio. 16
Grauitas quomodo terram stabiliat. 52
Gregorius XIII. restaurator Ka-
lendarij. 397
Gummi ceraforum. 66. mastichis.
ibid.

LIBRI PRIMI ET SECUNDI.

Gutta aqua cur & quomodo concurrant. Lib. I I I.

Gypsea omnia carnem trahere videntur. 17

H

Helenus vates. 23
Hieroglyphica magneti insculpta. 22

Historia varia de Statuis vi magnetis in aëre suspensis. 356

Historia Iona à Pisce absorpti representatio magnetica. 360

Historiam Christi super aquam ambulantis magnetice representare. 361

Historia ridicula. 380

Hora inaequalis quid. 300

Homogenea, ut essentiam, ita proprietates totas habent in toto, & totas in qualibet parte. 184

Homines nautici Typhonis filij. 26

Horizontem pro data qualibet latitudine Zodiaco inscribere. 293

Horologij Solaris, siue magnetici inuentor Syluester Secundus Papa. 32

Horologium magneticum construere

horas, Babylonicas, Italicas, Astronomicas, Planetarias, Nocturnas; ope versorij magnetici perpetuo ostendens. 311

Horarum inaequalium inuentores Babylonij. 313

Horologium vniuersale Physicum. 508

Horologium magnetico-Sciotericon Orientale & Occidentale describere. 297

Horoscopus, aut ascendens quid sit. 301

Horoscopium magneticum regiminis planetarum describere. 313

Horoscopium magneticum vniuersale. 320. Idem aliter construere

in vitrea Sphaera. 321

Horologium Astrologicum magneticum describere. 294

Horam diurnam à meridie & media nocte cognoscere. 296

Horas planetarias, siue inaequales Zodiaco inscribere. 300

Humidorum in aqua eminentium concursus est motus elementaris. Vide Lib. I I I. cur hac confluant: non confluunt, ut uniantur. ibid.

Humiditas quomodo corpora omnia coniungat. 16

Humida siue aquea sint, siue pingua, si concrecant, electrice trahunt. Lib. I I I.

Humidum quomodo ponderetur. 172

Humores ad librādum globum quomodo praeparentur. 344

Hydraulica Archimedis. 341

Hydromantia quid. 371

Hydromanticum directorium. 373

I

Ichnographicam delineationem in maiorem aut minorem proportionem reducere. 235

Ichnographiam rerum instrumento pantometro perficere. 261. 262.

263

Ichnographiā vrbis pantometro instrumento expedire. 264

Ichnographiam subterraneorum locorum perficere. 265

Ichnographiam partium interiorum ad ficij perficere. 267

Ichnographica delineatio fortalitorum. 267

Igniariū instrumentum trahit versorium

INDEX RERVM

- sorium cum diuersitate facierum.*
 46
Ignis magneticam qualitatem pro-
figat. 113
Illic magnetes cur debiles. 9
Inclinatio magnetica solum per fer-
rum euidenter cognoscitur. 96
Inclinans acus non cœlestes, sed ter-
restres polos respicit. 400
Inclinationum magneticarum inue-
tum ad naturæ exemplar disposi-
tum. 413
Inclinationum magneticarum tabu-
lam per sinus & logarithmos cõ-
putare. 415
Inclinatorium magneticum construere
elevationes poli in toto terra-
rum orbe indicans. 420
India mendaciorum asylum. 13
In æquatoris magnetici linea acus
affricta nullam verticitatem cer-
tam acquirit. 152
In polis mundi vis quædam benefa-
ctrix terræ. 51
In magneticis similia gaudent dissimilibus
dissimilia vero similibus. 144
In scæto lapide partes non coeunt, vt
præsum non essent separata. 78
Instrumento magnetico per signa ad
vnam & alteram leuam vltro ci-
troque colloquium instituere. 389.
huius fabrica. 390. 393. alia ratio
cryptologica. 393
Instrumenti Meconometri noui descri-
ptio. 505. aliud pro differentiis
horarum, inter duo localongitu-
dine diuersa, inueniendis construere.
 512. idem aliter construere. 514
Instrumenti magnetici constructio.
 226. 227. hoc instrumento dato
 quouis angulo æqualem ei assi-
 gnare. 228. cuius & quodlibet
 graduum æqualem assignare. 229.
 quadratum describere. ibid.
Instrumentum Pantographicum
magneticum conficere. 229
Instrumentum magneticum rota-
tile, iter locum & distantias de-
terminans & notans absque ge-
stantis ope. 247
Instrumenti Pantometri, ichnogra-
phico magnetici fabrica. 251. 252.
 253. 254.
Instrumento pantometro latitudinæ
rerum metiri. 254
In aquis grauitatis heterogeneæ,
erit vt grauitas materiæ aquæ
grauioris ad grauitatem materiæ
leuioris, sic pars corporis solidi in
aquam materiæ leuioris immersa
ad partem solidi eiusdem in aqua
grauiore demersum. 173
Inuentio pyxididis in Europam ex
China promanauit. 31
Ioannes Goias Amalphitanus ma-
gnetica facultatis & pyxididis pri-
mus inuentor. 32
Ioannis Grauij inuenta declinatio.
 436
 K
K Alendarium magneticum con-
 ficere. 285
 L
L Achryma Saturni. 26
L Lapis Philosophorum magnes vo-
 catur. Lib. III.
 Latitudo regionum quid. 399
 Lapidum generatio. 7
 Lateres adusti & ferrei vim magne-
 ticam concipiunt à terra. 67
 Libra-

PRIMI ET SECVNDI LIBRI.

*Libratio versorij inclinationis quo-
modo fiat.* 97

*Librari non poterit ferrum exacte, si
magnetem præsenferit.*

Libra vim tractiuam expendere. 178

*Libra magnetica non ferro, sed ex
alio quouis metallo confici debet.*

180

Lignum suis Venis in longū protra-
ctis magnetis naturā explicat. 141

Lignum omnes habet positionum dif-
ferentias, & meridianam in se
ostendit lineam. Lib. I II.

*Lignum cur habeat propriam longi-
tudinem. Vide Lib. III.*

Lineas signorum ascendentium Zo-
diaco magnetico inscribere. 305

Longitudo magnetis certa est & in
variabilis. 141. quomodo inuenia-
tur. 55

Longitudinum aut latitudinum quarumvis datarum expedire dimensiones.

Longitudo regionum quid sit. 399

Longitudinis terræ inueniendæ mo-
dus necdum inuentus. 495

*Longitudo terrestris an, & quæ ratio
ne inuestigetur magnetis ope.* 502

Longitudines locorum instrumento
Chronodictico inuestigare. 511

circuli, sed lineæ spirales, seu helices.

*Lumen quomodo propagetur. 131. eo-
dem modo propagetur qualitas ma-
gnetis. ibid.*

Lumen in medio perpetuo pendet à luminoso; sic & qualitas magnetica pendet à magnete. ibid.

Luminosum cur non impediatur à
qualibet qualitate. 131

*Lunæ pars ad Lunam lunaticè flue-
ret, & Solis ad Solem.* 67

M

M Achina. quæ motu sympathico
ventum quouis tempore flantē,
cum suis qualitatibus & effecti-
bus, infallibiliter demonstrat. 386.
huius usus. 267

*Maſchinam conſtruere, in qua de
quavis materia reſponſio datur à
ſtatuis. 372. huius praxis. 374*

Magia Ελληνιστουρική.	324
-----------------------	-----

*Magnes albus cur ad amoris philtre
adhibeatur.* 17. 34

Magnetis nomen unde sumatur. I

Magnetis falsa miracula. 119

Magnetica terræ vis quænam sit. 68

Magnes traxit semper Philosophorū

Magenia aque ac ferrum. 2

*Magnetem cœlum referre quis pu-
tarit.*

Magnetis generatio. 93
8

Magnes cur specialiter vim habeat

motuam fugiendi à contrario. 57

Magnes duas facies. 75. & seq. &

quomodo habeat. ibid. quomodo per
eas se dirigat ad polos. 55

*Magnes in inconuenienti situ positus
ad alterum magnetum non opera-
tur.* 73

Magnetis polorum unus attrahens , 73
alter repellens . 76

Magnes ubique in magnete extra equatorem affrictus fuerit acquirat directionem polarum.

155

Magneticæ directionis causa ita cognita est, ut causa descensus in lapide. 65

Magnes in vena profundiore effica-
cior quam extra . 9

Magnes veterum fabulis non fuit
indigitatus. 25

Ma-

INDEX RERVM;

- Magnes terra situm innato appetitu affectat.* 46
Magneticas motiones in aëre, seu avpus ανεός explorare. 172
Magnes non se conuerteret ad cælū si terra non esset. 44. *habet tamen suam vim à se non à terra, licet sit in gratiam telluris, nō in gratiam magnetis.* ibid.
Magnetica directionis terminus. 85. *eius vera causa.* ibid.
Magnes non habet puncta, neque Orientalia, neque Occidentalia, sed solum polaria. 155. *& totus est Meridionalis, totus Australis, & totus confert vim ad utrumque polum.* 87. 153
Magnes libratus descendit altero extremo infra horizontem. 96. 400. *& quis primus id seruauerit.* 33.
Magnes agit in instāti. 130. *nec virtus propagatur ex centro, sed ex polis.* 88. *& in orbem aequaliter funditur* ibid. *non est tamen qualitas in Sphæra actiuitatis ea ratione, qua est in magnete.* ibid.
Magnes albus carnis attractiuus. 16
Magnes armatus robustior. 71
Magnetis actio longius profusa sensim languescit. 131
Magnetis vires augentur mole. 137. *crescit tamen aliquando vis detrahendo de magnete.* 159. *& minor magnes à maiore ferrū surripit, & melius, quo fuerit minor.* 149
Magnes ferrum ignitum æquè ac frigidum trahit. 157
Magnetica virtuti nullum contrarium. 79. *ideo quodlibet medium est proportionatum,* 79. *peruadit eius virtus etiam intricatissima corpora.* ibid.
Magnes genuina & vera terra portio 59
Magnes trahitur à ferro & contra. 63
Magnes vim suam ferro communicat. 68
Magnes pro ratione latitudinis locorum iuxta eleuationem poli deprimitur aut eleuatur. 400
Magnes non respicit vrsam. 64
Magnetica virtuti, quæ noceant. 113
Magnes à primo exordio mundi notus. 21. *Hebrais fuit notus.* ibid.
Magnes magnetem etiam excitat. 62
Magnes altero polorum non absolute repellit. 163
Magnes quo errore dicatur inuentum conseruare. 117
Mahometis Arca an potuerit in aëre suspendi & quamdiu. 357
Mappa Geographica magnetica. 503
Mathematici in regno Sinarum. 432
Mechanica delectationi & utilitati Principum seruit. 325
Mecographia Gallica. 428. 508. 513
Mecomera instrumenta nautica. 504
Melita Insula ex limo arenoso maris nata. 48
Mensurantur res graues exactissime per ponderationem in aqua. 167.
 177
Mercurius Treuiris olim in aëre suspensus. 23
Meridianam & consequenter χαλδυσουλίσιν data eleuatione poli & latiortiuā, vel occidua per nouum instrumentum inuenire. 500
Meridiana inuentio. 496. *per triangula sphaerica.* 497
Metalla metallicos emittunt spiritus. 121
Metalla vitiosa alijs mixtionibus. 13
 Metal-

PRIMI ET SECVNDI LIBRI.

Metallorum omnium antiquissimū
ferrum 20
Mira vis magnetis. 62
Modus quo Borrus longitudinem
locorum inuestigare conabatur.
 502
Modus faciendi mappam Geographi-
comagneticam. 505
Montes Europę, Asię, Africę, Ame-
ricę. 49
Montes concatenati vt plurimum ex
Austro in Boream. 49
Mons Vesuij. 48
Mons Peregrinus in Sicilia. 48
Motus perpetuus quomodo possit per
magnetem excogitari. 332. 333
Motus alicuius rota in centro terrę
& extra circumductę diuersa ra-
tio. 54
Motus perennis admodum difficilis
inuentu. 326
Motu perennem artificialē credibile
est impossibilem factu esse, secus de
motu naturali perpetuo sentien-
dum est. 327
Motus perpetuus naturalis & mix-
tus datur. 328
Motus magnetis perpetuus in repul-
sua instituendus. 334
Motus proprius Solis quomodo globo
inducendus. 343
Motus Solis & Lunę Stellarumque
fixarum in Sphera vitrea reprę-
sentare. 346
Motus Epicycli & excentrici planete
alicuius magnetico motu exhibere.
 47
Motum perpetuum machinis magne-
ticis inducere. 349
Motus perpetuus per ventum.
 353
huius ratio recta & vniuersalis. 355
Multi insignes viri in emendatione

Geographię laborant. 396
Mundus imago Dei. 41
Musca & Lacerta index secreti.
 388
Mutatis polis cęlestibus, terrestres
quoque mutantur. 479
Mutabile experimentum. 485
Mythras Persarum quid. 23

N

Natura definitio ab Aristotele
 tradita, quomodo intelligatur in
 magnete. Vide Lib. III.
Natura subiecti est vera causa pro-
prietatum, patens, & non occulta.
 66
Natura non deficit in necessarijs ad
conseruationem. 40
Natura pronior ad iuuandum quam
ad nocendum. 66
Napellus. 120
Nacleri Melitenses. 436
Nauis ad scopulos magnetis dissolui
extractis clauis fabula est. 40
Nauigationes, etiam in Oceano, po-
tuere fieri sine pyxide. 487
Nauta quomodo locum nauis cognos-
cant & dirigant per altitudines
poli. 16. & ideo quantum intersit
illos scire eleuationem poli ubiq;
 500
Nouum orbem suis inuestigatoribus
non poterat indicare declinatio
magnetica. 466
Nouarum regionum inuentio. 398
Nouę obseruationes de declinatione
magnetis. 478
Nulla vis terram mouere potest, nisi
ipsa terra pręponderet. 54
Nymphaea. 120

INDEX RERVM

O

- O**beli pendentes supra magnetē,
quomodo se disponant. 148
- Obeliscus in Circo maximo post an-
nos triginta Tropicos non recte
monstrabat. 477
- Obliquæ conformationis obelorum
supra magnetem vera causa. 88.
nec oritur ex designatione chordæ;
aut infirma tractione. 87
- Observationes variæ in diuersis regio-
nibus factæ. 47
- Observationes de compaginatione tel-
luris. 5
- Observationes variæ oceanicæ. 431.
432. 433.
- Observationes variæ de declinatione
magnetica in mari mediterraneo.
435. 436
- Occultos animi conceptus vi magnetis
absenti manifestare. 387. 389 392
- Oceanus potuit etiam nauigari sine
pyxide. 487
- Octo diuersæ magnetis declinationes
observatæ. 429
- Olai magnis falsa opinio de montibus
magneticis polo vicinis. 57
- Omnia circulos affectant. 42
- Omnis speculatio non congruit pra-
xi. 342
- Omnibus rebus loqui possumus. 381
- Oppositæ facies in magnetis sola se
trahunt. 142
- Opiniones variæ de attractiua virtute
magnetis. 57
- Ossa accipitris aurum trahunt. 19
- Observatio de declinatione magnetica
facta per totam fere Europam tã
maritimis, quam mediterraneis lo-
cis. 437
- Observata variatio variationis non
est à mutatione polorum. 478
- Observationes omnes magnis pleriq;
vitijs obnoxia. 483

P

- P**aralogismi in demonstratione
motus perpetui. 332
- Paradoxa nautica disciplina. 517
- Pantarbe magnes aurum habens. 17
- Partes, similes magnetis quomodo cõ-
iungantur. 142
- Pyrodoxov magneticum paruum &
debile aliud ferrum è tenaci ma-
gnetis & maioris & efficacioris
complexu surripit. 149
- Passiones magnetis. 3
- P. Gaspari Rues litera ex portu Be-
lo de obs. magn. 433
- P. Ioannes Vremani litera ex portu
Macao Chinesi de Declinatione
magnetica. 432
- P. Iulij Alenisy ex India observatio
de declinatione magnetica. ibid.
- Petri Peregrini epistola de magnete.
33. sibi alius ascripsit. 93. eius error
de Rotatione magnetis Sphærica. ibid.
- P. Martini Martinij litera de declin.
magnetica. 433. eiusdem de mari
mediterraneo litera. 436
- Perpetuus motus per magnetem non
potuit fieri. 328. & quomodo fieri
possit. ibid.
- Photius Author. 29
- Piscis odij Hieroglyphicum. 26
- Plantæ sursum germinant etiam ra-
mo ad terram reflexo. Vid. Lib. III
- Plantanda arboris ratio peculiaris;
ut non arescat. Vide Lib. III.
- Plantæ magnetica ac supra venam
magneticam crescentes quæ. 121
- Plauti locus explicatur de versoria. 30
- Planetarum motus circa solem insinua-
tur per magneticam conuersionem.
Vide Lib. III.
- Plinius magnetis verticitatem nesci-
uit. 28
- Pneumatica instrumenta non sunt
per-

PRIMI ET SECVNDI LIBRI.

- perpetua. 341
 Poli magnetis à quo primum com-
 morentur. 32. eos inueniri. 56. quo-
 modo variantur per diuisionē ma-
 gnetis. 78. 142. non sunt principitū,
 sed termini actionis; sunt veluti
 puncta radiosā. 16
 Polus magnetis in sua vena sit ne ele-
 uatus, an depressus infra horizōt. 143
 Polus vnus magnetis destruit, quod
 alter produxit. 146
 Poli magnetici in tabulis Geographi-
 cis imperitē pinguntur, ideo abra-
 dendi. 458
 Polares terræ partes maiorem habent
 actiuitatem magneticam. 46. & se-
 ptentrionalis hic in magnete plus
 potest, quā Australis, & cōtra. 179
 Poli eleuatio facile per magnetem co-
 gnoscitur. 420. & seq. & quomodo
 à nautis cognoscatur. 497
 Polygonum datum in quauis propor-
 tione delineare. 241
 Pondus vt trabatur minorem requi-
 rit potentiam trabente. 326
 Possidonij de Sphæra Archimedeæ
 opus perditum. 338
 Portæ opinio de attract. magnet. 427
 Proportio magnetis ad magnetē. 134
 Primigene agloborum forma. 673
 Puluis ferreus magnetē conseruat. 62
 Puluis magneticus & scobs quomodo
 trahant. 62
 Punctus omnia. 41
 Propugnaculum delineare. 243
 Profunditates rerū inuestigare. 258
 Purgantia medicamenta quomodo
 purgent. Vide Lib. III.
 Pythagoras alijsq; Philosophi pyxi-
 dem nauticam nō cognouerunt. 27
 Pyxis Anglorum in mari mediterræ-
 neo errat. 490
 Pyxidis nauticæ conficiendæ qua-
 druplex ratio. 489. alia constructio
 Petri Nonij & Medinæ. 491. alia
 & varia. 494
 Pyxis nautica à quibus fuerit inuen-
 ta. 29. & seq. 488. quomodo eius fer-
 rum formetur. 188. cur ferrum te-
 gatur circulo cartaceo. 191
 Pyxidem nauticam veteribus fuisse
 incognitam quatuor rationibus
 probatur. 25. fuit cognita Arabi-
 bus. 489
 Pyxis Cryptologica. 302. huius mira-
 bilis constructio. 385
 Pyxidis nauticæ, siue Amenoscopijs va-
 ria directio. 514

Q

- Qualitas magnetica tripliciter
 existit. 86. non est duplex, sed vni-
 ca tota australis & tota Septētrio-
 nalis. 16
 Qualitas magnetica nullū habet con-
 trariū, ideo pducitur in instāti. 139
 Qualitas duarum facierum est moti-
 ua & alteratiua. 60
 Qualitas magnetica mutatur in ferro
 per nouum contactū. 140. inuenitur
 in omnibus ferramentis à terra
 producta. 61
 Qualitas magnetica est actu in medio
 & in tota Sphæra actiuitatis. 127.
 disseminatur ex polis vt ex punctis
 radiationis. 88. perpetuo tamen de-
 pendet à magnete. 16
 Qualitas ferri varia. 17
 Qualitas biformis, seu διμορφος. 64
 Qualitas constitutiua magnetis in
 loco. ibid.
 Quadruplex magnetis genus à Cby-
 mistis fictum. 384
 Quanta aquæ portio dato corpori soli-
 do respondeat. 176
 Quanto plus trahat polus magnetis
 Borealis quam Australis Staticè
 explorare. 179
 Quan-

INDEX

Quantum magnes variatus sit staticè explorare. 180
Quantitatem dierum & noctium in instrumento Zodiaci magnetici reperire. 25
Quantitas inclinationis magneticae varijs in locis est observata. 400
Quatuor conditiones ad motum perpetuum necessariae. 326
Quae corpora magnetica. 44
Quod sit magneticae virtutis principium immediatum. 60
Quomodo gypsum trahat labra. 17.
Quomodo aurum à magnete trahi possit. 18
Quomodo terra se disponat Austro-borealiter. 58
Quomodo ῥοδὸς ποικίλη συναυγᾶδι. 517
Quomodo herba trahentiam vim habere possint. ibid.
Quomodo animalia vim magnetis participare possint. ibid.

R

Ratio cur instrumenta igniaria superiorem partem in Austrum, inferiorem librata in Boream convertant. 46
Ratio secandi vitra. 346
Radij magnetici in unum punctum, ut in elliptica & parabolica concavitate speculi, confluunt. 402
Radij virtutis quomodo intelligantur disseminari, & etiā in perspectiva qui intelligantur radij luminosi. 128
Rerum sympathiae qui libratione expendantur. 173. & quomodo ἡ δὲ ποικίλη συναυγᾶδι. ibid. quomodo ἡ δὲ ποικίλη συναυγᾶδι. ibid.
e tis fabrica pro Astrolabio magnetico. 316
Rektor mundi magnes. 3
R. Salomon Cretensis de usurpatione Lanceola. 31
Rubiginosum ferrum vix trahitur à magnete. 456

RERVM;

Rupes magneticas sub polis constitutas, quae magnetem dirigant, dari, fabulosum est. 458
Rupes suppolaris ingens. ibid.
Regiomontani aquila. 324
Regula varia de cōservat. magnet. 112
Rhomborum per sinus computatio. 522
Rota magnetica. 333

S


Salomon num habuerit pyxidem nauticam in suis classibus. 27
Staligeri sententia de Motu octavae Sphaerae. 476. verforium nunquam spectare polum mundi nisi ex vno meridiano. 476. eiusdē opinio de variatione variationis magnetis. 275
Scientia Hieroglyphica qualis fuerit tempore Aegyptiorum. 26
Scopuli magnetici naues attrahentes. 10
Seculo magnete quomodocunq; mutantur puncta & linea magnetice. 154
Seminaria rerum. 6
Seneca de natura terrae. 4
Senescit etiam magnes temporis de cursu. 114
Stevinus in Limencuretica de Declinatione magnetis. 428
Statua manifestans verbum, seu litteram, quam quis conceperit animo, in limbo vasis. 377
Statuae vi magnetis in aëre suspensae. 23
Sub polo acus nulla certa lege disponitur. 151
Σταγανωγραφία quid. 380
Steganographia Trithemij. 386
Similitudo generationis animalium. 12
Similitudo per se non coniungit similia, neque in magnete. 65
Similes facies in magnete, se directe expellunt. 74
Similia similia trahunt. 65
Sinum altitudinis Solis in verticali primario constituti indagare, quā
nos

LIBRI PRIMI ET SECUNDI

nos almacantaram verticalem appellamus.	22	Sphæra Archimædæa magnetica vi- trea.	328	
Sinum rectorum inuentio.	274	Sphæra Archimedis cælum mobile referbat.	393	
Si solide magnitudines mole æquales, & grauitate humidum adæquâtes in humidum demittantur, mergen- tur quidem, ita vt cum solido in eadem sit humidum superficie, ita tamen merse non ferentur deor- sum, sed quamuis intra aquam datum locum seruabunt.	168	Sphæra magnetica.	280	
Si vna solidarum magnitudinum altera fuerit leuior, illa in humi- dum dimissa tota non mergetur, sed aliqua pars illius extra humi- di superficiem extabit.	169	Sphæra actiuitatis magneticorum suadetur.	127	
Si corpus quodpiam solidum aquam (cuius grauitas nota sit in certa mensura) sui parte notæ magnitu- dinis immergatur totius corporis solidi pondus inuenire.	171	Stellarum fixarum in rete inscriptio.	319	
Situs diuersitas in collocatione ferri verè diuerso modo trahit verso- rium.	45	Succus aconiti fixans & indurans.	15	
Societatis IESV Mathematici.	431	Succo lapidifico omnia saxa con- uertuntur.	27	
Solida magnitudo humido grauior humido immersa fundum petet.	170	Superiora vniunt in se, quæ in infe- rioribus sunt diuisa.	49	
Solis in circulo bore sextæ constitu- ti altitudinem indagare.	200	Superstitiones magneticæ.	33	
Sole æquato rem subeunte, eiusdem elevationes in horis Astronomicis indagare.	204	Sympathica determinatam requirunt distantiam.	386	
Solis gradum, declinationem, ortum & occasum, in instrumento Zodia- ci magnetici reperire.	296	Syluam vel campum ichnographice describere.	234	
Solem in quouis Azimutbo quouis tempore indagare.	295			
Spelunca S. Benedicti Sublaci.	47	T abula Hieroglyphica.	24	
Spelunca S. Mariæ Magdalene.	48	Tabula inclinationum magneti- carum ad omnes poli eleuationes.	419	
Sphæra totius cæli motum ostendens.	347	Tabula generales declinationum ma- gneticarum Oceanicarum ex varia- rum nationum obseruationibus.	439.	
Sphæra alicuius mirabilis conficien- de ratio.	346	Tabula nominum Ventorum iuxta varias rationes denominatorum & prout pyxidi inscribi solent.	492. 493	
Sphæra Archimedis non fuit magne- tica.	341	Tabula nautica indicans spacia, seu milliaria in mari sub quouis rhom- bo confecta.	520. vsus tabulæ. 521	
		explicatio partium. ibid. applicatio pragmatica.	ibid.	
		Terra est in medio Physicè & Ma- thematicè, & in loco Physico & Mathematico.	32	
		Terræ fluctuatio sequi potest, ex cõ- motione magna.	485	
		Terram non esse magnam magnetem per- fectissimam probatur pluribus.	411.	
		habet tamen vim magneticam vt pluribus ostenditur.	44. vnde illi proueniat, & cur illi data sit.	43
		Terra		

INDEX RERVM

<i>Terra non habet nec Orientem, nec Occidentem, sed solum determinatos polos. 16. & eius venæ excurrūt à polo ad polum. ibid. & 469</i>	481
<i>Terra si volueretur, ex vi magnetica restitueret se ad situm polarē. 43 & propter hoc data est illi hæc virtus ut impediatur à vertigine. 16</i>	361
<i>Terra hominum sedes. 42</i>	8
<i>Terra qualitas magnetica, est attractiua, & alteratiua, habet tamen vere utrumque. 42</i>	13
<i>Terra simia cœli. ibid.</i>	16
<i>Terra disponit omnes acus, ad meridianum si aquis imponantur. 55</i>	47
<i>Terra compaginatio. 467</i>	47
<i>Terra polariter coagmentata. 467</i>	147
<i>Terra cur exiguam vim attractiuam habere videatur. 46. duplici freno cohibita sistitur. 51</i>	149. 461
<i>Terra difficilius circulari quam vero motu mouetur. 54</i>	469
<i>Terra requirit vim magneticam ex natura sua. 58</i>	469
<i>Temperamentum ferri varium. 14</i>	156. 161
<i>Tractiua vis magnetis quid sit. 63</i>	516
<i>Triplex magnetis genus. 16</i>	516
<i>Triplex librationis cetrobarycæ modus. 174. 175. 176</i>	463
<i>Temporis exacta inuentio difficilis, sine Sole & Stellis. 506</i>	249
<i>Tycho de erroribus Astronomiæ. 395</i>	138
<i>V</i>	
<i>Varietas Magnetis. 8</i>	76
<i>Varia libræ ratio. 168</i>	169
<i>Varia opiniones de nutat. tellur. 51</i>	162
<i>Variatio variationis magneticæ non est à cœlo. 479. non est ab axe telluris mobilis. 480. vera causa. ibid.</i>	326
<i>Varijs machinis cylindrus circumagi potest. 320</i>	386
<i>Variationem magneticam in mari reperire. 495</i>	399
<i>Varietas in observationibus diuersorum. 477</i>	477
<i>Vranscopium anaclasticum magneticum. 361</i>	
<i>Vbiq; locorum inueniuntur magnetica corpora. 8</i>	477
<i>Venæ ferri. 13</i>	477
<i>Venæ ferri magneticæ. 16</i>	477
<i>Venæ terræ, q̃ in montibus excessu cernuntur faciunt angulum cū horizonte æqualem altitudini poli. 47</i>	477
<i>Versoria duo ita disponi possunt ut inimica eorū pūcta fiāt amica. 147</i>	477
<i>Versoria non debent fieri in forma crucis. 149. 461</i>	477
<i>Versorij materia optima est ferrum optimum & temperatum. 460</i>	477
<i>Versoria magnetica nō congruunt cū vero meridiano in toto aliquo meridiano. 469</i>	477
<i>Versoriū magneti affricitū unā tantū faciē actu subinde acquirit. 156. 161</i>	477
<i>Verticalis & meridiani præcipuus in nautica usus. 516</i>	477
<i>Vis eminentiarum terrestrium in Oceani mediū agere nō potest. 463</i>	477
<i>Vi rarefactionis aëris perennē aquæ motum inducere. 249</i>	477
<i>Vt magnes ad magnetem, ita vis ad vim & Sphæra actiuitatis ad Sphæram actiuitatis alterius. 138</i>	477
<i>Vtraq; vis utriq; polo inesse potest. 76</i>	477
<i>Utrum certos polos ferrū habeat. 169</i>	477
<i>Utrum ferrum candens trahat. 162</i>	477
<i>Utrum magnetica vi motus perennis dari possit. 326</i>	477
<i>Utrum vi magnetis in distans loqui possimus. 386</i>	477
<i>Utrum latitudo regionum opera magnetis inueniri possit. 399</i>	477
<i>Utrum detur variatio variationis magneticæ. 472. modus obseruandi huiusmodi variationem. 475. quæ causa huius variationis. ibid. huius inquisitio. 449. qui effectus. 477</i>	477



ATHANASII KIRCHERI
FVLDENSIS BVCHONII


E SOCIETATE IESV.

MAGNETICAE ARTIS
LIBER TERTIVS
MVNDVS MAGNETICVS,

SIVE

CATENA MAGNETICA,

Qua rerum omnium naturalium Magneticus
in hoc Vniuerso nexus disquiritur.




Η ἐπιτομή τῆς τέχνης μαγνητικῆς.

Η φύσις τῇ φύσει τέταται.

Η φύσις τὴν φύσιν νικά.

Η φύσις τὴν φύσιν κρατεῖ.



ΠΡΟΟΙΜΙΟΝ.



ICVTI *uniuersa illa καὶ παντομορφος mundi Natura ;
per omnia mūdi membra diffusa, hāc rerum Vniuersi-
tatem certo gubernat ordine, & constantia regit im-
mutabili; ita fieri nequit, ut diuina quadam mente
Architectatrice, & conseruatrice, quæ consilio, & recta ratione
omnia prudenter administret, & prouidentia sua tutetur, non ut a-
tur; quæ quidem mentis Architectatricis ratio nihil aliud est quam
Lex Natura immutabilis, quam Plato τέχνην τῆ θεῆ sc. artem
Dei; alij famulam, ministrā καὶ ὄργανον τῆ δημιουργεῖς instrumen-
tum opificis, quo administrantur omnia, existunt atque conserua-*

rur singula; quæ sicuti mundo coæua, eique à Sapiientissimo opifice
 ineffabili diuinæ prouidentie suæ dispositione fatali quadam, ut ita
 dicam, necessitate alligata est, ita in toto animantium, stirpium,
 mineraliumq; genere nihil spectari potest, virtute aliqua particu-
 lari imbutum, quod illi veluti imperatrici suæ non subijciatur; hinc
 quicquid Naturæ huius habet imperium, id perpetua constantia,
 rectaq; ratione, & conuenienti lege sustinetur, neque à semita sibi
 præscripta, legeq; data deflectit vnquam; Ab hac omnia in mundo
 participant, cum nulla res quantumuis minima sit, cui non insit
 vis aliqua ab ea directæ, quæ id quod genuit conseruet, & tueatur,
 atque ita contra omnia incōmoda, & naturæ suæ contrarias actio-
 nes munita in suo esse conseruetur. Quæ quidem inuolabilis na-
 turæ vis rebus singulis implantata, cum non semper sit ex earum
 numero, quas qualitates manifestas atque elementares Philosophi nū-
 cupant; idē eādem Græci τὴν δύναμιν ἄγνωτον, Latini qualitatem oc-
 cultam, & infandam, Hebræi כּוּחַ חַיְיטִים diuinæ potestatis instru-
 mentum, Arabes formam abditam in omnibus operantem, alij sym-
 pathicam, aut antipathicam qualitatem, nos haud incongruē ma-
 gnetismum appellandum duximus, siquidem omnis huiusmodi vir-
 tus rebus inexistens, κατὰ τὴν ἀναλογία πρὸς τὸν μαγνῆτην, per at-
 tractum quendam dispulsionemq; ut plurimum contingit, qui qui-
 dem attractus sicuti in amore quodam, quo res naturali appetitu
 similia sibi, bona amicaque vnire appetunt, ita dispulsus in odio
 quodam, quo dissimilia, mala, inimicaq; sibi remouere conantur, con-
 sistit; Atque hæc causa fuit, cur hunc Librum Tertium Mundum
 Magneticum, inscripserimus, quo quidem præterquam, quod ma-
 gnetismos rerum singularum, à propriè dicto magnetismo distin-
 guimus, trahiam, repulsiuamq; vim in singulis rebus latentem, non
 docemus tantum; sed & ipso experimento comprobamus, ac per
 conuenientem actiuorum cum passiuis applicationem mirandos ef-
 fectus producere (qui Magnetice Artis nostræ vnicus scopus est.)
 docemus. Totius quoque vniuersi, atque adē rerum omnium cor-
 porearum nexus noua, & singulari methodo inuestigamus. Cuius
 quidem clauēs quicumque possederit, is portam ad abditarum qua-
 rumuis rerum notitiam, adēq; veræ illius, atque à veris Philoso-
 phis intentæ sapientie, quam Magiam vocant, adyta apertam se
 inuenisse sciat: καὶ δὲ γὰρ καὶ ζήσῃς.

P R A E L U S I O I.

*De occultis naturæ operationibus,
earumq; causis.*

A Nimus liber, solutus, nulloque terrenæ missionis inuolu-
cro vestitus, mox originis suæ memor, & consors diuini-
tatis nudas apertasque rerum substantias perspicuè, & sine im-
pedimento cernens clarissima omnium cognitione fruitur; in
hoc vero corporis coniectus ergastulum, è terreni corporis
indumento æger, sentus, squalidus, ac in sensibilibus spectorum
gurgite penè demersus, obliuione adhæc tanquam densa cali-
gine obrutus, in summa versatur rerum ignorantia; At nihilo-
minus semina quædam etiamnum retinens diuinitatis suæ, re-
rumq; maximarum dulci recordatione quasi igniculis accen-
sus perpetuò sciendi noscendiq; desiderio flagrat. Nam admi-
rabilem illam in hoc παντομέρῳ Naturæ Theatro contemplas
varietatem, abditarumque rerum nouitate attonitus, in vehe-
mentes rapitur admirationis excessus; intellectus verò admi-
ratione defixus, ingens secum earum cognoscendarum deside-
rium trahit, & amorem. Amor ardentibus agitated stimulus,
bonique absentis veluti impatiens, sollicitus, & inquietus ni-
hil non agit, quo boni cogniti particeps esse possit: Cum verò
in hac Microcosmi Oeconomia contagione corporis depressus
intellectus solo sensuum fulciatur ministerio, fit, vt eos vnicos
in formandæ scientiæ ministros adsciscat, vnde sensus imperio
intellectus efficaciq; voluntatis desiderio incitati, per vniuer-
sas rerum series amandati probè suo funguntur officio, hoc
circa rerum aspectabilium qualitates, colorumq; differentias,
illo circa harmonicas rerum proportionēs, quibusdam circa
sapores, & gustus, alijs circa tactilium rerum varias affectio-
nes, vnoquoque iuxta obiectum potentiæ suæ proportiona-
tum occupato. Porro Thesaurus iste sensuum ope collectus,
memoriæ traditur; hæc veluti Thesaurarius, comparatas gazas
intellectui Regi exhibet, intellectus pro muneris sui ratione à
fæce turbida repurgatas, tandem varia rationis trutina ponde-

Semina sciētiarū
vnicuique insūt

Sensuum mini-
sterio omnis
sciā acquiritur.

Miri effectus
rerum philoso-
phiam pepererunt.

Voluntas Dei
non est imme-
diata causa vi-
rium occulta-
rum.

Neque idem
causæ esse pos-
sunt.

ratas in cælestem penitus indolem transmutat. Ita quidem à sensibus tanquam à certis eorum internuncijs stabilita olim fuerunt omnium disciplinarum principia. Verùm Naturæ maiestatem paulò altiùs rimantes Philosophi, cum insolitos quosdam, & ominò prodigiosos effectus notarent; latentibus causis nunquam sese omninò à talium admiratione, quæ præcipuè animos hominum inuadit, (dum latentes quosdam rerum consensus dissensusque, quas sympathiam, & antipathiam, Græci vocant, qua res naturali quodam odio se persequuntur, prosequuntur amicitia; aliæq; dotes planè diuinæ in lapidibus potissimum, plantis, atque animalibus, elucescentes sensibus sese oggerunt,) abducere potuerunt. Vnde singuli suo modo de ijs philosophati, nihil intetatum reliquerunt, quo ad veras abditarum huiusmodi virium causas penetrarent; Sed quod plerunque fieri solet, dum suo quisque modo causas rerum reddere conaretur, vti in varias opiniones lapsi, ita varia quoque in philosophia monstra pepererunt; Quidam Dei voluntatem dictorum in mundo mirabilium effectuum causam, immediatam statuerunt. Sed hi magis piè, quam verè sentiunt; & nullo labore omnia soluere possunt. Cum nullus sit, qui nescire possit, Deum omnium rerum naturalium principium & causam esse; & à qua omnia essentialiter dependeant; Non igitur de huiusmodi vniuersali, & principalissima causa, qualis Deus est, inquiritur, cum huiusmodi causæ cognitio, non solà in animo philosophantis pariat scientiam; sed intima principia & proxima rei, vt scientia formetur, perscrutanda sunt, quibus cognitis veram rei scientiam adepti censemur. Vnde si quispiam ex alio quæsiuerit, quænam sit causa attractiue virtutis Magnetis, isque responderit, causam esse quod Deus ita fieri velit, haud dubio ab omnibus ridendus esset, cum nihil nouum, aut ignotum assignarit; quod si verò responderit, vim quandam ipsi insitam directiuam in ordine ad certū locū in vniuerso obtinendū, ad quem aliud sibi consimile corpus ad bonū & conseruationem vtriusq; disponendo allicit: iam nomen Philosophi tuebitur, cum effectum per suam causam proximam ostenderit. Alij cum Platonici ideas huiusmodi rerum causas esse rati sunt. Credebant enim spe-

cies

cies quasdam ex ideis in materialia transfusas res ad amorem & odium incitare; sed perperam, si enim idæ; quæ nihil aliud sunt, quàm formæ separatæ, & æternæ, exemplaria eorum, quæ naturaliter sunt, vel in mente diuina existunt; æternæ & incorruttibiles, sympathici motus causa sunt: superflua est, & omnino otiosa naturalis agentis particularis vis, & mōstri ad instar à natura non sufficienter instructi, quod absolum, ne dicam impium esset asserere. Non desunt, qui dictas causas Sephiroticis influxibus ascribant. Sunt autem Sephiroth nihil aliud, quam attributa diuinitatis, quibus Deus per intelligentias ijs correspondentes, corporumq; cælestium ministerio, in omnia entia diuinam infundit virtutem, putant enim Hebræi nihil in inferiori mundo adeò virtute denudatum, quin aliquo modo diuinæ sit mentis compos, sed de his pluribus in Tabula nostra hieroglyphica; His astipulantur ij, qui intelligentijs huiusmodi insolitos effectus ascribunt, credunt enim nullum lapidem plantam, aut animal esse, quod à particulari sua intelligentia non gubernetur. Verùm cum horum opiniones circa remotas causas & principia vniuersalia versentur, nunquam ad veram scientiam pertingunt; Iterum intuentes quidam mundum inferiorem à superioribus lationibus gubernari, & cuncta corpora cælesti virtute facta, huiusmodi abditarum virium causam corpus cæleste arbitrati sunt; Verùm cum multæ occultæ vires non è cælo; sed ex manifestis causis immediatè deriuētur, solum cælum istarum causam minimè dicendam existimem, neque animam, cum hæ vires non animatis solum; sed & vita quoque motuque destitutis rebus competere possint; neque formam solam, cum huiusmodi effectus sympathici non necessariò singulis; sed vni tantum indiuiduo, inesse possint. Quod quidem fieri non possēt, si à forma tantum emanarent; nec qualitates manifestas, cum in consimilibus contrarijsque qualitatibus præditis odium amicitiaq; promiscuè excitari possit, quod neutiquam fieret, si à sola naturali humorum temperie huiusmodi effectus profluerent. Ex hoc vario diuersoq; Authorum de abditis naturæ operationibus ratiocinio adeò quidam perterrentur, vt Socratica quadam pusillanimitate conuicti, nihil sciri, nec vilius

Sephirotic
influxus.

Influxus cæ-
lestes.

rei veram & genuinam causam assignari posse asserant, quod quidem ego quantò in veram philosophiam sunt iniquiores, tantò minus reliquis tolerandos censeo: dici vix potest, quam mihi huiusmodi modici animi Philosophi bilem moueant, qui dum effectus quosdam à communi hominum sensu degeneres comperiunt, subito ad propudiosum illud ignorantiae Asylum confugientes, occultam qualitatem esse, ac nullam, proinde aliam genuinam causam inquirendam, hinc naturam humano ingenio metas præscripsisse; frustra quod natura nobis abditum esse voluit, inquire, nihil quod ex primis qualitatibus, non proueniat, sciri posse; aliaque sexcenta vana & futilia effutientes ingeminant: cum hoc ignorantiae pallio, præterquam quod exiguos in philosophia progressus se fecisse monstrent, alta & generosa pectora à tam laudabili veritatis inquirendæ studio mirum quantum auertant; Ego certè dum mundanum hoc infinita quædam varietate rerum instructum Theatrum contemplor, nullum effectum adeò prodigiosum, nullus rei adeò occultam vim reperio, cuius à solerti sagaci; ingenio causa probabilis saltem, aut verisimilis, si non certa, aut euidens, assignari possit. Cum nullæ vires siue manifestæ siue occultæ sint, quæ à Deo Opt. Max. sapientissimo sanè consilio, & ob certos fines, siue rerum propriam, siue nostram vtilitatem respicientes, rebus creatis non sint inditæ, quas homini Mundi filio, heredi, & vniuersorum fini occultas, & inaccessible esse Deum voluisse non est credibile; adduxit enim Deus cuncta animantia ad Adam, vt videret quid vocaret ea, quo loco non incongruè per Adam, omne genus humanum intelligi poterit, quasi Deus in hoc mundo soli homini rerum creatarum varietatē ob oculos posuerit, vt ingenij sui vir rerum singularum viribus inquisitis ijs similiter ad sapientissimum eorum omnium Architectum laudandum amandumque conuerteretur. Quod si naturæ opifex singula animantia etiam minima singulari quodam instinctu dotauit, qui quidem nihil aliud est, quam materialis quidam seu potius umbrabilis intellectus, vel operatio phantasie, qua determinatur appetitus animantis naturalis ad impetum, & fugam ad commodum, & incommodum: quis enim lanæ conficiendæ Bombycæ telæ

Deus noluit nobis esse incognitas vires rerum.

Instinctus animabilis naturalis.

telæ contexendę araneum, Apes fauorum, horreorum Formicas, Hirundinem denique nidorum construendorum rationes docuit, nisi instinctus ille, siue vis *φυσική*, qua quoduis sibi bonum eligit, malum reprobat. Quis docuit Leporem timere Canem, & non Ceruum cum deformior sit; quis pullum timere Miluum, & non Pauonem, aut Struthionem, cum grandior sit? quis Ceruum admonuit plus valere leuitate, quam viribus? Leonē ad vsu n vnguiū quis instituit, equū ad calciū, vt ille fuga sibi consulat, iste armis, cum maiora tñ armamenta sint cornua. Quis Psittacos & picas Rhetoricam, Cynocephalos Musicam, Geometriam Apes, Architectonicam Hirundines, Ogygen Astronomiam, Araneos Textoriam artem docuit? quis Ibi exhibitionem Clisteris; Hyppopotomo phlebotomiā, Ceruis Chirurgicam ostendit? quis vires Cunilæ contra Serpentes Testudini reuelauit, quis Rute, & Origani vim Ciconiæ, Angui contra hebetudinem oculorum Marathrum; Hirundini contra cecitatem Chelidonium, helxines siue anagallidis ad purgandum stomachum vim purgatiuam Gallinis cæterisque aquaticis, demonstrauit? solus instinctus illa naturalis; Si itaque Animalia bruta ex hoc instinctu sibi indito ceu ex notis, aut noxiarum, aut sibi proficuarum herbarum vires cognoscunt, cur homini omnium fini huiusmodi occultarum virium per suas causas cognitionem denegatam credemus? Cur itaque Lupus cum Agno, Leo cum Gallo, cum mure Elephas, cum accipitre Columba lites agant; ne inaccessum humano ingenio putes; cum illi causas huiusmodi abditas reddere difficilē non sit, qui admirabilem huius vniuersi harmoniam, vnā cum suis harmonicis differentijs probe nouerit. Cur verò quædam Animalia in certa quadam corporis parte sedem virtutis suæ constituerint, & non in toto, vt in cornibus Ceruus, in vngulis Alce, in ossibus Hippopotamus, in felle Bos, Hircus in sâguine, ac deniq; in excremento Cattus Indicus; illius causam non magis abditum esse scias, quam cur Taurus magnum caput habeat, Camelus in maiori corpore minus, orbis pisciculus vero nullum, aut enim totum caput est, aut totum corpus: vel cur Equus solipes, fissipes Capra, Elephas mutilifidus, aues in vniuersum bipedes; aliæ quadrupedes, quidē Apodes, non-

Animalia professionē omnium Artium, & Scientiarum affectant,

nullæ diuersipedes ; causæ enim harum aliarumque diuersitatum, vt sunt sapientissimæ, ita ex seipsis sagaci Philosopho innotescunt; Non dicam hic de Plantarum, mineraliũ, aliarumque rerum naturalium occultis motionibus, consensu dissensuque, fileo de abstrusis eorum qualitatibus, dotibusque; plane diuinis, quæ tantæ sunt, vt nihil non eorum ope effici posse existimem. Verum vt sympathia, & antipathia rerum hoc loco exactius discutiatur; de ijs, antequam vltius progrediamur, nõ tamen nisi *περὶ λεγόμενος* modò tractare visum est, hoc enim præstito non dubito futurum, vt de natura Magnetis, sicuti, & de Magnetismis rerum non tantus amplius in scholis difficultati locus relinquatur.

P R A E L V S I O I I.

De consensu, & dissensu rerum in particulari.

Naturæ clavis vna est, quam is solus, qui in materijs dissimillimis vnitatem complectitur, teste Algaziele, reperisse cēseri debet; etsi nemo eam nisi formas rerum stimulosque motuum naturalium, qui ex lite, & amicitia, seu discordi rerũ consensu immediatè resultant, quosque corporum vnio, & fuga necessariò consequitur, perfectè norit. Latet enim sub hisce totius Naturæ Thesaurus, & arcana diuinæ Sapientiæ Sacramenta, quorum scientia imbutus Salomon tantum gloriabatur, vt ipsis Regnis, & sceptris multò eam anteponendam duxerit. Priusquam igitur ad ipsam rerum inuestigationem perueniamus, quænam, quales, aut quotuplices mirificarum huiusmodi Naturæ operationum sint causæ, ne in confusa illa rerum infinitarum congerie *ἀπάντως* versetur, hac prolusione prius examinare visum est. Consensus igitur siue dissensus rerum quorum illũ *σὺν πάθει* hunc *ἀντιπάθει* vocant Græci, non vnã, vt quidam voluere, sed multas, & differentes causas atque occasiones habet: Nonnullæ ad has, aliæ ad alias Naturæ classes reuocantur. In multis concurrunt omnes. In nonnullis aliquæ & certæ, in alijs vna solummodò effectum prodigiosum causatur. Quædam enim à figura & poris, vti & à positione agentis

Clavis Naturæ
quæ?

Varie causæ
sympathiæ, &
antipathiæ.

&

& patientis, occulti motus causam habent, vnde si indiuisibilitatem siue *ἀτομία* tollas, neque totaliter negamus Atomos Epicuræos, siquidem ab aliquibus rebus qualitates quasdam, raras, sed & aliquos corporū vapores corporeos, seu puluisculos, aut effluxiones emanare nouimus, quæ omnes maximam habent, in rebus singularibus subiectisq; distantibus operandi potestatem. In alijs subindè interuenit aliqua antiperistasis; certè quantum imaginatio in exoticis effectibus producendis valeat, notum est: concurrentibus inclinationibus, & sæpè lite & amicitia cū proprietatum à tota substantia promanantium tum primarum, & secundarum qualitatum sensibilium. Efficaciæ quoque causæ efficientis, & dispositioni patientis, amborumque applicationi multa adscribi debent. Virium igitur mirificarū magna est varietas. Sunt aliæ sensibiles, aliæ insensibiles, seu spirituales. Quædam contrariæ inter se, quædam, amicæ; Primò igitur sub insensibilibus magna proprietatum singularium pars, quæ in lapidibus, plantis alijsque rebus naturalibus elucescunt, continetur, vt cum Iaspis sistit sanguinem, carnem consumit Sarcophagus, Serpentes Gangites fascinat, Telitrophium occidit Scorpiones, helleborum album eosdem resuscitat; Ranunculus Sardous risu occidit: Sabina, & Rhododaphne homines sanat, interimit animalia, contra Napellus hominibus exitiosus, animalibus quibusdā propitius est. Atq; huiusmodi proprietates etsi fugiant sensum, viribus tamen rationis cognoscuntur, quorum omnium diuersæ causæ sunt, differuntque plurimū à manifestis qualitibus, vtpotè realiter à primis, & secundis sensu perceptibilibus distinctæ, de quibus in decursu operis tractabitur. Aliæ non sunt distinctæ, nisi modo & qualitate quadam particulari à primis qualitibus, quemadmodū est calor naturalis in certis animalibus, qui in ijs maiorem efficaciam habet, quàm ipse ignis elemētaris; Ita Struthio consumit ferrum in stomacho, quod ignis quantumuis intensus vix consumere potest. Pari ratione sunt alijs in rebus qualitates primæ ferè differentes, vt in Galatia lapide, qui medijs in flammis, vt calefiat adigi non potest; Ita alij ignes, de quibus Plinius, in quædam subiecta nullam vim & potentiam habent, qui tamen plerique effectus antiperistasi ex formarum

Varia qualitatū occultarū diuisio.

repugnantium diffidio ortæ adscribendi sunt. Secundò, considerari possunt aliæ qualitates à sensibus penitus remotæ mirabilium effectuum causæ, quarum aliquæ communes, aliæ particulares sunt. Communes vocantur, non quod ordinariæ sint, aut frequentes, sed quod plerumq; in vna integra specie hoc est omnibus indiuiduis insint, ita inter Brassicam, & Rutam, perpetua viget inimicitia, eò quod vna alterius suffuretur necessarium alimentum. Particulares sunt, quæ non omnibus & singulis indiuiduis, sed vni soli insint; ita solus inter lapides magnes vim in polos terrestres conuersuam obtinet; Inter homines quoque inueniuntur quidam, quibus rosarum odor ingens tormentum adfert, nonnulli ad Cattorum præsentiam, sudant, vti & ad ciborum quorundam ipsis contrariorum præsentiam. Quibusdam venena sunt innoxia; Pyrrhus Rex Lienosis digito pedis sui medebatur; & huiusmodi infinita, quibus passim refertæ sunt historiæ, qui quidem effectus à conceptu originem suam plerumque deducunt. Tertiò, qualitas subiecti varias quoque fundare potest rerum sympathias, & antipathias, ita videmus aliam contagionem animalibus, non hominibus; aliam hominibus, & non animalibus, vt in febribus malignis; aliam quoque certæ tantum nationi esse, infestam, vt in Regno Granatæ nouæ Hispaniæ solis Indis certus morbus lethiferus est, & contagiosus, externis nequiquam. Ita Lepus marinus vnus esus, alijs potatus, nonnullis visus, quibusdam tactus veneno est, quæ haud dubiè originem suam à varia subiectorum constitutione trahunt. Quartò, vapores quoque siue expirationes, è corporibus diffusæ; certasq; virtuum suarum sphaeras obtinentes, haud infrequenter effectuum mirabilium causæ esse possunt. Sic fructus vitiosus & putridus, fructum sibi vicinum inficit; ita herbe certæ, certis herbis sunt contrariæ, quia exspiratio expirationi alteri mista, vel destruitur, vel alia præualendo destruit, cuiusmodi videre est in filice, & arundine. Ita quidam in Hispania pedibus tantum tangendo equos, eos sanabat. Ita fructus, Ananas, dictus tanta vi polere comperitur, vt relinquendo in eo clauum vna nocte consumat totum chalybem in eo latentem. Quintò, iterum cum corpora, vt plurimum subtiles quasdam & insensibiles exhalatio-

Qualitas subiecti.

Vapores & exhalationes.

Potiorum constitutio.

tio-

tiones exspirent, certè varia Pororum constitutio è quibus di-
ctæ exhalationes procedunt constitutio, & dispositio innume-
rorum effectuum causa esse potest. Ita adamantem ob pororū
angustias ab igne immunem volunt. Hinc effectus prodigiosi
fulminis ferrum liquefacientis intra vaginam, integra manente
vagina. Hinc sonorum quoque prodigia originem suam dedu-
cere videntur. Sextò, nonnunquam causa efficientis, & ma-
terialis dispositio multa prodigia causatur. De quibus in tra-
ctatu de magnetismo plantarum. Septimò, qualitates primæ
& secundæ sensibiles, multarum quoque sympathiarum funda-
mentum sunt (ita in medicamentis frigidi morbi calidis, ca-
lidi frigidis, humidi siccis, sicci humidis curantur) hac ratio-
ne certa animalia certis locis tantum degere possunt non alibi;
ita Ibis extra Aegyptum patriam suam ita ægrè degit, vt po-
tius moriatur quàm alibi moretur; Ita Polypus sola aqua ma-
ris falsa gaudet, alijs viuere nescius. Octauò, antiperistasis quæ
miros posset effectus neminè latere arbitror: est enim ea quod-
dam strategema naturæ, quo qualitates manifestæ, vel etiam
occultiores se contra inimicos suos, quando ab illis impetun-
tur, defendunt. Hinc varia aquarum atque meteorologica-
rum impressionum miracula. Demophoon seruus Alexandri
Magni Soli, aut balneis expositus calidis frigore tremebat,
& in umbra calebat; cuius effectus causa à corporis consti-
tutione pororumq; conditione ceu causa vnica dependebat.
Nonò, ab elementis, & metu vacui, vti & motu locali, siue im-
pulsu aëris magna effectuum prodigiosorum congeries desu-
mitur. Hinc soluuntur terræ motuum, incendiorum subterra-
neorum, atque adeò omnium prodigiorum in mundo sublū-
nari elucescentium, difficiles causæ: Hinc Echus siue reflexa-
rum vocum mira vis, consensus duarum chordarum æqualiter
extensarū, de quibus in sequentibus; hinc causa deducitur cur
ad sonum Campanæ, apud Fracastorium, imago cerea perpe-
tuò mouebatur, alijs eundem situm obtinētibus immotis; hinc
denique quarundam speluncarum formidabiles sonitus, cuius
modi Olaus de Specu Smøllen meminit, rationes eruuntur.
Decimò, quantum imaginatio rerum omnium transformatrix
possit; Lycóthenes & Aegrorum scola, vti & Cosmo-Critica

Causæ efficien-
tis, & materia-
lis dispositio.

Qualitates pri-
mæ & secundæ
sensibiles.

Antiperistasis.

Elementa, &
metus vacui.

Imaginatiua,
vis.

Cor-

Cornelij Gemmæ satis declarant. Hinc sanè animalium diuersi colorum productiones, Corui, Vulpes, Vrsi, Lepores in borealissimis plagis ex continuò niuium albicantiũ aspectu imaginatione adiuuante producunt omnia cãdida, & alba: ita multi solo aspectu, & olfactu purgantis medicamenti, apprehensione forti purgãtur; vera Prothei filia omniũ, vt dixi trãformatrix. De qua fusiũs quoq; in Tractatu de Magnetismo imaginationis. Vndecimò, ab-harmonicis sonis, & musica, de quibus in Tractatu de Magnetismo Musicæ, non in corpus tantũ, sed & in animam & spiritus ius suum prætendente. A diffusione contagiosæ qualitatis; hinc fascini naturalis causæ. Duodecimò, ab vehementia quarundam passionum animi. Hinc per correspondentiam & vnionem, quæ est inter corpus & animam, inimici se sentiunt; hinc sudores prodigiosi, vt & sanguinis affinitate coniuncti se sentiunt, non quod radij quidam ex anima, aut è potentijs egrediantur, (quemadmodum multi perperam sentiunt,) quæ dissitum afficiãt: sed vel corporeo effluuio, similiue qualitate alterante, si vicini sibi sint, aut si remotiores boni Dæmonis instinctu, aut alia hyperphyfica quadã actione fiat. Decimotertiò, à corporibus cælestibus syderibusque causæ mirabilium deduci, vt plurimũ solent, quorum alia motu, alia calore, nonnulla influxu particulari, particulares effectus rebus sublunaribus imprimunt, de quibus omnibus ordine modò agendum est. Atque ex his omnibus hucusque fusiũs forsã quam par erat, enarratis fat liquet, non à solo cælo, aut elementis, dissensus consensusq; rerum leges deriuandas, sed varias esse huiusmodi effectuum causas, prout in hoc breui ætiologismo docuimus. Præterea cum omnes res agant per effluxum quendam, siue diffusionẽ qualitatis suæ in rem quam afficiunt, factam; effluxus autem is concipi non possit, nisi per lineas quasdam breuissimas in orbem diffusas; hinc omnes effectus huiusmodi raros rerum in se agentium, quacunque ratione productos per radiationem quandam fieri dicimus; Natura compendiosè omnia sub breuissimis lineis cõnectente. Cum igitur inter cæteras prodigiosas naturæ operationes potissimũ in magnetis operibus huiusmodi radiatio aduertatur; quam nos propriè magnetismũ, siue formalem actum, Magnetis

A motu Harmonico.

Vehementia passionum.

Corpora cælestia.

Radiatione rerum naturalium virtutes agunt.

tis dicimus, hinc per similitudinem quandam, & κατὰ τὴν ἀναλογίαν, omnium rerum vires ac qualitates, quibus in se mutua radiatione agunt, Magnetismos appellare visum est; qualem, aut quem ad agendum à prouida natura vnaqueque res sit adepta, & quomodo eo operationes suas singulæ res perficiant, iam tempus est, vt aperiamus; à mundanis corporibus initium facturi.

P A R S P R I M A.

Οὐρανο-μαγνητισμός.

siue

De Terræ Planetarum, Astrorumq; Magnetismo,
seù Motibus Magneticis.

C A P V T I.

De consensu Cæli & Terræ.

DMIRABLEM quendam superiorum inferiorumq; naturarum consensum esse, nullus hucusq; Philosophorum negauit; Cælum quoque vniuersum cum singulis suis astris Magnetica quadam (si ita loqui fas sit) vi in hæc inferiora pollere, ego ipsemet nisi irrefragabili experimentorum demonstratione conuictus, nunquàm credidissem; est enim quarundam rerum sublunarium ea cum æthereis corporibus amicitia, ea veluti amoris impatientia, vt nisi amici corporis præsentia perfruantur, nulla ratione intra terminos à natura præscriptos contineri posse videantur; ac solem quidem omnia sibi copulare, alijsq; corporibus vim copulandi communicare, nemo nisi Solis lumine destitutus negabit: Lunam humidioris substantiæ res adeò depereunt, vt nisi eius amico perfruantur aspectu, contabescant; Ceteri planetæ suas quisq; in sublunari mundo subiectas res habent, in quas mirificas suas facultates influât, iuxta illud Hebræorum. אין הָיָה עֵשֶׂב וְעֹשֶׂב לְמַטֵּה שָׁמַיִן הָיָה מוֹלֵךְ בְּרִקְיעַ מִכָּה אוֹתָהּ, non est herba inferius, quæ non habeat stellam suam

Mira vis superiorum corporum in inferiora.

Magna vis cæli in inferiora.

Axioma Cabala-
hnicum.

suam superius, quæ dicat ei, cresce; Ex qua quidem mirifica rerum omnium Magnetica concatenatione reconditior illa, Philosophiæ pars emerfit, quam Magiam veteres appellarunt, quæ superiorum cum inferioribus, idest, actiuorum cum passiuis conueniente applicatione, similiumq; cum similibus dissimilibusq; artificiosa combinatione facta, miros & inuisos effectus producere docet; quas formarum congruitates ad rariones animæ mundi Zoroaster ideò diuinas illices, vt & Synesius, magicas illecebras appellauit, verum cum de hisce & similibus ex professo in Magia Hieroglyphica Oedipi nostri Aegyptiaci sumus tractaturi, de ijs plura dicere superfedemus; Quare hoc loco solùm de Terræ, Solis, cæterorumq; planetarum Magneticis motibus tractandum existimamus, quod ne a methodo fiat, sit.

Q V A E S T I O. I.

Vtrum terræ, Soli, cæterisq; astris tam erraticis quam fixis, verè Magnetica vis insit, & vtrum vnum alterum verè & propriè Magneticè trahat.

TRes huius sententiæ reperio Authores, eosq; Neotericos, Gilbertum videlicet, Keplerum, & Steuinum, aliasque Neotericos horum Aemulos, quorum primus præter magnæ telluris motum, omnia reliqua immota statuit: alter omnes planetarum orbes à Sole magno mundi Magnete raptos, mobiles facit. Tertius pedissequus vtriusque est. Differunt autem priores in eo, quod ille Terram in centro vniuersi sitā, Cælo stante & immoto gyrari velit; hic, Solem è contra in centro vniuersi circa proprium axem motum, omnia reliqua astra circumfita magneticè trahere, quæ ita tracta periodos suas efficiant, opinetur. Vterq; veterem iamdudum inter Pythagoreo - Copernicanos, *Vtrum cælum stante Terra, an autem Cælo stante Terra vertatur*, agitatam quæstionem, ac penè extinctam, resuscitare omnibus modis conatur;

tur; Quæ quidem sententia, vti in huiusmodi nouis & exoticis fieri solet, hoc sæculo adeò inualuit, totq. sui sectatores habuit, vt nullus ferè sit eorum, qui ex inopinabilibus, & paradoxis famam aucupantes exoticarum rerum inuentores audire ambiunt, qui eam non sequatur; vnde consequenter tot mōstrosi ingeniorum partus quotidie prodeūt, adeò quisque, nulla ad inuiolabilem Sacrarum litterarum authoritatem, (quasi verò, dum argumenta à natura petita neutram partem euidenter ostendunt, non sit pleno & simplici Diuini verbi sensui acquiescendum) habita ratione, pro libitu quidlibet aut pro vertiginosi cerebri dispositione effutit, quiuis quidquid stulta imaginatio dicat, nullo prorsus discrimine liberè, & audacter profert, vt nisi impunis hæc philosophandi licentia, atque efferus iste ingeniorum pruritus tempestinè coercetur, vehementer timendum sit, ne loco scientiæ nouæ, & Philosophiæ reconditoris prætextu, omni bona Philosophia vnà cum religione, ac fide denique ipsa (cuius infallibili certitudinē omnis bonus & verè Christianus Philosophus meritò omnem certitudinem & euidentiam humanarum scientiarum post habere debet) eradicata, totum mundum inextricabilibus ignorantie tenebris, vnà secum inuoluant; Hanc itaque, friuolam, ac Christianæ Reip. non perniciosam tantum; sed & in fide quoque periculosam opinionem pro zelo honoris Dei, Matrisq; Ecclesiæ (præsertim cum hosce mundanorum corporum Magneticos motus, à nemine ex professo confutatos sciam) inquirere, inquisitosq; dissoluere propugnareq; vti debui, ita volui. Hoc enim cognito totum illud Pythagoræo-Copernicanorum phantasticum machinamentum suaptè sponte casurum spero, vt itaq; sciamus in quo rerum statu simus pigerri-
mam ne sortiti, an velocissimam sedem: circa nos Deus omnia agat, an nos Magneticè agat?
sit.

Impunis philosophandi licentia, quātum fidei obstat.

S E C T I O I.

Argumenta & rationes quibus Gilbertus Terræ motum Magneticum asserit, eorumque refutatio.

Tellurem magnum Magnetem innato sibi vigore animatum 24. horarum spacio circa proprium axem Magnetica vi circumagi, ita vt dies naturalis nihil aliud sit, quàm meridiani alicuius telluris à Sole ad Solem reuolutio; primus, quod sciam, docuit Gilbertus non ignobilis ceteroquin Philosophus, quique nisi doctrinam de Magnete è suo vel alieno penu depromptam, vt paulò post videbitur, monstrosò illo magni Magnetis, telluris inquam, motu diurno deformasset; in quo quidem asserendo confirmandoq; ita se gerit, ita omnibus preteritorum seculorum Philosophis se suaq; antefert, vt sibi solus hucusq; sapuisse, solus sapientiæ sedem obtinere, vel potiùs ambire velle videatur. Qua quidem proterua philosophandi ratione, non exiguam immodestiæ notam apud Authores probos & sensatos sibi inussit, Argumenta verò, quibus hanc suam opinionem stabilire conatur, hæc sunt: Authorem in propria persona loquentem introducimus.

Gilbertus de
magnete.

Terra, inquit, magnus quidam magnes est, Polus habet non puncta Mathematica; sed naturales terminos valentes & primarijs efficientijs totius conspiratione prepotentes; Nam ad eius corpus, quemadmodum ad Magnetem fieri videmus, Magnetica corpora confluunt undique, illique adhaerent, peculiareque actiones attrahendi, disponendi, volutandi, consistendique in mundo, ad totius normam habet, eiusque dignitates denominatrices continet, & componit, quæ maxima sunt indicia & argumenta præcipue cuiusdam combinationis, & coniunctissimæ naturæ; Quæ omnia cum in celo non agnoscantur, nec conspiciantur, sed potiùs incerta quadam imaginatione concipiantur, nos manifestam causam secuti sensibilem & spectatam terram in proprijs Polis nobis per multas Magneticas demonstrationes apparentibus moueri cognoscimus; Præterea Tellurem habilem esse atque idoneam ad mouendum

uendum circulariter, ostendunt partes eius; quæ separata à toto non rectè tantùm Peripateticorum motu feruntur, sed rotantur etiam; quod hac experientia manifestum sit. Magnes collocatus in vase ligneo super aquam ea ratione libratus, ut libere conuertere se, & fluctuare possit, circularem motum affertans circa centrum suum gyrabitur, donec in lineam suam directionis quiescat; Quod si exiguus quatuor librarum lapis faciat, robustus 100. librarum lapis eundem quoque motum & quidem expeditiorem habebit. Similem quoque conuersionem obtinebit maximus Magneticus mons, si largo flumine, aut mari profundo veheretur: Idem faceret tota terra, si Boreus polus à vera sua directione distraberetur, recurreret enim circulari motu totius versus Cynosuram; Non igitur à firmamento vehuntur mouenturq; aut positionem habent; multò minus à primo mobili circumferuntur confusa illa stellarum turbæ, neque aduersa, & rapidissima incitatione conuelluntur, & perturbantur. Ptolomæus nimis mihi timidus & pusillanimis esse videtur, qui dissolutionem mundi huius inferioris inhorrescit si circulariter terra moueretur. Cur non vniuersi ruinam, dissolutionem, perturbationem, incendium, caelestesq; & supercaelestes Calamitates immensas nō veretur, à motu supra omnes cogitationes, somnia, fabulas, & licentias Poeticas insuperabili, ineffabili, & incomprehensibili? Rationi itaque magis consentaneum, vnum exiguum telluris corpus, diurnam volutationem efficere potius, quàm mundum totum circumferri; Explodendus igitur error tam altè conceptus, caelestis huius tam insana & furiosa rapiditatis, & reliquorum calorum violentæ retardationis; Executiant Theologi, & spongijs deleant aniles istas de tam rapida calorum vertigine fabulas, ab inconsideratis quibusdam Philosophis mutuatas; Cesset iam vanissimum illud Peripateticorum terrestre phantasma, rude, iners, frigidum, siccum, simplex, omnibus substratum, mortuum, nullius vigoris quod ne per somnium quidem vnquam cuique apparuit, nec si esset, vllius foret vigoris in rerum natura. Atque hæ sunt rationes, quibus Gilbertus sententiam suam de Terræ Magneticæ motu stabilire conatur, in quibus tamen omnibus ita varius est, ita sibi in singulis passim contradicit, ita ex æstuantis ingenij molimine Magneticam naturam cæteroquin quietis amantem, in mo-

tum & gyros velit, nolit, incitat, vt benè appareat callidum ingenium ad speciem magis, quàm ex animo, aut etiam, vt hac ingeniosa nouitate gloriam aliquam sibi compararet (præfertim, cum huius suæ sententiæ, è maximis quibusuis viris, non fautores tantum, sed & eiusdem approbatores quoque, admiratoresque videret) hoc commentum confinxisse: tantum enim abest, vt hisce suis argumentis motum terræ deducat, vt potius inde contrarium concludat; quod vt clarè & luculenter ostendatur, omniaque per partes absoluantur; sit.

§. I.

Tellus non est magnus magnes.

NOta primò aliud esse corpus Magnetica qualitate imbutum: aliud Magnetem reuera esse, magnam enim inter hæc differentiam esse, è sequentibus patebit: siquidem multa, corpora verè Magnetica qualitate imbuta sunt, vti ferrum, lateres igne excocti, cæteraque argillacea terræ progenies, lapides quoque schisti, seu fissiles, similiaque, quæ omnia, etsi ex vena ferri, quam sparsim continent, dirigendi, disponendi, conuertendi se consistendiq; virtute Magnetica, polleant, Magnetes tamen nulla ratione dici possunt, cum temperamentum à Magnete diuersissimum sint sortita, disponunt itaque se memoratæ res præsertim super aquam exactissimè libratæ, ob terræ perpetuam Magneticæ virtutis diffusionem; sed vnum alterum nequaquam sibi copulat, nisi vigor in illis præsentis Magnetis contactu aut suppositi, aut virtutis prius fuerit excitatus animatusque. Quis enim vnquam ferrum, ferra, laterem lateres, schistum schista, trahere vnquam vidit, antequam à Magnete præsentem, & per communicationem virtutis Magneticæ excitata fuerint? Magnes igitur solus alium Magnetem, vti & cætera corpora Magnetica non disponit duntaxat, sed ita ea sibi firmiter ferraminata adnectit, vt vix vllis distractionibus auelli posse videantur. Terram itaque iuxtà superius recensita, Magnetica vi pollere multis
vbique

Differentia inter magnetem & Magneticū.

futurum putabimus. (Sed hoc exemplum in sequentibus alia ratione demonstratum vide). Væ igitur fabris ferrarijs , væ Equis & Mulis , væ cataphractis , væ culinarijs Gilberti instrumentis , væ quidquid ferri iugum subire cogitur , tãta enim & tam inæstimabilis foret huius magnetis rapacitas , vt omnia solo , petris , præcipitijs , montibus , insolubili quodam nexu affixa nulla vi amplius abstrahi posse viderentur ; Nullus igitur imposterum amplius ferri vsus , nulla pyxidis nauticæ foret , atque adeò huius magnetis rapacitate , non motus rerũ , quem Gilbertus prætendit , sed quies , finis , & interitus rerum omnium induceretur ; vides igitur , Lector , quàm absurda , indigna , & intolerabilia ex hac sententia concludantur : quæ tamen positis supponendis mathematico ratiocinio demonstrantur .

Obiectio.

Sed dicet hoc loco , virtutem hanc non exeri , eò quod in extrema superficie , etiam ad magnam altitudinem Terra externo malo sit fædata , vbi es Gilberte ? anne modò negas quod lib. I. cap. 17. adeò constanter asseruisti ?

Gilbertus l. I. cap. 17.

Nihil videlicet , non crassa tabulata , non figulina , non marmorea vasa , non metalla ipsa , virtuti Magneticæ resistere , neque quidquam adeò solidum esse , quod vires eius tollere , aut impedire possit . Quomodo ergo modò virtutem magni magnetis exhalantem , tegumento Terræ externo malo vitiatæ obtrudere audes ?

Sed iterum dicit , hunc globum Magneticum , nimis esse profundum , ac proindè non eam efficaciam habere ; sed vtcunque te torqueas , nihil concludes , vel enim terram verè magnum magnetem asseres , vel tantum partes eius veriores ? Si hoc , ergò motum tuum Magneticum frustra asseris , cum ille motus nulla ratione concipi possit , vt tu ipse ad fastidium vsque inculcas , nisi singulis partibus in totum conspirantibus ; Si verò illud , violentam illam atque incomprehensibilem magnetis rapacitatem vitare nulla ratione poteris , atque adeò .

Incidis in Scyllam , qui vis vitare Charibdim ;

Porro dato , non concessò motu hoc magni magnetis phantastico , putasne sagittam quampiam in locum ex quo in altum

altum emissa est, relapsuram? putasne volucres ad pastū euolantes rapacissima terrę vertigine interim Turres, domos, arbores ad multa millia passuum inde in ortum abripiente suas repturas domos? certē non! Magnam igitur confusionem inferioris mundi ex hoc motu resultare quis non videt?

*Ipsę etiam volucres tranantes aëra leni
Remigio alarum, celeri vertigine terrę
Abreptas gemerent syluas, nidosque tenella
Cum sobole.*

Sed audiamus qua ratione Gilbertus huic obiectioni occurrat; *Dubitant*, inquit, *nonnulli, qui fieri possit, ut globus ferreus, aut plumbeus ex altissima Turri demissus in punctum terrę infra se perpendiculariter positum ad amussim incidat, terra circa suum axem mota, quomodo etiam sphęrę bombardicę simili pulueris pyrii quantitate, & vigore, pari etiam per aërem eundem directione, & altitudine eiaculata, pari interuallo ab vno certo loco, & versus Eurum, & versus Occasum eiacularentur mota tellure versus Eurum.* Sed decipiuntur qui huiusmodi argumenta proferunt non animaduertentes naturam globorum primariorum, & combinationem partium cum suis globis, etiam si solidis partibus non adiungantur; Terra verò diurna reuolutione non mouetur separatione solidioris circumferentię eius à circumfusus corporibus; sed circumfusa effluuia omnia, & in illis graua quouis modo vi pulsa, simul cum tellure generali cohærentia vniiformiter procedunt.

Putat igitur Gilbertus, terram veluti funibus quibusdam, & neruis secum circumfusum aërem, nubes, volucres, & quæuis proiecta per eum cadentia, cum reliqua Magnetica sobole torquere in orbem, vt proinde non videantur in occasum refugere, sed eidem perpetuo terrę puncto impendere, quod pari passu, & celeritate sequantur: sed quisnam hæc intelligere, aut concipere poterit? Quis enim hanc fluxam, & instabilem circumfusorum corporum turbam incitabit? effluuium dicetur terrę Magneticum? Verum qua audacia, ne dicam temeritate ea effluuia, quę solis electricis corporibus per totū cap. 2. lib. 2. attribuuntur, modò magneti etiam contra quam sentis proprijs verbis adscribis; *Quemadmodum igitur orbis effluuiorum magneticorum procedit cum tellure, ita qualibet orbis*

Gilbertus
fol. 228.

Magnetismus
nō fit per efflu-
uium.
fol. 222.

Gilbertus
fol. 67.

pars ei normalis, & immota generali volutatione procedit; cum tamē tantū absit, vt magneticæ propagatio virtutis per effluuium fiat, vt potiùs contrarium passim asseras his verbis; Non est igitur corporeum effluuium quod defluit à magnete, aut quod ferrum ingreditur, aut quod à ferro expergescōto refunditur; sed magnetē primaria eius forma disponit. Quis igitur vanū Gilberti conatum non videt? Porro si aërem cum omnibus suis contentis magnus ille magnes secum circumagat; ergo non iam solum ferrum ex mente Gilberti; sed & aër ipse, vapores, nubes, aqua, pluiiæ, cæteræq; impressiones meteorologica, quælibet in aërem proiectilia, vt ligna, saxa, metalla, quin & volucres ipsæ in Magneticorum corporum almū transcriptæ, iam Magneticas leges seruabunt, cum nihil aliud sunt nisi partes totius leges seruantes, sed hoc quā sit absurdum, quis non videt? cuius tamen contrariū in toto passim de Magnete opere asserit. Vides igitur quam vbique magno conatu nihil agat Gilbertus, quo studio, labore, industria, nihil demonstret? quam vbique æstuet, quam Chamæleontis instar in omnes se colores vertat, vt aliquid tandem dicat; quod adeo ipse tandem agnouit ingenuè his verbis. *Quare nulla hic opus ex sensibus mensura, nulla ambitiosa verborum pugna, & inani demonstrationum conatu.* Nihil veriùs dixisti, cum inanis planè sit hac quidem in re omnis demonstrandi conatus, & industria.


§. 2.

Magni Magnetis motum diurnum, ex Magnetis supra aquam librati circulari motu colligi nulla ratione posse.

fol. 223.

Alterum argumentum, quo Gilbertus motum terræ Magneticum asserere nititur, nihilo priori melius, nihilo efficacius reperio; sed audiamus ipsum argumentantem. *Sicut se habent, inquit, partes ad totum, ita terrella ad terram, paruus scilicet magnes ad magnum magnetem; sed magnes orbicularis siue terrella supra centro suo, ad telluris conformitatem, in plano horizonte, in vase super aquam posito, mouetur circulariter; ergo & terra*

terra eundem motum subit, sunt enim totius, & partium similes motus naturales. Hoc est argumentum Gilberti, quo identidem repetito, motum terræ certissimè Magneticæ ignaris se persuasurum sperat, cum tamen tantum absit, ut id faciat, aut facere possit, ut potius contrarium hoc ipso asseueret, cum nihil sit in tota Magnetica I filosofia, quo certius, & veriùs stabilitas terræ confirmetur, quam hoc ipso argumento: Rem experientia ostendo; Ponatur magnes in vase AB super aquâ



exactissimè libratus, sitq; magnes in situ suo naturali, id est unū pūctū Magnetis respiciat A pūctū Septétrionis, alterū verò, B pūctū Horizontis Australe; quo posito, gyretur lapis super centrum suum, ita ut A respiciat B, & B, A respiciat; Sit igitur ita positus lapis, in si-

tu non naturali, sed contrario, & violento, ergo per insitam sibi dispositiuam virtutem, se polus A per semicirculum BCA in A: polus verò B per alterū semicirculum ADB circulari motu ad naturalem situm reducet, quem cum obtinuerit, tanquā centrum suum coniecutus, bonoque suo gaudens requiescet: quoties autem eum ab hoc situ suo naturali, aut quantumvis abstraxeris, nihil sanè proficies; semper enim ad ingenium suū reuersus, in eundem locum se restituet, est enim hæc dispositiua vis Magnetis in gyrum non alio fine huic lapidi à sapientissimo naturæ opifice indita, quam ut is in naturalem situm, & commodum suæ naturæ reductus, bono illo suo à quo vitam meret, fruens, quiescat, experimēto Terrellæ ab ipso adducto. Vnde eodem argumento quo Gilbertus motū magnetis continuum & diurnum probare conatur, ego ijsdem penè verbis seruatis multò veriùs, & certius stabilitatem eius demonstro; Prosteratur itaque Gilbertus proprio argumento, quod ita in oppositum formo; sicut se habet pars ad totum, cuius homogenea pars est, ita lapis Magneticus ad terram magnum ma-

gnetem, sed magnes paruus orbicularis supra centrum suum
ad Telluris conformitatem in plano horizontis, in vase supra
aquam posito mouetur circulariter, in ordine ad quietem: ergo
& terra vniuersa magnus ille magnes, si extra situm sibi natu-
ralem violenter distorqueretur, in gyrum quidem moueretur,
sed non nisi in ordine ad pristinum quietis locū, in quem etiā,
quantumuis ab eo abstracta, naturali appetitu recurreret, nec
vnquam, quemadmodum Gilbertus secundum circulum pro-
pria vi, quidquid agatur, describet; Hæc cum ipse Gilbertus
agnosceret, nec aliud, quo opinionem illam suam stabiliret, in-
ueniret argumentum, motum illum Petri Peregrini, quem nos
supra in Magia nostra Magnetica refutauimus, quemque ipse
folio 107. ficti & miserè deformati laboris opus vocat, acerbis-
simisque verbis excipit, illum eundem iam veluti in suæ opi-
nionis tutorem testemque præ reliquis patrocinantem sibi ad-
sciscit his verbis. *Omitto quod Petrus Peregrinus constanter af-
firmat, Terrellam super polos suos in Meridiano suspensam, moueri
circulariter, integra volutatione 24. horis; quod tamen nobis ad-
huc videre non licuit; sed agat quidquid velit Gilbertus, vtrum-
libet enim motum asserat, contra se, suaque principia asseret;
cū ex priori quies terræ, è posteriori motus cæli, quorum-
vtrumque ille pernegat, Meridiana luce clariùs inferatur. In
hoc itaque vario cogitationum æstu, atque ambigua mentis
lucta constitutus, aliquod opinioni suæ in meliùs reformandæ
remedium inuenit; sed quod illud? Sol, inquit, *perpetuus na-
tura actor, vt erronum promouet cursus, sic hanc telluris conuersio-
nem incitat, virtutibus orbium effusis, & lumine*. Solem igitur
huius terrenæ conuersionis incitatore statuit; sed si hoc,
quomodo terram primaria sua, & astræa virtute in gyrum agi
vbique passim ad fastidium vsque inculcat? ergone Sol iam vti
terra magnus quidā magnes est? ergo iam Sol tibi mouebitur,
quem in vniuersi centro fixum, hoc loco ab omni motu vindi-
care tantopere niteris? Sed dices, immotus trahit terram, sed
& hoc contra principia tua Magnetica, cum impossibile sit,
magnetem immotum, alium in gyrum agere posse, vt tu ipse
fol. 107. demonstras. Nullum itaque Gilbertus, quidquid cu-
dat, effugiendi locum reperit. Porro demus iam, Gilbertum
hunc*

Gilbertus
fol. 223.

hunc motum terrestrem demonstrasse; tunc quæri posset, qui aded varios cælorum motus ita diuersa phænomena, vnica hac eique diurna Terreni magnetis reuolutione saluare possit. sed dicet. *Len'o pede paulatim inflectitur axis, & Stellarum radij superfaciem Telluris tantum longo tempore immutantur, quantum arctici, & Solaris circuli diameter extenditur; vnde & ex hac inflexione magnetici axis, præcessionis Aequinoctiorum, motuumque cæterorum diuersitas emanat: κομψὼς μὲν ἐκ ἀλνδῆς δὲ.* Quis quæso Chrissippus hic toto suo acumine tam multiplicem in vno simplice corpore motum capiat? Sed audio per astræam quandam virtutem, quænam ea tandem est? per deductionem inquis, & dispositionem naturalem magneticam, mira narras; sed amabo te, quis disponit, quid disponit, aut quo disponit? nihil addis, si quærâ quomodo disponat, aut quibus adminiculis? primariam, inquis, Telluris excellentiam: Hic iterum desidero, & expecto, vt mihi dicas, quæ sit huiusmodi primaria excellentia, quæ operationes? Taces, ac me frustra hiantem destituis. Hoccine est patefacere mirandarum rerum causas? Cum itaque, te teste, magnes præter eum, quo se in locum suum naturalem ad conformitatem Telluris disponat, alium motum nesciat, quomodo tu, aut quo iure huic motui alium adiungis, videlicet inflexionis axis magnetici; annon hæc principijs Philosophiæ Magneticæ repugnant? Philosophiam Magneticam voco, quæ colligitur ex ijs, quæ deprehendimus in magnete, certè si terra magnus magnes motu Magnetico debet variare dispositionem axis ad aliud corpus, præsupponitur necessariò illud aliud corpus esse corpus Magneticum suo motu aliter collocatum, & sua collocaione prouocasse terram ad aliter sese situadam nouo modo ad ipsum, quod est supponere prius cælum esse motum, & suo motu dedisse occasionem Telluri ad aliter se disponendam per axem ad ipsum, hoc autem non est mouere terram stante cælo, sed cælum terramque susque deque mouere. Nisi itaque ostenderit huiusmodi multiplices motus magneti inesse (quod facere nunquam poterit, nisi mente præditum magnetem dixerit) nunquam varia illa phænomena per eos demonstrare poterit; vides igitur Lector quot Labyrinthis nouarum opinionum Fabri sese implicant? quot contradictionibus, & ambiguitatibus flu-

fluctuent, dum proprijs, & communibus, verisq; neglectis aliena ab instituto, paradoxa, atque inopinabilia sectantur. At videò bonum Gilbertum sola incomprehenſa illa fabuloſa, & addenda *Metamorphoſibus Ouidij*, ita enim loquitur, *firmamenti Stellarumque fixarum rapacitate, ad hunc motum aſſerendum eſſe compulſum*; Ergone quia Gilbertus capere nō poteſt, ideò falſa ſunt opera eius, qui ſolus facit magna, & incomprehenſibilia & mirabilia, quorum non eſt numerus? Commendauit ſe, Deus à velociffimo curſu Solis in Pſalmis, & apud Eccleſiaſtē eius ortus, & occaſus, inflexiones, Zodiacum, & mirabiles in eo motus proponit, & iſthæc erunt ea quæ Gilberto & ſimilibus videntur *ἀδύνατα*, & tanquam ineptē philoſophantium commenta? proprium eſt hæreticorum res diuinas, & incomprehenſas ingenio ſuo metiri, quas niſi comprehendere nec credere velle videntur; quos ſanè graphicè ſuo more deſcribit Nazianzenus Orat. 24. *ὃν κῦάθω μίτρεντες τὴν Θάλασσαν, τὰ πηλικούτα τῶν ἑαυτῶν ἐπινοίας*; quæ quidē præſumptio, temeritas, & intolerabilis humanę mentis cōtūmācia tanta eſt, vt ipſi omnipotentię diuinę, quaſi leges præſcribere, ac ineffabiles diuinę Sapientię rationes, in Creatorem altiffimum iniurijs & perduelles, confutare velle videantur; caue igitur, tibi ne ex eius ſocietate ſis, qui dicebat, ponam thronum meum in lateribus Aquilonis, ſimilis ero altiffimo, nedum alas quæris, plantas perdas. Parum igitur refert, vt cū inſigni alio Philoſopho loquar, quid Cyathus Gilberti capere poſſit, modo diuini ingenij infinitus, vt ita dicam, alueus mare ſuum, id eſt, immenſam ſapientiam ſuam comprehendat; Audi Tychonem melius hic te philoſophantem. *Indecens æſtimari queat, id per plura, & maiora fieri, quod per pauciora, & minori negotio pariter, & commodius præſtari poſſit, & cum phænomena poſſint phyſicè loquendo tam minori mole, & celeriori motu, quàm motu tardiori, ac mole maiori explicari, quid de factō ſit, non tam eſt phyſicè determinare, quam eius, qui nobis dignatus eſt, quod fecerit reuelare. At hic elucet incomprehenſibilis Dei opificis imperſcrutabilis ſapientia, & potēſtas, qui celi corporibus tam vaſtis, omni cogitatione, celēriorem motum eundemque ſimul, & uniformem, & diuiſum duplicemque attribuere & voluit & potuit. Diſce igitur hinc*

Novatorum
temeritas &
præſumptio.

Dei ſapientia.

hinc sapere ad sobrietatem, disce intellectum in obsequium, fidei captiuare, quod omnis boni, & Christiani Philosophi est.

S E C T I O II.

Argumentorum Kepleri confutatio.

HAec dum penitius expendo satis quidem mirari non possum miseram hominum quorundam peruicaciam, & violentam quandam in noua quouis & portentosa commenta propensionem, dum vera illa, & sincera candidaq; Philosophia quæ vera animæ nostræ perfectio est, neglecta, incertam, spuriam, fallacem, sophisticam inquam, ostentationem tanto ardore prosequuntur: atque huius quidem præpori affectus aliam causam non inuenio, nisi quod Theorematum nouitate, & inusitato quodam philosophici phantasmatismachinamento mentes rudiorum attonitas ad se attrahere ad æternam nominis gloriam consequendam se posse existiment, alterique naturæ arbitri ab omnibus haberi: cum tamen, dum inanis gloriæ percupidi cæteris, sibi ipsis, & veritati tandem aduersantur, tantum absit, vt finem suum consequantur, vt potius eos inextricabilibus difficultatum labyrinthis immersos; omnibus veritatis amantibus execrabiles atque adeo literatorum omnium propudia καὶ πειρήματα effici notius sint, quam dici debeat, πρὸς ἀλγεῶνας, πρὸς ἐλπίδα καὶ μάστιγ. Vtinam inter hosce quoque non computari posset cum suis sequacibus Keplerus noster, Mathematicus Cæsareus, de quo id dici meritò potest, vbi Mathematicus eo nemo melior & subtilior, nemo peior, vbi Physicus est; vt vehementer doleam tam eximium virum diuina illa μαθήματα, Physicis suis magamentis tam turpiter commaculasse, quod cum in alijs, tum in hoc præsentī Copernico-Pythagoreo machinamento satis ostendit; Hi enim cum Gilberti opinionem, tot, ac tam varijs phænomenis, ex vnius terræ reuolutione saluari non posse videret, pro ingenij sui ad quæuis noua, peregrina, exotica procliuis licentia, nouam physicam in commentarijs suis, in Stellâ Martis, vti & in Epitome sua Copernicana

Opinio Kepleri.

cana architectatus est; in quo quidam opere dum accidentia ex suo captu seruat, totam substantiam destruit; & dum cœlestia phœnomena ad sua incongrua commenta violenter detorquet, totam naturam euertit, non attendendo, quid reuera sit res, quàm disceptat, sed quid iuxta propriam phantasiam eam esse velit; Quæ fusè hoc loco confutari possent; sed quia id alij præstiterūt, nostri tantum officij esse videbatur hoc loco ostendere, hoc Magneticum machinamentum, nulla ratione subistere posse; idque non tam rationibus, quàm ipsa experientia comprobare; Putat igitur, Keplerus Solem magnum magnetem, siue corpus magneticum esse supra proprium centrum diurno motu circumactum, quod virtute, seu specie quadam diffusa, consequenter omnes reliquas planetarum Sphæras pro virtutis à solari fonte promanantis efficacia, rapidissimi vorticis instar, aut lapidis funda circumacti attrahendo, & repellendo retineat, retinendo circumducatur; ordo autem corporum Magneticorum is est, qui sequitur.



Centrum vniuersi obtinet Sol, quem totidem concentricis cum-


circumdant, ☿, & ♀, deinde sequitur terra cum pedissequa, Luna; Hanc sequuntur Sphærae ♂ ♄, & ♀, claudit tandem agmen immobile firmamentum. Atque totam hanc circumfusam planetarum turbam Keplerus Solis attractiua virtute circumagi opinatur; ita enim fol. 173. de motibus Stellæ Martis philosophatur; *Videri namque possit in corpore Solis latitare diuinum quippiam, & comparandum animæ nostræ, ex quo effluat species ista planetas circumagens, vt ex anima iaculantis lapillos, species motus in lapillis adhærescit, qua prouehuntur illi, etiam, cum, qui iaculatus est, manum ab illis reduxit.* Quis verò iam nobis in hac obscuritate verborum Oedipum dabit, qui infanda nobis explicet? quid nam illud quippiam diuinum, & comparandum animæ nostræ, sibi vult? anne mentis participem lapidem hunc, siuè magnum solarem Magnetem, quo alios sibi ita attractos planetas rapiat, vult esse? ac rem tetigisse videor; etsi varijs cogitationum estibus, circa hoc fluctuet; *Vnde sobriè, inquit, progredientibus paulò aliæ cogitationes suppeditabuntur;* benè dicis sobriè, hoc enim si feceris futurum spero, vt terra quàm ex ebrio & vertiginoso cerebro multi imprudenter nescio per quæ inania volutant, sobrio intellectu in locum suum restituta, tandem conquiescat; sed iam audiamus qui solarem hunc Magnetem alios Planetas mouere, seu rapere velit. *Specie, inquit, mota in gyrum, vt eo motu motum planetis inferat: corpus Solis, seu fontem vna moueri necepsè est, non quidem de spacio in spaciū; sed super centro suo, seu axe.* sed quidquid sit ista species ad motum planetarum ciendum à Sole diffusa, quam tamen tu magnus naturæ Arbiter ad tua commenta formas & fingis! quomodo potest Magneticè in gyrum Planetas agere tam diuersimodè Soli rotato respondentes; vel enim talis vis à singulis partibus Solis in orbem diffunditur, connexionem habens pariter cum certis partibus Planetarum, qui dicantur ipsis determinatè respondere, vel certarum partium Solis cum determinatis partibus Planetarum connexionem se habens indifferenter, ad illas diffunditur. Si priùs, iam sicut polus magnetis, cum polo virtute Magnetica determinatè connexus cum eadem, mouetur & sistitur, ita etiam omnes planetæ suis certis partibus

Com. Mart.
fol. 173.

tibus, certas Solis partes determinatè consequentur, nec poterunt illis aliò conuersis & succedentibus oppositis pergere regulariter in sua gyratione, vi per tales partes à Sole diffusa. Si secundum, quantumcunque gyrato Sole, planetæ non voluentur in gyrum, cum illis perindè sit quamcunque Solis partem ad se conuersam habeant; sic videmus quod quia Magnetes apud nos solis punctis determinatè conuertuntur, vt ad alias partes circumpositas indifferenter se habeant, etsi vnus e regione alterius secundum polum determinatè situtus voluatur in gyrum, alter quiescat, nec vllas propterea gyrationes patiatur; Cum Magnetica itaque philosophia hæc doctrina conuenire nequit. Sed audiamus vltèrius philosophantem. *Cum videamus*, inquit, *nec singulos planetas in omni sua à Sole distantia, nec omnes in diuersis suis distantijs equali corripì celeritate; sed Saturnum 30. annorum moras necellere, Iouem annorum 12. Martem 23. mensum; Terram 12. Venerem sesquiocto; Mercurium 3., & tamen omnis orbis virtutis emanantis ex Sole tam quo loco Mercurium amplectitur humillimum, quàm quo loco Saturnum altissimum, ex antedictis equali cum corpore solari vertigine, & eodem tempore torqueatur, sequitur planetas inhabiles esse, vt assequantur celeritatem motricis virtutis, Saturnus enim inhabilior est quàm Iuppiter, quia tardius restituitur, &c. necessè est igitur, & planetariorum globorum natura sit materiata ex adhaerescēte proprietate. inde à rerum principio prona ad quietem, seu ad priuationem motus cui ob naturalem quandam inertiam contradicit, quarum rerum contentione cum nascatur pugna, superat igitur plus ille planeta, qui in virtute imbecilliore consistit, eoque tardius mouetur; minus ille qui soli propior. Duo asserit in hoc discursu Keplerus. Primò putat celeritatem, aut tarditatem planetarum, ex remotiori aut propiori à magno solari Magnete distantia promanare, alterum quod motus planetarum tardior, aut celerior proueniat ex lucta illa siue nifu, quo, cum ex se, & sua natura proni ad quietem, violentæ tamen magnetis solaris incitationi resistere nequeunt; vtrumque falsum confictumque esse, ex Magnetica arte ita ostendo. Sit igitur systema Kepleri quod sequitur. Fiant in plano aliquo circuli iuxta præsens hoc systema,*

Com. Matt.
fol. 174.

stema, qui Sphæras planetarum referant, sintque signati
 ABCDEFGH in centro autem A ponatur exquisitissimæ



virtutis magnes, qui solarem Kepleri magnetem referat. Quo
 facto ponantur in singulis circulis ampullæ vitreæ, in quibus
 magnetica frusta eiusdem virtutis, & energiæ iuxta ea, quæ
 in Progymnasmatibus, & in Mechanica Magnetica tradidimus,
 æquilibrata ponuntur, quo facto vertatur magnes A in gyrum
 & videbis cum admiratione, omnes in ampullis inclusos glo-
 bulos in gyrum quoque actos, æquo tempore cum magnete
 suum vnumquemque circuitum conficere, non quidem in gyrum
 circa magnetem, vt Sol rapit planetas iuxta Keplerum, sed supra
 centrum circa proprium axem; hac præterea differentia, quod in
 contrarias partes singuli ferantur: ita magnete A versus dextram
 circumacto, vicinior Mercurij globulus in sinistram, circuitum
 suum conficit, & sic de alijs; Quod si globulum Saturni v. g.
 ab A paulò remotius statueris, mouebitur quidem, sed lan-
 guescente virtute circuitum nulla ratione supra centrum suum con-
 ficiet; sed exiguo arcu descripto veluti difficultate territus,
 vnde

Experimentum
 Magneticum.

vnde digressus erat, mox redibit. Atque ex hac experientia, quam sæpe multis in musæo meo ostendi, Magneticum illum cælorum motum impossibilem esse concludo; si enim, vt Keplerus vult, à Sole Magneticè raperentur reliqui planetæ, infallibiliter sequitur, vel omnes intra Sphæram actiuitatis constitutos, æquali tempore æquales circulos, vel si remotius ponantur, circulum prorsus nullum languescere, virtute, descripturos; argumentor autem ex magneticæ Artis experientijs, vnde & Keplerus omnia suæ opinionis argumenta depromit, vt in Physica sua Cælesti fol. 517. videre est.

*Inconueniens
Kepleri sententia
multa ab-
surda inducit.*

Nec enim video quâ ratione Keplerus hanc tarditatē, aut celeritatem planetarum, ad Solarem Magnetem comparatam, concipere possit; multò minus intelligo, quomodo huiusmodi corpora Magnetica in fluido spacio circumacta, & intra sphæram actiuitatis Solaris Magnetis posita, violenter attracta in vnum corpus non confluant, cum hoc proprium Magnetis sit alios Magnetes vbi non violenter fuerint detenti, ad se allicere, vti passim in hoc opere varijs experientijs super aquam exhibitis patefactum est. Sed obiicit mihi [Solem in centro mundi circumactum causam esse, cur non attrahantur planetæ, aut repellantur: si enim inquit Sol non conuolueretur circa suum axem nullus etiam primariorum planetarum, circa Solem esset circumiturus, sed pars eorum ad nauigaret ad Solem perpetuò, donec vniretur ipsi ad contactum, pars quæ posticū Soli obuertit expelleretur versus Stellas fixas, qui verò latus præbent Soli, illi adhererent suo loco penitus immobiles, luctante virtute Solis tractoria cum repulsoria,] ex hoc infert Solem dicta ratione conuersum omnes secum reliquos planeticos orbes, ob naturalem quandam eorum inertiam, seu resistantiam maiorem, vel minorem tardiùs, vel celeriùs rapere; sed totum hoc commentum manifesta destruit Magnetis supra centrum suum circumuoluti experientia; experientijs enim Libro Primo exhibitis luculenter comprobatur, Magnetem supra centrum suum velociùs circumactum, ferrum in sphæra, seu virtutis orbita positum, non tantum non circumagere, sed ne quidem aliquod motionis vestigium eidem imprimere; Verum, vt horum commentorum absurditas melius conuellatur,

& quam parum Magneticę artis peritus fuerit Keplerus clariùs ostendatur. Nota variè duo corpora Magnetica iuxta varium situm se incitare posse. Primò si Magnes supra centrum suum voluatur, ità vt axis eius verticalem situm obtineat in Magnetico *περὶ ἀπὸς* appposito corpore, atq; hoc situ nullū prorsus motū elicies, nec se corpora ob rationes in Paradoxo 4. lib. I. prolatas allicient. Si verò corpus Magneticum *ὑπὲρ ἀπὸς* illi applicetur, alliciet quidem, sed non in gyrum, vtpotè vno solo virtutis puncto se contingentibus corporibus; Quod hac ex-
Experimentū.
perientia comperies, si enim girgillum, siue verticillum, quos pueri supra tabulas, & mensas rotare solent, axi chalybeo instructum, circumegeris, eique sic in gyros currenti Magnetem polo suo applicaueris, verticillus non nisi puncto Magneti adherabit, durante motu paulò ante manu ipsi impresso. Si verò verticillum immotū polo Magnetis applicaueris, Magnetemq; deindè circūduxeris, verticillus, qui prius erat immotus, sēper ita persistet, quātumcunq; Magnetem circumduxeris. Secundò si magnes supra centrum suum ita voluatur, vt axis eius situm suum habeat horizonti parallelum, hac positione aliud Magneticum simili situ dispositum similiter in circulum aget, non tamen extra locum suum circa Magnetem, sed supra proprium centrum circa axem; est enim impossibile, & contra omnes leges magneticas, vt magnes supra centrum suum circumuolutus, alium Magnetem extra locum suum attractum, circa se in circulum agat; quod omnes, qui Kepleri opinioni fauent, notare velim: atque ita certum est, vt vel ex hoc vnico experimento totius huius Keplerianę Physicę falsitas luculenter demonstretur; cum itaq; Keplerus omnia sua phenomena per parallelam quandam ad magnetem comparationē, *ἀναλογία*, seu proportionem instituat, si prudenter ac constanter philosophari volebat, limites huius Analogiæ exire non debebat, ne infinitas cōtradictiones, & inextricabiles difficultates incurrere eū cōtingeret, quas reuera ipso facto incurrit, & in hoc omnes Magneticę Artis periti mihi astipulabuntur. Infertur igitur ex hoc discursu, Solem supra centrū suum circumuolutum, nulla omninò potentia Planeticos orbes extra locum suum violēter tractos, in motus circulares incitare posse.

Præterea, cum spacium, quo Planetæ à se inuicem distant, omnino ad tractiones Solaris orbis improporcionatum, & innumeris impedimentis vim magneticam diuertentibus expositum sit, vt in sequētibus fusiùs demonstrabitur, fieri certè non potest, vt Sol vllum in tam disparibus spacijs effectū (nisi vim Solis Magneticam quasi infinitā, & diuersimodè affectam dicas) producat. Verū cum propositum mihi sit solis Magneticis experimentis irrefragabilibus, hanc phantasticam Kepleri physicā expugnare; quāta vis Magnetica singulis Planetis insita esse possit, si Magnetes forent, & quantum virtutis orbem habere possint, Mathematica apodixi demonstrandum duxi, vt ex ijs deindè peritus Lector, quid de cælesti Kepleri physica sentiendum sit, melius iudicare possit. Nemo tamen putet, me dum physicam eius confuto, hypotheses quoque eius inde deductas, ac cōsequēter Tabulas illas Rudolphinas exactissimas sanè, ac sūmo ingenio elaboratas cōfutare; nequaquā. Potest enim, vt postea dicetur, solus Mathematicus falsis principijs, veluti suppositionibus quibūsdam ad certissimas inde demonstrationes formandas vti, etsi res, quā veluti verā supposuit, falsissima sit, & in rerum natura non reperiatur.

§. 3.

Apudætic Magneticorum corporum.

siue

De proportionē virtutis Magneticæ corporum cælestium, quam ad inuicem haberent, si iuxta Keplerum, aliorumq; opiniones verè corpora Magnetica forent.

QVeritur igitur, si terra magnus magnes foret, si ☉, ☿, ♀, ♁, ♄, ♀, ♄, singula Magnetica corpora bonitate paria forent, quantum vnusquisque trahere possit, & in quantum spaciū virtute sua tractiua agere, siue quanta vnicuique sphaera actiuitatis, aut orbis virtutis competat? Sed enim cum

cum hæc cognosci non possint sine magnitudinis, & grauitatis corporũ planetarũ notitia, eorumq. à terra, & Sole distantia, ab hoc scrutinio primo computum ordiemur. Suppono itaque primò ex 18. proposit. 12. elem. sphæras inuicem triplicatam habere suarum diametrorum proportionem, ita vt si sint duæ sphære, quarum diametrorum notæ sint rationes, v. g. diameter vnus sit alterius dimidia, id est in dupla proportione; facile sciri possit, quantum prior contineatur in posteriori, si dicta ratio, quæ se habet, vt 1 ad 2 triplicetur, vt sequitur 1. 2. 4. 8. erit enim inter 1, & 8 numeros extremos ratio triplicata rationis subduplæ, & sphære pariter, quarum diametri erunt in ratione subdupla, habebunt inuicem rationem eam, quam habent numeri 1. & 8. id est ea, cuius diameter erat diametro alterius dupla, illam octies cõtinebit; Cognoscitur enim Sphærarum proportio, vti dictũ est, secundum soliditates, hoc modo: numeri in quibus notæ sunt diametri; scribuntur sic, v. g. vt quoniam terræ sphæra, ad sphæram sublunarem se habet, vt 1. ad 104. diametros earum, harum proportio continetur vsque ad 4. terminos; sic 104. 10816. 1124864. vt sit eadem ratio primi ad secundum, quæ secundi ad tertium, & tertij ad quartũ, sicuti est in istis: cũ igitur eadẽ sit proportio iuxta citat. Euclid. Proposit. 1. ad 1124864, quæ minoris sphære ad maiorem, scilicet quarum diametri sunt, vt 1. ad 104. tota sphæra sublunaris toties continebit terrę globũ quot numeri 1124864. continebunt vnitates. His præmissis ita inuestigabimus diametros corporum cælestium, & pondus singulorum si Magnetica corpora forent. Ponamus itaque fundamenti loco Terrellam, siue Sphæram Magneticam esse, cuius diameter vnus digiti sit, & pòdus libræ vnus; quæritur quãta sit Terrella cuius diameter sit vnus milliariis? & consequenter quot librarum? Hic cum duarum sphærarum diametri notæ sint, nota erit soliditas, & pondus totarum, quoniam enim diameter sphære digitalis ad sphæram vnus milliariis se habet, vt 1. ad 80000. (supponimus enim milliare vnum continere digitos 80000.) dabit ratio triplicata hosce terminos 1. 8000. 640000000000, 512000000000000. habebunt itaque sese sphære digitalis diametri ad sphæram milliariam, vt 1. ad

Eucl. prop. 18.
lib. 12.

Sphære tripli-
catam rationẽ
habent suarum
diametrorum.

Pragmatia
computus.

qua ratione reliquorum omnium Planetarum corporum, si Magnetes forent, proportiones ponderis, tractionis, & orbiū virtutis eruendæ sint. Verum vt Lector magno labore subleuaretur, hic computum omnium ei ob oculos ponimus.

Tabula proportionis sphaerarum caelestium Magneticarum adinuicem, & ad sphaeram milliariam.

Diametri sphaerarum Magneticarum in milliariis Italicis.

		mill. Ital.
Diam. sphaeræ milliariar. 1		
Diameter	Terræ	7000
	Lunæ	2281
	Mercurij	377
	Veneris	3766
	Solis	42900
	Martis	9100
	Iouis	35620
	Saturni	15100
Continet milliaria		

Capacitas siue soliditas in sphaeris milliarijs, siue quot globos ex ijs, quorum diameter milliare Italicum continet, singulæ sphaeræ capiant,

		1
Continet globos mill.		343000000000
		11867954041
		21253933
		41637598696
		78953589000000
		753571000000
		45194100328000
		43243551000000

Semidiametri orbiū virtutis siue sphaerarum actiuitatis singulorū corporū caelestiū; hoc est, quanto quisq; orbis spacio sibi homogeneous æquilibre corpus trahere possit, si Magnetica forent corpora.

		mill. Ital.
Terra Luna Mercur. Venus Sol Mars Iuppiter Saturnus	aliud corpus Magnet. trahit spacio mill.	350000
		1145
		1885
		17330
		214500
		45500
		178100
		75500

Distantiæ Planetarum siue

Magnetum Keplerianorum à Magnete Tellure.

Distantiæ à terra in milliariis. Differentiæ distantiarū.

Distantiæ à terra mill.		000000
		129705
		251439
		696158
		467788
		5129529
		38876864
		63141953
		Nn 3
		Pon-

Pondus singulorum corporum caelestium, hoc est quot libras singulas si magnetica forent ponderarent, & quot librarum aliud corpus Magneticum, & homogeneū, & æquilibre trahere possent.

Terra	{ 175616000000000000000000000000	Tot libras ponderaret si Magnetica essent, & alterum totidē librarum traheret.
Luna	{ . 6076392468992000000000000000	
Mercur.	{ . 1088201369600000000000000000	
Venus	{ 2131845053235200000000000000	
Sol	{ 404242375680000000000000000000	
Mars	{ 385828352000000000000000000000	
Iuppiter	{ 231393793679360000000000000000	
Saturnus	{ 221406981120000000000000000000	

Denique ex huiusmodi proportionum cōtemplatione patet (quod si aliquis staret in loco 300. leucis à superficie terræ remoto, futurum, vt acus eodem in loco nullam declinationem patiretur, sed in indifferentē situm se disponeret) vt potè extra Magneticorum Telluris radiorum orbem constituta.

Atque ex hoc ratiocinio Mathematico luce meridiana clariùs patet, quam fragilibus fundamentis ij innitantur, qui corporum caelestium motus varios Magneticis attractionibus perfici posse arbitrantur. certè qui prædicta distinctius confectæ, volet, infinitas contradictiones reperiet, quæ machinamentū hoc Astronomico-Magneticum prorsus *absurdam* reddent.

Nam præterquam quod magnes non propriè trahat, iuxta ea quæ l. i. ostendimus, multa alia quoque in hac tractione, cælorum incongrua occurrunt, quæ Magnetis naturæ nulla ratione conuenire possunt; Vel enim corpora se traherent regulariter vel irregulariter, vel iuxta lineas rectas, vel circulares, vel hypothetico vel perithetico situ. Nihil horum in hoc Ourono-magnetismo admitti potest; cum enim vnus Magnetici corporis motus dependeat à motu alterius illud incitantis, fieri certè non potest, vt vnum regularem, alterum irregularem motum habeat, sed vt ambo regulariter, aut irregulariter moneantur necesse est. Vt omnia, experimenta hoc opere exhibita luculenter demonstrant; neque recto motu vnum alterum mouere potest, sequeretur enim inde, omnia corpora magnetica in vnum centrum principalissimi magnetis,

et, Solis inquam centrum confluxura, aut ab eodem pulsa in firmamentum abitura, quod quàm absurdum, quis non videt? neque circulariter, cum is magneti nulla ratione propriè, sed merè per accidens, vt supra demonstratum est, competat. neque hypothetico, vel perithetico situ, cum magnete vno, & hoc situ moto regulariter, alterum necessario quoque regulariter moueri necesse sit, quod tamen cælesti disciplinæ, & varietati motuum planetarum, quàm maximè repugnat. Quare cum notaret, suam hanc cum magnete sublunari comparisonem ob innumeras contradictiones subsistere non posse, solita illa sua perplexitate confusus *παλινωδίας* paulatim meditatus est, quam hisce verbis explicat. *In Cælo, inquit, res paulò aliter est comparata; Sol enim non vt magnes, vna plaga sed omnibus sui corporis partibus, facultatem hanc actiuam, & energeticam possidet atrahendi vel repellendi, vel retinendi planetam.* At iam quisnam huiusmodi magnes, contrarijs vna & eadem parte qualitatibus imbutus esse possit? equidem concipere nulla ratione possum; nec vllum fundamentum video, quo iure quis ad sua commenta fulcienda, talem magnetem vllibi in rerum natura esse, asseuerare audeat. Sed audiamus ipsum vltèrius philosophantem. *Itaque credibile est, centrum corporis Solaris respondere vni extremitati, vel plagæ magnetis; superficiem verò tantùm alteri Magnetis plagæ, in corporibus igitur planetarum, quæ pars vel extremitas in primò rerum exortu, inque prima collocaione planetæ Solem spectabat, illa centro Solis cognata est, illa à Sole trahitur: quæ verò à Sole versus fixas extensa erat; illa superficiei Solaris naturam est nata, illa si ad Solem conuertatur, Sol planetam à se repellit;* sed quis rogo hæc noua magnetica mysteria, huic magnetico nostro philosopho vnquàm reuelauit? quod tam audacter, ac velut ex Tripode quodã prolata illa asserat? certe quicunque. Artis magneticæ periti, mecum omnes fatebuntur, sine fundamento & ratione vlla ista asserta esse; si enim Sol centro suo amicam planetæ partem attraheret, certè superflua foret Solis circa axem suum circumuolutio, cum centrum Solis, vt & vis ex eo diffusa immobilia sint, & eadem ratione semper se habeant: cur autem superficies solaris oppositam plane-

Physica cælestis
fol. 108.

tæ partem inimicam habeat : & quomodo in eam repellendo agat ; nullum Oedipum sufficientem , vt id conijciat , fore existimo . Si enim superficies agat in superficiem auersam planetæ , vel tota simul agat in totam , vel pars in partem , vel lineis rectis , vel curuis : non prius , sequeretur enim priorem planetæ partem prius repulsum iri , quam posteriorem , quod est contra hypothesim ; non posterius , siquidem nullum agens naturale , effectum suum per curuas ; sed rectas easdemq ; breuissimas lineas attingere notius est , quam dici debeat . Iterū quomodo superficies planetæ centro Solis tantummodò amica sit , & ab eo attrahatur , non alijs Solis partibus , nosce cuperem ? vel enim hoc centrum est Physicum , vel Mathematicum , si istud , nō est ratio cur id potius , quod totius pars quædā est , secundum sensum solum indiuisibilis , quam totū corpus solare , has amicitie leges cum amica parte planetæ ineat ; cū partes alicuius corporis homogenei , totius affectiones sequantur ; Si hoc ; ergo centro Mathematico actiuitatē iam tribuet , quod est contra omnes Philosophos & Mathematicos ; vides igitur , in quantas hi Nouatores , dum non consequenter philosophantur , difficultates incidant , & dum vnam difficultatem fugiunt , in mille aliās maiores labantur , quarum innumeras in diuersis planetarum motibus occurrentes , hoc loco adducere possem ; sed nè longiores simus , Lectori veritatis amanti expendendas confutandasq ; relinquimus . Hæc cum ipse Keplerus cognosceret , & subsistere non posse videret , commenta , commentis addens , alias sibi motuum rationes pro ingenij sui lubricitate & inconstantia excogitandas duxit , quas explicauit his verbis . *Vt verò , inquit , magnes non omni parte trahit , sed filamenta , vt ita dicam , seu fibras (trahitue virtutis sedem) rectas habet ; per longum extensas : ita vt ferri linguam , si medio loco inter capita Magnetis , à latere consistat , non attrahat , sed tantummodò parallelam suis fibris dirigat ; ita credibile est , in Sole non esse vllam vim planetarum attractoriam , vt in Magnete (accederetur enim ad Solem tantisper , donec cum ipso coniungeretur penitus) sed tantum directoriam , ideoque habere fibras circulares in eam plagam circumporrectas . Sed proh Deum immortalem ! quæ nam ista philosophandi ratio est ?*

cer-

certè si vel à primo, vt aiunt, limine, Magneticam artem salutasset, hæc nulla ratione adeò temerè effutire ausus fuisset. Quis enim vel mediocriter in hac arte exercitatus nescit, virtutem Magnetis attractiuam, & dispositiuam, siue directiuam eandem prorsus qualitatem esse, ità vt alterutra sublata, tota lapidis essentia destruat, nec enim concipi potest, quomodo magnes sine attractione disponere, aut disponere sine attractione alium Magnetem possit; quod si verum est, vti est verissimum, & à nobis fusè in primo libro demonstratum, equidem miror Keplerum sua verba hoc loco non melius ponderasse; sed audio ipsum mihi in physica sua cælesti fol. 518. obijcientem, magnetes illos cælestes à nostro hoc multò esse differentes (cuiusmodi tamen in rerum natura concipi nulli possunt,) ideoque fibras habere circulares in eam plagam circumporrectas; at quæ sunt istæ fibræ circulares? aut quid in magnete efficiunt? anne virtutē aliquam motricem in reliquos planetas, qua in orbem agantur, diffundunt? Verùm cum omnes huiusmodi motiones ex disponenti virtute per polos diffusa fieri passim dicas, gratis finguntur huiusmodi fibræ circulares, tantumque ad planetas mouendos faciunt, quantum vt dici solet, quinta rota ad mouendum currum; Quod si fibræ circulares motuum planetariorum causæ sunt, cur eas hic denudò cum fibris polaribus magnetis confundis? ità enim ais fol. 176. *Sole sese vertente perenniter, vtique non nisi super proprio centro & axe, vt superiùs asseruisti) conuertitur & in orbem vis motrix seu defluxus ille speciei à fibris Solis Magneticis per omnia planetarum Diastemata diffusus, & conuertitur eodem tempore cum Sole non secus atque ad translationem magnetis, ipsa quoque Magnetica virtus transfertur, & vnà ferrum ipsam vim Magneticā insequens, vel vti clariùs in physica sua cælesti fol. 519. Corpore, inquit, Solis conuerso virtus etiam ista conuertitur, quemadmodum Magnete conuerso vis partis vnus tractoria in plagas mundi alias atque alias transfertur. Cumque Sol illa virtute sui corporis arripuerit planetam, seu trahens illū, seu repellens, seu dubius inter vtrumque. secus etiam circumducta illum, & cum illo fortè etiam omnem ætherem circumfusus; trahendo quippe & repellendo retinet & retinendo circumducit. Ex*
hoc

hoc discursu contrate ita argumentor, sicut se habet vis motrix magnetis ad magneticum corpus motum, ita sese habet defluxus ille magneticus Solis ad alios planetas; at vis motrix magnetis super centrum suū moti, alium magnetem mouet in circulum non fibris circularibus, sed vi dispositiua in polos, ergo Sol alia corpora similiter mouebit; quæ clarè è verbis tuis patent; ergo frustra admittuntur fibræ illæ circulares, seu quod idem est vis magnetica Solis diffusa & propagata, non per polos, sed in gyrum, quæ salua essentia in nullo magnetem concipi potest: Porro equidem miror, Keplerum in hac adeò absona sententia, veluti de eximio quodam ingenij partu, ac inuentione æterna cædro digna adhuc gloriari ausum fuisse, ita enim ait; *per bellum equidem attingi exemplum magnetis, & omnino rei conueniens, ac parum abest quin res ipsa dici possit.* Certè quàm bellè hoc negotium magneticum tractet, quam conuenienter ad institutum suum astronomicum applicet, satis declarant, inconstans eius in decernendis rebus animus, dubia, & perplexa in omnibus mens, impunis illa sine vilo fundamento & ratione, quæuis etiam ἀλογα καὶ ἀδύνατα comminiscendi licentia, dum solem aliosque planetas magnetem modò asserit, modò negat, modò attractiua, modò directiua, aut repulsiua vi pollere, iam fibris non in polos; sed in circulum coagmentatis omnia fieri, nunc omnes motus sola magnetica, nunc illuminatiua vi, paulò post adiuncta mente quadam circumagi asserit; vt nec Euripus tot æstus voluere, nec tot in colores Chamæleon se transformare possit, quot æstus, & quot formas is in constituendo mundano syssmate assumit, quem æstum, quicumque luculentius cognoscere voluerit, is physicā eius cælestem adeat; ex ea enim clarè patebit, quanto perè is se torqueat, quam ridicula comminiscatur, quam violenter terram reliquosque planetas magnetismo solis in gyros velint nolint adigat, quam nihil non fingat, quo finem suum assequatur, vt vel ex hoc ipso concludere liceat, quam falsa, friuola, futilis, & infirma illa philosophia habenda sit, quæ tot scrupulis, & perplexitatibus suum cusorem inuoluat; quod & ipse tandem, cum diu multumque perpetua hac solis, telluris, cæterorumque planetarum verrigine versando, ingenium defatigasset,

set, veluti capitis vertigine victus succumbens, ingenuè vanum, & inutilem laborem confitetur his verbis. [Hactenus quidem causarum plerarumque allatarum evidens erat verisimilitudo, at hoc vltimo agmine rerum astronomicarum æquè succedunt causæ, laboratque cum mens, tum maximè fides eorum, quæ quis comminisci possit]. Nihil verius dixisti Keplere. Redeat igitur in centri locum tellus, redeat in circulum suum Sol, ceteriq; planctæ, sic enim diuinæ, sic humanæ voluntationes. Lectores autè Gilberto & Keplero Magneticae huius vertiginis authoribus hanc falsitatē ignoscant velim, qui, dum

Stare negant terram; cum tot miracula narrant.

In rate scribentes forsàn vterque fuit.

Q V A E S T I O I I.

Vtrum memoratæ mundanorum motuum hypotheses, Magnetica arte effici possint.

CVM in præcedentibus motum naturalem Magnetico-
rum Terræ, Solis, & Lunæ falsum fictumque esse ostendimus, nunc restat inquirere; vtrum non saltem artificiosa quadam constitutione, dictorum motuum hypotheses Magneticae artis subsidio demonstrari possint, quod quidem vt solidè præsteretur, suppono prius, eam esse duorum corporum mobilium affectionem, vt alterutro, vel stante, vel in orbem circumactis, eadem semper facies corporum, eademque apparentia iuxta Opticorum regulas resultet; siue enim circa me immotum aliquod corpus, siue ego circa corpus immotum circumagar, semper eundem corporum situm, positionemque, eademque consequenter apparentia resultare necesse est, ita quoque perindè est, siue affatura circa ignem, siue hic circa affaturam circumferatur, cum idem semper affationis effectus proueniat. ita denique eadem hora monstrabitur, siue lux circa horologium immotum, siue horologium circa lucem immotam circumferatur, quæ omnia fusè suprà in Geometria, & Astronomia nostra scioterica ostendimus; vt proindè ex hoc capite Copernicæ sententia difficulter argui possit;

Opticorum lex

possit; Nihilominus non obstante dictorum corporum affectione, dico, quod irrationabiliter ageret, qui, cum facilius obelisci alicuius inscriptiones, circumire possit. circa se obeliscum gyrari mandaret; ita insanus denique omnium opinionone habendus esset, qui cum horam ex horologio immoto facile dignoscere possit, horologium circa Solem immotum deferre attentaret: etsi hoc facto idem effectus sequeretur; ita quoque Copernicani illi Cyclopes temerarij habendi sunt, qui terræ crassissimi & ponderosissimi corporis quiete naturali neglecta, eam inutili profectò, & irritò labore, per immensa, cælorum spacia in incertum versant; corpus verò Solis igneum & ex se & sua natura motum affectans, centro vniuersi affigunt; Non debebant ipsi, quid Optica præscriberet; sed quid corporum conseruationi salutaris foret, si prudenter philosophari volebant, attendere; Habet enim multa huiusmodi Mathematica; queis ex falsis & impossibilibus vera & certissima concludit: Ita diuina illa Algebra ex nihilo aliquid producit, dum ex numeris minoribus nihilo, ex se falsis, & impossibilibus in abstrusissimarum quæstionum quarumvis solutionem deuenit. Ita è tot concentricis, eccentricis, epicyclis, qui etsi in rerum natura non sint, nec in solido spacio concipi possint, motuum nihilominus cælestium rationes verè & infallibiliter demonstrant; Idem de Copernicani systematis hypothesei iudicium esto. Verum vt quæ hucusque dicta sunt clariùs intelligantur, & vt arti Magneticæ nostræ melius applicentur, ea per aliquot Theoremata fusiùs deducenda existimaui; sit itaque.


Sola Mathematica ex principij falsis verum deducit.

T H E O R E M A I.

Sol eandem longitudinem iuxta eclipticam, eandem distantiam, & prostapharesin sortitur motu terræ, quàm terræ statione.

SI ponamus terra circa Solem mundi centro affixum, in isto orbe & motu commoueri, quo Sol secundum stantis Terræ hypothesein, conuersionem suam peragit, sequuntur iuxta huius

huius terræ motæ hypothesin, eadem longitudo, distantia; eadem phænomena consequuntur, quod ita ostendo, sit terra fixa in centro B; Solis *in uentre* BF talium partium 417. qualium semidiameter FA 10000; sit autem deferens Solis ADH, erit ergo perigæum in H, apogæum in A, hinc ponamus, Solem progressum in D punctum. Iterum ponatur Sol in centro A immotus, Terra verò mobilis in deferente suo BCE, eccentricati verò FB æqualis ponatur AG, erit igitur apogæum terræ in A, perigæum in E, progrediatur autē terra in suo deferente ex B usque in C tantum, quantum Sol in priori exemplo, ex A in D progressus statuebatur; quo posito



connectantur AD; AC; CB; BD; DF; CG rectis lineis. Dico Solem fixum in A è terra mota B visum, eadem longitudine secundum eclipticam spectari; qua Sol motus ex A in D, ex terra

terra immota B, quod ita demonstro; Cum enim arcus BC a cui AD æqualis ponatur, erit triangulum isopleuron FAD simile, & æquale triangulo isopleuro GCB, & angulus FAD æqualis angulo GCB, vel quod idē est BAD ipsi ABC æqualis. Erunt igitur duæ æquales rectæ AD, & BC parallelæ, vti, & rectæ BD, & CA quæ illas conterminant æquales erunt, & parallelæ; quæ cum ita sint; ergo Sol in centro A immotus, è loco C terræ moto eodem loco videbitur, quo Sol motus D ex terra in centro B quiescente, cum distantia parallelæ CA, & BD, vtpotè terminantes parallelas BC, & AD, sint æquales; Præterea Sol motus in D, ex terra stante B in eclyptica tātum progressus videtur, quantum terra ex B in C promota, ex fixo Sole A spectatur, cum BD, CA parallelæ sint, cūq; lineæ DF, & GC parallelæ quoq; sint, erunt eandem ob causam anguli prostaphæretici BDF, & ACG quoq; æquales, vnde & consequenter prostaphæresis (quæ hinc demi debet) in vtraq; hypothefi existit eadem, ergo Sol secundum terræ motæ hypothefin apparentem longitudinem in eclyptica, distantiam, à terra, & prostaphæresin habet eandem, quam terra immota, quod erat demonstrandum.

Confectarium I.

EX his sequitur, terram secundum motus sui hypothefin eodem tempore versari in sui deferentis BCE apogæo E, quo Solem in apogæo A deferentis sui ADH; patet etiam terram in eccētrici sui BCE semicirculo versari eodem tempore, Sole in semicirculo eccentrici sui ADH cōsistente, sed & quā longitudinem Sol in D habebit, eandem terram in C habebit, cū per suppositionem AD ipsi BC sit æqualis. Vnde & consequenter prostaphæresis vtriusque erit æqualis.

Confectarium II.


CVm itaque Terra iuxta motus sui hypothefin similem, semper locum in suo deferente obtineat, quā Sol fixa, terra in suo deferente, consequenter iuxta terræ fixæ hypothefin

thesin eadem ~~inveniens~~, dierum æquatio, ceteraque id genus omnia, quæcunque iuxta stantis terræ hypothesein inueniri solent calculo, reperientur; quamuis multò totius naturæ systemati (terram stare, Solem verò moueri) magis congruum sit, & consentaneum.

THEOREMA II.

*Luna eandem habet in ecliptica longitudinem,
 & à terra, & à Sole distantiam,
 siue terra moveatur, siue stet.*

MAneant deferētes Solis, & Terræ vt priùs, circa terram
verò B fixā, sit ex assumpto pūcto C deferens Lunę EH



eritq; aux \odot E, oppositumq; eius H; moto autem centro defe-
rentis, fiat TGL, eritq; apogaeum siue aux F, l vero perigeum,
Lu-

Lunaque interim discefferit ex F versus G. Iterum Sole fixo in C moueatur terra B in L, ita vt arcus longitudinis terræ in eclyptica sit BL, ductisque vt prius deferentibus Lunæ, fiant LM, LN, LO, PO, & PL, lineæ æquales & parallelæ lineis BE, BF, BG, KG, KB, erit igitur N apogæum Lunæ, & arcus arcubus, & anguli angulis æquales; His ita ritè positis, dico, Lunam O ex terra mota L eadem apparenti longitudine in eclyptica videri, qua Luna G ex immota terra B, Lunæque distantia BG æqualem esse distantie LO, quod ita demonstro. Quoniam enim LM, LS, LO, PO, & PL ex suppositione æquales sunt, & parallelæ lineis BE, BF, BG, KG, KB, erunt consequenter arcus arcubus, & anguli angulis æquales, ergo & Luna O ex mota terra L sub eadem eclypticæ longitudine videbitur, quam Luna G ex terra immota B, & vtroque casu Lunæ à terra distantia LO, & BG æquabitur, ergo Luna, &c. quod erat demonstrandum.

Confectarium.


S Equitur ex his, quomodo iuxta hanc præcedentem normā reliquorum Planetarum motus ad terram accommodare possis, & eosdem vel ad terram motam, vel immotā, vti, & Solem comparare; verum qui hæc paulò pensiculatiùs scrutatus fuerit, manifestò videbit, longitudinis Planetarū motus, multò faciliùs, expeditiùs & veriùs iuxta terræ fixæ hypothesein, quam motæ, erui posse; vt vel ex hoc ipso Copernicanæ hypothesei, Ptolomaica, & Tychoniana hypothesis multis parangis præferri meritò debeat; quæ fusiùs forsan hoc loco demonstrare possem, nisi limites instituti mei transiire vererer; quare his ita præsuppositis iam videamus, qua ratione Magnetica Arte huiusmodi systema confici possit.

P R O B L E M A I.

Hypothesin motæ terræ Magnetico artificio exhibere.

C Vm motum terræ commentitium iuxta Gilberti mētem, supra in Problemate primo Mechanicæ nostræ Magneticæ

ce exhibuerimus, de eo hic amplius dicere noluimus; solum hoc loco, qua ratione motu terre Solisq; hypothesis iuxta Keplerum Magnetico artificio exhiberi possit, demonstrandum duximus; quod dum facimus, nemo nos superius refutam opinionem hoc experimento reuocare velle existimet, cum potius ex hoc eius falsitas, & impossibilitas magis inno-



rescat, ut ex dicendis constabit. Sit itaque sphaera vitrea CD, iuxta Progymn. nostra heterogeneis humoribus repleta, in
O o cuius

cuius centro I alia ampulla vitrea cum collo longo, in qua acerum distillatum cū subtilissimo oleo, elychnio in lampadis modum instructo, libretur; referetque accensum elychnium globum igneum Solis; mirum enim est quā iucundum spectaculum flamma ex equa refractione veluti conglobata, sub aquis in centro præbeat. Hoc peracto adaptetur rota STVX, vnā cum cylindro in gyros per chordam X mobili; eadem prorsus ratione spherę subdenda, qua supra in Mechanica Magnetica præcipimus; referet enim rota maior ATVX deferentem terrę annuo spacio circa immotum Solem; circumportabilis cylindrus Magnete suo instructus, 24. horarum spacio circumactus, motum diurnum; epicyclus verò menstruo suo spacio circa terrę cylindrum mobilis, vnā cum alio cylindro, Lunam, vt in præsentī figura apparet. Totum igitur hoc systema spherę vitreæ rectā supponatur sub spherę medio loco; libretur globus magneticus ea ratione in humore heterogeneo, qua in Progymnasmat. eum, librari debere docuimus. His ritē constitutis, promota rota ATVX annuo spacio, diebus singulis gradu vno, necessariò quoque secundum signorum successionem faciet eundem gyrum in deferente suo NOM, annuo spacio globulus terrę magneticus AB, à magnete in cylindro latente attractus. Cylindro verò P 24 horarum spacio, aut per clepsydras, vel per Horologia arenaria, aut per ea quę, ex rotulis denticulatis composita, ponderibus aut intense lamine chalybeę vi circumacto, circumagetur & magnes A, B supra propriū cētrum, spacio diei naturalis circumactus, nunc alijs, atque alijs partibus, successiuē à Sole I fixo illuminabitur, vnde populi, motu terrę lineæ B subiecti horam habebunt duodecimam diei, in A verò constituti duodecimam noctis: in L verò, & K constituti ortum, vel occasum Solis obtinebunt, quę res summa animi voluptate spectatur; Quod si cylindrus R cum epicyclo suo menstruo spacio circumducatur, circumducetur & S Lunę corpus magneticum in suo epicyclo SDT circa terrā mēstruo spacio, vnde in B. ΣΥΝΟΔΟΣ, in S. μνησθής, siue κρησθής; διχόμορος, in T. πανσέληνος, in D. ab incolis terreni globi videbitur. Eclipses quoque perfectē cognoscentur, cæteraque phænomena in Theorica Lunę explicari

cari solita, quę tamen, vt exactè sequantur, debet tellus, quę circumfertur ad motum sui magnetis, esse extra spheram actiuitatis eius, qua circumfertur Luna. Ergò hypothesein motę terre, & Lunę exhibuimus, quod erat faciendum.

Confectarium I.

EX quibus sequitur nullum esse adeò intricatum planetarum motum, qui non hoc artificio repręsentari possit, quod libenter hic ostenderemus, nisi ad alia nos temporis angustia compelleret, quare ingenioso Lectori vnum exemplum hic proposuisse sufficiat.

Nullis non
motus Magnē-
tica arte exhi-
beri docet.

Confectarium II.

EX his quoque sequitur contra Keplerum, huiusmodi cęlestium corporum motum à propria forma Magnetica fieri nulla ratione posse, sed ad motus adeò varios & diuersos vnius corporis necessariam esse intelligentiam aliquam, quę constanti motu & iuxta leges ab Authore nature ipsiis pręscriptas in inferiorum rerum bonum aliosque ob fines eos adeò diuersimodè moderetur; Etsi enim terra AB aut alius quispiam planeta secundum successionem signorum motu longitudinis ex se ipso moueatur, vt tamen idem eo tempore ab intrinseco latitudinis quoque motum habeat, dici non potest; sicut igitur Terra AB in sphaera vitream cum Luna mota motus diuersos lōgitudinis, & latitudinis ex se ipsa causari non potest, nisi diuersa modificatione, nunc Rota, nunc cylindrus, ei impositus, nunc epicyclus Lunaris suppositi prius ab artifice circumagantur. Ita etiam corpora cęlestia, plures diuersosquę motus subire nequeunt, nisi ab extrinseco, siue quod idem est, intelligentia aliqua, ad id deputata gubernentur. Pręterea si corpora dicta Magnetica forent, vno corpore Magnetico, in aliud agente, magnam in mundo confusionem oriri necesse foret, ità si Sol centro Iaffixus magnes foret, libera Terra in loco AB fluide consistere nulla ratione posset; quin attracta, Soli in centro coniungeretur, vel re-

Motus Cęlorū
tam diuersi, nō
possunt esse a
propria forma,
sed ab intelligē-
tia necessario
sunt.

Magnes omnia
abstrusa eno-
dat.

pulsa in fixa ferretur sidera; neque quiquam ad huiusmodi difficultatibus occurrendum facit corporis solaris circa axem suum circumuolutio, cum eam mouendis planetis ineptam supra ostenderimus. Iterum si Terram Sol Magneticè traheret sua propria forma in gyrum, dico, Terram tempore solaris eclypsæos mediante lunari corpore, similiter Magnetico, Magneticos Solis radios à Terra diuertente, & imbibente constitutam, non secus, ac vnum corpus Magneticum fislit impetum alterius agentis, vt è varijs Magneticis experimentis alibi probauimus; quod tamen haudquaquam fieri clariùs est, quam dici debeat; similiter constat ad circumducendos tam variè planetas, non vnum Magnetem tantum sufficere posse, sed si vi magnetica alterius magnetis circumducendi sint, cuique proprium assignandum, cui certis partibus, certa dispositione motus correfpondeant, quæ cum numero & dispositione corporum in vniuerso nulla ratione consistunt. Accedit denique quod planetæ, dum in auge sunt, vtpotè extra sphæram actiuitatis, moueri nequeant; quæ omnia absurda sunt. Nec igitur planetæ corpora Magnetica sunt, nec Magneticè se inuicem trahunt, quod erat demonstrandum.

Confectarium.

EX hoc proposito Problemate sequitur, quam facilè Machinamentum Keplerianum, vel ex solo computu nostro paulò ante proposito (quo corporum cælestium, si magnetes forent, virtutis robur, & tractiuæ virtutis in diffusionem sua singulorum Planetarum ad singulos, interualla exactè computauimus) dissolui possit. In illa enim tabula, vti & in hoc Problemate Magnetico ex distantijs Planetarum, quibus à se inuicem remouentur ἀποστάσεις ostenditur, Planetas iuxta Kepleri systema, potissimum verò Martem, Iouem, & Saturnum, vtpotè extra Sphæram actiuitatis solaris longè constitutos, à Sole Magnete nulla ratione circumduci posse; Etiam si enim radius Sphære actiuitatis Solaris iuxta computum nostrum 214500 milliariorum Italicorum sit; quia tamen Martis distàtia, videlicet 5120529 milliariorum, radio sphæ-

sphære actiuitatis Solaris multò maior est; nullum prorsus incitationis effectum in Martem Sol habere poterit. Non secus de cæteris planetis, eorumque distantijs ratiocinaberis.

Atque hæc sunt, quæ de Magneticis cælorum corporibus dicenda putauī, innumera alia prorsus falsa, & magneticis legibus, rationibusque (vt ij, soli, qui Magneticæ artis arcana norunt, comperire poterunt) omninò contraria, refutanda occurrebant; Verum cum talia sint, vt si ex ijs commenta, coniecturas futiles, rationesq; sine fundamento confictas dempseris, cætera nec verisimile quicquam contineant; nec etiam vt ijs conuellendis tempus perderetur, mereri videbantur.

Astra, ergò, Magnete Deo rapiuntur in orbem:

Stans verò vi Terra sua, firmatur in æuum,

Ponderibusque suis librata immobilis hæret.



LIBRI TERTII
 MVNDI MAGNETICI
 SIVE
 CATENÆ MAGNETICÆ
 PARS SECVNDA.

Στοιχεμαγνητισμός,

Idest

De Magnetismo, siue Magnetica facultate
 Elementorum.

ΠΡΟΟΙΜΙΟΝ.



Appetitus se-
 commodè con-
 stituendi singu-
 lis rebus insitus.

FACULTATEM vti hoc loco elementorum; ita cetera-
 rum rerum, de quibus hoc libro dicturi sumus, Ma-
 gneticam, iuxta analogiam quandam appello. Sicut
 enim magnes naturali, eoque sibi innato appetitu, cer-
 tum positionis suæ situm, ut in eo non existat tantum; sed etiam
 ut benè existens, ac veluti in centro quodam quiescens, ab omni
 violenta positione naturæ maximè contraria, immunis conseruetur,
 appetit. Ita etiam, dico, singulis rebus naturalibus haud ab similis
 à sapientissimo naturæ Opifice appetitus est insitus, quo situm locumq;
 certum veluti quietis suæ centrū appetunt, ut iuxta naturæ suæ exi-
 gentiam in eo cōmodè conseruentur; ac proinde ab omni alio huic si-
 tuationi cōtrario remis velisq; fugiunt; Quam quidem situationem,
 cum veluti quidam consimilium, & corroborantium corporum at-
 tractus, repulsusque nocentium consequatur; Ex illo mirifico re-
 rum omnium consensu, partiumque singularum ad conserua-
 tionem totius vnanimi conspiratione facta, Magnetica
 illa rerū vniuersi catena promanauit, quam qui-
 bus modis, & an verè Magnetis vinculis
 constet, tam explicare aggredior,
 ab elementis exordium
 facturus.

CA-

CAPVT I.

*De Elementis in genere, eorumque
Magnetismo.*

Es igitur illud entium Deus Opt. Max. exacta temporis plenitudine, quando illi complacuit, cunctarum rerum naturas verbo produxit; ac primò quidem ex primigenia illa confusionis massa, seu infinito rerum chao, id quod subtilissimum erat productio ignis atque leuissimum secernens, lucem siue elementum ignis condidit; hinc omnipotentis virtutis iussu.

Creatio ignis.

Ignis ad æthereas volucer se contulit arces

Summaque complectens imi fastigia mundi.

Vt hinc iterū diffusus omnibus rebus vim suā penetratiuā cōmunicaret, ac vitali lumine totū mundū, & singulas res complens, imā summis, summa medijs, media imis summiq; mira quadam ratione connecteret; Iterum Deus à prima illa hyle, id quod leuius erat, & subtilius separans, elementū aëris, cuius locus immediatè sub igne leuissimo, produxit, corpus subtile, rarum, vnicum vitæ spiraculum, hūc illucq; variè diffusum, & omnia passim, ne detur vacuum, perreptans; deque vapore

Productio aëris

Producens pluuias, tonitru, ignes, nubila ventos.

Porrò consimili ratione, & à reliqua massæ parte Deus, id quod subtilius erat, & humidius separans, efformauit cum tellure aquam, & hæc quidem cum non secus, ac ignis aërem, aër aquam, inconuenienter terram circumdaret, ea in alueos inclusa, tellurem aquis immersam in altum extulit; Ad proprios vsus viuientium, hominumque theatrum.

Aqua & terra.

Ita quadripartitò diuisit Deus opera sua; videlicet in 4. elementa, ex quibus omnia reliqua constarent, eorum vnumquodque admirandis quibusdam dotibus instruens, eo omnia federe connexuit, vt quamuis vnum alteri sit contrarium, mediorum tamen interpositione, contraria ipsa amicam quandam inimicitiam, vel potiùs discordem concordiam affectare videantur; qua vnum alterum ita prosequitur, vt faciliùs sit vniuersum mundum perire, quàm vt illa ab operationibus suis

deficiant. Præterea quadruplici virtute ea sapientissimus naturæ Opifex ditauit, ita præpotente, vt ex ea quidquid effectuum admirandorum, prodigiosorumque in mundo vnamquam comparuit, veluti ex fonte profluxerit. Quarum *Prima virtus est rarefactionis & condensationis*, ex quibus Magnetica ista vis, qua vnum alterum perpetuò trahit, aut repellit, resultat: quarum ista ex centro ad circumferentiam, hæc contra à circumferentia ad centrum per contractionem, quandam lata, non male concupiscibili & irascibili, seu odibili potentia comparari potest. *Secunda vis assimilatiua est*, qua vnum perpetuò alterius affectat perfectionem, vel vnum aliud sibi assimilari nititur. *Tertia est vis appetitiua loci*, qua vnumquodque locum sibi conuenientem non petit solum, sed & alia secum ad eundem trahere nititur. *Quarta est vis communicatiua*, qua Magneticas vires alijs quoque mixtis corporibus confert; è quibus in mixtis corporibus subindè rari quidam & abditæ naturæ effectus, admiranda, inquam, lis quedam & concordia rerum, quas philosophi subindè non intelligentes sub occultæ qualitatis nomine *συμπάθεια* siue *ἀντιπάθεια* indigitant, originem fortiuntur, de quibus iam singulis restat dicendum.

Quadruplex vis
elementis inest.

Rarefactio con-
densatio.

Vis attractiua
elementorum.

Attractiua itaque, siue vis quædam Magnetica elementis inest, in expulsionem & attractionem consistens, quam ego nihil aliud esse dixerò, quàm vim rarefactiuam, seu condensatiuam, aut contractiuam extremorum elementorum terræ & ignis, vt & humidi & sicci, quæ dicta elementa, vt contrarijs qualitatibus sunt imbuta, ita continuò luctantur, nunc rebellionis nunc pacis fœdera pangentia. Ignis rarefaciendo in omnia sibi ius prætere, dum omnia rapit & violenter attrahere nititur, Terra verò dicta condensando, eadem sibi iura præscribente; ita pari ratione calidum fugat frigidum; frigidum calidum; sic cum abominatur humidum, humidum sic cum; victoriam tandem reportat id quod altero qualitate sua potentius fuerit. Calor enim siue ignis, quemadmodum omnia subtilia, & pura reddit, ita ex aduerso frigus igni contrarium omnia condensat, constringit, aquamque quasi comprimens resistit calori ignis, ætisque subtilitati. Vnde Sol cælestis ille ignis æstiuo tem-

Caloris & frigoris effectus.

tempore caloris sui excessu aërem rarefactum, ob tenuē essentiam eleuatum quasi attrahens, attractum in se ceu nutrimentū conuertit, qui denique in igneam mutatus indolem, fulminē; fulgure, & coruscatione seu lampadibus scæuit. Aër vero eadē ratione rarefactus, aquam eleuans subtiliat, quæ in aëris mutata formam, numerosam producit ventorum mobilium propaginem: Hyberno verò tempore deficiente calore, frigus proprium terræ opus, aquam condensando crySTALLUM seu glaciem, terræ scæolem producit. Aqua hac ratione contracta in aqueæ formæ locum aërem, vt in locis frigidis & Borealibus fit, substituit; ne verò ex hoc contracta aërem inter & ignem spaciū aliquod corpore vacuum relinquatur, prouida natura ita exigente, ignis velit nolit aëri succenturiari cogitur; Atq; ex huiusmodi operationibus. *Secunda elementorum vis assimilatiua resultat*; qua vnum alterum sibi simile reddere nititur. Namque vt tria elementa sine igne mortua sunt; ita ignis sine tribus cæteris; Ignis tamen reliqua antecellit, vim obtinens excellentiorem, qua cæteris splendorem impertiri potest, suo splendori æmulum. Quis non videt quam mirifice hoc elementum aërem illustret? huncque ad similem claritatem, ad similem subtilitatem omnis crassitiei expertem, ac quæuis penetrantem, omnibus ex eo depulsis tenebris, ab omni excrementitio humore, fumisque terrenis eundem expurgando, perducere nitatur? certè huius rei argumento est ignis noster culinaris, qui ligno aut cespitibus siccis enutritur, magna vi colligit, & quasi sugendo attrahit ad se aërem, cum nitidum, purum, lucentem reddit, sibi que assimilat penitus, quod ipsum tam auidè, tamque impensè facit, vt subtracto aut interrupto aëre mox suffocatus intermoriatur ac tenues euanescat in auras; ita vt aëremne ignis escam seu nutrimentum vnde quaque summo nisu attractum? ignemne aëris dicam dispici vix possit? Nam vt ignis vita ipsa est, viuit verò in aëre, haud secus in igne viuit aër, aqua in tellure, tellus in aqua; ignis aërem perpurgat; aër aquam, aqua terram, vnumquodque sibi suoque splendori adsimilat alterum. Quis non videt, quam atrī ac terreī sint carbones extra ignem? quā clari, lucidi in igne, non minùs quā ipse ignis? tantum enim

Assimilatiua.

Ignis excellentia.

enim illis splendorem ignis impertit, vt etiam in formam penitus diuersam transmutentur. Tum reuertuntur ad pristinā suam naturam; quin imò ipsum cinerem & arenam, opaca & squalida cæteroquin corpora, ignis tandem ope in vitrum mundissimum, subtilissimum, sibi prorsus simile, diaphanum, & propè *αἰέρον* corpus trasmutat; quis ignorat aquam ipsam igni cæteroquin maximè contrariam, igni nihilominus aëre mediatore, in oleis cæterisque aquis combustibilibus accensam ita coniungi, atque adeò vtrumuis sibi alterum assimilare, vt identificata, ignisnè aqua, an aqua ignis dici debeat, vix discerni possit? *Tertia elementorum virtus est appetitiua* loci, qua vnumquodque proprium sibi & naturalem locum appetit: ignis quidem calidus & siccus à medio ad circumferentiā latus, supremum sibi locum vendicat; Terra verò frigida, & humida à circumferentia ad medium lata, in cèntro quietis suę terminum statuit; Aqua verò & aër, quorum hoc calidum & humidum, illud humidum & frigidum est, media quadam ratione lata, nec à medio perfectè remouentur, nec ad id accedunt perfectè, & simpliciter, sed secundum quid; cuius rei causa est, quod rei calor leuitatem, grauitatem frigus, ita velocitatem, victoriam & incessum in corpore leui & graui simul in vnoquoque ad locum suum naturalem siccitas conferat. humiditas verò, cui & aqua & aër subiectus est, incessus, latiorisque ad locum naturalem in vtroque tarditatem efficiat. Vnde omnia leuia, siue simpliciter ea leuia sint, siue secundum quid sursum necessariò currunt, graua verò quælibet deorsum; ignis spiritus sursum euolat secum auferens aërem, aquam, terram, quæ frigore aëris condensata sui similia petunt ea videlicet ex quibus fuerunt producta; ita aqua, vi rarefactua ignis in aërem conuersa circumstante frigore, condensata dissolutaque, per pluuiam aquæ sibi similis, & homogeneæ decidendo coniungitur, aqua in glaciem conuersa calore soluta mox fluxilem naturam, locumque sibi naturalem resumit, ita finis cuiusque idem est, ac eiusdem principium; quod è Terra pullulat ad terram reuertitur, quod ex aqua ad aquam, & omnia tandem ad eum ceu finem vltimum à quo originem hauserunt, redeunt. Quicquid est, id initio perfectissimè

Appetitiua loci.


Aqua & aer
media elemēta.

ctissimum fuit apud Deum, atque ad eandem suo tempore perfectionem reuerteretur, tum, cum elementa colliquescent, & pristinum induent splendorem coram Deo: nihil ibi peribit præter iniustitiam hominis, qui sicut finem hunc vltimum lumine naturæ cognitum, deprauatæ quodam voluntatis affectu amplexari noluit, ita & sua propria culpa eo æternum priuabitur. *Quarta vis elementorum est, communicatiua*, qua se suasque vires singulis rebus naturalibus communicant, cum nulla sit corporea substantia, quæ non ex ijs constet; Nam, quæcunque in hoc vasto mundi theatro continentur mixtæ naturæ corpora, ex ijs sunt & composita, & ad eandem ignis beneficio, qui velut ymbra quædam primi entis est, ad pristinam suam essentiam, vt postea ostendemus reducuntur; Quod si ex quatuor elementis composita, ergo vires quoque eorum, paulò ante memoratas participabunt; ergo ex hoc ipso operationes Magneticæ, attractionis, repulsionis, assimilationis, situationis, ac communicationis denique in omni mixtò, siue id minerale fuerit, siue vegetale, sensitiuumque, necessariò resultabunt.

Communicatiua vis elementorum.

CAPVT II.

Magnetica Elementorum vis experimentis ostenditur.

 VEMADMODVM Magnetici corporis situationam facultatem consequitur attractio & repulsio, ita secundum quandam analogiam & proportionem; rarefactionem & condensationem elementorum; hæc quidem dicitur attractio, illa verò repulsio. Iterum quemadmodum ferrum ex Magnetis consortio veluti perfectum in Magnetem mutatur, nulla proprietate, qua magnes pollet, carens; ita terra in aquam, aqua in aërem, in ignem denique aër mutatur rarefactione, condensatione verò è contra ignis in aërem, in aquam aër, aqua denique in terram ita conuertitur, vt non incongruè ignis subtilis aër, aër subtilis aqua, aqua subtilis terra, terra verò crassus quidam ignis, & contra terra congelata aqua, aqua congelatus aër, aër ignis addensatus,

Comparatio elementorum cum Magnete.

Transmutatio
elementorum.

tus dici possit. Quemadmodum experimenta irrefragabiliter demonstrant. Nam terra seu vi ignis, seu naturæ ingenita efficacia, resoluta, transmutatur in aquam, fitque sal, & quædam terræ virtus, cuius rei perfectum argumētum præbet calcinatio; sal ipsum igni dissolutum mutatur in aquam, quam metamorphosin prodit aquarum fortiū distillatio; Aqua verò vi ignis soluta fit aër, aër fit ignis; vt iam sæpè dictum est, & paulò post experientia ostendetur, vides igitur qua ratione terra crassa, obscuraq; conuertatur in subtilissimum, pellucidum splendidissimum ignem, qui non penetrat, illustratque solum, sed & facit, vt ipsa penetrandi, illustrandique facultatem nanciscantur, sed iam tempus est, vt hæc omnia vi expulsiua, & attractiua elementorum fieri, singula singulis experimentis comprobemus.

Experimenta.

Aqua in aërem
& hic in ignem
mutatur.

EX omni motu, reuerberatione, aut subtilissimi corporis actione oriri raritatem, ex raritate dilatationem, ex dilatatione violentam corporum contiguorum impulsionem, ex hac denique omnimodam transformationem docet experientia in focus fabrorum, vbi aspersam carbonibus aquā in aërem, hunc in ignē vehementi solliū concitatione in momento penè transmutari videmus, docet sagitta plumbea cuspide instructa Lucretio teste.

Feruescens liquefit, cursu cum multa rigoris

Corpora dimittens ignem conceperit auris.

Plumbeæ sagittæ
motus continetur
eam liquefacit.


Quorū coquendorum
ratio.

Quod quamuis experientia necdum constet, dico tamen, quod si plumbeus globus sclopo emissus, motus vehementiam continuaret in magnum aliquod spacium, futurum vt is liquefieret, ad tanto calori resistendum impar. Docent id Arabes si vera sunt, quæ eorum in libris scripta reperio, hanc coquendorum ouorum rationem, vbi ignis copia defuerit, seruantes; oua cruda fundæ imponunt, & assidua rotata vertigine, aërisq; ignitione ea tandem coqui asserunt. Docent id Americæ quidam populi, qui inter duas arundines colligatas, didentes teretem bacillum, manu vtraque in tantum circumagunt, donec ligna

ex vehementissimo aëris lacefsiti, attriti, diffipati ignitique confricatu tandem ignem concipiant, nec vllum alium focilis vsum norunt, quod experimentum successum quoque habet in baculis ex Lauro, Hedera, alijsq; solidioris ligni instrumētis; ita axes rotarum curruum ex vehemētia motus continuati facillimè ignem, quod nō semel mihi videre contigit, cōcipiunt; ita gelu, aduentante calore, vbi aërem offendit, diffluit, & in aquam colliquefcit, vt in vitreis fenestris tempore Hiemali passim apparet, etsi calore extingatur aqua, ex aquæ interitu fit aër natalis. In balneis affusa frigida aqua, ex aqua extabescēte vapor eleuatus in aërem transmigrat, & si calor intenditur, extinguitur aër, & fit ignis. In lucernis flammæ apex in fumum resoluitur, deinde in aërem, si igitur igni obiectum sit gelidum quippiam, ex igne in aërem fit transmutatio, cū verò aër calore deficit in opacum, & caliginosum congelascit, ita vt altero intereunte, alterius fiat genitura, mutuasque simul habeant alterum in alterum transmutationis vicissitudines, quod sequenti experimento manifestum fiet. Fiant duo vasa,

Varia experimenta.

Experimentū.



vnnum ex ære, alterum è vitro, sintq; A, B, quæ syphone C coniungantur hac tamen lege, vt vas A syphonem sibi ferruminatum ita recipiat, vt aër intrare nuspiam possit, quo facto per foramen I liquore vas aliquousque repleatur, clausoq; suppo-

ne ignem, aërque rarefactus per syphonem C, amplio rem sibi locum quærens, atque in vas B aquæ plenum receptus in bullas abibit; remoto verò igne, aër vasis A paulatim crassescens, dum minorem locum petit, nec habeat, quo aliud sibi corpus substituatur, ex laborantis naturæ necessitate, aquam vasis B violento motu per syphonem C attrahit. Huc pertinet omnis generis, Thermoscopia, quib. vitreis syphonibus, ampullis inclusis ex raritate, aut densitate caloris, frigorisque intensiōem, aut remissionem exploramus. Ita in Aeolia pila aqua igni supposito

Thermoscopia.


Tit. Aolia. posito feruefacta per vehementes flatus in vapores soluitur, quam si aqua consumpta denuò replere desideres, pilam feruentem in frigidam conijcies, aërque interior rarissimus ex subitanea mutatione minorem locum repetens, in derelicti locū aquam per subtile foramen attrahet, hoc modo aër in cucurbitulis carnem trahit, cum aliud non suppetat, quod in deficientis aëris locum sufficiat: verū quandoquidem hic attractus, & dispulsus elemētorum in Thermoscopijs maxime elucescit, de ijs hīc breuiter aliquid dicendum est.

De Thermoscopijs eorumque usu.

Thermoscopium instrumentum dicitur, quo rarefactionis vi gradus intensioque caloris, & frigoris loci alicuius explorantur; ac duplici ratione conficitur. Primus modus hic est,

Fiat vitreus syphōn trium palmorum longus, collo rectus, vel in modum helicis tortus, aut alio, quo placuerit modo effectus, qui superius in vētrem protuberet aëri prorsus imperuium; huiusmodi syphō alteri ampullę aqua, seu alio subtili quodam, & colorato humore prius aliquousque repletę infundum vsque indatur, habebisque instrumentum præparatum. In huius enim collo protuberante rarefactus aër, aquam eleuatam versus inferiores syphonis partes propellet, idem verò aër cōdensatus ex imo ampullę aquā post se versus superioris syphonis partes trahet; itā vt caloris gradus in huiusmodi constructione deorsum, sursum frigoris gradus in vitreo tubo signati cōputentur. Alter modus hāc machinā construendi priori prorsus contrarius est; atq. ita fit. Fiat vitreus dictę magnitudinis, rectus, aut syphō tortus, cuius superior pars protuberās aperta

Primus modus
construendi
Θερμοσκό-
πιον.



Alter modus.

aperta sit & aëri peruia: Ampulla verò, cui aqua ad tertiamferè partem repletæ, inditur syphon, ita obturetur, vt nulla prorsus aëri via detur; habebisque instrumentū præparatum; In hoc aër, qui in ampulla includitur rarefactus; aqua per syphonem in superiores partes propellit; condensatus verò aquam post se in imum attrahit. Ita vt gradus caloris in hoc sursum, deorsum frigoris computentur. Atque sub hisce Thermoscopijs admirabile quoddam naturæ secretum latet; Nam primo horum ope bonitatem, clementiam, salubritatemque aëris alicuius in diuersis locis, plagis, cubiculis, conclauius situ differentibus, præterea camporum, agrorum, montium qualitatem, atque innumera alia subtili sanè indagine explorare poteris. Secundò refert huiusmodi Thermoscopium, in se mundi totius ἀρχι-τυπον; si enim aër temperatus fuerit, qualis est tempore æquinoctiorum, tunc aqua mediam quasi regionem, siue Aequatorem, inter duo tubi extrema, polos terræ referentia, repræsentabit; si Sol γ aut ☉ subierit, in alterutram partem pro ratione constructionis instrumenti nunc frigoris, nunc caloris intensiorem acquirat; Si Boreas flauerit, aqua in primo instrumento condensatione sursum, contrahetur. si Auster, versus imum instrumenti descendet; Si Fauonius aut Subsolanus spirauerit, æqualitatis Sphæram, aqua amabit. Porro huius ope iterum temperamentum hominum diuersorum, ætate tamen similium, perfectè explorare poteris. Si instrumentum prius gradibus unicuique rei convenientibus descripseris. Iterum vim & affectionem morbi in ægris, exprimit enim motus aquæ in hoc instrumento perfectā quandam διαβολῆς καὶ συστολῆς, differentiarumq; in pulsibus considerandarum rationē; Vnde Medicis haud contemnendo vsui esse posset. Hac arte ego machinas argento viuo animatas aliàs me construxisse memini, quibus omnes ventorum differentia propè verum cognoscebantur, vis & qualitas elementaris vniuscuiusque rei iuxta gradum suum certa, applicatione dispiciebatur; quæ omnia perfectius naturaliusq; in Sphæra, cuius spirales Solis Cycli, e vitreis Syphonibus constructi sint, repræsentari possunt, cuius arcanas rationes libenter hic ostenderem, nisi ea nostræ Meteorologicæ arti refer-

Totius vniuersi
motus instru-
menti docet.

Mundi
ἀρχι-τυπον

Temperamen-
tum hominum
docet.

Ventos rerum-
que qualitates
docet.

reſeruaffem : In huiusmodi denique Thermofcopijs pulchra quædam cum Magnete analogia notatur; Sicut enim Borealis Magnetis polus, polum trahit Australem, Borealem pellit; ita Sole Australia ſigna tranſeunte, Boreale frigus verſus Boream instrumenti partem aquam attrahet; & contra Borealia ſigna permeante, Australis calor frigus verſus Australem instrumenti partem deprimet depelletque; quæ res occulta quadam analogia, rerum omnium in hoc mundo viciffitudinum alterationumque rationes, luculenter indigitat. Vtrum autem hæc vis elementaris verè Magnetica ſit? vt multi pertinaciter volunt, iam reſtat, vt inquiramus.

T H E O R E M A I.

Vtrum attractio & repulſio Elementorum verè Magnetica ſit.

Experimentum.

Eſſi virtutes motiuas grauium & leuium prorfus diſtinctas à virtute Magnetica ſuprà oſtenderimus, & quidem nonnulla etiam, quæ nullum virtutis Magneticæ indicium habent, in ſe validius & celerius deorſum ferri, quàm ipſa quæ videntur maximè Magnetica. Quia tamen de hoc dubio non ita pridem ad me quidam ex familiaribus, haud ignobilis Philoſophus ſcribēs, cum multa de tractiua vi Magnetis, atque ad ſitum terræ diſpoſitiua præclare diſcurriſſet; inter alia confluxum corporū Magneticū eſſe ita probat. *Ex hac, inquit, conſtitutione acus iam explicata, qua acus & ferrum ad amulationem quandam terræ ſe conſtituunt, quando à maiori Magnetica vi non impediuntur; pato me aſſequi, quò ſe digerant in hunc ordinem partes totius vniuerſi, vt terra imò ſit loco, deinceps cæterorum vnumquodque, quo rarius, eò à medio remotius ſit. Sine vero enim Magnetismo non moueri grauias, mihi euidenter videtur; ſit enim globus vitreus clauſus, in quo partim aër, aqua, & terra. Hæc ſi commiſceo inter ſe, mox ubi ſuæ quieti mixta permiſero, ſubſidet terra, dein aqua, tum aër altiffimè extabit, mox imaginatione tranſfero hunc globum extra anni ſolisque vias ultra celum Empyreum, ita vt nulla ſui parte contingat hunc noſtra-*

nostratem mundum, concipioque isibi denuò misceri ista tria elementa, ac demum sua quieti permitti: peto, quo ordine subsistent intra vitrum? digesta, an mixta? approximabitne limus fundo vitri versus hunc mundum? Hoc sanè dici non potest, ob vacuum quod hunc mundum nostrum, & globum istum interiacet, quod tanti momenti est, ut ita se habeat hic mundus respectu istius globi, ac si hic mundus omnino non esset in rerum natura, quare nulla omnino causa est, quare horsum potius se inclinet limus vitri istius, quàm aliorsum, quando ergo vitreus iste globus denuò in hunc aërem inferetur; si tunc limus subsidat necessarid id continget ab affectione aliqua extrinseca circumstante elementorum, quam Magnetismum vocamus. Ad hanc difficultatem respondeo asserendo, globum illum extra mundum diuina vi portatū, eundem effectum præstiturū, quem elementa præstant in hoc sublunari mundo; id est limum istum, seu terrestrem materiam ad centrum abituram, reliquis elementis circumcirca concentricè circumglobatis; quod ita probo, cum enim elementa appetitum naturalem & intrinsecum habeant, & singula quidem ad suam Sphæram, ut supra probatum est, isto appetitu extra mundum translata non destituentur: ergo eodem semper modo agentia, terra infimum locum possidebit, aqua circumfluet, quæ aër & ignis sphæricè circumdabunt. Non igitur ut aliqui putant, limus terrestris in dicto vitreo globo fundum tenebit, deindè aqua supernabit, ut fieri solet hic in superficie terreni globi; ubi sphæra elementaribus repleta liquoribus non conglobatur, sed liquores horizontaliter sibi inuicem superstant; quemadmodum in sequentibus experimentis fusè demonstrabitur: cum enim hi liquores extra centrum vniuersi sint, ut conglobentur fieri non potest, secus dicendum esset, si extra mundū collocarentur, cum enim ibi nullus sit respectus locorum aut plagarum mundi; nec centrum vllum (quod tamen totius situs positionisque localis basis & fundamentum est,) ac nihilominus intrinseca vis elementorum ad certum loci situm positionemq; inclinet; se ea ratione, qua ab origine mundi, in hoc sublunari spacio, disponent; id est nouum centrum fundabunt, ita ut terra non fundum, sed medium Sphærae

In spacio imaginatio collocata quatuor elementa vasi inclusa, nouum centrum fundabunt.

Terra non at-
trahit reliqua
elementa Ma-
gneticæ.

centrum appetat, circa terram verò reliqua elementa iuxta loci vnicuique propriæ exigentiam se accommodabunt. Vnde colligitur, si infiniti huiusmodi globi vitrei, liquoribus elementaribus repleti, in imaginario seu phantastico illo spacio collocarentur, omnes noua centra fundaturos. Hæc autem vis propriè non est Magnética dicenda, cum nullum ibi corpus sit, quod terram ad centrum fundandum trahat; ut multi Copernicum & Gilbertum secuti de terreno globo perperam sentiunt, sed terra innata sibi grauitate, & appetitu quodam ab Authore naturæ indito, ad centrum confluit, seu quod idem est, ad medium confusorum corporum, quo confluxu peracto, necessariò reliqua quoque ad locum naturæ suæ conuenientem sese accommodabunt; dum igitur vnumquodque in suam sphaeram veluti pondere quodam nititur, & hoc nisu corpora ab omni confusione vindicata, ad decorem, ordinem, & perfectionem vniuersi conseruandam, eo quoque se ratione & ordine disponunt, quem Author naturæ intendit, quique sublunari mundo sit futurus quam maximè cōsentaneus; nemo igitur dicat terram centri constitutiua Magnética quadam vi ad se attrahere reliqua corpora; cum terra in vitreo illo globo extramundum annihilata, aqua terræ vicaria, sine vlla tamen attractione, solo appetitu naturali, tanquam post terram reliquis grauior circa centrum conglobata, centrum sit fundatura; & hac annihilata idem aer & ignis sint præstitura, cum enim corpora, quæ vniuersum hoc constituunt, certum ordinem ad se inuicem requirant, nec temerè & promiscuè quoduis sit quodlibet loco dispositum, necessarium fuit ad conseruandam hanc ordinis vnitatem, ut à natura singulis ea vis tribueretur, qua possent non modò quietè stationem suam tenere, sed etiam inde pulsa in eandem se motu locali restituere, qui quidem motus localis nulla ratione in vim quandam Magneticam conferri debet, sed grauitati & leuitati, cum enim quatuor sint infra celos loci, medius, extremus, propè medium & propè extremum, inseruit natura terræ grauitatem simpliciter ad medium occupandum; igni leuitatem simpliciter, ut in extremo consisteret, cælisque proximo loco; leuitatem secundum quid aëri, ut propè extremum; & grauitatem secundum quid aquæ, ut propè

propè medium degeret; quo factò omnia loca elementaris mundi proportionè aptissima, sine vlla vacuitate sunt repleta; sed hoc loco præterire non possum id, quod Amicus noster, insignis cæteroquin Astronomus, sed pro ingenij sui viuacitate nouitatibus plus æquo addictus, de motu elementorum asserit. Philolaus is est, non ita pridem Parisijs Impressus, qui Copernicum secutus putat, motū grauium ad centrum non ex ipsa grauitate prouenire; siue nulla ratione effectum esse istius grauitatis, sed corpora illa ex quo à toto seiunguntur, naturali appetentia ad totum reclinare, quippè, quæ ad illud naturalem ordinem imperatum habent, siue totius attractione, siue partis appetentia, quæ per breuissimas, id est lineas rectas partem ad totum defert, ob vehementiam, quæ ipsum impellit, hæc autem ex eo probat, quod motus in principio lentior, in fine velocior sit, quem in nullam aliam causam nisi in motum circularem physicum & naturalē conijci posse opinatur. Hanc autem velocitatem circuli motu auctam ex Copernico ingeniosè quidem demonstrat fol. 13., quia tamen res Geometricæ varijs rebus accommodari possunt, & ad Physicas operationes variè detorqueri, apud me nihil conuincit hæc demonstratio, possunt enim per Geometrica, quemadmodum supra quoque demonstratum est, multa in Physica, Optica, Astronomia, de visione & motibus syderum demonstrari ingeniosè, etiamsi res ipsa nullam realem existentiam in re, quæ demonstratur, habeat. Nam ex epicyclis, concentricis excentricis, uti & ex varijs totoque cælo discrepantibus mundi systematis motus cælorum demonstrare possunt, etsi nec vllus tamen in cælo epicyclus, concentricus, aut excentricus realis concipi valeat (quod nos tamen hic de motu elementorum quærimus) aut præter vnū, aliud systema verum esse possit, quod huiusmodi motus syderū præstet: præsertim cū problematicè hoc ipsum Author sat speciosè proponat his verbis. Duos motus circulares sibi obuiantes in duobus circulis constituisse, ita ut circuli æquales sint, & centra sua permutatim in circumferentijs alternatimque habeant, fitque vnus circuli, vel mobilis in eo motu duplus, ad motum centri eiusdem circuli super circumferentiam alterius, ex quo quidem hoc

Philolaus de
novo systema-
te mundi.

Theorema de
gravis & levis
motu.

Theorema deducit, ex duobus circularibus motibus supradictis rectam lineam describere, in cuius fine motus velocior quàm in principio; Demonstratio fateor ingeniosa quidem, tametsi nihil ex ea inferatur, quod Aristotelicæ sententiæ obesse, aut in minimò ei contraria esse possit; cum, nulla ratione concipi possit, qui motus ille violentus per circularem ita moderari ac dirigi queat, vt semper æqualiter per breuissimam lineam descendens, ne hilum quidem à sua linea, per circularem abstrahatur? Iterum, si lapis attractione aut appetentia partis ad totum homogeneous, non insita gravitate descendat, non video, quid circularis motus ad directionem eius conferat? cum sola attractio, si possibilis esset, aut ipsa appetentia partis, hunc effectum præstare posset, sine motus circularis moderatione, omnemque effectum motus rectus præstet, quem illi per circularem præstari volunt; si verò quispiam dicat motum huiusmodi non attractione, sed vnione seu omnium partium conspiratione fieri; huic respondeamus, hanc partium conspirationem in rebus gravitate pol-
lentibus equè locum habere posse, quam in rebus occulto quodam consensu connexis prætereà nec etiam motus hic circularis quicquam facere videtur ad tarditatem, & celeritatem motus; cum attractio aliud sibi congenueum tantò moueat celerius quantò trahenti fuerit vicinior; quæ omnia Magneticis experiētijs demonstrare hoc loco possemus nisi id in primo libro præstitissemus. Nodum igitur in scirpo quærimus, si vero relicto illa quæramus, quæ cum rebus componi non possunt; nec est, quod nobis Magnetem obtrudat quispiam, qui homogenea intrà Sphæram actiuitatis consistentia attrahat ea prorsus ratione, qua terra suas partes homogeneas, & connaturales; cum hanc comparationē in præcedentibus satis refutauerimus; imò nullum ex Magnete argumentum, motus circularis desumi posse luculenter ostenderimus, quo tamen cadente omnis Aduersariorū machinatio necessariò quoque lapsa destruitur.

Tendunt itaque grauias ad centrū suum, non quia attrahuntur ceu partes terræ connaturales & Magneticæ, nec vllò motu circulari superfluo diriguntur, esset enim hoc multiplicare entia

entia sine necessitate, sed gravitate insita centrum petunt; nec argumentum valet, si per lineam rectam descenderet lapis sine motus circularis directione, nullam posse dari rationem, ob quam in principio, quàm in fine tardiùs sit descensurus.

Nec enim necesse est, vt graua, dum velociùs mouentur in fine motus, substantiam mutauerint, aut ipsam virtutem motiuam, quam gravitatem dicimus; sed solùm maiorem acquisuerint impetum, quem aliquis forsan nomine grauitatis intellexit: verè enim virtus motiua mouet producendo impetum, siue in eo subiecto in quo ipsa est, siue in alio, quod extrinsecum ab eo mouetur, & quidè maiorem, quò diutiùs, & celerius mouet; constat autem huiusmodi impetum in motu grauis ipsi à gravitate imprimi, tum alijs experimentis, tum eo quod è modica distantia decidens globus super vnâ lancem vacuam; 2o & multò plures sibi similes globos in altera lance positos non solùm æquiponderet; sed & pervincere possit, & eleuare; & cōtinenter experimur ad vincendam difficultatem in passionibus, & scissionibus plus grauitatē per motū acquirere incrementi, licet ipsa modica sit, quam virium habeant, quæ maximè videntur præstare gravitate in quiete, aut minori motu. Iterum Strato, & Epicurus apud Simplicium *carm. 87.* putarunt, omnia corpora esse graua, nullumque leue, ea tamen grauitatis proportionem, vt terra sit omnium grauissima, aqua minùs grauis, aër adhuc minus, ignis minimè, omnem igitur motum sursum dicebant esse violentum, & fieri solùm per extrusionem, eò quod corpus grauiùs tendendo deorsum per suâ gravitatem ex loco inferiori quasi exprimat corpus minùs graue, quomodo lapillos compressis digitis exprimimus. Sed contra hoc est manifestissimum experimētum, videmus enim quieto, & tranquillo aëre flammam ferri sursum pyramidaliter, cum tamen si per expressionem hic motus fieret, inuersa flammæ figura esset, aut certè inferior pars non minùs quàm superior acuminata, vt fit in omnibus non duris, quando per expressionem sursum iaciuntur. Secundò, Quinta essentia vini in lapide accensa sursum fertur non per expressionem, sed insita leuitate; aër enim exprimens, vel esset sub basi ignis auolantis, & illum protruderet, quod est falsum, vel superincumbens

*Motus rerum
leuiū sursum,
non fit nisi per
extrusionem
iuxta Nonato-
rcæ.*

*Experimentum
monstrât le-
uitatem, & gra-
uitatē rebus in-
sitam à natura.*

grauitando hāc expressionem efficeret; neque hoc; quia sic aër vertici ignis incumbens, eum deprimeret potius, ac reuerberaret deorsum, quàm sursum. Tertiò, sint duæ pilæ æneæ, vna solida exigui ponderis, altera maioris, sed plena incluso aëre, hæc sine dubio ascendet supra aquam, non item minor; si ergo aqua deorsum tendens exprimit alteram pilam, cur non & alteram? non igitur pila mouetur sursum, quia exprimitur, sed quia in se habet aërem natura sua leuem; nulla igitur vi magnetica, nulla expressione sursum feruntur corpora, sed insita leuitate; est enim hæc motrix qualitas sagaci naturæ consilio indita rebus elementaribus, vt quoduis per eam proprium sibi locum in vniuerso, ad conseruationem totius acquireret. Neque aliquis hic obijciat, nos hanc qualitatem dicere formam substantialem elementorum, vt quidam perperam sensere, nequaquam; sed dicimus eorum accidentia propria, & potentias naturales à natura ad motionem faciendam institutas: neque à forma substantiali immediatè; sed ex primis qualitatibus oriri; cum vt dictum est, causa proxima effectiua grauitatis sit frigus, leuitatis verò calor, dummodò adsit debita raritas, vel densitas per modum conditionis, nec tamen solum frigus grauitatē, aut calor leuitatem producit, sed requirunt insuper aliquam primarum qualitatum combinationem, ita vt calor cum siccitate faciat quandam igneam leuitatem, cum humiditate aëream; frigus vnà cum siccitate efficiat grauitatem terream, cum humiditate aqueam, vt proindè ea non essentialiter, sed accidentaliter tantum differre asseramus. Ex his omnibus patet elementa se inuicem nulla ratione magneticè, sed qualitate propria trahere; si enim v. g. terræ centro vis quædam magnetica inesset, eius haud dubiè certa, & determinata sphaera futura esset; sed lapidem constat nullum habere terminum tendentiæ suæ ad centrum, ergo. Iterum finis magneticæ attractionis est situare, & constituere se per motionem magneticam in situm naturæ suæ conuenientem, qualis est polaris; finis attractionis elementaris est, vel ad vacuum impediendum, vel ad vnionem partium, vel ad debitum locum in vniuerso obtinendum, qui fines cum diuersi sint, attractio quoque diuersa sit oportet. Attractio autem & repulsio elementaris,

Centro terræ nō
inest vis Magne-
tica.

raris, quam nos magnetismum elementarem appellamus, sequētibz experimētis, & machinis hydraulicis clārius patebit.

Στοιχηματικῶς Applicatus.


Experimentum 1.

*Machinam construere vi repulsiva
aquas spargentem.*

VT hic Elementorum Magnetismus magis magisque pateat, eum artificiosis machinis demonstrandum duxi, quæ quidem machinæ quintuplici ratione instituendæ sunt, ita vt alię dispulsiua, quædam attractiua, nonnullę rarefactiua, aliquæ condensatiua, cæteræ compressi aëris violentia operationes suas instituāt, quas qui nouerit, quasilibet sibi ingeniosas


machinas ad exemplar naturæ fabricatas conficiet, cum nulla machina hydraulica, aut meteorologica assignari possit, quæ non aliqua harum facultatum instituatur, atque vt hæc omnia clariùs innotescant, à machina dispulsiua vi operationes suas perficiente, inchoabimus. Fiat igitur primò ex ære, cupro, aliaue materia resistente igni vas quoddam A, cui indatur syphon B, ita ei ferruminatus, vt vas aëri sit imperuiū. Iterum præparetur aliud vas EDM clausum, & aëri imperium, per cuius fundum in D porrigatur syphon BA: deinde ex loco E dicti vasis alius infra apertus syphon EC per superiorem partem vasis C (vbi in E pūcto vasi sit benè conglutinatus) in S protendatur. Quo peracto, vas per foramen M liquore repletum, ne respirare possit, arctè claudatur. Vase itaque hac arte constructo, si machinam ignis vi in magnam altitudinem aquam propellere desideras, vase A liquore aliquousque repleto, eam igni superpones; aërque vasis A ex nimia raritate compressus, cum nullum effu-

Constructio
machinæ.



giendi locum, nisi per syphonem AB reperiatur, per eum violenter diffusus, in vas C se exonerare tentabit. Verum alio iam liquore stationem vasis C occupante, in intolerabiles angustias redactus, alijsque identidem rarefactis partibus, subtilior & subtilior factus, grauem init cum aqua luctam; aut igitur vas rumpatur, aut aqua cedat necesse est. Sed quia hoc facilius, aqua tandem violento rarefacti aëris imperio cedens per syphonem E magno impetu in altum profusa, iucundū intuentibus præbebit spectaculum. Hac arte quoque clepsydram construes quæ horam integram saliendo metiatur, quæ ubi cessauerit, inuersam aliam horam aquæ saltu metiendam assumet; ita autem fit. Fiant duo vasa ex quauis materia aquæ resistente VX, & ST quæ diaphragmate YZ dirimantur, habeat autem vtrumque fundum paululum cauum, vt profilientem aquam velut in pelui excipere possit. Hoc peracto canalem CF supremæ parti vasis VX in puncto C ferruminatum per diaphragma YZ vsque in fundum F diduces, deinde canalem aliū NG per diaphragma YZ in G duces. Tertium denique ex D per operculum CA in fundo CA ferruminatum diduces, habebisque primam partem clepsydræ finitam: vase itaque VX aqua repleto, si aquam pelui CA infuderis, insinuabit illa se per canalem CF in vas ST, aëremque ibi detentum fugabit per canalem NG in vas VX. Verum impulsus aër aquam in vase VX detentam tandem ex naturæ necessitate, ne corporum detur penetratio, per canalem D in altum propellet; quæ in labrum siue peluim CA recidens, in inferius vas

Alia machina
hydraulica.



Lusus Elementorum.

ST per canalem CF reuertetur; durabit autem saltus aquæ quamdiū vas VX aquam continuerit; quare si ad arenale, aut aliud Sciatericum Horologium eam mensus fueris, aquæ eui-
bratio horā quoque durabit. Porro alteram machinæ partem

vas


vas videlicet ST iisdem omninò syphonibus (qui sunt KI DK MN) quibus vas VX instruxisti, eodem ordine, numero, situ adornabis, vt in figura apparet; quo quidem peracto, si cessante fluxu aquæ vasis VX, atque liquore per canalem CF in vas ST recepto, canalem NM aquam proijcere desideres; clausis per epistomium foraminibus CA vasis VX, verte clepsydrum, ità vt vas ST superiorem partem occupet, infusaq; pelui siue labro M aqua; quæ vt prius per canalem KI in vas VX vacuū recepta, aërem ibi detentum per canalem DK in vas ST fugabit; hic cum aqua, quam vas occupat, cum sit impossibilis, liquorem per syphonem NM expellet, quæ recidens in labrum M per canalem KI denuò in pristinum vas VX relabatur. Fluxu itaq; peracto, si clausis foraminibus, vt prius egeris, inuersa clepsydra nouam horam incipiet saliendo metiri; durabitq; hæc vicissitudo perpetuò.

Experimentum 2.

Machinam construere vi attractiua aquas spargentem.

INter cæteras machinas aquaticas, quas in meo musæo ostendere soleo, hæc sanè non infimum locum sibi vendicat; est enim non iucunda tantum, sed & infinitam inuentionum variarum materiam præbet, quare cum ea sola attractiua vi elementorum fiat, operæ pretium me facturum existimaui, si eam in hac Magnetica Arte publici iuris facerem, ita autem construitur. Fiant tria vasa IKB; vas I primum recipiendis aquis destinatum, ex quauis materia, vti & alterum K, fiat. B verò vas vitreum sit, fundo CDA excepto, qui ex ære, aut cupro fiat necesse est; ex hoc fundo canalem DOE per fundum vasis K vsque in vas I diduces, vbi & epistomio E ad deplendam aquam instructus sit. Sit autem canalis DOE in fundo vasis B optimè ferruminatus. Hoc peracto alium syphonem siue canalem ex fundo vasis K videlicet ex loco F per fundum vasis B deduc-

*Constructio ma-
chinæ hydrau-
licæ vi attracti-
uæ instituenda.*


Naturæ lusus in
elementis.Perpetuus fons
artificialis.

deduces, utrique fundo ferruminatione dicta insitum. Deinde vitrum B fundo VX pice, aut resina cum cera terebinthina, aliaue mistura ita agglutinabis, ut aer nulla ratione intrare possit; vas autem vitreum B in apice ciceris ad instar foramen iuxta B aquæ infundendæ destinatum habeat. Quod si aquam in vase B per 3 syphones DA in fonticulum exsilire desideres; per dictum foramen vas B, eò usque aqua replebis, ut ora canaliculorum præcisè attingat; hoc facto, foramen cera ita obturetur, ut nullus prorsus aer ingredi possit. Deinde aperto epistomio M, vas K repleatur; quo repleto, denuò aperto E epistomio inferiori, & aqua vasis B per canalē OE dilapsa, in vas I se exonerabit; sed aqua vasis B exonerare non se volet, nisi aliud sibi corpus prius substituerit; omni igitur aditu alijs corporibus extrinsecis intercluso; cum nullum aliud corpus sit, quod laboranti naturæ præter aquam in vase K contentam, suppetias ferre

possit (ne vacuus in natura locus, recedente liquore vasis B, relinquatur) per syphonem F attracta aqua vasis K summo impetu per 3 canaliculos CDA in fontem abibit & tamdiu hic fons durabit, quandiu aqua in vase K superfuerit. Si itaque per epistomium M vasi K aqua perpetuo, ex aliquo fonte, aut iuxta nostram rationem supra lib. 2. par. 4. Magiæ Magneticæ Problem. 10. traditam, qua aquam perpetuo ascendere docemus, suppeditata fuerit; aqua in vitro B perpetuò quoque saliet. Mirum quoque est, quod in vase B nunquam crescat, aut decrescat aqua, sed sæper in eodē statu, & eiusdē quātitatis sæper permaneat; cuius rei ratio illa est, quod pars aquæ per canalē DOE effluentis, æqualis semper sit, aquæ per canalē F vasis KF attractæ; Quantò autē pars canalis RO à vase K ad vas I lon-

lōgior fuerit, tātò aqua in vase A altius, & maiori cum impetu exurget. Quod si loco vitrei vasis B, aliud vas plumbeum ponatur, poteris hac ratione aquam inferiorem in quamuis altitudinem deriuare; sed hæc omnia industriæ artificis relinquenda sunt, quem non dubito infinita alia ex hac attractiua Elementorum vi vnico hoc experimento demōstrata reperturū.

Qua ratione
huius artificij
ope aqua in
quamuis alti-
tudinem ducti
possit.




Huc pertinet machina, quam supra lib. 2. par. 4. Probl. 10. exhibuimus, qua subsidio follis aqua attracta in quamuis altitudinem attollitur: sit follis AB, qui eleuatus aquas per syphonem C aperto platismatio C attrahet; depressus verò aquas intrò at-

attractas per OLI canalem in vas M expellet; hac arte aquam in quamvis altitudinem eleuare poteris. Sed hæc ex figura hic adiuncta considera; Estq; machina, Anthleæ ventorum opera aquas nunc attrahenti, nunc expellenti per LM prorsus similis, quam cum citato loco fusè explicauerimus, superuacaneum esse ratus sum ei explicandæ diutiùs insistere.

Experimentum 3.

Machinam hydraulicam omnis generis iocos exhibentem construere.

Sit vas quodpiã OPE ex cupro, aut simili materia ita coagmentatũ, vt aëri sit imperium, ex huius fundo G ducatur



syphon per superius labrum H, vbi & I epistomium habeat laxandæ, aut stringendæ machinæ accommodatum. Hoc peracto Anthlea ita præparabitur, agglutinetur canalis è forti materia vasi OP è latere X e, vel extra, vel intra vas, pistillo, trusillo, seu piulco suo ritè prius instructus. Quod trusillum duplici ratione fieri potest, vel enim vas O P aëre, vel aqua onerandum est: si aëre: vas OP prius aqua aliquousquè repleti debet, glans verò trusilli, siue piulci be Anthleæ, platismatio, quod trusillo eleuato aperiatur, depressio claudatur, instrui debet; alter autè modiulus d, c affario carebit; ita depressus piulcus b, e aërè intra canalem b, e, c, d, latitatem per canalem ex E in vas OP (qui, vbi lateri AE vasis O P coagmētatur, affario quoque, quod trusillo d, e eleuato claudatur, depressio verò aperiatur instructum sit oportet) exprimet, vbi & aquam validè cōprimet: eleuatus verò piulcus, intra canalem b, e, c, d per affarium apertum nouum aërem in locum, quem relinquit, substituet. Si enim affario, seu spiraculo careret, metu vacui intra canalem occurrentis, extrahi non posset. Quod si verò aqua oneranda sit. contraria via Anthlea adornabitur. Vas enim O P aqua carebit; deinde affario, quo instruetur modiulus d c; piulcus, b, e carebit. Iterum e canalis qui in præcedenti methodo debebatur, ad aërem hauriendum piulco b e. iam attribuetur modiolus d c. ita fiet, vt posita machina in aqua, eleuatus piulcus b e per affarij syphonem modioli d c, aquam attrahat; depressus verò piulcus b c aquam attractam per syphonis e affarium in vas O P valide exprimat. Atque hi modi in omnibus machinis aëre aut aqua onerandis obseruandi sunt. Quæ quidem machina luculenter ostendit rationem systoles & diastoles in corde, motumque sanguinis, spirituum in microcosmo; dum enim aër per respirationem, attrahitur in læuum cordis thalamum seu ventriculum rectarum fibrarum cordis contractione, in quo actu fibræ transversæ & obliquæ relaxantur, vnde & cordis regio dilatatur, & aperitur, quæ actio dicitur *διαστολή*, in tempore igitur seu spacio istius motionis, cor quadam virtute Magnetica attractiua aërem per arteriam pulmonum venosam in læuam ipsius regionem introducit: indeque omnibus membris ad vegetatio-

nem

συστολή καὶ
διαστολή.

Quid sit
συστολή?

nem communicat. Iterum postquam natura vitalis aërem dictum acceperit, eumque in leuissimum cordis sui thalamum veluti officinam introduxerit, ibi elaboratum subtiliatumque in arteriam magnam quasi spirituum vitalium sacrarium includit, atque superfluum aëris inutilis portionem per expirationem in instanti amittit, & ista actio expulsiua fibrarum in substantia cordis transuersarum contractione, & rectarum dilatione, qua cor contrahitur & comprimitur, συστολή à Medicis dicitur; ad meliorem autem huius aëris vitalis conseruationem, opifex rerum in arteriæ magnæ orificio regioni cordis sinistræ annexo valuas 3 semilunares ordinauit, quæ pabuli istius vitalis ingressu aperiuntur, ac postea immediatè clauduntur, ne thesaurus ille inclusus iterum per eandem portam, per quam ingressus est, egrederetur; quæ omnia pulchre sanè hæc anthlea nostra platismatis suis, assarijsque aërem nunc attrahentibus, nunc pellentibus, ostendit, sed nos ad institutum nostrum reuertamur. Anthlea itaque vnà cum assarijs dicta industria præparata, varius aquæ iocus, hoc modo exhibebitur. Primò, si aquis vacuum fuerit vas OPG, ita aqua vnà cum aëre constipato eam onerabis; Ponatur machina fundo suo in vase quodam alio aqua aliquousque repleto, deinde Anthleam incitabis, si igitur pistillum A, b, e in canali suo, seu embolo eleuaueris, ne vacuum inter b, e, & c. d. admittatur, aqua per assarium d. necessariò in locum recedentis aëris attracta veniet, si verò pistillum depresseris, aqua paulò antè attracta cum pressa alio fugere non possit, utpotè clauso assario d. c, per e foramen assarij violenter secum magna vehementia in vas OPG exonerabit, multiplicatisque hac pressione aquis, aër quoque pressus constipatusque ingentes angustias in vase OPM patietur; Atque hic est primus modus onerandi machinam; Alter modus est, si prius vas OP aqua aliquousque repleueris, deinde nouum semper, & nouum aërem per Anthleam attractum, atque in vas OP intrusum, violenter constipaueris; Quæ benè notes velim. Porro vase dicta ratione onerato; si varios lusus, seu ludentis aquæ spectacula exhibere desideres, relaxato epistomio I; aër in vase O pressus, maiorem locum quæret, quem dum non inuenit, aquam exitum intercludentem summa vio-

len-

lentia per syphonem GI in altum proijciat; qui syphon si impositum habuerit canalem in circularem formā se diducentē, innumeris foraminibus paruis cribratū, referet tibi aquæ saltus, perfectam plumam, aut lilium, aut conum inuersum; si triremem syphunculis suis instructam superimposueris, aqua saltu suo triremē exprimet; si aquam in folia Liliorum, in flores Tuliparum, aliorumque florum dilatare velis; syphone, labijs in dictarum rerum formam reductis, aliquantulum hiantibus, totū negotium efficies: hoc artificio quācunque aliā rem in cuius formam hydraulici tubi labra prius accommodaueris, salientiū aquarum radijs in aëre effigabis; res cum primis iucunda visu. Iterum si voces diuersarum auium, tubarum clangorem, organorumque harmoniam audire velis, syphone RX loco E volucris fictæ, fistulam volucris voci representandæ idoneam applicabis; si tubam, orificio E fistulam istius toni accommodabis, aut integrum systema fistularum organi alicuius, (si vas adeo magnum esset) iuxta artis regulas constructarum, impones; Quo facto, si in voces machinam animare velis, instrumento, prius ut dictum est onerato, laxatoque H epistomio, aër inclusus magna violentia per syphonem K elabens amenissimum auium garritū causabitur; aut quodcunque aliud instrumentum flatile illi fuerit superpositum. Animalia autem sic biberē facies: ducatur canalis VTS per medium animalis corpus coagmetatus in interiori labio vasis V: hoc facto clausis omnibus alijs epistomijs, onerataq; machina, relaxa epistomiū Y, & aqua vasi OP inclusa exiens, secum aërem P trahet verum cum hic tractus non habeat, quod in discedentis locum surrogare possit, nullusque aër vas penerare possit, nisi per syphonem VTS, aquam igitur calici S impositam attrahet cum strepitu quodam, & sic animal aquā bibere, & sorbere, nō sine astātium voluptate videbitur: innumera alia hac machina exhibere quispiam poterit, quæ industriæ artificis reliquimus, vides igitur ex hac machina, quomodo ne vacuum detur, & quomodo ad vnionem partium conseruandam elementa se inuicem trahant.

Garritus auium
artificialis.

Quomodo Ani-
malia bibant li-
quorem porre-
ctum.

Confectarium I.

Nauis qua ratione
αὐτομάτως
 super aquam
 incedere possit.


EX hoc patet, qua ratione nauis super aquam incedere possit, si enim vas in formam nauis construas, & intra aërem trussilli opera constipes, laxato forinsecus epistomio, aër per canalem violenter elapsus aquam impinget, & sic non secus ac remorum opera, nauim in contrariam viam impellet. Hac ratione statuas super aquas ambulantes facias, aliosq; motus extrauagantes, quos tibi curiose Lector in executionem mittendos relinquo.

Experimentum 4.

*Machinam construere, quæ vi repulsua certum
 liquorem in alium proiectum in aërem
 aut ignem conuertat.*

VT ostenderem miram elementarium rerum virtutem, fontem aliàs me construxisse memini, cuius liquor in altum profiliens, deorsum non reuertebatur, sed in aërem subito conuersus, inanes euanescebat in auras; cuius rei spectaculo cum multi attoniti hæserint, nec eiusdem causam scirent, instanter me sollicitarunt, vt machinæ rationes aperirem, quod iam peropportunè fieri posse existimaui; sic itaque res sese habet. Fiant duo vasa solida, stannea A C in AC discriminata duobus receptaculis, quorum vnumquodque suum syphonem habeat; vas C syphonem habeat C in superiorem partem vasis I ductum, intermedijs fundis coagmentatum; vas vero A I syphonem, qui fundo S agglutinatus per operculum in F deducatur, sit autem huiusmodi canalis SF canali A C multo subtilior, atque in F foramen habeat quantū fieri poterit subtile. Quo facto repleta tertia parte vasis C aqua, aut quouis alio liquore, ita obturetur, vt aëri sit imperuium; vas autem I A spiritu vini ter rectificato replebis; obturabisq;

dicta



dicta ratione. Hanc itaque machinā loco apto scilicet, feruido aëri expones, vasiq; C supposito igne, aqua cū aëre incluso vehemēter rarefacto, ampliorem locum quarens, aërem vasis C, vapidum attenuatumque per syphonem C in vas ID S propellet, hic propulsus spiritum vini in hoc vase ID inclusum offendens; cum simul loco consistere non possint, eum per syphonem E F in altum ad instar fili subtilissimi proijciēt, tenuis verò spiritus, vini substantia aërem feruidum sentiens, ob proximam, quam habet ad aërem dispositionē, in eum subito se conuertet, nec ampliùs descendet. Quod si igneam pluuiā, trabes, stellas cadentes, aliasque Meteorologicos Impressiones repræsentare desideres, per salientis spiritus vini asperginē, titiōnem, aut ferrum candēs, traduces, & nitidus vapidusq; ille aër subito flammam concipiens, admirabile spectaculū intuentibus præbebit.

Meteora ignea,
qui arte fieri
possunt.


Experimentum 5.

Mundum elementarem ea arte construere, ut confusis & veluti in chaos redactis elementis, vnumquodque propriam sibi Sphæram impermixtū repetat, quo quidem maximè Magnetismus elementorum ob oculos proponitur.

TAlis elementorum vniuscuiusq; ad propriam Sphæram est appetitus, vt nisi in proprio loco, quiescere non posse videantur, vt proindè ex hoc capite Magnetis vim situatiuam æmulari omnibus modis videatur. Lapis enim, siue terrena substantia in aërem proiecta, vel per ipsam aquam, terrā seu proprium suum locum repetit; aqua infra terram, vt &

Qq aër

Quatuor Elementa qui per
et quatuor li-
quores imper-
missibiles, refe-
ri possint.



Hi quatuor li-
quores ex vni-
ca substantia
extrahi possunt

aër infra aquam, & infra aërem ignis, non nisi violenter detinentur; vti aqua infra terreum corpus, vesica aëre tumescēs infra aquam, vt denique omnis in aëre flamma satis superque demonstrant. Qui verò hæc elementa in vase vitreo artificiose ita includi possint; vt quomodocunq; confusa, in propriam vnumquodque Sphæram reuertatur, iam tempus est, vt aperiamus. Confectur vas vitreum ea forma, qua hic vides: in quo infra præparatos liquores, quæ quatuor elementa referunt, hic infundes; Pro terra itaque corpore solido, immobili, antimonium crudum, vel etiam colorem illum cæruleum, quem smaltum vulgò vocant, exactè depuratū, loco infimo primò inseres, referetq; illud tibi elementum terræ; Pro aqua spiritus tartari

(qui qua ratione confici debeat, supra in mechanica nostra Magnetica Probl. 3. diximus) assumptus, locū Aquæ occupabit. Pro aëre spiritum vini tertio rectificatū præparabis, qui regionē tertiā sibi vendicans, aëris elementum & colore & situ referet: supremum locum oleum de Been confectum occupabit; hoc enim oleum colore, leuitate ac subtilitate, propriè ignem referet. Hi igitur liquores eius sunt naturæ, vt misceri nesciant. Nam quiuis ita suam Sphæram pertinaciter affectat, vt quomodocunq; illos, & quātumcunq; miscueris, ad proprias singuli illibatè redeant. Præterea possunt hi quatuor liquores, qui sunt veluti elementorum quædam simiæ ex vna & eadē simplici substantia chymico magisterio extrahi; sed de hoc Lector cōsulat Chymistas, res enim nota est & vulgaris; Nos 8 diuersos liquores, quorum vnus continuo alterum transcendit, è diuersis oleis & spiritibus, vt ijs 8. cælorū orbitas referremus, fieri quādoq; curauimus, in quibus totidem fixa planetarum corpora, Magnetica arte in orbū ad exemplar naturæ rotamus; res cum primis mirabilis visu.

Vtrum

Vtrum verò huiusmodi liquores ea arte preparari possint, vt vnus alterum Sphærico complexu non stringat tantùm, sed & ad motum ætheris moueat? meritò hoc loco quæri posset; præsertim cum non desint è Chymiatriis, qui nescio quo oleo benedicto id se facere posse glorientur; Cornelius Drebellius eius se inuentorem in quadam de perpetui mobilis inuentione ad Angliæ Regem inscripta epistola, asserit, Ita enim ait. *Ergo vt certum faciam, me cognitam habere primi mobilis causam, possum construere globum perpetuò secundùm cursum ætheris singulis viginti quatuor horis semel circumrotabilem, aut toties amplius, quoties mihi visum fuerit; ita vt vel mille annis ne semel fallat, ostendentem nobis annos, menses, dies, horas, cursum Solis, Luna, omnium Planetarum & Stellarum, quorum motus hominibus notus: sicuti etiam varij generis instrumenta, quæ certo tempore, aut etiam continuum concentum harmonicum edant, in summa, quicquid fieri potest, pondere, circumuoluto chalybe, aqua fluente & igne, præstat hæc cognitio in perpetuum, sed soli sumptus reddunt minùs fructuosam rem, si magna vis requiratur: Multa dicis Drebelli, sed meliùs forsàn hæc dicuntur, quàm præstentur; semel 24. horarum spacio globum hunc circumrotari posse, multùm sanè dixisses, & rem credibilem fecisses, sed eiusmodi motum ita continuare, vt mille annis ne semel quidem fallat, ne, motum huiusmodi fieri posse, credamus, planè nobis persuades: imò tibi ipsi videris diffidere, dum Lectorem ab eius experimento vltimis hisce verbis absterres, sed soli sumptus reddunt minùs fructuosam rem; si magna vis requiratur. Supponuntur enim hic quædam, quæ cum admodùm incerta sint, incertiore reddunt huiusmodi motum, vt cursus seu gyratio Aetheris incognita adhuc, & inpenetrabilis planetarum motus, aliaque similia huiusmodi; accedit sublunaris naturæ fragilis & inconstans, ex se & sua natura in corruptionem tendentis conditio; Pergit ille plura & maiora scientiæ inditia præbere; Cæterum, ait, vt magis confirmem, me intelligere causam motus rerum sursum & deorsum, & quid terram & aquam in medio aëris portet, ita in vitro clauso terram in medio aquæ, aquam in medio aëris, atque aërem in medio ignis suspendo, vt vnum elementum aliud*

Vtrum conglotatio humorum fieri possit.


Oleum benedictum Chymistarum. Cornelius Drebellius.

ambiat velut circulus, alius alium; aut è diuerso statuo aërem in medio aquæ instar globi, & aquam in medio terræ, ita inuicem se amplectentes, ut aër hunc terrarum orbem; atque hoc modo altum humile, humile altum, leue graue, graue leue facio; Atque hoc, si de vnico humore in medio alterius conglobato intelligatur, non negauero, cum & ego certum quoddam olei genus norim, quod cuidam aquæ superinfusæ in globum mox se, vt videlicet, hoc situ singulæ olei partes à violenta corrosione aquæ melius sese defendant, contrahit; difficile tamen esse, arbitror, plures humores vnum alteri sphæricè superinducere, nisi forsan huiusmodi artificium in terræ & totius vniuersi centro exhibere Drebellius velit, vbi hanc humorum conglobationem fieri posse, imò necessariò consequi debere, nemo, nisi qui centri vniuersalis naturam nescierit, negabit; extra verò centrum hoc vniuersale, humores sphæricè se ambientes, aliud centrum constituere, omninò implicare, ita demonstro. Vel enim liquores huiusmodi verè aqueæ, aëreæ, igneæ naturæ sunt; vel non. Si hoc, nihil faciet Drebellius, cū id discretivæ artis, qua à leui leuissimum, à graui leue, à graui deniq; grauissimū separatur, sit proprium. Si illud, ergo discretionem facta elementorum singula, singula sibi suæque naturæ couenientia loca repetent. Sed hoc sphærico humorum complexu fieri nulla ratione posse, ita ostendo. Sint humores quatuor iuxta Drebellium in sphæricas regiones compacti, ita vt A terram, B humor aquam, C aërem, ignem denique D referat. Dico huiusmodi humores nullibi, nisi in centrum terræ, aut spacium imaginarium delatos, in sphæricas regiones sese diffundentes, sphæram elementarem perfectè constituturos; cum enim omnia æqualiter à centro mundi distantia globos affectent; necessariò sequitur, cumulum v. g. ingentem arenarum, ex superficie telluris in centrum dispersum, ibi necessariò in globum coitutum, cum in alia figura angulari, arenæ in angulis istius figure, vtpotè extra centrum, naturaliter consistere non possint; ita si maris ingens profluuius in centrum mundi dilaberetur, dico aquam huiusmodi nulla ratione, nisi sub forma globosa consistere posse; cum sub omni alia figura violenter maneret, pari ratione aër cum fluidus sit

In centro terræ
humorum fit
conglobatos.

Cōglobatio hu-
morum in su-
perficie terræ
impossibilis est.
Secus in cētro
terræ, aut spa-
cio imaginario.

& levis, & proinde sursum ad omnes partes equaliter ascendat, in centro vniuersi necessario in figuram sphericam destinet, quia a centro mundi equaliter vndiq; ascendens recedit; Non aliter ignis in centro predicto accensus, flammam in orbem conglobaret, fumus verò partim ad nos, partim ad Antipodas exhalaret. Si igitur hac ratione artificiosa elementorum sphaera à Drebellio adornata predicatur, non tantum erit probabilis, sed omnino apodictica, cui nullus philosophus contradicere possit; Quod si caelorum ambientium raptu & elementa quoque in gyros, quemadmodum multi opinantur, concitarentur, & huiusmodi artificiosum elementorum motum sphericum consequi concesseretur, cum partes motum sequantur totius: verumtamen extra centrum v. g. vniuersi in hypocausto Drebellij hanc elementorum vitro inclu-



forum conglobationem fieri, nullaratione dici posse, ita demonstro; ac primò quidem suppono; omnia corpora liquida & fluxibilia à centro mundi equidistantia in globos se se componere, quo supposito ita argumentor; si humores elementares Drebellij in sphaeras se se diffunderent, hoc esset, vel quia equaliter à centro mundi distant; vel quia proprio

centro conglobantur: sed nihil horum concedi potest. ergo huiusmodi humorum Sphæra nulla ratione confici potest. Prior minoris pars luculenter patet, cum enim omnia in telluris superficie sita extra centrum sint; si dicti humores conglobarentur, ergo extra centrum conglobarentur; sed hoc est impossibile; quod ita probō; sit centrum vniuersi siue telluris punctum P, in cuius superficie A fiat per impossibile iuxta Drëbellium quatuor elementorum corporum A B C D, conglobatio concentrica: ergo B aquei v. g. humoris Sphæram, C aërei, D denique ignei humoris Sphæram referet; quoniam ergo hemisphærium aqueum GBL remotius a centro terræ P, est, quàm hemisphæria GVL, XRY, I K Z. ergo aqua in B vel luti naturali suo loco graue supra leue & leuissimum, videlicet supra aërei & ignei humoris hemisphæria X RY, & I K Z con- quiescet; & è contra leue & leuissimum, infra graue & grauissimum, hemisphæria videlicet X R Y & I K Z infra sphæram A terre & B aquæ, locum naturalem inuenient; ergo grauissimum naturaliter sursum, deorsum leuissimum tendet; ergo grauissimum & leuissimum in eodem subiecto concipi poterunt; sed hæc omnia sunt absurda, impossibilia, & principijs omnis philosophiæ repugnantia; nulla igitur ratione fieri potest extra centrum mundi huiusmodi liquorum conglobatio. Neque dici potest hosce liquores conglobatos, proprium centrum habere: vel enim hoc centrum illis esset naturale, vel artificiale, illud dici nulla ratione potest; cum omnium corporum se se conglobantium primorū & principalium, qualia sunt elementa & quęcumque ex ijs constant, aliud centrum præter centrum vniuersi nesciant, ab hoc enim leuia equaliter recedentia sursum, graua deorsum in globos sese conformant, vt paulò ante dictum est, nulla igitur humana potentia, nulla solertia aut industria huiusmodi centrum naturale constituere potest, sola omnipotentis Dei virtute hanc sibi facultatem reseruante; frustra igitur quispiam aliud extra hoc centrum centrorum, circa quod graua & leua conglobentur, quærit; Quod si qui ex oleis quibusdam hanc conglobationem aggredi conabuntur, oleum & operam se perdituros certò sibi persuadeant, cum natura nulla ratione sibi imponi patiatur;

Por-

Porrò neque artificiale centrum causa esse potest conglobationis horum humorum; veluti fieri posset in Sphæra aliqua solida, vbi corpus globosum circa proprium centrum artificiale non naturaliter, sed violenter circumagitur; quæ tamen ratio in liquidis & fluidis corporibus, qualia sunt ær & aqua omninò cessat, cum hæc nullam aliam sphericam figuram præter eam, quæ ad conglobationem totius elementi consequitur ad centrum mundi, à quo æqualiter distant, sortiantur. Quòd si itaque nostri superius propositi quatuor humores Sphære inclusi in centro terre collocarentur; certum est eos ad imitationem totius elementi, in globos sese conformaturos, extra verò centrum in loco A præcedentis figure Sphære inclusos, non in globos & circulos perfectos, sed arcus tantum, quos duæ lineæ NP. MP. ex centro mundi P.eductæ in circumferentijs DCB. rescant, desituros. Instant tamen hic Empyrîci quidam Drebellij motum experimentis chymicis comprobare conantes; quemadmodum in chymico theatrò videre est, vbi magisterio quodam admirando totum hoc creationis opus ob oculos spectandum proponitur; ita autem operantur. Sphæram certo quodam liquore, vt ego arbitror ex concavo Lunæ, aut Vtopia quadam allato vitream sphæram implent, huic oleum quod ipsi benedictum vocant, instillant, & subito ceu chaos quoddam hac infusione causantur, vbi

Mundus Chymicus in vitrea sphæra representatus.

Oleum benedictum Chymistarum.

Frigida miscentur calidis, humentia siccis.

Mox aliud oleum priori superaffundunt, & ecce in momento chaos illud abyssale ceu diuina voce percussum, in lucem affurgit, elementa in sphæras suas discernuntur, puriore huius molis essentia parte in cælos, & planetas; parte in lucidissima sydera abeunte, ita vt totum denique opus, seu *μικρόκομος* quidam elementis, motu, luce, stellis, cæterisque mundi partibus *μεγάκομος* perfectè referat; sed qui iactabundum Empyricorum, seu Chymistarum ex se, & sua natura ad omnem fraudem, & imposturam proclive ingenium penitiùs perspexerit; phantasticum hunc mundum nulla ratione subsistere posse facile videbit. Non tamen hoc dico, quod Chymia quicquam detractum velim, cum eam magni semper, ob mirabiles quos-

Mundi sublunaris productio à Chymistis conficta.

Chymiastrorum
impostura.

dam, & incredibiles, quos producit effectus, fecerim; sed stomachum mihi mouet ignarum, & malè feriatum quoddam genus hominum omnis philosophiæ expertum, præter fumum, & finem quibus putrefactiones, & circulationes suas perficit, nihil sciens; quod dum ad incitas redactum, fortunæ aleam iecit, Chymia, sibi inde lucrum aliquod sperans, vendicat professionem, quorum quidem fucis, imposturis & ineptis ac malè intellectis interpretationibus hæc nobilissima scientia deturpata penitus, transformataq; in sannas passim abit, & ludibria hominum; vt Deus tandem malè perdat hosce nebulones, eorumque deprauatos labores, quibus imperitæ plebi imponere nunquam desinunt, imò magnis quibusdam Principibus, cum summo vitæ periculo fumis istis Mercurialibus, Antimonialibus, & Arsenicis, à quibus omnes sibi Principes, si vitæ, si bonorum, si denique boni communis rationem habere velint, cauere obnixè moneo. Vndè nemo miretur, si hoc opus primæ creationis ab huiusmodi barbaris, & ignaris Chymiastris, fictum mentitumq; processerit. Vidi ego Francofurti in Germania Imperialibus nundinis celebri emporio, apud insignem Medicum rudimentum quoddam huiusmodi operis; affundebat is liquorem liquori, & è vestigio liquor dilutus in quasdam veluti scintillulas abiens, nunc alias atque alias flammulas, ac luculas producebat; stellulas dixisses; quæ tamen diu non morabantur; sed cum tempore euanescebant; motum quoque circularem notare non potui; nec circulos affectabat humor, sed tota humorum moles flammulis huiusmodi incerto ordine, & dispositione insitis, coruscabat; vnde memoratum illud, de creationis opere, commentum processisse, omnino mihi persuadeo; opus huiusmodi oleo, & spiritu è terra virgine multorum dierum putrefactione & circulatione, extractis perfici; assererat artifex. Sed hæc hæc haftenus, nunc ad alia nostri instituti reuertamur.



CAPVT III.

магнетизмъ.

siue

*De Magnetismo Elementorum in productione
Meteororum.*

Si illa quæ in præcedētibus de mirabili rerū sublunariū
Oeconomia, & Magnetismo, & quomodo is per mutuā
actionem, & passionē 4 elementorū perficiatur, probè
perpenderis, atq; intellexeris, fieri certè nequit, quin pluuiarū,
ventorum, tonitruum, fulgurum, fulminum aliarumque
meteorologicarum impressiōum causas quoque perfectè no-
ris; Vndè hoc loco Lectori curioso rem omninò gratam, & de-
sideratam me præstiturum existimaui, si quod proprium Ma-
gneticæ Artis est, quæcunque natura hoc Magnetismo elemē-
tari in sublimibus producit rara & mira, ego arte Magnetico-
meteorologica, naturæ vestigijs insistens, varijs experimentis,
variaque applicatione, quæ produci possint, ostenderem; sed
sine mora rem ipsam aggrediamur.

Ars Magnetico-
meteorologica.*Pluviarum productio naturalis.*

Qua ratione pluuiæ producantur, nos satis superq; docet
ars distillatoria. vbi enim alēbico inclusæ materiæ ro-
rulentus vapor, frigidā pilei vitrei cōcaui superficiem
tetigerit, non illicò in aquam conuertitur; sed igne urgente, &
aqua euaporante, alembici corpus repletur, ac successiue magis
magisque repletur, atque ita ex vapore coactio & constipato,
aqua elicitur. Sol igitur maris, & fluuiorum aquas, terras, &
humida omnia calefaciēs, attrahensque, ea in roscidum aërem
primò conuertit, mox magis attenuatū in aërem, quē amplio-
rem quærentē locum, super aërem impellit, & hic alterum, vt
vsque ad frigidam aëris regionem repellatur, pars enim propè
terram crassior est, quæ à terrarum collunie educitur; sed quæ
sur-

Pluviarū causa.

furfum defertur tenuior est, & vbi frigidam regionem accesserit, ab illius intenso frigore congelatur, & tunc desinit esse levis, & in nubē formatur, mox euadit rorulenta, & tandem plus æquo à superueniente frigore cōstipata conuertitur in aquam, & cōfestim defluit, ad proprium ingenium, & indolem rediens, guttatimq; in terrā descendens, origini suæ postliminio restituitur. Non igitur, vt Aristoteles vult, vapor, frigidam regionem simul, ac contingit, illicò in aquam conuertitur, sed requiritur præterea constipatio, & coagmentatio vaporis, quo facto, primum vaporis in aquam fit conuersio. Sole itaque igne illo cælesti vapores magnetica quadam vi elementis propria, attrahente, & elemento aquæ veluti ius suū in vapores elatos prætendente, atque innata sibi magnetica vi grauitatis, præsertim frigoris ope, deorsum trahente, causatur pluuia.

Experimentum 1.

Pluuia artificialis.

AD pluuiam artificialem exhibendam primò fiat ex laminis ferreis tholus, siue hemisphærium duplicatū ferreis filis crassioribus, si machina parua, si maior fuerit, fortioribus ferramētis veluti colūnis innitens. Hoc peractò fiat ex ere vas cum collo oblongo, quod humore ad medietatem ferè implebis, tholo verò duplicato niues, seū contusas glacies vnà cum nitro, seū vitriolo permixtas inferes; habebisque instrumentum præparatum; Tempore igitur, quo amicis experimentum pluuię demonstrare desideras; supposito supra ignē vase, rarefiat aqua, quæ mox rarefacta per colli orificium cum impetu in vapores abiens, in cavitatem hemisphærici tecti sese recipiet; verum vapor hic ex frigore à latente glacie, vel niue causato compactus, condensatusque paulatim in aquam resolutus, guttatim omnium astantium admiratione, descendet. Hoc autem instrumentum ad naturæ exemplar factum ita probo, quoniā enim tholus niue repletus aërem inclusum sibi similē reddit, videlicet frigidissimum; referet huiusmodi aër mediam regionem aëris frigidissimi, vas verò aqua repletum inferiorem, aëris

aëris regionem reflexis solis radijs æstuantem ; aqua igitur in vase A æstu in vaporem abiens ascēdet vsque ad regionem aëris frigidi. Ergò vapor condensatus ibi (non secus ac vapores à Sole attracti ad mediā regionem aëris) & in aquam resolutus, tandem guttatim decidet, pluuiamque exhibebit. Quod si quispiam in ampliori loco hanc eandem pluuiam exhibere voluerit, is tectum fabricæ niuibus repleat, in pauimento verò vas aliud feruentibus plenum cineribus, aut filices grandiores prius candefactos collocet. Huiusmodi igitur si aquam frigidam affuderis, maior pars aquæ illicò in vaporem assurgens, superiùs fabricæ tabulatum petet, cuius aërem, cum ex niue inibi reposita frigidissimum reperiatur, totus ille vapor condensatus, atque in aquam resolutus, per guttas in pauimentum descendēs, fragore, frigore, alijsque affectionibus pluuiæ proprijs, imbrem perfectè referet. Quæ quidem fabrica, si soli exponatur ea ratione, vt oculus tuus Solem inter, & roscidum vaporem iam frigida regione in guttas resolutum constituatur, & ea Iridem quoque tibi perfectam representabit. Quod si sanguineam pluuiam desideres, humorem vasis minio aut cinnabari dilues, & aqua hac arte preparata in vaporem rubeum ascendet, quæ deindè condensatione frigoris in guttas resoluta sanguinis instar non sine intuentium admiratione descendet. Atque ex hoc experimento facilè causa sanguineæ pluuiæ, quam sæpè contigisse Authores notant, aqua videlicet terræ rubræ mixta, in vapores attenuata resolutaque, innotescit.

Iris quomodo
fiat & pluuiæ
sanguineæ.

Confectarium I.

EX hoc experimento patet, qua ratione niues atque grandines produci possint. Si enim tholo folles apponas, quorum flatus per meandros tholi glacie, aut niuibus repletos procedat, causabitur huiusmodi flatus in cavitare tholi aërē adeò frigidum, vt omnia statim in glaciē conuertat. Vapor igitur in cavitatem tholi ascendens, & ad resolutionem iam dispositus à flatu hoc gelidissimo peruasus, atque in niues conuersus, qui sub atra forma prius ascenderat, iam albicantibus floccis omnia

Grandinis niui-
que productio.

nia contegens descendet; quod si vaporis in guttas facta fuerit resolutio, flatusque follium per niuosa loca fuerit vehemēti-
 or, guttæ in orbiculos glaciales statim congelabuntur; vnde vapor, qui aëris ascendendo naturam assumpserat, hac metamorphosi in grandinem mutatus, terreno velutiquodam vestimento indutus, non sine intuentium admiratione, & fragore grandinoso reuertetur; dixi si flatus follium fuerit vehemēti-
 or; quia ad grandinis procreationem requiritur maxima vis frigoris; vnde in hoc negotio folles duplicaudi forent.

Confectarium II.

*Causa niuium
in borealibus
partibus.*

PAtet ex hoc experimento causa niuium in locis boreali-
 bus, aut altissimis montibus; Agitata enim aqua aëre in-
 tercurrente spumescit, sic agitato ventis aëre iamiam roscido,
 & in nubes coalito, spumas concipit, quæ in horrescente frigi-
 ris rigore in niuem concrescit; vnde hyberno tēpore spirante
 Borea nubes deductæ ac iactatæ, quæ crebris humoribus ma-
 descunt, ex agitatione illa spumescunt, sic sæuiētibz frigori-
 bus superatæ, debellatoque calore, qui in aëre concludebatur,
 in niuem condensantur; Cur verò rarò hyeme, æstate sæpissi-
 mē grandio sæuiat, hæc est ratio, quod grandinis materia præ-
 terquamquod gelidissimum ventum peruadentem se requirat,
 ipsa ex aëre, vel aqua tenui & tepente sit, cuiusmodi vapor ille
 noster tepore atque tenuitate sua refert. Experientia enim do-
 cemur aquam calidam gelido cælo expositam, frigida facilius
 congelascere, accedit quod aqua prius calefacta, rigente cælo
 in solidiorem durabilioremque glaciem concrescat, quàm fri-
 gida; confirmat dicta experimentum satis vulgare, quo vinū
 & quēuis liquorem potabilem summa æstate in glaciem pe-
 nitūs conuertunt; addunt niuibz Salnitrum, vel Vitriolum,
 aut Sal commune, & hisce phialam vino repletam cooperiūt,
 & exiguo tempore congelascit; est enim nix media regio, Sal-
 nitrum admodum ventosum, & frigidum, seu Sal commune
 frigidum cum calido Auster, & Septentrio; patet igitur gran-
 dines non ex aëre solū, sed & ex calore, & frigore esse com-
 positos, & plerumq; æstate tantū generari, non item hyeme.

*Cur grādo æsta-
te plus sæuiat,
quàm hyeme.*

*Experimenta
de congelando
liquore quouis
æstatis tēpore.*

Ex-

*Experimentum 2.**Ope Magnetismi elementaris, ventorum naturalis, & artificialis productio.*

Ventus hac ratione producitur. Sol terram circumiens, radijsque suis eam verberans, calorem ingentem ex reflexione gignit, unde is aërem calefaciendo extenuat, hic in vastum se locū explicans, superna petit, in omnem partem longè latèq; diffusus, sic ingenti auctus mole, nec sui amplius capax, proximum sibi aërem facessit, disploditque, hic violenter displosus, cum altero sibi vicino colluctatur; hic victus cōprimitur, ceditque; locum proximus victoris occupat, & ubi debilior exitus inuitat, & non impeditus crassiore vapore, se recipiendo, qua data porta ruit; coarctatio autem rarefacti aëris, & compressio ita contingit; postquàm sol attenuatam, & in vapores conuersam aquam sustulit in altum, ad medium vsque aërem; tum ipsi vapores nonnihil addensati, frigore deorsum ruunt, instar crassioris nebulae, donec contingant aërem infimum calore perfusum vndique. Hic aër calidus, iterū resoluat attenuatq; vapores, à quibus ipse vicissim pressus, atque agitat, ventorum causam subministrat; Haud aliter calidus crassusque aër superficiem terræ proximè circumstans, ab irruentibus densis, frigidisque nebulis & ipse crassescit; mox aliò delatus extenditur iterum, fitque subtilior, unde ventorum adaugetur materia, & quaqua versum expanditur; sepè etiam nubes aduersis quasi frontibus occurrunt. Namque frigidus densusq; aër sursum pellit calidiorem, vsque ad loca mediæ regionis frigidaë, ubi is densatus à vicinarum nubium frigore, denuò petit loca inferiora, iterumque calore horum resoluta attenuatur, & à globi terrestris facie auolat. Hac facie veniunt, abeuntq; & variè vagantur venti, ventilantes tellurem, & frigefacientes inferiorem hanc mundi coloniam, aliosque innumeros vsus conferentes ex sapientissimo & optimo Dei consilio. Ventus autem artificialis ijsdem principijs insistens maximè opera Aeoliarum pilarum perficitur. Ita autem fiunt; pila confici-

Ventorū causæ.


Ventus artificialis per Aeolias pilas.

ficitur ex ære aut cupro, alioq; metallo forti, quod ignis violentiam sustinere possit; habeat pila hæc collum vel curuum,



vel rectum perinde est, aut etiam capitis humani figuram, vt hic representatum vides, quod in acutissimum foramen ter-

Pila Aeolia.




minetur. Hisce ita confectis, aquâ hac arte impones: pilas feruefactas conijcies in aquâ frigidam, & aër rarefactus intus, in minorem locum redactus, cum aliud corpus non habeat, quod in locû desertum substituere possit, aquâ per foramē minimum veluti fuctu quodam ad se attrahit, pilæq;

hac ratione liquore repletur, quamuis etiam trochleola vas Aeolium, ad id replendum aqua, aperiri, & claudi possit. Impletis ita aliquousque aqua pilis, eas supra carbonēs, aut ignem collocabis, & vbi aër vapidus inclusus rarefieri cæperit, ingēti strepitu, & fragore angustias colli elapsus in flatus abibit, tantum enim ventum suppeditât, vt ad veru vertendû is sufficiat; ego plurimas quoque machinas huius ope circumago; In Chymico verò negotio, aut fabrili hoc instrumentum præsertim in carbonibus sufflandis egregium omnino & penè necessarium vsum habet; multa alia, ope harum pilarum perfici possunt, vt animalium quorumuis voces, tonitrua, fluxus maris, motiones inuisæ, verum quia ea in alium locum reseruavi, breuitatis causa, hic libens prætereo; præsertim cum ingeniosus Lector se ipso infinita alia ex hoc vnico experimento elicere

Mira ope Aeoliarum pilarum fieri possunt.

eere possit. Alius modus artificialiter excitandi ventos fit cō-
pressione aëris, hac qua sequitur ratione; sit aqua viua loco A.



Alia machina
Æolia, in vsum
Faborū, orga-
norū, similiūq;
opificiorum.

Machina ad
folles suffla-
dos.

Flatus vehe-
mentia.

Hanc fluere permittes in canalem AB, quem ita construes; fiat
ex 4. asseribus longis quotlibet pedum, canalis (nota tamen
quod quantò canalis fuerit longior, tantò ventum futurum ve-
hementiorem) figura pyramidalis, vt monstrat figura ABC, in-
ferius habeat vas, siue receptaculum ED cui inseritur; Habe-
bisque instrumentum præparatum. Si itaque ventos vehe-
mentes excitare velis, aquam A in canalem AB influere per-
mittes; quæ vehementi impetu in receptaculum ED præcipi-
tata, aërem in vase ED violētia summa per os V canalīs VX
protrudet; cum enim aqua E præcipitata, magnam secum aë-
ris portionem deuehat, atque aqua ipsa ex vehementi com-
motione, illusioneque, attrita diminutaque in aërem mutetur;
nunquā in receptaculo DE deerit aëris ingens agitatio, & cō-
sequenter flatus perpetui, per V eruptio; Vidi ego in multis
locis Malleatores, Vulcanijs in officinis ad ferrum in virgas di-
ducendū, ad ignes perpetuo sufflandos, loco follium huius-
modi canalium artificiosa constructione vti; Est autem ven-
tus huiusmodi adeò vehemens, vt nihil fere orificio apponi
possit, quod non veluti sagitta quædam per aërem in longum
spacium solo flatus vehementia conijciatur. Qui proindè hanc
rationem bene perceperit, nullo negotio, Angelorum figuras
ex leui materia effictas, vti & volucres, globos in aliqua vitrea
sphæ-

Sphæra vento peruia, aliaque corpora ad naturæ exemplar in medio aëris suspendere poterit; nullo alio, nisi sola aëris commoti vehementia fulcita; qua ratione quoque hydraulica organa, auium cantus, animalium voces, aliaque innumera Mathematica *θάυματα*, hac arte exhiberi possint, paulò antè proposita figura satis ostendit, in qua, nota, aperto epistomio T, auiculam cantare, aperto epistomio P organū resonare, aperto denique epistomio V, ignem potenter sufflari; sed hæc obiter tantum indicasse sufficiat.

Confectarium I.

Cause ventorum variz.

Ventorum variz qualitibus affectorū artificiosa productio.

ATque ex hisce patet, cur ventus Borealis frigidus & siccus sit? cur è contra Auster calidus & humidus? cur aliqui noxij, nonnulli salubres, quidam sæcundi, alij steriles? quia videlicet ventus dispositionem medij, per quod transit, assumit: quod si frigidū sit, ventos frigidos; si calidum, calidos; humidos, si humidum; si per vapores aut exhalationes venenosas, flatus noxios & interimentes, vti è contra per salutare terræ exhalationes, salutiferos quoque flatus causabitur, quæ omnia Aeolium nostrum organum docet; si enim per canalem niue repletum vêtus transierit, frigidissimā aurā & glaciale producet; si per eundem canalē candentibus coopertum carbonibus, ardentem & æstuantem auram; si denique per canalem materijs odoratis, alijs salutiferis, vt cinnamomo, chariophyllisq; repletum spirauerit, fragrantissimam auram causabitur; & sic de cæteris idem iudicium sit.

Confectarium II.

Causam ventorum.

HInc quoque patet cur Austri hyeme, vere, & autumnospirent, non ita septentrio? cur auster noctu, Boreas die vehementissimus sit; cur aquilo proprijs in locis nebulosus, remotis serenus, & contra auster? Cur Fauonius horis pomeridianis, non matutinis spiret; cur item in regionibus maritimis, diurno tempore è mari, nocturno verò è terra spiret?

ven-

ventus. Cur in Oceano Indiæ orientalis, ordinariè regnent orientales & occidentales ventij; cur item ex certis montium cauernis ingens continuò ventus proflet? Memini in Liparis, seu Vulcanijs Insulis in rupe quadam foramen mihi ostensum esse, è quo ventus continuus ita frigidus erumpit, vt aqua ibidè exposita breui tēpore in glaciem congelascit. Quorum omnium effectuum causas è natura petitas, operæ precium foret exponere, nisi scirem eum, qui hætenus proposita probè nouerit, quiuè motum Solis in Zodiaco & quotidie ex ortu in occasum (quem ignis æolio nostro instrumento, quod terram & aquam refert, proportionali intensione caloris applicatus mentitur) probè conceperit, sine omni molestia suo Marte, ad perfectam eorundem cognitionem peruenturum. Nunc igitur a ventis ad tōnitrua & fulmina.

Experimentum 3.

Ex Magnetismo Elementorum, fulgurum & tonitruum aliorumq; Meteororum ignitorum naturalis, & artificialis productio.

CUm fulgura & tonitrua ex aëre siccissimo iuxta ac, validissimo originem nanciscantur; ita ea naturaliter producantur; Aqua virtute radiorum solarium rarefacta facescit in naturam aëris, & in sublimè acta procul à terræ globo condensatur, concrescitque frigore, & in angustum coacta, indolem pristinam resumit, tum porrò specie nebulae deorsum properat, dispellitur ab aëre frigido versus aërem calidum, siccum, subtilemque, qui ocysus peruadens crassam illam nubem rarefacit, atque ad summam perducit subtilitatem, reducitque ad naturam aëris; Itaque dum corpus illud momento extenditur, vt vel sexcentuplo fiat maius, postuletque locum ampliorē, cumque ob frigidiorum crassiorumq; nubium obstacula exitū non inueniat, necessatio ex hac contrariorum colluctatione horrenda quadam agitatio atque commotio oritur, quæ exhalatio accensa cum fragore & strepitu horrendo erumpit,

R r donec

Fulguris & tonitruī causæ.

donec tandem adipiscatur spacium quantitati suæ equale; verum cum nullum penè tonitru sine coruscatione aut fulgure (quæ manifesta alicuius incensionis factæ signa sunt) eueniat; quæ huiusmodi accensio fiat iam videamus. Sol igitur indefesso cæli motu suis radijs in terram se se insinuantibus, ex fimo aquis macerato, cloacis nitosis, pecudû stercoribus, lotioque animalium, alijsque putrescentibus materijs, ex sulphureis & bituminosis, alijsque mineris, vti & arboribus pice & resina tumentibus, pingues & vstibiles exspirationes siue exhalationes, & incendiarias elicit, quas in aërem conuertit, quique sua natura irrequietæ & sponte mobiles, impellentibus radijs Solis, aëre fiunt leuiiores, & ab eo in sublime vectæ, ad frigidiorē plagam perueniunt, & cum ob pinguedinem, caliditatem, tenuitatemque non facile condensentur, ipsam, peruadunt; sed frigoris circumstantia vehementer coarctatæ, vehementique nubium colluctantium allisione in maximā tenuitatem subtilitatemque reductæ, atque in ignem versæ, vel etiam fomitis instar ab igne vicino, à summo vsque ad imum accenduntur, & tunc cælum coruscare videtur, & in media fulguratione à summo ad imum, quasi accensus funis videtur; etsi paulatim accensio fiat, tam velox est, vt vno momento fieri videatur; verum rem aliter sese non habere, id machinis ad naturæ exemplar fabricatis *ἐμπνευστὰς* iam probabimus. Dupliciter igitur tonitru excitari potest, vel cōdensatione, vel rarefactione aëris. Condensatione ita fit; accipe Sphæram, autem aut etiam ferream, quam ad medietatem aqua repleta, igni impones, vsque dum aër intus in maximam tenuitatem reducatur, factoque minimo foramine, vt transpirare aër rarefactus non possit, expones eam cælo gelido, & aër inclusus ambientis aëris frigore condensatus, cum aliud corpus utpotè clauso vase, substituere non possit; ne aliquod in natura rerum vacuum concedatur, vas ingenti & horribili sonitu in mille partes disruptum, laboranti aëri subueniet, quod si idē vas arctè clausum igni vehementiori imposueris, ex nimia aëris conclusi rarefactione ampliorem locum petentis, vas ruptura sua ingentem fragorem instar tonitru edēs, laboranti aëri locum quantitati suæ conuenientem concedet; Non secus fieri

Productio toni-
trui artificiosa.

Experimentum.


fieri iudicandum est in tormentis bellicis, dum ingentia pondera exigua quantitate pulueris accensi; post coruscationem, cum ingenti tonitru exploduntur.

Hoc loco omittere non possum, quin de sclopi vétosi conficiendi ratione aliqua hic inseram, siquidem inuenta est non ita pridem ratio ea violentia comprimendi intra canalem, aëris, vt in multis maiorem effectum præstet, quàm vel ipsi sclopi, quos Musquetas vulgò vocant, quæ res cum singularem suscitet in intuentibus admirationem, nolui eius hoc loco constructionem præterire. Ita autem Aeolius sclopus fit.

Fiat ex cupro, ferro, aliaue materia canalis in tres partes seu loculamenta diuisus, quorum primum A L onerando sclopo seruit; alterum A C cameram siue aëris compressi receptaculum constituit. Tertium fistulam C D ad globos atq; proiectilia excutienda ordinatum; Trusillum siue, vt Artistæ vocant, piuleus R L, quo aër intra Cameram suam coarctatur, ita constructur, Manubrio siue ferreo stylo K L. circumdetur cylindraceum quid, ex ferro aut ligno, aut corio tectum; quod canali AC ita quadret, vt ei intrusum, omnem aëris elabendi occasionem intercluda: habeat autem Trusillum L K in fundo I platismation, siue assarium, cuius meatus ex I transeat in K hoc enim factò continget, vt dum I K in arctum, canalem violenter intruditur, assarium I claudatur; dum extrahitur verò, assarium apertum, per meatum I K aërem, ne intra spacium N I vacuum concedatur, denuò admittat.

Constructio
Sclopi Aeolij.

Porro secundum receptaculum siue camera aëris AC in fundo N aliud habeat assarium, quod ita ei adaptetur, vt dum trusillum canali suo violenter intruditur, illud aperiatur, dum extrahitur verò, arctato intus aëre denuò claudatur. Iterum, in camera A C, inferatur aliud assarium F O G, ea forma, quã tibi figura I S V demonstrat; inferatur autem canali AC siue camerae aëris, loco F O C, ea ratione, vt mox ac F Trusillum quod V X correspondet, forinsecus premitur, F assarij partem O aperiat, & viam, incluso aëri per C D canalem, sibi faciat; Ita igitur inferendum est, vt aër inclusus, attractusque per C D canalem, nisi aperto assario, elabi nunquam & nullibi possit, habebisque instrumentum præparatum; quo ita



Novum pulve-
ria pyrij ex au-
ro conficiendi
inventum.

uteris; pila plumbea immissa per canalem DC
contusa charta coarctetur; quo facto pulci, siue
trusilli KL opera aërem intra camerā AC cōges,
ea ferè ratione, qua intra lusorias pilas aër consti-
pari solet; quo facto; si F trusillum forinsecus pre-
mas, ecce assarium O apertum, constipato aëri lo-
cum præbebit, qui & canali CD illapsus, pilam
tanta vi expellet, quanta vix sclopus ordinarius
possit. Quemadmodum igitur in fulgure, & toni-
truo excitādo natura requirit exhalationē, nitro-
sis, & sulphureis spiritibus turgentem; itā pyrius
hic pulvis ex Salinitro quoque, sulphure, & car-
bonibus conficitur, atque sulphuris quidem mu-
nusest accendere; nitri verò ventosi, & aërei, in
ignem cum sonitu difflari; Hæc dum tracto, omit-
tere non possum, quin Lectori curioso admiran-
dum quoddam ex auro pyrium pulverem confi-
ciendi secretum pandam; cuius experimentum
ego primò in Germania apud summum quendam
artificē vidi, postea idem apud doctissimū virum
Petrum Castellum in inclyta Messanensium Aca-
demia Medicinæ Professore, amicum meum,
obseruandissimum, in libro insigni de Incendio
Vesuuij proditum comperi; ita autem res sese
habet; Aurum in calcem redigatur Aqua forti,
Sale armoniaco, & Oleo tartari præcipitati; hæc
calx quàm primùm etiam ad odorem ignis, præ-
sertim si instrumento quodam excitetur, sponte
sua in flammam, cum ingenti fragore & sonitu,
abit, exigua enim huius calcis portio, incensa om-
nes pyrij pulveris ordinarij vires & efficacia &
sonitu longè superat, in tātum, vt auditium orga-
num vehementia sua obtundere videatur; accedit
quod huiusmodi pulvis à nitrato pulvere discre-
pet, hoc superna, illo inferna petente; Si enim
aureum hūc pulverem alicui laminæ impositū ac-
cenderis alta non petet, sed lamina perforata, in-
ferna

ferna petet. Innumera eaq; miranda de huius pulueris viribus, effectuumq; adeò prodigiosorum causis hoc loco mihi dicenda forent; sed cum ea in Pyrographiam nostram, siue Geographiā subterraneam seruauerimus; hic ea tantum, vt Lectorem ad inexhaustas naturæ diuitias rimādas animarem, breuiter innuere volui. Hic igitur puluis in exigua quantitate, certis quibusdam concauis locis obturatisque impositus, mox ad ignis odorem in flammam cum terribili sonitu ipsum concaui pavimentum, qualicunq; ex materia fuerit, terebrando, tria referet perfectissimè; fragore & inusitato quodam murmure, tonitru; accensione, fulgura & coruscationes, fulmen denique ipsum, vi quadam terebratiua inferiora petente; Huiusmodi naturæ miracula, nisi proprijs oculis meis intuitus fuisset, nunquam sanè credidisset; sed nos ad filum instituti nostri reuertamur; Coruscationes præterea ita artificialiter produces: Accipe sulphur, salinitrum, Camphuram & Naphtam anaticè contrita misceantur, mixta spiritu vini omnia diluantur, diluta hac arte in cucurbita simul ponantur, cui si ignem supposueris, humor vini sulphureus, nitrosis bituminosisque fætus spiritibus euaporans, se longè latèq; diffundet si itaque arrepto titione cādela, aut carbone medium huiusmodi vapidū perstrinxeris, in momento totus vapor in flammam abibit, in loco obscuro, coruscatione sua fulgur perfectè mentietur; Quod si vapor dictus in guttas per aërem frigidum circūstantem fuerit resolutus, titio hoc medium perstringens, totumque hunc indigestum vaporem accendens, iacula, stellas cadentes, Capreas saltantes aliaque quamplurima non iucunda minùs quàm admiranda spectacula exhibebit.

Effectus vari
pulueris.

Fulguris produ-
ctio artificialis.



CAPVT IV.

De Mixtorum corporum Magnetismo,

siue

De mixtis corporibus, & quomodo ea arte Magnetico-meteorologica iuxta naturæ exemplar in sua Elementa resoluantur.



Mira rerum cō-
catenatio.

NIL veriùs esse, quàm omnia in omnibus, satis super-
que Magnetica hæc rerum catena demonstrat, qua
omnes res ita arctè sibi inuicem connectuntur, vt
etiamsi contrariarum sint qualitatum, in vnum tamen latente
quodam rerum omnium consensu Magnetico coëant. An non
vidisti, quàm mirabilis sit Elementorum lusus? quàm contra-
ria etiam se mediante altero ambiant? quomodo ignis aquæ,
aqua igni, terra aëri, aqua terræ coniungantur? & quomodo
mundus hac discordi rerū concordia conseruetur? Quid enim
est in cælo, quod non sibi elementaris quoque regio vendicat?
& quid in elementari regione, quod subterraneus mundus non
contineat? natura in omnibus semper est sui similis, cuius pri-
maria in elementis sedes est, ex quibus omnia, quæ in sensibili
hoc & corporeo mundo sunt, constant; omnis actionum natu-
ralium processus, magneticis constat legibus, quibus imbuta
primò elementa, eas cæteris deindè mixtis cōmunicant; vides
quomodo crassum illud aquæ corpus, à sole igne illo cælesti
sensibiliter attractum in altū, in latè diffusum aërem mutetur,
parte in ventos abeunte; parte in pluuias ad terram irrigādā
destinata; parte denique feruore solis, à terra eleuata, frigorisq;
nocturni vehementia iterum condensata, atq; in rorē dissoluta;
quo quidem sitiens terra inebriata, in eo quasi putrescens, li-
quescit. Cum porrò duo hæc coniuncta totam plantæ substan-
tiam peruadunt, solis virtute liquidus humor ad extremitates
vsque plantarum attrahitur, isque cū sua natura subtilior &
leuior, quā terrestris portio, nutritioni destinata sit; hinc fit,
quod

quod liquor attenuatus facessit in aërem, relicto plantis terreo nutrimento, quod ex ingenita sua potestate, & vita attractum, conuertunt in substantiam sibi similem; Atque hinc est vna alimonia omnium è terra nascentium, omniumq; viuientium corporum; Hæc est causa, quod omnia post putrefactionem in terram reuertantur, experimento quidem indubio, sed quod vix millesimus quisque vel intelligit, vel rectè perpendit; Hac eadem ratione mineralia, vegetalia, & sensitiua omnia crescunt, viuunt, & conseruantur. Non alia est rerum procreandarum in hoc magno naturæ coniugio, ratio, in quo ignis sponsus, sponsa aqua, terra & aër paranymphe, quibus mediantibus coeuntes, infinitam mixtorum producant sobolem; Elementum enim quodlibet in sua sphaera est, sed vnum ex alio viuit, vt supra dictum est, & tamen coniuncta non conueniunt, nisi alio mediante; sed aqua est omnium elementorum mater, hanc incubat spiritus ignis; causante igne, aqua fit materia ventorum vaporumque aptorum, vt congelentur cum terra per aërem crudum, qui ab initio separatus fuit ab illo, & hoc motu perpetuo sine intermissione fit; ignis igitur non efficitur aliter nisi motu; motus ergo elementorum causat calorem, calor mouet aquam, aqua aërem omnium viuientium vitam; Iterum elementum aquæ aëris flatibus agitatam, oleagineum seu bituminosum humorem producit, & sole opitulante salem, quæ omnia luculenter demonstrat diuinum illud distillandi studium; vbi ignis agens in res humidas, & vapidas, quæ tumētis vasis alueo clauduntur, ad vasis caput, sui vi caloris spiritus subuehit, vbi frigore cōcreti densioresq; facti, vasis fornices irrorāt, & demum per canalem in subiectum receptaculum guttatim refluunt. At si copiosius ignem supposueris, spiritus veluti torrētis vi effusus fractus, in pinguem substantiam vertitur, idest in oleum, & penitiores qualitates elicit; idem etiam eueniet, si vas soli tepido, vel feruentiori exposueris, nam & aquam & pingue distillabit. Pari prorsus ratione ignis ille cælestis terras, plantas, herbas calefaciens, humidos vapores, qui sunt rores plantarum, oleum, & resinas per latentes, & apertos corticis poros, veluti per syphonem attrahit, purum semper ab impuro separando, purum dat & congelatur in flores, impurum abit in fo-

Incrementum
vegetabili uni.

Distillandi ars
finis Naturæ.

Ortus & incre-
mentum plantæ.

lia, in corticem quod grossum spissumq; est; id quod vapidum ac pingue est, attenuatum in aërem eleuatur; at nocturno frigore condensatum in rorem abit, ac herbis suis restituitur; quas & antelucano madore conspergit, variarum virium pro conditione plantæ, cui insidet, particeps. Pingue verò exhalans condensatum in mel, gummi, & glutinosos liquores, sudoresq; cuiusmodi manna est, super idoneos fródes, trúcos & saxa insidens abit. Sic vnusquisque liquor insitas suæ plantæ virtutes retinet; In hunc igitur modum res crescunt, ex aqua videlicet omnia; Nam ex illius vapore subtiliore, res subtiles & leues; ex oleo verò res graues & preciosioris substantiæ, ex sale verò res prioribus longè pulchriores. Si enim vapor ille *ναυτομορφος* prima metallorum materia, quæ quidem nihil aliud est, quàm humiditas quædam mixta aëre calido, & est in forma aquæ pinguis adhærentis vnicuique rei puræ, vel impuræ in vno loco abundantius, ob terræ porositatē ad magneticam virtutē exercendam, resque sibi conuenientes attrahendas aptiorem; si inquam ē profundissimis terræ visceribus huiusmodi vapor igne illo subterraneo in profundissimis terræ visceribus incluso (quibus tota terreni mundi machina veluti animatur sublimaturq;) per varia terræ spiracula veluti syphones quosdam in varia loca, singulasque rimas penetrans, diffundatur; fit, vt si dictus vapor per loca calida & pura, vbi parietibus sulphuris lentor, & pinguedo adhæret, trāsierit; statim accommodando se adiungitur illi pinguedini, quam postea secum sublimat, & tunc fit vnctuositas, relicto vaporis nomine, accipit nomen pinguedinis, quæ postea veniens sublimata, ad loca alia, quæ iam vapor antecedens purgauit, vbi est terra subtilis, pura & humida, implet poros eius, & iuncta illi aurum efficitur; si verò pinguedo illa venit ad loca impura frigida, fit plumbum; si verò talis terra pura sit & mixta sulphuri, fit stannum, quò enim magis depuratus locus fuerit, eò pulchriora reddet metalla; si verò ad terram siccam, & impuram, siue homogeneam telluris partem peruenerit pinguedo illa, ferrum generabit; sic vapor ille sublimatus per poros terræ secum omnem impuritatem terræ vsque ad circumferentiam trahens, ab aëre congelatur, quod enim aër creat purus, aër congelat crudus, quia

Ros vires plantæ, cui insidet habet.

Vapor
ναυτομορφος

Auri generatio.

Plumbi.

Stannus.

Ferri.

Lapidum.

quia aër in aëre habet ingressum, & se iungunt inuicē, *φύσις γὰρ τῇ φύσει τέπεται*, ita fiunt petrae & montes faxei; quod si vapor naturæ per se sublimatur sine accessu pinguedinis sulphuris, & venit ad locū aquæ puræ salis, fiunt adamantes, & hoc in locis frigidissimis, ad quæ pinguedo peruenire nequit; si ad locum aquæ Vitrioli viridis, in sapphyrum aut smaragdum congelatur; si in aquam cinnabaris subtilem, in Rubinum condensatur; (*vbi nota omnem aquam, si sit sine spiritu, calore; si verò spiritum habeat, frigore congelari; qui illud sciuerit, maximum secretorum se adeptum esse norit.*) Non secus, ac si in plano aliquo diuersi coloris, & proprietatis res, veluti cerussam, minium, cinnabarim, æruginē, sal, vitriolum, arsenicū, & similia in circumferentiam disponas; è centro verò huius plani liquor scaturiat, qui se per totius plani superficiei spacium diffundat; certum est, liquorem cum cerussa album; cum minio rubrum; viridem cum ærugine, cum arsenico flauum futurum; Iterum cum salis aqua æruginea mixtum, vti smaragdinum aliquid; ita vitrioli sulphurati aquam cum cinnabari, aliquid pyropicum producturum. Pari ratione, si liquor prædictus rebus sapore dulcibus coniunctus fuerit, dulcia; si acris & amaris, acris & amara; stipticum si stipticis; venenosa si venenosis, salutifera si salutiferis, singulis rebus humorem magnetica quadam vi ad se trahentibus, & in substantiam sibi similem transferentibus. E cuius quidem humoris, cum infinitis rebus natura differentibus, commixtione, infinitas quoque rerum species produci necesse est; quas quidem omnium vires & proprietates in simplicibus suis cognitatas, qui rectè & sagaciter combinare norit; ei nullum amplius abditum in natura effectum, nullam rerum sympathiam aut antipathiam, quas tantoperè mirantur homines, incognitam esse posse arbitror; sed veluti naturæ quidam Archæus *παντογχος*, sagaci rerum omnium agentium cum patientibus facta applicatione, quicquid natura operatur, & ipse Naturæ simia ad exemplar eius omnia operabitur. Sed de factitiorum gemmarumque pretiosarum arte conficiendarum methodo, in mundo nostro subterraneo fusiis, si Deo placuerit tractabitur, quare eò Lectorem remittimus.

Adamantes.

Liquor terre per
quā transit qua-
litates assumit.

Con-

Confectarium.

Omnia in omni-
bus sunt.

Quomodo ars
naturam imi-
tari debeat?

ATque ex his dictis patet, quanta sit rerum omnium
connexio, & quam admirabiles in connectendis rebus
efficacia; quomodo cuncta Magneticè se trahant, & quomo-
do denique singula in singulis, & omnia in omnibus; quis
enim vnquam crederet aquam omnia, quæ mundus habet
in se, vti lapides, salia, aërem, terram, ignem, oleum, simi-
lique in se continere; quis crassum terræ corpus eadem, præ-
ter lapides, salia; aërem quoque, aquam, & ignem continere;
quis prætereà non in vegetabilibus tantum, sed & sensitiuis
vnquam dicta reperiri sibi persuadere posset, nisi experientia
istam dudum docuisset? Quicunque igitur arte hæc expe-
riri, id est, dissolutionem corporum in sua elementa, aut etiã
elementorum ope varias rerum mixtarum productiones cu-
piet, hic doctricis naturæ exemplar, ductumque, quem in præ-
cedentibus abundè descripsimus, sequatur; corpora videli-
cet quælibet soluendo, id quod naturæ accessit heterogeneũ
separando, purgando, pura puris, cocta coctis, cruda crudis,
Magnetica magneticis, id est similibus similia, iuxta irrefraga-
bilem naturæ exigentiam Magneticè coniungendo; sint vasa
ad naturæ exemplar fabricata, ignis artificialis gradus, ignis
naturalis gradibus perfectè correspondeat; quæ si omnia pro-
ptè peregeris, naturæ quoque effectum desideratum, procul-
dubio adipisceris. Si igitur animus sit, corpus aliquod mix-
tum ad summam claritatem & splendorem deducendi, non
licet id alia, quàm præmonstrata ratione expedire; Terræ
corpus clarificandum est per ignem, reddendumque simile
ipsi aquæ, sicq; fiet quasi sal, quod postmodum distillando po-
test clarificari & in aquam conuerti, prorsus ad similitudinem
aëris omni impuritate destitutam, pellucidam, & splenden-
tem; ita quæuis corpora data in sua elementa reduces, in
aërem, quem oleum, in aquam, quam spiritus; in terram,
quam sublimata materia; in ignem denique quem vapor ac-
census refert, reduces, quæ omnia in sulphure patefiunt.
Ponatur sub vase vitreo concauo vas terreum cum sulphure
accenso, ita vt vas subiectum ad campanam alēbici præcisè ad-
apta-

aptatur, ne fumi egredientes flammam suffocent: sed liberè in illam subuecti in liquorem densentur, qui in vas appositum distillent, habebisque aquam siue spiritum sulphuris, prima distillatione. Secunda cum fortiori igne, oleum; in circumferentia verò vasis concaui inuenies flores, siue pompholygem, terram videlicet; oleum habebis; quo omnia vel sola approximatione ad ignem, in flammam abeunt, si sulphur in puluerem tritum calce viua & sale mercuriali mixtum per retortam distilles. Innumera hoc loco aperire possem diuinæ Chimiæ mysteria, quæ in varia mea peregrinatione apud diuersos didici, ac proprio experimento comprobaui, verum ne instituti nostri limites transilire videamur, ea consultò in alios tractatus reseruauimus. Sufficiat interim Magneticam quandam vim in omnibus rebus latentem, quauè cuncta se mutuò appetant, qui vnicus noster scopus fuit, hoc loco *Ἰδαππῶς* demonstrasse. Vnum adhuc restat explicandum, quod non parum multorum torsit ingenia, estque multiplex in fossilibus figura lapidum, scilicet & gemmarum, non tamen quæuis, sed vt plurimum hexagona, pyramidalis, quadrata, vt in Amethysto, Crystallo, Adamante, Vitriolo, Alumine, Salibus, Saccaro, & similibus est. Ioannes Marcus Marci Philosophus præstantissimus, in subtili opere suo de Ideis operatricibus non inconuenienter putat, in huiusmodi figuras lapides & aluminaria quæuis, vi quadam Magneticæ non absimili colligi; Keplerus opusculo de niue sexāgula aliā cōminiscitur. Decartes in meteorologia sua Democritica, atomorū cōfluxui, omnia assignat; Ego quid sentiam, breuiter aperiendum duxi.

Dico itaque, in centro vniuscuiusque rei naturalis virtutem quandam latere illi à sagaci natura eo fine insitam, vt se conseruare possit, & propagare quantum ei concessum est, atque hanc virtutē radijs quibusdam in circumferentiam propagari, non quidem in omnibus semper sphaericè; sed subinde in vnam partem longioribus radijs, quam in alteram agendo; ea fere ratione, qua vis plastica in centro seminis existens, singulas corporis partes designat non radijs circulariter diffusis; sed pro membrorum remotè aut propè à centro corporis distantium formandorum conditione; & vt in vegetabilibus vis

femi-

In 4 Elementa
resolutio vniuf-
cuiusque rei.

Vnde figura,
Geometrica in
quibusdam fos-
silibus.

feminis existens, talem & talem in fructu tali & tali figuram format, partes trudendo nunc in sphæricam, iam in conicam, modo in tuberosam, aut lenticularem figuram; in floribus quoque vis seminalis in sphæricas, conicas, pentagonas, hexagonas, similesque angulares superficies foliorum faturam protrudit; ita & in fossilibus secundum quandam analogiam, præsertim in ijs lapidibus, qui ex sale originem suam sortiuntur, vti & in Alumine, Vitriolo, Crytallo, similibusque, vis quædam in centro naturæ residet, quæ non semper omnibus radijs equalibus, sed aliquibus subindè longioribus, vtpotè robustioribus, reliquis proportionaliter pro virium debilitate decrefcentibus, per appositionem particularum ad particulas, sibi similes particulas, easque minimas & homogeneas attrahit; particularum igitur similium, similibus attractarum appositione ea figura fossilis, qualem radij referunt, emerget; si igitur vis centralis quinque principales radios emisit, reliquis intermedijs proportionaliter à latere decrefcentibus, eorum vi tractiua per appositionem particularum, gemma in corpus excrescet tetraëdram; si octo principalibus radijs se se exeruerit vis centralis, similibus partium appositione cubicum corpus nascetur. Si denique 12 principalibus radis se diffuderit, reliquis proportionaliter decrefcentibus, proueniet Prisma hexaëdron, vt in crytallo apparet. Nota tamen huiusmodi corpora figuras, vt plurimum optimo sanè naturæ consilio, regulares, quales sunt trignum, quadratum, hexagonum, sibi vendicare; siquidem hæ ex omnibus alijs figuris spacium implent. Si enim sex triangulos æquilateros, hexagonos tres, & quatuor quadratos in vnum coniunxeris, nullo spacio relicto, perfectè se in vno puncto contingent. Trahitur igitur particula similis, & homogenea à virtute in centro latente, quæ cum per appositionem particulatum, iuxta proportionem radiorum fiat, mirum non est, in eam figuram degenerare corpora, qualem radij virutis effigiare solent. Operatur igitur natura in formandis rebus ea ferè ratione, qua nos ope formæ ex ligno aut alia quapiam materia, in cucumeres, poma, pyra, aliosque fructus omnis generis figuras, vt Hominis, Equi, Capræ, &c.

Causa figurarū
in lapidibus.

In-

Inducere solemus; Fructus enim parvus adhuc, formæ siue modulo ligneo inclusus, multo illo, quo pollet incremento, in circumferentiam paulatim deductus, cum successu temporis omnes moduli interioris vacuitates repleat; assumet ipse fructus deposita forma, eam figuram, quam forma refert; & quam incremento suo repleuerat. Si igitur forma humani capitis figura fuerit, hominis faciem referet fructus, partibus alijs ingenas, frontē, alijs in nasum, mentū protuberantibus; si Capræ, aut Ovis figurā forma mentiatur, fructus in Capræ, aut Ovis lineamenta, protuberabit; & sic de cæteris. Non secus fossiliū, vegetalium, animaliumque figuras naturales perfici dicimus. Sicut enim vnumquodq; naturale corpus particularem vim habet, quā se conseruat in suo esse, ita & eadem vi habet, vt se crescendo, ad certam, & determinatam figuram, quā à reliquis speciebus distingui possit, propaget, ne in incertum agens natura, ordinis loco, quam intendit, confusionem pariat. Verum de hisce & similibus rerum naturalium

figuris, & quomodo eæ intra terram figurentur; vti

& de niuib; polymorphis, de lixiuij certa-

rum plantarum, salisque vegetabilis mi-

raculis in Mundo nostro subterra-

neo fusè, Deo dante, tracta-

bitur: quare ad alia

transeamus.



LIBRI TERTII
MAGNETICI MVNDI
PARS TERTIA.

Γεωμαγνητισμός.

siue

De Magnetica vi totius terræ & singulis eius
heterogeneis partibus indita.

CAPVT I.

De cyclica attractione rerum.



Terra omnium
rerum semina-
rium.

TERRA infimum elementum est, veluti basis, ac
fundamentum cæterorum; Quidquid enim alia,
tria in illud stillant & proijciunt, omnia recipit,
seruanda conseruat, manifestat manifestanda, re-
rum omnium fidissimum receptaculum, in quo omne produ-
ctum manet, & per calorem motuum in illo putrefactum, per
eundem separato puro ab impuro multiplicatur; quod in illo
graue est, occultatur; leue calor motuius in superficiem pellit;
& prout iam est in superficie lutosa, omnis seminis & com-
missionis nutrix & matrix; Aqua mirum in modum gaudet,
eamque vbi sibi coniuncta fuerit, auido suctu attrahit, attra-
hit autem tanquàm bonum conseruatium sui, sine cuius glu-
tino in puluerem abitura, nec subsistere, nec generationi rerum
deseruire posset. Aqua verò reciproco motu in terram fertur
tanquàm in suum receptaculum naturale, in quo spermati-
cam facultatem suam exerere possit; vnde ex hoc elemen-
tari coniugio, quidquid in hoc inferiori mundo videtur, pro-
ducitur, aëre verò & igne has naturæ nuptias veluti para-
nymphis quibusdam promouentibus; Aqua igitur per vni-
uersæ terræ poros sese insinuans, aërem secum copiosum tra-
hit, qui quidem labentium in subterraneis catadupis aquarum
impetu & violentia compressus, per poros terræ in vasta an-
tra, sulphure, nitro, vitriolo, alijsque combustibilibus ma-
terijs

terijs referta compingitur, vbi noua semper aëris aduenientis compressione rarefactus, attenuatusque, motu exardescit, & cæco carpitur igni; vnde & dictam combustibilis materiæ congeriem carpens, ac paulatim serpens subterranea ista causatur incendia, quibus tota terreni globi moles, quæ ob nimiam, terræ frigiditatem, atque aquæ humiditatem generationi rerum inepta foret, per poros terræ veluti per innumeros quosdam caminos seu syphones diductis igneis expirationibus calefacta ita attemperatur; vt ea numerosam quandā & infinitam penè mistibilium rerum sobolem producat; Hinc aquæ in montium visceribus, veluti in penuarijs quibusdam detentæ in vapores copiosos resolutæ, etiam in frigidiores cauernas illabentes ibi resolutæ, partim in fontes & flumina, partim in thermas varijs qualitatibus, pro locorum, quos transeunt, natura, & dispositione augmentatæ abeunt, originali humori restitutæ; Hinc mineralium aquarum terrestriumque specierum vapores & exhalationes sublimatæ, singulæ in locis & venis generationi metallorum aptis idoneisque, ea metalla generant, quæ cum dictis locis similitudinem habuerint & proportionem, ita vt vnum alterum, natura delectante, in suum bonum, bonumque vniuersi attrahat; Fontes verò & flumina è terræ visceribus erumpentia, metallicis spiritibus facta, dum arenam & limum copiosum è variarum rerum materijs coagmentatum secum deuehunt; nouam causantur camporum, colliumque, aliarumque rerum progeniem; aqua mari, terrestri substantia terræ reddita; Atque hæc est perfecta quædam rerum occulto hoc naturæ motu agitarum superna infernis, priora posterioribus locum commutantibus, Magnetica *περικύκλωσις*, omnibus partibus ad totius conseruationem conspirantibus: vides igitur ex dictis, quomodo terra & aqua vnum quod constituant, in quo alia duo occulta, operantur? Ignis terram ne nimio humore diffuat, vel dissoluatur in lutum, conseruat; aër ignem ne extinguatur, aqua terram ne comburatur, ita vna alterius impetum frangente mundus conseruatur, successiuæ rerum generationes, atque corruptiones alternis vicibus perennant; Quæ omnia sol veluti causa principalis promouet; vt sicut ipse, ita omnia perennem in

Elementaris
aquæ motus
causatur in cen-
dia subterranea

Origo fontium.

Mutua elemen-
torum conspi-
ratio.

Generatio col-
lium.

Origo lacuum,
fontium, & flu-
minum.

in inferiori mundo missionem quandam motumque subeunt Terra ex aqua & aëre gemino motu afficitur, aquæ motu & fluxu agri cōminuuntur & absorbentur, vnde deinde in alijs planis noui existunt, quas alluiones dicunt; aëris motu, qui ventus est; à ventis enim è mari surgentibus arena limusque euoluitur, quæ recessu maris à Sole ventisq; siccata, obortis à mari alijs procellis, in cumulos aggeritur, qui cum paulatim herbis vestiuntur, & arborum radicibus inter se serpentibus, mutuoque implexu commistis, solidentur, successu temporis, in campos & colles degenerant; Aqua verò triplici motu afficitur, à Sole, à Luna & ab aëre, aqua calore Solis in vaporem attenuatur, qui terram suo complexu globi instar ambiens, Atmosphæram constituit; vapor in guttas abit, vnde pluuia oritur, idem coagulatus in grandinem mutatur, crassus autem vapor, si ante congelascit; quàm in guttas dissoluatur, in niuem vertitur. Pluuia, grando, nix, quamuis ex marieducta sint, aëre tamen humorem præuium trudente super verticem montium inducuntur, in quos incidentes materiæ terrestres, magni motus, ac perennis circulationis causæ sunt; Nam materiæ illæ in vertice montium æstu Solis resolutæ lacuum, subterranearumq; aquarum originem vti præstant, ita easdem ad fontium fluminumque promotionem perpetuo tenore conseruant. Aquæ verò à Luna concitata; motus seu æstus quotidianus, de quibus in sequentibus dicetur, vti & motus ab aëre seu ventis causatus; mare quiescere nunquā permittunt, vnde per poros tetraë agitati fluctus, prioris circulationis noua fundant primordia.

Atque adeò manifestè patet, aquam non solum in terreni globi furno chymico, e mari tantum sursum tolli, indeque in terras relabi, & rursus in maria effundi; sed eundem esse fontem metallorum, lapidum cæterarumque rerum, quæ in collibus & campestri planitie inueniuntur. Neque multum ab- similis est ratio rerum animatarum, & inanimatarum, vt vel hinc veteres occasione de anima mūdi arripuerint. Vnde animalia animentur, & ritu reciproco quemadmodum aqua in mare modo effluit, modò influit. Quod si quis nosset quomodo in venis terræ se coniungat aurum auro, quomodo herba-
rum

rum animaliumq; seminibus loco suis ortibus conueniente constitutis, alia materia eiusdē generis se se iungat, misceatq; his initijs forsan ad eorum subterraneum cohærescētiam adiutum recludere possemus, atque adeò ad penitioris perfectiorisque chymix adita penetrare; Verùm cum hæc exposita, cohærescentia nos lateat, nihil mirum fuerit subterraneam, & à nostro vsu remotam metallorum aliarumque rerum ad sui quodque generis aggregationem nobis ignotam esse.

Clauis Chymix
vera.

Confectarium I.

EX dictis patet, nihil hic apud nos simplex, sed omnia alijs mista existere, neque enim aqua sine aëre, terra, igne, alijsque rebus terrenis, neque terra sine aqua, aëre, alijs est. Vides quomodo aqua pluuialis à Sole attracta, per metallicos sulphureosque montes decurrens, materiam istam liquatam, & fluctuantem secum corripit? sicut ex colore, sapore, odoreque earum percipitur; neque minùs alia resoluat, quæ colore, aut sapore percipi non possunt, vt lapides, vitrum, & aliud quodlibet; vt aqua fluuiialis è varijs materijs montium, vnde originem & incrementa cepit, commista sit? Et quomodo flumina hæc (quæ alijs materijs, dum ripas, & alueū perstringunt, quodque commiscuntur) dum in mare se euoluunt, marina aqua, terreni cuiuslibet mistionem recipiat: ea autem sursum scandens Atmosphæram generet, & perpetuo recentem materiā suggerens alat, & quomodo ipsa adeò rerum omnium miscella quædā sit, & *πανσπερμία*? vapor hic assiduè in rorem, pluuiam, grandinem, niuemque concreseat, quæque ideò varia terrena materia permista sunt? Hæc quomodo in terram collapsa, diuersam istam materiam ad nouarum generationem relinquāt, & per veteres genitas iam fluentes resoluant, liquatasque in mare, vt prius euomant? vnde perpetua quædam rerum mistibilium nascitur cyclica commotio. Quod autem aqua lapides, & terram contineat, chymicum nos docet experimentum, quo ex aquæ pluuialis distillatione, in fundo vasis variæ terrestri materiae species subsidunt, quæ tum odore, tum sapore, sulphur, sal, nitrum, limum, similiaque referunt; quod

Terra miscella
rerum omnium.

Aquæ omnia
inest.

& aquæ vitrum infit, ostendit humor vitreus vasis, aut canalibus plumbeis longo tempore contentus, in vitreum successu temporum corium degenerans, vides qua ratione denique vna materia alteram ex infito quodam ad conseruationem totius appetitu trahente, cyclica hæc magneticæ catenæ connectio, in perenne tempus continuetur?

Confectarium II.

Colliges denique, quod de cyclica attractione rerum elementarium inanimatarum dictum est: de animatis quoque rebus dicendum esse. Ex putridis enim mixtorum oriuntur insecta; & insectis aluntur reliqua animalia, animalia verò post varios vsus morti cedentia, primæ materiæ restituntur; quid enim tot noxiarum animantium genera, tot muscarum, insectorum, scarabæorum, erucarum, vermium, araneorum, pulicum, pediculorum, tanti locustarum exercitus, tanta denique serpentium multitudo ad aliud, nisi ad vniuersitatis harmoniâ concentumque, atque ad hanc Catenam rerum Magneticam continuandam, prodesse natura voluit? cum enim rerum omnium ortus, ac interitus certissima lege naturæ sit definitus, nisi è stercore vel cadaueribus, vel quauis materia putri insecta prodirent, fædissima contagione proxima quæque loca & corpora vitarentur; talium autem insectorum ortu fâtor omnis ac tabes eluitur, & auium cibus, aut mutuo sibi pabulo inferuiunt, atque ita fit, vt nec viua noceant, nec odore mortua, ita erucarum, & araneorum examina aëris corruptione prodeunt, & earum ortu aër purgatur, dum quidquid noxiarum qualitatum in aëre, ad se trahendo deriuant, vt etiam ex impura colluie terrarum Rubetæ, Bruchi, mures; sicut enim aranei, & erucarum examina collectum ab aëre virus hauriunt, sic Rubetæ cæteraque serpentium genera ex ipsis stirpibus, ac terra virus vndique ad se attrahunt, deindè mutua sibi alimenta præstant; Musca quidem sanguinem, aut fædum humorem ligurit, Aranei Muscas, Gallinæ Araneos, homo Gallinas in alimentum suæ naturæ consentaneum conuertit. Denique lacerti, stelliones, maximè autem hirundines, cæteraq; auium genera

Cur ex putri
insecta nasci
natura volue-
rit?

genera venantur erucas, muscas, vermes; sic prospexit Creatoris optimi Sapiencia ubique conspicua, minimis, ac vilissimis quibusque animantibus alimenta statis temporibus. At etiam culices leui punctura fructuum maturitatem accelerant, deinde vespertilionibus suauissimum præbent alimentum: denique aranei mortui, ab araneis humore virulento vacuatur, & à serpentibus serpentes exeduntur. Ita in Insulis Philippinis Crocodilus Crocodilum vorat, quod nisi foret, Insula innumera- bili huiusmodi belluarum multitudine foret inhabitabilis, cum tamen cetera animantia terrestria sibi similibus nunquam pascantur. Pari ratione Bufones, seu Rubetas senio, & veneno, Bufonis vsus. quod à terris vndique contraxerunt graues, formicarum exercitus auidissimè fugit, nec quicquam reliquum facit præter ossa, & bufoniū lapidem, ita fit vt animal illud, quod omniū Bufonius lapis. impurissimum iudicamus, non modò viuens ab ipsis terris venenum auferat, attrahendoque in se veluti naturalem terrestris veneni bursam deriuat, sed & moriens veneni amuletum nobis relinquat, & iucundissimum formicis præbeat alimentum. Porro hac generatione animalculorum purgatur aër, purgantur corpora à superfluo, eoque noxio, ac periculoso humore, ita vermes, vespe, crabrones ex animalium cadaueribus plerumq; nascuntur; vnde naturali quasi appetitu ad eorundem corporū, ex quibus genita sunt, humores noxios sugendos feruntur; Apes ex Tauro, Vitulis, & Vaccino genere sunt; quas vitulo fame confecto, orificijs omnibus conclusis, suaueolentium herbarum prato elicuisse Aristæus dicitur; ita ex stercorebus Equinis, scarabæorum examina; ex hominibus etiam lumbrici pediculi, pulices, cimices; vnde sanguinem aut sudorem istiusmodi ex quo genita sunt, naturaliter appetunt, ita vt ex vrina, mista puluere, pulices; è sudore ipso, pediculi; ex putrido denique sudoris vapore, cimices lectularij nascantur. Similiter eruce plerumque è stirpibus originem suam ducunt, cum ferè totidem sint erucarum, quot plantarum genera; E vario quoque erucarum pabulo variæ fiunt, & multis coloribus distinctæ eruce, eruce in oualem Chrysalim, Chrysalis, cum à sopore reuixit, in variegatum papilionem degenerat: ita Bombyx, quia coloris candidi est, producit papilionem candidum, Buprestis

Insecta corpus
Equo nascuntur
appetunt.

Quot genera
plantarum tot
erucarum.

Infecta qua ra-
tione arte pro-
ducantur.

quam Pinus generat, quia crocei coloris, & admodum venenosi est, in eiusdem coloris, & qualitatis papilionem conuertitur; ita erucæ versicolores, in versicolores papiliones conuertuntur; colores autem in erucis proueniunt ex vario, quod fugunt pabulo, succoque. Arte quoque huiusmodi animalia produciuntur. Ita stercus columbinum, aut anserinum vrina, hominis maceratum pulices innumeros producit; pilum quoque equinum in aquam pluuialem depositum, cum tempore animatum, in vermem excrescit. Ita putrefacta sub fimo anas, bufones producit; serpens minutim concisus, sub terra defossus, alios serpentes. Ocymum siue Basilica, Scorpiones producit, si contritam puluerique lapidum è maceris erutorum, admistam sub latere, seu schisto Soli exposueris, ita ex pulueribus lacustribus Soli certa industria applicatis Ranas; Erucas denique produces cuiuscunque generis, si planta è qua nasci solent, succum pulueribus erucas respicientibus subactum, calori temperato exposueris, sed hæc tibi Lector curiosè, vltèrius applicanda relinquo.

CAPVT II.

Ορυκτο-μαγνητισμός,

siue

*De Magnetica facultate Fossiliū Telluris,
singularumque partium eius.*



TELLUREM magnetica facultate, qua se iuxta mundi polos libret, ne inconstanti motu hinc inde fluctuando, confusionem rerum induceret, constare, in primo Libro satis declaratum est; Atque hanc Magneticam Telluris vim, magnetem, reliquaque magnetica terræ consimilia corpora participare, hoc toto passim opere declaratum est. Nunc verò videamus, vtrum præter Magnetica, alia terrestria corpora, easdem quoque attractrices cū magnetè vires sortiantur, cum enim terrenum corpus innumera qua-

quadam diuersarum specierum, vt in præcedenti Capite dictū est, varietate permistum constet, vix fieri posse videtur, tellurem ex omnibus mineralibus, solum magnetem, sibiq; cognata corpora in filios genuinos, virtutisq; suę veluti heredes cooptatos, hac mira prærogatiua lapidibus plerisq; melioribus, pretiosioribusq; neglectis, cōdecorasse; An non auro, preciosis lapidibus, alijsque metallis meliori iure huiusmodi naturę dos debebatur? Sanē sunt certi lapides, qui spontaneam motus sui rationem habere vidētur, Ita lapis Trochites siue Astroites affusus aceto, motu locali p̄mouetur, vnde si ex eo Testudinē, aut simile animal mal formaueris, automaton videbis admiratione dignissimum. Iaspis detentus supra scyphum vino plenum, tremat; In Insula Ciambulon arbor est, cuius folia decidencia motu progressiuo promoueri dicuntur; quod tamen quomodo fiat alibi dicemus. Verū vt hæc res profundiori scrutinio patefiat; suppono primū tria in vniuersum trahendi genera in natura constituta esse: quorum primum ea continet, quę propter similitudinem naturę, per qualitatem quandam dispositiuam, qua vt melius habeantur, & se inuicem ceu intento bono perfruantur, duo corpora cōeuntia sese attrahunt; atque ita magnes magnetem, & ferrum trahit. Secundum genus eorum est, quę vi qualitatis elementaris, qua videlicet ad grauius graue, leue ad leuia insito naturę ductu, veluti ad centrum suū fertur, se attrahunt, de quibus in præcedentibus huius Libri fusē actum est. Tertium genus eorum est, quę vacui successionē trahunt; quod vt intelligatur notandū est; cum omnia huius mundi ex elementorū cōmitione constent, binęq; singulis insint qualitates, siue conueniant, siue non, talem singulis de duabus alteram naturā dedisse, vt cui adhe-reat, agnatam sibi & similem habeat qualitatem, vt aēr & ignis quorum hic calidus & siccus; ille calidus, & humidus; siccum enim & humidum contraria sunt, conciliatione tamen socij caloris copulantur; sic terra frigida & sicca est, aqua frigida & humida, quę etsi per siccum & humidum sint contraria, connectuntur tamen frigiditatis mediatione, aliās enim difficilis esset eorum concordia; sic ignis paulatim in aērem abit per calidum, hic in aquam per frigidū, & terra igni per siccū coniun-

S f 3 gitur,

Astroitis lapidi motus quomodo inducitur.

triplex trahendi ratio.

Elementa quomodo cōlocantur.

Elementarium
actiones.

gitur, & ita mira quadam vicissitudine vnum alterum conseruat; vnde ordine præpostero, vt supra demonstratum est, denudò transmutantur, & ex se inuicem fiunt, facilis enim est transitus, postquam communem nacta sunt qualitatem, vt ignis & aër per calorem; his autem opposita difficilius vertuntur. Atque ex his suppono secundò. Ex calido & frigido oriri rarefactionem & condensationem, ex quibus omnium elementarium motiones promanare supra diximus, vt cum calidum in mistum aliquod agens, educit impurum, & dum suæ actioni idoneum reddere tentat, vt simplicius fiat, euadit tenue; ita frigidum conseruat, constringit, & congelat; vnde calidum misti humorem ex centro elicit ad circumferentiam, frigidum verò eundem ex circumferentia ad centrum retrahit; ex quibus quidem qualitaribus perpetuus in aëre motus causatur. Vapidum enim rarefactum, calore fugat frigidum circumstās; remisso verò calore frigidum constrictum locum suum repetit, & consequenter secum consistentia corpuscula deuehit. Atque hac ratione omnia electrica trahere iam tempus est, vt declaremus.

CAPVT III.

Ηλεκτρο-μαγνησμός,

idest

De Magnetismo electri, seu electricis attractionibus earumque causis.

Electrum Græcis eò, quod ad se attritu prius calefactum paleas attrahat, ἤλεκτρον, vnde & ἄεραξ, seu raptor dicitur, Latinis Succinum à flauo succo ex quo coagulatur, Arabibus Karabeh, eo quod in sacrificijs offerri esset solitum, vi illa sua attractiua, qua Magnetem æmulatur, nullo non tempore, summæ fuit Philosophis admirationi, adeòq; in hunc diem durat, vt vix in natura rerum exoticus effectus sit, cuius ignorantiam causam per Magnetem, & succinum (quæ sunt commune ignorantiae asyllum, & sacra veluti anchora) non in patrociniū sibi adsciscant; Electrum igitur, seu succinum, aut vulgò Ambra dictum paleas trahit; & leuissima quæuis corpuscula, res
nota

MAGNETISMVS ELECTRICORVM. 641

nota est, & experimentum omnis fallaciæ expers; Qua ratione autem hoc fiat, hic Rhodus, hic saltus; varij varia de eo commenti sunt; nos quid de eo sentiamus iam tandem manifestabimus; Ac primò quidem maximam Magneticas inter attractiones & electricas differentiam esse nemo dubitare debet; Nam differunt illæ non duntaxat ratione eorum, quæ attrahunt, sed & attrahentium, seu modo quo attrahunt. Magnes primò non nisi corpora determinata, qualia magnes ferum, similiaq; corpora; Electrum contra omnia & quævis corpora sine discrimine, vt postea ostendemus, attrahit. Secundò magnes Magneticas res, vt ferrum, non trahit tantum, sed & easdem suæ attractiue virtutis facit esse participes, totam facultatem potestatemq; suam ijs communicando, quam vim in electro nulla hucusq; experientia nos docuit. Tertiò magnes vim suam per polos, in quos totius Magnetici corporis vigor deriuatur, exerit, vnde cum differentia quadam agit, vna parte solum trahente, altera fugante, vtraq; quiescente sub linea meridiana. Electrum verò vbique, & in singulis partibus, vbi attritu animatum fuerit, trahit nulla ad plagas mundi respectus habita ratione; singulis partibus vbi æquè affictu caluerint, æquè trahentibus; Quartò vim attractiuam Magnetis, si ferrum excipias, nullum aliud intermedium corpus qualecunque, quominus eam exerat, impedire potest; Electrum verò, vel leuissimus halitus ab attractione, suspendit; Magnes præterea nunquam præparatioue ad trahendum indiget; sed coniunctum sibi ferrum semper trahet; Electrum, apponantur ipsi quantumvis palearum, sine attritu præuio tamen nihil trahet; Magnetica denique vis immaterialiata ex propria forma profluit, Electri verò materiatur, effluuium a materie originem suam sortitur; Ex quibus omnibus apparet, quanta sit harum attractionum diuersitas; Cum verò causas Magneticæ attractionis in primo libro satis declarauerimus, nunc restat, vt & electricæ attractionis causas quoque inquiramus. Gilbertus putat electricam attractionem ita perfici; spiritum egredi ex corpore electrico, quod ab humore aut succo aqueo concreuerat; corpus attrahendum attingere, atque ita attactum tandem attrahenti vniri cor-

Differentia attractionis electricæ, & Magneticæ.

Causa electricæ attractionis.

poriq; corpus peculiari effluuiorum radio, contiguum, vnum effici è duobus, vnita confluere in coniunctissimam conuenientiam, quam attractionem dicit; Et quia omnia corpora vniuntur & quasi ferruminantur humore, ita vt humidum, cum aliud corpus attingit idem aduocet, si exiguum fuerit; ita humida in superficie aquarum allicere humida; *Electrica*, verò effluuia peculiaria, quæ humoris fusi subtilissima sunt materia, corpuscula allectare. Hæc est opinio Gilberti de *Electrica attractione*. Vult igitur ex humido corpore vapillum, sed admodum tenue & subtile egredi effluuium; quod corpora, quæ incidunt, trahat, iungatq; corpori à quo promanat effluuium; Probat autem hanc suam opinionem triplici experimento, duorum bacillorum aquæ innatantium, quorū vnum vnius paululum supra aquæ superficiem eminens attrahitur ab alterius parte infra aquam. Secundo exemplo guttæ & bullæ in superficie aquæ bullam sibi vnientis & attrahentis.

At cum hanc opinionem Gilberti penitus discuto, præterquam, quod sibi manifestè contradicat, triplicem præterea errorem inuenio; primò dicit ipse, corpus ipsum electricum, quod attractiuum effluuium emittit, ex humore concretum, sit oporteat, ego verò aliqua electricè attrahere reperio, quæ nequaquam ex humore concreuerunt, vt vitrum; quædam, ossa; & alia huius generis, de quibus postea; accedit quod multa & pleraque alia ex humore concreta sint vt metalla, gëmæ & lapides pretiosi, & veluti metalla quædam & lapides vt Crystallus, Carbunculus, Corallia, aliaq; infinita, qua tamen nulla attractica vi pollere comperiuntur, vt ex hoc proinde causam attractionis præcisè non iudicem inferendam, neque electrica corpora attrahunt, quia humida ad se inuicem confluendi vim habent; cum hoc asserendo Gilbertus, manifestò sibi contradicat, putat enim electrica firmiter quidem sibi coniungere corpora effluuiio illo humido quidem, sed tenuissimo, & subtilissimo, quod effluuium ego ob tenuitatem suam vniendis sibi corporibus prorsus ineptum iudico, cū res omnes semper tãtò facilius coniungi videam, quantò effluuia fuerint crassiora, ita facilius aqua quàm aër, & gluten quàm aqua

aqua rebus coniungitur; cum autem effluuia illa aëre multò fuerint tenuiora, quomodo corpuscula illa crassa sibi coniungere possint non video; Neque subsistere possunt experientia, quibus sententiam suam astruere conatur, cum omnes isti concursus, quibus corpora in humido coeunt, motus sint elementares grauium & leuium, de quibus nos in precedentibus fusè disseruimus, eorumq; causas & rationes, quantum fieri potuit, enucleauimus; coeunt igitur duo bacilli in aqua, eo quòd aqua adhærens bacillis, assurgens aliquantulum intumescat circa bacillos, & consequenter hac eminentia aquæ violentè ita consistentis superficiem sphericam turbare necessè est; Concurrent etiam in aqua duo bacilli, ad motum aquæ inæqualitatem superficièi aquæ in monticillos quosdam eleuatæ complanare volentis, quod dum facit, non id facit per modum attrahentis alterum electricè, sed per motum, quo grauia deorsum tendunt ad naturalem locum; & ita demùm ad aquæ extra locum suum violentè detentæ, & æqualitatem desiderantis motum, corpora confluunt; eandem ob rationem bullæ insuperficie aquæ confluunt; non quia electricè se mutuò trahunt, sed quia naturaliter aqua vult defluere quantum potest ad suum naturalem statum, vnde vna descendente, trahitur & altera sibi coniuncta, nisi malis dicere inclusum, & vi compressum aërem inter illas, niti, vel vrgeri ad superiora, vnde ad labra vasis accurrunt ibi assurgendo, vel si vas sit omninò impletum humore, in medio eleuatæ ad medium tendunt, & sic dum inuicem plures bullæ in aqua approximantur, & singulæ ad alias accedentes habent, quas surgant. Quæ cum ita sint, alia ergo causa attractionis electricæ assignanda erit; quam antequam ostendamus. Notandum primò singula eorum, quæ mixta appellantur à Physicis, à prouido Naturæ authore, singulari quadam dote, virtute aut qualitate, qua substantia immediatè suas operationes in distantia corpora vniformiter difformiter agendo perficiat, instructa esse; præterea cum huiusmodi siue qualitates veræ sint, siue corporea quædam effluuia, nisi spherica quadam radorum virtutis suæ diffusionè non agant, hac spherica diffusionè veluti quasdam atmosphæras, quæ pro diuersitate

Qui duo fossuca
in aqua se trahuntur.

com-

singulæ res
certum virtu-
tis suæ orbem
habent.

compositionis rerumq; complexionis diuersimodè medium alterent, fundari. Quædam enim immediatè à forma rei intrinseca, vti magnes, lux, aliq; virtutes inmateriali, & instantaneæ, promanantes, homogeneam quoque spheram, efficiunt; Quædam à materia profluentia, materialium orbem virtutis suæ constituunt, vt sunt omnia ea, quæ effluuijs quibusdam corporeis res attingunt, vt electrica & odorifera, ita humide complexionis res vapidum effluuiorum orbem; sicce verò nature subtilibus quibusdam exhalationibus siccam affectant orbitam, ita vt peculiaribus effluuijs suis cuiq; singularis ad vnitatem ductus, motus ad principium, fontem, & corpus effluuij mittens. Atque effluuia quidem materialia, nisi eorundem pori extrinseca densitate obstruantur, semper exhalant, & tantò plus, quantò attrita aut leui motu plus fuerint concitate substantiæ, vt in omnibus electricis, & odoriferis luculenter patet.

Generatio Ele-
ctri.

Dico igitur, si corpus aliquod ex pingui humore cōcretum, adeò tenui atque subtili effluuiio constiterit, id ad quemuis motum leuem, seu terfionem superficiale concitatum, calefactumque è vestigio tenuissimum illud suum effluuiū emittere, quod cum rarū sit & admodum tenue, hac sua raritate aërem quoque circumfutum præsertim frigidiusculum, attenuatum dissiccare, disiectum comprimere, sed pro tenuitate effluuij, tenuiter; aër verò attenuatus, compressus, disiectusque resistentibus alijs continuatis aëris frigidioribus partibus, ad corpus electricum reuertitur, quem aëris retrocedentis motum paleas quoque, & obuia quæuis leuiora corpuscula, veluti tracta comitari necesse est; Atque hac, non alia ratione electrum, eique consimilia corpora quæuis alia leuia trahere, ita ostendo. Electrum ex molli primum & viscosa, seu bituminosa materia, quæ ex maris fundo bituminoso exundans, post vehementes tempestates marinis fluctibus in aquæ superficiem defertur, maris natura, salitudine, solisque accedentibus radijs in firmam substantiam excrecere, & color, odorq; qui resinam olet, tum muscæ, vermiculi, culices, formicæ, quæ in frustulis quibusdam comprehensa tumulataq; æternis sepulchris relucet, testatur; Inter cetera tamen admiratione dignissima, etiam Rosarium

rium Deiparæ granis è succino confectis elaboratum, in quibus singulis muscæ diuersæ formæ & figuræ, ita insertæ sunt, vt nihil nisi vita ijs deesse videatur, similiaq; quæ cum apud Ioannem Baptistam Rhinalduccium I.V.D. tum alios rerum exoticarum studiosos hic Romæ obseruasse me memini, satis superq; demonstrant. Ex huiusmodi igitur materia electrum cum cõstet, effluuium quoque eius calidũ, subtile, tenue vt sit, quodq; ad quemuis attritum, vel leuissimũ concitetur, necesse est: ergo aptum est ad aërem raritate sua comprimendum; cum autem admodum tenue sit, facilè ab aëre fortiori aliquatulum compresso fugatur, quo fugiente aër locum suum repetens, corpora leuia secum defert ad corpus electricum, vbi pingui effluuio veluti agglutinatur; hanc autem attractionem alia ratione, quàm dicta non fieri, satis ostendunt præuia quædam affriccio & tersio, quæ duo si desint, electricum nihil agens feriabitur; si adsint, quātum potest operabitur; ex frictione quidē, seu attritu incalescit leuiter & rarefit; extersione verò ab omnibus extrinsecis exitum intercludentibus liberatur; liberumq; acquirit tersione facta, se diffundendi spacium, & sic demum commoto aëre, fit & commotio corporum in eo contentorũ, & eorundem consequenter attractio; etsi autem magnum frustum electri etiam absque attritu præuio corpora alliciat, id tamen valde debiliter præstat. Porro iterum attractionem esse ex recurſu aëris, manifestò inde patet, quod aëre crasso & turbido, ventis præsertim Meridionalibus spirantibus, duplici de causa effectus attractionis retardetur; vel quia aër effluens, ista improporcionata reddit ad commouendum dispellendumque crassius hoc, & turbidius aëris corpus, vel quia aër humida, sicca, & vapida substantia poros corporis electrici obstruit; vnde & eadem de causa electrica minorem vim attrahēdi noctu, quàm interdiũ, aut manè, vespertiue, quàm meridiè obtinent. E contra tempore sereno & claro, ventis Borealibus spirantibus, effectum certiore habebunt; quæ omnia certa experientia mihi constant, adeò, vt quæ ægrè claro cælo alliciunt, crasso & turbido cælo nihil commoueantur; tum quia in eo leuiora, difficilius mouentur; tum quia effluuia suffocantur, & superficies attriti corporis humore vapido aëris afficitur, sistunturq; effluuia,

Musca in electro sepulta relucet.

Electrum non facile nisi prius leuiter tersum trahit.

Cur præfente
igne electrum
non trahat?

Experimentũ.

• obiectio.

Responsio.

effluvia in exortu ipso; sed obijciat aliquis hoc loco, si ex attritu calefactæ electricæ res, effluvia emittūt, cur sole igne, aut calidis alijs id non præstet, certum enim est electrica igni, carbonibus, aut vehementi soli exposita, tantum abest, ut attrahant, ut potius omnem actionem suam ipsis præsetibus veluti iuratis virtutis hostibus suspendant. Ad hoc respondeo electrum igne ad moto non attrahere, quia à corpore electrico inflammato, vapidum ac tenue illud effluuium, hoc alieno calore superadueniente marcescens veluti consumitur, vnde calorem habere non debet, nisi motu tantum & leui affriccione productum, & quasi suum, non ab alijs corporibus immissum; quæ de omni extrinseco calore intelligenda sunt; etsi moderato calori Solis exposita electrica vim suam diutius, quam in umbra, ubi effluvia facilius densantur, obtineant; ergo ex dictis hisce patet clarè, totam attractionis electricæ rationem ex aëris attractione provenire, etsi Gilbertus contrarium hoc experimento probare nitatur. Sit tenuissima candela cerea, quæ flammam minimam, & claram concipiat, appone huic succinum, vel gagem planum, latũ, benè præparatum, & affriccum secundum artem, intra duos digitos, vel quamuis distantiam conuenientem; succinum tale, quod longè latèque alliceret corpora, flammam tamen non commouet, quod fieri tamen, si commoueretur aër, necesse esset: flamma enim fluentem aërem sequeretur, quo argumento Gilbertus, tantum abest, contra nos faciat; ut nostrorũ potius, quæ huc vsque dicta sunt, patrocinium suscipiat; quod enim electrum flammam non moueat, causa in promptu est; Cum enim tam aër circumfusus, quam effluuium vapidum, flammæ calore dissipetur, consumaturq; mirum non est, electricum corpus nullum post se attractionis vestigium relinquere; sed instat, si ex attenuati aëris raritate hæc attractio oriretur, poterunt à lateribus, aut deorsum ferri, non ad superiora; aut momentanea tantum esset attractio, & apprehensio adiunctorum; sed electrum multum diũq; aduocant & allecant corpora vnica friccone, aliquando per duodecimam, vnus horæ partem, cælo præsertim tenuiori; Respondeo hũc motum attractionis secundum omnes quasi partes, & veluti in circulum ferri, ut præclare quoque notauit noster Cabeus, non se-

secus, ac fieri videmus; dum in radio Solis in obscurum locū trāsmisso atomos tenuiter insufflamus, in gyrum enim agitati, ad impellentem reuerti videntur; quod autem attractio non sit momentanea, sed vis attractiua aliquantisper duret: eius rationem damus, quod quamdiū calor ex attritu causatus in electrico corpore durat, tamdiū effluuia durent, & consequenter attractio; calorem autem excitatum non in momento extinguī, clariū est, quā vt dici debeat. Manet igitur, ex electrico corpore, è pingui humore concreto, tenuissimum promanare effluuium, cuius vi attenuatiua commotus aër secum, vna cum fugiente effluuiū, corpuscula attrahat.

Confectarium I.

EX dictis sequitur omne corpus, quod eiusdem cum electrico temperamenti, ex pingui videlicet, & aquea materia fuerit concretū, quæuis corpuscula leuia trahere suis effluuijs. Hinc non succinum tantum & Gagates, quod nihil est aliud, quā nigrum quoddam electrigenus, alliciūt corpuscula quæuis; sed & sulphur, mastix, cera dura sigillaris, resina durior, Arsenicum, Selenites, quin & Saphyrus, Iris gemma, vitrum præterea, aliaque innumeri fluores ex fodinis petiti. Quæ omnia vt melius patefiant hoc examinabis experimento.

Experimenta.

Electricarum attractionum.

Fiat ex quauis materia acus, siue versorium ligneum, ferreum, cupreum, cereum, vel ex quauis possibili materia, perinde est, cuiuscunque longitudinis, supra obelum exactè æquilibratum, vt in Progymnas. dictum est. Huius acus igitur alterutri parti, si vnum ex recensitis corporibus leuiter attritum, tersum, politumque, iuxta artis regulas applicueris, statim acus effluuiū sentiens, accurret attracta; Nota tamen hoc loco, quantò dicta corpora, maiorem habuerint ad electrū siue succinum affinitatem, tantò efficacius tractura, quantò ab
eo

Tempus oportu-
num electri-
cis attractioni-
bus.

Electrum om-
nia trahit.

eo remotiora, tanto inefficacius; Porro tempus quoque hisce experientijs faciendis aptum seligendum est; sæpè enim contingit, vt fortiora electrica eo tempore effectum sortiantur, quo debiliora nullum; tempus igitur istiusmodi experimentis aptum esse comperio Hybernū, aëre frigid, oclaro, serenoq; hoc enim electrica quæuis minùs impediuntur. Hæc si diligenter omnia executus fueris, innumera alia corpora hac attractiua virtute ditata reperies. Ego certò huiusmodi electricarum attractionum experimenta, in acu, seu versorio, primò ferreo, ligneo, æneo, pedalis longitudinis, non sine adstantium admiratione exhibere soleo; dum capere non possunt, quomodo bituminosa huiusmodi, & electrica corpora, qualia sunt succinum, Gagates, Mastix, vitrum, similiaq; ferream acū, ligneam, aut ex qualicunque alia materia confectam attrahere, & sibi vnire possit. Vnde cum non ita pridem in horto quodam nigro Gagate Tulipas, Anemones, Narcissos, similesque flores satis notabiliter attraherem, dici vix potest, quanta inde astantes admiratio ceperit, dum plerique nouum genus magnetis non ferrum, sed herbas appetentis, inuentū esse exclamarent.

Confectarium II.

EX dictis patet, diuersas istas de variorum corporum attractionibus, diuersorum Philosophorum opiniones ex malè intellecta corporum electricorum attractione veluti ex fonte quodam profluxisse, dum magnetes varios esse, electricis attractionibus non perceptis, finxerunt, alios qui aurum, æs, plumbum, quosdam qui argentum, nonnullos qui ligna trahāt, vt de sagdo Gemma, Plinius, Solinus, & Euax nugantur; de Pantarbe alios lapides trahente Philostratus, cum tamen tantū absit, vt hæ res singulæ diuersos magnetes requirant, vt potius omnes in versoriū adaptatæ, vt experimentū pcedens præcipit, ab vno electrico corpore attrahantur, non à diuersis magnetibus, quorū singuli determinatam tantū materiam trahunt; alliciunt enim electrica non determinatè paleas, intactis folijs ocymi, vt Alexander Aphrodisiens ridiculè asserit, quam & ideo inexplicabilem quæstionem dicit, sed metalla omnia,

Electrū ocymū
etiam trahit cō-
tra Alexandrū
Aphrodisium.

omnia, ligna, folia, ocymum, lapides, terras, aquam ipsam, & oleum, omniaq; quæ sensibus nostris subiiciuntur, aut solida sunt præter ignem, vt dictum est, effluvia destruentem; vt vel hinc appareat, quàm omnis philosophia, nisi experimentis fulciatur, vana, fallax, & inutilis sit, quanta maximi cæteroquin, & subtilissimi ingenij Philosophi sine experientia, monstra in philosophia pariant; sola igitur dubiorum omnium dissolutrix est experientia, difficultatum conciliatrix, vnica veritatis magistra, facem in obscuris præfert, nodisque solutis veras rerum causas assignare docet, cui si speculatiuam, & scholasticam plerique coniungerent, quantum breui philosophiam excultam; quantos nodos, qui à sola experientia dependent, dissolutos, intueremur? Vana igitur & fallax est opinio eorū de diuersis Magnetibus; cum aurū, argentū, & cætera metalla, lignū, vapores, terras, pulueres, innumeraq; alia librata vnicum electricum corpus sine discrimine trahat. Risu quoque exhibendus Cardani carnis attractiuus magnes, atque è familia Magneticorum, electricorumq; prorsus proscribendus, cum terra lemnia, creta, rubrica, spodium, calx, aliaq; innumera fossilia per adustionem prius præparata, carnem non ex Magnetica, aut electrica vi; sed ex ficci aridiq; humido se coniungere volentis appetitu, non prius tamen, quam madefiāt, attrahant.

Magistra veritatis experientia.

Gypsea non Magneticè trahunt.

Confectarium III.

PAtet denique, quod sicut omnia ea, quæ ex humido orta similiter sunt concreta, & fluoris speciem naturamq; retinent in corpore concreto, alliciunt; ita quæ ex aqua & terra magis commixta, & vtriusq; elementi simili fodina conflata sunt, nullo modo ex se allicere quicquā, quod non cōtigerint, aut quod loco dimouere non possint: ideò nec metalla, marmora, filices, ligna, herbæ, carnes, aliaq; plurima nec Magneticè, nec electricè quoduis corpus allicere, aut prouocare possunt, neque molliora vt pix, resina mollior, Camphora, Galbanum, ammoniacum, styrax, & Asphaltum, cum ex humore magis consistant, nec à natura adeò firmiter concreta sint, vt attritionem sustineant, corpora alliciunt: quæ si ta-

Mollia nō trahunt electricè nisi consistentiam adeptæ fuerint.

men

men in durefcant, & fimiliter condensentur, ftrenuè officium attractionis fuftinent. Pari ratione, quæ craffum aut vapore-
fum aëreum emittunt ab attritione effluuium, nihil efficiunt. Aut enim ab humore aliena funt talia effluuia, aut aëri com-
muni fimillima, in aëre confunduntur, & aëri immifcentur, quare nihil in eo efficiunt.

C A P V T IIII.

Μεταλλομαγνητισμός.

fiuè

De Magnetismo Hydrargyri, aut Argenti viui, cæterorumq; metallorum Magnetica facultate.

Lex hydrargiri
Mercurij natu-
ra.

πανσπερμία
metallica Mer-
curij.

HYdrargyrum fiue argentum viuum, chymiftis ob nobili-
tatem fuam Mercurius, eft liquor mineralis ex aqua me-
tallica vifcidus, terreus, sulphure exactè contemperatus,
fpirituofus, frigidus, humidus, albus in manifesto; calidus,
ficcus, rubeus, & omnicolor denique in occulto; penetrat
metalla quibus adheret, intimè, eaq; refoluit. Omnium me-
tallorum materia, ad quorum fubftantiam, ficut & fal, & ful-
phur requiritur, πανσπερμία quædam metallica, omnia in fe
continens, quod & innumeri colores, quos mox, vbi ignem
fentit, exhibet, teftantur; dicitur argentum viuum, quia
argentum colore refert; & quouis impetu ab vno in alium
locum facilè mouetur, præ omnibus mineralibus priuatam
quandam, mirandamq; naturam, quæ fatis penetrari nequeat,
accepit, admirandifq; nonnullis virtutibus præditum eft, ijsque
ita contrarijs, vt de eo dici poffit, frigida cum calidis, funt mi-
fta humentia ficcis. Vnde ex hac naturarum in vno mifto
complexarum contrarietate, ita contrariæ repugnantesque
opinionες in animis Chymicorum pullularunt, vt vix fit, qui
fe ab huius impenetrabili naturæ abyffo, ac naturæ vi in-
domabili expedire poffit, & ideò mente confufi, nihil non
agunt, quo hunc Mercurium perdomare poffint, hinc vt fixa-
tioni

tioni aptior fiat, alij fugaci illo spiritu priuatum, in succis venenosis sepultum macerant: quidam in aquis fortissimis & corrosiuis ad superfluum humiditatem eluendam, suffocare student: nonnulli stercorebus atque excrementis animalium, fimoque calenti obrutum miserabiliter cruciant; Non desunt qui pauperculum & infontem strictissimis carceribus inclusum vinctumque compedibus, alis quoque truncent, ac varia præcipitatione, sublimatione, calcinatione, fermentatione, putrefactione, amalgamatione, fixatione, coagulatione, similibusque Chymistarum tormentis exercitum, eum nō alis tantum, pedibus, manibusque priuare; sed & vita omnibus modis contendant. Verum subtilissima quadā vi imbutus, dū minimè prouidēt, solita sua fallaciq; fugacitate, qua data porta ruens, ex omnibus eiusmodi vinculis, carceribus, tormētisq; solutus de repente ē manibus tortorū suorum elapsus tenues euanescit in auras; Aduersariosque suos callida sua impostura circumuentos, non sine indignatione veluti subridendo, & vasis & bursis vacuos relinquit; sed hisce relictis ad rem veniamus. Prima igitur proprietas argenti vini est, eius fluxibilitas, qua etsi reuera distinctum separatumque fossile sit, aliorum tamen more non consistit, nec durum est; sed potius liquor, quaquauersum propria & ingenita sibi virtute fusilis, neque fixari potest, nisi certa & rara quadam industria paucissimis nota, quam qui sciuerit, ei nihil in transmutatione metallorum difficile, amplius esse iudico, cum finem operis in tintura Lune sit consecutus.

Mercurius incorrigibilis.

Altera proprietas Mercurij est, quod, etsi liquoris substantiam acceperit, cæteris tamen omnibus & singulis metallis grauius & ponderosius existat, vnde fit, vt si aurum exceperis, omnia cætera metalla, non secus ac subereus cortex aque innatare soleat; Cuprum enim, ferrum, stannum, plumbum cuiuscunque ponderis ei iniecta, quicunque experimentum facere volet, non secus ac lignum quoduis aque innatare comperiet: solum aurum in illo subsidit, ex dura mox solidaq; in liquidam substantiam resolutum.

Hydrargyrum grauisimum.

Tertia proprietas est, quod cæteris metallis veluti spretis neglectisque, solius auri & argenti gratiam consortiumque

Mercurius gaudeat auro & argento.

652 LIB. III. MVNDI SIVE CATENÆ MAGN. PARS III.

ambire videatur, alia verò metalla, si vel ipsi coniuncta fuerint, nescio qua tyrannide inuasa, eadem sua presentia penetret, perforet, conficiat, consumat, exedendoq; penitus destruat, vnde rerum omnium venenum meritò dicitur.

*Mercurius inde-
structibilis.*

Quarta proprietas est, quod fufum, ac in minutissimas easq; infinitas penè particulas dissipatum, nullam tamen earum perdat facilè; sed vniuersę continuò se recolligant, & in pristinam vnionem societatemq; coëant, vt vel hinc non sine causa à Philosophis æterna substantia & æternus liquor, cum nihil sit quod eum destruere & abolere possit, appelletur.

*Mercurius om-
nia coniungit.*

Quinta proprietas est, quod etsi aurum argentumq; à ceterisq; metallis hydrargyri ope separetur ad eadem tamen vnienda conglutinandaque, id prorsus necessarium sit, vt patet in deaurandis metallis, auro enim commixtus Mercurius instar cerę massam facit mollem, quę illita ignis ope laminis inaurandis imposita, ita aurum vnit, vt vix vlla arte amplius separari possit, ipse verò Mercurius, mox vbi ignem sentit, veluti probè suo munere functus, tenues euanesceat in auras.

*Nihil grauius &
nihil leuius Hy-
drargyro.*

Quarta proprietas est, quod etsi rerum omnium grauissimum ac ponderosissimum sit argentum viuum, exiguo tamen tempore in substantiam subtilissimam, leuissimam, fugacissimamque, vel ad ignis tactum conuersum, alas assumat, quod si omninò disparuisse censeas, iam iterum repentina quadam Metamorphosi in substantiam grauissimam conuersum esse cum admiratione videas.

Septima proprietas Magnetica videtur. Nam hoc vnicum experientia nobis innotuit, quod hydrargyrum secreto quodam naturæ instinctu aurum appetat, id amplectatur, ac in suum quasi finem recipiat, eiusque primaria virtus est, vt miro quodam consensu auro adhærescat, illudque promptissimè penetret. Nam si vicinum sibi aurum, vel præsentiat, ei se adeò medullitus implicat, vt eò complexu nudatum aurum, metalla alia, quibus permixtum erat, deponat, & quasi excutiat.

Experimentum.

AVrum diuersi generis metallis commistum conijciatur in vas hydrargyro plenum, & ecce de repente aurum solutum omnibus ceteris metallis, liquidum fundum petet exuijs hydrargyro supernatantibus: Iterum in loco clauso alicubi exponatur aureum vas; deinde Mercurium igni suppositum volitare permittas, & ecce qui sublimis auras petisse putabatur, is simulata fuga totus in aurei vasis amplexibus omnibus modis coniugium affectans reperietur. Hinc qui se ab hydrargyri malignitate tueri volunt, auro vtuntur. Benzonus quoque recitat, mancipijs quibusdam Indis hydrargyrum auribus inditum, alia ratione eximi non potuisse, nisi aureo globulo auribus indito, quo subito argentum extractum fuisse narrat. Pari ratione Artifices cupro deaurando insudantes, vel ore exceptum aureum, vel penitus etiam deglutientes contra vaporem fumiq; Mercurialis perniciosam qualitatem, stomacho immittere solere notum est; hic enim aureus omnem hydrargyri substantiam auribus, oculis, naribus, aut ore haustam ad se prolicit, allectamque per secessum citra noxam dimittit. Quin etiam admiratione dignum est, si in lue venerea quis hydrargyro inunctus, aureum ore gestet, & dentibus ore linguaque hinc inde volutet, hydrargyrum, quod corpori ex inunctione innatat, in aureum deuoluetur, ita vt totus argenteus eximatur, & nonnisi igni admotus pristino nitori restituatur, quapropter frequens his remedium fuit, etsi non sine periculo suffocationis; Nam quibusdam inunctis magna huius metalli copia, adeo efficaciter omnia penetrasse obseruatū est, vt præterquam, quod medullis ossiū dentiumq; se insinuarit; incisa vena eiusdem aliquot drachmæ quoque profluxerint. Porro nō auri tantum, sed & argenti amicitiam Mercurius ambit, quamuis strictiori vinculo illi, vt nobiliori, quàm huic copulari videatur. Hac arte in Peruvia, & Mexico hydrargyri ope omne argentum præparant, industria prorsus mirabili, & cōsideratione dignissima, quam quia à Patribus nostris hic Romæ negotiorum causa præterlapsis annis commorantibus, vti metallicæ

Mercurius appetit Solem.

Aurū contra malignam vim hydrargyri.

Antidotum contra haustum hydrargyri fumū.

Modus separandi argentum à materijs spurijis in Peruvia vfitatus.

rei peritissimis, ita fide dignissimis, & oculatis testibus ore tenus accepi, hic neutiquam obmittendam duxi. Materiam metallicam argentiferam primò pilis mortarijsque hanc in rem paratis minutissimè conterunt. Postea cribris è filis cupreis intortis percolant; addita pro materiæ quantitate, rata portione salis ad nativum leuigati metalli pinguedinem absumendam exedendamque, vt ab hydrargyro argentum facilius implicetur, comprehendaturque. Quo peracto hydrargyrum per pannum cannabinum, aut etiam saccum coriaceum expriment, vt roris, aut sudoris specie in metalla fundatur; materiaque sudibus probè subacta, singulæq; portiones singulis ritè permisceantur; deinde hunc in finem fornacibus, quibus cacabos salem, ac hydrargyrum commista continentes singulari arte committunt, extructis. Cacabis istis ignis subditur, donec die quinto, sextoue argentum cum hydrargyro integrè vniantur, & quasi incorporetur: si ergo hydrargyrum appareat suo officio probè functum esse, & cum argento exquisitissimè coniuisse, miscellam omnem in modium plenum aqua coniiciunt, paruaque mola adhibita materiam non secus, ac sinapis mola solet, subigunt: qua coniunctione argilla sordesque à materia cum ipsa aqua defluunt, argentumque atque hydrargyrum propter innatam grauitatem, in vasis fundum subsidit; Hæc miscella itaque dicta ratione depurata, expressaque in pilas redigitur, quarum vniuscuiusque pars quinta argentum purum esse reperitur, reliquæ hydrargyron sunt, quod igni supposito fugiens, in receptaculo alembici guttatim per canalem descendit, inq; vas ad hoc præparatum labens, ibi sine vlla iactura, ac diminutione ab argento separatum recolligitur. Atque hac ratione argentum præparatum, omne aliud argentum bonitate, & qualitate superare compertum est.

Q V A E S T I O I.

Vtrum auro & argento vis Magnetica insit, qua ad se alliciant hydrargyron?

EX præcedentibus experimentis constat hydrargyron appetere aurum, & argentum, ijsque firmiter adhærere in

in sua euaporatione, qua verò virtute id faciat, nemo est, quod sciam, qui id explicarit; Non igitur inutiliter hoc loco, quomodo istiusmodi coniunctio fiat, quæri potest; certè cum memoratæ facultates nullo non tempore Philosophis admirationi fuerint, magna Chymicorum pars, diuersorum metallorum consortia, non nisi Magnetismo quodam fieri arbitrata est; vt fusè probat Paracels. lib. de Transmut. Fallopius existimat metalla hydrargyron non aliter trahere, quàm magnes trahit ferrum, succinum paleas. Lapidem quoque illum philosophicum Lippis, & Tonsoribus notum, non nisi Magnetismo comparari, chymici philosophastri volunt. Quicquid sit, mirum sanè est videre solum Argentum viuum ab omnibus metallis veluti appeti. Quænam igitur hæc vis sit, & an ex Magneticæ, aut Electricæ attractionis classe sit? iam restat, vt declaremus.

Contra citatos igitur Authores dico primò, hanc hydrargyri cum auro, & argento coniunctionem nulla ratione fieri per attractionem Magneticam, Electricam, aut Elementarem; si enim esset per Magneticam propriè attractionem, deberet hic hydrargyri appetitus ad aurum & argentum, duo præstare, primò id in certo loco, ac naturæ suæ congruo in hoc vniuerso cōstituere, vt sit in Magneticis. Secundò deberent hydrargyrum, & aurum, ita se alterare, vt simul, ac in sphæram virtutis venit alterutrum, ad alterum quantocyus ex similitudine quadam naturæ, acquirendæque nouæ perfectionis appetitu confluat, quem nos propriè coitionem, seu attractionem vocamus Magneticam; sed appetitus, quo hydrargyron dictis metallis se iungere appetit, non est cōstitutiuus hydrargyri in certo loco, cum ob fluxibilitatem suam nullus ei certus locus, situsque stabilis in natura assignari possit; neque etiam alteratiuus est, cum hydrargyron è regione auri, & argenti, aut etiam è latere obeli aurei, & argentei exactissimè librati, quantumuis vicinū, nullum tamen alterationis attractionisque, vt frequenti mihi experientia innotuit, vestigium post se relinquat: quod tamen si aliquo Magnetismo polleret, fieri deberet. Ob hanc eandem causam perperam quidam eius operationes inter electricas computant; cum enim omnia electrica, quædam diffundant esnuuia, quibus corpuscula non nisi leuissima circum sita mo-

Attractio auri
& Mercurij nō
est Magnetica.

Non attrahitur
electrice.

uent, & attrahunt; hydrargyron autem præterquam, quod ponderosissimum sit, nullum quoque, quantumuis subtiliter libratum, qualitatis attractiue in auro, aut contra aurum in hydrargyro signum præbeat, inter electrica computari neutiquam potest.

Non ratione vacui trahitur.

Similia & homogenea naturaliter iungi appetunt.

Causa attractionis metallicæ.

Neque dici potest ratione vacui hanc coniunctionem fieri, veluti in attractione elementari, cum elementaris attractio, nullo alio fine, nisi ad vñionem, continuationemque partium in toto, sit ordinata, quæ in hac συζυγία metallica, necessaria non est, Neque dicta coniunctio per confluxum similium esse potest, vt in homogeneis rebus apparet; gutta siquidem aquæ, vel hydrargyri rapit guttam, sibi que eam iungit, non occulta quadam vi; sed ex lege homogeneorum, qua partes similes, & eiusdem generis, vt contra communem hostem se defendant, sibi coniungi appetunt, ita oleaginea deuitatis aqueis, oleagineis coniunguntur: aquea verò repudiatis oleagineis facillè aqueis cōmiscuntur; ita liquores, quos gummi vocamus, si aqueæ naturæ fuerint, quemadmodum gummi cerafinum, dragacanthinum similiaq;, in aqua dissoluta ex similitudine quadam naturæ facillè coeunt; igneæ verò naturæ gummi, veluti mastyx, thus, storax, resina, similiaque, vt potè diuersam naturam sortita, aquis, vt misceantur, adigi non possunt. Neque fieri potest dicta coniunctio, seu adhæsiō per appetitum quendam auri & argenti, quo tanquam sibi bonum & conueniens hydrargyron attrahit; sicut singula membra ad se nutrimentum conueniens attrahere solent; cum aurum & argentum, vt potè in sua perfectione constituta, hydrargyro, non amplius indigeant. Dico igitur hanc coniunctionem fieri per beneficium amicumq; quendam auri & argenti in hydrargyron effluxum, quo apprehēdatur Mercurius, seu per appetitum naturalem hydrargyri ad aurum & argentum, ea ferè ratione, qua materia formam naturaliter appetit, & dispositionibus præuijs facillè in vnum compositum physicum coalescunt; Nam vt rectè Philosophus de hoc appetitu loquēs ἀλλὰ τὰτ' εἰς τὴν ὕλην, ὡς πρὸς αὐτὴν εἰς θηλὸν ἀρρηνός, καὶ αἰχρὸν καλῶς; ea ratione se habet ad formam materia, vt ad marem foemina, & ad pulchrum turpe, nihilq; aliud est hic materiæ appeti-

petitus, nisi ad recipiendam formam inclinatio, ipsi à natura insita. Cum enim materia ex se & sua natura turpis sit, & imperfecta priuataq; omni decore & pulchritudine, vt scholę loquuntur, necessariò id, quod ipsi vltimum complementum, & perfectionem dare potest, naturaliter appetit; Ita etiam dico, cum hydrargyron materia proxima metallorum, minerale sit, cum ob humiditatem nimiam, terrestriumq; impuritatum, quibus scatet, abundantiam, ita imperfectum, & defectuosum, vt vix vlla arte, aut industria humana corrigi possit, ac nihilominus à natura ad vltiorem perfectionem ordinatum sit, ipsumq; ex se quoque perfectionem, vti & solidam, consistentiam affectet, hanc vnicam ab authore naturę accepisse videtur pręrogatiuam, vt mistum auro & argento veluti in perfectiorem formam, humiditate illa nimia aliquantisper suppressa redigatur, auri verò argentiq; benefica vi, cum nisi per mutuos amplexus, frui non possit, ad illa veluti potentia, ad actum, purum quiddam ad impurum, ad pulchrum, turpe appetitu naturali confluens, eis se vnit, donec eiusdem humiditas auri calore, argentiq; siccitate frigiditas retusa, idq; inconstanti illa fluxibilitate eorum ope exutum, solidescens, intentam consistendi formam tandem adipiscatur. Currit igitur hydrargyron ad dicta metalla tãquàm imperfectum ad perfectum, turpe ad pulchrum, potentia ad actum, vt ab ipso perficiatur decoreturque, ac tandem pro varijs dispositionibus in vnum physicum compositum, aurum inquam, vel argentum coalescat. Adhæsiō itaque perficitur hac viscositate, qua abundat hydrargyron, & subtili quadam vi penetrantissima, qua intimam substantiam alterius metalli subito permeat; quę per fluxibilitatem, mobilitatemq; mirum in modum promouetur: argentum autem siccitate sua maxima, nimiam humiditatem eius aliquantulum retundit, aurum à superfluis curat terrestitatibus; quas mutationes deinde sequitur intenta transmutatio. Vides igitur nihil in huiusmodi actionibus Magneticum esse, sed vnitionem huiusmodi metallorum cum hydrargyro, dictis sibi appropriatis qualitatibus perfici. Pari ratione cum videmus, aurum cum argento chrysocolle, siuè borace coalescere, ferrum cum ferro, creta

Hydrargyron
appetit aurum,
vt materia for-
mam.

in puluerem redacta madefactaq; igni violento exposita coire; stannum cum plumbo, cupro, ferro, argento, sola pice græca in vnum conglutinari: non, vt multi ignari perperam opinantur, ea actio inter Magneticas connumerari debet, cum hæc non occultis; sed primis, aut secundis qualitatibus ordinariè peragatur.

Coagmentatio
Argenti viui.

Quis non miretur solo vapore, halitu, seu fumo materiæ ex stanno & plumbo commixtæ, stannum, cum argento viuo, ita coniungi indurarique, vt colore ac duritie argentum verum si non superet, saltem malleum quantumuis sustinens adæquet, & nisi ego veritatem rei experimento comperissem, nec vt id crederem induci vnquam potuissem; Cum igitur eodem plumbi vapore, vt experientia docet, aurum cæteroquin solidissimum in puluerem redigatur, non est dicendum, argentum viuum in aurum ingressum habere, vt in substantiam ferri Magneticus odor, vt quidam è Chymicis volunt.

Varia experientia
in transmutationibus
metallorum.

Quod similiter dici velim de cæterorum mineralium metamorphosi, vt dum ferrum in æs vitrioli virtute; stannum verò in plumbum ope salis armoniaci; hydrargyrum sulphuris actione in cinnabarin; plumbum aceto in cerussam, & hæc ignis vi in minium vertitur; neque vllus Magnetismus interuenire potest, cum in aqua regia argentum dissolutum æri, æs in ea liquatum ferro, mira quadam ratione adhærere experientia docet; sed hæc omnia per qualitates vtrique metallo conuenientes fieri necesse est. Hinc ridendi sunt, qui transmutationem metallorum Magnetica quadam vi certis herbis, veluti Napelli, pardalianches, doronici succo insita, peragi posse credunt. Certè non succis, vt verbo rem totam absoluam; sed vapore metallico conueniente, omnes transmutationes fieri, nos ipsa experientia docet, cuius *πρωτότυπον*, quicumque in hac materia quicquam perficere cupit, in omnibus proponendum sibi esse existimet, nisi opus & operam perdere velit. Vapore autem solo metalla coniungi, docet sequens experimentum.

Experimentum 1.

Fiat mistura ex stanno, & plumbo cum pice græca, quam seorsim pro medicina referuabis, quo facto, efformetur ex terra figulina glumus quidam, cui imprimas foramen ligno aliquo, in fundo verò huius expones misturam, quo facto per hoc foramen liquefactum in crucibulo stannum infundens, & antequam congelascat, eo perforato denuò quantocyus Mercurium infundes, qui odorem, seu expirationem misturæ sentiens, totam stanni substantiam peruadet, & in vnam cum stanno substantiam coagulabit, quam si aquæ officinæ Fabrorum, in qua ferrum candefactum extingui solet, vnius diei spacio imposueris, in ferream prorsus duritiem declinabit; quod si argento hydrargyron coniungatur, atque alterius similis misturæ expiratione coaguletur, eundem effectum consequeris; ego cū in Arabico manuscripto Chymico, quod penes me habeo, huiusmodi experimentum comperissem, facilitatemque miratus cum eius periculum fecissem, res successum non penitendum sortita est. Trahit igitur stannum Mercurium mediante expiratione, non ex virtute quadam Magnetica, sed virtute Elementari, cum enim hydrargyrum substantiæ sit admodum humide, exspiratio autem contrariæ qualitatis siccissima sit, hinc fit, vt vapor subtilis, subtiliatam hydrargyri substantiam, dilatatamq; momento penetrans in vnam cum stanno substantiam coagulet; quam rationem aliud experimentum probat; si enim in globo quodam æneo hermeticè clauso hydrargyrum, cum arsenico, & tartaro anaticè, & ritè contusis impositum, igni forti 6. horarum spacio imponas; absoluto opere, aperta que ænea pila, totum hydrargyrum coalitum argentei ad instar corij cōcauo pilæ adharere comperies; non igitur coalitum est, nisi virtute caloris, & arsenici tartariq; corrosiua, & siccatiua quadam facultate; qua illius humor concrevit. Hoc loco omittere nequeo, quin Lectori egregiam experientiam, quæ multis non exiguam admirationem peperit, dum argenti, & hydrargyri vi in phiala vitrea certam misturam attemperatam, in arboris figuram mira quadam ratione excrescere vident, communice-
cem; Ita autem res sese habet.

Modus coagu-
landi hydrargy-
ron.

Experimentum
aliud.

Ex-

*Experimentum 2.**De Arboribus metallicis.*

Arborem pro-
ducere in phia-
la vitrea.

Argentum pro magnitudine vasis dissoluatur in aqua Regia, vaporeque abeunte, in fundo sedimentum quoddam vnguenti adinstar residere comperies: huic sedimento superaffundes aquam ab omnibus fecibus benè depuratam, vasque vehementi motu circumduces, vt sedimentum aqua, quam optimè fieri potest, commisceatur. Hanc postea aquam in aliud vas vitreum infundes leuiter, ne impurior aqua nitorem vitri inficiat, huic addes Argentum viuum aqua portione argenti, & statim Mercurius Lunam attrahet, coituque isto figuram nasci veluti arboris cuiusdam infinitis ramis ornatam, non sine admiratione intueberis. Hoc experimentum Lugduni in Gallia apud eximium Chymicum non parum attonitum me spectasse memini.

Experimentum 3.

Alumen vt fiat?

Cum superiori anno Fodinas, officinasque Aluminarias Tolsæ lustranti, inter alia multa admiratione dignissima, arborem quoque ostenderent prorsus chrySTALLINAM, seu adamantinam; operis præfectos obnixè rogabam, vt eiusmodi conficiendæ rationem aperirent; quod haud grauatè præstiterunt, ita autem operantur. Lapides Aluminis Fodina erutos, coctosque in calcem frigida resoluunt; hanc calcem in fornacem in prægrandis cacabi formam, cuius fundus ex ære campano sit oportet, conijciunt; validissimoque supposito igne, aquam in quam calx resoluitur, per canales in vasa quædam, ex asseribus quernis, aut Ilicinis, (aliud enim lignum huic operi ineptum est) ruditer compacta diducunt, & ecce lignum mox aquam attractam in Alumen conuertit, ita vt latera vasorum tota chrySTALLINA, seu adamantina, singulis particulis, frustulisque Aluminis in hexagonas figuras abeuntibus, esse videantur. Huic aquæ si ramum, aut arbusculum quernum cortice prius

exutum vna nocte imposuerint, postero die impositum ramū <sup>Arbores alu-
minariae.</sup> Aluminaria incrustatura totum in chrystallinam, seu adamantinam arborem conuersum, non sine admiratione reperiunt; hoc artificio statuas, cruces & omnis generis figuras ex querno prius ligno effiguratas, Alumine ita vestiunt, vt chrystallum diceret; Hæc autem omnia nullo negotio in quouis fornaculo, fundo æneo constante, confici poterunt.

Hoc inter cætera etiam mirabile prorsus comperi, arboris Cypressi ad instar in vitro productionem, ita autem faciunt Chymici, Mercurium præcipitatum per amalgamationes intra 3, aut 4 menses forti igne adhibito, dum conficiunt; inueniunt, totam materiam in ipso vitro in pulchras quasdam excrescentias Cypressi instar excrescere; quas ita foliatis non sine intuitum admiratione spectandas proponunt. Planta verò ex cineribus resuscitanda, vtrum fieri possit? & qua arte, seu magisterio id fieri possit & debeat; alibi volente Deo trademus; misit nō ita pridem ad me Illustriss. Dñs Bernardus, S.R.I. Comes de Martiniz Cæs. Maiest. à Cubiculis, pro incredibili, quo erga omnes bonas artes, eorūq; Alumnos fertur affectu, simile quoddam secretum; cuius, cum necdum experimentum sumpserim; idq; sub promisso silentio communicatum sit; consulto prætereo.

Planta è cineribus resuscitata.

Q V A E S T I O I I.

*De Lapide Phosphoro, siue Luminari: quis sit?
& an Magneticè lumen trahat?*

INuentum non ita pridem in agro Bononiensi fossile quoddam, quod certa ratione præparatum, luci; expositum, eam ita imbibit, ita tenaciter eam sibi incorporat, vt si loco tenebroso ex theca depromptum exponatur, conceptam lucem conseruatamq; non secus ac viuos carbones non sine intuitum admiratione diffundat: & quamuis insignis ille Fortunius Licetus in suo de Litheosphoro libello, eum in solo agro Bononiensi reperiri dicat, ego tamen huius quoque mineræ apud Tolfam, & in loco, vbi lapides aluminis, vulgo Alume di Rocca, fodere solent, haud obicura indicia reperi; quæ Bo-
no-

Signa lapidis
luminaris.

Præparatio eius
ad lucem inhi-
bendi.

Quomodo in-
cludendus.

Quanto tem-
pore leui ex-
ponendi.

Lucem conce-
ptā in tenebris
fundunt.

nonienſi qualitatibus prorſus ſimilis eſt ; eſt enim huiuſmodi
foſſile maſſa quædam Gypſo-ſulphureo ſelenitica multum
Arſenici, Antimonij, chalcanti admixtum habens, & gypſum
quidem calx, in quam facillimè reſoluitur ; graueolentia ſul-
phur ; diaphaneitas ſelenitim ; viſ cauſtica, & pſilotrica, ,
ſeu pilorum deterſiua arſenicum ; antimonium ad vomitus
concitatiua facultas : chalcantum denique mordacitas ſatis ſu-
perq; demonſtrant ; qui effectus in Bononienſi quoque ineſſe
reperiuntur . Ita autem ad lucem imbibendam præparatur.
Lapis, vel integer, ſi purus ſit & melioris notæ, in furnulo ad
id conſtructo calcinatur, vel ſi impurioreſ partes admixtas ha-
beat, in pollinem tenuiſſimum reductus, ouorum albumine vel
etiam aqua communi, à quibuſdam etiam oleo lini in vnam
maſſam redigitur, quæ, ſi poſt primam calcinationem, lucem
non conceperit ; toties huiuſmodi calcinatio repetenda eſt,
donec optatum effectum conſequaris, quem effloreſcentiæ
quædam minutiſſimi roris grana referentes, quas ad ſuperfi-
ciem ſudare videtur, & in quibus maximè virtus lucis conce-
ptiua, ſine alterius rei permiſſione reſidet, ſignificant. Hac
igitur ratione præparatus lapis, ſcrinijs quibuſdam, ſiue arcu-
lis ad id præparatis imponitur : ſi itaque ſuffuratum lucis
ſplendorem Amicis oſtendere deſideres, lapidem cum theca
Solis diurno ſplendori, vel ſi Sol non fulgeat, diurnæ luci, aut
etiā creſpſculinæ, necnon ſi noctu, igni valido facibuſq; ac-
cenſis expones (ex omnibus enim hiſce lucem attrahere, ac
in ſe deriuare poteſt, etſi cum proportionem quadam, ita vt
quo lux fuerit eminentior, tanto copioſiori, efficaciſſimè
lumine lapis quoque in tenebris coruſcaturuſ ſit) luci expoſi-
tos lapides aliquantiſper, puta quadrantem horæ, ad perfe-
ctiùs & intimiùs fæturam lucis in ſe concipiendam theca
clauſos, in obſcurū mox deferes, apertoq; ſcrinio, videbis illos
lucem non ſecus, ac carbones accenſos de ſe diffundere, quæ
tamen non perpetuò durat, ſed pro bonitate lapidis, aut conce-
ptæ lucis abundantia nunc plus, nunc miniùs durat, quæ du-
ratio tamen horam nunquam, niſi denuò luci exponantur, ex-
cedere ſolet. Sed paulatim virtute ſacceſcente extinguitur ;
experientia tamen docet, ipſam clauſa in tenebris pyxide,
diutiùs

diutius lumen conceptum conseruare. Nota quoque hanc vim lucis conceptiuam in lapide hoc non permanere; sed veluti effatam cum tempore non secus, ac Magnetis intermori, vbi videlicet vis ipsa per halitus igneos subtilissimosq; calci admistos exspirauerit.

Huius igitur lapidis prodigiosi spectacula, vti maximam apud Philosophos excitarunt admirationem, ita animos quoq; multorum illa luce sua mirabili, ad tam rari effectus causam, omni studio inquirendam vehemēter accēderunt; vndē quidem, vti in rebus nouis & raris fieri solet, variæ emerferunt variorū opiniones; Alij quidem, cum viderent hoc lumen inclusum pyxide ferri ad locum tenebrosū & ibidem conseruari sine vlla à corpore lucido dependentia, lumen corpus esse existimarunt, contra quam communis Philosophorum Schola sentiat, & lapidem trahere lucem ea ratione, qua Naphta ignem, & Magnes ferrum trahere solent; Quidam voluerunt lumen in hoc lapide cælestis & igneæ substantiæ qualitatem esse, & non secus, ac omnia alia Noctiluca, in obscuro lucere. Nonnulli lapidem à lumine ambiente accendi, secundum particulas atomas, in quas assiduē resolui volunt; alij alia comminiscuntur.

Varie variorum
opinionēs de
hac luce.

Sed omnes has adductas rationes & causas friuolas esse, fallaces, nulloq; veritatis fundamento inniti ex sequentibus patebit, & contra primam quidem sententiam ita concludo; si enim ideò hoc lumen corpus esset, quod separato loco à lucido corpore conseruari possit; non esset ratio, cur idem de lumine & calore in ferro candente dici non deberet, cum non secus, ac lux in lapide nostro absente Sole, ita & calor lumenque in ferro candente, causa absente, id est igne extincto conseruari aliquandiū possit; sed nemo Philosophorum hucusque calorem & lumen in ferro ab igne productum corpora dixit, ergo falsa est sententia, ergo non est essentialis luminis præsertim secundarij, cuiusmodi hæc nostra lux est, à lucido corpore dependentia, ita vt remoto corpore luminoso, non aliquandiū remaneat lux secundaria; sed subito intermoriatur; hoc enim contra manifestam experientiam est, notamus enim ad niuium Solisq; aspectum ita lucem nos imbitere,

vt

vt locum vmbrosū ingressi cæci reddamur ob species luminis oculo impressas. Secundo sequeretur etiam Magneticam vim corpus esse, siquidem transferri potest ex Magnete in ferrum & ibi remanere, etiam destructo Magnete causa qualitatis produtrice; & consequenter omnes qualitates; quodquā absurdum sit quis non videt? Ad alteram sententiæ partem nego, hunc lapidem ea ratione lucem trahere, qua Magnes ferrum, aut Naphta ignem; Cum nulla in hac operatione interueniat attractio; magnes enim præterquam quod ferrum alteret producendo in ipso qualitatem, quæ se bono suo perfectiuo coniungere possit, etiam certa ratione id disponendo situat, quorum nihil in hac luminis communicatione contingit; neque enim lapis alteratione locomotiuā hac luminis susceptione incitatur, neque vllum etiam certum situm in ordine ad aliud acquirit; sed se merè passiuè ad lucem recipiendam habet; ergo neque vlla ratione dici debet, hunc lapidem lucem, quemadmodum naphta ignem, trahere; cum diuersa vtriusque ratio sit; neque enim naphta, propriè ignem trahit; sed ignis dum vaporosam Sphæram, quam Naphta continua exspiratione sua pingui & inflammabili fundat, attingit, totum istum bituminosum vaporem tanquam medium inflammationi aptissimum, quasi in momento accendit, & sic ignem trahere videtur; Naphta igitur ignem non trahit, nec ignis Naphtam, vt vulgus putat; sed ignis, ad Naphtam, tanquam pabulum longè gratissimum, quantum potest se propagando, accurrit. Non secus, ac si post extinctam candelam fumo exhalanti, quantumuis ab elychnio remoto, candelam aliam accensam admoueamus, statim fumum istum accensum se paulatim propagando, candelam extinctam denuò accendere videmus: hac ratione fulgura quoque & pleraque meteo-
ra ignita vt virgæ, quas stellas cadentes vulgus nominat, quæ tamen Magnetismo carent, accendi solent: verum hanc operationem pulchrè quoque demonstrat experimentum, quod supra de fulgure per vaporem quintæ essentiæ vini accensum exhibendo, proposuimus. Patet igitur nullam in lucis conceptione lapidi nostro propriam actionem Magneticam interuenire. Quomodo igitur lux in hoc lapide imbi-
bita

Non trahit lucem, vt naphta ignem.

Quomodo naphta ignem trahere dicatur.

bita conseruetur, aut quænam huius prodigij vera sit ratio, iam restat, vt videamus; ac primò quidem nego hanc lucem esse qualitatem à cælesti quadam substantia in lapidem derivatam, cum quomodo hæc qualitas ex se incorruptibilis descendens, lucem in lapide nostro, non nisi exiguo tempore, durantem producat? aut quomodo accensus in atomas particulas continuò sine maxima inconuenientia, & naturalium virium repugnantia resolui possit? dispicere nulla ratione valeam; quæ omnia libenter hic fusiùs ostenderem, nisi id egregiè, ac per quàm erudite in suo Litheosphoro præstitisset, què supra citauì, Fortunius Licetus. Dico itaque lumen in lapide nostro productum, non eiusdem esse rationis cum lumine in Noctilucis, vt multi Philosophorum perperam sentiunt, resurgente; Si quidem lumen in Noctilucis, vt in quercu putrida, cincinnis, oculis felium, capitibus piscium quorundam, ostreis putribus, mucore nauium, similibusque, non à corpore luminoso producitur, sed omnia dicta lucem propriam, nõ secus ac ipsi carbunculi propriam cæteri; lapides pretiosi, ad certos fines à natura insitam, qua in tenebris fulgeant, habent; quod de lumine lapidis nostri nonnisi ab extrinseco sibi communicato dici neutiquam potest. Iterum lumen in noctilucis cum subiecto, cui inhæret, perennat; secus dicendum de lumine nostri lapidis, quod simul ac acquisitum est, non multo post tempore paulatim extinctum, in chaos suum relabitur; vt igitur genuina ratio huius luminis detur. Suppono Primò aërem à Sole illuminatum, vapore quodam subtilissimo & luci concipiendæ aptissimo refertissimum esse. Secundò lapidem nostrum per calcinationem, excoctionemque ab omni terrestri sordium miscella ita purificari, vt attenuata rarefactaq, ipsius substantia crassiori densiorq, per pororum apertionem aptissimum corpus concipiendis vaporibus lumine, qualicunq; perfusus, quibus aër præsentem lucido corpore, vel igne, aut Sole plenissimo scateat, reddatur. His igitur ita suppositis, cū poris per calcinationem apertis, lapis noster siccitate sua bibula vapidum illud lucis fætura grauidum, naturaliter appetat, atque non secus ac spongia vicinum humorem, Magnes albus, spodium, similiaque gypseæ naturæ corpora, labia

Lux lapidis à
Noctilucis
differt.

labia madefacta, carnes, aliasq; humidioris substētiae res attrahat; fit, vt vapidum illud, luce iam informatum à lapide sitiundo attractum, inibi intra poros recipiatur, ibiq; actuali frigiditate lapidis cogatur, arctèque cum proprijs partibus tenuioribus, & ob salinitri copiam translustribus, magisq; perspicuis copulatum, in vnum corpus lucidum coalescat; Cum verò vapidum illud illuminatum lapidi adiunctum, à calce, cui permistū est facile consumatur, lumen quoque, cuius dictum vapidum veluti vehiculum quoddam est, vnà cum vapido destrui, necessè est. Et ne quispiam, omnem calcem hanc proprietatem habere existimet, ille sciat, misturam huius lapidis eiusmodi esse, vt cum vapido ex sua quoque parte ad lucem concipiendam concurrat, ob Antimonij & salinitri misturam, quæ in alijs locum non habent.

Confectarium.

EX dictis sequitur, qua ratione multa eaque admiratione dignissima spectacula huius fossilis ope, quæ ob raritatem suam non minimum inter Magiæ naturalis sacramenta locum obtineant, in tenebris exhibere possint; v.g. Christū Dominū plagis fulgentem, paradisi gloriam, calce iuxta Sciographicas regulas disposita; oculos animalium fulgentes: vt statim in tenebris inuisibilia, mox visibilia reddantur, atq; innumera alia, quæ quivis pro ingenij sui sagacitate excogitare poterit.

Mirabilia quæ
huius luminaris
lapidis ope ex-
hiberi possunt.



LIBRI TERTII
MAGNETICI MUNDI
PARS QUARTA.

Ἦ δὲ μαγνητισμός,

id est

De Magnetismo Solis, & Lunæ in maria, siue
Elementum aqueum.

CAPUT I.

*De mirabili facultate Luminarium in inferiora,
siue de æstu Oceani, cæterorumque marium
fluxu, & refluxu.*

NEMINEM arbitror esse adeò ἀθεόν, & Epicuræum, qui
maxima huius mundi Luminaria, eorumque admi-
rabiles facultates penitiùs contemplatus, cum Pro-
pheta non exclamet, *Domine consideraui opera tua*
& *expaui*; Quis non videt, quàm sapienti Dei Opt. Maximi
consilio, ea cum ad rerum productionem, tum ad earundem
conseruationem, sint disposita? Sol quidem naturali suo calo-
re, inspiratione, actione radiationis, & vi quadam fecundatiua
dans rebus formam, quid aliud nisi patris, & maris exercet of-
ficiū? Luna verò, dum vberibus turgens, certum succum ali-
mentumque vnicuique iuxta humidi radicalis materiæq; ge-
nitalis conditionem instillat, quid aliud nisi benignæ matris
exercet officium? hac noctis, illo diei sibi partito imperio ven-
dicante dominium; vt quod nimio Solis ardore interdiū to-
stum fuerit, illa refrigeret noctu, humorisque sui energia,
emolliat, humectetque, inferiorisq; mundi materias, ad actio-
nes solis vitales faciliùs recipiendas aptet, disponatque. Hinc
oritur magnum illud, & admirabile coniugium, Galli istius cæ-
lestis, vti prisca sapientes loquuntur, cum Gallina cælesti, quo-

Vu rum

Sol in Cælo Pa-
tris: Luna Ma-
tris officium
exercet.

Cōiugium na-
tura.

rum frequenti cōoperatione, atque congressu fæcundo, gēnita-
lis liquor in hæc inferiora distillatus, innumerabilem quotidie
producit ouorum multitudinem, quæ sinu tam terre, marisque,
quàm animalium excepta, fota, ac demum exclusa, eam rerum
formarumque terra, mari, aëre prodeuntium varietatem, quam
quotidie oculis intuemur, causatur. Verùm cum hæc omnia,
notiora sint, quàm vel dici debeat, solùm hoc loco restare vi-
detur, vt qua virtute tam admirabiles in inferiori mundo effe-
ctus præstentur, disquiramus. Videmus enim res quasdam eo-
rum præsentia, ita delectari, vt latere non possint, quin se
explicent, ac veluti in cælestium parentum à quibus vitam
merent, & conseruationem, amplexus ruant, & vt aliquibus
videbitur nulla alia, nisi magnetica quādam facultate atque
energia ipsis propria attracta, qua Sol, & Luna non in mare
tantum, eiusque numerosam viuientium propaginem, sed & in
totius vegetabilis sensitiuæq; naturæ familiam dominiū suum
exercent, vt iam dicetur; ac primò quidem de mirabili vi æstus
marini à Lunam concitati, & an vis illa sit magnetica, qua Luna
adeò varias Oceani commotiones causatur, explicare aggredia-
mur; deinde vtriusque Luminaris vim in mineralia, vegetalia,
& sensitiua peculiaribus quoque capitibus disquisituri; singu-
lorum effectuum varijs prius experientijs comprobatorum
causas assignare studebimus.

CAPVT II.

*De fluxu & refluxu maris, varijsque alijs
eiusdem motibus.*



MOTVS Oceani, cæterorumque marium particularium
varios atque multiplices esse, quotidiana experien-
tia cum ijs, qui mare accolunt, tum Nautis, qui in-
gentia maris vtriusque interualla vtrò citròq; con-
tinuò, suscepta in nouum orbem Orientemque nauigatione,
conficiunt, innotuit. Nam præter eum, qui ventorum impulsu
causatur, motū omnibus maribus communem, alios 4. adhuc
differentes maris motus obseruarunt; quorū primus est, qui se-
mestri

mestri spacio, à Septentrione in Austrum, & contra procedit. Constat enim Oceanum ex Boreali mundi angulo vehementi quodam impetu versus Australem plagâ prorumpere in Oceano Atlantico, quo fit, vt qui ex Lusitania, aut Insulis quas Azores vocant, versus Bonæ spei promontorium iter faciunt, id citiùs, quàm contra conficere. Durat autem huius fluxus vis, & efficacia semestri penè spacio, à Septentrione quidem in Austrum, & ab Austro in Septentrionem alio semestri, neque in omnibus maribus id fieri credendum est, sed in ijs tantum, qui ex Septentrione in Austrum recta porriguntur, qualia sunt Oceanus Athlanticus, & Iaponicus siue Chinicus; Qua ratione verò id fiat aperiam. Cum Sol perpetuò radijs suis perpendicularibus Zonæ torridæ plagam feriat, fit vt calore suo ingentem aquarum vim attractam, partim attenuando in aërem, partim in nubes conuertendo consumat, atque proindè nimia aquarum consumptione Zonæ torridæ tractus veluti euacuatos, decliuiores reddat: Septentrionalis verò Oceanus, vtpotè extra omnes Solis radios constitutus, humidissimo suo temperamento plerumque circumuicinum aërem in se conuertendo, continuum aquarum incrementum suscipiat, seque in consumptarum aquarum locum, ita dispensatrice rerum natura ordinante substituat; fit vt aquis sub Zona torrida laborantibus, hic maximo suo incremento subueniat, vti diues egeno, omnibus partibus ad totius conseruationem conspirantibus. Sole itaque Australia signa tenente, Oceano torrido & aquis priuato, Boreus Oceanus aquis liberaliter suppeditatis, earum defectum omnibus modis refarcire conatur, quod & Oceanus Australis Sole Septentrionalia signa subeunte facere satagit; vnde torrido & macilento Oceano, semper ex alterutrius Oceani ditioris penuario singulis semestribus alternatim veluti annona quædam à prouida natura deputatur, defectum vnius excessu alterius, ne in necessarijs deficiat, supplendo: huiusmodi itaque motus in Oceano à nautis plerumq; obseruatur: In mari verò Mediterraneo, etsi motus aliquis à Septentrione in Meridiem, videlicet in Propontidis freto, idest Phosphoro Thracio notetur, non tamen is semestris est, neque à causa eadem, qua alter dependet; cum

Motus maris ex
 Borea in Austrum
 & contra Semestris.

In mari Mediterraneo
 motus
 ex Borea in Austrum vnde?

hic non tam à Sole, quam ex ingentium Danubij, Boristhenis, Tanais, aliorumque maxima aquarum mole onustorum Fluminum in pontum diffusionem causetur; quo fit ut totum illud mare Euxinum continua labentium aquarum mole impeditum, neque vllum æstum regularem, neque tranquillitatem admittat; sed potius australia littora perpetuo quodam bello infestando, nihil aliud quam exitum quærere videatur, quem cum infractis scopulis obnitentibus non inueniat; totum furorem versus Propontidis portas conuertat, ut illic quæ data porta ruat, spumantesque ad littora fluctus illidendo, æstu vltro citroque cuncta repleat.

Motus maris ex
ortu in occasum.

Commodissima
Nauigatio ex No-
ua Hispania in
Ins. Philippinas.

Nauigatio ex
Insulis Philipp.
in Nonam Hisp.

Alter Oceani motus fit ex ortu in occasum, diuturna enim experientia obseruatum est, multo breuiori temporis interuallo ex Lusitania in Mexicum, atque ex India versus promontorium Bonæ spei, quam contra confici; quod quidem nequaquam foret, si motus maris ex ortu in occasum, non foret rapidior. Imò qui ex portu Acapulco Nouæ Hispaniæ in Insulas Philippinas nauigare solent, ex dicto portu, vbi perpetua ferè malacia est, ad 10 gradum versus Austrum recta contendunt, & iuxta dictum decimi gradus parallelum, tam feliciter in occasum nauigant, ut immotis velis spacio 85 dierum 3000 milliariorum interuallum conficiant, nec cursum, aut vela mutant, nisi ad Insulas (Ladrones), vbi derelicto parallelo 10, ad 13.^{um} nauim dirigunt, ut os Insularum (la bocca de las Islas vocant) recta ingrediantur, sicque vitæ periculis Maris tantum tandem obtineant. Totum igitur iter maritimum, tertiam orbis terræ partem, nonnisi spacio trimestri hoc Orientali vento, qui nunquam Nautas fallit, conficiunt; vnde ex Malucis sub decimo parallelo Nouam Hispaniam petere impossibile est, utpotè vento perpetuo contrario, sed necesse est, ut nauigaturi ex Insulis Philippinis in nouam Hispaniam, quadragesimum gradum latitud. Borealis adeant; sub hoc enim à ventis Borealis, qui perpetuo in ora illa Americæ Septentrionali regnant, impulsus, breui tempore portum Californiæ obtinent. Ita mihi oretenus narrarunt Pater Simon Cotta, & Pater Didacus Bobadilla Insularum Philippinarum Procuratores, qui dictum mare iam bis sulcauerant;

Mire

Mirè hic quidam Philosophi, in assignanda huius effectus causa torquentur, Copernicani more suo omnia Magnetico terræ secum & aërem & aquam rapientis, motui ascribunt; Keplerus Terram & Lunam aquas, non secus ac Magnetem ferrum attrahere arbitratur: & terram quidem aquas trahere fortius Luna, alias in Lunam trahendas: verba eius sunt.

Si Terra cessaret attrahere ad se aquas suas, aquæ marinæ omnes eleuantur, & in corpus Lunæ influerent. Orbis igitur virtutis tractoriæ, quæ est in Luna, porrigitur usque ad terras, & prolecat aquas sub Zonam torridam, quippè in occursum suum quasi in verticem loci incidit, insensibiliter in maribus inclusis, sensibiliter ibi, ubi sunt latissimi alvei Oceani, aquisque spaciōsa reciprocatōis libertas; & paulò post: celeriter verò Luna verticem transuolante, cum aquæ tam celeriter sequi non possint, fluxus quidem fit Oceani sub Zona torrida in Occidentem, quoad impingit in contraria littora, curuaturque ab ijs: dissoluitur verò discussu Lunæ concilium aquarum, seu exercitus, qui est in itinere versus torridam, quippè desertus attractu, qui illum exciuerat, impetuq; cepto, ut in vasis aquaticis remeat, & assultat ad littora sua, eaque operit, gignitq; impetus iste per absentiam Lunæ impetum alium; donec Luna rediens fræna impetus huius recipiat, moderetur & una cum suo motu circumagat. Quo quidem discursu si aquas Magnetica quodam vi analogâ ad Magnetem verum allici afferat; ei non facilè contradixerim; si autè vim ex Lunari corpore verò Magnete propriâ profluere senserit, ei non possum non contradicere; vti ex ijs, quæ supra dum eius circa cælorum motus opinionem examinaremus, fusè refutauimus, patet. Accedit quod effectus Oceani ex ortu in occasum moti, Lunæ omni ex parte ascribi nequeat, cum iste effectus quasi perpetuus Lunam præsentem & absentem consequatur. Melius igitur philosophabimur, si huius maris motu, causam Solis ex ortu in occasum deuolutionem dicamus. Cum enim torridam plagam, Sol perpetuo ferè normaliter feriat, atque ingentem aquarum molem, quotidie radijs suis attractam attenuatamq; vel in aërem, vel in nubes conuertat, in consumptarum aquarum attractarumq; locum, necessariò alias ab ortu aut ab utroque

In Comm. de
Motu Martis.

Causa motus
maris ex Ortū
in Occasum.

latere substitui necesse est. Cum verò hæc aquarum attractio iuxta Solis ab ortu in occasum moti semitas perpetuo fiat: effectum hunc aquarum perpetuò futurum quis non videt? Cur verò sub 40 gradu incipiant venti Boreales in mari pacifico, causa est rarefactio vaporum sub Zona torrida eleuatorum in Borealem plagam se longè lateq; diffundentium, vbi à superueniente frigore arctato repulsi, ventos memoratos causantur: eadem ratio est, cur ventus sub Zona torrida in mari del Zur perpetuo sit Orientalis; Sole enim surgente rarefacti vapores in ortum se diffundentes, recedente Sole ad occasum, à frigore anticipante aut posticipante arctati in ventos abeuntes, tum à lateralibus frigoribus repulsi, in occasum ruunt, motum Solis secuti.

Motus maris
mensiuus.

Tertius motus maris Menstruus dicitur, eò quòd singulis mensibus bis crescat & bis decrescat; Lunæ nunc incrementa, nunc decrementsa affectans, de quo motu inferius fusiùs disceptabitur.

Motus curren-
tium.

Quartus motus maris currens dicitur; Qui vt intelligatur notandum est, motum maris varios cursus, certis in locis habere, quos currentes Nautæ vocant. Qui enim ex Insulis Fortunatis in Mexicum soluunt, currentibus Oceani maxima parte vehuntur, qui tamen intra Insulas Cubam & Hispaniolam, & nouæ Hispaniæ continentem adeò sunt vehementes, vt fluminis cursum referre videantur; nauibusque semel in eas fauces coniectis, nulla vnquam retrocedendi facultas detur: imò ex Mexicano sinu in Lusitaniam soluturis, littora Virginie & Floridæ tenenda sint, vt naus cursum suum tenere possit, cuius quidem rei ratio alia non est, nisi quod Oceanus ex Borea in Austrum maxima vehementia ruens, in capite, seu promontorio candido (Cabo bianco id vocant) illisus reflexusq; cursum suum versus Insulas Cubam & Hispaniolam dirigat, vbi inter fauces conclusus constrictusq; vehementes commotiones fluctuum excitat, cum verò in sinum vsque Mexicanum continuatus ibi exire vetetur, ad littora Virginie & Floridæ cursum decircinans ibi summo impetu libero Oceano reddetur, denuò à Borea in Austrum, & hinc in Occasum circulari motu impellendus. Iterum qui ex Insulis Maldiuus

Nauigantes in
Mexicum cur-
rentibus ferun-
tur.

versus

versus Insulam Romero's nauigant, currentes Oceani vehementissimos experiuntur, Oceano ad littora Asiæ & Africæ illiso, cursumque suum versus Insulam Sancti Laurentij reflectente. Præterea marinæ agitationis & motus ratio inter Brasiliam & Angolam in Africano opposito littore sub parallelo 10 Australi ita se habet; à 20 die Aprilis ad 26 Iulij mensis mare fertur in Zephyroboream: à 20 Iulij ad 20 Octobris haud admodum in ullam partem mouetur, à 30 Octobris ad 20 Ianuarij maris fluctus feruntur versus Austrozephyrū; à 20 Ianuarij ad 20 Aprilis, item nullo certo motu cietur; cuius causa motus Solis, Sole enim vernum quadrantem tenente, cum mare ex Borea in Austrum currens in promontorium Leonis illidatur, cursus eius necessario in opposita parte, quæ est Zephyroborea repercutietur; à 20 verò die Iulij ad 20 Octobris, utpotè vaporibus ex æstu Solis vicini in Boreali plaga consumptis, diminutoq; affluxu aquarū, mirum non est currentem quoque cessare. Sed redeunte Sole ad Aequinoctium Autumnale, aqua in Australi Oceano aduentu Solis rarefacta dilatataq; cum cursum suum sumat versus Africam, seu Manicongū vel Guineā, ibi reflexa recta feretur in Austrozephyrum; donec vaporibus ibi quoq; consumptis, affluxuq; aquarū diminuto, cesset per alterum trimestre spacium cursus Oceani in dictam plagam. Cur autem motus maris ab Insula Bella, & supra in Fretto Davis in Orientem & Meridiem ferè excurrat, cur item currens in mari del Zur sub Zona torrida ex Oriente in Occidentem; sub Zona temperata, cur ex occasu in ortum tendat, ratio est, quod Oceani cursus in Iaponiam & Chinam illisus, ibi per arcus in Boream factos, iuxta littora Americæ Septentrionalis reflectatur; dispositio itaque terrarum vnica currentium causa est. Quod & in mari Mediterraneo ita elucescit, ut ei proprius hic motus esse non incongruè dici possit, & varijs in locis varius omnino est, varias prorsus reciprocationis leges seruans; ita ut, quemadmodum non à me solum, qui magnam huius maris partem sulcaui, & propria experientia multa comperi, sed etiam à Nautis peritissimis obseruatum quoque fuit, hoc æstu corrente, mare veluti in gyrum abeat. Nam ab Hellesponto Occidentem

Causa currentiū

Dispositio terrarum causa currentium.

Varij motus
maris Mediter-
ranei.

versus flectitur, ac perpetuo eo cursus tenore circuit vni-
uersam oram Continentis ad columnas vsque Herculeas: inde
verò per oras Africæ, Aegypti, Syriæ, flectitur ad Solis ortū,
& ex vltimo angulo hinc iterum in occasum cursu motuque
priori prorsus contrario, inter littora Asiæ & Cypri versus
Ostia Archipelagi propagatur, vbi à Septentrionali motu ma-
ris vis æstus seu currentis fracta, quodammodo absorbetur,
finemq; fluendi facit. In fretis, vt Siculo & Gaditano, maxi-
mam vim obtinet, in sinubus circulos quodammodo affectat, vt
in Adriatico, in quibusdam locis æstum Oceani, statis horis
crescentem decrecentemque æmulatur; quorum causas infe-
rius dabimus.

Fluxus & ressu-
sus maris.

Quintus & vltimus motus fluxus & refluxus seu æstus pro-
priè dictus appellatur, quo videlicet, sex plerumq; horis mi-
rificè extollitur & diffunditur, rursus sex horis retrocedit &
deprimitur; atque de hoc æstu propriè hoc loco nobis dicen-
dum est; Hic æstus in Oceano adeò magnus est, vt qui ipsi
non inspexerint ægrè credant alijs narrantibus. In Belgio
flumina crescente maris æstu ad 12 penè leucarum interual-
lum, retrocedere cernuntur; Tamisis Londini 6. horarum
spacio tribus ferè passibus intumescit. Verum in mari Medi-
terraneo huiusmodi fluxus & refluxus omninò, si cū Oceano
comparetur, exiguus est, ita tamen certus vt ille; attamen
non ubiq; in mari Mediterraneo deprehenditur. Nam Tyr-
rheni, Ligustici, Gallici, Hispanici maris Incolæ nullum
prorsus sentiunt æstum; in cæteris locis, vt in mari Adriati-
co magis magisque sentitur. Quorum quidem omnium he-
teroclytorum maris motuum, vt veram causam demus, sit.

Q V A E S T I O.

*Virum Luna, & an Magnetica vi trahat
aquas maris?*

CUm admirandos huiusmodi motus maris accuratius
contemplantur multi in eam opinionem deuenere,
motus

motus huiusmodi prouenire ex attractiua quadam siue Magnetica propriè dicta Lunæ virtute, qua mare attractum alicubi intumescat, atque iterum alicubi deprimatur; sed qui nostras rationes inferius benè intellexerit, videbit Lunæ hanc attractiuam, seù Magneticam vim tribui nulla ratione posse, sed potius repulsiuam quandam vim & dilatatiuā; qua totum istum æstus marium prodigiosum effectum causatur. Quæ omnia vt enucleatius proponantur.

Suppono primò, huius marini æstus principales, & effectrices causas Solem, & Lunam esse; Solem quidem annui, seù semestris motus, quo iuxta proprium motum suum in Zodiaco, ex Austro in Boream, & contra tendit; & motus raptus, quo iuxta Solis ex ortu in occasum progressum, & ipsum progreditur; Lunam verò causam esse menstrui, quo iuxta incrementa, ac decrementa sua, & ipsum nunc magis nūc minùs æstuet; & diurni, quo videlicet 24 horarum spacio bis fluit & refluit ita quidem, vt quot sunt horum luminarium motus in cælo, tot & in Oceano motus reperiantur; quos & Possidonius apud Strabonem obseruauit his verbis: *Oceani verò motus syderis subit circuitum, quendam quidem diurnum, quendam menstruum quendam annuum, vt Lunæ etiam contingit; quo enim tempore ista Horizontem ascendit, mare terram ascendere incipit, sensu teste, quousque ad cæli medium Luna conscenderit; ubi verò declinare sydus ipsum caperit, sensim rursus à terra pelagus ad medium mare relabitur, donec ad occidentis punctum Luna descenderit. &c.* quæ sequuntur.

Quot sunt luminarium motus tot & in mari.

Suppono secundò, hæc duo luminaria, si secundùm se considerentur, qualitatibus omninò diuersis in mare agere, Solem quidem calore suo excessiuo id attrahendo consumendoque; Lunam verò fecunda tumefactione id augmentando, & tempore suo dilatando, rarefaciendoque, qua virtute nisi Luna imbuta foret, Sole omnem mundi humorem attractum, quo vnico partes partibus colligantur, consumente, machinam mundi dissolui necesse foret. E contra nisi Sol calore suo nimiam Lunæ humiditatem temperaret; humorum intemperie & ἀνεγρία omnia corruptum iri clarum est; Prudenter igitur ab authore naturæ prouisum est, vt vnum alterius impetum sisteret,

sisteret; atque mundus inferior hoc conueniente qualitatū miscibilium temperamento conseruaretur; Sol igitur communicando calorem & lumen suum Lunæ natura sua frigida & humida, temperamento isto causatur qualitatem istam Lunarem maris dilatatiuam; Inde fit, vt Sole eo tempore, quo radios suos Lunæ commiscere commodè non potest, mare quoque sileat, neque ullos æstus moueat, veluti in quadraturis, & dum versantur in diuersis quadrantibus; quæ tamen simul, ac in vno quadrante constituerint, mare tanto mouent potentiùs, quantò radios suos perfectiùs commiscuerint. Cur autem in diuersis quadrantibus constituta luminaria nullum æstum moueant, hæc ratio est, quod Luna, etiamsi solaribus radijs facta sit, nihil tamen agat, cum situm nõ habeat, vt aquas alterius quadrantis ciere possit, sed mox vbi vno in quadrante cū Sole cōstituerint, ex situ sibi congruo, mare incipiant mouere tam diu, quam diu Sol fuerit supra Horizontem; quo occidente, cesset quoque æstus mouere Luna, quia subtrahitur vis mari isti quadranti subiecto. Vnde æstus durat tot horis, quot horis Sol, cum Luna fuerit in vno quadrante; sed hæc fusius inferiùs in instrumento nostro halorhæometro explicabuntur.

Cur luminaria in
diuersis quadrā-
tibus constituta,
mare nõ moueāt.

Suppono tertio, Lunam semper eodem modo ad aquas se habere, quod si in quibusdā partibus istiusmodi motus non notetur, id nequaquam Lunæ, sed particularibus impedimentis (qualia esse possent varia littorum dispositio, montium, Insularum, fundi maris, fretorumque situs, diffusiones fluminum & similia effectum Lunæ retardantia) ascribendum esse,


His ita suppositis dicimus æstum maris reciprocum, nullam aliam causam, nisi Lunam vti humidorum omnium, ita cum primis maris Reginam & dominatricem habere; Ad Lunæ enim ortum mare intumescit, atque aquæ nutricis suæ exorientis aspectu veluti dilatata gaudio, alueo suo contineri nesciæ, vtrò obuiam procedentes ascendentesq; dominam suam continuo incremento ad Meridianum vsque comitantur; Ea verò descendente, & ipsæ Domina discessu ægrè ferentes, quadam veluti mæstitia affectæ, retrocedet es in alueum conduntur lugentes, eodem semper durante vicissitudinis

dinis cursu; Luna igitur ascendente, & ipsæ ascendentes in lit-
tore veluti tripudia, ac choreas quasdam instituunt, quas
cum descendente Luna finiunt, in alueos suos reclusæ; & hoc
quidem maris incrementum ab ascendente Luna esse, asserere
non esset difficile, nisi alia difficultas, quæ omnium penè phi-
losophorum ingenia mirum in modum hucusque torset, ob-
staret; dum capere nequeunt, qua ratione Luna sub Horizon-
te nostro constituta, aquas quas lumine suo non tangit, mo-
uere possit, què tempore quoque interlunij, vultu à terra auer-
so potentiùs, quàm alio tempore in mare agat? Cuius quidem
effectus causam nobis modò incumbit demonstrare; Quod
ut fiat. Nota primò virtutem, seu qualitatem, qua Luna mare
ita potenter commouet, duplicem considerari posse, vel attra-
ctiuam, vel repulsiuam, aut compressiuam, quarum vtramque
explicabimus, ab hac repulsiua initium facturi, quam qui-
dem, putamus, non Magneticam nisi *κατὰ τὴν ἀναλογία*, sed
vim quandam radiosam Lunæ propriam, maris ob spiritus
& halituum quos secum vehit; copiam, tumefactiuam;
seu quod idem, est teporem quandam ex calido, humido &
frigido, ita attemperatum proportionatumque, ut dum,
mare (quod ex se & sua natura ob aërem, & spiritosam salis,
qua constat naturam, tumoris appetens est) eo ferit, id mirifi-
cè inflando dilatet & rarefaciat; sed sine vlla attractione, at-
tenuatione, aut conuersione aquæ in aërem, quod Solis propriū
officium supradiximus, cum proprius huius teporis lunaris ef-
fectus sit, contraria ratione mare comprimere, pressum dila-
tare; hoc verò aëre in aquam dissoluto spiritu sibi indito di-
latatum rarefactumque sine vlla euaporatione ex sphaerica in
κονοειδῆ, siuè coniformem figuram diducere. Cum enim
Luna radio suo cono semper totum penè terreni globi he-
misphaerium comprehendat, hinc fit, ut dicta maris dilata-
tione totum aqueum corpus in duos tumores abeat, quorum
vnus Orientis, alter Occidentis hemisphaerium occupat;
atque adeò tota maris moles figuram conoidem induat, quos
quidem duos tumores, partim rarefactione, siue dilatatione,
ut ex parte hemisphaerij superioris, partim condensatione,
ex parte inferioris fieri, ita demonstro; Sit Horizon Physicus

Tepor Lunaris
causa dilata-
tionis maris.

676 LIB.III.MVNDI SIVE CATENÆ MAGN.PAR III.

A O terreni globi, T V linea Meridiana, Horizon verò Astro-
nomicus MI; linea verticis, seu Meridiana X H Præterea sit
aquæ globosa superficies A T O V cuius quadrantes A V. &
O T Orientales, ille quidem nocturnus, hic verò diurnus,



Quadrantes verò A T & O V Occidentales sint, ille diurnus,
hic nocturnus; Luna verò in puncto X radijs suis globosam
superficiem feriat; dico superficiem A T O V in oualem figu-
ram


ram Y T P V abituram & consequenter fluxum in quadrantibus P T & Y V, refluxum in quadrantibus P V & T Y futurum; dimissis enim radijs lunaribus in superficiem aque A T O, necessariò illà Luna qualitate sua Magnetica repulsiua alterabit (quæ quidem alteratio nihil aliud est, quàm dilatatio, seu rarefactio ex tepore illo lunari, vt dictum est causata, quàm in oppositis partibus V necessariò sequitur condensatio) ergo superficies globosa A T O rarefacta, radijs lunaribus non secus, ac lapide quodam in tranquillam aquam proiecto, in circulos sese dilatabit, maioremque locum quærens, cum eum, non inueniat, partibus partes trudentibus, violentam maris extensionem & tumorem versus Horizontis partes M I causabitur; ergo mare radijs Lunæ pressum versus puncta P Y intumescet tantò violentius, quanto potentiori illud aspectu Luna respexerit; Aqua igitur maris versus puncta Horizontis M I violenter coaceruata, necessariò aquæ in T deficient, eò quod aquæ iam defluerint; sed & aquæ contractæ deficient in V puncto opposito, cum ibi aqua ob lunaris luminis absentiam partim condensata, partim à Sole attracta, diminutaque in naturalem se se alueum receperit, atque adeò non secus, ac in puncto T minor pauciorq; appareat; cum autem hæc duo opposita puncta cursum Lunæ perpetuò sequantur, necessariò hunc successiue aquarum circa globosam maris superficiem, tumores, vti & depressionis puncta continuo quoque sequentur; vnde & incrementum decrementumque in locis, quibus dicta puncta imminet, consequenter causabitur, vt in præcedente figura apparet; ergo vna & eadem causa durante, idem quoque effectus durabit. Luna itaque ascendente super Horizontem in puncto I, aquæ humiles in puncto littoris O T incremento continuo vsque in X Meridiem sumpto intumescant, vti ad oculum patet mobilem indicem Lunæ X T ab Horizonte I in X paulatim promouenti, quo facto tumor Y aquæ & P in littore O maximum incrementum causabitur; sed & eodem tempore mare in opposito puncto A tumefactum, idem incrementum, sumet, videlicet maximum, quæ verò in punctis T V erunt humillimæ ob prementis Lunæ atque eas versus puncta O & A diducantis facultatem,

Vides

Vides igitur ex præcedente figura, quomodo lunaris index X à puncto I Horizontis, vbi aquæ O humillimæ sunt, paulatim versus Meridiem promotus, aquæ in littore O, vti & in opposito littore A perpetuum incrementum suscipiant, vsque dum Luna X punctum Meridiani attigerit, littoraq; O & A maximo aquarum incremento perfundat & vides etiam quomodo eo moto, aquis in quadrantibus terreni globi O T & A V, oppositis continuò crescentibus vsque in T & V aquæ eodem tempore in quadrantibus V C & T A contiūuò decrescāt. Pari ratione Luna ex meridie in occasum tendente, quomodo aquæ, quæ in littore O & A, vti & in quadrantibus O T & A V, paulo antè in maximū incrementū elatæ erant, iam aquis paulatim deficientibus decrescant; aquæ verò in littoribus T & V semper magis magisque crescant, vsque dum punctum Horizontis Mattigerit Luna, vbi maximū incrementū adipiscuntur, mari perpetuò easdem in oppositis quadratibus vicissitudines subeunte, quæ omnia clarè & ad oculum index lunaris mobilis demonstrat, vnde fluxus & refluxus in oppositis partibus nihil aliud est, quam accessus quidam & recessus maris à duo-

bus tumoribus P & Y ex rarefactione lunaris teporis & condensatione in locis oppositis facta, ortus; dixi duos tumores oppositos, non quod duos tantum tumores versus ortum & occasum causetur, causatur enim tumores etiam in Austrum, & Meridiem, & in omnē partem sphericè; sed quod hi duo tumores Orientalis & Occidentalis, ex motu Lunæ magis sensibus sint obuij, quàm reliqui: verum ne quicquam gratis dixisse videamur, rem manifesta experientia comprobamus. Fiat annulus vitreus, eius figuræ, qua hic apparet A B C D in punctis A & C diductioris, quem argento viuo ad tertiam ferè partem replebis; huic si è regione puncti C candelam admo-

Experimentum.



ris,

ris, Mercurius calorem sentiens, angustiis claudi nescius, se dilatando in spaciū BD recipiet, ubi in tumores abiēs partes C & A penè vacuas relinquet, has quidem ob fugam calidi, illas ob compressionem, & condensationem frigidi, qui quidem tumores ductum candelæ non secus, ac maris tumores Lunam, continuo sequentur. Possit etiam Sphæra fabricari, quæ omninò ad viuum exprimeret tumores dictos, atque ea, quæ sequitur ratione. Fiat corpus solidum sphæroides, ellipticæ siuè oualis figure axi suo instructū, idest Meridianus & Aequinoctialis ita se secent, vt simul constituent ouale corpus sphæroides. Hoc igitur corpus si aliqua tela subtili, aut serico cæruleo vestias, axemq; immota serica tela, quæ mare refert circumducas, repræsentabit corpus oualis figuræ intra telam currens ex oppositis partibus perfectè tumores maris, & omnia incrementa & decrementa eius perfectè demonstrabit; dici enim vix potest, quàm perfectè hoc machinamentum omnia ad oculum repræsentet, præsertim si tela cū industria sphærico corpori fuerit applicata; & tota Sphæra Horizonti suo ritè fuerit imposita. Nota tamen hic, telam non debere accommodari præcisè corpori sphærico, alias enim non posset circumduci intra eā, sed laxior aliquātulum sit & pro capacitae axis longior. Hac quidem experientia, marini æstus rationem clarè ostendo. Qui verò causam dicti æstus, vim attractiuam Magneticam, non repulsiuam esse volunt, illi indicem nostrum lunarem mobilem, ita ordinant, vt tumores Lunæ semper Lunæ respondeant, videbisque eadem semper in expositis quadrantibus incrementa & decrementa sequi; Si enim Luna v. g. consistit in I aquas littoris O attrahat in tumorem O P deducet, quæ consequenter in P coaceruatæ, in partibus T V aquarum diminutionem causabuntur. Hoc vnicum in hoc systemate concipi non potest, quomodo tumor oppositus Y in absentia Lunæ causetur; nō ignoro aliquos esse, qui Lunæ radijs è firmamento in oppositum punctum reflexis eum attrahi, asserant; sed cum non videam, qua ratione radij lunares, à tanto spacio reflexi, tantæ aquarum moli attrahendæ, præsertim cum dicti reflexi radij, directis multo debiliores sint, sufficere possint, aut quomodo inter


Sphæra, fluxū
& refluxum
ostendens quā
construi possit?

Quomodo tu-
mor oppositus
in absentia Lu-
næ causetur.

Quomodo Lu-
na tempore
nouilunij ma-
re moueat.

terlunij tempore huiusmodi reflexio operari possit? ideò al-
terum nostrum systema, cum omnes rationes æstus marini
cateroquin admodum difficilis. facile per id declarari queant,
vti verius, ita certius priori esse iudico. Visa itaque causa
æstus marini diurni, nunc restat, vt & de menstruo, quì
videlicet Luna singulis mensibus bis crescat & bis decrescat,
& quod Philosophos huc vsque latuit, quì Luna coniunctio-
nis tempore, vultu à terra auerso, plus tamen quàm in reliquis
alijs partibus constituta, mare moueat, differamus.

Notandum itaque, quod etsi Luna, vtì luminis proprii,
ita & caloris expers, ex se & sua natura frigida sit & humida,



fiat tamen, vt com-
municatis ei à Sole
radijs; ipsa humidi-
tas & frigiditas, ita
temperentur, vt nec
frigore, nec calore
excessiuo, sed tepo-
re quodam, quem
æstus marini causam
supra diximus, im-
buatur, quo quidem
tempore tantò effica-
cius in mare agit,
quantò luminis, quod
teporis lunaris veluti
vehiculum quoddam
est, maiori copia mare
verberauerit. Cum
ergo Luna circa ple-
nilunium lumine cõ-
municato à Sole ra-
dijsq; rectoribus ma-
re potètiùs feriat, ve-
hementiorem quoq;
inde motum conse-
qui, necesse est; quod
ita

ita ostendo, sit superficies maris, siue globi terreni I: circulus Lunæ eccentricus oualis figuræ A B C D, hanc enim figuram singulis mensibus Luna bis in apogæo, & bis in perigæo constituta describit, vt ex Theoricis patet; sit autem Luna tempore coniunctionis in puncto A: oppositionis in puncto B: tempore verò quadratæ configurationis in punctis D, C: dico Lunam in punctis C & D mare minimo, quo potest, gradu mouere; in punctis verò A & B maximo; Ducantur ex centro solaris corporis O per loca Lunę B E G H I C N O K M L K D P Q R S A lineę, quę radios in lunaris corporis superficiem incidentes referent. Ex his autem punctis Lunę, lineę ad centrum terrę ducantur E I, M I, L I, G I &c. quę radios Solis, Lunari tepore imbutos, & ex Luna in terram reflexos denotabunt, quibus quidem, iuxta varium Lunę situm, varij quoque anguli reflexionis causabuntur. Cum ergo omnis radiosa qualitas effectum reflexione sortiatur tantò potentior, quanto reflexus radius, vt ex catoptricis patet, directo plus appropinquauerit, siue quātò reflexus propius ad perpendicularem accesserit, radij autem, G I, M I, E I, magis appropinquent perpendiculari A I B, aut directo radio solari O A, I B, quàm radij reflexi C I, D I, I I, K I, &c. vti ex maiori-
tate, aut minoritate angulorum patet, ergo potentiorē quoq; effectum circa plenilunium radij causabuntur, quàm tē-
pore quadraturæ, quę omnia ex præsentī figura clarè patent. Sed quomodo luna tempore nouilunij potentissimum in ma-
ri, dum terram vultu suo non tangit, effectum præstet, restat vt enodemus. Nota itaque, quod Sol cum tempore coniun-
ctionis Lunæ sit vicinior, radijs virtutis suæ in Lunam rectā dimissis, lunari qualitate, quam continuò corpus Lunæ ex-
pirat, totus imbuatur, non secus, ac per vitrum quoddam co-
loratum transmissi, vitri colore assumpto, totum, per quod feruntur medium, eodem colore imbuunt; ita dico Solis ra-
dios tempore coniunctionis immediatè sibi subiectam Lunam rectā ferientes, eadem qualitate, qua Luna affecta est, im-
bui; qua imbuti veluti vicarij quidam Lunę, dum mare petunt, eundem effectum præstant, quàm Luna ipsa conuer-
so vultu in mare faceret, cum sit eadem qualitas; eadem.

Quomodo Luna
tempore noui-
lunij mare
moueat.

X x ergo

ergo qualitate operante, eundem semper effectum durare necesse est. Sit igitur, Luna tempore coniunctionis in puncto A Sol in O; Solis itaque radij per spacium lunari qualitate sphericè diffusa imbutum transeuntes, eadem imbuentur, quam & recta in mare descendentes deferent; ergo sic intensiorem effectum in mari triplici ratione producent. Primò, quia Sol qualitate lunari imbuta fortius & efficacius operatur, quàm ipsa Luna. Secundò, quia Sol magis est penetratiuus, acutiùsque mare radijs suis, quàm Luna ferit. Tertiò, quia radij solares hac qualitate imbuti maiorem globosi maris superficiem stringunt, quàm Lunares; & consequenter vti maiorem aquarum molem, ita efficaciorum motum præstât; accedit huic, quòd per lineam breuissimam, qua Solis ex Luna reflexus radius mare ferit, tempore Nouilunij; actio fiat omnium efficacissima. Cum autem Luna in punctis reliquis constituta, radij solares semper plus aut minus ea qualitate imbuantur, fit vt mare solaribus radijs Lunæ vicarijs percussum, tanto magis crescat, quantò Luna puncto A fuerit vicinior; tantò magis decrescat, quanto punctis D & C propior. Ergo tempore coniunctionis 3 ante & post diebus, mare potentissimè mouebitur, ergo maior fluxus & refluxus; sed hæc omnia perfectè in instrumento nostro halorrhæometro ostenduntur. Vbi B E spacium in lunari cyclo tumores aque à Luna ascendente procreatos, nigri verò tumores vtriusque cycli tam Lunaris quàm Solaris, & in lineis incrementa aquarum vna, cum profunditate maris ad quemuis Solis & Lunæ aspectum oculis accuratissime exhibent, vt inferius cum vsum, eius explicabimus, videbitur. Ergo Luna mare non trahit vi quadam propriè dicta Magnetica, vt multi perperam volunt, sed tepore illo dicto suo mare spiritibus implet, id dilatando, tumefaciendoque; conspirante radijs suis Sole; Luna proprietate sua connexa cum humore; conspirantibus deniq; spiritibus diffusis per aërem, commixtis aquæ & iunctis terræ, hic estus effectus causatur.

Confectarium.

EX dictis patet cur mare tempore interlunij maximè omnium ferueat, ita vt viuum à Nautis dicatur; durant autem ista incrementa feruorq; vsque ad 4 ferè diem; Nam à 4 die vsque ad septimum notabiliter incipiunt aque decrescere; ita vt octauo die sint humillimæ vsque ad vndecimum: & ab hoc die vsq; ad 17.^m incrementa resumūt; à 17.^{mo} ad 22.^m vsq; diem decrescunt vsq; ad 25.^m & hinc vsque ad coniunctionis tempus continua incrementa denuò sumunt, perpetuò durante hac incrementorum decrementorumq; alterna vicissitudine. Quo quidem motu admirabilis quedam ad Magnetem analogia se prodit; sicut enim in terella Magnetica ab Aequinoctiali ad polos vis tractiva semper maior & maior est, in polis maxima, in Aequinoctiali minima, ita in circulo Lunæ puncta cōiunctionis & oppositionis opposita, quæ quasi polos virtutis suæ referunt, potentissimè agunt, cum qualitas lunaris non secus, ac in Magnete diametraliter propagetur. Patet etiam tempore hyberno Lunam plenam potentiùs cōmouere maria nostra, quam æstate, partim quia Sole aquatica signa ☿ ☿ ☿ ☿ permeante, qualitas lunaris confortata augmentataq; tam in Sole, quàm Luna robustius operatur; partim, quia hyberno tempore altiùs supra Horizontem nostrum ascendens, Plenilunium in propria domo, seu regno, in ☾ nempe dodecamorio, & in ipso Solstitio celebrat; vnde eo temporis eas tempestates mouet, quas sæpè rerum omnium vitæque iactura Nautæ experti sunt; æstate verò Luna noua in nostra maria se maiori vi exercit, ob rationes prioribus oppositas; verbo illa maria potentiùs agitantur, quibus noua, aut plena Luna perpendicularior fuerit; vt tamen hæc omnia clarius ostendantur, visum fuit hic instrumentum adiungere, quo, singula hucusque dicta veluti oculari demonstratione comprehensa Lector inueniet.

Explicatio causæ
motus mensurari maris.

Analogia fluxus
maris ad Magnetem.

Fabrica & usus Halorrhæometri.

H Alorrhæometron Instrumentum, à mensuratione fluxus & refluxus maris ita dicimus; & ea quę sequitur ratione constituitur.


Primò describatur in orbe solido Zodiacus, ea ratione, qua hic factum esse vides.




Secundò fiant duæ semilunares figuræ O, & O, referentes Ω , & \mathcal{U} in Astronomicis; & à nodis, seu punctis AD incipiendo, vtraque in 14 æques partes, secundum lineas suas albas in nigro accuratè, vt in hac figura apparet diuidatur, in puncto verò A, vel D affigatur Index ☼.



Tertiò describatur circulus alius, in quo EB duos aquæ tumores referat, reliquæ verò duæ semilunares figuræ EDB, & BFE eandem cum prioribus diuisionem ex vno, & eodem centro peractam habeant, in puncto verò O, vel B agglutinetur Index D. Figuram hîc apponimus.



Quartò fiat circulus globū terræ referens in 24. æquas partes, seu Meridianos diuisus; vt hic vides: atque has figuras omnes in vnam includes, videlicet minores maioribus, ita vt hæ rotulæ circa vnum, & idem centrum gyrari possint.



Orbibus autem secundo, & tertio hos sequentes Indices punctis OO alligabis, habebisq; totam machinam absolutam.
PRO-

PROPOSITIO I.

*Quantum mare crescat, & decreseat sub qualibet
Solis & Lunæ in Zodiaco dispositione,
per instrumentum inuenire.*

Disponitur index Solis supra suum gradum in Zodiaco, & Luna ibidem supra suum in eodem Zodiaco. Et numeri in aquaticis tumoribus coniuncti simul, dabūt profunditatem maris in locis, quæ loca dictæ lineæ in ultimo circulo contingunt. Ita videbis Sole, & Luna in quadratura dispositis, mare vbique æqualis esse profunditatis videlicet 7. In coniunctione verò vel oppositione mare, vt 14 esse profundum, dum Luna, & Sol verticem obtinent, in reliquis partibus profunditatem proportionaliter decrescere. Discedete verò Sole à Luna, maris quoque tumores proportionaliter decrescere, quæ omnia pulchrè in hoc instrumento ostenduntur. Vbi & obseruare poteris, quis fluxus & refluxus vbilibet in toto terrarum orbe fiat.

PROPOSITIO II.

*Quantum temporis æstus maris singulis diebus
duret, inuenire.*


Cum æstus maris non semper 6 horis, nec semper iisdem horis accessus & recessus, sed pro dispositione luminarium in Zodiaco duret, vt igitur instrumento tempus durationis æstus singulis diebus inuenias. Disponantur indices Solaris & Lunaris, quisque supra gradum suum in Zodiaco, quo factò, obserua situm luminarium; quandiù enim ea in contiguis quadrantibus fuerint, certum est mare nullum æstum subiturū, quod tamen æstuabit, mox ac duo luminaria in eodē quadrante simul, aut in oppositis cōstituentur. Altera die verò fluxus, & refluxus durabit 5 horis, quia Luna tardiùs vna ferè hora Meridianum pertingente, 5 tantum horis in vno quadrante cum Sole morari poterit: sic tertia die à coniunctione 4 horis

Mare nō mouetur, nisi sol, & Luna, vel in eodē, vel oppositis quadrantibus cōstituerint.

durabit fluxus & refluxus, quia Luna 2 horis ferè tardius Meridianum pettingente, 4 tantum horis in sequenti quadrante cum Sole restare poterit, & sic singulis diebus vna hora tardius pertinget Meridianum vsque ad 7. diem siue quadraturā, qua cum vtrumque luminare 6 integris horis diuersum quadrantē obtineat, nullus quoque æstus in mari sentietur. Quod autē de vno quadrante dicimus, de opposito quoque dictū sit. Atque hæc omnia tale instrumentū luculenter ostendit. Rationem huius mysterij in præcedentibus dedimus. Non nescio, multis in maribus hunc æstum prorsus esse irregularem, & dictam regulam minimè seruare, sed de hoc nos non loquimur, cum per accidens tantum ob varia impedimenta; impediatur, loquimur autem de æstu maris, quem ex natura rei haberet, si non ab extrinseco impidiretur.

PROPOSITIO III.

Currentes quam in partem, vbiuis locorum vergant, alterius instrumenti ope inuenire.



Fiat pyxis nautica A axi CD imposita, qui axis pro magnitudine Navis 6 passus infra aquas protendatur, habeat autem axis brachia DBB, vt ijs ad Navim extrinsecus fortiter impactis, axis liberè intra ea veluti polos in omnem partem versatilis gyron possit, & gyratum secum incumbētem sibi pyxidē vna gyron: habeat autem infra aquam in fine annexam sibi nasam EF, ex quacunque materia leui, & quæ ab aqua pati nō possit, qualis est EF, quæ nassa in fine ad aquā per eam exonerandam foramen habeat, habebisque instrumentum præparatum, si igitur

tur currentes maris, quam in partem vergant nosse desideres, huiusmodi instrumentum Navis lateribus affiges, parte DE axis infra aquam vnà cum nassa sua detrusa, & sic fiet, vt aqua currens nassam iuxta currentis fluxum lationemq; deuehat, que deuecta consequenter annexum sibi axem quoque gyrabit vnà cum pyxide, & hac ratione acus Magnetica certò intra pyxidis limbum, quam in partem currens vergat, monstrabit: atque huius instrumenti ope singulorum currentium tractus lationesque accuratè describi possunt. Res Nautis non tantum utilis; sed & prorsus necessaria; putant enim sæpè se expansis velis aliquem locum vento omninò secundò petere, cum tamen occulto maris currentis motu, tantum abest, vt accedant, vt potius multum se retrocessisse cum tempore inueniant, vt ijs contingit, qui Insulam S. Helenæ petunt.

Confectarium.

ATque ex hætenus dictis patet admirabilis Dei sapientia, quæ in vtilitatem hominum tanta prouidentia res ordinavit & disposuit; Nam cum maximus est maris fluxus, in omnibus mixtis maxima humiditas vigere reperitur, cum verò refluxus est maximus, maxima in corporibus siccitas regnat. Cæteris verò maris intermedijs constitutionibus corporum constitutiones pari ratione respondent. Imò ad Oceanum certo experimento notatum est à compluribus, plerosq; moribundos cum maris recessu mori. Porro causas & rationes, cur Deus hunc æstum maris ordinauerit, dicemus in Mundo nostro subterraneo; vbi clarè ostendam totius subterranei Mundi harmoniam ab hoc æstu maris dependere.

Dei Sapientia in disponendis rebus.

C A P V T III.

De motu maris Mediterranei.



PORRÒ explicatis fluxus, & refluxus causis, nunc cum in mari nostro Mediterraneo effectus omninò contrarios videamus, quæ eorum causæ sint, restat vt inquiramus; Longa enim experientia Nautarum, vti supra quoque meminimus constat; mare hoc motus omninò

ninò varios subire, nunc enim ex Meridie in Septentrionem & contra, nunc ex ortu in occasum, & rursus ex occasu in ortum reciproco motu voluitur; subinde contrarijs; sæpè ex motu recto in circulos abit & gyros, nonnunquam è spiris euolutum in alias, & alias partes currentes æstus dirigit, quibusdam in locis non secus, ac Oceanus crescit statis horis, & decrescit.

Variis curren-
tibus in mari
Medit.

Qui è Sicilia Archipelagum petunt, hoc æstu abrepti versus Adriaticum violenter deferuntur; E contra qui Drepano soluentes versus promontorium Africæ vulgò, Bonandrea, sub Rhombo Euronotio, quem Sirocco vulgò appellant, nauigant, contrario æstu abrepti versus Tripolim Bisertinam ad latus violenter detorquentur. Item qui è Cypro Alexandriam petunt, etsi lineam Rhombi directricem omni studio tenere conentur, æstus tamen vi abrepti Damiatā 60 leucis infra Alexandriam deferuntur. Et Alexandria versus Cyprum soluentes, æstu contrario versus Pamphiliæ littora violenter aguntur; magna itaque motuum in hoc mari varietas est, quæ multorum ingenia mirum quam torserit; Nos omnes huiusmodi motus ad duplicem causam reuocamus, primò ad Lunam veluti causam principalem & efficientem; alteram veluti materialem ad montium scilicet, seu littorum protuberationem, Insularum quoque hinc inde diffusarum situm, sinuum recipiendis ventis aptorum dispositionem, vti & fundi marini siue aluei variam inæqualitatem, quibus omnibus fluminum ingentiū in maria se exonerantium vehemens cursus accedit. Si itaque quispiam quærat, cur in Mediterraneo nullus æstus regulatus,

Cur nullus æstus
in mari Mediter-
raneo.

Experimentū.

vt in Oceano notetur? illi respondemus causam huius rei esse angustiam maris, & Insularum hinc inde dispersarum frequentiam, quibus fit, vt aquæ à Luna concitata minùs citò se diffundentes, atque in littora & vicinas Insulas illisæ refractæque regularem fluxus refluxusque motum neutiquam seruare queant; quod hac experiētia probo: si in maioris alicuius Stagni medio lapidem, seu pondus conijcias, mox aquā in circulos sese dilatantem, & regulariter vniformiterq; ad ripam vndatim se diffundentem, ibi proportionatum incrementum decrementumq; efficere notabis; si verò labia aliquo, aqua pleno, pondus seu lapidem proijcias, circulos huiusmodi ob angustiam aluei late-

ri-

ribusq; ripæ illisos, & in se reflexos prorsus evanescere, & præter turbulentum motum nullum aliud incrementi, ac decrementi signum post se relinquere. In Stagno verò in longum protenso aqua per arcus circulorum in longum agitabitur.

Non secus in mari Mediterraneo fieri iudicabis. Cum enim id secundum latitudinem, siue prout à Meridie distenditur in Septentrionem, admodum augustum, varijs scopulis Insulis, & promontorijs sit impeditum, ita vti fluxum regularem admittere nequeat; quia tamen ex ortu in occasum in immensam longitudinem inter Asiæ, Europæ, Africæ littora, videlicet 60 graduum, quæ milliaria 3600 conficiunt, porrigitur, fit, vt orientis Lunæ vis & influxus, cuius latitudo incapax est, in longitudinem maris exeratur. Vt vel sic ad imperium Lunæ, cum aliter non possit, feratur. Attamen vt dicta clariùs innotescant, sit mare Mediterraneum ea, quæ sequitur figura: Luna itaque oriente, maris partes Orientales tempore Lunæ rarefactæ compressæq;, versus occasum, secundum longitudinem maris abibunt, ergo mare versus occasum incipiet crescere, vsque dum Luna in linea venti Euronothi steterit, tunc tota vis maris partim versus Occidentem, partim versus ostium sinus Adriatici conglobabitur; (Cum latitudo, quæ est à dicto ostio, vsque ad littora sinus Carthaginensis maxima totius maris Mediterranei sit) violento itaque motu per fauces in Adriaticum sese insinuans, in extrema sinus parte, mox successiva vndarum protrusione incrementum & decrementum causabitur. Præterea in freto Gaditano fluxum & refluxum incitabit, qui quidem durabit, vsq; dum Luna ad Meridianum peruenerit, quo tempore vis maris littoribus Occidentalibus & Septentrionalibus incumbit, cum verò fretum Gaditanum à littoribus Syriæ, vt paulò ante dictum est, distet 60 gradibus, 4 videlicet horarum spacio, fit vt dum Luna supra mare Mediterraneum 4 horis ascenderit, tum primum incrementum suscipiat Oceanus à radijs lunaribus percussus compressusque, ergo mari Mediterraneo ad summum tumido, & vnde Oceani successiuè inualescent, atque per fauces Gaditanas, summa violentia ingressæ, aquas Mediterranei maris turgentes, & quòd maximum est à Luna descendente defer-

tas,

Longitudo maris Mediterranei.

Causa fluxus & refluxus in mari Adriatico.

tas, versus Occidentem summa violentia repellent; Aquarum itaque repulsarum pars recto itinere fretum Siculum irruens, ibi varios æstus producat, pars obuijs Insulis fracta, diuersos aquarum cursus, quos currentes vocant, causabitur, pars denique in obiecta promontoria aut fluminum, vt Nili, Rhodani, diffusionem illisa, alia diuerticula quæret. Hinc mare Mediterraneum in Orientem violenter protusum, & à flumine Nilo diuersum in littora syræ illisum, ibi in circulum abiens inter Cyprum & Asiam retrogressum effugium quæret; Non secus diffusio flumini Rhodani, vt & occurrentes stægades Insulæ fluxum & refluxum in Gallico & Ligustrio littore impediunt; verum qui nostras rationes diligentius perpenderit, nullo negotio obuios quosuis motus soluet. Locorum enim, vt priuata sigillatim dispositio est terræ, figuræ, altitudinis, qualitatis, aspectus regionis, occursum ventorum, communicationis cum alio mari, & id genus aliarum, circumstantiarum; ita quoque priuata æstuum natura redditur; vbi maior, vbi minor; crebrior, tardior; multa, modica, nulla. Nam vbi maris ac ventorum liber, ac longior excursus est, maiores fiunt æstus, statis horis; Minores, vbi sinus modicus, & vbi Insularum, ac scopulorum occursum est; Fit autem multus accessus in Mediterraneum, & ad Lusitaniam littora, & superius ad Cantabricum. Atlanticum enim mare suo pte fluxu, vbicumq; spacia inuenit, qualia habet in Mediterraneo, & in Aquilonem maximè in eo se insinuant; vnde etiam patet, cur tam in Mediterraneum, quàm Britannicum, æstus ab Occidentali Oceano fiant in Orientem; & cur omnes mariû porrectiones sinusq; vti Persicus, Arabicus, Adriaticus, Ostia quoque fluminum ingentia, ingentes æstus patiantur; Cur verò Oceanus Germanicus maximus præ alijs æstibus concitetur, cum Lunam nunquam habeat verticalem, multi mirantur; Nos hanc causam damus. Quoniam enim Septentrionalis situs altior est, plurima vis Britannici impetus conuertitur ad littora Belgica, accedit quod aqua Oceani lunari vi, versus Boream dilatata, à frigidis istis & glacialibus vndis magno impetu retundantur. In Mediterraneo similiter, quoniam Bætica littora, Gallica & subinde Ligustica situ

Cur Oceanus
Germanicus
maximos æstus
patiatur.

situ sunt altiori, nullum ferè sentiunt fluxum, aut refluxum, cū tota vis maris in Africana deuoluatur depressiora; accedit etiā quod dicta littora obiectu Italię impediuntur, quominus ex ortu in occasum & contra mare rectò currere possit, sed impetu fracto repressoque, dicta littora quæta relinquat.

CAPVT IV.

Æstus Freti Siculi, siue Mamertini.

Mirabilis ille freti Mamertini æstus, nullo non tempore Philosophis singulare se admirationis obiectum præbuit, etsi pauci genuinas eius rationes attigerint; Ego dum aliquoties illac mihi transire contingeret, nihil non moui, quo motus huiusmodi mirabiles indagare possem, multa à multis accepi, multa quoque propria experientia didici, dum enim anno 1638. Melita Romam petiturus ad os freti iuxta speculam Pelori promontorij, quam vulgo la torre di Pharo, appellant, triduum iniurias contrarij maris sustinerem, reliquis itineris Comitibus otio indulgentibus, ego scrutinium freti, audacter aggressus sum, in quo multa sanè obseruatione didici, quæ in abditas huius freti causas veras me deduxerunt. Eius latitudinē primò vbi strictissimum est, geometrica dimensione 2783 passuum comperi, deindè conducto vno ex ijs qui Turri præstant, nauigiorum conductoribus (si quidem nulla externa naus facilè introitum in hoc fretum tentat, nisi horum. qui fluxus & refluxus cæterorumque æstuum in singulas horas & momenta scientissimi sunt, directione manuducantur; secus enim manifestò se se naufragij periculo exponerent) horum igitur directione, & ego conducta cymba ductus cum bolide 300 pedum fretum ingressus sum, fundum totius æstus veluti fundamentum explorare tentavi, atque dimissa bolide in quibusdam locis quidem impenetrabilis profunditatis, in alijs 30. 50. 60. 100. pedum fundum reperi, in nonnullis veluti scopulos quosdam præruptos, in multis tractum scopulosum, quendam veluti pontem à Sicilia in Calabriam, vtrinque fundo in Abyssum subsidente comperi, quæ Siciliam olim

Cala-

Constitutio
fundi freti
Siculi.

Calabriæ hoc saxoso tractu coniunctam fuisse non in obscura præbebant vestigia; in cæteris locis arenosus fundus continuas vltro citroque arenas, nunc lapillos voluens, qui æstu agitati illisque nocturno tempore quendam veluti subterraneum fragorem non sine horrore & admiratione causabantur; Cæterum totum fretum varium, & quod mirum est, in perpetua fluxus & refluxus inconstantia perpetuo constans, etsi enim æstus varias motus formas induat, nunc sursum, nunc deorsum vergat; nunc in gyros & gurgites, nunc in ebullitiones, vt in Scylla & Charybdi apparet, abeat, communis tamen æstus sex horis fluit & totidem ad Lunæ motum refluit, quam ita constanter seruat, vt conductores nauigiorum, dato tempore, quo Luna Horizontem aut Meridianum, vel aliam cæli partem subit, infallibiliter maris æstusque constitutionem definiant, datoque maris æstusque motu, Lunæ in cælo etiam nubibus obducto, situm certè & sine vilo errore enuncient, quod nunquam credidissem, nisi ego examinando ipsosmet, verum esse comperissem; Ex his igitur prodigiosis maris effectibus, tandem concludo, totum istud fretum penitus cauernosum esse, ac veluti cuniculis quibusdam perfossum, qui per subterraneos occultosque terræ meatus longo terrarum tractu in Oceanum, aut alia maria deducantur, vnde dicta maria æstu, aut tempestate concitata, aquam magna vi per huiusmodi cuniculos occultosque freti meandros regurgitatione quadam, ac ebullitione protrudant; aut refluantibus dictis maribus, per voragines quasdam, aquæ huius freti quoque refluant; cuius rei signa certissima præbet Charybdis, quæ statis horis non secus, ac cacabus igni superpositus ebullire videtur, ac maximè vento Euronotho, quem Sirocco vocant, spirante: multos quoque huiusmodi cuniculos in cauernosos quosdam montes deduci credo, vbi ex vehementi allisione aquarum, nitrum, vitriolum, aliæque materiæ combustibiles ad incendiorum subterraneorum productionem, aptam materiæ procreent; in alijs verò aquæ exitum non inuenientes, violento motu regurgitantur; Verùm cum horum omnium exactissimam demonstrationem operi, quod Subterraneū Mundum

Constitutio
freti Siculi.

Causa varij
æstus.

dum inscribimus, reseruauerimus, hic fusiores esse nolui-
mus, in dicto enim opere benignus Lector omnia, quæ
circa Aethnam & Liparas obseruauit, inueniet; quæ præte-
reà, dum montem Vesuium conscendens, in interiori eius
Voraginis constitutione notatu & admiratione digna vidi;
quæ denique anno 1638. 27. Martij, dum inauditis ab omni
hominum memoria terræ motibus in Calabria, præsens fui,
ruinas Urbium, Montium, Castellorum, & incredibilem ho-
minum pecudumque stragem proprijs oculis, ab imminenti-
bus ruinis singulari Dei protectione seruatus, quatuordecim
dierum spacio cõtemplatus sum. Hęc inquam, omnia in dicto

Pericula An-
thoris.

opere clarè, distinctè, & apodicticè, si Deus vitam largi-
tus fuerit, declarata reperiet, ideò superuacaneum

esse ratus sum, eam materiam ab instituto

nostro alienam, hoc loco fusius expli-

care; Explicatis igitur causis motus

maris, nunc ad institutum,

nostrum postliminio

reuertamur.



LIBRI TERTII
MAGNETICI MVNDI
PARS QVINTA.

Φυτομαγνητισμός,

siuè

De Magnetica facultate Plantarum.



Tres motus dif-
ferentia.

Analogia mo-
tus magnetis ad
plantarum mo-
tus.

PLANTIS summam cum Magnetis operationibus af-
finitatem esse, indè luculenter patet, quòd motum
magnetis perfectè imitentur; Habet autem magnes
tres motus sui differentias; primus motus magnetis
est, quo secundum certas corporis sui fibras ex polo in polum
exporrectas, coagmentatasque, vim suam magneticam veluti
in longitudinem quandam propagat. Alter radiationis est,
quo diffusis ex utroque polo radijs, potentem illam actiuitatis
sue sphaeram, intra quam quodlibet sibi consimile còstitutum
corpus mouet attrahitque, fundat. Tertius dispositionis, qua
sefe ad telluris, siue terreni globi axem, tãquam ad principium
conseruatium sui, situat; vt si quandoque extra hunc situm,
violenter abstractus fuerit, circulari motu ad eum reuersus se
accommodet, ibique tanquam loco naturæ suæ maximè con-
sentaneo, requiescat. Totidem ego in plerisque plantis motus
differentias reperio, primus vegetatiuus est, qua sefe planta vi
vegetali sursum per scapos thyrsosque rectà in verticem pro-
pagat; secundus est qualitatium plantis insitarum in orbem sefe
diffundentium motus; tertius dispositiuus plantarum qua-
rundam motus est, quo se ad certum locum situmque accom-
modant, vel ad Solem & Lunam, veluti ad principium con-
seruatium, motum circularem affectantes, conuertuntur. De
quibus omnibus singulatim dicendum est.

CAPVT I.

Motus vegetatiuus Plantarum.


¶ In singula in hoc mundi theatrum introducta diuersis partibus, & multiplici facultatum genere, alijsque adminiculis, à prouida natura assignatis constent; duo quoque ad eorundem commodam conseruationem requiri videbantur: primum est, vt pars parti ritè cohæreret, ordinatimque dispositi essent singuli corporis artus, vt caput videlicet collo, collum pectori, pectus cruribus veluti columnis quibusdam totius ædificij molem sustententibus inniteretur; Alterum est, vt tota huiusmodi ædificij strues, ritè in ordine ad vniuersum constituta, capite vergente sursum, deorsum pedibus erecta subsisteret; Quod si aliter fieret, corpusque inuerteretur, aut extra directionis lineam declinaret, id ex huiusmodi situ naturæ suæ maximè contrario summam violentiam pati necesse foret. Quæ omnia, quotquot productæ sunt, rebus conueniunt. Hinc enim, vt in præcedentibus fusè dictum est, elementa tam studiosè situs sui rationem obseruant; vt mundum labi facilius sit, quam vt illa contrarij situs violentiam sustineant. Hinc ignis aërq; terris inclusa, omnia rumpunt, findunt, dissipant, vt liberis regionis suæ campis perfruantur. Hinc, dum graua cum leuibus consistere nesciunt, inundationes, ruinas, interitus vrbiū, integrarumque prouinciarum impetu grauitatis ad locum naturalem centrumque tendentis causari necesse est. Ita singula mineralia certas suas sibi que appropriatas telluris sedes ita tuentur, vt si ab ijs remoueantur, prorsus pereant; hinc alia arida, quædam humida, nonnulla calida, cætera frigida, singula sua loca amant; hinc plumbum perpetuis aquis falluginosis damnatum, in hydrargyrum soluitur; ferri quoque fodinæ aquarum tyrannidem p. ssæ, in liquorem abeunt rubiginosum; sed vt tandem ad nostrum institutum reuertamur, videtur prætereà hic naturalis appetitus maximè, vt in magnetè, ita & in plantis, & fructibus; sicut igitur magnes duos terminos habet Borealem &

Omnia certum
locum in mûde
amant.

Australem, ad conseruationem eius requiri videtur, vt partes, seu fibræ in terminos tendentes non tantum benè inter se compositæ sint, debitumque in longitudinem situm obtineât, sed etiam, vt situm ad vniuersum habeant conuenientem, aliàs enim commodè se conseruare nequirent; ita etiam planta requirit, vt non solum radicibus truncus superimponatur, rectaque qua ramis, qua stolonibus diffusis luxuriet; sed etiam vt vigorem conseruet, radix humi vt cõdatur, scapus sursum vergat necesse est. Sicut autem magnetis vis per fibras quasdam propagatur in longitudinem, ita & vegetalia certas quasdam fibras obtinent, seu poros, per quos nutrimentum haustum, singulis partibus communicent.


Experimentum 1.

ELigatur arbor quæpiã in libera campi planitie longè a parietibus, vbi arbor illa vndique à Sole liberè semper fuerit collustrata, calefactaque; sit autem truncus eius scapusue teres rectusque, qualis est Prunorum, Pinorum, aliarumue arborum; truncus igitur hic medius secetur sectione ad hori-



zontem parallela, inferiorq; truci pars erecta in suo statu naturali permaneat; sectæ verò arboris huius superficies à scabritie vindicata complanataq; optimè leuigetur; & tum mox plures in eius plano circuli, & quidem eccentrici; idest circa idem cẽtrum non consistentes, sed ex vna parte propinquiore, ex altera verò parte laxiores comparebunt. Pars verò illa v.g. A, quæ densiores habet circulos, ad Septẽtrionem; quæ rariores, vt B ad Austrum sedula obseruatione vergere compertum est. Quod si truncum totum in 6. 7. 8. 10. partes parallela sectione diuiseris, omnes


omnes & singulæ partes eisdem circulos referent; quod manifestum signum est, has esse veluti fibras quasdam, seu vegetalis corporis, venas, in lōgum *κίλυδον* diductas, per quas hausto nutrimento arbor viuat, & sustentetur, sed hæc clara sunt: vnum non immeritò admirationem parere posset, cur videlicet non secus ac magnes hi circuli ad plagā Borealem & Australē densitate, & raritate sua, respectum quendam habeant ita euidentem; vt lineam Meridianam BA cæterasque mundi plagas, propè verum indicare possint; Dico igitur hanc circulorum diductionem, contractionemq; non fieri eo modo, quo magnes suas fibras extendit, ex innato quodam, ad lineam axis mundi se accommodandi appetitu, vt hac experientia visâ multi opinati sunt, sed eam Solis arborem ambiētis motu causari ita ostendo; sit arboris truncus ABCD, punctum A verò Boream, B Austrum, D Orientem, Occidentem C referat; Sole igitur continuo superficiem exteriorē arboris illustrante calefacienteq; fit, vt humor à radicibus per hos columnares syphones attractus atque rarefactus, partē arboris DBC dilatet, vnde & circuli in laxiores arcus diducuntur. Pars autem DAC cum ferè perpetuò auersum à Sole vultum habeat, veluti caloris expers, constringitur atque condensatur, vnde & circuli contractioniores euadunt; Hanc experientiam cum primò ex aliorū relatione comperissem, nihil non egi, quo has prædiuites naturæ dotes altius penetrare possem; Omnibus igitur Arculariorum Officinis, quas varietate lignorum refertas noram, inspectis, ligna varia parallela ratione ad Chiromantiam hanc arboream plerius contemplandam, diffecari curauī; & in Ebano quidem veluti figura 1. monstrat, circulos omninò reperi concentricos, vti & in ligno



Brasiliiano; In lignis verò nostratibus, vt in secunda, nescio quid ellipticū parabolicum, aut hyperbolicum naturā pinxisse inueni; ita tamen, vt alibi huiusmodi ellipses laxiores, alibi strictiores

Yy 2 essent;

essent; Aliquæ verò irregularem figuram, & angulosam induerent, vt tertia, & quarta figura. Cuius quidē diuersitatis causa, etsi multum mihi inquirenti, non occurreret; contigit tamen,



vt dum proximo autumnō in Sublacensem agrum ad Diui Benedicti incunabula religionis causa profectus, in valle quadam certas arbores cædi vidērē, occasione data trūcum vnum ex ijs mihi planari curavi, quem cum venis prorsus irregularibus affectum comperissem; miratus sum vehementer, præsertim, cum in planitie montis vicini in arbore eiusdem speciei cæsa, ellipticum ad rotundum proximè accedens figuratum, inuenerim; Erant autem fibræ arboris in valle sectæ, vt 2. figura monstrat, vtrinque versus Boream & Austrū strictæ, versus ortū verò & occasum dilatabantur: cognoui tandē, huius rei rationem esse, quod vallis ista recta ex ortu in occasum porrecta, versus Meridiem proiecto quodam monte, ita subtenderetur, vt magna anni parte tūm Orientis, tūm Occidentis Solis radijs in vallem accessus esset. Ad Meridianam verò plagam, magna anni parte, mons obumbratione sua omnē benignæ lucis aspectum arboribus in valle sitis adimeret; vnde conclusi huius arboris fibras, iuxta Solis ex ortu, occasuq; continuò accedentis radios in hanc figuram diductas esse; ita vt laxiores partes ortum & occasum; strictiores verò Austrum & Boream referrent. In arboris verò in monte cæse superficie, ellipticis ac ferè rotundis fibris coaluisse scapum, quod semper ex Austro à Sole collustraretur, calefieretque. Atque ex his vltius progressus, tandem rationem, cur Ebenum, lignumque Indicum concentricis fibris coalescerent, notavi; cum enim plerunque huiusmodi ligna sub Zona torrida proueniāt, ac proinde totius anni

anni spacio Solis intuitu calefiant, non erat ratio cur ab vna partes potius stringerentur, aut dilatarentur, quàm ab altera, in concentricos igitur sub torrida coaluerunt, quamuis ex dispositione montium etiam sub dicta Zona ellipticas fibras causari possint; sub Zona verò temperata ellipticam figuram inducunt, tum ex obliquo aspectu Solis, tum ex inæquali Solis altitudine dierumq; varia quantitate; vides igitur quomodo in rebus omnibus natura ludat, quomodo omnia in omnibus imitentur, quomodo ad exemplar & ideas causarum principalium, ex quibus producta sunt, circulos, ellipses, parabolas & hyperpolas affectent? certè infinita huiusmodi in naturæ ambitu à nemine cognita, continentur, quæ si frequenti experientia comperirentur, nihil sanè nos in naturæ theatro latere posset. Sed ad institutum nostrum reuertantur.

Natura in omnibus omnia affectat.

Sicut igitur magnes quandam habet ex sua natura certam virtutis lineam qualitatemq; qua determinatam obtinet positionem & situm, haud secus & plantæ, frutices & arbores, ita certa ratione poros suos habent dispositos, atque in longum protractos, vt si lignum vim haberet se collocandi liberè, naturalem sibi situm iuxta pororum dispositionem, innato quodam sursum aspiciendi, & deorsum in ordine ad punctum verticis, Zenith dictum, nadirq; oppositum, appetitu quæreretur; cum hic situs ad diuturniorem felicioremque vitam ei conducatur. Hinc etiam si rami arboris pondere quodam deprimantur, adeò tamen appetitus eleuandi sese vehemens est, vt vel furculorum stolonumque hinc inde erumpentium luxuriante sobole, violentum situs statum redimens, vicaria veluti opera eleuetur; Imo adeò hac surrectione gaudent plantæ, vt quibus natura thyrsos, scapos, alique solidiuscula surrectionis instrumenta negauit, eæ capreolis, aut clauiculis veluti manibus quibusdam fulturas, ac pedamenta, quorum ope surrigerentur, captare videantur. Accedit, quod per cylindriciformem huiusmodi pororum in fructibus arboribusq; constitutionem, totius arboris nutrimentum in reliquas arboris partes deuehatur, quam quidem pororum nunc strictorum, nunc laxorum constitutionem, situmq; in ordine ad cæli Solisque motum ita stricto sibi iure prætendunt plantæ, vt si eas & ra-

Omnes arbor naturalem situm appetit.


dicatas, adultiores alio in loco non eo pororum, quo primò creuerant situ transplantaueris; sed contrario situ strictiores partes in Austrum; in Boream laxiores conuerteris, plantæ inimico cæli aspectu se iunctas sentiētes, veluti indignabundæ marcescenteq; contabescunt. Si verò pristino eas situ honoraueris, copioso luxuriantis sobolis prouentu, quanto à plantatore beneficio sint affectæ, palam testabuntur; quam rem diligenter omnes, qui agriculturæ operam impendunt, obseruare cum primis velim.

Experimentum.

ITerum, sicut in Magneticis semper natura tendit ad unitatem, non per confluxum solùm & accumulationem;

sed & per conuenientiam, ita & natura in plantis & arboribus. Sit magneticum corpus integrum A B: C vergat in Boream B, D in Austrum A, diuidatur corpus bifariam, vt in secunda figura, eritque C vergens in A, & D in B, sicut igitur in integro, ita in diuiso natura petit hæc corpora vniri, & B quidam finis cum A, amicè coibit, sicut D & C; sed A cum D, & B cum C, irreconciliabiles inimicitias agēt, cum non ita in vena coaluerint, neque situm hac ratione ad tellurem matrem conuenientem obtineant: Haud secus in vegetabilibus fit. Sit ramus A B, sectus in C D bifariam, superior pars B, A inferior sit; Dico B extremum arte putatoria insertum cum extremo

Analogia Magnetis ad plantam



tremo A coaliturū, quemadmodum & C ⁷⁰ D denuò infer-
tum. At si B extremo D, aut C extremo A inserueris, pro-
pter præposteram & inconuenientem appositionem, nunquā
coibunt; sed cæcis flagrantia discordijs vtriusque extremum
veluti mæror e tandem contabescet.

Confectarium.

EX dictis patet, qua ratione per insitionem diuersorum
complexu furculorum, vnum indissolubilem faciamus
nexum, idq; optima quadam methodo, si situs, temporis, loci
vti arboris, ita furculorum rationem habeamus; si præterea ex
opportuno arboris loco petantur furculi, scilicet ab humeris
arborum Orientem, aut Meridiem spectantibus; Quæ omnia
meliorem successum sortientur, si furculi prægnantes inseren-
darum arborum ætatem tempusq; habuerint opportunum, est
enim vetustarum arborum, nouellis aduenisq; furculis inho-
spitalis quædam duritia; præterea multum quoque conferet,
si naturæ furculi inferendi, trunco fuerint consimiles, habent
enim & hi Magnetismos suos in insitionis negotio, nec enim
omnibus præmiscuè germinibus quiuis sese prostituit trun-
cus; gaudet enim Platanus ficu, moro castanea, castanea,
quercus, cæteris repudiatis, aut agrè admissis; Terebynthus
cerafo, punica malus continuis gaudens adulterijs omnibus
vniri insatiabiliter concupiscit. Patet igitur qui ex tradita
doctrina, mira quadā insitionis combinatione mirificos quos-
dam effectus producas, possisque

Ars insitoria.

*Quæ arbores
facile inferui-
tur alijs ar-
boribus.*

Sub thalami specie felices iungere syluas

Vt soboli mistus crescat ubique decor.

Connexumq; nemus vestire affinis umbris

Et gemina partum nobilitare coma:

Federibus blandis dulces confundere succos;

Et latum duplici fruge saporis ali.

Φυτομαγνητισμὸς applicatus.

Sine Magnetismi in insitionis negotio applicatio.

Nemo nescit multa in natura rerum miraculi loco habita, quæ vel fortuitus casus edidit, vel ingeniosa hominum effinxit industria, iuxta illud Poetæ,

Ipsa nouas artes, varia experientia rerum

Et labor ostendit miseris, vsusque magister.

Quæ cum in alijs, tum in arborum insitione locum habent, quarum ope & ingenioso artificio fieri plerumq; videmus, vt vna arbor spectaculo sanè prodigioso, adeò diuersi generis, varijq; gustus, odoris, coloris, & facultatis poma, nuges, vuas, flores, & alia ab vno & eodem trunco emergentia proferat, vt nihil admiratione dignius videri possit; Plinius, *Vidimus, inquit, insitam arborem iuxta Tiburtes Tullias omni genere pomorum onustam, alio ramo Nucibus, alio Baccis, alio Vite, Fico, Piro, pomorumq; diuersis generibus grauidam.* De simili arbore à se visa refert, Porta, quæ non diuersi tantum generis fructus ferebat, sed & sine viuaceis discolores, eosdem maiores odoratioreq; diuersisq; qualitatibus præditos, hominum, animaliumq; facies præferentes, cortice verò ipsius arboris, flores rosasq; germinante. Nunc igitur, qua ratione simile quiddam arte nostra φυτομαγνητισμῶν, moliri possumus, videamus. Verum, vt cum methodo procedamus. Supponendum primò est, variam esse insitionis rationem. Prima ratio est, qua insitores surculos eiusdem arboris omnes vltra medium medullæ ex transuerso incidere solent, incisosq; alligare eo ferè modo, quo vulnera ligari consueuerunt, circumpositaq; cera, creta, vel luto ad pluuiarum extrinsecorumq; nocumentorum defensionem, conuenientibusq; perticis, ne rumpi aut earum plagæ aperiri possint, muniunt. Ita consolidato vulnere superior pars, emundatum in sapore proferet fructum, pro digestionem succi in nodo factâ, quæ insitio propriè Græcis ἐγκατεσµὸς dicitur, plantamq; non de vno genere in aliud transmutat, sed de syluestri domesticam facit.

Mirabilis arbor.

Varij modi insitionis.

Prima insitionis ratio.

Alte-

Altera ratio est, quando eandem arborem in trunco resecant, & surculum in eadem arbore acceptum, trunco suo inserunt; insita enim cum tempore proferet alterius generis fructum diuersum in sapore, quâtitate, & figura, ac prius protulerat, atque ista inserendi ratio, omnem in malis, pyris cæteri; fructibus diuersitatem causatur. Tanta enim est vis nodi, & conuersio pororum, fibrarumque, quæ sursum feruntur, vt succum in nodis collectum, ad aliam formam plantalem diuersam, quæ in quantitate, & sapore fructus innotescit, disponant, quæ res sanè admiratione non caret.

Secunda ratio.

Tertia ratio est, quam in vite experiuntur, & in quibusdam alijs, quæ ex medulla crescunt, videlicet, quod gemma vnus vitis vsque ad medullam profundè excisa, tandem de gemma, alterius vitis erutum, loco alterius ponitur, & fit colligatio, vt in alijs.

Tertia ratio.

Quarta ratio est, qua surculus arboris vnus in aliam inseritur arborem, conualescit; & fructificat in ea per modum iam sæpè indicatum; atque iste modus tantò erit perfectior, quantò fuerit magis similitum; fitque propriè in illis arboribus, quæ reotos habent poros, & per tunicas ligatas siue fibras cylindri formes attrahunt nutrimentum, qui modus item in alias species diuiditur; prima est quando surculus inseritur inter corticem, & lignum, & ἰμφολλισμός siue infoliatio dicitur; Altera cum surculus scisso ligno infigitur, ἰγκαντεισμός siue insitio propriè dicta; Tertia fit more emplastri ἰνοφθαλμισμός siue inoculatio nuncupatur; per buccellum quarta dicitur salicis ἰνοφθαλμισμός pertica perforata, de quibus vide Plinium Columellam Petrum Crescentium, aliosque.

ἰλφολλισμός
siue infoliatio
quid?ἰγκαντεισ-
μός
ἰνοφθαλμι-
μός

C A N O N I.

*Variæ arbores varijs, sibi tamen similibus
inseruntur.*

OMnis surculus, omni arbori inseri potest, si non est ei, cui inseritur cortice dissimilis, si verò similem etiam fructum, & eodem tempore adfert, tantò faciliùs nascitur. Vt igitur

Dissimiles ar-
bores insitione
non coalescunt.

tur per *ἐκκατεσπύον* alteri arbori inferas cuiuscunque alterius arboris surculum, diligentissimè prius situs fibrarū in vnoquoque obseruandus est; si enim in surculo fibrarū ductus Septentrionales inseueris, trunci fibrarum Australium ductibus, totum negotium in irritum cadet; contabescet enim surculus, nec vllum incrementum faciet. Si verò Australes fibras, Australibus, Boreales Borealibus inserueris, facilè *quomagne-*tismo coalescent; quod in omni insitionis negotio te cum primis obseruare velim. Obserua secundò, quod non omnis arbor facilè cum alia quauis coalescit, sed illæ tantum quæ similitudine quadam naturæ gaudent. Dissimilitudine verò naturæ diffidentes, vt coeant fieri non potest; Taxi enim coniugium nulla arbor patitur; E contra Ficus Morò & Platano; Morus Castaneæ, Fago, Malo, Pyro syluestri, Terebintho, Vlmo, populoque albæ, vnde & alba Mora, facilè coniunguntur; Pyrus Amygdalo & Terebintho; Pyrus quoque Morò inserta, rubra Pyra proferet; Malus omni Pyrastri generi inseritur. Iterum Nux Arbuto sola, Salice Punica, Laurus Malo, Damasceno Persica, Castanea varijs arborum adulterijs gaudet; Cerasus nec Persici, nec Terebynthi respicit hospitium; Cydonea & Caprificus cuiusuis arboris ambiunt consortium, omnique se prostituunt surculo; Eleostaphylum denique ex insita oleæ vite, producitur: Persico-morum ex Persici, & Mori coniunctione, vnde & mala Persica sanguinei coloris originem sumunt, producetur.

Quæ arbores
facilè alijs in-
ferantur.

C A N O N I I.

*Arborem diuersi generis fructibus, ijsque medicinalibus alijsque proprietatibus refertam
quomagneismo producere.*

ELigatur ex multis arbuscula, quæpiam fecunda fructuumque suauium & salubrium ferax, ætate biennis, florida adhuc, & iuuenta sua gaudens, aëre salubri, & ventis peruiosa sita; Huic verno tempore varios diuersarum arborū surculos, iuxta leges in præcedentibus traditas, ita inferes; vt si Nuces, Ro-
ma,

ma, Pyra, Pruna, sanguineum succum referencia velis, dictos furculos Moro implantes; diligenter obseruando, quæ de fibris, porisque arboris supra diximus. Si fructus laxatiua virtute præditos desideres, nodum emphytismi, seu in quo contingit implantatio, perforatum Elleboro nigro tuso, Scammonæa, aut Colocynthide, quæ tamen cū malignioris naturæ sint, Senæ, Reubarbari, aloes succo, aut alio cathartico quouis, iuxta scopum tuum electo, nonnihil tuso, & si opus fuerit macerato, quam optimè inescabis saturabisque, ne extrinsecus exhalet vis succi, ea tamen moderatione, vt nutritioni arboris, & transpirationi inferiori suus locus detur, possitq; per medullarem syphonem, aut matricis ductum, vis medicamenti vnâ cum alimento sursum liberè ferri, satuiq; intentū nutrimentum subministrare; Hac arte fructus omnes vi laxatiua imbuentur. Pariratione, si narcotica seu sônifera vi imbutos fructus producere velis, opij, solani, Mandragoræ, Hyosciami, Stramonij, similibusque somniferorum succis nodum saturabis, habebisque intentum. Hac arte odores, Musci, Cinammomi, caryophylli, similibusque omnis generis colores inferes. Apud Mizue Medicum & Scriptorem Arabem, Prunos, vt ventriculum fructibus suis subducant, ita præparari debere reperio; Terram arboris pruni duobus locis, vnus palmi intervallo tenaciter terebrat, immissaq; Scammonæa lutat, quo non fructus tantum, sed & folia vi cathartica imbuntur. Cæteras verò qualitates ea quæ sequitur ratione, fructibus inducunt; arbusculum vasi terræ in fossa inferunt, vas autem succis & aquis earum plantatum, aut medicamentorum, quorum qualitates fructibus inducere cogitant replent, superaggesta terra optimo fimo debitè temperata, & ad votum suum arbuscula suo fungentur officio.

Vis medicinalis qui arboribus implantari possit.

Qui sônifera vis & odores varij.

Confectarium I.

EX dicto Canone sequitur, nullam qualitatem esse, quæ dicto ~~quom~~ magnetismo similibus arboribus induci non possit; Hinc fructus alicuius arboris narcoticos, causticos, diureticos, catharticos, smecticos, deleterios siue venenosos, aromaticos, helcticos habebis; si radices arboris è succis di-

Qualitates rerum alicuius arboris alicuius fructibus induci arte possunt.

ctis

ctis qualitatibus imbutis, iuxta dictas regulas saturaueris. Vt verò dicta arbor fructus, diuersis dictis qualitatibus imbutos proferat, succos memoratos in nodis symphytismi dicta industria applicabis, habebisq; intentum.

Confectarium II.

Hinc patet quoque, totam hanc ~~phyto~~ magneticam Artem à natura desumptam esse, videmus enim arboreos fructus plerosque certarum plantarum sapes, & odores præ se ferre, quas vel substratas habet, vel haud ita procul distas. Ita quædam mala, brassicam olent, quod illam vicinam aspiciant, eiusque diurna & nocturna effluvia exhauriât, ac modo quodam imperceptibili, vectore aëre, imbibant; sic præterea, vina quædam plus alijs laxatiua, ob Mercurialis circumfusi copiam, esse; alia tartarifica, ob salis & nitri, petrificique succi abundantia; amara alia ob Colocynthidem amarâ vicinâ, &c. alia sulphurea, ob sulphur substratum; diuretica alia ob terram herbasque vi aperitiua pollentes, & sic de cæteris; patet quoque, quid de arbore in Insulis Philippinis reperta sentiendum sit, cuius folia Orientalem plagam respicientia salutifera, Occidentalem verò, venenosa sint. Ego certè huiusmodi arbore arte phytomagnetica etiam in nostris partibus produci posse existimo, si videlicet bifurcam radicem arboris in ortû atque occasum, aut etiam quamcumque plagam respicientis oppositarum qualitatum succis inescaueris. Et quis scit, vtrum non à simili forsan phytomagnetismo supra memorata arbor Indica processerit, siquidem multi huiusmodi naturæ lusus in hoc vniuerso, qui merito *ναεαδός* videri possunt, quotidie spectantur, quos tamen solis naturæ consultis penetrare licitum est.

Arbor mirabilis.

Confectarium III.

EX dictis sequitur non tantum omnis generis fructus, varijs diuersisq; qualitatibus imbutos ex vna & eadem arbore phytomagnetica arte, sed & varia insecta varias plantas.

cor-

cortici adnascentes produci posse, ita querni corticis comminuti puluis aqua pluuiali mistus, inditus arbori per insitionem, producet ingentem polypodij copiam cortici ipsius arboris adnascentem, ita semina diuersarum plantarum, macerata, diuersas quoque cortici adnascentes herbas producent. Fungos produces, si puluerem lapidis fungiferi arte dicta applicueris. Varia quoque animalia insecta producet arbor, si ei folia arboris, vna cum humore corrupto, ex quibus insecta omnis generis pullulare solent, cum siliquis lentisci minutim concisis, aquaq; palustri subactis, idest massam inde factam insitoria arte indideris; totus enim humor hic ab arbuscula attractus, in insecta varia, bruchos, erucas, variaq; muscarum genera pro succi conditione abibit; Ita audiui in Chili Americæ Meridionalis prouincia arborem esse, cuius in folijs vermes primo nascuntur, qui dū in terram concidunt, in Serpentes tandem mutantur, qualium tota terra plena est; cuius rei ratio est, quod arbor per radices ad se attrahat succum semine serpentifero foetum, qui virtute Solis succoq; arboris in vermes, ac inde in serpentes tandem animatos degeneret. Hæc ratione credo nasci Anates istas Scottici maris, siuè Insularum Hebridum. Cum enim tractus Septentrionalis infinitis ferè Anatibus plenus sit; sit, vt in numeram ouorum multitudinem frustis istis glacialibus exponant, quæ cum glacialium vndarum agitatione fracta, vitellisq; diffusis ventorum ope in Hebrides primum obuias insulas adferantur, materia semine anatum productiuo fata arbustis quibusdam putridorumque nauium fragmentis allapsa, ibi tandem siue terræ lociq; siue insita quadam arbustorum succo virtute, in vermes primum, deindè in alatas volucres animatur. quæ omnia hic proferre volumus, vt intelligeres

Polypodium,
quomodo ex
arbore produ-
catur.

Fungi.

Insecta.

Arbor Serpen-
tifera.

Arbor Anati-
fera Scotticæ.

Quantum ars ipsa valet, quantumq; industria pollet.

Et quantum insitio sacundos adiuuat hortos;

Necnon ingenium medicandi hortensia solers;

Queis fauet impatiens otij labor, optimus artis

Cuiuscunque dator.

CAPVT II.

Motus radiationis Plantarum.

VEMADMODVM Magnes radiorum è polis diffu-
 forum propagatione Sphæram virtutis suæ fun-
 dat, vnde Magneticum intra orbem, seu Sphæram
 virtutis constitutum apprehenditur, & in orbibus
 Magnetica disponunt Magnetica, non secus, ac si orbes vir-
 tutum solidi essent, ac materiati Magnetes; ita quoque in
 plantis duplex Sphæra causatur; prima esse potest Sphæra ef-
 fluuiorum materialium, de quibus in præcedentibus fusè tra-
 ctatum est, qualis est Plantarum, Arborum, aliarumq; rerum
 odoriferarum; hæ enim siue vapore, siue exhalatione certas
 quasdam Sphæras causantur, intra quas alia constituta alte-
 rant, suæq; potestatis quasi tributaria faciunt; ita, teste Abo-
 hali & Abensina, Thuris arbos omnes alias arbores, plantas,
 quin & lapides sibi vicinos, veluti propria eorum fragrantia,
 inhibita, odoris sui fragrantia cogit esse participes; Asa con-
 trà foetoris sui iugum inuitas etiam plantulas vicinas ferre
 cogit. Altera plantarum certa quadam & peculiari dote in-
 structarum actiuitatis Sphæra est, intra quam eæ quædam sibi
 amica attrahere, inimica verò corpora propulsare videntur:
 Si enim consentientium naturarum Sphæras coniungi conti-
 gerit; res hoc adeò benigno, gratoq; consortio corroboratæ,
 nescio quod amicitia pacisque foedus pangere videntur;
 cum contra dissentientium Sphærarum coniugium magnas
 in rebus excitet naturæ lites, & inimicitias. Hinc irreconci-
 liabile illud vitis & brassicæ odium, certamen prorsus hostile,
 cum enim vitis Capreolis suis, quælibet stringere & am-
 plexari soleat, solam refugit brassicam; Nam eam propè se-
 sentiens veluti hostem mortiferum in aduersam partem se-
 torquendo, auerso vultu abominatur, etsi cum olea contra
 maximè concordet; Brassica iterum Cyclaminum adeo sibi
 contrarium experitur, vt simul ac vnum intra Sphæram alte-
 rius constiterit, adeò sauas luctas ineant, vt vtrūque viribus
 pesti-

Sphæra effluui-
 orum materialium.

Singulæ res ha-
 bent certam
 Sphæram acti-
 uitatis suæ.

Lis & amicitia
 rerum.

destitutū marcescens contabescat. Filix quoque & Arundo adeò cæcis flagrant discordijs, vt subactis arundinetis filicibus tota fistulosa illa soboles pereat necesse sit; cum tamen arundo corruda contra maximè delectetur. Nil dicam hoc loco de diffidijs rutæ & aconiti, alijsque similibus innumeris, quæ hoc loco adducere possem. Verùm qui nostra hucusque dicta rectè perceperit, huius in natura diffidij concordiaque causas haud ita impenetrabiles, humanoque intellectui imperuias (vt multi plebei Philosophi opinantur, dum huiusmodi effectus nescio cui occultæ & latenti virtuti è cælis deriuatæ ascribunt) esse cognoscet. Cum hæc sympathicæ antipathicæque commotiones alia ratione non fiant, nisi diffusa qualitate per medium, quæ pertingit à corpore agente, vsque ad corpus, quod talem pati debet alterationem, neque enim, alia Sympathia, aut Antipathia, neque vllus adeò exoticus, & prodigiosus in toto naturæ ambitu effectus reperitur, qui aliter contingat, nisi quia illud, quod ab vno per medium intra Sphæram actiuitatis, suæ diffunditur, alteri in eadem Sphæra posito, commodè vel incommodè propter conuenientiam & conformitatem, vel disconuenientiam & difformitatem, naturæ accidat. Vnde est, vt illud quod alteratur, aliquem ex illa alteratione effectum ostendat. Verùm cum illud, quod per medium diffunditur, tenue est & subtile, neque in se sentiri potest; sed in effectū suo duntaxat: nec alia afficit corpora, seu potius alia corpora non sentiunt alterationem, nisi aut sint conformia in naturā cum illo corpore, a quo prouenit tale effluuium, & hac perfectiua qualitate alterantur solum, quæ naturæ quadam similitudine gaudent; idest conformia, proportionata, & homogenea, vt Magnetica corpora, sunt: vel difformia, improporionata, & dissimilia, & ita solum alteratione corruptiua alterantur, quæ contrariam & oppositā habent complexionem & qualitatem; ac proinde ostendunt se pati contra suam naturam, quia hoc effluuium tenue est, nec afficit sensibiliter omnia corpora intermedia, quamuis reuera per illa etiam propagetur; sed solum sensibilem ostendit effectum bonum vel malum, in proportionato subiecto, vt in polychordis duobus æqualiter extensis, solæ congruentes

Quomodo res
se alterent.

Quomodo Sym-
pathicæ & An-
tipathicæ res
se moueant.

perfectè mouentur, cæteræ non item; ideò videtur res per Sympathiam, aut Antipathiam affici actione non propagata per medium, cum nulla actio sensibilis appareat in medio. re tamen vera non sic res se habet, neque enim vnquam agens agit in extremo, quin agat per medium, sed non apparet, quia non offendit corpus, in quod agat sibi connaturale proportionatumque, quod vbi inuenit, statim in eo vires suas exerit, ita magnes inter metalla omnis generis positus, nullum mouet, nisi proportionatum sibi ferrum. Quæ ita certa sunt & euidentia, vt ijs contradicere nemo possit, & hac ratione commune illud Physicorum intelligendum est; simile non agit in simile; scilicet virtute corruptiua, vt in elementis: agit tanquàm simile in simile virtute perfectiua, vt in ijs, quæ occulto quodam consensu feruntur ad se inuicem.

Tarantula vis.

Quod autem aliqui Tarantulam veneno suo in distans agentem introducant; eò quod durante Tarantula effectus veneni in morso duret similiter, ea autem sublata, & effectus venenosus auferatur, omnino falsum esse cognoui; neque enim venenosa vis corpori morfi indita vllam a Tarantula dependentiam amplius habet; sed subito simul ac quispiã ab ea morsus fuerit efficacissima & subtilissima veneni vis inimas fibras & medullas corporis penetrãs, pruritu suo sanguinem, neruos. & musculosas partes continuò vellicat, vnde infatiabilis ad saltandum appetitus; per saltum verò laxatis poris magna veneni pars exhalat, vnde & quies & quædam veneni remissio, donec certa aëris constitutione, aut anniuersario tempore (habet enim & hæc veneni qualitas suas in corpore humano periodos, & statas alterationes, quæ à supernis astris promouentur) vis denuò rarefacta ebulliat, vellicatisq; musculis denuò exitū laxato motu corpore veluti iure suo postulet; hinc ictus homo ad consueta saltus motusq; remedia vnica, vt motu & consequente sudore veneno exitū faciat, confugit; Hinc crebra saltus repetitione multorum annorū facta, virus tandem frequenti exhalatione consumitur, effectusque cessat. Non vti Philosophi quidam persuasi credunt, Tarantulæ morte; Tarantulæ enim, cum non secus, ac cætera insecta, Muscæ, Scarabæi, Bruchi, Aranei, quorum species

species quædam est, vitæ admodum brevis sit, hyberno tempore moriatur, & æstiuo Sole veluti ex busto reuiuifcat, ridiculum, ne dicam stolidum esset dicere, terrenum hunc araneum Apulum 20. 30. 40 annis, tot enim hunc effectum veneni in quibusdam durasse comperi, animal, inquam, insectum, & ex putri materia conflatum tot annis durare; verendum sanè esset, ne tot annorum spacio sobole in infinitum multiplicata, Apulam regionem omninò redderent inhabitabilem, imò dum in litore Basilicatæ paucis ante annis ob maris indignationem subsisterē, in hominē hoc morbo laborantem incidi, qui palam fessus est, se dum inter dormiendū morsum sentiret somno excitum, bestiolam intra pollicem, & indicem adhærentem manui subitò occidisse, neque tamen à decem annis, quibus hoc malo iam conflictabatur, non obstante bestiolæ interitu, veneni vim fibris intimis diffusam, quicquam remisisse; Nulla igitur hic actio in distans, nulla sine medio venenosæ virtutis diffusio, vt ij, qui hoc vnico exemplo prodigiosi illius & sanè ridiculi vnguenti Magnetici Armarij occultam vim & sine medio in distans se propagantem defendere conantur, putant; cum totum hunc effectum in morsu à Tarantula intimis fibris venenum semper præsens operetur, Fui & ego aliquando in hac sententia, venenum à Tarantulæ dependere vita, sed rebus omnibus & circūstantijs tum Tarantulæ, tum hominum eius veneno infectorum diligenter & minutim examinatis, aliter rem se habere inueni; Quod verò affecti musica mirum in modum leuentur, non tamen omnibus & quibuscumque, sed certis & accommodatis modulis, eius rei rationem in musica Magnetica trademus; vbi & de hisce & similibus fusiùs loquemur: nullum igitur in rerum natura agens naturale assignari potest, quod effectum in extremo produciens non agat per medium, neque enim res per consensum, aut dissensum inuicem alia ratione se sentire & alterare videntur, nisi quia, vt supradixi effluuia quædam siue eæ sint qualitates, vt in Magnete, lumine, cæterisque mistis corporibus, siue corpuscula, vapores, & exhalationes subtiles, & tenucs, vt in odoriferis corporibus, è corporibus promanantia, per mediū intra actiuitatis Sphæram

Tarantula bre-
uis vitæ.

Nō datur actio
in distans.

Musica vis.


Qua ratione
effectus sym-
paticus cōtin-
gat.

vniformi difformi motu lata, vbi ad corpus, vel ob similitudi-
nē & conuenientiam proportionatum, vel ob contrarias leges
dissimile, impropportionatum, dissentiensque peruenerint, sen-
sibiles alterationes ostendunt, & effectus quosdam, qui non
apparent in medio, eo quod medium non est subiectum tale
proportionatum; Hac ratione Magneticæ formæ & Sphæræ
in aëre; aut aqua, vel quouis alio medio non Magnetico,
quasi aër aut aqua susciperent illas, aut illis informarētur, exi-
stere nulla ratione concipi debent, sed ex tunc formæ effun-
duntur, & realiter subsistunt, cum illic Magnetica fuerint
corpora; vnde Magnetis intra orbem constitutum Magneti-
cum statim apprehenditur, nulla verò ratione lignum, aliud
uè metallū, præter ferrū, nec cetera corpora & subiecta improp-
portionata; sic sensus olfactionis non fit in medio, vt in manu
aut pede, cum tale subiectum, siue organum non sit propor-
tionatum; sed in naribus tanquàm in organo naturali, idem
de reliquis sensuum organis, vt de visu, auditu, gustuque
iudicium esto; Qui igitur consentientium aut dissentientium
rerum naturas, qualitates, complexionem, motus, diffusiuam
vim solerti & sagaci studio per continuam virium qualita-
tumq; combinationem dicta Magnetica methodo fuerit per-
scrutatus, nullus ei effectus in natura adeò peregrinus & ra-
rus occurrere poterit, cuius causam non assignet; neque
necessè est, ad scientificam rerum naturalium notitiam mo-
dum, seu processum virtutis propagatæ intimè concipere, seu
causam à priori assignare, hoc enim nemini, quamdiū in hoc
Terreno corporis ergastulo detinetur, naturaliter concessum
est; cum enim nemo veras rerum à sensibus abstractarum spe-
cies habere possit; sed ex sensibilibus omnia, teste Philoso-
pho, colligamus; mirum non est, si de inuisibilibus quoque
eorum virtutibus, non vsque adeò firmiter Philosophari pos-
simus. Sufficiat igitur vtcumq; per similitudinarias notiones
in qualem qualem rerum notitiam conuenientem homini in
hac vitæ peruenire. Sed ea hæc fusius forsan, quàm per erat
persecutus sum; nunc ad tertiam motus speciem explican-
dam nos accingamus.

Nullus morta-
lium inuisibi-
lium rerū vir-
tutes perfecte
cognoscere
potest.

CAPVT VII.

*De motu seu inclinatione Magnetica
Plantarum.*

 Igitur totius terreni globi moles ad cæli globum situ se accommodat, & mediante matris telluris ductu magnes filius genuinus, matris suæ polos appetit, quos vtrumque insito sibi appetitu quærit, & ad eos se motu circulari, si ab ijs remoueri ea forsan contingat, conformat; ita plantæ non solum ad tellurem matrem, cuius fœcunda soboles est, sed & ad Solem, Lunam, cæterasque stellas insito sibi appetitu, tanquam ad principium, conseruarium conuersæ, circumaguntur; de quibus paulò post ex professo tractandû est; & vt à primò motu, quo certæ plantæ certas terras ita depereunt, vt citiùs pereant, quàm ab ea remoueantur incipiam; sciendum est, terram, vti communis rerum mater est & matrix, ita rerum omnium quoque semina in se continere, quod hoc experimento manifesto.

Experimentum.

SI terram virginem è profundissimis terræ visceribus, ad quam nulla vegetabilis naturæ semina peruenire potuisse suspicio est, petitam, vasi incluseris, locoq; superiori ab omni feminali mustura, quæ in inferioribus partibus, eâ impregnare posset, remotam exposueris, successu temporis terram hanc virginem seipsa ingrauidatâ, numerosam herbaceæ proles propaginem exhibere aduerteris, non tamen rarum & inuisum herbæ genus, sed quod terræ isti, locoue consuetum est. V.G. Romæ helxinem, anagallidem, blitum, belides, fumariam, similesque plantas producet. Quod si eandem terram, in locis humidis, veluti in concauis Puteorum Fontiumq; porosis faxis collocaris, illa ex insita sibi *παραπαρα* herbas loco conuenientes, vt adiantum, capillum veneris, scolopendriam, cymbelariam, aliasque dictis vliginosis locis gaudentes herbas pro-

Terra insiram
sibi vim pro-
ducendi her-
bas habet.

ducat; Iterum si dictam virginem terram rimis murorum, tegularum, maceriarumque indideris, germinabit illa tibi parietariam, blitum, sedum omnigenum, aliasque similia loca appetētes saxifragas plantarum species, experimentum certum est, non à me solum, sed & à peritissimis Botanicis, frequenti experimento compertum; etsi ego terram vnā cum aqua siue ea Fontana fuerit, siue pluuialis (quam panspermia quadam, siue omnigena seminum mistura factā supra ostendimus) hosce effectus producere eo modo, quo dictū est, veriùs existimem. Quidquid sit, singulas terras sibi conuenientes, & proprias herbas producere, morbis istius loci profligandis appropriatas adeò notum est, vt nihil notius; singulaq; plantæ singulas sibi natales terras ita appetunt, vt mori potius velle, quàm illas relinquere videantur. Possunt autem hæc loca tripliciter considerari, vel ratione Climatis, aut ratione plagarum mundi, vel denique ratione loci peculiaris; Clima à natura ipsis assignato singulæ plantæ adeò constanter adhærent, vt si transplantatione forsan exulare cogantur, vel pereant, vel alienam penitus naturæ indolem induant; ita cinammomum alibi plantatum, in Laurum; Piper verò in Hederam degenerare compertum est; Zingiber verò patrio exuta cælo, in aliena terra, mærore contabescit, Plantæ (sub quibus semper & arbores comprehendo) singulæ singulas sibi conuenientes mundi plagas adeò obseruant, vt Botanici plantas in Orientales, Occidentales, Australes & Boreales ideò diuiserint; Quercus, Fagus, Inniperus, Boreales partes amant, Meridianarum impatientes; Hinc in calidioribus Regionibus, vt in Italia & Sicilia altissimorum montium frons siue sinciput, in Austrum vergens, plerumque nudum, glabrum, arenis perpetuò squalidum; occiput verò Boreum copiosa Quercuum, Fagorumque propagine, veluti cæsarie, quadam ornatum spectatur; Quædam plantæ adeò meridianam plagam appetunt, vt vel per crassam maceriam diductis ramis, radicibusque perforatam; si incommodo loco fuerint plantatæ, violenter sibi incommodam concupitamque plagam aditum faciant. Quod si verò inuitæ plagis contrarijs persistere cogantur, adeò hoc inconuenienti situ cruciantur, vt omni robore & viribus ademptis

Aqua pluuialis
omnium rerum
mistura constat.

Metamorpho-
sis Plantarū.

Plantæ iuxta
varium mundi
situm deno-
minantur.

ptis veluti mæstitia confumantur. Hinc Melitenses & Siculi Nauteæ in arboribus Calabriae pro Nauium fabrica ceden-
dis, plagæ arboribus conuenientis maximam rationem habet.
Ad vnâ enim partem solidiores, robustiores, durabiliorefq;
quàm ad alteram esse comperiuntur. Præterea cum plantæ
singulæ qualitatem istius terræ, à qua fuerunt productæ, assu-
mant, naturali quodam appetitu veluti patriæ amore in eam
feruntur; Hinc aquaticæ in locis torridis transplantatæ phtifi
plerumque contabescunt; siccæ verò naturæ ex locis ari-
dis in humida translatae hydropifi, vt plurimum, intume-
scentes humore nimio computrescunt; ita frigidae in locis
calidis corrugatae, in nescio quos arthriticos effectus incidunt;
calidae denique in frigidis locis ita degenerant, vt vix digno-
scantur; ita varia transplantatione, variam causari Plantarum
metamorphosin Teophrastus quoque notauit, vt rapum,
Brassica, Typha, Zea, Sifymbrium, & Menta alternas sola
transplantatione metamorphoses experiuntur. Nenupharum,
seu Nymphæam proprio experimento comperi, adeo humo-
ris appetentem esse, vt si in sicco plantatae vas aqua ple-
num supponas, toto veluti corpore inclinata aquæ coniugium
ambire videatur.

Plantæ patriæ
solum naturæ
liter amant.

Quis non miretur miram quandam inter palmam marem
& foeminam sympathiam, qua vehementi quodam amore,
ita se prosequuntur, atque adeo altè ijs Veneris quidam in-
tellectus insidere videtur, vt altera alteram depereat; nec
prius hæc desiderio leuetur, quam eam adamatus mas conso-
letur: [nec latet hæc *Φιλονογία* Agricolas qui palmas inibi
obstitas manibus contrectantes, ad eam reuersi, quæ amore
tabet, manibus contingunt; tunc osculo illa, vt cum Plinio
loquar, manum blandè demulcens, amorem confitetur, se se
illius desiderio stimulatam, huius vesaniæ remedia affert, quo
amor diluatur. Maris enim flores trunco erutos Amasiæ
capite circumponunt, tunc amans amoris pignore exhilarata
vberi fætura fecundabitur.] Quidquid sit ab ipsis Africanis,
dum Melitæ degerem, non semel intellexi, sine maribus
in Africa foeminas passim sterilefcere, coniunctas verò ma-
rito, mox nutare, ac in mutuos amplexus ruere, vna vel ad
alterius aspectum surrigente comas, hoc pacto foeminâ blan-

De palmarum
Magnetismo
mira.

dioribus comis conspicuam, mas erectis comis hispidus, afflatu visuque ipso & puluere suam consortem veluti grauidat; dum igitur mascula floret, spatham ascendentes puluerē super fructum foeminae decutiunt, illa eo aspersa suos fructus nullò pacto amittit; sed roborat & perficit; imò comis se mutuò implexis iucundissimè simul, ac genialiter viuunt; cuius quidem rei ratio alia non est, nisi humoris excessus in mascula palma, atque vapor quem continuo exspirat, quo dum foemina destituta est (neque enim ratione dispositionis pororum, tam expeditè humorem trahere potest, ac mas laxioribus poris præditus) mirum non est, si & naturæ quodam instinctu, vt & alia vegetalia in eam tanquàm nutrimenti sui largitorem beneficium, vt Nenuphar ad aquas, inclinet.

Caprificus.

Simile quid in Ficu & Caprifico in Calabria me obseruasse memini, est enim Caprificus Ficus mas, & syluestris, ficus quidem innumeras producens, at quæ nunquam maturescant; nihilominus quod ipsa non habet, alijs videlicet foeminis solet abundè largiri. Nam agricolæ quo ad maturitatem ficus citius perducantur, atque in arbore firmentur solidius; Ficus immaturas Caprifici, foeminae fructibus circumponere solent, quo fit, vt & ficus breui tempore, & perfectè maturescant; & ita arbori firmiter inhæreant, vt de decidèntia, nulla ratione imposterum metuant; hinc quoque in siccis campestribus Apuliæ, permittuntur ad rationem venti, vt flatus feratur in ficus, vel eius fructus aliunde allati & colligati, iniiciantur ficui; inest igitur Caprifici fructibus vis quædam *ὀψιωννή*, siuè maturatiua, quam dum in præsentibus alias ficus exspirat sphaericè, eas concoquit, crudum & superfluum, humidum tetrestreque in ijs digerit, atque ita tandem ad maturitatem perducit, & cum hæc vis putredinem quoque impediat, fit vt ficus formam quoque in arbore consistentem acquirant.

Quomodo ficus
breui mature-
scant.

Q V A E S T I O.

*Quomodo & utrum membra animalis
Plantæque alimentum verè
Magneticè trahant?*

Plerique Medicorum existimant, attractionem, qua animal aut planta conueniens sibi nutrimentum attrahit, esse verè Magneticam, perperam; magnes enim ob multos alios fines cum consimili sibi corpore coit, quàm planta cum nutrimento, ordinantur enim illi coitus, in ordine ad situm naturæ conuenientem cum toto obtinendum, siue ad indiuiduum sibi subiectum conseruandum, quæ admodum diuersa sunt; etsi attractio vtraque id, quod remotum est, & distans tabulum conuenientia quadam naturæ sibi incorporeo, ita videmus plantam, non vnus tantum generis succum attrahere, sed & pro membrorum plantæ diuersitate, diuersa nutrimenta, omnia sub vno tamen succo latentia attracta in se deriuare. Ita quod in succo terreum est, cortici cædit; quod est calidum, medullæ; quod subtile & humidum in folia, flores, fructus abit: non secus in heterogeneo corpore animalis; cum varia sint membra, singula naturali quodam appetitu, id quod membro certo correspondenti conuenientius est, attrahunt. Quæritur igitur in quo consistat huiusmodi vis plantarum attractiua, aliqui in vnum Solem referunt; quidam in vitalem calorem, sed cum caloris officium sit pabulum attractum concoquere, & digerere, non video, quomodo satisfaciatur hoc argumentum, nisi calorẽ hunc aliquid distinctum ob elementari dicas. Videmus enim & cineres humidum imbibere, & cartam bibulam, & tamen tantum caloris actualis non habent, quantum animalia, quæ minùs sunt attractiua. Denique sic etiam quispiam potum cibumque attrahere dici posset. Dico itaque hanc attractionem fieri non omninò à calore, & siccitate vitali, nec etiam ab omninò peculiari quadam virtute distincta, sed ex vtrisque orta, quæ immediatè ex ipsa anima vegetatiua emanet, quam nos appetitum

Quomodo plā-
tæ trahant ni-
cor materiæ.

In quo cōsistat
vis plantarum
attractiua.

Analogiæ rerū
Mira vis.

naturalem dicimus omnium vegetabilium; ita animal alimentum appetitu quidem naturali, sine quo vivere non possit, attrahit in genere; sed & singula membra sibi proprium quid in eo nutrimento heterogeneo maximè sibi cōueniens, attrahunt. Quin si species alicui membro propriæ solæ sumantur, tantò auidius dicta membra eas attrahent, contrariumq; fortius dispellent; hac ratione quædam mirificè cordi, alia iecinori, nonnulla spleni, quædam pulmōni, & stomacho, alia alijs partibus conueniunt, & quidem auidè ab iisdem attrahuntur. Contrarium verò ijs remis velisque fugere videntur. Quæ omnia ex præcedentibus constant. Hinc hepar calidum mirum in modum afficitur Cichoreo, Endiuia, Fumaria; refrigerant enim sanguinem, eumque ab omni superflua impuritate purificant; Scolopendria, Filicula, Ceteraco Splen gaudet, eius enim ope à superfluis facibus, impuritatibusq; melancholicis, quibus aggrauatur, liberatur; & de quibus in medicina nostra Magnetica fusior dabitur dicendi materia.

Cum ergo singulæ Plantæ ex vna & eadem panspermia, quadam fæta tellure pro conditione & qualitate terreni, cui inferuntur, nutrimentum naturæ suæ consentaneum attrahant. Certæ herbæ venenosæ, omnem qualitatem venenosam, terreno alicui insitam, tanquàm sibi proprium & conuenientem succum, salubrioribus neglectis, attrahent. Si verò terra, ita veneno infecta sit, vt præter venena, alia attrahere non possit, & ipsæ salutares herbæ succum suum in venenosam qualitatem conuertent; ita in terram è fouea bufonis erutam, atque aqua Napelli maceratam planta quæuis, quantumuis salutifera implantata, in exitiale prorsus venenū degenerabit, quod satis superq; Salvia venenoso bufonis habitu infecta docet, & sic de cæteris: Item si planta naturalem inclinationem ad metallica loca habuerit, naturam eius metalli supra quod creuerit, assumet; cum nutrimentum ex vapore metallico expirante, tanquàm sibi conueniens naturali quodam appetitu in corpus suum attractum deriuat. Hinc herbæ supra venam ferri, aut Magnetis crescentes, omnes Magneticæ sunt; Nam certa ratione præparatæ vim non attractiuam

Varias qualitates hauriunt plantæ ex loco in quo nascuntur.

etiam tantum, sed & dispositiuam participantes; de quo fusi in parte 2. libri 1. ita supra argenteam venam vna cum colore qualitatem argenti imbibent; Herbae quoque nonnullae supra fodinas crescentes Mercurium glaciare dicuntur; quod tamen falsum comperi. In Germania ad Danubium m. vti & in Hungaria vitium clauiculi; & folia plerumque inaurata spectantur latentis auri signum; Crocus quoque in sulphureis montibus crescens, eius vi imbutus stannum aureo colore tingit. Praeterea si plantae supra terram salutifera quadam virtute imbutam creuerint; tantò erunt salubriores, quanto plus de succo istiusmodi terrae participant. Secus fiet si supra terram noxiam, & prauis qualitatibus imbutam creuerint.

Quorum quidem omnium principalis causa & remota Sol est, proxima dispositio, seu qualitas terrae; Sol enim motu suo perenni varia causatur climata, pro varia dispositione tum proprii terreni; tum fluminum, maris, montium, meatuum ignium praeterea subterraneorum ope, hanc, quam videmus mineralium, vegetaliumq; varietatem producit. Quae omnia fusi in nostro Mundo subterraneo manifestantur; Cum igitur humidum cum puluere varia virtute foeto pluuia, aut rore, aut alia simili irrigatione in aptam terram generandis Plantis disponitur, Solis calore accedente generabitur Planta, iuxta naturam istius terreni. Hinc vnaquaeque herba in id, ex quo fuit, reuertitur, vnde & id, ex quo est, occulto quodam appetitu attrahit tanquam sibi simile, congenericum, & consequenter commodum; incommodum autem vel dissimile auersatur, vt prius quam id attrahat, contabescat. Quae omnia hoc constant experimento, si herbam minutim concisam, aut etiam in cinerem redactam terrae inseueris, herba crescet eiusdem speciei cum ea, quam terrae indideris. Conchilia contrita quoque in Promontorio Peloro Siciliae, ad lacus ripam in arena seminata, superaffusa aqua salsa, conchilia producere non sine voluptate obseruauit. Serpens quoque mortuus nouorum plerumque serpentum seminarium est. Innumera huiusmodi hoc loco adducere possem; si aut breuitas, cui studemus id permetteret, aut sa-

Vnaquaeque
Planta cum hu-
more terrae at-
trahet, qui na-
turae suae magis
fuerit consenta-
neus.

Experimentum
nouum.

Herbe nutrimentum sibi conueniens attrahunt.

gax ingenium, ex his plura alia inferre posse nesciremus. Sed vt paucis multa complectar, dico. Sicut se habent variæ herbæ animantium nutrimenta ad ipsa animalia: ita varij humores varijs qualitatibus imbuti vegetabilium alimenta, ad ipsa vegetabilia, Plantas scilicet; Sed sicut ipsa animalia, ea nutrimenta vegetabilia naturaliter appetunt, quæ naturæ suæ magis fuerint similia & consentanea. ita & vegetabilia eos humores substantiæ suæ magis similes, & congruos attrahere solent. ita vnumquodque animal statim ex naturæ quadam necessitate ad illud nutrimentum, quod sibi, suæq; naturæ maximè iudicat consentaneum, accurrere solet. Ita Capra, Lentiscum blitum, & extremitates frondium, Bos foenum, Asinus carduum, Canis panem, carnemque, Cattus piscem, Lupus ouem, Accipiter columbum inuadit. Non secus de herbis dicendum est, vnaquaque trahente liquorem illum, qui ad naturam propriam conseruandam illi fuerit aptior; ita quod solare est in terra, solares sibi vendicabunt Plantæ; quod Lunare, lunares; quod Saturninum, saturninæ; quod Iouiale, Iouiales in se deriuabunt.

Confectarium.


Metamorphosis Plantarum.

EX dictis sequitur, quod quicumque hæc benè intellexerit, is multa naturæ miracula in Plantarum metamorphosi sit effecturus, quemadmodum paulò ante quoque, dum de insitione ageremus, ostendimus. Salutiferam enim Plantam in venenosam, venenosam quoque in salutiferam: Triticum in auenam, Ebulum in Sambucum, Ilicem in quercum, Adiantum in Scolopendriam, aliasq; in alias Plantas facile magnetismo ijs competente conuertet. Quæ omnia, fusiùs hoc loco ostenderem, nisi ex præcedentibus ea veluti confectarijs quibusdam constarent.


*De magnetismo virgulæ auriferæ, siue
diuinatoriae.*

HIs ita ritè traditis, examinatisque, nunc hoc loco quæ-
ri posset, vtrum mineralia inter & certas Plantas, seu
ligna magnetica vis, quibus attrahant se inuicem, interce-
dat. Dubium mouit, VIRGVLA DIVINATO-
RIA, siue metalloscopica, cuius maximus in metallicis ve-
nis detegendis vsus esse solet, atque ea quæ sequitur ratione
fit. Primò virgam cultro resecant columnam, quam præ
cæteris ad venas quærendas, idoneam esse censent, præfer-
tim si Corylus supra venam aliquam creuerit; necesse autem
est, vt digiti compressi ad cælum spectent vtque virgula eri-
gatur ea parte, qua cornua coeunt, vt ex figura patet.

Fabrica virgu-
læ auriferæ.



Alia quoque ratione has virgulas
apparari in Germania vidi; acci-
piunt tenuissimū & enodem Co-
ryli furculum, quem bifariam in-
duos bacillos dissecantes, horum
vnum bacillum in suprema par-
te excauant, alterum in conum
acuunt, ita vt hic conus alterius
concauo commodè, & leuiter
veluti in matrice excipi possit:
hoc ita facto, huc atque illuc per
montosos tractus vagantur; di-
cunt itaque simul ac supra ve-
nam pedem posuerint, statim
virgulam versari, & inclinatione
sua prodere venas; verum sicuti



experimentum innumeris superstitionibus scatet, ita pauci
ei fidem habent. Georgius Agricola lib. 2. de re metallica
expensis vtriusque sententiæ momentis, tandem negatiuam
opinionem amplectitur. *Virgula, inquit, diuina, qua incanta-
tores scrutantur venas, vt annulis etiam, speculis, crystallis, quã-
uis forma furcæ figurari possit, nihil tamen ad rem interest, recta-*


Vtrum naturali
vi latentes ve-
nas auri & ar-
genti mōstrēt.

Ex constitutio-
ne Plantarū in
montibus, me-
tallum, quo
mons prægūis
est, cognosci-
tur.
Montes glabri
& steriles me-
tallorum ple-
rumq; feraces.

Vtrum Plantæ
Magneticæ
trahant Me-
talla.

*ne sit, an in aliam figurā formata: non enim valet virgulæ figura; sed incantamenta carminū, quæ mihi cōnumerare nō licet, neq; li-
bet.* At se positis omnibus incantationibus, atq; vitiosis super-
stitiosisq; circumstantijs, solum hoc loco quæri posset; Vtrum
aliqua vis naturalis huiusmodi Corylo Insit, qua argentum
petat ab eo attracta; vt hæc difficultas melius enodetur, sciē-
dum est, Mineras subterraneas continuo quosdam halitus
expirare, quibus pro Metallorum diuersitate, diuersimodè
quoque & terra & plantæ alterentur; Adcò, vt Metallogomo-
nes, vel ex sola Plantarum constitutione & qualitate, in in-
terioris montium qualitatis venarum cognitionem deuenire
possint. Halitibus enim ex Antimonio, Auripigmento, Ar-
senico exspirātibus, omnes Plantas aduri consumiq; necessè
est, præter quasdam, quæ hoc halitu veluti roborantur; vnde
mōtes glabri & steriles plerumq; metalli latentis alicuius indi-
cium præbent; Indicium quoque latentis venæ erit; si arbo-
rum folia tempore verno liuida sint; aut subcærulea, si rami,
præsertim superiores infecti nigrore aut alio colore minùs
naturali; si stipites bifidi, si rami nigri aut discolorés, ea
namque opera, faciunt calidi & sicci venarum halitus, qui
ne radicibus quidem arborum parcunt, sed eas adurentes,
prorsus infirmas reddunt; dubium igitur nullum est, Plantas
metallica qualitate continuis montium exhalationibus im-
butas; aliquam ad ipsa metalla supra quorum venas crescunt
similitudinem fundare, difficultas solum est, vtrum hæc simi-
litudo attractum causetur; Paracelsus n. primò in ea opinione
fuisse reperiò; vnde suadet diuersa metalla diuersis virgulis
inquirenda; eò quod nulla sit planta, quæ non habeat me-
tallum aut minerale quoddam sibi appropriatum, in quod
naturaliter, vt alia omnia, feratur. Hinc ait Corylum
super argenti venam crescentem naturaliter, venas argenti
appetere; ita virgam fraxineam, æri, virgulam ex Piceastro
plumbo reperiendo conferre, eò quod dictæ arbores dictis
occulto quodam consensu respondeant; addit Iuniperum,
Hæderam, Caprificum, Pinastrum, aculeataq; omnia maxi-
mè metallorum societate gaudere, atque idcò, vt plurimum
latentium venarum signum esse. Ego autem hanc virgularum
diui-

diuinarum inclinationem ex vi quadam Magnetica, qua plantæ occulto veluti motu in ea ferantur, prouenire non facile crediderim; cum huiusmodi virgulæ dictis metallis, quibus cum amicitiam habere dicuntur, applicatæ, quantumuis exactissimè & leuissimè æquilibratas, nullum tamen inclinationis effectum præstare, experimento à me factò, non semel compererim; quem tamen equè præstare deberent, ac supra venas expositæ. Quomodo autem metalloscopi huius certissimum experimentum in ipsis quoque fodinis sumere valeant, hic docere non omittendum duxi; Accipiantur stolones earum arborum, quæ cum diuersis metallis Magnetismum habere dicuntur. Ex his acum formabis non secus ac acus Magneticæ



fieri solent; sint autem huiusmodi acus *μεταλλόσκοπος* ex duobus diuersi generis lignis compositæ, prior pars ex stolone ad metallum sympathico; altera ex quolibet ligno sicco, vtraque coniuncta, in vnam veluti acum coalescat, quæ loco coniunctionis pileo quodam ex qualibet materia

Acus metalloscopi.

coniuncta; supra obelum stipiti oblongo infixæ perfectè æquibrentur; quo factò si vim motricem experiri volueris, locū venæ amicæ, cum dicto instrumento accedes, & siquidem motrice vi fuerint imbutæ, pars illa stolonis sympathica necessariò ad metallum se inclinabit; sin, certò tibi persuadeas, supra memoratam inclinationem virgularum diuinarum esse fictitiā, cum manibus metallicorum variè eam pro libitu inclinantibus potius, quàm propriæ virtuti inclinatiuæ huiusmodi effectus adscribendus sit; si verò eam inclinare inueneris, non ea Magnetismo, sed elementari virtuti imputes velim, vt paulò post dicam. Hac arte ego virgulam ex Alno præparatam, egregiè latentem aquam inclinatione sua demonstrare reperi; hac quoq; arte rerum diuersarum motiones occultas indagare solertem philosophum posse, manifestum est,

Virga alnina
ad aquam la-
tentem inclina-
tur.

Virga alnina
ad aquas se in-
clinat & cur.

Experimenta.

Mercurius cur
subinde inter
cortices arboris
reperiatur, &
in cranio ho-
minis.

est, unde hic eam adiungendam existimaui, vt curiosis inge-
nijs, multa experiundi occasionem præberem; Porro vim
eam, qua ad latentem aquam, aut metallum se inclinat virga,
seu versorium, verè Magneticum esse non puto. Sed hanc in-
clinationē si quandoque contingat, ea ratione, quæ sequitur,
fieri verisimile est. Vapor aut exhalatio metallica per radices
arboris hausta, ramorum foliorumq; humori coniuncta con-
stringitur, cum autem omnis vapor constrictus solutusque
grauitet, fit vt continuo augmento vaporis metallici, præ-
grauatum lignum incuruatūq; se veluti inclinet; hac ratione
virgam alninam ad latentes aquas scrutandas præparatam,
dum vaporem exeuntem è terra auidè imbibit, tandè eo præ-
grauatum inclinare inueni; cuius rei argumentum id sat
præbuit; quod non quouis tempore, sed ante meridiem, vt
plurimum, dum vapor est copiosior, hunc effectum præstet,
meridiano vt potè vapore consumpto non item; tunc enim
virgulam alninam paulò ante inclinatam; in æquilibrio consi-
stentem reperiēs. Quod libra quoque experieris si enim bi-
lancis vacuæ æquiponderantis, vnā partem ollæ aqua cali-
da refertæ, altera extra vaporem consistente, imponas, notabi-
liter lancem ollæ impositam rotido vapore infectam, alteri
præponderare cognosces: consumpto verò vapore, aut exsic-
cato ad æqualitatem redigi; Hinc quædam herbæ super mine-
ras crescentes dicuntur glaciare Mercurium; Ad Danubium
Vitis clauiculi & folia plerumque inaurata spectantur, latentis
venæ aureæ signum; Crocum in sulphuræis montibus crescēs,
eius vi imbutus stamnum aureo colore tingit. Ex quo patet
omnibus arboribus plantisque hoc proprium esse, quamuis va-
por metallicus aquæ commixtus hunc effectū notabilius præ-
stet. Hinc patet quoque cur subindè inter cortices arborum
copiosus Mercurius reperiatur. Siquidem per subterraneum
æstum rarefactus Mercurius per subtilissimas rimas viam sibi
euaporando faciens, inter roscida folia arborum constrictus,
sue naturæ restituitur inter corticem arboris receptus; qui
hanc rationem benè perceperit, rationem quoque intelliget,
cur subinde in sepulchris, in craneis mortuorum argentum
vium reperiatur. Ij enim artifices, qui in extraheundo, vult
præci-

præcipitando Mercurio multum occupantur, sæpè non exiguam vaporis partem per nares excipiunt, qui in frigidas cerebri cellulas receptus, ibi denuò congelascit, vbi & post mortem tanquam in vasculis perennat; non vt nugantur quidam Philosophastri, quod intta hominem, & vbiuis, vt materiam lapidis sui hoc prodigio iactent, inueniatur; Docuit hoc satis superque hic Romæ non ita pridem Aurificis anatomia, qui cum heteroclitos capitis dolores multo tempore passus, tandem obiisset; in aperti capitis cerebro, plus quàm libram argenti viui reppererunt ex vapore hausto ibi coagulatum. Sed hæc de virga diuinatoria sufficiant. Verùm antequam ad plantas Heliotropias accedamus, Tartarica quædam stirps aliquam moram meretur; Conscribunt eius historiam inter cæteros Sigismundus Herbersteinus in sua Moscua; Haytho Armenus, de Tartaris: Surius in commentario anni 1604. & Scaliger his verbis; *Superiora ludum putes, ita admirabilis est Tartaricus frutex. Tartarorum Horda, primaria Zauolba est, vetustissimæ nobilitatis commendatione: In eo agro ferunt semen seminis melonis simillimum, sed minus oblongum. Ex eo sato plantam exire, quam Boramez, idest, agnum vocant, crescit enim agni figura ad pedum ferè trium altitudinem, quàm pedibus, ungulis, auribus, toto capite, præterquam cornibus refert. Pro cornibus pilos gerit, singularis cornu specie: obducitur corio tenuissimo, cuius detracti vsus, capitum tegmina incolis; Ferunt internam pulpam Gammari referre carnem; Ceterùm ex vulnere quoque sanguinem manare. Radicem exertam surrigere ad umbilicum vsque; illud miraculi facit magnitudinem, quando vicinis obsidetur herbulis, tandiù viuere quasi agnum in lato pascuo, absumptis illis contabescere atque interire; Quin & appetitur à Lupis, non item ab alijs bestijs carniuoris. At hoc vltimum quasi condimentum atque intritum ad fabulæ & agni allusionem adiunctum arbitror.* Variæ sunt authorum de hac planta mirabili opiniones, dum alij plantarum; animalium aliqui; quidam etiam Zoophytorum eam numero adscribunt, nos ne nimium miracula multiplicare videamur, eam plantam simplicem esse asserimus; quod verò in animalis loco pedum thyrsos suffulti figuram

De frutice
Tartarico Bo-
ramez dicto.

Vtrum Zoophy-
tum.

excre-

ὄρχιδες μέ-
λισσόμορφοι,
ἢ αἰθερ πο-
μόρφοι.



excreſcat, quod ſanguinum ſub pelle lanigera. ſuccum, inciſum ſtillet; non me mouet; cum hæc omnia & in alijs plantis reperiantur. Qui Orchides apiformes, & anthropophoras vidit, quarum illæ muſcarū apumque, à quibus nomē ſortitæ ſunt, imaginem; hæc formam hominis nudi, capite, brachijs, & pedibus; imò quod mirum dictu, ſexum perfectè mentitur; quod naturæ ſpectaculum, cum in,

Botano-trophæo Henrici Coruini Pharmacopæi Romani celeberrimi huius ſæculi Botanici, non ſine admiratione fuiſſem intuitus, quæ de Boromez à diuerſis circumferebantur, vt crederem, facilè inductus ſum; quod autem pelle lanigera, ſanguineo ſucco referta turgeat, nouum non eſt, cum & punica mala, & certum malorum genus, aliaq; quàm plurima, (quæ quomodo phytomagnetica arte produci debeant, ſupra in phytomagnetismo diximus) vt ſanguinaria, huiusmodi ſucco abundant; omnia denique hæc Perſicum pomum, certi generis referat, cuius extrema ſuperficies alba lanugine inducta, dum inciditur, liquorem ſanguinis inſtar fundere videtur. Scribit Manardes arborem Indicam eſſe, ex cuius fructibus ſanguis Draconis exprimitur, quæ fructu ſuo perfectiſſimam Draconis effigiem referat, cuius humor intrinſecus ſit ſanguis Draconis, quo nos vtimur. Præterea ſunt Plantæ, quæ floribus, fructibus, folijs, truncis, radicibus, ſingulas corporis partes, oculos, aures, caput, manus, pedes perfectè referunt, ita pſylij ſemen pulicem, cynocephala caput canis, ſemen Echij ſerpentis, Anthirrinum caput hominis Napelli flos cranium mortui præſeferunt. Nihil igitur hæc difficultatis

Platæ floribus,
ſemine, folijs,
varias animalium
partes re-
ferunt.

tatis pariunt. Id quibusdam mirum videtur, quomodo dicta Planta Boromez herbas circumscitas, quas non tangit (supponimus enim caule in aere leuatum fulciri) depascatur. Hoc, dum multi capere non possunt, ad consuetum ignorantiae asy- lum confugientes, magnetica, vel electrica quadam vi herbis ad se attractis agnum frui; ijs consumptis emori eum afferunt; miror ego multos, dum domesticas causas & consuetas in promptu habeant, exteras & peregrinas non minus, quam incertas sectentur; neque enim hic ullus alius magnetismus fingi debet, quam is, quo singulae Plantae in nutrimentum naturae suae debitum (quod per radices & scapum attrahunt) naturali appetitu feruntur. Dum itaque herbae circumscitae paulatim minuuntur, non est cogitandum, agnum hunc plantalem occulto quodam tractu eas consumere; sed per caulem omnem circa humorem, cuius magna vi indiget attrahit (non secus ac Cuscuta & Hedera humorem alijs arboribus debitum tyrannica quadam inuasionem sibi vendicant) quo Plantae vicinae dum priuantur, mori eas una cum agno necesse est: sed hęc adiungere hoc loco volui, ne quicquam ad nostram magneticam artem pertinens, omisissē videremur. Innumera hoc loco adducere possem huius farinae; sed qui praecedentia benè perceperit, nullo negotio aliorum rationem dare poterit.

CAPVT III.

Ἀνδρομαγνητισμός.

siuè

De Plantis Heliotropijs, earumq; facultate magnetica.



Nter ceteras Plantas, quae eximio magnetismo pollere videntur, principatum sanè non immeritò tenent Plantae illae, quae à motu, quo Solem sequuntur Graecis ἡλιότροπα, hoc est, Solisequa vocantur. Et quamuis omnium penè florum proprium sit lu-

Magna varietas
Solidiorum


Horologia Ru-
sticorum.

Loti historia.

Flores imitan-
tur motum celi
diu num. & an-
nuum.

mine & Sole gaudere, in aliquibus tamen magis, magisque hoc
ce naturæ spectatur coniugium: omnes enim flores plantarū,
qui aurea foliorum in orbem diffusarum foetura radiantis So-
lis discum proximè mentiuntur, vt Tragopogon, Cyclamen,
Chameleon, Chrysanthemum, Lupinus, omnes Cichorearum
species, Tulipæ, Liliū Persicum, Anemones, Scorpiurus,
Heliotropium propriè sic dictum, Acacia, Lotus, aliaq; in-
numera hac vi conuersiua præditæ; nescio quid amicitiae cum
Sole habere comperiuntur; Lupinus, Cichorium, Conuol-
uulus, adeò sollicitè Solem quærunt, vt à constanti motu in
orbem iuxta Solis motum, factò, horologia rusticorum dici
meruerint. Heliotropium, Scorpiurus, Liliū persicum, adeò
pertinaciter etiam cælo obnubilato Solem sectatur, vt
caulem, siue thyrsū ipsum etiam intorqueat; Acaciæ, quæ
in hoc Collegio Romano abundamus, folia ita Solem amant,
vt simul ac is ortus fuerit, illa laciniolosam indolem paulatim,
vsque ad meridiem, veluti propalam omnibus decoris sui
speciem ostendentia explicare soleant; Sole verò occidente,
ita dicta folia contrahit, vt non folia, sed Iuniperi spinas dice-
res. Mirum tamen est, quod de Loto Aegyptia, ait Theophra-
stus lib. 4. cap. 10. *Nascitur fructus in capite, modo quo in sa-
ba, flos candidus, Lilijs foliorum angustia proximus; multi ac
densi promiscui exeunt: Sole occidente se comprimunt, caput inte-
gunt, ad ortum aperiuntur, & super aquam assurgunt, idq; facit
dum caput perficiatur, floresq; defluant; capitis magnitudo, quan-
ta papaueris maximi, & præcingitur incisuris non alio modo,
quàm papauer: nisi quod in his fructus frequentior habetur, qui
Milio non absimilis est: in Euphrate caput, floresq; mergi rese-
runt, atque descendere vsque in medias noctes, tantumq; abire
in altum, vt ne dimissa quidem manu capere sit; diluculo deinde
redire, & ad diem magis, Sole oriente iam extra undas emerge-
re, floremq; patefacere: quo patefacto amplius insurgere, vt pla-
nè ab aquis absit aliè. Hucusque Theophrastus. Quæ omnia
singulari studio examinata, ab ijs, qui dictas partes lustrarunt,
vera esse comperi; Plantis igitur vis quædam inest, qua Solis
non diurnum tantum, sed & proprium siue annum motum
affectent. Non enim desunt arbores, & plantæ, quæ à prima
germi-*

germinis ætate foliorum continuum incrementum vsque ad Solis Solstitium fumentes, cum Sole continuo crescant; Sole verò conuerso, & ipsæ conuersæ ad æquinoctium vsque decrescant; donec Solis in australem mundum abeuntis præsentia destitutæ, veluti mœrentes contabescant. Huius motus veluti rudimentum quoddam, tum in multis alijs, tum potissimum ijs in arboribus, quorum folia ab vna parte virentia, ab altera subalbicantia sunt, cuiusmodi abietes, & certum quoddam salicis genus portat, spectatur. Huc pertinet, quod superioribus annis de Heliotropio quodam prorsus admirabili retulit Franciscus Perez Insularum Philippinarum, in negotijs Societatis nostræ Procurator. In Insula Quilola, Mindanao, alijsq; circumiacentibus fruticem esse inquit, cuius flos adeò constanter Solem intueatur, vt ne vnguem



quidem ab eo vnquam declinet. Nam Sole primum æquatorem subeunte, atque in ortiuo puncto constituto, flos veluti graui expergefactus somno, sponsi sentiens præsentiam, omni mox torpore excusso, expansaq; decoris sui supellectile vltro obuiam ei prodire videtur, quod dum facit in vtroque horizonis puncto se parallelo quodam situ ita ad Solem disponit, vt meridiani tum orientalem, tum occidentalem fa-

ciem, in meridie verò flore thyrso normaliter insistente, horizontale planum perfectè referat, verbo hemicyclum æquatoris diurnum, ad motum Solis, ea constantia, describat, vt stipula centro eius *ωεγ; τὰς ορδὰς* infixa, in limbo, horario non secus, ac in Scioterico quodam horas diurnas designet; sit æquator ACB, Solis ortuum punctum A, meridianum C, occiduum B. Solem igitur in puncto A, emergentem flos in D expansus, vsque in E sequetur, stipula sua horas in circulo D, E, designaturus; Solem verò ex C, in B, descendentem flos vultu irretorto comitabitur, vbi Sole se condente, & flos intra calicem suum abditus, vsque ad sponsi reditum quieti tantisper se committet. Porro Sole australia signa percurrente, flos in austrum declinans, vnà cum Sole, australes, eo verò borealia signa subeunte, in boream declinans, boreales describet parallelus, ita vt in vno flore tota solaris motus ratio patefiat; quod sanè magnum naturæ miraculum censei debet. Lego de simili flore apud Arabes, quem Haret vocant. Hanc eandem esse credo, quam Eusebius Noribergius in suo Plinio Indico, vocat plantam mimosam, de quo ita: *Alia planta inuenitur quibusdam hortis quinque palmorum longitudine, & vicinis arbutis, atque parietibus incumbens, tenui caule, eleganti virore prædita, nec admodum rotundo, per intervalla exiguis & pungentibus spinis obsito, gaudet humidis & petrosis locis, & herba mimosa nuncupatur, quoniam manu admota senescit & marcescit, manu verò remota pristinum virorem recipit,* (cuiusmodi hîc Romæ apud Eminentissimum Cardinalem Barberinũ, dum hæc scribo me vidisse memini); *sed non admodum celeriter vt prius; singulis noctibus Sole occidente senescit & seccatur quodammodo, ita vt contabuisse videatur, oriente verò Sole vigorem recipit, quantoq; Sol magis feruet, eò magis viret, totoq; die & anno folia ad Solem conuertit.* Hanc eandem credo esse herbam, quam apud Salamas Arabem in libro quem inscripsit Bostan Alduni, id est, hortum vniuersi, lego, quæ veluti sensitiua vi quadam imbuta, manus atrectantium refugit, atrectata verò squalet, quam & mirum quendam cum Sole consensum habere dicit, ita vt cum occumbente Sole occumbat, cum oriente oriatur, cum declinante

Varia Helio-
tropia.

nante declinet, vera Solis in omnibus simia. Huic tam mirabili flori nostra heliotropia aliquo modo respondent. Nam præter superius memorata, Maluæ quoque flores, Sole meridiano subeunte quasi syderis iubari inhiantes, se pandunt, atque altera hora, illius veluti digressu & desiderio marcescunt & occluduntur, ob id Theophrastus Horariam vocat, Columella de Moloche ita canit:

Maluæ.

Et Moloche prono, sequitur quæ vertice Solem.


Prodigiosum sanè naturæ miraculum, vt herbæ núbilo die, delitescentem Solem prodant, & obiecta nube, veluti indices curriculi, veram tecti syderis sedem foliorum stratu, conuersionemq; demonstrent: imò veriùs solaris vicem exhibeant; ita etiam, vt non aperto Sole horas colligere possimus: Tithymalli quoque genus quoddã apud nos reperitur, quod quidem non male ἡλιόσκοπον vocant, Solis iter sequitur, & prono semper vertice cum eo pergit ad occasum, diurnūq; semper ad eum inclinatur, ita vt nonnunquam videatur intorsisse cauliculum, tanta sectandi sideris auiditas est; Prosper Alpinus quoque de Plantis Aegyptijs cap. 10. idem de Tamarindo Aethiopum & Arabum affirmat. verba eius sunt. *Tamarindus, quam derelside appellant, arbor est, pruni magnitudine, ramis densis; myribi folijs prædita: flores fert albos malaurancij floribus per quam similes, è quorum medio exeunt quatuor fila alba & tenuissima, ex quibus siliquæ crassæ producuntur; primæ virides, tandem maturæ cineritiæ, quæ intus nonnulla semina crassa inæqualia, duraque, atque pulpam nigram gustui acidam, continent. In Aegypto non sunt admodum hæ arbores copiosæ, neque sunt patriæ, ex felici enim Arabia atque Aethiopia illuc conuehuntur, atque in viridarijs seruantur: Miraculi loco habetur, quod dicitur, vnã arborem in deserto Diui Macharij propè Monasterium Afsyriorum viuere, in quo solo nulla alia plantæ viuit. Hæc planta hoc habet mirabile, quod eius folia Solem semper sequantur, Solisque sequia dicantur; Nam ipso Occidente omnia in se clauduntur, eodemque Oriente aperiantur, atque hæc motio tantam vim habere in ijs obseruatur, vt siliquas dum habent, Occidente Sole, easdem folijs in se arctissime claudant, & retinere spectentur. Eodemque Oriente aperiantur*

Flores etiam,
núbilo celo
demonstrant
Solem.

*siliquasque relinquunt . Hanc foliorum conuersionem pluribus Aegyptijs alijs plantis communē animaduerti, vt Acaciæ, Abrus, Absus, Sesban, atque Tamarinbo. Hæc ille. Pari ratione Hemerocallim Athenæus Sole cadente contabescere, eoque rursum Oriente repullulare perhibet: omnes igitur hæ memoratæ plā-
tæ horis etiam nubilo cælo indicandis seruire possent, sed ad-
modum imperfectè, cum resistentia thyrsi floris cyclicum
motum admodum impediunt; Nos igitur omnibus impedi-
mentis sublatis, floreque Magneticè librato inuenimus, ho-
ras diei eius opera satis exactè monstrari; Verùm cum huius-
modi Botanicum horoscopium dignum visu sit, hic eius con-
structionem curioso Lectori aperiendam duxi.*

P R O B L E M A .

*Horoscopium Botanicum, siuè Horologium ope
Heliotropiorum construere.*


 **V**M ex huiusmodi Horologijs alibi à me constructis, multi summam delectationem caperent, instanter me sollicitarunt, vt rationem eorundem construendorum publici iuris facerem; quod iam peropportunè fieri posse existimaui, ita igitur procedito; Accipe grande & amplum labrum, quod aqua aliquousque repleas, in cuius fundi medio obelum infiges, cui suberem pro magnitudine vasis & caulis Heliotropij, ita adaptabis, vt suber circa obelum, veluti circa axem, leuiter & sine impedimento moueri possit; huic suberi florem Heliotropium, quem maiori virtutis efficacia imbutum nòris, vna cum radice & caule, ita alligabis, vt normaliter suberi insistat, aut etiam per ipsum suber in aquam penetret, vt in figura hìc apposita apparet: hunc caulem circa radices fascijs laneis hinc inde in aquam descendentibus, alligabis, per huiusmodi enim laneas fascias aqua attracta, nutrimentum præbebit herbæ, ne Solis suctu exarescat. Quo factò, florem circulo horario, horis ad tuæ regionis latitudinem diuisis confecto ita circundabis, vt centrum floris indice F instructum in eo horas indicare possit. Sole igitur

igitur Oriente machinam cælo libero expones, conuersamq; faciem floris ad faciem Solis, Sol attrahendo faciliè secum gyrabit, cum nulla caulis sit resistentia, quæ eum ab hoc attractu auocare possit. Res industrium & solertem artificem, vt successum habeat, requirit; ego opus cum optimo successu expertus sum; hæc solummodò incommoda perfectioni operis obstabāt; quod machina vitrei carceris esset impatiens, libero autem aëre faciliè ab exigua aëris commotione à situ suo dimoueretur, cæterum silente cælo horas non secus, ac sciatericum rectè monstrare comperi; etsi flaccescente Sole & ipsū veluti marcidum & defessū nonnihil remoretur, quietem appetens; accedit Horologium huiusmodi vix mensem durare posse, etiam maxima diligentia cultum, ita nihil omni ex parte perfectum; Dum igitur huiusmodi incommodis, assiduā indagine conor occurrere, atque ad aliquam perfectionem, atque soliditatem huiusmodi experimenti genus perducere molior, nescio quo Numinis ductu anno 1633. Massiliæ, in Mercatorem Arabem incidi, quocum de varijs rebus Arabiam & mare Rubrum cōcernentibus aliquantisper collocutus, dum hora redeundi domum instaret, egoque ad horam explorandam Annulo meo horario vterer, is ex tam commodi atque & expediti Horarij vsu singularem voluptatem capere visus est; cum igitur de horologijs in Arabia vsitatis quædam inquirerē scitu haud indigna, respōdit; Astronomos varijs instrumentis ad horam explorandam vti solere, inter cæteros Medicum esse celeberrimum, qui subsidio alicuius materiæ perpetuò se conuertentis ad Solem, horas inueniret noctu diuque, seq; non nosse tantum eiusmodi materiam, sed & secum inter merces suas Aromaticas attulisse, atque pro Annulo illo se paratum esse aliquid ex ista materia commutare; dictum factum; ego accepta materia dedi Anulum primumque Aquis Sextijs, deindè Auenione rei experimentum repetens, id opinione mea verius deprehendi.

Nam materia illa Heliotropia in aquis aut supra aquam Magnetice librata, Solem indissociabiliter etiam vitreis inclusa repagulis sequi videbatur, vnde collegi hunc motum non primarum qualitatum ope, sed specifica quadam vi, & totius

Coram doctis
simis viris exhibi-
bitum.

substantiæ similitudine ad Solem, veluti conseruatorem suum conuerti; quod experimentum postmodum Romæ coram Eminentissimis viris, alijsq; tum Societatis nostræ, tum externis doctissimis viris non sine admiratione duobus modis exhibitum ostendi. Primus modus erat super aquæ superficiem, alter in centro aquæ, eo ferè modo, quo supra magneticum horologium, exhibuimus. In priori horologio vna,



commotione monstrabatur, in circulo horario quota vbilibet hora per orbem, ea ratione qua supra in horologijs quoque magneticis ostendimus. Altera erat sphæra vitrea aqua plena, in cuius medio, globulo terram referenti materia heliotropia ita alligata erat, vt se facile & sine impedimento versus Solem dirigeret, habuitq; vtrumque experimentum egregium quidem successum; sed quæ est rerum sublunarium inconstans conditio, nonnisi aliquot dierum spatio, materia ab aqua corrupta, durantem. Nihil igitur in huiusmodi experimento restat, nisi vt modus reperiatur, quo materiam ab omni corruptione seruemus immunem, quem si inuenero (vt

(vt cum gratia Dei me inuenturum adhuc spero) nihil sanè ad excellentiam huius experimenti accedere videri potest. Cum igitur huius rei imperfectionem notarem, neque horoscopij huiusmodi sympathici continuandi modus esset, in hoc molientis ingenij æstu, horoscopium magneticum, hac occasione inuentum, cuiusmodi in Magia nostra Magnetica, exhibuimus, eius loco substituimus; quod cum constanter, & perfectè, sine vlla corruptionis metu horas nocte, dieq; monstraret, non exiguam admirationem apud eius spectatores id excitauit, ac plerique cum arcanam construendi rationem non caperent; radicis nescio cuius ope id fieri, non sibi tantum; sed & alijs falsò persuaferint; hoc enim inter Sympathica horologia omnium perfectissimū reperi. Inuenio in symbolis heroicis Syluestri Petrasanctæ simile sympathicum horologium à quodam Anglo Societatis nostræ Sacerdote Francisco Linnio in sphaera vitrea concinnatum, verum cum eius construendi rationem & methodum hucusque cognoscere, mihi non licuerit, de eo meū quoque iudicium interponere, nō conuenire ratus sum. Ne verò quispiā rem huiusmodi, eorum philosophorum more, (qui cum nulla experientia rerum polleant, nullam quoque rei, quam proprio ingenio non mediantur, fidem adhibent) ἀδύνατον, καὶ ἀπίστον putet; ille noverit multa in rerum natura latere, quæ omnem humani intellectus capacitatem transcendant; quis ea magnetis miracula, quæ superioribus libris exhibuimus, vt ea crederet, vnquam induci posset, nisi sensibili & palpabili demonstratione ea verissima cognosceremus; Multa sanè similia, partim proprio experimento cognoui, partim à viris fide dignis relata, vt de tractiuis quibusdam herbis, quæ incredibilem ad alia attrahenda vim obtineant, audiui.

Thapsia, Theophrasto teste, eam habet proprietatem, vt inclusa ollæ carnis frustis repletæ, ea omnia frustra vi sua attracta, atque in vnam massam collecta ita conglutinet, vt nisi fracta olla eximi non possint. Simili virtute pollere volunt Symphytum. Aetites lapis est, alio lapide prægnans, quorum Tudertinus in Vmbria ager maximè ferax; hic alligatus mulieris fœmori, partum accelerans, ita potenter vterum subin-

Thapsia.

Symphytum.

Aetites trahit
vterum mulie-
ris.

subindè trahit, vt eam prorsus extra locum suum educat. Scribit Eusebius Norimbergius audisse se à Patre quodam rem prorsus admirabilem; venerat is recens ex Insula Zeilano, vbi dum moraretur, in duos homines se incidisse aiebat, qui 20. passuum distantia remoti, duo ligna manibus tenebant, quæ occulta quadam vi ita trahebantur, vt violentiæ vix resistere possent, donec coniungerentur; quæ quidem coniunctio fiebat per certam herbam admirabili quadam vi tractiua pollentem, in medio duorum positam. Alius quidam, qui multo tempore in Bengala moratus erat, retulit in ea regione herbam inueniri, quæ alia ligna, non secus ac magnes ferrum, attracta sibi coniungat, & quòd huius herbæ ope miraculosa illa paulò ante memorata lignorum attractio contingebat. Audiui & ego hic Romæ ex P. Didaco Salazar qui cum Procuratore Mexicano huc Romam negotiorum causa appulerat, esse in Mexicana prouincia certum virgulti genus punico malo non absimile, cuius tenerior virgæ certa ratione sectæ partes occulto quodam odio ita se auersentur, vt simul ne violenter quidem contineri possint, sitque ibi passim iocus puerorum. Hæc addo, vt videat Lector multa in rerum natura latere hominibus incognita, quæ quotidie experientia, & assiduum rerum naturalium scrutinium eruit; multa quoque in noui orbis, alijsq; remotioribus regionibus Indiæ reperiri, quæ nobis incredibilia, & *adgodoza* videantur, quæ tamen ita experientia indigenarum innotuerunt, vt de ijs amplius dubitare nemo possit. Vtrum autem Iaspis ictu horas naturaliter ostendat, meritò quispiam dubitare posset. Experimentum hoc pacto peragitur, Scyphum vitreum aqua vel vino implent ad dimidium vsque, tum annulum cū Iaspide intra vitrilabra à filo suspendunt, pendet is aliquantulum immotus; post sensim mouetur, & librato impetu in vtramque partem agitur, donec is latus vitri feriens ictibus suis, horam tunc fluentem indicauerit. Ego certò cum huiusmodi experimentum sæpè ab alijs narratum mihi fuisset, tandem præmissa protestatione idem comprobare attentauì, sed sine vllò prorsus successu; vnde mihi mirum in modum fuit suspectum. Certè naturaliter id fieri non posse, inde concludi-

Lignorum quorundam vis admirabilis.

Herba Magnetica.

Sed de his pluribus in sequentibus agetur, vbi de Aeolio magnetis quædam inferentur prorsus admiranda.


Horologium Magicum.

cluditur; numerare solius est intellectus, teste Philosopho, ergo in lapidem inanimatum huiusmodi actio non cadit, neque etiam dirigitur ab humano intellectu, multò minùs angelico: ergo à dæmone. Iterum tempus est duratio motus continui in se nō diuisi, qui tamen potest diuidi in partes minores & minores, prout hominibus placet; quare quod dies in duodecim & non plures, aut pauciores partes diuisus sit, id totum libero hominum arbitrio factum est, quinam igitur fieri potest, vt iaspis iste omni ratione carens, idipsum naturaliter peragat, quod artificialiter & solo hominum placito institutum est? Quid si homines instituerent, vt quando nostrum Horologium horam nonam sonat, pro nona primam sonaret; quid tum dubius iaspis faceret? veteremne, an nouam sonabit horam? an, ne erret, neutram? Denique naturalia semper eodem modo agunt, sed hic iaspis non ubiq; semper, & eodem modo ageret, quia in Italia horas ab occasu; in Babilonia ab ortu, in Arabia horas tēporales significaret; ergo actio istius lapidis naturalis esse non potest. Hoc loco plurima dici possent de figuris Astrologicis, certis materijs sub-lunaribus incisis, eorumque vi tractiua, sed quoniam istiusmodi studium innumeris superstitionibus refertum est, similiumque inquisitio, atque examen Oedipo nostro Aegyptico reseruatum, de eo consultò hic silēdum existimauimus.

Non est res naturalis.

CAPVT IV.

De Selenotropijs eorumque Magnetismo:

 VEMADMODVM igitur in Mineralibus & vegetalibus, animalibusque variæ Heliotropicæ species reperiuntur, ita & in iisdem solenotropiæ, id est insito sibi appetitu Lunam sectantes: Inter lapides Aphroselinus ita Lunam simulatur, vt inde *σεληνίτης*, id est Lunaris nomen meruerit: Nam noctu Dioscoride & Proclo teste Lunæ imaginem reddere, quæ cum ea augeatur, & decrescat, inuenitur; Antonius Mizaldus in Opusculo de consensu Solis, & Lunæ c. 5. huiusmodi lapidem se vidisse ait, apud quēdam

Aphroselinos
Lunæ incrementa demonstrās.

dam è suis amicis, virum, qui varia in Orientalem atque Occidentalem Indiam Terra, Marique itinera rerum rararum cōquirendarum studio confecerat, & inter cæteras res admiratione dignissimas non postremo loco, veluti luculentum naturæ omniparentis miraculum ostendere hunc Selenitem, solebat, verba eius ex Gallico in Latinum translata hæc sunt; *Erat, inquit, lapis forma & magnitudine capæ, nigredine & leuore Picem nigram referebat, incrementa decrementaque corporis & luminis Lunaris certo puncto & signo, siue macula candicante, quæ crescente Luna crescendo augmentabatur, decrescendo proportionaliter diminuebatur, idque singulis diebus vsque dum Luna periodum suam compleisset; opinabar ego primum hoc opus non à natura, sed industria quadam humana, ad lunaris corporis motum, ita concinnatum; multum igitur circa id perplexus, tandem à dicto amico haud ægrè dictum lapidem impetraui eo animo, ut iuxta integram Lunæ periodum dictæ maculæ cursum exactius obseruarem, conuenerat me eo tempore in adibus meis celebris ille Orontius Fineus Mathematicus Regius, quo præsentē singulari studio & industria plerisque obseruationibus peractis demum simplex, & purum naturæ opus nulla artis impostura corruptum inueni, ut sequitur. Tempore coniunctionis Solis & Lunæ index, siue macula candida Lunaris ad lapidis extremam oram, instar grani milij obscuriusculè comparebat, hæc paulatim crescendo in cornutam expandebatur figuram, & sensibilibus aucta crescendo paulatim in omnibus Lunæ speciem emulabatur, vsque dum venisset ad centrum, seu medium lapidis, ubi plenitudine rotunditatis suæ πανσέληνον Lunam perfectè referebat. Deinde à centro ad circumferentiam remeans decrescendo iuxta Lunæ phasēs proportionaliter diminuebatur, donec Luna Soli coniuncta, & illa macula suo loco & formæ præstinæ restitueretur; qui quidem descensus ascensusque siue incrementum decrementumque maculæ, integram reuolutionem Lunarem constituebat; durabat autem huius maculæ motus perpetuò, nec vnquam in sua operatione aberrasse deprehensum fuit. Hæc Mizaldus. Similem lapidem Leo X. Pontifex habuisse fertur, qui è colore cæruleo in candidum iuxta augmenta & diminutiones Lunæ transmutabatur. Huius generis est helites gemma Solaris*

laris, qualem Cardanus scribit fuisse in manibus Clementis VII. Papæ, auream habens maculam, quæ iuxta Solis motum singulis diebus Oriens & Occidens circumagebatur: Refert Hieronymus Rubeus apud Fabium Paulinum Statuam à Seuerino Boetio Rauennæ ea arte fuisse constructam, vt cum Sole conuerteretur; quod si verum est, vt verum esse non dubito, certè nulla alia arte, quàm nostra id factum esse, luculenter patet; si enim materiam nostram, Heliotropicam, statuæ dicta methodo librata, includeremus, ea cum Sole infallibiliter circuitura esset; sed & hoc arte quoque magnetica perfectius præstari posset. Verùm de hisce & similibus machinis ex professo in Oedipo nostro Aegyptiaco, dante Deo, fufius agemus.

Helites gēma.

Statua Solis.
Boetij.

Porro non lapidibus tantum hæc naturæ prodigia insculpta videntur, sed & plantis: Ad Lunæ incrementa & decrementa, omnia Lunaria, siuè ea herbæ fuerint, vti tota illa bulbosa & cucumeracea soboles, siue animalia, vt omnia Ostreacea feruntur, & quæ in aquis natales habent, Lunæ propago est, & iuxta eam crescunt & decrescunt. Pæoniam Apuleius noctu dicit lucere, ob id à Pastoribus inueniri; Cynospastos alio nomine *αγλαρόπης*, inter cæteras herbas delitescens nullo modo agnoscitur; noctu verò Stellæ instar lucens, facile in conspectum venit. Quod de Nyctegreto siccata ad Lunam triginta noctibus lucente, tradit Democritus; sed relictis hisce, vt incertis & fabulosa narratione corruptis, ad Lunaria reuertamur, quorum alia folijs Lunam mentiuntur, aliæ filiquis noctu ad Lunæ lucentis imaginem in superficie sua, leui splendidaque, vt speculum reddunt; aliæ ad Lunam fulgent, vt selenites; alia incrementum & decrementum ad Lunæ normam tam foliorum, quàm fructuum sumunt; Lunariâ veram à Rabbi Sola in lib. quodam m. s. de Medicina varia, ita descriptam reperio, verba eius ex Hebræo in Latinum, ita transfero: *Lunaria, vel Boriza planta folijs assimilatur Maiorana, nisi quod caruleo seu caesi in quodam colore imbuta sit, dicitur Lunaria, siue Herba Luna, ed quod crescat & decrescat ad Lunæ vicissitudines, cum Luna habuerit ætatem unius diei, & planta hæc vno quoque folio augetur, durans hoc continuò fo-*

Pæonia.

Cynospastos.

Variæ Lunariæ.

Boriza herba
apud Rabbi
Sola.

liorum augmento, usque ad decimam quartam Lunam; Luna vera decrescens dies, tandem ordine sequuntur foliorum acquisitorum casus; ita interlunij tempore omnibus orba folijs se condens veluti luctus agit, caulem habet rubrum, vel violaceum, odorem habet similem musco & croco, folijs constat rotundis; si succum huius herbe comistum argento viuo ad ebullitionem concoxeris, conficies brodium crassum, quod puluerizatum aeri superstratum ignis ope id in aurum commutat, sufficit autem unica huius pulueris 100. uncijs aeris tingendis; Præterea succus huius herbe, varias in species metalla transformat, hæc Rabbi Sola: & priorem quidem, partem huius descriptionis tanquam veritati consentaneam amplector: posteriorem varò ceu fabulosam & confictam reijcio, multa enim de hac herba fabulatur ita admiranda, ut si vera essent, totum mundum in aurum breui conuersum iri necessam foret. Similia de Lunari herba Guarta apud Arabes Botanicos reperio, quæ omnia ferè coincidunt cum herba quam Canarini perizacato, Malacenses singadi, Deiani pul, Persæ & Turcæ Gul nominant, de qua ita Pigafetta in suo itineraio; *Conspicitur hæc elegantissima arbor nocte pulcherrimis suauissimèque olentibus floribus onusta, & hilaris, verum simul ac à solis radijs illustratur, non omnes modò flores in terram decidere; sed totam arborem cum suis folijs quasi marcidam apparere: Inter omnes sanè, quos unquam odoratus sum flores; nullum me videre memini cum hoc comparandum, præsertim initio, dum qui repente ingreditur, ubi hæc arbor est consita; ad contactum tamen solùm odor ferè omnis euanescit, patrium solùm ita amat, ut nullis alienæ terre obsequijs deuinciri possit.* Hanc ego plantam esse credo, quam in Aethiopia crescere Aluarez vult, Goyaulam dictam, quæ

Nicolaus Codignus multis refutat, ita enim dicit. Inter floriferas herbas unam esse, quæ ab alijs omninò locis exulat, longum habere scapum heliotropij instar, frondes hederae similes, florem in capite unum magnitudine eximia, in eo flore folia mille, tanta colorum varietate distincta, ut nullus ibi videatur deesse ex ijs, quæ cæteris sunt in rebus; Nihil eodem flore excogitari posse, aut visu pulchrius, aut odoratu suauius; præ illo sordere rosas Lilia, Hyacinthos, Violas, fetere muscum, & quacunque alia in

Quarta planta
apud Arabes:
idem quod Lu-
maria.

Goyaula flos.

toto orbe odoramenta sunt, odorumque compositiones; Solis motum sequi longè diuersa ab alijs solaribus herbis, ratione. Cum primum Sol à Meridie in Occasum declinare incipit, florem istum paulatim pandere se se & folia explicare, quo verò magis aperit sinus, redolere efficacius; sub noctem omninò explicatum, quàm longissimè suauissimum halitum eiaculari; ubi ad noctem mediam ventum, tum verò Solis ocase veluti indignatum colligere folia, odoremq; retrahere, atque ita ad meridiem usq; clausum permanere; Inde iterum paulatim aperiri, & odorem exhalare: Aethiopes vocare hunc florē Ghoyaulā hoc est florē Luna, & quod noctē & eius astrum videatur amare, diei ac Solis inimicus, cetera quæ de auicula, eius custodiæ deputata fingit, libens omitto: Ego certè in Aethiopū libris, nihil horum reperio, & quāuis hæc omnia diligentissimè discusserim, nihil tamen ex Aethiopibus, quibuscum mihi maxima hic Romæ necessitudo intercedit, neque in eorundem libris reperire vnquam potui: vnde facile apparet, omnia hæc esse conficta, hancq; Goyaulam cum Gul, siue Perizacato confusam; sed hæc de Selenotropijs sufficiant. Porro explicata, demonstrataq; admiranda naturalium rerum ad cælestia corpora sympathia, & magnetismo, nihil modò restat, nisi vt rationes huius motus consensus tam prodigiosi inquiramus. Plantas igitur quasdam orientem Solem sequi explicatas, occidentem verò contrarietas relinquere, huius causam & rationem partim calori & frigori, partim naturali inclinationi adscribimus. Comprimitur enim flos humore coacto, & quasi concreto, dum destituitur sui caloris facultate; aperitur autem diffuso iam calore relaxante id, quod frigus coëgerat, cum proprium caloris sit dilatare, sicuti frigoris constringere. Qui si descendat altius imbecillitate quadā id prouenire, & quasi pessum ire constat Solis absentia, gliscentē præsentis munere vegetiorē reddi, atque eo veluti adminiculo fultū emergere. Duo igitur in hac magnetica actione consideranda sunt; primò actio Solis attractiua, seu resolutiua; secundò plantæ qualitas & dispositio. Si igitur planta multo humore frigido abundat, ne corruptionem, aut totalem destructionem incurrat, veluti prægrauata à natura sibi insito appetitu eo liberari desiderat, cum

autem

Causæ conuer-
sionis planta-
rum ad Solem.

Autem nihil eam hoc superfluo, præter calorem, leuare possit; omnisq; calor ex Sole veluti fonte profluat; ad Solem vnicum tanquam ad bonum sui, seu veluti ad medicum quendam naturali quasi instinctu, se conuertit; Sol autem Apollinea, sua vi plantam percutiens, superfluos à nocturno frigore coactos humores dissolutos, in vapores educit; hinc remedium superfluitatis suæ planta sentiens, vt magis magisq; perficiatur Solem sequitur, quo quidem tantò plus adiuuatur, quantò radios eius perpendiculariùs, vt ita dicam, imbibit; accedit quod cum Sol radijs suis in superficiem plantæ perpendiculariter missis reflexionem quandam causetur, necesseriò duplicatum ex ea reflexione calorem, maxima aëris circa florem attenuatio, & consequenter facilitatio motus floris consequetur; sicut igitur magneti appetitus quidam inest, non tantum vt existat, sed vt benè & commodè existat, videlicet, vt polis poli coniungantur, aut telluris, aut alterius magnetis, quem si in orbem circumagas, alter statim tanquam bonum suum, & principium conseruatiuum eum sequetur, vt sæpè inculcatum est. Non secus planta ex vi quadam à natura prouida sibi indita non tantum existere, sed benè & commodè existere appetit, non autem commodè existeret, nisi eo situ se disponderet, quo principium conseruatiuum sui, viresq;, atq; beneficam quandam vim eius cōmodè participare posset; cum verò principium huiusmodi, non vt in magnetis principio conseruatiuo, stabile sit & immobile, sed mobile, perpetuò & instabile; ita fit, vt planta ne bono suo priuatur, ad motum principij sui sese disponat cum ea circumacta. Eadem est ratio earum herbarum, quæ Solsitio æstiuo folia cum Solè vertunt, vt vlmī, abietes, salices, quædam pomi, eæ namque multo humore madentes, dum vi caloris exhaustæ fuguntur, eò ferri, pronaq; inclinari par est, quò Sol humorem feruefaciens prouocarit. Igitur horum omnium Sol auctor est, qui alliciens ad se humentem succum, radiosoq; caloris sui cono, plātas stringens, secumq; trahens rapit eas ratione eadē, qua creat, istæ procliues, & in bonum suum pronæ sequuntur. Atque hæc quidem ratio est motus plantarum Heliotropiarum; In lunaribus plantis contraria ratio elu-

Arborea se ad
Solem conuer-
tunt.

elucescit. Cum enim huiusmodi planta iuxta naturalem indolis suæ constitutionem multo humore tanquam necessario nutrimento indigeat, torridique caloris æstusque vtpotè naturæ suæ contrarij sit impatiens, hinc Sole succum necessarium extrahente vel flaccescit, vel contrahendo se à Solis violentia tutam facit. Noctu verò ad Dominæ suæ ortum aduentumque explicata in occursum vltra tendit, & suas vires benefica humectationis suæ vi instauratura, ceu ad vbera communis matris aduolat. Hinc vniuersa Lunæ soboles vi quadam tumefactiua inflata humorisq; tepidi beneficio dilatata veluti impinguatur; sicut igitur in heliotropijs ad Solis, non verò ad Lunæ motum se disponendi naturalis quædam inest pronitas, ita in Selenotropijs non ad Solem, sed ad Lunam se conuertendi tanquam ad principium suum conseruatium inclinatio inest: quorum naturalem inclinationem, tanquam charissimorum pignorum, Luna, ceu mater sollicitè promouet, vbera præbendo, sitibundas humoris sui, potu reficiendo, torridas humectando, conseruationi prolis vnicè satagere videtur; Hinc plantæ desiderio eius, hinc Musteli, Catti, Feles, Ibides, Cynocephali, Cercopitheci, aliaque Lunaria animalia ad Lunæ præsentiam gaudio dilatata veluti gestire, ea verò absente contracta contabescere videntur. Video ego certo anni tempore omni pene die in horto nostro huiusmodi Acaciæ & Gelsimini cum Sole & Luna sponsalitia, quorum illa Sole Oriente folia vndeque explicat, hæc claudit: illa Sole Occidente claudit, hæc aperit; spectaculum visu dignum. Sicut igitur sponsæ sunt Solis & Lunæ, ita non dubito, quin multæ aliæ ex herbarum familia sint, quæ reliquarum plantarum sponsalitia sectantes, vti dotes ita & motum Saturni, Iouis, Martis, Veneris, Mercurij æmulentur; Quod & Pythagoræi innuere videntur, cum flores collucentes Stellarum oculos vocant, & sydera coeli flores; & sicut in terra flores colores stellarum, ita sydera in coelo terræ partem ostendunt, Columella

Quæ causa est
uerſionis qua-
rũdam herba-
rum ad Luna.

Sponsæ Solis
& Lunæ.

Pingunt & varios cœlestia sydera flores

imò quodlibet sidus in coelo cum suo flore in terris sympathiā possidere, stellarumque influxus, veluti per pyramidem, vt

B b b

&

Heliotropiorū
VIS.

& nos paulò ante inuimus, suscipere dicunt, quæ in cælo basin, in flore conum habeat; & hoc cum sideribus consensum demonstrare. Hinc solares ad eius ortum florem patefacere, ad occasum comprimere & abire in lacum; deinde ad exortum emergere extra aquam, totoque die circumagere cum sydere; in eius ortum manè spectare, & eius iter ad occasum vsque etiam nubilo die sequi, vel floris forma sideris formam imitari; omnia enim inferiora Hermete teste, à superioribus vires & proprietates suscipere, & quanto puriora, tantò puriores & maiores effectus stellarum sortiri, notum est.

*Causæ & rationes gemmarum quarundam
Heliotropiarum.*

Causa maculæ
in helite.

Porro causas cyclici plantarum quarundam motus assignare difficile non est, at lapidum quorundam ad Solis aut Lunæ motum rationes reddere difficultas est; cum in corporibus ficcis & frigidis, cuiusmodi sunt lapidea omnia, soli rarefactioni, aut condensationi causa huiusmodi assignari non possit; Cur enim aurea illa macula in Helite lapide supra memorato; aut alba macula in Selinite à Mizaldo relato, illa Solis, hæc Lunæ motum perpetuò tam æstate quàm hyeme æmuletur, constanti lege sectetur, altioris considerationis opus est. Dico igitur primò in Helite à primordio suo humoris, ex quo coaluit, quandam partem sine congelatione permansisse, cum quodam meatu subtili circulari in media lapidis substantia relicto. Solem igitur Orientem humor hic, vel Magnetica quadam vi, siue qualitate dispositiua consequitur, vel aër in meatu illo abdito rarefactus, maiorem locum querens, dilatatum humorem iuxta Solis motum proportionaliter protendit, ea ferè ratione qua superiora corpora mare statutis temporibus mouent. Atque in quibusdam lapidibus aquam vel Mercurium perennare, manifesta docuit experientia; Monstrat Claudius Menedryus. vir antiquariæ rei peritissimus hic Romæ in suo Musæo Crystallum, cui aqua hydrargiri ad instar à primordio coagulationis suæ inclusa per occultos meatus hinc inde diffuere non sine admiratione spectatur,

zur, cum verò nullum aliud corpus in vicarium sui substitue-
re possit, sine substatiæ totius corruptione, metu vacui peren-
nat, nunquam exarescens, quod quidem verum esse ostendit
Syphon vitreus, quem in Musæo meo ostendere soléo; con-
tinet is ad fornacem vitriariam hermeticè clausus, aquam
iam à quinquaginta annis olim à Clauio inclusam, hucusque
sine vlla alteratione aut diminutione durantē & duraturam.
Humorem igitur aut portionem argenti viui gemmis lapi-
dibusque i nclusam, per meatus quosdam vna cum aëre in-
cluso perennantem vi Solis ad motum concitari posse, hac
experientia doceo. Includatur exigua portio argenti viui Experimentū.
Annulo vitreo, & videbis notabiliter ad motum candelæ ei
applicatæ argenti viui sphæram quoque moueri; si itaque
quispiam lapidi vitreo, vitreum canaliculum conflatione oc-
cultò infereret, inclusa ei portio hydrargiri, ad motum cuius-
uis luminosi corporis, v. g. Solis aut etiam candelæ ad mo-
tum Solis dispositæ verè circumageretur; quæ experientia
sanè parum abest, quin supra adducta naturæ miracula ad ocu-
lum demonstret. Pari ratione dico maculam istam candi-
dam in nigro lapide à Mizaldo supra allatam, esse humorem
quendam, qui ad Lunæ incrementa decremētaq; non secus,
ac alij certi humores in oculis felium, ac ostreaceis, per fibras
lapidis vi Lunæ dilatatiua diffusi proportionaliter crescat
& decrescat; neque necesse est hic ad occultas causas & ne-
scio quos abditos consensus sympathiasque confugere, cum
qui diligenter incrementum & decrementum pupillæ felium
ad Lunæ phases obseruauit, facilè quomodo huius prodigiosi,
vti prima fronte apparent, vmbrales in lapidibus elucescen-
tes Soles & Lunæ moueantur, videbit; Alterius verò mate-
riæ heliotropiæ, quam motum Solis perfectè obseruare supra
ostendi, alia quoque causa assignanda est, cum primis qualita-
tibus aut secundis, vt rarefactioni aut condensationi ea neu-
tquam attribui possit. Dicimus itaque illam materiam ad So-
lem eodem modo se habere, vt se habet ad Magnetem ferrū;
sicut igitur magnes & ferrū se se ad telluris vim ab immobili-
bus cælorum polis participantis axem, quo diriguntur di-
sponunt, ita & hæc materia; iterum sicuti, si terrenus globus

Heliotropia
materia speci-
fica qualitate
constat.

73 LIB. III. MVNDI SIVE CATENÆ MAGN. PARS V.

Causa conuer-
sionis helio-
tropij ad Sole.

extra axem vniuersi, diuina manu distorqueretur, ad eum ve-
luti ad locum situmque naturalem recurreret; adeò vt to-
tum ad totum, & partes ad totum, cuius genuinæ partes
sunt, insito sibi à natura appetitu in ordine ad certum si-
tum dispositionemque in bonum sui ordinatum conuertan-
tur; ita & hæc species à Solis motu dependere videtur, vt
vel ex hoc vnico naturæ priuilegio, clarè & luculenter pateat,
esse in hoc inferiori mundo res quaspiam, quæ eodem appeti-
tu, quo magnes ad polos fertur, ita ea ad Solem, Lunam, cæ-
terasq; Stellas naturæ ductu, siuè id fiat ob vniuersi decorem,
siue ob fines paaticulares ei proprios, & tanquam consimiles
ei partes conuertantur. Dico igitur eandem vim esse qua
heliotropia species ad Solē, & qua magnes, seu ferrum ad tel-
luris polos se conformat; hac sola differentia quod vtrunque
in diuersos terminos feratur, hic quidem ad telluris polos
tanquam ad naturæ suæ commodum situm bonumq; conser-
uatiuum, ille ad Solem similiter tanquam ad bonum conser-
uatiuum sui; magnes fertur ad principium suum immobile,
in ordine ad quietem; heliotropium ad principium suum
conseruatiuum mobile, quod & motu assequi appetit; Quod
hac similitudine declaro; si Sol corpus Magneticum, seu vt
Keplerus voluit, magnus quidam magnes foret; omnia Ma-
gnetica versoria in pyxidibus suis librata, à Sole magnete
attracta vnà cum Sole perenni motu circumagerentur; ita
prorsus quædam res ad Solem se habent, vt dicta species he-
liotropica; & ad Lunam forsân cæterasque Stellas, etsi non-
dum hominibus innotuerint; causam igitur, quam Magneticæ
conuersionis damus, heliotropicæ quoque conuersionis assi-
gnandam putamus; sed hæc de heliotropico magnetis-
mo dicta sufficiant. Non dubito quin hisce meis
præludijs, solertioribus ingenijs multarum
rerum, quæ hucusque latuerunt, inue-
niendarum occasionem sim-
prebiturus.

LIBRI TERTII
MAGNETICI MUNDI
PARS SEXTA

Ζωομαγνητισμός,

idest,

*De Magnetica facultate, siue magnetismo
Animalium.*

CAPVT I.



TRIPLEX Magnetismi rationem in animalibus reperiō, vel enim est appetitus, quo certo loco & regioni quoduis animal ita alligatur, vt extra eam viuere non possit; Secundò est vis quædam in animalibus, qua simile trahit sibi simile, quod est fundamentum omnis sympathiæ, & antipathiæ animalium cum animalibus, alijsq; rebus. Tertiò, specifica quædam virtus, siue dos quædam particularis à tota substantia promanans, vis inquam magnetica, qua aliud corpus naturaliter appetit. De primo satis in præcedentibus actum est. De secundo, & tertio magnetismo hic, non tamen nisi breuiter tractandum duximus. Notum est ipsam naturam in effingendis rebus indiuiduis sæpè tribuisse dotes præstantissimas quasdãq; posuisse inter ipsas species proportionēs, & similitudines, siue sympathias, quasi escas alliciendæ vnius ad alteram, quibus res coniunguntur, & quasi eodem naturæ instinctu latentur; & contra quasdam etiam antipathias & dissimilitudines, quibus alterum ab altero longissimè segregatur, quæ qui considerabit, facilè in eam descendet opinionem, vt nihil putet naturæ esse denegatum, & hisce miraculis vehementer delectari, & singulis rebus quandam coaguli vim, & attrahendi aliquid sibi non dissimile, quasi escam, reiiciendiq; aduersa,

Triplex magnetismi ratio.

Sympathiz, &
anticipathiz re-
sunt.

facultatem addidisse. Hinc Attagenes & Perdices Ceruos amant; Columba Tinunculum; Hominem Hirundines & Canes; Caprarum amore Sargus piscis tenetur; Vulpes cum serpente amicè degit, & cum Vulpe Coruus; Lupus & Picus, Aeliano teste, nunquam dissociantur; è cōtra Otis viso Equo auolat, Ceruus visum Arietē vti & Viperam reformidat, Galgalus siue Icterus auis icteritium morbū attrahit, & visum sanat hominem; Vipera arundine tacta stupet, idem Fagi ramulo contacta patitur; Platani folia abigunt vespertilioes, ossiculum in dextro latere rubetæ amorem inhibet; Chamæleōtis iecur amatoria dissoluit, teste Democrito; Torpedo marina tacta Piscatoris etiam distantis manum subito obstupefacit; Phalangia ictu occulta vi spiritum, animumq; repentino stupore permutant; rabiosus canis in vrina morfi sui figuram imprimit; Aquilarum pennæ, alias pennas dissoluūt, Leo ferocissimum animal Galli perhorrescit cantum, idem Gallus vix natus Equum, Elephantumq; non timet; sed Miluo conspecto contremiscit & refugit; Cerui Serpentes naribus ex cauernis eliciunt; Rubeta trahit Mustelam; Formicæ fugiunt Origanum, alam Vespertilionis, & cor Vpupæ; Oues apium Batrachium, quod illis lethale, & ideo gerunt pictum à natura in hepate; Ocymum Capræ abhorrent, Elephas grunnitum Porci perhorrescit. Atque innumera alia, quibus omnia penè Philosophorum, Medicorumq; volumina repleta sunt; quorum rationes libenter hoc loco disquirerem, si experientia huiusmodi sympathiarum certò sibi constaret. Cum enim pleraque, quæ ab Authoribus de huiusmodi sympathijs rerum adducuntur, & à Philosophastris plebeis, tanquam occulta naturæ miracula cantantur, & sine vllò discrimine, nulla certitudinis habita ratione, plerisque passim obtruduntur; cum, inquam, ad Lydium lapidem explorata, non incerta tantum; sed prorsus falsa & mera mendacia repere- rim, ita me in omnibus dubium & ancipitem reddunt, vt nihil ferè mihi persuaderi amplius permittam, cuius veritas, certitudoq; proprio experimento, à me prius non sit indagata, comprobataque; apponere tamen ea hoc loco volui, vt si cui animus esset ea experiendi, hìc modum inueniret.

Misit

Misit non ita pridem ad me Excellentissimus ille Medicus sæpè à me laudatus Ioannes Marcus Marci aliquot sympathiæ & antipathiæ exempla, quorū aliqua propria se experientia comperisse; alia ab alijs fide dignis viris tanquàm probata accepisse scribit, cuius integerrimi viri fidei ne refragari videar, illa hic subiungenda duxi, vt curiosus & sagax Lector, quo experiundo occuparetur, haberet.

Exempla aliquot Sympathiæ & Antipathiæ.

Terra ex Nylo assumpta, resiccata & diligenter asseruata, toto anni tempore nihilo in pondere mutatur; ad diem 17^{um} iunij se ipsa fit grauior. Ex cuius ponderis accessione rationē ineunt Nylotici incrementi eo anno futuri. Prosper Alp. lib. 1. de Medic. Aegypt. cap. 6.

Simile quid accepi ab eo, qui se expertum dicebat, aquam in vasis æneis asseruatam notabili incremento, dum in pluuiā nubes colliguntur, attolli; an aliquod lucis ad maris incrementa hinc sperandum? nam & maris & æris est domina vna ♀.

Si caudæ Pauonis pennas deferentem ex casu aut ictu cruentari contingat, illius sanguinem non posse sisti ferunt, itaque pueri ab earum vsu studiose arcentur.

Vulnera linteolis mundis & recenter lotis deterfa, sanguinem proliciunt, quod in fonticulis verum deprehendi; Itaque in puerperis cauent interulas mutare: nimioq; sanguinis fluxui, mappis sordidatis occurrunt corpori indutis. An, quia recenter lota ob empyreuma ex igne, lixiuio & smegmate contractum oscula venarum recludunt? sordida vero & pinguedine infecta vi emplastica eadem occludunt? Potus ægro consuetus per guttur lupi transfusus, si bibatur, illarum partium dolores Magneticè curat.

Si panis è forno extractus cultro diuidatur, panes reliqui in forno læduntur, cortexque à reliqua medulla secedit. Ego ex obseruatione habeo id contingere, dum quis pane in forno existente huius tectum conscendit, aut quacunque ratione concutit.

Si frumentum in saccis asseruetur, in quibus farina ali-

quamdiu fuit, seges ex illo nata vredinem contrahit, quam Germani (den Brand) appellant.

Si farina è tritico vbi germen emisit, molita ex aqua, aut lacte coquatur, pultes inde non spissantur, sed longiori coctura magis colliquescent: An quia germine emissio, idea operis futuri defecit? in qua arbor tota & partes singulæ, illarumque concretiones potestate insunt? nam concoctionem non ab igne fieri; sed à principio seminali interno vno pluribusvè, calore idoneo ad agendum excitatis, ad mixtum simpliciter, vel nouo modo constituendum, alibi est definitum.

Gallina ouis incubante, si in ijsdem adibus ouum igne affertur, intereunt pulli exclusioni vicini.

Est hic (Pragæ) in vicinia fons, in cuius aqua pisces percocti, licet multo iniecto sale, nihil falsedinis contrahunt.

Dolores capitis acutos, plumbum liquatum scutellæ lignæ capiti superpositæ & aqua semiplenæ infusum, vi Magnetica sistit. An sicuti Mercurium coagulat fluidum, ita quoque spiritus volaticos & Mercuriales, à quibus Meninges lancinantur, coagulat, figitque suo spiritu Saturnino igne recluso?

Lignum in aqua demersum illa parte, qua cælum aspexit enatat, situmque vniuersi quoad partes infra & supra sitas Magneticè conseruat.

Canes nonnumquam à se visos canicidas agnoscunt & latratu produnt. Soporifera medicamenta in mortarijs terentes ad easdem partes circuli pistillum agunt, à motu reflexo & perturbato cauentes; à quibus persuasum habent somnum perturbari. An reuera omnibus insunt species, cum omnia viuunt mundi anima, licet non vbique sit illarum sensus. Nam & oculo inest species obiecti; neque tamen in vlla huius parte præterquam in retina, aut aliorum opinione in crySTALLINO visio contingit. Ita ergo species motus impressa soporiferis medicamentis, vbi demum suis vaporibus cerebrum irrigarunt, cognatas species Magneticè mouet.

Esula sursum reuulsa vomitum, suffossa verò & deorsum tracta aluum mouet; nimirum per eiusmodi species à motu impressas; à quibus anima ad motum similem determinatur.

Huc vsque ille. quæ vnicuique expendenda relinquo, videntur

dentur enim multi effectus ex occultis causis esse, qui tamen reuera non sunt, nisi vel ex primis aut secundis qualitatibus, aut ex accidenti quodam, vt sæpius in hoc Libro ostensum est.

Historia, seu potius fabula de Echeneide, adeò apud me dubiæ fidei est, vt de ea vix loqui amplius libeat. Quis enim simile quid moderno seculo, quo totus terrenus orbis frequenti nauigatione circumitur, in Oceano vnquam notauit? quis pisciculum bipalmarem tam vastæ molis, quales onerariæ Indicæ sunt, in medio cursu Remoram indicauit? Nō nego fieri posse, vt subinde vastissimæ naues, vel ob adherescencia conchilia, vel alia carinæ adnascencia animalia, motu tardentur; at pisciculum huius effectus causam esse pernego; neque, si quandoque in medio cursu sistantur, piscem istius fixationis causam arbitror. Quod enim in freto Siculo Naues ingentes omnibus expansis velis, & secundo vento immotas sistit, & in Oceano onerarias sistere posse, quales contrarij æstus, & currentes sunt, nullum dubium est. Sed hæc fusius in sequentibus prosequamur.

Historia de
Echeneide
falsa.

Aliqui falsa relatione persuasi, adamantem & allium magnetem ligare, succinum præter vnicum sibi contrarium ocimum, alia corpuscula attrahere; magnetem item occulto motu in polarem stellâ ferri putarunt; similiaque, quæ omnia hoc perito sæculo falsissima, vt ex hoc opere passim patet, cõperta sunt. Nō negauero tamen multa ex recitatis sympathiæ & antipathiæ operibus, vti experimento mihi constat, vera esse; vt dum vna herba aliam attrahit, aut dispellit, siue inclinât aut declinat, dum animal cum alio consentit vel dissentit, aut cū denique hæc omnia combinata inter se mirabiles quosdam effectus præstant. Quorum omnium effectuum causas ego ad supra memorata attractionis genera, volo dicere, vel ad magneticas, aut electricas, vel denique ad elementares actiones reuocandas statui, ita vt quædam ex primarum qualitatum mixtis insitarum repugnantia aut conuenientia; nonnulla ex sphaerarum diuersarum actiuitatis, seu orbium virtutis consentiente, aut dissentiente natura; alia, effluuiorum quorundam è corporibus promanantium, aërem ac vicina corpora variè afficientium *Ἐνεργία*, aut *δυνεργία*

Herba vna al-
teram trahit,
& dispellit.

Causæ variz
sympathiæ.

se affectent mutuò, aut fugiant. Plerumque hoc amore & odio ex mutuis & aduersis rebus, cōmodisq;, aut incommodis eueniente; ita vt ex similitudine amor & attractio, ex dissimilitudine verò incōmodum & fuga consequatur. Atque hanc dicimus vim esse magneticam, qua omnia conseruantur, qua destitutas res omnes perire necesse est; nihilq; aliud est, quàm instinctus quidam naturalis, à natura sapientissimè rebus singulis insitus, quo dictante, quæuis naturæ suæ comoda sectari, incommoda euitare possint; estq; in mineralibus & vegetalibus inclinatio quædam naturalis in bonum, aut declinatio à malo; hac inclinatione magnes se accommodat ad polos telluris, tanquam ad situm naturæ suæ consentaneum, omnis alterius situs impatiens; hac affectione metalla quædam & plantæ amicitiaæ foedus pangentes, mutua societate gaudent, eo quòd qualitate aut effluuio quodam benefico vnum alterius vires promoueat, maleficas verò euitare omni ratione contendat; ita Nymphæa Ranunculi, Rutæ Ficus, Nepe-tæ Pulegium, Asparagi Corrua, Vitis Vlmus, Olea Vitis amicitia gaudet. In Animantibus verò hic instinctus est materiale quoddam iudicium, quo dictante quæuis bona à malis, salubria à perniciosis necessariò secernit; ita pecora & armenta, Aro., Scammonea, Aconito, similibusq; perniciosis herbis repudiatis; sibi, suæq; naturæ conuenientia sectantur nutrimenta. Quis enim singula animalia suas medicinas docuit? quis Mustelæ rutæ vsum vimq; contra serpentes? quis Cyconiaæ Eringij vsum contra scuritiem Vespertilionū ostendit? omnia vnus iste instinctus, quo nisi instructa essent animalia, omnia ea perire necesse foret. Qui igitur hæc philosophica libra exactiùs perpenderit, omnes prodigiosos rerum naturalium effectus ex hoc veluti fonte promanare luculenter cognoscet. Quod enim quædam animantia, alia abhorreant, est, quia rebus vis quædam animalium naturali constitutione repugnans inest, quam instinctu naturali ipsis indito cognoscunt. Vt igitur quispiam rationes & causas huiusmodi consensuum, dissensuumq; intimè assequatur; non, semper ad cælum, & abditas influentias confugiendum est, sed examinanda vtriusque, & sympathici, & antipathici corporis

Instinctus naturalis animantium.

Quomodo inquisitio rerum naturalium instituenda sit.

poris naturalis complexio, habitus, & qualitates vtrique insite, quibus dicta methodo ritè inter se combinatis, viresque viribus oppositis, facile huius magneticę artis subsidio in quarumvis abditarum causarum cognitionem perueniet.

Quod igitur animalia quædã, alia inimica visu percepta fugiant, horreantque, vel imaginationi eiusdem animalis, vel figurę, seu colori, aut qualitati cuidam oculis eorum contrarię ascribendum esse iudico, sic videmus Bubalos in rabiem ad rubrorum conspectum agi, quod & in hominibus quibusdam euenit; & quia igneus fulgor naturali dispositioni oculorum leonis contrarius est, ideò ignem ferre non potest, ob dolorem, quem infert musculorum visuum vellicatio, eandem ob causam intensius lumen nos ferre non possumus. Iterum cur vocem animalium, quædam animalia ferre non possint, sed eam horreant ratio est, quia sonus istiusmodi naturali organi auditorij dispositioni contrarius est, & dolorificus; quemadmodum etiam homines certos stridores sine dolore audire non possunt; sed de hisce pluribus in tractatu de Magnetismo Musicę. Degunt igitur animalia amicè simul, quia vnum odore alterius delectatur; exhalant enim omnia animalia certum quendam odorem, quo ea veluti grato amicoque sensibili attrahuntur: inimica verò eo ceu ingrato dispelluntur, qui quidem tantum valet, vt is vnicus ad amorem libidinemque in brutis animalibus concitandam sobolemque procreandã à natura intentus videatur; Ita plerumque animalia odore solo plantas sibi conuenientes, aut inconuenientes dijudicant.

Certos colores
cur animalia
certa ferri non
possint.

Cur vocem fu-
giant.

Odoratu omnia
discernunt a-
nimalia.

CAPVT II.

De varijs animalibus Magneticis.

§. I.

Magnetismus Bufonis & Mustelę.

oc loco præterire nequeo id, quod de Mustela & Bufone mirum narratur, Mustelam enim ferunt naturali quodam dissensu bufonem ita horrere, vt simul ac in obuium inciderit, in eas mox angustias

stias redigatur, vt qui eam videant, facile summis doloribus torqueri non sine causa aduertant. Nam voce primum tristi & lamentabili omnia complere, arbores ipsas & obuios muros, quin & riuulos, siue vitæ suæ fuga consulturam, siue opem contra atrocem hostem quæsituram tentare; quam dum non inuenit, veluti desperatione actam cum flebili stridore bufoni appropinquantem, in eius se os deuorandam, intolerabiles illos dolores veluti compendiosa morte redempturam, conijcere; atque de hoc animalium dissidio etsi in diuersis Authoribus multa legerim, vt tamen rem ita se habere crederem induci vix potui; donec vir quidam omni exceptione maior, & philosophus eximius eius mirifici spectaculi testis oculatus ab hoc me scrupulo liberasset. Dum enim quodam tempore iter ageret, ac mustelæ miserabiles stridores perciperet, suspicatus id quod erat, bufonem ingentem aperti oris rictu inuenit; rei igitur euentum operturus aliquantisper recessit, & post longos eiulatus bestiolam descendentem ac reiecta versus bufonem properantem, prædam tandem factam, & hosti & vitæ cessisse inuenit, cuius rei plures postmodum oculatos testes habui. Plerique, dum huius dissidij naturalis mentionem faciunt, bufonem ore patente qualitatem Magneticam diffundere, qua mustela ceu fascinara ita necessario, vt effugere amplius non possit, trahatur. Sed hanc opinionem falsam esse inde patet; Si enim bufo mustelam Magnetica vi fascinaret, hoc fieri deberet, mustela in eius Sphæra actiuitatis constituta; at experientia docet, Mustelam multis passibus sæpè à bufone remotam, arborum quoque remotiora fastigia, quo se à bufonis iniuria tutam & immunem constituat, ascendere; ascensus igitur & recessus spontaneus animalis ab hoste, nullam ei necessitatem inferri satis ostendit. Verisimile igitur est, mustelam à bufone non trahi, sed eam nimio, quo in bufonem efferuescit odio, dum auxilium quærit, idque non inuenit, solam in duellum cum bufone viribus suis plus æquo confidentem descendere: Bufonem verò appropinquantem sibi bestiolam venenato suo halitu ita intoxicare, vt vel ad primū assultum exanimis victaque in escā cedat bufoni; Est enim hic bufoni à natura insitus astus, oris sui immani rictu bestiolam

primò

Quomodo fiat
huiusmodi attractionio.

primò terrefacere, deinde eandem exacerbare, atque ita exacerbata vicinùs sibi ad eandem venenoso suo halitu inficiendam sistere; mustelam autem in morem exacerbatorum canum, ad horridam bufonis speciem sibi inimicam nūc accedere, nunc recedere, donec in rabiem acta vicinùs se sistat; & sic tandem veneno infecta bufoni cedat.

§. I I.

De Anguis stupidi Americani, ceruorum aliorumq; Magnetismis.

Simile quid de Angue stupido, quem Americani Canauhcoatl vocant, refert P. Eusebius Nierembergicus in sua Historia naturali. *Mira*, inquit, *spiritus vis huius serpentis est; Hominis aequat crassitudinem, eandemque dupla longitudine excedit; incolit saxa antraque, & occurrentibus animalibus ad se tractis halitu, visitat. Cervis insidiatur occultatus frondibus circa vias, qua cerui solent transire. Cum prope accedit, ceruos vi spiritus sui attrahit ad se, ut magnes ferrum; nequeunte ceruo euadere avidum os colubri; deterritum halitu ceruum complectitur, circumpressione extinguit, deinde adlambit & salivam sua liniens preparat, & condit, ut facilius deglutiat, alioquin pilorum asperitas impedimento foret; paulatim exsugit illum integrum à pedibus usque ad caput, quod quidem propter cornua deglutire nequit, sed donec putrescat, in ore defert. Hoc genus venationis his stupidis anguibus indulget natura, alioquin nulla providentia esset tantæ ignaviæ; tota oeconomia & census huius anguis est spiritus. Aliud præterea quoddam animalis genus, quod Viscachas vocant, ex antris suis attrahit anhelitu. Exem-*

Viscachas quidam

plum aliquod areanæ istius violentiæ in bufonibus aliquibus magnis vidimus, vi quadam sui spiritus in os contrahunt aves & animalia: Perdix in cuiusdam rictum ruit, quasi sponte iret, item & mustela parvula alterius fauces subiuit. hæc citatus Author; qui & vult Magnetica quadam virtute hos attractus fieri; quod nos paulò ante negauimus. Dicimus igitur dupliciter

Varia asperhen-
ditatio.

Quomodo fiat
huiusmodi at-
tractio.

Aitochtlis ani-
malis astutia.

Inter lusciniā
& serpentem
anticipathia.

Cur dumeta
amet lusciniā.

Pauonē serpē-
tis odant.

citer hanc animalium attractionem considerari posse, v e
enim fit attractio ex metu vacui, atque ita cerui ad motis
naribus ad foramina saxorum aut terræ, in quibus serpentes
latere aduertūt, illos eliciunt, nō secus ac nos canali vitreo ad-
moto aquam trahimus, aut aliquid ei impositum; vel illos
etiam elicere potest canalē, in quo serpens latet, anhelitu ita
calefaciente, vt serpens refrigerium quærens vltro exeat &
sic potestatis fiat ceruorū. hisce duobus modis ceruus naribus
serpentes elicere potest, non vi Magnetica vt quidam volunt.
Secundò potest hæc attractio considerari ex qualitate, quam
diffundunt serpentes & bufo, qua vicinas aues & mustelas
ita intoxicant, vt amplius effugere nequeant, quæ postea
sic intoxicata spiritu attrahant & deuorent. Potest etiam
fieri attractio per qualitatem quandam narcoticam, atque
hac ego anguem stupidum ceruos, non secus ac torpedinem
pisces stupefacere existimo, vel per aliquam vim odorife-
ram & gratam quibusdam animalibus, quam dum insequun-
tur, incauta & improuida in hostem incidunt; hac arte
Aitochtlus solertis ingenij monstrum, odore suo formicas in-
escam trahit; cubat enim supinus in formicarum semitis cau-
da super ventrem vsque ad os protensa, quæ crustata & ri-
gens est, ventre longiusculis vestito pilis, incommodam viam
formicis præstante, quare per caudam procedentes recta in-
cidunt in insidias, & cibum deludenti hosti vltro ministrant.
Porro inter lusciniā & serpentem similem vigere antipa-
thiam, quæ inter mustelam & rubetam viget, non ita pridem
ex aucupibus intellexi. solent enim serpentes absconditi cu-
riosum hoc animalculum terribili faucium hiatu oculorumq;
fulgore, mox vt in eius se conspectum dederit, ita dementa-
re, vt eam, vel ex supremo arboris ramo ad se deuorandam
rapiant, non vi quadam Magnetica; sed attonitam, curiosam
ac de hostili obiecto hoc obuio sibi intolerabili indignantem
auiculam ad se alliciendo. Hinc lusciniā multum amat du-
meta & spinosa loca, quod ea serpentes naturaliter fugere so-
leant; in hisce enim nullum à serpentibus periculum immi-
net, hanc eandem ob causam Pauonem quoque amat, quia
iuxta hanc secuta degit; Est enim solus Pavo ita serpentibus
for-

formidabilis, vt nec vocem eius audire sustinentes, mox ad eam se in latibula recipientes abscondant; Rubecula quoque Phœnicurum eandem ob causam amicum habet, eo quòd cōtra noctuas eam defendat. Atque innumera alia huius generis, quorum cum ego ipse experimentum non habeam, libens omitto.

Rubecula, &
phœnicurus se
amant, & cur.

§. III.

De Echneidis, seu Remoræ, aliarumq; marinarum animantium magnetismis.

Quemadmodum terra stans temporibus sine semine, sine vlla hominum opera, sed sponte, & vi sua stirpes, herbasq; multas, & animalia procreat; sic mare & aliæ aquæ, multa & varia gignunt, atque eo magis, quo humoris natura ad fingendum, formandumq; habilior est quam terra. Est enim mare humidum, & natura calidum, & omnium particeps, nimirum humoris, aëris, terræ, ideoq; ad procreandum aptius: generantur autem in terra, & in humore animantes & plantæ, eo quod in terra quidem inest humidum, in humore spiritus, in vniuerso calor vitalis, vt quodammodo omnia sint anima, & vt cum Poëta canam,

——— *Iouis omnia plena.*

Sicut igitur, vt ad propositum redeam, nulla terrestrium animantium est, quæ non occultis suis viribus constet, ita nullam quoque marinarum animantium esse puto, quæ non exoticis quibusdam viribus imbuatur; cum enim multitudine sua terrestrium multitudinem in infinitum quasi excedat, præterea ex variorum commixtione nascantur, fieri certè non potest, vt ex tam diuersarum rerum, ex quibus originem suam habent, combinatione, non exoticos quosdam effectus præstent; quæ quidem etsi in abyssu perpetuò hæreant, non tamen ita magneticas earum vires natura inuidisse videtur, vt sagaci philosopho per varias obseruationes, & applicationes non innotescant: hac attractatione videmus animalia

Animalia a-
quatica plura,
& maioribus
viribus prædi-
ta quam ter-
restria.

quæ-

Animalia ma-
rina attachi-
ua.

Echneidis, siue
Remora de-
scriptio.

Vis Remora.

quædam marina ita validè attrahere, vt hic magnetismus ijs loco manuum concessus videatur; talia sunt Hippocampus. Acus secundæ speciei, vulgo dictus Sagittarius, Holoturia; denique quæcumque per fistulam, vel foramina ita angusta, vt ferè oculorum aciem fugiant, aquam, cæteraq; sibi cōgrua alimenta alliciunt. Non minor in quibusdam retinendi vis veluti in lamia, canicula, glauco, lampetris, polypis, hirudinibus, quæ tamēn non aliter trahere censentur, quam sanguinem cucurbitulæ. Inter cætera tamen maximæ admirationis obiectum se præbet philosophis mira ista vis Remoræ, seu Echneidis: Echneidis, inquā, omnium auctorum monumentis celebrati animalis, omnium difficultatum in philosophia occurrentium asyli; totius ignorantix Mæcenatis: Pisciculus autem describitur pedalis longitudinis, ita dictus *ῥοτό τῆ ἐχίνου, τὰς ναῦς*, à tenendo naues, integras enim rostratasq; naues tanquam cautibus affixas retinere creditur; & quamuis nihil adeò in cathedris vulgatum; nil ita omnium philosophorum monumentis notum sit, ignotissimus tamen vsque in hunc diem mansit, cum nemo sit, qui pisciculum hac ingenti virtute præditum se vidisse testari audeat. Vidi ego quidem in diuersis rerum curiosarum reconditorijs huiusmodi animalcula, & potissimum hic Romæ in celeberrimo Clarissimi viri Francisci Gualdi Equitis S. Stephani Antiquario, similem pisciculum, cui nomen quidem Remora, siue Echneis, vtrum verò res quoque conueniat ei, non ausim determinare. Certè ego dictum pisciculum inter Lampetras numerandum censeo, eos videlicet pisciculos, qui ore oblongo, rugosoque saxi, & nauibus adhærescentes humorum suctu viuunt, de quibus vide Rondeletium & Aldrouandum. Si Plinio credimus, vnicus hic pisciculus in Aëtiaca pugna, prætoriam Antonij tenuit, palmamq; superuenienti Cæsari dedit; quinquere mem quoque nauim Caij Caligulæ Cæsaris tenuisse, Suetonius refert. Hæc igitur Remora, siue Echneis hucusque ab omnibus Philosophis, credita est habere vim magneticā, qua naues pleno cursu ad se attractas medio cursu sistat immotas; cuius prodigiosæ virtutis rationes cū quærere conantur, ita ab Echneide vinciri, trahiq; se permittūt.

vt à

vt à magneticis eius vinculis se expedire vix valeant. Fracastorius metu nescio cuius vacui quod fieret, si Echeneis à nauigio auelleretur, frustra se dissoluere conatur; sed quis sibi in medijs aquis à vacuo timeret? Hanc igitur rationem cū superuacaneam videret, aliam assignauit multò priori peiorem, dum asserit nauim nō ab Echeneide, sed à scopulis & saxis virtutem aliquam (videlicet magneticam) emittentibus, detineri. Echeneidem verò signum tantum esse latitantium scopulorum: Sed si hoc, cur sola illa Prætoria Antonij à scopulis vicinis in Aetiaca illa victoria detenta fuit? nulla verò aliarum, quarum innumeræ in isto mari tum temporis morabantur; aut cur naues Aegeum mare transeuntes in hunc diē ab istiusmodi scopulis magneticis non detinentur? Vnde, ego rem paulò profundius indagans, hunc pisciculum, saluo aliorum iudicio, merè fabulosum esse existimo. Si enim huiusmodi Remora in rerum natura existeret; certè fieri non posset, quin non subinde effectus iste in retinendis nauibus elucesceret; sed à Plinio vsque ad hæc tempora, quibus non Mediterraneum tantum mare, sed & totus terrarum orbis frequentissimis sanè nauigationibus lustratus est, nullum huiusmodi effectum notatum fuisse legimus: ergo verisimile est istiusmodi animal non existere; quod si naues alicubi firmatae sint, id tamen huic tam exiguae molis animalculo attribui minimè debuit, aut potuit. Si enim Echeneis hanc vim retentiuam in se haberet, ergo manifestè sequeretur, minus posse superare id quod potentia maius est; at hoc absurdum esse quis non videt? Cum omne retinens aliud, pondere aut resistantia aliud retentum superare debeat; res in magnete Sole clariùs elucescit; nullum enim frustum quantumuis efficacissimum, exactissimèq; libratum, aliud maius grauiusq; se allicere potest. Sed id quod leuius est, accurret ad id quod grauius est, præsertim quando vtrumque suo arbitrio relictū fuerit. Iterum vel nauis teneretur ab hoc animalculo immediate virtutis, vel immediate suppositi; neutrum dici potest: non prius, cum nulla virtutis naturalis proportio in hoc animalculo ad tam immensam molem, qualis est vnus Prætoriae nauis, furentium ventorum impetu, extensisq; ve-

Ex statica Remora virtutis consutatio.

Comparatio à magnete.

lis raptæ assignari possit; imò si vis huiusmodi retentiva concederetur, non esset ratio cur cymbam onerariam potius, quam insulam integram, si naus foret, traheret; ac sic vis huius animalculi dici posset infinita, quæ omnia absurda sunt. Habet enim omne ens naturale suam determinatam virtutem, moli suæ, qualitatiq; proportionatam; videmus quidem in magnetis natura moueri posse à minori maiorem, præsertim si æquilibrati fuerint, sed minor non idcò tenebit maiorem; sed si liber fuerit, accurret ad maiorem, etiam si inefficaciorem, ne minor potentia maiorem superare cogatur: neque immediatione suppositi tenere naues poterit Remora, cum retentio immediatione suppositi facta, non tam fiat virtute aliqua peculiari, quam applicatione corporis vnus ad alterum, in qua coniunctione id necessario alterum tenere dicitur, quod illo fortius est, & maiorem resistendi vim habet. Quod de Remora ad dictam nauim ventis agitatam dici nulla ratione potest. Videmus enim Formicam portare quidem posse pondus maius se, at ponderosius se, vt portet impossibile est, quæ omnia ex statica nota sunt. Hinc si quis Archimedi terrā aliā daret toto hoc telluris corpore grauiorē; quo veluti loco instrumentum suū *πύργον* firmare posset; nō est dubiū quin hoc nostrum telluris corpus extra suū centrū posset dimoueri; aliàs molimen *ἀδύνατον*. Hinc machinæ ad saxa attrahenda cōstructæ, si leuiores fuerint pōdere quod attrahunt, non machinæ pondus, sed pondus machinā in altum leuabit; vt in quodam loco non sine risu me vidisse meminī. Falsa igitur sunt omnia, quæ de Remora hac ab inexpertis philosophis, & nimium credulis adduci solent. Non nego tamen subindē contingere, vt naus in medio cursu sistatur immota. Sed hoc non occultæ qualitati, nec virtuti ab influxu cœli deriuatæ, aut alteri causæ phantasticæ propriæ, sed contrarijs æstibus maris, siue currentibus adscribendum putem. Nisi enim ego huiusmodi euentus ipse obseruassem, ægrè vt crederem induci potuissē; contingit enim haud infrequenter in freto Siculo, vt ingens naus oneraria omnibus extensis velis secundo vento, ita in medijs fluctibus hæreat, quasi trabalibus clauis esset affixa, alijs vicinis cursum suum

tenen-

Quomodo na-
ues in medio
cursu teneri
possint.

tenentibus; quod nō ego tantū ceū oculatus testis assero, sed & Messanenſes frequenter hoc ſpectaculo gaudent. Dum igitur in angustijs Archipelagi Prætoria Antonij in Actiaca victoria detēta fuit, id veriūſ currentibus & Euripis, qui admodū frequentes in huiusmodi faucibus reperiuntur, aſcriberē. Dicī enim vix poteſt quanta æſtus marini, currentiumq; inſiſtendis nauibus viſ ſit & efficacia. atque hæc eſt mea quidem de Remora ſententia.

§. I V.

De Torpedinis Magnetismo.

POrro inter cætera animalia Magnetica poſt Echeneidem Torpedinem quoque ſtatuunt. Eſt autem Torpedo piſcis ea qualitate imbutus, vt vel fuſcinæ, baculiq; extremitate tactus membris ſtuporem inducat, vnde à Græcis *vapnē* dicitur; de qua eleganter ſanē Oppianus ita canit,

Torpedinis viſ
ſtupeſactiua.

Oppianps.

*Cui deſunt vires, cui deſunt brachia, magnum
Ingenium natura dedit, ſe fraude tuetur,
Atque dolis magnum piſcem, fortemq; trucidat
Turpe veneficium tenero ſub corpore ſentia
Natura Torpedo datum proprium quoque membris;
Nam duo ſe tollunt diſtenta per ilia rami;
Qui fraudem pro robore habent, piſcemq; tuentur;
Quos ſi quis tractat, perdit per membra vigorem,
Sanguine concreto rigidos nec commouet artus;
Soluuntur ſubito contracto in corpore vires.*

Hoc igitur aſtu piſcis non contra hoſtes ſolum ſe defendit, ſed & ad neceſſaria quoque vitæ ſuſtentandæ ſubſidia vtitur. Eſuriens in arena loco, vbi multi piſcium greges ſtabulantur, immotus veluti in inſidijs latet. Quotquot verò piſces eum propius acceſſerint, eos torpore ſuo ita ſtupeſacit, vt omni motu priuati, in eſcam tandem cedant Torpedini. Hoc dolo torpidiſſimus piſcis, vel viuaciſſimos quoſuis expugnare ſolet; hinc apud Platonem, Menon Socratem Torpedini comparare ſolebat, quod argumentorum vi & efficacia reliquos

Socrates cur
Torpedini cō-
paratur.

Vera vis Torpe-
dinis.

Ratio stupefa-
ctionis.

Philosophos conuictos, ita in suam sententiam attraheret, ut ab eo se expedire amplius non possent; & quod prodigiosum omninò recitat de Abyssinis rebus P. Godignus, nimirum non homines solum toto corpore Torpedinis attactu stupefieri, & immaniter cruciari; Sed etiam exploratum est, inquit, si inter mortuos pisces viuens Torpedo ponatur, & inibi se moueat, eos quos tetigerit, interno quodam & arcano motu ita cieri, ut viuere videantur. In nostris quidem Torpedinibus experientia docet, non totum corpus, sed manum, aut brachium, siue pedem, quo Torpedinem quis tetigerit, stupefieri. Qui tamen stupor non multo tempore durat, sed ad quamuis excitationem corporis facile superatur, ut in me ipso expertus sum. Huius tam rari effectus causam variam varij assignant; plerique à Torpedine stupidi, per occultam & ignotam qualitatem, rationem effectus se dare posse putant. Ego omissis innumeris circa hunc piscem nugamentis; dico piscem hunc narcotica quadam facultate stuporem inducere; quam quidem facultatem non præcisè frigoris effectum esse dico; sed insensibilem qualitatem nervis & musculis contrariam, quæ ex irritati piscis corpore sphericè diffusa, ubi musculos & nervos inuenit, in eos agendo stupidos reddit, non secus, ac venenosorum quorundam serpentum qualitas, quæ corporibus non mortui tantum indita, sed & subinde per ipsas hastas, baculos, gladios deriuata, statim subtili vi suatotius corporis substantiam penetrat; potissimum nervis & musculis tremorem, conuulsionem, spasmū, similiaq; symptomata inducendo officit. Non secus dico agere Torpedinem, irritata enim, insensibiliter qualitatem hanc narcoticam sibi peculiarem in orbem diffundens, sanguinem & spiritum in venis, musculis, nervisq; latentem, occulta quadam frigiditate congelat, quam congelationem stupor, spasmus, & conuulsio, ut plurimum sequitur. Nullam ergo in huius effectus causam concipiendam difficultatem video.

§. V.

De Magnetismo Ranæ piscatricis.

Aliud animal Magneticum Piscis est (vulgo Piscatrice) ; eo quod miro quodam artificio pisces ad se attrahat, attractos deuoret ; Hunc primò mihi in Portu Centumcellarum non sine admiratione videre contigit ; piscis est, si caudam demas, cætera totum caput ; ita vt caput, faucesque prorsus reliquo corpori sint impropportionata, caput habet prorsus simile ranæ, rotundum, spithamæ fere diametro habet latitudinem, nec enim vlla tantæ ingluuiei esca sufficiens foret, nisi prouida natura ipsum voracissimum rapacissimūq; piscem furtiuus suis instrumentis miro quodam artificio instruxisset ; præter rictum enim immanem, quo constat, natura illi in medio nasi inseruit pinnam quandam oblongam præduram, in omnem partem versatilem. Ab huius extremo musculus quidam molliculus, ceu cirrus instar fili subtilissimi deducitur, per cuius cauum, humorem certum deriuat in fundum vsque cirri, vbi coaceruatus humor ad viui vermiculi, siue lumbrici terrestris similitudinem tumet ; quemadmodum pinna quoque cum cirro, seù filo & vermiculo hamum piscatoris ita exacte exprimit, vt vel inde nomen piscatoris apposite sit adeptus piscis ; Hoc itaque hamo instructus callide se inter saxa collocat, apertoque immani rictu, mentitum vermiculum musculo annexum per pinnam, seù yirgā in patentem faucium rictum conijcit, quo viso vermiculo, veluti mox innumeri pisciculorum greges hac esca allekti accurrunt, rictumque hunc, cauitatem alicuius saxi reputantes, rectè subintrant ; dum igitur incautiùs fatalem escam vellicant, ecce piscator retracto hamo, orisque rictu clauso, totum pisciculorum gregem veluti nassa quadam conditum in escam reseruat. Hoc astu natura voracissimum piscem instruxit : hoc magnete, quo pisces in escas attrahat ditauit, forte alioquin periturum ; vt vel hinc ineffabilem illam Dei Opt. Max. sapientiam miremur, cum in rebus singulis, tum in hoc

Descriptio Ranæ
piscatricis.

Astus huius
piscis.

pisciculo dispositionem prudentiamque admirari discas .
 Atque hunc ego piscem esse existimo quē Aristoteles *βάτρα-
 χον θαλάσσιον* vocat , ranam marinam ; ranam quidem , ob ra-
 næ palustris nuper nascentis similitudinem ; pariunt enim
 ranæ palustres, tradente Plinio , quasi massas quasdam carneas
 nigras , quas *γυεῖν* vocant , oculis tātum & cauda insignes ,
 mox pedes figurantur , cauda findente se in posteriores ; pi-
 scatrix verò dicitur à piscandi solertia , de qua paulò ante di-
 ximus . Prouerbum quoque Platonicum huc respexisse vide-
 tur , dum his verbis Zoilum quendam describit , *ὅτι ὑμῶν μὲν
 αὐτὴν ὥσπερ θεὸν ἰθαυμάζουσιν ὅτι σοφία δὲ αἰετὶ ἰσχυράν* , *ὡς
 φρόνισιν ἔστιν βέλπον βατράχου γυεῖν* . Nos , inquit , *illum tan-
 quam Deum sapientiæ admiramur , & ille neutiquam sapientiæ
 ranam gyrim superabit* . Mirum quoque & forsan hucusque
 ignotum in huiusmodi pisce me obseruasse memini ; est enim
 caro eius ad lucem quasi pellucida , & instar carbunculi ful-
 gens ; vnde si extractis per os intestinis partibus , piscis quā-
 tum fieri potest extendatur , mirum dictum , extensus ita ad lu-
 cem , totus pellucidus & translustris apparebit . Si verò in
 tenebris ventri candelam aut lampadem imposueris , totus
 piscis speciem carbunculi , aut carbonis accensi , non sine
 intuentium horrore , præbebit , vt proinde non immerito
 ab Italis , Diauolo marino , ab horrifico forsan & flammigero
 aspectu dicatur . Quæ omnia hic apponenda duxi , vt te
 Lector curiose , ad abdita naturæ miracula sedulo scrutanda
 incitarem ; sunt enim naturæ diuitiæ infinitæ ; neque vlla
 res adeò exigua , quæ non exotica aliqua vi polleat . Restat vt
 & de Galgalo , siue Chamadrione , seu Ictero aliquid dicamus ,
 quem communi fama ex corporibus ictericorum flauam bil-
 lem occulta quadam vi attrahere arbitrantur . Cum verò nul-
 lum hucusque inuenerim , qui id se experimento comperis-
 se afferat , hic tutius iudicium meum suspendendum duxi
 donec experimentum certius innotescat .

Galgalus . Huc
 Icterus visu mor-
 bum regium sanat.

§. V I.

*De Magnete Aeolio, seu quod idem est, de
Phyfa, seu Orbe pisce Aegyptiaco.*

VOcamus hunc piscem non immerito Magnetem Aeolium, eo quod sicut magnes ad polos naturaliter se disponit, ita hic piscis in æquilibrio suspensus in eam partem, à qua ventus spirat, occulta vi quadam se conuertere à multis obseruatum sit. Est autem in hisce partibus nostris maximè rarus, nasciturque in mari Rubro, vel in mari Mediterraneo ea in plaga, vbi Nilus in mare se exonerat, vnde & in Nilo admodum frequens est. Vidi ego Melitæ, in Sicilia, & Monspelij in Francia, hunc piscem tomento impletum, multis in locis raritatis causa in artium, ac naturæ reconditorijs suspendi; à Venetis vocatur pesce Columbo, à Græcis vulgari lingua *φλασιόψαρος*, eò quod lagenæ figuram referat; est enim ita ventrosus, vt Sphæram referat; durissima cutem contegitur, quam asperam efficiunt aculei parui stellati, quibus tota conspersa est; os exiguum, quod dentibus quatuor latis munitur, habet; vnicam pinnam ad branchias more Caprisci agitandas, pinnulam aliam in prona parte prope caudam, aliam fere huic correspondentem in supina habet; piscis non est esculentus, totus enim vti dictum est, aut caput est, aut venter. Hic à multis imò plerisque Ichthyologis hanc à naturæ sapientissimo Architecto vim obtinuisse fertur, vt ad eam cœli partem, à qua ventus proflat, perpetuò se conuertat; Ita Rondeletius lib. 10. Histor. naturæ Piscium c. 11. *Hic orbis piscis Nili & maris Rubri incola, exsiccat & tomento vel alga oppletus, inter templorum anathemata, vel cubiculorum ornamenta suspenditur; eam cœli partem, à qua ventus flat, rostro ad eam conuerso, indicare solet.* Aldrouandus quoque in Ichthyologia sua l. c. de Orbe pisce his verbis eum describit. *Est Orbis non nostri maris, sed Aegyptij accola, ex quo Nilum quoque subit, & ad illud ostium maxime adnatat, quod Saiticum appellatur, in eoque potissimum capi solet; accepimus præterea in cibos non admitti; sed non aliam ob causam ab Aegyptijs*

Descriptio Orbis
seu Phyfæ ventis
indicantis.

*capi, quam ob insolentem corporis figuram; detractum corium to-
mento implentes Externis vident; habet tamen ita suspensus hunc
usum, ut cœli partem, à qua flat ventus, rostro ad eam conuerso,
indiget.* Huic adstipulatur Gesnerus Hist. natural. Animal. c. de
Phyfa, seu Orbe Pisce. Vnde à quibusdam Germanis non
sine causa (Seehan) hoc est Gallus marinus, dicitur; ideò for-
san, quod sicuti Gallus templorum turriumque fastigijs im-
positus, ventos demonstrat, ita & hic piscis. Certe etsi hoc
prodigium cum citatos Authores, tum alios viros fide dignos
tanquam indubium asserere non ignorem, maxima tamen in
perplexitate me relinquant; ne igitur quicquam inexplora-
tum aut dubium circa huiusmodi experimenta maneat, viros
qui in Aegypto fuerunt, quin ipsos Arabes & Aegyptios
adij, de dicta Phyfa, seu Orbe, eiusq; vi ad ventos conuer-
sua diligenter inquisiui; qui quidem rem non aliter se habe-
re attestati sunt, imò addiderunt ab accolis Nili hanc Physam
patria lingua, id est, Arabica, passim Allalrucho, hoc est Deū
ventorum, quod ipsis quasi imperare videatur, appellari;
Certe hanc vim conuersuam nonnullis alijs piscibus inesse,
non ita pridem me Hirundo marina, piscis sat notus, ab ami-
co quodam mihi Centumcellis transmissa docuit; in hac
enim Musæi mei tholo ornatus causa statica arte suspensa,
non obscura similis virtutis vestigia reperi.

Hirundo marina
cu axia vs polle.

Verum cum huius occultæ virtutis antequam hæc impri-
merentur, experimentum necdum perfecte sumere potuerim,
id consultò omittendum duxi, ne præpostera obseruatione
illus, aut accidentibus extrinsecis alijsque innumeris cir-
cumstantijs, quæ motum huius piscis causari possent, non rite
prius & summa diligentia & vigilijs, quibus in huiusmodi ob-
seruationibus opus est, exploratis; Lectori pro incertis cer-
ta obtruderem; Dabo tamen operam, ut hoc experimentū,
non in Phyfa tantum, sed & in hirundine, maxima qua fieri
potest diligentia, sumam. Quod si itaque experimentum,
vti ex multis indicijs omnino spero, successum habuerit,
certe hæc vis ἀντιμαγνητική Magnetica nulla ratione cedit, imò
maiori forsan admiratione digna erit, quam vlla alia vis mo-
trix in natura rerum hucusque notata.

Appli-

Applicatio hæc esse posset: pisces in vitreis sphaeris ad æqui-
 librium exactissimum, vt in progymnas: in medio liquo-
 ris, in circulo sphaeræ vitreæ extrinseco ventorū nominibus
 insignito suspendantur; qui quidem ita suspensi, quouis tēpo-
 re & momento ventum spirantē non artificialiter, aut magne-
 ticè, vt nos in magia nostra magnetica descripsimus; sed sola
 vi naturali, indice stramine leuissimo, ori inserto ostendere
 possent, quod maximū sanè naturæ prodigiū censi deberet.
 Quæ autem ratio esse possit, tantæ virtutis merito quispiam
 petere posset; certum est hanc vim *ἀνεμοτὸμολω* nequaquam
 inter manifestas, aut elementares qualitates annumerandam
 esse, cum hac etiam vitreis vasis nullo aëri peruijs inclusus
 piscis hunc effectum præstare possit; cuius rei haud obscura,
 indicia habeo; ergò necessario vi quadam à tota substantiæ si-
 militudine, seu specifica quadam vi ad ventum, tanquam ad
 aliquid, quodin hoc, vel illo vento latet sibi commodum, &
 occulta quadam similitudine naturæ quasi correspondens, se
 conuertet; illud autem, quod appetit animal, non ipse ventus
 censi debet, sed qualitas quadam in ipso vento latens,
 cuius ventus veluti vehiculum quoddam est, quæ in om-
 nibus ventis eadem est, & tunc solum afficit, cum à vento
 fuerit excitata, & ad sympathicum corpus delata; vnde pi-
 scis tempore tranquillissimo cæteroquin ad situm indifferens,
 mox tamen vbi ventus spirauerit, ad eum occulto motu se
 conuertet; quæ quidem vis non in viuo tantum est, sed & in
 mortuo manet. Audiui enim ab ipsis Aegyptijs, hoc animal
 in superficie maris tranquilli, & pacati instar caluarie cu-
 iusdam eminus comparere, vt vel ex hoc caluarie marinæ
 nomen apud multos obtinuerit, atque hoc situ hiantē ore au-
 ræ spirantis benefica vi frui; quod & de hirundinibus marinis
 obseruant piscatores, & nautæ huius nostri maris; vt proinde
 ex volatu horum piscium in aliquam plagam, ij infallibiliter
 pronuncient ventum, & tempestatem & plagam, ex qua pe-
 riculum immineat. Cum igitur in vita hæc vi imbuantur, in
 mortuis eandem manere verisimile est; specificas autem qua-
 litates viuientium etiam post vitam remanere in rebus, tum
 plantarum & vegetabilium vires, tum animalium, vt Aquilæ
 pen-

Nouum Anemo-
 scopium.

Cause huius vir-
 tutis *ἀνεμο-
 τὸμολω* in-
 quisitio.

pennæ, ossa Hippopotami, cornua Rhinocerotis, pennæ Pavonis, ac innumera alia satis demonstrant. Ex his igitur omnibus ritè inter se collatis Philosopho clarè patebit hanc vim ἀνδρομορφω, siue ad ventos conuersiuam, non sine fundamento in nonnullis piscibus reperiri. Sed hæc de Aeolio magnetes sufficiant.

*De Pisce Anthropomorpha, seu Syrene
sanguinem trahente.*

Descriptio Syrenis, siue hominis Marini.

Capitur certis anni temporibus in mari otientali Indiæ ad insulas Vissayas, quas insulas Pictorum vocant, sub Hispanorum dominio, Piscis quidam ἀνδρομορφος, idest humana prorsus figura, quam ideò Pêche muger vocant, ab indigenis Duyon. Caput habet rotundum, nulla colli intercapedine trunco compactum; extremæ aurium fibræ, quæ & auriculæ nominantur, ex cartilaginea carne eleganter vestitæ, quarum interior pars amplissimis formata anfractibus veram hominis refert aurem; oculos suis ornatos palpebris, sitiq; & colore non piscis, sed hominis iudicares; naso nonnihil aberrat: malam inter vtramque non vsquequaque eminet, sed leui tramite bipartitur; sub eo vero labra magnitudine, specieq; nostris simillima; dentiû non quales insunt piscium generi ferratiliû, sed planorum & candidissimorum continua series: pectus alba cute contectum, hinc atque hinc paulò latius quam pro corpore in mammas extuberans, neque eas vt foeminis pendulas, sed quales virginibus globosas, plenas lactis candidissimi; brachia non longa, sed lata ad natandum apta, nullis tamen ipsa cubitis, vlnis, manibus, articulisue distincta; in administris sobolis propagandæ membris in vtroque sexu nulla ab humanis distinctio; post hæc in piscem cauda desinit.

Vis restrictiua sanguinis.

Atque hæc est forma piscium, quam oretenus mihi P. Didacus Bobadilla Insularum Philippinarum, vbi dictæ belluæ capiuntur, Procurator & oculatus testis descripsit; huius piscis ossa habent mirabilem quandam vim, atque potentiam, sistendi & attrahendi sanguinem; vt ipse citatus Pater dixerit,

rit, vidisse se ossa huiusmodi, quæ scissa vena, fluenteq; sanguine, cum vulnere applicarentur, sanguinis cursum ita stringerent, quasi vena ligaretur; & si non omnia ossa tam sint efficacia, foeminarum marium ossibus multo efficaciora ad hunc effectum reperiuntur. Vnde in hæmmorrhagia pertinaci, pulvis inspersus omnia alia restrictiua superat. Distinguitur autem virtutis efficacia ex maculis quibusdam accedentibus ad nigrorem, quæ enim habent huiusmodi maculas, melioris notæ sunt; habeo ego dono sanè singularissimo dicti Patris, ex huius rarissimi piscis ossibus confectam coronam precariam; experimentum tamen virtutis necdum sumpsi. Alius quidam dicit, carnem huius animalis applicatam aliquamdiu carni hominis, mox ita ad se attrahere omnes spiritus, vt hominem veluti stupidum reddat; certè si hoc, id alia de causa non fiet; nisi ex substantiarum similitudine, qua vi Mumiam quoque pollere in sequentibus dicetur. Sed hæc de *Æsma-* gnetismo sufficiunt.

Innumera alia hoc loco ex Animalium historia adduci poterant; sed sicuti nihil hoc loco, nisi vel proprio, vel virorum fide dignissimorum, ac *duro* experimento comprobatum nos adducturos esse promissimus; ita omnia alia necdum certò comprobata, sed vt plurimum tantum falsa traditione, relata, consultò omittenda censuimus. Est enim ita mihi natura comparatum, vt nihil magis in rebus arduis, difficillimis, & peregrinis asserendis, quam fidem, sinceritatem, & ingenuitatem æstimem. Qua destituti multi ex antiquis, etiam Authoribus magni nominis, infinitis erroribus, mendacijs, falsitatibusq; & mundum & scholas, dum res narratas tantum sine experimento credere, concatenatorum errorum, propagatione refererunt.

LIBRI TERTII
MAGNETICI MVNDI
PARS SEPTIMA.

Ἰατρικὸς μαγνητισμός.

id est,


De Magnetismo rerum Medicinalium.



EDICINAM, uti totum Naturæ ambitum completitur; dum $\mu\upsilon\kappa\epsilon\gamma\eta\sigma\tau\omicron\varsigma\ \mu\omicron\nu$, ex Magni Mundi naturis ac creaturis, conseruare, præsauerare & à morbis affectum recreare laborat, ita præ reliquis rebus Magnetismo pollere sine quo potentissimos illos effectus causari nequiret, ex paulò post adducendis luculenter apparebit; sed ne à $\mu\epsilon\delta\iota\kappa\eta$ materiam ita uilem, iucundam, ac necessariam aggreddiamur, hanc partem in tria Capita dispertiemur; In Primo de verè Magnèticis medicinis, id est, de Ferri & Magnetis in medicina usu; In Secundo de Magnetica facultate, cum rerum medicinalium, tum singularum partium humani corporis ad suum nutrimentum; cæterisque medicamentis simplicibus secundum analogiam quandam Magnèticis; In Tertio denique de Magnètica Medicinæ applicatione ratiocinaturi.

CAPVT I.

De Magnetis & Ferri, seu Chalybis in Medicis rebus usu.



VM Magnes & Ferrum origine, ut in primo Libro fusè demonstratum est, idem sint; easdem quoque facultates plerique medicorum utriusque ascribunt, Plin. Hist. nat. lib. 34. cap. 15. enumeratis multis de Ferro rebus ad humanos usus & alia pleraque necessarijs, medicas eius facultates

cultates etiam recenset, prodito primum illius temperamento & qualitate. Cum enim vis eius sit ligare, siccare, restringere, eo plerumq; ad alopecias emendandas, & ad scabrities genarum pustulasq; totius corporis cum cera & oleo myrteo; ad ignes quoque sacros ex aceto, ad scabiem, paronychia digitorum, & pterygia in linteolis vtuntur. Plagis quoque recentibus vino dilutum, & cum myrrha subactum prodest: podagras quoque lenit, lienem minuit, hæmorrhoidas compescit; præcipua tamen commendatio eius in hygremplastro ad purganda vulnera fistulasq; & omne callum erodendum. Trallianus dissentericis; Aegineta & Dioscorides Lienosis; Aetius, Oribasius, Rasis cœliacis ferri pollinem cum acri aceto mixtum, & ad læuorem redactum mirifice conferre asserunt. Ferri quoque vinum aquamve, in qua candens ferrum extinctum sit, spleneticis, ac hypochondriaca, cœliaca, hæmorrhoidæ & hepate laborantibus mirifice prodesse Serapio, Aui-cenna, Hali, Abuccasis, Apharabius cæteri; Arabes, quorum libri penes me sunt, testantur. E recentioribus Vitalis de Furno Medicus & Cardinalis, peculiari capite de ferro agens, ferri ramenta resiccatoriam & attenuatricem facultatem habere ait, qua lienis obstructions aperiunt & curant dysenteriam; & quoduis alui profluuium, tam potu quam cibo sumpta, sistunt; Idem de aqua, vino seu lacte, in quo chalybs extinctus est, iudicium esto. Montagnana Cardinalis consilio 161. magni secreti loco refert, crassum lineum pannum acri & calenti aceto intinctum, in quo chalybis fragmentum extinctum sit, per multos dies obstructi lienis regioni impositum mirifice conferre; quem Sauanorola lib. de Balneis, Nicolaus Florentinus, Bartholomæus Anglicus, Salicetus, Platearius sequuntur; Clemens Amerinus ait, dimidiam pulueris ferrei, drachmam cum saccharo rosato mixtam, ieiuneque sumptam, prauos humores impedire, eorum arcere putredinem, ventriculi humiditatem siccare, excitare orexin, internas partes roborare, iecur infirmum, ac reliquas partes ad temperiem reducere; puluis autem huiusmodi ita fit; chalybem sume purissimum, quem in tenuissimam scobem lima redactum tãtis per elues, donec aqua clara remaneat & lym-

Varia. ferri vis
in medicis rebus.

Varijs morbis
proffigandis cõ-
fert.

Medici Authores
Arabes.

Pulueris consi-
ciendi ratio.

&lympida; elotam scobem in fictile vas vitriatum iniicies, & tantum aceti albi affundito, quantum ad scobem bene commiscendū satis est: vas probe obturatū, & tuto loco positum, per triginta dies quiescere permittes, singulis hebdomadis bene commiscendo, addito aceti momento, si opus sit; post hos dies cum exactè calcinata fuerit scobs, in ampliore vase illam spargito, vel in mensam, vt in vmbra siccet; siccam in æneo mortario moles, tritamq; per cribrū traiecitō, in pollinem ita reductam, in pictoriam concham lympidam repones, atque eam cum pistillis ita remoles, vt digitis sumpta, nullū corpus habere deprehēdatur; Alij chalybis limaturam acetototam cum chariophyllorum parte commiscunt, huius mixturæ libram indunt vini hispanici generosissimi sex vel septem libris, quam miscellam phialæ vitreæ imponunt, æstiuusq; solibus expositam sæpius mouent; hac ratione in liquore tota ferè chalybis limatura abit; eius liquoris cochlear vnū mane præbent, admittis aquæ Endiuæ aut Fumariæ duobus cochlearibus; atque vt æger horæ spatio ambulet, iubent; ventriculum roborat, lienem à duritie liberat, hypochondriacam sanat, sistit hæmorrhoides, celiacis prodest, verbo, omnibus obstructionibus mirifice confert; atque huius ferreæ scobis præparandæ modum plerique magni secreti loco habent; quidquid sit, vidi ego huiusmodi limaturæ, vti & chalybeæ aquæ in spleneticis & hypochondriacis admirabiles effectus, & expeditam dictorum morborum curam; quare id hoc loco curioso Lectori occultum esse nolui.

Alius modus pulueris conficiendi contra morbos Lienis.

Porro Magnetē eadem cum ferro facultate pollere, plerique medici testantur; in spleneticis affectibus vnicum medium faretur Auicenna; Galeno teste, Magnes hæmatitis vires habet: Dioscorides cū aqua mulsa trium obelorum pondere ad crassos humores & melancholicos educendos propinari tradit; Nonnulli cum mulsa exhibitum hydropicos sanare referunt; Ex collo gestatus magnes spasmū sanare, ac neruorū dolores compescere, manuq; detentus partum accelerare perhibetur; Quidam etiam in varias superstitiones lapsi, Veneris ei intellectum tribuerunt, vnde ridicule more suo Marbodæus,

Magnetis in Medicis vsus.

*Conciliare potest vxoribus ipsa maritas,
 Et vice conuersa nuptas reuocare maritis.
 Suppositum capiti lapidem stertentis adaptet,
 Mox quæ casta manet, petit amplexura maritum.
 Mox tamen euigilans cadit omnis adultera lecto
 Tanquam pulsa manu, subito fœtore coacta
 Quem lapis emittit, celati criminis index.*

Superstitio Mar-
 bodæi.

Sed quis adeò hebeti, & obtusi cerebri est, qui huiusmodi anilia deliramenta non videat, imò rideat? Quidam Astrologi quoque ad amorem conciliandum, Venerem magneti superstitiosius insculpunt; vnde Claudianus: Venerem magnetica gemma figurat; ridiculus ille Marbodæus aliam quoque benè furandi industriam ope magnetis peragendam forsan, istius artis haud imperitus docet, quæ quoniam admodum ridicula est, & nugatoria, animi causa hic adiungendam duxi.

Superstitio A-
 strologorum.

*Sì fur claustra domus spolijs, gazisq; referta
 Ingrediens, prunas arduas per loca ponat,
 Et supraponat magnetis fragmina prunis,
 Vt per tetragonum fumi vapor alta vaporet,
 Mentibus euersis velut impendente ruina
 Diffugiunt omnes in ea quicunque manebunt,
 Et fur securus rapiet quæcunque libebit,*

Sed de hisce, & similibus nugamentis, vide quæ in vltimo cap. i. par. primi libri diximus.

C A P V T I I.

De Magnete Microcosmico, siue Hoplochrysmate, seu vnguento Armario.



PRODIIT non ita pridem è stygia, vt equidem reor, officina, vnguentum quoddam, quod ab actione, qua in distans vulneratos sanare falsò creditur, Magneticum dicitur. Armarium verò quod armis inungi soleat; conficitur ex varijs speciebus, quas consulto subticere visum est, cū mumia siue parte hominis strangulati, aut alio violentæ mortis genere perempti, Luna crescen-

Confectio vn-
guenti magne-
tici.

sciente, & in bona domo, & in signo, nequid superstitionis desit, humanæ figuræ existente. Hoc vnguento sic ritè preparato gladium, pugionem, clauum, vel quodcumque alterum, telum, quo vulnus inflictum fuit inungunt, telumq; illud fascijs circumligatum diligentia magna, non secus ac si corporis vulnerati membrum foret, fouent. Quo facto vulnus confestim ad quantamlibet distantiam, spaciumq; indeterminatū se sanare posse iactitant, virtute quadam, aut efficientia magnetica, attractione & diductione, vectore spiritu, qui tanquam medium vinculum primò ex definitis, & proprijs constellationibus sympathiam & copulam, seu conuenientiam inducit, ex qua deinceps vis sanatiua in telum medicatum deriuatur, ex hoc enim postea egreditur, ac ad partem vsque vulneratam continuatur, traducitur, ac tandem actionem istius virtutis sequitur effectus. Præter alios verò, huius telungij, siue hoplochrysmatis patrociniū suscipit auctor Philosophiæ Mosaicæ, quod volumen quidem totum in ordine ad hunc effectum vnguenti magnetici demonstrandum composuisse videtur. Verum è fundamentis, è quibus huius vnguenti veritatem astruere nititur, facile, quid de eo sentiendum sit colligi poterit. Primò enim supponit antedictus Author, nullum effectum in rebus elucescentem à naturali agente procedere, sed centralissimum illum Diuinitatis Spiritum iuxta illud 1. Gen. in principio aquas incubantē, omnia in omnibus operantem, res omnes & singulas animare, & ad agendū emanatione quadam ineffabili, sola voluntate sua efficacissima ad amorem, noluntate verò ad odium per ministros angelos incitare. Creaturas autem tantum organa quædam esse, per quæ & in quibus Dei virtus iuxta beneplacitum suum ministris Spiritibus operetur ad extra; ita asserit omnes meteorologicos effectus non elementorum colluctantium, sed immediata Dei opera esse per Angelos producta; ita ventum definiens nihil aliud esse dicit, quam aërem Spiritu Dei, mediante Angelo vel ad bonum, vel ad malum animatum, agitatūq;. Tonitru verò ipsam Dei vocem esse, ad terrendum peccatores institutam, & dum plus æquo pius in Deum esse vult, impius & blasphemus deprehenditur. Porro hunc Spiritum

Auctor philosophiæ
Mosaicæ

Altera sententia
Authoris
Mosaici.

ritum Dei omnibus rebus inesse, & ex Stellis primum in vltimum, infimumq; mundi theatrum deriuari, ibiq; omnia mineralis, vegetabilis, & animalis naturæ semina animare. Cum igitur Spiritus iste sit incorruptibilis, æternus, infinitus, nullum quoque actionum suarum terminum habebit. Ex quo audacter concludit, nullum consequenter rebus naturalibus esse ad agendum determinatum virtutis orbem. Sed hoc Spiritu animatas in quoduis spatium indeterminatè agere; atque hæc sunt philosophiæ Mosaicæ fundamenta. Ex quibus primò sequitur, nullas inesse proprias rebus naturalibus virtutes, & consequenter nullam philosophiam; cum dato quocunque mirabili effectū, statim sine vltiore inquisitione in promptu causa sit; Deus nimirum ita vult, Spiritus vbi vult spirat, ita sapienter ordinavit æternum Dei Verbum. Quæ præterquam quod absurda sint, communi quoque omnium Philosophorum, Theologorumq; opinioni repugnant, cum æterna Dei sapientia singulas res creatas suis particulâribus viribus, seu dotibus quibusdam, cum vt singulæ in finē suum operentur, tum ne natura otiosa & sine fructu instituta esse videatur, imbuerit. Sequeretur secundò, Deum omnium malorum causam esse, cum velle ac nolle meum non sit meū, sed Dei voluntas & noluntas in me operans, potentijs organorum loco solum inseruientibus; quod impium, blasphemumq; esset asserere. Sequeretur tertio, vires rerum naturalium non esse res subiectis concreatas, sed ipsum Dei Spiritum esse eas animantem, atq; ad odia & inimicitias incitantē. Ita dum ferrum trahit Magnes, non ea actio Magnetis sit, sed Spiritus Dei centraliter in Magnete inclusi tractio, & vt iterum ad rem nostram veniamus, ita Spiritus Dei in mumia boreali (sic enim Author loquitur) hoc est in parte hominis strangulati magnetificata inclusus, defert vim vnguenti in mumiam Australem, id est in carnem hominis vulnerati. Ineptè, insulsè ἡ δὲ δῶς, & ἀλόγως, quod ita ostendo, vel enim vector ille Spiritus erit anima, aut Angelus, vel Deus, non Anima, cum illa extra corpus nullum materialem effectum producere possit; quod si Angelus aut Deus, certè curatio illa naturalis minimè dici potest, sed miraculosa, & ἰατρικὴ.

Inferunt multa absurda ex sententia, quæ dicit, Deum immediatam rerum omnium causam.

Confutatio sentent. 2.

780 LIB. III. MVNDI SIVE CATENÆ MAGN. PARS VII.

Verum si concedat, uti concedere debet, naturalem hanc esse actionem : iterum ex eo quæro ; vtrum hoc vnguentum, in spatium determinatum, siue indeterminatum agat ? Non prius, cum extra id nihil ageret, quod est contra huiusmodi Hoplochristas, seu telungiariorum, volunt enim illi hoc vnguentum in quavis à patiente distantia effectum suum sortiri ; in quoduis igitur secundum ipsos spatium aget, contra quod ita concludo ; omnium agentium creatorum actiua vis certis limitibus ac terminis est circumscripta, quibus eorū vis agendiq; potestas quasi coercetur, ita ut extra hos vires suas extendere naturaliter nulla ratione possit, necessario igitur passum in ira sphaeram agentis, ut effectum suum consequi possit, constitui debet ; quæ ita certa sunt, & consentanea naturalibus principijs, ut qui ea negauerit, temerarius, ne dicam insanus æstimari debeat ; cum indeterminatæ actionis sphaera concessa, præterquam quod omnium rerum naturalium sphaeras actiuitate æquales, etiam progressum in infinitum, quo nihil philosophiæ magis repugnat, asserere cogamur ; Sequeretur etiam ex hac infinita sphaerarum actiuitate mundum necessario dissolutum iri, cum nemo nostrum hic Romæ, iuxta enormis huius philosophiæ principia, à basiliscis Libycis, dypsadibus Aegyptiacis, draconibus Africanis, eorumq; virulento flatu, seu vi venenifera indeterminata ; nemo à contagiosa qualitate pestiferorum in Germania, Gallia, aut Anglia alicubi existentium securus esse posset, utpote sphaera huius effluxus veneniferi indeterminata. Vremur igitur hic ab incendio Aethneo ; à Napelli alpini effluuio vertigines patiemur, ab exhalationibus lethiferis speluncæ Letheæ periclitabimur, quæ omnia ridicula, indigna *ἐνέδοξα*, diuinæ humanæq; philosophiæ contraria sunt, nisi dicamus forsan, in gratiā & fauorē huiusmodi Telungiariorū præ ceteris omnibus rebus naturalibus hoc vnicum priuilegium à natura vnguentum hoc magneticum, ut videlicet in distans agat sine termino, accepisse ; à communi agendi ratione, rebus naturalibus consueta exceptum ; rem acu tetigisse videor. Ita enim ipsi iudicant, ita credunt, in hoc sibi applaudunt. Sed apage cum istis nugamentis.

*Absurda ex di-
cæ sententia.*

Argumenta.

Porro iterum dicent hanc vim à Spiritu diuino primo, coe-

coelis & astris, & hinc eam deindè deriuari in astra terrestria. Contra, vel enim hæc vis sanatiua ab astris produci-
tur, vel in vnguento, vel extra: si hoc; ergo vulnus iam non
sanabitur ab vnguento, sed ab alio. Si prius; iam iterum que-
ro, quidnam vim istam determinet, vt in telum potius quam
in patientem agat? Quis enim huius Spiritus, siue Australis
sanatiuæ ad lignum, ferrum, ensem, ad quæ nullam propor-
tionem & necessariam dependentiam habet, consensus esse
possit, non dispicio? non igitur in vnguentum, quod sanatio-
nis incapax est, sed in carnem meritò vis ista sanatiua coele-
stis traduci meretur. Iterum hic Spiritus, qui qualitatibus ve-
ctorem agit, vel est substantia vel accidens. Non accidens,
siquidem rerum naturalium virtutes negat Mosaicus Philo-
sophus, omnesq; effectus immediata Dei opera asserit; ergo
vis ista necessariò substantia est, videlicet Spiritus iste diuinus
rebus singulis centraliter inclusus, sola voluntate sua omnia
causans; & si hoc, vel actio eiusdem erit naturalis, vel non:
non prius, cum omnis effectus sanationis immediatè & pro-
ximè à Deo vel Angelo causatus, miraculosus potius di-
cendus sit, quam physicus; ergo vnguentum illud non Phy-
sicè in distantem, sed miraculosè agere asserere cogetur; om-
niaq; consequenter naturæ opera miraculosa; quod si ei du-
rior, absurdiorq; hæc sententia videatur; naturalem ergo di-
cet. Si ita: ergo non iam immediatè à Deo, sed mediante vi
ab authore naturæ singulis rebus insita, & sub certa, eaq; de-
finita sphaera vniformiter difformiter agendo operabitur. Vi-
de igitur quam huiusmodi sententia sibi in omnibus contra-
dicat? Sed instabit iterum hanc sphaeram actiuitatis nobis
insensibilè esse; Sed quis hoc Mosaico huic Philosopho reue-
lauit? Aut si insensibilis sit, vbi aget, quid aget, in quo aget vis
ista in sphaera insensibili? aut quomodo alterū sensibilibiter al-
terare poterit: cū omnium rerū naturalium effectus in tantū no-
bis sensibilis sit, in quantum sensibus est perceptibilis, neque
enim Philosopho teste, quicquam in intellectu quod nō prius
fuerit in sensu; quomodo ergo insensibilis esse potest, si sensi-
bilis sit, id est, sensibilem effectum pariat; aut quomodo sen-
sibilis, si insensibilis, id est eundem insensibiliter producat;

implicant enim hæc. Frustra igitur ea fingit, quæ cum natura minimè consistere possunt. Tertio quæro, vel telū illud sanationis efficiens causa est, vel cōditio sine qua non. Non prius; sic enim vulnus, non vnguentū; sed telū ob similitudinē quandā & familiaritatē sanaret. Sed siue vulnus respicias, siue ferrū, quæ sympathia aut familiaritas inter ipsa intercedere possit nō video. Vel enim illa oriretur ex ipsa substantia, vel natura rei; at telū, quo quis vulnerari potest, non est semper eiusdem substantiæ aut naturæ, modo enim ferreū, modo æneum, subinde ligneum, aut etiā lapideum esse solet. Quibus cōsensum ad carnē tribuere ridiculum, ne dicam stolidū esset asserere. Neq; est cōditio sine qua non; vel enim dispositiue tantum, vel etiā actiue concurret ad excitandam virtutem vnguenti, vt deinde vectore Spiritu traduci possit; Sed nihil horum in telo cōcipi potest; neque enim esse potest virtus telo propria, nam huiusmodi telum licet ex quavis materia fiat, nihilominus effectum suum iuxta illum obtinebit: neque ferri qualitas esse potest, cum ferrum aliud nihil faciat, sed solum illud, quod vulnus facit. Concludimus ergo hanc curationem fallacem, suspectam, & minimè naturalem, à nigro illo vectore spiritu omnis mendaciū patre profectam. Quod luce clarius, cum ingredientia, qualia sunt cranium hominis violenta morte perempti, sanguisq; humanus, vel simile quiddam ex humano corpore, cuiusmodi in execrandis Lamiarum, Strigumq; conuenticulis demonem adhibere solere notius est, quam dici debeat; tum superstitiosi ritus, quibus vnguentum spiculo applicare solent, satis testantur. Quid enim iuuat illud illi nimentum ab apice manubrium, & non à manubrio apicem versus pugioni inunxisse, cum accidentia non mutant essentiam rei, & naturalis causa semper agat vniformiter; siue enim ignis antè siue retrò; siue supra, siue ad dextram, siue ad sinistram applicetur, semper vret. Ita Magnes siue diu, siue noctu, siue frigido, siue calido, siue supra, siue infra, ferro applicetur, quo minus id trahat, impediri non poterit. Sed dicet; spiritus sanguineus ferro communicatur per vnguentū excitatus, spiritusq; in mumia australi, siue homine vulnerato allicit magneticè. Quid tum? Si allicit magneticè, ergo vel

Vnguentum armarium nō naturaliter agit.

Superstitiosa circumstantia.

vel sanguinem sibi similem, vel aliquid aliud ex vulnere per medium ad se attrahet? quod haftenus inauditum est; vel salutifera sua vi cutem constringendo, conglutinabit dissolutum continuum; sed nec ita magnetica erit actio. Frustra igitur in Magnetis virtutibus vnguento suo applicandis otiosè & inutiliter occupatur. Sed iterum dicet, experientiam docere hoc vnguento adhibito, dictum sanationis effectum plerumque consequi. Esto; at ex hoc minimè sequitur, ab vnguento in patientem quantumvis distantem agente, hunc sanationis effectum provenire. Quod vt luculenter deducam, dico hunc effectum dupliciter fieri posse, vel ex pacto cum Dæmone inito, vt pleraque eius generis. Etsi enim multi protestentur pactum se expressum cum Dæmone non habere; si illo vtantur, habere tamen implicitum possunt. Quod bene fieri dicitur à Theologis, quando quis sciens, aut vincibiliter ignorans ijs rebus vtitur, quorum vsu cum aliorum pacto cacodæmon officij sui commonefactus, mirabilem eiusmodi effectum producit; quo pacto implicari dicunt ignarum. vel etiam naturaliter sanari posse sine vlla vnguenti Armarij applicatione, sola mundificatione, vel patientis vrina qua vulnus patientis singulis diebus eluendum præcipiunt, vel Symphyti pulueribus, quos inspergere solent. Nescio enim quid mirum in consolidandis vulneribus habeat mundificatio. Videmus enim canes & vrsos nullo vnguento, vel emplastro, graues ictus, & vulnera proprii corporis, sed solo linctu sanare, quod non tam linctui, quam munditiei per crebrum linctum procuratæ adscribendum putamus, iuxta illud Hippocratis dictum, τὰς φύσας τῶν νόσων ἰατρικὰς εἶναι. Sunt igitur emplastra & vnguenta non per se, sed per accidens sanantia, vtpote sanationis & consolidationis impedimenta rescindentia; ita multi per munditiem remoto pure, quod sinus & locellos sibi generare tentauerat, persanati sunt; repurga quotidie vulnus, & siccatum id ab externis, vt magneticè sanandis præcipitur, iniurijs defende, absque emplastro, & satis commodè sanaberis. Vel certè, si nihil horum se adhibere clament, nulli alteri nisi stygio illi medico, à quo Passauici huiusmodi, & Rosæ crucis Fratres quotidie similia,

Nō agit magneticè.

Quid sit pactum implicitum cum dæmone.

Sola mundificatione vulnera facile sanantur.

Hippocratis dictum.

Pseudomagneti-
ca medicamen-
ta quæ?

exitiosa, & sathanica medicamenta arte rogo multanda ex-
torquent, quibus dum corpora sanare præsumunt, animas
perdunt, adscribendum duxerim. Huius generis sunt pseu-
domagnetica illa medicamenta è Dæmonis schola verius,
quam ex naturæ phrontisterio deducta. Ita podagram sana-
turi laborantis pilos & ungues pedum & tibiærum resectos,
foramini quercus ad meditullium vsque inciso indunt, clau-
sumq; foramen stercore vndique vaccino perlinunt, si ita-
que podagra in trium mensium spatio non reuertatur, quer-
cum putant sufficientem ad morbum more magnetico ad se
attrahendum; at si reuertatur, signum est quercum non
habere sufficientem vim magnetis, quare ad alias curas con-
uertuntur prorsus stolidas, & homine rationali indignas; pari
ratione Ictericum sanare se credunt, ex vrina patientis cineribus
fraxini subacta placentulas efformant, in quarum singulis fo-
ramen faciunt, cui vrinam cum pauxillo croci infundunt, &
sic tuto loco, donec consumatur, aut etiam igni euaporan-
dum exponunt, & cum eo icterum quoque consumi volunt.
Pleuritide laborantes Lanionum cultro è carnificina immer-
so potui infirmo præscripto, sanare posse sibi persuadent.
Spasmodum inhibere annulos è ferro, seu catena suspensio-
rum; copiosam hæmorrhagiam, sceptri Iudicis supra necis-
reorum sententiam ferentis frusto in manu detento, sisti;
& innumera alia indigna, quæ quotidie sub specioso curatio-
num magneticarum nomine palliata prodeunt, libris
rogo multandis, à quorum lectione omnes sibi
caneri velim. Qui plura de hoc denique vn-

guento desiderat, consulat Ioannem Ro-

berti, Laurentium Forerum, & eru-

ditissimum Syntagma de stu-

dio militari Gabrieli

Naudæi, qui do-

ctissimè di-

ctas

nugas libris suis

refutarunt.



QVAE-

Q V A E S T I O.

Virum Emplastrum Scoe Magnetica præparatum, Ferrum ex humano corpore extrahere possit.

Non defuerunt superioribus annis in Belgio quidam, qui rupturas & hernias, ea quæ sequitur ratione, curare magnetis ope consueuerunt; ramenta ferri tenuissimum in pollinem redacta haurire præcipiebant, forinsecus autem ad affectam partem emplastrum ex magnete contuso, ac è Consolidæ radicibus confectum applicabant, atque hac medicina, spatio (si credere fas est) octidui patientem, toto tempore resupinum se curare posse iactitabant. Huiusmodi emplastris magneticis Rusticum quemdam Bohemum Prage, nomine Matthæum, prodigioso prorsus morbo curatum, Osvaldus Crolius in præfatione sua admonitoria Basilicæ suæ chemicæ refert. Hic Rusticus, dum per biennium mira & inaudita quadam gutturis dexteritate multoties apud bibulos iustæ magnitudinis ferreum cultrum in guttur suum satis amplum, seu vaginam quandam præstigiatoris ad instar, dedita opera occultaret, super affundendo sat largum hoc nomine impetratum plenum cereuisia poculum, & postea eundem iterum pro libitu (singulari arte) cuspidem extraheret; nescio qua sua infortunata & demente temeritate postridie paschæ eundem in tantum deglutierat, ut planè in stomachum descenderet, & ab ipso nullo amplius artificio retrahere posset. Postquam verò ex apprehensione indubitæ mortis mox sequuturæ quasi semimortuus dictum cultrum septem integras hebdomadas, & duos dies in proprio stomacho, seu hospitio quodam excepisset, vsu & putato adiuumento emplastri attractiui è Magnete, alijsq; applicatis, cuspidem eiusdem naturali impulsu, iuxta orificium stomachi exitum moliri cœpit; quo deprehenso instantè petitum fuit à patiente ut incidendo extraheretur, quod tandem precibus in omnis fortunæ & valetudinis dubiæ euentum, à primario Regni & urbis

Cura herniarum
ope magnetis.

Historia cultri-
uori.

Alia Historia
cultriuori.

Chirurgo Floriano Mathis Brandeburgensi impetratum, & foeliciter Dei nutu præstitum fuit; color excisi cultri inter rariora Cæsaris repositus ita in stomacho erat immutatus, ac si per id tempus culter igni fuisset expositus. Rusticus autem paucorum hebdomadarum spatio adhibitis legitimis ab experto Chirurgo remedijs, tandem integræ valetudini restitutus, nuptias paulo post celebrauit. Simile quoddam huic contigit Anno 1635. 29. Maij in Borussia, verum hanc historiam raram, & consideratione dignissimam hinc ea fide, quam eam Becherus Medicus peculiari libello, quam historiam Cultriuori intitulat, descripsit, inserendam duxi. Iuuenis viginti duorum annorum ex pago Grinvalde, septem miliar. ab vrbe Regiomonte in Borussia, natus sub iurisdictione nobilis viri Georgij de Groben, nomine Andreas Gronheide; cum Anno 1635. 29. Maij sacra aditurus, nauseam cum dolore ventriculi persentiret, vt vomitum sibi excitaret, cultelli sui manubrium faucibus immisit, quod cum concitatus detrusum ad œsophagum peruenisset, ibiq; per biduum hæssisset, in caput quasi resupinus grauem sibi cultellum eximere conabatur, sed frustra. Cereuisia igitur cum quodam murmure copiosius ingesta, tandem culter in ventriculum delatus ea doloris remissione, vt ad consuetas rediret operas; Domini tamén sui consilio 20. Iunij Regiomontum concessit, vbi 23. Iunij à Medicis constitutum est, casum hunc posse vinci, eiusq; curationem ante dies caniculares tentandam.

Itaque 29. Iunij ex iusculo cochleare vnum olei oliuarum, & Hypericonis ad mitigandam doloris vehementiam præparati sumpsit, ex quo laborans die sequenti motum cultri percepit cum dolore sinistri lateris, qui dextrum ante molestabat. Hinc emplastrum Magneticum fuit iniectum; 9. verò Iulij præmissa Balsamica potione, & confortatio ex aqua Carbunculi, & aqua Rosacea, ægro à Daniele Suabio Regis Poloniae Lithotomo peritonæum quatuor pollicum longitudine secundum rectitudinem, vbi tumor quidam sinistri lateris cum dolore periodico horis potissimum matutinis, dissectum; qui detecto ventriculo, cum post leuem eius inci,



incisionem forfice peractam, deprehendisset cultellum, adactam blandè ventriculi membranam supra cultri mucronem nouacula pertudit, ac protinus arreptum forfice cultrum, à 45 dierum in corpore mora, color veluti ex igne mutatum, cum quodam sonitu eduxit, ea quidem foelicitate, vt labra vtrunque mox coierint. Laborante in lectum delato, vulnus deterfum, abdomini iniectæ 5 futuræ balsamo per earum spatia calidè instillato, alijsq; illinimentis, fomentisque identidem adhibitis, æger instauratus tandem coalito vulnere stomachi, exiguo tempore pristinae valetudini fuit restitutus; cultri figuram ex Borussia Patauium ad Nau-dæum transmissam, & ab hoc mihi communicatam, vna cum vera eius quantitate & magnitudine hic tibi curiosè Lector ob oculos ponendam duxi.

His igitur peractis, iam quæritur vtrum huiusmodi culter deglutitus magnetici emplastri vi in partem stomachi secandam fuerit attractus? Non ignoro plerosque Modernos puluerem magneticum Emplastratum verè ita attractiuum esse existimare, vt nihil ex corpore trahi posse velint, si hic puluis emplastro non fuerit admixtus. Ego verò totum contrarium sentio, etsi enim scobs Magnetica & ferrea libera, ex se & sua natura magnetica sint, & vi attractiua mirificè polleant. Dico tamen quod mox vbi canali inclusa coarctataq; scobs fuerit, omnem eam tractiua virtutis efficaciam, ob partium se disponentium confusionem perdere, quæ omnia fusè in parte secunda lib. 1. Theorem. 15. probauimus, si itaque coarctatus intra canalem puluis Magneticus vi sua ob di-

ctas

Emplastrum ex
contuso magne-
te factum, nulla
vi magnetica
pollet.

etiam rationes priuatur, quanto magis ea destituetur, si madefactus, alijsq; pinguibus speciebus mistis in vnguentum reductus fuerit; quo præter partium, quæ in simili miscella, concurrit confusionem, vis eius mirum est, quam obtundatur, & quam hebes reddatur & ignaua, imò penitus destruat; nemo igitur Magnetici emplastri ope ferrum ex humano corpore se trahere posse sine alijs præparantibus speret; cum motus cultri in partem stomachi aperiendam factus minimè tractiuæ virtuti Magnetici pulueris emplastro commisti; sed medicamentis balsamicis, analyticisq; adscribendus sit.

Paracelsi commentum.

Fabula de Echeneide.

Vsnea, Opodeldoch, Xenexeton Paracelsi.

Neque enim ob tractiuam vim magnes in huiusmodi emplastris à peritis Medicis adhiberi solet, sed ob vim astringentem, qua multum pollet istiusmodi puluis. Verum de scobe ferrea & Magnetica, eiusq; tractiua vi consule citatum Theorem. 15. par. 2. primi libri, vbi ex professo hanc scobem discussimus. Huius farinæ emplastrum fuit, quo Paracelsus sagittæ ferrum ex humano corpore se extrahere posse vanè præsumpsit, ait enim Magnetem in oleo Martis multoties extinctum, aut in Echeneidis sale reueruatum, ita roborari, ut è pariete clauum extrahat; vna assertione duplex, idq; pudendum mendacium. Tantum enim abest, ut ignitus magnes maiorem vim obtineat, ut potius eam, quam beneficæ naturæ munere accepit, vim penitus amittat, ut copiosè alibi dictum est. Vbi autem locorum ab hoc insolentissimo impostore adeò portentosæ facultatis pisciculus visus est? aut quis ei salem huius pisciculi vnquam largitus est? quis vnquam aurum eius ope ex puteo extractum, ut ipse iactitat, vidit? Cæcus est, qui fucos, imposturas, ac affanias non videat? Huius generis phanatica medicamenta ex eadem Paracelsi officina producta, sunt Vsnea, Opodeldoch, Xenexeton cū pentaculis suis annulo chalybeo, serpente & scorpione sub certo syderū posito, signato, Sole Scorpionē ingrediente effictio, affixioq; collo, aliaq; sexcenta huiusmodi portentosis à Sathana adinuentis nominibus insignita emplastra hinc inde proferri, vendiq; videbit, quibus omnibus si superstitionē dēpseris, cætera nec effectum, nec fidem merentur. Vnde hisce veluti nugatorijs relictis, ad institutum nostrum reuertamur.

CAPVT III.

De Medicamentis attrahentibus, An, & quomodo illa intra corpus suscepta humores moueant, attrahantq;?



VE MADMODVM duplex in Magnete vis notatur, vna qua ferrum sibi allicit, altera, qua repellit, ita & in medicamentis ὕπνικόν, siue ὀππασικόν, seu, quod idem est, attrahituum, & ἀποκρυσικόν, siue repulsiuum; etsi multum in vtroque differat vis attrahitua & repulsiua. Nam in magnete vna & eadem vis est, ex naturali illo se in certum, & naturæ suæ conuenientem situm disponendi appetitu necessariò resultans, vt lib. i. fusè explicatum est. In medicamentis verò ex natura rei differunt: ἡλκτικόν enim ἀποκρυσικόν, siue dispellenti quasi oppositum, foris applicatum humores tum serolos, tum crassiusculos, è centro ad circumferentiam intus sumptū; contra ex circumferentia in centrum trahit; repulsiuum verò contrariè omnia agit. Attractio autem calore præsertim efficitur, cui præcipua quædam vis attrahendi inest, vt in ἡσχυρομαγνητισμῷ dictum est. Cui tamen si præterea tenuis substantia, atque siccitas accedat, multo efficacius euadit. Hinc quæ gradu secundo completo calida sunt & tenuia, ea quidem calor attrahit; at quæ iam tertio gradu consistunt, ea non attrahunt modo, verum, etiam attracta dissipant, fitq; μετασκλητικόν, & subinde ὑπερκαταρτικόν ex alto euocans & resoluens. Ea verò quæ dicta, σκλητικόν, cum calore, tum tenuitate superant, resoluendo vel pustulas, vel vesicas excitant, oriturq; φούριζμός, seu rubrificatio, vt sunt Tithymallus, cantharides, salis, nitriq; cataplasmata, vt plurimum καυσικὰ. Porro attrahendi facultatem quædam insitam sibi habent particularem, vt sunt;

Comparatio magnetis cum medicamentis attrahentibus, & repellentibus.

Attrahitio ex calore.

Quid μετασκλητικόν.

Cautica medicamenta.

Attrahitua medicamenta.

Aloë, Aristolochia longa, Scopa regia, Cadmia, Tartarus, Adeps cuniculorum, Sena, Serapium, Asa foetida, Maiorana, Thabfia, Reubarbarum, Sulphur, Pulmones, Apium,

Di-

Dictamnus, Scammonea, Petroleum, Cataputia, Pulegium, Sagapenum, & cætera quæ breuitatis causa omittimus.

Alia à putredine vt fermentum, fimus columbinus, anserinus, gallinaceus, & quicumque à calidiori animali secernitur. Habent enim omnes fimi seu excrementa, nescio quid virtutis tractiuæ. Alia totius substantiæ similitudine, vt Scorpium vulnere suo impositus, deleterium venenum, quod ei aculatus est extrahit, & reuocat; vel vt omnia venenata, vt postea dicetur. Extra applicata, quæ humores trahunt, sunt Anagallis cuius flos purpureus adeò trahendi facultate pollet, vt adauctos corpori aculeos confestim extrahat. Euphorbium, Pyrethrum, Tlaspi semen, vti & Anemone masticata, aut succus naribus infusus pituitam potenter quoque trahit. Dictamnus & Nasturtium, calamentha & narcissus, aristolochia longa, infusa corpori extrahunt mirificè. Ex oleis quoque attrahentibus raros effectus præstant Balaninum & Sinapinum. Ex emplastris verò attrahentibus sunt, quæ fiunt ex meliloto, è baccis lauri & croco; ita picis aridæ, ceræ nouæ, axungiae suillæ, smegmatis nigri: vel aliter sulphuris, radicis pyrethri, hermodactyli, salis marini torrefacti, æqua portio in emplastrum redacta, miram attrahendi facultatem obtinent, quamuis illa multum augeatur, si recensitorum simplicium, vt Thapsiæ, Dictamni, axungiae portionem adiunxeris.

Quomodo medicamenta humores trahant.

Non trahunt omnia vi elementari.

His itaque sic ritè constitutis, iam quæritur, quomodo, aut qua facultate dicta medicamenta humores trahant? Quidam existimant omnem humorem sola elementari vi purgari; perperam. Hinc enim sequeretur, omnia verbi gratia calida intrò sumpta, eundem purgationis effectum præstare; quod experientia reclamationat; nõ nego tamen esse aliqua, quæ solo calore, alia quæ solo frigore, idest vi cõdensationis ac rarefactionis, vel actione antiperistaltica humores alliciant; nonnulla etiam exterius applicata, per qualitates secundas attractionis effectum proferunt; vt faciunt herbæ, peptica siue maturatiua, vi pollentes, qua dum affectam partem mollicando maturant, ferrum, aut spinam à firmioribus ad molliores partes promouendo educunt, quæ à motu, quem in se, quod promouent, faciunt, attractio dicitur. Quidam communi quodam

dam omnium tractu humores à medicamentis non secus, ac ab hirudinibus aut cucurbitulis metu vacui carnem trahi volunt. Verum cum hæc sententia perturbato rerum ordine summam confusionem inuehat, non est quod multum illi insistamus. Vnde ego, saluo aliorum iudicio, medicamenta pleraque humores in corpore præter naturam contentos rectius non vi quadam communi ac promiscua, sed totius substantiæ similitudine, insitaq; familiaritate attrahere iudico, attractum autem ea, quæ sequitur, ratione fieri puto. Medicamentum simul ac corpori ingestum fuerit, primo id quod omnium maximè sibi naturæ similitudine affine est, deducit; deinde alia quoque trahit & purgat. Non secus ac semina & stirpes terram ac subierint, id quod in terra secundum ipsorum naturam est, sibi attrahunt, siue acidum, siue dulce, siue amarum, siue salsum, siue aliud quicquam diuersum, vt in Phytomagnetismo docuimus; vna igitur similitudinis proprietate in medicamentis purgantibus completur attractio. Hæc autem similitudo non temperamentorum, sed substantiarum est; neque enim vlla attractionis alia causa statui potest: cum enim purgantium medicamentorum vniuersum genus calidum sit, certè similitudine pituitam (vt pote medicamento qualitatibus contrariam) trahere non posset: ergo sola substantiæ similitudo causa est, cur medicamentum hunc, illumve humorem alliciat. Neque putes velim, per hanc substantiam nos hic intelligere ipsam rei materiam, à quo vnumquodque tenuis, aut crassiæ substantiæ dicere solemus. Sed illam quæ tota illa substantia præstantior est, à quo tamquam ab intimo principio profluit ac emanat, quam specificam qualitatem alij, nos totius substantiæ proprietatem indigitamus. Hæc igitur, cum neque materia sit, neque temperamentum, necesse est rei speciem & formam esse, quæ præcipua est, ac ferè tota rei substantia, cuius mirificæ facultates, cum omnem colorem, saporem, odorem, cæterasq; sensuum qualitates transcendunt, non nisi operationibus sensu, & longo vsu, experientiaq; innotescunt. Vnde meritò à Græcis *δυνάμεις ἀόρατοι, καὶ ἰδιώματα ἀνεκφώνητοι* appellantur. Quæ omnia vt melius intelligantur.

Non trahit
metu vacui.

Vera sententia.

Similitudo non
temperamentorum, sed substantiarum est.

Specifica qualitas non à materia, sed à forma promanans.

No-

Omnia in mun-
do diffidio con-
stant.

In vna & eadem
re contrariæ qua-
litates eluce-
scent.

Alimenta nostræ
naturæ cōgrua.

Notandum est omnem motum, effectumq; è contrariorum diffidio, atque repugnantia proficisci; siquidem natura, dum mundi hanc vniuersitatem assiduæ mutationi subiecit, simul eam necessariò varijs diffidiorum generibus, quasi seminibus consperfit. Atque vt quatuor rerum primordia ignem & aquam, terram & aërem contraria instituit, & vnicuique quod ex ijs ortu processit, aliud quoddam opposuit diffidij lege; ita vt nihil in totius vniuersi circuitu subsistat, cui non & simile, & contrarium quiddam natura protulerit; ita morbis ex temperie, contrarias ex intemperie vires: morbis ex materia, contrarias materiæ facultates; & instrumentarijs, secundas medicamentorum vires, ex permissiōe materiæ temperamentiq; viribus ortas opposuit; imò quod mirabilius est, materiam in vna, atque eadem re simplici subinde hanc qualitatum contrarietatem complicasse varia demonstrant: lactis enim pars serosa & butyrosa ventrem subducit, caseosa, cohibet & stringit. Iterum Galeno teste, trifolij decoctum morsibus aranæ aut viperæ pro fotu adhibitum, statim dolores sedat, virusq; attrahit; idem verò parti sanæ admotum, dolores similes ijs, quos virus facit, excitat; præterea flores chamæmeli olfactu prosunt capitis dolori, folia summè nocent. Ita Lapathi folia laxant, semen assumptum constipat. Quod & de Brassicæ decocto, & eadem comesta verificatur. Aloë item decoctū intra sumptū hæmorrhoides aperit, idem aforis applicatum claudit; & sic de innumeris alijs passim notis. Quemadmodū igitur res quædam sunt à tota substantia nobis familiares, amicæ, & quasi naturæ nostræ conseruatrices, vt sunt alimenta naturæ nostræ congrua; ita quædam à tota substantia nobis sunt infestæ & inimicæ, vt venena. Quarū qualitates ideò alij occultas, nos vel formæ vel totius substantiæ proprietates, paulo ante appellandas diximus. Alimentum enim nos alit ideò, quia nobis tota substantia simile est; hæc autem similitudo nec temperamentorum est, nec materiarum, sed vel formarum duntaxat, vel horum certè omnium; quam proindè totius substantiæ similitudinem dicimus. Etsi enim caro, vinum, panis, olus quoad materiam alimenta nobis multum dissimilia sint, quoad formam tamen

tamen multum familiaria nobis fiunt & amica, similiaque, quod spiritum quendam vitæ caloris in se contineant benignum, nobisq; familiarem, cuius appulsu spiritus, calorq; noster fouetur, sustentaturque, & quorum materia in corporis nostri materiam statim abit, eiusq; molem alit, augetque, quæ quidem similitudo neque in primis, neque in secundis qualitatibus locum habere potest; ergo necessariò in spiritu, seu cælesti illo calore formæ congenitæ constituitur. Hinc nihil nos alere potest, nisi & hoc ipsum alatur, sitq; vel fuerit vita præditum. Huic autem alimentorum substantiæ è diametro opponitur ea quæ deleteriorum, venenatorumq; est tota substantia; quæ totum quod in nobis benignum & familiare est, maligna vi sua penitus corrumpit & destruit; dum totum in sui similitudinem vertere nititur. Medium locum tenent medicamenta purgantia, quæ nobis partim similia, partim dissimilia, neque in alimentum nobis omnino cedunt, neque etiam penitus nostram naturam destruunt, sed media quadam via & ratione se habent; hinc dum similes sibi humores, quos in se vertunt, appetunt attrahuntq;, substantiam nostram, & omnia membra ad inimicam sibi qualitatem vna cum peccante humore expellendam excitant; vti enim in corpore infirmo aliquid præternaturam malignum continetur, quæ sola infirmitatis causa est, ita in medicamento quoque malignum quippiam præternaturam proportionem quadam, maligno in infirmo latenti respondens continetur, quæ vnica attractionis siue iatromagnetismi causa; hinc maligna, attractione coniuncta, salutiferis conspirantibus expelluntur. Iterum quædam res non toti corpori nostro, sed partibus tantum singulæ singulis vi quadam à tota substantia promanante profunt; quæ in dicta fundantur similitudine; vt enim partium corporis aliæ alijs gaudent, afficiunturq; alimentis, quemadmodum cerebrum nostrum cerebris animantium, iecur iecinore, pulmonibus pulmo, cor cordibus, idq; ob quandam naturæ, seu substantiæ cognationem; ita in deleteriorum genere, proculdubio quædam vni particulæ, non alijs aduersantur; veluti pulmo marinus, non cordi, non stomacho vel hepati, aut alteri membro, sed pulmone prorsus obest, pari ratione

Nihil nos alere potest, nisi id ipsum vinum fuerit.

Deleteria naturæ nostræ contraria.

Alexipharmaca medio loco inter deleteria, & alimentum.

Mira proportio rerum.

Singulæ partes certa se analogia respiciunt.

Lepus marinus.

794 LIB.III.MVNDI SIVE CATENÆ MAGN.PARS VII.

Cantharidū vis
mirabilis.

Analogia medi-
cinalium ad mē-
bra diuersa.

Pæonia.

Filix & arundo.

Napellus, & a-
conitum.

tione cantharides non pulmoni, cerebro, spleni, iecinori, sed vesicæ quam perniciosissimæ sunt. Est enim ea cantharidum vis, vt vel manu detentæ diutius, vesicam exulcerent, lotiumq; reddant penitus sanguinolentum. Cuius rei experimentum non sine noxa in me ipso quadam occasione comperi. Similis ratio eorum est, qui certas corporis particulas respiciunt, dum quædam capiti, cordi nonnulla, aliqua renibus, alia spleni, stomacho, aut pulmoni peculiari vi sua subueniunt; ita hepar lupi & vua passa Hepaticis; galerita assata colicis affectibus, Satyrium, Scincorumq; caro tentigini, &c. Spodium cordi mirificè conferunt; adeò nihil est in vlla naturæ parte virtutis peculiaris sibi insitæ, & occultæ proprietatis expers: quorum vires non ex quatuor primis qualitatibus, sed à tota substantia promanante similitudine quadam, & affinitate sibi consentire, aut dissimilitudine atque dissidio aduersari fateri necesse est. Non ex primis qualitatibus, quod ita probo: Si enim pæonia verbi gratia, comitalem morbum sanat, quia cerebrum à pituita liberat, cur non eundem præstat effectum id quod pituitam multo potentius trahit, vt agaricus, Cnicus? Si filix copiosa arundine, aut contra arundo copiosa filicem destruit; ideò quod vnum alterius nutrimentum surripit necessarium, quo surrepto alterum contabescere cogatur; cur cucumeres, melopepones, nymphææ, & omnes aquaticæ herbæ non idem præstant, cum multo maiori aquæ copia ad nutrimentum, quam filix indigeant; & filicem tamen arundini notamus insociabilem. Si denique napellus aut aconitum occidit, quia frigidissimum est; cur non occidunt multa alia napello aconitoq; frigidiora, vt glacies, nix, aut virtuali frigore nymphæa, camphora, similiaque; Quod igitur arundini filix, viti brassica, venena vitæ aduersentur, non id manifestis, sed specificis qualitatibus, sphaerarumque, quibus diffunduntur, repugnantium conditioni, dum videlicet similia ob commodum se amant, dissimilia ob incommodum, quod ex mutua coniunctione recipiunt, se fugiunt, adscribi debet; hac vi quercus Iuglandis vitat societatem fuga quadam naturali, quod ex ipsius diffusa contraria qualitate prouenit, olea quercum aduersatur, fraxinus serpentes

pentes fugat; sic qui Echium & Anchusam manu portauerit, nullos serpentes habebit noxios, imò eos impunè tractabit; quod facies quoque, si raphani succo imbueris manus, quæ vires non ex parte materiæ, vt primæ qualitates, sed ex parte formæ, vtpote ipsi congenitæ desumendæ sunt; vti enim sapientissimus naturæ opifex singulis rebus ex elemētis productis, materiam assignauit ei elemento, à quo producta sunt, consentaneam; ita sanè formam vnicuique vi sua particulari instructam cœlitus immisit. His igitur ita rectè declaratis, iam tandem ad propositum nostrum postliminio redeunt, quomodo tandem medicamenta humores propriè allicere soleant, strictius examinemus. Et primò quidem certum est proprietatem humorum purgatiuam in medicamentis actu extra locum naturalem minimè actualem; sed merè potentialem, siue virtuale esse. Videmus enim quod etiamsi scāmonio, colocynthidi, similibusq; sinceræ bilis portio apponatur propius, nulla tamen inde motio sequatur & attractio, quemadmodum in magnete fit, ferrum vbi in sphæram eius incurrerit, actu trahente. Sed medicamentum in actum prorumpet, simul ac in stomachum assumptum à calore nostro fuerit excitatum, atque ad agendum impulsus, dum enim ventriculi calore medicamentum teritur, calefit id, omnique ratione exagitur; tacitaq; eius facultas, solutis quasi vinculis euolans se promit, diffundendoq; se vires proferet nouas: vapor verò ea ipsa facultate præditus illinc profiliēs, per cœcos, occultosq; meatus in omnes corporis partes quoquo versum effusus, ad humorem naturæ quidem inimicum, amicum verò dicto medicamento pertinet: atque is humorem iam diu forsan parti consuetum ac quiescentem, acrimonia incidit, perforatque, & dum sibi similem reddere nititur, naturam acrius stimulat, proritq; ad excernendum; ipsa verò medicamenti substantia in ventriculo, intestinisq; etiamnum persistens, eum ipsum humorem simul prolecat, vt purgatio fiat trahente medicamento similes sibi humores, easdemque partes natura expellente; atque in hoc consistit magnetismus medicamentorum. Nam in violenta purgatione humores non per consuetos tantum meatus, sed & per cœcos, oc-

Qui serpentes
impunè manibus
trahere possint.

Medicamenta
extra stomachum
non actu operantur.

Quomodo medi-
camenta in sto-
machum missa
operentur.

Hydrargyri m.
a vis.

Corpus intus, &
foris spirabile.

Rheubarbarum.

Sena.

Aloë.
Antimonium.

Elementaris vi
quid agat.

Rheubarbarum.

cultosq; ductus, quibus corpus peruium est, vel ab extremo corpore magna perturbatione in ventrem deducuntur, ita varij artuum, articulorumq; humores non ædematosi tantū, sed & planè scirrosi aliàs in aluum, aliàs in os lenta saliuā deriuantur. Quæ omnia præ reliquis demonstrat hydrargyri inexplicabilis quædam facultas. Hoc enim vel extremis plantis pedum illitum, ineffabili sua laxitate omnia colliquare videtur, collectosq; è toto corpore humores per ipsum ossium meditullium in os maximo deducit impetu; pari ratione valentiores illi apophlegmatismi non è cerebro tantum, verum etiam ex ventriculo, alijsq; partibus pituitam eliciunt ea subinde abundantia, quæ neque cerebri ventriculo, neque totius cranij capacitate contineri queat. Vnde non immeritò Hippocrates, *ἐὶς πύλιν, καὶ ἐκ πύλιν τὸ σῶμα*, hoc est, corpus intus, forisq; spirabile statuit. Medicamenta igitur humores singulos suos à circumferentia ad centrum per dictos meatus ad commune scilicet microcosmi penuarium stomachum, hinc in intestina veluti sentinam attrahunt, quos attractos hinc veluti toti œconomix microcosmicæ perniciosos hostes natura tandem per secessum expellit; ita Rheubarbarum mira quadam ratione bilem flauam, Sena atram, phlegma denique Aloë trahit, ita quædam alia vt antimonium, & vomitiua quædam, vix sumpta, qua data porta ruentes humores maxima cum totius corporis conuulsione expellunt. Non tamen omnes huiusmodi species eadem ratione trahunt. Quædam enim humores crudos incidendo, extenuando, mollificando ad attractionem facilitandam quasi præparant. Quædam rarefaciendo tenues reddunt & subtiles, quo facilius angustos meatus permeare possint. Quædam ex similitudine, & naturæ quadam affinitate sese alliciunt, vt Rheubarbarum, Scammonea, Psyllium, quæ vix stomacho reddita, biliosam materiam substantiæ quadam cognatione, sibiq; similes humores mirificè alliciunt, vt dictū est; vapor enim Rheubarbari verbi gratia, vbi attigerit biliosam materiam, eam ex insita sibi vi resolutam, liquefactamq; in stomachum deducit; pari ratione Aloës vapore phlegma dissolutum iuuante virtute membrorum, hocce veluti noxium & inimicum expellente, in sto-

in stomachum delabitur; attrahit igitur Rheubarbarum bilem tanquam sibi simile, caput verò cæteraq; membra eam veluti noxiam & inimicam expellere per naturales meatus nititur. Facile igitur hoc ad eò sibi aduersum dimittunt, quod Rheubarbarum ad se attractum amicum sibi reposcit; venter autem seu stomachus neutrius amicus, foras vtrumque per intestina transmandatum secernit; non igitur Rheu sumitur quatenus stomacho bonum, sed in quantum ex omnibus mēbris, collectam biliosam materiā sibi vnitam exturbando, reliqua membra molesto hospite liberat; sicut igitur dicti humores ex circumferentia ad centrum alliciunt, ita ex centro ad circumferentiam alia *ὑπερστικὰ* per sudores vt Ambra, Bezoar, Spodium, Terra sigillata, similiaq; expellunt; illa verò quæ membro alicui subueniunt ex quadam naturæ cognatione, illud naturali quodam appetitu respiciunt, & ad eius bonum, naturamq; conseruandam insita quadam virtute feruntur; ita hepatica hepati, cordiaca cordi, pulmoni pulmonaria, splenetica denique spleni subueniunt. Ita in aliquibus medicamentis malignitas partis affectæ malignitatem vacuando corrigit, in alijs bonitas, bonitatem partis contra malignitatē singulari prouidæ naturæ munere defendit, roboratq;.

CAPVT IV.

Διληπτικὸ μαγνητισμὸς.

siuè

De Magnetismo Venenorum.



VENENVM hoc loco nihil aliud est, quam vis quædam effectrix in aliquo corpore posita, cordi singulariter noxia, & vitæ animalis tota substantia dissimilis, directè corruptiuas; quænam autem hæc vis sit, aut in quo consistat, magna inter Auctores lis est & controuersia; sunt qui dicunt, per excessum dumtaxat primarum qualitatum agere venena, ita vt alia per vehemens frigus cor constringendo, stupefaciendo, calorem vitalem ex-

Varia sententia
de venenorum
operatione.

tinguendo; alia per calorem intensuum cor comburendo; alia per siccitatem calorem vitalem consumendo; alia per humiditatem putrefaciendo, viasq; obstruendo hominem interimunt. Putant igitur dum cordis motus venenis tollitur, hoc necessario fieri per intemperiem aliquam insignem: intemperies autem non est nisi ex *σμεγμία* primarum qualitatum, qua tota humorum symmetria dissoluitur; inferunt ergo effectus huius intemperiei esse nō posse, nisi à primis qualitatibus rei venenatæ insitis. Contra, si in solo excessu primarum qualitatum consistat veneni actio, non erit causa, cur aqua pura, cur piper, cur vinum sublimatum, spiritus sulphuris, similiaq; inter venena & deleteria numerari non possint. Aqua enim frigidissima est, piper calidissimum, & tamen venena non sunt; ergo præter calorem & frigus, humiditatem, siccitatemq;, alia qualitate opus est, qua vehementia illa symptomata efficiuntur, quæ in ijs, qui venenū hauriunt, cernuntur. Nam vt rectè Aristoteles 2. de gener. animal. c. 3: *Inest seminibus facultas quedam fecundatiua seminis, estq; calor non ignis, nec talis aliqua facultas; sed spiritus in semine spirituosusq; corpore continetur, & natura quæ in eo spiritu est, proportionem respondet elemento Stellarum.* Nō igitur venena qualicunque frigiditate vel calore, sed frigore quodā & calore prorsus mirabili, vel ab astris inditis, vel in essentia corporis vniuersi radicatis interimunt, & quamuis venena quædam reperiuntur vt narcotica, quæ solo frigore, vt Opiū, Mandragora, Hyosciamus, Solanum, Napellus, necare videantur, non tamen id faciunt sine alia adiuncta qualitate venefica deleterio propria; quod rara illa & admiranda symptomata intoxicati, quæ in primas qualitates, seu solum frigus cadere nequeunt, satis demonstrant. Præterea videmus venenum occidere multo celerius, quam inducatur humorum illa discrasia; vt in epidemicis contigisse Cornelius Gemma refert; ita quidam apud Mercurialem Ordelalphus, vel appropinquantes sibi veneno, quo linebatur, occidebat; non nego tamen primas qualitates veluti per modum dispositionis ad veneni operationem concurrere, atque in vno quidem plus, in alio minus: quod enim Scammonea intus suscepta rarefaciat, extenuet,

Non agunt qualitatibus manifestis.

Arist. lib. 2. de gener.

Mira vis viri veneniferi.

Scammoneum.

zenuet, incidat, caloris opus est, quod verò peccantem humorem vbique collectum in se deriuet, alterius qualitatis ab intrinseco profluentis opus esse nemo inficiabitur.

Porro vti salutiferorum, ita proportionem quadam deleteriorum varia & multiplex copia est; quæ nos in duas classes diuidimus, ita vt aliqua sint naturalia, alia artificialia. Naturalia venena iterum variè diuiduntur, alia enim sunt à mineralibus, vt arsenicum, auripigmentum, antimonium, hydrargyrum similiaque; alia à plantis, vt omnia Aconitorum genera, narcoticaque, quæ tota substantia venenosa sunt; alia sola parte, vt radice, vel semine, vel flore. Alia denique ab animalibus toxica, omnia animalia siue toto, siue ex parte venenata comprehendunt, quæ vti innumera sunt, ita variam quoque actionis suæ rationem habent; hisce adduntur venena quæ ex putrefactione, aut cœlesti influxu originem suam (vt epidimicæ lues & pestes) ducunt, quorum citatorum venenorum alia iterum, vel aëre venenoso hausta trahuntur, vt in morbis contagiosis, aut animalium quorundam pestifero halitu contingit; alia extrinsecus applicata morsum, puncturam, vt calenti vulnere venenum inditum serpat, requirunt, ita rabidi canis, aliorumq; serpentium morsus nos attingunt; alia intus sumpta sub cibi, potusq; specie operantur. Quod vti præsentissimum omnium, ita omnium efficacissimū venenorum genus est; haustum enim, celerrimè per pulmones in cor, & in arterias diffusum, primò humores, postea ipsam artuum substantiam labefactat. Illud verò quod exteriori contactu fit, minus efficax est, cum non aëre aut spiritu, sed humore quodam id prouehente per membra, vires habeat, vt morsus rabidi canis, qui hominem non inficit halitu, sed in vulnus morfu factum saluam, vel humorem veneniferum eructat, cum quo postmodum virus in totum corpus serpendo vires suas exerit. cætera venena vtpote crassiori substantiæ inhærentia, vt debiliora sunt, ita non adeò citò perimunt; alia denique intus sumpta, non nisi calore naturali prius excitata operantur, cuiusmodi Narcoticorū venenum est. Calore igitur qualecunque venenum attenuatum per fibras internas se propagans, spiritum maximè infestat,

Varia venenorum genera.

Venenorum agendi ratio varia.

qui cum sedem in corde vitę fonte habeant, mirum non est, si animal eo extincto in interitum tendat: cum nobis alimentumq; nostro totius substantiæ similitudine contrarius sit, vt supra dictum est.

§. I.

Magnetismus Antidotorum.

Quomodo venenum veneno prodesset possit.

Animalibus venenosis attractio veneni naturalis

Magnetes venenorum terrestres aërei, & aquæi.

Merito quibusdam *μεγέθυον* videri posset quomodo venenum veneno curari queat, & quomodo vitę nostrę contrarium, vitam nobis largiri possit. Frequenti enim eaq; quotidiana penę experientia compertum est, morsus & puncturas venenatorum animalium, dictorum animalium applicatione persanari, quod quidem nulla ratione fieri posse putato, nisi similibus attractu confluxuque Magnetico, quę & Magnetismus appellamus. Notandum, quod sicut stirpes, & plantę ex terra, id quod naturę maximę consentaneum est, iuxta præcedentia attrahere solent; ita singula quoque animalia in istiusmodi alimentum naturę eorum conseruandę maxime consentaneum naturali quodā instinctu feruntur. Cum itaque natura venenatis animalibus venenum veluti donem quandam particularem, cum ad conseruationem defensionemq; suam contra alia animalia, tum ad terram aëremque purificandum indiderit; illis videtur veneni attractio plane naturalis, & sine qua viuere non possint. Hinc serpentes naturali quodam appetitu, quicquid in terra venenosum, contagiosum, putridum hominibusq; noxium, id nimirum ex quo sunt, suum veluti nutrimentum exsugentes, in se tantquam naturalem veneni bursam attractum, substantiæ quādam affinitate, non secus ac homo alimentum suum, deriuāt. Quod hoc experimento comperies; si enim serpentem veneno spoliatum terrę venenosa qualitate imbutę exiguo tempore immiseris, eum qui omni prius veneno carebat, totum ex nouo veneno attracto virulentum reperies; hac ratione igitur Viperę terrestres, aquaticum *Dypsades*; Aranę aërium virus duplici officio, dum nobis quod obest auferūt, & quod ipsis

ipsis prodest, attractum non sine mirabili quadam Dei pro-
 uidentia in se deriuant; ita Erucæ, Papiliones, cæteraq; inse-
 cta in plantis, fructibus, floribus noxias qualitates in se quoq;
 deriuant; ita denique omnia amuleta, prophylactica & anti-
 dota venena trahere solent. Naturale igitur est animantibus
 veneniferis, venenum substantiæ quadam cognatione tan-
 quàm sibi simile, amicum & commodum nutrimentum attra-
 here? Ita Bufos, seu Rubeta Sole exsiccata tuberibus applicata
 pestiferis, infectum peste liberare frequenti vsu compertum
 est; trahente videlicet corpore rubetæ humorem hominis
 contagiosum tanquàm sibi appropriatum & conuenientem,
 quæ ipsa natura veluti noxiū & lethiferum à se expellere ni-
 titur; Sicut enim exputrefacto humore cadaueris sæpè huius-
 modi animalia nata in sepulcris inueniuntur, ita id ex quo
 sunt, naturaliter appetunt, contagiosum, & corruptum in hu-
 mano corpore; Ita caro viperina manducata viperæ, vti &
 Scorpius scorpij morsum sanat. Cuius quidem rei alia ratio
 non est, nisi attractio illa Magnetica, qua simile sibi simile
 appetit. Cum enim quispiam a venenoso animali mordetur,
 virus mox intimas fibras serpendo petet: si igitur Viperæ,
 quæ momorderat, carnes deuorandas patienti dederis, fit vt
 virus relicto peregrino & incompatibili subiecto, proprium
 ad quod naturali quodam appetitu fertur, carnem videlicet
 viperæ repetat, eique veluti naturali subiecto adhæreat, toto
 membrorum exercitu in communem hostem conspirante,
 indeq; cum vna cum massa venenifera coniunctis viribus ex-
 pellente. Est igitur caro viperina sui tractiua veneni, & ideo
 in theriacæ confectioe omnium specierum hypostasis est;
 vt postea videbitur. Hac methodo Erfordiæ in Germania,
 Seplasarium quendam morsu viperæ ad extremum vitæ di-
 scrimen deductum, cum omnibus adhibitis antidotis, nulla
 alia venenum pellendi remedia superessent, carniū eiusdem
 viperæ, quæ momorderat, esu perfectè sanatum vidi; ita scor-
 pius venenum, quod aculeo fudit vulnere applicatus tāquàm
 suum repetit, adeò venena plerumq; infectis non dicam le-
 thifera, sed prorsus salutifera reperiuntur; quod non imme-
 rito inter maxima naturæ miracula censeretur, vnum hic

Caro viperina,
 sumpta quomo-
 do operetur.

Cur hypostasis
 in Theriaca es-
 se viperarum.

addam de cura morborum desperatorum in spelunca serpentum fieri solita, quod quia prodigiosum, exoticum; hic in-
curiosi Lectors gratiam adiungendum duxi.

S. I I.

De spelunca serpentum & mirabilibus eius.

Lacus Stygius
vulgo S. gliano.

Descriptio Lacus
Stygii.

Descriptio
Montis.

Evaporaria
Montis.

EVntibus Roma Brachianum, & hinc versus solstitialem hyberni solis occasum sex milliaribus deflecentibus, occurret Stygianum, siue aquæ Stygiæ; quæ ita vocantur, quod certis temporibus adeò intolerabilem mephitim exspirent, vt non hominibus tantū; sed & animalibus omnis generis volucrisque, si quandoq; superuolare eas cōtigerit, mortem inferant. Locus horridus est in media sylua, valle vndiq; in cacabi formam clausa; sulphureo se odore ad integrum fere milliare distantibus prodit. in huius vallis centro sulphurea aqua tanta vehementia impetuq; ex visceribus terræ rectā fursū in columnæ formam erumpit, vt videntibus formidinem incutiat; terra circumfita tota tremens est, ac ebullientibus per poros aquis subterranei latitantis ignis haud obscura præbet indicia; hinc duobus milliaribus prosequenti iter secundum rudera quædā, quæ ego Alsij veteris Romanorū Colonix vestigia puto, occurret mons quidam iuxta Villam, quæ ab impendente præcipiti rupe Sasso vulgo dicitur, sub dominio & iurisdictione Patritiorum Familiæ Romanæ perillustis, ac antiquissimæ. In hoc montis (qui occiduo latere mare & castellū S. Seueræ à quo sex milliaribus distat; ortiuo, vt dictum est, octo milliarius spatio distans Brachianum respicit) vertice domus spectatur tribus receptaculis, quorum vnumquodque hominis capax est, in vsum balneorum olim ab Illustrissimo Domino Antonio Vrsino ædificata, vnde & vulgo Fumarola, quasi diceret evaporarium, appellatur; nam è montis visceribus perpetuò halitus quidam calidi exspirant, quibus receptacula calefacta balneorum loco seruiunt, qualitatibus, proprietatibus, atque odore haud ingrato, Puteolanis Balneis, quæ vulgo, li Bagni Secchi vocantur, pror-

prorsus similia. Ab his montis spiraculis deorsum versus quindecim ferè passuū spatio descendētibus, occurret vlmus; arbor sat eminus spectabilis, sub qua specus, seu cauerna quædam vulgo, la Grotta delli Serpi, duorū hominum capax, fistulosis quibusdā foraminibus in cribri formam perforata cernitur, ex quibus ingens quædam principio Veris diuersicolorum serpentum, nulla tamen, vt dicitur, singulari veneni qualitate imbutorum, progenies quotannis pullulare solet. In hac spelunca elephantiacos, leprosos, paralyticos, arthriticos, podagricos, similibusq; desperatis membrorum affectionibus laborantes nudos exponere solent, qui mox halituum subterraneorum calore in sudorem resoluti, serpentum propullantium totum corpus infirmi implicantium suctu linctuq; ita omni vitioso virulentoq; humore priuari dicuntur, vt repetito hoc per aliquod tempus medicamento, tandem perfectæ sanitati restituantur. De hac spelunca cum varia à varijs inaudissem, & iam dudum ingens me rei tam prodigiosæ veritatem exactè, & *καὶ τὸ αὐτοψίαν* examinandi inuasisset desiderium; tandem cum hoc anno 1640. 8. die Decemb. eas oras in negotio quodam geodætico peruagarer, tam insignem veritatis indagandæ occasionem minimè negligendam ratus sum; conducto itaque non viarum duntaxat, sed & naturæ montis perito duce, speluncam per auia & deuia non sine periculo adij, & quæ de situ montis, de spiraculis siue euaporario, de cauerna & serpentibus inaudieram, omnia vera esse cognoui; speluncam ingressus, eam vtcunq; calidam inueni, at serpentes non vidi, vtpote eo tempore latitantes, spolijs tamen & exuijs eorum vlmus paulò ante memorata ita onerabatur, vt staphylodendrum, coluteam, seu vesicariam folliculis refertā dixisses; quæ serpentium, quorū mons scatet, geniminis luculentum præbebant testimoniū; imò auribus ad meatuum orificia applicatis, nescio quòd obtusum murmur, aut quis sibilosus strepitus, si non aëris cum halitibus inclusis luctæ, certè latentium anguium manifestum signum percipiebatur. Obseruatis itaque singulis montis qualitatibus, plantis, halitibus, mineralibus, descendi, & quoscunque huius montis peritos inuenire licuit, examinaui, multaq; sanè admi-

Descriptio speluncæ serpentū.

Descriptio qualitatū mentis.

admiratione dignissima, quæ materiam haud exiguam scribendi suppeditare possent, comperi. Primò igitur montem plenum calidis spiraculis, halitibus in sex locis exspirantibus inueni; secundò exhalationes minimè foetidas, sed odoriferas, & nescio quem gratum odorem spirantes deprehendi, quod in balneis Puteolanis quoque annotasse me memini, signum ea per loca odorifera materia, quale certum quoddam bituminis genus est, referta deferri, quæ consequenter cum ob sulphuris spiritus, quibus abundant, siccissimæ sint, & calidissimæ, subtiles, & penetratiuæ, aptissimum quoque morbis intercutaneis, articularibusq; curandis se præbent medicamentum.

Magneticū corpus serpentis.

Porro terræ huius ea est constitutio, vt halitū calido & humido affecta, attemperataq; accedente Sole, situ, naturaq; loci facilè in serpentes animetur. Vnde totus mons vbi in spiracula fatiscit, serpentibus scatet. Qui quidem singulari Dei munere halitibus istiusmodi gratissimis & salutiferis nutriti magneticū corpus ad eosdem morbos, quos halitus curant, imò perfectius curandos acquirunt. Ita narrauit mihi Botanicus Physicus quidam Tolfensis istorum locorum haud imperitus, terram ex dicta cauerna erutam vna cum exsiccata serpentis indigenæ scobe pluuiialium, seu palustrium aquarum commixtione subactam, Soli temperato expositam, verno tempore prorsus eius generis serpentes, quos mons generat, producere: Imò carnilus aut trochiscorum ex dictis serpentibus arte generatis factorum ope, omnem scabiem & pforam, vti & arthriticos dolores se propria domo curare solere affirmavit; addiditq; non omnes serpentes singulis morbis curandis valere, sed certos certis: Draconteam quoque herbam ibi nasci narrauit, qua è Terra emergente serpentes emergant, qua latitante & ijdem lateant, neque vnquam ea latente compareant. Emergit autem dicta herba in Martio, & in Augusto flaccescit. Hæc ille.

Mira artis & naturæ vis.

Dracontea herba.

Curationis in hac spelunca ratio.

Cura verò ita peragitur, æger præuijs purgationibus primò dispositus in spelunca supra stratum exponitur totus nudus; qui vix ingressus statim ex euaporatione halituum calidorum in sudorem resoluitur, sudorem somnus sequitur, & dum

dum ita somno sopitus, immotusq; iacet æger, serpentes è cauernis suis sudore allekti, egredientes, totū dormientis corpus spiris suis implicant, illud innoxie lingendo, stringendoque, qui tamen vel ad minimum motum aufugientes latibula repetunt. Neceſſarium igitur eſt, vt æger corpore immotus iaceat, hinc aliqui, cū vt cura conducibilior ſit, tū ne ſerpentum aſpectu linctūq; terreantur, opio poto, ſpontaneo ſopore ſtupeſcunt; vbi verò duabus, tribus, aut quatuor horis ita iacuerint, ij qui curam ægri habent è ſpelunca erutum, veſtimentisq; indutum in vicinam Fumarolæ domum introducunt, vbi poſtea requie capta varijs confortatiuis reſicitur; duratq; hæc cura donec intentus ſanationis effectus conſecutus fuerit. Atque hæc omnia, cū ex hominibus locorum iſtorum peritis, indigenisque, tum ex ijs, qui ibi curati ſunt ore tenus habeo. Eſt inter alios hic Romæ Rhedarius quidam Eminentiffimi Card. Barberini, nomine Hercules, qui ante quinquennium octodecim dierum ſpatio dictam curam ſuſtinens, à morbo Medicis incognito liberatus eſt, à quo plurima habeo, quæ & narrationibus aliorum congruunt.

Opio quidam ſumpto impo-
nuntur ſpelun-
cæ.

His igitur ita conſtitutis, nunc quæritur; Vtrum, quomodo, & qua vi ſerpentes morbos huiusmodi graues & difficiles ſolo linctu curare poſſint. Ad quod quidem antequam reſpondeatur, notandum, huius curationis effectum non ſolis ſerpentibus, vt aliqui volunt, ſed calidis iſtiusmodi exhalationibus magna ex parte adſcribendum eſſe; curam autem, ea quæ ſequitur ratione fieri exiſtimo. Cum halitus calidi è viſceribus montis exſpirantes admodum ficci per materias quasdam ſalutiferis qualitatibus imbutas tranſeant, ſit vt per calorem in cauerna receptum corpus bene afficiatur, mox calore pori aperiantur ægrorum; pororum apertionem ſequatur ſudor, ſudorem ſomnus. Hinc peccantes humores à centro ad circumferentiam caloris vi elicti, propria halituum qualitate reſoluuntur. Serpentes autem qui humorum ſuctu viuunt, gratiſſimo humani ſudoris odore allekti egrediuntur, dum ſe circumplicant corpori, naturali quadam vi, qua lingendo, qua fugendo noxios & pernicioſos humores attra-

Rationes & cau-
ſæ huius prodi-
gioſæ curatio-
nis.

Serpentes quid
ad curationem
faciant.

attractos in se deriuant, ea fere ratione, qua carnem viperinam venenum haustum in se deriuare solere diximus; Serpentes enim nihil ad curationem facere, vt quidam medici volunt, sed eam solo sudore perfici, falsum arbitror: sed vtrumq; & halitus & euaporationes vna cum serpentum complexu linctuque ad sanationem concurrere verisimilius est; ita vt malignitatem, quam halitus à centro ad circumferentiam sudore produxit, linctus suctusque serpentum penitus foris exclusam secernat consumatque: compertum enim est nullum infirmum solo balneorum vsu, nisi linctus serpentum accedat, curari: quod manifestum argumentum est, vtrumque ad curę perfectionem concurrere: Inest enim serpentibus nescio quę vis Magnetismo haud absimilis, qua id quod in homine vitiosum est & putridum, corrigant, eximantque, humorem radicalem augeant corroborantq;. Vt nõ immeritò ab Aegyptijs in vitę medicinęq; symbolum serps fit assumptus; Hos enim lepram morbum huius patrię proprium, curare consueuisse serpentibus, in Medicina nostra, Hieroglyphica fusius ostendetur; imò & hanc speluncam non aliam originem habuisse, nisi à leproso, indigenæ norunt. Hic Roma ad huic loco vicina balnea iturus, dum in hoc monte errabundus, nocte vna cum pluuia ingruente, diuerticulum quæreretur, casu in hanc speluncam incidisse dicitur, quam cum calidissimam reperisset, sepositis vestibus ingressus, moxque sudore somnoq; vehementi correptus in ea magnam noctis partem transegit; euigilans verò cum serpentibus se inuolutum reperisset, horrore immenso correptus foras prorupit; & qui se à serpentibus paulò ante deuoratum credebat, eorum beneficio integram sanitatem se reperisse comperit. Quo exēplo ducti multi alij p̄sora laborantes, postmodum serpentibus se lambendos in dicta spelunca non sine desiderato effectū exposuerunt.

Historia originē
huius speluncę
monstrans.

Et certè nisi cura istiusmodi nimis horrida & formidabilis esset, neminem esse arbitror ex ijs, qui similibus morbis laborant, qui non se libenter ad malis suis medendum in hanc curam conijceret; singulis tamen annis ibi aliquos curari, conductor meus asseruit, imò Nepotem suum dicta in spelunca

Iunca à Lepra curatum; Quod idem de vxore sua, alius quidā Mancianensis Effedarius dixit; Simile quid apud P. Eusebium Nierèbergium in suo Plinio Indico lego, de Antro quodam Americano; sed hæc adiungere volui, vt si qui hoc naturæ prodigium plenius inuestigare voluerint, vbi id possint habeant; Certè serpentes veneno priuatos subito ac terram attigerint, nouo veneno repleri, supra diximus; quod non fierit nisi id e terra omnium rerum miscella attraherent; ita quodlibet aliud venenosum animal, quod ictum vibrauit, percusso loco impositum, ob cæcam quandam naturarum discordia, remedium est suæ plagæ, vt vnde profectum malum, inde emanet medium; sic aliquando geminata commixtaque contrariæ facultatis venena remedio sunt, non exitio, venenumque sibi congeneris veneni exterminium molitur; quæ omnia in alijs quoque rebus non venenatis apparent, membra enim frigore vitiata aque niualis impositione emendantur. Ita & incalescentia supra modum, spiritus vini impositione restaurantur, ita calor calorem, frigus frigora Magnetismo quodam mirabili extrahunt.

Cura passim fit
per similia &
congrua sito

Porro qua ratione vnum venenum alteri venenum esse possit, merito quispiam mirari queat. Videmus enim Araneæ venenum contrarium esse veneno bufonis, seu rubetæ; Vidi ego oculis meis araneam cum ipsi à me suppositam rubetam notasset, in momento deserto reti, per filium suum descendisse, puncturaque rubetæ inflicta, eam non stupefuisse tantum; sed & penitus examinasse. Mirum naturæ prodigium, quod omnes experiri velim: prætereà Vipera venenum deuoratis scorpionibus aut mustela, cum qua dissidet, ita reddit potens; vt vel tactum inficiat; Respondeo igitur venenum alteri veneno in ratione veneni propriè non esse contrarium; cum enim aranea rubetam interfecit immittendo qualitatem suam lethiferam, non ea venenum rubetæ corrumpere censetur, neque enim ideò cessat esse venenata; sed rubetam interficit aranea, quia venenum huius Rubetæ veneno tota substantia contrarium est, & dissimile; non secus ac nostro alimento è diametro opponitur ea, quæ deleteriorum, ac venenatorum est tota substantia, ita vt vel venenosissimum anima-

Quomodo venenum vnum alteri venenum esse possit.

Antipathia bufonis cum araneo.

Cur serpens ser-
penti non con-
trariatur.

animalium suum sibi contrarium venenum habeat, quo cor-
rumpatur; hinc nihil adeò timet rubeta quam araneas, neque
vnquam prodire solet locis siccis, & Sole meridiano, qui-
bus locis & tempore araneæ maximè laborare solent, ne in-
lethiferum inimicum incidat. Quod autem serpens serpen-
ti, aut araneus araneo non contrarietur, ideò est, quod ve-
nena huiusmodi sint maximè affinia & homogeneæ qualita-
tis, quibus tantū abest vt sibi noceant; vt potius qualitatem
venenosam ex mutua coniunctione, aut deuoracione inten-
dant. Hinc serpentes pasti serpentibus, alijsque rebus ve-
nenatis, venenosiores redduntur, rubetam verò araneus
ori eius ingestus, occulta quadam contrarium qualita-
tum lite & discordia exanimat subitò. Vnde & natura
illi providet antidoto Saluię, qua vis vitalis contra araneum
roboratur; sicuti rutę vis in araneo & mustela; quicumque
igitur experientia omnes istiusmodi animalium contrarias
lites norit; is haud dubie, earum ope miraculosas prorsus in
medicina operationes se perpetraturum sciat.

§. III.

Magnetismus Theriacæ & Elixeris Vitæ.

Differentia The-
riacæ & Elixir
vitæ.

Quomodo The-
riacæ & Elixir
operentur.

CONFICITUR Theriaca octoginta ferè diuersarum ingre-
dientium specierum mistura; non pauciorum Elixir
vitę, imo hoc subindè ducentis & pluribus diuersis specie-
bus preparatur. Differunt tamen in eo; Quod illud inspissa-
tum in modum electuarij; hoc liquidum sit medicamentum;
illud ob terrestrium & impurarum partium miscellam mino-
rem in agendo habeat efficaciam, Elixir vero vitæ cum ob
penetrationem, tum ob excrementitiarum partium perfe-
ctam ignis ope peractam separationem, vt maximam purita-
tem perfectionemq; nanciscitur; ita in morbis depellendis
maximam vim obtineat, ita vt Elixir vitæ verum, nihil aliud
sit quam quinta quædam Theriacæ essentia. Hoc igitur mi-
rum quibusdam videtur, quòd medicamenta huiusmodi ex tot
& tam diuersis speciebus scilicet frigidis, siccis, humidis,
calidis

calidis qualitatibus prorsus contrarijs composita, tam certum in desperatis etiam morborum affectionibus effectum præstent? quomodo verbi gratia elixir vitæ ex aromaticis, calidissimisq; rebus non tantum morbos ex humido & frigido contractos, sed & febres ardentes & malignas curare possit. Verum cum hæc omnia per occultum quendam in hac diuina compositione latentem magnetismum perficiantur; quis ille sit, quomodo in humores agat, iam dicendum est.

Magnetismus.

Nota igitur quod quemadmodum homo propter Deum, conditorem, ita reliqua omnia propter solnm hominem creata sunt; vt videlicet tanquam mundi hæres, rerum eius causa creatarum ope se à rebus vitæ aduersis, quibus perpetuo exponitur, defendere & tueri posset. Vnde sicuti singulis rebus naturalibus certam quandam virtutem nulli alteri communẽ indidit optimus & sapientissimus naturæ author, ita nulla in humano corpore infirmitas est, cui non vnã ex dictarum rerum virtutibus opposuerit; id est nulla res est, quæ non propriam vim habeat, qua veluti appetitu quodam innato in id membrum, quod occulto quodã consensu respicit, conseruandum feratur; quæ quidem vis nulla ratione elementaris est, sed specifica à totius forma promanans, consistitq; in temperie quadam naturali, proportionẽ siue occultum quendam ad spiritum vitalem, seu calorem naturalem, in quo tota vita nostra consistit, consensum obtinente; huic enim in singulis membris operanti ob dictam analogiam naturalem & appetitum se coniungere appetit, tanquam simile similibus, membra spiritusq; vitales in ijs latentes confortando, roborando, augmentando; vnde non mirum est si tam raros in morbis profligandis effectus præstet. Elixir itaque vitæ, vti & theriaca, non obstantibus qualitatibus, quibus imbuuntur contrarijs, nihilominus certum effectũ sine vllò impedimento producant in infirmo, ea quæ sequitur ratione.

Prouida natura omnia cum proportionẽ disponit.

Cum enim natura, iuxta Hippocratem, tota medica sit, neque vllum medicamentum sanitatis effectum præstet, nisi in quantum primis qualitatibus prius disponẽtibus, natura siue quod idem est, instrumentum eius calor naturalis & spiritus vitales, ab humorum colluie prius vindicati, eo corroborati,

Natura medica.

ti, augmentatiq; virtuti morbificæ prævalent, prævalentes vero eam aut dissipent, aut consumant; Necessario sequitur, quod cum vnaquæque res naturalis vim quandam habeat à principio naturali directam, maximam proportionem, vt dictum est, & amicitiam ob naturæ similitudinem cum humore nostro radicali obtinentem, ijs calor noster radicalis vehementer roboretur, augeaturq; (sicuti è contra ex discrasia, quadam humorum, elementorumq; contrarietate dissipatus destruitur) quod quidem robur, augmentumq; perfecta sanitas consequitur. Sicut igitur morbus nihil aliud est, nisi discrasia quædam, & intemperies humorum elementarium vitales spiritus & calorem naturalem obtundens, & tandem destrucens; ita perfecta sanitas crasis quædam & temperies humorum est, quam calor naturalis moderatur. Quantò igitur naturalis calor fuerit vegetior & viuacior, tanto perfectior erit humorum in humano corpore constitutio, meliorq; temperies. Cum igitur huius caloris naturalis perfectio acquiri possit per res occultam quandam analogiam, consensumq; ad eam obtinentes, cuiusmodi est Elixir nostrum, patet luculenter, eius ope hominem à quouis morbo perfectè præseruari posse.

Morbus discrasia humorum est.

Sanitas crasis humorum.

Theriaca quomodo venenâ pellit.

Elixir vitæ.

Cum igitur nihil huic calori naturali nostro, siue dictæ humoris crasi adeò contrarium sit, quam venena totius substantiæ dissimilitudine ei repugnantia; hinc Theriaca contra venenum sumpta, contra hostem veluti armata auxiliares sibi copias adsciscit, spiritus vitales tenues & qualitate contraria informatos, quos conformi quadam ad ipsum proportionem, animat, confortatque, & protinus ijs quodam veluti instrumento contra venenum insurgens, id partim superat, partim mutat, partim à præcordijs seclusum attractione in naturale subiectum trochiscos videlicet viperinos, totius theriacæ hypostasim, ideriuat; sicq; victoria de hoste reportata hominem pristino vigori restituit. Non secus Elixir quoque vitæ, siue liquor ille viuificus, quem aliqui aurum potabile, quidâ coelum, nonnulli aquam vitalem, seu Mercurium vegetabilem appellant, ex innumeris, præstantissimisq; speciebus singulis membris ἀναλόγως respondentibus compositus, dum sumptus,

ptum, vel in minima portione vitales spiritus, vti & calorem naturalem mirificè confortat, augetque, ita & mirificos quoque in infirmo corpore effectus præstat; hoc enim munitus calor naturalis in singulis membris residens morbificæ vi, vt potè sibi dissimili perfectè se opponit, ita vt nihil malignum, aut vitiosum, eo ita munito, subsistere possit. Cum enim nulla vehementior infirmitas sit, quæ non aliquid venenosæ qualitatis, quæ corruptionem humorum putrefactionemq; veluti lucem vmbra, necessariò sequitur, adiunctum habeat; venenum verò tota substantia calori nostro naturali ob occultos quosdam contrarietatis & dissimilitudinis discensus repugnet, necessariò id præualebit, quod robustius fuerit; hinc Theriaca, aut eius quinta essentia Elixir sumpta, cum calore vehementer roboretur, contraria quoque qualitas subsistere non poterit, sed ex naturali quadam antipathia victa superataq; in fugam se conuertet.

Sed obijciat hoc loco quispiam; si Elixir vitæ, aut Theriaca Obiectio. sanat morbos frigido-humidos, vel calido-siccus; ergo cum iuxta commune Medicorum axioma, contraria contrarijs curentur, erunt illa eadem Alexipharmaca vno & eodem tempore, & in eodem gradu calida simul & frigida, quod naturalibus principijs repugnat. Si enim Elixir, verbi gratia, fluxus sistit, & oppilationibus etiam confert, erit vnum & idem numero medicamentum simul & astringens & aperiens eodem tempore, quod similiter absurdum est; cum hi effectus è diametro quasi sibi opponantur, & alterutro posito alterum in subiecto morari nequeat. ergo nulla ratione huiusmodi medicamenta desideratam sanitatem conferre poterunt.

Respondeo, Theriacam vti & quintam eius essentiam præ Solutio. ter primas & secundas qualitates elementares siue manifestas, quibus non secus ac cætera omnia elementa, mixtaque corpora constant, alijs quibusdam viribus specificis, & à forma intrinseca immediatè promanantibus qualitatibus constare, quæ vires cum à principio naturali directæ sint ad calorem naturalem tam proprium, quam nostrum; cum quo mira quadam ratione consentiunt, fouendum, certè inter se

minimè , vt in primis & secundis qualitatis fit, contrariantur, sed ad id quod ipsis simile est, cōfortandum vnanimi conspiratione confluunt; cum verò singulorum in Elixir simpliciū ingredientium vires eidem actu insint, vnaqueque virtus ad calorem spiritumque vitalem ipsius membri, cum quo concordat fouendum, ab ipso membro ceū boni sui appetitiuo, actione quadam Magnetica attracta confluet; ita fit, vt omnia membra spiritusq; vitalis, qui pro diuersitate membrorum, diuersis in iisdem fungitur officijs, animatus, confortatus, aususque, hoste depulso cōsumptoq; , mox in pristinam sanitatem hominem restituat. Præterea cum calor naturalis, naturæ, teste Hippocrate τὰς ἰατρικὰς δυνάμεις, seu medicas vires obtinentis instrumentum sit, consequenter cuiuscunq; speciei morbos, siue frigidi, siue calidi, siue humidi, siue siccifuerint, curabit. Cum is naturæ medicæ veluti instrumentum quoddam, non in quantum calidus est aut frigidus: sed in quantum naturalis est, curet. Nam & talis, eminentia virtutis suæ in omne humorum genus naturæ nostræ infestum, prædominanter ius suum extendens, in vno & eodem corpore calefacit, frigefacit, siccat, humectat, stringit, aperit, digerit, egerit, mollificat, indurat, attenuat, condensat, macilentum impinguat, pingue extenuat, crassa incidit, obtundit subtilia, volo dicere, in quantum calorem naturalem ita corroborat hoc subtile medicamentum, vt is quamcunque qualitatem malignam ex humorum elementarium corruptione promanantem, siue calida, siue frigida, siue humida, siue sicca fuerit, prædominanter superet, victamq; consumat penitus.

Calor radicalis
confortatus om-
niū ut morbis
medelas.

Effectus caloris
naturalis.

Obiectio secun-
da.

Sed obijcies secundò, si solis specificis viribus intentus curationis effectus expeditur, ergo in medicamentis polycrescitis qualitates elementares primæ & secundæ, vt potè otiosæ, frustra à natura institutæ sunt.

Respondeo, negando consequentiam. Hæ enim vt vires rerum specificæ maiorem effectum sortiantur, subiectum disponunt, præparant: qualitatibus elementaribus oppositis iuxta gradus suos resistunt; & omnia curationis impedimenta remouent; ita membra plus æquo inflammata Rosa frigore suo

fuo elementari refrigerat; in frigiditatem verò calore elementari, spiritus vini contra calefacit; ita quædam humores laxatione diminuunt, nonnulla nimium laxatos restringunt; & sic de cæteris. Vires autem occultæ, seu centrales mixtæ suæ essentiæ, elementari dispositione peracta, calorem naturalem singulis in membris, quæ respiciunt, confortant, spiritus imbecilles viuificant, & à præcordijs maligna quæuis arcent, & sic tandem sanitatem conferunt. Imò in morbis vehementioribus sine viribus specificis, elementares qualitates nullum effectum præstarent; cum ad venenosam qualitatem ex humorum corruptela nascentem, nullam proportionem habere videantur. intercedit igitur nescio quis inter calorem naturalem, spiritusque vitales, & dicta medicamenta Magnetismus, quo efficitur vt sumptorum medicamentorum qualitates membrum ijs consentiens & proportionatum, per implantatum spiritum ad se, veluti bonum conseruatium, Magnetico quodam actu attrahat: cum verò in Theriaca & Elixire vitæ vix vllum simplex sit, quod non suum sibi membrum in humano corpore respiciat, consequenter quoque vnumquodque quod maximè sibi in eo medicamento conueniens est, attrahet. Ita singula membra appropriatis sibi; similibus rebus confortata, in perfectam quoque sanitatem totius corporis conspirabunt. Atque hæc est mea quidem de Theriacæ, & Elixiris vitæ operatione, aliorumque similium sententia; ei verò qui melius quid circa hoc argumentum attulerit, haud grauati subscribam.

Compositio Elixiris Vitæ.

CVM Elixir vitæ vnum ex præstantissimis medicamentis sit, quæ vnquam ab homine sint excogitata, rem gratam ijs, qui chymicis delectantur, me facturum existimaui, si qua ratione à reconditoris scientiæ Medicis id præparari soleat (præsertim ab Arabibus, qui soli huius scientiæ perfectionem sibi vendicant, ex quorum libris hæc extraxi) hoc loco comunicando patefaciam. Verum cum ingredientia dosesque eadem ferè sint, quæ Theriacæ, eaque apud Fr. Donatum

Eremitam de Euandro, Lullum, aliosq; Medicinæ Chymicæ Authores innumeros haberi possint, ijs neglectis, hîc solum magisterium tam diuini liquoris aperiendum duxi; præsertim cum multi putent Elixir vitæ nihil aliud esse, quàm Aquam quandam vitæ ex varijs rebus extractam, frequenti distillatione ab omnibus fœcibus depuratam; in quo plurimum decipiuntur, cum hoc Elixir vitæ sit extractum quoddam, ad eum essentia gradum deductum, vt omnibus terrene corruptionis quisquilijs exutum, quendam cœlestis essentia procul ab omni elementarium qualitarum intemperie remota statû diurne fermentationis ac chymicæ *φεικνυκλώσεως* ope cōsecutum videatur. Quæ methodus cum paucissimis nota sit, eaq; non tantum ex omnibus rebus naturalibus simul collectis huiusmodi essentiâ, sed & ex singulis seorsim vnusquisq; eandem simili industria extrahere *κατ' ἄλλως* possit, breuib; eam aperio, ita igitur procede.

Seligantur ex totius nature mineralis, vegetalis, animalisq; humane nature proficue penuario, ex radices, cortices, ligna, herbe, flores, semina, fructus, gummi, ossa, terre, carnes, pulueres, succi, liquores, spodia, trochisci, olea, gemmæ, seu perlæ lapidesq; omnis generis pretiosi; quæ salutifera quadam vi & aromatica constant, quæque occultum quendam ad quæuis membra potissimum principalia, vt sunt, cor, cerebrum, pulmo, hepar, stomachus, lien, intestina, renes, singulaque capitis, habent.

Secundo hac electione peracta, singulæ species duriores vel lima, vel pistillo in scobem, puluerem, seu pollinem redigantur. Molliores vel vino dissoluantur, vel minutim inciduntur, vel aliqua alia ratione, quemadmodum in Theriacæ confectione præcipitur, præparentur. Quibus sic præparatis, commixtisq; in vasi vitreo inclusis, superaffundes tantum ex Quinta Essentia vini, eas vt species duos circiter digitos supernatet.

Tertiò vas ita Chymicè clausum vna cum speciebus & quinta essentia vini in balneo tepido per quadraginta circiter dies exponatur; peracta quadraginta dierum fermentatione & putrefactione, operculo sublato eius loco alembicum vna
cum

cum recipiente, vt in distillatione communi fit, impositum perfectè & cum collo, & rostrum cum recipiente, ne vis exhalet obturetur, atque ita obturatum in balneo reponatur.

Quarto balneum igne supposito in tantum calefiat, donec aquam clarissimam per Alembicum in recipientem decurrere notaueris; quam, finita distillatione, ex recipiente exemptam, in vas vitreum pones ita obturatum, ne vis alicubi exhalare possit.

Quintò reponatur Alembicū vna cum vase, vt prius in balneo, intendaturq; calor in tantum, donec aquam auream exire deprehenderis, atque hanc de recipiente sublatam, alteri vitreo vasi includes, ne exhalare possit.

Sextò reponatur Alembicum vna cum suo vase in balneū, intendaturque calor, donec mistura rerum in vase omni humore destituta sicca maneat & arida; quā exemptam cretaceo vasi inclusam igni valido impones, ita vt tota mistura in cineres redigatur. Quos cineres alteri deinde vasi impositos, aqua superaffusa ad ebullitionem vsque igni expositos, in lixiuium rediges, quod per lineum pannū sæpius percolatum & ab omnibus fæcibus rite depuratum igni euaporandum expones, inueniesque hac euaporatione peracta, in fundo salem instar niuis candidissimum.

Septimò hunc salem vna cum gemmis, corallis, auro, argento, ambra, muscho in puluerem redactū in vasi circulatorio, vulgo Pelicano, per quadraginta alios dies, aut etiam plus vel minus in balneo tepido, aut fimo caloris proportionati expones. Qua circulatione finita exime liquorem, cumq; in vase vitreo inclusū rite obtura, hoc enim est Elixir vitæ desideratum. Qui quidem liquor ad tantam subtilitatem peruenit, & ad tantam temperiem, vt non immeritò aliqui eum cœlo comparauerint, quod quemadmodum cœlum se habet ad quatuor elementa, ita hoc ad quatuor humores corporis humani; ab Arabibus Elixir dicitur, ab essentia temperatissima & pæne incorruptibili; aiunt enim, quod sicut forma vniuersalis ad omnem formam appetitum habet, ita quinta essentia ad quamcumque complexionem, vnde deducunt quod essentia rerum istius complexionis esse dicitur.

Hic liquor se
habet ad simpli-
cia quæuis, vt
forma vniuersa-
lis ad omnem
formam aliam.

Omnia attrahit,
sibi que appropria-
t. priat.

Quinta essentia
quasi incorruptibilis.

In quintam essen-
tiam quævis res
per circulationem
degenerat.

cui adiungitur; Hinc fit, vt hoc appetitu, quæcunque ipsi applicantur, & cuiuscunque complexionis, naturæ, aut proprietatis fuerint, ista essentia veluti actione quadam magnetica, perfectissimè ad se attrahat, in se conuertat, ita vt sicut fer- rum cōtractu virtute magnetis communicatiua quasi in per- fectum magnetem mutatur, ita & rei cuiuscunque naturæ huic subtilissimæ essentiæ, & ab omni excrementitia elemen- torum sece depuratissimæ impositæ, in quintam quandam ef- sentiam istius naturæ, cuius sunt, conuertuntur. Ita cum la- xantibus laxat, cum confortantibus confortat, cum calefa- cientibus calefacit, &c. Quæ quidem operationes non sunt quod, vt aliqui perperam opinati sunt, in naturam quandam à mixtis diuersam deueniret hæc essentia. Est enim hæc verè ex quatuor elementis composita, & in ipsa sunt actu quamuis in materia & forma adeo subtili, vt quasi ad incor- ruptibilitatem peruenisse videatur. Vnde specificæ vires à forma inseparabiles, tanto facilius operationes suas occul- tas & insensibiles exerere possunt. Mutatur autem quævis res: in quintam essentiam per circulationem in vase apto tri- ginta aut quadraginta dierum spatio. Sed de applicatione huius in sequentibus pluribus. Atque hæc sunt quæ de The- riacæ & quintæ essentiæ magnetismo dicenda putauimus.

CAPVT V.

De Magnetica facultate membrorum humani corporis ad bona & saluifera, qua ea quæ sibi bona, proficua & saluifera sunt, attrahere solent.



ATVRÆ author sapientissimus omnia huius mun- di ita connexa esse voluit, vt omnia in omnibus mutua quadam analogia & proportionem respon- derent, vnumq; alteri iuxta idealis imaginis exē-plar,

plar, quantum fieri potest assimilaretur, hinc non mundus
 tantum inferior superiorem, sed & in humano mundo seu mi-
 crocosmo inferior, seu sensitiuus superiorem appetituum, Mundorum a se
dependencia.
 vti & corporeus spiritualement in omnibus affectat. Correspon-
 dent sibi inuicem operationes sensus & appetitus, siquidem
 hic ex illo oritur: ex sensatione in sentientem nascitur in, Consensus potē-
tiarum.
 appetente propensio, & ex memoria in sentientem adhæsiō,
 & ex discursu sentientis appetentis oritur desiderium, sicut
 enim discursus est de noto ad ignotum agnoscendum via;
 ita de vna re appetita in aliam ambulamus consimilem non-
 dum appetitam; & sicut in sentiente datur intellectio quasi
 iaculum penetrans sensibile, aut intelligibile obiectum, ita in
 appetente datur impetus, quo ad potiundum obiectum fer-
 tur, & sicut ad hoc ibi sequitur iudicium, quo subindè ita esse
 vel non esse, affirmat vel negat; ita ex appetente sequitur de-
 liberatio, ad quam sequitur electio & reprobatio. Organicæ
 autem appetitiones ad certa obiecta tendunt, non nisi per or-
 ganicas potentias attingibilia; organa appetitiua sunt consi-
 milia sensorijs, in suas tamen differentias diuiduntur. Nam
 aut appetimus accipere organo id quod prodest, vel expelle-
 re quod obest; ita vt magneticæ attractioni & expulsionī in
 appetitorijs potentijs prosequutio & fuga mira quadam pro-
 portione respondeant. Sicut enim Magnetis attractionem
 necessario, & inseparabili nexu comitatur expulsio, ita in ap-
 petitiuis prosecutionem eius quod prodest, fuga eius quod
 obest. Tot ergo sunt appetitoria, quod attrahibilia & expul-
 sibilia ad vitæ conseruationem. Pari ratione attrahimus in-
 trinsecus alimentum humidum & solidum, superfluum verò
 aut noxium expellimus, ita vt nullum membrum sit, quod nō
 aut attractiua vi, aut expulsiua sit imbutum. Primum attra-
 ctium ventriculus est, cuius appetitio fames est & esuries.
 Cum igitur ex vapore continuo substantia, innata vi caloris
 ad suam tendentis vniuersitatem, exhalat: & perfecta nutri-
 tione euacuentur partes, venæ vacui ratione & vi appetitiua
 nutrimentum quo sese restaurant, attrahunt. Omnes autem
 venæ sugunt ex ventriculo, & Mesaraicæ ipsæ ex intestinis
 ventriculo continuis. In ventriculo autem fit constrictio,

Tot sunt appe-
titoria quot at-
trahibilia.

Omnia membra
humani corporis
attrahora sui
nutrimenti.

multoq; magis cum in vacuum ipsum lien eructat acidum humorem pungentem. Hinc spiritus ingenitus ad constrictionem punctiōemq; sui destructiuam auertendam, re quæ & attrahentibus & sibi proſit, repleti appetit, & hæc est fames. Est igitur in venis appetitus alimenti, ideò ubi vacuantur, trahunt; est & in iecore, cuius gratia trahunt & venæ mesaraicæ, & quæ ad ventriculum deductæ sunt. Est præterea in liene succi melancholici, cholerici in felle, in renibus cinerosi, in vesica serosi succi appetitus, quæ & omne viscus ad se attrahit, vt alimentum sibi simile, ex quo nutriatur. Iterum in omni portiuncula corporis fames est, seu conuenientis sibi particulæ alimenti appetitus, & speciale obiectum trahit. Hinc præter stomachum, hepar, lienem, renes, vesicam, pulmo quoque aërem continuo, quo vacuitas eius repleatur, cordisq; calor in sanguinem ad spiritus producendos, retinendosq; intrudatur, ne ad cognata euolent, attrahit; cerebrum humida quoque & vapida, quo nutriatur attrahit, & sic de alijs. Sicut igitur Magnes ferrum attrahendo, spiritum eius quasi exsugit, ita homo duplicem quodammodo magnetem sibi implantatum possidet ratione corporis, partim enim astra, seu rerum signatarum virtutes ad se trahit, & prout apes è floribus & herbis mel, ita ex illis suum cibum exsugit, sapientiam videlicet mundanā, sensus, cogitationes, idq; intellectu omnia attrahente. Partim verò sua vi attractiua ab elementis allicit quotidianum nutrimentum carnis & sanguinis sui. Et sicut corpus elementare attrahit elementaria per famem & sitim; ita spiritus æthereus hominis à radijs superiorum virtutum omnes artes, scientias, facultates, omnemq; sapientiam humanam. Iterum cum omnia & singula humani corporis membra cum omnibus & singulis rebus creatis naturæ quadam sympathia aut antipathia, ita sagaci naturæ genio ordinante, consentiāt aut dissentiāt; fit vt sicut singulis membris, ita & rebus creatis quædam ad amica, sibiq; consimilia corpora quærenda, aut ad inimica natura, sibi dissimilia vitanda à prouida natura reciproca quædam sit inplantata propensio, qua bona, quibus foueantur, desiderant, mala verò & quæ ad destructionem vergunt, fugiant. Hinc

Duplex magnetissimus in homine.

Intellectus omnia attrahit.

Receditior medicus pars quæ.

re-

reconditior illa medicina pars, quæ signaturas seu characterismos rerum naturalium cum humani corporis membris cōfert, & similia similibus magneticè applicando prodigiosos in hominis conseruanda valetudine producit effectus, emanauit. Occultæ igitur plantarum proprietates primo eorū, quæ anima prædita sunt, mox animæ expertium similitudine demonstrantur. Omnia enim homini signaturis suis & characterismis non vires tantum, quibus mederi possint, sed & morbos indicant, nec partibus suis duntaxat, vt radices, trunco, fronde, flore, fructu & semine, sed & suis actionibus & moribus; vt frondes retinendo, abijciendo, sobole, numero, pulchritudine, deformitate, figura, colore quod homini conueniat, & quod humani corporis membrum figurent, ostendunt. Hinc plantarum humores in alimentum assumpti, eosdem humores augment. Hinc Melanchologogi atram bilem, Choleragogi flauam, Phlegmagogi pituitam, Hæmagogi denique sanguinem augment; iidemq; in medicamentum recepti delegatam vim habent eosdem trahendi; hinc Atriplex, Cuminum, Ammi, liquore flauo liquefcentes plantæ frequenti vsu bilem augment, morbum regium & pallorem inducunt, quem & eadē curant; atræ plantæ coloris veluti brassica, thymum, papauer, hyacinthus, morbos inducunt atræ bilis alumnos, quorum deiectionem moliuntur earundem herbarum succi; & sic de cæteris. Sic Pæonia, aliaq; huius generis, quia capitis figuram refert; Adiantum, Muscus, Thapsia, quia capillorum; Citrium, Anthora, Melissophyllum, Cardiaca & Nardus, quia cordis; Pulmonaria quia pulmonis; Lychen, Agaricus, seu Fūgus betulinus, quercinus, & Hepatica, quia iecinoris; Sclopendria, Asplenium quia Lienis figuram refert; ideò, inquam, capiti, capillorum effluuiò, Cordi, pulmoni, hepati, lieni mirificè totius substantiæ similitudine, & naturæ quadam affinitate conferunt. Hinc quoque dura & saxosa quæuis, aut petrosi locis nascentia, contra calculos. Orchidum & Satyriorum species variæ contra impotentiam; sunt enim omnes Veneris incitatiuæ. Thithymallorū omnia genera lac prouocant; Hypericon & Gentianæ species, omnes Perforatæ, vti & Glutinosa; veluti Consolide & Symphyta vulneribus curandis

Signaturæ rerū.

Plantarum sympathia cum morbis.

Succi & plantarum cum humoribus.

Herba membrū quod refert figuram, sanat.

dis conglutinandisq; profunt. De quibus vide Ioannem Baptistā Portam, & suo tempore Medicinam Hieroglyphicam Oedipi nostri Aegyptiaci, in qua de ijs fusè & curiosè tractauimus.

CAPVT VI.

De Magneticae Medicinæ applicatione.

T artis nostræ Magneticae disquisitiones, in regulas, & præcepta digestæ, praxi tandem seruire possint.

Singula tempora anni proferunt res humori dicto tempori abundantia proficiunt.

Notandum primo, Hominem non esse elementum, sed elementatum, ideoq; ex elementis præpotentibus eum non nutrirī, sed potius ea nutrire, cum omne præpotentius in se conuertat minus potens, & non è contra; vnde medicinas purgatiuas ex rebus, quas in se homo non potest transmutare, sed ipsæ possunt ad se trahere, quod ipsis simile est in homine, conficiunt; ergo cibus hominis elementatus est, illiq; consimilis naturæ, vt carnes animalium & plantarum; hinc panem ex plantarum seminibus conficimus: potum ex succis, vel ex aqua dulci, quæ non est fluor terreni elementi, veluti salsus & lapideus, sed vapor concretus; hac de causâ mirabili sanè consilio diuina prouidentia singulis temporibus ea, quæ corporis nostri constitutioni illo tempore essent conformia, produxit; ita Vere flores, vt poros, qui tunc in toto corpore panduntur, foueant, pullulare voluit; mense Maio cerasa, fraga, sanguini tunc fluenti congrua sunt; Iunio ac Iulio ficus molles & pepones, mox aquosa vt cucurbitæ ad reficiendos, qui æstu exsiccantur humores, & nutritioni, cum calor internus imbecillis est & debilis apta reperiuntur; in Autumno vbi corpus aridum, post feruorem & mœsti spiritus fuliginem, atræ bilis fluore imbutum reperitur, Deus vnam dat corpus emollientem, lætificantem spiritus, humorisq; consumpti defectum resarcientem, subsequuntur mala Punica eidem vsui destinata: sed quoniam frequenti imbrium effusione corpora madefiunt, ideo minus succi plena. Hyeme verò appropinquante, cum corpora humore abundare inci-

incipiunt, forba, castaneas, myrtum, aliosq; solidos fructus sapiens natura produci voluit, quibus humor nimius attemperaretur: mala deinde citrea & mespila difficilioris digestionis, quoniam venter calidus, & humore plenus est, atque ideo etiam prouisum est, vt fructus exsiccati ad id tempus referuentur, cum calor & humor abundant. Incipiunt mala aurea etiam maturescere & simul florere, quoniam totius anni decursu vtilia sunt, hyeme ad flegma incidendum & exsiccandum, ostiolaq; appetitus aperiendum, Aestate ad calorem excitandum, & retinendū; item ad cholerae & putredinis peremptionem. Et si quis paulò penitius rem introspicat, videbit ubiq; locorū, & quouis anni tempore in animalibus & plantis cibum simul & medelam salutarem, quo fragili, & innumeris malis obnoxio homini tempestiuè subueniretur, naturam prae parasse. Quod si dictis fructibus aliae regiones caruerint, semper tamen aliquid proportionale ei, quo carent, habent; vt quibus deest Rheubarbarum, ijs non deest Centaurea & Rhaponticū, & quibus vinum, ceruisia praestò; & vbi venena & morbi, sub eodem coelo antidota inuenies; vnaquaq; regio, seu patria elementi sui in se continet matrices, sibiq; ipsi quod est necessarium exhibet; suis quibus suis terris & regionibus, suae genti, suo climati, suo coelo, suo seculo natura herbas producit, atque temperat, vt proinde non immeritò eos Bombastus rideat, qui quod domi habent, foris quærunt, vt nihil ferè in pretio habeatur, quod à mari rubro, aut extremis Gadibus, aut Indis non adductum credatur; cum tamen Rustico ante proprias aedes pharmacopoliū, quo ab omnibus morbis se vindicare possit, natura produxerit; sed hæc forsā fusiùs quam par erat.

Omne clima
morbis in eo re-
gnantibus, appro-
priata media
producit.

Notandum Secundò medicinas aut simplices esse, prout à natura offeruntur, vt herba, lapillus, minerale, succus, aut compositas. componuntur enim vel vt altera alterius vires roboret, vel vt pluribus simul morbis aut causis morbi, aut affectis locis subueniat. cognoscuntur autem medicinae simpliciter ex primis qualitatibus aut secundis, aliae enim in-
cidunt, extenuant, subtrahunt; quædam purgant, purifi-
cant, roborant; nonnullæ constipant, fortificant, recreant;
mul-

Differentia sim-
plicium medi-
camentorum.

Quomodo vires
simplicium co-
gnoscantur.

multæ molliunt, digerunt, maturant: pleræque calefaciunt, aut frigefaciunt, siccant aut humectant: Cognoscuntur prætereà ex primis categorijs, & cui membro cōferant, videlicet à causa agente materiali, formali, ideali, & à passionibus horum, proprijsq; cōsecutionibus; Materialis affectio est magnitudo & numerus, & eæ, quæ inter numerū & vnitatem passionis, vt densitas, lentor, mollities, vitiositas, lubricitas, liquor, & tenuitas mediant. Passiones & sequelæ principij formalis sunt figura & figuratio; agentis causæ actio, quæ per qualitates tangibiles fit, & per odorem & saporem: item passio perditiva, & vnita materiæ additur acquisitiua; cognoscimus enim virtutem rei ab eo, quod perdit patiendo ab alijs rebus, & quod acquirit; Item ex agente & forma sequitur actus, qui est motus vel quies, vel ex agente & materia sequitur facies mista, qui est color. Ex his demum resultat similitudo rerum ad res, & oppositio significans, qua ratione naturæ conueniant, pugnetque inuicem. vbi omnia ista concurrunt de medicina tali & tali morbo conferente certitudo habetur demonstratiua; nunc porrò Regulas quasdam præscribere visum est, quibus ars nostra nixa, facilius applicationem suam Magneticam peragat.

Ex varia mistura
qualitatum, va-
riæ vires nascū-
tur.

Simplicia illud
membrum, cuius
figuram re-
ferunt, sanant.

Plata cum celo,
aut astris consē-
tientibus, morbu
syderiū respiciūt

Regula Prima. Omnis herba, lapillus, minerale, metallum, fructus, semen habens similitudinem alicuius membri humani in figura, colore qualitate & consistentia simul, prout plurimum confert illi membro, & ad illud in Magnetismi medicinas perducit, vnde malum citreum cordi cui multum simile est multum confert, quod si in calore ei assimilaretur, eo magis. Sed de his vide ea, quæ in præcedentibus proposuimus.

Regula Secunda. Omnis simplex medicina, quæ cum aliquo sydere cognationem habet, & ad illius motum mouetur, confert humoribus illi syderi subiectis, & membris humanis symbolum habentibus, dissimilibusque nocet; Ita lunaria lunaticis hominibus, & cerebro, & pituitæ naturali, morbisque omnibus à Luna exortis cōfert. Heliotropia Solaribus, Saturnina Saturninis, Martia Martialibus, Mercuria Mercurialibus, Venerea Venereis, Iouialia Iouialibus conferunt, cum nulla

res sit in hoc inferiori mundo, quæ cum aliquo cœlesti non habeat consensum, licet in tanta stellarum multitudine lateat.

Regula Tertia. Membra Animalium conferunt humanis membris consimilibus, præsertim si animalia virtutem habuerint morbo membri contrariam; ita debilitati stomachi subuenit lupinum hepar: cordi confortando cor gallinacei; lieni splen capræ lentisco seu asplenio pastæ; pulmone Loch de Vulpe; Auium cerebra & capita, cerebro & capiti conueniunt. Pari ratione sicut in cibo solido insunt particulae dissimulatae, aliae videlicet ossibus similes, nutritioni ossium aptae: aliae carnis, aliae nerui: aliae cartilaginis: aliae sanguinis & spiritus, separanturque à calore nativo & alterantur & disponuntur, ac multa tandem dissimilitudine ad partes nutritibiles trahuntur (quod etiam in rebus, quæ extra nos dissoluantur à Sole & igne non valido, passim experimur; alijs videlicet ad terram, ad aërem alijs, alijs ad liquidas res propendentibus) ita, ut in elementis dictum est, plus inest nutrimenti illius speciei, quam præsefert primum; Vnde licet ex carne vitulina omnes nostri corporis partes nutrantur, plus tamen ex ea nutritur caro, uti ex cerafo & vua sanguis, ex pulmone & ficu pulmo; ossa ex leguminibus, castaneis, similibusque; è iecore & pepone hepar: ex malis malefanis atra bilis: cholera ex sinapi: ex cucurbita pituita, ex roribus humor, & sanguis denique e moris nutritur; cum ergo augendum, & a consimile; cum minuendum, oppositum seruabis.

Regula Quarta. Omnes res quarum decoctio, & infusio ipsarumque color, magis autem si & consistentia, alicui corporis nostri humori similis est, apta est ad euacuandum illum per attractionem, & augendum illum per incorruptionem; ideo buglossæ & melissæ decoctio similis aquæ in pericardio, cordi refrigerando & fouendo, ut illa aqua, confert. Rheubarbarum verò croceum & graueolens, flauam bilem referens, eam attractione, ut dictum est, purgat; quod si incorporetur, & antequam trahat, vincatur, efficitur nobis venenum augendo bilem; & multò magis helleborus, cuius foetor omnes praetiorum humorum foetores refert; ideo omnes ad se, expellendo

Membra animalium occulta. y. membra in homine analogae, respiciunt.

Succi, decocta, humori alicui similia, illi emendant.

Hellebori vis.

Chelidoniae ra-
dix Icteri me-
dium.

Alfni fimus.

Loca saxosa &
calculosa ad cal-
culū conferūt.

Chondrilla hæ-
morrhoidalis.

Venenosa anti-
dota suis vene-
nis.

do, trahit quod cum non facit, eos augendo iuuandoq; contra naturā vires, occidit; hinc chelidoniae radix vino albo indita, succo flauo totum simili bilioso humore inficit, vnde omniū contra ictericū morbū præstantissimū perfectissimūq; paucis notū meritò cēseri debet, humorē enim biliosum toto corpore diffusum ad se attractum ē vestigio expellit; quod & asini hoc morbo laborantis, & ex chelidonia naturæ quodam instinctu sibi remedium parantis excrementum puluerizatum vino albo maceratum, ac deinde colatum sumptumque efficacissimè præstat. Innumera his similia adducere possem, sed quia peritus quiuis plura hinc suopte ingenio concludere potest, diutius ijs non immoror.

Regula Quinta. Omnia simplicia, quæ certis ē similitudine, quam ad inuicem habent, amicitia legibus confœderantur, ad eiusdem affectum conferunt. Hinc calculus in vesica porci inuentus potentissimum se se cōtra calculum medium præbet: moticilla, vti apud Arabes lego, quæ calculis silicibusque in fluminum ripis, vndarumq; illusione effusis, cæterisque saxosis locis, impensè delectatur, hermeticè puluerizata, mirabile & rarum omnino calculis rumpendis medium esse perhibetur. quam vim & omnia alia, siue animalia, siue plantæ, quæ saxosis locis gaudent, ostrea quoque & omnia crustacea obtinent; Chondrilla quoque hæmorrhoidalis, quia in radicum fibris nodulis quibusdam accretis mariscas, seu ficus sedis perfecte refert, eas vel tactu solum exsiccat; curatque; imò & easdē, quas curauit, denuo irremediabiliter accersere, certa tamen ratione applicata, dicitur. Porro vt acetum & omphacium, cucurbita & aqua, quarum hæ leniunt & frigefaciunt, illę incidunt & stringunt; ita olea & myrtus ob consensum naturalem simile quippiam in nobis faciunt; simplicia verò naturæ quadam contrarietate sibi aduersantia, contrarios quoque pariunt effectus. Vt cucurbita & olea, illa enim frigefacit, hæc calefacit: brassicæ & vitis, hæc ebrietatem confert, illa tollit. sed de hisce & similibus fusius vide, quæ in præcedentibus diximus.

Regula Sexta. Venenosi morbi plerumq; proprijs sanantur antidotis, ita morsibus aranei impositus araneus medetur, apum

apum aculeos mel sanat, scorpius plagam à se inflictam impositus curat, canis rabidi venenum attrahunt pili eiusdem, vti & iecur eius tostum; crocodilli adeps morsus eius sanat; bufonis lapis morsui venenato impositus venenum attrahit, de quibus paulò ante dictum est item quæcunque venenatorum characterismum habent, vt draconium maius, in cuius folijs natura serpentis insculpsit figuram; ita Dracunculus maior ludentis naturæ miraculum, ad primas serpentum vernationes se exserit e terra, & cum ijs in terram conditur, nec vllus toto illo occultationis tempore serpens apparet, officioso naturæ munere remedium demonstrantis, & formidinis tempus præmonentis. Vide de his plura in Deleterio magnetismo.

Dracunculus.

Regula Septima. Si ex corpore humano, aut cuiuslibet alterius animalis partem, hominis parti analogam acceperis, fiet id magneticum, si speciebus membrum dictum hominis respicientibus in medicamentum composueris; ita Loch de pulmone vulpis, aut alterius animalis ab Arabibus adinuentum medicamentum, linctu sumptum phtyficis & tabidis mirifice conferre compertum est. Et sic de cæteris. Caueant tamen hoc loco à quibusdam Agyrtarum Empiricorumque

Mumia carnis humanam trahit magneticæ.

medicamentis, qui dicunt morbum in sanguine, saltem transplantatione excrementorum eius ad quamlibet longinquam distantiam in terram vegetabilem vel animatam, curari posse; huiusmodi enim medicamenta vti suspecta sunt, & non naturalia, ita omni contentione vitanda sunt; etsi enim mumix, spiritus trahere illius membri, cui applicata est, naturale sit; at hanc eandem certis speciebus admistis transplantatam, aut combustam, aut suspensam in fumo, aut proiectam in aquam, aut à bestia deuoratam hydropem, febrem tertianam, phtysim aut similes morbos in distans curare, vti non naturale, ita superstitiosum & cacomagicum esse nemo dubitet; cum nulla, prorsus naturalis inter huiusmodi actiones connexio concipi possit; falsum quoque est hominem morbidum liberari, si mumiam, quæ primo spiritus morborum exsuxerit, bestix obieceris; nam attracta qualitate morbifica, eandem bestiam, infici putant, ac ita hominem liberari; de Chamæleonte

Caorela ab Agyrtarum imposturis.

Superstitiosa cura morborum vitanda.

verò

verò herba equis affixa Equorum aliorum vires attrahente ; quod dicitur fabulosum quoque, & superstitiosum putes .

Omnia membra,
membrorumque
morbi sua me-
dicamenta ha-
bent.

Regula octaua. Vti nullum est membrum, quod non suas infirmitates patitur, ita nulla est infirmitas, quæ non suum habet medicamentum; quorum quidem aliqua certis partibus tanta amicitia coniunguntur, vt eas vel sumpta, vel admota, vel sæpè solo odore iuuent, reficiant, & à morbis multis liberent; ita caput Betonica, Stæchas, Pæonia, Rosmarinus; oculos Euphrasia, Chalydonium, Foeniculum, Tutia respiciunt; dētes Saluia, Lentiscus; aures Calamentha, Absynthium, Aristolochia; nares Veronica, Fœnogræcum; pulmones Pyftacia, Dactyli, Terebynthia, Sulphur; cor Borrago, Carduus, Benedictus, Crocus, Cinnamum, Aurum. Bezoar; stomachum Anethum, Cydonia, Anisum; splenem Scolopēdria, Asplenium, Ceterach; intestina Centaurea, Angelica, Plantago; renes Saxifragia, Petroselinum, Lapis Iudaicus, Calculorum puluis; ita alia alia membra, morbosq; eorundem occulta quadam naturæ cognatione respiciunt, de quibus in præcedentibus dictum est.

Quinta essentia
rerum magneti-
ca est.

Regula nona. Omnes Quintæ essentiæ rerum, potissimum autem vini mirifica quadam vi magnetica constant; nam quæcunque ipsi imposita, in quintam essentiam istius naturæ, qua pollent illicò conuertuntur. Ita Cinnamomum ei impositū, in quintam veluti essentiam Cardiacorum conuertitur; ita si simplicia quoscunque morbos respicientia ei imposueris, eorum naturam & complexionem ad se magneticè trahet, tractam in se conuertet, qua conuersione centuplo maiorem vim, quam se sola habuisset, acquireret. Idem de alijs simplicibus ei impositis iudicium esto. Rationes huius rei in præcedentibus dedimus.

Regula decima. Arbor quælibet fructus occulta quadam phytomagnetismi vi proferet ea qualitate imbutos, qua plantæ imbuuntur, quarum succo radicem arboris inescaueris, rigauerisque; carnes quoque animalium eas qualitates medicinales acquirerent, quæ plantæ, quibus perpetuò nutriuntur, ditatæ sunt. Ita Pruni radices Scammameæ succo imbutæ, irrigatæq; fructus producent laxatiua vi, atq; attractiua bilis pol-

pollentes, & sic de cæteris; ita Hirci, aut Capræ caro asplenio pastæ, splenis vitio laborantibus potentissimè confert.

Regula vndecima. Distinctissimè attendatur quid in vnoquoque temperamento proprium, & quid heterogeneous accesserit, aut per naturam defecerit. Illud ipsum enim est, circa quod tota medicina occupatur, vt *περίσσεια, καὶ ἀφαιρέσις* valitudo restituatur. Et cum in medicina duplex anatomia cōsiderari possit, corporalis videlicet & virtualis, in illa similitudinem maxima obseruatio fieri debet, ideòq; priuata opera omnes ordine describantur, iuxta numerum, figuram, sitū, vsum, & reliqua accidentia, quibus cognitis, facilis postea in dissimilibus fit progressio.

Regula duodecima. Virtualis Anatomia habet analogicas cōparationes & reductiones ad magnū mundū, idq; dupliciter, respectu nimirū celi, & rerū medicinaliū vndecūq; sumantur; in hac scepsi neruus & cardo omniū ferè obscuritatū ac difficultatū curatiuarū vertitur. Qui enim *καλῶς ἐκμάθη, εἰς μέντης αἰετός*. ita sanè qui iūgit superiora inferioribus, & similia suis proprijs similibus nectit; is ex libro naturæ remedia poscit, & curas proinde perficere felicissimas poterit, nec tanta Authorum copia indigebit. Hoc modo breui copiosissima & largissima supellex concinnabitur, quæ postea fructus dabit in parte practica innumerabiles.

Porro quomodo, & qua vi & actione huiusmodi effectus præstent res enumeratæ, difficile est concipere, ac multa inter Philosophos de ea lis & controuersia. Alij eam à primis qualitatibus; à cœlo & astris quidam: alij alias huius sympathiæ & antipathiæ causas, vt in præcedentibus diximus, statuunt. Verum cū nulla res agat per id, quod habet in alio, & ab alio, nisi id habeat in se, certè nec Vrsæ virtute magnes, nec Solis Chalcedonius, ille trahere, hic tutare poterit; nisi ille vim in se habeat receptam ab Vrsæ, vt aliqui perperā volunt, vel hic à Sole. At cum nulla sit præter motū, calorē, & lucem manifesta qualitas, ad aliam meritò compositionē recurrendum erit.

Quoniam igitur res non tantum ex corpore & calore in quandam formam redactis, atque ex elementis corporeis, sed & incorporeis quibusdam potestate, sapientia, & amore, vt

Causa mirificorum huiusmodi actionum.

Quomodo res
agent.

Vis lapidū quo-
modo operatur.

Alestorius la-
pis.

Antipathia san-
guinis inter oc-
cisorum & occi-
sum.

ita dicam, consent; his causis actiones mirificæ attribuendæ sunt. trahit ergo magnes non vna tantum corporeæ temperiei, sed & prædictarum qualitatum primogeniarum ad talem gradum, per sui terrestreitatem deductarum vi, quibus respondet elementaris formæ gradus, in quo sunt & communicantur. Vnde si ex magnete calorem & spiritum extrahas, exit flammula subuiridis seu cærulea, & cum ea vis trahendi ferum euanescit, vti dictum est. Dum igitur mirificas quasdam in lapidibus, plantis, animalibusq; operationes notamus, illæ stellis, aut dæmonibus non adscribendæ sunt, nisi quis eorum naturam euertere velit. Dici enim posset, nec ignem calefacere, sed stellam & dæmonem per ignem, vt fusè supra in vnguento Armario ostendimus. Durat igitur in rebus veluti sensus quidam, vt ita loquamur, affectus, & potestas, aguntque in se varijs modis, cum per vires occultas, tum per elementares facultates. At illud mirabile est, quò in lapillis tam mirificæ insint virtutes; si enim Alestorius præstet audaciam, eo quod ex audacis galli corpore sit eductus, certè omnia genita in animalium capitibus, aut ventribus, suorum animalium retinebunt proprietates; ergo in Alestorio sensus ille viuax galli lapidi impressus, communicatur sensui præliatoris similiter affecto; ita vt vehementior ad pugnandum reddatur; non secus, ac sanguis occisi ad occisoris præsentiam fluit: sensus enim, & vehemens spiritus virulentusq;, quo occisor alium concertantē impulit, per oculos, os, nares concertantis ingressus, intimas fibras, tum potissimum sanguinem inuadit, qui post mortem in præsentia occisoris ideò fluit, quia nō commodè in alieno subiecto existens, proprium videlicet occisoris sanguinem naturali inclinatione appetit; hic verò illum, ceu sibi proprium & naturalem attrahit, non secus ac paulò supra de veneno serpentino venenum attrahente diximus. Dum igitur occisoris sanguis quod suum est appetit, occisi autem contrarius spiritus, spiritum inimicum & hostilem repellit, fit vt hac spirituum contrariorum lucta sanguis efferuescens, foras tandem erumpat contineri nescius. Non secus vis illa mirifica Corallorum contra febres, Topatij, Hyacinthi, & Smaragdi contra venena,

nena, & lapidis Bezoartici contra pestilentes & mortiferas æ-
 gritudines totum corpus in momento, non secus ac magnes
 quæuis corpora, & lux durissimum vitrum, penetrans: vbi
 inimicum sibi contrarium inuenit, aut amicum, in illum agit
 tantisper, dum eum aut expulerit, aut attraxerit. Consensus
 ergo rerum per quandam sympathiam & antipathiam fit in
 sensu communi facta cōmunicatione; videmus enim Apes à
 lōge flores cognoscere, & olfacere nobis ignotos: Formicasq;
 quæ ad suam conferunt vitam, à longe nosse: Vultures prælia
 odoratu nobis occulto: Equos odoratu bellum, & positos in
 præsidijs ignotos nobis sentire: Canes olfactu persequi feras, &
 vnumquodque ea tantum sagaciter cognoscere, ad quæ affici
 ob suam salutem secundum naturam debet. In sensu igitur
 rerum toti mundo communi, communicant sensus particula-
 res; sicuti in luce Solis omnium animalium oculi; attamen
 alia ad alias res sensu ferri, affectuq; duci; quæ enim videt Ara-
 nea & præuidet Formica, & prospicit Aquila, nos & alios in
 eadem luce Solis latent, multoq; magis Noctuas & Vesper-
 tiliones; quoniam constitutio virium primogeniarum in no-
 bis aliam habet architecturam, atque in illis; & vbi conforman-
 tur ad aliquid, statim illud repræsentatur in eis. Sicut chorda
 cytharæ non reboat ad alterius pulsus, nisi eque prorsus ten-
 datur, & sit æqualis, vt in sequentibus patebit: neque Sol in
 opacis, nisi perspicua fiant, repræsentatur: neque ferrum ve-
 ricitatem contrahit, nisi in orbe virtutis magneticæ consti-
 tutum: vbi autem chorda par, statim compar resonat, & non
 alia, ita vbi diaphanum, ibi transmissio luminis: & vbi deni-
 que magnes, ibi & ferri verticitas è vestigio resultat; quod
 non solum videre est in sensu certarum rerum, sed & Platone
 teste, in intellectibus. & S. Augustinus rectè dixit, *Ego video
 hanc veritatem, & tu vides eandem per intellectum; non tu in
 me, nec ego in te; ergo in communi intellectu, qui est Deus;
 vel in aliqua emanatione ab eo*; sicut igitur ego & tu videmus
 hunc lapidem in luce Solis, quæ defert ipsum, & meis &
 tuis oculis idem: sed pro oculorum forma; aliter enim ea-
 dem res pisci fortasse videtur & Aquilæ & Formicæ, sicut
 idem sapor nobis amarus, capris dulcis est; hinc patet cur

Chorda chordā
 intactā mouet.

aliæ medicinæ pectori, aliæ capiti, quædam stomacho, nonnullæ hepati conferant, vel noceant, cum qualitas elementaris ad id præstandum non sufficiat. Sed hæc fusius forsan, quam par erat, persequuti sumus.

CAPVT VII.

Φαντασιωμαγωγησιμὸς.

idest,

De Magnetismo Imaginationis.



Is ista φαντασίαζουσα non minus admirabilis quam prodigiosa, vti nullo non tempore omnium pæne philosophorum torsit ingenia, ita nemo fuit qui hucusque in reddenda causa operum adeo mirabiliū per eam effectorum non vehementer sudauerit. Videmus enim eius opera adeo stupēdas metamorphoses fieri, vt nullus Protheus in tot formas transformari possit, quem ipsa polymorpha sua transmutatione non superet. Quæ quidem prodigiosa naturæ παρέκβασις vti in alijs, ita in foeminis pregnantibus καὶ τῶν κινέσας, seu picali affectu laborantibus potissimum se ostendit. Agitat animus parentis in conceptu speciem quandam, aut mater postea metu concutitur, aspicit rem, vel vere horrendam oculis, vel intuetur pictam, appetit aliquid ardentius; si phantasia motusq; fortior subsequatur, foetui notam indelibilem imprimi toties compertum; hinc aliæ filios varijs stigmatis transformatos, varijsque maculis ac characterismis rerum desideratarum pollutos produnt; Alias canis, felis, piscis, leporisq; aut alterius animalis forma miserè deturpatus, quasdam etiam pulchras, deformes & Aethiopes; turpes vero contra pulchros filios generare compertum est: solius igitur imaginationis opificis vehementia in errorem, ὁ πλάτης duci potest; cum non modo notis polluitur infans; sed in figuram speciei prorsus inconuenientem effingitur; Verū cum non exigui negotij sit ostendere, quomodo id τὸ

μεταμορφω-
σις Grauidorum

Monstra & signa
clo infantium.

φαν-

φαντασινδν præstare possit, operæ pretium me facturum existi-
 maui, si de causâ horum effectuum hoc loco quoque agerem,
 præsertim cū non desint, qui magnetica quadam in huiusmodi
 operationibus interueniente virtute id fieri nō inconuenien-
 ter putent, quis autem hic magnetismus sit, & quomodo intel-
 ligi debeat, cum non explicant, eius explicandi officium iure
 ad nos deuolui merebatur. Stenuè igitur nostro fungamur
 officio. Auicenna eiusque sectatores Arabes alijque plures,
 adeo potentem imaginationis vim esse censebant, vt non
 modo in corpus multū iuris habeat, sed & externam materiā
 mouere, immutare, alterare possit absque actione per mediū
 sine organo corporeo; cum extra hanc neque sine medio, ne-
 que instrumento perficiatur actio, noluit tamen hoc esse com-
 mune omnibus, sed certis tantū, ijsque nobilioribus animabus;
 has enim cum violenter aliquid volunt, & fortissimè imagi-
 nantur, & subiectum sit mutationi obnoxium, agere quiduis
 posse tantò facilius, cum hæc tria simul vnita, animæ nobili-
 tas, motus phantasie fortis, & subiectum non repugnans;
 hinc multorum effectuum rationes exquiruntur; quorum
 causæ difficulter dari possunt; vt dum solo attactu incurabi-
 les morbos tollunt quidam; serpentes eliciunt; res absentes
 & futuras præsentunt; omnes huiusmodi effectus imagina-
 tionis esse arbitrantur; dum radijs quibusdam ex anima dif-
 fusis vibratisque absentia obiecta affici putant, hisce similia,
 non minus stolidâ, quam ridicula temerè effutientes; quam
 philosophiam ab inferis resuscitatam non ita pridem instau-
 rare conatus est Philosophus quidam Mosaicus, quem supra,
 refutauimus, adeo nulla sententia tam absurda est, quæ suum
 non inueniat tutorē, neq; enim quod in plerisq; fit, hæc dubi-
 tationes parit; sed vsu quoque ridicula est; primò philoso-
 phis absurda, deinde impia etiam in religionem. Certe si ea
 vera esset, nulla omnium hominum nobis deberet esse carior;
 quid enim illa non essemus? quid non assequeremur? si ima-
 ginando id possemus, quo vel opus esset, vel quod maximè
 delectaret: finis miseriarū, laborum omnium & studiorū, nihil
 referret, quid ageres, quomodo viueres; modò velles, aurea
 illa Medusa beatum illud phantasticum statim suggereret,

Phantasia ad ex-
tra non agito

nihil esset defuturum, nisi quod imaginari non possemus. O magnam felicitatem quam somniant multi, nemo possidet. Falsa itaque hæc opinio & principijs Philosophiæ repugnans. Cum enim imaginatio non sit ex earum actionum numero, quæ ex vno in aliud fluunt, Græcis μεταβαίνουσα, seu transeuntes dictæ; sed ἐμμένουσα, siue immanens ab omnibus probe philosophantibus statuatur: Certè illa imaginatio nunquam egreditur, neque alia extra se contingere potest, nemo enim sola imaginatione effecerit, ut id quod ardentè desideratur, phantastico magnetismo tractum, statim se sistat; non igitur occulta illa miracula paulò ante citata, imaginationis effectus dicenda sunt, sed alijs causis, ut in Erotomagnetismo dicitur, imputanda; solum illum effectum, quo prægnantes filijs suis notas rerum aut desideratarum, aut horrore quodam spectatarum insigniunt, imaginationis opus esse, nemo nisi insensatus negauerit. Nam ante imaginationem non adfuisse inde probatur, quod nisi illa imaginatio præcessisset, talis effectus productus non fuisset; Ergo effectus huiusmodi non virtute plastica utpote ad effectum suæ principali causæ configurandum determinata procedunt, neque enim ipsa potètia directe in foetum agens, à quo loco distat, causa esse potest; neque eius species, utpote intentionalis, realis alicuius efficientiæ incapax; neque actus phantasiæ, utpote pro termino suo speciem expressam sensationis habens; Quam igitur causam dabimus? Quomodo enim αὐτὸ αὐτὸς illa species propagari poterit, aut quo medio, aut instrumento huiusmodi impressio fiet? Estne possibile solum φαντασίῳ ita seminalis materiæ potestatem immutare posse, ut quod ei non infuit, motu phantasiæ peracto insit? quæue materia paulò ante hominis habebat lineamenta, iam canis, aut piscis habeat? ut igitur tam insolentium effectum causa detur.

Anima vis in
corpus.

Suppono Primò. Magnam animæ in corpus vim esse & imperium, uti & superioris potentiæ cum corde, cum corde cerebri; ut enim cerebrum à corde spiritus vitamque haurit, ita cerebrum, quod sensus est principium, cordi interpret est, eaque enuntiat quæ foris aguntur, cum singula obiecta ad sensus singulos offeruntur, & ab his informatæ à spiritibus imagines

gines cordi communicatur. Hinc si recepti species bona est, cor latatur: sin, tristitia nascitur, & odium vel simile quiddam; Vnde in malis tremit, & palpitat; Si verò obiectum extrinsecū spiritibus communicatum vehemens sit, cor quasi rigidum obstupefcit: Quia affectio ipsa ex ea parte, qua primum afficitur, in reliquum corpus diffunditur, ideo multos vel intuitus felium fluentisq; sanguinis, aut medicamentorum imaginatio in manifestam *ληποθυμία* rapit.

Præterea cerebrum interiorum potentiarum sedes, maximum cum ceteris quoque membris consensum habet, hinc qui Idolum Aphrodisium vehementius imaginantur, ijs spiritibus in membra non quæuis, sed analogia quadam rei conceptæ respondentia translatis, vel sola imaginatione in motus exardescunt brutales. Ita ij, qui vindictam meditantur ardentius, vel sola imaginatione illatæ iniuriæ, diffusæ bilis effervescentia in rabiem aguntur; nouimus, & eos, qui vel sola tormentorum apud inferos sustinendorum imaginatione in sudorem toto corpore soluerentur. In Noctambulonibus quoque, quod phantasia vehementer agitat, id membra exequuntur: Hinc & cum oscitantibus oscitamus, affigimur cū afflictiis, ad cantantes canturimus, ita vt membra humoresq; singuli singulis obiectis imaginatione comprehensis mirabili quadam analogia & consensu in certos fines sapientissimè à prouida natura instituta respondeant.

Suppono Secundo. In fœminis potentiam imaginatiuam multò quam in viris esse efficaciorē, & in fœminis grauidis multò, quam in non grauidis ob corruptam quandam humorum in vterum deriuatorum massam naturæ inimicam, è qua vapores exspirantes sursum in interiori facultate mirabiles omnino imagines & phantasmata excitant, & quia specics vitium habet ex commixtione alieni, etiam errare facultatem necesse est; Causatur autem impura istiusmodi massa in grauidis ideò, quod foetu in alimentum attrahente illo, quod in massa optimum est, non nisi feces relinquantur, quæ cum crudæ sint & indigestæ, eas vt plurimum *κίττα*, siue exoticus iste rerum absurdissimarū in grauidis appetitus, quibus omnibus mulier paulatim ad notas in foetu formandas disponitur.

Vis cerebri consensuq; cum ceteris membris.

Fœminæ phantasia magis quam viri exposita, & grauidæ magis, quam non grauidæ.

Suppono Tertio . Ad huiusmodi effectus quatuor requiri : sensum videlicet , imaginationem , appetitum & motionem ; sensus obiectum suum vt sensibile , imaginatio vt gratum , vel ingratum appetitus amplectitur vel fugit , motus vero sequitur vel repellit ; motum spiritus , vt potè subtilissimi & ad motum aptissimi facillimiq; , expediunt . Horum ope anima per potentias tam exteriores , quàm interiores omnia peragit , quod quò fiat , hic breuiter explicandum duxi ; Scias igitur subtilissimum hunc spiritum per neruos , ac totius corporis arterias diffusum , animæ quoddam veluti vehiculum esse , sicuti huius vehiculum sanguis est ; per hunc in bifido oculorum neruo optico , spiritu turgente , tanquàm per instrumentũ anima videndi actum exercet , dum ad extrinsecum obiectum percussus , ad id quod occurrit , visu percipiendum excitat ; percussus verò in auribus animam ad audiendum ; in aëre halituoso , seu vapido , quem res odoriferæ emittunt , in naribus tardatus spiritus , ad olfaciendum ; in humido spongioso palatum subintrante tardatus denique , ad gustandum animam excitat ; cum aliquod solidum corpori obstat , offenditur , & inde tactus ; circa oculos vtitur ignea vi ; vi aërea circa aures ; circa nares vi spissa aërea , seu vapida ; circa palatum vi aquea ; circa medullas terrea . Ita vt spiritus illæ sentientis animæ instrumentum quoddam sit , sensus autem ipse , & organa , quasi fenestræ quædam ; & portæ , per quas spiritus ille suas operationes exercent . Hic spiritus in sensibus interioribus multò agilior & subtilior est , quam in exterioribus ; Nam in phantasticæ loculamento potentiæ ita tenuis est , vt etiam re absente , formam tamen comprehendat anima imaginans , quam in materia sensus non nisi re præsentē comprehendit ; & si illam non clarè & distinctè , sed sub notione confusa , & indiscreta attingat , quam deinde discernit , & componit , anima ratiocinans , ope spiritus subtilissimi , & dictis multò tenuioris in parte cerebri , in venarum *σκολικομόρφων* , seu vermiformium media consistentis ; neque tamen sic veritatem adhuc ob formarum , cum materia cōmitionem comprehendit , quam tandem adipiscitur , cum anima seipsa per intellectu formas ab omni fæce materiali repurgatas propria trutina pō-

dera-

derarit. Quæ ideo fusiùs hic profecutus sum, vt videas, qui spiritus hi omnium animæ functionum organum necessarium sint. Horum enim spirituum vi admirabili totum corpus viuit, ^{Vis, & munia spirituum in homine,} sentit, se mouet, nutritur, augetur, hi concoquunt, digerunt, egerunt, attrahunt, omnesque vitales actiones perficiunt; his languentibus omnia languent; hi omnes rerum species accipiunt, deferunt, & ad phantasiam motum volutantur in corpore, non secus ac lapide in aquam tranquillam coniecto, circuli causantur se diffundentes, totumque corpus alterant: Vnde non immerito ab Hippocrate τὰ σόματα ἐναρμύεντα dicuntur. Hisce siue metu, & horrore subitaneo, siue vehementioris soni inexpectati perceptione, interclusis congelatisq;, multos vitam cum morte commutasse, grauidas abortisse, quartanam, podagram, paralyfin repente solo terrore sublatam historiae memorât. Rei igitur sensibilis vim quandam retinent species, & hoc dicitur phantasiam habere *δύναμιν*.

His igitur suppositis. Dico foetum in vtero à matre ea, quæ sequitur ratione pollui, notisq; insigniri: dum vapores terrei, melancholici, visceri ab vtero pregnantium, impuriore agitata ibi latente materia, in cerebrum eleuati, varijs rerum, quas actu animo agitat mulier, speciebus informantur; fit inde, vt imaginatiua fortiter excitata, id quod nō est, quasi vere sit, formet. Quemadmodum in melancholicis, hypochondriacis, Demoniacis, naturaliter timidis vt plurimū fit, qui certa humorū constitutione, vaporum ex his ebullientium vmbriis, ea quæ non sunt se videre existimant. Cum igitur in recepta specie, fixa mulierū imaginatio se laboriose exerceat, siue quid desideret, siue sit in metu alicuius rei receptæ, fit vt mox eius analogū, ac proportionale cum sanguine & spiritibus, qui dictarū specierum vehiculum sunt, ad vterum deferatur; ex eoq; foetus non modo maculetur, sed simulachrū quoq; eius rei accipiat. nam vt rectè Philosophus ait lib. De motibus animalium.

Causa signationis infantum.

Aristoteles.

Alterantur phantasia, & sensus, & meditationes; sensus enim sunt alterationes quædam existentes. Phantasia autem & intelligentia habent virtutem rerum, aliquando enim species intellecta calidi, aut frigidi, aut delectabilis, aut formidabilis, talis est, qualis quidem & rerum vnaquæque, propter quam timent, tremuntq;

muntq; intelligentes tantum. Etsi igitur phantasia directè in foetum non agat, ob indissolubilem tamen corporis & animæ nexum consensumq; matris ad foetum, vna cum matre vita viuentem, foetus cæco quodā naturæ ductu & impetu, quoad potest, phantasie matris se conformare appetit, ita vt imaginatio non efficientis causæ, sed necessariæ conditionis rationem habeat; ad quod præstandum non modo in parte imaginatiua efficaciam dispositionesq; requisitas paulò ante in suppositionibus nostris indicatas, sed & materiā ex parte, spiritus humoresq; in corpore matris, qui ob eandem sympathiam & subordinationem per potentiā attractiuam & repulsiuam huc illucq; discurrentes, variorum accidentium causa sunt, subministrant, plastica virtute seminis ad partem efficacius inclinante. Vehemens enim imaginatio ministris spiritibus plus in foetu potest, quam plastica virtute propria possit. Cū solius imaginationis impetu vis plastica in semine existens, ex se & sua natura ad hominis figuram formandam determinata, institutum suum non tantum non prosequatur, sed & aliena sibi ab imaginatione oblata specie, allecta, seductaque, ordinaria eaq; naturali functione neglecta, talem qualem species obtulerit effingat. Præterea cum certus sit partium matris cum singulis partibus prolis consensus, quemadmodum ex philosophia & medicina constat; fit, vt si mater vultum, verbi gratia, aut pedem suum tangat, vel fricet actu vehementioris huiusmodi imaginationis durante, in vultu quoque aut pede, aut in alijs partibus matris analogia quadam indissolubili, correspondentibus, affectus similis conceptæ per imaginationem, spiritumque delatæ speciei, vi plastica, mox producat. Rem magnetismo explico: Si duæ imagines ea arte construerentur, vt capita earum ex magnete subtili industria supra obelum librata, alia verò membra ex alijs rebus sympathica vi pollentibus libramento simili adornata fierent: neruorum verò loco chordæ singulæ, singulis partibus in vtraque respōdentes ad æquisonum tenderentur. Certissimum est, quod qui moueret vnius imaginis caput, is alterius caput vi magnetismi, præsertim in conueniente distantia constitutum, necessariò quoque esset concitaturus. Iterum

Causæ ostensio
ab exemplo stru-
turæ magneticæ.

rum qui incitabit chordam in vna imagine tensam, incitabit & chordam in altera imagine correspondentē æquē tensam, incitatamq; ὁμόφωνον reddet; non sēcus in matribus foetu grauidis fieri censendum est. In quibus ob perfectam totius cum toto, partiumq; singularum cum partibus harmoniam consensumque, vis plastica iuxta species vehementi imaginatione conceptas, spirituumq; ope eas vndatim deferentium in foetu figuram signat, speciei conceptæ colore, loco, figura, prorsus analogam & proportionatam. Sicuti igitur magneticum caput non manum, pedem, neruum, sed alterum caput magneticum proportionē ac similitudine sibi correspondens incitat: sicut etiam neruus vnius imaginis motus, in alia imagine nō nisi comparem, sibi similem, & ὁμόφωνον mouet; ita quoque, si grauida κίτταρα, siue picali affectu laborans mulier fragorum, verbi gratia, visorum desiderio teneatur; & velut anxiagenas, verbi gratia, vehementius ac fortiori rei cupitæ imaginatione distenta, vellicet: certum est infantem simili, reiq; conceptæ prorsus analogā nota pollutum iri; eaq; non in brachio, ventre, pede, aut alterius membri parte; sed in gena, parte videlicet, quæ vellicatione Matris incaluerat; spiritus enim speciem rei cōceptæ secum ad partem vellicatam deuehunt; hinc noua spirituum hoc motu incitatorum turba cumulata species, tandem vehementiori impetu ad partem foetus parti vellicatæ analogam delatæ, ibi plasticę opera in figuram conceptę speciei conformem effingūtur; atque hoc magnetismo notas infantibus à matribus imprimi, nostra quidem sententia est, qui verò meliores eorum rationes attulerit, ijs haud grauātē nos assensuros promittimus.

Φασισωμειντισμὸς *Applicatus.*

EX dictis sequitur Matres, vt experientia docuit, elegātes infantes parituras, si grauidæ imagines venustorum infantium sēpē aut inspexerint, aut mente versauerint, iuxta illud Oppiani:

*Ille solent etiam sēpē vsurpare Lacones,
Dum vxores cernunt vtero catulire tumentis,*

Exi-

Eximiè pictas tabulas, & splendida ponunt.

Dum tabulas lustrant oculis, formasq; venustas

Attractæ pariunt formosos ore Lacenæ.

Quomodo ani-
malia variega-
ta produci pos-
sint.

Est enim hoc commune hominibus & bestiis pro specie imaginatione hora conceptionis agitata foetum gignere. Hinc aliquæ Aethiopes, iubatos aliæ, nonnullæ Cynomorphos, alijsq; formis figurisq; deturpatos infantes ob species similes, quas conceptionis tempore animo voluerant, peperisse leguntur. Hoc phantasiomagnetismo Iacobum Gen. 24. variegata pecora produxisse sacra refert historia. Hinc multi, ut equos, canes, aliaq; pecora variegata reddant, locum coitui deputatum data opera artificiosè prius adornare solent. Experientia enim constat, si locum memoratum quispiam cortinis, quæ nigris maculis in candido temerè dispersis tygridis pellem referant, clauserit, quod is ex animalium isto in loco coeuntium foetura, vel ad solum variegatum obiectum, equos, canes, pecora, tygridis specie variegata sit producturus; præsertim si color multum illis arriserit, & naturæ eorum responderit; si quidem, si quis canes viridi, aut ceruleo, vel aureo sepimento incluserit, non ideò canes quoque virides, ceruleos, aureos produci debere putes; cum hi colores ipsorum naturæ non conueniant; hinc si locum totum nigris cortinis sepseris, nigra; si albis alba; si rufis rufa; si maculatis maculata produces animalia. Hoc phantasiomagnetismo alibi quoque Pavones candidissimos exclusos intellexi; incubationis tempore nidum velis vndique candidissimis circundant, quorum candore phantasia seducta, tales excludit pullos, qualis est colorum in phantasia continuè agitatorum species; iuxta illud Oppiani:

Columbarum pullos hac arte figurat

Stragula flammeolis oculis, rubrosq; tapetes,

Et vestes ostro perfusas obijcit Auceps

Sicq; oculos pascens, animos eludit amantes,

Et pullos edit rubeo discrimine mixto.

Quamvis ego de hoc opificio valde dubitem. Nam si Gallinæ & Gallinacei, cæteræque aues inclusæ locis variegatis tapetibus ornatis, ibidem coeant, oua vim quandam variegatos pullos excludendi contractura facilius admitti potest,

Quam

quam tempore incubatus. Nam post oui productionem pul-
lum matris imaginatione amplius signari non posse, inde pa-
tet, quod pullus solo calore bene attēperato, vt excludatur
indigeat, nec à nostra tantum, sed & quacunque alia aue, quin
ab ipso homine ouo sub axillis contento, aut etiam in forna-
cibus quemadmodum in Aegypto fieri notum est, excludi
posset. Verisimile igitur est, tempore coitus hanc diuersita-
tem fēturæ imprimi.

Corollarium primum. Hinc patet cur auium syluestrium
tam certus color, domesticarum verò tam sui dissimiles, vide-
licet à salacitate quæ gallorū & columborum genus ardentem Cur in Aquilo-
ne omnia auis
malia alba.
exercet, vnde fit vt varios colores, domi obiectas facilius cō-
bibant. Argumento sunt Lepores, Coturnices, Perdices, quæ
terrestri colore cum sint, in alpibus tamen perpetua niue dā-
natis candido colore sint, & in Suppollaribus, Olao teste, Vr-
fos, Equos, Ceruos, Vulpes, Lepores, omnia denique animalia
eadem de causa candida reperiri. Videmus etiā Cuniculos &
Columbas flauas, nam hæc duo genera animalium, vt omnium
salacissima sunt, ita omnes quoque colores imbibunt.

Corollarium secundum. Hinc sequitur etiam, si quis tres
aut quatuor vitellos in vnā oui testam incōfusè inditos, clau-
sosq; Gallinæ supposuerit, quod is inde pullos totidem capitū Quomodo
triceps auis
produci possit
arte.
aut alarum sit exclusurus. Quam rem in Gallia experientia,
compertam, à fide dignis ijsq; oculatis testibus accepi.

Corollarium tertiū. Patet quoque qua ratione cōmune illud
adagiū intelligi possit, *filii ex adultera excusare matrē a culpa.*
Significatur enim hoc ipso, filios ex adulterio natos plerūque
magis similes esse marito adulteræ, quam vero genitori; eo
quod mater continuo de marito cogitans, metuendo ne ab
eo deprehendatur, vel vultus suæ prolis prodat verum ge-
nitorem; illa imaginatione reddat eam magis similem mari-
to, quam vero genitori; patet denique consilium Hesiodi an-
tiquissimi Poëtæ in debiti redditione coniugum obseruan-
dum, his verbis expressum:

Μηδ' ἀπὸ δυσφύμοιο τάφῳ δαονοήσαντα
Στημαίνῃν ἤνελω ἀλλ' ἀδαράτων ἀπὸ δαυτῆς.

LIBRI TERTII
 MUNDI MAGNETICI
 PARS OCTAVA.

Μυσικομαγνητισμός.

siuè

De Potenti Musicæ Magnetismo.

CAPVT I.

De Magnetica Musicæ vi & facultate.



ANTVS inest Musicis modulis Magnetismus, tanta
 tractiue virtutis efficacia, vt non sine ratione
 Prisci Orpheum Musicum animalia, syluas, atque
 adeo ipsa saxa lyre sono trahentem produxerint,
 de quo admodum eleganter Claudianus in præfatione secundi
 libri, de raptu Proserpinæ, his verbis,

*Tum patria festo lætatus tempore vates
 Desueta repetit fila canora lyre
 Et residens læui modulatus pectine nervos
 Pollice festiuo nobile duxit ebur.
 Vix auditus erat, venti sternuntur & vnde,
 Pigrior astrictis torpuit Hebrus, aquis.
 Perrexit Rhodope sitientes carmina montes
 Excussit gelidas pronior Ossa niues
 Ardua nudato descendit populus Aemo
 Et comitem Quercum Pinus amica trahit.
 Pyrrheasque Dei quamuis despexerit artes
 Orpheis laurus vocibus apta venit.
 Securum blandi leporem videre Molossi
 Vicinumque Lupo præbuit agnatus
 Concordes varia ludunt cum Tygride Dama
 Massylam Cerui non imitare iubam.*

Quæ

Quæ quidem prodigiosa animalium, sylvarum, saxorumque attractio partim tropologicè, partim allegoricè accipienda est; Notabant enim Prisci maximam musicæ vim esse in animam, eamque secundum varios eius sonos, & harmonias mutari, & tanquam ceram, quocunque torqueas, sequi; ideo ipsam ἀρχὴν πάντων, siue principium omnium, & vt Psellus in sua Musica ait τὴν μουσικὴν οἱ παλαιοὶ συνέχον ἥπουν τὸ πᾶν. Præterea videbāt eā-
 de Musicā mores posse cōponere, & variare, nihil enim tam facile in animos teneros eoq; molles influere, quam varios canendi sonos, quorum dici vix potest, quanta sit vis in vtramq; partē, namq; , & incitat languētes, & languere facit excitatos, & tum remittit animos, tū contrahit, vt fusiùs postea declarabitur. Saxa igitur, sylvas, & animalia, idest homines prorsus insensatos, ferinos, & crudelitate immanes diuino lyræ suæ sono attractos ad humanitatē, & politicā viuendi rationem perduxit; potuit & allegoricè dictas res attrahere, quod cum Orpheus insignis esset Astrologus, & Musicus, vtramque artē perfectissimè callens, ita opportunè temperaret, & misceret sonos, vt cœlestium syderum, quam optimè ipse intelligeret, imitaretur harmoniam, & eam ad hanc ita prouocaret, vt eorum omnem in se traheret, ac deuocaret influxum, atque vim, qua fretus, quæcunque vellet, pulsando traheret ac deliniret; vel dicendum, quod cum optimè nosset, qua proportionē & quo concentu vnumquodq; esset à natura constitutum compositumq;, cuique stellæ pareret, essetq; subiectū, musicales rationes eisdem accommodans & stellis earum, ad motum alliceret inanimata per vim stellarum, quam in illis latentem, externa sua harmonia, quasi produceret; non secus ac ferrum ex filice latentem ignem excutit, vel flammam flatus folliis abditam prodit; sunt enim in omnibus rebus quidam veluti latentes igniculi, atque semina harmoniæ siue sensus, adeo vt vel ipsum Deum veteres dicerent ἀρμονίαν αὐτὴ καὶ τὸ πᾶντος. Hinc Procli autoritate eunēta hymnos concinunt ad sui ordinis Duces, sed alia intellectuali, alia rationali, alia naturali, alia sensibili tantummodo. *Et profecto si quis (inquit iste) audire pulsationem, quam singula in aëre in orbem efficiunt, vt solaris ad Solem, lunaria ad Lunam, profecto illum quendam eiusmodi*

saxorum attra-
 ctio ab Orpheo
 facta quid no-
 tet.

Vis harmoniæ
 in omnibus la-
 tet.

Vis Musicæ in
animis hominū.

Vis Musicæ mor-
borū curatrix.

modi sonum erga regem suum apte compositum animaduerteret, qualemcunque possunt res singula conficere. Magnetica igitur vis Musicæ omnia mouens, quantum in hominibus possit notum est; Nec enim tam immitte & efferatum cor esse poterit, quod aptis modulis & cātilenis animum delinientibus non remittatur, cōtra indecentibus & inconcinnis angatur & restringatur. Carmen, prodit Musæus, dulcissimam rem mortalibus cælitus datam omnia mulcentem; perstreperunt in bello tympana, ad animos præliaturis addendos resonant tubæ, tibiæq; ad suscitandos in pugnando militum animos. Timotheus Musicus quoties libuerat, phrygio sono Alexandri animum ita accendebat, ut efferatus ad arma curreret, & cum aliter voluisset mutato tono mentis ferocitatem suppressibat, emollitumq; animum ad epulas trahebat; & ad conuiuia; simile quid legitur de Cytharædo quodā Regis Daniæ. Nonne Pythagoras, Cicerone teste, adolescentem quendam Tauro mineum in sano amore veluti æstro percitum, spondæo resonante pacatum reddidit, & mansuetum? Certè ad compescendos animi impetus, ac perturbationes, musicos sonos Theophrastus fertur adhibuisse; Clitemnestram ad continentiam, & pudicitiam incitatum à Cytharædo, ab Agamemnone ea de causa relictam, historiæ narrant Troianorum. Plutarchus de se ipso testatur adeo se harmonicis modulis inflammatum à quodam Cytharædo, ut armis obuijs arreptis manus violentas in quosvis sibi affidentes coniecerit. Musicis modulis non homines tantum, sed & animalia ipsa capiuntur, alliciuntur Elephantes Strabone teste, tympanis; Cygni cythara, fistula dulce canit volucrem cum decipit auceps, vrsorum innata feritas, & sæua immanitas, nisi fistulæ auditæ sono non sistitur; ad tibiæ modulos Pythagoras luporum impetum repressisse fertur, musica denique medicina excellentissima est, omnibus morbis depellendis idonea; hac ischiaticos, melancholicos, furiosos, dæmoniacos, venenatos, curatos historiæ, & sacræ & profanæ affatim narrāt. Quod autem Asclepiades passim, ab ignaris authoribus, tuba turdos medicatos allegetur, id non intelligi velim, quasi tubæ sono, & modulis id præstiterit; sed quod instrumento in tubæ formam concinnato, auribus surd; indto

indito (hodierna die multi adhuc vtuntur furdastri) species
soni verborumque vnitas, & varia percussione auctas orga-
no auditiuo furdi efficacius sisteret. quo dum furdi mirum in
modum iuuarentur, res in fabulam recepta est ; Asclepiadem
furdis tubæ sono mederi.

Surdus tuba mo-
dum quò intelli-
gendum.

His igitur ita præmissis iam videamus, quis Musicæ ad tra-
hendos animos insit magnetismus? quam cum auribus conso-
nantia proportionem, vt illis tantoperè delectemur, habeant?
& quidnam sit numerus, pondus & mensura, tam in sonis quàm
in auribus, vel in anima prout sonis delectatur, vel iisdem
auditis nescio quo pathemate corripitur? Sunt enim soni qui-
dam adeo molesti, & inconcinni, vt eorū asperitate detes ipsi
stridere: quidam adeo apti, & concinni, ita suauiter influentes,
vt animam extra se rapere videantur. Hæc cum scrutor, dici,
vix potest quanta circa huiusmodi harmoniæ vim, atque
efficaciam authorum sit *ἀναρμονία*, & dissensio, quantæ de mo-
dulorum consonantijs sint omnium pœne scriptorum disso-
nantes sententiæ, quibusdam hanc vim in omnis consonantiæ
fontem Deum, aut animam numeris compositam, nonnullis
nescio in quos influxus cælestes, aut Cabalisticum decachor-
dum, alijs in occultam sympathiam animæ cum musicis nu-
meris, multis in Geometricas rationes conferentibus. Qui-
bus omnibus absonis & tanquàm à veritate multum discor-
dantibus relictis, quid nos de hac tractiua Musicæ facultate,
animiq; attractiua statuamus; & qua ratione & processu adeò
varios non in hominibus tantum, sed & in ipsis animalibus
brutis effectus producat, tandem aperiamus. quod vt maiori
cum methodo fiat,

Varia opinionones
ecce Musicæ
vim.

Notandum primo. Duo in consonantijs consideranda esse,
collisionem corporum, quæ fit per motum sonorum: & pro-
portionem; quæ sunt veluti duo principia, illud quidem Phy-
sicū, hoc Mathematicū, quibus omnes consonantiæ causantur.
Phyfica motū considerat, Mathesis quantitatem, numeros, pō-
dus, mensuram, omnemq; proportionem vnus soni ad alterū ex-
pendit. Porro cum omnis vocum sonorumque intensio aut
remissio, à motus velocitate aut tarditate profluat, tātò neces-
sariò vox sonusvè causabitur intensior, acutior, & spissior,

Intensio & Remis-
sio soni a celeriti-
tate vel tardi-
tate.

H h h

quan-

quanto motus fuerit velocior ; tanto vero remissior, rariorq; , quanto motus fuerit tardior. quæ omnia à Boëtio docte expendantur, lib. 1. mus. cap. 3. vbi docet necessariò sonos illos esse grauiiores, qui sunt à motibus tardioribus atque rarioribus ipsa tarditate, atque raritate pellendi; acutiores vero, si motus celeriores, ac spissiores fuerint, adeo vt neruus idem acutius sonet, si intendatur: grauius si remittatur; quia cum tensior est, velociorem pulsum reddit, celerius reuertitur, & frequentius, ac spissius aërem ferit: qui vero laxior est, solutiores, & tardiores pulsus efficit, & ipsa imbecillitate ferendi rarus effectus breuiori tempore tremit; hinc fistulæ, seu tibiæ pro clausorum, atque apertorum foraminum ratione, ob constipatum laxatumq; aërem nunc acutiùs, nunc obtusius grauiusque sonant, quod & in fistulis organicis, & in larynge, seu aspera arteria humana patet: quantò enim in illis lingua, seu epiglottis, aut fissura illa, vbi aëris illisio sonum causat, longior fuerit, & fistula amplior, tanto grauiorè sonum, quanto breuior strictiorque, tanto acutiorem sonum edet. vnde consequenter, quorum larynx ampla & longa, graui & bassa; at quorum stricta, & exigua est, alta & acuta voce intonare solent.

Quæ causa vocis
acuta & grauis
in hominibus.

Sonus non est
vna contrarius
sed multis sono-
rum partibus co-
positus.

Notandum secundò. Nerui moti, aut vocis emissæ sonum non esse continuum quiddam, sed ex motibus discretis, & interpolatis eiusmodi sonum esse conflatum, etsi eius interualla aures nostræ percipere minime valeant, non secus ac oculi dijudicare nequeunt, ardens ne titio, quem quis velocissime in orbem circumagit toto in circulo existat, an circulus totus sit igneus? quod & Boëtius turbinis à pueris circumacti declarat exemplo, qui si virgula coloris rubri secundum longitudinem, seu altitudinem coni imbuatur, totus conus vbi gyros aget, rubro colore infectus comparebit, non quod ita sit, sed quod partes minimè coloratas rubræ notæ velocitas comprehendat, aliasque apparere nō sinat: Similiter intensior neruus pluribus ictibus resilit atque tremit, remissior paucioribus; quoties enim chorda pellitur, non tantum vnus sonus editur, aut vna fit percussio, sed aër feritur toties, quoties eum tremebunda chorda percusserit. vnde additione motuum ex grauitate acumen intenditur; detractiōe vero motuum

num ex acumine laxatur grauitas, cum acumen ex pluribus motibus constet. Quomodo autem datum quemuis numerum aut magnitudinem ita secare possimus, vt partes sectæ sint in data proportionē harmonica, ita Algebraicè nascemur; verbi gratia, sit datus numerus 1456350, in quem chorda quædam diuisa cogitetur, iam vero cupit quispiam hunc numerum in duas partes ita diuidere, vt diuise partes, exēp. gratia, proportionē $\delta\gamma\alpha\pi\alpha\sigma\omega\nu$ constituent, simulque indicent proportionem ictuum, qua vtraque pars tactu aërem moueat: ponatur pro minori parte 1 B; pro maiore 2 B, quibus additis habebis æquationem 3 B; ad 1456350; hoc diuiso per 3 B producit 485450, qui est minoris sectionis numerus; hunc à 1456350 subducito; & prodibit 970900 maioris partis numerus.

Algebraica optatio in inuenendis proportionibus motus harmonici.

Si itaque ponticulū sub 485450^{ma} parte posueris, sonabit vna pars chordæ ad alteram diapason quæsitam. Vnde dico consequenter, si pars chordæ maior ictibus 486450 ex hypothēsi resilierit, chordæ minorem partem 970900 ictibus, vt diapason consonantiam efficiat, resilire debere; quod si scire libuerit, quot ictus consonantiæ diapente competant, eodem dato numero, cum dicta consonantia in sesqui-altera proportionē consistat, ponantur pro minori parte 2 B, pro maiori 3 B, quæ coniunctæ equabunt datum numerū 1456350, hunc diuide per 5 B, & pro minore parte proueniet 291270, hoc subtracto à 1456350, remanet 1165080 maior num.; dico itaq; si maior chordæ diuise pars tacta, ictibus 291270 resilierit, minorem chordæ diuise partem ictibus 1165080 resulturam; non secus omniū aliarum consonantiarum motuum proportionē inuenies; verum cum hoc loco mentem meam, non omnes forsan sint capturi, simplicius loquens dico, neruū æqualem à virtute vt 4 motum, sub-duplo grauius, quam motum à virtute vt 8 sonare, siue quod idem est, chordam duodecies resilientem cum chorda sexies solum resiliente, facere primam & simplicissimam consonantiam; Vnde consequenter chorda decies octies resiliens cum chorda duodecies resiliente, consonantiam constituit diapentes; ita chorda 24 v. g. resiliens cum chorda decies octies resiliente efficiet consonantiam $\delta\gamma\alpha\pi\alpha\sigma\omega\nu$.

H h h 2

Quibus

In quo consistit
vis musicæ.

Quibus constitutis infero tandem, Musicæ illam mirandam vim, quam in animi commouendis affectibus obtinet, non ab anima immediatè profluere; quæ cum immortalis sit & immateriata, nullam ad voces & sonos proportionem dicit, neque ab ijs immutari potest; sed à spiritu, qui est animæ instrumentum, aut ab animæ principali coniunctione, qua corpori annexa est. Spiritus enim huiusmodi cum subtilissimus quidam sanguinis vapor sit admodum mobilis, ac tenuis, facile ab aëre harmonicè concitato incitatur; quam concitationem anima sentiens, pro varia spiritus incitatione varios affectus quoque inducit; hinc cum spiritus velocioribus motibus harmonicis & spissioribus cōcitatur, & veluti crispatur, oritur ex illa crispatione rarefactio quædam, ex rarefactione verò spiritus oritur dilatatio, quam consequitur lætitia & gaudium. quæ omnia tanto maiores effectus habebunt, quanto moduli fuerint concinniores, aptiores & complexioni, constitutioniq; naturali hominis proportionatiores; hinc fit, vt dum optimè constitutam harmoniam, ac suauissimam percipimus melodiam, titillationem quandam in corde animoque, hac apta concitatione veluti attracti absorptique sentire videamur. quam affectuum varietatem maximè promouent diuersi modi seu toni musici, de quibus paulò post agetur; diminutiones præterea notularum, ascensus descensusq; varia reciprocatio; varia dissonorum cum consonis artificiosè mistorum combinatio. Spiritum autem hac ratione, non alia moueri, hoc experimento manifestum facio.

Experimenta Musica.

Accipe scyphum vitreum cuiuscumque magnitudinis, quem replebis aqua pura & lymphida; quo facto, si madefacto indice manus extremam scyphi oram in circulum perfricueris aliquantulum, tandem mirabilem quendam sonum ad instar tinnientis metalli percipies, quo aqua concitata adeò vehementer crispatur, vt à vento aliquo agitari videatur. Hunc scyphum si ad medietatem tantum repleueris, senties quidem sonum, sed duplo grauiorem altero, ita

vt

vt hic sonus ad priorem perfectam consonantiam *ὑπαρσὴν* resonet, & consequenter quoque remissio- rem aquæ crispationem notabis. Hunc eundem scyphum si in quinque partes diuideris, & tres aqua repleueris, duabus reliquis vacuis, resonabit tibi vitrum consonantiam *ὑπὲρ τε*, quam debilior quoque crispatio comitabitur; ita vase in septem partes diuiso, si quatuor impleueris, tribus vacuis, percipies consonantiam *ὑπερ ἄρσεν*, quam debilior quoque priori aquæ crispatio sequetur. Ex quo luculenter patet eadem prorsus ratione humores nostros, & principaliter spiritum, qui sedem & dominium in corde potissimum omnium affectuum officina habet, commoueri. Hinc cum vehementem aliquem sonum veluti tonitru, explosionemq; tormenti percipimus, horrore quodam perstringimur, quia spiritus ad sonum sibi impropor- tionatum nimis violentam patitur illisionem ac dissipationem, vnde horror & terror. Hinc quoque stridorem, si quispiam cultro ferrum radat, sufferre nequimus, cum asperitate sua musculos quosdam ad dentes & cerebrum deductos, vellicando malè afficiat. Quæ omnia animalibus quoque conueniunt, sunt enim quæ & modulis gaudent, mulcentur- que, quod tamen fieri non posset, si vis illa musicæ ab anima rationali immediatè proflueret; plus tamen infinitis modis homo musica delectatur, quam animalia, quia modulos melius ac perfectius cognoscit.

Cur sono vehemēti terreamur.

Bruta quomodo musica delectantur.

*De affectibus animi, ad quos Musica incitat,
& de tonorum diuersitate.*

A Nimus igitur iuxta harmoniæ diuersitatem varios quoque affectus induit, lætitiæ, impetus, remissionis, timoris, spei, iracundiæ & commiserationis; nos enim maximè ad octo affectus mouent musicæ modulationes, vel quia consonæ sunt vel dissonæ, vel quia concitatæ aut tardæ, vel, quod maius est, quod tendant in acutum ad alacritatem, vel in grauem desinant, & remissum sonum ad commiserationem & lachrymas: ad amorem autem & odiū etsi affectus omnium

*Passiones animi
quas maximè
mouet.*

*Cur musica in-
tristitia confi-
tutis non placet.*

*Tonorum musi-
corum varietas,
magnam vim ha-
bet ad affectus
concitandos.*

*De tonorum nu-
mero.*

sint potentissimi, non excitat musica, quia amor & odium al-
cuius sunt amor & odium; musica autem generales solum
mouet animi affectus; excitatur tamen amor à lætitia gene-
rali affectu, veluti ex attritu quodam; verum cum musica
tristitiam generare non possit, neque odium generare potest;
tristitiam autem generare non posse musicā, inde patet, quod
tristitia sit ad mortem, musica autem ad vitam; cur autem
musica, vt rectè Ecclesiastes dicit, in luctu importuna narra-
tio sit, & cur lugētes, aut corde graui quadā tristitia suppres-
so, omnem musicam nos respuamus, hæc est ratio, quia spi-
ritus seu humor, metu aut tristitia per fortem impendentium
malorum imaginationem congelatus, constrictusq; , omnem
respuens commotionem, eius se veluti incapacem reddit; si
itaque Musicus esset, qui hunc spiritum condensatum musica
bene ordinata dissoluere posset, non ad tristitiam moueret, sed
lenimen doloris, spiritu aliquantum dilatato afferret. Dixi-
mus ad octo maximè affectus nos musica moueri, qui tamen
commodè ad hos tres affectus reuocari possunt, lætitiā vi-
delicet, remissionem, & misericordiam; at quod ex his post-
modum alij affectus, vt amoris, tristitiæ, audaciæ, furoris, tem-
perantiæ, indignationis, grauitatis, religionis resultent, per ac-
cidens est; siquidem hi omnes ex his tribus generalibus ani-
mi affectionibus consequuntur. Cum autem in diuersis To-
nis diuersæ intensiones & remissiones constituentur, diuersos
quoque animi affectus constitui necesse est. Hinc Antiqui,
Rhodigino teste, Dorio ad temperantiam & moderationem
utebantur, eo quod non haberet præcipites lapsus, neque ar-
duas intensiones; Lydio ad fletus & lamentationes per casus,
ac remissiones longas ac suaues; ideò funeribus peculiaris:
Mixolydium ad commiserationem, pietatisq; effectum exci-
tandum aptum, ad quem breues abruptæq; remissiones plu-
rimum faciunt, assumebant; Aeolicus, siue Ionicus tranquil-
litatis animi auctor est, somnumq; cōciliat, Dorico non absi-
milis, sed suauior & mollior, ideò chromatici generis. Ho-
dierno tempore magna apud Musicos de tonorum numero
viget concertatio, quidam Græcorum more quatuor consti-
tuunt tonos, *μεγάν, δ' αὐτίαν, εἶπιν, τέταρτον*: Nonnulli sex
esse

esse contendunt, iuxta sex musicas voces, vt, re, mi, fa, sol, la. Alij cuiuslibet toni ascensum, descensumq; considerantes, cuilibet subiugalem constituere, vnde octo tonos esse dixerunt. Multi cum Glariano iuxta septem diapason species quatuordecim tonos, quorum septem authenti, plagales totidem, constituunt.

Nos duobus ex his quatuordecim tanquam ad harmoniā ineptis duodecim verius constituimus; suntq; Dorius, Hypodorius, Phrygius, Hypophrygius; Lydius, Hypolydius, Mixolydius, hypomixolydius, Aeolius, Hypoæolius, Ionius, Hyperionius, Hyperæolius, Hyperphrygius. Quorum singuli suam in concitandis animi affectibus energiam habent. Doricus siue primus Prudentiæ, Castitatis, & Constantiæ custos est, magnamq; vim, vt omnes experiuntur, quoties huiusmodi melodias audire contingit, commouendi habet. Hypodorius plagius grauior est interuallo *ὑποδοριος*, iisdēq; ferè proprietatibus gaudet. Reliquorum alij ad pugnas & mentis feruorem siue audaciā, vt sextus. Alij ad religionem & cultū diuinum, vt quartus & quintus, quorū in vtroque magna maiestas refulget; alij ad intēperantiā & amores molles, eò quod propter intentiones vocum nimias plus æquo insolescant. Verum de his, & similibus nos exactè & professo in nostra Rhabdologia Musurgica; in qua quaslibet, cuilibet animi affectui accommodatas modulationes noua, & hucusque inuisa methodo componere etiam musicæ prorsus expertem docemus; quæ si publici iuris aliquando foret, rei musicæ amatoribus haud parum gratam futuram crederem. Variæ igitur intensiones & remissiones tonorum, varij ascensus, descensusq; reciprocationes, variæ discrepantesq; vocum percussiones, variæ magneticæ tractionis animorum causa, sunt, quos effectus quatuor res plurimum adaugent. Primò artificiosa tonorum mistura, variæq; sonorum ad arsin & thesin se syncopantium colligationes, quibus consona dissonis adeò strictis amicitiae legibus conneduntur, vt nihil suauius percipi possit, quas variæ vocū diminutiones, fugarumq; artificiosè contextarum mutuae amicæq; insecutiones, plurimū adaugent. Secundò, numerus determinatus, versu compre-

Doris toni vis.

Rhabdologia
Musurgica
Authoris.

Quid ad augmentum virtutis tractuæ musicæ requiratur.

hensus. Tertiò, ipsa verba seu textus cantilenarum. Vltimò dispositio ipsa audientis; quæ si abfuerint, nulla inde ex harmonia sequetur commotio. Cum enim diuersæ dispositiones hominū ab alia non oriantur causa, quam à motibus spiritus præcipui potentiarū omnium tam sentientis, quam mouentis animæ organi & instrumenti; vel per alterationem aut motus etiā vocales causetur, à quibus motibus spiritus, vt dictum est, nunc recolligitur, nunc distrahitur, iam laxatur, paulò post intenditur, variasq; consequenter alterationum, quæ ab harmonia sonora causantur, vices versat; necessario sequitur animum ad statum & dispositionem spiritus inclinari. Vnde lasciui blandis, mollibus, & acutioribus modulis gaudent, quia effectus, quem hi in spiritus concitatione præstant; proportionatus est, similisq; affectui, quo inclināt. Hinc duo, quorum vnus cælesti, alter amore terreno ardet, vno & eodem tono Dorio aut Lydio diuersis motibus, aut desiderijs agitantur, ille cœlestis Patriæ contemptui rerum terrenarum coniuncto desiderio; hic consortij carnalis ardore, appetitui rerum caducarum coniuncto; & sic de cæteris iudicandum. ita vnusquisque plus delectatur illa harmonia, quæ naturæ, complexioniq; suæ magis fuerit similis & proportionata, dispositioniq; præsentī magis fuerit consentanea.

Cōsensu & proportio harmoniæ ad spiritus vitales.

Causæ Numeri consoni, & dissoni inquisitio.

Cur aliqui numeri sunt sonori, alij non.


Quid consonantia & dissonantia.

Porro quomodo Musica modulis suis animi commoueat; affectus, ex præcedentibus dictis facile cognoscitur. nunc solum explicandum restat, quomodo aliqui soni consoni sint, aliqui non, & cur consoni solum moueant ad affectus, dissoni non item. quod vt intelligatur, sciendum est, quod sicut consonantia est dissimilium inter se vocum aut sonorum in vnam redacta proportio; vel soni acuti, grauisq; mixtura suauiter, vniuniformiterq; auribus accidens; ita dissonantia sonorum acuti grauisq; mixtorum ad aurem veniens aspera, iniucundaq; percussio est.

Cur igitur delectatio ex duorum tonorum differentium auditione percipiatur, causa est quod tremores ex vibratione

chor

chordæ resultantes, sepe vniantur, & in vnum concordēt, qua vnione, & concordia spiritus similiter excitatus vim imaginatiuam ad delectationem instimulat; ad displicentiam vero, si tremores dicti, aut prorsus non, aut raro se vnierint; vnio autem ea, quæ sequitur ratione fit. Sit chorda quædam maior hypate, nete vero, siue octaua G minor, subdupla chordæ maioris: Sit autē chordæ hypates spaciū BC, quo vibrata chorda currit, & recurrit: netes verò spaciū FG prioris subduplū,




habebique se, vt chorda ad chordam, sic spaciū ad spaciū. Ponamus ergo has chordas simul vno, & eodem tempore incitari in B & F; curret igitur vtraq; chorda ex B & F, illa quidem in S, hæc in G. At minor in G perueniens ibi, veluti terminum motionis suæ consecuta, ex percussione aëris sonum causabit, chorda BC in S (vtpotē a termino C tantum adhuc remota, quantum ex B in S confecit) silente; mox tamen vbi in C peruenerit, ibi ex aëris percussione resonabit; Sed minor chorda interim ex G in F æquali tempore, & spatio cum chorda BC ex S in C currente remeans, eodem quoque tempore in F altero cursus sui termino resonabit, dum chorda BC in C termino resonat; fiet igitur hic prima sonorum vtriusque chordæ vnio, quæ toties cōtinget, quoties chorda tremebunda BC aërem ferierit: cum, præterea chorda minor bis suum spaciū percurrat, dū chorda maior spaciū BC semel; necessariò duplo quoque celerius aërem feriet chorda minor, quam maior; & consequenter acutius sonabit, frequentique vibrationum vnione ob motum velocissimum per vnus soni modum continuata, vti organum auditorium, ita & spiritus vitales suauiter afficiens, eam de qua diximus, delectationem (qui primus harmoniæ gradus est) in anima efficiet. Vnde in chordis æqualiter extensis, cum percussio aëris in vtraque chorda æquali tempore, ac spatio contingat, vnisonus causabitur, qui ita se habet ad harmoniam, vt vnitas ad numerum, siue punctum ad lineam; Vnde & harmonicus propriè dici non potest, sed & diapason

Diapason quomodo dupla proportionis consistit.

352 LIB. III. MVNDI SIVE CATENÆ MAGN. PARS VIII.

omnium consonantiarum suauissima est, quia vnio sonorum grauis, & acuti perfectè mistorum frequentius, quam in vllis alijs consonantijs contingit, cum vnum solum minor chorda sonum habeat, qui non vniatur maiori chordæ. Reliquæ verò consonantiæ plures, sonos habent, qui non vniuntur, & consequenter rarius, & rarius, prout à consonantia diapason magis magisque recenterint, cum hypate consonant; sed hæc in diapentes, & diatessaron consonantijs clariora fient. Sit igitur


Diapente.



chorda quædam maior A D spaciū vero quod incitata percurrit A B E D; altera autem chorda minor EFG

ad priorem se habeat, vt duo ad tria, quæ est proportio diapentes. moueatur vtraque eodem momento (loquimur enim non de chorda currente ex vno loco in alium, sed de sono qui in chorda intentionaliter promouetur de hoc in illud extremum; in quibus nostro concipiendi modo aërem feriens, sonum causatur, quod bene tu notes velim) curret ergo vtraque, maior quidem ex A versus D, & minor ex E in G; mox igitur, dum minor venerit in G resonabit, & recurrens cum venerit in F, maior in D resonare incipiet; nulla igitur horum sonorum hic continget vnio, cum sonus chordæ maioris in D tardius contingat, quam sonus chordæ minoris in G; neque vnio sonorum fiet in E E, cum motus chordæ maioris in E terminum motionis suæ necdum sit consecutus; Cum igitur chordæ maioris motus ex E in A tantum adhuc spatium conficere debeat, quantum chordæ minoris ex E in G, in A & G motus vtriusque chordæ terminis, soni primum vniuntur. Vides igitur, quod sicut se habet vibratio chordarum, ita soni ad sonos; cum igitur vibratio minoris chordæ ad vibrationem, siue cursum recursumq; maioris chordæ se habeat, vt 3 ad 2, ita & soni minoris chordæ ad maiorem; semper igitur minor duobus sonis omissis, qui non vniuntur, sonum ex tertia vibratione resultantem, chordæ maiori coniunget. Vnde vnio sonorum grauis, & acuti in diapente tardius

dius,quam in diapason contingit, & consequenter à prioris suauitate paulatim recedit. Item sit chordæ maioris spatium



A per quod incitata currat, AVXBC; Minoris DFE spatium, habeatq; se chorda ad chordam, & spatium ad spatium, vt 3 ad 4, videlicet in proportionem sesquitercia, in qua consistit proportio diateffaron. Mota ergo vtrique chorda è terminis A & D, versus C & E, certum est, quod minoris motus, vbi venerit in E, percussus primò resonabit, & vbi recurrerit ex E in F, tunc primum incipiet sonare in C chordæ maioris motus; vbi igitur minor in D veniens secundo resonabit, maioris ex C reuersæ motio X puncto imminebit, & vbi minor venerit in F, maior tenebit A, vbi & terminum consecuta secundo percussa sonabit; minor autem ex F in E promota ibi tertio resonabit, interim chorda maior mota in V; nulla igitur adhuc sonorum unio facta est, quam tum primum acquirant, cum maioris chordæ motus ex V in C peruenerit, & minor ex E in D. cum enim æquali tempore, & spatio terminos motionis assequantur, videlicet maior in C, & minor in D: ibi primum unio continget, ita vt minor chorda semper in hac consonantia tribus tonis omissis, qui non uniantur sonis chordæ maioris, sonum ex quarta vibratione resultantem tandem uniat. Idem de cæteris consonantijs iudicium est, quæ semper erunt imperfectiores, quanto à simplicissima diapason magis recesserint, & quanto rarius sonos unierint; vt fit in ditono, semiditono, hexachordo, tono, & hisce similibus. Ita ditonus semper quatuor omissis sonis, qui non miscentur, quantum tantum uniat; semiditonus vero quinque infociabiles sonos omittens, ex sexta vibratione chordæ resultantem sonum maiori chordæ tantum adiungit.

Quod si itaque motus tardi, & veloces simul fuerint proportionati, & facile inter se misceantur, oriatur consonantia; Si verò fuerint improporionati, & nullam mixturam, seu co-

tio-

tionem admittant, nascetur dissonantia; Tantò autem faciliùs miscebuntur, quanto fuerint similiores & fonti siue vnitati, aut vnisono propinquiore. Hinc consonantia diapason omnium consonantiarum perfectissima est, quia proportionem primam perfectissimam & simplicissimam vnitatem tantum à monade distāte perficitur; qualis est dupla, habetque se vt vnum ad duo; huic proxima in perfectione est proportio superparticularis, seu sesquialtera diapente, habetque se vt 2 ad 3; quam sequitur immediate proportio sesquitercia, habetque se, vt 3 ad 4, quæ conuenit consonantiæ *διζωνάειον*; quæ in harmonica toni dispositione perfecta est, in arithmetica vero dispositione imperfecta censetur & dissona, vnde secundum quid perfecta tantum est & consona. Accedit quod hæ proportionem sesquialtera & sesquitercia consonæ sint, eo quod ex ijs coniunctis diapason constituatur, omnium autem consonantissimam, constituere non possent, si consonæ non essent; atque ex tribus consonantijs tota Musica constat, neque tota musica est aliud, quam harmonia ex his tribus consonantijs constans, nec vlla symphonia sine his tribus possibilis est. In quatuor igitur numeris sequentibus 1, 2, 3, 4, denarium constituentibus tota perfecta; consonantiarum siue simplicium, siue compositarum ratio cōsistit, ab hac autem vsque ad senarium numerum consonantiæ à perfectione sua decedunt, quales sunt Ditonus, Semiditonus, Hexachordon maius, siue sexta maior, quarum prior in sesquiquarta proportionem consistens, se habet vt 4 ad 5, altera in sequiquinta se habet vt 5 ad 6, Tertia in proportionem suberbiante tertias se habet vt 3 ad 5, vocanturque consonantiæ imperfectæ, quibus vna cum perfectis totus consonantiarum circulus completur. Vides igitur quomodo ab vnitatem profluentes consonantiæ in senario totius perfectionis suæ circuitum, ita vt alia præter dictas consonantia assignari nequeat, absoluant; Qui hæc penitus penetrauerit, luculenter videbit quomodo DEVS, Optimus Maximus fons omnis harmoniæ sit, & quomodo mundus ab ipso profluxerit, quod opus *ἐξ ἀμείνων* ab ipso constitutum sit. Sed hæc melius in sequenti schemate contemplare.

Consonantiae simplices.

Unifonus se habet vt 1 ad 1	Diapson dupla se habet vt 1 ad 2	Diapente sesquialtera vt 2 ad 3	Diaesseron sesquitercia, vt 3 ad 4
-----------------------------	----------------------------------	---------------------------------	------------------------------------

Octaua. Quinta. Quarta.

Ditonus sesquiquarta, vt 4 ad 5	semiditonus sesquiquinta. vt 5 ad 6	Hoxachordū mai ⁹ suberbi partiēs tertias vt 3 ad 5	Tonus sesquioctana ad 8 ad 9
---------------------------------	-------------------------------------	---	------------------------------

Tertia maior. Tertia maior. Sexta maior. Tonus.

Compositae.

Disdiapason quadrupla vt 1 ad 4	Diapson cū diapente tripla vt 1 ad 3	Diapson cum diatessaron	Diapl. cū ditono suptripar. tiēs vt 2 ad 5	Disdiapason cū diap. sextupla vt 1 ad 6	Disdiap. cū ditono quinup. vt 1 ad 5
---------------------------------	--------------------------------------	-------------------------	--	---	--------------------------------------

Decimaquin. Duodecima Undecima Decima Decimanona Decima sept

Hæ igitur consonantiæ pro diuersa in scala musicali dispositione, diuersam quoque tonorum, semitoniorum, diesium, ptomatumq; constitutionem causantur, ex quorum varia combinatione, pro varia hominum complexione spiritus quoque variè afficitur; Vnde & varij, vt paulò ante dictum est, affectus, atque impetus animi resultant: siquidem spiritus noster ad concitati aëris rationem mouetur, non aliter ac chorda tactu alteram intactam concitat, vnde si spiritus nostri chordæ forent, ij à modulis concitati harmoniam perfectè exprimerent, quod sequentibus experimentis manifestum facio:


Experimentum I.

Sympathica
chordarum mo-
tio.

SVper tabulam solidam, leuem & concauam, nouem nerui extendantur eo ordine, qui in sequenti Schemate comparet. Primo duo nerui FF sint & quantitate & qualitate, seù intensiōe æquales, hoc est vnisona intensiōe resonent; reliqui tonatim iuxta Schema subiectum disponantur. Harum igitur primam chordam, F si plectro incitaueris, illa omnes chordas sibi *isotōnas*, siue æquitenfas quantumuis intactas resonare faciet, hac tamen differentiā, vt ea chorda, quæ vnisono fuerit vicinior plus resonet, & sensibilius moueri videatur; Primo itaque chordæ F vnisonantis intactæ motus sonusque maximè sentietur ad sonum primæ: octauam quoque ff incitabit sonareque faciet, sed paulò debilius quam priorem, vtpote ab vnisono aliquantulum recedentem; quintam quoque incitabit, sed vix sensibiliter, ab vnisono plus æquo recedentem; si enim plumam ipsi imposueris, aliquem chordæ tremorem licet tenuem senties; quod vix à quoquam notatum reperi, cum plerique hypathen vnisonam tantum, & netem ad aliam intactam moueri existimauerint; sed experientia longa contrarium me docuit. omnes enim chordæ ad hypaten consonæ mouentur, sed vt dixi tantò efficacius, quanto fonti suo fuerint viciniore. Dissonæ vero solæ amica concitatione moueri nesciæ, in sua pertinacia persistent.

Por-

Nete .



Hypate.

Porro non chordæ tantum chordas similiter extensas incitant, sed & fistulæ & tubæ chordas simili tono gaudentes sonare faciunt. cuius rei veritas, vt plenius demonstretur, memorabo hoc loco id, quod Moguntia olim mihi contigit, dum enim in odæo quodam à templo separato solemnioris sacri tempore certis negotijs distinerer, ecce chelyn maiorem (quam è cantoribus quidam prius ad organum templi exactè concinnatam sine chordarum laxatione parieti odæi appensam abiturus reliquerat) intactam, & nemine præsentem, nescio quo occulto motu, per interualla subinde resonare sentio; rei igitur nouitate attonitus, propius accedo sonum huiusmodi prodigiosum penitus examinaturus. quod dum facio, hic comperio quod simul ac Organædus fistulas chordis dictæ chelys exactè vndequeque correspondentes incitabat, ipsæ chordæ non secus eo tono incitarentur, ac si plethro fuissent concitatæ, quam harmonicam sympathiam pluribus postea non sine ingenti admiratione exhibui. Hancq; phonurgiam & alijs postmodum in locis exhibere attentavi, sed dispositionem loci similem memoratæ, casu potius quam arte inuentæ, reperire non licuit; nam in huiusmodi harmonico prodigio primo perfectam fistularum cum chordis adaptationem, exactam quoque distantiam fistularum à fidibus cum certa loci, murorumq; sonum propagantium dispositione necessariò requiri, notaui. Sed de huius constructione, cum non huius loci sit, alibi forsan vberius, Deo volente, loque-

Organorum fistu-
læ, chordas quo-
que sibi propor-
tionaliter exten-
sas mouent.

858 LIB. III. MVNDI SIVE CATENÆ MAGN. PARS VIII.

quemur. Nunc solummodo huius prodigiosi effectus causa restat inquirenda; quod dum facio

Nota primo. In huiusmodi sono tria considerari posse: Primò corpus quod sonando mouet, & corpus quod ab alio mouetur ad sonum. Secundò, proportionem quandam, aut similitudinem inter corpora sonora. Tertiò, medium aptum qualis est aër.

Quomodo chorda chordam intactam moueat.

Nota secundo. Sonum non per medium aërem solum propagari, sed ubique in medio corpus aptum suæ conseruationi reperit, in eo vires suas exercere: aër enim, qui ex sono dissipatus est, ex se & sua natura quærit vnionem; motus verò, siue sonus tenorem melius, ac fidelius in corpore propagationi suæ apto & habili seruat; cuiusmodi sunt chordæ extensæ. Hinc infero chordam incitatam, alteram similiter extensam intactam concitare, vel ob maximam similitudinē & proportionem, quam corpus sonans & sonabile ad inuicem habent; cum similitudo & proportio simia quædam similitudinis, totius motionis veluti basis quædam sit & fundamentum. Secundò ob motum aërem; cum enim ad motum soni mouetur aër, eaq; sit soni ad sonum, quæ aëris concitati ad aërem concitatum proportio, vt in præcedentibus ostensum est, fit vt aër à sono incitatus, soni ad hæc, quem deuehit, simulachro imbutus, cum in corpus sonorum simile, proportionatum, & qualitatis, quam deuehit, capax inciderit, eo modo id impetat, quo aër à priori sono fuërat impetitus, vtroque & aëre & sono in corpore maximè sonoro & aërio, ex insita sibi natura vnionem & propagationem quærente. Hinc chorda chordam mouet æqualiter extensam, aut aliud quodlibet corpus, seu instrumentum harmonicum, vt chordam sibi sono similem & correspondentem, eo quod aër æqualiter incitatus in corpus incidat & quantitate & qualitate simile ei, à quo fuit incitatus; vnde id ex se iam dispositum, & ad perfectionem, seu bonum sui anhelans, similiter quoque ambientis aëris vellicatione incitatur, chorda autem octauam resonans, licet intacta tamen ab inferiore cōcitatur ob maximam similitudinem & proportionem, quam ad eam habet; omniū enim opinione, ab inferiore non differt, nisi acuto sono, vnde eadem

eadem censetur, imò virtualiter in inferiori tanquam acutum in graui, Aristotele teste, continetur, nihilq; est quam inferioris vocis repetitio quædam acutior & intensior; vnde naturaliter mulieres cum viris, pueri quoque & eunuchi cum prouectioris ætatis hominibus psallentes, supra viros diapason naturaliter cantant. Campanæ quoque aliaq; instrumenta sonora diapason inferiori veluti mistam resonant; quod nō fieret nisi maxima inter vtramque similitudo intercederet & proportio. Præterea cum ita se habeat aër extrinsecus ad aërem chordæ intrinsecum, vt extensio chordæ ad chordam; chorda autem diapason resonans, sit in proportionem sudupla, fit vt aër iuxta hanc proportionem quoque moueat & incitet aërem organo auditorio intrinsecum, & innatum inter membrulas contentū. Atque ex dictis patet, quæ ratione ad varios animi affectus musica concitet: vim enim habet mouēdi auditum vel cū delectatione vel cōmiseratione, vel alio simili modo, pro varietate soni & aëris moti, qui cū tali vel tali proportionem mouet auditum; dum enim aër hoc aut illo modo motus, atque ab homine inspiratus eodem modo mouet spiritum, pro sonorum varietate, variæ in animalibus affectiones cōcitantur, vti varijs modis, moto aëre, mouetur spiritus. Cum enim cor spirituum thronus sit, ij tremulū & subsultantem aërem recipiunt in pectus, atque cum affini suo vnum sonant, hos sequuntur spiritus reliqui cæteris in corporis partibus positi, mouentq; musculos aut cohibent, prout numerorū lex, vel crebrescit incitationibus, vel tenore composito quiescit, aut lentitudine quietem imitatur, non secus ac in fidibus paulò ante memoratis, tacta chorda quapiam, altera æqualiter tensa contremiscit. Nā qui in corde sunt spiritus ad exterioris soni motū excitantur tantò facilius, quam chordæ; quanto maior vnio est: hinc multa cura reuifescit depressus ac marcidus animus, facta exterioris subeuntis aëris accessione, elatus verò cohibetur, aut etiā detrahitur de suggesto illo cōtraria ratione; hinc causa quoq; patet, cur pleriq; aliud agentes canentibus occinant; cur vno clamante omnes clamandi libido incessat; & in prælio aut concione vno vociferante aut cōplorante, illico tota acies, aut concio vociferetur, aut ingemi-

Cur pueri & adulti simul canentes oēs aures distent?


scat. Verum hanc spiritus nostri ab extrinseco sono concitationem egregio experimento ostendendam duxi.

Experimentum.

Accipiantur quinque scyphi vitrei omnes eiusdem magnitudinis & capacitatis, quos eo ordine collocabis, qui hic in subiecto schemate exprimitur; repleatur autem A scyphus aqua vitæ, scyphus B vino meliori, D aqua subtili, C aqua crassa, vt marina, aut oleo; medius verò aqua communi; quo facto extremo digiti madefacto, oram scyphi E eousque rades, donec tinnitum, quem in experimentis paulò supra excitare docuimus, perceperis; hic enim acutissimus sonus non sine admiratione omnes reliquos humores concitabit, & tanto quidem vehementius, quanto vnus humor altero fuerit subtilior. hinc aqua vitæ in scypho A, quæ igneam naturam refert, seu cholericam, præ cæteris maximè subsultat; vinum verò in vase B complexionem sanguineam, seu aëriam referens moderatam subibit concitationem; aqua verò in scypho D phlegmaticam constitutionem exhibens, præ cæteris tardam & obtusam commotionem causabit; aqua verò crassa scypho E contenta ob terream complexionem suam, vix motionis erit capax. Non secus musicam animi nostri affectus concitare iudicandum est. Si igitur spiritus noster subtilis fuerit & calidus, musica superbos, insolentes, & iracundos motus concitabit: si subtilior fuerit & moderatæ qualitatis ad amores, gaudia, lætitiæ, & venereos affectus incitabit; si constipatiior fuerit, ad lachrymas, religionem, continentiam, aliosq; patheticos affectus mouebit; si denique crassus fuerit, vt in hominibus mœrore compressis, omnis commotionis incapax erit, atque ideò rectè musica in luctu importuna narratio est. Ex hoc experimento quoque patet, qui vnus sonus diuersos in hominibus diuersæ complexionis, effectus sortiatur; aliter enim cholericus, aliter sanguineus, aliter denique phlegmaticus commouetur, quæ omnia adeò clarè in hoc vnico experimento elucescunt, vt rationem concitatiuam musicæ penè apodicticè demonstrent, quæ

ἡ ἀδελφὴ μου
Musicum.

quæ & in chordis æqualibus, sed ex diuersis animalium intestinis aut metallis confectis constant, sicuti enim est grauitas metalli ad metallum, ita chorda ad chordam, & sonus ad sonum.



Confectarium I.

EX dictis patet falsum omninò esse & fabulosum quod de musicæ sympathia ex Pythagora, Theophrasto, Hermentia Thebano, alijsq; deducere conatur Io. Bapt. Porta. videlicet cytharam lupinis fidibus instructam, incitatamq; oues attonitas reddere, & timore semianimes; pellibus quoque elephantinis, camelinis, aut lupinis tympanorum confectorum sonitu equos fugari. Testudines quoque viperinis aut serpentinis fidibus instructas audiētes, prægnantes, abortū facere; neque enim sonus propriè sympathicus est, aut recitatorum effectuum causa; sed aër harmoniosus spiritum, pro varia numerorum lege concitans. Parum igitur refert vtrum fistula, qua pastor oues demulcet, ex sambuci sit ligno, an ex tibijs lupinis; vtriusque enim fistulæ sonitu capientur. Pari ratione necessarium non erat Hermentiam Thebanum ad coxendicum dolores fugandos, populeo instrumento vti; aut Thyrsis concavis Hellebori ad sanandos lymphaticos Xenocraten; poterant enim id instrumentis ex quauis materia apta constructis præstare: cum musica nulla alia qualitate morbos curet, nisi ea, quæ spiritus crassos discutit & laxat, laxatos subtiliat, veteriosis & melancholicis fumis dissolutis prægrauatum animum subleuat; sublatis denique morborum causis sanitatem restituit; ridendi quoque sunt, qui peste affectis mederi volunt cytharæ, ex vitigineo aut laurino ligno constructæ sono, eo quod vinum & acetum & laurus pestifera prohibeant; stolidè quoque ex thyrsos Satyrii fistula con-

Verum in sono aliqua vis sympathica sit, quæ morbos fugat.

structa venerem excitari, ad castitatem verò eadem ex ligno Agni casti constructa opinantur; cum vtraque, si lasciuos modulos insonueris ad impudicitiam, vtraque etiam ad pudicitiam, si castis & temperatis modulis vltus fueris, excitet. Tempus me deficeret, si nugas innumeras, quas plebei quidam philosophastri, iners & ignarum genus hominum, circa huiusmodi nullo discursu, nullo discrimine quotidie excogitant, alijsq; imperitis pro maximis secretis venditant, recensere vellem.

Falsa est experientia sympathie inter ouem & lupum.

Ego certè omnia quæ de sympathicis huiusmodi motibus inter lupum & oues, authores plerique dicunt, falsa omninò comperi: oui ex pelle lupina collare indidi, fides lupinas incitavi; caput lupinum caulæ imposui: sed eos terrores phantasticos nunquam, quibus oues ex similibus corripere referunt, aduertere potui. Quin lupum cum ouibus non secus, ac catellum confidenter, & sine vllò timore conuersantem vidi. Vnde ab illo tempore nihil vnquam huiusmodi me crediturum proposui, nisi primo relationis factæ me certiore propria redderet experientia. Quam si philosophiæ operam dantes facerent, non dubito quin de abditis rerum causis paulò verius, subtilius, & solidius impofterum essent disceptaturi.

Confectarium II.

Verù sonitu Cytharæ, Dauid ex naturaliter dæmon à Saul fuerit pulsus.

EX dictis quoque patet quomodo Saul maligno spiritu inuasus modulante Dauide sibi mox fuerit restitutus; cum enim Saul ex inuidia & tristitia multo humore melancholico, quæ propria & aptissima dæmoniorum sedes est, abundaret; fiebat (sicuti in dæmoniacis, phræneticis, energumenis patet) vt modulis Dauidicis huiusmodi spiritus vaporosi disceuterentur, ac prægrauatæ mentis nebula dissolueretur, quæ resoluta malignus quoque dæmon veluti sede propria expulsus euanescebat; ynde mox mentis compositio & tranquillitas. sed hæc fusius forsan alibi explicabimus, quare causam huius effectus prodigiosi, à sacris litteris memorati, obiter tantum hoc loco insinuasse sufficiat.

Con-


Confectarium III.

PAtet denique cur lancea lyram resonantem contingens altero extremo dentibus apprehenso sonitus in ipsis veluti dentibus perstrepere videatur, cum tamen sonitus nec insit dentibus, nec propter dentes sit, sed propter motum aërem, quem os apertum exceptat, lancea enim alteri cuilibet parti faciei applicata eundem causat effectum, deferunt enim longinquæ voces per spiras moti aëris, quæ in cauā lyræ incidentes facillè feruntur introrsum, quo ex loco per circinatas explicationes ita pelluntur, vt secundum lanceæ subeant superficiem. Quærit enim, vt dictum est, vnionem aër, qui dissipatus est, melius verò tenorem seruat, ac fidelius, si lancea striata fuerit, per has enim strias, seu per canales delatus sonus Experimentum. seruatur, & melius propagatur; Ex hoc quoque colligitur, cur in arbore, seu ligno arido, seu trabe ducentorum pedum, aure in vna extremitatum applicata, vel quemuis submississimum strepitum in altera trabis extremitate causatum veluti præsentem percipias.

Ex hac causa quoque colligitur, cur in fornicibus, & rotundis coenaculis in oppositis locis verba quæuis, vel submississima voce prolata percipiantur, cuiusmodi olim Heidelbergæ in Palatio Principis Palatini in coenaculo quodam grandi rotundo, cuius diameter centum fere pedes æquabat, comperisse me memini: est id ea arte edificatum, vt ex vna parte voces quantumuis submissè prolatae in è diametro opposita parte aure muro applicata, non obstante musica & omni instrumentorum genere ibidem personante, ita clarè reddatur, ac si loquens auribus ipsis assistens illas suggereret. Huius rei experimentum quoque Romæ in coronide cupulæ S. Petri cum insigni sanè successu verum comperi: mirum tamen cuiquam videri posset, cur in opposita solum parte, non item in quauis alia viciniore voces prolatae percipiantur; cuius causam vt assignemus.

Nota ea quæ paulò superius de propagatione soni dicta sunt; Cum enim superficies rotunda fuerit, leuis nullaue aspe-

ritatis nota vitiata, sonum melius, & facilius propagari certum; hinc fit, vt prolata verba in vno extremo, species vocis in sphaeram diffusæ, & intra muri superficiem in vtranque partem propagatæ vnitaq; æquali tempore & motu, sonoque in opposita parte conueniant; cum vero soni vtrinque propagati intensiōne sint æquales, & æquales arcus eodem tempore videlicet semicirculos describant, fit vt in opposito loco, vbi secundum semicirculos propagatorum sonorum concursus fit, sonus admodum intendatur; vnde ex huiusmodi intensiōne voces prolatae ita clarè sistuntur auribus, ac si præsentis suggestiōne fuissent delatae; in reliquis vero partibus, verbi gratia, puncto B id minus fit, ob eam rationem, quod arcus per quos species vocum deferuntur vsque ad punctum concursus E sint inæquales, ac proinde species vocis in puncto A prolatae per arcum ABE propagata punctum B nimis citò transeat; species vero eadem soni ex A per arcum ADE propagata, punctum E nimis tarde attingat; hinc euanescentibus speciebus soni, mi-



nor vocis prolatae fit perceptio; vnde in solo puncto E opposito, puncto æqualitatis, & æquali distantia ab A remoto ea vocis prolatae fit perceptio, quæ in nullo altero loco. Qui rationem hoc loco assignatam ex ijs qui Architectonicæ operam dant probè perceperit, is in fabricis illis Echotechnica, seu polypho-

Echotechnia.

na arte ædificandis multa non iucunda minus, quam admiranda *φωνήματα* exhibere nullo penè negotio poterit. Sed de his in Echotechnia fusius. Denique ex his omnibus dictis patet, qua ratione aër concitatus harmonièce alia similiter harmonièce disposita instrumenta incitet; si enim cytharas, tibias, harpas, fistulasque vento exposueris paulò vehementiori, cum summa oblectatione ventum cum impetu ruentē, chordas leuiter perstrictas pulsare, & hiantes calamos suauiter percurrere (vnde ex omnium sonitu vicinis auribus suaue murmur sibilusque illabitur) senties. Atque hæc de musica magnetica, eiusque causis sufficiant.

CAPVT VIII.

*De Tarantismo, siue Tarantula Apulo
Phalangio, eiusque Magnetismo, ac
mira cum Musica sympathia.*

INTER cætera Magnetica naturæ miracula sanè non infimum locum Tarantula, siue Araneus ille Apulus obtinere videtur; cuius venenum tam prodigiosos in ijs, qui eo infecti sunt, effectus, tam inusitata præstat symptomata; vt nisi quis ea proprijs oculis intuitus fuerit, ea vt credat induci vix possit; hinc alij huiusmodi effectus veluti fabulosos ac superstitiosos irrident, alij de ijs multa comminiscuntur adeo absurda & indigna, vt proferri sine risu vix mereantur. Quamobrem operæ pretium me facturum existimaui, si de huius Tarantulæ magnetismo, vi ad salutem motrice, causisque symptomatum adeò prodigiosorum, in iëctis elucescentium opportunè disceptans, aliquid certi posteritati relinquerem; quo verò solidius & securius in materia adeò abstrusa procederem, in hoc vnicum summo studio incubui, vt omnes tum ipsius bestiolæ mordentis, tum symptomatum affectionumque eorum, qui feriuntur, circumstantias singulas, partim per meipsum, partim per alios fidedignos viros inquirerem; in quo quidem industriâ operamque maximè huc vsque desideratam strenuè contulerunt duo eximij eruditissimique Patres, quorum primus Lupiensis in Apulia Collegij Societatis I E S V Rector, P. Paulus Nicollus, alter Tarentini Collegij P. Io. Bapt. Gallibertus; Qui pro suo in Remp. Lit. promouendam affectu singulari, summoque veritatis propagandæ desiderio, nihil intentatum reliquerunt, quo omnia partim ex Medicis ipsismet. iëctorum curam habentibus, partim ex ipsis hoc Tarantismo affectis personis oretenus fideliter ad me perscriberent. Quorum pleraque ex idiomate Italico in Latinum translata hic interserenda duxi.

Varie de Tarantula sententia.

Varietas Tarantularum.

Est igitur Tarantula è genere Phalangiorum siue Aranearum specie multiplex, harum aliæ cinericeæ albis nigrisque maculis, quædam dorso cinericeo rubris aut viridibus distinguuntur maculis; nonnullæ maiores mole fibris nigris excinereo rubroque emicantibus, aut etiam subinde virgulis vndatim per corpus porrectis. quarum figuras è Musæo Francisci Coruini Pharmacopei Romani ad viuū delineatas hic apponendas duxi.

Etymon eius.

Dicitur Tarantula à Ciuitate Tarento, vel à Fluuio Tharæo quod in hoc districtu vtpote calidioribus & planioribus Apuliæ locis, ingens earum quotannis propullulet copia; Non quod alijs quoque in locis eadem non reperiantur; siquidem & in Calabria, Sicilia, quin & in campis Romanis æstiuis mensibus subinde videntur, Apulis prorsus similes, nisi quod veneno illa ad saltandum incitatiuo careant; Quævis propriè Apuliæ Tarantulis, nullis alijs; idque ob peculiarem quandam virtutem terræ isti inditam, naturalemque ad procreanda huiusmodi animalia dispositionem, conuenit. Infestantur autem horum puncturis præ alijs Rustici, Hortulani, Messores, Pastores alijque, qui necessitate coacti sub dio, & in campestribus locis mensibus maxime calidis, & siccis, vt Iunio, Iulio, Augusto ocreis, aut manicis, non muniti dormire coguntur. Mordet dentibus, non aculeo vt apes, etsi ictus non nisi punctura apis esse videatur; morfu inditum venenum diffunditur per totum corpus icti, vsque ad cor spirituum sedem: Vnde postmodum effectus affectusque nascuntur, de quibus paulo post dicetur, prorsus exotici; siquidem alij perpetuò currunt, alij rident, plorant alij, alij clamitant, alij dormiunt, alijs vigilijs afficiuntur, plerique vomitionibus laborant, nonnulli saltant, sunt qui sudant, alij tremebundi fiunt, quidam paucioribus infestantur, & alij alia patiuntur incōmoda, suntque phræneticis, lymphaticis, & maniacis similes; quæ quidem symptomata tam varia, ac diuersa non aliunde prouenire dicendum est, quam ex vario horum animalium veneno, aut ex diuersorum hominum temperamento.

Quæ maxime ea tenentur.

Eff. Quæ var.

Morsu itaque transfundit venenum per corpus icti, qui in principio quidem adeo parum sentitur, vt simplex muscæ morsus

morsus videri possit; sed post anni reuolutionem peractam, calore solis, & temporis qualitate, ad sonos & musicorum instrumentorum harmoniam proportionatam suscitatum venenum, patientes viros etiam, & matronas honestissimas in saltus cogit ita violentos, vt sepe postposito omni decore, ruptisq; omnis modestiæ vinculis, scurras, ardeliones, lymphatos, phylomaniacos, dæmoniacosque referre videantur. Porro bimestri spatio antequam venenosa qualitas funestos hosce saltus parturiat, in patiente diuersos morbos producit, vt deiectione appetitus totalem, febres ardentes, artuum dolores, *αἰσθησις*, *καὶ κινήσις* totius corporis; pessimum colorem, qualis Ictericorum est; vnde Medici pro mali symptomatumque conditione remedia proportionata præter Theriacam, Oruietanum, Mithridaticum, Bezoarticum puluerē, alia quoq; antidota applicare solent; etsi vix vnquam cura huiusmodi successum aliquem habuisse compertum sit, nisi sonus qualitati veneni proportionatus, qui per admirabilem quendam consensum patientem, velit nolit, vsque ad sudorem, & defatigationem virium, membrorumque omnium laxationem, saltare cogit, accesserit. Hoc enim efficitur, vt viribus nimio motu fatiscentibus terræ illisus viuum exanimis hominis simulacrum intuentibus præbeat. donec post pauxillum temporis vino aliquantisper refocillatus, resumptis restauratisq; veluti viribus, maiori nisu saltus eosdem singulis diebus vsque ad tertiam, quartam, imò sextam, octauam defatigationem per triduum, aut quatrimum, resummat, repetatque; hinc fit, vt hac agitatione vehementi, totiusque corporis maxima conuulsione sanguis incalascet, pori aperiantur, venenum vna cum sudore aliqua ex parte dispellatur; cum enim venenum intimis fibris radicum non ita facile dispelli possit vnus anni saltu; quotannis saltus repetendus est, donec tandem tota vis veneni expurgetur; etsi non dubitem vna saltatione multo tempore continuata, ægrum omni veneno purgari posse; si patiens tanto labori ferendo par esset.

Remedia applicari solita.

De varijs Tarantismo affectorum gestibus.

Afficiuntur va-
rijs coloribus.

Compertum est à citatis Patribus, præter Musicæ vene-
no certo proportionatæ sympathiam auribus insitam;
aliam in ictis non minus prodigiosam elucescere, quam ad co-
lores diuersos veneno proportionatos habent, oculos mirum
in modum afficientem; alij enim viridem, flauum alij, non-
nulli rubrum colorem depereunt; mox enim ac obiectum
coloratum ipsis gratum occurrerit, ita vehementi eius deside-
rio accenduntur, vt veluti leones famelici, frequenti mor-
ficatione id vellicent, stringant; deinde ad blandimenta
deuoluti, non secus ac amoris infania laborantes, hian-
te ore, expansis brachijs, oculis lachrymantibus, fre-
quentibus ex imò pectore haustis suspirijs, in teneros &
amorosos amplexus panni colorati irruentes, ardentissimè
vñionem, & vt ita loquar, identificationem cum eo affectare
videntur: quæ omnia confirmantur exemplo personæ reli-
giosæ è Sacro Capuccinorum ordine hoc malo affectæ, quod
in ipsa Tarentina Vrbe, in præsentia Eminentissimi Cardi-
nalis Caietani, dictæ Ciuitatis Archiepiscopi contigit; desi-
derabat hic vnicè videre exoticos & prorsus extrauagan-
tes huius Religiosi in saltando, de quibus multum inau-
dierat, paroxysmos. De hora igitur (qualis plerumque
esse solet meridiana aut alia calidior diei) certior red-
ditus, in propria persona in dictorum Patrum Coenobium;
vbi loco remoto sono & saltu patiens curari consueuerat
se contulit; & ecce vix purpureus Antistes comparuit, cum
ecce saltator relicta chorea, in aliam quasi speciem transfor-
matus, ita ridiculis gestibus, adeò insolitis corporis motibus
in amicam rapitur purpuram, vt donec ea potiretur, vix con-
tineri posse videretur; nam eam oculis fixis, & quasi minutis-
simū quiddam inquirētibus intuēs hærebat attonitus, tū ore
aperto anxie ei inhiabat, modo naribus admotis eius veluti
odore recreabatur, & cū accedere vicinius nō permetteretur,
quasi

quasi animo deficiens, nullam desiderij sui quietem captare videbatur; ex vna enim parte reuerentia inhibitus, in eam irruere non poterat, ex altera excessiuis istis, quibus rei potiundæ tenebatur angoribus, in manifestam rapiebatur lipothymiam. Quos motus cum Cardinalis vidisset, vt rei tam exoticæ euidentius sumeret experimentum, non enim vlla ratione, quæ de eo referebantur prius sibi persuadere possidebatur, vtrò epomidem, qua induebatur, purpuream porrexit, vt patiens ea obtenta, à tot exoticis motibus desineret, quod factum est. Nam illa potitus, intimè ei abblandiebatur, nunc genis, nunc fronti & pectori applicatam omnibus modis incorporari sibi velle ostendebat; modo choreas cum ea affectare, similesq; prorsus gestus, ac symptomata, quæ *φιδονία* laborantes referre legimus, exprimebat. Quæ omnia ea fide, quam oculati testes fecerunt, hic describere volui.

Secundò. Alij Musica incitati in saltus prorumpūt gladio euaginato, vel altera armatura fulgida & corusca (quo fulgore vehementer afficiuntur) gestientes; variaq; corporis agitatione, & ridicula prorsus gesticulatione, nunc eam dextera, nunc sinistra, nunc ore excipiunt: nunc in altum gladiatorum more proiectam dexterè recipiunt, nunc in terram proijcientes, pugilum more veluti duellum inituri adeò peritè tractant, vt in palæstris publicis instructi, omnes artis regulas obseruare videantur; modo verbis quibusdam obmurmurantes, eam veluti incantare, nunc prono, nunc supino corpore super eam sese distendere solent, & extensi sic aliquantisper, veluti nouo Enthusiasmo excitati, ad nouos conflictus, saltusq; hinc inde lymphaticorum more debacchantes, accingere solent.

Tertiò. Alij, quæ res maxima admiratione digna est, nunquam quiescere solent, nisi vitreum vas plenum aqua manu circumferant, cum quo eosdem gestus, quos gladiatores fecisse diximus, peragunt. Quidam ardenter videre desiderant in medio loco saltui deputato, conchas aqua plenas, circumdatas viridibus herbis potissimum arundinum folijs, quibus vti & aqua maximè delectantur, intra quam brachijs

Varij gestus Tantiſmo affectuorum.

Aqua gaudent.

chijs & manibus, quin & capite toto non secus ac mergi, & anates concussione alarum aquā veluti ventilantes, sese identidem submergere solēt. Nonnullos quoque non sine risu videas milites in duello conflictantes, quosdam temulentorum vario iactantium personas induere; alios Hispanicis verbis ad pompam & grauitatem affectatis, nescio quem ducem & gubernatorem agere; visi sunt quidam, qui ex arboribus, curribus penduli hæreant, eaq; pendicatione multum afficiantur, hoc affectu laborant potissimum ij, qui à Tarantulis fila ex arboribus ducentibus feriuntur. Multi denique postquam aliquamdiu saltarunt, sedentes manibus tam fortiter collidūt genua, vt aliquam grauem passionem calamitatemq; suspirijs & voce miserabili egerere velle videantur. Alij etiam per terram extensi, tali impetu & vehementia manibus, pedibusque terram concutiunt, vt epilepticis ac lunaticis non multum sint absimiles.

Ridiculus gestus.

Dissonantia magnum dolorem ipsis adfert.

Verumtamen omnes huiusmodi affectus & symptomata, excitantur, componuntur & dissoluuntur, ad numerum & concentum soni, cantusque, quem tali passione animi & corporis excipiunt icti, vt subinde auribus instrumēto applicatis veluti dulcedine quadā absorpti, attoniti hæreant: nunc pleni iubilo recedentes cū violentia quadā choreas repetāt, inusitata quadā gesticulatione lætitiā, maximamque, quam ex amica harmonia percipiunt voluptatē testificantes; quod si verò inter saltandum, aut discordantia, venenove incongrua harmonia, siue ex errore, siue studio cytharædorum intercurrerit, varia capitis, colli, oculorumq; torsione, totiusq; corporis inusitata iactatione, quasi intolerandum quiddam & maximè violentum sustinentes, quantum isto inconcinno musicæ supplicio torqueantur, quantum damni, dolorisq; inde percipiant, luculenter demonstrant.

*De Musica & Harmonia, instrumentisque
Tarantismo affectis præludi solitis.*

Porro etsi variorum modulorum, cantionumq; pro diuersitate veneni diuersus in hac iucunda miseria sit vsus, plerum-

rumque tamen vno in tono conueniunt omnes, eo videlicet, (quem L'aria Turchesca vocant,) estq; is ordinarius, magisque, in vsu. Metra verò harmoniarum cantari solitarum sunt communia rusticis istarum partium, non arte, sed sæpè casu, aut è re nata extemporaneo quodam Enthusiasmo inter cantandum, sonandumq; à cantatore aut cantatrice passioni & affectui saltantis appropriata, composita; cuiusmodi sunt verba sequentia Apulo idiomate; quibus compassionem quam erga agrum habent, exprimere iocosè solent:

Non fù Taranta, nè fù la Tarantella,

Mà fù lo vino della garratella.

Doue te moziò dill'amata doue fù,

Ohime si fusse gamma, ohime mamma, ohime.

hoc est, Non fuit Taranta, neque Tarantula,

Sed fuit vinum quod in lagenula.

Vbi te momordit, dic Amata vbi fuit,

Heu si fuisset crus, heu mater, heu.

Et cætera. Alij quoque his verbis vtuntur.

Dou ti mussicau la Tarantella?

Sotto la Pudia della vanella.

hoc est, Vbi te momordit Tarantula?

Sub vestimenti fimbria.

Quæ identidè repetunt. Iterū ijs, qui viridi colore afficiuntur, verbis iucundis, hortos floridos, campos, sylvasq; amœnas respicientibus præcinunt; ijs verò, qui rubris, aut armorum fulgore afficiuntur, modulationes martiales, iambicos, bacchicos, & dithyrambos variè diuisos; ijs verò qui aquis gaudet, cantiones amorosas, flumina, fontes, catarractas respicientes; atque hisce & similibus non passio duntaxat Tarantismo affectorum; sed & melancholiæ, amoris, iræ, vindictæq; affectus mirum est, quam sedetur. Verum ne quicquam in hac arte nostra magnetica curiosarum rerum omisisse videamur, istiusmodi antidotariæ Musicæ speciem à duobus eximijs musicis Tarétino & Lupiensi choro præfectis in suas voces vna cum saltibus, & singularum vocum diminutionibus, prout instrumentis concini solent, digestam, compositamq; hoc loco repræsentare visum est.

Clau-

Clausulæ Harmonicæ, quas Cytharædi & Aulædi, in cura eorum, qui à Tarantula intoxicati sunt, adhibere solent.




Primus modus Tarantella.




Si replica più volte.



Secundus modus.



Si replica più volte.



Tertius


Tertius modus.




Si replica più volte.



Præter hæc clausulas, alias adhibere solent inter quas maximè celebris est Rhythmus ille Siculus, dictus, Ottava Siciliana; quam & identidem repetere solent; cui infra scriptos, Sicularum dialecto compositos versus accomodant, miramque dicitur habere vim concitandi Tarantatos. Clausulam harmonicam notulis suis expressam apponimus.



Tu pettu è fattu Cimbalu d'Amuri



Ottava Siciliana. Tono frigio.

S Tu pettu è fattu Cimbalu d'Amuri:
 Tasti li sensi mobili, & accorti:
 Cordi li chianti, sospiri, e dulari:
 Rosa è lu Cori miu feritu à morti:
 Strali è lu ferru, chiai sò li miei arduri:
 Marteddu è lu pensieri, e la mia forti
 Mastra è la Donna mia, ch'à tutti l'huri
 Cantando canta leta la mia morti.

Inter-

Interpretatio .

Hoc pectus factum Cymbalum Amoris;
 Marculi sunt sensus mobiles sagacesque:
 Chordæ sunt planctus suspiria, & dolores:
 Rosa (sc: clauicymbali) est cor meum ad mortem vulneratum
 Spicula est ferrum, clauæ sunt mei ardores:
 Malleolus est cogitatio, & mea fors:
 Choragæ est mea Amata, quæ omni hora
 Cantando cantat, læta meam mortem,


*Super huiusmodi versus cantantur alij Rhythmi similes; &
 ut plurimum solent singulis alternis versibus,
 hos sequentes interijcere .*

Allu Mari mi portati,
 Se voleti che mi sanati .
 Allu mari, alla via:
 Così m'ama la Donna mia.
 Allu mari, allu mari;
 Mentre campo, t'aggio amari.

Hoc est.

Ad Mare me portetis.
 Si vultis ut me sanetis.
 Ad Mare festinetis:
 Sic me amat Amata mea
 Ad Mare, ad Mare;
 Dum viuam debeo te amare .


Tarenti verò certis quibusdam modulis vtuntur, quam Tarantellam idè vocant, quod Tarantismo affectis maximè arideat, cui conuenit ferè illa, quam in figura hic adiuncta æri incisam impressam vides .

Tarentella.





Si replica più volte.

Ritornello.





Aliam melodiam hic Neapoli mihi transmissam adiungo, quam veram Tarantellam dicunt, ego tamen re benè examinata, præcedentes modulos ob Semitonia frequenter intercurrentia, vti etiam diminutiones notularum, & tonum phrygium cōmodiorem iudico $\pi\epsilon\iota\alpha\zeta\omicron\mu\alpha\gamma\eta\eta\sigma\mu\tilde{\omega}$, adiungam tamem eam hoc loco, ne quicquam earum rerum, quæ in hoc libro desiderari possunt, obmittere videamur.

Tono hypodorio

K k k



Alia clausula.



Atque

Atque hæ sunt clausulæ harmonicæ, quas vt plurimum in curandis Tarantismo affectis adhibere solere per homines gnaros, & istarum partium Musicos peritos comperi; in quibus quidem videre est, omnes huiusmodi clausulas toni phrygij esse, aut hypodorij, phrygio multum affinis; cur autem hoc phrygio tono tantopere afficiantur, ego ob hemitoniorum, dicto tono occurrentium frequentiam fieri putem, quæ sicuti maximam in affectibus concitandis vim obtinent, ita & in Tarantismo affectis ad saltus cõcitandis multum possunt. Sed de his in sequentibus fusius.

De Instrumentis Musicis adhiberi solitis.

Instrumenta verò Musica pro veneni diuersitate diuersa sunt; aliqui enim afficiuntur tympano quodam, vulgo (furdastro) plectris ligneis vtraque parte pulsari solito, cui consonare faciunt, vt plurimum fistulam pastoriciam, vulgo (la Zampogna rustica de' pastori) sonus autem multum à Turcico illo superius dicto participat, & ob vocum grauium acutarumq; iucundam cõmisionem multum auribus gratus est. Alij vt plurimum cantu recreantur, cui Auletarum, siue tibi- cinum strepitosa musica coniungitur: delicatioribus sonantur testudines, lyræ, cytharæ, clauicymbala simul concordata; mirum tamen est, quod non omni tono Musicæ, sed certis tonis afficiantur, si enim tonus harmoniæ humori veneni pū- gitiuo, vellicantiq; non fuerit proportionatus, patiens tantum abest, vt aliquid inde leuaminis acquirat, vt potius mise-
Instrumenta ad-
hiberi solita.
Disharmonia,
aut impropor-
tionata maledia
intolerabilis Ta-
rantismo affe-
ctis.
rabiliter eum hoc improporcionado ad humorem sono tor-
queri contingat; quòd satis insolitis suis gestibus, vti oris ocu-
lorumq; distensione, brachiorum, manuum, pedumq; com-
plosione, totiusq; corporis in hanc, nunc in illam partem
contorsione, similibusq; gestibus, quantum sibi istiusmodi
musica contraria sit, demonstrat; qui tamen mox vbi ad ami-
cam harmoniam conuerti ipsum contigerit, veluti ex tene-
bris in lucem emergens, agillimo motu in saltus pristinos,
amico modulamini auribus oculisq; admotis [veluti applau-

dendo erumpit; durabitque spectaculum eo vsque, dum veneni vis frequenti saltu pro isto anno excitata, aliqua ex parte sudore euaporarit; atque ita tandem vnus anni spatio cum morbo constituuntur induciæ. Verum his omnibus ita ritè descriptis, iam restat, vt quænam tam mirabilium symptomatum, saltusque istius funesti causa sit & origo, tandem declaremus.

Q V A E S T I O I.

Virum à Tarantulæ vita dependeat vehemens illa saltandi passio, qua, qui à Tarantula icti sunt, afficiuntur, & quænam sit causa tam vehementis symptomatis.

Opinio de Tarantulæ veneno in distans agente apud multos ita inualuit, vt etiam è viris apprimè rerum naturalium peritis, qui eam mordicus tenuerint, non defuerint; eorum vero, qui vnguenti armarij defensionem suscipiunt, hæc sententia vnicum asylum est, dum plerique in dogmatis huius fauorem sentiunt, tam diu durare in ictu venenum, quamdiu durat Tarantula, eaque demortua vna cum vita eius extingui: Et consequenter inter Tarantulam & Tarantiacum quantumuis distantes Magneticam quandam actionem interuenire, cuius vigore passio saltandi in ictis excitata daret. Verum hæc omnia falsa manifestisque experimentis repugnare paulò post videbitur.

Primo enim certum est, hoc insecti genus, non secus ac araneos, muscas, bruchos, vespas, scarabæos, ranas, vti facile & subito nascuntur, ita breuissimæ quoque vitæ esse, frigore enim hyemis aduenientis mortuæ, calore æstiuo è busto veluti quodam reuiuiscunt; vti supra quoque in phyto-magnetismo dictum est, imò percepi ego ab ipsis Apulis, fuisse ex Tarantulis huiusmodi complures in vitreis vasis à curiolis inclusas, additis ijs rebus quibus enutrirì solent, neque vnquam con-

Experimentum.

fer-

seruari potuisse adeò frigoris impatientes sunt . Iterum cum ego ipse in ora Basilicata Anno 1636 aliquandiu subsistere cogerer, & casu in Tarantiacum inciderem, postquam longam de huiusmodi Tarantisni virtute, effectibusque confabulationem habuissem, tandem fassus est, animalculum, dum morsum eius inter dormiendum sentiret, illud à se occisum esse, certò se scire, & tamen in hunc diem vsque quotannis cum hoc malo adhuc conflictare; quod manifestum signum est, passionem hanc è Tarantulæ vita non dependere. Hoc idem asserunt Patres nostri superius citati, qui hanc rem diligentissimè se examinasse scribunt, plerosque se nosse aiunt, qui post occisam bestiolum multos adhuc annos saltus suos continuauerint. Hoc tamen experientia docet, quod si bestiola inter mordendum occisa vulnere interatur, passionem in ictis non fore adeò vehementem, cuius tamen rei causa non est, quod aliqua sit à viua Tarantula veneni dependentia; sed quod ipsa Tarantula supra plagam suam occisa, proprii veneni, non secus ac scorpius plagæ suæ intritus antidotum quoddam sit, venenumq; proprium per membra diffusum attractione repetat, quod bene notandum; possent enim ex hoc vnico experimento Medici forsitan medium inuenire, quo à Tarantula morsum, sine vlla Musica, solo hoc antidoto curare possent; sed de hoc ipsi videant.

Qualitas non,
dependet à vita
Tarantulæ.

Porro venenum ab animali venenifero in aliud corpus diffusum, in alio corpore sine dependentia à corpore, à quo profuxit, consistere posse, adeò certum est, & congruum philosophiæ principijs, vt de eo non nisi insensatus dubitare possit: Videmus enim venenum afflatu pestifero serpentum in homine, etiam occiso & combusto serpente remanere & operari. Imò post occisos serpentes primo quosdā, dum incaute serpentum capita tractarunt, veneno infectos esse constat; affectus quoq; ex morsu canis rabidi subinde integro anno in morbo remanet, etiam cane multò ante occiso; Quod & in manifestis qualitatibus patet, dum calorem in nobis calefactis, aut in carbonibus, igne etiam extincto remanere videmus. Patet igitur ex dictis passionem hanc saltandi in Tarantiacis à Tarantulæ vitæ minimè dependere.

§.

De diuersis diuersarum Tarantularum proprietatibus.

Tarantulas con-
trarijs fa culca-
tibus imbutas
confirmatur hi-
storia mirabili.

HOC porro prodigiosum penè & prorsus paradoxum non immerito videri alicui possit; vnā videlicet Tarantulam ex dissimilitudine quadam naturarum alteri penitus cōtrariari; neque enim vnum instrumentum patiuntur, neque saltus, neque gestus, atque symptomata eadem, sed prorsus diuersa. Quod cum Hispano cuidam tunc temporis Tarenti commoranti fuisset relatum, fertur is risu primo rem exce-
pisse, neque testimonio multorum fide dignorum, donec in se ipso rei periculum fecisset, acquiescere voluisse. Duas igitur Tarantulas colore & qualitate diuersas inquisitas manu imposuit, lacepsitasque vltro diuersis in partibus manus suæ puncturas intelligi permisit; Morsibus igitur acceptis venenoque per totum corpus paulatim diffuso, sentiuntur mox paroxysmi grauissimi & mortis angustia; aduocantur confestim cytharædi, Auletæ, omnis generis Musici, varia tentantur harmoniarum genera; sentit tandem infirmus ab vno modulo fortiter ad saltandum se sollicitari; sed frustra, quantum enim vnius venenum Tarantulæ ad saltum sollicitabat, tātum alterum venenum, vtpotè tota substantiæ sollicitudine contrarium, resistens à saltu retrahebat. Tentantur iterum alijs adhibitis instrumentis modulationum aliæ species; verum ab vna earum ad saltandum iterum potenter se instigari sentit, sed frustra; venenum enim hoc ad saltum concitatum à priori impossibili & prorsus contrario ita est inhibitum, vt quod vnius concedebat facultas, alterius irremediabiliter negaret; in hoc igitur qualitatū contrariarum lucta constitutus infirmus, dum nullum reluctanti naturæ, inimicorumque humorum ferociæ remedium inueniret, neque vlla venenosæ qualitatis exhalatio concederetur, vitam tandem miserè non sine dolore & commiseratione præsentium excessit; exemplo suo

suo docens, quàm temerarium sit, quamque periculosum, sine cautela & circumspectione sese funestis huius experimentis exponere.

Nisi igitur venenum Musica transpirauerit, certum est, Tarantiacum viuere nō posse, aut saltem vitam miserabilem grauiissimis symptomatis plenam degere. Quod duo alia exempla confirmant; è Sacro Capuccinorum Ordine quidam Tarenti morsus à Tarantula, cuius appetitus naturalis ad aquas lympidas ferebatur; hic dum eodem, ceū Magnetica quadam cognatione relationeque Tarantiaci ad Tarantulā appetitu ferretur, neque à superioribus balneo, multo minus remedio omnibus communi, saluū videlicet, ad morbi vim infringendam vti permissum esset; tanta demum mordentis qualitatis efficacia fuit incitatus, vt quadam die è Coenobio elapsus veluti mentis inops, in mare, ad quod summo impetu ferebatur ingressus sit, vt hoc refrigerio aliquod salutare stimulantis morbi atrocitati remedium inueniret; sed aliter accidit: vbi enim salutē quærebat, mortem inuenit; nam maximo omnium dolore submersus, in mari periit. Robertus Santorus Nobilis Tarentinus à Tarantula morsus, quod nesciebat, ad extrema paulatim perductus fuit; Medicis iam morbi nullis signis dignoscere valentibus, in mentem tandem venit vni ex astantibus id quod erat, Dominum Tarentismo laborare; placuit in consilio medico coniectura; Mox Sonator peritus accersitus in agonia constituto sistitur, loco luctus consueta tentantur modulaminum genera, ad quorum vnum malo suo proportionatum, is qui immotus, omniumq; sensuū ministerio destitutus lecto affixus detinebatur, gratis harmonici aeris percussionibus è veterno ac lethifero torpore excitatus aliquantulum, tandem incipit languida membra mouere, deinde iactare brachia, mox sono continuato, viribusque resumptis in lecto sedere, torquere collum; internæ ex Musica perceptæ delectationis manifesta indicia præbens; deinde cytharædo alacrius personante, etiam in pedes se subrigere; quid amplius? in choreas demum dissolui tanta vehementia, vt contineri vix posse videretur, qui igitur prius narcoticæ qualitatis efficacia sepul-

Venenum transpirare Musica debet.

tus, ad mortis portas adductus videbatur, admirabili resonantis cytharedi energia excitatus, atque in sudorem omnibus membris resolutus, mox perfectæ sanitati, vel hoc vnicuius choreæ exercitio restitutus, liber in posterum ab omni infirmitate vixit.

Q V A E S T I O II.

Cur Tarantismo laborantes nullo alio nisi harmonico medio, siue sola musica curari possint?

Quanta Musicæ vis sit in concitandis animi affectibus, & quanam huius harmonicæ energiæ causa sit, in præcedentibus fusè ostensum est, nunc restat ut tandem ostendamus, quomodo vis morbi in Tarantismo laborantibus, vi musicæ depelli possit, infirmusque integræ sanitati restitui? Sine vllis igitur verborum ambagibus propositum nobis ratiocinium ordiamur.

Soni harmonici
vis.

Cum chordæ siue fides, ut in præcedentibus docuimus, maximam vim habeant concitandi aërem ad eum modum, quo ipsæ mouentur, proportionaliq; hac sonorum mixtura harmoniam auribus, animoq; iucundam excitent; sit ut hac fidicina harmonia, ex vario proportionatoq; chordarum motu aër harmonicè concitetur, aër verò iuxta impressos sibi harmoniæ motus similiter concitatus intrò penetrans, phantastica facultate iucundo motu occupata, spiritum attenuando similiter quoque moueat; spiritus motu attenuatus, rarefactusq; musculos & arterias intimasq; fibras, spirituum receptacula, commodè afficiat; fibræ musculiq; latentem veneni vim exferant, cuius veneni vehiculum cum humor acer, mordax, & biliosus sit, intimis fibrarum medullis absconditus, sit ut is vna cum veneno suscitato rarefactus, calefactusque pruritu quodam, seu vellicatione totum musculosum, genus afficiat, patiens vero hac sibi grata vellicatione dulciter

Quomodo infirmus musica liberetur.

ter affectus, in saltus prorumpere cogitur; saltum totius corporis, humorumq; commotio; commotionemq; calor, calorem totius corporis laxatio, pororumq; apertio; & demum pororum apertionem venenosi halitus transpiratio necessario consequitur. Quandoquidem verò venenum ita profundè radicatum est, vt vna saltatione exhalare non possit, hinc singulis annis pedetentim aliqua portio motu euaporat, donec totum consumatur.

Quod autem diuersi diuersis instrumentis musicis afficiantur, id complexionum, temperamentorumque, aut Tantarularum, aut hominum diuersitati adscribendum existimem; qui enim melancholici sunt, vel à Tarantulis obtusioris veneni icti sunt, tympanis potius, strepitosis, clamosisq; instrumentis, quam chordis & fidibus afficiuntur; cum enim humor crassus sit & lentus, spiritusq; humoris dispositionem sequantur, ad concitationem dissipationemq; eorum magna vis requiritur. Hinc Tarento scribitur, ibi puellam fuisse Tarantismo affectam, quæ nullis alijs instrumentis ad saltandum compelli poterat, præterquam strepitu tympanorum, bombardarum explosione, tubarum clangore, similibusq; instrumentis vehementem sonum excitantibus, lentum enim venenum, in lentæ frigidæq; complexionis corpore, ad dissipationem sui, non nisi magna vi indigebat. Cholericis verò & sanguinei, cytharæ, testudinis, chelium, clauicymbalorum simul concinnatorum harmonia ob mobilitatem, tenuitatemq; spirituum facile curantur.

Diuerſi diuerſis
instrumentis af-
ficiuntur pro ve-
neni, comple-
xionis & homi-
nis constitutio-
ne.

Puella Tarantata
quæ nõ nisi tym-
panis curari po-
terat.

Est præterea hoc vel maximè admiratione dignissimum, quod hoc venenum idem præstet in homine ex similitudine quadam naturæ, quod in Tarantula proprio sibi subiecto; sicut enim venenum musica excitatum continua musculorum vellicatione hominem ad saltandum excitat; sic & ipsas Tarantulas, quod nunquam credidissem, nisi supra citatorum testimonio Patrum fide dignissimorum id compertum haberem. Scribunt enim huius experimentum in ciuitate Andria in Palatio Ducali coram vno ex Patribus nostris, totaq; præterea Aula factum esse. Nam Ducissa loci, vt hoc admirabile naturæ prodigium luculentius pateret, Tarantulam da-

Mirū & prorsus
ωδρόδον
in Tarantu a
obseruatum,

Experimentum
mirabile.

ta opera inquisitam, conchæ aqua refertæ, atque in ea supra festucam tenuem libratum imponi, mox cytharædum vocari iussit, quæ primo quidem ad sonum cytharæ nullum motus dedit vestigium, mox tamen ubi sono humori proportionato præludere cœpit, bestiola frequenti pedum subsultatione totiusq; corporis agitatione, saltationem non affectavit duntaxat; sed & verè ad numeros harmonicos subsiliendo eam verè expressisse visa est; cessante quoque cytharædo cessavit & subsultare bestiola; hoc verò quod præsentis tanquã exoticum in Andria mirabantur, Tarenti postmodum ordinarium esse compererunt. Vbi sonatores, qui musica sua hoc malum etiam publicis Magistratus stipendijs ad pauperum remediũ, solatiumq; conducti curare consueverunt, ad curas patientium certius faciliusq; accelerandas primò ex infectis quærere solent, ubi, quo loco, aut campo, & cuius coloris Tarantula, à qua morsus ipsis sit inflictus. Quo factò indicatum locum protinus, ubi frequentes numero, atque omnis generis Tarantulæ retium texendorum laboribus incumbunt, accedere solent Medici cytharædi, variaq; tentare harmoniarum genera, ad quæ, mirum dictu, nunc has, nunc illas saltare, non secus ac in duorum polychordorum equaliter concinnatorum personatione, illæ quæ similes sibi fuerint tono, & æqualiter tensæ mouentur, reliquis immotis, ita & pro similitudine & conditione Tarantularum, nunc has, nunc illas saltare comperiunt; cum verò eius coloris Tarantulam quæ à patiente indicata fuerat in saltum prorumpere viderint, pro certissimo signo habent, modulum se habere verum & certum humori venenoso τὸ πικρὸν ζῷον proportionatum, & ad curandum aptissimum, quo si vtantur, infallibilem curæ effectum se consequi asseuerant.

Tarantula quæ ad sonum sibi proportionatum saltat.

Confectarium I.

HInc patet eundem saltationis effectum præstari in ipsa Tarantula, quem hæc in homine ic̃to præstare solet; cū enim humor huius animalculi, valde viscosus, ac facile sonoro aëre ob subtilitatem, vtpote ad recipiendum sonum subie-

Viscosū animal subiectum sono proportionatū.

subiectum aptissimum, cieri possit: fit vt is motu aëris harmonici concitatus, similem prorsus illi, quæ à Sonatore efficitur, vibrillationem causetur; vnde animal ipsum veluti pruritu quodam affectum ad saltum concitatur; præsertim si sonus humori commouendo fuerit proportionatus; viscosum autem araneorum humorem soni subiectum capax esse, Petrus Martyr in historia sua Indiæ occidentalis testatur, vbi ait, certum quoddam araneorum genus in India reperiri, cuius virus extractum adeò tenax sit, vt non in fila tantum cedat indigenis, sed & loco fidium, vt sericū ex Bōbyce apud nos, seruiat.

Viscus Aranei
Indici loco fidium seruis.

Quod igitur animal ad saltandum moueatur, id humoris dispositioni ac qualitati ab aëre harmonicè concitato facile mobilis adscribendum putem; si enim excitatum in viscoso humore latentem sensibus percipere possemus, certè harmoniam nō absimilem ipsi, quam fidibus sonatores efficiunt, sentire possemus. Quod & certa quædam experimenta testari videntur, vt in præcedentibus dictum est. Videmus enim quosdam ad certum quendam sonum, seu stridorem, maxima dentium molestia affici; dum stridor hic ingratus, musculosas gingiuarum partes vellicare solet. Quod etiam cōtingit, si instrumenti alicuius fidicini collum dentibus apprehenderis, totius enim corporis spiritus per huiusmodi partium continuationem in agitationes quasdam prorsus similes ipsis, quas tremebunda chorda in aëre facit, dissoluitur, crispaturque; quæ pulchrè quoque experimentis superius in musicæ magnetismo demonstratis ostenduntur. Cum igitur, vt ad propositum nostrum reuertamur, Tarantula morsu suo hominibus humorem quendam subtilem, qui latentis penetrantisq; veneni veluti vehiculum quoddam est, infundat, fit vt hic à sole æstiuæ temporis periodico calore excitatus, in totum se corpus, præsertim in arterias, musculos, fibrasq; intimas se diffundat, vnde is hoc pacto paulatim ad harmonicos motus recipiendos disponitur, dispositusq; tandem ad harmoniæ rationem musculos vellicans, infirmum velit nolit in saltus prorumpere cogitur, atque ita intentus sanationis effectus præstatur.

Causa saltus.

Confectarium II.

Colliges secundo, quod sicuti non vnicuique Tarantulæ quæuis modulationes conueniunt, sed certis certæ, ita & homini ab hac vel illa Tarantula ictō, hæc vel illa modulatio conuenit; aliæ enim vt dictum est, non mouentur nisi vehementi strepitu; vt contingit in ijs Tarantulis, quæ tenaciore humore præditæ sunt, ita & in homine; aliæ facilè & ad quæuis proportionatum illis sonum mouentur, veluti in ijs quæ subtili & bilioso humore præditæ sunt; motu enim facile in ijs attenuantur spiritus venenosi, qui cum acres sint & mordaces, vellicatione sua musculorum genus infestantes vehemēter ad saltum alliciunt: Si igitur melancholicum hominem icerit melangoga, eum torpidum reddet & somnolentum; si cholerogoga, cholericum, mobilem, instabilem, phreneticum & martios furores spirantem efficiet, & sic de alijs, præsertim si musica Taratiaco respondeat. Quis autem sit sonus proportionatus veneno, merito quis dubitare posset; Dico igitur veneni qualitatem excitatam statis temporibus non secus, ac omnes morbos periodicos ebullitionem, seu commotionem quandam humoris causare, humorem autem attenuatum vi veneni in subtilissima quædam veluti fila inter musculorum *Μεσηματα* diffusi, quæ si ex humorum conditione talia fuerint, vt facile à sono extrinseco harmonicè concitentur; ad sonum veluti proportionatum subiectum, & ipsa mota vibrata, musculos quibus adhærent, cum vellicatione, tum mordacitate materiæ in saltus prouocabunt; Hinc quantò sonus maiorem habuerit vocum notularumque diminutionē, atque acuti grauisque vocum, in Tono hemitonij frequentibus referto, maiorem permissionem; tanto gratiorem futuram hoc morbo affectis musicam; Ex celeritate enim motus vehemētius musculos vellicat, & consequenter ad saltandum vehementius sollicitat. Hinc Cytharædi quantum fieri potest, varijs vocum diminutionibus, & vt plurimum in tono phrygro, ob frequentia quibus constat hemitonij, modulationes adornare solent.

QVÆSTIO III.

Cur Tarantismo affecti certis quibusdam coloribus tantoperè delectentur.

Dictum est diuersas Tarantulas ad diuersos colores Tarantismo affectos excitare, quod qua ratione contingat, iam explicandum est. Suppono itaque tanquam experientia comprobatum, ad eum colorem ictos inclinare, quem ipsæ præferunt; ita ut ij, qui à Tarantulis rubris vulnerantur, ad colorem rubrum flammeumq; inclinentur; qui à viridibus, ad viridem, & sic de cæteris. Item quæ Tarantulæ aquis fluminibus aut cisternarum crepidinibus afficiuntur, ictos ad aquam similiter inclinant: quæ vero locis calidis & siccis, ad biliosas actiones Tarantiacos plerumque concitare solent.

Quod si complexio hominis, Tarantulæ responderit, tanto effectum validiorem præstabit. Sicut igitur quædam animalia venenosa sunt, quæ prorsus eandem affectionem, quam ipsa patiuntur, morsu in alios transferunt, ita Dipsas serpens, cum semper feruida siti crucietur, talem quoque efficit mordendo in homine, iuxta illud,

Vt sitis hanc torquens nullis extinguitur undis,

Sic ravidam morsu concitat illa sitim.

Ita canis rabidi morsus eam passionem, quam in cane efficit etiam in homine præstat, videlicet *ὀδύσσοις*, seu metum aquæ; Cerastes quoque, ut ab Aegyptijs accepi, *αὐγέσσοις*, seu, metum ignis lucisque tam in serpente quàm in homine eius veneno infecto, incutit. Ita torpedo torpida, torpida membra reddit, & sicut parens quoque podagra, lepra, epilepsia laborans in semine filio eosdem morbos communicat; non secus Tarantularum diuersarum venena ab insita sibi proprietate videtur icti animum ad eum colorem, quem ipsæ referunt, seu quo ipsæ recreantur, occulto Magnetismo, seu cæca quadam naturæ similitudine inclinare; Tarantulam autem certo colore recreari inde patet, quod in diuersis planis coloratis impositæ id planum appetant, quod ipsis colore consimile

mile fuerit. Ex quo sequitur, quod sicut proprius humor venenosus phantasiam huius animalis ad hunc vel illum colorem, ut naturæ suæ consentaneum aut contrarium, gratum aut ingratum inclinat; sic & idem humor morsu in corpus hominis transfusus, eundem Magnetica quadam relatione & occulta miraq; correspondentiā præstabit effectum; Nam simul ac color, exémp. gratia, veneno sympathicus homini affecto occurrerit, eo se mox bene & commode affici sentit, malè si colorem sibi contrarium fuerit intuitus. Species enim coloris visu percepti phantasie obijcitur veluti gratum quippiam, unde dilatatio spiritus; spiritus autem dilatatus speciei gratæ vector, se humori iungit ad speciem vectam sympathico: Ex quo mutuo naturarum coniugio, grata quædam resultat affectio, seu titillatio pruriens per omnes corporis fibras diffusa, ex qua demum voluptas & desiderium vehemens, desiderato obiecto se iungendi vniendique: sicuti igitur Tarantismo laborans, numerorum proportionem grauiumque & acutarum vocum mistura humori venenoso proportionata & consimili ita afficitur, ut auribus etiam ad instrumenta, applicatis, eiusmodi harmoniam veluti auribus imbibitam, atque sibi incorporatā ob titillationem quandam harmonici aëris reperi percipiat; ita in colorem quoque sympathicum visus icti tanto ardore fertur, ut eum oculis veluti imbibe, sibiq; ob gratam affectionē titillationemq; spiritus, quæ inde efficitur, incorporari velle videatur; feruntur enim singulæ potentie à spiritu directæ in sua obiecta eadem prorsus ratione, ut in phantasio magnetismo dictum est.

Quæret hoc loco non immeritò quispiam, quo pacto color albus dissipet, niger colligat, ruber inflammet, viridis, puniceus, aureus oblectet? què in Tarantismo affectis viridis & cæruleus, tantopere delectent, ruber & coruscus prorsus in inextotica quædam *παθήματα* rapiant; cum hæc non nisi per species præstare possint, quæ ex se nullam realem actionem edunt; Propterea quod imperfectam tantum ac diminutam essentiam habeant quam, nulli realem, at alij intentionalem, alij notionalem vocant, utpotè quæ inter reallium ac entium rationis naturam media sit.

Respon-

Causa
*χρηματο-
 φιλίας.*

Respondeo. Colorum species sensibiles qualitates esse,
 atque agendi vi præditas, minore tamen, quam qualitates ip-
 sæ à quibus deciduntur. Quis enim neget lumen à Sole spar-
 sum per aërem; item calorem ab igne effusum eam calefa-
 ciendi vim habere? Est autem lumen imago & species Solis,
 sicut calor forma vicaria ignis; nil igitur impedit, quo minus
 obiecta per species tanquam per proprias ac naturales virtu-
 tes organa sensuum immutent. Accedit, quod venenum Ta-
 rantularum hoc sibi proprium vendicet, pro conditione sua
 ad hunc, vel illum colorem inclinare. Humor enim in hu-
 mano corpore ita attemperatur, vt ad phantasiam duce spi-
 ritu, specie coloratæ rei informati, feratur. Ita experientia,
 docet, rubrum colorem mirificè illos excitare, qui ab analo-
 gis Tarantulis fuerint iëti; cum enim rubedo peculiari actione
 oculos propter igneæ naturæ similitudinem accendat, & visi-
 uos musculos vellicet, vt in Leonibus & Bubalis apparet; in
 oculis autem maxima vis spirituum colligatur; spiritus isti
 dilatati & flammeo colore accensi, musculos tùm visuos, tùm
 alios adnatos reliquis membris correspondentes, vellicent, fit
 vt ex hac vellicatione ingens pruritus quidam sentiatur, vnde
 & motus, quos Musica aëre suo harmonico multum promo-
 uet; Vnde & homo ex obiecto illo coloris gratissimi vna cum
 Musica maximam voluptatem sentiens, velit nolit in saltus &
 tripudia agitur. Est enim & coloribus sua harmonia, quæ
 non minus quam Musica recreat atque hæc harmoniarum
 analogia maximam in concitandis animi affectibus vim possi-
 det; Nam vt ex flauo, rubro, cæruleo colore, aureus & purpu-
 reus colores gratissimi oriuntur; ita ex hisce duobus viridis
 omnium colorum amoenissimus, pari ratione cum viridis ex
 aureo & purpurco gratissimis coloribus fit compositus, & per-
 fectissime attemperatus, & non secus ac Diapason consonantia
 ex Diapente & Diatesseron compositus fit; vt hæc omnium
 perfectissimè aures mouet, sic ille oculos, ita vt eum natura
 ad solam voluptatem, oculorumque recreationem dedisse
 videatur.

*Harmonia colo-
 ribus inest.*

Q V A E S T I O IIII.

*Cur Tarantismo affecti tam diuersos
motus mentuantur.*


TArantismo affectos tempore paroxysmi diuersos mo-
res assumere sæpe dictum est; alios quidem milites,
quosdam Duces & Gubernatores, alios pugiles, nonnullos
concionatores agere. Quæritur igitur vnde hi affectus pro-
ueniant? Certum enim est passiones huiusmodi antea non
fuisse, ijs vero mox vbi instrumentorum Musicorum sonitum
perceperint, notabiliter transmutari, quod vt explicetur;
Notandum est, esse quædam venena, quæ peculiari ratione
vim in phantasiam habeant, vtpotè quorum vi humores in
toto corpore suscitati in cerebrum eleuantur, postea spiri-
tus, deinde phantasia ijsdem inuaditur: Postremo denique
spirituum ope totius corporis humores, iuxta conceptas in
phantasia species pro varia temperamenti hominum ratione
excitantur. Vnde mirum non est, si spirituum ope infecti id se
esse existiment, quod ipsis à phantasia obijcitur; ita venenum
à diplade illatum, vt & aconitum copiosius sumptum, homi-
nes in pisces, anseres, anates, mergos transmutare videtur.
Cum enim venenum istiusmodi ex vi sua ob intolerabilem,
quam excitat sitim ad aquas inclinet, phantasia statim spiri-
tuum ope ijs speciebus ad quas inclinat assumptis, aquas sibi
sollicitè, & laboriosè fingit, earumque visu & potu insatiabili-
ter gaudet: vnde necessariò id esse desiderabit, quod rebus
desideratis, vti sunt omnia aquatilia, maxime frui solet, &
consequenter vi morbi perpetuo phantasticam, ad desidera-
tam rem stimulantem, tandem læsa phantasia, ex ijs vnum esse
imaginabitur. Ita febricitantes subinde se pisces optant, quo
liberiori haustu sitim restinguant. E contra venenum ex mor-
su canis rabidi illatum, naturaliter ad aquæ timorem inclinat,
ricumq; canis continuo imaginari facit. Phantasia enim spe-
cie canis mordentis occupata, præterea vi quadam occulta,
aquis contraria ita percellitur, vt ne speciem quidem aquæ

Phantasia vehe-
menter circa
rem aliquam oc-
cupata transfor-
matur quasi in
rem quem desi-
derat.

tole-

tolerare possis, vnde & ὁδὸς ποιοί, dicuntur. Non secus de Tarantulis ratiocinaberis, cum enim pro diuersarum Tarantulum natura diuersa venena sint, diuersos quoque humores ciere possunt; hinc excitata venenosa Tarantulæ, exemp. gratia, colagogæ qualitas, humorem istum acrem & mordacem sibi consimilem in homine, & quidem in eodem cholericovehementius excitat; humor autem illatus in cerebrum, phantasiā ad id, ad quod alias inclinat, incitat & hic harmonioso aëre percussus dilatatusque per omnia membra se diffundit, ea acriter stimulando vellicandoque, vnde mox motus humori excitato conformes, actus inquam indignationis, iræ, furoris, mobilitatis animi; similesque rationalis animi passionēs, quæ fulgore ensium euaginatorum, rubicundorumque aspectu obiectorum magis & magis promouentur, vt in præcedentibus quoque dictum est; cholagoga vero in homine phlegmatico mitius agit omnia; non secus de Tarantulis hæmagogis phlemagogis, melangogis, in homine sanguineo, phlegmatico, melancholico, ratiocinabere; quæ cum ex præcedentibus constent, hic libens omitto.

Sed iam tandem saltu Tarentino defatigati, ad Amorem veluti ad fidam stationem, & agitationis nostræ terminum, centrumque quietis nos conferamus.



LIBRI TERTII
MUNDI MAGNETICI
PARS NONA.

Ἐρωτικὴ φυσικὴ.

siue

De Magnetismo Amoris.

CAPVT I.

De mirabili vi, & energia Amoris.



EXPLICATA in præcedentibus vi attractiua Musica, ac potenti, quem in animos mortalium, possidet Magnetismo, ordinis modo ratio postulare videtur, vt & de mira amoris facultate, qua omnia ad se mirificè trahit, allicitq; dicamus. Cum enim amoris obiectum sit pulchrum, pulchrum autem sit musica quedã & harmonia perfecta, siue splendor quidam vel corporis in linearum, colorumq; conueniente proportionem, vel animæ in doctrinæ morumq; concinnitate consistens; sit vt ex hoc amor, qui acquirendæ fruendæq; pulchritudinis desiderium est, excitetur; qui ad eò exactè omnes magnetici corporis leges explet, vt num meliori iure amor magnes, an magnes amor dici possit aut debeat, dici vix possit. Est autem vulgata magis amoris distributio in duas species, quam & poëtæ norunt. Nam & cœlestem Venerem & terrenam quâpiam celebrant, nos tertium adiungimus actiuum, & quartum singulis analogum rebus insitum, de quo postea. Itaque diuinus siue cœlestis amor humana pectora à sensibilibus sursum ad intelligibilium rerum, ac veræ pulchritudinis spectaculum æterni ad instar magnetis rapit. Ferinus ille contra & voluptuarius, cui libidinis nomen est inditum, à mente magis ad propagandi studium, & fœdas reuellit corporum volupta-

Amor magnes.

Quotuplex amor.

luptates; quorum medio consistit amor actiuus, quem poëtarum vulgus prætermisit, ad rationalem animi portiunculā, ad scientiarum, artiumq; constitutionem maximè opportunus. Sublimis iterum vel planè diuinus nos ad se raptos æternæ beatitudinis compotes facit; medius ad actionem & vitā ad bonum priuatum simul & publicum nutat. Infernus denique quamdiu intra præscriptos naturæ limites manet, ad generationem corpoream, & speciei perpetuitatem deorsum cuncta conuellit. Idem à iusto fine delapsus altius quemcunque apprehenderit, cito depascitur, & semel transfixos ita dementat, vt tanquam in lubrico positi vix sese contineant, donec vel rei amatæ gratia sese ad internecionem planè præcipites voluant: hi sunt amantes ipsa cæcitate cæciores, qui Platone teste in proprio mortui, alieno viuunt in corpore, quos affectus egregiè sub pallio poëtico describit Maro,

*At Scyllam cæcis cohibet spelunca latebris
Ora exertantem, & naues in saxa trahentem
Prima hominis facies, & pulchro pectore virgo
Pubetenus, postrema immani corpore pistrinx
Delphinum caudas vtero commissa luporum.*

Hunc affectum cum plerique inter morborum species, vel si particularius voles, sub melancholiæ genere collocare solent, qualem disertis verbis expressit Aetius, cum de virgineo malo pertractat, vel furore vterino. Quod autem sit instar febris melancholicæ, manifesta sunt argumenta, quia, Amor febris
species. quisquis natura multum accumulatur torridæ bilis, ad hanc furoris speciem fit magna ex parte procliuior; cum propter animi diuinioris indolem, quæ vel ex ideis sibi congenitis absque villo obiecto exteriori pulchri effingit quasdam sensibiles notiones; tum propter spirituum tenuissimorum impetum, facilem, qui velut ex busto oriundi, materiam resolutionis firmissimam habent; vnde & semel arreptas species sensus rapidissimè deferunt, & cum interna animi parte componunt, receptas deinde veluti tenaci glutino quam pertinacissimè seruant. Nam qui verè sunt melancholici, præter sagacis ingenij & summè venetici vim in contrariorum affectuum pugnam facile rapiuntur. Cum enim siccissimus sanguis, & spi-

ritus inde exhalans sit tenuissimus, facultates idcirco semper in procinctu gerunt. Impressæ verò semel species, seu imagines rerum non ita celeriter exolescunt, quin contra quam vulgus putat, lati sunt ferè atque agiles semper, inuentione, iudicio, eloquio, & in quauis, quam semel susceperunt, actione dexterrimi. Sed à tristitia semel occupati, eandem vix prius quam vitam exuunt, & ab admissis animi perturbationibus, ita vndique immutantur, vt planè eosdem non arbitreris. Addam huic argumento, quod planè multi experi-

Quo tempore
ph. Isonomia ma-
ximè se exferat.

ri se fassi sunt, in illa *φίλονομία*, siue amoris insania, manifestam incendij speciem, veluti per certas periodos recurrentem; vt die quarta & sub crepusculum vespertinum, quibus temporibus atra potissimum bilis agitari consuevit, quæ secum & nuper impressas species commouet, vel nullas interdum stimulante libidinis ardore. Quid autem symptomata referam, quæ planè sunt melancholica? nam si omnes istorum species ad duo reducatur capita, metū scilicet & mœstiam, quidnam est aliud, quàm res solliciti plena timoris amor?

Symptomata
amantium.

Vide obsecro illorum assiduos gemitus, querelas, minas, preces incompositas, insomnia, lachrymarum fontes assiduos, vanam formidinem, atque ridiculam spem, iram, zelotypiam, nunc ridentes, nunc flentes, iam abblandientes, modò indignatione efferuescentes, modo rubore, nunc pallore, gaudio, tristitiaq; colluctantibus, suffusos; quibus quidem affectibus ita plerumque præter humanam speciem efferuntur, vt recta penitus ratione seclusa, in omnem calamitatis abyssum præcipites impellantur, sibi que-metipsis iniecta manu, interdum & pulchram properent per vulnera mortem. Sed hæc parerga. Nunc ex amoris multiplici forma ad vnitatem denuo reuertamur, vt in eodem hæc quoque sit manifesta magnetici circuitus ratio, quæ penes animorum reciprocos orbes, in rerum diuisione & compositione perficitur. Quemadmodum igitur in pulchritudinis specie, vt supra dictum est, sic & in amore contingit vnâ illius esse, atque continuam vim à mundi vertice vsque ad materiæ infinitudinem per heracleoticam illam catenam magnetica communicatione propagatam. Dari tamen eiusdem multiplices formas, effectusq; vel toto gene-

re dissidentes, qui tamen non tam in amoris ipsius essentiam
(quæ semper ad bonum simpliciter vergit) quam in materiæ
recipientis conditionem lubricam reijci debent. Hinc amor
omnibus & singulis rebus inest, quem nos per magneticam
vim omnibus rebus latentem non male explicamus; qua om-
nia quæcunque in mundo sunt conseruantur; vnde & om-
nium artium Magister, & totius artis magneticæ vnum &
verum prototypon. Nam amor non tantum demittit radium
versus inferiora, quo cuncta viuificat; verum & magica ar-
te naturarumq; cognatione sursum attrahit, & in amplexus
mutuos magnetica conuersione cuncta compellit; fit enim pro-
gressus, motusq; à Deo Magnete viuo & æterno, per mundi
res vniuersas vsque ad materiem. Et hinc fit per naturam de-
nuò reditus ad naturæ præsidem Deum. Similiter delapsus
à mente ad rationem, à ratione ad phantasiam & sensus exte-
riores: ab his vicissim per rationem regressus patet ad intel-
lectum. Idem in reliquis mundi gradibus est statuendum.

Amor omnibus
inest.

Hinc superiora inferiorum causæ sunt, at inferiora superiorum
opera; Causæ opera sua tanquam sui partes & imagines appe-
tunt, opera verò ad causas suas tanquam sui conseruatrices
naturaliter feruntur; omnibus ad se inuicem, quasi vnus &
eiusdem similia membra, mutua charitate cõfluentibus. Deus
ad Angelos & Angeli cū Deo ad animas, anima cum illis vna
ad corpora regenda & gubernāda feruntur. Quis nescit, quam
arcta & auida sit animarum cum corporibus coniunctio, quam
contra molesta eorundem separatio? Cuius rei amor causa
est; per hunc sydera lumen suum in elementa diffundunt,
ignis calorem aëri, aër vim suam, vt supra dictum est, commu-
nicat aquæ, aqua terræ, elementa simplicia mistis quibusdam
siue compositis rebus. Plantæ & animalia speciei suæ multi-
plicandæ desiderio, in complexus Aphrodisios ardentissimè
rapiuntur. Vnde illud Georg. 3.

Subordinatio
rerum.

Omne adèò in terris, hominumq; ferarumq; ,

Et genus æquoreum, pecudes, piscesq; volucres

In furias, ignemq; ruunt; amor omnibus idem.

Hinc rectè D. Dionysius lib. de diuin. nom. Amorem siue
diuinum, siue Angelicum, siue spiritualem, siue animale, si-

ue naturalem, nihil aliud esse dicit, nisi insitam quandam, cō-
miscentemq; virtutem, qua superiora quidem ad inferiorum
prouidentiam mouentur, æqualia rursum ad socialem sui inui-
cem communionem conciliantur. Et postremò inferiora
quoque admonentur, vt ad potiora sublimiaque conuer-
tantur.

Amor omnium
author & con-
seruator.

Rectè igitur amor author & conseruator statuitur; nam
cum cupiditas perfectionis propriæ propagandæ amor qui-
dam sit; diuina autem intelligentia absolutam suam perfe-
ctionem in summa sua potentia contempletur, fit, vt inde
voluntas eadem se extra se propagare cupiat, ex quo propa-
gandi amore creata ab eo sunt omnia, neque enim amor, vt
cum Dionysio loquar, permisit Regem omnium sine germine
in seipso manere. Hinc cælum innato amore mouetur, reci-
proca fit elementorum coitio: herbæ quoque & arbores cu-
pidæ sui seminis propagandi, sui similia gignunt. Animalia
quoque bruta & homines cuiusdam cupiditatis illecebris ad
sobolem procreandam rapiuntur. Quod si amor omnia facit,
omnia etiam seruat & vnit; eiusdem enim semper est affectio-
nis & conseruationis officium. Præterea cum amor simile ad
simile iuxta magneticam quandam analogiam attrahat, simi-
lia quoque similibus conseruantur, terræ partes singulæ amo-
re mutuo copulatæ, ad alias terræ partes sui similes sese con-
ferunt; tota enim Terra ad centrum mundi nititur; aquæ
partes ad se inuicem similiter, & ad locum conuenientem
cum toto aquæ corpore perferuntur. Idem partes aëris ignis-
que faciunt, ac eodem amore quo aqua, & terra centrum
petunt, ignis & aër ad supremam regionem ijs congruam ac
similem rapiuntur, vnde rectè Orpheus:

Μῆνος γὰρ τέτατον πάντων δῖνκα κρατύος.

Ex amore om-
nes artes, &
scientiæ pro-
deunt.

Amor Rhetor
est.

Porro ex hac amoris officina omnes artes & scientiæ pro-
filieret; siquidem nullus vnquam artem aliquam aut inuenire,
aut discere potuit, nisi ab inuestigationis oblectatione, & inue-
niendi desiderio fuerit ad hoc incitatus & raptus. Quid aliud
antiqui dum Orpheum syluas, saxa, brutaque, sicuti & Hercu-
lem aureis catenis aures suorum auditorum trahentem pinxerunt,
indicare voluerunt, nisi amorem magneticum, siue poëticam
& ora-

& oratoriâ facultatem, quarû illa subtili & ingeniosa orationis structura certa & artificiosa verborû mensura cõtextæ, harmonica quadam ratione instituta; hac orationis ad quidlibet persuadendum aptæ vi atque energia, animos duros, asperos, & ferina quadâ immanitate barbaros, excitatos, & ad omnem humanitatâ reductos, quo vellent vi verborum rapiebant; nihil enim artifices in artibus singulis amant, & curât præter amor- Amor artifex.
 rê. quid enim aliud Medicina cõsiderat, quam quomodo qua- Amor medicus.
 tuor corporis nostri humores amici inuicem fiant, atq; perman-
 neât, quos cibos & potus, ac cæteras viuendi, aut medendi ratio-
 nes natura amet, atque requirat: Gymnastica quoq; in hoc solû Amor gymnas-
 tes.
 laborare videtur, quos corpus habitus, quos exercendi modos, Amor agricola.
 quos gestus amet, & exoptulet; in Agricultura, quod solum,
 quæ semina qualemue culturâ id exigat; quisvè colendi mo-
 dus a singulis arboribus diligatur: idem in Musica obseruatur;
 cuius artifices, qui numeri, quibus numeris magis, aut minus
 consonent (quæ quidem consonantia, & harmonica propor-
 tio nihil nisi amor quidam est) inquirunt: quis non videt in
 proportionem harmonicam duplam, sesquialteram, sesquiterciam, tri-
 plam, quadruplam, vehementissimum quendam amorem reperiri?
 Sed hæc omnia ex præmissis patent. Præterea inest syderibus, Amor musica.
 & elementis amicitia quædam ab Astronomia considerata, quâ
 grata æris temperies, aquæ tranquillitas, terrarum fertilitas,
 animalium sanitas, si temperatus amor fuerit, manifestat; sin-
 minus temperatus, sed alia relinquendo, se ipsum quodlibet
 amet nimium, intemperies mox inde exsurgit. Vatum etiam
 Sacerdotumque, siue Theologica facultas in hoc potissimum Amor astrologus.
 versari videtur, ut quæ hominum officia Deo grata sint, & ami-
 ca, qui homines Deo amicitia coniungi possint nos doceat; qui
 amoris charitatisque modus ad Deum, ad patriam, ad paren-
 tes, ad alios tam viuos, quam defunctos sit adhibendus. Sed
 cur magus amor dicitur? certè nulla alia de causa, nisi quia Amor vates, &
 Theologus.
 tota vis Magiæ in Amore consistit; Magiæ opus est, attractio
 rei vnius ab alia ex quadam cognatione naturæ. Mundi autem
 huius partes, seu animalis vnius membra omnes ab vno autho-
 re pendentes, vnius naturæ communione inuicem copulan-
 tur. Ideo sicut in nobis cerebrum, pulmones, cor, iecur, & reli-

qua membra a se inuicem trahunt aliquid, seque mutuo iquāt, & vno illorum aliquo patiente compatiuntur, ita omnia huius mundi corpora veluti magni animalis membra connexa, similiter naturas inuicem mutuunt, & mutuuntur. Ex communi cognitione communis nascitur amor; Ex amore communis attractio; hæc autem vera magia est. Sic ab orbis lunæ concavo propter naturæ consensū sursum trahitur ignis, ab ignis concavitate trahitur aer, à mundi centro terra ad infima trahitur; a loco etiam suo aqua rapitur. Hinc appetit ferum magnetem, & ad electrica leuiora confluunt corpuscula, sol plantas, flores, folia, ad se cōuertit. Luna aquas; Mars ventos, & bilem mouet; herbæ variæ varia quoque ad se inuitant animantium genera; in rebus quoque humanis trahit suam quemque voluptas. Magiæ igitur opera, opera naturæ sunt; ars vero ministra. Ars enim vbi naturali cognationi quippiam deest, per vapores, numeros, figuras, qualitates, opportunis supplet temporibus. Veluti in agricultura natura segetes profert, ars præparat; magus igitur vt naturæ miracula patret necesse est, vt quæ sit rerum naturalium societas, quid cuique congruat, quomodo concordia rerum sicubi desit, instauretur, probe cognoscat. Innumera hoc loco de magicæ attractionis vi dicere possem; verum cum hæc omnia magicæ hieroglyphicæ Oedipi nostri referuauerimus; ea obiter hic tantum indicanda existimaui.

CAPVT II.

De Magnetismo Fascini.

Cur amantes
tantopere appetant.

Platonis opinio
de extra crāsmi
Isin rē amata
rad. je.



PRO modo breuiter quoque examinanda est potentis amatoris tractionis causa, & cur amantes tantopere affectent coniunctionem? Platonici & plerique eorum affectu in spirituum per oculorum radios deductorum mutuam commixtionem coniiciunt; et enim mutuos eorum intuitus, qui venustate & pulchritudine antecellunt, quodque ex oculis profluit & emanat, siue lumen, siue profluuium quoddam spirituum sit, amantes tabe conficere putant, permista dolori voluptate, ita vt mutuum

tuum huiusmodi se depereuntium amorem sub quadam Fascini specie comprehendant; quæ omnia Ficinus ostendit exemplo Phædri & Lysiae, se perditè amantium. *Lysias*, inquit, *in Phædri vulium inbiat*, Phædrus, *in oculos Lysiae scintillas suorum defigit oculorum*, cumquæ scintillis *una transmittit & spiritum*. Radius Phædri radio Lysiae facile copulatur; spiritus quoque facile iungitur spiritui, vapor huiusmodi à Phædri corde genitus, Lysiae statim petit præcordia, quorum hebetudine fit compactior & in priorem Phædri relabitur sanguinem, ita ut Phædri sanguis iam in corde sit Lysiae; hinc ad clamorem confestim prorumpit uterque, Lysias ad Phædrum; *cor meum*, Phædre, *charissima viscera*: Phædrus ad Lysiam, *O spiritus meus*, *O sanguis meus Lysia*. Sequitur Lysias, quia cor suum poscit humorem; *sestatur Phædrum Lysias*, quia sanguineus humor vas proprium postulat, suam exigens sedem. Verum Lysias Phædrum sestatur ardentius, facilius enim cor sine minima humoris sui particula, quam humor ipse sine corde proprio viuit. Riuus enim fonte magis, quam fons riuulo gaudet. Hinc ut ferrum qualitate magnetis accepta ad lapidem hunc attrahitur quidem, lapidè vero non attrahit; Lysias Phædrum magis, quam Phædrus Lysiam sequitur. Hæc ille: *ἡρώδης αὖτις, καὶ τὰς ἑσπέραις*.

Putant igitur Platonici fascinum amoris per oculos causari; ad sententiæ assertionem varia exempla producunt. Icterus enim sine Galgalum ictericius morbum; quo homines laborant, ad se attractum per oculos patientis diffusum haurire; Basiliscum & Catoblebam intuitu solo obuios interimere; mulieres menstruatas solo intuitu speculum inficere: Lupos oculorum fascinatione obuijs vocem adimere; oua intuitu solo excludere testudines, opinantur. At hæc omnia falsa esse ut ostendam; sciendum primo iuxta communem & ab omnibus receptam opticorum opinionem, visum non irradiationem, ut Galenus vult, sed viam quandam organo ingentam, esse, quam neque solâ compassione, seu consensu, ut Plotinus vult, neque per *συμπίκνυναι*, seu coagentiam, neque per emissionem radiorum in obiectum projectorum, sed per species rerumque formas intus susceptas fieri, fuscè & doctè probat Aquilonius lib. 1. opt. Vnde quocunque dictorum

ἡ Basiliscus visu necat.

modo-

Fascinus non
venit à visa.

modorum visionis obiectum sumatur, fascinatio fieri non potest. Sunt enim ad videndum duo maxime necessaria, videndi potestas, & obiectum visui idoneum; ex neutro fascinum causari posse ita ostendo. Si per oculos dictus fascinus perficeretur, id fieret vel ratione potentiae visus actiuae, vel passivae; non actiuae, cum enim potentia activa nihil aliud, teste Aristotele, sit, quam principium mutandi aliud quatenus aliud; visus autem non modo nihil transmutet, quin potius à re visa alteretur & mutetur, luculenter patet; oculos nihil emittere, quo fascinare possint: neque potentia passiva, quia, sensatio philosopho teste, speciem recipiendo fit, & dum à re obiecta speciem recipit, in alios fascinum iaculari non potest; ergo à visu nihil aliud, quam notitia gigni potest, est enim visus actio immanens non transiens. Neque ratione obiecti, quod lux & color est, visus propriè fascinare potest; siquidem omnis coloris natura est, ut luce irradiata, actu diaphanum moueat; quia cum videre quoddam pati, teste Aristotele sit, & color semper à sensu distet, mediū aliquod intercedere necesse est, per quod color in sensum agat; quod quidem medium ipsum diaphanum est; hoc enim coloris speciem ad oculos quos mouet, deferret, & ita videndi actio absoluitur, unde si ex parte obiecti quicquam incommodi vel læsionis oriretur, nulli nisi oculis ipsis noceret, ut apparet, ubi in vehemens obiectum, veluti Solis fulgorem oculi inciderint. Neque ad rem facit, quod aliqui de animantibus noctilucis oculorum lumine noctu videre solitis, ex Plinio in causæ suæ patrocinium assumunt. Non enim negamus, lumen aliquod ijs animantibus, quæ noctu vident & alimoniam venantur, à sagaci natura ad certos fines inditū esse; nihil tamē inde præsidij ab interno lumine, ut obiecta cernant, accipere dicimus: cū hoc illorum lumen adeo exiguum sit, ut ab externo penitus opprimatur: sat vero illis est, externum lumen, quod visibiles rerum species longè perfectius, quam infirum deferret; noctu vero absente Solis splendore, ab interno iuuantur, quam eis natura concedit. Præterea asserimus ijs in animalibus, quæ noctu vident, eam tantum partem, quæ iris appellatur splendidam esse ac luminosam, non vero crystallinum humorem; nam

Animalia nocti-
lucæ.

nam intuentibus cattorum oculos latum apparet lumen, nigra in medio macula insignitum, quæ pupilla est chrySTALLINO obiecta, hæc autem sola corruscaret, si ab intimis oculi recessibus lumen profiliret; non igitur chrySTALLINUS humor visionis sedes, sed sola vis in his animalibus splendet; non secus, ac in fungis, sepiis, ligno putri, & piscium squamuis, cincindelisque, quas propter nitorem terrestres stellas non immerito appellamus, lumen aliquod emicat; quibus cum sanguis non sit, in locum digestionis igneæ partes congregantur, & spirituum repercussio ad succinctorium indigestionis locum fit, ideo fulgent. Humanis tamen oculis huiusmodi lux nequaquam inest, cum eam homines etiam indensissimis tenebris constituti non aduertant. Quod autem huiusmodi fulgor quibusdā hominibus quemadmodum de Tiberio Suetonius narrat, inditus fuisse narratur, mirum id quidē est, sed minime diffitendū; fieri enim potest, ut hominum oculi, ad oculos belluarum quadam ex parte accedant, qui visum ipsum cum ijs communem habent; hinc tamen non sequitur, hunc fulgorem à natura in visus subsidium destinatum; sed ad constitutionem humoris visui resultasse iudicandum est. Atque ex hoc discursu patet falsa esse, quæ de Basilisco, Catapleba, lupo, Bithijs, Tribalijis, Illyrijs, menstruosis solo intuitu fascinantibus historici memorant: hic enim fascinus, siue emissitijs ex oculis radijs, siue spiritibus venenosa quadam qualitate imbutis per oculos diffusus, nulla ratione, ut dictum est, perfici potest; fascinatio- nis ergo seu potius contagi causa hæc est, quod, uti ex inanimatis rebus odores continuo exspirant, ita euaporationes quædam perennes in animantium corporibus, per occultos meatus, quibus externa cutis undiq; pertusa est, eleuentur; longè autē vberiores ex obueniunt in ijs animantibus, quorum spiritus propter calorem, & motum veluti pulsum quendam (ut Plutarchus loquitur) & concussionem habet. Quod si tamen cni- piam hæc sententia non arrideret, sed spiritus quosdam venenosos ex oculis exire defendere vellet; id hac via intelligi posset. Quoniam enim in caluariæ concavitate duo foramina sunt, vnum oculi centro directè oppositum, per quod nervus opticus procedit, alterum ad alterius latus, & inde procedit

De oculi se-
lium.

Causa Fascini.

nervus

neruus motiuus a secundo coniugio neruorum tractus, & per hoc foramen ex cerebro lachrymæ manant, ac fluunt, quæ per exteriores oculi partes, & circumferentiam inter tunicâ candidam, & palpebras stillant, maxime ex hircis. Ex quibus inferimus, non per spiritus ex oculorum substantia exeuntes fascinum, seu potius contagium fieri, sed per humores ex eorundem oculorû circumferentia per hircos maximè effluentes, intenta imaginatione spiritibus impulsoribus causatum. Hinc illa speculo inusta à menstruosis labes, hinc morbi ductio, hinc à basilisci aspectu interitus. neque enim ab ipsa visione, qua visio est, fieri huiusmodi alterationes possunt, sed à tetro vapore, quem vitiosa temperies, aut deprauatus habitus, aut putrescentes in corpore humores suggerunt, si quidē dictus vapor à calore spirituum oculorum concitatus foras profilit, vicinumque aërem virulentus inficit, & hic aliū, vsque dum in rem aliquam offendat, cui solo adhæsu calamitatem adfert; ad quod plurimum confert intenta imaginationis vis.

Amoris infania
vnds.

Ad mutuum autem amantium respectum respondemus. Quod si quis amoris causam rectè rimatus fuerit, eam non ad intuitum referendam esse, facile iudicabit. Non enim amanti animum rei amatae aspectus inficit; sed proprius amor, ne dicam infania, cum vnusquisque suæ ægritudinis & erroris causa sit; amans namque non illius amorem quem amat, sed formæ tantum imaginem & simulacrum accipit, & in imaginatrice vi seruat; & hanc imaginem sepè reuoluens omnibus alijs pulchriorem & venustiorē iudicat. non igitur amans quia ab amata videtur, afficitur, sed quia ipse videt; & rem visam pluri quā debet æstimat, in varias infanias rapitur. Sunt enim plurimi qui seū videant, seu videantur, nunquam tamen tali infania afficiuntur; accedit, quod si spiritui ab oculis amatae exeunti huiusmodi contagiosa vis inesset, in cunctis hominibus eundem affectum pareret, quod tamen experientia reclamationat.

Non igitur per oculorum spiritus amor communicatur; sed potius amans, cum rem amatam intuetur, illius pulchritudinis imaginem in imaginandi virtute, vt dictum est, recipit. Ex quo ob continuum imaginandi actum, concupiscen-

di

di vis afficitur, vnde totius corporis alteratio & commotio nascitur. Idcirco plurimi priusquam internam rebus pulchritudinem degustarint, in ante percepta voluptate figuntur. Vnde ceu temulenti, aut veterinosi, ad veræ voluptatis reminiscentiam perducere minimè possunt; fitq; vt in his eueniat Amor febris. quod cholico morbo, seu pleuritide afflictis fieri solet, qui cū fomentis calidis istiusmodi mali rabiem se posse putant extinguere, eo quod momentaneam recreationem, siue doloris lenimen^d digestis solum halitibus experiantur, morbi tamen primariam causam & fomitem ex attractione humorum magis accumulanti; vnde & paulò post dolor cum febre amplius incrudescit, quod & in hydropicis, si sitientibus potū offeras copiosum, apparet. Nā & in amoris cestro qui sese per ætatis ludū, perq; pulchritudinis explementa morbo suo se prorsus mederi posse existimant, eiusdem potius perennem circulum ducunt, dum ex libatis corporum voluptatibus ipsa magis brutescens anima ad sensus à ratione labitur, & graui iam dudum saucia cura vulnus alit venis, & cœco carpitur igni. Quæcunque igitur de pulchritudinis circulo à sensibilibus rebus ad spiritum, animamq; interiorem, & hinc vicissim per spiritus ad sensus corporeos diximus, eadem de pulchritudinis sobole, siue amore intelligas velim, primò enim externè pulchritudinis vis sensum percellit exteriorem, præcipuè visum, vnde poëta,

Vt vidi, vt perij, vt me malus abstulit error.

A sensu externo per harmoniam sensibilem concitato spiritalis rerum spectatarum pulchritudo spectantis spiritum commouet, qui mox receptam speciem animæ quoque communicans facit, vt & concentus intrinsecus rei perceptæ concentum internum maximè, siue percipientis formā pari proportionem afficiat. Verum impressæ rerum pulchrarum imagines sæpè etiam à locis quacunque occasione mouentur, motaq; forma principe turbatur spiritus, à spiritu sensus externi denuo, vbi rursus apparet, mox præcipitium maius à nobilioribus sensibus ad magis ignobiles, ab olfactu ad gustum, ab auditu & visu ad tactum improbum, ab oculis ad complexus, & gradum vltimum voluptatis; quem vt Philosophi

pro

Pro summæ ducunt amentia, siue furoris specie; Medici comitialis morbi, siue conuulsionis quadam imagine; ita vulgus turpiter contra pro summæ voluptatis & absolute in amore beatitudinis cumulo, expetiscunt. Ex his igitur amoris origo satis superq; patet, quem si accuratius disquisieris, certè processus eius iuxta magneticas leges instituti, luculentissima *analogia*, dum magnetem pulchritudinem, ferrum autem amorem ad requisitam analogiam, & proportionem rerum statueris, patebunt.

Q V A E S T I O.

*Vtrum sanguis occisi ad præsentiam occisoris
fluat fascino quodam interueniente, vtrum
aliquo alio occulto magnetismo,
& quis ille sit?*

F Requenti experimento innotuit, occisum ad occisoris præsentiam sanguinem fundere, atque ita certum est, vt dum alia signa & indicia alicuius homicidij perpetrati non suppetunt, suspectum de scelere, occisi cadaueri sistere multis in locis soleant, vt facinus, quod nullo morali processu patere potest, physico innotescat. De huius igitur naturæ prodigio varij varia comminiscuntur. Paracelsus more suo phantasticus, phantasiæ vehementiori omnia adscribit. Alij ad miracula & vindictam Dei confugiunt. Quidam fascini quædam speciem esse volunt. Nos quid de eo sentiamus iam restat vt aperiamus. Suppono igitur primò è corporibus certa humorum temperie constantibus, in sensiles quasdam subtilissimasq; exhalationes diffundi, quæ dum aliud corpus in actionis suæ sphaera attingunt, miram habent alterandi facultatem & potentiam. Secundò affectus animi, vehementiaque pathemata maximam vim obtinere in animam spirituum ope, vt supra dictum est, humores totius corporis alterando, potissimum autè in sanguinem vim suam exercendo. Tertiò, in mortui cadauere non statim omnes qualitates sanguini in-

exi.

existentes, neque spiritus animales defiuere: sed subinde pro dispositione corporis naturalis multo tempore in iisdē durare posse. Quorum opera pręculdubio aliqui motus, aut actiones viuus haud absimiles causari possunt. Quartò, inter homines viuos etiam ignotos, vel ad primam conuersationem subinde tantam auersionem notari; vt se mutuo tolerare, nequeant. Quod non propter solam imaginationem, sed physicam quandam qualitatum contrarietatem, non secus atque in lapidibus, plantis, atque animalibus contingit, prouenire censemus.

His pręsuppositis, ita hanc prodigiosam naturę actionem explicamus. Cum in homicidio, vt plurimum vehementes animi impetus, ac pathemata prorsus enormia potentię irascibilis, videlicet maleuolentię, irę, indignationis, inuidię, odij, vindictę, interueniant. Pręterea inuidia, ira, indignatio, ipso S. Thoma teste, certum quoddam ex effusa, bile venenum generent fascino peragendo aptum, ita efficax, vt non solum veluti in proprium corpus reflexum, id extenuare soleat, sed & in aliud; ita quoque inter cadauer spiritibus animalibus adhuc turgens, & occisorem ira, inuidia, & odio efferuescentem, qualitates quędam generari possunt, qualitatibus sanguini cadaueris inexistentibus contrarię, quibus sanguis incitatur. Habet enim vapor ille cholericus ira efferuescens nescio quid virtutis incitatiuę sanguinis, vt in aliquibus videre est, qui quoties bile excandescent, copiosum per nares sanguinem fundunt; æstu enim cholę sanguis rarefactus, ac maiorem locum quærens, dum non inuenit, fractis claustris, qua data porta erumpit; ita fieri censendum est in nostro casu; vehemens enim & violentus spiritus, quo occisor alium sibi inimicum imperit, maligna vi plenus per oculos, os, nares, in inimici ingressus intimas fibras, tum potissimum sanguinem, ac in sanguine latentem qualitatem vectore spiritu inuadit, qui incitatus, vel vi rarefactiua sanguinis cadaueris, vel alio quodam occulto naturę dissidio loco cedens foras erumpit, eo quod spiritus occisoris sanguini occisi dicta ratione communicatus, non commodē in alieno subiecto existens, proprium

Causa vera assignatio.

vide-

videlicet occisoris sanguinem naturali inclinatione appetat, hic verò illum, seu sibi proprium ac naturalem attrahat, non secus ac supra de antidotum magnetismo docuimus; repellente cadauere spiritum tanquam sibi repugnantem & inimicum; dum igitur occisoris sanguis, quod suum est appetit, occisi autem contrarius spiritus, spiritum inimicum & hostilem repellit, fit vt hac spirituum contrariorum lucta, sanguis, quorum vehiculum est, efferuescens violenter foras erumpat.

Atque hac ratione ego hanc a.

ctionem sanè prodigiosam

perfici, saluo aliorum

iudicio, existi-

mo.



LIBRI TERTII
 M V N D I M A G N E T I C I
 P A R S D E C I M A .
 M A G N E S E P I L O G V S .

id est,

D E V S O P T . M A X .

Totius Naturæ Magnes.



C A T E N A M Magneticam hucusque tripartito opere tibi Lector beneuole contexuimus ; catenam , in quam , ex omnibus mundi rebus connexionē heracleotica compositam . Atque in primo quidem Libro varias & prodigiosas Magneticarum operationum virtutes continua quadam experimentorum concatenatione tibi ob oculos posuimus . In Secundo veluti Thaumaturgo quodam Magnetico inuisa earundem spectacula, Geometrica, Astronomica , Statica, Mechanica, Magica , Geographica , Nautica exhibuimus ; In tertio denique Libro , Simias omnis generis Magneticas in theatro naturæ, à nemine, quod sciā huc vsque exhibitas produximus ; Vidisti Magnetes Plutonios, Aeolios, Iunonios, Vulcanios ; Magnetes fossiles, Plantales, Animales, Microcosmicos, Megacosmicos cum admiratione intuitus es . Nihil igitur porro restat , nisi vt explicatis singulis ad totius Magneticæ actionis fontem, totius concatenationis nostræ nexum & vinculum ad Aeternū illum inquam & vniuersæ naturæ Magnetem centralem, à quo sicut per diuinam radiorum diffusionem omnia emanarunt, ita ad eam veluti ad amoris vniuersi centrum & Magnetem παντ' ἐλκουῖτα finaliter rapiuntur, postliminiò reuertamur; sic fiet, vt hæc catena nostra, quam decem partibus veluti totidem annulis magneticis quibusdam totum rerum creatarum

M m m

ordi-

ordinem comprehendentibus, mysticè nexuimus, Cabalicæ illi x. Zephiroth arbori innexa, mundi totius nexum & ordinem luculentius ostendat. Verum vt quisnam ille Diuinitatis magnetismus sit, in quo huius admiranda vis & efficacia consistat, intelligamus, breuiter hoc loco, cum is vnicus catenæ nostræ nexus & complementum sit, demonstrandum putauimus.

Matth. 25.

Quemadmodum igitur in magnete vno & eodem subiecto vis triplex considerari potest, attractiua, dispositiua, & vis connectens, ita in DEO Opt. Max. centrali rerum magnete inest vis quædam attractiua. DEO Patri omnia in se tanquam in abyssali quodam entium fonte complicanti, omnium sibi filiorum hominum corda copulanti conuenit, vnde æterna Veritas, Nemo venit ad me, nisi Pater qui misit me traxerit eum. Deinde vis dispositiua, quæ Filio congruit Sapientiæ Patris, quæ omnia componit, diuidit, attingens à fine vsq; ad finem fortiter, & disponit omnia suauiter. Tertiò vis connectens omnia, quæ est Spiritus sanctus, qui attracta, disposita, que indissolubili quodam nexu, quantum ex se est, ita coniungit, vt nunquam separari amplius possint. Verum vt hæc melius intelligas. Nota, omni Enti creato, vt Ens est, tria conuenire. Primò, quod antequam esset habuerit essendi potentiam, quæ propriè DEO Patri conuenit, qui rei essendi actualitatem tribuit, per quam res de non esse ad esse potuit produci; & est entitas seu vnitas essentialis, quæ ex Omnipotentia sua id quod nihil erat, efficit esse. Secundò, quod res non tantum potentiam essendi habeat, sed vt verè hoc vel illud sit, hoc est certum quid, & determinatum, puta Coelum & non aliud, Elementum & non aliud, & sic de cæteris; quæ discretio, determinatio, seu dispositio propriè Verbo, seu Sapientiæ Patris, quæ est vnitatis, seu Entitatis æqualitas, vis ἀπὸ τοῦ Θεοῦ, adaptrix, seu compositrix omnium. Tertiò conuenit enti, vt non modo verè actu & realiter sit, sed in ordine ad aliquid, quam habet à Spiritu illo Diuino omnia animante, omnia per vnionem connectente; spiritus enim amor est, vniens & connectens in nobis, & in vniuerso omnia; vnde sicuti Vnitatem nihil gignit, ita & Patrem Aeternum, & sicut æqua-

æqualitas ab vnitatem procedit, ita & Verbum, & vt nexus ab vnitatem & æqualitate procedit, ita & Spiritus sanctus à Patre & Filio. Vnde omnis res, vt habeat esse, & tale esse in quo est, opus habet vnitatis principio magnetico attrahente, disponente & connectente, ita vt quod Pater per creationem in actum deduxit tanquam principium, id per Verbum suum siue Sapientiam, seu per medium rationis, in Spiritu sancto tanquam fine vniatur; atque ita hoc nexu perficiatur, compleaturque. Sapientia igitur quæ est ipsa essendi æqualitas, Verbum, seu ratio rerum est, scilicet infinita, intellectualis forma, omnibus alijs possibilibus formis dans esse, omniumque talium præcisissima æqualitas, & non secus ac magnes infinita alia virtutis suæ capacia, vi sua informat, animat, sibi-que in omnibus similia reddit; ita infinita Sapientia est simplicitas omnes formas complicans, omniumque formarum adæquatissima mensura est, omnium formarum formabilium, vnicum exemplar, quo omnia attingit, omnia terminat, omnia disponit. Est enim in omnibus formis, vt veritas in imagine, vt exemplar in exemplato, vt forma in figura, vt præcisio in assimilatione; quæ licet se communicet liberalissimè, cum sit infinitè bona; tamen à nullo capi potest vti est. Vnde prouenit, vt Sapientia in varijs formis recepta hoc efficiat, vt quælibet res ad identitatem vocata, modo quo potest Sapientiam participet, ita quædam eandem participant, modo à prima forma valdè distante, qui vix esse elementale tribuit; quædam in gradu magis nobili, qui tribuit esse minerale. Alia adhuc in nobiliori gradu; qui vitam præbet vegetabilem; adhuc alia in altiori, qui sensibilem; postea qui imaginabilem; deinde qui rationalem, demum qui intellectualem, & hic gradus est altissimus, proxima scilicet Sapientiæ, & mentis æternæ imago, vnde mens nostra nisi sit vna in Trinitate, intelligere nihil potest, quemadmodum nec mens Diuina. Primò enim dum mens creata se mouet vt intelligat, aliquid in similitudine posse fieri seu materiæ præmittit, cui aliud in similitudinem posse facere seu formæ adiungit, & tunc in similitudine compositi ab utroque intelligit, dum autem modo materiæ comprehendit, genera facit; dum modo formæ

comprehendit differentias; dum modo compositi species facit aut indiuidua; dum modo propriæ passionis intelligit, facit propria; dum modo aduentitij percipit, accidentia facit, nihil autem intelligit nisi præmissis vno modo materiæ, & alio formæ, & modo compositi illud necitat. Vides igitur hanc mentis nostræ conuersionem magneticæ conuersioni menti diuinæ in omnibus assimilari, neque aliam esse differentiam, quam quod mens Aeterna concipiendo, volendoq; creet, nostra concipiendo assimilet, notiones seu intellectuales faciendo visiones. Diuina mens est vis entificatiua, nostra assimilatiua, in visu enim se assimilatur visibili, in auditu audibili, gustabili in gustu, in odoratu odorabili, tangibili in tactu, in sensu sensibili, in imaginatione imaginabili, & in ratione denique rationabili. Sed & omnes brutorum animæ confimiles, licet confusiores obscurioresq; affectant assimilationes, vt suo modo & conditioni naturæ eorum conuenientes assequantur notiones; affectat & hanc assimilatiuam vim suo quoquo modo, ipsa vegetabilis natura, etsi tanto obscurius & confusius anima sensitiua, quanto hæc à rationali maiori interuallo distiterit, quin & ipsa inanimata, iuxta gradum naturæ eorum consentaneum huius assimilatiuæ virtutis indicia haud obscura præbent; in quantum singula diuinam hanc perfectionem, quam in æterna illa forma formarum, rerumq; omnium exemplari complicatam habent appetitu innato, vt in hac magnetica nostra catena per singulos entium gradus fusè demonstratum est, affectat; atque ex hoc innato ad propriam perfectionem appetitu oritur vis ista attractiua & dispulsiua elementorum; in vegetabilibus amicitia similium, dissimiliumq; lis & discordia; in animalibus quoque varij instinctus, vel ad prosecutionem boni, aut fugam mali; quæ omnia veluti Aeterni istius magnetis Sapientiae inquam productricis rerum, quædam, vt ita loquar, particule ad ideale magnetis sui exemplar se conformantes in singulis entibus elucescunt. Maximè autem in immediata Dei imagine, in mente inquam humana magneticus hic appetitus cernitur. Cum enim æterna Sapientia in omni gustabili gustetur, & in omni delectabili ipsa sit delectatio, & in omni pulchro sit ipsa pulchri-

chritudo, appetitio denique in omni appetibili ; mirum non est, si in omni humanæ vitæ conuersatione anima inquieta, in nullo alio nisi ipsa quiescere possit, ex qua, in qua, & per quam omnis illa, quam desiderare homo potest felicitas est, vnicum desiderij sui complementum, principium, medium, & finis. Ad hunc igitur æternitatis Magnetem vti omnia, ita potissimum mens nostra, ceu ferrum ad magnetem, à quo vitam meret & gratiam beatitatemq; ardentissimè fertur. Sicut enim ferrum in magnete quoddā sui effluxus principiū habet, & dum magnes per sui præsentiam ferrum graue & ponderosum ad motū excitat; ferrū concitatissimo quoq; appetitus quodam impetu, etiam supra naturæ motum, quo secundum grauitatem deorsum tendere debet, sursum, vt suo se principio vniat, mouetur. Nisi enim in ferro quædam esset prægustatio naturalis ipsius magnetis; non moueretur plus ad magnetem, quā ad aliū lapidē, & nisi in lapide maior esset inclinatio ad ferrum quam ad cuprū, non foret illa quā experimur, attractio, & coitio; habet igitur spiritus noster intellectualis ab æterna Sapientia principiū, sic intellectualiter, vt ita loquar, essendi ; quod esse conformius est Sapientiæ, quam aliud non intellectuale ; hinc irradiatio, seu immissio in sanctam animam, est modus ex parte ipsius præuia luce, appetitiuus, seu desideriosus in excitatione; qui enim quærit motu intellectuali sapientiam; hic internè tactus ad prægustatam dulcedinem, sui oblitus in corpore, quasi extra corpus, rapitur, ita vt omnem sensibilem & delectabilem rerum pondus eum tenere nequeat, quin se attrahenti Sapientiæ perfectè vniat, iuxta illud Apostoli, Quis me separabit à charitate Christi, &c. Assimilatio enim quæ spiritui nostro insita est, non nisi in ipsa Sapientia, cuius vera & viuua imago est, quiescit. Hæc autem imago per vitam sese motu exserit ad exemplar, in quo solum quiescit, vita enim imaginis in se quiescere non potest, cum sit vita veritatis & non sua ; hinc mouetur ad exemplar, vt ad veritatem sui esse; si igitur exemplar est æternum, & imago habet vitam, in qua prægustat suum exemplar, & sic sollicitè & efficaci quodam attractu mouetur ad ipsum; & cum motus ille vitalis non possit quiescere nisi in

vita infinita, quæ est æterna Sapientia; hinc spiritualis ille motus, cum infinitam vitam infinitè attingere non possit, nunquam, etiam cessare potest, semper enim iucundissimo, ardentissimoq; desiderio in magnetem illum æternæ Sapientiæ incessabiliter, & sine vlllo fastidio & nausea mouetur. Hinc nullum bonum creatum animam nostram satiare potest, sed solum id, quod omnia bona in se complicata habet, & à quo ceu fonte omne aliud bonum perenni motu manat; hinc inquietum est cor nostrum, donec requiescat in eo, quod ipsum solum seruare potest. Quin ipsa æterna Veritas, quali tractiuæ virtutis efficacia polleat, in sacro suo Euangelio satis ostendit his verbis; Cum exaltatus fuero, à terra omnia ad me traham. Certè quomodo id completum sit, nemo est qui nesciat. Nam hisce funiculis crucis magneticis, hisce vinculis mox totus mundus attractus post eum abiit; hoc magnete Principes, Reges, Imperatores attracti, relictis sceptris, mundoq; spreto, Christo magneti adhæserunt. Hoc innumera hominum vtriusque sexus multitudo attracta, per triplicem Religionis funiculum, diuitijs, honoribus, omnibusq; mundi oblectamentis spretis, perpetuò se Christo obstrinxerunt; Huius dulcedine allecti sancti Christi Martyres innumeris se tormentis obiecerunt, omnia arbitantes vt stercora, vt magneti suo æternum vniri possent; est enim hoc Diuini amoris poculum ita efficax, vt homines prorsus in alienam formam transmutare videatur. Verum ad hanc beatitudinem consequendam non sufficit, intellectu tantum illa ad se attraxisse, sed & voluntate efficaci, per opera bona veluti radios quosdā reciprocos, eum ad nos inuitare oportet; neque enim ferrum impurum, immundum, multisq; quisquilijs refertum à magnete appeti potest, in corpore subdito peccatis Spiritus Sapientiæ habitare nequit, neque in maleuolam animam introibit Sapientia; sed in imagine sancta, pura, sibi prorsus conformi sedem suam ponit; hæc enim ager ille Dominicus est fructum ferens immortalem, ager virtutum, quem Sapientia colit, ex quo nascuntur fructus spiritus, qui sunt iustitia, pax, fortitudo, temperantia, castitas, patientia, quæ sunt veluti totidem catenæ magneticæ, quibus sibi animas suas desponsatas attra-

atrahit æterna DEI Sapientia. Porro qua ratione DEVS per Sapientiam suam in Spiritu sancto mundum animet & perficiat, & quomodo in omnibus omnia insint? restat dicendum.

Cum itaque, uti ex præcedentibus dictum est, DEVS Opt. Max. insit omnibus, & omnia in ipso, constat quoq; DEVM & immediatè quidem in vniuerso esse, adeòq; in omnibus; hinc omnia in omnibus certo modo esse, ambigi nō potest, & quodlibet in quolibet; vniuersum enim quasi ordine naturæ perfectissimum præcessit omnia, ut quodlibet in quolibet, eo modo quo dictū est, & intellectus humanus ex ijs, quæ DEVS fecit, rimari potest, esse posset; in qualibet enim creatura vniuersi quædā ratio inueniri potest: & ita quodlibet ad omnia; est autem vniuersum in rebus non nisi contractè, ita ut res actu existens contrahat omnia, ut sint actu id quod est; omne autem actu existens in DEO est, ipse enim est forma & exemplaris quædam ratio omnium, quæ est perfectio & finis potentix. Vnde cum vniuersum in quolibet actu existente sit contractum, patet DEVM qui est in vniuerso, esse in quolibet, & quodlibet in ipso, uti & vniuersum in quolibet contractè, id quod ipsum est contractè; & quodlibet in vniuerso est ipsum vniuersum, quamuis vniuersum in quolibet sit diuersè, & quodlibet in vniuerso diuersè. Nam in lapide omnia non, lapis sunt, non vita, non sensus, &c. sed in lapide omnia sunt lapis, sicut in vegetabilibus anima, in viuentibus vita, sensus in sentientibus, in imaginantibus imaginatio, ratio in ratiocinantibus, intellectus in intelligentibus, in Deo deniq; Deus. Vides igitur quomodo vnitas sit in multitudine? & in vnitate multitudo? vides quomodo quælibet res actu existens ex eo quiescit? quia omnia in ipso sunt ipsa, & ipse in D E O D E V S. Vides hic (ut omnia sint in omnibus) rerum vnitatem, æqualitatem & connexionem quandam prorsus admirabilem. Si enim consideres humanitatem quasi quid absolutum, quod permisceri & contrahi nequeat, consideres præterea hominem in quo ipsa humanitas absoluta absolutè, & à quo est ipsa humanitas contracta, videlicet homo, certum est absolutam humanitatem esse ipsissimam participationem.

DEI, contractum verò quasi vniuersum instar plenioris imaginis; & quemadmodum ipsa humanitas absoluta in homine est veluti antecedenter; ita & ipsa contracta humanitas in quolibet membro aut parte, puta in oculo, partialiter aliud nō est, quam oculus, in corde cor, in cerebro cerebrum; & ita contractè in quolibet quodlibet; atque hæc est similitudo DEI & mundi, ita nimirum DEVS in mente sua creaturarum rerum naturas effingit, peragens modo quodam spiritali cūcta, quæ in corporibus hisce percipimus. Ita

*— — — cælum & terras; camposque liquentes,
Lucentemq; globum Lunæ, Titaniaq; astra,
Vnde hominum pecudumq; genus, vitæq; volantum,
Et quæ marmoreo fert monstra sub æquore pontus.*

Deus igitur omnia ex abyssali Diuinitatis conceptu penetrās Verbum produxit lucem, ex luce inuisibiles rerum virtutes, ex his visibilis mundi machina, & sic omnia sunt in omnibus suo modo, & vnum manet in altero, sicut semen in arbore. & arbor in semine; in quibusdam DEVS trahit Angelos, Angeli ex imperio DEI animas, animæ corpora suis functionibus apta; corpora huiusmodi vicissim innato sibi, & reciproco appetitu animas, animæ angelorū perfectionē, angeli cum omnibus DEVM appetunt, eiq; centraliter se coniungunt.

Per huiusmodi catenam, seu restem magneticam cœlitus fragilitati nostræ demissam in terram, mens seu anima nostra, intellectualis ope diuina per creaturarum ordinem, ab imis ad media, & per hæc extra mundum ad ipsum rerum opificē attracta ascendit & assurgit, ad vnum, primum, & summum, pulchritudinem infinitam; amoris centrum, vniuersæ naturæ magnetem, ad quem tanquam ad desideratum terminum omnia insito sibi impetu tendunt, rapitur; sicut enim vis magnetica profusa annulos longo ordine & concatenatim sibi necit, sibiq; similes facit, ac virtutis eiusdem participes; ita DEVS Opt. Max. per Diuinæ maiestatis suæ radium, hoc est verbo virtutis suæ producit lucem Angelicam, per angelos superiores inferiores, & per hos cœlesti quodam radio illuminat animas, per animas vim in corpora infundit, è quibus tandē fructus multiplices in nostrum protuberant aspectum; vnde

om-

omnia in omnibus sunt, inferiora in superioribus conditione
 cœlesti, hæc in ijs conditione terrena; sicut igitur in DEO
 omnia sunt diuinè, in Angelis angelicè, in mundo omnia sunt
 mūdalter, pari ratione in imaginatione animæ rationalis sunt
 quinque sensus, imaginatio est in ratione, ratio est in mente,
 mens est in DEO, DEVS in nullo nisi in seipso; hinc sensus
 trahunt obiecta exteriora, visus coloratum, sonorum auditus,
 sapidum gustus, vapidum odoratus, molle tactus, imaginatio
 sensum, ratio imaginationem, mens rationem, mentem deni-
 que DEVS mouet, trahitq; ad se. Vides igitur verum esse,
 magnetem intellectus; voluntatis bonum, memoriæ remi-
 niscentiam; appetitiuam, concupiscibilem, & irascibilem
 magnetem esse boni, honesti, delectabilis, vtilis, ardui, diffici-
 lis, ita vt quot potentie sunt, tot attrahibilia constituentur. Si
 igitur corpora, si animas, si angelos, non hæc quidem, sed in
 ipsis, veluti in speculis quibusdam DEVM intuebimur, in
 corporibus quidem DEI vmbram, in animabus DEI simili-
 tudinem, imaginemque, & longè eam in Angelis perfectiorè,
 ita vt quidquid vbiq; rectū est colligas, ex collato figurā inte-
 grā, ex obseruatione omniū fabrices, vt absoluta rerum om-
 nium in omnibus dispersa pulchritudo, in animo tuo vnus fit
 imaginis cōprehensione collecta. Quæ cum ita sint, nihil por-
 rò restat, nisi vt huic, qui ab omni æternitate nos, iuxta illud
 Prophetæ ad se attraxit, miserans, æterno, inquam, & incorru-
 ptibili magneti indeclinabiliter adhæreamus, in hunc solum
 animus noster, omnisq; intentio cordis perpetuò inclinet,
 nec vllō vnquam terrenæ contagionis pondere ab eo separe-
 mur. Ita DEVM ad præsens in omnibus diligamus, vt in
 DEO tandem omnia diligamus. Quisquis enim hoc in tem-
 pore sese DEO plena charitate deuouerit, in DEO se deni-
 que recuperabit, ad suam per quam productus est reuersus
 ideam, ibi rursus si quid ipsi defuerit, reformatus, ideæ suæ
 perpetuò cohærebit; qui verò discerptus, mutilatusq; à vera
 sui idea, formaq; fuerit disiectus, diuino amore pietateq; om-
 ni contentione ei se denuo coniungere studeat. Ideis enim
 nostris amore coniuncti, in integros, veros, & ideæ vndequa-
 que similes homines euademus. Suffecerit igitur nobis vel
 solo

solo istius diuini exemplaris intuitu fructus hic longè vberri-
mus; vt nosmet continuo mentis in DEVM ascensu disca-
mus, vt cum multiplicem humanæ vicissitudinis circulum
perspexerimus, omni bono caduco malum confitum, & malo
bonum assidue cogitemus. Amemus hæc omnia tanquam
osuri, oderimus tanquam amaturi, læti in tristibus, & in lætis
successibus anxij; nunquam tamen nec spe inani, nec nimio
metu, nec vlla cupiditate transuersi, ceu ruptis repagulis ef-
feramur. Nec verò id aliter fiet, quam vt & nos & nostra
omnia diuino arbitrio soli, & omnium Oeconomo præstantis-
simo DEO absque vlla vel perturbatione insigni, vel futuro-
rum varia sollicitudine committamus; ipse enim sola & vnica
animæ nostræ quies, centrum, M A G N E S.

ΑΠΟΣΤΡΟΦΗ ΠΡΟΣ ΤΟΝ ΘΕΟΝ


Μαγνήν τῆς ὅλης Φύσεως.

Ω Θεὸς ΑΘΑΝΑΤΟΣ τὰ σιδήρεα σέρνα ἐφέλκε
ΑΘΑΝΑΤΟΥ σέο, καὶ σήδεα πάντα βροτῶν.
Σὺ γὰρ Μαγνῆς πάντων, τὰ πρὸς πάντα ἐφέλκων;
Ἡμῶς κήσματα σὲ ἢ ἢ σιδήρεος ὁμῶς
Εὐδικίῃ γὰρ ἔρος δὲ πόλοι δύναισι; ἐκείνῳ
Παντ' ἐπάγης, τέτῳ κήσματα παντ' ἐπαυᾷ.

Laus Deo. Virginiq; Matri.

INDEX RERVM

TERTII LIBRI.



A



*Bfurda multa inferuntur
ex sententia, quæ dicit
Deum immediatam rerū
omnium esse causam.*

783. 784. unde confutatio eius
sententia. *ibid.*

Actio in distans non datur. 715

Acus metalloscopa. 727

*Aconitum quos effectus præstet in
sumentibus.* 870

Adamantum generatio. 627

*Adriatici maris fluxus & refluxus
causa.* 693

*Aeolia machina in usum fabrorum,
organorumque, similiumq; opifi-
ciorum.* 617

Aeris productio. 579

Aeolarum pilarum varietati 616

Aeolius magnes. 769

Aestus freti sæculi causa varia. 696

*Aetites lapis trahit utrum mulie-
ris.* 730

Aitochtli animalis astutia. 760

Alectorius lapis. 828

*Alexipharmaca media inter deleteria
& alimenta.* 793

Alimenta nostræ naturæ congrua.
793

*Algebraica operatio in inueniendis
proportionibus motus harmonici.*
845

Aloe trahit phlegma. 796

Alumen ut fiat. 660

Aluminaria arbores. 661

Amor quotuplex, & eius officia.
894

Amor in omnibus inest. 895

*Amor omnium author & conserva-
tor.* 896

*Amor omnes artes & scientias pro-
creat.* 896

*Analogia medicinalium ad membra
diuersa.* 794

Analogiæ rerum mira vis. 722

Analogia magnetis ad plantas. 704

Analogia fluxus maris ad magaetem.
685

*Analogia motus magnetis ad planta-
rum motus.* 698

*Anates quomodo ex arboribus in
Scotia nasci dicuntur.* 711

Anemoscopium nouum. 771

*Anguis Stupidi Americani, ceruorū,
aliorumq; magnetismus.* 759

*Animalia professionem omnium ar-
tium, & scientiarum affectant.*
531

Anima vis in corpus. 832

*Animalia artificialia quomodo li-
quorem porrectum bibant.* 603

*Animalia aquatica plura, & maio-
ribus viribus prædita quam terre-
stris.* 761

Ani-

INDEX RERVM

*Animalia variegata quomodo produ-
cantur.* 838
Animalia marina attractiua. 762
*Anni tempora singula proferunt res
humori dicto tempore abundanti
proficuas.* 820
Ανδερονόμοι βερξιδες. 730
*Antidotum contra haustum hydrar-
gyri fumum.* 653
*Antiperistasis mirorum effectuum
causa.* 535
*Antipathia inter Lusciniam & Ser-
pentem.* 760
Antipathia bufonis cum aranea.
807
*Antipathia sanguinis inter occisum
& occiforem.* 828
*Anthromorphi, seu Sirenis sanguine
trahentis magnetismus.* 772. de-
scriptio.
*Appetitoria tot sunt, quot attrabibi-
lia.* 817
*Appetitiua loci tertia elementorum
vis.* 582
*Appetitus se commodè constituendi
singulis rebus insitus.* 578
*Aphroscinos Lunæ incrementa de-
monstrat.* 741
*Aqua pluuiialis omnium rerum mi-
stura constat.* 718
Aque omnia insunt. 635
Aqua & terræ productio. 579
Aqua & aer media elementa. 582
*Aqua in aerem, & hic in ignem mu-
tatur.* 584
*Aquam in quamuis altitudinem du-
cere.* 599
Arbor serpentifera. 711
Anatifera Scotiæ. ibid.
Arbores se ad Solem cōuertunt. 746
Arborem producere in phiala vitrea.
660
Arbores naturalē sitū appetunt. 703

*Arbores dissimiles insitione non coa-
lescent.* 708
Agenti viui coagmentatio. 658
Argumentorum Kepleri confutatio.
551
Ars magnetica meteorologica. 613
*Ars quomodo naturam imitari de-
beat.* 620
Ars insitoria. 705
*Arundo & silex occulta vi se fu-
gant.* 820
Asini fimus ad quid conducatur. 824
Assimilatiua vis elementorum. 561
*Astroiti lapidi motus communica-
tur.* 639
Attractio ex calore. 789
Attrahendi varia ratio. 760
Quomodo fiat. ibid.
*Attractio & repulsio elementorum
utrum verè sit magnetica.* 580.
& seqq.
*Attractionis eletrica & magnetica
differentia.* 641
*Attractio auri & mercurij non est
magnetica.* 655. nec eletrica.
ibid. non fit ratione vacui. 656
Auis triceps quomodo producat.
839
Auri generatio. 626
*Aurum contra malignam vim hy-
dragryi.* 653
Author philosophiæ mosaicæ. 778
Axioma Cabalisticum. 537

B

B *Oriza herba apud Rabbi Sola.*
743
Boramez planta Agnifera. 730
Bruta quomodo musica delectentur.
847
Bufo quomodo mustelam attrahat.
758

Bufo-

TERTII LIBRI.

Busonis & muslele magnetismus. *Communicatiua vis elementorum.*

757 583

Busonis usus. 637 *Comparatio elementorum cum mag-*
Busonius lapis. *ibid.* *nete.* 583

Comparatio magnetis cum mēdica-
mentis. 789

Confutatio sententiae authoris Mo-
saici. 779

Congelatio liquorum quouis aestatis
tempore. 616

Consonantia, & dissonantia quid.
850

Conuersionis herbarum ad Lunam
quae causa? 747

Corpus intus & foris spirabile.
796

Corpora coelestia causa mirorum ef-
fectuum. 536. 537

Creatio ignis. 579

Curationis ratio in spelunca Serpen-
tum. 804. *Causae huius curatio-*
nis. 805. *Quid ad eam faciant ser-*
pentes. *ibid.*

Cura passim fit per similia & con-
grua. 807

Cura morborum superstitiosa vitan-
da. 825

Currentium causae. 673

Currentes quam in partem ubiuis lo-
corum vergant, instrumenti cu-
iusdam ope inuenire. 690

Currentium varius fluxus in mari
Mediterraneo. 692

Cur nullus aestus in mari Mediterra-
neo. *ibid.*

Cur in Aquilone omnia alba. 839

Cur sono vehementi terre amur. 847

Cur aliqui numeri sint sonori, alij
non. 850

Cur pueri, scemina, & eunuchi simul
canentes cum viris octaua dise-
rant. 859

Cur Tarantiaci non nisi musica
curari

C

Calor radicalis confortatus om-
nibus morbis medela. 812

Caloris & frigoris effectus. 850

Canis rabidi morsus quid efficiat.
887

Cantbaridum vis mirabilis. 794

Caprifici magnetismus. 720

Causae efficientis & materialis dispo-
sitio. 535

Causa figurarum in lapidibus. 630

Causae conuersionis plantarum ad
Solem. 745

Causa maculae in helite. 748

Causa saltus Tarantiacorum. 885

Cautica medicamenta. 789

Cautela ab Agyrtarum imposturis.
825

Centro terrae non inest vis magneti-
ca. 594

Cerastris morsus quid inferat. 887

Cbelydonia radix Ictero medetur.
824

Chondrilla hemorrhoidalis. 824

Chorda chordam intacta mouet. 829.
quomodo. 858

Chymistarum impostura. 612

Clauis naturae quae. 532

Clauis chymiae vera. 635

Clima omne morbis in eo regnantib-
us appropriata media producit.
821

Colores certos cur animalia ferre non
possint. 757. *Cur vocem fugiant.*
ibid.

Caeli in inferiora magna vis. 537

Collium generatio. 634

INDEX RERVM

curari possint. 882
 Cur tantopere coloribus delecten-
 tur. 887
 Cur aqua frigida. 869
 Cur gladijs. ibid.
 Cur tam varijs gestibus & moribus
 agitentur. 870
 Cynosastus noctu lucens. 743
 Cythara sono an David malignum
 spiritum à Saule physice expulerit.
 862

D

D Eleteria natura nostra contra-
 ria. 793
 Demonstratio. 543
 Deus noluit nobis esse incognitas vi-
 res rerum. 530
 Dei sapientia. 550. in disponendis
 rebus. 691
 Deus centralis rerum magnes. 907
 Diapason quomodo in dupla propor-
 tione consistit. 851
 Diapente proportio. 852
 Diatessaron proportio. 853
 Diapason }
 Diapente }
 Diatessaron } consonantie quæ. 854
 Ditonos }
 Diapason omnium consonantium
 perfectissima. 854
 Differentia inter magnetem & ma-
 gneticum. 542
 Dispositio terrarum causa curren-
 tium. 673
 Distillandi ars simia nature. 849
 Dorij toni vis. 804
 Dracontea herba. 804
 Dracunculus miraculum nature.
 825
 Duplex magnetismus in homine.
 818

Diuerfis instrumentis pro veneni di-
 uersitate Tarantiaci curandi. 883

E

E Cheneidis magnetismus. 761. de-
 scriptio. 762. eius vis. ibid.
 Echotechnia. 864
 Effectus sympathicus qua ratione
 contingat. 716
 Effectus naturalis. 812
 Electri ocymum etiam trahere con-
 tra Alex. Aphrodiseum. 648
 Electrum omnia trahit. 648
 Electris attractionibus tempus op-
 portunum. 648
 Electrum cur presente igne non tra-
 hat. 646
 Electrum non facile, nisi prius leui-
 ter tersum trahit. 645
 Electri generatio. 644
 Electrica attractionis causa. 641
 Elementa & metus vacui varios cau-
 sant effectus. 535
 Elementorum vis magnetica experi-
 mentis ostenditur. 583. & seqq.
 Elementorum transmutatio. 584
 Elementaris aquæ motus causatur
 incendio subterraneo. 633
 Elementorum conspiratio mutua.
 ibid.
 Elementa quomodo cōsociantur. 639
 Elementarium actiones. 640
 Elementaris vis quid agat. 796
 Elixir vitæ quomodo venenum pel-
 lat. 810
 Elixeris vitæ compositio. 813
 Εμφυλλισμός, siue insoliatio quid?
 707
 Elixir vitæ habet se ad simplicia.
 quæuis ut forma vniuersalis ad
 omnem formam aliam. 815. om-
 nia attrahit, sibiq; appropriat. 816
 Em-

TERTII LIBRI.

Emplastra attractiua. 790
Emplastrum ex contuso magnete
nulla vi magnetica pollet. 787
Experientie varia in transmutatio-
nibus metallorum. 658
Experientia magistra veritatis. 649
Experimenta varia. 547. 555. 557.
 585. 588. 616. 700. 717. 723. 728.
 749
Experimenta monstrantia leuitatem
& grauitatem rebus insitam ana-
tura. 593. & seqq.
Experimenta musica. 846. 863
Experimentum mirabile. 883

F

F *Abrica virgæ auriferæ.* 725
Fascinū quid, & quotuplex, An
verè fascinum detur, & quomodo
id agat. 998
Ferri generatio. 626. *varius vsus in*
rebus medicis. 775
Ficus quomodo breui maturescant.
 720
Figura geometrica in quibusdam
fossilibus vnde. 629
Filix & arundo. 794
Fimi animalium attractiui. 790
Fistula ex tibijs lupinis an sono oues
fuget. 863
Fistula ex thyrsis bellebori, Satyrj
agni casti, vitis auri, an Sciaticā
curet, an ad impudicitiam, castita-
tem, sobrietatem sono excitet. 861
Flatus vehementia. 617
Flores etiam nubilo cælo demonstrāt
Solem. 735
Flores imitantur motum cæli diur-
num & annuum. 732
Flores malua Sole meridianum sub-
eunte se pandunt. 735
Fluxus & refluxus maris. 667

Fœmina phantasia magis quam viri
exposita, & grauidæ magis quam
non grauida. 833
Fontium origo. 633
Freti Siculi fundi constitutio. 695.
 696
Frutex tartaricus boramex dictus.
 729
Fulgurum & tonitruum cause. 619.
horum productio artificialis. 623
Fungi quomodo ex arbore producant-
tur. 711

G

G *Algalus, siue icterus visu mor-*
bum regium sanat. 768
Garritus autum artificialis. 603
Gilbertus de magnete. 540. *eius ob-*
iectio. 544
Goyaula flos Aethyopiæ mirabilis.
 744
Grandinis, niuiumq; productio. 613
Grando cur æstate plus sauiat, quam
hyeme. 616
Guarta planta apud Arabes idem
quod Lunaria. 744
Gypsea non trahunt magneticè. 649

H

H *Armonia coloribus inest.* 889
Harmonia, & consensus pro-
portio ad spiritus vitales. 850
Halorrhæometrum instrumentum.
 686
Heliotropij ad Solem conuersionis
causa. 750
Heliotropij materia specifica quali-
tate constat. 749
Heliotropia varia. 734
Helites gemma. 743
Hellebori vis. 861

Her-

INDEX RERVM

Herba nutrimentum sibi conueniens attrahunt. 724
Herba magnetica. 740
Herba vna alteram trahit & dispellit. 755
Herba membrum, cuius figuram referunt, sanant. 819
Herba mimosa quæ. 734
Hirundo marina ventum indicat. 770. *causa huius virtutis.* 771
Historia de Echneide falsa. 755
Historia originem monstrans spelunca Serpentum. 806
Historia cultriuari. 786
Historia de Tarantiacis. 868. 875. & seqq.
Heliotropiorum vis. 747
Horologia rusticorum. 732
Horologium ope heliotropiorum construere. 736
Horologium magicum. 740. *non est naturale.* 741
Humorum conglobatio vtrum fieri possit. 607. *fit in centro terræ.* 608. *impossibilis est in superficie terræ, secus in spatio imaginario.* ibid.
Hydrargyrum gauissimum. 651. *nihil grauius, & nihil leuius ipso.* 652. *appetit aurum vt materia formam.* 657
Hydrargyron coagulandi modus. 659
Hydrargyri mira vis. 796

I

I *Dea non sunt immediata causa virium occultarum.* 528
Ignis excellentia. 581
Imaginatiua vis causatiua variorum effectuum. 535
Incrementum vegetabilium. 625
Infantium monstra & signatio. 830
Infantum signationis causa. 835. bu.

ius ostensio ab exemplo statuae magnetica. 836
Influxus cœlestes. 529
Inquisitio rerum naturalium quomodo instituenda. 756
Insecta quomodo producantur ex arbore. 711
Insecta corpus è quo nascuntur appetunt. 637
Insecta cur ex putri nasci natura voluerit. 636
Insecta qua ratione arte producantur. 638
Insitionis varij modi. 706. 707
Instinctus animalium naturalis. 530. 756
Instrumentum balorrbæometrum. 686
Instrumentum ad currentes marium indagandos. 690
Instrumenta musica Tarantiacis præludi solita. 877
Intellectus omnia attrahit. 818
Intensio, & remissio soni à celeritate vel tarditate. 843
Inuentum nouum pulueris pyrei ex auro conficiendi. 622
Iris quomodo fiat, & pluuia sanguinea. 615

L

L *Acus Stygius vulgo Stigliano.* 802. *descriptio.* ibid.
Lapidum generatio. 626
Lapidis luminaris, siue Litheosphori signa. 662. *buius præparatio ad lucem imbibendam.* ibid.
Lapis luminaris quomodo includendus. 662. *quanto tempore luci exponendus.* ibid. *lucem conceptam in tenebris fundit.* ibid. *non trahit lucem vt naphta ignem.* 664. lux

TER TII LIBRI.

lux eius à nocti lucis differt. 665
 Lepus marinus cui membro obsit. 793
 Lex. 525. hydrargyri seu Mercurij
 natura. 650
 Lignorum quorundam vis admirabi-
 lis. 740
 Liquor terræ per quam transit, qua-
 litates assumit. 627
 Lex & amicitiarum. 712
 Loca saxosa & calculosa ad calcu-
 lum conferunt. 824
 Loti historia. 732
 Luminaria cur in diuersis quadran-
 tibus constituta mare non mo-
 ueant. 678
 Luna eandem habet in ecliptica lon-
 gitudinem, & à terra, & à Sole
 distantiam, siue moueatur terra,
 siue stet. 569
 Luna quomodo tempore nouilunij
 mare moueat. 682. 683
 Lunaria varia. 743
 Luscinia cur amet dumeta. 760
 Lusus elementorum. 596

M

M Achina pluuiarum artificia-
 lium. 613
 Machina ventorum artificialium.
 615. 622
 Machina ignearum impressionum.
 619
 Machinam construere vi repulsua
 aquas spargentem. 595. aliam vi
 attractiua idem præstantem. 597
 Machina hydraulica. 596. omnis ge-
 neris iocos exhibens. 600
 Machina magnetica Copernicanum
 Systema monstrans. 573
 Machina ad folles sustandos. 617
 Magnetis in medicis usus. 776
 Magnetismi triplex ratio in anima-

libus. 751
 Magnes omnia abstrusa enodat. 575
 Magnetismus non fit per effluuium.
 545
 Magni magnetis motus diurnus ex
 magnetis supra aquam librati cir-
 culari motu colligi non potest. 546
 Mare non mouetur, nisi Sol & Luna
 vel in eodem, vel oppositis quadrā-
 tibus constituerint. 689
 Maris æstus quamdiu singulis diebus
 duret, inuenire. 689
 Maris decrementum & incrementis
 sub qualibet Solis & Luna in Zo-
 diaco dispositione per instrumentis
 inuenire. 689
 Mathematica sola ex principiis falsis
 vera educit. 568
 Medicamenta extra Stomachum non
 actu operantur. 795
 Medicinæ reconditior pars quæ 818
 Medicamenta quomodo in Stomachis
 missa operentur. 795
 Medicamentorum simplicium diffe-
 rentia. 821
 Medicamenta attractiua. 789
 Medici authores Arabes. 775
 Mediterranei maris longitudo. 693
 Membra omnia, membrorumq; mor-
 bi suam curam habent. 826
 Membra omnia attractoria sui nu-
 trimenti. 817
 Membra animalium occulta vi mē-
 bra in homine analogæ respiciunt.
 823
 Mercurius cur subinde inter cortices
 arboris, & in cranio hominis repe-
 riatur. 728
 Mercurius incorrigibilis. 61. gau-
 det auro & argento. 651. inde-
 structibilis. 652. omnia coniun-
 git. ibid. appetit Solem. 653
 Metallum quo mons prægnans est, co-

N u n gno-

INDEX RERVM

gnosce ex constitutione plantarum. 726
 Meteora ignea qua arte fieri possint. 605
 Metamorphosis plantarum. 724
 Metamorphosis grauidarum. 830
 Metempsychosis quid? 789
 Mimosa herba. 734
 Mira eoliarum pilarum ope fieri possunt. 616
 Mirabilia quae lapidis phosphori ope exhiberi possunt. 666
 Mirabilis arbor. 706. 710
 Modus separandi argentum à materijs spurij in Peruvia usitatus. 654
 Mollia electrica non trahunt nisi consistentiam adepta fuerint. 649
 Montes glabri, & steriles metallorum plerumque feraces. 726
 Montis Stygij descriptio. 802. evaporaria eius. ibid.
 Morbus discrasia humorum est. 810
 Motus harmonicus mira causat. 536
 Mota terra hypothesein magnetico artificio exhibere. 572
 Motus omnis planetarum magnetica arte exhiberi potest. 575
 Motus coelorum tam diuersi non possunt esse à propria forma, sed ab intelligentia necessario sunt. 575
 Motus rerum leuium fursum non fit nisi per extrusionem iuxta Nouatores. 293
 Motus maris ex Borea in Austrum, & contra semestris. 669
 Motus maris ex ortu in occasum. 670. causa eius. 671
 Motus maris mensstruus. 672
 Motus currentium. ibid.
 Motus varij M. diterranei. 671
 Motus menstrui maris causa explicatio. 685

Mumia carnem humanam magneticè trahit. 825
 Mundi archetypon. 587
 Mundus chymicus in vitrea sphaera representatur. 611
 Mundi sublunaris productio à Chymistis confecta. ibid.
 Mundorum à se dependentia. 817
 Musca in electro sepulta relucet. 645
 Musica vis. 715. in quo consistat. 846
 Musica quas passiones animi maximè moueat. 848
 Musica cur non placeat in tristitia constitutis. 848
 Musicorum tonorum varietas magnam vim habet ad affectus concitandos. 848
 Musica instrumenta Taratiacis praeludi solita. 870. 871. & seqq.

N

N Apellas & Aconitum occidunt ob frigiditatem. 794
 Napelli flos figuram Cranij humani refert. ibid.
 Naphta quomodo ignem trahere decatur. 664
 Natura lusus in elementis. 598
 Natura coniugium. 668
 Natura in omnibus omnia affectat. 703
 Natura & artis mira vis. 804
 Natura prouida omnia cum proportionem disponit. 809
 Natura medica est. 809
 Nauis qua ratione à πρῆξις super aquam incedere possit. 604
 Nauigatio commodissima ex noua Hispania in insulas Philippinas. ibid.
 670. & contra. Na.

TERTII LIBRI.

Nauigantes in Mexicum currentibus feruntur. 672
Naues in medio cursu quomodo teneri possint. 764
Nibil nos alere potest, nisi id ipsa natura viuum fuerit. 793
Nitri vis. 616. & 622
Niuium causa. 615. *In borealibus partibus.* 616
Novatorum temeritas, & praesumptio. 550

O

Oceanus germanicus cur maximos aestus patiatur. 694
Odoratu omnia discernunt animantes. 757
Oleum benedictum chymistarum. 607. 611
Olea attractiua. 790
Omnia in omnibus sunt. 628. *certum locum in mundo amant.* 699
Omnia in mundo dissidio constant. 792
Opiniones variae circa musica vim. 843
Opinio Kepleri. 552. *multa absurda inducit.* 556
Opiniones variae de luce lapidis luminaris. 663
Opio quidam sumpto spelunca serpentum imponuntur. 805
Oppianus de torpedine. 765
Opticorum lex. 567
Omnia sunt in omnibus. 912
Orchides. siue Satyris genus foliorum hominis, apumq; figuram exprimentia. 730
Orbis seu Physae ventum indicantis magnetismus. 769. *descriptio.* ibid.
Organorum fistulas chordas quoque

sibi proportionaliter extensas mouent. 857
Origo lacuum, fontium, & fluminum. 634
Ortus & incrementum plantarum. 625
Ouorum coquendorum ratio. 584

P

Actum implicitum cum demone quid. 783
Peonia noctu lucere dicitur. 743. *comitialem morbum sanat.* 794
Palmarum mirus magnetismus. 719
Parasitica quia metallica Mercurij. 640
Paradoxon musicum. 860
Paradoxon in Tarantula obseruatum. 883
Partes singula certa se analogia respiciunt. 793
Paracelsi commenta. 788
Perpetuus fons artificialis. 598
Phantasia ad extra non agit. 831
Phlogiston quid, & eius proprietates. 894
Philolaus de nouo systemate mundi. 591
Philosophiam rerum miri effectus pariunt. 528
Philosophandi impunis licentia quantum fidei obsit. 539
Philosophia Mosaica author. 778. *altera eius sententia.* ibid. *unde multa inferuntur absurda.* 779. 780. *argumenta eius.* ibid.
Physica coelestis. 566
Pila Aeolia. 612
Planta iuxta varium mundi situm denominantur. 718
Planta e cineribus resuscitata. 661
Plantarum metamorphosis. 718
Planta cum caelo & astris consensu.

INDEX RERVM

rientibus, morbum siderium respi-
 ciunt. 822
 Plantarum sympathia cum membris.
 819
 Plantae floribus, semine, folijs, varias
 animalium partes referunt. 730
 Plantae utrum metallum magnetice
 trahant. 726
 Plantae patrium solum naturaliter
 amant. 719
 Plantae quomodo trahant nutrimen-
 tum materiae. 721
 Plantarum vis attractiua in quo cõ-
 sistat. ibid.
 Plantae varias qualitates hauriunt
 ex loco in quo nascuntur. 722
 Plantae unaquaeque eum humorem
 terrae attrahit qui naturae suae ma-
 gis fuerit consentaneus. 723
 Plumbi generatio. 626
 Pluuiarum causa. 613
 Pluuia naturalis productio. 613
 Pluuia artificialis. ibid. sanguinea.
 615
 Polypodium quomodo ex arbore pro-
 ducatur. 711
 Pondus telluris si magnes foret. 560
 Pororum constitutio variorum effe-
 ctuum causae esse potest. 534
 Potentiarum consensus. 817
 Pragmatica computus diametrorum
 & ponderis corporum coelestium.
 559
 Proportio rerum mira. 793
 Puella Tarantiaca non nisi explosio-
 ne bombardati curari potuit. 883
 Pulueris ferrei conficiendi ratio. 775.
 alia contra morbos lienis. 773
 Pyrei pulueris varij effectus. 626
 Q
 Quae arbores facile inserantur a-
 lijs arboribus. 705. 708

Qualitas subiecti. 534
 Qualitates prima & secunda insen-
 sibiles. 535
 Qualitates rerum quaeuis arboris ali-
 cuius fructibus induci arte pos-
 sunt. 709
 Qualitates contrariae in una & ea-
 dem re elucescunt. 792
 Qualitates medicinales specificae & a
 tota substantia. 791. ut per eam,
 seu conuersiua ad ventos. 769
 Quatuor elementa vasi inclusa, & in
 imaginario spatio colloca- ta, nouum
 centrum fundabunt. 589
 Quatuor elementa, qui per quatuor
 liquores impermixtibilis referri
 possint. 606. hi liquores ex unica
 substantia extrahi possunt. ibid.
 Quinta essentia quasi incorruptibi-
 lis. 816
 Quinta essentia rerum magnetica
 est. 826
 Quomodo tumor oppositus in absen-
 tia Lunae causetur. 651
 Quomodo medicamenta humores tra-
 hant. 790
 Quot sunt genera plantarum, tot eru-
 carum. 637
 Quot sunt luminarium motus, tot &
 in mari. 677

R

R Adiatione rerum naturalium
 virtutes agunt. 536
 Ranae piscatricis magnetismus. 767.
 descriptio. ibid. eius astus. ibid.
 Rarefactio & condensatio prima vis
 elementorum. 580
 Remora virtutis confutatio ex stati-
 ca. 763. ex magnete. ibid.
 Requisitum ad augmentum virtutis
 tractiuae musicae. 849
 Res

TERTII LIBRI.

Res sympathica & antipathica quomodo se moueant. 713
Res quomodo se alterent. 713
Res singula certum virtutis sue orbem habent. 712. 844
Res quaeuis per circulationē in quintam essentiam degenerat. 816
Rerum mira concatenatio. 624
Rerum omnium resolutio in quatuor elementa. 629
Rerum inuisibilium virtutes perfectae nullus mortalium cognoscere potest. 716
Rerum signatura. 819
Res quomodo agant. 828
Rhabdologia musurgica auctoris. 849
Rheubarbarum trahit flauam bilem. 796
Ros vires plantae cui insidet habet. 626
Rubecula & phœnicurus se amant, & cur. 761

S

S*agittæ plumbeæ motus continuatus eam liquefacit.* 584
Sanguis occisi ad occisoris præsentiam cur & quomodo fluat. 904
Sanitas crasis humorum. 810
Sapientia Dei forma rerum. 910. & seq.
Saxorum attractio ab Orpheo facta, quid notet. 841
Scammonij virtus. 798
Sancta Trinitas comparatur cum triplici vi magnetis. 908
Sclopi æolij constructio. 671
Selenotropia plantæ. 743
Semina scientiarum unicuique insunt. 527
Sena atram bilem trahit. 796
Sensuum ministerio omnis scientia

acquiritur. 527
Sententia varia de venenorum operatione. 797
Sephirotici influxus. 529
Serpens cur serpenti non contrariatur. 808
Serpentes pauonem oderunt. 760
Serpentes qui impune manibus tractari possint. 795
Serpentis corpus magneticum. 804
Similia & homogenea naturæ aliter intelligi appetunt. 656
Similitudo non temperamentorum, sed substantiarum est. 791
Simplicia illud membrum cuius figuram referunt sanant. 822
Socrates cur Torpedini comparatur. 765
Solisequiorum magna varietas. 732
Sol eandem longitudinem iuxta eclipticam eandem distantiam, & prosthaphæresin sortitur motu terre quam terre statione. 568
Sol in cælo patris, Luna matris officium exercet. 667
Sonus non est continuus, sed multis sonorum partibus compositus. 844
Spelunca Serpentum descriptio. 803
Specifica qualitas non à materia sed forma promanant. 791
Sphæræ triplicatam rationem habent suarum diametrorum. 559
Sphæra fluxum & refluxum maris ostendens qui construi possit. 681
Sphæra effluuiorum materialium. 712
Sponsa Solis & Luna. 747
Spiritus quomodo omnium animalium actionum organum sint. 834
Quomodo mouetur harmonia. 839
Spirituum vitalium mira vis, & eius munia. 834. & seq.
Stanni generatio. 626
Succi, decocta, humori alicui similia,

INDEX RERVM

lia, illum emendant. 823
 Superiorum corporum in inferiora
 vis mira. 537
 Superstitio Marbodæi. 777. Astrola-
 gorum. ibid.
 Surdis tuba mederi quomodo dici
 possit. 843
 Sympathie varia causa. 755
 Sympathie & antipathie quedam
 exempla. 753
 Sympathie & antipathie rerū. 753
 Symphyti proprietas. 739
 Sympathia chordarum motarum. 856
 Sympathia inter ouem & lupum fal-
 sa est. 862
 Systoles & diastoles ratio in corde. 601
 Systoles quid sit. 602
 Syrenis ossa sanguinem trahunt. 772

T

T Arantula vis. 714
 Tarantula brevis vite. 715
 Tarantularum varietas. 866. qui
 ab ijs infestentur. ibid. Etymon
 eius. ibid. Effectus varij ex mor-
 su eius. ibid. Remedia applicari soli-
 ta. 867. Gestus Tarantiacorum.
 868. Dissonantia magnum dolore
 ipsis infert. 870
 Tarantularum varia natura & pro-
 prietas. 880. ad musicam saltat ut
 homo ibid. quæ causa huius. 883
 Tarantella Musica symphonia. 872.
 & seq.
 Tarantismus. utrum à Tarantula
 vita dependeat. 878
 Tellus magnetica est nō magnes. 543
 Tellus si magnes foret, quot traheret
 ferri libras. 543
 Temperamentum hominum docent
 Thermoscopia. 587

Tepor lunaris causa dilatationis ma-
 ris. 677
 Terra non attrahit reliqua elementa
 magneticè. 590
 Terra omnium rerum seminarium.
 632. 635
 Terra insitam sibi vim producendi
 herbas habet. 716
 Thapsie proprietas. 739
 Thermoscopia quid? eorum constru-
 ctio, & usus. 586
 Theriaca quomodo venena pellat.
 810
 Theriaca, & elixir quomodo operen-
 tur. 808
 Theriaca & Elixeris vite differentia.
 808
 Theriaca hypostasis cur viperarum
 caro. 801
 Theorema de grauis & levis motu.
 592
 Thermoscopia. 585. construendi mo-
 di duo. 586. & eorum usus. ibid.
 totius vniuersi motus instrumēta
 docent. 587. item temperamentum
 hominum. ibid. & ventos rerumq;
 qualitates. ibid.
 Tonitru artificiosa productio. 620
 Tonorum musicorum numerus. 848
 Torpedinis magnetismus. 765. Eius
 vis stupefactiua. ibid. 766. & stu-
 pefactionis eius ratio. 766
 Trabendi ratio triplex. 639
 Tres differentie motus in plātis. 698

V

V Apores & exhalationes effe-
 ctuum mirabilium cause. 534
 Vapor παρτονοεφης. 626
 Variæ causæ sympathie, & antipa-
 thie. 532

Va-

TERTII LIBRI.

- Varia qualitarum occultarum diuifio.* 533
Varia vires ex varia mixtura qualitarum nascuntur. 822
Vehementia passionum causet varia. 536
Venena non agunt qualitatibus manifestis. 798
Venenorum varia genera. 799
Venenorum agendi ratio varia. *ibid.*
Venenosis animalibus attractio veneni naturalis. 800
Venenorum magnetes terrestres, aërij & aquei. *ibid.*
Venenum vnum quomodo alteri venenum esse possint. 807
Venenosa antidota suis venenis. 824
Venenum quomodo veneno prodesse possit. 800
Ventorum cause. 615. *varia.* 618
Ventus artificialis per aëlias pilas. 615
Ventorum varijs qualitatibus affectorum artificiosa productio. 618
Viperina caro sumpta quomodo operetur. 801
Virga alnina ad aquam latentem inclinatur. 728. & *cur.* *ibid.*
Viri veneniferi mira vis. 798
Vingule auriferae vtrum latentes venas auri, & argenti vi naturali monstrant. 726
Vires Simplicium quomodo cognoscantur. 821
Vis quadruplex inest elementis. 580
Vis attractiua elementorum. 580
Vis medicinalis quomodo arboribus implantari possit. 709. *quomodo somnifera & odores varij.* *ibid.*
Vis restrictiua sanguinis. 712
Vis lapidum quomodo operetur. 828
Vis cachas quid? 759
Vis cerebri, consensuq; cum reliquis membris. 833
Vis & munia Spirituum in homine. 836
Vis harmonie in omnibus latet. 841
Vis musica in animis hominum. 842.
morborum curatrix. *ibid.*
Viscosum animal subiectu sono proportionatum. 884
Viscus Aranei Indici loco fidium feruit. 885
Vnguenti magnetici confectio. 778
Vnguentum armarium non naturaliter agit. 782. *patetq; ex superfluitiosa circumstantia illius.* *ibid.*
non trahit metu vacui. 791. *vera ratio.* *ibid.*
Vnitas essentialis quid? 910
Vocis acuta & grauis quae causa in hominibus. 844
Voluntas Dei non est immediata causa virium occultarum. 528
Vtrum Terra, Soli, cæterisq; astris tam erraticis, quam fixis magnetica vis insit, & vtrum vnum alterum verè magneticè trahat. 538
Vtrum in sono aliqua vis sympathica sit, quae morbos fuget. 863

X

X Enxeton Paracelsi. 788

INDEX TERTII LIBRI.

Y

Z

Y Δεσφοβοι qui.
 Υδροβοφία quid.
 Υδρομαγνητισμος.
 Υγρεπλαstrum quid.

887
 ibid.
 667
 775

Z Inziber patrium solum amat.
 718
 Zoomagnetismus quid.
 Zoroaster.

751
 538

Epigramma Hieroglyphicum.



Nota ad Lectorem.

Cum in ultima foliorum iam impressorum recognitione non sine animi dolore plures opinione mea, eosque nec leues errores Typothetis irrepsisse comperissem; summo sane labore omnes & singulos collectos, hic subiungere volui; ne in locis vitiosis perplexus & anceps, quod in opere ita vario facile contingere posset, haberet Lector; sed vel ex hac tabula sua perfecti libri restitueret valeret. Leuioribus vero quibusdam alijs .s. interpunctionis, peritum Lectorem remorari non posse confido. In errorum igitur loca sequentia substitues.

Primus numerus paginam. Secundus lineam paginae significat.

Pag. 1. 24. forsan. 2. 1. inuentore appellant. 3. 22. adeo. ibid. 29. plebeos. ibid. 35. derelictum. 4. 15. est. 5. 36. causa. 1. 3. venas magneticas. 12. 6. ferrum. 13. 5. qua. ibid. 23. ferri continent. 14. 6. videmus causentur. ibid. 13. Lithanthracis. 15. *ult.* imbutam esse. ibid. ibidem. possit. 16. 23. libris. 17. 9. innumera. 18. 3. quod. 19. 7. patina. ibid. 10. lugere. ibid. 22. electricis corporibus. 21. 35. Casleu. 23. 19. Hieropolitano Dea Syria. 25. 6. curru. ibid. 8. Medea. 26. 11. dextra. 27. 31. prater ea. 28. 10. deprecatur. 30. 8. Ausser imbricus. ibid. 36. chaldaea. 31. 15. Nubiana. ibid. 18. Imo. ibid. 20. acus. 33. 3. Rogerius. 32. 18. Dithmari. 38. 12. vero. *dele.* 43. 25. Aequatori. 44. 12. abdita nobis. ibid. 13. in sequentibus. ibid. 27. potest. 46. 7. quae. ibid. 18. nullam. 47. 31. praecipitium. 48. 16. parallelas. 49. 28. in Zona torrida, in frigida. ibid. 33. vinculo tellaris. 50. 23. torquet. ibid. 26. nutatio. 54. 8. quae. ibid. 12. eum vertendum. ibid. 18. vniuersi. 56. 22. vide in. 57. 35. reperiantur. 60. 27. quae. 63. 12. Philosophorum. 64. 24. quam. 65. 7. quae. 66. 27. accedunt. ibid. ibid. coniunguntur. 69. 1. serie. ibid. 2. concatenatae. 73. *ult.* excrementis. 74. 24. eueniet. ibid. 26. Austriano B. 77. 14. quae. 78. *ult.* aliaque res. 79. 3. a quo. ibid. 14. se conferet. ibid. 27. omnino. ibid. 32. animae. 81. 6. ferreae. ibid. 9. eorum. ibid. *ult.* eorundem. 83. 15. quare enim. ibid. 18. F. L. 85. 2. cuiusmodi. ibid. 10. quae. 87. 18. ea. 89. 19. tunc. 91. 1. iam de e. ibid. 2. & non. ibid. *ult.* acu. 94. 34. milliariu. 96. 19. summitatum. 97. 34. medium. 99. 16. ex his. ibid. 20. quae. ibid. 22. alteram. 100. 8. qua. 107. 23. ceu. 114. 3. an extra. ibid. 24. nullum. ibid. 35. commoraret. 115. 1. hos. 116. 7. vi vix. ibid. 30. secundo. 118. 6. chimistarum. ibid. 8. omnium penetratius. ibid. 11. aut certam. ibid. 15. semper. 10. 15. serie. ibid. 31. insolentis. 120. 27. quarum. 121. 27. reddunt. 122. 3. attractum. ibid. 16. quae *dele.* ibid. 32. Struthiocamelus. 125. 1. conformabunt. ibid. 6. oblongum. ibid. 21. sit. ibid. 24. tracta. ibid. 30. habeat. ibid. 36. nullam. 127. 9. effusus. ibid. 35. ad ferrum. ibid. 19. eum. 131. 2. tardius. 134. 20. item. 138. 10. speciei. ibid. 14. librum. 140. 13. A. D. 143. 28. remotior. 145. 32. currat. 148. 5. ambae. ibid. 13. conspirent. ibid. 22. confluunt. 153. 3. fecatur. 156. 6. id se. ibid. 17. illa *dele.* 158. 10. nulla. 159. 12. efficaciam. ibid. 29. superasse visa est. 160. 19. ferreas. 161. 8. ferra quadam. 162. 5. contactus. ibid. 6. ibid. 19. ex cuspidis simili virtute. imbuta, quae. ibid. 23. vnitione & ibid. *ult.* cum *dele.* 163. 26. meridiani elaboratum. 165. 14. eo. 168. 33. habeat. 169. 23. sic. 171. 9. aqua. 173. 9. eadem. 177. 12. repurgato. 178. 3. aequidistant. 182. 7. arti. 183. 1. ferantur. ibid. 24. quemcunque. 186. 11. existens. 187. 11. iterum ex G. 189. 1. latere. 195. 2. poli. ibid. 4. hic Romae *dele.* ibid. 6. holce hic Romae. ibid. 8. disti. ibid. 13. altitudo. ibid. 27. Astronomica. ibid. 10. assignabunt. 197. 5. quem. 199. 30. 4436. 201. 1. 4. 205. 30. earum. 207. 1. ducta. 211. 21. eadem. 212. 15. remanet. 230. 4. probi. 11. 235. 15. apertur. 258. 20. profunditatem. 272. *ult.* parallelam. 287. 17. A G. quae. 327. 29. actu. 328. 27. volunt. 329. 3. vt pose qui. 334. 17. mora. 340. 29. quicquam. 348. 5. deferentis A, altera Epicycli B motum mensuret, adhibitis: cum Cylindrus um magnete prater motum orbis deferentis A proprium. 349. 11. iplo. 352. 2. in. ibid. 16. receptaculi. 359. 15. leui. ibid. 19. vtrique. 360. 19. suo. 362. 4. tangit. 363. 7. exposito vase ad Solem. ibid. 9. hinc inde. 371. 12. execrandas. 381. 10. & ne reliquum. ibid. 22. malefactorum. ibid. 21. & salacibus. ibid. 31. pura. 382. 31. signet. ibid. 34. range. ibid. 35. eas iterum. 383. 13. effectum. 384. 4. assumunt. ibid. 17. quas. ibid. 28. imposturas. 385. 5. qui. ibid. 8. hora mercurij. ibid. 12. confectio. liquefient *dele.* ibid. 23. eos. 386. 15. assimilatur. ibid. 18. parcius. ibid. *ult.* plebeis. 388. 16. lacerula. 389. 1. d. ferre. ibid. 18. aut *dele.* ibid. 18. 3. pluribus. 390. 21. campestris. 391. 10. externo. 392. 2. erat & c. ibid. 4. deduci. ibid. 5. deductum. ibid. 7. annumerandum. 396. describes. 394. 2. 6. 7. deduci. deducta; deducere. 400. 33. elenata. 409. 2. sua C. 411. 3. altero. ibid. 5. ex L. 412. 18. vero. 413. 13. 16. B P. per P. per P. 415. 11. 12. Tabulae conficienda. 417. 5. qui ex simul iunctis. ibid. *ult.* inclinationis. 421. 9. altera quot illa. ibid. 31. aequilibratam. 424. 18. instrumento. inclinatore. 425. 8. alium. ibid. 10. quem ibid. 16. inclinationum instrumento. 426. 17. quot apud. 427. 19. ea. 428. 28. indicat. 429. 5. illuc. ibid. 19. pedetentim. ibid. *ult.* quod. *dele.* 430. 31. praberent. ibid. *ult.* productum. 435. 19. mari & lin. 22. mari. 436. 17. esse. ibid. 28. Melita 438. 34. de earum. *ult.* inconcusum. 439. 6. variatio latitudo. 455. 33. iterata. 457. 23. quae singulari, quae *dele.* ibid. 460. 5. quacunq; ibid. afflicta fuerit. ibid. 29. magnetis. 461. 6. quas. 462. 26. ex qua. 464. 2. vix. 468. 2. ego I. 18. quidem. 469. *ult.* mineis. 470. 2. remoueri elicit. ibid. 24. declinationis ibid. & reliquis. ibid. 32. intelligendam. 471. 12. flu.

11. frustra. 472. 8. facta. 473. 31. petito. *ult.* de cuius. 474. 28. quiescentem. 475. 5. X M. 477. 35. vitio. 479. 32. fufius. 480. 16. mobilitatem. 1. 34. fed eos. 483. 26. errorum. *ibid.* 30. velle. 484. 36. naturalium recuperat. *ibid.* affectabit. 491. 1. Nonius. 1. 5. vitro. 4. 21. 17. Melaficus 493. 4. L'este 495. 4. quibus. 496. 36. graduum limbum. 500. 16. dioptris. 501. 21. dexter. 504. 26. Indagare possis. 506. 17. distantias. 511. 35. opusculo. 522. 11. elongatur. 526. 28. rebus. 527. 9. Spectrorum. 529. 5. incorruptibiles. *ibid.* 14. fit. 530. 16. quadam. *ibid.* 34. umbratilis. 531. 19. *ibid.* *ibid.* 33. abditam. *ibid.* *ult.* quadam. 537. 21. sub-lunarium. 538. 2. aliosq; 540. 10. quiq; *dele.* *ibid.* 2. polos. 549. 15. per primariam. 551. 11. praposteri. *ibid.* 30. hic. 55. 3. phenomena. 6. confutari. 15. vorticis. 17. magneticorum. 569. 7. esset. 9. disponderet. 580. 10. assimilatiua. *ibid.* 29. praevalente. 588. 27. fit. 59. 27. demonstrari. 608. 11. imperium. 602. 7. dilatatione. 606. 36. orbe. 618. 3. alijq; 630. 26. trigonum. 31. ap. positionem particularum. 637. 1. pro-spectif. 26. strato. 641. 28. attractiua. 700. 1. ita ad. *ibid.* 34. comperia est. 701. 27. plenius. 702. 7. cura-uerint. 703. 2. parte. 703. 4. elliptica fibra. *ibid.* 14. reuertamur. 704. 24. quidem. 705. 4. fragrans. 19. promiscue. 700. 9. vinaceis. 33. facta. 707. 12. quod in. 26. nuncupatur. 710. *ult.* variasq; 711. 28. putri-darum. 714. 34. Tarantula. 716. 34. vita. 717. 1. Caput III. 22. mistura. 719. 16. Mentha. 721. 13. pabu-lum, & paulo post incorporer. 731. 24. Caput I V. 74. 24. Caput V. 753. 6. aliquid. 755. 17. profequa-mur. 769. 30. pisciculorum. 769. 8. obseruatus. 776. 20. celiacis. 781. 2. producit in. 780. 11. passum intra. 784. 6. refectia. *ibid.* 17. euaporandam. *ibid.* 21. necem. *ibid.* 26. cauere. 787. 3. repositi. *ibid.* 5. paucatum. *ibid.* 23. consilio. 789. 3. humores. 794. 6. quæ certas. *ibid.* 22. copiosa arundinem. 798. 3. interimant. 800. 1. habeat. 80. 1. attrahunt. 804. 7. eas. 807. 8. fieret. *ibid.* 24. filum. *ibid.* 26. exani-masse. *ibid.* 29. tactu. 809. 2. in temperie. 810. *ult.* sumptus. 812. 13. vires. 814. 5. possit. 8. 7. 26. quot. 822. 7. viscositas. 8. 4. 2. naturæ. 826. 13. cardus benedictus. 830. 17. pragnantibus. *ibid.* 23. indelebi-lem. 832. 6. immanentes. *ibid.* 30. effectuum. *ibid.* 36. aguntur. 833. 1. communicantur. 838. 33. edit. 839. 10. dissimilis. *ibid.* 12. obiectos. *ibid.* 15. sunt. *ibid.* & testatur. 841. 36. audiret. 842. 35. medicatus. 849. 22. & ex. 850. 24. commoueat affectus. 885. vt 8. ad 9. *ibid.* Hexachordum. *ibid.* supertripartiensi se-cundas. 856. 34. concitatione moueri. 870. 5. varia. 872. 1. quas. 879. 9. à Tarantula. 880. 29. in hac. 885. 8. viscus. 891. 2. Tarantularum. 883. 36. venatici. 895. 26. earundem. 900. 4. dictum fascinum. 901. 23. hoc enim fascinum. 904. 26. infensiles. 905. 1. desinere. 907. 13. concatenatione. 908. 11. quæ DEO. *ibid.* 34. quod habet. 910. 6. conuersioni mentis. *ibid.* 26. affectant. 911. 3. in ipsa. *ibid.* 18. ita habet spiritus. *ibid.* 22. motus ex. *ibid.* 26. omne in figura. 97. deest linea A B. tangens sphaeram in G. pag. 281. 24. Ellipticos.

*Caterum occurrentes errores in notis marginalibus,
sedulus Lector ipse sibi corriget.*

Græca sic corrige.

22. 8. Μάγνητος. *ibid.* 29. λίθος. 24. 4. Ηρακλῆαν. 105. 22. Αβ. 173.
24. κεντροβαρυκῶς. 208. 17. παράδῳμα. 525. 26. δυνάμει. 551. 22.
ἀλαζονείας. *ibid.* μασίξ. 627. 3. παντοῦργος. 65. 19. πανσπερμία. 783.
28. νόσων. 830. 18. κίτῳσαις. 837. 14. κίτῳσα.

REGESTVM

a b A B C D E F G H I K L M N O P Q R S T V X Y Z.

A a B b C c D d E e F f G g H h I i K k * L l M m N n O o


P p Q q R r S s T t V v X x Y y Z z.


Aaa Bbb Ccc Ddd Eee Fff Ggg Hhh Iii Kkk Lll Mmm Nnn.


*Sunt omnes duerniones præter K k, quod est f. lium simplex,
& N n n, quod est folium cum dimidio.*


Ann. 1641.) die Maij.)
* Ann. 1691.)


Editus hic Liber in lucem, ipsa * qua editus Author
Luce, decem Tauri Sole meante gradus.




























PLANISPHERIVM MAGETICVM VNIVERSALE


fol. 280.



אם לצורך לדע נפלאות השמים
 דכישמש ירח וחכוכבים
 הנה כל כלים נחמד לענין
 נודמים מעולם לא נשמעים



RETE MAGNETICVM



PISCES PISCATOR, VOLVRES INDVSTRIVS
RETIBVS ASTRONOMVS SIDERA FIXA RAPIT








Fig: 5

Col: 286











fol. 224.

Conspirant Lux, Umbra, Index magne-
ris in Horas. Textilis hoc uario stamine Vita
Fugit.



Η Σκιά φάσς τρέχει ὑποδύμενος ἐτρεχενσφρη-
όστας ἀνδρομέης πάντα τρέχει βίς.





Luminis Umbra fugax, fugitui luminis Index
 Quod rapit est certum, quod docet ambiguum.




vzielides Chald. Paraphr


וידנה שמשא ביממא כז סטר מרגה ועאל
 לסטר כנער בא ולאתרח שאים לארח תחומי
 ודנה לסטר מאתר דחוא דנה מתמז מאתמל









كل من يعرف السلسلة التي يلق بها العالم
العالى مع التختى هو يعرف كل اسرار الطبيعة




♈ ♎ ♊
♋ ♌ ♍
♉ ♏ ♐
♈ ♎ ♊

IGNEA
TERREA
AEREA
AQVEA






ابن مفضل اولاد و طالع و سنة
 و اولاد سنة قبل اولاد و طالع و سنة



Prætereunt tacto Pede tempus, et annus, et ætas
 Vivitur Ingenio Cætera mortis erunt.




Ascend.

Desc.

In medio celi

In imo celi

♈	♈	♈	♈
♉	♉	♉	♉
♊	♊	♊	♊
♋	♋	♋	♋
♌	♌	♌	♌
♍	♍	♍	♍
♎	♎	♎	♎
♏	♏	♏	♏
♐	♐	♐	♐
♑	♑	♑	♑
♒	♒	♒	♒
♓	♓	♓	♓




Ascendentia


Descendentia

In medio celi

In Angulo terre

♈	♈	♈	♈
♉	♉	♉	♉
♊	♊	♊	♊
♋	♋	♋	♋
♌	♌	♌	♌
♍	♍	♍	♍
♎	♎	♎	♎
♏	♏	♏	♏
♐	♐	♐	♐
♑	♑	♑	♑
♒	♒	♒	♒
♓	♓	♓	♓







Clepsydra AB
 epistomium superius D
 Spiraculum C


Epistomium inferius E
 Incubus F
 Cylindrus M

Magnet N
 Pondus G
 Diaphragma DC



Horoscopium Vniuersale
Horas Italicas Babylonicas, Astronomicas Planetarias
Solo motu Sympathico Magnetis exhibens.






HORARVM

ET REGIMINIS

HOROSCOPIVM


PLANETARY









Index

Magneticus


Solis
 Lunę
 Martis
 Merc.
 Iouis
 Vener.
 Saturni










Astrolabium Magneticum




Nosse cupis uarios Solis lunæq labores
 Aspice quid Cyclis Ferrea signet acus




















COLUMBA
magneticaARCHITÆ
arte exhibita

Cum studio ΑΘΥΑΤΕ uolat ecce Columba per orbem.
Non rota, nec uentus, Sed lapis urget opus.





Fig. 19


Sciatericon Anaclasticon Magneticum siue per refractionem horas demonstrans fol. 362.





Fig. 18

Dedali statue magnetico-catoptrico artificio exhibita

















I MACHINA MAGNETICA
CRYPTOLOGICA


fol: 392.












ΩΡΟΣΚΟΠΙΟΝ

ΕΛΙΟΤΡΟΠΙΚΟΝ

fol. 739






Py 27

Antidotum Tarantula

fol. 874





*Tarantula siue Phalangy
Apuli vera effigies*


*Inferior pars Tarantula uentrem
exhibens*

*Superior pars dorsum Taran-
tula exhibens*

Musica sola mei superest medicina Veneni







1843

1614

4892929

83714

